


**COMPENDIUM
THEOLOGIAE
DOGMATICUM;
UBI PRAETER...**

Andreas Essen, Johann
Hoornbeek





14

24

1

M6

Xl. 10. 10.

K. 10.

COMPENDIUM
THEOLOGIÆ
DOGMATICUM;

Ubi præter Explicationes theticas, & Assertiones
Scripturarias, in Controversiis vera sententia passim
confirmatur Argumentis, ad certas & pau-
cas Classes revocatis:

Præcipuæ Adversariorum Exceptiones atque Objectiones
clare proponuntur, & solvuntur;

Usus autem Practici suis locis etiam adscribuntur.
Sic in usum Collegiorum editum,

A B


ANDREA ESSENIO,

SS. Literarum in Eccles. & Acad. Ultr. Doctore.

Editio secunda.

Fini adjecta est

JOHANNIS HOORNBEEKII
METHODUS CONCIONANDI.



TRAJECTI ad RHENUM;
EX OFFICINÂ FRANCISCI HALMA,
Academiæ Typographi Ordinarii.

clo lpc lpc Lxxxv.

Augustinus lib. 1. de Trinitate, cap 3.

Quisquis hoc legit, ubi pariter certus est, pergat mecum; ubi pariter hæsitat, quærat mecum; ubi errorem suum cognoscit, redeat ad me; ubi meum, revocet me. Ita ingrediamur simul charitatis viam, tendentes ad Eum, de quo dictum est; Quærite faciem ejus semper. -- Utile est, plures (libros) à pluribus fieri diverso stylo, non diversâ fide, etiam de questionibus eisdem; ut ad plurimos res ipsa perveniat, ad alios sic, ad alios autem sic.

Ornatissimis Viris - Juvenibus,
S. MINISTERII CANDIDATIS
dignissimis, &

S. THEOLOGIAE STUDIOSIS

*strenuissimis, magnam Ecclesiae expecta-
tionem sustentantibus;*

*Aliisque, Veritatem, quæ secundum Picta-
tem est, ferè amantibus;*

Auditoribus dilectissimis,

Lectoribus benevolis;

ευχαριστη !



Spectaculum non minùs jucun-
dum, quàm multis nominibus
utile, exhibent Artifices: qui
suis Tabulis accuratè delineant,
& quibusvis facili intuitu lustrandum præ-
bent, universum hunc, quem calcamus,
orbem: ejusque zonas & climata, cum
suis regnis, provinciis, ditionibus, omni
continente, insulis, peninsulis, promon-
toriis, urbibus celebrioribus, &c. nec
non tractus maris, freta, flumina, &c.
quin etiàm, quicquid in singulis majori
admiratione dignum occurrit, annotant
eàdem operâ. Hæc illi copiosius præ-
stant suis Globis & Mappis grandibus,
mul-

AD LECTOREM.

multùmque diductis : verùm frequenter, si non eadem omnia, saltem præstantissima quæque, iidem exiguâ & valdè contractâ formâ exprimunt; qui posterior modus, ut spectantium oculos oblectare ac blandè pascere solet, siç usum quoque multiplicem habet procul dubio. Similiter in Facultatibus, Scientiis, atque Artibus tradendis, interdùm prolixiores & locupletiores sunt earum Auctores; aliàs etiàm sunt breviores. Ubi verò sic brevitati litatur, ut sedulò evitetur obscuritas; atque adeò paucis quàm plurima dicantur, & aptè; *Compendia* minimè sunt *Dispendia*: sed, *Margaritarum* instar, in minori corpore majus pretium habent. Nunc de instituti nostri ratione clariùs dicam. Antehàc tùm publicis Disputationibus, tùm aliter, tribus tomis edidi *Systema Theologiæ dogmaticæ*: ubi initiò quidem majorem mihi proposueram brevitatem; postea tamen in progressû, specialibus quibusdam de causis, quæ subindè digressiunculam, aut pleniorẽ explicationem requirebant, aut suade-

AD LECTOREM.

suadebant , præter opinionem prolixior factus sum. Multi interim isto opere feliciter usi sunt , atque ex eo se plurimum (Deo benedicente) profecisse agnoverunt. Sed in subsidium memoriæ suæ aliquetiàm *Compendium* inde sibi confecerunt. Quin & non neminem in animo habuisse , talem quem conatum suum publici juris facere , per alios rescivi. Accessit , quod Exemplaria primi tomi illius *Systematis* sic ferè distracta essent , & vix apud Bibliopolas comparari amplius possent ; unde minus commodè ad istud opus haberi deinceps potuerunt privata nostra Collegia dogmatica. Sed & , ratione prolixitatis & copiæ , nonnulla passim istic omitti debuerunt ; ne nimis diù protraherentur dicta exercitia. Animum propterea induxi , ex diligentioribus atque exercitatoribus nostris Discipulis quatuor deligere , eosque adhortari , ut operam suam hâc in re mihi , & communaliorum utilitati commodantes , singuli quinque *Systematis* illius capita contraherent : quod cum illi fecissent strenuè ;

* 3

ego.

AD LECTOREM.

ego deinde mutanda mutavi, superflua resecui, & omiffa fupplevi. Ità confectum eft hoc *Compendium Theologiæ dogmaticum*: quod fic facilius abfolvetur in Collegiis explicatoriis & examinatoriis, vel etiàm difputatoriis; & Studiofi ex eo commodius fe præparabunt ad interroganda. Perfpicuitati autem in omnibus, quoad ejus fieri potuit, operam dedi: fic præcipua, & utiliffima quæque, hic exhibui. In *Controversiis veram ſententiam* diſtinctis aliquot *Argumentorum claffibus* probatam dedi: *Exceptiones* vero & *Objectiones* Adverſariorum, quibus per Occupationem crypticam, indicatis tantum *Fontibus ſolutionum*, prius obviàm ibatur, nunc etiam propoſui diſtincte; iisque *Reſponſiones* ſuas ſubjeci: quemadmodum *Uſus præcticos* ſuis identidem locis quoque annotavi. *Indicem* petierunt nonnulli, aut *lemmata* ſaltem *marginalia*: ſed eorum vicem præſtabunt ſatis *Argumenta*, quæ ſingulis *Capitibus* præponuntur. Interim qui prolixiorẽ ac pleniorẽ alicubi tractationem à me requirunt, dictos illos *Systematis*
tomos

A D L E C T O R E M.

tomos cum hoc *Compendio* utiliter conferent privatim. Imo neque cuiquam quorumvis Theologorum Clariss. *Institutiones, Systemata, Synopses, Medullas, Ideas, &c.* è manibus excuti velim. Bonum bono additum, facit majus bonum. Incipientibus quidem utile est, non distrahi per nimis multa & varia: sed provectiores, quibus nostra in usû etiàm sunt, serio exhortor, ut ea ex aliis supplere, atque, ubi forte opuserit, corrigere annitantur sedulò. Ego intereà temporis, adspirante clementer DEI gratiâ, pergam κατὰ δύναμιν in elaborando *Systemate practico*; quod publicis etiàm Disputationibus proponi cœptum est: & partem *Systematis dogmatici* priorem ad iteratam editionem præparare conabor; aliaque, quæ vobis publicè profutura spero, pro infirmitate meâ (sed potentia Domini per infirmitatem quoque consummatur) aggrediar, εἰν ὁ Κύριος ἡμῶν ἡγήσῃ καὶ ζήσωμεν. Magnus autem ille Pater luminum, fons omnis sapientiæ salutaris, DEUS, & Dominus noster JESUS CHRISTUS, vera illa Lux & Vita, i-

AD LECTOREM.

demque Princeps pacis, Spiritu suo ducat vos per orbitas sapientiæ, sanctimonix, & charitatis; atque in veritate sua sanctificet; Studia denique vestra, omnesque in iis labores, ad multorum ædificationem salutarem, sui que nominis sanctissimi gloriam sempiternam, dirigat ac gubernet! Sic spero, & voveo qui

Dabam Ultraj. in museo meo, ipsis Kal.
Octobr. A. D. cId Id c Lxviii.

Vester in Domino;

ANDREAS ESSENIUS.

COM.


COMPENDIUM THEOLOGIÆ DOGMATICUM.

C A P U T I.

De Naturâ Theologiæ.

De vocis origine & usu. 1. Descriptio rei. 2. Distinctio, ratione subjectorum. 3. Theologia ipsius Dei. 4. Quæ ejus objecta; atque inde quatuorplex. 5. Theologia creaturarum intellectualium. Ejus causa constitutionis, & acquisitionis prima. 6. Theologia eccl̃yia, quatuorplex. 7. Theologia unionis. 8. Theologia visionis. 9. Quæ isti opposita. 10. Theologia revelationis, quæ; & quatuorplex. 11. Naturalis. 12. Qualis ante lapsum. 13. Qualis post lapsum; & quatuorplex. 14. Congenita. 15. Probatum contra Socinianos. 16. Acquisita: per Argumentationem, explicatur; & probatur. 17. Per Institutionem. 18. Solvuntur Objectiones. 19. Naturalis, quomodo bona, vel mala. 20. Per se non adversatur Supernaturali. 21. Quousque pertingat, vel non. 22. Non sufficere ad salutem consequendam; neque adeo dari communem Religionem. 23. Solvuntur Objectiones. 24. Pseudotheologia Gentilium, unde; & quatuorplex. 25. Theologia supernaturalis. 26. Revelatio extraordinaria, qualis: & quæ illi opposita. 27. Quando potissimum data. 28. Ordinaria. 29. Theologiæ nostræ causa constitu-

stitutionis instrumentalis. 30. Objectum ejus, tum *primarium*, tum *subordinatum*. 31. Quomodo Deus agnoscendus. *Elementa doctrinæ Christianæ*. *Articuli*, tum *Catholici*, tum *Theologici*. 32. Quomodo Deus colendus. 33. Quibus *partibus* Religionem complectantur *Soci-niani*; quibus *Remonstrantes*. Theologiam nostram non esse merè *speculativam*. 34. Objectum ejus *secundarium*, sive *directionis*. 35. *Subjectum* quo; & *quod*. 36. *Finis summus*. *Subordinatus*. *Eventus per accidens*. 37. *Beatitudinis nostræ* in hac vitâ *caput*. 38. Quæ inde *scaturiant*. 39. Theologia verè *Θεολογία*, καὶ *Θεεργία*. 40. *Beatitudo consummata* post hanc vitam. 41. *Media Theologiæ feliciter consequenda*. 42. *Repugnantia*. 43. *Distributio*. 44. *Praxis*. 45.

I.  *Heologia* Grammaticè deducitur à voce paronymâ *Theologus*.

Ista, aliaque vocabula similia, *Gentilibus* olim usurpata, *Doctores Christiani* jure in usum suum traduxerunt; rei significatae veri ac iusti, *Deo* dante, possessores. Huc pertinet *Inscriptio*; Ἀπαλυσίς Ἰωάννης ἡ Θεολόγος: quoniam iste *Apostolus* de *Deo* accuratissimè disseruit; καὶ Θεόπαις ἡ Λόγος, contra *Ebionem*, *Cerinthum*, eorumque sequaces singulari zelo asseruit.

Simplicia, *Θεός*, & *Λόγος*, vel τὸ Λόγιον, etiàm conjunctim in *SS. Literis* occurrunt sæpius: *Joh. I, 1. Θεὸς ἦν ὁ Λόγος*. *Apoc. XI, 13. ὁ Λόγος ἔστι Θεός*. εἰς διαφύλαξιν καὶ ὑποστήκας, de ipso *FILIO DEI*. Sed &

& 1 Theß. II, 13. Hebr. IV, 12. ὁ λόγος ὁ Θεός. Rom. III, 2. Hebr. V, 12. 1 Petr. IV, 11. τὸ λόγια ὁ Θεός. προσφωτισ, de Verbo, aut Sermonibus DEI ad homines.

II. Ut cognoscatur quid rei sit, Theologia in universum describitur, Sapientia de DEO.

Generis instar dicitur Sapientia: hæc enim habitum intellectualem augustissimum notat; eumque non modo theoreticum, sed etiam practicum. Ità quæ nunc Philosophia appellatur, & ex parte practica est, olim Σοφία, h. e. Sapientia, vocatur. Et præit S. Pagina, Deut. IV, 6. „Custoditè ergò, & facite; quia ea est sapientia vestra, &c. Col. III, 16. „Sermo Christi in, habitat in vobis copiosè, cum omni sapientiâ. Vide etiam Psal. XIX, 8. Luc. XXI. 15. 2 Tim. III, 15. Jac. III, 13, 17.

Differentiæ locum obtinet ipsum objectum: Deus: sic tamen, ut omnia, quæ ad Deum spectant, quatenus talia sunt, comprehendantur. Joh. XVI, 3. „Hæc est, autem vita æterna, ut Te cognosceant, illum solum, verum Deum; &, quem misisti, Jesum Christum. Rom. XI, 33, — 36. „O profundas divitias, tum sapientiæ, tum cognitionis, Dei! Quàm imperscrutabilia, sunt ejus judicia: & ejus viæ impervestigabiles! Quis enim cognovit mentem Domini? — Nam ex Eo, &, per Eum, & in Ipsum (sunt) omnia. Ipsi (sit) gloria, in sæcula! Amen.

III. Ratione subjectorum, vel quasi, dicitur, tum Theologia ipsius Dei; tum Creaturarum intellectualium. Matth. XI, 27. „Nemo novit Filium, nisi Pater: neque, Patrem quisquam novit, nisi Filius; & cuicumque voluerit Filius Eum retegere. 1 Cor. II, 10. 11. „Nobis, autem Deus (ea) revelavit per Spiritum suum. Spiritus enim omnia scrutatur; etiam profunditates Dei. — Etiam ea, quæ sunt Dei, nemo novit, nisi Spiritus Dei.

Psal. xciv, 9, 10. „An, qui plantavit aurem, non au-
 „diat? An, qui finxit oculum, non videbit? - An, qui
 „docet hominem scientiam (non cognoscet?)

IV. Theologia ipsius Dei est, quâ Deus seipsum co-
 gnoscit convenienter Naturæ suæ.

Hoc est, 1. *Independenter*; per Essentiam suam: ut
 hæc sit ἀδιδάκτῳ.

2. *Simplicissimè*; actû purissimo: ut sit ipse idem
 ὁ Θεολόγῳ, τὸ Θεολογούμενον, καὶ ἡ Θεολογία.

3. *Infinite*, & adæquatè, ipse igitur sese cognoscit,
 ut absolutè cognosci potest.

1 Tim. i, 17. „Soli sapienti Deo honor (sit). &c.
 Psal. cxlvii, 5. „Intelligentiæ Ejus non est numerus.
 Confer allegata th. 3.

V. Deus autem cognoscit primò Essentiam suam,
 cum Attributis, & Personis: atque in Attributis no-
 minatim Sufficientiam & Potentiam; quæ est princi-
 pium Possibilitatis omnium Rerum Possibilium, cum
 Affectionibus Possibilibus. Hactenus est Theologia Dei
 naturalis & necessaria.

Deindè sibi conscius est Decreti sui; atque omnium
 eorûm, quæ ipse Decreto suo constituit, tum de aliis,
 tum speciatim de Creaturis intellectualibus: imò e-
 tiam, quibus modis ac gradibus communicare iis velit
 notitiam Sui. Sapientissimè enim operatur παντί τῆς
 καὶ δημιουργὸς ὁ Θεός; Hebr. xi, 10. Unde Act. xv,
 18. „Nota sunt Deo ab (omni) ævo omnia opera sua.
 Hæc dicitur Theologia Dei libera; ratione objectorum.

Ex dictis patet, quòd speciatim in Deo sit Theologia
 ἀρεχέτωσ; prima & verissima idea omnis Theolo-
 giæ in Creaturis intellectualibus.

VI. Omnis Theologia Creaturarum intellectualium est
 ἐκπρωσ; ad ideam istam, juxta Dei decretum, in
 tempore expressa, & Creaturis illis imprimendò com-
 municata. Col. i, 11, 10. „Renovatur in agnitionem con-

„gruentem imagini Ejus, qui ipsum condidit.

Ejus igitur universæ causa constitutionis principalis unica, & acquisitionis prima ac suprema, est ipse Deus: aliàs Theologia $\Psi\epsilon\upsilon\delta\acute{\omega}\nu\mu\omicron$, & superstitio emergit.

Deut. IV. 2. „Non addetis ad verbum, quod Ego præcipio vobis; neque diminuetis (quicquam) ex eo, &c.

„Ies. VIII, 20. „Ad Legem, & ad Testimonium. Si non dixerint juxta verbum hoc, non erit eis aurora. Vide

etiàm Deut. XII, 32. Matth. XV, 9. Galat. I, 8, 9. Col. II, 4, 8, 22. 23. Apoc. XXI, 18, 19. Item Iac. I, 5.

„Quod si cui vestrum deest sapientia, petito à Deo, qui dat (eam) omnibus benignè, &c. 17. „Omnis dona-

„tio bona, & omne integrum munus, est supernè descendens à Patre luminum, &c.

VII. Theologia eclypa trifariam dispescitur: vel enim Unionis est, vel Visionis, vel Revelationis.

VIII. Theologia Unionis appellatur, quæ in Domino nostro Jesu Christo, secundum humanam ipsius naturam, ex Unione hypostaticâ fluit; atque sic ipsi per Spiritum S. singulari modo communicata est. Psal.

XLV, 8. „Unxit Te, Deus, Deus Tuus oleo gaudii præ Consortibus Tuis. Ioh. III, 34. -- „Deus non dat

„Ipsi Spiritum ad mensuram. Adde Ies. XI, 1, 2. LXI, 1. Ioh. VII, 29. Col. II, 3, 9.

IX. Theologia Visionis est Beatorum cœlitum, Angelorum & Hominum. De Angelis disertè, Matth.

XVIII, 10. „Angeli eorum (parvulorum) in cœlis per omne tempus vident faciem Patris mei, qui in cœlis est. Sed & Homines plenè glorificati in beatâ resurrectione, erunt $\iota\sigma\acute{\alpha}\gamma\epsilon\lambda\alpha\iota$. Luc. XX, 36. Interim verò Anima

fideliū separatæ pro sua parte ejusdem beatitudinis fiunt participes. 2 Cor. V, 7, 8. „Per fidem enim

„ambulamus: non per aspectum. Confidente autem animo sumus; & gratius est nobis abesse potius ex

„corpore, & adesse apud Dominum. 1 Cor. XIII, 12.

„corpore, & adesse apud Dominum. 1 Cor. XIII, 12.

Psal. xciv, 9, 10. „An, qui plantavit aurem, non au-
 „diat? An, qui finxit oculum, non videbit? - An, qui
 „docet hominem scientiam (non cognoscet?)

I V. Theologia ipsius Dei est, quâ Deus seipsum co-
 gnoscit convenienter Naturæ suæ.

Hoc est, 1. *Independentem*; per Essentiam suam: ut
 hæc sit ἀδιδαντος.

2. *Simplicitissime*; actû purissimo: ut sit ipse idem
 ὁ Θεολόγος, τὸ Θεολογούμενον, καὶ ἡ Θεολογία.

3. *Infinite*, & adæquatè, ipse igitur sese cognoscit,
 ut absolutè cognosci potest.

1. Tim. i, 17. „Soli sapienti Deo honor (sit). &c.
 Psal. cxlvii, 5. „Intelligentiæ Ejus non est numerus.
 Confer allegata th. 3.

V. Deus autem cognoscit primò Essentiam suam,
 cum Attributis, & Personis: atque in Attributis no-
 minatim Sufficientiam & Potentiam; quæ est princi-
 pium Possibilitatis omnium Rerum Possibilium, cum
 Affectionibus Possibilibus. Hactenus est Theologia Dei
 naturalis & necessaria.

Deindè sibi conscius est Decreti sui; atque omnium
 eorûm, quæ ipse Decreto suo constituit, tum de aliis,
 tum speciatim de Creaturis intellectualibus: imò e-
 tiam, quibus modis ac gradibus communicare iis velit
 notitiam Sui. Sapientissimè enim operatur τεχνίτης
 καὶ δημιουργὸς ἐ Θεός; Hebr. xi, 10. Unde Act. xv,
 18. „Nota sunt Deo ab (omni) ævo omnia opera sua.
 Hæc dicitur Theologia Dei libera; ratione objectorum.

Ex dictis patet, quòd speciatim in Deo sit Theologia
 ἀρχέτυπος; prima & verissima idea omnis Theolo-
 giæ in Creaturis intellectualibus.

VI. Omnis Theologia Creaturarum intellectualium est
 ἐκτυπος; ad ideam istam, juxta Dei decretum, in
 tempore expressa, & Creaturis illis imprimendo com-
 municata. Col. i, 11, 10. „Renovatur in agnitionem con-
 gruit

„gruentem imagini Ejus, qui ipsum condidit.

Ejus igitur universæ causa constitutionis principalis unica, & acquisitionis prima ac suprema, est ipse Deus: aliàs Theologia $\Psi\epsilon\upsilon\delta\acute{\omega}\nu\mu\omicron\varsigma$, & superstitio emergit.

Deut. IV. 2. „Non addetis ad verbum, quod Ego præcipio vobis; neque diminuetis (quicquam) ex eo, &c.

„Ies. VIII, 20. „Ad Legem, & ad Testimonium. Si non dixerint juxta verbum hoc, non erit eis aurora. Vide

etiàm Deut. XII, 32. Matth. XV, 9. Galat. I, 8, 9. Col. II, 4, 8, 22. 23. Apoc. XXII, 18, 19. Item Iac. I, 5.

„Quod si cui vestrum deest sapientia, petito à Deo, qui dat (eam) omnibus benignè, &c. 17. „Omnis dona-

„tio bona, & omne integrum munus, est supernè descendens à Patre luminum, &c.

VII. Theologia *ectypa* trifariàm dispescitur: vel enim *Unionis* est, vel *Visionis*, vel *Revelationis*.

VIII. Theologia *Unionis* appellatur, quæ in Domino nostro Jesu Christo, secundum humanam ipsius naturam, ex Unione hypostaticâ fuit; atque sic ipsi per Spiritum S. singulari modo communicata est. Psal.

XLV, 8. „Unxit Te, Deus, Deus Tuus oleo gaudii præ Consortibus Tuis. Ioh. III, 34. -- „Deus non dat

„Ipsi Spiritum ad mensuram. Adde Ies. XI, 1, 2. LXI, 1. Ioh. VII, 29. Col. II, 3, 9.

IX. Theologia *Visionis* est Beatorum cœlitum, Angelorum & Hominum. De Angelis disertè, Matth.

XVIII, 10. „Angeli eorum (parvulorum) in cœlis per omne tempus vident faciem Patris mei, qui in cœlis est. Sed & Homines plenè glorificati in beatâ resurre-

ctione, erunt $\iota\sigma\acute{\alpha}\gamma\epsilon\lambda\alpha\iota$. Luc. XX, 36. Interim verò Animæ fidelium separatæ pro sua parte ejusdem beatitudinis fiunt participes. 2 Cor. V, 7, 8. „Per fidem enim

„ambulamus: non per aspectum. Confidente autem animo sumus; & gratius est nobis abesse potius ex

„corpore, & adesse apud Dominum. 1 Cor. XII, 13.

„Videmus enim nunc per speculum, & per ænigmata ;
 „*tunc autem coram (cernemus)* ; &c. Vide etiã *Hebr.*
XII, 23. Phil. I, 23. cum Matth. V, 8. I Joh. III, 2.

X. Ab hac *longissimè distat* impura illa & terribilis
 cognitio Dei ac rerum Divinarum in Diabolis & Ho-
 minibus damnatis. *Jac. II, 19.* „*Demonia quoque cre-*
 „*dunt (Deum unum esse)* ; & horrescunt. Adde *Matth.*
VIII, 29. Act. XVI, 17. Marc. IX, 44. cum Apoc. XVI,
10, 11.

XI. *Theologia Revelationis* speciatim dicitur, quæ
 Hominibus in stadio hujus vitæ communicatur. *Joh.*
I, 9. Illuminat omnem hominem venientem in mundum.
 Estque *Naturalis* ; vel *Supernaturalis*.

XII. *Naturalis*, Naturam Hominis rationalem
 comitatur in hac vitâ : potestque spectari qualis exti-
 tit *ante lapsum* ; ac porro qualis existit *post lapsum*.

XIII. *Ante lapsum* Homini connaturalis fuit per-
 fecta Dei cognitio, mentem illius sufficienter imbuens
 ad vitam cœlestem & gloriam æternam consequen-
 dam, juxta Fœdus Legale. *Gen. I, 26, 27. Faciamus*
Hominem ad imaginem nostram, secundum similitudinem
nostram, &c. Col. III. 10. in agnitionem congruentem
imagini ejus, qui ipsum condidit.

XIV. *Per lapsum* amissa est integritas & puritas : re-
 mansit tamen Theologia naturalis ex parte. Hæc oc-
 currit tùm congenita, sive innata; tùm acquisita, sive ad-
 ventitia. Utraque excolenda adversus *Atheorum* por-
 tenta, & defendenda contra *Socinianorum* errores.

XV. *Congenita* vocatur, quatenus adhuc Scintillæ
 quædam Lucis illius primævæ, Imaginis Dei, menti
 humanæ increantur & connascuntur ; Archetypum
 interim & Auctorem suum sic satis demonstrantes,
 quidque Ipsi debeatur, & quid nobis ac proximo no-
 stro propter Ipsum, indicantes.

XVI. Hanc probant, 1. ipsæ reliquiæ Imaginis Dei
 in homine ; atque adeo Synteresis, & naturalia Prin-
 cipia

cipia honesti ac decori : per quæ apertè innotescit Ens primum ac perfectissimum , Divina majesta , Lex sancta , Justitia tremenda. *Gen. v, 1, 3.* „ Creavit Deus „ hominem ; ad similitudinem Dei fecit illum. — *Adam-*
genuit ad suam similitudinem suam, ad imaginem suam; (filium.)
ix, 6. Sanxit Deus homicidium morte mulcandum ;
 „ quia ad imaginem Dei fecit hominem, *Jae. i 11, 9.* „ Exe-
 „ cramur homines ad similitudinem Dei factos.

2. Loca alia satis disertâ : *Joh. i, 9.* Vide th. 11. *Rom.*
i, 19. „ Id quod de Deo cognosci potest , manifestum est in-
 „ tra ipsos : Deus enim eis manifestum fecit. 32. „ Dei jure
 „ agnito ; eos qui talia faciunt dignos esse morte. 11,
 14, 15. „ Cum Gentes, quæ Legem non habent, na-
 „ turâ quæ Legis sunt faciunt ; isti Legem non habentes,
 „ sibi ipsis sunt Lex : Ut qui ostendant opus Legis scri-
 „ ptum in cordibus suis ; unâ testimonium reddente ipsorum
 „ conscientia ; & cogitationibus sese mutuo accusantibus,
 „ aut etiâ excusantibus.

3. Quod Deus sit , exterminis constat : quia Prædi-
 catum est de essentia Subjecti ; & quidem itâ necessa-
 riò , ut nulli præter Ipsum conveniat , aut convenire
 possit nisi ab ipso communicatum. Nemo igitur men-
 tis compos , & ad veritatem animum advertens , seriò
 & constanter existentiam Dei negare , aut ignorare ,
 potest.

4. Accedit Experientia , & Consensus omnium
 Gentium.

XVII. *Acquisita* obtinent , tum *Argumentatione*
propriâ, tum *Institutione alienâ*.

Argumentatio ista institui potest, 1. ex Scintillis mo-
 dò indicatis , & opere illo Conscientiæ ; Auctorem
 indè colligendo.

2. Ex naturâ Hominis , verè *μικροκόσμος* : ubi
 tum Animæ rationalis essentia, facultates, operatio-
 nes, considerandæ ; tum admiranda Corporis fabrica.
Zach. XII, 1. „ JEHOVAH formans spiritum Hominis

in medio eius. Psal. CXXXIX, 14, 15, 16. „Terribilibus
 „(modis) mirificatus sum, mirabilibus operibus tuis. Et
 „anima mea cognoscit valdè. Non fuit occultatum cor-
 „pus meum à Te, quando factus fui in occulto: (quan-
 „dò) variis membris decoratus fui in inferioribus terræ;
 „Imperfectum meum viderunt oculi tui. Act. XVII, 25,
 - 28. „Cum ipse det omnibus vitam & halitum, & omnia.
 „Fecitque ex uno sanguine totam gentem hominum. - Non
 „longè abest ab unoquoque nostrum. In ipso enim vivimus
 „& movemur, & sumus, &c.

3. Ex reliquis Creaturis, ubi spectanda communi-
 ter opera Creationis, & Providentiæ Divinæ, specia-
 tim verò Miracula naturæ, nec non Miracula propriè
 dicta, variaque Judicia, &c. ascendendo ab Effectis ad
 Causam efficientem primam supremam, à Motu ad
 Motorem primum immobilem. Psal. XIX. 2, 3, 4.
 „Cæli enarrant gloriam Dei, & opus manuum Ejus an-
 „nunciat Firmamentum. Dies diei eloquitur sermonem, &
 „nox nocti indicat scientiam. Non (est) sermo, nec (sunt)
 „verba, ubi non audiatur vox eorum. Ies. XI, 26. Levate
 „in excelsum oculos vestros; & videte, quis creaverit ista:
 Rom. 1, 20. „Ipsius enim invisibilia, jam indè à crea-
 „tione mundi, ex iis quæ fecit animadversa, pervidentur:
 „æterna (videlicet) ejus tum potentia, tum Divinitas,
 Adde Iob. XII, 7, - 10. Act. XIV. 17.

4. Ex istiusmodi Argumentis ac testimoniis illustri-
 bus: quæ in Scriptis ipsorum Gentilium satis obvia
 sunt.

XVIII. Institutio hîc ea intelligitur, quâ sagacio-
 res ac provectiores Naturæ ruspatores, quæ rectè ra-
 tiocinando de Deo cognoverunt, alios etiàm docent.

XIX. Obj. 1. Deum esse Credimus: Hebr. XI, 6.
 Non ergo per Naturam cognoscimus: quia Fides su-
 pra Naturam est. Resp. Prima illa veritas per Naturam
 cognoscitur imperfectiore modo: Fide tenetur perfe-
 ctiore ac salutari modo: prout se Deus ipse Verbo suo
 reve-

revelavit familiariter, & remunerator est secundum Fœdus gratiæ. Talis autem cognitio necessaria est, ut quis accedat ad Deum, ipsique placeat.

Obj. 2. Quod homini naturale est, omni inest, & semper: atqui Deum negant nonnulli: Psal. x, 4. xiv, 1. Eph. i, 12. Et gentes repertæ in Americâ, quæ nullum Numen agnoscerent. Resp. 1. Athei nimis multi sunt vitæ & conatû: nulli tranquillâ & constanti animi sententiâ. 2. Unum verum Deum ignorant plures Gentes; non tamen existunt sine omni Numinis conscientia.

XX. Theologia naturalis objectivè, in se, bona est: scintilla bona in tenebris adhuc splendens, omnesque & singulos homines illuminans; donatio bona à Patre luminum descendens. Vide Ioh. i, 5, 9. cum Iac. i, 17. Sed subjectivè, in homine irrogenito, vitiata est & impura. Tit. i, 15. Pollutis & incredulis nihil est mundum; sed polluta est eorum & mens & conscientia. Adde Ioh. i, 11, 6. Rom. viii, 7. Attamen in Regenitis per Gratiâ iterum corrigitur & sanctificatur. Tit. i, 15. Omnia quidem munda mundis. i Thess. v, 23. Deus pacis sanctificet vos totos, &c.


XXI. Consequenter eadem Theologia naturalis, aut Philosophia, per se, & in subjecto sanctificato, non adversatur Theologiæ supernaturali. Nam 1. Veritas veritati non potest esse contraria; prout idem non potest simul esse, & non esse.

2. Utriusque idea est in mente Divinâ: cum verò hæc contrarietatem non admittat; etiâ in utroque ideato, contrarietas admitti non debet.

3. Ipse Christus, Prophetæ, & Apostoli rectâ ratione etiâ usi sunt; atque indè argumenta varia depromserunt. Præter ea, quæ th. 17. allegata sunt, vide inter alia Matth. xvi, 2, 3. Luc. xxiv, 39, 40. i Cor. v, 1. xi, 14, 15.

4. Experientia comprobât, illam huic utilissimam.

stitutionis instrumentalis. 30. Objectum ejus, tum primum, tum subordinatum. 31. Quomodo Deus agnoscendus. Elementa doctrinae Christianae. Articuli, tum Catholici, tum Theologici. 32. Quomodo Deus colendus. 33. Quibus partibus Religionem complectantur Sociiniani; quibus Remonstrantes. Theologiam nostram non esse merè speculativam. 34. Objectum ejus secundarium, sive directionis. 35. Subjectum quo; & quod. 36. Finis summus. Subordinatus. Eventus per accidens. 37. Beatitudinis nostrae in hac vitâ caput. 38. Quae indè scaturiant. 39. Theologia verè Θεολογία, καὶ Θεεργία. 40. Beatitudo consummata post hanc vitam. 41. Media Theologiae feliciter consequendae. 42. Repugnantia. 43. Distributio. 44. Praxis. 45.

I.  Theologia Grammaticè deducitur à voce paronymâ Theologus.

Ista, aliaque vocabula similia, Gentilibus olim usurpata, Doctores Christiani jure in usum suum traduxerunt; rei significatae veri ac justî, DEO dante, possessores. Hûc pertinet Inscriptio; Ἀπαλάυψις Ἰωάννης ὁ Θεολόγος: quoniam iste Apostolus de DEO accuratissimè disseruit; καὶ Θεότιτος ὁ Λόγος, contra Ebionem, Cerinthum, eorumque sequaces singulari zelo asseruit.

Simplicia, Θεός, & Λόγος, vel τὰ Λόγια, etiâ conjunctim in SS. Literis occurrunt sapiens: Joh. 1, 1. Θεός ὡς ὁ Λόγος. Apoc. XIX. 13. ὁ Λόγος ὁ Θεός. ἐκ διαφέρεως καὶ ὑπερπικρῶς, de ipso FILIO DEI. Sed &

& 1 Theß. II, 13. Hebr. IV, 12. ὁ λόγος ὁ Θεός. Rom. III, 2. Hebr. V, 12. 1 Petr. IV, 11. τὸ Ἄγιον ὁ Θεός. προφητείας, de Verbo, aut Sermonibus DEI ad homines.

II. Ut cognoscatur quid rei sit, Theologia in univ-
ersum describitur, Sapientia de DEO.

Generis instar dicitur Sapientia: hæc enim habitum intellectualem augustissimum notat; eumque non modo theoreticum, sed etiam practicum. Ità quæ nunc Philosophia appellatur, & ex parte practica est, olim Σοφία, h. e. Sapientia, vocatur. Et præit S. Pagina, Deut. IV, 6. „Custodite ergo, & facite; quia ea est sapientia vestra, &c. Col. III, 16. „Sermo Christi in vobis copiose, cum omni sapientiâ. Vide etiam Psal. XIX, 8. Luc. XXI, 15. 2 Tim. III, 15. Jac. III, 13, 17.

Differentiæ locum obtinet ipsum objectum: Deus: sic tamen, ut omnia, quæ ad Deum spectant, quatenus talia sunt, comprehendantur. Joh. XVI, 3. „Hæc est autem vita æterna, ut Te cognoscant, illum solum verum Deum; & quem misisti, Jesum Christum. Rom. XI, 33, — 36. „O profundas divitias, tum sapientiæ, tum cognitionis, Dei! Quàm imperscrutabilia sunt ejus judicia: & ejus viæ impervestigabiles! Quis enim cognovit mentem Domini? — Nam ex Eo, & per Eum, & in Ipsum (sunt) omnia. Ipsi (sic) gloria in sæcula! Amen.

III. Ratione subjectorum, vel quasi, dicitur, tum Theologia ipsius Dei; tum Creaturarum intellectualium. Matth. XI, 27. „Nemo novit Filium, nisi Pater: neque Patrem quisquam novit, nisi Filius; & cuicumque voluerit Filius Eum retgere. 1 Cor. II, 10. 11. „Nobis autem Deus (ea) revelavit per Spiritum suum. Spiritus enim omnia scrutatur; etiam profunditates Dei. — Etiam ea, quæ sunt Dei, nemo novit, nisi Spiritus Dei.

Pfal. xciv, 9, 10. „An, qui plantavit aurem, non au-
 „dierit? An, qui finxit oculum, non videbit? - An, qui
 „docet hominem scientiam (non cognoscet?)

I V. *Theologia ipsius Dei est*, quâ Deus seipsum co-
 gnoscit convenienter Naturæ suæ.

Hoc est, 1. *Independenter*; per Essentiam suam: ut
 hæc sit ἀδιδάκτῳ.

2. *Simplicissimè*; actû purissimo: ut sit ipse idem
 ὁ Θεολόγος, τὸ Θεολογούμενον, καὶ ἡ Θεολογία.

3. *Infinîtè*, & adæquatè, ipse igitur sese cognoscit,
 ut absolutè cognosci potest.

1 *Tim. i, 17.* „Soli sapienti Deo honor (sit). &c.
Pfal. cxlvii, 5. „Intelligentiæ Ejus non est numerus.
 Confer allegata th. 3.

V. Deus autem cognoscit primò Essentiam suam,
 cum Attributis, & Personis: atque in Attributis no-
 minatim Sufficientiam & Potentiam; quæ est princi-
 pium Possibilitatis omnium Rerum Possibilium, cum
 Affectionibus Possibilibus. Hactenus est *Theologia Dei*
naturalis & necessaria.

Deindè sibi conscius est Decreti sui; atque omnium
 eorûm, quæ ipse Decreto suo constituit, tum de aliis,
 tum speciatim de Creaturis intellectualibus: imò e-
 tiàm, quibus modis ac gradibus communicare iis velit
 notitiam Sui. Sapientissimè enim operatur παντί
 καὶ δημιουργὸς ὁ Θεός; *Hebr. xi, 10.* Unde *Act. xv,*
18. „Nota sunt Deo ab (omni) ævo omnia opera sua.
 Hæc dicitur *Theologia Dei libera*; ratione objectorum.

Ex dictis patet, quòd speciatim in Deo sit *Theologia*
 ἀρχέτυπος; prima & verissima idea omnis Theolo-
 giæ in Creaturis intellectualibus.

VI. Omnis *Theologia Creaturarum intellectualium est*
 ἐκτυπος; ad ideam istam, juxta Dei decretum, in
 tempore expressa, & Creaturis illis imprimendo com-
 municata. *Col. i, 11, 10.* „Renovatur in agnitionem con-
 grua

„gruentem *imagini* Ejus, qui ipsum condidit.

Ejus igitur universæ *causa constitutionis* principalis unica, & *acquisitionis* prima ac suprema, est ipse Deus: aliàs Theologia $\Psi\epsilon\upsilon\delta\acute{\omega}\nu\mu\omicron\varsigma$, & *superstitio* emergit. Deut. IV. 2. „Non addetis ad verbum, quod Ego præcipio vobis; neque diminuetis (quicquam) ex eo, &c. „Ies. VIII. 20. „Ad Legem, & ad Testimonium. Si non dixerint juxta verbum hoc, non erit eis aurora. Vide etiàm Deut. XII. 32. Matth. XV. 9. Galat. I. 8, 9. Col. II. 4, 8, 22. 23. Apoc. XXII. 18, 19. Item Iac. I. 5. „Quod si cui vestrum deest *sapientia*, petito à Deo, qui dat (eam) omnibus benignè, &c. 17. „Omnis donatio bona, & omne integrum munus, est *supernè* descendens à Patre *luminum*, &c.

VII. Theologia *ectypa* trifariàm dispescitur: vel enim *Unionis* est, vel *Visionis*, vel *Revelationis*.

VIII. Theologia *Unionis* appellatur, quæ in Domino nostro Jesu Christo, secundum humanam ipsius naturam, ex *Unione hypostaticâ* fluit; atque sic ipsi per Spiritum S. singulari modo communicata est. Psal. XLV. 8. „Unxit Te, Deus, Deus Tuus oleo gaudii „præ Consortibus Tuis. Ioh. III. 34. -- „Deus non dat „Ipsi Spiritum ad mensuram. Adde Ies. XI. 1, 2. LXI. 1. Ioh. VII. 29. Col. II. 3, 9.

IX. Theologia *Visionis* est Beatorum cœlitum, Angelorum & Hominum. De Angelis disertè, Matth. XVIII. 10. „Angeli eorum (parvulorum) in cœlis per „omne tempus vident faciem Patris mei, qui in cœlis est. Sed & Homines plenè glorificati in beatâ resurrectione, erunt $\iota\sigma\acute{\alpha}\gamma\gamma\epsilon\lambda\alpha\iota$. Luc. XX. 36. Interim verò Animæ fidelium separatæ pro sua parte ejusdem beatitudinis fiunt participes. 2 Cor. V. 7, 8. „Per fidem enim „ambulamus: non per aspectum. Confidente autem „animo sumus; & gratus est nobis abesse potius ex „corpore, & adesse apud Dominum. 1 Cor. XII. 13.

„Videmus enim nunc per speculum, & per ænigma;
 „tunc autem coràm (cernemus); &c. Vide etià *Hebr.*
xii, 23. Phil. i, 23. cum Matth. v, 8. i Joh. iiii, 2.

X. Ab hac longissimè distat impura illa & terribilis
 cognitio Dei ac rerum Divinarum in Diabolis & Ho-
 minibus damnatis. *Jac. ii, 19.* „*Demonia quoque cre-*
 „*dunt (Deum unum esse); & horrescunt. Adde Matth.*
viii, 29. Act. xvi, 17. Marc. ix, 44. cum Apoc. xvi,
10, 11.

XI. *Theologia Revelationis* speciatim dicitur, quæ
 Hominibus in studio hujus vitæ communicatur. *Joh.*
i, 9. Illuminat omnem hominem venientem in mundum.
 Estque *Naturalis*; vel *Supernaturalis*.

XII. *Naturalis*, Naturam Hominis rationalem
 comitatur in hac vitâ: potestque spectari qualis extitit
ante lapsum; ac porro qualis existit *post lapsum*.

XIII. *Ante lapsum* Homini connaturalis fuit per-
 fecta Dei cognitio, mentem illius sufficienter imbuens
 ad vitam cœlestem & gloriam æternam consequen-
 dam, juxta Fœdus Legale. *Gen. i, 26, 27. Faciamus*
Hominem ad imaginem nostram, secundum similitudinem
nostram, &c. Col. iii. 10. in agnitionem congruentem
imagini ejus, qui ipsum condidit.

XIV. *Per lapsum* amissa est integritas & puritas: re-
 mansit tamen Theologia naturalis ex parte. Hæc oc-
 currit tum *congenita*, sive *innata*; tum *acquisita*, sive *ad-*
ventitia. Utraque excolenda adversus *Atheorum* por-
 tenta, & defendenda contra *Socinianorum* errores.

XV. *Congenita* vocatur, quatenus adhuc Scintillæ
 quædam Lucis illius primævæ, Imaginis Dei, menti
 humanæ increantur & connascuntur; Archetypum
 interim & Auctorem suum sic satis demonstrantes;
 quidque Ipsi debeatur, & quid nobis ac proximo no-
 stro propter Ipsum, indicantes.

XVI. Hanc probant, 1. ipsæ reliquæ Imaginis Dei
 in homine; atque adeo Syntoresis, & naturalia Prin-
 cipia

cipia honesti ac decori : per quæ apertè innotescit Ens primum ac perfectissimum , Divina majesta , Lex sancta , Justitia tremenda. *Gen. v, 1, 3.* „ Creavit Deus „ hominem ; ad similitudinem Dei fecit illum. — *Adam-*
genuit ad suam similitudinem suam, ad imaginem suam, (filium.)
ix, 6. Sanxit Deus homicidium morte mulctandum ;
 „ quia ad imaginem Dei fecit hominem, *Jae. i 11, 9.* „ Ex-
 „ cramur homines ad similitudinem Dei factos.

2. Loca alia satis diserta: *Joh. i, 9.* Vide th. 11. *Rom.*
i, 19. „ Id quod de Deo cognosci potest , manifestum est in-
 „ tra ipsos : Deus enim eis manifestum fecit. 32. „ Dei jurc
 „ agnito ; eos qui talia faciunt dignos esse morte. 11,
 14, 15. „ Cum Gentes, quæ Legem non habent, na-
 „ turâ quæ Legis sunt faciunt ; isti Legem non habentes,
 „ sibi ipsis sunt Lex : Ut qui ostendant opus Legis scri-
 „ ptum in cordibus suis ; unâ testimonium reddente ipsorum
 „ conscientiâ ; & cogitationibus sese mutuo accusantibus,
 „ aut etiâ excusantibus.

3. Quod Deus sit , exterminis constat : quia Prædi-
 catum est de essentia Subjecti ; & quidem itâ necessa-
 riò , ut nulli præter Ipsum conveniat , aut convenire
 possit nisi ab ipso communicatum. Nemo igitur men-
 tis compos , & ad veritatem animum advertens , seriò
 & constanter existentiam Dei negare , aut ignorare,
 potest.

4. Accedit Experientia , & Consensus omnium
 Gentium.

XVII. *Acquisita* obtinent , tum *Argumentatione*
propriâ, tum *Institutione alienâ*.

Argumentatio ista institui potest, 1. ex Scintillis mo-
 dô indicatis , & opere illo Conscientiæ ; Auctorem
 indè colligendo.

2. Ex naturâ Hominis , verè *μικροκόσμος* : ubi
 tum Animæ rationalis essentia , facultates , operatio-
 nes , considerandæ ; tum admiranda Corporis fabrica.
Zach. XII, 1. „ JEHOVAH formans spiritum Hominis

in medio eius. Psal. cxxxix, 14, 15, 16. „Terribilibus
 „(modis) mirificatus sum, mirabilibus operibus tuis. Et
 „anima mea cognoscit valdè. Non fuit occultatum cor-
 „pus meum à Te, quando factus fui in occulto: (quan-
 „dò) variis membris decoratus fui in inferioribus terræ;
 „Imperfectum meum viderunt oculi tui. Act. XVII, 25,
 -28. „Cum ipse det omnibus vitam & halitum, & omnia.
 „Fecitque ex uno sanguine totam gentem hominum. - Non
 „longè abest ab unoquoque nostrum. In ipso enim vivimus
 „& movemur, & sumus, &c.

3. Ex reliquis Creaturis, ubi spectanda communi-
 ter opera Creationis, & Providentiæ Divinæ, specia-
 tim verò Miracula naturæ, nec non Miracula propriè
 dicta, variaque Judicia, &c. ascendendo ab Effectis ad
 Causam efficientem primam supremam, à Motu ad
 Motorem primum immobilem. Psal. xix. 2, 3, 4.
 „Cœli enarrant gloriam Dei, & opus manuum Ejus an-
 „nunciat Firmamentum. Dies diei eloquitur sermonem, &
 „nox nocti indicat scientiam. Non (est) sermo, nec (sunt)
 „verba, ubi non audiat vox eorum, Ies. xl, 26. Levate
 „in excelsum oculos vestros; & videte, quis creaverit ista:
 Rom. 1, 20. „Ipsius enim invisibilia, jam indè à crea-
 „tione mundi, ex iis quæ fecit animadversa, pervidentur:
 „æterna (videlicet) ejus tum potentia, tum Divinitas,
 Adde Iob. XII, 7, -10. Act. xiv. 17.

4. Ex ifi iusmodi Argumentis ac testimoniis illustri-
 bus: quæ in Scriptis ipsorum Gentilium satis obvia
 sunt.

XVIII. Institutio hîc ea intelligitur, quâ sagacio-
 res ac provectiores Naturæ ruspatores, quæ rectè ra-
 tiocinando de Deo cognoverunt, alios etiàm docent.

XIX. Obj. 1. Deum esse Credimus: Hebr. xi, 6.
 Non ergò per Naturam cognoscimus: quia Fides su-
 pra Naturam est. Resp. Prima illa veritas per Naturam
 cognoscitur imperfectiore modo: Fide tenetur perfe-
 ctiore ac salutari modo: prout se Deus ipse Verbo suo
 reve-

revelavit familiariter , & remunerator est secundùm Fœdus gratiæ. Talis autem cognitio necessaria est , ut quis accedat ad Deum, ipsique placeat.

Obj. 2. Quod homini naturale est, omni inest, & semper: atqui Deum negant nonnulli: Psal. x, 4. xiv, 1. Eph. i, 11, 12. Et gentes repertæ in Americâ, quæ nulum Numen agnoscerent. *Resp. 1.* Athei nimis multi sunt vitâ & conatû: nulli tranquillâ & constanti animi sententiâ. 2. Unum verum Deum ignorant plures Gentes; non tamen existunt sine omni Numinis conscientiâ.

XX. Theologia naturalis objectivè, in se, bona est: scintilla bona in tenebris adhuc splendens, omnesque & singulos homines illuminans; donatio bona à Patre luminum descendens. Vide *Ioh. 1, 5, 9.* cum *Iac. 1, 17.* Sed subjectivè, in homine irrogenito, vitiata est & impura. *Tit. 1, 15.* *Pollutis & incredulis nihil est mundum; sed polluta est eorum & mens & conscientia.* Adde *Ioh. 1, 11, 6.* *Rom. viii, 7.* Attamen in Regenitis per Gratiâ iterum corrigitur & sanctificatur. *Tit. 1, 15.* *Omnia quidem munda mundis. 1 Thess. v, 23.* *Deus pacis sanctificet vos totos, &c.*

XXI. Consequenter eadem Theologia naturalis, aut Philosophia, per se, & in subjecto sanctificato, non adversatur Theologiæ supernaturali. Nam 1. Veritas veritati non potest esse contraria; prout idem non potest simul esse, & non esse.

2. Utriusque idea est in mente Divinâ: cum verò hæc contrarietatem non admittat; etiâ in utroque ideato, contrarietas admitti non debet.

3. Ipse Christus, Prophetæ, & Apostoli rectâ ratione etiâ usi sunt; atque indè argumenta varia depromserunt. Præter ea, quæ th. 17. allegata sunt, vide inter alia *Matth. xvi, 2, 3.* *Luc. xxiv, 39, 40.* *1 Cor. v, 1. xi, 14, 15.*

4. Experientia comprobât, illam huic utilissimam

operam præstare, ubi sobria est, & supernaturali revelationi concedit, ac ritè obsequitur.

Aliter autem se habet Philosophiæ ac Rationis naturalis abusus : undè Col. 11, 8. „ Videte ; ne quis sit, „ qui vos *deprædetur per Philosophiam & inanem deceptionem*, &c. ubi vel omninò falsa producuntur, vel non servantur leges veræ oppositionis, *secundùm idem*, &c.

XXII. Pertingit Theologia naturalis 1. ad cognoscendam Dei existentiam, & attributà essentialia.

2. Ad Decretum de rebus futuris, in genere : & operà Creationis ac Providentiæ, tum in Homine, tum in aliis creaturis contemplationi nostræ obviis.

3. Ad jus Divinum, quatenus id hominibus naturale est. De quibus satis constat ex citatis th. 16, 17. & 21.

4. Ad Fœdus Legale. Rom. 111, 9. „ Ante criminiati sumus, & *Iudæos & Græcos omnes esse sub peccato*. 19. Scimus autem, quæcunque Lex dicit, *iis qui in Lege sunt dicere ; ut omnes os obturetur, & obnoxius fi-* „ *at totus mundus condemnationi Dei*. Ista sic naturaliter cognoscuntur, non quidem perfectè ; attamen verè, & quantum sufficit ad *ἀναπολογησίαν* eorum, quibus sublimior ac perfectior revelatio non obtingit : Rom. 1, 20.

Sed non pertingit 1. ad personam & officia Christi Mediatoris, salutem per ipsum partam, ac Fœdus Evangelicum : quæ homini in statu primævæ integritatis non fuerunt revelata, nedùm ex tenuibus illius reliquiis post lapsum colligi possint.

2. Neque penetrat ad mysterium S. Trinitatis, cuius cognoscendæ aut demonstrandæ principia solida non reperiuntur in naturâ ; quamvis ibi occurrant nonnulla, per quæ mysterium illud, postquam supernaturali revelatione innotuit, utcunque illustrari ac defendi potest.

XXIII. Hinc colligimus, contra Pelagianos, eo-

nunquam sequaces ac fautores, Theologiam naturalem nunc non sufficere ad æternam salutem consequendam: sive, non dari communem aliquam & naturalem Religionem, per quam omnes omnino homines servari possint.

Patet hoc 1. ex necessitate Fidei; sine qua nemo potest placere Deo: *Hebr. xi, 6*, quæ est *ex auditu Verbi supernaturaliter revelati: Rom. x, 17.* & quidem una; ut Deus unus; *Eph. iv, 6.* non autem *omnium: 2 Thess. i, 11.* 2. sed *electorum Dei: Tit. i, 1.*

2. Ex consideratione Christi Mediatoris, Redemptoris, ac Salvatoris; cujus cognitio ad salutem consequendam necessaria est: *Joh. xiv. 6.* „Ego sum via illa, „& veritas illa, & vita illa: nemo venit ad Patrem nisi „per me. *Act. iv, 12.* „Nec est in alio quoquam salus: nec „enim aliud nomen est sub cœlo quod datum sit inter „homines, per quod oporteat nos servari. Vide etiam *Joh. xvii, 1, 3.* *1 Cor. i, 11, 12.* *1 Tim. ii, 5.* *Gal. i. 6-9.* Sed istam cognitionem Ratio naturalis per se non assequitur.

3. Quia necessarium est Fœdus Evangelicum, & vera ratio justitiæ secundum istud consequendæ, *Rom. x, 3.* „Ignorantes Dei justitiam, & propriam justitiam studen- „tes constituere, justitiæ Dei non fuerunt subiecti, *Gal. ii, 21.* „Non irritam facio gratiam Dei: nam si per Legem „est justitia, Christus sine causa mortuus est. Vide etiam *Gal. v, 4.* *Hebr. viii, 7-.*

4. Omnium eorum, qui Revelatione supernaturali destituuntur, miserrima est conditio. *Act. xiv, 16.* „Deus præteritis ætatibus sivit omnes Gentes suis ipsarum viis incedere. *Eph. ii, 12.* „Vos, (inquam) illo „tempore fuisse absque Christo, ab alienatos à civili statu Israël, & extraneos quod ad pactorum promissiones attinet, spem non habentes, & absque Deo in „mundo. Adde *Eph. iv, 17, 18.*

XXIV. Obj. 1. *Act. x, 34, 35.* „Deus non respicit ad personam.

„personam, sed in quâvis gente acceptus ei est quivis, qui
 „eum timet, & operum dat justitiâ. Hæc autem secundum
 Conscientiam naturalem, & lumen Rationis
 præstari possunt. Resp. Negamus, verum Dei timo-
 rem, (filialem,) verumque studium ac praxin justitiæ,
 in ullo homine reperiri, absque gratiâ & revelatione
 supernaturali. Vide Rom. XIV, 23. Tit. I, 15.

Obj. 2. Cornelius, Centurio ex legione Italicâ, &
 ipse alienigena, Christum adhuc ignorans, dicitur
 • ibid. vers. 2. & 4. pius fuisse ac timens Deum, cum totâ
 domo suâ: quodque preces ejus, & eleemosynæ, ascende-
 rint in memoriam in Dei conspectû. Ergo ex Religione
 naturali, &c. Resp. Interim idem Cornelius etiâ di-
 citur vers. 22, testimonio ornatus totius gentis Judæorum:
 undè facile est colligere, eum minimè alienum fuisse à
 cognitione & expectatione Messiæ. Quin & Petrus
 testatur vers. 37, 38. eum non prorsus ignorasse Jesum
 Nazarenum. Ex quibus patet, eum tunc non habuisse
 solum Religionem aliquam naturalem; sed & super-
 naturalem: sicut extraordinaria revelatio per Ange-
 lum ei quoque accidit. vers. 4; 30, 31. & deinceps ex
 Petro ampliùs didicit Religionem Christianam, se-
 cundum œconomiam N. T. vers. 39—43.

XXXV. Ex Theologia naturali corruptâ, admixtis
 interim & adulteratis quibusdam Theologiæ superna-
 turalis reliquiis, quæ ex familiis Patriarcharum pro-
 manaverant, accedentibus etiâ traditionibus & in-
 stitutis Diabolicis, orta est *Pseudo-theologia Gentili-
 ham*. Hæc autem versabatur partim circa Deos; ut
 μυθική, fabulosa, Poëtarum; φυσική, naturalis,
 Philosophorum; & πολιτική, civilis, sacerdotum:
 partim circa Dæmonas; malis cooperando, aut eos a-
 verruncando, bonos sacrificiis invitando: quò pertinent
 μαγία, γοητεία, τελετή, &c.

XXXVI. Theologia supernaturalis est, quæ sphaeram
 naturæ

naturæ excedens, ex Verbo Dei hauritur; & ad salutarem ipsius communionem, juxta Fœdus Evangelicum obtinendum pertingit. Inservit ei sua *Revelatio*, tùm *extraordinaria*, tùm *ordinaria*.

XXVII. *Extraordinaria* per peculiarem inspirationem, aut manifestationem, obtigit extra ordinem sanctis potissimum Dei hominibus. Sic David, 2 Sam. XXIII, 2. „*Spiritus Jehovæ locutus est per me, & sermo ejus (factus est) per linguam meam.* 2 Petr. I, 21. „*Acti à Spiritû Sancto locuti sunt sancti Dei homines.* 2 Tim. III, 16. „*Tota Scriptura Divinitus (est) inspirata.* Undè etiam tales homines dicuntur Θεόπνευστοι. Huc quoque pertinent Alloquia Divina: Num. XII, 8. Gen. XII, 1, 2, 3, 7. XV, 1, — XVII, 1, — 22. Jerem. I, 4, — Ezech. VI, 1, 2. Raptûs, sive Ecstases; Act. XXII, 17. 2 Cor. XII, 2, 3, 4. Apoc. I, 10. Visiones; Exod. III, 2. Jes. VI. Ezech. I. Am. VII, VIIII. IX. Zach. I, 8, — II, — VI. His accedunt Apparitiones Angelorum; Dan. IX, 21, 22. Luc. II, 1, 13, — 20; 26, — 38. II, 8, — 14. Matth. XXVIII, 2, 3, 5, 6, 7. Act. I, 10, 11. Actandem Insomnia; Gen. XXXVII, 5, — 10. Matth. I, 20, 21. II, 19, 20; 22.

Sed à recensitis speciebus Revelationis extraordinariæ, distinguendæ sunt Revelationes, suggestiones, increpationes, convictiones, similibus ferè modis factæ hominibus quibusdam irrogenitis & à salutari Dei communiione alienis; quales Θεήλατοι quandoque appellantur: Num. XXII, 9, — 12; 20; 31, — 35. XXIII, 4, — 10; 16. — 24. XXIV, 2, — 9. Joh. XI, 49 — 52. Confer Gen. XLI, 1, — 32. Dan. II, 1; 27, — 45; IV, 4, — 27. V, 5, — 28. Matth. XXVIII, 2, 3, 4. Longissimè autem distant Illusiones Diabolicæ, nec non vana deliria, & fallacia figmenta *Pseudo-Enthusiastarum*, aliorumque *Fanaticorum*.

XXVIII. Extraordinarias illas revelationes potissimum

mum dedit Deus, 1. in Ecclesiâ ex lapsu per Christum salvandorum primùm fundandâ: aut singulari modo stabiliendâ: *Gen.* III, 15, XII, 1, 2, 3, XVII, 1, - 16.

2. Ubi valdè corrupta esset, reformandâ; *Exod.* III, 6, - 17. cum *Ezech.* XX, 6, - 9. 1 *Reg.* XVII, 21, - 40.

3. Ac porro ab œconomiâ V. T. ad œconomiam N. T. traducendâ: *Matth.* III, 1, 2, 3. X, 1, - 8, XXVIII, 19, 20. *Eph.* IV, 11, 12, 13. 1 *Cor.* XII, 7, 8, 28, 29.

4. Vel etiâ ubi voluit singularia iudicia exercere, deque iis homines præmonere: *Am.* III, 7. *Gen.* VI, 6, 7; 17, 18. XVII, 17, - 20. *Jon.* I, 2. II, 1, - 4.

Eademque opera, per sanctos illos Ministros Θεσπρεύς, Ecclesiæ datus & scripto consignatus est perpetuus deinceps futurus Canon Theologiæ ordinariæ: *Deut.* XXXI, 9, 24, 26. *Iob.* V, 39. XX, 31. *Rom.* IV, 23, 24. XV, 4. 1 *Cor.* X, 11. 2 *Tim.* III, 15, 16, 17. 1 *Petr.* I, 10, 11, 12. 2. I, 19, 20, 21. *Apoc.* I, 3. XXII, 18, 19.

XXIX. Ordinaria revelatio fit per Verbum Dei foris propositum, & per Spiritum Sanctum intus nos aptos facientem, atque hyperphysicè moventem, ad intelligendam veritatem istam, ad agnoscendam ejus Divinitatem, quin imò ad mentem, voluntatem, omnemque vitam nostram ei subijciendam & conformandam: *Jes.* LIX, 21. *Spiritum meum*, qui est super te; & *verba mea*, quæ posui in ore tuo, non recedent de ore tuo, & de ore seminis tuo, & de ore seminis tui, dixit Jehovah, ex hoc tempore & usque in sæculum. 2 *Cor.* I, 1, 5, 6. Quod idonei sumus, (id) ex Deo est: Qui etiâ fecit ut idonei essemus *Ministri novi pæcti*; non litteræ, sed *Spiritus*. Videt etiâ 1 *Cor.* I, 1. 6. 1 *Thess.* II, 13. *Act.* XVI, 14.

XXX. Hinc innotescit Theologiæ nostræ causa constitutionis instrumentalis; videl. Verbum Dei: quod ipso volente, in hunc finem scripto consignatum & obli.

obligatum est, ne sapiamus supra id quod scriptum est,
1 Cor, IV, 6.

XXXI. Objectum ejus primarium ac denominationis, est ipse Deus Opt. Max. Vide Matth. XIX. 17. 1 Tim. VI. 15, 16. & confer sup. th. 2.

Subordinatur illi Religio: Vinculum istud pietatis, quo obstricti sumus & religati Deo. Hæc verò piam Dei ac veritatis Divinæ agnitionem complectitur, & cultum Ejusdem sincerum. Tit. I. I. „ Agnitionem „ veritatis, quæ est secundum pietatem. Vide Joh. XI. 17. Jac. I. 27.

XXXII. Agnoscendus est Deus, qualem Se nobis Verbo suo revelavit. Omnis autem Divina revelatio, ubi nobis innotuit, nos illicò ad assensum obligat necessitate præcepti. Act. XXIV, 14. „ Ut qui credam omnibus, quæ in Lege & in Prophetis scripta sunt. At si necessitatem mediï spectemus, ad salutem juxta Fœdus Evangelicum consequendam, fundamentum fundamentorum est Jesus Christus: 1 Cor. III. II. Quod ipsum tamen plura involvit.

Infantibus statim proponuntur Elementa doctrinæ Christianæ; Decalogus, Symbolum fidei, Oratio Dominica, Institutio Sacramentorum, & Ordinis ac Disciplinæ Ecclesiasticæ. Hebr. VI, 1, 2. „ Omisso „ qui in Christo rudes inchoat sermone, ad perfectionem „ feramur: non jacentes rursùm fundamentum resipiscen- „ centiæ ab operibus mortuis, & fidei in Deum, Baptis- „ matum doctrinæ, ac manuum impositionis, & resurre- „ ctionis, & judicii æterni.

Proficientibus plures articuli traduntur: qui in Catholicos & Theologicos dispesci solent; illi ad fidem catholicè salutarem pertinent; hi ad accuratorem scientiam Theologicam fundamento superstruuntur. 1 Cor. III, 12, 13. „ Quod si quis super ædificat super „ fundamentum hoc, aurum, argentum, lapides pretiosos, „ ligna, fœnum, stipulam; Cujusque opus manifestum fiet

fiet: &c. 1. Tim. I, 13. „Expressam formam teneto san-
 „ norum sermonum, quos à me audisti, cum fide & cha-
 „ ritate quæ (est) in Christo Jesu. Adde 2 Tim. II, 2.
 III. 14.

XXXIII. Deus agnitus *colendus* est devotâ mente,
 atque omnibus viribus nostris.

Hoc enim postulat 1. Natura Dei sanctissima.

2. Mandata nobis præscripta, & seriò commendata.

3. Beneficia in nos collata; tùm naturæ, tùm gratiæ.

4. Nostra à Deo dependentia, ut realis, ita quo-
 que moralis.

1 Joh. III, 3. Quisquis habet hanc spem in eo (sitam,) „
 „ purum se conservat, sicut & ille purus est. Deut. vi, 5.
 „ Diliges ergò Iehovam Deum tuum toto corde tuo, & to-
 „ tâ animâ tuâ, & totâ fortitudine tuâ. Psal. cxvi, 12.
 „ Quid reddam Iehovæ (pro) omnibus beneficiis ejus (quæ
 „ contulit) in me? Act. xvii, 27, 28. „ Ut quærerent
 Dominum, - In ipso enim vivimus, movemur, & sumus.
 Adde Ioh. xiiii, 17. Tit. II, 11, - 14. 1 Ioh. I, 5, 6, 7.

XXXIV. Ex dictis patet, primò, gravissimè errare
 Socinianos, dùm Religionem duabus hisce partibus
 comprehendunt; Præceptis Divinis, & Promissis:
 atque item Remonstrantes, hisce tribus eam circumscri-
 bentes; Fide Divinorum promissorum, Obedientiâ
 Divinorum præceptorum, & debitâ Scripturis Re-
 verentia. Neque enim Fides restringenda est ad Pro-
 missa Dei sola; sed ad omnes veritates, ab Ipso reve-
 latas extendenda.

Deinde, non merè speculativam esse Theologiam no-
 stram; (quod calumniantur Remonstrantes;) sed ma-
 ximè practicam. Sic enim contemplamur Deum, &
 opera Ipsius, ac sermones veraces: ut omnis illa con-
 templatio perpetuam praxin requirat, & efficaciter pro-
 moveat. Sic contemplamur summum verum, ut simul
 agnoscamus ac diligamus summum bonum, ac devotè
 obediamus sanctissimo isti Domino. Matth. v. 8.
 „ Mundi corde, - videbunt Deum. XXXV.

XXXV. *Objectum secundarium*, sive *directionis*, Theologiae nostrae, est totus Homo i Thess. v. 23. "Ipse autem Deus pacis *Sanctificet vos totos*: & *integer vester spiritus, & anima; & corpus*, inculpate in adventum Domini nostri Jesu Christi *serventur*.

In Animâ scil. *Intellectus theoreticus* veritate Divinâ informandus; *practicus* noticia eorum, quæ ad officia nostra coram Deo pertinent: *voluntas* in Deum ritè dirigenda, & ad ea quæ Deus vult; ab oppositis verò avertenda: tùm *facultatis* reliquæ, & *affectûs*, ipsaque *Corporis membra*, & consequenter omnes *actiones nostræ*, ad sanctum obsequium formanda. Vide i Cor. vi. 20. Eph. 1, 18. Prov. xxiii. 26. Luc. x, 27. Rom. vi. 13. i Cor. x. 31.

XXXVI. Consequenter etiâ *Subjectum quo*, est primò *Intellectus*, tùm *theoreticus*, tùm *practicus*; ac porro *Voluntas*, & reliquæ *facultates*.

Sed *Subjectum quod*, primariò & propriè constituunt *Electi* efficaciter vocati - Matth. xi, 25, 26. "Gloriam tibi tribuo, Pater; Domine coeli & terræ, quod hæc "occultaveris sapientibus & intelligentibus; & ea de- "texeris infantibus. Etiâ Pater, quia ita libuit apud Te. xiii. 11. "Vobis datum est nosse mysteria Regni co- "lorum, illis autem non est datum. Tit. I, 1. "Secundùm fidem electorum Dei.

Secundariò tamen, & per similitudinem quandam, aliqui reprobi gratiæ solùm illuminantis & refrænantis participes facti. Vide Hebr. vi. 4, 5, 6. i Tim. i, 19. Matth. xiii, 20, 21.

XXXVII. *Finis primarius ac summus*, quem in hoc studio singulos seriò intendere oportet, est ipsius Dei gloria i Petr. ii, 9. Ut *virtutes prædicetis illius, qui vos vocavit è tenebris in admirabilem lucem suam*. Confer Prov. xvi, 4. Rom. xi, 36. i Cor. x, 31.

Subordinatur illi *Beatitudo nostra*, & gloria æternâ. Psal. i, 1, 2. "Beatus vir, qui - in Lege Jehovæ volun-

"tas ejus, & in lege ejus *meditatur* die ac nocte. 1 Sam. 11. 30. "Dicit Jehovah; - *Honorantes me honorabo.*
 "Adde Ioh. v, 39. xx, 31. Rom. 1, 16. 2 Tim. 111, 15.
 Sed in reprobis *eventus per accidens* est, eorum convicio, & gravior condemnatio. Luc. xii, 47. "Ille
 "autem *servus*, qui novit *voluntatem* Domini sui, neque
 "se comparavit, neque se gessit ex ejus voluntate, *cæ-*
detur multis (plagis.) Adde Ezech. 11, 5, 7. 111. 27.
 2 Cor. 11, 15, 16. Luc. 11, 34.

XXXVIII. *Beatitudo* ista in hac vitâ inchoatur; in alterâ consummabitur.

Caput rei est Communio nostra cum Deo. 1 Ioh. 1, 3, 4. "Quod vidimus & audivimus, id *annunciamus*
 "vobis; ut & vos *communione* habeatis nobiscum: &
 "communio nostra sit cum Patre, & cum Filio ejus Iesu
 "Christo. Et hoc scribimus vobis, ut *gaudium vestrum*
 "sit plenum. Psal. xxxiii. 12. *Beata gens*, cujus Jehovah
 "est Deus: populus, quem elegit in hæreditatem sibi.

Hoc bonum propterea 1. Deus promisit: Gen. xv,
 1. xvii, 7.

2. Christus suo merito nobis acquisivit: 1 Petr. 111,
 18. Eph. 11, 12, 13, 16, 19.

3. Atque intercessionem suâ applicari petit: Joh.
 xvii, 11, 21, 22, 23. cum Hebr. vii, 25.

4. Fideles autem cum summâ oblectatione istud
 percipiunt: Psal. iv, 7, 8. xxxiii, 21, 22. xxxvi, 8,
 9, 10. lxxiii, 25, 26.

XXXIX. Hinc ergo scaturiunt omnia *θεοῦ τὴν ἐν ζωῇ, καὶ τὴν ἐν δαίμονιαν*, requisita. 2 Petr. I,
 3, 4. "Prout Divina vis ipsius omnia nobis donavit,
 "quæ ad vitam & pietatem (pertinent): ut per hæc effice-
 "remini Divinae consortes naturæ. Adde Joh. I, 16. Col. II,
 9, 10. Psal. xxi. 11. Eph. 1. 3. Rom. viii, 31, 32. Matth. vi,
 25, 33.

Ita scil. 1. sanctam & gloriosam Dei imaginem habemus

demus nobis restitutam: Col. I, 11, 10. Eph. IV, 24. Rom. VI, 11, 13. 1 Theff. V, 23, 24.

Et 2. pacem illam Dei, quæ omnem mentem exsuperat: Phil. IV, 7.

3. Speservati sumus: Rom. VI, 11, 24. sed certissimâ, quæ minime confundit expectantem: Rom. V, 3, 4.

Et 4. gaudium percipimus gloriosum, ineffabile, perpetuum: 1 Petr. I, 8, 9. 1 Theff. V, 16. In ipsis etiam adversis: Jac. I, 2. Rom. V, 3, 4, 5. VIII, 17, 18, 28, 35, -

XL. Adeoque Θεολογία nostra verè etiam est Θεοζωία, καὶ Θεεργία: ut Deo & Christo vivamus que operemur. Rom. VI, 11. „Colligite, vos-vivere” Deo, per Christum Jesum Dominum nostrum. XIV, 7, 8, 9. „Domino vivimus; &c. Gal. II, 19, 20.” - Ut „Deo viverem. - Vivit in me Christus; &c.

Scil. 1. Ipso intus in nobis agente, & nos agere faciente: Joh. XV, 4, 5. 2 Cor. IV, 10. XIII, 5. Gal. II, 20. Phil. II, 13.

2. Per fidem ipsius: Gal. II, 20. Eph. I, 11, 17.

3. Secundum voluntatem ipsius: 1 Petr. IV, 2, 6. Rom. XII, 1, 2.

Act tandem 4. in gloriam ipsius. 1 Cor. X, 31. Phil. I, 20. Col. I, 11, 17.

Atque ista vita, essentialiter eadem, est æterna; quæ non modo habemus: Joh. I, 11, 36. V, 24. XVII, 3. & quidem in nobis manentem: 1 Joh. I, 11, 15. per Spiritum vivificantem, qui in nobis est; Joh. VI, 63, 2 Cor. I, 11, 6. Rom. VIII, 11. idemque est Spiritus adoptionis, & arrhabo futuræ hæreditatis nostræ cœlestis: Rom. VIII, 15, 16, 17. 2 Cor. I, 21, 22. Eph. I, 13, 14, IV, 30.

XLI. Perficietur ista Beatitudo primum in animâ separata; ac tandem absolutissimè consummabitur in personâ integra, quin & universa Ecclesiâ electorum, novissimo die, in beata resurrectione.

Ea excludet omnem dolorem ac miseriam: *Apoc.* *xxi*, 3, 4. omnemque imperfectionem abolebit: *i Cor.* *xiii*, 9, - 12. Afferet autem bona, quæ oculus non vidit, nec auris audivit, nec in mentem hominis venerunt: *i Cor.* *ii*, 9. dùm ipse Deus erit omnia in omnibus: *i Cor.* *xv*, 28. Quæ quidem plenius exponenda venient suo loco, in cap. de *Glorificatione*.

Sed veram ac solidam Beatitudinem, ipsumque Summum bonum, in natura temerè quæsiverunt, & promiserunt, *Philosophi Gentiles*.

XLII. *Media Theologiæ* sic feliciter consequendæ sunt, 1. potissimum *SS. Literæ*, *Rom.* *xv*, 4. *Nam quæ antè scripta sunt, ad nos docendos antè scripta sunt;* &c. Adde *2 Tim.* *iii*, 15, 16, 17. *Ioh.* *xx*, 31.

2. Ut rectè iis utamur; adsit humilis Dei reverentia, & pia *Precatio*. *Psal.* *cx*, 10. "*Principium sapientiæ, timor Iehovæ*. Adde *Prov.* *i*, 7. *ix*, 10. *Iob.* *xxviii*, 28. *Psal.* *xxv*, 9, 12. Spiritus autem humiliationis & gratiæ, idem est precum: *Zach.* *xii*, 10. Hic ergo docet nos precari, atque ita quærere; & sic porro facit ut inveniamus: *Iac.* *i*, 5. "*Quodsi cui vestrum deest sapientiæ, petito à Deo, qui dat (eam) omnibus benignè,* &c. Adde *Matth.* *vii*, 7. *Psal.* *xxv*, 4, 5. *cxix*, 12, 18, 26, 27. &c.

3. Adhibeatur sedula *Meditatio*, atque indefessum *Studium rerum Divinarum*.

Huc pertinet primariò pia ac frequens *Lectio S. Scripturæ*; & secundariò etiã scriptorum Ecclesiasticorum. *1 Tim.* *iv*, 13. "*Intentus esto lectioni*. Adde *2 Tim.* *iii*, 14, - 17. *iv*, 13.

Accedat avida atque obediens *auditio* explicationum & applicationum: *Rom.* *x*, 17. *Eph.* *iv*, 11. *1 Thess.* *v*, 12, 13.

Nec non sancta *scrutatio*, ac prudens *discretio*: *Ioh.* *v*, 39. *Act.* *xvii*, 11. *Phil.* *i*, 10. *1 Thess.* *v*, 21. *1 Joh.* *iv*, 1,

Ac porro diligens *ruminatio*: *Luc.* *ii*, 19.

Itémque

Itémque modesta cum alijs collatio: Col. 111, 16. 1 Theff. v, 11.

Tandem perpetua applicatio ad praxin: Tit. II, 11, 12. 2 Tim. 111, 16. Ioh. xv 11, 17. x 111, 17.

Istis autem ancillantur *Studia Linguarum*, Hebrææ potissimum & Græcæ; ac porro *Artium*, Grammaticæ, Rhetoricæ, & Logicæ: quin & *Philosophiæ* sobriæ: nec non *Historiarum*, *Geographiæ*, & *Chronologiæ*.

4. Necessario etiâ est *Militia spiritualis*: 1 Tim. v, 12. „Decerta præclarum illud certamen fidei.

Hic autem strenuè resistendum est hostibus nostris spiritualibus, eorumque tentationibus, contra Dei veritatem, iustitiam, & sanctitatem; aut Verbi Divini sinceritatem: Psal. lxxi 11, 2, 3, 13, 14, 16, 17.

Itemque ad superbiam; 1 Cor. v 11, 1. 1 Petr. v, 5, 6, aut disputationes curiosas, & contentiones acres; 1 Tim. 1, 4. 1 v, 7. v 1, 20, 21. 2 Tim. 11, 16, 23, 24, 25. Tit. 1, 14. 111, 9.

Nec non ad remissionem, otium, aut profanitatem; Rom. x 11, 11. Phil. 111, 14, - 18. 1 Tim. v 1, 5.

Per omnia nitendum est Christo, ejusque robore; tenenda spiritualis armatura; & perseverandum in officiis nostris: Phil. 1 v, 13. 2 Tim. 11, 1, 19. 1 Theff. v, 24. Eph. v 1, 10, - 18. 1 Petr. v, 8. 1 Tim. 1 v, 13, 15, 16. v 1, 11, 12.

XLIII. Theologiæ supernaturali repugnant potissimum *Infidelitas* Judæorum & Muhammedistarum; *Apostasia* Pontificiorum, nominatim in ipsorum Theologiâ Scholasticâ; *Hæreses* Socinianorum, Libertinorum, Anabaptistarum, Remonstrantium, &c. Itemque omnis impietas, profanitas, &c. contra supernaturalem Dei revelationem.

XLIV. Distributio Theologiæ nostræ desumenda est ex objecto subordinato; Religione: Sic autem duæ ejus partes occurrunt: prior, de Fide; sive rectâ Agnitione rerum credendarum, aut veritatum Divi-

nitatis nobis revelatarum : *posterior* , de Charitate ; seu piâ Observantiâ eorum , quæ Deus nobis faciendâ præscripsit. Utramque tradit *Theologia docens* ; earumque exercitio occupatur *Theologia utens* , seu ipsa *Religio* *Act.* xxiv, 14, 15, 16. „ Ut qui credam omnibus , „ quæ in Lege & in Prophetis scripta sunt. - Interea verò „ ipse (me) exerceo , ad conscientiam omni tempore habendam sine offensâ , apud Deum , & apud homines. Adde 1 *Tim.* 1, 19. 2 *Tim.* 1, 13. *Tit.* iii, 8.

XLV. Praxis denique hæc esto : 1. Theologiam ipsius Dei piè admiremur , & celebremus ! *Rom.* xi, 33, 34.

2. Theologiam unionis in Christo Mediatore & Capite nostro ita consideremus , ut per communionem nostram cum ipso , ex illâ plenitudine , nos etiâ pro nostro modulo repleamur ! *Joh.* iii, 34. 1, 16. *Col.* ii, 3, 9, 10.

3. Ad Theologiam visionis , in hoc mortali corpore degentes , à Domino peregrinantes , & fide interim ambulantes , aspiremus seriò ! 2 *Cor.* v, 1, 6, 7. 1 *Joh.* iii, 2. *Matth.* v, 8. cum xviii, 10. *Phil.* 1, 23.

4. Theologiam naturalem sic excolamus , ut ipsa supernaturali , sed verè salutari , ex gratiâ Dei in Christo , perficiatur & sanctificetur ! *Rom.* 1, 19, 20. *Act.* xvii, 26, 27, 28. cum *Tit.* 1, 15, 11, 11, - 14.

5. Theologiæ nostræ Finem gloriosissimum sic intueamur seriò , & Media ejus propria ac necessaria sic adhibeamus religiosè , ut certò illum consequamur : neque unquàm reprobis , & qui ineassum laboraverimus ,prehendamus ! *Hebr.* xi, 1, 13, 14, 16, 26. *Phil.* iii, 8, - 15. 1 *Cor.* ix, 23, - 27.

CAPUT. II.

DE FIDE.

Quid vox aliàs notet; & quid hoc loco. *Quæ-
plex Fides.* 1. *Fides Divina.* Non potest ei sub-
esse falsum. 2. *Objectiones solvuntur.* 3. *Veri-
tas testimonio Divino confirmata*, quibus mo-
dis. *Requisita ad Fidem constituendam.* 4. *Ne-
cessitas Notitiæ probatur.* 5. *Sententia Pontifi-
ciorum.* *Obiectio solvitur.* 6. *Fides implicita*, seu
Carbonaria. 7. *Assensus omninò necessarius*; ex-
clusâ Dubitatione. 8. *Obiectum Fidei Divinæ*
in universum. *Fides merè historica.* *Fides mira-
culorum*, activa, & passiva. 9. *Fides Euangeli-
ca.* *Temporaria.* 10. *Fides salvifica.* Ejus funda-
mentum. *Iustificans.* 11. *Specialis applicatio pro-
batur contra Pontificios.* 12. *Objectiones solvun-
tur.* 13. *Definitur Fides salvifica.* Est virtus ha-
bitualiter. 14. *Quomodò se habeat ad histori-
cam, & temporariam*; itemque miraculorum. 15.
Subiectum quod. 16. *Subiectum quo*; Intellectus.
Objectiones solvuntur. 17. *Ejus origo.* 18. *Effi-
cacia verbi.* 19. *Analýsis fidei.* 20. *Methodus.* 21.
Fructus. 22. *Efficacia ad praxin pietatis promo-
vendam.* 23. *Solvitur dubium*, An rectè dica-
tur virtus, aut actus obedientialis; cum obiectio-
nibus. 24. *Usus practici hujus doctrinæ.* 25.

I. **I**des aliàs notat, dictorum conventorum-
que veritatem & constantiam. Ità dici-
mus, *Fidem alicui servare*, aut *præstare*;
&c. Sed hoc loco est Actus credendi; si-
ve, Actus mentis testimonio alterius as-
sensum præbentis; quemadmodum dicitur, *Fidem a-*
licui habere, vel *adhibere*. Spectatur hîc *Veritas in te-*
stimonio; sive *in dictis* alterius; & qui de eâ persuasus
est, assensum illi præbet, sive *credit*. Græcè πισις
nuncupatur; unde πισεύω, *credo*; ex præterito passivo
πείπισται, *persuasus est*. Hebraicè אֱמוּנָה; sed
אֱמוּנָה אֱמוּנָה; & אֱמוּנָה, *veritatem* designant. Verum
pro duplici Testimonio, vel Divino, vel Humano; Fi-
des etiã vel Divina spectari potest, vel Humana: qua-
rum prior nunc nostræ considerationis est.

II. *Fides Divina* sequitur testimonium Divinum; &
propter huius primam & absolutè perfectissimam ve-
ritatem, certissima est & absolutè infallibilis. Sed ali-
ter se habet *fides humana*. Rom. III, 4. „Imò esto Deus
„verax; omnis autem homo mendax.

Hinc *fidei Divinae* objectivè non potest subesse falsum;
cùm proprium ejus objectum sit testimonium Divi-
num, quod necessario verum est; quandoquidem fieri
non potest, ut Deus mentiatur; vel aliquod falsum
suo testimonio asserat; & sic credendum proponat.
Num. XXIII, 19. „Non est homo Deus, ut mentiatur, &c.
Tit. I, 2. „Deus ille mentiri nescius. Hebr. VI, 18. Per
„duas res immutabiles, in quibus fieri non potest, ut
„mentitus sit Deus, &c. Adde 1 Sam. XV, 29. 2 Tim. II,
13. Joh. III, 33. 1 Joh. V, 9, 10.

III. Obj. I. Adam lapsus, fide Divinâ credere de-
buit, se cum omnibus posteris suis æternum fuisse con-
demnandum: hoc tamen falsum fuisse patet ex eventû.
Ergo, &c. R. sp. Credere solum debuit, se cum poste-

ris reum condemnationis, juxta sanctionem, *Gen. II. 17.* adeoque condemnandum fuisse, nisi sufficiens remedium intervenisset: sed hoc remedium excludere non debuit, aut potuit, fide Divinâ.

Obj. 2. Abraham similiter credere debuit, *Gen. XXI. 17.* filium suum Isaacum per immolationem fuisse moriturum: &c. *Resp.* Imò tantum, se obligatum adperagendam istam immolationem: sed quid de eâ futurum esset, ex eventû, vel aliâ Dei revelatione, discere debuit.

Obj. 3. Moses & Aharon credere debuerunt, aquas ad alloquium suum profilituras fuisse ex petrà; *Num. xx, 8,* & seqq. id enim Deus promiserat: neque tamen factum est: ergò, &c. *Resp.* Miraculum reipsâ secutum non est ad istud signum; quoniam signum istud non præcessit; sed ab illis malè ac diffidenter neglectum fuit. Idem tamen effectus, ad aliud signum, ab illis interim adhibitum, secutus est; juxta promissionem Dei generalem, & decretum effectivum, quod eventû manifestatum est.

Obj. 4. Ezechias credere debuit, se brevi post alloquium Jesaiæ moriturum; *Jes. xxxviii.* quod tamen verum non fuisse, docuit eventus: ergò, &c. *Resp.* Imò credere debuit, morbum istum ratione gravitatis suæ, & virium ipsius, fuisse lethalem; atque adeo ejus exitum futurum ad mortem; nisi per singularem praxin resipiscentiæ, humilemque ac fidelem deprecationem, extraordinariam sanationem consequeretur. Hoc autem factum est, quemadmodum Deus solet in comminationibus sæpius tacitam conditionem intelligere: *Ierem. xviii, 7, 8.*

Obj. 5. Discipuli credere debuerunt, *Matth. xvii, 20.* Diabolum istum ipforum operâ fuisse ejiciendum: quod tamen factum non est. *Resp.* Factum non est; quia Discipuli non adhibuerunt media necessaria, jejunium, preces, & mandatum cum fiduciâ conjunctum, ut exi-

ret Diabolus. Credere autem solummodo debuerunt, rem successuram fuisse, si media ritè adhibuissent; quod verum erat.

Obj. 6. Reprobi, Euangelium audientes, tenentur credere, Christum pro ipsis etià mortuum: quod interim verum non est. *Resp.* Tenentur credere quod Euangelio proponitur; & sicut proponitur: sed non absolute, aut immediatè, Christum pro ipsis etià esse mortuum. Ad specialem ejusmodi applicationem procedendum est methodo, quam Euangelium præscribit: positis ponendis, &c.

IV. Hic igitur occurrit veritas testimonio Divino propòsita & confirmata, sive ab ipso Deo immediatè: sive mediatè per Angelos, aut Homines Θεοπνεύστους; sive ex istis etià per alios: sic tamen, ut ad externa media, accedat interna & immediata Spiritùs Sancti illuminatio & obsecratio. 1 Thess. II, 13. „Gratias agimus Deo sine intermissione, quòd acceptum de Deo sermonem, quem audistis ex nobis, exceperitis, non ut sermonem hominum, sed (sicut est verè) ut Dei sermonem: qui etià agit in vobis, qui creditis, 2 Cor. I, 21, 22. „Qui nos confirmat vobiscum in Christum, & qui unxit nos, Deus (est.) Qui etià obsecravit nos, indiditque arrha bonem Spiritùs cordibus nostris.

Sic ad hanc Fidem constituendam prorsus requiritur, tum Notitia veritatis Divinæ, tum plenus animi Assensus & acquiescentia in istà veritate, quia & quatenus Divina est.

V. Notitiam ad Fidem omninò requiri, atque in ejus conceptu involvi, probatur: 1. quia Fides disertè appellatur Cognitio, aut Scientia, per synechdochen; Jes. LIII, 11. „Scientia sui justificabit justus Servus meus multos. Joh. XVII, 3. Vide sup. cap. 1. th. 2. cum Hab. II, 4. „Justus autem fide sua vivet.

Objecta fidei dicuntur etià cognosci aut sciri.

Joh.

Joh. XIX, 25. „*Novi*, Redemptorem meum esse viventem. *2 Cor. V, 1, 2.* „*Scimus* enim nos, si terrestris hujus domus tabernaculum dissolutum fuerit, ædificium ex Deo habituros. Adde *Eph. 1, 17, 18, 19.*

2. *Cum Fide conjungitur Notitia*, tanquàm prorsus necessaria ad eam constituendam: *Ioh. VI, 69.* „*Credidimus & scimus*, te esse Christum illum, Filium Dei viventis. *2 Tim. 1, 12.* *Novi* cui crediderim. *III, 15.* „*Quæ* (SS. Literæ) te possunt sapientem reddere ad salutem, per fidem, quæ est in Christo Jesu.

3. *Ex ejus origine*, aut modo productionis: *Rom. X, 17.* „*Ergo fides ex auditu* (est); auditus autem per Verbum Dei. Veritas Verbo Dei proposita, auditu percipi debet; atque ita cognosci; ut Fides homini in generetur. Unde etiam monet Apostolus, *Col. III, 16.* „*Sermo Christi* inhabitet in vobis copiosè cum omni sapientiâ.

4. *Ex requisito consequente*: *Rom. X, 9, 10.* „*Si professus fueris ore tuo Dominum Jesum, & credideris in corde tuo*, quod Deus cum suscitavit ex mortuis, servaberis. Nam corde creditur ad justitiam; fit autem ore professio ad salutem. *1 Petr. III, 15.* „(Estote) verò semper parati ad respondendum (περὸς ἀπολογίαν) cum lenitate & timore, cuiusvis petenti à vobis rationem ejus quæ in vobis est spei. *Matth. XII, 32.* — Quisquis igitur agnoscet Me coram hominibus; agnoscam & Ego eum coram Patre Meo, qui est in cœlis. At verò Confessio illa, sive Agnitio coram hominibus, Notitiâ omninò prærequirit, tanquàm Fide comprehensam.

VI. Errant ergò Pontificii, dùm asserunt, Fidem tantum esse viam & gradum ad Notitiam; imò melius per Ignorantiam describi, quàm per Notitiam.

Obj. - Jes. VI, 9. *Nisi credideritis, non intelligetis.* Ergo Fides tantum est conditio prærequisita, & gradus ad

ad Intelligentiam. *Resp.* 1. Vitiosa est Vulgata Versio Latina in membro posteriori. Textus Hebraicus habet; *non confirmabimini*; sive, *non eritis stabiles*. 2. Fides unius veritatis potest esse via & gradus ad cognoscendam aliam veritatem, quæ virtualiter in priori continetur. Undè tamen non sequitur, Fidem esse tantum viam, &c. aut non statim involvere Notitiam illius veritatis, quæ actû creditur.

VII. Idem mirum in modum prædicant *Fidem implicitam*, quam etiã *Carbonariam* appellant; ut quis simpliciter credat, quod Ecclesia credit. Sed qui ignorat quid credat Ecclesia, non magis verè istud dicere potest; quàm cæcus, se ea videre quæ alii vident.

Obj. Atqui admittenda est Fides implicita: scil. ut credas vera esse, quæcunque Verbo Dei comprehensa sunt; quamvis omnium & singulorum explicitam Notitiam atque Intelligentiam non habeas.

Resp. Fides istic implicita est, quousque Notitia implicita: sed non simpliciter & tantum implicita; non certè circa ipsa principia, & articulos potissimum fundamentales Religionis Christianæ.

VIII. At non sufficit qualiscunque Notitia: hæc enim in profanis irrisoribus, Fidem minimè habentibus, frequenter reperitur: 2 Petr. 111, 3, 4. Assensus omninò necessarius est; seu veritatis, quæ in Verbo illo inest, pia Agnitio. Hinc Joh. 111, 33. „Qui recipit ejus testimonium, is obsignavit Deum veracem esse. 1 Joh. 5, 9, 10. „Si testimonium hominum accipimus, testimonium Dei majus est: nam hoc est testimonium Dei, quod testificatus est de Filio suo. Qui credit in Filium Dei, habet testimonium in seipso; qui non credit, Deo, mendacem eum facit; quia non credidit testimonio, quod testificatus est Deus de Filio suo.

Quin imò sicut *objectivè* hîc nobis proponitur Veritas Divina, absolute summa & infallibilis; ita *subjectivè* Assensus debet esse firmissimus, omnem Dubitationem

nem excludens: Rom. IV, 18, - 21. „(Abrahamus)
 „contra spem sub spe credidit, - Ac minimè infirmus fide,
 „non addubita vit incredulitate: sed corroboratus fuit fide,
 „tributâ gloriâ Deo. Ac plenè certioratus est, eum)
 „quod promiserat, posse etiâ efficere, Jac. 1, 6, Po-
 „stulet cum fide, nihil ambigens.

Quod æquè de rebus futuris accipiendum, ac si jam
 præsentes essent: summam enim certitudinem nobis
 „præstat Verbum Dei. Hebr. XI, 1. „Est autem fides,
 „illud quo subsistunt quæ sperantur, & qua demonstrat
 „quæ non cernuntur. Rom. VIII, 25. „Si verò quod non
 „videmus, speramus, (nempe) per tolerantiam expe-
 „ctamus. 38. „Nam mihi persuasum est, &c.

IX. Objectum Fidei Divinæ in univèrsum est omne
 Verum Auctoritate Divinâ propositum & confirma-
 tum. Act. XXIV, 14. Vide sup. cap. I. th. 32.

At si quis generatim solummodo credat, absque spe-
 ciali applicatione, & spirituali fiduciâ, per gratiam dun-
 taxat illuminantem & persuadentem; hæc Fides merè
 historica est: de quâ Jac. II, 19. Vide sup. cap. I. th.
 10. Confer Act. XXVI, 27, 28.

Si effectus aliquis miraculosus spectetur, Fides mi-
 raculorum dicitur.

Hæc verò activa est in eo, qui miraculi patrandi
 causa instrumentalis moralis existit: Matth. XVII, 20.
 „Si habeatis fidem, quantulum est granum sinapis, di-
 „cetis monti huic, Transgreditor hinc illuc; & transgre-
 „diatur: & nihil impossibile erit vobis. Adde I Cor. XII, 1,
 „2. Marc. XVI, 17, 18. Matth. VII, 22, 23.

Passiva est in eo, qui effectum miraculosum recipit:
 Matth. IX, 29. Tunc tetigit oculos eorum, dicens:-
 „Secundum fidem vestram fiat vobis. Adde Actor;
 XIV, 9, 10.

X. Speciatim tamen hic ea consideranda veniunt,
 quæ ad Fœdus Evangelicum pertinent, ad reconcili-
 ationem.

liationem nostrâ cum Deo, & salutem per Christum; quæ est *Fides Evangelica*.

Si hæc solido fundamento & vivâ radice destituatur, atque interim gaudium aliquod temporarium ex perceptâ rei bonitate ac novitate adferat, *Fides temporaria* vocatur. *Matth. xiii, 20, 21.* „Qui vero in petrosa semen excepit, is est, qui sermonem audit, & eum statim cum gaudio accipit. Non habet autem radicem in sese, sed temporarius est: ortâque afflictione, vel persecutione, propter sermonem, statim offenditur. Adde *Hebr. vi, 4, 5.* *Actor. vii, 13, 21.*

XI. At si pertendat ad veram unionem & communionem cum Christo, auctore vitæ spiritualis & salutis æternæ, adeoque actûs spiritualiter vitales & salutares producat, *Fides salvifica* nuncupatur. *Mart. xvi, 16.* „Qui crediderit, - servabitur. *Eph. ii, 8.* Gratiâ enim illâ estis servati per fidem. Adde *Joh. iii, 18,* 36. *Rom. x, 9, 10, 11.*

Hæc nititur duplici testimonio Dei; exteriori, in libro Scripturæ & prædicatione Evangelii: *Rom. x, 17.* Vide sup. th. 5. & interiori, in libro conscientiae nostræ; ubi Spiritus Sanctus vitam spirituales operatur, atque istam gratiam salutarem spiritui nostro attestatur. *Eph. ii, 5.* „Etiam nos, cum in offensis mortui essemus, unâ vivificavit cum Christo; (cujus) gratiâ estis servati. 10. „Nam ipsius sumus opus, conditi in Christo Jesu ad opera bona. 13, 14. „In quo etiam fide (ipsi) habitâ ob signati estis per Spiritum illum promissionis Sanctum: Qui est arrhabo hereditatis nostræ, &c. Adde *Rom. vii, 2, 9, 14, 15, 16.* 1 *Cor. ii, 12.* 2, 1, 22. *Eph. iv, 30.*

Eadem quoque *Fides justificans* appellatur; quatenus videl. credimus, in Christum nobis à Deo factum justitiam: 1 *Cor. i, 30.* & sic justificationem accipimus: *Rom. i, 17.* „Justitia Dei per illud (Euang. l. um) regitur ex fide in fidem; sicut scriptum est; (*Heb. ii, 4.*)

JUSTUS

„*Iustus verò ex fide vivet.* Adde *Cap. III, 21, 22, 24, 28. IV, 5; 22, - 25. V, 1, 11, 18, 19. X, 3, 4, 10.*

XII. Inest igitur in fide salvificâ *specialis Applicatio bonorum Evangelicorum.* Probatur hoc contra Pontificios; 1. ex professione fidelium: *Gal. II, 20.* „*Vivo per fidem illam Filii Dei, qui dilexit me, & tradidit semet ipsum pro me.* *Psal. CXI, 1, -* „*Jehovah pastor meus (est): non deficiam.* In tuguriis germinis accubare facit me, &c. Etiam si ambulavero per vallem umbræ mortis, non timebo malum; (quoniam Tu mecum es: &c. Adde *Job. XIX, 25, Phil. I, 21, 23. Rom. VIII, 33, - 39. X, 9, 10. 2 Cor. V, 1, 2, 6. cum 2 Cor. IV, 13.* „*Quoniam habemus eundem Spiritum fidei, secundum illud quod scriptum est, (Psal. CXVI, 10.) Credidi, & ideo locutus sum, nos quoque credimus, quamobrem etiam loquimur: 2 Petr. I, 1. - æquè pretiosam fidem nobiscum sortitis.* Ac porro vers. 3. 4. „*Prout Divina vis ipsius omnia nobis donavit, quæ ad vitam & pietatem (pertinent), per agnitionem illius qui vocavit nos ad gloriam ac virtutem: Ex eo quod maxima illa nobis ac pretiosa promissa donavit, &c.*

2. Ex Spiritu illo fidei: *2 Cor. IV, 13.* qui singulos verè Christianos ducit: *Rom. VIII, 9, 14. & docet ea, quæ Deus nobis gratificatus est: 1 Cor. II, 12.* idemque est Spiritus adoptionis; testificans spiritui nostro, nos esse filios & hæredes Dei, cohæredes autem Christi: *Rom. VIII, 15, 16, 17.* estque arrhabo hæreditatis nostræ cœlestis, *2 Cor. I, 21, 22. Eph. I, 13, 14. IV, 30.*

Quo etiam 3. pertinet Calculus albus; & novum Nomen calculo isti inscriptum, quod ille solus novit, qui ipsum accipit; & Manna occultum: *Apoc. II, 17.*

4. Ex effectis: animi scil. fiducia, & libertate apud Deum, orta ex fide: *Eph. III, 12. Hebr. IV, 16.* spei robore: *Hebr. XI, 1.* & gloriatione, in ipsis etiam adversis, *Rom. V, 2, 3.*

XIII. Obj. 1. Objecta credenda passim terminis gene-

generalibus proponuntur : ergo, &c. *Resp.* Sed alibi quoque docetur specialis applicatio, ejusque modus ac methodus.

Obj. 2. Specialis ista applicatio carnalem securitatem inducit : &c. *Resp.* Neg. Imo ad pietatem promovendam validissima est : quô enim magis cognoscimus singularem Dei & Christi erga nos charitatem, eô magis obligamur ad gratitudinem, novam obedientiam, reverentiam, ac dilectionem vicissim præstandam. 1 Joh. 111, 15, 2, 3. IV, 19. 2 Cor. v, 14, 15.

XIV. Ex superioribus conficitur *definitio* ; Fides salvifica est virtus Theologica, qua Divinam veritatem eorum, quæ Deus Verbo suo revelavit, agnoscimus ; & bona Evangelica speciatim ac fiducialiter nobis applicamus, per Spiritum Sanctum.

Virtutem dicimus habitualiter : quia in subiecto permanet ; & actûs, tum elicitî, tum imperatî ex eâ producuntur. 2 Tim. I, 3. „Memoria repêrens eam, quæ in te est ; non simulatam fidem, quæ habitavit prius in „aviâ tuâ Loide, & matre tuâ Euniciâ ; persuasus sum „autem, quod in te quoque. Luc. XXI, 32. Ego de „precatus sum pro te, ne deficiat fides tua. Eph. III. 12. „In quo habemus loquendi libertatem, & aditum cum „fiduciâ, per fidem ipsius. 17. „Ut inhabitet Christus per „fidem in cordibus vestris. Galat. v, 6. „Fides per charitatem operans.

XV. Fides salvificâ eminenter in se continet id quod in merè historicâ & temporariâ inest : illa enim vera ac solida virtus Theologica est, ad vitam spirituales perti-nens ; undè ejus expertes, dicuntur alienati à vitâ Dei, Eph. iv, 18. hæc, quasi umbræ, aliqualem ejus similitudinem mentiuntur ; atque in multis, vitâ spirituali destitutis, existunt.

Consequenter, quæ th. 9, 10, & 11. proposita est *distinctio*, potius est vocis ambiguae in sua significata : quàm generis in suas species : perpetam verò crimi-nantur

nantur Pontificii, plures à nobis Fidei species constitui. Graviter item errant *Remonstrantes*; ubi fidem salvificam à temporariâ non essentialiter, sed solâ duratione, distinguunt.

Similiter *Fides miraculorum*, ubi cum *salvificâ* in eodem singulari subiecto existit, non differt ab eâ realiter; sed tantum respectu quodam ad objecta & effecta. Cæteroquin *Fides miraculorum* etiâ potest esse solum *historica* & *temporaria*; cum adjuncto modo extensionis ad effecta miraculosa.

XVI. Fidei salvificæ subiectum quod sunt Homines electi efficaciter vocati. Hinc disertè *Fides electorum* Dei appellatur; Tit. I, I. & credidisse dicuntur, quot ad vitam æternam erant ordinati; Act. XIII, 48. atque item prædestinati ad conformitatem imaginis Christi, & sic porro vocati; Rom. VIII, 29, 30.

Sed *fides* merè *historica*, *temporaria*, ut & *miraculorum*, reprobis quibusdam obtingunt: Ac talis ex consequenti agnoscenda est in omnibus, qui deficiunt ad æternam perniciem: I Joh. II, 19. „E nobis egressi sunt; sed non erant ex nobis; nam si fuissent ex nobis, permanissent utique nobiscum; sed (egressi sunt ex nobis) ut patefieret, non omnes esse ex nobis.

XVII. Subiectum quo propriè & formaliter est Intellectus: ad hunc enim pertinet veritatem percipere, discernere, eique assentiri, etiâ cum speciali applicatione. Intellectus tamen sine Voluntate non existit, neque operatur: atque adeo dum Intellectus in hoc negotio occupatur circa verum, quatenus tale est, quod idem interim etiâ bonum est; Voluntas per Fidem excitata, in illud etiâ fertur, quatenus bonum est, expetendo, diligendo, obedientiam imperando, & præstando, &c. qui tamen *imperati actus Fidei* sunt, non *eliciti*.

Obj. I. Corde creditur; Rom. X, 10. Cor autem voluntatem designat; non intellectum: ergo, &c. Resp. Cor

Cor metonymicè & synecdochicè notat facultates interiores ; etiā intellectum. 1 Reg. III, 9. *Psal. XIV, 1. cum x, 4.*

Obj. 2. Fides est receptio boni sub ratione boni, & intima unio cum eodem : *Ioh. 1, 12.* „Quotquot *exceperunt eum* ; - qui *credunt.* *Resp. 1.* Imò est perceptio, vel apprehensio veri, sub ratione veri, propter auctoritatem Divinam ; ad quam sequitur receptio boni, ut talis, in voluntate : quatenus istud verum, simul quoque bonum est. 2. Intima unio cum bono non est ipsa fides formaliter ; sed ejus effectus. 3. *Ioh. 1, 12.* dicuntur credentes, Christum excipere ; sed per intellectus assensum testimonio Divino habitum.

Obj. 3. Fides est actus electionis ; & sic fertur in bonum, quod istâ ratione fit nostrum : *Ioh. VI, 35.* „Qui *venit ad me* : qui *credit in me.* Ergo ad Voluntatem pertinet. *Resp. 1.* Non est formaliter actus electionis ; sed assensus : licet hunc etiā sequatur electio voluntatis. 2. Credendo quod Christus sit nobis causa salutis æternæ, intellectū formaliter in ipsum ferimur, & circa ipsum occupamur, ut verè talem ; quanquam porro etiā voluntate & affectibus in ipsum ferimur, ut bonum : verum isti sunt imperati actūs fidei.

Obj. 4. Fides, quā credimus non tantum Deum, aut Deo, sed in Deum, est vera & propria fiducia ; quæ significat electionem & apprehensionem sufficientis ac idonei medii, in quo fundatur persuasio & expectatio boni futuri. *Psal. LXXVIII, 22.* „non *crediderunt in Deum*, neque *confisi erant in salute ejus.* Sic credere in Deum, est credendo adhærere Deo, ipsi inniti, in ipso acquiescere, tanquam in vitâ ac salute nostrâ omnisufficiente. *Deut. xxx. 20.* „*adharendo ei* : *nam ipse est vita tua.* *Resp. 1.* Fateor, quod credere in

in Deum aliquando saltem idem notet ac assentiri testimonio Divino speciali, de salutari communione cum ipso: attamen ista fides non est formaliter fiducia, sed est ejus causa: *Eph. 111, 12. 2.* Fides quidem est apprehensio sufficientis & idonei medii, in quo fundatur certissima expectatio bono futuri: at tunc medium illud spectatur sub ratione veri, testimonio Divino nobis confirmati. Sed non est propriè electio: 3. Fiducia rectè Fidei, adiungitur, ut effectus suæ causæ: non verò ut ejus ratio formalis. 4. Adhærere Deo per voluntatem, sic ipsi inniti, & in ipso acquiescere, tanquàm in vitâ & salutē nostrâ, sunt etiâ fructus fidei, & actus imperati.

Obj. 5. Crediturus, ex miseriæ sensû, & omnimodæ liberationis, cum in se, tum in aliis, defectû, necesse habet, se dedere Deo in Christo, tanquàm Servatori sufficienti, & fideli: hoc autem fieri non potest, nisi per consensum voluntatis: ergo, &c. *Resp.* Deditio ista non est formalis actus fidei; sed consequens, & imperatus.

Obj. 6. Particularis ista certioratio intellectûs, in quibusdam deest ad tempus: qui tamen fidem veram in cordibus suis habent interim latentem. *Resp. 1.* Ubi in verè fidelibus actualis illa certioratio deest ad tempus, non tamen deest habitualis certitudo. 2. Ut quandoque deest actualis illa certioratio, ita non minus interdum deest actualis fiducia, & cordis acquiescentia in Deo per Christum, tanquàm in vitâ ac salutē nostrâ omnisufficiente.

XVIII. Ad Fidei illius originem quod attinet; probatur Dei efficientia in hoc negotio, eaque realis hyperphysica; 1. ex eo, quod non alii quàm docti à Deo, & tracti, qui audiverunt à Patre, & didicerunt, veniant ad Christum, & credant: *Joh. vi, 44, 45.* Au-

diverunt videl. sermonem Dei vivi, qui verè est incorruptibile *semen regenerationis nostræ*: 1 Petr. I, 23.

2. In prædicatione Euangelii, neque is qui plantat est aliquid, neque qui rigat; sed Deus qui *dat crescendi vim*: 1 Cor, III, 7. qui *adaperit cor*, ad attendendum iis, quæ per Ministros dicuntur; exemplo Lydiae: Act. xvi, 14.

3. *Ex nobis ipsis non sumus idonei ad cogitandum quicquam*; ac proindè neque ad credendum: sed *omnis aptitudo nostra à Deo est*: 2 Cor. III, 5, 6. qui nos *discernit*; & à quo *accepimus*, quicquid habemus: 1 Cor. iv. 7. qui nobis *dat*, etiàm *credere in Christum*: Phil. I, 29. Eph. II, 8. *revelatus mysteria Regni cælorum*, & communicans beneficia salutaria, quibus ipsi secundum electionem placet: Matth. xi, 26, xiii, 11. Act. xiii, 48. Rom. viii, 30.

4. Speciali appropriatione appellatur propterea *Spiritus fidei*; 2 Cor. iv, 13, *sine quo nemo potest dicere Jesum Dominum*: 1 Cor. xii. 3. Atque hoc contra Pelagianos, eorumque sequaces, tenendum. Sed pluribus eandem veritatem astruemus ac defendemus infra in cap. de Vocatione & regeneratione.

XIX. Interim neque Verbi Divini, aut Euangelii prædicati, efficacia hîc omittenda est. Disertè Paulus, Rom. i, 16. „Non me pudet *Euangelii Christi*, *potentia* siquidem *est Dei ad salutem cuius credenti*. Et cap. x. 17. Vide sup. th. 5. §. 3. Verùm ista efficientia propriè moralis est, per modum signi ad auditum ordinati, & signativè nobis repræsentantis veritates credendas. Attamen necesse est, ut efficacia realis hyperphysica Spiritûs Sancti ad moralem illam accedat; cæteroquin ea effectum suum non sortiretur. 1 Cor. iii, 7. Quod probè distinguendum, propter *Swenkfeldianos*, & *Lutheranos*. Verbum quidem aptitudinem suam moralem & signativam habet procul dubio; sed majori virtute opus est, ut homo prorsus corruptus,

ptus, & spiritualiter mortuus, illi credat ad salutem. Hinc Spiritus Sanctus dicitur nobis *indere cor novum*, *Ezech. xxxvi. 26. nos iterum creare*; *2 Cor. v, 17. resuscitare*; *Eph. ii. 5. & regenerare. Joh. iii, 5.* Atque ita non solum præstat, ut homo credere possit, si velit; sed etiam, ut actum credat: quod contra *Jesuitas*, & *Remonstrantes*, observandum.

Obj. Sic videbitur Deus in nobis credere; non nos ipsi: quod absurdum. *Resp.* Neg. Deus in nobis efficit & ipsum Velle, & ipsum Agere; *Phil. ii, 13.* interim nos formaliter Volumus, & Agimus. Similiter nos per gratiam Dei, & ex Spiritu fidei, Credimus: & consequenter etiam Loquimur: *2 Cor. iv, 13.*

XX. Ex superioribus sequitur, quid dicendum sit de *Analyfi Fidei*. Si enim objectivè spectentur veritates credendæ, analysi erit in Verbum Dei, quo veritates istæ nobis innotuerunt, & quod supremam atque infallibilem auctoritatem habet, ut ipsi assentiamur in omnibus sic propositis, & confirmatis. Vide sup. th. 2. Verum si subjectivè spectetur actus credendi in nobis; quâ scil. virtute effectum sit, ut nos non solum credere potuerimus, sed reipsa etiam credamus; cum alii multi, quibus idem Verbum quoque fuit propositum, non credant tamen; analysi erit in Deum aut Spiritum Sanctum, cujus reali & hyperphysicâ virtute hoc in nobis effectum est: ut jam probatum, th. 18. & 19.

XXI. *Methodus* autem potissimum est hujusmodi: Spiritus Fidei in nobis operans, ipsumque habituale donum Fidei sese in actus secundos exerens, efficit, ut peccata, corruptionem, vilitatem, turpitudinem, & universam miseriam nostram cum displicentiâ ac dolore agnoscamus; humiliter de nobis ipsis sentiamus, nos ipsos judicemus, atque in nobis, quantum ad nos ipsos & nostra, attinet, desperemus: *Matth. ix, 13. xi, 28. Jerem. ii, 19. 1 Petr. v, 5. 6. 1 Cor. xi, 31; Jerem. xvii, 5, 6.* Quod est antecedens & prærequisitum

necessarium ad formales actus Fidei salvificæ.

2. Ut agnoscamus supremam, eamque salutarem veritatem universæ doctrinæ Scripturariæ: & speciatim Promissionum Evangelicarum; atque adeo plenitudinem gratiæ & salutis in Christo; ac admirandam Dei misericordiam in isto Mediatore: *Act. xxiv, 14. Rom. 1, 16, 17. 11, 25. Ioh. 1, 16, 17. 1 Tim. 11, 5, 6. 1 Ioh. 11, 1, 2.* Hoc autem pertinet ad Fidem generalem & Evangelicam.

3. Ut serio nobis expectamus unionem & communionem Christi, hoc bonum desideremus, hanc iustitiam esuriamus & sitiamus; *Ies. 1, 19. Iv, 1. Psal. xlii, 1, 2, 3. Apoc. xxii, 17. Matth. v, 6. Phil. 111, 9.* Qui est actus imperatus fidei generalis Evangelicæ, & necessarium prærequisitum specialis fidei salvificæ.

4. Ut juxta promissiones Evangelicas, ex desiderio isto spiritali, attestante etiam Spiritu Sancto in nobis, agnoscamus Christum esse nostrum Servatorem; sic eum singuli recipiamus, ac nobis applicemus, vicissim apprehendentes eum, qui nos apprehendit prior: *2 Cor. iv, 13. Rom. vii, 15. Ioh. 1, 12. 2 Tim. 1, 12. Gal. 11, 20. Phil. 11, 12.* Qui est formalis actus fidei salvificæ.

5. Ut porro agnoscamus, nos in communione Christi participes esse omnium & singulorum ejus beneficiorum; sic habere remissionem peccatorum, & jus vitæ æternæ. *1 Ioh. 1, 3. 1 Cor. 1, 30. Act. x, 43. Ioh. 11, 16, 36. v, 24.* Qui est posterior actus, attamen etiam proprius, & elicited, fidei salvificæ; cum quadam consequentiâ.

6. Ut Patrem illum cœlestem, adeo misericordem ac beneficum, & Servatorem unicum perfectissimum, qui nos prior tantopere dilexit, vicissim diligamus, & sincerâ gratitudinē ac novâ obedientiâ prosequamur iugiter: *1 Ioh. iv, 19. 2 Cor. v, 14, 15. Psal. cxvi, 1, 12,*

13. Rom. XII, 1, 2. Tit. II, 11, 12, 14. Qui est actus imperatus fidei salvificæ.

7. Ut observemus omnes actûs jam commemoratos, eorumque sinceritatem in nobis : indè colligamus, nos esse verè fideles, translatos in statum gratiæ & regnum lucis, ac verè consortes bonorum modò recensorum : atque adeò confidamus fore, ut potenter custodiamur, ac perficiamur ampliùs, virtute Dei & Christi ; & suo tempore transferamur etiàm in statum gloriæ : 2 Cor. XIII, 5. 1 Petr. II, 9. Eph. v, 8. Rom. v, 1, - II. VIII, 17. 23, 24, 25 ; 31, - 39. 1 Petr. I, 5, - 9. 1 Thes. v, 23, 24. 2 Tim. IV, 7, 8.

XXII. *Fructûs fidei* sunt saluberrimi, in quibus maximè *capitalis* est, 1 *unio & communio nostra cum Christo*, vitæ ac salutis æternæ causâ verissimâ ; quem Verbo & Spiritû sic nobis propositum atque oblatum, credentes recipimus, amplectimur, tenemus ; ut ipso, cum omnibus suis beneficiis, deinceps beati fruamur : Ioh. I, 12. cum Hebr. XI, 11. ac porro, Ioh. XV, 4. XYII, 20, 21. Gal. II, 20. Cant. II, 16.

Undè statim resultant, 2 *Iustitia coram Deo*, immunitas à reatû, & jus vitæ æternæ, in isto Servatore nostro : Rom. I, 16, 17. III, 21, - 28. VIII, 30. &c. X, 9, 10.

3. *Pax & Amicitia cum Deo*, quæ omnem mentem exsuperat : Rom. v, 1, 10, 11. Phil. IV, 7. Coloss. I, 19, 20, 21.

4. *Dignitas Filiorum Dei* ; ex Adoptione, in illo verè unigenito & *οἰκονομία* : Ioh. I, 12. Gal. III, 26.

Porro autem hinc ampliùs promanant, 1. *Filialis libertas & fiducia* accedendi ad Patrem illum cœlestem : Rom. v, 2, VIII, 15, 16. cum certâ *persuasiōe*, quòd orationes nostræ exaudiendæ sint : 1 Ioh. v, 14, 15. Matth. v, 5, - II. XXI, 22. Iohan. XIV, 13. XV, 7. XVI, 34. Iac. 1, 5.

2. *Jus civitatis, familiæ, & hereditatis cœlestis* ; quæ

nobilissima & gloriosissima sunt privilegia: Eph. 11, 18, 19. Hebr. XI, 9, 10, 13, 14, 16. Phil. III, 20, 21. Rom. VII, 1, 17.

3. *Victoria mundi*, aliorumque hostium & adversorum, in Duce & Capite nostro, qui prior vicit, & nos vincere facit: 1 Ioh. V, 4, 5. Rom. VIII, 37. Ioh. XVI, 31, 33.

4. *Exultatio pia*, & *Gloriatio humilis*, in tantâ illâ salute, & tam admirandâ Dei gratiâ: Rom. V, 2, 3, 11. Jac. 1, 2, 9.

Imò *insuper*, arcuissimo nexû beneficiis illis gloriosis implicata sunt hæc *honestas* & *sancta*, 1. *Inhabitatio* & *vita ipsius Christi in nobis*; qui manifestè ostendit, qualis ipse sit; & nos imagini suæ similes reddit: Ephes. III, 17. Gal. II, 20. Ioh. XV, 4, 5. Rom. VIII, 29. 2 Cor. III, 18.

2. *Cordis* & *conscientiæ nostræ intima purificatio*; quatenus hunc sanguinis Christi effectum & hanc Spiritûs Sancti virtutem, fide etiâ recipimus: Act. XV, 9. Tit. 1, 15. Ioh. XV, 3. Hebr. IX, 14. 1 Cor. VI, 11.

3. *Efficacia per charitatem*; dum in veritate etiâ observamus bonitatem Dei & Christi, ejusque imaginis in proximo nostro; atque adeo fides actûs charitatis imperat: Gal. V, 6. 1 Ioh. IV, 19. 2 Cor. V, 14, 15.

4. *Sancta totius vitæ*, & *omnium actionum nostrarum*, gubernatio: adeo ut, quicquid ex fide non est, peccatum sit: Rom. XIV, 23. & fides cooperetur operibus bonis, atque ex illis perficiatur; h. e. signativè vera ac viva declaretur, seu probetur, demonstratione τῆς ὁτι: Iac. II, 22. confer 2 Cor. XII, 9. Non verò formaliter iis perficiatur, quasi charitas esset forma fidei; quod perperam contendunt Pontificii; cum virtutes illæ specie differant: 1 Cor. XIII, 13. Quin & opus fidei celebratur, 1 Thes. I, 3. Ioh. VI, 29, 30. respectu

spectū praxios perpetuæ, quam requirit; & actuum
tūm elicitorum, tūm imperatorum.

XXIII. Quò clariùs pateat fidei efficacia ad praxi
pietatis promovendam, paucis adhuc notamus ista se-
quentia. 1. Per fidem ex Christo, & Spiritū Sancto,
accipimus vires operandi spiritualiter.

2. Agnoscimus normam nobis præscriptam, tam
accuratè nos obligantem; atque adeò necessitatem
præcepti.

3. Praxin istam Deo gloriosam, atque in Christo
gratam esse; simulque nobis salutarem, tūm ut hic
triamur pace conscientiae ac beatitudine inchoatā,
tum ut eādē viā ac methodo adeamus possessionem
& fruitionem hæreditatis ac gloriæ cœlestis.

4. Universa Theologia nostra, & potissimum do-
ctrina gratiæ Euangelicæ, multis modis praxin ac-
curatissimam, sinceram, ac perpetuam, postulat: dum
enim credimus Sanctitatem Jehovah, & voluntatem
ipsius esse sanctificationem nostram; facilè intelligi-
mus, quid amicos & filios ipsius deceat: dum credi-
mus Christum, caput nostrum sanctissimum, vitamque,
& mortem, ac resurrectionem ejusdem; omnia talem
immutationem & conformationem requirunt, dum
credimus, nos justificatione absolvi à priori miserā, &
vitam æternam nobis adjudicari; quomodo peccatis
serviemus amplius? quomodo non omni studio incum-
bemus sanctitati, quæ in vitā æternā non minus com-
prehenditur, quàm ipsa gloria? &c.

XXIV. Superest *dubium*, An fides Euangelica,
& salvifica, rectè dicatur virtus, aut actus obedientia-
lis Lege Divinā præscriptus? *Resp.* Aff. quatenus pri-
mo Decalogi præcepto obligamur ad unius veri Dei
rectam agnitionem; ac proindè etiam ad fidem om-
nium, ipsius auctoritate nobis propositorum & confir-
matorum: quod ad veritates Euangelicas quoque ex-
tendi debet, ex hypothesi istius revelationis.

Obj. 1. Omnis obedientia debet esse voluntaria: at: qui Fides ad intellectum pertinet: ergo. *Resp.* Non credimus tamen actū, nisi concomitante voluntate: atque hactenus fides nostra etiam voluntaria est.

Obj. 2. Fides ad Evangelium pertinet; cuius non est, actum obedientialem præscribere. *Resp.* Evangelium objecta sic credenda proponit; & promissiones addit, ut alacrius credamus: sed obligatio formaliter, quod credere debeamus, ad Legem pertinet.

Obj. 3. Theologi admodum sollicitè Fidem à bonis operibus distinguunt. *Resp.* Fidei peculiaris est ratio, & valdè distincta à reliquis actibus obedientiæ, seu bonis operibus: quod satis manifestum evadit, si spectetur, 1. ejus subjectum quo; 2. objectum formale; 3. specialis usus ac respectus in negotio justificationis nostræ; & 4. ratio principii ad alios actūs obedientiæ. Atque hoc observandum contra Socinianos & Remonstrantes.

Obj. 4. Sic Fides erit species Observantiæ; à quâ tamen in Divisione Theologiæ cap. 1. th. 44. contradistinguebatur. *Resp.* Contradistinguitur tantum ratione objectorum, quæ traduntur in priori parte Theologiæ; & à nobis creduntur, non aguntur, aut fiunt: ad posteriorem vero partem referuntur agenda.

XXV. Ad *praxin* interim 1. revocetur *Methodus* jam indicata & confirmata th. 21.

2. Animum addant Fructūs illi præstantissimi, de quibus th. 22.

3. Sinceritatem vero exploremus potissimum, juxta quatuor postremos Fructūs ibidem propositos; collatis etiam iis, quæ th. 23. breviter notata sunt.

CAPUT. III.

De Sacra Scripturâ.

Verbum Dei duobus modis consideratur. 1. Scriptura, quid hoc loco. Quomodo à Deo inchoata; & perfecta. 2. Ejus definitio. Genus. 3. Causa efficiens princeps; & ministra. Subjectum recipiens. Finitis proximus; ulterior; ultimus. 4. Partes S. Scripturæ. Libri Canonici. 5. Libri V. T. Eorum distributio. 6. Apocryphi, perperam illis adjecti à Pontificiis. Conditiones, quæ libros Canonicos faciunt. Signa, unde tales cognoscuntur. 7. Libri N. T. Eorum distributio. 8. Editio S. Scripturæ. Primaria. 9. Librorum V. T. Lingua Hebraicâ. 10. Particulæ Chaldaicæ. De Proselytis. 11. Librorum N. T. Lingua Græcâ. Quare. Euangelium Matthæi; Marci. Epistola ad Hebræos. 12. Editio secundaria. Translationum necessitas probatur, contra Pontif. 13. Attributa. Auctoritas. 14. Hæc ab auctore Deo. Non ab Ecclesiâ; contra Pontif. 15. Solvuntur Objectiones. 16. Ejus cognoscendæ Causa externa ministerialiter adjuvans. 17. Principalior. 18. Causa interior. Non Enthusiasmus. 19. Austeritas normæ. Historia tantum. 20. Auctoritas Divina convenit toti S. Scripturæ, & singulis ejus partibus, &c. 21. SS. Scriptores nusquam errarunt. Nulla vera dissensio. Non loquuntur secundum erroneam hominum opinionem, 22. Apo-

graphorum fideliter factorum similis est ratio. Quomodo in iis cognoscatur *Divina auctoritas*. 23. Cur Deus *Autographa* interire siverit. *Obiectio* de *Apographis* solvitur. 24. Versionibus non convenit formalis *ἀυθεντία*. Nec speciatim *Vulgata Latina*; contra Pontif. Nec *Græca*, quæ dicitur LXX. *Interpretum*. 25. Translationibus fideliter factis quomodo conveniat *Divina & Canonica Auctoritas*. *Obiectio* solvitur. 26. Quomodo ista auctoritas cognoscatur. 27. *Perfectio* S. *Scripturæ*, quæ. *Perfectio integralis*, quæ. *Asseritur* contra *Muhamm. Pontif. Socin. & Criticos* qu. 28. *Objectiones* solvuntur. 29. *Perfectio essentialis* quæ; & quomodo intelligenda. 30. Ea probatur 31. *Adversantur Traditiones non scriptæ, Iudeorum Kabbalah, & Mischnajoth*. 32. *Pontificiorum Traditiones* non scriptæ. 33. *Objectiones* solvuntur. 34. *Perspicuitas* illius. *Obiectivè* spectata probatur. 35. *Objectiones* solvuntur. 36. *Subjectivè* in hominibus, quomodo recipiatur, 37. *Subjectiva imperitia*. Quid hinc agendum. 38. *Necessitas*. Ea probatur. 39. *Sententiæ Pontif. Enthus. & Libert.* explicantur. *Objectiones* solvuntur. 40. *Adjuncta consequentia*. *Lectio*. Omnibus necessaria. Probatur c. Pontif. 41. *Objectiones* solvuntur. 42. Etiam *Librorum V. T. c. Socin. & Anabapt.* 43. *Objectiones* solvuntur. 44. *Interpretatio realis; Sensus genuinus*: cujusque loci unicuique. 47. *Pontificiorum* quadruplex refutatur,

tur. 46. *Sensus* alicubi *compositus*. Quædam *virtualiter* comprehensa. 47. *Stylus*. *Communitè* spectatus. In *consideratione Grammaticâ. Rhetoricâ.* 48. *Verus modus* interpretandi. 49. *Fus* interpretandi *summum*. 50. *Subordinatum: Antecessorium*. 51. *Privatum*. 52. *Auctoritas* interpretationis. 53. *Judicium controversiarum Theologicarum*. Dei. Christi. Spiritûs S. Quomodo ipsius S. *Scriptura*. 54. Quomodo *Antecessoribus Eccles.* conveniat. Et quibusvis *fidelibus*. Probat. Quomodo *Magistratui Christiano*. 55. *Judicium ἀνωτέριον* non convenit *Ecclesiâ Rom.* neque *Concilio generali*, neque *Papa Rom.* 56. *Objectiones* solvuntur. 57. *Ratio humana* non *judex*, aut *norma*, *controversiarum Theolog.* c. *Socin.* 58. *Objectiones* solvuntur. 59. *Uſus Rationis* in his rebus. 60. *Theologia nostra argumentativa*: c. qu. *Pontif. & Anabapt.* 61. *Catechesis. Confessio nostra. Conciliorum decreta. Canones Synodi Nat. Dordr. Constitutiones Ecclesiast. Symbolum Apostolicum. Athanasianum, &c.* 62. *Revelationes Divina. Gentilium Prophetæ. Sibyllæ. Mercurius Trismegistus.* 63. *Jud. Talmud. Muham.* *Koran*; & *Suna*. 64. *Praxis* 65.

I. **R**incipium doctrinale universæ Theologiæ, atque adeo primò credendorum; est *Verbum Dei*; seu Revelatio Divinitus nobis facta. Vide sup. cap. 2. th. 2. & 4.

Consideratur illud, *tum* absolute, & per se: *tum* modaliter, & restrictè, quatenus scriptum est; undè *Scripturam* appellamus.

Ἀγγελος autem fuit ante Moysen: interim sic etiam tunc Verbo Dei fidem habuerunt electi & vocati istorum temporum; ut ejus analysis esset in istam infallibilem Dei veritatem. Vide cap. 2. th. 4. & 20. Postea datum est ἑγγεγον.

II. *Scriptura* hîc non actum scribendi designat; sed ipsum opus scriptum. Hoc Deus immediate inchoavit in decalogo: Exod. xxxi, 18, xxxii, 16. Deut. ix, 10, x, 4. sed perfecit mediatè; intercedente operâ hominum Θεοπνεύτων, Moysi & reliquorum Prophetarum, nec non Apostolorum & Evangelistarum. 2 Tim. ii, 16. Tota Scriptura Divinitus (est) inspirata. 2 Petr. i, 19, 20, 21. Habemus firmissimum sermonem Propheticum. Illud primum noveritis; nullam Prophetiam Scripturæ esse propriæ explicationis. Non enim libitû hominis allata est olim Prophetia: sed acti à Spiritu Sancto locuti sunt sancti Dei homines.

III. Definitur propterea; Syntagma librorum Θεοπνεύτων per viros Dei extraordinarios conscriptorum, atque Ecclesiæ traditorum, in communem ac perpetuum canonem fidei ac morum, ad salutarem ejus instructionem, & Dei ipsius gloriam.

Pro genere constituimus Syntagma librorum: ubi libros dicimus numero multitudinis; prout similiter Scripturæ appellantur, Luc. xxiv, 27. Joh. v, 39. Act. xvii, 24. Rom. i, 2. xv, 4. quemadmodum etiâ singulares libri indi-

indicantur, Marc. XI, 26. Luc. III, 4. IV, 17. XX, 42. Ioh. XX, 30. Act. 1, 20, VII, 42. Vulgò κατ' ἑξοχὴν Biblia, vel SS. Biblia dicuntur.

Syntagma autem, sicut collectivè omnis, vel tota Scriptura nuncupatur, 2 Tim. III, 16. & singulari notione Scriptura, Ioh. 11, 22. XX, 9. 2 Petr. 1, 20.

Differentia sumta est à causis efficientibus, subjecto recipiente, & causis finalibus.

IV. Causa efficiens princeps est ipse Deus Opt. Max. Causæ verò ministræ fuerunt homines sancti, ad hoc opus extraordinariè efficaciter vocati, & infallibili Spiritûs Sancti inspiratione ac directione instructi: 2 Tim. III, 16. 2 Petr. 1, 19, 20, 21. Vide sup. th. 1. Adde 2 Sam. XXIII, 1, 2. Ioh. XVI, 13. Rom. 111, 2. 1 Petr. 1, 11.

Subjectum recipiens est Ecclesia, cui traditi sunt isti libri: Psal. CXLVII, 19. „Annunciat Verbum suum „ipshi Jacob; Statuta sua, & Iudicia sua, Israël. Rom. 111, 2. Eis credita sunt Eloquentia Dei. 2 Petr. 1, 19. Luc. XVI, 29.

Finis proximus, ut sit communis & perpetuus canon Fidei ac morum: Deut. IV, 2. Vide sup. cap. 1. th. 6. Rom. XV, 4. „Quæ antè scripta sunt, ad nos docendos „antè scripta sunt: ut per tolerantiam & consolationem „Scripturarum, spem retineamus. 2 Tim. 111, 16, 17. „Tota Scriptura Divinitus (est) inspirata, & utilis ad „doctrinam, ad redargutionem, ad correctionem, discipli- „nam quæ (est) in iustitiâ: Ut perfectus sit homo Dei, „ad omne opus bonum perfectè instructus. Vide etiam 2 Reg. XXI, 1, 2, 3, 24. Psal. CXIX, 5, 9, 105, 133. „Ies. VII, 20. 2 Petr. 1, 19. Conser Phil. 111, 16. „(In „deo) ad quo usque pervenimus, eadem incedamus regulâ (κανόνι) Gal. VI, 16. „Et quicumque secundum hanc regulam incedent, pax (erit) super eos, & misericordia, „& super Israël Dei.

Finis

Finis ulterior est Ecclesiæ salutaris instructio; & consequenter beatitudo æterna: *Ioh. xx. 31.* „Hæc scripta sunt, ut credatis Jesum esse Christum illum, Filium ejus. Vide etiã *Psal. xix, 8, 9. Ioh. v, 39. 2 Petr. 1, 19.*

Ultimus verò est ipsius Dei Opt. Max. gloria: *Deut. iv, 6, 7.* „Ea est sapientia vestra, & intelligentia vestra, in oculis populorum, qui audient omnia statuta ista; & dicent: Utiq;ue populus sapiens & intelligens, gens magna ista! Quæ enim est gens (ita) magna, cui sint Dii propinqui, sicut est *Iehovah Deus noster* in cunctis, pro quibus invocaverimus eum? Vide etiã *Psal. cxlvii, 12, 19, 20.*

Sed præcipuè agendum nunc erit specialius de *Partibus S. Scripturæ, Editione, Attributis, & Adjunctis consequentibus.*

V. *Partes S. Scripturæ* sunt Libri tùm V. tùm N. T. non omnes simul conscripti; sed prout Auctori supremo placuit eos successive exarari; atq;ue ita salutaris doctrinæ promulgationem dispensari: *Hebr. 1, 1.*

Quoniam verò omnes isti libri sunt communis & perpetuus canon fidei ac morum, *Canonici* appellari solent: *Phil. iiii, 16. Gal. vi, 16.*

VI. *Libri V. T.* à Moïse & Prophetis Θεοπνευσται sunt conscripti, & Ecclesiæ V. T. primùm traditi: *Psal. CXLVII, 19, 20. Rom. iiii, 2.*

Hi minus accuratè à *Judæis* distribuuntur, in Legem, Prophetas, & Hagiographa: melius ab aliis in Legales, Historicos, Poëticos & Propheticos; & Prophetici iterum in majores & minores. Sunt autem Legales; *Gen. Exod., Levit., Num. cum Deuteronomio* Historici; *Josua, Judic., Ruth, duo Sam., duo Reg. & duo Chronic.*

Ezra, Nehem, Esther. Poëtici; — — *Iob., Psal., Prov. Ecclesiast., Cant.* Prophet. maj, *Jes. Jerem., Thren., Ezech., Dan.*

mini?

min. ----- *Hoseah, Joël, Amos,*

Obad, Ion, Michah, Nahumque Habakuk, Zephaniah,

Restant Haggæus, Zachariah, cum Malachiâ.

VII. Istis verò non debent cum Papali Concilio Tridentino accenseri, *Liber Tobiae, Historia Iudithæ, Sapientia Salomonis, Ecclesiasticus Iesû Siracida, Prophetia Baruchi, Additamentum ad librum Estheræ; ut & Additamenta ad librum Danielis, scil. Precatio Azariæ, Hymnus trium juvenum in fornace, Historia Susannæ, itemque de Bele & Dracone; ac tandem duo Libri Maccabæorum: non magis quàm Liber tertius & quartus Ezræ, Precatio Manassis, tertius Maccabæorum; &c. quorum priores quidem in Vulgatâ Editione Pontificiorum comparent; & tamen à dicto Concilio extra Canonem relinquuntur.*

Verùm istis pariter defunt conditiones, quæ à priori libros Canonicos faciunt: videl. ut 1. scripti sint Divinâ inspiratione per Ministros extraordinarios: ac porro 2. Divinitus ordinati in Canonem fidei ac morum; & 3. Ecclesiæ eo fine ac modo Divinâ auctoritate traditi & commissi: 2 *Tim.* III, 15, 16, 17. 2 *Petr.* I, 19, 20, 21. *Deut.* IV, 1, 2. *XXXI.* 9, 24, 26. *Rom.* IV, 23, 24. *XV.* 4.

Neque consequenter adsunt signa quibus libri Canonici à posteriori cognoscuntur: scil. 1. ut sic olim ab Ecclesiâ fide Divinâ recepti sint; 2. sic usurpati; & 3. tali testimonio deinceps constanter commendati; atque interim 4. characteres Divinitatis fidelibus iniis manifesti sint, attestante unâ Spir. S. in animis ipsorum: *Prov.* I, 23. *Ies.* lix, 21, 1 *Thess.* II, 13. *Ioh.* IV, 42. *XVII.* 8.

Imò contrarium de istis libris perhibent monumenta Ecclesiæ V. T. ad extremum usque terminum; & Ecclesiæ N. T. per quatuor prima sæcula; atque amplius. Quò etiam pertinent confessiones *Bellarmini, Melchioris Cani, Sixti Senensis, Cardinalis Cajetani, &c.*

Propterea libri illi appellantur *Apocryphi*, h. e. *occulti*; quod clam haberentur, ad usûs tantum privatos; non autem publicè ad communem Ecclesiæ instructionem ac directionem. Confer Præfationem in Translatione Belgicâ iis præfixam.

VIII. *Libri N. T.* Divinâ etiam inspiratione per Apostolos & Euangelistas postea conscripti, atque Ecclesiæ Christianæ una cum Libris V. T. traditi sunt. Hi *dispersuntur* in Historicos, Dogmaticos, & unum Propheticum.

Historici sunt, *Matthæus, Marcus, Lucas, Iohan. A-*
Etque Apostol.

Dogmatici, *Rom.*, bis *Cor.*, *Gal.*, *Eph.*, *Phil.*, *Col.*, bis
Thessa., deindè

Binæ ad *Timotheum.*, *Tit.*, *Philem.*, *Hebr.*; *Iacobi*:
Tunc binæ *Petre*; tres *Iohan.*; *Iud.*

Propheticus, ----- *Apocalypsis.*

IX. *Editio S. Scripturæ*, intelligitur, quâ Verbum Dei scripto exhibitum est Ecclesiæ, in communem fidei morumque regulam.

Estque *tum* primaria, sic formaliter authentica; *tum* secundaria, metaphrastica, sive per translationem.

Primaria, non solum materialiter secundum Rem contentam, ejusque methodicam dispositionem, *Θεόπνευστος* est, Divinâque auctoritate pollet; sed etiam formaliter, ratione Idiomatis, sive Linguae.

Alia interim est *librorum V. T.* alia *N. T.*

X. *Editio primaria librorum V. T.* facta est Lingua Hebraïca; quæ *Judaïca* appellatur, 2 *Reg.* *xviii*, 26, 28. *Nehem.* *xiii*, 24. communis enim fuit, & vernacula Ecclesiæ V. T. Sic igitur Deus tunc uni isti populo sibi fœderato familiariter tabulas fœderis sui salutaris tradidit. *Psal.* *cxlvii*, 19, 20. *lxxxvi*, 2, 3. *Rom.* *xi*, 2. *ix*, 4. Gentiles verò isto tempore, ut erant *abalienati à civili statu Israël*; sic etiam extranei quod ad pactorum promissiones attinet, spem non habentes,
&c.

&c. Eph. 11, 12. Populo Dei & Prophetis barbari: Ezech. 11, 16. suis ipsorum viis incedentes: Act. xiv, 16.

XI. *Aramicè* interim, seu *Chaldaicè*, conscriptæ sunt quædam particulae Biblicæ, sub captivitate scil. *Babylonicâ*, aut circa eam; & quidem istæ propius spectantēs res *Babylonicas*: ut *Ezr.* iv, 8. - ad vi, 19. atque iterum vii, 12, - 26. *Dan.* 11, 4, - ad vii. & *Jerem.* x, 11. Verum ista Lingua, sive potius Dialectus, non ita multum differt ab *Hebraicâ*; eamque Judæi per istam captivitatem magis etiam cognoverunt, & usurpârunt.

Ad *Proselytos* quod attinet, illi deserto *Gentilismo* ad *Judæorum* sacra non solum, sed etiam ad *Politicam* *Judaicam*, transibant eâdem operâ, vel saltem ad *Festa* celebranda quotannis se *Hierosolymam* conferebant. Act. 11, 10. viii, 27. cum *Deut.* xvi, 16. xxxi, 11, 12. Ac proindè eâdem quoque *Editione* *Biblicâ* utebantur; donec magno eorum commodo conficerentur *Translationes* in alias *Linguas*, sive, ipsis *vernaculas*, sive saltem magis notas.

XII. *Librorum* *N. T.* editio primaria, facta est *Lingua* *Græcâ*. *Ecclesia* enim *N. T.* colligebatur ex *Judæis*, & *Gentilibus* cujuscunque nationis. Idcirco potissimum deligenda erat *Lingua*, tunc maximè communis & nota; utpotè *Græca*; quoniam *Græcorum* *Monarchia* præcesserat: undè etiam *Spiritus S.* homines istius sæculi dispescit in *Judæos*, & *Græcos*; Act. vi, 1. *Rom.* 1, 16. 11, 9, 10. 111, 9. 1 *Cor.* 1, 24. *Gal.* 111, 28.

Evangelium *Matthæi* *Hebraicè* primitus conscriptum fuisse, (quod aliqui contendunt,) non admittimus: Deus enim ad *idēra* & apicem unum conservat, quod vult auctoritatem normalem in *Ecclesiâ* suâ obtinere; *Matth.* v, 18. atque eadem in usum fidelium, qui postremis sæculis vivent; etiam conscripta sunt, *Rom.* 14,

23, 24. xv, 4. 1 Cor. x, 11. At verò non Hebraicam sed Græcam, istius Euangelii editionem Deus conservavit: & quidem talem, ubi non solum voces quædam, sed etiã sententiæ Hebraicæ, aut Syriacæ, formaliter citantur, ac porro in Græcum sermonem transferuntur: *Matth.* 1, 23. *xxvii*, 46. quæ sic Hebraicè conscribi non potuerunt.

Similiter neque admittimus, *Euangelium Marci* Latine, vel *Epistolam ad Hebræos* Hebraicè primùm exararam fuisse.

XIII. *Editio secundaria* est, quâ SS. Literæ, ex Linguis originalibus, in aliam qualemcunque translatae, sic exhibentur, ut ab harum ignaris ad instructionem ac demonstrationem Theologicam intelligi & usurpari possint.

Istiusmodi *Translationes* non solum ad Ecclesiæ ædificationem *utiliter* institui posse, sed etiã ex voluntate Dei sub hâc œconomiâ *necessariò* institui debere, probatur contra *Pontificios* Scripturarum lucifugas; 1. Quia Deus omninò vult, ut Verbum suum scriptum familiariter legatur atque intelligatur ab omnibus, qui ad communionem istius Fœderis vocantur: patet hoc ex ipsis Editionibus primariis. At verò gentes quarumvis Linguarum sub hâc œconomiâ vocatae sunt, atque amplius vocandæ: *Matth.* *xxviii*, 19. *Profecti docete omnes gentes*, &c. Confer *Rom.* *iii*, 29. *Eph.* *ii*, 19, 20. *Phil.* *ii*, 11. *Apoc.* v, 8.

2. Christus Apostolos non dimisit ad Euangelium omnibus gentibus prædicandum, nisi prius omnium Linguarum notitiã instructos; ut unusquisque audiret eos suâ propriâ linguâ loquentes, & magnifica Dei facta prædicantes: *Actor.* *i*, 4, 8. *ii*, 4, 6, 8, 11. Quali dono variarum linguarum tunc etiã plures fuerunt instructi; addito insuper in quibusdam aliis dono interpretationis verbalis: 1 Cor. *xiv*, 6, 13; 27, 28. unde conficitur, in quolibet cœtũ etiã Scripta Prophe-

tica

tica & Apostolica alleganda, explicanda, & applicanda esse linguâ istic notâ.

3. Idem evincunt præcepta & exhortationes de Verbo Dei legendo; meditando, & aliis inculcando: *Deut.* VI, 6, - 9. XVII, 18, 19. XXXI, 11, 12, 13. *Psal.* I, 2. XIX, 9, - 12. CXIX, 1, & c. *Jes.* VIII, 20. *Luc.* XVI, 29. *Joh.* V, 39, XX, 31. *Act.* XVII, 11. *Rom.* IV, 23, 24. XV, 4. *1 Cor.* X, 11. *2 Tim.* III, 14, - 17. *2 Petr.* I, 19. *1 Joh.* I, 4. *Judæ.* 3. *Apoc.* I, 3. XXII, 18, 19. Ista enim fieri non possunt ab hominibus linguarum originalium ignaris, nisi per translationem.

4. Ex praxi, eventû, & salutari successû istius negotii, olim atque etiam nûm.

XIV. Succedunt *Attributa*; & quidem potissimum *Auctoritas*, *Perfectio*, *Perspicuitas*, & *Necessitas*.

Auctoritas S. Scripturæ, est Divina ejus potestas, ad fidem & observantiam Deo debitam nos obligans.

Quoniam Auctor ejus est ipse Deus Opt. Max. ut ostensum th. 4. indè manifesta est ejus in se *Divinitas*; atque in ordine ad homines, quibus tradita est, *Auctoritas*, & quidem *Divina*; ut ei fides haberi debeat, tanquam verè Verbo Dei; & obedientia religiosa præstari debeat, juxta voluntatem mandati Divini istic expressam. Vide *1 Thess.* II, 13. *1 Joh.* V, 9, 10.

XV. Manifestum est, omnis testimonii, mandati, legis, diplomatis, & c. *Auctoritatem*, ab Auctore suo propriè pendere, & arcessendam esse: atque adeo *Auctoritatem* S. Scripturæ, ab Auctore Deo.

Absurdè vero & impiè *Pontificii* Auctoritatem S. Scripturæ, in ordine ad nos, suspendunt ab Ecclesiâ, & quidem Romanâ, ejusque Pontifice.

Nam I. omnis Auctoritas est relativa; & in ordine ad alios, qui eâ obligantur: si ergo S. Scriptura, tanquam ipsius Dei Verbum scriptum, ab ipso Deo Auctoritatem in se habet, necessario eandem sic habere debet in ordine ad homines, quibus S. Scri-

ptura data est in normam fidei ac morum.

2. Christus, tanquam *ἀντόπισ*, negat, se *testimonium ab homine accipere*; cum de se aliud *maius* habeat; idem ergo tenendum de Deo, aut Christo, loquente in Verbo suo scripto. *Ioh. v, 34, 36.* cum *1 Ioh. v, 9.* *Tit. 1, 1.* *2 Tim. 11, 13.* *Hebr. vi, 13, 18.*

3. Vera Ecclesia *exstructa est super fundamento Apostolorum & Prophetarum*: *Eph. 11, 20.* & *sanctificata in veritate Dei*, quæ est *Verbum ipsius*: *Ioh. xvii, 17.* Ipsa igitur in fide suâ nititur Verbo Dei, per Prophetas & Apostolos exhibito; atque in obedientiâ suâ similiter conformatur ad istam normam: non verò contra Verbum Dei scriptum, ejusque Auctoritas obligatoria, nititur Ecclesiâ, tanquam fundamento.

4. Absurdè, & non sine crimine læsæ majestatis, subditi arrogarent sibi dignitatem, ex quâ penderet potestas obligatoria Legis à Principe latæ, in ordine ad hos vel illos. Similiter autem hîc agunt Adversarii.

XVI. *Obj. 1.* Ecclesia est columna & stabilimentum veritatis; *1 Tim. 111, 15.* Ergo. *Resp. 1.* Ita scilicet ut *1.* Ecclesia, tanquam columna, erecta & stabilita sit super isto fundamento, Verbo Dei; sic coagmentata & confirmata in veritate, pallivè: non verò contra ut Verbum Dei scriptum nitatur Ecclesiâ; sicut tectum aliquod columnâ ipsum sustentante, *architectonicè*. *2.* Ut veritatem Verbi Divini aliis exhibeat, indicet, & suo modo attestetur: cujusmodi columnarum quarundam usus *politicus* est. *3.* Nihil ibi speciatim de Ecclesiâ Romanâ.

Obj. 2. *Augustinus* alibi; *Non crederem S. Scripturæ, nisi me auctoritas Ecclesiæ Catholicæ moveret.* *Resp.* Non quicquid *Augustinus* dixit, aut credidit, verum est; neque ab ipsis Pontificiis, ut tale, admittitur: ex, gr. de Eucharistiâ dandâ infantibus. *2.* *Augustinus* isto dicto ostendit, quâ methodo ipse perductus fuerit ad Divi-

Divinitatem S. Scripturæ agnoscendam; interveniente scilicet ministeriali testimonio Ecclesiæ, aut Antecessorum ejus.

XVII. Si *queratur*, quomodo aliis innotescat Auctoritas S. Scripturæ? Hic etiam Ecclesiæ sunt suæ partes; Antecessorum scil. Ecclesiasticorum, quin & singulorum fidelium, suo modo. De luce quippè testantur, ut alii quoque credant; non tamen sunt ipsa lux, aut lucis causa, vel αἴτιον τῆς φωτός in eâ; sed luce illâ collustrati, testimonium ei apud alios perhibent. Vide *Joh. 1, 7, 8.* Confer exemplum Samaritanorum, & mulieris de Christo apud illos testantis; *Joh. 1v, 28, 29, 30, 39. - 42.* Apparitor, vel etiam quivis ex plebe, adventæ alicui, aliivè ignaro, indicium facere potest, dicens; Iste est Consul civitatis; ille Prætor; Hoc Diploma Senatûs urbani, &c. Verùm istâ ratione nequaquam confert in Consulem, Prætorem, &c. talem dignitatem aut potestatem, &c. Non est causa rei constitutiva, vel effectiva; sed medium ejus cognoscendæ, quæ ante & citra istam cognitionem etiam verè talis est. Similiter indicatur, docetur, quòd sit, & qualis sit Auctoritas S. Scripturæ; ac suadetur, ut ei fides habeatur: ubi sic solùm occurrit *externa ministerialiter adjuvans causa* Auctoritatis istius cognoscendæ.

XVIII. *Principalior* est ipsa S. Scriptura, Verbum infallibile ipsius Dei Opt. Max. veritas αὐτόπιστος, lux propriis suis radiis fulgens; suæ Divinitatis & auctoritatis characteres clarissimos in se habens, & de se ostendens, ut certo agnoscantur à subjectis capacibus.

Huc pertinent 1. *Materia*, & *Forma* S. Scripturæ; Doctrina vera, sublimis ac sancta; & stylus simplex, sed majestatem Divinam interim referens; *Deut. 1v, 6, 7.* Vide sup. th. 4.

2. *Speciatim Prophetiæ* tam multæ, ac variæ, quibus

&c. xxxix, 34, - 38. xli, 1, 1, - 6; 7. *Psal.* cvi, 33.

3. Factis similiter improbatis, aut saltē, nullo modo approbatis.

4. Quin & operibus, vires humanas absolutē excellentibus: quæ sic ad imitationem non sunt proposita. Cujusmodi sunt Opera creationis, Miracula, &c.

XXI. Observatâ hâc distinctione faciliè intelligitur, quomodo Auctoritas Divina conveniat toti S. Scripturæ, & singulis ejus partibus, ac particulis: 2 *Tim.* i i i, 16, 2 *Petr.* i, 19, 20, 21. *Rom.* xv, 4. 1 *Cor.* vii, 25, 40. *Luc.* i, 41, 42, 67, 68. *Act.* vi, 8, 10. Quod contra *Gentiles & Muhammedanos* asserimus ac defendimus: & de libris N. T. non minùs, quàm V. T. contra *Judæos*.

Alia tamen est ratio Titulorum præfixorum ipsi Contextui sacro, Subscriptionum ad finem alicubi adjectarum, Distributionis in Capita, Supputationis Versuum, & si quæ sunt illis similia.

XXII. Quoniam verò SS. Scriptores immediatē & efficaciter inter scribendum ubique acti fuerunt à Spiritu Sancto; 1. nusquàm ipsi de facto errarunt, neque errare potuerunt.

2. Nulla uspiam occurrit vera dissensio, aut repugnantia: ubi verò species aliqua contrarietatis occurrit, spectandæ sunt regulæ oppositionis, & sic instituenda conciliatio; vel agnoscenda nostra ignorantia.

3. S. Scripturâ ubique loquitur secundum accuratam rerum veritatem, sive propriè id fiat, sive tropicè, nusquàm secundum erroneam hominum opinionem; nam in naturalibus, & moralibus, quàm in supernaturalibus. *Psal.* xii, 7. „Eloquia Jehovæ, eloquia munda; „argentum excoctum in fornace terrea, defecatum septies. xix, 8, 9. „Lex Jehovæ perfecta, convertens „animam: testimonium Jehovæ fidele, sapientem efficiens parvulum. Præcepta Jehovæ recta, latificantia

cor: præceptum Iehovæ purum, illuminans oculos.
Confer sup. th. 4. & cap. 2. th. 2.

XXIII. Quæ hæc tēnūs de Auctoritate S. Scripturæ dicta sunt, non solum sic accipi debent de *Autographis*, verū etiam de *Apographis* fideliter factis: prout Deus plurium codicum descriptionem, eorumque familiarem usum, disertè mandavit; *Deut.* xvii, 18, 19. cum *Jos.* i, 8. *Psal.* i, 2. *Joh.* v, 39. xx, 31. *Act.* xvii, 11. *Rom.* i, 23, 24. xv, 4. *1 Cor.* x, 11. *Col.* iii, 16. *1 Tim.* iv, 13. 2, iii, 14, -17.

Eadem interim Veritas, Divinitas, & Auctoritas in *Apographis* etiam cognoscitur, 1. Exemplarium consensu.

2. Per characteres Divinitatis istic similiter conspicuos.

3. Accedit Ecclesiæ testimonium.

Et 4. potissimum, efficax Spiritus Sancti persuasio, Fidem Divinam in nobis produciens; quam ne quidem accuratissima manuum cognitio facere posset, aut qualiscunque hominum traditio & attestatio de *Autographis*, si ea superessent.

XXIV. Verū *Autographa* interire Deus sivit: tūc quod veris *Apographis* Ecclesiæ satis prospectum sit: tūc etiam, ne cæteroquin una Ecclesia videretur ab aliā dependere; aut reliquis imposita necessitas recurrendi perpetuo ad illam, ubi *Autographa* exstarent.

Obj. Atqui passim in Codicibus *σφάλματα* quædam irrepsērunt, per Librariorum incuriam, vel inscitiam. *Resp.* Codices satis multos voluit Deus in Ecclesiā suā exstare; ut ubi dubium suboriretur, alii Codices consuli possent, atque ita scrupulus eximi. Sic interim per infirma operatur Deus, & potentiam suam demonstrat; atque hunc thesaurum in testaceis vasculis haberi voluit: *2 Cor.* xii, 9. iv, 7.

XXV. Sed nullis planè *Versionibus* formalis ista
αυ.

ἀνθερωπείᾳ competit: nec speciatim *Vulgatæ Latinæ*; quam *Concilium Tridentinum* decrevit pro authenticâ habendam. Nam 1. est opus humano studio, non autem à viris Θεοπνεύστοις, concinnatum.

2. Ex variis auctoribus conflatum est.

3. Sæpius interpolatum & correctum, etiâ postquam *Concilium Tridentinum* esset habitum, ac de eâ decretum condidisset; jussû Papæ *Sixti V.* ac deindè iterùm jussû *Clementis VIII.*

4. Interim fatentur auctores, alia, quæ mutanda videbantur, consulto immutata relicta esse, ad offensionem populorum vitandam, &c. Errores etiâ satis multi ac manifesti sunt.

Similiter existimandum de *Versione Græcâ*, quæ appellatur *LXX. Interpretum*: cujus etiâ auctores 1. non fuerunt Θεοπνεύστοι.

2. Quot, & quales fuerint isti Interpretes; & an integra *Biblia V. T.* per eos translata, incertum est.

3. Translationem illam adhuc puram exstare, non est certum; imò nec probabile.

4. Quæ isto nomine commendatur, plurimùm discrepat ab *Editione Hebræicâ*, verè authenticâ.

XXVI. Diximus th. 13. faciendas etiam esse SS. Bibliorum Translationes in alias linguas; sicut autem in Ministris Christi, ac Dispensatoribus mysteriorum Dei, omninò requiritur, ut fidi reperiantur; 1 *Cor.* iv, 1, 2. ita in transferendis SS. Bibliis singularis cura & fides adhibenda est, ut originalis veritas quam optimè exprimatur; vocesque & phrasæ singulæ, præ ratione linguarum ac idiotismorum, exhibeantur quam proximè & efficacissimè.

In Bibliis autem fideliter translatis, agnoscenda est eadem Divina & Canonica Auctoritas materialiter, secundum rem contentam, ejusque methodicam dispositionem, & realem expressionem; sed mutato idiomate.

Obj. Interpretes omnes fallibiles sunt. *Resp.* Attamen suppositâ fidelitate, & reali convenientiâ cum originalibus, non fefellerunt; nec falsi fuerunt actû Interpretes.

XXVII. *Translationum sinceritas*, saltem in rebus principalibus, ad fidem & mores potissimum necessariis, earumque Divinâ tractatione; atque adeo *Canonica earum Auctoritas* secundum illud materiale, cognoscitur 1. ex collatione plurium Translationum.

2. Ex testimonio aliorum, sive fidelium, sive etiam infidelium, qui Linguas originales intelligunt.

3. Per characteres Divinitatis, qui etiam in Translationibus exprimuntur.

4. Accedit insuper Spiritûs Sancti attestatio, & persuasio interna, in cordibus nostris: quâ quidem luce subjectivè collustrati singuli, vident lucem illam objectivè, eamque pie agnoscunt; & sic fide Divinâ credunt, hoc reverâ esse Verbum Dei.

XXVIII. *Perfectio*, vel *sufficiencia* S. Scripturæ est, quâ Systema Biblicum omnia fidei & vitæ Christianæ dogmata, ad salutem consequendam necessaria plene complectitur.

Hæc autem spectatur, *tùm*, integralis, *tùm* essentialis.

Integralis perfectio dicitur respectû partium integrantium; ut Systema S. Scripturæ etiam nunc omnes libros & omnes singulorum librorum partes, ac particulas comprehendat, prout Deus Ecclesiæ suæ dedit in canonem fidei ac morum.

Afferimus ergo, S. Scripturam non esse in universum corruptam, aut depravatam; multis ex eâ sublatis, aliisque perperam insertis; contra *Muhammedanos*, qui isto prætextû *Alkorum* suum commendare solent.

Neque ullos libros intercidisse, nec pluribus locis immutatam ac depravatam esse S. Scripturam; contra

Pon-

Pontificios, Socinianos, & incautos quosdam Criticos.

Huc pertinent 1. diserta quædam Testimonia: *Psal.* XII, 7. XIX, 8, 9. Vide sup. th. 22. Adde *Psal.* XVI, 11, 31. *XIII, 5. CXIX, 140. Prov.* XXX, 5. Item *Matth.* V, 18. „Amen quippè dico vobis; Usquedum Præterierit cœlum & terra, *lōta* unum, aut unus apex nequaquam præterierit ex Lege, usquedum omnia facta fuerint. *i Petri* II, 2. „Ut modo geniti infantes, lac illud sermonis sincerum expetite. 2, 19. *Habemus firmissimum sermonem Propheticum*: quem bene facitis quod attendatis, &c.

2. Argumentamur à Fine; cuius gratiâ SS. Literæ exaratae sunt; quippe requirit, ut integræ exstent usque ad finem mundi: *Deuter.* XXXI, 26, 27. „Capite librum istum Legis, & ponite eum in latere Arcæ fœderis Iehovæ Dei vestri; sitque ibi contra te in testimonium. -- Ecce adhuc me vivente vobiscum hodie, re-belles estis Iehovæ; & quantô magis posteaquam mortuus fuero? *Jes.* VI, 11, 20. Vide sup. cap. 1. th. 6. *Luc.* XVI, 29. „Habent Moysen & Prophetas; audiant eos: *Rom.* IV, 23, 24. „Non scriptum est autem propter eum (Abrahamum) solum, quod (hoc) imputatum fuerit ei: Sed etiam propter nos, quibus futurum est, ut imputetur, &c. *i Cor.* X, 11. „Hæc autem typice, evenerunt eis (sub V. T.); scripta vero sunt ad nostri admonitionem, in quos fines sæculorum devenerunt. *Job.* XX, 31. *Rom.* XV, 4. *Tim.* II, 16, 17. Vide sup. th. 4.

3. A Providentiâ Dei speciali conservatrice: hanc enim non minus saltem circa S. Scripturam versari necesse est, quam circa Naturam. Quemadmodum igitur in Naturâ omnes creaturarum species perpetuo conservantur; etiam omnes & singulas S. Scripturæ partes conservari, statuendum est: quia maximè versatur circa fideles, & quidem in ordine ad salutem ipsorum æternam, & circa media ad eam promovendam necessaria. *Jes.* XLI, 15, 16. *Matth.* X, 29, 30, 31. *i Petri.*

1. 5. cum *Ies.* lix, 21. Vide sup. Cap. 1. th. 29.

4. A Curâ & fidelitate Ecclesiæ; cui S. Scriptura commissæ est, & quæ Providentiæ isti Divinæ subordinatur. *Psal.* CXLVII, 19, 20. *Rom.* 111, 2. 1 *Tim.* 111, 15. Vide sup. th. 4 & 16. cum *Matth.* xxviii, 20. „Ecce, Ego vobiscum sum omnibus diebus usque ad consummationem sæculi.

XXIX. Obj. 1. *Numer.* xxi. 14. allegatur *Liber Bellorum Domini*, *Jos.* x. 13. *Liber recti*; & 1 *Reg.* xiv. 19. *Chronica Regum Israël.* Verum isti libri in Canone sacro nunc non comparent: ergo. *Resp.* Isti libri non sunt, neque olim fuerunt, Canonici: undè nihil necesse fuit, eos semper conservari. At veritatem aliquam, quam Deus in Ecclesia omnino exstare voluit, ex illis allegavit, & comprobavit in libris verè Canonicis: Confer allegata ex *Arato*, *Menandro*, & *Epimenide*; *Act.* xvii, 28. 1 *Cor.* xv. 33. *Tit.* 1. 12.

Obj. 2. Atqui etiam allegantur scripta *Nathanis*, *Gadi*, &c. 1 *Chron.* xxix. 29. 2. 1x, 29. *Resp.* Ista scripta vel exstant sub aliis titulis; in libris scil. *Samuëlis*, & *Regum*; vel *Canonicæ* non fuerunt.

Obj. 3. *Paulus* etiam commemorat epistolam suam ad *Laodicenses*; *Col.* iv. 16. *Resp.* Apostolus 1. non dicit epistolam illam à se scriptam; 2. nec ad *Laodicenses*; 3. neque eam esse *Canonicam*. Sed epistolam aliquam scriptam *Laodicæ* commendat, ut legatur à *Colossensibus*. 4. Si quæ *Epistola* à *Paulo* istic scripta intelligi deberet, cogitari posset de priori ad *Timotheum*, juxta ejus subscriptionem.

XXX. *Perfectio essentialis* dicitur ratione doctrinæ salutaris, istis libris comprehensæ, & per singulas partes diffusæ, multisque vicibus ac modis repetitæ, sic tamen ut ratione substantiæ indè ab initio *Fœderis gratiæ* semper fuerit eadem. *Heb.* xii, 8. *Act.* x. 43. xv, 11. v. 12, 2 *Cor.* 11. 11. 1 *Tim.* 11, 5, 6. *Joh.* xiv, 6. 1. 16. *Col.* 1, 19, 20.

Sic

Sic autem Systema S. Scripturæ indè ab initio sui continuit, & nunc etiam clarius continet omnia, quæ hominibus ad salutem consequendam necessaria sunt.

S. Literis interim comprehensa intelligimus, non solum ea, quæ formaliter, *αὐτολεξὴ* & *κτ' ῥητὸν* expressa sunt; sed etiam, quæ virtualiter, *καὶ Ἀνάνοιαν, καὶ ἰσοδυναμίαν*, aut *κατὰ συνακολληθῆσιν*, continentur

Neque spectamus, quæcunque in Ecclesiâ unquam Divinitus dicta aut facta sunt; sed quæ hominibus ad salutem consequendam necessaria, tum in credendis tum etiam in agendis. *Joh. xx, 30, 31.* „Multa vero „etiam alia signa edidit Jesus in Discipulorum suorum „conspectu, quæ non sunt scripta in hoc libro: Hæc autem scripta sunt, ut credatis, &c.

XXXI. Sententia ista orthodoxa probatur; 1. illustri illo testimonio, 2 *Tim. i, 11, 14, 17.* „At tu maneto in iis, quæ didicisti, & quæ tibi concredita sunt: sciens „à quo didiceris: Teque à puero sacras literas novisse; „quæ te possunt sapientem reddere ad salutem, per fidem, „quæ est in Christo. Tota Scriptura Divinitus (est) inspirata, &c. Vide sup: th. 4. Apostolus Evangelistam à falsis doctrinīs dehörtatur, docetque, in quibus post excessum suum ei perseverandum esset: ita scil. ut eum revocet ad SS. Literas. De iis autem asserit (α.) posse sapientem reddere ad salutem, &c. Sapientia habitum perfectum notat: hæc verò in fide Christi ad salutem, SS. Literis, tanquàm unico principio doctrinali, tribuitur. (β.) Docet, Totam S. Scripturam esse Divinitus inspiratam: ab Auctore scil. Auctoritatem & Perfectionem arcessens; juxta *Iac. i, 17.* Verùm insuper (γ.) per partes hanc exequitur, utilis ad doctrinam, &c. Sic enim ejus usum demonstrat, non in uno tantum, sed in omni genere ad salutem necessario; sive veritas fuerit docenda, sive falsitas redarguenda, sive mali mores corrigendi;

rigendi, siue disciplina iustitiæ inculcanda. Quin etiã
(8.) totum negotium conficit, & planè hanc litem ter-
minat; concludens: *ut Vir Dei* (h. e. Doctor Eccle-
siæ ex ordinatione Dei; 1 Reg. xvi, 24. 1 Tim. vi,
11.) *perfectus sit*, in omnibus videl. istis partibus; &
breviter *ad omne opus bonum perfectè instructus*. Ex per-
fectione effectus patet perfectio causæ.

2. Locis quibusdam V. T. Exod. xxiv, 3, 4. „Ve-
nit ergo Moyses, & narravit populo omnia Verba Jeho-
væ, omniaque judicia: & respondit totus populus vo-
ce unâ, ac dixerunt; *Omnia Verba*; quæ locutus est
Jehovah, faciemus. Et scripsit Moyses omnia verba It-
hovæ. Moyses, quæ à Deo audivit, omnia populo nar-
ravit; eademque omnia scripto consignavit: ne ea obli-
vioni traderentur, imò ut etiã posterorum usibus ser-
virent; cum quibus Deus idem fœdus pepigit. Exod.
xxiv, 27. Deut. xxx, 14, 15. xxxi, 9, 21.

Iterum Deut. xxxi, 24, - 27. „Cum autem finem
fecisset Moyses scribendi verba Legis istius in libro, do-
nec ea complerentur: Præcepit Moyses Levitis portan-
tibus arcam fœderis Jehovah dicendo; Capite li-
brum istum, &c. Vide sup. th. 28. Legis ergo scri-
pturam absolvit Moyses; omnesque ejus partes com-
plevit: & pro posteris exemplar illud, tanquàm depo-
situm ac testimonium, diligentissimè conservandum
mandavit. Ita quidem ut nemini quicquam addere, vel
detrahere liceret; sed præscriptum illud accuratissimè
omnes sequi deberent, non recedendo dextrorsum vel si-
nistorsum; Deut. iv, 1, 2. v, 38, 39. xii, 32. Ios. i, 7.
xxiii, 6. Prov. xxx, 5, 6.

Insigne etiã est testimonium Psal. xix, 8, 9. Vide
sup. th. 22. Ubi disertè perfectio laudatur, & quidem
ad convertendam animam, sapientiam efficiendam, cor
lætificandum, &c.

3. Similia sunt testimonia N. T. Luc. xvi, 29. ubi
de evitandâ condemnatione: *Habent Moysen & Prophetas*
E

23, 24. xv, 4. i Cor. x, 11. At verò non Hebraicam sed Græcam, istius Evangelii editionem Deus conservavit: & quidem talem, ubi non solum voces quædam, sed etiam sententiæ Hebraicæ, aut Syriacæ, formaliter citantur, ac porro in Græcum sermonem transferuntur: *Matth.* 1, 23. xxvii, 46. quæ sic Hebraicè conscribi non potuerunt.

Similiter neque admittimus, *Euangelium Marci* Latine, vel *Epistolam ad Hebræos* Hebraicè primum exararam fuisse.

XIII. *Editio secundaria* est, quâ SS. Literæ, ex Linguis originalibus, in aliam qualemcunque translatae, sic exhibentur, ut ab harum ignaris ad instructionem ac demonstrationem Theologicam intelligi & usurpari possint.

Istiusmodi *Translationes* non solum ad Ecclesiæ ædificationem *utiliter* institui posse, sed etiam ex voluntate Dei sub hâc œconomiâ *necessariò* institui debere, probatur contra *Pontificios* Scripturarum lucifugas; 1. Quia Deus omnino vult, ut Verbum suum scriptum familiariter legatur atque intelligatur ab omnibus, qui ad communionem istius Fœderis vocantur: patet hoc ex ipsis Editionibus primariis. At verò gentes quarumvis Linguarum sub hâc œconomiâ vocatae sunt, atque amplius vocandæ: *Matth.* xxviii, 19. *Profecti docete omnes gentes*, &c. Confer *Rom.* 111, 29. *Eph.* 11, 19, 20. *Phil.* 11, 11. *Apoc.* v, 8.

2. Christus Apostolos non dimisit ad Euangelium omnibus gentibus prædicandum, nisi prius omnium Linguarum notitiâ instructos; ut unusquisque audiret eos suâ propriâ linguâ loquentes, & magnifica Dei facta prædicantes: *Actor.* 1, 4, 8. 11, 4, 6, 8, 11. Quali dono variarum linguarum tunc etiam plures fuerunt instructi; addito insuper in quibusdam aliis dono interpretationis verbalis: i Cor. xiv, 6, 13, 27, 28. unde conficitur, in quolibet cœtû etiam Scripta Prophe-

tica & Apostolica alleganda, explicanda, & applicanda esse linguâ istâ notâ.

3. Idem evincunt præcepta & exhortationes de Verbo Dei legendo; meditando, & aliis inculcando: *Deut.* VI, 6, - 9. XVII, 18, 19. XXXI, 11, 12, 13. *Psal.* I, 2. XIX, 9, - 12. CXIX, 1, &c. *Jes.* VIII, 20. *Luc.* XVI, 29. *Joh.* V, 39, XX, 31. *Act.* XVII, 11. *Rom.* IV, 23, 24. XV, 4. *1 Cor.* X, 11. *2 Tim.* III, 14, - 17. *2 Petr.* I, 19. *1 Joh.* I, 4. *Judæ.* 3. *Apoc.* I, 3. XXI, 18, 19. Ista enim fieri non possunt ab hominibus linguarum originalium ignaris, nisi per translationem.

4. Ex praxi, eventû, & salutari successû istius negotii, olim atque etiam nûm.

XIV. Succedunt *Attributa*; & quidem potissimum *Auctoritas*, *Perfectio*, *Perspicuitas*, & *Necessitas*.

Auctoritas S. Scripturæ, est Divina ejus potestas, ad fidem & observantiam Deo debitam nos obligans.

Quoniam Auctor ejus est ipse Deus Opt. Max. ut ostensum th. 4. indè manifesta est ejus in se *Divinitas*; atque in ordine ad homines, quibus tradita est, *Auctoritas*, & quidem *Divina*; ut ei fides haberi debeat, tanquam verè Verbo Dei; & obedientia religiosa præstari debeat, juxta voluntatem mandati Divini istâ expressam. Vide *1 Thess.* II, 13. *1 Joh.* V, 9, 10.

XV. Manifestum est, omnis testimoniû, mandati, legis, diplomatis, &c. *Auctoritatem*, ab Auctore suo propriè pendere, & arcessendam esse: atque adeo *Auctoritatem* S. Scripturæ, ab Auctore Deo.

Absurdè vero & impiè Pontificii Auctoritatem S. Scripturæ, in ordine ad nos, suspendunt ab Ecclesiâ, & quidem Romanâ, ejusque Pontifice.

Nam 1. omnis Auctoritas est relativa; & in ordine ad alios, qui eâ obligantur: si ergo S. Scriptura, tanquam ipsius Dei Verbum scriptum, ab ipso Deo Auctoritatem in se habet, necessario eandem sic habere debet in ordine ad homines, quibus S. Scri-

ptura data est in normam fidei ac morum.

2. Christus, tanquam *αὐτόπισ* &, negat, se *testimonium* ab homine accipere; cum de se aliud majus habeat; idem ergo tenendum de Deo, aut Christo, loquente in Verbo suo scripto. *Ioh. v. 34, 36.* cum *1 Ioh. v. 9.* *Tit. 1, 1.* *2 Tim. 11, 13.* *Hebr. vi, 13, 18.*

3. Vera Ecclesia exstructa est super fundamento Apostolorum & Prophetarum: *Eph. 11, 20.* & sanctificata in veritate Dei, quæ est Verbum ipsius: *Ioh. xvii, 17.* Ipsa igitur in fide suâ nititur Verbo Dei, per Prophetas & Apostolos exhibito; atque in obedientiâ suâ similiter conformatur ad istam normam: non verò contra Verbum Dei scriptum, ejusque Auctoritas obligatoria, nititur Ecclesiâ, tanquam fundamento.

4. Absurdè, & non sine crimine læsæ majestatis, subditi arrogarent sibi dignitatem, ex quâ penderet potestas obligatoria Legis à Principe latæ, in ordine ad hos vel illos. Similiter autem hîc agunt Adversarii.

XVI. *Obj. 1.* Ecclesia est columna & stabilimentum veritatis; *1 Tim. 111, 15.* Ergò. *Resp. 1.* Ita scilicet ut *1.* Ecclesia, tanquam columna, erecta & stabilita sit super isto fundamento, Verbo Dei; sic coagmentata & confirmata in veritate, pallivè: non verò contra ut Verbum Dei scriptum nitatur Ecclesiâ; sicut tectum aliquod columnâ ipsum sustentante, *architectonicè.* *2.* Ut veritatem Verbi Divini aliis exhibeat, indicet, & suo modo attestetur: cujusmodi columnarum quarundam usus *politicus* est. *3.* Nihil ibi speciatim de Ecclesiâ Romanâ.

Obj. 2. Augustinus alibi; Non crederem S. Scripturæ, nisi me auctoritas Ecclesiæ Catholicæ moveret. *Resp.* Non quicquid Augustinus dixit, aut credidit, verum est; neque ab ipsis Pontificiis, ut tale, admittitur: ex gr. de Eucharistiâ dandâ infantibus. *2.* Augustinus isto dicto ostendit, quâ methodo ipse perductus fuerit ad Divi-

Divinitatem S. Scripturæ agnoscendam; interveniente scilicet ministeriali testimonio Ecclesiæ, aut Antecessorum ejus.

XVII. Si *queratur*, quomodo aliis innotescat Auctoritas S. Scripturæ? Hic etiam Ecclesiæ sunt suæ partes; Antecessorum scil. Ecclesiasticorum, quin & singulorum fidelium, suo modo. De luce quippè testantur, ut alii quoque credant; non tamen sunt ipsa lux, aut lucis causa, vel ἀξιωματίας in eâ; sed luce illâ collustrati, testimonium ei apud alios perhibent. Vide *Joh. 1, 7, 8.* Confer exemplum Samaritanorum, & mulieris de Christo apud illos testantis; *Joh. 1v, 28, 29, 30, 39. - 42.* Apparitor, vel etiam quivis ex plebe, advenæ alicui, aliive ignaro, indicium facere potest, dicens; Iste est Consul civitatis; ille Prætor; Hoc Diploma Senatûs urbani, &c. Verùm istâ ratione nequaquam confert in Consulem, Prætorem, &c. talem dignitatem aut potestatem, &c. Non est causa rei constitutiva, vel effectiva; sed medium ejus cognoscendæ, quæ ante & citra istam cognitionem etiam verè talis est. Similiter indicatur, docetur, quòd sit, & qualis sit Auctoritas S. Scripturæ; ac suadetur, ut ei fides habeatur: ubi sic solum occurrit *externa ministerialiter adjuvans causa* Auctoritatis istius cognoscendæ.

XVIII. *Principalior* est ipsa S. Scriptura, Verbum infallibile ipsius Dei Opt. Max. veritas αὐτόπιστος, lux propriis suis radiis fulgens; suæ Divinitatis & auctoritatis characteres clarissimos in se habens, & de se ostendens, ut certo agnoscantur à subjectis capacibus.

Huc pertinent 1. *Materia*, & *Forma* S. Scripturæ; Doctrina vera, sublimis ac sancta; & stylus simplex, sed majestatem Divinam interim referens; *Deut. 1v, 6, 7.* Vide sup. th. 4.

2. *Speciatim Prophetiæ* tam multæ, ac varîæ; quibus

verissimè prædicta, quæ diu post, etiam ultra annorum aliquot centurias erant implenda, & suo tempore certissime impleta sunt. Ies. xli, 21, 22, 23. „Appropinquare facite litem vestram, dicit Jehovah: accedere facite fortia vestra, dicit Rex Jaacob. Accedere faciant; & annuncient nobis quæ eventura sint: - aut quæ futura sunt, narrate nobis. Annunciate, quæ ventura sunt in posterum: & cognoscemus, quod Dii estis.

3. Adjuncta *Amanuensium sinceritas*: quâ factum est ut gloriæ Divinæ; ac salutari Ecclesiæ instructioni unice intenti, & quæ Dominus mandabat conscribentes, non minus exposuerint proprios suos defectus, infirmitates, peccata; quam virtutes ac bona opera. Quin & *Miracula*, quibus plurimi eorum Verbum Domini confirmarunt.

4. *Effecta* tum in *fidelibus* per S. Scripturam ad Religionem adductis; ubi spectanda eorum conversio, pietas, zelus, confessiones, martyria, &c. tum in *hostibus Ecclesiæ*, per eandem terrore sæpius perculsis, confusis, &c.

XIX. Sed *causa interior*, hyperphysicâ efficaciam hominem idoneum reddens ad percipiendos & agnoscendos istos characteres Divinitatis, simulq; ad auscultandum instructionibus & suasionibus Ecclesiasticis, difficilis mentis humanæ tenebris, sublata naturali voluntatis perversitate, &c. imo intime & efficacissime persuadens, est Spiritus Sanctus. 1 Cor. ii, 12. „Nos vero non spiritum mundi accepimus; sed Spiritum, qui (est) ex Deo: ut sciamus quæ Deus est nobis gratificatus. 1 Joh. i, 27. „Eadem unctio docet vos de omnibus. Docet ergo maxime & primo de Principio Religionis Christianæ. Vide etiam Psal. cxix, 18. Prov. i, 23. Ies. lix, 21. Matth. xvi, 17. Luc. xxiv, 45. Joh. vi, 45. Act. xvi, 14. 2 Cor. iiii, 5. iv, 13, 16. Eph. i, 17, 20. 1 Thess. ii, 13.

Quoniam vero docemus, istam Spiritus Sancti doctrinam,

strinam, attestationem, & confirmationem, cum usu S. Scripturæ conjunctam esse; satis patet, adversus Pontificiorum calumniam, nos procul abesse ab Enthusiasmis fanaticorum, præter, & sæpe contra verissimum & constantissimum Dei Verbum. Quin & ipsorum Adversariorum spiritus, in negotio Pontificis Romani, Traditionum non scriptarum, &c. spiritui illi Enthusiastico proximus est.

XX. Tenenda interim *distinctio* inter *ἀνθετίαν* normæ, & historiæ tantum.

Ανθετία normæ nos obligat ad fidem habendam omnibus eo modo ac fine dictis, vitamque instituentiam juxta istud præscriptum; itemque ad imitationem talium factorum.

Hæc autem competit 1. dictis ipsius Dei absolute omnibus.

2. Dictis bonorum Angelorum, & Hominum Θεοπνεύστως loquentium.

3. Dictis etiam aliorum, Θεοπνεύστως laudatis, vel approbatis; siue istic directè; (vide Job. 1, 33. Act. xvii, 38. 1 Cor. xv, 33. Tit. 1, 13, 13.) siue alibi per similes sententias Θεοπνεύστως.

4. Actionibus similiter laudatis, vel approbatis, & ad imitationem propositis.

Ανθετία historiæ tantum, nos obligat ad credendum fide Divinâ sic omnino facta vel dicta esse, quæ ita materialiter commemorantur in sacro illo systemate; non autem ad imitationem illorum factorum; neque ut credamus, ista recte atque ex vero dicta esse.

Ea convenit, 1. Dictis Diaboli, & Hominum infidelium, ex sese loquentium; qualia in SS. Literis aliquoties commemorantur.

3. Dictis etiam fidelium, non loquentium Θεοπνεύστως; atque adeo vel aperte improbatis, vel saltem prorsus non approbatis. Vide Job. xxxviii, 1, 2, &c.

&c. xxxix, 34, - 38. xli, 1, 1, - 6; 7. *Psal.* CVI, 33.

3. Factis similiter improbatis, aut saltē, nullo modo approbatis.

4. Quin & operibus, vires humanas absolutē excedentibus: quæ sic ad imitationem non sunt proposita. Cujusmodi sunt Opera creationis, Miracula, &c.

XXI. Observatâ hâc distinctione facilē intelligitur, quomodo Auctoritas Divina conveniat toti S. Scripturæ, & singulis ejus partibus, ac particulis: 2 *Tim.* i i i, 16, 2 *Petr.* 1, 19, 20, 21. *Rom.* xv, 4. 1 *Cor.* vii, 25, 40. *Luc.* 1, 41, 42, 67, 68. *Act.* vi, 8, 10. Quod contra *Gentiles* & *Muhammedanos* asserimus ac defendimus: & de libris N. T. non minùs, quàm V. T. contra *Judæos*.

Alia tamen est ratio Titulorum præfixorum ipsi Contextui sacro, Subscriptionum ad finem alicubi adjectarum, Distributionis in Capita, Supputationis Versuum, & si quæ sunt illis similia.

XXII. Quoniàm verò SS. Scriptores immediatē & efficaciter inter scribendum ubique acti fuerunt à Spiritu Sancto; 1. nusquàm ipsi de facto errârunt, neque errare potuerunt.

2. Nulla uspiàm occurrit vera dissensio, aut repugnantia: ubi verò species aliqua contrarietatis occurrit, spectandæ sunt regulæ oppositionis, & sic instituenda conciliatio; vel agnoscenda nostra ignorantia.

3. S. Scriptura ubique loquitur secundum accuratam rerum veritatem, sive propriè id fiat, sive tropicè, nusquàm secundum erroneam hominum opinionem; nam in naturalibus, & moralibus, quàm in supernaturalibus. *Psal.* xii, 7. „Eloquia Jehovæ, eloquia munda; „argentum excoctum in fornace terrea, defecatum scriptis. xix, 8, 9. „Lex Jehovæ perfecta, convertens „animam: testimonium Jehovæ fidele, sapientem efficiens parvulum. Præcepta Jehovæ recta, lætificantia
cor-

cor: præceptum Iehovæ purum, illuminans oculos. Confer sup. th. 4. & cap. 2. th. 2.

XXIII. Quæ hætenùs de Auctoritate S. Scripturæ dicta sunt, non solum sic accipi debent de *Autographis*, verùm etiã de *Apographis* fideliter factis: prout Deus plurium codicum descriptionem, eorumque familiarem usum, disertè mandavit; Deut. xvii, 18, 19. cum Jos. 1, 8. Psal. 1, 2. Joh. v, 39. xx, 31. Act. xvii, 11. Rom. iv, 23, 24. xv, 4. I Cor. x, 11. Col. iiii, 16. I Tim. iv, 13. 2, iii, 14, -17.

Eadem interim Veritas, Divinitas, & Auctoritas in *Apographis* etiã cognoscitur, 1. Exemplarium consensu.

2. Per characteres Divinitatis istic similiter conspicuos.

3. Accedit Ecclesiæ testimonium.

Et 4. potissimum, efficax Spiritûs Sancti persuasio, Fidem Divinam in nobis produciens; quam ne quidem accuratissima manuum cognitio facere posset, aut qualiscunque hominum traditio & attestatio de *Autographis*, si ea superessent.

XXIV. Verùm *Autographa* interire Deus sivit: tàm quòd veris *Apographis* Ecclesiæ satis prospectum sit: tum etiã, ne cæteroquin una Ecclesia videretur ab aliâ dependere; aut reliquis imposita necessitas recurrendi perpetuò ad illam, ubi *Autographa* exstarent.

Obj. Atqui passim in Codicibus *σφάλματα* quædam irrepsert, per Librariorum incuriam, vel inscitiam. *Resp.* Codices satis multos voluit Deus in Ecclesiâ suâ exstare; ut ubi dubium suboriretur, alii Codices consuli possent, atque ita scrupulus eximi. Sic interim per infirma operatur Deus, & potentiam suam demonstrat; atque hunc thesaurum in testaceis vasculis haberi voluit: 2 Cor. xiii, 9. iv, 7.

XXV. Sed nullis planè *Versionibus* formalis ista

αὐθεντία competit : nec speciatim *Vulgatæ Latinæ* ; quam *Concilium Tridentinum* decrevit pro authentica habendam. Nam 1. est opus humano studio, non autem à viris Θεοπνεύστοις, concinnatum.

2. Ex variis auctoribus conflatum est.

3. Sæpius interpolatum & correctum, etiã postquam *Concilium Tridentinum* esset habitum, ac de eã decretum condidisset ; jussu Papæ *Sixti V.* ac deinde iterum jussu *Clementis VIII.*

4. Interim fatentur auctores, alia, quæ mutanda videbantur, consulto immutata relicta esse, ad offensionem populorum vitandam, &c. Errores etiã satis multi ac manifesti sunt.

Similiter existimandum de *Versione Græcâ*, quæ appellatur *LXX. Interpretum*: cujus etiã auctores 1. non fuerunt Θεοπνεύστοι.

2. Quot, & quales fuerint isti Interpretes ; & an integra *Biblia V. T.* per eos translata, incertum est.

3. Translationem illam adhuc puram exstare, non est certum ; imò nec probabile.

4. Quæ isto nomine commendatur, plurimum discrepat ab Editione *Hebræicâ*, verè authenticâ.

XXVI. Diximus th. 13. faciendas etiã esse SS. Bibliorum Translationes in alias linguas ; sicut autem in Ministris Christi, ac Dispensatoribus mysteriorum Dei, omninò requiritur, ut fidi reperiantur ; 1 *Cor. iv, 1, 2.* ita in transferendis SS. Bibliis singularis cura & fides adhibenda est, ut originalis veritas quam optime exprimatur ; vocesque & phrasæ singulæ, præ ratione linguarum ac idiotismorum, exhibeantur quam proximè & efficacissimè.

In Bibliis autem fideliter translatis, agnoscenda est eadem Divina & Canonica Auctoritas materialiter, secundum rem contentam, ejusque methodicam dispositionem, & realem expressionem ; sed mutato idiomate.

Obj.

Obj. Interpretes omnes fallibiles sunt. *Resp.* Attamen suppositâ fidelitate, & reali convenientiâ cum originalibus, non sefellerunt; nec falsi fuerunt auctu Interpretes.

XXVII. *Translationum sinceritas*, saltem in rebus principalibus, ad fidem & mores potissimum necessariis, earumque Divinâ tractatione; atque adeo *Canonica earum Auctoritas* secundum illud materiale, cognoscitur 1. ex collatione plurium Translationum.

2. Ex testimonio aliorum, sive fidelium, sive etiam infidelium, qui Linguas originales intelligunt.

3. Per characteres Divinitatis, qui etiam in Translationibus exprimuntur.

4. Accedit insuper Spiritus Sancti attestatio, & persuasio interna, in cordibus nostris: quâ quidem luce subjectivè collustrati singuli, vident lucem illam objectivè, eamque pie agnoscunt; & sic fide Divinâ credunt, hoc reverâ esse Verbum Dei.

XXVIII. *Perfectio*, vel *sufficiencia* S. Scripturæ est, quâ Systema Biblicum omnia fidei & vitæ Christianæ dogmata, ad salutem consequendam necessaria plene complectitur.

Hæc autem spectatur, *tùm*, integralis, *tùm* essentialis.

Integralis perfectio dicitur respectu partium integrantium; ut Systema S. Scripturæ etiam nunc omnes libros & omnes singulorum librorum partes, ac particulas comprehendat, prout Deus Ecclesiæ suæ dedit in canonem fidei ac morum.

Afferimus ergo, S. Scripturam non esse in universum corruptam, aut depravatam; multis ex eâ sublati, aliisque perperam inserti; contra Muhammedanos, qui isto prætextu *Alkorum* suum commendare solent.

Neque ullos libros intercidisse, nec pluribus locis immutatam ac depravatam esse S. Scripturam; contra

Pon-

Pontificios, Socinianos, & incautos quosdam Criticos.

Huc pertinent 1. diserta quædam *Testimonia*: *Psal.* xii, 7. xix, 8, 9. Vide sup. th. 22. Adde *Psal.* xviii, 31. xciii, 5. cxix, 140. *Prov.* xxx, 5. Item *Matth.* v, 18. „Amen quippè dico vobis; Usquedum Præterierit cœlum & terra, *lōta unum*, aut unus apex nequaquam præterierit ex Lege, usquedum omnia facta fuerint. 1 *Petri* ii, 2. „Ut modo geniti infantes, „lac illud sermonis sincerum expetite. 2, 19. *Habemus* „firmissimum sermonem Propheticum: quem bene facitis „quod attendatis, &c.

2. Argumentamur à *Fine*; cuius gratiâ SS. Literæ exaratae sunt; quippe requirit, ut integræ exstent usque ad finem mundi: *Deuter.* xxxi, 26, 27. „Capite „librum istum Legis, & ponite eum in latere Arcæ fœderis Iehovæ Dei vestri; sitque ibi contra te *intestem*: -- Ecce adhuc me vivente vobiscum hodie, rebellés estis Iehovæ; & quantô magis posteaquam mortuus fuero? *Jes.* vii, 20. Vide sup. cap. 1. th. 6. *Luc.* xvi, 29. „Habent Moysen & Prophetas; audiant eos: *Rom.* iv, 23, 24. „Non scriptum est autem propter „eum (Abrahamum) solum, quod (hoc) imputatum „fuerit ei: Sed etiâ propter nos, quibus futurum est „ut imputetur, &c. 1 *Cor.* x, 11. „Hæc autem typice „evidenter eis (sub V. T.); scripta vero sunt ad nostri „admonitionem, in quos fines sæculorum deveniunt. *Joh.* xx, 31. *Rom.* xv, 4. *Tim.* iii, 16, 17. Vide sup. th. 4.

3. A Providentiâ Dei speciali conservatrice: hanc enim non minus saltem circa S. Scripturam versari necesse est, quam circa Naturam. Quemadmodum igitur in Naturâ omnes creaturârum species perpetuo conservantur; etiam omnes & singulas S. Scripturæ partes conservari, statuendum est: quia maximè versatur circa fideles, & quidem in ordine ad salutem ipsorum æternam, & circa media ad eam promovendam necessaria. *Jes.* xli, 15, 16. *Matth.* x, 29, 30, 31. 1 *Petr.*

1. 5. cum *Ies.* lix, 21. Vide sup. Cap. 1. th. 29.

4. A Curâ & fidelitate Ecclesiæ; cui S. Scriptura commissa est, & quæ Providentiæ isti Divinæ subordinatur. *Psal.* CXLVII, 19, 20. *Rom.* III, 2. *1 Tim.* III, 15. Vide sup. th. 4 & 16. cum *Matth.* xxviii, 20. „Ecce, Ego vobiscum sum omnibus diebus usque ad consummationem sæculi.

XXIX. Obj. 1. *Numer.* xxi. 14. allegatur *Liber Bellorum Domini*, *Jos.* x. 13. *Liber recti*; & *1 Reg.* xiv. 19. *Chronica Regum Israël.* Verùm isti libri in Canone sacro nunc non comparent: ergo. *Resp.* Isti libri non sunt, neque olim fuerunt, Canonici: undè nihil necesse fuit, eos semper conservari. At veritatem aliquam, quam Deus in Ecclesia omninò exstare voluit, ex illis allegavit, & comprobavit in libris verè Canonicis: Confer allegata ex *Arato*, *Menandro*, & *Epimenide*; *Act.* xvii, 28. *1 Cor.* xv. 33. *Tit.* i. 12.

Obj. 2. Atqui etiam allegantur scripta *Nathanis*, *Gadi*, &c. *1 Chron.* xxix. 29. 2. ix, 29. *Resp.* Ista scripta vel exstant sub aliis titulis; in libris scil. *Samuëlis*, & *Regum*; vel *Canonicæ* non fuerunt.

Obj. 3. *Paulus* etiàm commemorat epistolam suam ad *Laodicenses*; *Col.* iv. 16. *Resp.* Apostolus 1. non dicit epistolam illam à se scriptam; 2. nec ad *Laodicenses*; 3. neque eam esse *Canonicam*. Sed epistolam aliquam scriptam *Laodiceâ* commendat, ut legatur à *Colossensibus*. 4. Si quæ Epistola à *Paulo* istic scripta intelligi deberet, cogitari posset de priori ad *Timotheum*, juxta ejus subscriptionem.

XXX. *Perfectio essentialis* dicitur ratione doctrinæ salutaris, istis libris comprehensæ, & per singulas partes diffusæ, multisque vicibus ac modis repetitæ, sic tamen ut ratione substantiæ indè ab initio *Fœderis gratiæ* semper fuerit eadem. *Heb.* xii, 8. *Act.* x. 43. xv, 11. v. 12, 2 *Cor.* iii. 11. *1 Tim.* ii, 5, 6. *Joh.* xiv, 6. i. 16. *Col.* i, 19, 20. Sic

Sic autem Systema S. Scriptorum indè ab initio sui continuit, & nunc etiam clarius continet omnia, quæ hominibus ad salutem consequendam necessaria sunt.

S. Literis interim comprehensa intelligimus, non solum ea, quæ formaliter, *αὐτολεξεῖ* & *ἡ ἑνὸν* expressa sunt; sed etiam, quæ virtualiter, *καὶ Ἀνάνοιαν, καὶ ἰσοδυναμίαν*, aut *κατὰ συνακολήσεις*, continentur

Neque spectamus, quæcunque in Ecclesiâ unquam Divinitus dicta aut facta sunt; sed quæ hominibus ad salutem consequendam necessaria, tum in credendis tum etiam in agendis. *Joh. xx, 30, 31.* „Multa vero „etiam alia signa edidit Jesus in Discipulorum suorum „conspectu, quæ non sunt scripta in hoc libro: Hæc autem scripta sunt, ut credatis, &c.

XXXI. Sententia ista orthodoxa probatur; 1. illustri illo testimonio, 2 *Tim. III, 14, 17.* „At tu maneto in iis, quæ didicisti, & quæ tibi concredita sunt: sciens „à quo didiceris: Teque à puero sacras literas novisse, „quæ te possunt sapientem reddere ad salutem, per fidem, „quæ est in Christo. Tota Scriptura Divinitus (est) inspirata, &c. Vide sup: th. 4. Apostolus Euangelistam à falsis doctrinis dehörtatur, docetque, in quibus post excessum suum ei perseverandum esset: ita scil. ut eum revocet ad SS. Literas. De iis autem asserit (α.) posse sapientem reddere ad salutem, &c. Sapientia habitum perfectum notat: hæc verò in fide Christi ad salutem, SS. Literis, tanquam unico principio doctrinali, tribuitur. (β.) Docet, Totam S. Scripturam esse Divinitus inspiratam: ab Auctore scil. Auctoritatem & Perfectionem arcessens; juxta *Iac. 1, 17.* Verum insuper (γ.) per partes hanc exequitur, utilis ad doctrinam, &c. Sic enim ejus usum demonstrat, non in uno tantum, sed in omni genere ad salutem necessario; sive veritas fuerit docenda, sive falsitas redarguenda, sive mali mores corrigendi,

rigendi, siue disciplina iustitiæ inculcanda. Quin etiã
(8.) totum negotium conficit, & planè hanc litem ter-
minat; concludens: *ut Vir Dei* (h. e. Doctor Eccle-
siæ ex ordinatione Dei; 1 Reg. xvii, 24. 1 Tim. vi,
11.) *perfectus sit*, in omnibus videl. istis partibus; &
breviter *ad omne opus bonum perfectè instructus*. Ex per-
fectione effectûs patet perfectio causæ.

2. Locis quibusdam V. T. Exod. xxiv, 3, 4. „Vc-
nit ergo Moſeh, & narravit populo omnia Verba Icho-
væ, omniaque judicia: & respondit totus populus vo-
ce unâ, ac dixerunt; *Omnia Verba*; quæ locutus est
Jehovah, faciemus. Et scripsit Moſeh omnia verba Je-
hovæ. Moſes, quæ à Deo audivit, omnia populo nar-
ravit; eademque omnia scripto conſignavit: ne ea obli-
vioni traderentur, imò ut etiã poſteriorum uſibus ſer-
virent, cum quibus Deus idem fœdus pepigit. Exod.
xxiv, 27. Deut. xxix, 14, 15. xxxi, 9, 21.

Iterùm Deut. xxxi, 24, - 27. „Cum autem finem
fecisset Moſeh ſcribendi verba Legis iſtius in libro, do-
nec ea complerentur: Præcepit Moſeh Levitis portan-
tibus arcam fœderis Jehovah dicendo; Capite li-
brum iſtum, &c. Vide ſup. th. 28. Legis ergo ſcri-
pturam abſolvit Moſes; omneſque ejus partes com-
plevit: & pro poſteris exemplar illud, tanquàm depo-
ſitum ac teſtimonium, diligentiffimè conſervandum
mandavit. Ita quidem ut nemini quicquam addere, vel
detrahere liceret; ſed præſcriptum illud accuratiſſimè
omnes ſequi deberent, non recedendo dextrorſum vel ſi-
niſtrorſum; Deut. iv, 1, 2. v, 38, 39. xii, 32. Iof. I, 7.
xxiii, 6. Prov. xxx, 5, 6.

Inſigne etiã eſt teſtimonium Pſal. xix, 8, 9. Vide
ſup. th. 22. Ubi diſertè perfectio laudatur, & quidem
ad convertendam animam, ſapientiam efficiendam, cor
lætificandum, &c.

3. Similia ſunt teſtimonia N. T. Luc. xvi, 29. ubi
de evitandâ cõdemnatione: *Habent Moſen & Prøphe-*

tas; audiant illos. Ac porro de consequendâ vitâ æternâ, *Joh. v, 39.* „Scrutamini *Scripturas*: quia vos videmini vobis in ipsis vitam æternam habere: & illæ sunt, quæ testificantur de Me. Confer *vers. 46, 47. & xx, 31.* Vide *sup. th. 4.* Item *Luc. xxiv, 25, 26, 27, 44.*

Unde etiâ Paulus, *Act. xx, 27.* „Non subterfugi, quominus annunciarom vobis omne Dei consilium: cum *xxvi, 22.* „Perstiti in hunc usque diem, testificans (ista) tûm parvis, tûm magnis; nec quicquam dicens extra ea, quæ Prophetæ ac Moses futura prædixerunt. Confer *xvii, 11. 1 Cor. iv, 6. Rom. xv, 4, 5. Jac. i, 21, 25.*

Iterûm *Gal. i, 8, 9.* „Etiam si nos, aut Angelus è cœlo euangelizet vobis præter (id) quod vobis euangelizavimus, anathema esto. Ut antè diximus, etiâ nunc iterûm dico; Si quis vobis euangelizaverit præter (id) quod accepistis, anathema esto. Sicut etiâ ultimus liber N. T. atque adeò universus Canon, ob signatus est *Apoc. xxi, 18, 19.* „Enimverò unâ testor cuivis audienti Verba Prophetiæ libri hujus; Si quis adjecerit ad hæc, imponet ei Deus plagas scriptas in libro isto: Et si quis abstulerit (aliquid) ex verbis libri Prophetiæ hujus, auferet Deus partem ejus è libro vitæ, & ex urbe illâ sancta, & ex iis quæ scripta sunt in libro isto.

4. Idem probamus ex ratione Regulæ, seu Normæ, ad quam fides & vita nostra exigenda: *Phil. ii, 16. Gal. vi, 16.* Vide *sup. th. 4.* Item *Jes. viii, 20.* *sup. cap. i. th. 6.* Atqui Regulam perfectam esse oportet. S. Scriptura etiâ Testamentum complectitur, & quidem confirmatum: cui nihil adjiciendum: *Gal. iii, 15.* Et passim usitatissima est appellatio tûm Veteris, tûm Novi Testamenti. Nihil ergo ad Perfectionem S. Scripturæ deest.

XXXII. Adversantur huic veritatî Traditiones non scriptæ; seu Verbum Dei non scriptum; ubi hoc jactatur, tanquàm ad fidem ac mores vivendi e-

riam

tiān necessarium, ut salutem consequamur.

Tradere propriè de rebus dicitur, quæ de manū in manum dando transferuntur: metaphoricè significat *docere*; sive id fiat vivā voce, sive scripto. Correlata autem sunt *Tradere*, & *Accipere*: 1 Cor. XI, 32 „Ego *accepi* a Domino, quod & tradidi vobis &c. xv, 3. „Tradidi enim vobis in primis, quod & *accepi*, Christum „videlicet mortuum esse pro peccatis nostris, secundum *Scripturas*, &c.

Judæi præter *Legem Dei scriptam*; תּוֹרָה שֶׁבִּכְתָב; jactant etiam *oralem*, תּוֹרָה שֶׁבִּפִּי: hanc autem contendunt, Mosis Divinitus quoque revelatam fuisse; ac postmodum longo tempore quasi per manūs successivè traditam, vivā voce tantum; ejusdemque cum scriptura Divinæ auctoritatis. Suntque *Kabbalah*, & *Mishnah*.

קְבִלָּה (אָקְבִּיל *accepit*), partim *practica* est, quæ ferè *Magica*; partim *theoretica*, cujus tredecim species, seu modos, recensent: atque istis artibus ex literis transpositis, aut in numerum resolutis, vel aliter mutatis, itemque ex punctis & accentibus S. Scripturæ, innumera mysteria elici temerè ac superstitiosè dicunt.

מִשְׁנֵי־טָוֵר, ὁμολογίαι, juxta eosdem, sunt penitiores *cerimoniarum* ac *præceptorum Legalium* explanationes, dubiorum solutiones, & variæ constitutiones: quæ tandem satis diu post adventum Christi scripto comprehensæ, ac deinceps prolixis Rabbiorum commentariis (nomine נִכְרִי, h. e. *complementi*) auctæ & gravatæ, sic pariter constituunt corpus *Talmudicum*; quasi Jus illorum, tam *Canonicum*, quam *Civile*.

Opponenda autem illis argumenta ex V. T. etiam modo producta, pro *Perfectione S. Scripturæ*:

Observandum item; quomodo *Servator noster* ad

Scripta Mosis ac Prophetarum semper provocaverit : Traditiones verò non scriptas nunquam commenda-
verit, neque approbaverit ; imò disertè perstrinxerit,
ut quibus illi mandata Dei facerent irrita, & frustra
Deum colerent ; *Matth. xv, 3, 6, 9. ex Jes. xxix, 13.*
Quin & inter ipsos Iudæos rectiùs hâc saltem parte
sensisse eos, qui מִסְתָּכִין h. e. *Scripturarii* appellabantur ;
quod rejectis omnibus istis Traditionibus, solo Verbo
Dei niterentur.

XXXIII. *Papale Concilium Tridentinum* etiam defi-
nivit, „Salutarem veritatem & morum disciplinam
„contineri in *Libris scriptis*, & *sine scripto Traditioni-*
„*bus* ; quæ ex ipsius Christi ore ab Apostolis acceptæ,
„aut ab ipsis Apostolis, Spiritû Sancto dictante, quasi
„per manûs traditæ, ad nos usque pervenerint. Ac por-
rò, „omnes Libros, tam *V. quàm N. T. nec non Tradi-*
„*tionibus ipsas*, - *pari pietatis affectû ac reverentiâ suscipit*
„*veneratur*. Quam sententiam plenius exequuntur Do-
ctores Pontificii.

Sic *Becanus* Traditiones etiam *V. T. Mosaïcas* præter
S. Scripturam agnoscit, & a *Pharisaïcis* distinguit. Idem
Traditiones N. T. statuit tum *Divinas & Apostolicas*,
partim de Dogmatibus fidei, partim de Moribus &
Ritibus externis ; quæ *parem cum Scripturâ auctoritatem*
habeant : tum *Ecclesiasticas*, quæ post tempora Aposto-
lorum a Prælatibus Ecclesiæ introductæ sint, & *merito à*
Christianis servari debeant.

Verum per Argumenta nuper exhibita patet, do-
gmata qualiacunque, *SS. Literis* prorsus non compre-
hensa, vel necessaria non esse, aut etiam incerta ; vel
erronea & falsa.

Quin & Traditionum non scriptarum levitas atque
incertitudo facilè etiam demonstratur ex Historiis Ec-
clesiasticis, antiquis Partibus, ipsisque Scriptoris
Pontificiis.

Sicut in antiquis Ecclesiæ Doctoribus pro Perfe-
ctione

atione & Sufficientiâ S. Scripturæ satis luculenta quoque exstant testimonia.

XXXIV. *Obj. 1.* In Fæstorum solennibus, Sacrificiis, &c. multa per S. Scripturam determinata non sunt: in illis ergo observari debuerunt Traditiones non scriptæ. *Resp.* Quæcunque in illis erant necessaria, per S. Scripturam sufficienter determinata sunt: circumstantiæ quædam, de quibus istic nihil determinatum est, libertati ac prudentiæ Sacerdotum relinquebantur.

Obj. 2. Ecclesia Judaïca instituit dies *Purim*; *Esth.* ix, 21, 22, 26. itémque *Encania*; 1 *Maccab.* iv, 59. cum *Ioh.* x, 22. Ergo etiã nunc admitti debent instituta, & traditiones Ecclesiasticæ. *Resp.* In *Mardocheo* circa dies *Purim* videtur agnoscendus Spiritus Propheticus; & sic Divina auctoritas. Alioqui, sicut etiam in *Encaniis*, generatim spectari deberet officium gratitudinis, & quidem juxta istam œconomiam, dùm festa obtinebant, & sacrificia, &c. undè processerit institutio istiusmodi; sed citra necessitatem universalem ac perpetuam: atque sic non valet consequentia ad instituta, vel traditiones Ecclesiasticas, quæ omnes & semper obligarent necessario.

Obj. 3. Cultus Leviticus sub N. T. abrogatus est; & nova Sacramenta instituta: ergo non eadem essentialis perfectio est librorum V. T. quæ librorum N. T. *Resp. 1.* Cultus Leviticus sub V. T. complectebatur adjuncta signa Evangelii promissionis, & Christi venturi: terminari propterea debuit, quantum ad observantiam attinet, cum istâ œconomiâ: *Hebr.* vii, -x. manente tamen eâdem doctrinâ, quantum ad ipsam essentiam. 2. Sacramenta nostra sunt sacra sigilla, pro N. Test. Divinâ auctoritate instituta: sic tamen, ut res eadem signata sub V. T. quoque obtinuerit: (quamvis aliæ tunc fuerint circumstantiæ;) & signis isti œconomiæ convenientibus obsignata etiã fuerit. Quin hæc
E 3 ipfa

ipsa insuper signa, aliis quibusdam signis, atque etiam phrasibus, sic insinuata fuerunt; ut nova doctrina censeri prorsus non debeat. Vide inter alia, 1 Cor. x, 1, 4. Ezech. xxxvi, 25. Zach. xii, 1. Psal. xxiii, 5. Prov. ix, 1, 5. Jes. lv, 1, 2.

Obj. 4. Non constat ex S. Scripturâ, quodnam ante institutam Circumcisionem, quin etiam deinceps in fœminis, fuerit remedium adversus peccatum originale. Resp. Imo satis constat, remedium adversus omnia electorum salvandorum peccata, semper fuisse gratiam Dei in Christo; sicut etiam nunc est: quam Circumcisio suo tempore non contulit propriè; sed collatam obsignavit, juxta fœdus & promissionem Divinam. Vide Gen. iii, 15. xvii, 7, 11. Rom. iv, 11. Act. x, 43. xv, 11. Hebr. xii, 8.

Obj. 5. Joh. xvi, 12. „Adhuc multa habeo, quæ vobis dicam; sed nunc non potestis portare. Ista ergo scripta non sunt; sed aliter postmodum tradita. Resp. Quæ Apostoli tunc capere non poterant, & Christus illo tempore iis non dixit, quousque nobis ad salutem consequendam necessaria sunt, omnino SS. Literis continentur.

Obj. 6. 2 Thess. ii, 15. Nempè igitur, fratres, „perstate, & retinete traditiones, quas edocti estis, tum per sermonem, tum per epistolam nostram. Ergo necessariae etiam sunt Traditiones non scriptæ. Resp. Thessalonicenses retinere debuerunt Traditiones, quas ab Apostolo acceperant: tum vivâ voce, per sermonem; tum per epistolam ad eos scriptam: undè nequaquam sequitur, Apostolum quædam ad salutem necessaria Thessalonicensibus tradidisse solum vivâ voce; ut ea nec epistolis ad ipsos datis, nec aliis etiam scriptis Θεοπνεύστοις, comprehensa fuerint.

Obj. 7. Hebr. xiii, 17. Obedite Duçtoribus vestris, & obsecundate: ergo recipi & observari debent, quæ à Prælati Ecclesiæ constituuntur. Resp. Obediendum est

est Antecessoribus Ecclesiasticis, dum excubantes pro animabus singulorum, tanquam rationem reddituri, ea docent, explicant, applicant, quæ ipse Dominus præscripsit; cujus illi Ministri solum sunt. In applicatione ista fit quidem particularium circumstantiarum prudens determinatio, boni ordinis & communis ædificationis causâ; sic tamen, ut rebus ita exigentibus determinatio illa variari possit ac debeat: 1 Cor. XIV, 40. Gal. V, 1. Col. II, 18.

XXXV. *Perspicuitas*, sive *Claritas*, est ea S. Scripturæ virtus, per quam omnia istic ad salutem necessaria intelligi idonea sunt; quin & reipsâ, per gratiam Dei, intelliguntur à subjectis capacibus, attentè & accuratè legentibus.

Ista autem virtus spectanda, tum *objectivè* in se; tum quomodo *subjectivè* in hominibus recipiatur.

Objectivè, in se, sive in suo systemate, Verbum Dei esse clarum ac perspicuum, vel aptum intelligi, probamus 1. disertis quibusdam testimoniis: Psal. XIX, 8, 9. - *Præceptum Jehovæ purum: illuminans oculos.* CXIX, 105. „*Lucerna pedi meo Verbum tuum; & lumen semitæ meæ.* 130. *Ostium verborum tuorum illuminat,* 2 Petr. I, 19. „- *Quem (sermonem Propheticum) benè facitis quod attendatis, velut lucernam splendentem in obscuro loco.* „*Adde Prov. VI, 23. 2 Cor. III, 8, 9. II, 14, 4. Deut. XXX, 11, 14. cum Rom. X, 6, 7. & Actor. XXVI, 22. Ergo Verbum Dei, SS. Literis expressum, lucis instar, per se, suis radiis, fulget, conspicitur, intelligitur.*

2. *Ex fine & effectis:* S. Scriptura ex ordinatione Dei; non solum Antecessores Ecclesiarum, aut adultos; sed adolescentes etiâ, & pueros, potest sapientes reddere ad salutem. 2 Tim. III, 15. „*Te à puero sacras Literas novisse, quæ te possunt sapientem reddere ad salutem, &c.* Psal. CXIX, 130. - *Intelligere facit simplices.* Prov. I, 4. *Ad dandum simplicibus calliditatem; & puero scientiam & cognitionem.* 1 Ioh. II, 13, 14. Scri-

„bo vobis, patres, -- adolescentes, -- pueruli, &c. Adde Ioh. v, 39. xx, 31. Act. xvii, 11. Ergò S. Scriptura ex istà Dei ordinatione, & juxta talem usum, in se clara est atque apta intelligi.

3. Ex consideratione Auctoris; qui Lux est: 1 Ioh. 1, 5. & Pater Luminum: Iac. 1, 17. ac proinde potuit Literas suas dare satis claras: imò etià voluit, juxta 1 Tim. 11, 4. Quosvis homines vult servari, & ad agnitionem veritatis venire. Psal. xxv, 14. Secretum Iehovæ timentibus eum: & pactum ejus, ut scire faciat eos. Ipse promisit, Matth. vii, 7. 11. se petentibus daturum liberaliter; non pro pane lapidem, &c. adeoque nec libros *νεανίας ἀνεγνώσκειν*. Ergò Scriptura, quâ Deus doctrinam salutarem comprehendit, objectivè clara est.

4. A conditione subjectorum recipientium: quibus Deus dedit, ut est Ephes. 1, 18. *illuminatos oculos mentis, ad sciendum, quæ sit spes illa vocationis*. Et 2 Cor. 11, 10, 12. *revelavit per Spiritum suum; - ut sciamus, quæ Deus est nobis gratificatus*. Consequenter, vers. 15. *Spiritualis homo dijudicat omnia*. Item Ioh. vi, 45. „Scriptum „est in Prophetis; Erunt omnes docti à Deo. vii, 17. „Siquis voluerit voluntatem ejus facere. cognoscat de „doctrinâ, utrùm ex Deo sit. 1 Ioh. 11, 27. *Ipsa unctio docet vos de omnibus*. Cum Ioh. xx, 31. Rom. xv, 4. 2 Tim. 111, 16. Ista autem subjectorum dispositio, & elevatio ad illum actum, objecti aptitudinem & claritatem omninò supponit.

XXXVI. Obj. 1. 2 Petr. 111, 16. „In quibus (de „scriptis à Paulo in suis epistolis) sunt nonnulla *difficilia intellectu*; quæ indocti, parumque stabiles, detorqueant, ut & reliquas Scripturas, suo ipsorum exitio. Ergò Scriptura est obscura, & hominibus indoctis lectu periculosa. Resp. 1. Concedimus, in SS. Literis occurrere etià quedam intellectu difficilia; utpotè mysteria, sublimitate sua captum humanum (si hominem merè

merè naturalem spectes, vel etiâ cognitionem adæquatam, & ἡ δὲ ὅλη,) excedentia: attamen ista sic accommodatè proponuntur, ut per gratiam Dei cognoscere, & credere possimus, saltem ἡ δὲ ὅλη, quantum quidem ad salutem consequendam opus est, quoniam ex ordinatione Dei iste est proprius S. Scripturæ finis. Vide sup. th. 4. Quæ interim alicubi breviter & minus clarè expressa sunt; alibi magis apertè, distinctè, & fuscè traduntur in eodem syntagmate. 2. Quod homines indocti, parumque stabiles, quædam, vel etiâ plura SS. Literis comprehensa, detorqueant suo ipforum exitio; id vitio istorum subjectorum evenit: sicut etiâ Evangelii prædicatio nonnullis ex accidenti est odor mortis ad mortem; 2 Corinth. II, 16. Confer Hof. xiv, 10.

Obj. 2. Eunuchus Æthiops Jesaiam legens, & interrogatus nûm etiâ intelligeret; respondit: „Quinam enim possim, nisi mihi quispiam dux viæ fuerit? Act. vii, 30, 31. Quin & David, ipse Propheta, Deum rogavit, Psal. cxix, 18. „Revela oculos meos; & aspiciam mirabilia de Lege tuâ. Ergo, &c. Resp. 1. Eunuchus ille, Religionis Christianæ vixdûm catechumenus, non satis intellexit prophetiam, Ies. LIII, quod per ipsius imperitiam factum est. Nec valet consequentia à capite aliquo Prophetico, ad totum systema Biblicum. 2. David non petiit, ut S. Scriptura magis lucida redderetur; sed ut oculi sui revelarentur. Sic vitium *subjectivè* in se agnovit; non *objectivè* in S. Scripturâ.

XXXVII. Subjectivè claritas ista varic recipitur in hominibus. 1. Irregenerati, omnis gratiæ supernaturalis expertes, atque adeo solâ naturali facultate intellectivâ præditi, si S. Scripturam attente legant, plurima quidem grammaticæ & historice possunt intelligere; Sed Divinam, spirituales, vivificam, & saluta-

lutarem eorum veritatem percipere non possunt; quin etiam contrario animo affecti sunt: *Rom. viii, 7. 1 Cor. ii, 14. Tit. 1, 15.*

2. Quibus verò gratia saltem illuminans, refrenans, persuadens, & convincens obtigit, hi ulterius procedunt; & veritatem Divinam cum gaudio accipiunt, ac multa faciunt: *Matth. xi, 20, 21. Marc. vi, 20, Confer Hebr. vi, 4, 5. x, 26, 17. 2 Petr. ii, 20, 21, 22. Matth. xi, 31, 32.* Verum salutaris intellectus Verbi Divini subiecta capacia non sunt, propter suam indispositionem, *Hos. xiv, 10. Rom. viii, 7. 1 Cor. ii, 14, 2, ii, 16. Eph. i, 1, 5, iv, 18. Tit. 1, 15. 2 Petr. ii, 16.* Quam subiectivam eorum impotentiam, nihil obstante objectivâ Verbi Divini claritate, asserimus contra Socinianos & Remonstrantes.

3. Regeniti vero, ex Spiritu regenerante spirituales nati; *Joh. i, 1, 6.* Spiritus vivificantis participes; *vi, 63.* sic novæ creaturæ, quibus omnia nova; *2 Cor. v, 17.* ac speciatim oculi mentis illuminati; *Eph. 1, 18.* ut mentem Christi habeant; *1 Cor. ii, 16.* & per fidem ejus vivant; *Gal. ii, 20.* hi veritatem salutarem vividè, & cum sensu spirituali, percipiunt. *1 Cor. ii, 15.* *Spiritualis homo omnia dijudicat.* Confer *Psal. xxxiv, 9. xxxvi, 9.*

Observandum interim, jam sub N. T. magis plenam & distinctam dari notitiam, quàm fuit sub V. T. ubi doctrina de Christo venturo prophetica erat & typica: *Matth. xi, 11, xiii, 16, 17.* Talis tamen ac tanta etiam nunc obtinuit, quanta sub istâ fœderis œconomiâ ad salutem erat necessaria.

Præterea *infantes*, seu *incipientes*, distinguendi sunt ab *adolescentibus*; atque etiam *adultis* & *perfectis*; qui sic comparatè appellantur: *Hebr. v, 12, 13, 14. 1 Cor. i, 11, 1, 2, 3. 1 Joh. i, 1, 12, 13, 14.*

XXXVIII. Respectu subiectivæ imperitiæ, minus profecti quædam adhuc intelligere nequeant absque ductore;

ductore: *Act. viii, 31.* Confer *Luc. xxiv, 25.* Quin & provectiores continentur, se ex parte cognoscere: *1 Cor. xii, 9.* & Deum precantur, ut major sibi detur illuminatio: *Psal. cxix, 18, 34: 135.*

Hinc profectui studendum est, in hac vitâ jugiter: quo magis distinctè & profundè mysteria Divina intelligamus, veritatem illam firmiter credamus, bona Evangelica nobis applicemus, & sancta præcepta constanter ac sincerè observemus. Sic instandum est lectioni, meditationi, collationi; audiendæ sunt explicationes & applicationes Pastorum ac Doctorum: *Joh. v, 39. 1 Tim. iv, 13. Col. iii, 16. Act. xvii, 11. Eph. iv, 12.* itâ videl. ut omnes explicationes & applicationes non aliunde, quam ex ipsis SS. Literis hauriantur; & ad easdem, tanquam ad lapidem Lydium, referantur: *Nehem. viii, 8, 9. Ies. viii, 20. 2 Tim. iiii, 16, 17. Act. xvii, 11. Rom. xii, 7.* Unde patet, dum nihil necesse est lucem aliundè inferri S. Scripturæ, constare ei in suo syntagmate suam Claritatem, seu Perspicuitatem.

XXXIX. *Necessitas* hîc non absoluta, sed ex hypothese voluntatis Divinæ intelligitur: juxta quam Ecclesia jam nunc S. Scripturâ carere non debet, aut potest, ob Divinam ordinationem hujus medii ad salutarem instructionem ac demonstrationem Theologicam.

Hæc astruitur 1. diserto testimonio, *Judæ, 3.* „*Necesse habui vobis scribere, &c.*

2. Ex mandatis scribendi. Hæc autem occurrunt primò generalia, in vocationibus Prophetarum, Apostolorum, & Evangelistarum; ubi jussi sunt docere non tantum vivâ voce, sed pro re nata etiam scripto: *Matth. xxviii, 19.* *Docete omnes gentes, &c.* quod citra scriptionem sic fieri non potuit, ut ipsorum doctrina pertingeret usque ad consummationem sæculi. Vide etiam *2 Tim. iiii, 16. 2 Petr. i, 21.* sup. th. 2. quæ

Divi

Divina inspiratio satis manifestum mandatum infert.

Accedunt *specialia mandata*: Exod. xvi 1, 14. „Dixit Jehovah ad Moſeh, *Scribe iſtud (pro) memoriali in libro, &c.* xxxiv, 27. *Scribe tibi verba hæc. &c.* Adde Deut. xxxi, 18. Jerem. xxx, 2. xxxvi, 2. Apoc. 1, 11. Imo ipſe Deus ſcribendo præivit, ſuamque doctrinam ſcripto conſervari voluit. Vide ſup. th. 2. & 28.

Ac porro *mandata* deſcribendi, legendi, & meditando S. Scripturam: Deut. xvi 1, 18, 19. xxxi, 6, 13. Luc. xvi, 30, 31, Joh. v, 39. 1 Tim. iv, 13. quæ quidem ſupponunt neceſſitatem ipſius S. Scripturæ.

3. Ex conſideratione finium: Deus S. Scripturam ordinavit ad ſalutarem Eccleſiæ inſtructionem, ac demonſtrationem Theologicam: Joh. xx, 31. Rom. xv, 4. 2 Tim. i 11, 15, 16, 17. Vide ſup. th. 4. Adde Luc. xvi, 28, 29. Joh. v, 39. 1 Iob. 1, 4.

4. Denique, Deus hoc modo nobis proſpectum voluit adverſus oblivionem hominum, fraudes Diaboli, & ſeductiones hæreticorum: Deut. xxxi, 26, 27. Vide ſup. th. 28. Ieſ. vi 11, 19, 20. „Cum autem dixerint ad vos; *Quærite à Pythonibus, & à Divinis, qui garrunt, & loquuntur: (dicite illis;) Nùm populus à Deo ſuo requirit? pro vivis à mortuis? Ad legem, & ad teſtimonium &c.* Luc. I, 1, - 4. Quoniàm *multi aggreſſi ſunt* componere narrationem rerum quarum plena fides nobis facta eſt: - *Viſum etiam eſt mihi, omnia alte (repetita) penitus aſſecuto, ordine illa ad te ſcribere, præſtantiffime Theophile: Ut agnoſcas, certitas eſſe res, quas auditione accepiſti.* 2 Pet. I, 16, - 19. „Non enim arte compoſitas fabulas ſecuti, &c. Et habemus firmiſſimum illum ſermonem Propheticum, &c. Adde 2 Cor. xi. 3; 13, 14, 15. cum Gal. I, 6, 9. Phil. i 11, 16. - 19.

XL. Pontificii mirum in modum extollunt Verbum ſcriptum in corde Eccleſiæ & Papæ: ſed S. Scripturæ neceſſitatem extenuant, vel negant, temerè interdum jaſtan-

jactantes, eam fortuitis solum occasionebus conscriptam esse, sine speciali mandato Divino, &c. contra quam modò ostensum est.

Pseudo-Enthusiastæ vero, & *Libertini*, infantibus quidem usum S. S. Literarum concedunt; sed viris cum minimè convenire contendunt.

Alia omninò mens fuit Regio Prophetæ : *Psal.* XIX, 12. CXIX. 18, 96. 99, 100. cum *Dent.* XVII. 18, 19. *Jos.* I, 7, 8. Apostolo Paulo, Timotheum Evangelistam ad electionem remittenti ; I. IV, 13, 2, III, 14, - 17.

Obj. 1. Ecclesia est antiquior S. Scripturâ: ergo hæc non necessaria. *Resp.* Inepta est consequentia : Noah diù ante arcam extitit : hæc tamen necessaria fuit ; postquam Deus eam ordinavit ac mandavit ad ipsius conservationem. Ecclesia etiam fuit ante Baptismum, imo & ante Circumcisionem ; multòque magis (ad hominem argumentamur) ante Pontificem Romanum. Confer sup. th. I.

Obj. 2. Ipsa veritas salutaris, fide recepta, facit Ecclesiam : ergo. *Resp.* Sed veritati illi docendæ ac probandæ, ex ordinatione Divinâ, nunc S. Scriptura inservit, tanquam regula certissima & constantissima.

Obj. 3. *Litera occidit ; Spiritus vivificat :* 2 Cor. III, 6. Ergo. *Resp.* Non ipsa S. Scriptura, ejusque usus apud fideles, istic *litera occidens* dicitur : (confer *Ioh.* V, 39. XX, 31. 1 *Ioh.* I, 4.) sed Lex ejusque ministerium condemnans ; oppositè ad Evangelium, & gratiam vivificantem ac justificantem per Spiritum comitem. Vide *Prov.* I. 23. *Ies.* LIX, 21. *Gal.* II. 2. 5. 1 *Thess.* II. 13.

Obj. 4. 1 *Ioh.* II, 27. „Unctio, quam vos accepistis, „manet in vobis : nec necesse habetis, ut quisquam vos doceat. Verùm eadem unctio docet vos de omnibus, &c. Ergo S. Scriptura aut Verbum externum, non est necessarium. *Resp.* Locus iste non ita accipi debet, quasi Spiritus intus doceat, absque Verbo S. Scripturæ lecto, vel prædicato : aut quasi intus docti facile illo

carere

carere possint. Apostolus enim reipsâ scripsit ad eos, quos in hunc modum alloquitur: nec minus ad *patres*, quam ad *pueros & adolescentes*, *vers. 13. 14.* Sed uegat, necessum fuisse, ut docerentur tanquam ignari aut plane rudes; ipsi omnia ad salutem necessaria jam edocti, deque eorum veritate per Spiritum S. plene persuasi: adeo quidem, ut in iisdem manere deberent; non vero aliam aliquam doctrinam, siue in se novam, siue ipsis novam, accipere: Vide *ibid. vers. 24. & 26.* Confer etiam locum valde similem, *Gal. 1, 6, 7, 8.*

Obj. 5. Qui legere nesciunt; aut corporaliter cæci sunt, non tamen propterea, quod S. Scripturâ uti non possint, à salute æternâ excludi debent. Idem dicendum de iis, qui fortè in insulâ; vel apud infideles, per aliquem infidelem eodem delatum, ore tenus, sine exemplari Biblico, veritatem salutarem docerentur: ergò. *Resp. 1.* Priores non omninò destituuntur S. Scripturâ: nam ex isto principio doctrinali salutaria dogmata iis depromuntur, præleguntur, illustrantur, & confirmantur; quod ipsi etiâ per gratiam Spiritûs Sancti, omnibus verè fidelibus communem, agnoscere possunt & debent. *2.* Posteriores, si verè crederent, æternum quoque salvandi forent; tanquam habentes veritatem salutarem, ex eodem hoc principio doctrinali quoque depromptam. Ipsa salus à præsentia S. Codicis quidem suspensa non est; sed à gratiâ Dei in Christo, quæ isto Codice descripta, eoque mediante aliis ex ordine constituto tradi solet. Quare etiâ existimandum est, siquidem Deo placeret Ecclesiam sibi illic stabilire, & conservare, futurum, ut SS. Biblia ad eos quoque deferrentur; utpotè per ordinationem Divinam necessaria ad bene esse, ad successivam instructionem, & ad stabilitatem Ecclesiæ.

XLI. Sequuntur *Adjuncta consequentia* S. Scripturæ; quæ potissimum sunt ejus *Lectio*, & *Interpretatio*, itémque *Judicium* ex eâ de *Controversiis Theologicis*.

Lectio

LECTIO S. Scripturæ, est Verbi Divini scripti, quatenus scriptum est, usurpatio propria, ut sapientia salutaris inde hauriatur. Quod quidem non peculiare Antecessorum, sed omnium salutis suæ ac spiritualis instructionis avidorum commune officium esse, contra Pontificios probatur; 1. ex generalibus præceptis de familiarî usû S. Scripturæ: *Deut. vi, 6, - 9.* „*Erunt verba ista, quæ Ego præcipio tibi, super corde tuo; & repetes ea filiis tuis: &c.* Similiter *xi, 18, - 21.* *Joh. v, 39.* *Scrutamini Scripturas; &c.* *Col. iii, 16.* Vide sup. cap. i. th. 2. Adde *Deut. xvii, 18, 19.* *Jos. i, 8.*

2. Exemplis laudatis: 2 *Timoth. i, 15.* „*Te à puero sacras Literas novisse, &c.* *Actor. xvii, 11.* de Beræensibus. „*Iis autem, qui erant Thessalonicæ, fuerunt isti generosiores; ut qui receperint sermonem cum omni alacritate, quotidie scrutantes Scripturas, an hæc ita se haberent.* *viii, 28, &c.* de Eunuchò Æthiope legente Jesaiam. 2 *Petr. i, 19.* Vide sup. th. 35.

3. Ex Divinâ ejus ordinatione ad communem instructionem & consolationem: *Deut. xvii, 19.* *Ut discat Jehovah Deum suum revereri, ad observandum, &c.* *Psal. xix, 8, 9.* *Prov. i, 2, - 6.* *Joh. xx, 31.* *Rom. iv, 23, 24.* *xv, 4.* *i Cor. x, 11.* 2 *Tim. i, 16.* 1 *Joh. i, 12, 13, 14.* Vide sup. th. 4. & 28. §. 2.

4. Ex adjunctâ salutis promissione: *Psal. i, 1, 2.* Vide sup. cap. i. th. 37. *Apoc. i, 3.* *Beatus, qui legit --, verba Prophetiæ hujus.* *Joh. v, 39.* *xx, 31.* 2 *Tim. i, 15.* Vide sup. th. 31. §. 1. & 3.

Eandem veritatem confirmant in orthodoxâ antiquitate testimonia *Chrysostomi*, *Gregorii M.* aliorumque.

XLII. Obj. 1. Multa in SS. Literis occurrunt obscura, difficilia, ἀναντιωφάνη: ergo. Resp. Nos perspicuitatem & veritatem modo probavimus. Quædam interim difficiliora, & sublimiora agnoscimus; verum illis nausea abstergitur, & fastus deprimitur; sedulitas

tas verò ac piæ preces in lectoribus excitantur.

Obj. 2. Intercurrunt exempla peccatorum, etiam valde gravium, à viris sanctis commissorum; quæ scandalo futura plebi ea legenti; ergo. *Resp. 1.* Purissima est Lex Jehovahæ; ad cujus normam vivendum est, & facta aliorum examinanda. 2. Sæpius etiam commemoratur, quam graviter Deus illa castigaverit, & quomodo pii poenitentiam egerint, &c.

Obj. 3. Periculum est, ne hæreses oriantur ex istâ lectione: ergo. *Resp.* Sæpius quidem homines profani & impuri rebus optimis, sanctissimis, ac saluber-
rimis abutuntur suo vitio, & suo damno: nec tamen usus idcirco prohibendus est. Deus sapientissimus abusum illum providit absque dubio; attamen usum instituit, laudavit, &c. Filii alimentis, pharmacis, armis necessariis, &c. privandi non sunt; quod servi nequam iis fortè abutuntur.

XLIII. Lectionem istam non restringimus ad libros N. T. quasi lectio librorum V. T. sub hac œconomiâ non esset necessaria, magnique adeò momenti; quod perperam contendunt *Sociniani*, & *Anabaptistæ* aliqui.

Contrarium patet, i. ex præcepto isto, *Joh. v. 39.* cum 46.

2. Ex Laudatâ praxi Berceensium; *Act. xvi 11. 11.*

3. Ex manifestâ utilitate, & quidem per tempora N. T. *Rom. 1v, 23, 24. xv. 4. i Cor. x, 11. 2 Tim. 11. 16, 17. 2 Pet. I, 19. Jac. 10. 11.*

4. Speciatim etiam ad convincendos Judæos, juxta exemplum Apollo: *Act. xvi 11. 28.* sicut etiam Paulus intra limites Mosis & Prophetarum sese continuit: *xxvi, 22, 23.*

XLIV. *Obj. 1.* Salutaris veritas clariùs & plenius proponitur in libris N. T. Ergo. *Resp.* Imò major est claritas & plenitudo cognitionis, quæ hauritur ex libris V. T. & N. T. simul inter se collatis: bonum bono additum, facit majus bonum.

Obj.

Obj. 2. Cerimoniae V. T. abrogatae sunt ; Prophetiae de Messia venturo impletæ , atque adeo cessant ; Lex & Prophetæ usque ad Johannem : *Matth. XI, 11.* Ergo. *Resp. 1.* Cerimoniae illæ , quoniam abrogatae sunt, nunc à nobis observari non debent : utilissima tamen est ad veritatem illustrandam & confirmandam veterum typorum collatio cum suo archetypo & complemento. 2: Quia Messias modo venit in carnem . iste ejus adventus non debet amplius expectari : attamen ipsa veritas accuratius etiam cognoscenda est , ex Prophetiis pristinis. 3. In libris V. T. exstant quoque Prophetiae nondum prorsus completæ : utpote de iis, quæ pertinent ad Ecclesiam N. T. quin imò de iudicio extremo, cœlesti beatitudine, &c. Atque item doctrinae plures , tum ad fidem , tum ad mores vivendi spectantes. 4. Ministerium Evangelii promissionis, de Christo in carnem venturo , terminum suum habuit in Johanne Baptistâ ; qui Christum coram præsentem demonstravit. Verum inde æquaquam sequitur, quod volunt Adversarii.

XLV. Interpretatio S. Scripturæ, (realis scil. sive exegetica : nam de verbali, sive metaphrastica, diximus sup. th. 13.) est Sensus genuini, S. S. literis expressi, accommodata ad intellectum explicatio.

Sensus, qui hic eruitur, est quasi anima S. Scripturæ: illa scil. realis veritas, quam Spiritus S. per talia verba ac tales sententias, significatam voluit. Hoc rectè percepto, habemus mentem Christi; 1 Cor. 11. 16. & quidem ad doctrinam, ad redargutionem, ad correctionem, ad disciplinam justitiæ, ad consolationem: 2 Tim. 111, 16. Rom. XV, 4.

Genuinus est ille sensus, quem Spiritus Sanctus reverâ intendit ; seque intendisse, tali contextu ostendit. Contextus enim verborum, est signum ; sensus vero res signata.

Signum autem satis idoneum atque evidens procul
F
dubio

dubio adhibuit Sp. veritatis, nos ad salutem sapientes reddere volens: *Ioh. XVI, 13. 2 Tim. III, 15. Psal. XIX. 8, 9. 10.*

Imo quoniam *unum & verum* convertuntur; sensus verus ac genuinus cujusque loci, *unicus* propriè est: qui, cum ex ipso verborum contextu colligatur, *literalis*, sive *grammaticus*, appellari solet.

XLVI. Pontificii, præter sensum literalem, fingunt alium insuper *mysticum*: cumque porro faciunt *triplicem*, convenienter tribus virtutibus Theologicis, *Fidei*, *Spei*, & *Charitati*. Vocant autem *Allegoricum*: quando verba Scripturæ, præter sensum literalem, ut loquuntur, significant aliquid pertinens ad fidem, vel ad Ecclesiam militantem: *Anagogicum*; quando præter sensum literalem, significant aliquid pertinens ad spem, sive vitam æternam, vel ad Ecclesiam triumphantem: & *Tropologicum*, sive *Moralem*; quando præter sensum literalem, significant aliquid pertinens ad officia charitatis.

Absurdè: sapientissimus enim doctor veritatis, docet veritatem perspicuè, distinctè, & pure: undè etiam Adversarii concedere coguntur, Argumenta Theologica formari non posse, nisi ex sensu literali.

XLVII. Interim etiam nos fatemur, Veritatem illam à Spiritu Sancto intentam, aliquando directè & immediate proponi; aliquando mediatè, & interveniente signo aliquo reali. Verba semper sunt signa rerum sic ad cognoscendum propositarum: sed res illæ immediate & proximè significatæ, quandoque sunt signa aliarum rerum sublimiorum. Atque hoc observandum in Typis, Parabolis, & Allegoriis: in quibus *sensus unus compositus* rectè agnoscitur.

Tenendum insuper ea, quæ *ἡλικῶς* & formaliter in SS. Literis expressa sunt, alia *κατὰ διάνοιαν* & virtualiter in se complecti; quæ inde per legitimam

timam consequentiam deducenda sunt.

XLVIII. Occurrit interim etiam *Stylus SS. Scripturæ*; h. é. illè dictionum & sententiarum modus, quo Spiritus S. veritates expressas voluit.

Ubi communiter quidem tenendum; prout unusquisque Scriptor suum habuit stylum, per naturam gratiam, curam; sic eum convenienter à Spiritu Sancto assumtum & infallibiliter ductum fuisse. Hinc manifestum est in Scriptoribus sacris Styli varietas; ut & methodus arbitraria.

Specialius autem in consideratione *Grammaticæ*, stylus subinde variat; nec tamen minus purus est, quam in aliorum etiam Auctorum scriptis observari solet: agnoscendæ interim alicubi *Ellipses*, *Enallagæ*, *Hyperbata*, &c.

In consideratione item *Rhetoricæ*, Stylus alibi nudus & proprius; alibi improprius occurrit, & per *Tropos* ac *Figuras* coloratus.

Attamen Spiritui S. sua ubique constat veracitas, gravitas, ac majestas.

XLIX. *Verus modus interpretandi S. Scripturam* ille est, quem ipse Spiritus S. in SS. Literis ostendit. Requiritur autem attentum ipsius contextus, antecedentium item & consequentium, nec non locorum parallelorum consideratio; modesto studio, accuratâ analyti, ac piis precibus in subsidium adhibitis. Sic per ipsam S. Scripturam, secundum analogiam fidei, instituenda est omnis ejus explicatio.

Interim propria verborum significatio, quantum fieri potest, servanda est: neque ab eâ recedendum; nisi scopus & circumstantiæ textus, vel analogia fidei, vel denique recta ratio ad evitandam veram ac manifestam contradictionem, id omnino requirat.

L. *Jus interpretandi summum & αὐτοκράτωρ* competit ipsi Deo: Gen. XVIII, 21. - *Judex totius terræ.* Psal. IX, 3, 5. *Altissimus*; - *Judex justitiæ.* L. 6.

Deus ipse Judex. Hic solus est omniscius, infallibilis, & S. Sripturæ auctor, ac proindè optimus interpres. 1 Joh. 111, 20. *Deus - novit omnia.* Rom. 111, 4. *Deus verax; omnis autem homo mendax.* Iob. xxxvi, 22. *Quis est Doctor, sicut ipse?*

Attamen speciali quâdam appropriatione Jus istud competit Filio; τῷ Λόγῳ, Ioh. 1, 1, 14. Sapientiae hypostaticæ; Prov. vii, 1, 12, 22, - 31. Summo Prophetæ ac Doctore nostro; Deut. xvi, 15, 18, 19. Act. 11, 20, - 23. In quo, ut plenitudo Deitatis inhabitat corporaliter, sic omnes thesauri sapientiæ & cognitionis sunt reconditi: Col. 11, 3. 9. Vidè etiam Matth. xxi, 8, 10. xl, 27. Hebr. 11, 1, 3, 4. Ioh. 1, 17. 18. 1 Cor. 1, 30. Apoc. 11, 7.

Aliter idem jus tribuitur Spiritui Sancto: per quem proximè datur verbum sapientiæ, & cognitionis, atque adeo fides, & reliqua dona spiritualia: 1 Cor. xii, 3, 8, 9. Jes. xi, 2. xl, 13. Ioh. xvi, 7, 8. 13. 2 Cor. 11, 18. Hic audiendus: Apoc. 11, 7. 11. &c. Sed minimè ei resistendum: Act. vii, 51.

Spiritus autem interpretationem suam pronunciat, tum externè in SS. Literis: ubi observanda textuum ἀπαλυσχία καὶ ἀναλλυσιμία; accedente etiam passim Ministrorum, aliorumque fidelium, auxilio & indicio: tum internè, secundùm easdem SS. Literas, per se efficaciter docens, persuadens, obsignans: 1 Ioh. 11, 27. 2 Cor. 14, 13. 1 Cor. 11, 12, 15, 16. xii, 11. Rom. vii, 9, 14, 15, 16. Eph. 14, 30.

LI. Jus verò subordinatum, idque publicum & antecessorium, convenit publicis in Ecclesiâ Antecessoribus. Ubi non solum spectantur Ministri extraordinarii, iique infallibiles: Eph. 14, 11, 12. 2 Petr. 1, 21. Matth. x, 20. Ioh. xvi, 13. Act. 1, 4. sed etiam ordinarii, fallibiles; Pastores, & Doctores: Eph. 14, 11. 1 Tim. v, 17. 2, 11, 17. Hebr. xii, 17. Act. xx, 28.

tum

cum singuli in Verbo laborantes, & ministerium apud Ecclesiam suam implentes: 1 Petr. v, 2. Tit. 1, 5. Col. iii, 17. tum in Synodo congregati, & in commune Ecclesiæ bonum dona atque consilia sua conferentes: Act. xv, 6. &c.

Vocamus illud *antecessorium*, in ordine ad gregem, cujus sunt Pastores & Antecessores: Hebr. xiii, 17. 1 Thess. v, 12. Idem interim *subsequens* est respectu Dei, Christi, Spiritus Sancti, ac S. Scripturæ. Et *ministeriale*; quatenus sunt Ministri Christi ac Dispensatores mysteriorum Dei; à quibus fidelitas requiritur: 1 Cor. iv, 1, 2. quoniam rationem reddituri sunt. Hebr. xii, 1, 17. ac proindè isti nec magisterium; nec dominium, sibi arrogare debent: Matth. xxi, 11, 8, 9, 10. xx, 25, 26, 27.

LII. *Privatum* & omninò *subsequens* jus interpretationis qualiscunque, competit omnibus & singulis, quibus Verbum Dei proponitur: ut ipsi quoque SS. Literas legant, meditentur, conferant: Ioh. v, 39. Psal. 1, 2. Act. xvii, 11. sic de veritate doctrinæ persuasi, credant: 1 Thess. ii, 13. v, 21. 1 Ioh. iv, 1. eandemque coràm aliis, cum instructione & exhortatione charitativâ profiteantur: Rom. x, 10. 1 Petr. 1, 11, 15. Col. iii, 16. 1 Thess. v, 11.

LIII. Quantum attinet ad *Auctoritatem interpretationis*; in hac spectandus est genuinus sensus S. Scripturæ, qui sic colligitur & proponitur. Ille autem, quatenus talis est, habet procul dubio auctoritatem Divinam; & ad fidem Divinam nos obligat. Formalis vero collectio, ac propositio, per homines fallibiles, absolute quidem fallibilis est; sed in hypothesi, quando & quatenus est collectio ac propositio genuini sensus, quem Spiritus S. istuc expressit, vera est; nec fallere potest: ac per istam veritatem Divinam omnino habet auctoritatem Divinam decisivam, & obligatoriam ad fidem & observantiam.

Nec in re ipsâ materialiter refert, sive per unum aliquem privatum, sive per Antecessorem Ecclesiasticum, sive per plures in Concilio congregatos, ista veritas proponatur: Auctoritas enim Divina gradus non admittit. Sed formaliter tamen, in ministeriali illo indicio ac testimonio, discrimen satis insigne est: neque solum major, vel minor, pro re natâ, probabilitas; sed etiam auscultandi necessitas, ex ordinatione Divinâ: Eph. IV, 11, 12. Hebr. XII, 17. 1 Theß. V, 12. 1 Tim. V, 17. 1 Cor. IV, 1. Luc. X, 16.

LIV. Superest ut dicamus de *Judicio controversiarum Theologicarum*. Ex iis quæ præcesserunt th. 50. patet, primò Judicium supremum, autocraticè decisivum, idemque solum absolute infallibile, competere ipsi Deo; & œconomice Christo; atque iterum peculiari appropriatione, Spiritui Sancto: ob supremam & independentem sapientiam, veracitatem, ac potestatem judicalem, ipsamque S. Scripturæ inspirationem; quæ in tali Judicio maxime requiruntur.

Sic igitur ipse 1. absolute sapientissimus est.

2. Nec talli potest, nec fallere.

3. Intus animum hominis convincere potest efficaciter; judiciumque æternum ferre.

4. Sensum S. Scripturæ, tanquam ejus Auctor princeps, optime novit; ipsique quam maxime curæ est, ut ea ad fines suos certissime dirigatur.

Secundò, Expressa judicii formula, eaque perfectissima, continetur in ipsis SS. Literis: unde iis etiam metonymice *judicium* tribuitur. Hebr. IX, 12. „Vivus est sermo Dei, - & dijudicat cogitationes & conceptus cordis. scil. quatenus est utilis & efficax ad doctrinam, ad redargutionem, &c. 2 Timoth. III, 16, 17. Rom. XV, 4. Neque solum adhortatio dicitur loqui fidelibus, tanquam filiis; Hebr. XII, 5. sed etiam Moses, (h. e. Scriptura Mosâica) accusare Judæos infideles; Job. V, 45. & Lex eos condemnare; VII, 51. quod idem de verbis Christi

Christi asseritur, xii, 48. Adde Rom. iii, 19. cum
i, 16.

LV. Tertiò, Antecessoribus Ecclesiasticis suum quoque competit iudicium; respectû Dei, & S. Scripturæ, quidem subsequens, & discretivum; attamen respectû gregis, cui sunt præpositi, antecessorium, & ministerialiter decisivum. Vide sup. th. 51.

Quartò, Iudicium quoque subsequens, discretivum credendorum & faciendorum, competit omnibus ac singulis fidelibus ad ea agnoscenda, observanda, sincerèque ac prudenter applicanda, tum sibi, tum aliis ex charitate, & pro ratione donorum suorum.

Patet hoc etiam 1. ex diserto testimonio. 1 Cor. ii. 15. *Spiritualis homo* (h. e. à Spiritû S. illuminatus & regeneritus) *dijudicat omnia.*

2. Ex mandatis: 1 Cor. x, 15. „Tanquàm intelligi-
„gentibus loquor, ipsi *judicate.* 1 Thess. v, 21. Omnia
„*probate*: quod *bonum* est, *tenete.* 1 Ioh. iv, 1. *Proba-*
„*te spiritûs*, an ex Deo sint.

3. Ex officio conscientiæ, sub Deo judicantis; quæ-
que ipse præscripsit, agnoscentis, & nobis applicantis:
Rom. ii, 14, 15. Vide sup. cap. i. th. 16. §. 2. Ioh. i ii,
19, 20, 21. „Per hoc cognoscimus, nos ex veritate esse: &
„*coram ipso secunda reddemus corda nostra.* Nam si nos con-
„demnet cor nostrum, potentior est Deus corde nostro;
„& novit omnia. Dilecti, si cor nostrum nos non con-
„demnet, libertatem loquendi habemus apud Deum.
Prius ergò discernuntur & agnoscuntur ea, secundùm
quæ iudicium illud de statû nostro formari debet. Un-
dè etiàm Phil. i, 10. „*Ut exploretis, quæ discrepant.*

4. Exemplo Berœensium: Act. xvii, 11. Vide
sup. th. 41. §. 2.

Sed & Magistratus Christianus, non tantùm quatenus
Christianus est, commune cum aliis fidelibus officium
habet: verùm etiàm quatenus Magistratus est, de ve-
ritate Divinâ ac salutari sibi propositâ cognoscere de-

bet, eamque in districtû suo admittere, fovere, defendere, & quantum potest promovere. Hoc enim est *Nutriciorum Ecclesiæ*; *Jes.* xlix, 23. & *Ministrorum Dei*; *Rom.* xiii, 1, - 4. Confer exempla *Asæ*, 1 *Reg.* xv, 11, - 15. *Josaphati*, xxii, 42, 43, 44. *Joasi*, 2 *Reg.* xii, 2, 3, 6, -. *Ezechiaë*, xviii, 3, 4. *Josiaë*, xxi, 2.

LVI. Negamus ergo contra *Pontificios*, Judicium, illud supremum & infallibile, ἀνυπεύθυνον, tribuendum esse Ecclesiæ Romanæ, aut Concilio etiã generali, aut denique Pontifici Romano.

Num 1. soli Deo, in SS. Literis loquenti, id competere, probatum est satis.

2. Consentit Orthodoxa antiquitas: in promptû sunt testimonia *Augustini*, *Optati Milevitani*, *Chrysostomi*, *Basilii Magni*, &c.

3. Ecclesiæ Romanæ, Concilio qualicunque, Pontifici denique, nusquã in SS. Literis tribuitur infallibilis veracitas, aut suprema illa & ἀνυπεύθυνη potestas. Aliter planè sonat ista comminatio, *Rom.* xi. 21. „Si Deus naturalibus ramis non pepercit, (vide) „ne tibi quoque non parcat!

4. Accedunt Confessiones ipsorum *Pontificiorum*; utpotè *Bellarmini*, de Conciliis, etiã generalibus: *Adriani Florentii Ultrajectensis*, de Ecclesiâ Romanâ, ejusque capite Pontifice; qui disertè: *Plures enim fuerunt Pontifices Romani hæretici*, allegato exemplo *Iohannis xxii.* &c. Addi possunt *Liberius* ad *Arianismum* prolapsus, & *Honorius Monothelita* factus, &c.

LVII. *Obj.* 1. Scriptura est litera mortua, iudex mutus, &c. Ergò. *Resp.* Falsum & blasphemum est antecedens. Vide sup. th. 54.

Obj. 2. Deus in Scripturâ testatur de seipso, & in propriâ suâ causâ: id verò absurdum est: *Resp.* Cum Deus sit prima & summa veritas, ipse de se testari potest;

potest; ipsique credendum est propter se: sicut, etiã jurat per se ipsum: *Hebr. vi, 13.* Confer *Ioh. v, 34.* & *Ioh. v, 9, 10.* Sed Ecclesiæ Romanæ, ejusque Pontificis testimonium in propria causâ, meritò rejicitur.

Obj. 3. Istâ methodo probabitur ex.gr. Deitas Spiritûs Sancti ex S. Scripturâ; & vicissim auctoritas S. Scripturæ per Spiritum Sanctum: atqui iste est *Circulus*; absurdus probandi modus. Ergo. *Resp.* Nos Circulum in argumentationibus Theologicis nequaquam committimus. Diversæ sunt quæstiones; & propterea etiã diversæ probationes. Quod ad veritates credendas objectivè attinet, unicè fidem resolvimus in Scripturas Canonicas; sed quod ad actum credendi subjektivè, solummodo analysin facimus in Spiritum fidei. Vide sup. cap. 2. th. 20. Verum ipsi Pontificij auctoritatem S. Scripturæ ab Ecclesiâ suspendentes, Ecclesiam iterum ex Scripturâ probantes, sese hinc expedire non possunt.

Obj. 4. Sub V. T. Judicium istiusmodi competebar summo Pontifici, & Concilio magno: ergo non minus nunc sub N. T. *Resp.* 1. Judices, & Sacerdotes Israëliti, quin & ipse Moses, juxta formulam Legis Divinæ judicare debuerunt: *Deut. xvii, 11.* *Ies. vii, 20.* *Hebr. i, 2, - 5.* Ergo judicium illud non fuit absolutè summum, sed ministeriale. 2. A Mose, aliisque Ministris extraordinariis infallibilibus, non valet consequentia ad ordinarios, etiã sub N. T. quasi his propterea infallibilitas quoque competeret.

Obj. 5. Nemo nunc audit vocem Spiritus Sancti, aut S. Scripturæ, sententiam ferentis: nec partes utrimque acquiescunt isti judicio, quod pro unâ parte & contra alteram latum sit. *Resp.* Quoniã sententia quandoque rescripto pronuntiatur; & per ignorantiam, vel malitiam alicujus partis, sæpè post latam sententiam protenditur contentio; non est necessarium

Judicis requisitum , vivâ voce sententiam sic pronunciare , ut partes litigantes pariter audiant , & statim in eâ acquiescant. 2. Si hoc obtineat , nec ipse Papa Romanus Judex erit agnoscendus: ipsum enim sententiam sic non pronunciare ; manifestissimum est. Viva ejus vox hîc non auditur ; & plurimi ejus placitis non acquiescunt.

LVIII. Neque admittendum , cum *Socinianis* , eorumque sequacibus , *Rationem humanam* esse Judicem & Normam controversiarum Theologicarum ; vel etiâ , quod affine est , & aliquis contendere nuper ausus fuit , *Philosophiam* esse Normam infallibilem interpretandi S. Scripturam.

Nam 1. veritates Theologicæ sunt suprâ rationem. *mysteria* disertè vocantur , &c. 1 Cor. II, 6, - 10. IV, 1. Eph. III, 3, 5. 1 Tim. III, 16.

2. Eorum notitia ac fides datur, quibus Deo placet ; & quidem ex gratiâ speciali ac supernaturali : *Matth.* XI, 25, 26. XIII, II. XVI, 17.

3. Ratio nostra nunc per naturam inepta & corrupta est , imò inimica adversus illas veritates ; eoque minus judicialis ista auctoritas ei deferenda : *Gen.* VI, 5. VIII, 21. *Rom.* III, 10, 11, 12. *Ioh.* III, 6. XV, 5. 2 Cor. III, 5. *Tit.* I, 15. *Eph.* II, 1, 5. *Rom.* VIII, 7. 1 Cor. II, 14.

4. Rationem hîc captivare debemus , & auctoritati Divinæ subicere : 2 Cor. X, 5. *Matth.* XVI, 24.

LIX. Ob . 1. Cultus noster vocatur *rationalis* ; *Rom.* XII, 1. ergò ad rationem naturalem debet exigi. *Resp.* Vocatur *rationalis* ; quia non consistit propriè in exercitatione corporali : 1 Tim. IV, 8. Sed rationem, cujus hîc usus est , gratiâ supernaturali corrigi & sanctificari necesse est, ac dirigi juxta normam à Deo in SS. Literis præscriptam.

Obj. 2. Judicium demandatur ipsis hypocritis ; *Ies.* vi. 3. *Resp.* Non judicium quarumvis controversiarum
Theo-

Theologicarum, aut myſteriorum fidei; & quidem ex iis, quæ nunc poſt lapſum homini naturaliter inſunt: ſed juſtæ rejectionis & ἀναπολογησίας carnalium ac pertinacium Judæorum; ubi cauſa Dei juſta erat ſatis manifeſtè.

Obj. 3. Philoſophia eſt vera, certa, ac indubitata Rerum notitia, ex Principiis naturæ lumine cognitæ deducta, atque apodicticè demonſtrata: ergo illa tam SS. Literas interpretandi, quàm interpretationes explorandi, certa eſt atque infallibilis Norma. *Reſp.* Tranſeat antecedens: nego conſequentiam: Philoſophia enim ſphæram veritatum naturalium non excedit; ſed in SS. Literis plurimæ occurrunt veritates ſupernaturales, quarum illa idcirco norma eſſe non poteſt.

Obj. 4. Philoſophia, cùm vera ſit, ab omni errandi periculo libera eſt; cùm fallere nequeat, quodvis interpretamentum ad hanc exploratum, ad aliam deindè normam examinari prorsus non erit opus; neque, cùm immotis ac ſecti neſciis nitatur fundamentis, partium ſtudio ducetur; ac denique hominum animis, cùm certa ſit atque indubitata, aſſenſum extorquere, ac firmam adferre cognitionem poterit: habet ergo omnia requiſita, quæ in interpretandi normâ deſiderantur, &c. *Reſp.* 1. Interim Philoſophia, ut in ſubjecto exiſtit, non eſt ab omni errandi periculo libera. 2. Continetur intra limites rationis naturalis: ac proindè veritas ſupernaturalis ad iſtam explorari non poteſt; nedùm ſic, ut ad aliam normam examinari prorsus opus non ſit. 3. Fundamentiſ naturalibus, quantumvis certis, niti tamen non poteſt veritas ſupernaturalis; utpote ſublimioris ordinis. 4. Conſequenter Philoſophia nullo modo ex ſuis principiis aſſerere poteſt veritates ſupernaturales; nedùm animis hominum circa illas aſſenſum extorquere, ac firmam adferre cognitionem.

Obj.

Obj. 5. Unusquisque optimus verborum suorum interpretres est, quapropter, cum Deus Philosophiæ auctor sit, ipsi, etiã adscribenda erit omnis interpretatio, quæ, Philosophiã dirigente atque approbante, in medium adducitur. *Resp.* Verba Dei de veritatibus supernaturalibus exstant in S. Scripturâ fatis plenè ac perspicuè; sed in Philosophiã nullo modo; nedum in hac Deus illas interpretari voluerit.

LX. Interim tamen aliquis usus in his rebus concedendus est Rationi, per gratiam Spiritûs S. illuminatæ & sanctificatæ: sic enim 1. est *subjectum & instrumentum recipiens*, atque *agnoscens*, veritates Theologicas.

2. *Conferens* inter se varia SS. Literarum testimonia, typos cum veritate, parallela cum parallelis, &c.

3. *Illustrans* ex debitâ Verbi Divini consideratione, analysi, collatione.

4. *Inferens* conclusiones Theologicas ex præmissis, tum mære Scripturariis, tum etiã lumine naturali ex parte aliquâ cognitæ: in quibus conclusio dici debet supernaturalis, quia sphaeram naturæ ipsa superat; & non nisi ope principii supernaturalis collecta est.

LXI. Omnino etiã tenendum, contra Pontificios quosdam, & rudes Anabaptistas, Theologiam nostram esse argumentativam.

Nam 1. *sapientia* est, ex principio suo conclusiones deducens: 2 *Tim.* III, 15. & *cultus* noster *rationalis*: *Rom.* XII, 1.

2. Idem evincunt phrasæ argumentativæ; *Act.* IV, 19. XVIII, 28. *Rom.* III, 28. VI, 11. 1 *Cor.* II, 14, 15. X, 15. XI, 13. XIV, 29. *Phil.* I, 10. 1 *Thess.* V, 21. *Tit.* I, 9, 11. *Hebr.* IV, 12. V, 14.

3. Quia ipse Christus, & Apostoli, per consequen-

tias disputarunt : *Matth.* *xxii*, 29, 31, 32. de resurrectione mortuorum. Vide etiam *Luc.* *xxiv*, 25, -. *Joh.* *v*, 17, -. *x*, 24, -. *Act.* *ii*, 15, -. *xv*, 8, -. *Rom.* *iv*, 5, - 8. *i Cor.* *xv*, 13 -. &c.

Speciatim huc faciunt istae illationes *Matth.* *xxviii*, 6. *Non est hic ; surrexit enim.* *Joh.* *viii*, 55. *Si dixerō me non novisse Patrem , ero vobis similis , videlicet mendax.* *Gal.* *ii*, 21. *Si iustitia est per Legem Christus frustrā mortuus est.* Adde *Hebr.* *vii*, 7. *x*, 9.

4. Cæteroquin nulla posset fieri applicatio, sive in rebus fidei, sive in moribus vivendi.

Obj. Quod ratiocinando colligitur, non habet certitudinem infallibilem ; atque adeo non est fidei Divinae ; quia ratio nostra est fallibilis. *Resp.* 1. Absoluta infallibilitas soli Deo propria est : sic ergo ratio nostra fallibilis. Quando tamen & quatenus ex Verbo Dei legitime procedit, quanquam etiam collatis principiis quibusdam naturalibus necessariae veritatis, ex hypothesi nec fallitur, nec falli potest. 2. Quatenus ista ratiocinatio Divinā revelatione potissimum nititur, atque ex ea conclusionem colligit, quae ex principiis naturalibus solis colligi nunquam potuisset ; talis conclusio etiam verè supernaturalis est, & fidei Divinae.

LXII. Sic explicata est veritas de *S. Scriptura*, Theologiae nostrae supernaturalis principio doctrinali, & fidei morumque Canone unico. *Catechesis*, aut *Confessio* nostra, (quicquid cavillentur *Remonstrantes*) talis Principii, aut Canonis, rationem non habet ; licet materialiter praecipua saltem dogmata, & conclusiones Theologicas, ex unico illo Principio elicitas, fideliter exhibeat. Eadem medium quidem esse potest, quo novitates & heterodoxiae facilius observentur ac dignoscantur, per modum indicis ; sic tamen, ut analysis in ipsam *S. Scripturam* omnino facienda sit.

Idem dicimus de *Orthodoxorum Conciliorum Decretis*

eritis, ac nòminatim de *Canonibus Synodi Nationalis Dordracenae*: nec non de *Constitutionibus Ecclesiasticis* ubi ea, quæ ad Ecclesiarum ordinem & regimèn spectant, sive agènda, sive toleranda, secundùm Verbum Dei, ad communem ædificationem, & scandalorum evitacionem, prudenter applicata, proponuntur.

Quin & *Symbolum*, quod *Apostolicum* vocari solet non nisi materialitèr tale est: at si formalem istam collectionem ac dispositionem spectes, ea nec ab Apostolis, nec à viris Apostolicis sic facta est; neque illud ab universâ Ecclesiâ sic antiquitus usurpatum. Consequenter non est *αὐτόπιστον*: sed tantùm *ἀξιόπιστον*, propter S. Scripturam, undè desumptum & congestum est: quemadmodum & *Symbolum Athanasianum*, *Nicenum*, *Constantinopolitanum*, aliaque orthodoxographa.

LXIII. *Revelationes Divinæ*, post obsignatum Canonem S. Scripturæ pro Ecclesiâ N. T. fidelibus quibusdam extra ordinem factæ, illis quidem objecta fidei suæ Divinæ etiàm fuerunt; non tamen Principium doctrinale Canonicum & commune.

Quæ verò *Pythonici Gentilium Prophetæ* aliquando dixerunt, aut scripserunt, quamvis interdum veritati consentaneæ, à Spiritû Sancto tamen profecta non sunt: *Psal.* cxlvii, 19, 20. *Rom.* iiii, 2. ix, 4. *Eph.* ii, 12. *Act.* xiv, 15, 16, 17. sed à patre mendaciorum: *Ioh.* viii, 44. *1 Cor.* x, 20. 2, iv, 4. Qui quidem simium Dei agens, cultum partibus quibusdam similem Patriarchali, aut Levitico, instituit: nec non arcana quædam revelavit; & futura prædicere conatus est, aut videri voluit; sed plerumque ambiguè. Nonnulla interim ex Prophetiis Divinis transtulit: ac veritatem aliquam de Christo interdum dixit; sed ut falleret: quapropter ipse Christus, & Apostoli, testimonium istiusmodi non admiserunt; *Matth.* vii, 29. *Act.* xvi, 16, 17, 18.

Sibyllas aliquandò extitisse, & carmina quædam conscripisse, minimè negamus: sed quæ intercurrent de Christo, aliisque mysteriis, tam clara & plana, ut similia non reperiantur in veris Prophetiis V. T. ab aliis postmodum composita, & Sibyllinis permixta, potiùs existimamus.

Idem dicimus de Scriptis *Mercurii Trismegisti*, aliorumque similium.

LXIV. De Judæorum *Talmude* diximus sup. th. 32.

Muhammedanorum *Korani* mentio quoque facta est th. 28. Est autem insulsa & impia rhapsodia, ex particulis quibusdam SS. Scripturæ, plærumque tamen depravatis, fabulis item Talmudicis, Judaicis ac Gentilibus superstitionibus, & pseudo-Christianorum quorundam hæresibus, per Muhammedem Arabicis rhytmis collecta, & SS. Literis perperam substituta.

Ejusdem fursuris est *Suna*, Muhammedis lex *أيهام*; sed à sectatoribus ejus postmodum in Scripturam redacta.

Usque adeò illa distant à Principiis veræ Theologiæ ac fidei Divinæ.

LXV. Pro *praxi* autem hæc erunt: 1. Omnes & singulos S. Scripturæ libros hoc animo, & scopo, & modo legamus ac meditemur jugiter; ut fidem & mores juxta canonem illum *ἀνεξέσῳ* instituamus: *Psal.* xl, 9. cxix, 4, 5, 9. 10, 11. 1 *Sam.* iii, 10. *Phil.* iii. 16. *Apoc.* ii. 7.

2. Universam S. Scripturam, tanquàm verissimum Verbum ipsius Dei, solius sapientis, infallibilis, omnipotentis, agnoscamus & recipiamus: 1 *Theß.* ii. 13. *Psal.* cxix, 86, 89. 141, 142. Ne quis corrumpat, aut pervertat, vel minimam ejus particulam: *Matth.* v, 18, 19. *Hos.* xiv, 10. 2 *Pet.* iii. 16. Nemo contemnat,

temnat, aut negligat: *Psal. cxix, 21, 118, 119. 155.*

3. Illius verò intuitu contemnamus ac rejiciamus qualiacunque contraria dogmata, ratiocinationes, & revelationes: *Matth. xv, 6, 9. 2 Cor. x, 5. Col. 11, 8. Luc. xvi, 29, 31. Gal. 1, 8, - 12.*

4. Grato animo agnoscamus instructissimum illum salutis thesaurum, apothecam locupletissimam, donum perfectissimum: *Psal. cxix, 96. religiosè observantes istam αὐτοῦ πρῆξιον*; intra illas lineas continentes nos ipsos, & ad easdem revocantes alios, quantum in nobis: *Col. 111, 16. Phil. 111, 16. 1 Joh. 1. 3, 4-*

5. Istà luce nos oblectemus, in eà ambulemus, donec merus dies illucescat: *2 Petr. 1, 19. cum Joh. v, 35. viii, 56. Psal. xxxv 1, 9, 10. xix, 12. cxix, 103. In obscuris & dubiis huc confugiamus: Psal. cxix, 98, 99, 100. 104, 105. Act. xvii, 11. 2 Tim. 111. 15, 16. Hoc pio studio peregrinationem nostram consolemur, Psal. cxix, 25, 28, 50, - 56. Rom. xv, 4.*

6. Sic rationem nostram moderemur; atque in SS. Literis nos piè exerceamus; ut genuinum sensum assequamur: *1 Cor. x, 15. Matth. xvi, 24. xi, 25, 26, 27. xiii, 11, - 1 Cor. xiv, 9, 12, 20. Præ aliis autem hoc agant Antecessores: 2 Tim. 111, 17. II, 15: 1, 14, 16. Tit. 1, 9, 10, 11. Quæ verò rectè percepta sunt, teneamus constanter: Apoc. 111, 3, 11. in opera convertamur: Joh. xiii, 17. & ad aliorum ædificationem pro virili nostrâ conferamus: 1 Theß. v, 11.*

CAPUT. IV.

DE DEO.

Terminus Deus. *Existentia Dei probatur c. Atheos*

1. Quomodo ad salutem cognoscendus. Essentia.
2. Vivens. Spiritus. Descriptio.
3. Nomina.
4. Deus non nomen officii, sed naturæ: c. Socin. probatur, & defenditur.
5. Non appellativum; sed proprium. Obj. solv.
6. אֱלֹהִים אֱלֹהִים, notat pluralitatem personarum. Obj. solv.
7. Epitheta. Tituli. אֱלֹהֵינוּ, אֱלֹהֵי, יְהוָה. Κύριος.
8. Nomen יְהוָה non fictitium. c. Remonstr. Non habet virtutem patrandi miracula. Non est. ἀνεκφώνητον. c. Jud. 9. Soli vero Deo proprium. c. Socin & Remonstr. Obj. solv.
10. Tituli, vel Attributa, loco Nominum. Nomina usurpata tūm εἰσωδῶς, tūm ὑποστικῶς.
11. Attributa Dei. Quomodo per naturam investiganda.
12. Attributa primi generis.
13. Primitas.
14. Deus à se.
15. Simplicitas. Quid Compositio. Illa in Deo probatur, c. Socin. & Remonstr.
16. Objectiones solvuntur.
17. Consectaria Simplicитatis.
18. Dei unitas.
19. Immutabilitas c. Socin. & c.
20. Objectiones solv.
21. Invisibilitas: c. Vorst.
22. Impalpabilitas.
23. Ineffigiabilitas: c. Pontif.
24. Infinitas: primò Essentiæ.
25. Aternitas: & quidem Successione carens.
26. Objectiones solvuntur.
27. Immensitas: c. Socin. Anabapt. & Remonstr.

Remonstr. 28. Etiam extramundum. 29. Speciales modi præsentiæ Divinæ. 30. Objectiones solv. 31. Incomprehensibilitas prob. & defend. 32. Attributa secundi generis. 33. Intellectus Dei. 34. Scientia simplicis intelligentiæ. Idea possibilitium. Scientia visionis. Quæstio. 35. Deus definitè novit omnia. Contingentia, & libera, &c. Obj. solv. 36. Scientia media refut. 39. Objectiones solv. 40. Intellectus Dei simplicissimus, & immutabilis. 41. Independens. 42. Voluntas Dei. Ejus objectum. Sanctitas Jehovah. 43. Objectum præjacens. Terminans. In genere entis. 44. Amor Dei. Amor benevolentie. Complacentia. 45. Gratia. gratis dans Gratum faciens. Gratia Gratis data. 46. Misericordia Dei. Generalis. Specialis. 47. Patientia. Longanimitas. 48. Bonitas Dei in genere moris. Iustitia. 49. In dictis. Veracitas. Fides. Constantia. 50. In factis. Regimine. Jurisdictione. 51. Remuneratio bonorum operum. 52. Punitio peccatorum. 53. Pœnarum exactio pertinet ad Iustitiam: c. Socin. 54. Iustitiæ punitiva perpetuò existit in Deo, ipsique essentialis est. 55. Ejus exercitium positis peccatis est necessarium. 56. Objectiones solv. 57. Iustitia distributiva præmiorum ex debito: itemque commutativa, non in Deo. Malum per se non objicitur Voluntati Divinæ. 58. Voluntatis Div. infinitas. Non Velleitas. Obj. solv. 59. Eiusdem simplicitas. Distinctio in realem, & moralem: Occultam, & revelatam. Beneplaciti, & signi. Mandati.

dati. 60. Sine intrinsecâ diversitate. 61. Independentia. Obj. solv. 62. Malè distinguitur in absolutam & conditionatam. Antecedentem, & consequentem. Libertas complacentia: exercitii: specificationis. 63. Potentia Dei. 64. Infinita. Obj. solv. 65. Simplicissima. Distinguitur tamen in absolutam, & ordinatam. Impossibilia. 66. Independens. Radix possibilitatis & impossibilitatis. 67. Potestas, seu dominium Dei. Circa possibilia. 68. Circa creaturas existentes. Rationales. 69. Independens. Non fundatur propriè in beneficio creationis, aut maleficio creaturæ peccantis, aut contractû cum creaturâ rationali. c. Remonstr. 70. Objectiones solv. 71. Sic incommunicabilis. Potestas Magistratum. Christi Mediatoris. 72. Gloria Dei. Undè innotescat Dei excellentia. Qualem cultum inferat. 73. Cultus religiosus Deo proprius. 74. Ex eo rectè probatur vera Deitas, contra Arianos, & Socin. Exc. & Obj. solv. 75. Beatitudo Dei. 76. Usus practici. 77.

I. **R**ogredimur ad objectum primarium Theologiæ nostræ, Deum: qui terminus animum nostrum elevat ad conceptum & contemplationem entis primi, summi ac perfectissimi.

Deum esse, contra *Atheorum* monstra, satis probat *Natura*: per ipsam *conscientiam* omnibus hominibus ingentam, quæ dictat numen aliquod religiosè agnoscendum & colendum esse; honesti & turpis discrimen; justam eorum, quæ hic aguntur, retributionem expectandam: undè animorum stimuli, herôiici quo-

rundam impetûs, aliorum terrores, communis consensus, & qualiacunq; Religionis ubiq; gentium exercitia.

2. Ex reliquis *creaturis*, per demonstrationem ὁ π. Spectantur autem essentia, facultates, operationes; omnia dependentia, mutabilia, mutanda: undè adscenditur ad causam primam, immutabilem, perfectissimam; in causarum enim subordinatione non datur progressus in infinitum; sed necessariò subsistendum in primâ:

3. Speciatim ex *judiciis*, eventis quibusdam insolitis, portentis, prophetiis, ac miraculis: quæ mentem nostram evehunt supra causas omnes naturales, ad Judicem supremum, & Auctorem naturæ universæ, qui legibus ejus non tenetur.

4. Ex *concordi discordiâ*, & tendentiâ omnium rerum ad certum aliquem finem; cujus directionis analysis in causas creatas fieri nequit. Confer. sup. cap. 1. th. 14, - 19.

II. Verùm cùm Theologia naturalis ad salutem nunc non sufficiat, & fide opus sit. (*Hebr. xi. 6.* Vide cap. 1. th. 22, 23, 24.) Deum fide magistrâ, & ratione utcunque ministrâ, contemplabimur tum *in se*, scil. in *essentia*, & in *personis*, tum in *actionibus* suis.

Essentiam Dei rectè appellari probatur contra *Antitritenarios*; 1. Quia S. Scriptura clertè præit: *Prov. viii, 14.*

2. Ex paronymis: Deus se vocat אֱלֹהִים אֲשֶׁר אֱלֹהִים, *Exod. iii, 14.* Item *Apoc. i, 4. 8.* dicitur, ὁ ὢν, ὁ ἦν καὶ ὁ ἐρχόμενος.

3. Occurrunt etiâ synonyma: utpotè φύσις Θεῶ, *Gal. iv, 8.* 2 *Petr. i, 4.* μορφή Θεῶ, *Phil. ii, 6.* Qui termini non physicè, sed prorsus hyperphysicè sumendi sunt.

4. Appellatur denique Θεότης, *Col. ii, 9.* & Θεϊότης *Rom. i, 10.*

III. Essentia Dei vivens est; *Deut. v. 20. xxxi. 40.*

1 Sam. xvii, 36. Jerem. v. 2. 1 Ioh. 4, v, 20. Ioh. 4. v. 26
Psal. xxxvi, 10. 1 Tim. vi, 16.

Sed vita illa *spiritualis* : Ioh. iv, 24. Deus est spiritus. Hoc est, vera substantia, aut potius *ὑπερσία*, molis corporeæ expers, sed intellectû & efficacîâ præcellens. Ies. xxxi, 3. Rom. xi, 33, 36. ix, 19. Eph. I, 11. Act. xvii, 25, 28. Psal. xciv, 9, 10.

Verûm hæc *ὑπερσία* & non habet genus supra se; ut nec species, vel individua, æquali secûm gradû : neque differentiam constitutivam; ipse actus primus ac purissimus. Consequenter propriè definiri non potest Deus infinitus. Interim describitur pro nostro modulo, *Essentia spiritualis seipsa vivens*. Nisi quis addi malit; tribus personis subsistens, Pater, Filius & Spiritus Sanctus.

IV. Deus, cûm per essentiam suam unicus sit, nomine discretivo non indiget; quo ab aliis ejusdem speciei, vel generis, distingueretur. Ipse tamen, ut nos propriûs in sui notitiam adduceret, seque à creaturis ac idolis clariûs discerneret, nomina quædam adhiberi voluit. Nomen diserte appellatur, Gen. xxxii, 29. Jud. xiii, 18. Prov. xxx, 4. Exod. iiii, 13, 14. vi, 2. Ies. xlii, 8. &c. Imò metonymice Nomen Dei, aut *אלהים* *ēlōhīm* Nomen, quandôque usurpatur pro ipso Deo, aut ejus voluntate, potentiâ, auctoritate, vel gloriâ : Lev. xxiv, 11, 15, 16. 1 Sam. xvii, 45. Psal. lxxxvi, 9, 11. lxxxix, 17, 25. cxvi, 13, 17. Mich. vi, 9. Matth. xviii, 20. xxviii, 19. Phil. ii, 10.

Frequentissimum est Hebraicum nomen *אלהים*, sicut Græcum *Θεός*, & Latinum Deus.

V. Hic autem primò contra Socinianos asserimus, quòd nomen Deus, sicut & ejus synonyma, in usû proprio, non sit nomen officii; sed essentiae, vel naturæ.

1. Nam non deducitur ab alio Nomine, aut verbo, muneris alicujus functionem significante; ut quidem

Imperator ab imperando ; Rex , à regendo ; &c.

2. Nec abstractum ejus *Deitas* formaliter officium exprimit ; sed ipsam naturam entis perfectissimi : nam procul dubio synonyma sunt *Deitas*, & *Natura* vel *Forma Dei*.

3. Neque supponitur aliud nomen ipsam naturam significans , cui deinceps superaddatur hoc nomen *Deus* , tanquam denotans ejus officium. Sic homo aliquis, puta *Carolus* , &c. est *Rex* , &c.

Obj. Magistratûs appellantur מַלְאָכִים , ratione officii ac potestatis ; non ratione naturæ : ergo , &c. Resp. Nego consequentiam : Magistratûs isto nomine non appellantur proprie ; sed propter qualemcunque similitudinem analogicam. *Vulpes* metaphorice dicitur de homine vasto ; atque tunc qualitatem notat , non naturam : verum inde nequaquam sequitur , etiam in usû proprio non significare naturam , sed qualitatem.

VI. Deinde , quod idem hoc nomen non sit appellativum , sed proprium : significat enim ens naturâ suâ singularissimum : *Joh. xvii, 3.*

Obj. 1. Angeli , & Magistratûs , Dii appellantur : *Psal. viii, 6.* cum *Hebr. ii, 7.* Item *Psal. lxxxii, 6.* *Exod. iv, 15, 16.* *vii, 1, 2.* *xxii, 8, 9.* *Joh. x, 35.* Resp. Non usû nativo istius nominis ; sed metaphorice & analogice.

Obj. 2. Etiam idola. Resp. Hoc fit abusive , & μῦθητικῶς. Vide *Jud. xi, 24.* *Am. v, 26.* cum *Jerem. xvi, 20.* *Hos. viii, 6.* *Psal. xcvi, 5.* Confer etiam. 1. *Cor. viii, 5.* 2. *Thess. ii, 4.* cum *Joh. xvi, 3.* 1. *Joh. v, 20.*

VII. Cæterum nomen מַלְאָכִים singulari numero occurrit , *Deut. xxxii, 17.* *Joh. iiii, 4, 23.* *xii, 4.* *xxxvi, 2.* *Psal. l, 22.* *Hab. iiii, 2.* sed alibi sæpissime pluraliter מַלְאָכִים : & cum eo nomina adjectiva , & verba , tum pluraliter , tum singulariter , construuntur. Vide *Gen. xx, 13.* *Deut. v, 26.* *Jos. xxiv, 19.* *Jer. x, 10.* Etiam plu-

pluraliter in primâ personâ. Gen. I, 26. iii, 22. xi, 7. Ies. vi, 8. Scilicet ad exprimendam essentiam in se quidem unicam, pluribus interim personis subsistentem.

Obj. 1. Uni idolo idem nomen plurale tribuitur; neque tamen ibi notat pluralitatem personarum, Ergo neque in vero Deo. Resp. Idolum sic appellatur abusive; quatenus triuni vero Deo substituitur.

Obj. 2. Idem etiâ usurpatur de unâ personâ Divinâ: ut Psal. xlv, 8. Resp. Nimirum, quatenus ei competit essentia pluribus personis subsistens, per ἐμὴ ἐκχώρησις.

VIII. Ut autem à Diis nuncupatis diis planius se discerneret verus Deus, Nomen suum insignibus quibusdam epithetis circumscripsit; ut Deus Abrami, Isacici, & Jacobi: Exod. ii, 6. Deus magnus: Tit. II, 13. Unus verus Deus: Joh. xvi, 3. Verus Deus & vita æterna: 1 Joh. v, 20. Supra omnes Deus benedictus in sæcula: Rom. ix, 5. Imò & Nomina quædam sibi prorsus peculiariter reservavit; atque ita revelavit: ut יהוה, Exod. ii, 14. essentiam illam eminentissimam denotans; ut & cognatum ei יהוה, Exod. iv, 30. alias יהוה, Ezech. xi, 4. ante contractè יה, Psal. cxxxv, 4. cuius periphrasis est, ὁ ὢν, ὁ ἦν, καὶ ὁ ἐρχόμενος, Apoc. I, 4, 8.

LXX. Interpretes illud per Κύριος reddiderunt; quod in libris N. T. etiam servatum; tum quod propter literarum necessarium defectum, illud ipsum materialiter Græce exprimi non possit; tum quod fortassis verbum κυρῶ (sum) respexerint, & sic satis convenire existimaverint.

IX. Nomen illud יהוה, à numero literarum, quibus constat, appellari solet τετραγράμματον.

Sed porro observandum contra Remonstrantes, id non esse fictitium; sed ab ipso Deo sic revelatum, ac in S. Scripturâ à viris Θεοπνεύστοις consignatum, & quidem plurimis vicibus ac locis.

Item contra *Judeos*, illud nomen, aut ejus interpretationem, non habere peculiarem virtutem aliquam patrandi miracula: nam omnia nomina sunt tantum moraliter significativa rerum; nec possunt miracula patrari, nisi virtute ipsius Dei, qui isto nomine indicatur.

Atque iterum contra eosdem, & quosdam alios, illud nomen non esse materialiter *ἀνεκφώνητον*: sed legendum & pronunciandum secundum proprias suas literas & vocales. Nam 1. proprius finis scriptorum est, sic legi & pronunciari.

2. Hoc memoriali Deus ab omnibus aliis, & nominatim à *λεγομένοις Θεοῖς*, emphaticè discerni voluit: *Psal. lxxx, 111, 19*. Sed usus iste nullus est, nisi illud nomen sic legatur & pronunciatur.

3. In compositis pronunciatur ab iis ipsis, qui contrarium statuunt: ut in *יהוה*, *יהוה*, *יהוה*, *יהוה*, &c.

4. Satis etiam probabile est, ex famâ illius nominis Gentiles *Jovem* appellasse: &c.

X. Afferimus insuper contra *Socinianos*, eorumque sequaces *Remonstrantes*, idem hoc nomen soli vero Deo esse omnino proprium; adeo ut nulli unquam creaturæ communicetur in casu recto: & consequenter, ex ejus attributione veram Deitatem rectè colligi. Ideo 1. toties & tam emphaticè Deus hoc suum nomen dixit, quo maximè dignosci voluit.

Et 2. suum memoriale appellavit; *Exod. 111, 13, vi, 1, 2. Psal. lxxxii, 19. Hos. xii, 6*.

3. Negavit se id aliis communicaturum: *Jes. xlii, 8*.

Obj. 1. Atqui Angelus aliquis interdum appellatur *יהוה*: ut *Gen. xviii, 1, 13, 14*, & alibi. *Resp.* Intelligendus tunc Angelus increatus, qui Angelus fœderis dicitur. *Mal. i, 1*. & facièi i *Jes. lxiii, 9*. Filius Dei, in consideratione œconomicâ.

Obj.

Obj. 2. Ad Arcam fœderis dicebatur, *Surge, Iehovah, &c.* Num. x, 35, 36. *Resp.* Imo oratio ista dirigebatur ad ipsum Deum, per occasionem Arcæ fœderis, quæ erat singulare symbolum præsentia Divinæ.

Obj. 3. Hierosolyma vocatur *Iehovah ibi*; *Ezech. XLVIII, 35.* *Resp.* Sic urbs ipsa non vocatur *Iehovah*; sed de urbe prædicatur singularis præsentia gratiæ Divinæ.

XI. Accedunt insuper Tituli, aut Attributa, quæ instar Nominum de Deo in SS. Literis quandoque usurpantur: utpotè *יְשׁוּבָה* Omnisufficiens: *Exod. vi, 2. Ezech. i, 24. 78.* Potens; *Ies. XLIII, 10. יְיָ*, Dominus; *Ies. III, 17.* Vide etiam *Ies. IX, 5. Aq. XVII, 14. 1 Tim. VI, 15. Apoc. XV, 3.* Item *קָדוֹשׁ*, Sanctus; *Job. VI, 10. יְיָ*, Excelsus; *Gen. XIV, 18.* Vide etiam *Ies. LVII, 15. Luc. I, 32.* Nec non metonymicè *שָׁמַיָא*, *שָׁמַיָא*, Cœlum, *Dan. IV, 26. Matth. XXI, 25. Luc. XV, 18.* & metaphoricè *רֶכֶס*, Rupes; *Deuteron. XXI, 18, 30. &c.*

Porro autem Nomina de Deo usurpantur vel *ἁπλοῦς*, essentialiter, ut significant ipsam essentiam, tribus personis communem: *Gen. I, 1. Exod. III, 6. Deut. X, 17.* vel *ὑποστατικῶς*; personaliter; ut hanc, vel illam personam distincte designent, *Joh. III, 16. XVII, 3. Aq. XX, 28. Rom. IX, 5. 1 Cor. II, 8. XII, 6.*

XII. Amplius vero cognoscitur essentia Dei per *Attributa*. Hæc sunt perfectiones, quæ de essentiâ Dei verè prædicantur, & distincte explicant qualis ea sit.

Iis investigandis ancillatur quodammodo Natura, 1. *Per viam negationis*; ubi dùm creaturas contemplamur, ut Creatorem ex iis cognoscamus, omnem imperfectionem in creaturis obviam à Deo interim remove-

mus.

2. *Per viam causalitatis*, cùm omnes rerum creaturarum perfectiones Deo, tanquàm causæ primæ, acceptas terimus; atque adeo virtualiter easdem ipsi tribuimus.

3. *Per viam eminentiæ*; ubi quidquid perfectionis in creaturis, id longe eminentiùs Deo inesse colligimus; tanquàm causæ omnis illius, citrà ullam sui diminutionem, aut mutationem.

XIII. Sunt autem *Attributa*, vel *Primi generis*, sive *essentiæ* ut sic; vel *Secundi generis*, sive *vita*.

Attributa primi generis, incommunicabilia dici solent; quia ità Deo propria sunt, ut nulli creaturæ competere possint. Suntque potissimùm *Primitas*, *Simplicitas*, & *Infinitas*.

XIV. *Primitas*, sive *Independentia* vocatur, quâ Deus absque causâ, absque principio sui, seipso est sufficientissimè id quod est. Hinc 1. ipse *primus*, *principium*, Ἀλφά, *summus*, vocatur; Apoc. 1, 4, 8. Ies. xlv, 6.

2. אֱלֹהִים Gen. xvii, 1. in quo *fontis vitæ*: Psal. xxxvi, 10. *Pater spirituum*: Hebr. xii, 9. *Pater luminum*: Iac. 1, 17. *ex quo omnia sunt*: Rom. xi, 36. Joh. I, 3. *Nebem*. ix, 6.

3. Ex causarum subordinatione; in quâ non datur progressus in infinitum, sed in *primâ* subsistendum est necessario.

XV. Cùm ergo Deus dicitur esse *à se*, phrasis ista sumitur 1. negativè; quòd non sit ab alio. 2. Improprie, ut significetur, Deum esse, per naturam suam, & per sufficientiam suam, ens primum, & actum purissimum. Eo ipso autem, quod essentia Dei prima sit, & actus primus, existentia est de Dei essentiâ; unde statim apparet *absoluta Dei necessitas ad existendum*, & *actualitas purissima*, cui nulla competit potentia passiva; propter sibi-sufficientiam primam, καὶ ἀνάγκη, καὶ ἀναρχον.

Sim-

XVI. *Simplicitas* à Deo omnem compositionem remouet; & simul asserit in ipso omnem omnino perfectionem inesse actû purissimo.

Est autem *compositio*, plurium, quæ se habent ut potentia & actus, unio.

Simplicitatem contra *Socinianos* & *Remonstrantes* probamus; 1. ex Dei Primitate, & Independentiâ modo assertâ: quæ omnem in Deo potentiam passivam, omnem perfectibilitatem excludit; & omnem causam unientem, perficientem, mutantem ipsius Dei omnino remouet.

2. Ex terminis simplicibus & abstractis, de Deo in S. Scripturâ usurpari solitis: quod sit *principium*; *Apoc.* 1,8. *Lux*; *Joh.* 1,9. 1 *Joh.* 1,5. *charitas*; 1 *Joh.* 4,8,16. *vita æterna*: 1 *Joh.* 5,20.

3. Nulla in Deo datur *Compositio realis*, imo nec *rationis*: utpote, non *ex partibus quantitativis & integran- tibus*: est enim essentia spiritualis, non habens partem extra partem; sed omnia intime penetrans, &c. *Joh.* 1,24. cum *Jes.* xxx1,3. *Luc.* xxiv,39. cum *Act.* xvii,27,28. 1 *Reg.* viii,27. *Fer.* xxi11,23,24.

Non ex *materiâ & formâ*: nam istæ corporum partes essentielles sunt.

Neque ex *substantiâ & accidentibus*: accidentia enim substantiæ sic accidunt, eique tanquàm subjecto inhærent, ut eam perficiant, aut mutant: quod ab ipsâ causâ primâ ac summâ prorsus alienum est; ubi etiâ nulla mutatio, nec conversionis obumbratio: *Jac.* 1,17.

Imo neque ex *subjecto & modo*: quia nunquàm fuit in potentiâ ad modum aliquem recipiendum.

Neque ex *essentiâ & esse*: quia ipsum esse omnino est de ejus essentiâ, tanquam actû purissimo.

Nec denique ex *genere & differentiâ*: quæ Deo etiâ non convenire, ostensum est sup. th. 3.

XVII. *Obj.* 1. Deo membra corporea tribuuntur in

in Sacris. *Resp.* 1. Illa improprie, metaphorice & metonymice de Deo dicta, Θεωρεῖται intelligenda sunt.

Obj. 2. In Deo sunt intelligere, velle, & posse; item iustitia & misericordia; quæ compositionem arguunt.

Resp. Ista intrinsece in Deo omnino unum idemque sunt; quamvis respectu objectorum & effectorum ratione distinguantur.

Obj. 3. Actiones Dei externæ obstant Simplicitati

Resp. Istæ, si activè spectentur, sunt ipsa simplicissima Dei essentia; actuans extrà se in tempore, quæ ab æterno futura decrevit: passivè autem, sunt ipsæ creaturæ: unde jam nulla compositio in Deo colligi potest.

Obj. 4. Actiones Dei internæ, utpote decretum, &c.

Resp. Decretum, si consideretur ut actus vitalis ipsius Dei, est ipsissima Dei essentia: si autem cogitemus de actûs istius tendentiâ & terminatione ad talia objecta, habemus tantum respectum; qui non componit, &c.

Obj. 5. In Deo datur personarum pluralitas & distinctio: ergo, &c. *Resp.* Nulla tamen hinc inferri potest compositio in Dei essentiâ: ibi enim nunquam fuit aliqua potentia passiva, aut perfectibilitas; sed æternus actus purissimus.

Obj. 6. In Christo saltem insignis est compositio, non tantum humanæ naturæ ex partibus suis essentialibus, & integrantibus, &c. sed etiam personæ ἡ Δόξα cum istâ humanâ naturâ. *Resp.* 1. Non agimus nunc de humanâ naturâ Christi; sed de essentiâ, vel naturâ Divinâ absolute. 2. Filius Dei assumendo humanam naturam, non accepit proprie aliquam perfectionem: sed naturæ isti contulit modum subsistendi: ac proinde Christus Θεάνθρωπος, totum quidem extraordinarium est; non tamen sic, ut essentia Divina censeretur debeat pars componens, ad totum aliquod perfectius constituendum; aut quasi illa prius fuissent in potentiâ passivâ perfectibili-

XVIII. Ex Simplicitate sequitur de Attributis Dei

in genere; 1. quod non differant ab essentiâ Divinâ, & à se invicem, realiter: sed tantum ratione ratiocinatâ, sive ex naturâ rei virtualiter, ratione objectorum & effectorum.

2. Quod vere prædicentur de Deo, tam in abstracto, quam in concreto; & consequenter etiam de se invicem.

3. Quod nullam intrinsecam intensiorem, aut remissionem, admittant.

4. Quod nullum eorum, ut in Deo est, ab aliis possit separari, propter realem identitatem.

XIX. Specialius ex Simplicitate patescit *Unitas*; quâ Deus sic est distinctus a quolibet alio, ut nullus alius istius naturæ, aut conditionis, præter ipsum agnosci debeat, vel esse possit.

Evincitur hæc 1. testimoniis S. Scripturæ: utpote Deut. vi, 4. „Audi Israël; Jehovah Deus noster, Jehovah unus est. Jes. xlii, 6. „Ego primus, & ego novissimus; & præter me non est Deus. 8. Itaque vos testes mei, an sit Deus præter me, &c. Marc. xii, 32. Joh. xvi, 3. Rom. xvi, 29, 30. 1 Cor. viii, 5, 6. Eph. iv, 6. 1 Tim. ii, 5.

2. Ex Dei Primitate, & Infinitate: qui enim est *Ante omnia*, & per quem *omnia consiſtunt*, (Col. I, 17.) is necessario unicus est: infinitum autem non est commensurabile alteri; sed omnia alia excedit: ac proinde Unicum est necessario. Speciatim duæ potentiæ activæ infinitæ sine manifestâ contradictione statui non possunt: vel enim una alteri poterit resistere, vel non poterit; &c.

3. Nihil est quod pluralitatem Deorum inferre possit in creatione, conservatione, aut gubernatione; sed omnia unitatem spirant.

4. Speciatim Deorum generationes, & contentiones mutuae, à Gentilibus olim descriptæ ac traditæ,
propterea

prorsus adversatur veræ Deitati: ita πολυθεότης est ἀθεότης; unde Gentiles dicuntur fuisse absque Deo in mundo, Eph. II, 12.

XX. Ex Simplicitate Dei porro deducimus, tum ipsius in se Immutabilitatem; tum relate ad sensus nostros, Invisibilitatem, atque Impalpabilitatem; & in ordine ad artem εἰκαστικῶν, Ineffigiabilitatem.

Immutabilitas est, quâ Deus in se prorsus idem, sibi-que semper similis manet.

Hæc veritas contra Socinianos, Vorstium, aliosque, probatur; primo disertis Scripturæ testimoniis: tum generaliter, & quidem positive: Psal. cii. 27. 28. Hebr. I. 11, 12. „(Cœli) peribunt; Tu stabis. Omnes ipsi „mutabuntur; Tu autem idem es. Exod. iiii, 14. Ego qui ero. Apoc. I. 8. Rom. I, 20. Ac porro negative: Mal. iiii, 6. Ego Jehovah non mutor. Jac. I, 17, „Apud „quem non est transmutatio, aut conversionis obumbratio. Tum specialius; 1 Tim. I, 17. „Regi sæculorum im- „mortali -- gloria in sæcula sæculorum. vi, 16. Rom. i, 23. Item Psal. cii, 28. Hebr. I, 12. Anni tui non deficiunt. Num. xxi, 19. „Non est vir Deus, ut mentiatur: & „filius hominis, ut pœniteat eum: An ipse dixit, & non „faciet: & locutus est, & non stabiliet illud? Prov. xix, 21. Psal. cxvii, 2. 2 Tim. II, 13, 19.

Accedunt Rationes: 1. à Simplicitate: nam actus ille purissimus excludit omnem mutabilitatem.

2. Ab Independentiâ: quæ removet omnem causam mutationis in Deo.

3. Ab Infinitate: sic enim nihil addi, vel etiâ adimi potest.

4. Speciatim respectu Volitionis: ubi summa Sapientia, conjuncta cum Omnipotentiâ, nullam mutationem admittit.

XXI. Obj. 1. Incarnatio Filii Dei satis manifestam mutationem arguit; ac porro ejus passionēs, mors, &c. Ergo.

Ergo. Resp. Θεός ὁ λόγος factus est homo αἰρεῖτως: αἰρεῖτως naturam humanam assumpsit, sine mutatione Deitatis. Idem ὑποστατικῶς dicitur passus, mortuus, &c. sed propriè secundum humanitatem.

Obj. 2. Deus ex non creatore aliquandò factus est creator: ergò. Resp. Creatio activè spectata, est æterna Dei efficientia, per quam mundus in principio temporis productus est: unde nulla mutatio in ipso creatore colligi potest.

Obj. 3. Nunc existunt alia objecta, quàm olim: alia ergo nunc Deus cognoscit: & sic mutata est ipsius scientia. Resp. Objectorum mutatio non mutat ipsam Dei scientiam.

Obj. 4. Volitio Divina libera est: alia ergo esse potest: & sic mutabilis est. Resp. Volitionis terminatio alia esse posset absolute, & in sensû diviso; non autem ex hypothesi, & in sensû composito.

Obj. 5. Deo tribuitur pœnitentia: Gen. xi, 6. &c. Ergò. Resp. Tribuitur ἀνθερωποπαθῶς; sed intelligenda est Θεωπεπῶς, ut notet mutationem effectûs, non affectûs.

XXII. Relate ad *Aspectum ocularem*, Deum *Invisibilem* dicimus: non solum hoc, sed etiam in futuro sæculo. Et probamus contra *Vorstium*; 1. Ex eo, quòd Deus diserte αὐράτῳ appelletur, 1 Tim. 1, 17. Hebr. xi, 27. Adde 1 Tim. vi, 16. Ioh. 1, 18: Exod. xxxiii, 20.

2. Ex omnimodâ Dei Simplicitate & Infinitate, quæ emanantes radios, & oculorum corporalium receptivitatem, prorsus à Deo remonent.

Obj. At nonnulli Deum vidisse, aut visuri, dicuntur: Gen. xvi 11, 1, 2. xxxii, 30. Exod. xxiv, 10. Jud. xiii, 22. 1 Reg. xxii, 19. Psal. xvii, 15. Matth. v, 8. 1 Cor. xiii, 12. Hebr. xii, 14. 1 Joh. iii, 2. Resp. Ista intelligenda, non de oculari visione ipsius essentiae Divinae
in

in se: sed partim de symbolo aliquo extraordinario, ad gloriam & voluntatem aliquam Dei sic manifestandam; sicut etiam quodammodo fit per omnes res creatas: Rom. 1, 20. sed propius in humanâ Christi naturâ: undè Job. xiv, 9. *Qui Me vidit, vidit Patrem.* Partim de visione propheticâ quâlicunque: partim etiâ de visione illa mentali, seu notitiâ, quæ familiarem gratiæ, vel etiâ gloriæ fruitionem involvit; juxtâ Matth. xviii, 10. Vide sup. cap. i. th. 9.

XXIII. Ratione *Tactûs* Deo competit *Impalpabilitas*, & quidem propter suam *Simplicitatem*: nam

Tangere, vel tangi, nisi corpus, nulla potest res.

Undè Christus Luc. xxiv, 39. de se resuscitato: *Palpate Me; & videte: quia spiritus carnem & ossa non habet; sicut me videtis habere: cum* Job. iv, 24. *Deus est spiritus.*

Obj. Act. xvii, 27. „Ut quærant Dominum, si forte palpando eum invenirent: Ergo saltem palpari potest. Resp. Istud metaphoricè ad mentem pertinet.

XXIV. Respectu artis *εικαστικῆς*, Deus est *Ineffigiabilis*. Unde etiam Jes. xl, 18. *Cui assimilabitis Deum; & quid similitudinis ornabitis ei?* Scil. per *Simplicitatem* suam Deus lineamentorum, terminationum, &figurationum expers est. Item Deut. iv, 15. „Non vidistis ullam imaginem in die, quâ locutus est Jehovah ad vos in Choreb, è medio ignis. Ne forte corrumpamini; & faciatis vobis sculptrile, imaginem alicujus similitudinis. Confer Act. xvii, 29. Rom. i. 22, 23.

Contra hanc veritatem, & disertum secundum Decalogi præceptum, gravissime peccant *Pontificii*, prædicæ *Anthropomorphitæ*.

XXV. Sequitur *Infinitas*; quæ talem ac tantam in Deo perfectionem designat, ut nullos terminos aut fines habeat; sed eos omnes conceptibiles excedat. Hæc autem consideranda est, tum respectû ipsius *Essentiæ*; tum respectû *Durationis* & *Spatii ubicalis*; tum denique in ordine ad *Intellectum*.

Re-

Respectu *Essentiae*, Deus infinitus est modo perfectissimo, & quam maximè positivo; ut omnes perfectionum modos & gradus, qui in creaturis reperiuntur in Divinâ essentiâ sint èminenter; omnesque fines conceptibiles ipse excedat actû simplicissimo & sufficientissimo. Hinc Col. II, 9. *Omnis plenitudo Deitatis*, Psal. cxlv, 3. - *Magnitudinis ejus non est investigatio*. Joh. XI, 7, 8, 9. *Num investigatione Deum invenies? Num usque ad perfectionem Omnisufficientis ('וְשֵׁ) invenies, &c.*

Hæc Infinitas etiâ facile deducitur ex Independenti essentiâ Divinâ sufficientiâ superius assertâ th. 14. Qui enim tanquam causa absolute prima & Dominus supremus, reliquis entibus fines suarum perfectionum assignavit; adeo ut nec ulli fines absolute possibiles dici, aut concipi possint, nisi dependenter ab ipso. is omnem imperfectionem, non solum privativam, sed & negativam, excludit; omnemque perfectionem conceptibilem includit èminenter; & omnes limites suâ naturâ excedit.

Non intelligitur autem hoc loco Infinitas mathematica, potentialis, aut syncategorematica; sed metaphysica, actualis, & categorematica, quam sic satis explicuimus modò.

Obj. Omnia entia habent essentiâ suâ certam, distinctam, definitam; ac proindè etiâ Deus. Essentiæ rerum consistunt in indivisibili. Resp. Deus habet essentiam certam, & ab omnibus distinctam, hoc ipso quod ea infinita sit. Atque illud indivisibile essentiæ Divinæ, intrinsecâ suâ perfectione infinitum est.

Creaturarum distantia à Divinâ perfectione, denominari solet *infinita*: quia nulla est earum ad hanc affinitas, aut proportio æqualitatis, vel commensurationis: *finitum enim ad infinitum nulla est proportio*. Interim illa à se invicem distinguuntur propriis suis perfectionibus, earumque gradibus, vel etiâ speciebus.

XXVI. Infinitas *Durationis* est *æternitas* strictè di-

ita; quæ non tantum principium & finem, sed etiam successionem prioris & posterioris excludit. Undè rectè à *Boëtio* describitur, *interminabilis vitæ tota simul ac perfecta possessio*. Differt autem à *Tempore* strictè dicto, quod hoc tribuatur solis corporibus: & ab *Ævo*; quod est spirituum finitorum, principium durationis suæ habentium, atque indè successionem, sed non finem. Illa probatur testimoniis sacris; *Gen. xxi, 33. Rom. xvi, 26.* ubi *ἀὐτολεξεί* æternus appellatur. Adde *Jes. lvi, 15. xlii, 6. Ier. x, 10. Rom. i, 20. i Tim. i, 17. Apoc. i, 4, 8, 17. xxi, 6, Psal. xc, 2, 4.*

Eadem patet ex Dei Primitate & Simplicitate. Quæ ut essentia, sic etiam existentia ac durationis Divina principium, omnemque variationem, excludunt; & actum purissimum inferunt; ipsamque adeo æternitatem.

Hanc vero Æternitatem carere successionem, pressius probamus; 1. ex *Psal. xc, 4.* cum *2 Petr. i, 8.* *Unus dies apud Dominum, ut mille anni, & mille anni, ut unus dies.* Supereminetia igitur durationis Divina, temporum differentias & successionem non habet.

2. Ex omnimodâ Dei Immutabilitate, de quâ *th. 20.* annorum enim, aliorumque temporum successio, & conversio, insignem mutationem infert.

3. Existentia est actus essentia; & duratio, existentia permanentia, quæ se necessario habet convenienter essentia. Consequenter æterna Dei duratio, est ipsa ejus essentia; cujus Simplicitas partes, earumque successionem, non admittit.

XXVII. *Obj. 1.* Anni, dies, præteritum, futurum, &c. tribuuntur Deo in Sacris. *Resp.* Scil. *ἀνθρώπων παθῶς*; sed intelligenda *Θεοπαρεσῶς*.

Obj. 2. Deus coëxistit temporum nostrorum differentis; ergo successionem habet: aut cæteroquin nostræ temporum differentia sibi invicem coëxistent;

quia

quia æternitati Divinæ coëxistunt. *Resp.* Dei duratio manet semper eadem; sed illa coëxistentia ad nostra tempora est inadequata: nequaquam ergo propter æternitatis coëxistentiam, nostrum præteritum, præsens, & futurum coïncidunt.

Obj. 3. Tempus mundi idem est cum æternitate Dei: nam etiam illud principio caret: mundus enim creatus est in tempore; ipsum vero tempus creatum non est, æternum ergo est. *Resp.* Tempus mundi non est æternum, aut increatum: Deus enim creando res successivas, eadem operâ tempus produxit: undè rectè *concreatum* dicitur.

XXVIII. Infinitas respectu *Spatii*, sive *ubi*; est *Immensitas*; quâ Deus absolutissimè ubique existit; nec ullos fines habet suæ præsentiae vel quasi. Deus igitur non est in loco, vel *ubi circumscriptivè*; quæ affectio corporum propria est: nec *definitivè*; quæ spirituum finitorum: sed *repletivè* totus est intra totum mundum, ejusque partes singulas; & totus extra eum, ubi sibi ipsi præsens existit. Atque hoc contra Socinianos, Anabaptistas, & Remonstrantes asserimus.

Vulgo dicitur; *Enter, præsender, Deus hîc, & ubique, potenter.* Primò, *enter*: h. e. Deus in toto mundo præsens existit per *essentiam* suam infinitam. Deut. iv, 39. Ios. ii, 11. *Iehovah est in cælis desuper, & super terram desubter.* Ierem. xxi, 23, 24. „Nunquid Deus de pro-
„pinquo Ego, dixit Jehovah; & non Deus de longinquo? Psal. cxxxix, 7, - 10. „Quò ibo à Spiritu Tuo; & quò
„à faciebus Tuis fugiam? Si ascendero cælos, ibi Tu:
„& stratum fecero infernum; ecce Tu: Assumsero peri-
„nas auroræ, habitavero in novissimo maris; etiàm ibi
„manus Tua ducet me, & tenebit me dextra Tua. Ad-
de Ies. vi, 1. lxvi, 1. Act. vii, 48, 49, 50. xvi, 24,
25, 27, 28.

Secundò; *præsender*; h. e. per intimam notitiam & observationem omnium eorum, quæ in illo fiunt. Psal.

XXXIII, 13, 14, 15. *E cœlis respexit Iehovah; & vidit omnes filios hominum: - considerans omnia opera eorum. Hebr. IV, 13. „Non est creatura invisibilis in conspectu ejus: omnia autem nuda & aperta sunt oculis ejus, ad quem nobis negotium. Psal. CXXXIX, 12, 13. Jerem. XXI, 24.*

Tertio, *potenter; h. e. per potentem operationem: Hebr. I, 3. - Sustinet omnia verbo suo potente: Joh. V, 17. „Pater Meus adhuc operatur, & Ego operor. I Cor. XII, 6. Agens omnia in omnibus.*

XXIX. Sic ergo Deus hic & ubique existit. Sed neque spatiis rerum creatarum comprehenditur: aut iis adæquatè coëxistit ipse infinitus: extra mundum in se ipso etiã existit, qui ante mundum conditum existit similiter. Probatur hoc specialiùs; 1. disertis testimoniis: 1 Reg. VII, 27. *„Cœli, & cœli cœlorum non continent Te: quantò minùs domus hæc, quam ædificavi. 2 Chron. II, 6. „Quis obtinebit potestatem ad ædificandum Ei domum? nam cœli, & cœli cœlorum non comprehendent Eum; & quis ego, ut ædificem Ei domum? „Quin imò ad suffiendum ad facies Ejus. Ubi ipsam Dei essentiam designant pronomina Te, Eum, &c. non scientiam, potentiam, aut operationem ab essentiã diversam; qualis etiã non datur per Dei Simplicitatem, nedùm existere posset, ubi essentia Divina non existeret. Memoratur domus, non ad habitationem; sed ad suffitum faciendum. Habitationis conceptus, etiã cœlorum incapacitas, &c. ad essentiam pertinent. Quomodo cæteroquin extra cœlos cœlorum, & sic extra mundum universum, existeret Dei scientia, vel potentia, vel operatio, &c?*

2. Ex infinità Dei perfectione: quæ requirit, ut existat in omni spatio conceptibili.

3. Ex Potentiã: Deus extra hunc mundum potest operari, similiter ut ante mundum conditum. Ubi autem potest operari, ibi potest existere; imò existit, qui est actus purissimus.

3. *Ex Immutabilitate*: ante mundum conditum existit Deus in se, modo infinito; non autem definito ad actualia spatia hujus mundi: ergo etiam nunc similiter.

XXX. Observandi autem speciales quidam modi præsentiæ Divinæ, respectu operationum ac manifestationum: 1. *In humanâ Christi naturâ* inhabitat Deitas, per unionem hypostaticam: *Col. 11, 9. Joh. 1, 14. 1 Tim. 111, 16. Rom. 1, 3, 4. 1x, 5.*

2. *In Ecclesiâ universâ* est deus, per Spiritum unientem, charismata distribuentem, & salutariter gubernantem, *1 Cor. XII, 11, 12, 13. Joh. XVI, 21. Matth. XXVIII, 20.*

3. *In singulis Fidelibus*, per Spiritum fidei, sanctificationis, adoptionis, consolationis, & corroborationis: *Joh. XIV, 23, 16, 17. 2 Cor. IV, 13. Rom. V 111, 14, 17, 26. Gal. IV, 6, 7. Psal. cxlv, 18.*

4. *In Prophetis*, Spiritu πολυμερῶς ἔχοντι πολυτρόπως sapientiam ac voluntatem suam revelante: *1 Petr. 1, 11. Hebr. 1, 1.*

5. *In Cælo*, speciali gloriæ ac majestatis suæ manifestatione: *Jes. xlv1, 1. Matth. XVII 1, 10. Hebr. XII, 22, 23. Phil. 111, 20, 21. Joh. XIV, 2, 3.*

6. *In Inferno*, iræ & justitiæ suæ vindicativæ executione: *Psal. cxxxix, 8. Matth. x, 28. 2 Thess. 1, 9. Marc. ix, 44, 46.*

XXXI. *Obj. 1. Deus in cælis esse dicitur; Matth. vi, 9. & habitare lucem inaccessam; 1 Tim. vi, 16. Resp. 1. in cælis est speciali modo præsentiæ gloriosæ; talem seclis istis demonstrando, non autem existendo istis tantum, nec alibi. 2. Sed Lux Dei inaccessa est ipsa ejus gloria & majestas, creaturis incomprehensibilis: sic ipse lux esse dicitur; 1 Joh. 1, 5. Vide ibid. vers. 7. & Psal. c1v, 1, 2. Non verò est locus aliquis, à Deo diversus.*

Obj. 2. Deus, 1 Reg. xix, 11, 12. negatur fuisse in vehementi

vehementi vento, itemque in terræ motu, & in igni, sed in leni aurâ. *Resp.* Istud dicitur de extraordinari symbolo specialis cujusdam præsentia Divinæ, præ revelatione Prophetica.

Obj. 3. Ipse negavit, se affore immorigeris; Num. xiv, 42. Ergo non est prorsus ubique. *Resp.* Negavit de speciali modo præsentia, secundum gratiam & beneficentiam.

Obj. 4. Absurdè statuitur, Deum adesse in locis impuris, interesse actionibus obscenis, esse in Diabolis, &c. Idcirco mandavit, ut excrementa in castris Israëlitarum statim terrâ obtegerentur; Deut. xxi, 12, 13, 14. Ergo. *Resp.* 1. Deus simplicissimus & sanctissimus rerum immundarum præsentia pollui minimè potest. In ipso existunt, vivunt, & moventur creaturæ qualescunque: Act. xvii, 28. etiam Diaboli, & homines pessimi. Undè cæteroquin eorum efficientia non certè independens est à Deo, ejusque Providentia. Nec Ju licem suum effugere ullo modo possunt. 2. In castris Israëlitarum, sub istâ œconomia, voluit Deus observari munditiem cerimoniale. Confer Ezech. iv, 12, 13.

Obj. 5. Absurda est existentia Dei atomica & atopica. *Resp.* Simplicitas Dei indivisibilitatem intert; & Infinitas localitatem physicam & circumscriptivam excludit. Deus totus, non per partes, coëxistit creaturis singulis; sed non adæquatè.

Obj. 6. Mera figmenta sunt Spatia imaginaria extra mundum. *Resp.* At non dicimus, existere spatia realia, vel actualia, extra mundum: sed Deum existere ibi in se; similiter ut ante mundum conditum. Tertullianus: „Ante omnia Deus erat solus; ipse sibi & mundus, & locus, & omnia. Deus etiam per absolutam suam potentiam operari potest, & creaturas producere; & spatia actuare: ista igitur possibilia sunt, & sic conceptibilia, atque imaginaria.

Respectu

XXXII. *Respectu Intellectus creati* Deus est Incomprehensibilis : Psal. cxlv, 3. Magnitudinis eius non est investigatio. Job. xi, 9. Num investigatione Deum invenies? v. 9. Rom. xi, 33, 34. 1 Tim. vi, 16. Et manifesta est ratio, ex objecti infinitate, & subjecti finiti disproportionem ad ipsum.

Consequenter nulli creaturæ, in quocunque statu, convenit cognitio Dei *comprehensiva*, & *adæquata*; imò nequidem ullius attributi Divini: sed solum *apprehensiva*, & *inadæquata*.

Obj. 1. Sic omnis nostra cognitio de Deo erit erronea: cognoscemus enim aliter, quam se habet ipsa veritas in Deo. Resp. Imò verè cognoscimus in Deo illas perfectiones, quæ verè & formalitèr in ipso sunt; simulque agnoscimus, eas Deo inesse modo perfectiori, quam comprehendere possumus.

Obj. 2. 1 Joh. iii, 2. Videbimus eum, sicuti est: ergò *comprehensivè*. Resp. Istud intelligendum est tùm de oculari visione humanæ Christi naturæ; tùm de notitiâ essentiæ Divinæ propinquiore, ad beatitudinem nostram ordinatâ; non tamen *comprehensivâ*.

Obj. 3. 1 Cor. xiii, 12. Cognoscemus deum, ut ab ipso cogniti sumus: Atqui nos à Deo cogniti sumus *comprehensivè*: ergò, &c. Resp. Illud non est accipiendum de convenientiâ adæquatâ; sed de similitudine quâdam analogicâ. Confer Rom. viii, 29. Psal. i, 6.

XXXIII. Succedunt *Attributa vitæ*, sive *secundi generis*; quæ etiam *communicabilia* appellari solent; respectu communicationis alicujus analogicæ. Vita Dei consideratur, vel ut *simpliciter actiosa*; vel *secundum eminentiam*: priori consideratione occurrunt *Intellectus*, *Voluntas*, & *Potentia*; Posteriori autem, *Potestas*, *Gloria*, & *Beatitudo*.

XXXIV. *Intellectus* Dei est, quo ipse omnes omnino veritates cognoscit modo sibi convenienti: h. e. *infinitè*, *simpliciter*, & *independenter*. 1 Tim. i, 17.

Soli sapienti - 1 Sam. 11, 3. *Deus scientiarum*. Psal. xciv, 9, 10. Vide sup. cap. 1. th. 3.

Dico *infinite*: ipse enim Intellectus Dei infinitus est; cum 1. secundum rem sit ipsa Dei essentia. 2. & modus intelligendi, convenienter naturæ Divinæ, absolute perfectissimus sit; adeoque infinitus, atque item 3. respectu objectorum, cognoscat omnia absolute cognoscibilia. 1 Joh. 111, 20. *Novit omnia*. Similiter Joh. xxi, 17. Item Psal. cxlvii, 5. *Jes. lv, 9. Rom. xi, 33.*

Novit autem seipsum adæquatè: *Matth. xi, 17. 1 Cor. 11, 10, 11.* Vide sup. cap. 1. th. 3.

Et omnia alia à se perfectissimè: *Hebr. iv, 13. Omnia sunt nuda, & intimè patentia oculis ejus. Act. xv, 18.* Nota sunt deo ab (omni) ævo omnia opera sua.

XXXV. *Scientia Dei* ratione objectorum distinguitur, in *naturalem, necessariam, sive simplicis intelligentiæ*; & in *liberam, sive visionis*.

Scientia simplicis intelligentiæ rerum quidditates simpliciter spectat, ut se habent citra respectum ad liberam Decreti Divini terminationem: sive in signo rationis antecedenter ad Decretum, quò pertinet ipsa *Dei essentia, personæ, sufficientia, & omnipotentia*, atque hinc res *possibiles*.

In mente Divinâ igitur sunt *ideæ omnium possibilium*. Istæ autem *ideæ* sunt perfectiones ipsius essentiæ Divinæ, prout imitabiles & expressibiles sunt extra Deum, & sic ab ipso cognoscuntur. A supereminenti enim & infinitâ potentiâ Dei activâ, denominantur *res possibiles*; quatenus videlicet per illam produci, aut actuari, possunt.

Scientia libera consideratur, ut in signo rationis consequens ad liberum Dei Decretum. *Visionis* autem appellatur; quia Deus per eam videt, aut prævidet, determinatam rerum existentiam sub qualicunque temporis differentiâ.

Queritur, Utrum Deus res præsciat, quia futuræ sunt;

sunt; an vero futuræ sint, quia Deus eas præscit?
Resp. Affirmandum potius est prius: veritas enim rei,
 quæ est per Dei Decretum, naturâ præcedit verita-
 tem cognitionis. Attamen si adeo late sumatur Præ-
 scientia, ut ipsum Dei Decretum complexû suo in-
 volvat; ut *Rom.* viii, 29. xi, 2. dicendum erit po-
 sterius: & hoc sensu Præscientia Dei rectè dicitur *pra-*
dicta. Ceteroquin in istâ enunciatione, *Hæc res futura*
est, quia deus eam præscit, agnoscenda saltem est illatio
 Logica, à posteriori.

XXXVI. Hâc igitur Scientiâ visionis Deus omnia
 & singula per suum Decretum definita novit accuratissi-
 mè: utpotè naturalia, & necessaria: *Psal.* cxlvii, 4, 8,
 &c. Numerans numerum stellarum: omnibus eis nomina
 vocabit. &c. cxxxix, 15, 16. Non occultum fuit corpus
 meum à Te, quando factus fui in occulto, &c.

Atque item contingentia, & libera; tum bona, tum
 mala; etiâ occultissima, & nominatim cogitationes in-
 timas: *Psal.* lvi, 9. „Motionem meam numerasti: Tu
 „pone lachrymam meam in utero Tuo: nonne in libro Tuo?
 &c. cxxxix, 2, 3. Tu cognovisti sedere meum, & resur-
 gere meum, &c. 13. Tu possedisti renes meos. *Gen.* vi, 5.
 „Et vidit Jehovah, quòd multa malitia hominis in terrâ;
 „& omnis imaginatio cogitationum cordis ejus tantùm
 mala omnidie. Adde *Psal.* xxxiii, 15. xl, 10. lxi, 5.
 xc, 8. xciv, 11. i *Reg.* viii, 39. *Rom.* viii, 27.
Apoc. ii, 20.

Ac denique minima: *Matth.* x, 29, 30. „Unus pas-
 „serculus non cadet super terram, sine Patre vestro: Ve-
 „stri autem & capilli capitis omnes numerati sunt.

Obj. i. Atqui Deus Abrahamum tentasse, seu explo-
 rasse, dicitur; *Gen.* xii, 1. &c. & descendisse, ut vi-
 deret, qualia essent hominum opera: *Gen.* xviii,
 2. *Resp.* Ista accipienda sunt de pleniori, per cer-
 ta specimina, manifestatione eorum, quæ non
 Deo, sed tum ipsis illis hominibus, tum etiam

in se: sed partim de symbolo aliquo extraordinario, ad gloriam & voluntatem aliquam Dei sic manifestandam; sicut etiam quodammodo fit per omnes res creatas: Rom. 1, 20. sed propius in humanâ Christi naturâ: undè Job. xiv, 9. *Qui Me vidit, vidit Patrem.* Partim de visione propheticâ quâlicunque: partim etiam de visione illa mentali, seu notitiâ, quæ familiarem gratiæ, vel etiam gloriæ fruitionem involvit; juxtâ Matth. xviii, 10. Vide sup. cap. i. th. 9.

XXIII. Ratione *Tactûs* Deo competit *Impalpabilitas*, & quidem propter suam *Simplicitatem*: nam

Tangere, vel tangi, nisi corpus, nulla potest res.

Undè Christus Luc. xxiv, 39. de se resuscitato: *Palpate Me; & videte: quia spiritus carnem & ossa non habet; sicut me videtis habere: cum Job. iv, 24. Deus est spiritus.*

Obj. Act. xvii, 27. „Ut quærant Dominum, si forte palpando eum invenirent: Ergo saltem palpari potest. Resp. Istud metaphoricè ad mentem pertinet.

XXIV. Respectu artis *εικαστικῆς*, Deus est *Ineffigiabilis*. Unde etiam Jes. xl, 18. *Cui assimilabitis Deum; & quid similitudinis ornabitis ei?* Scil. per *Simplicitatem* suam Deus lineamentorum, terminationum, & figurationum expers est. Item Deut. iv, 15. „Non vidistis ullam imaginem in die, quâ locutus est Jehovah ad vos in Choreb, è medio ignis. Ne forte corrumpamini; & faciatis vobis sculptile, imaginem alicujus similitudinis. Confer Act. xvii, 29. Rom. i. 22, 23.

Contra hanc veritatem, & disertum secundum Decalogi præceptum, gravissime peccant *Pontificii*, prædicæ *Anthropomorphitæ*.

XXV. Sequitur *Infinitas*; quæ talem ac tantam in Deo perfectionem designat, ut nullos terminos aut fines habeat; sed eos omnes conceptibiles excedat. Hæc autem consideranda est, tum respectû ipsius *Essentiæ*; tum respectû *Durationis* & *Spatii ubicalis*; tum denique in ordine ad *Intellectum*.

Re-

Respectu *Essentiae*, Deus infinitus est modo perfectissimo, & quam maximè positivo; ut omnes perfectionum modos & gradus, qui in creaturis reperiuntur in Divinâ essentiâ sint eminenter; omnesque fines conceptibiles ipse excedat actû simplicissimo & sufficientissimo. Hinc Col. 11, 9. *Omnis plenitudo Deitatis*, Psal. cxly, 3. - *Magnitudinis ejus non est investigatio*. Joh. xi, 7, 8, 9. Num investigatione Deum invenies? Num usque ad perfectionem Omnisufficientis (17) invenies, &c.

Hæc Infinitas etiâ facile deducitur ex Independenti essentiâ Divinâ sufficientiâ superius assertâ th. 14. Qui enim tanquam causa absolute prima & Dominus supremus, reliquis entibus fines suarum perfectionum assignavit; adeo ut nec ulli fines absolute possibiles dici, aut concipi possint, nisi dependenter ab ipso: is omnem imperfectionem, non solum privativam, sed & negativam, excludit; omnemque perfectionem conceptibilem includit eminenter; & omnes limites suâ naturâ excedit.

Non intelligitur autem hoc loco Infinitas mathematica, potentialis, aut syncategorematica; sed metaphysica, actualis, & categorematica, quam sic satis explicuimus modo.

Obj. Omnia entia habent essentiâ suâ certam, distinctam, definitam; ac proinde etiâ Deus. Essentiæ rerum consistunt in indivisibili. *Resp.* Deus habet essentiam certam, & ab omnibus distinctam, hoc ipso quod ea infinita sit. Atque illud indivisibile essentiæ Divinæ, intrinsecâ suâ perfectione infinitum est.

Creaturarum distantia à Divinâ perfectione, denominari solet *infinita*: quia nulla est earum ad hanc affinitas, aut proportio æqualitatis, vel commensurationis: *finita* enim ad infinitum nulla est proportio. Interim illa à se invicem distinguuntur propriis suis perfectionibus, eârumque gradibus; vel etiâ speciebus.

XXVI. Infinitas Durationis est æternitas strictè dicta.

etā; quā non tantum principium & finem, sed etiam successionem prioris & posterioris excludit. Unde recte à *Boethio* describitur, *interminabilis vita tota simul ac perfecta possessio*. Differt autem à *Tempore* strictè dicto, quod hoc tribuatur solis corporibus: & ab *Ævo*; quod est spirituum finitorum, principium durationis suæ habentium, atque indè successionem, sed non finem. Illa probatur testimoniis sacris; *Gen. xxi, 33. Rom. xvi, 26.* ubi *αὐτολεξεί* æternus appellatur. Adde *Jes. lvi, 15, xlv, 6. Ier. x, 10. Rom. i, 20. 1 Tim. i, 17. Apoc. i, 4, 8, 17. xxi, 6, Psal. xc, 2, 4.*

Eadem patet ex Dei Primitate & Simplicitate. Quæ ut essentia, sic etiam existentia ac durationis Divinae principium, omnemque variationem, excludunt; & actum purissimum inferunt; ipsamque adeo æternitatem.

Hanc vero Æternitatem carere successione, pressius probamus; 1. ex *Psal. xc, 4.* cum *2 Petr. ii, 8.* *Unus dies apud Dominum, ut mille anni, & mille anni, ut unus dies.* Supereminetia igitur durationis Divinae, temporum differentias & successionem non habet.

2. Ex omnimodâ Dei Immutabilitate, de quâ *th. 20.* annorum enim, aliorumque temporum successio, & conversio, insignem mutationem infert.

3. Existentia est actus essentia; & duratio, existentia permanentia, quæ se necessario habet convenienter essentia. Consequenter æterna Dei duratio, est ipsa ejus essentia; cujus Simplicitas partes, earumque successionem, non admittit.

XXVII. *Obj. 1.* Anni, dies, præteritum, futurum, &c. tribuuntur Deo in Sacris. *Resp.* Scil. *ἀνθρώπων παθῶς*; sed intelligenda *Θεοπαρεσῶς*.

Obj. 2. Deus coëxistit temporum nostrorum differentis; ergo successionem habet: aut cæteroquin nostræ temporum differentia sibi invicem coëxistent;

quia

quia æternitati Divinæ coexistunt. *Resp.* Dei duratio manet semper eadem; sed illa coexistentia ad nostra tempora est inadequata: nequaquam ergo propter æternitatis coexistentiam, nostrum præteritum, præsens, & futurum coincidunt.

Obj. 3. Tempus mundi idem est cum æternitate Dei: nam etiam illud principio caret: mundus enim creatus est in tempore; ipsum vero tempus creatum non est, æternum ergo est. *Resp.* Tempus mundi non est æternum, aut increatum: Deus enim creando res successivas, eadem operâ tempus produxit: undè rectè *concreatum* dicitur.

XXVIII. Infinitas respectu *Spatii*, sive *ubi*; est *Immensitas*; quâ Deus absolutissimè ubique existit; nec ullos fines habet suæ præsentia vel quasi. Deus igitur non est in loco, vel *ubi circumscriptivè*; quæ affectio corporum propria est: nec *definitivè*; quæ spirituum finitorum: sed *repletivè* totus est intra totum mundum, ejusque partes singulas; & totus extra eum, ubi sibi ipsi præsens existit. Atque hoc contra Socinianos, Anabaptistas, & Remonstrantes asserimus.

Vulgò dicitur; *Enter, præsender*; Deus hîc, & ubique; *potenter*. Primò, *enter*: h. e. Deus in toto mundo præsens existit per *essentiam* suam infinitam. Deut. IV, 39. Ios. II, 11. *Iehovah est in cœlis desuper, & super terram desubter*: Jerem. XXI, 23, 24. „Nunquid Deus de pro-
„pinquo Ego dixit Iehovah; & non Deus de longinquo? Psal. cxxxix, 7, - 10. „Quò ibo à Spiritu Tuo; & quò
„à faciebus Tuis fugiam? Si ascenderò cœlos, ibi Tu:
„& stratum fecero infernum; ecce Tu: Assumsero peri-
„nas auroræ, habitavero in novissimo maris; etiàm ibi
„manus Tua ducet me, & tenebit me dextra Tua. Ad-
de Ies. VI, 1. lxvi, 1. Act. VII, 48, 49, 50. xvi, 24, 25, 27, 28.

Secundò; *præsender*; h. e. per intimam notitiam & observationem omnium eorum, quæ in illo fiunt. Psal.

xxxiii, 13, 14, 15. *E cœlis respexit Iehovah; & vidit omnes filios hominum: - considerans omnia opera eorum.* Hebr. iv, 13. „Non est creatura invisibilis in conspectu ejus: omnia autem nuda & aperta sunt oculis ejus, ad quem nobis negotium. Psal. cxxxix, 12, 13. Jerem. xlii, 24.

Tertio, *potenter*; h. e. per potentem operationem: Hebr. i, 3. - *Sustinet omnia verbo suo potente:* Joh. v, 17. „Pater Meus adhuc operatur, & Ego operor. I Cor. xii, 6. *Agens omnia in omnibus.*

XXIX. Sic ergo Deus hic & ubique existit. Sed neque spatiis rerum creaturarum comprehenditur: aut iis adæquatè coexistit ipse infinitus: extra mundum in se ipso etiã existit, qui ante mundum conditum existit similiter. Probatum hoc specialiùs; 1. disertis testimoniis: I Reg. vii, 27. „Cœli, & cœli cœlorum non continent Te: quantò minùs domus hæc, quam ædificavi. I Chron. ii, 6. „Quis obtinebit potestatem ad ædificandum Ei domum? nam cœli, & cœli cœlorum non comprehendunt Eum; & quis ego, ut ædificem Ei domum? „Quin imò ad suffiendum ad facies Ejus. Ubi ipsam Dei essentiam designant pronomina Te, Eum, &c. non scientiam, potentiam, aut operationem ab essentiã diversam; qualis etiã non datur per Dei Simplicitatem; nedum existere posset, ubi essentia Divina non existeret. Memoratur domus, non ad habitationem; sed ad suffitum faciendam. Habitationis conceptus etiã cœlorum incapacitas, &c. ad essentiam pertinent. Quomodo cæteroquin extra cœlos cœlorum, & sic extra mundum universum, existeret. Dei scientia, vel potentia, vel operatio, &c?

2. Ex infinità Dei perfectione: quæ requirit, ut existat in omni spatio conceptibili.

3. Ex Potentiã: Deus extra hunc mundum potest operari, similiter ut ante mundum conditum. Ubi autem potest operari, ibi potest existere; imò existit, qui est actus purissimus.

3. Ex

3. Ex Immutabilitate: ante mundum conditum existit Deus in se, modo infinito; non autem definito ad actualia spatia hujus mundi: ergo etiam nunc similiter.

XXX. Observandi autem speciales quidam modi præsentiæ Divinæ, respectu operationum ac manifestationum: 1. In humanâ Christi naturâ inhabitat Deitas, per unionem hypostaticam: Col. 11, 9. Joh. 1, 14.

1 Tim. 111, 16. Rom. 1, 3, 4. 1X, 5.

2. In Ecclesiâ universâ est deus, per Spiritum unientem, charismata distribuentem, & salutariter gubernantem, 1 Cor. XII, 11, 12, 13. Joh. XVI, 21. Matth. XXVIII, 20.

3. In singulis Fidelibus, per Spiritum fidei, sanctificationis, adoptionis, consolationis, & corroborationis: Job. XIV, 23, 16, 17. 2 Cor. IV, 13. Rom. VIII, 14, 17, 26. Gal. IV, 6, 7. Psal. cxlv, 18.

4. In Prophetis, Spiritu πολυμερῶς ἡ πολυτρόπως sapientiam ac voluntatem suam revelante: 1 Petr. 1, 11. Hebr. 1, 1.

5. In Cælo, speciali gloriæ ac majestatis suæ manifestatione: Jes. xlv, 1. Matth. XVII, 10. Hebr. XII, 22, 23. Phil. III, 20, 21. Job. XIV, 2, 3.

6. In Inferno, iræ & justitiæ suæ vindicativæ executione: Psal. cxxxix, 8. Matth. x, 28. 2 Thess. 1, 9. Marc. ix, 44, 46.

XXXI. Obj. 1. Deus in cælis esse dicitur; Matth. vi, 9. & habitare lucem inaccessam; 1 Tim. vi, 16. Resp. 1. in cælis est speciali modo præsentiæ gloriose; talem seclis istis demonstrando, non autem existendo istis tantum, nec alibi. 2. Sed Lux Dei inaccessa, est ipsa ejus gloria & majestas, creaturis incomprehensibilis: sic ipse lux esse dicitur; 1 Joh. 1, 5. Vide ibid, vers. 7. & Psal. civ, 1, 2. Non verò est locus aliquis, à Deo diversus.

Obj. 2. Deus, 1 Reg. xix, 11, 12, negatur fuisse in
H 3 vehementi

vehementi vento, itemque in terræ motu, & in igni; sed in leni aurâ. *Resp.* Istud dicitur de extraordinario symbolo specialis cujusdam præsentia Divinæ, pro revelatione Prophetica.

Obj. 3. Ipse negavit, se affore immorigeris; *Num.* xiv, 42. Ergo non est prorsus ubique. *Resp.* Negavit de speciali modo præsentia, secundum gratiam & beneficentiam.

Obj. 4. Absurdè statuitur, Deum adesse in locis impuris, interesse actionibus obscenis, esse in Diabolis, &c. Idcirco mandavit, ut excrementa in castris Israëlitarum statim terrâ obtegerentur; *Deut.* xxiii, 12, 13, 14. Ergo. *Resp.* 1. Deus simplicissimus & sanctissimus rerum immundarum præsentia pollui minime potest. In ipso existunt, vivunt, & moventur creaturæ qualescunque: *Act.* xvii, 28. etiam Diaboli, & homines pessimi. Unde cæteroquin eorum efficientia non certè in dependens est à Deo, ejusque Providentia. Nec Ju licem suum effugere ullo modo possunt. 2. In castris Israëlitarum, sub istâ œconomia, voluit Deus observari munditiem cerimonialem. Confer *Ezech.* iv, 12, 13.

Obj. 5. Absurda est existentia Dei atomica & atopica. *Resp.* Simplicitas Dei indivisibilitatem intert; & Infinitas localitatem physicam & circumscriptivam excludit. Deus totus, non per partes, coëxistit creaturis singulis; sed non adæquatè.

Obj. 6. Mera figmenta sunt *Spatia imaginaria* extra mundum. *Resp.* At non dicimus, existere spatia realia, vel actualia, extra mundum: sed Deum existere ibi in se; similiter ut ante mundum conditum. *Tertullianus*: „Ante omnia Deus erat solus; ipse sibi & mundus, & locus, & omnia. Deus etiam per absolutam suam potentiam operari potest, & creaturas producere; & spatia adquare: ista igitur possibilia sunt, & sic concepi-bilia, atque imaginaria.

Respectu

XXXII. *Respectû Intellectûs creati* Deus est *Incomprehensibilis* : *Psal. cxlv, 3. Magnitudinis ejus non est investigatio. Job. xi, 9. Num investigatione Deum invenies? v, 9. Rom. xi, 33, 34. 1 Tim. vi, 16. Et manifesta est ratio, ex objecti infinitate, & subjecti finiti disproportionatione ad ipsum.*

Consequenter nulli creaturæ, in quocunque statû, convenit cognitio Dei *comprehensiva, & adæquata*; imò nequidem ullius attributi Divini: sed solum *apprehensiva, & inadæquata*.

Obj. 1. Sic omnis nostra cognitio de Deo erit erronea: cognoscemus enim aliter, quam se habet ipsa veritas in Deo. *Resp.* Imò verè cognoscimus in Deo illas perfectiones, quæ verè & formalitèr in ipso sunt; simulque agnoscimus, eas Deo inesse modo perfectiori, quam comprehendere possumus.

Obj. 2. *1 Joh. i, 1, 2. Videbimus eum, sicuti est: ergò comprehensive.* *Resp.* Istud intelligendum est tùm de oculari visione humanæ Christi naturæ; tùm de notiâ essentiæ Divinæ propinquiore, ad beatitudinem nostram ordinatâ; non tamen *comprehensivâ*.

Obj. 3. *1 Cor. xiii, 12. Cognoscemus deum, ut ab ipso cogniti sumus: Atqui nos à Deo cogniti sumus comprehensive: ergò, &c.* *Resp.* Illud non est accipiendum de convenientiâ adæquatâ; sed de similitudine quâdam analogicâ. Confer *Rom. viii, 29. Psal. 1, 6.*

XXXIII. Succedunt *Attributa vitæ, sive secundi generis*; quæ etiam *communicabilia* appellari solent; respectû communicationis alicujus analogicæ. *Vita Dei* consideratur, vel ut *simpliciter actiosa*; vel *secundum eminentiam*: priori consideratione occurrunt *Intellectus, Voluntas, & Potentia*; Posteriori autem, *Potestas, Gloria, & Beatitudo*.

XXXIV. *Intellectus Dei* est, quo ipse omnes omnino veritates cognoscit modo sibi convenienti: h. e. *infinite, simpliciter, & independenter.* *1 Tim. i, 17.*

Soli sapienti - 1 Sam. 11, 3. *Deus scientiarum*. Psal. xciv, 9, 10. Vide sup. cap. 1. th. 3.

Dico *infinite*: ipse enim Intellectus Dei infinitus est; cum 1. secundum rem sit ipsa Dei essentia. 2. & modus intelligendi, convenienter naturæ Divinæ, absolutè perfectissimus sit; adeoque infinitus, atque item 3. respectu objectorum, cognoscat omnia absolutè cognoscibilia. 1 Joh. 111, 20. *Novit omnia*. Similiter Joh. xxi, 17. Item Psal. cxlvii, 5. *Jes. lv, 9. Rom. xi, 33.*

Novit autem seipsum adæquatè: Matth. xi, 17. 1 Cor. 11, 10, 11. Vide sup. cap. 1. th. 3.

Et omnia alia à se perfectissimè: Hebr. iv, 13. *Omnia sunt nuda, & intimè patentia oculis ejus. Act. xv, 18. Nota sunt deo ab (omni) ævo omnia opera sua.*

XXXV. *Scientia dei* ratione objectorum distinguitur, in naturalem, necessariam, sive simplicis intelligentiæ; & in liberam, sive visionis.

Scientia simplicis intelligentiæ rerum quidditates simpliciter spectat, ut se habent citra respectum ad liberam Decreti Divini terminationem: sive in signo rationis antecedenter ad Decretum, quò pertinet ipsa Dei essentia, personæ, sufficientia, & omnipotentia, atque hinc res possibiles.

In mente Divinâ igitur sunt *ideæ omnium possibileum*. Istæ autem *ideæ* sunt perfectiones ipsius essentiæ Divinæ, prout imitabiles & expressibiles sunt extra Deum, & sic ab ipso cognoscuntur. A supereminenti enim & infinitâ potentiâ Dei activâ, denominantur *res possibiles*; quatenus videlicet per illam produci, aut actuari, possunt.

Scientia libera consideratur, ut in signo rationis consequens ad liberum Dei Decretum. *Visionis* autem appellatur; quia Deus per eam videt, aut prævidet, determinatam rerum existentiam sub qualicunque temporis differentiâ.

Quæritur, Utrum Deus res præsciat, quia futuræ sunt;

sunt; an vero futuræ sint, quia Deus eas præscit?
Resp. Affirmandum potius est prius: veritas enim rei,
 quæ est per Dei Decretum, naturâ præcedit verita-
 tem cognitionis. Attamen si adeo late sumatur Præ-
 scientia, ut ipsum Dei Decretum complexû suo in-
 volvat; ut Rom. viii, 29. xi, 2. dicendum erit po-
 sterius: & hoc sensu Præscientia Dei rectè dicitur *pra-*
ctica. Ceteroquin in istâ enunciatione, *Hæc res futura*
est, quia Deus eam præscit, agnoscenda saltem est illatio
 Logica, à posteriori.

XXXVI. Hâc igitur Scientiâ visionis Deus *omnia*
& singula per suum Decretum *definita* novit accuratis-
 simè: utpotè *naturalia, & necessaria*: Psal. cxlvi, 4, 8,
 &c. *Numerans numerum stellarum: omnibus eis nomina*
vocabit. &c. cxxxix, 15, 16. *Non occultum fuit corpus*
meum à Te, quando factus fui in occulto, &c.

Atque item *contingentia, & libera*; tum *bona, tum*
mala; etiâ *occultissima, & nominatim cogitationes in-*
timas: Psal. lvi, 9. „*Motionem meam numerasti: Tu*
pone lachrymam meam in utero Tuo: nonne in libro Tuo?
 &c. cxxxix, 2, 3. *Tu cognovisti sedere meum, & resur-*
gere meum, &c. 13. *Tu possedisti renes meos.* Gen. vi, 5.
 „*Et vidit Jehovah, quod multa malitia hominis in terrâ;*
 „*& omnis imaginatio cogitationum cordis ejus tantum*
mala omnidie. Adde Psal. xxxiii, 15. xl, 10. lxix,
 6. xc, 8. xciv, 11. i Reg. viii, 39. Rom. viii, 27.
 Apoc. ii, 20.

Ac denique *minima*: Matth. x, 29, 30. „*Unus pas-*
serculus non cadet super terram, sine Patre vestro: Ve-
stri autem & capilli capitis omnes numerati sunt.

Obj. i. Atqui Deus *Abrahamum tentasse, seu explo-*
rasse, dicitur; Gen. xii, 1. &c. & descendisse, ut vi-
deret, qualia essent hominum opera: Gen. xviii,
 2. *Resp.* Ista accipienda sunt de pleniori, per cer-
 ta specimina, manifestatione eorum, quæ non
 Deo, sed tum ipsis illis hominibus, tum etiam

aliis minùs erant manifesta. Confer *Joh. II, 24, 25.*

Obj. 2. Deus non novit malos: *Matth. VII, 23. XXV, 13.* Resp. Scil. de notitia approbationis, aut specialis dilectionis; de quâ vide *Psal. 1, 6. 2 Tim. II, 19.*

XXXVII. *Contingentia & libera* Deus non solum seit, cum ea sùnt *præsentia, & præterita*; sed etiâ *præseit futura*. Atque hoc contra Socinianos adstruimus: 1. Ex eo quòd Deus omnia cognoscat; 1 *Joh. III, 20.* & specialius, ex *Psal. cxxxix, 2. 4.* *Intellexisti cogitationem meam à longè: Non est sermo in linguâ meâ: ecce Jehovah, Tu nosti ipsum totum.*

2. Futura contingentia habent determinatam veritatem suæ futuritionis per Dei Decretum; consequenter Deo nota sunt per Scientiam visionis. *Act. xv. 18.* Vide sup. th. 34. cum *Eph. I, 11.* *Omnia operatur secundum consilium voluntatis suæ. Act. II, 23. IV, 28.*

3. Ex prophetiis, earumque complemento: Undè *Tertullianus* adversus *Marc. lib. 2. cap. 4.* De *præscientiâ* verò quid dicam? quæ tantos habet testes, quantos fecit Prophetas. *Jes. xlv. 9, 10, 11.* „Recordamini priorum à sæculo: quoniâ Ego Deus &c. *Annuncians ab exordio novissimam; & à quondam, quæ non facta sunt: dicens; Consilium meum stabit, &c. Vocans ab Oriente Volucrem, de terrâ longinquâ virum consilii mei: etiâ locutus sum; etiam adducam illud.* Vide speciatim quæ Abrahamo prædicta: *Gen. xv, 13. - 16, xviii, 18, 19.* quæ Jacob nepotibus & filiis suis prænunciavit, *Gen. xlviii, 19, - xlix, 1, - & Moses Israëlitis; Deut. xxxi, 16, 20. xxxii, 1.* - Insignis est prædictio Prophetæ illius Judæi de Altari Bethelis: 1 *Reg. xiii, 2, 3.* quæ impleta: 2 *Reg. xxiii, 16, 17, 18.* Achabo & familiæ ejus accuratè prædictum fuit excidium, 1 *Reg. xxi, 19, - xxii, 17, - 28.* complementum sequitur ibidem, *vers. 30, - 38.* & 2 *Reg. ix, 24. - x, 7, - 11.* Adde plurima illustria in *Daniele*, & reliquis Prophetis, de Regnorum translationibus, everſionibus, &c. ac potissimum

issimum de Christi nativitate, vitâ, passionibus, morte, &c.

4. De ique, ex Dei Immutabilitate, Æternitate, & Primitate, evidens est, ipsum non minùs objectorum scibilium, quam diu futura sunt, habere notitiam, quàm cum eadem sunt præsentia,

XXXVIII. *Obj.* 1. Quæ certò præsciuntur, habent veritatem determinatam: futura igitur contingentia & libera non certò præsciuntur, *Resp.* Futurorum contingentium & liberorum veritas determinata est extrinsecè à parte Dei; non autem intrinsecè ex natura rei.

Obj. 2. Contingentiæ & libertati repugnat omnis necessitas. *Resp.* Verum est antecedens de necessitate intrinsecâ, absolutâ, consequentis; non vero de extrinsecâ, hypotheticâ, consequentiæ.

XXXIX. Præscientia igitur Dei non est *contingens*, aut *conditionata*, sed *certa & absoluta*. Neque admittendum Jesuiticum *ὁρμηξ*, à Remonstrantibus etiam adoptatum, de *Scientia in Deo Mediâ*; quâ Deus fingitur, ante omnem actum voluntatis suæ, prævidisse, quid creatura rationalis, in his vel illis rerum circumstantiis posita, pro innatâ sua libertate, esset actura; sic tamen, ut illa posset, si vellet, facere oppositum.

Verum 1. S. Scriptura causis secundis in se consideratis, circa actum voluntatis Divinæ derogat actuum liberorum determinationem. Jerem. x. 23. *Novi Jehovah, quod non est hominis via ejus; nec viri ambulantis, vel præparare gressum suum.* Adde Rom. xi, 35. 1 Cor. iv, 7. 2 Cor. iiii, 5.

2. Determinatio ista Deo, ut causæ primæ, adscribitur. *Jes.* xlv. i. 10. „*Consilium meum stabit, & omnem voluntatem meam faciam.* Prov. xvi, 9. „*Cor hominis cogitabit viam suam, & Jehovah parabit gressum ejus.* xxi, i. „*Ut rivuli aquarum, cor Regis in manu Jehovah: super omne, quod voluerit, inclinabit illud.* Adde Rom.

Etā; quā non tantum principium & finem, sed etiam successionem prioris & posterioris excludit. Unde recte à *Boëthio* describitur, *interminabilis vitæ tota simul ac perfecta possessio*. Differt autem à *Tempore* strictè dicto, quod hoc tribuatur solis corporibus: & ab *Ævo*; quod est spirituum finitorum, principium durationis suæ habentium, atque inde successionem, sed non finem. Illa probatur testimoniis sacris; *Gen. xxi, 33. Rom. xvi, 26.* ubi *αὐτολεξεί* æternus appellatur. Adde *Jes. lvi, 15, xlv, 6. Ier. x, 10. Rom. 1, 20. 1 Tim. 1, 17. Apoc. 1, 4, 8, 17. xxi, 6, Psal. xc, 2, 4.*

Eadem patet ex Dei Primitate & Simplicitate. Quæ ut essentia; sic etiam existentia ac durationis Divinae principium, omnemque variationem, excludunt; & actum purissimum interunt; ipsamque adeo æternitatem.

Hanc vero Æternitatem carere successione, pressius probamus; 1. ex *Psal. xc, 4.* cum 2 *Petr. 111, 8. Unus dies apud Dominum, ut mille anni, & mille anni, ut unus dies.* Supereminetia igitur durationis Divinae, temporum differentias & successionem non habet.

2. Ex omnimodâ Dei Immutabilitate, de quâ *th. 20.* annorum enim, aliorumque temporum successio, & conversio, insignem mutationem infert.

3. Existentia est actus essentia; & duratio, existentia; permanentia, quæ se necessario habet convenienter essentia;. Consequenter æterna Dei duratio, est ipsa ejus essentia; cujus Simplicitas partes, earumque successionem, non admittit.

XXVII. *Obj. 1.* Anni, dies, præteritum, futurum, &c. tribuuntur Deo in Sacris. *Resp. Scil. άνθρωποπαθώς*; sed intelligenda *Θεοπρεπώς*.

Obj. 2. Deus coëxistit temporum nostrorum differentis; ergo successionem habet: aut cæteroquin nostræ temporum differentia; sibi invicem coëxistent; quia

quia æternitati Divinæ coexistunt. *Resp.* Dei duratio manet semper eadem; sed illa coexistentia ad nostra tempora est inadequata: nequaquam ergo propter æternitatis coexistentiam, nostrum præteritum, præsens, & futurum coincidunt.

Obj. 3. Tempus mundi idem est cum æternitate Dei: nam etiam illud principio caret: mundus enim creatus est in tempore; ipsum vero tempus creatum non est, æternum ergo est. *Resp.* Tempus mundi non est æternum, aut increatum: Deus enim creando res successivas, eadem operâ tempus produxit: undè rectè *creatum* dicitur.

XXVIII. Infinitas respectu *Spatii*, sive *ubi*; est *Immensitas*; quâ Deus absolutissimè ubique existit; nec ullos fines habet suæ præsentia vel quasi. Deus igitur non est in loco, vel ubi *circumscriptivè*; quæ affectio corporum propria est: nec *definitivè*; quæ spirituum finitorum: sed *repletivè* totus est intrâ totum mundum, ejusque partes singulas; & totus extra eum, ubi sibi ipsi præsens existit. Atque hoc contra Socinianos, Anabaptistas, & Remonstrantes asserimus.

Vulgò dicitur; *Enter, præsender, Deus hîc, & ubique; potenter.* Primò, *enter*: h. e. Deus in toto mundo præsens existit per *essentiam* suam infinitam. Deut. iv, 39. Ios. ii, 11. *Iehovah est in cœlis desuper, & super terram desubter.* Ierem. xxii, 23, 24. „Nunquid Deus de pro-
„pinquo Ego, dixit Jehovah; & non Deus de longinquo?
Psal. cxxxix, 7, - 10. „Quò ibo à Spiritu Tuo; & quò
„à faciebus Tuis fugiam? Si ascenderò cœlos, ibi Tu:
„& stratum fecero infernum; ecce Tu: Assumerò per-
„nas auroræ, habitavero in novissimo maris; etiàm ibi
„manus Tua ducet me, & tenebit me dextra Tua. Ad-
de Ies. vi, 1. lxvi, 1. Act. vii, 48, 49, 50. xvi, 24,
25, 27, 28.

Secundò, *præsender*; h. e. per intimam notitiam & observationem omnium eorum, quæ in illo fiunt. Psal.

xxxiii, 13, 14, 15. *E cœlis respexit Iehovah; & vidit omnes filios hominum: - considerans omnia opera eorum. Hebr. 1v, 13.* „Non est creatura invisibilis in conspectu ejus: omnia autem nuda & aperta sunt oculis ejus, ad quem nobis negotium. *Psal. cxxxix, 12, 13. Jerem. xxi, 11, 24.*

Tertio, *potenter*; h. e. per potentem operationem: *Hebr. 1, 3. - Sustinet omnia verbo suo potente: Joh. v, 17.* „Pater Meus adhuc operatur, & Ego operor. *1 Cor. xii, 6. Agens omnia in omnibus.*

XXIX. Sic ergo Deus hic & ubique existit. Sed neque spatiis rerum creaturarum comprehenditur: aut iis adæquatè coexistit ipse infinitus: extra mundum in se ipso etiã existit, qui ante mundum conditum extitit similiter. Probatur hoc specialiùs; 1. disertis testimoniis: *1 Reg. vii, 27.* „Cœli, & cœli cœlorum non continent Te: quânto minùs domus hæc, quam ædificavi. *2 Chron. ii, 6.* „Quis obtinebit potestatem ad ædificandum Ei domum? nam cœli, & cœli cœlorum non comprehendunt Eum; & quis ego, ut ædificem Ei domum? „Quin imò ad suffiendum ad facies Ejus. Ubi ipsam Dei essentiam designant pronomina *Te, Eum, &c.* non scientiam, potentiam, aut operationem ab essentiã diversam; qualis etiã non datur per Dei Simplicitatem; nedùm existere posset, ubi essentia Divina non existeret. Memoratur domus, non ad habitationem; sed ad suffitum faciendum. Habitationis conceptus, etiã cœlorum incapacitas, &c. ad essentiam pertinent. Quomodo cæteroquin extra cœlos cœlorum, & sic extra mundum universum, existeret Dei scientia, vel potentia, vel operatio, &c?

2. Ex infinità Dei perfectione: quæ requirit, ut existat in omni spatio conceptibili.

3. Ex Potentiã: Deus extra hunc mundum potest operari, similiter ut ante mundum conditum. Ubi autem potest operari, ibi potest existere; imò existit, qui est actus purissimus.

3. Ex

3. Ex Immutabilitate: ante mundum conditum existit Deus in se, modo infinito; non autem definito ad actualia spatia hujus mundi; ergo etiam nunc similiter.

XXX. Observandi autem speciales quidam modi præsentiæ Divinæ, respectu operationum ac manifestationum: 1. In humanâ Christi naturâ inhabitat Deitas, per unionem hypostaticam: Col. 11, 9. Joh. 1, 14. 1 Tim. 111, 16. Rom. 1, 3, 4. 1X, 5.

2. In Ecclesiâ universâ est deus, per Spiritum unientem, charismata distribuentem, & salutariter gubernantem, 1 Cor. XII, 11, 12, 13. Joh. XVI, 21. Matth. XXVIII, 20.

3. In singulis Fidelibus, per Spiritum fidei, sanctificationis, adoptionis, consolationis, & corroborationis: Joh. XIV, 23, 16, 17. 2 Cor. IV, 13. Rom. VI, 11, 14, 17, 26. Gal. IV, 6, 7. Psal. cxlv, 18.

4. In Prophetis, Spiritu πολυμερῶς ἡ πολυτρόπως sapientiam ac voluntatem suam revelante: 1, Petr. 1, 11. Hebr. 1, 1.

5. In Cælo, speciali gloriæ ac majestatis suæ manifestatione: Jcs. xlv, 1. Matth. xviii, 10. Hebr. xii, 22, 23. Phil. i, 20, 21. Joh. xiv, 2, 3.

6. In Inferno, iræ & justitiæ suæ vindicativæ executione: Psal. cxxxix, 8. Matth. x, 28. 2 Thess. 1, 9. Marc. ix, 44, 46.

XXXI. Obj. 1. Deus in cælis esse dicitur; Matth. vi, 9. & habitare lucem inaccessam; 1 Tim. vi, 16. Resp. 1. in cælis est speciali modo præsentiæ gloriosæ; talem sese istic demonstrando, non autem existendo istic tantum, nec alibi. 2. Sed Lux Dei inaccessa, est ipsa ejus gloria & majestas, creaturis incomprehensibilis: sic ipse lux esse dicitur; 1 Joh. 1, 5. Vide ibid. vers. 7. & Psal. civ, 1, 2. Non verò est locus aliquis, à Deo diversus.

Obj. 2. Deus, 1 Reg. xix, 11, 12. negatur fuisse in vehementi

vehementi vento, itemque in terræ motu, & in igni; sed in leni aurâ. *Resp.* Istud dicitur de extraordinario symbolo specialis cujusdam præsentia Divinæ, pro revelatione Prophetica.

Obj. 3. Ipse negavit, se affore immorigeris; *Num.* xiv, 42. Ergo non est prorsus ubique. *Resp.* Negavit de speciali modo præsentia, secundum gratiam & beneficentiam.

Obj. 4. Absurdè statuitur, Deum adesse in locis impuris, interesse actionibus obscenis, esse in Diabolis, &c. Idcirco mandavit, ut excrementa in castris Israëlitarum statim terrâ obtegerentur; *Deut.* xxi, 12, 13, 14. Ergo. *Resp.* 1. Deus simplicissimus & sanctissimus rerum immundarum præsentia pollui minimè potest. In ipso existunt, vivunt, & moventur creaturæ qualescunque: *Act.* xvii, 28. etiam Diaboli, & homines pessimi. Unde cæteroquin eorum efficientia non certè in dependens est à Deo, ejusque Providentia. Nec Ju licem suum effugere ullo modo possunt. 2. In castris Israëlitarum, sub istâ œconomia, voluit Deus observari munditiem cerimonialem. Confer *Ezech.* iv, 12, 13.

Obj. 5. Absurda est existentia Dei atomica & atopica. *Resp.* Simplicitas Dei indivisibilitatem intert; & Infinitas localitatem physicam & circumscriptivam excludit. Deus totus, non per partes, coëxistit creaturis singulis; sed non adæquatè.

Obj. 6. Mera figmenta sunt *Spatia imaginaria* extra mundum. *Resp.* At non dicimus, existere spatia realia, vel actualia, extra mundum: sed Deum existere ibi in se; similiter ut ante mundum conditum. *Tertullianus*: „Ante omnia Deus erat solus; ipse sibi & mundus, & locus, & omnia. Deus etiam per absolutam suam potentiam operari potest, & creaturas producere, & spatia æquare: ista igitur possibilia sunt, & sic concepitibilia, atque imaginaria.

Respectu

XXXII. *Respectû Intellectûs creati* Deus est Incomprehensibilis : *Psal. cxlv, 3.* Magnitudinis ejus non est investigatio. *Job. xi, 9.* Num investigatione Deum invenies? *v, 9.* *Rom. xi, 33, 34.* *1 Tim. vi, 16.* Et manifesta est ratio, ex objecti infinitate, & subjecti finiti disproportionatione ad ipsum.

Consequenter nulli creaturæ, in quocunque statû, convenit cognitio Dei *comprehensiva, & adæquata*; imò nequidem ullius attributi Divini: sed solum *apprehensiva, & inadæquata*.

Obj. 1. Sic omnis nostra cognitio de Deo erit erronea: cognoscemus enim aliter, quam se habet ipsa veritas in Deo. *Resp.* Imò verè cognoscimus in Deo illas perfectiones, quæ verè & formalitèr in ipso sunt; simulque agnoscimus, eas Deo inesse modo perfectiori, quam comprehendere possumus.

Obj. 2. *1 Joh. i, 1, 2.* Videbimus eum, sicuti est: ergò *comprehensivè*. *Resp.* Istud intelligendum est tum de oculari visione humanæ Christi naturæ; tum de notiâ essentiæ Divinæ propinquiore, ad beatitudinem nostram ordinatâ; non tamen *comprehensivâ*.

Obj. 3. *1 Cor. xiii, 12.* Cognoscemus deum, ut ab ipso *cogniti sumus*: Atqui nos à Deo cogniti sumus *comprehensivè*: ergò, &c. *Resp.* Illud non est accipiendum de convenientiâ adæquatâ; sed de similitudine quâdam analogicâ. Confer *Rom. viii, 29.* *Psal. i, 6.*

XXXIII. Succedunt *Attributa vitæ*, sive *secundi generis*; quæ etiam *communicabilia* appellari solent; respectû communicationis alicujus analogicæ. *Vita Dei* consideratur, vel ut *simpliciter actiuosa*; vel *secundum eminentiam*: priori consideratione occurrunt *Intellectus*. *Voluntas*, & *Potentia*; Posteriori autem, *Potestas*, *Gloria*, & *Beatitudo*.

XXXIV. *Intellectus dei* est, quo ipse omnes omnino veritates cognoscit modo sibi convenienti: h. e. *infinite, simpliciter, & independenter.* *1 Tim. i, 17.*

Soli sapienti - 1 Sam. 11, 3. *deus scientiarum*. Psal. xci v, 9, 10. Vide sup. cap. 1. th. 3.

Dico *infinite*: ipse enim Intellectus Dei infinitus est; cum 1. secundum rem sit ipsa Dei essentia. 2. & modus intelligendi; convenienter naturæ Divinæ, absolute perfectissimus sit; adeoque infinitus, atque item 3. respectu objectorum, cognoscat omnia absolute cognoscibilia. 1 Joh. 111, 20. *Novit omnia*. Similiter Joh. xxi, 17. Item Psal. cxlvii, 5. *Jes. lv, 9. Rom. xi, 33.*

Novit autem seipsum adæquatè: *Matth. xi, 17. 1 Cor. 11, 10, 11.* Vide sup. cap. 1. th. 3.

Et omnia alia à se perfectissimè: *Hebr. iv, 13. Omnia sunt nuda, & intimè patentia oculis ejus. Act. xv, 18. Nota sunt deo ab (omni) ævo omnia opera sua.*

XXXV. *Scientia dei ratione objectorum distinguitur, in naturalem, necessariam, sive simplicis intelligentiæ; & in liberam, sive visionis.*

Scientia simplicis intelligentiæ rerum quidditates simpliciter spectat, ut se habent citra respectum ad liberam Decreti Divini terminationem: sive in signo rationis antecedenter ad Decretum, quò pertinet ipsa *Dei essentia, personæ, sufficientia, & omnipotentia*, atque hinc *res possibiles*.

In mente Divinâ igitur sunt *ideæ omnium possibilium*. Istæ autem *ideæ* sunt perfectiones ipsius essentiæ Divinæ, prout imitabiles & expressibiles sunt extra Deum, & sic ab ipso cognoscuntur. A supereminenti enim & infinitâ potentiâ Dei activâ, denominantur *res possibiles*; quatenus videlicet per illam produci, aut actuari, possunt.

Scientia libera consideratur, ut in signo rationis consequens ad liberum Dei Decretum. *Visionis* autem appellatur; quia Deus per eam videt, aut prævidet, determinatam rerum existentiam sub qualicunque temporis differentiâ.

Queritur, Utrum Deus res præsciat, quia futuræ sunt;

sunt; an vero futuræ sint, quia Deus eas præscit?
Resp. Affirmandum potius est prius: veritas enim rei,
 quæ est per Dei Decretum, naturâ præcedit verita-
 tem cognitionis. Attamen si adeo late sumatur Præ-
 scientia, ut ipsum Dei Decretum complexû suo in-
 volvat; ut Rom. VIII, 29. XI, 2. dicendum erit po-
 sterius: & hoc sensu Præscientia Dei rectè dicitur pra-
 ctica. Ceteroquin in istâ enunciatione, *Hæc res futura*
est, quia Deus eam præscit, agnoscenda saltem est illatio
 Logica, à posteriori.

XXXVI. Hâc igitur Scientiâ visionis Deus omnia
 & singula per suum Decretum definita novit accuratissi-
 mè: utpotè naturalia, & necessaria: Psal. cxlvii, 4, 8,
 & c. Numerans numerum stellarum: omnibus eis nomina
 vocabit. & c. cxxxix, 15, 16. Non occultum fuit corpus
 meum à Te, quando factus fui in occulto, & c.

Atque item contingentia, & libera; tum bona, tum
 mala; etiâ occultissima, & nominatim cogitationes in-
 timas: Psal. lvi, 9. „Motionem meam numerasti: Tu
 „pone lachrymam meam in utero Tuo: nonne in libro Tuo?
 & c. cxxxix, 2, 3. Tu cognovisti sedere meum, & resur-
 gere meum, & c. 13. Tu possedisti renes meos. Gen. vi, 5.
 „Et vidit Jehovah, quòd multa malitia hominis in terrâ;
 „& omnis imaginatio cogitationum cordis ejus tantum
 mala omni die. Adde Psal. xxxiii, 15, xl, 10. lxix,
 6. xc, 8. xciv, 11. i Reg. viii, 39. Rom. viii, 27.
 Apoc. ii, 20.

Ac denique minima: Matth. x, 29, 30. „Unus pas-
 „serculus non cadet super terram, sine Patre vestro: Ve-
 „stri autem & capilli capitis omnes numerati sunt.

Obj. i. Atqui Deus Abrahamum tentasse, seu explo-
 rasse, dicitur; Gen. xii, 1. & c. & descendisse, ut vi-
 deret, qualia essent hominum opera: Gen. xviii,
 2. *Resp.* Ista accipienda sunt de pleniori, per cer-
 ta specimina, manifestatione eorum; quæ non
 Deo, sed tum ipsis illis hominibus, tum etiam

in se: sed partim de symbolo aliquo extraordinario, ad gloriam & voluntatem aliquam Dei sic manifestandam; sicut etiam quodammodo fit per omnes res creatas: Rom. 1, 20. sed propius in humanâ Christi naturâ: undè Job. xiv, 9. *Qui Me vidit, vidit Patrem.* Partim de visione propheticâ quâlicunque: partim etiâ de visione illa mentali, seu notitiâ, quæ familiarem gratiæ, vel etiâ gloriæ fruitionem involvit; juxtâ Matth. xviii, 10. Vide sup. cap. i. th. 9.

XXIII. Ratione *Tactûs* Deo competit *Impalpabilitas*, & quidem propter suam *Simplicitatem*: nam

Tangeri, vel tangi, nisi corpus, nulla potest res.

Undè Christus Luc. xxiv, 39. de se resuscitato: *Palpate Me; & videte: quia spiritus carnem & ossa non habet; sicut me videtis habere: cum Job. iv, 24. Deus est spiritus.*

Obj. Act. xvii, 27. „Ut quærant Dominum, si forte palpando eum invenirent: Ergo saltem palpari potest. Resp. Istud metaphoricè ad mentem pertinet.

XXIV. Respectu artis *εικαστικῆς*, Deus est *Ineffigiabilis*. Unde etiam Jes. xl, 18. *Cui assimilabitis Deum; & quid similitudinis ornabitis ei?* Scil. per *Simplicitatem* suam Deus lineamentorum, terminationum, & figurationum expers est. Item Deut. iv, 15. „Non vidistis ullam imaginem in die, quâ locutus est Jehovah ad vos in Choreb, è medio ignis. Ne forte corrumpamini; & faciatis vobis sculprile, imaginem alicujus similitudinis. Confer Act. xvii, 29. Rom. i. 22, 23.

Contra hanc veritatem, & disertum secundum Decalogi præceptum, gravissime peccant *Pontificii*, prædicæ *Anthropomorphyæ*.

XXV. Sequitur *Infinitas*; quæ talem ac tantam in Deo perfectionem designat, ut nullos terminos aut fines habeat; sed eos omnes conceptibiles excedat. Hæc autem consideranda est, tum respectu ipsius *Essentiæ*; tum respectu *Durationis* & *Spatii ubicalis*; tum denique in ordine ad *Intellectum*.

Re-

Respectu *Essentiae*, Deus infinitus est modo perfectissimo, & quam maximè positivo; ut omnes perfectionum modos & gradus, qui in creaturis reperiuntur in Divinâ essentiâ sint èminenter; omnesque fines conceptibiles ipse excedat actû simplicissimo & sufficientissimo. Hinc Col. 11, 9. *Omnis plenitudo Deitatis*, Psal. cxlv, 3. - *Magnitudinis ejus non est investigatio*. Joh. xi, 7, 8, 9. *Num investigatione Deum invenies? Num usque ad perfectionem Omnisufficientis (Ψ) invenies, &c.*

Hæc Infinitas etiâ facile deducitur ex Independenti essentiâ Divinâ sufficientiâ superius assertâ th. 14. Qui enim tanquam causa absolute prima & Dominus supremus, reliquis entibus fines suarum perfectionum assignavit; adeo ut nec ulli fines absolute possibiles dici, aut concipi possint, nisi dependenter ab ipso. is omnem imperfectionem, non solum privativam, sed & negativam, excludit; omnemque perfectionem conceptibilem includit èminenter; & omnes limites suâ naturâ excedit;

Non intelligitur autem hoc loco Infinitas mathematica, potentialis, aut syncategorematica; sed metaphysica, actualis, & categorematica, quam sic satis explicuimus modò.

Obj. Omnia entia habent essentiam suam certam, distinctam, definitam; ac proinde etiâ Deus. Essentiæ rerum consistunt in indivisibili. Resp. Deus habet essentiam certam, & ab omnibus distinctam, hoc ipso quod ea infinita sit. Atque illud indivisibile essentiæ Divinæ intrinsecâ suâ perfectione infinitum est.

Creaturarum distantia à Divinâ perfectione; denominari solet *infinita*: quia nulla est earum ad hanc affinitas, aut proportio æqualitatis, vel commensurationis: *finitum enim ad infinitum nulla est proportio*. Interim illa à se invicem distinguuntur propriis suis perfectionibus, earumque gradibus; vel etiâ speciebus.

XXVI. Infinitas *Durationis* est *æternitas* strictè di-

ita; quæ non tantum principium & finem, sed etiam successionem prioris & posterioris excludit. Unde recte à *Boëthio* describitur, *interminabilis vitæ tota simul ac perfecta possessio*. Differt autem à *Tempore* strictè dicto, quod hoc tribuatur solis corporibus: & ab *Ævo*, quod est spirituum finitorum, principium durationis suæ habentium, atque indè successionem, sed non finem. Illa probatur testimoniis sacris; *Gen. xxi, 33. Rom. xvi, 26.* ubi *αἰὼς τοῦ αἰῶνος* æternus appellatur. Adde *Jes. lvi, 15. xlii, 6. Ier. x, 10. Rom. i, 20. i Tim. i, 17. Apoc. i, 4, 8, 17. xxi, 6, Psal. xc, 2, 4.*

Eadem patet ex Dei Primitate & Simplicitate. Quæ ut essentia, sic etiam existentia ac durationis Divina principium, omnemque variationem, excludunt; & actum purissimum inferunt; ipsamque adeo æternitatem.

Hanc vero Æternitatem carere successionem, pressius probamus; 1. ex *Psal. xc, 4.* cum *2 Petr. ii, 8.* *Unus dies apud Dominum, ut mille anni, & mille anni, ut unus dies.* Supereminetia igitur durationis Divina, temporum differentias & successionem non habet.

2. Ex omnimodâ Dei Immutabilitate, de quâ *th. 20.* annorum enim, aliorumque temporum successio, & conversio, insignem mutationem infert.

3. Existentia est actus essentia; & duratio, existentia permanentia, quæ se necessario habet convenienter essentia. Consequenter æterna Dei duratio, est ipsa eius essentia; cujus Simplicitas partes, earumque successionem, non admittit.

XXVII. *Obj. 1.* Anni, dies, præteritum, futurum, &c. tribuuntur Deo in Sacris. *Resp.* Scil. *αἰὼς ὁ ὧν ποταθῶς*; sed intelligenda *Θεοῦ ὧν ποταθῶς*.

Obj. 2. Deus coëxistit temporum nostrorum differentis; ergo successionem habet: aut cæteroquin nostræ temporum differentia sibi invicem coëxistent;

quia

quia æternitati Divinæ coëxistunt. *Resp.* Dei duratio manet semper eadem; sed illa coëxistentia ad nostra tempora est inadequata: nequaquam ergo propter æternitatis coëxistentiam, nostrum præteritum, præsens, & futurum coïncidunt.

Obj. 3. Tempus mundi idem est cum æternitate Dei: nam etiam illud principio caret: mundus enim creatus est in tempore; ipsum vero tempus creatum non est; æternum ergo est. *Resp.* Tempus mundi non est æternum, aut increatum: Deus enim creando res successivas, eadem operâ tempus produxit: undè rectè *concreatum* dicitur.

XXVIII. Infinitas respectu *Spatii*, sive *ubi*; est *Immensitas*; quâ Deus absolutissimè ubique existit; nec ullos fines habet suæ præsentiae vel quasi. Deus igitur non est in loco, vel *ubi circumscriptivè*; quæ affectio corporum propria est: nec *definitivè*; quæ spirituum finitorum: sed *repletivè* totus est intrâ totum mundum, ejusque partes singulas; & totus extra eum, ubi sibi ipsi præsens existit. Atque hoc contra Socinianos, Anabaptistas, & Remonstrantes asserimus.

Vulgò dicitur; *Enter, præsender, Deus hîc, & ubique; potenter.* Primò, *enter*: h. e. Deus in toto mundo præsens existit per *essentiam* suam infinitam. *Deut. iv, 39. Jos. ii, 11. Jehovah est in cœlis desuper, & super terram desubter. Jerem. xxi, 23, 24.* „Nunquid Deus de pro-
„pinquo Ego, dixit Jehovah; & non Deus de longinquo? *Psal. cxxxix, 7, - 10.* „Quò ibo à Spiritu Tuo; & quò
„à faciebus Tuis fugiam? Si ascenderò cœlos, ibi Tu:
„& stratum fecerò infernum; ecce Tu: Assumsero per-
„nas auroræ, habitavero in novissimo maris; etiàm ibi
„manus Tua ducet me, & tenebit me dextra Tua. Ad-
de *Ies. vi, 1. lxvi, 1. Act. vii, 48, 49, 50. xvi, 24, 25, 27, 28.*

Secundò; *præsender*; h. e. per intimam notitiam & observationem omnium eorum, quæ in illo fiunt. *Psal.*

XXXIII, 13, 14, 15. *E cœlis respexit Iehovah; & vidit omnes filios hominum: - considerans omnia opera eorum. Hebr. IV, 13.* „Non est creatura invisibilis in conspectu ejus: omnia „autem nuda & aperta sunt oculis ejus, ad quem nobis negotium. Psal. CXXXIX, 12, 13. Jerem. XXIII, 24.

Tertio, *potenter*; h. e. per potentem operationem: Hebr. I, 3. - *Sustinet omnia verbo suo potente: Joh. V, 17.* „Pater Meus adhuc operatur, & Ego operor. I Cor. XII, 6. *Agens omnia in omnibus.*

XXIX. Sic ergo Deus hic & ubique existit. Sed neque spatiis rerum creaturarum comprehenditur: aut iis adæquatè coëxistit ipse infinitus: extra mundum in se ipso etiã existit, qui ante mundum conditum extitit similiter. Probatur hoc specialiùs; 1. disertis testimoniis: I Reg. VII, 27. „Cœli, & cœli cœlorum non continent Te: quantò minùs domus hæc, quam ædificavi. 2 Chron. II, 6. „Quis obtinebit potestatem ad ædificandum Ei domum? nam cœli, & cœli cœlorum non comprehendent Eum; & quis ego, ut ædificem Ei domum? „Quin imò ad suffiendum ad facies Ejus. Ubi ipsam Dei essentiam designant pronomina *Te, Eum, &c.* non scientiam, potentiam, aut operationem ab essentiã diversam; qualis etiã non datur per Dei Simpliciter, nedum existere posset, ubi essentia Divina non existeret. Memoratur domus, non ad habitationem; sed ad suffitum faciendum. Habitationis conceptus, etiã cœlorum incapacitas, &c. ad essentiam pertinent. Quomodo cæteroquin extra cœlos cœlorum, & sic extra mundum universum, existeret Dei scientia, vel potentia, vel operatio, &c?

2. Ex infinità Dei perfectione: quæ requirit, ut existat in omni spatio conceptibili.

3. Ex Potentiã: Deus extra hunc mundum potest operari, similiter ut ante mundum conditum. Ubi autem potest operari, ibi potest existere; imò existit, qui est actus purissimus.

3. Ex

3. Ex Immutabilitate: ante mundum conditum existit Deus in se, modo infinito; non autem definito ad actualia spatia hujus mundi: ergo etiam nunc similiter.

XXX. Observandi autem speciales quidam modi præsentiæ Divinæ, respectu operationum ac manifestationum: 1. In humanâ Christi naturâ inhabitat Deitas, per unionem hypostaticam: Col. 11, 9. Joh. 1, 14. 1 Tim. 111, 16. Rom. 1, 3, 4. 1X, 5.

2. In Ecclesiâ universâ est deus, per Spiritum unientem, charismata distribuentem, & salutariter gubernantem, 1 Cor. XII, 11, 12, 13. Joh. XVI, 21. Matth. XXVIII, 20.

3. In singulis Fidelibus, per Spiritum fidei, sanctificationis, adoptionis, consolationis, & corroborationis: Joh. XIV, 23, 16, 17. 2 Cor. IV, 13. Rom. V 111, 14, 17, 26. Gal. IV, 6, 7. Psal. CXLV, 18.

4. In Prophetis, Spiritu πολυμερῶς ἡ πολυτρόπως sapientiam ac voluntatem suam revelante: 1 Petr. 1, 11. Hebr. 1, 1.

5. In Cælo, speciali gloriæ ac majestatis suæ manifestatione: Jesc. XLVI, 1. Matth. XVII 11, 10. Hebr. XII, 22, 23. Phil. 111, 20, 21. Joh. XIV, 2, 3.

6. In Inferno, iræ & justitiæ suæ vindictivæ executione: Psal. CXXXIX, 8. Matth. X, 28. 2 Theff. 1, 9. Marc. IX, 44, 46.

XXXI. Obj. 1. Deus in cælis esse dicitur; Matth. VI, 9. & habitare lucem inaccessam; 1 Tim. VI, 16. Resp. 1. in cælis est speciali modo præsentiæ gloriôsæ; talem sese istic demonstrando, non autem existendo istic tantum, nec alibi. 2. Sed Lux Dei inaccessa, est ipsa ejus gloria & majestas, creaturis incomprehensibilis: sic ipse lux esse dicitur; 1 Joh. 1, 5. Vide ibid. vers. 7. & Psal. CIV, 1, 2. Non verò est locus aliquis, à Deo diversus.

Obj. 2. Deus, 1 Reg. XIX, 11, 12. negatur fuisse in
H 3 vehementi

vehementi vento, itemque in terræ motu, & in igni; sed in leni aurâ. *Resp.* Istud dicitur de extraordinario symbolo specialis cujusdam præsentia Divinæ, pro revelatione Prophetica.

Obj. 3. Ipse negavit, se affore immorigeris; *Num.* xiv, 42. Ergo non est prorsus ubique. *Resp.* Negavit de speciali modo præsentia, secundum gratiam & beneficentiam.

Obj. 4. Absurdè statuitur, Deum adesse in locis impuris, interesse actionibus obscenis, esse in Diabolis, &c. Idcirco mandavit, ut excrementa in castris Israëlitarum statim terrâ obtegerentur; *Deut.* xxi, 12, 13, 14. Ergo. *Resp.* 1. Deus simplicissimus & sanctissimus rerum immundarum præsentia pollui minime potest. In ipso existunt, vivunt, & moventur creaturæ qualescunque: *Act.* xvi, 28. etiam Diaboli, & homines pessimi. Unde cæteroquin eorum efficientia non certè in dependens est à Deo, ejusque Providentia. Nec Ju licem suum effugere ullo modo possunt. 2. In castris Israëlitarum, sub istâ œconomia, voluit Deus observari munditiem cerimonialem. Confer *Ezech.* iv, 12, 13.

Obj. 5. Absurda est existentia Dei atomica & atopica. *Resp.* Simplicitas Dei indivisibilitatem infert; & Infinitas localitatem physicam & circumscriptivam excludit. Deus totus, non per partes, coëxistit creaturis singulis; sed non adæquatè.

Obj. 6. Mera figmenta sunt *Spatia imaginaria* extra mundum. *Resp.* At non dicimus, existere spatia realia, vel actualia, extra mundum: sed Deum existere ibi in se; similiter ut ante mundum conditum. *Tertullianus*: „Ante omnia Deus erat solus; ipse sibi & mundus, & locus, & omnia. Deus etiam per absolutam suam potentiam operari potest, & creaturas producere; & spatia actuare: ista igitur possibilia sunt, & sic concepitibilia, atque imaginaria.

Respectu

XXXII. *Respectu Intellectus creati Deus est Incomprehensibilis* : Psal. cxlv, 3. *Magnitudinis ejus non est investigatio.* Job. xi, 9. *Nam investigatione Deum invenies?* v, 9. Rom. xi, 33, 34. 1 Tim. vi, 16. Et manifesta est ratio, ex objecti infinitate, & subjecti finiti disproportionem ad ipsum.

Consequenter nulli creaturæ, in quocunque statu, convenit cognitio Dei *comprehensiva, & adæquata*; imò nequidem ullius attributi Divini: sed solum *apprehensiva, & inadæquata*.

Obj. 1. Sic omnis nostra cognitio de Deo erit erronea: cognoscemus enim aliter, quam se habet ipsa veritas in Deo. Resp. Imò verè cognoscimus in Deo illas perfectiones, quæ verè & formalitèr in ipso sunt; simulque agnoscimus, eas Deo inesse modo perfectiori, quam comprehendere possumus.

Obj. 2. 1 Joh. i, 2. *Videbimus eum, sicuti est*: ergò *comprehensivè*. Resp. Istud intelligendum est tùm de oculari visione humanæ Christi naturæ; tùm de notiâ essentiæ Divinæ propinquiore, ad beatitudinem nostram ordinatâ; non tamen *comprehensivâ*.

Obj. 3. 1 Cor. xiii, 12. *Cognoscemus deum, ut ab ipso cogniti sumus*: Atqui nos à Deo cogniti sumus *comprehensivè*: ergò, &c. Resp. Illud non est accipiendum de convenientiâ adæquatâ; sed de similitudine quâdam analogicâ. Confer Rom. viii, 29. Psal. i, 6.

XXXIII. Succedunt *Attributa vitæ*, sive *secundi generis*; quæ etiam *communicabilia* appellari solent; respectu communicationis alicujus analogicæ. *Vita Dei* consideratur, vel ut *simpliciter actiosa*; vel *secundum eminentiam*: priori consideratione occurrunt *Intellectus, Voluntas, & Potentia*; Posteriori autem, *Potestas, Gloria, & Beatitudo*.

XXXIV. *Intellectus dei* est, quo ipse omnes omnino veritates cognoscit modo sibi convenienti: h. e. *infinite, simpliciter, & independentè*, 1 Tim. i, 17.

Soli sapienti - 1 Sam. 11, 3. *deus scientiarum*. Psal. xciv, 9, 10. Vide sup. cap. 1. th. 3.

Dico *infinite*: ipse enim Intellectus Dei infinitus est; cum 1. secundum rem sit ipsa Dei essentia. 2. & modus intelligendi, convenienter naturæ Divinæ, absolutè perfectissimus sit; adeoque infinitus, atque item 3. respectu objectorum, cognoscat omnia absolutè cognoscibilia. 1 Joh. 111, 20. *Novit omnia*. Similiter Joh. xxi, 17. Item Psal. cxlvii, 5. *Jes. lv, 9. Rom. xi, 33.*

Novit autem seipsum adæquatè: *Matth. xi, 17. 1 Cor. 11, 10, 11.* Vide sup. cap. 1. th. 3.

Et omnia alia à se perfectissimè: *Hebr. iv, 13. Omnia sunt nuda, & intimè patentia oculis ejus. Act. xv, 18. Nota sunt deo ab (omni) ævo omnia opera sua.*

XXXV. *Scientia dei ratione objectorum distinguitur, in naturalem, necessariam, sive simplicis intelligentiæ; & in liberam, sive visionis.*

Scientia simplicis intelligentiæ rerum quidditates simpliciter spectat, ut se habent citra respectum ad liberam Decreti Divini terminationem: sive in signo rationis antecedenter ad Decretum, quò pertinet ipsa *Dei essentia, personæ, sufficientia, & omnipotentia*, atque hinc *res possibiles*.

In mente Divinâ igitur sunt *ideæ omnium possibilium*. Istæ autem *ideæ* sunt perfectiones ipsius essentiæ Divinæ, prout imitabiles & expressibiles sunt extra Deum, & sic ab ipso cognoscuntur. A supereminenti enim & infinitâ potentiâ Dei activâ, denominantur *res possibiles*; quatenus videlicet per illam produci, aut actuari, possunt.

Scientia libera consideratur, ut in signo rationis consequens ad liberum Dei Decretum. *Visionis* autem appellatur; quia Deus per eam videt, aut prævidet, determinatam rerum existentiam sub qualicunque temporis differentiâ.

Quæritur, Utrum Deus res præsciat, quia futuræ sunt;

sunt; an vero futuræ sint, quia Deus eas præscit? *Resp.* Affirmandum potius est prius: veritas enim rei, quæ est per Dei Decretum, naturâ præcedit veritatem cognitionis. Attamen si adeo late sumatur Præscientia, ut ipsum Dei Decretum complexû suo involvat; ut *Rom.* vii, 29. xi, 2. dicendum erit posterius: & hoc sensu Præscientia Dei rectè dicitur *prædicta*. Ceteroquin in istâ enunciatione, *Hæc res futura est, quia deus eam præscit*, agnoscenda saltem est illatio Logica, à posteriori.

XXXVI. Hæc igitur Scientiâ visionis Deus omnia & singula per suum Decretum definita novit accuratissimè: utpotè *naturalia*, & *necessaria*: *Psal.* cxlvii, 4, 8, &c. *Numerans numerum stellarum: omnibus eis nomina vocabit.* &c. cxxxix, 15, 16. *Non occultum fuit corpus meum à Te, quando factus fui in occulto, &c.*

Atque item *contingentia*, & *libera*; tum bona, tum mala; etiâ occultissima, & nominatim cogitationes intimas: *Psal.* lvi, 9. „*Motionem meam numerasti: Tu pone lachrymam meam in utero Tuo: nonne in libro Tuo?* &c. cxxxix, 2, 3. *Tu cognovisti sedere meum, & resurgere meum, &c.* 13. *Tu possedisti renes meos.* *Gen.* vi, 5. „*Et vidit Jehovah, quod multa malitia hominis in terrâ;* „*& omnis imaginatio cogitationum cordis ejus tantum mala omni die.* Adde *Psal.* xxxiii, 15. xl, 10. lxix, 6. xc, 8. xciv, 11. i *Reg.* viii, 39. *Rom.* viii, 27. *Apoc.* ii, 20.

Ac denique *minima*: *Matth.* x, 29, 30. „*Unus passerulus non cadet super terram, sine Patre vestro: Vestri autem & capilli capitis omnes numerati sunt.*

Obj. i. Atqui Deus Abrahamum tentasse, seu explorasse, dicitur; *Gen.* xii, 1. &c. & descendisse, ut videret, qualia essent hominum opera: *Gen.* xviii, 2. *Resp.* Ista accipienda sunt de pleniori, per certa specimina, manifestatione eorum, quæ non Deo, sed tum ipsis illis hominibus, tum etiam

aliis minùs erant manifesta. Confer *Joh. II, 24, 25.*

Obj. 2. Deus non novit malos: *Matth. VII, 23. xxv, 13.* *Resp.* Scil. de notitia approbationis, aut specialis dilectionis; de quâ vide *Psal. 1, 6. 2 Tim. II, 19.*

XXXVII. *Contingentia & libera* Deus non solum scit, cum ea sunt *præsentia*, & *præterita*; sed etiâ *præscit futura*. Atque hoc contra *Socinianos* adstruimus: 1. Ex eo quod Deus omnia cognoscat; 1 *Joh. III, 20*, & specialius, ex *Psal. cxxxix, 2. 4.* *Intellexisti cogitationem meam à longè: Non est sermo in linguâ mea: ecce Jehovah, Tu nosti ipsum totum.*

2. *Futura contingentia* habent determinatam veritatem suæ futuritionis per Dei Decretum; consequenter Deo nota sunt per Scientiam visionis. *Act. xv. 18.* Vide sup. th. 34. cum *Eph. I, 11.* *Omnia operatur secundum consilium voluntatis suæ. Act. II, 23. IV, 28.*

3. Ex prophetiis, earumque complemento: Undè *Tertullianus* adversus *Marc.* lib. 2. cap. 4. *De præscientiâ verò quid dicam? quæ tantos habet testes, quantos fecit Prophetas. Jes. xli. 9, 10, 11.* „Recordamini priorum à sæculo: quoniam Ego Deus &c. *Annuncians ab exordio novissimam; & à quondam, quæ non facta sunt: dicens; Consilium meum stabit, &c. Vocans ab Oriente Volucrem, de terrâ longinquâ virum consilii mei: etiâ locutus sum; etiâ adducam illud.* Vide speciatim quæ *Abrahamo* prædicta: *Gen. xv, 13. - 16, xviii, 18, 19.* quæ *Jacob* nepotibus & filiis suis prænunciavit, *Gen. xlviii, 19, - xlix, 1, - & Moses* Israëlitis; *Deut. xxxi, 16, 20. xxxii, 1.* - Insignis est prædictio *Prophetæ illius Judæi* de *Altari Bethelis*: 1 *Reg. xiii, 2, 3.* quæ impleta: 2 *Reg. xxiii, 16, 17, 18.* *Achabo & familiæ ejus* accuratè prædictum fuit excidium, 1 *Reg. xxi, 19, - xxii, 17, - 28.* complementum sequitur ibidem, *vers. 30, - 38.* & 2 *Reg. ix, 24. - x, 7, - 11.* Adde plurima illustria in *Daniele*, & reliquis Prophetis, de Regnorum translationibus, everſionibus, &c. ac potissimum

tissimum de Christi natiuitate, vitâ, passionibus, morte, &c.

4. De ique, ex Dei Immutabilitate, Æternitate, & Primitate, evidens est, ipsum non minùs objectorum scibilium, quam diu futura sunt, habere notitiam, quàm cum eadem sunt præsentia,

XXXVIII. *Obj. 1.* Quæ certò præsciuntur, habent veritatem determinatam: futura igitur contingentia & libera non certò præsciuntur, *Resp.* Futurorum contingentium & liberorum veritas determinata est extrinsecè à parte Dei; non autem intrinsecè ex natura rei.

Obj. 2. Contingentiæ & libertati repugnat omnis necessitas. *Resp.* Verum est antecedens de necessitate intrinsecâ, absolutâ, consequentis; non vero de extrinsecâ, hypotheticâ, consequentiæ.

XXXIX. Præscientia igitur Dei non est *contingentis*, aut *conditionata*, sed *certa & absoluta*. Neque admittendum *Jesuiticum* *ὁπμα*, à Remonstrantibus etiam adoptatum, de *Scientia in deo Mediâ*; quâ Deus fingitur, ante omnem actum voluntatis suæ, prævidisse, quid creatura rationalis, in his vel illis rerum circumstantiis posita, pro innatâ sua libertate, esset actura; sic tamen, ut illa posset, si vellet, facere oppositum.

Verum 1. S. Scriptura causis secundis in se consideratis, circa actum voluntatis Divinæ derogat actuum liberorum determinationem. *Jerem. x. 23.* *Novi Jehovah, quod non est hominis via ejus; nec viri ambulantis, vel præparare gressum suum.* Adde *Rom. xi, 35.* *1 Cor. iv, 7.* *2 Cor. i, 11, 5.*

2. Determinatio ista Deo, ut causæ primæ, adscribitur. *Jes, xlv. 1. 10.* „*Consilium meum stabit, & omnem voluntatem meam faciam.* *Prov. xvi, 9.* „*Cor hominis cogitabit viam suam, & Jehovah parabit gressum ejus.* *xxi, 1.* „*Ut rivuli aquarum, cor Regis in manu Jehovah: super omne, quod voluerit, inclinabit illud.* Adde *Rom.*

Rom. XI, 36. I Cor. IV, 7. Eph. I, 11. Phil. II, 12. Iac. IV, 14.

3. Creaturæ, ante omnem actum voluntatis Divinæ consideratæ, sunt merè possibiles; ac proinde tales etiã earum affectiones; sed nulla earum determinatio, aut certa futuritio: affectiones enim non possunt excedere conditionem subjecti sui.

4. Dùm sic statuitur, ante omnem actum voluntatis Divinæ, ejusmodi rerum necessitas, ex possibili tantùm circumstantiarum concursu, & voluntate creaturæ possibilis, cui ipse Deus etiã sit obnoxius; verè introducitur *fatuissimum fatum*.

XL. *Obj. 1.* Istâ ratione tollitur in creaturis rationalibus liberum arbitrium. *Resp.* Arbitrium creatum non est concipiendum, nisi perpetuò à causâ primâ dependens.

Obj. 2. Contradicientium pars altera semper vera est, altera falsa, etiam ante omnem actum voluntatis Divinæ. Ergò. *Resp.* Imò neutra pars potest dici verè futura, nisi per Decretum Dei.

Obj. 3. Deus scivit, & dixit, Kehilitas tradituros Sauli Davidem, I Sam. XXII, 12, non ex Decreto; aliter enim evenit, ac proinde ista non fuit Scientia visionis, Deus tamen de futuritione quâdam locutus est: ergò nec scientia Simplicis intelligentiæ fuit: consequenter media. *Resp.* Scivit & dixit, juxta Decretum: decreverat autem, ut talis foret animus Kehilitarum circa Saulem & Davidem; sic ista traditio virtualiter erat futura. Interim etiam aliis mediis salutis Davidis prospectum voluit, quod ex eventû patet.

Obj. 4. Tyrîi & Sidonîi dicuntur pœnitentiam acturi fuisse, si vidissent miracula Christi; Matth. XI, 21. Istud autem pertinet ad Scientiam mediam. *Resp.* Animus Tyrîorum & Sidoniorum minùs erat obstinatus; quin imò, juxta Decretum Dei, dispositus ad agendam pœnitentiam in sacco & cinere, si modo ta-

lis causa procacitica accessisset. Sic etiã pœnitentia illa virtualiter erat futura ; atque adeo pertinebat ad Scientiam visionis.

XLI. Intellectum dei quoque *simplicissimum* dicimus : sicut Boëthius : *Uno mentis cernit in ictu, Quæ sint, quæ fuerint, veniantque.* Unde non est in deo distinctio inter *facultatem* intelligendi, *habitus* scientiæ aut sapientiæ, & *actum* secundum.

Nec admittendus *discursus*, aut à notioribus ad ignotiora *processus*, neque item *compositio*, & *divisio* : nec formalis *abstractio* & *præcisio* universalium à singularibus.

Consequenter *immutabilis* quoque & *infallibilis* est hæc dei Scientia, etiam de creaturis contingentibus. Nam 1. Actus purissimus omnem potentiam perfectibilem excludit.

2. Perfectissima intelligendi facultas simul & semel omnia comprehendit.

3. Dei intellectus est ipse deus.

4. Totam suam essentiam unico actu cognoscit ; in quâ etiam sunt omnia alia virtualiter & eminenter.

XLII. Intellectus dei quoque *independens* est : quapropter deus cognoscit per essentiam suam ; non per species intelligibiles.

Nam 1. deus in agendo est prorsus independens.

2. Scientia dei æterna est ; sed nihil æternum præter ipsum Deum.

3. In Deo nullum est accidens, ut substantia alia ab ipsius naturâ.

4. Ipsa Dei essentia est idea expressiva omnium perfectionum : sed nulla est idea aliunde impressa menti Divinæ.

Ex quo fonte etiam sponte ruunt errores de fide & meritis prævisis, Scientiâ mediâ, &c.

XLIII. Sequitur *Voluntas* Dei ; perfectio, quâ Deus vult & amat se, ac sibi consentanea, repugnanti
vero

verò averſatur; Jeſ. xlvj, 10. - *Omniem voluntatem meam faciam.* Matth. vi, 10. *Fiat voluntas tua.* Rom. ix, 19. *Voluntati ejus quis obſtitit?*

Objectum Voluntatis generatim eſt Bonum cognitum: Divinæ Voluntatis, bonum Divinum cognitum; ipſe Deus, & alia in ordine ad Deum quatenus talia. Ipſe bonus eſt independenter & infinite; atque ita ſolus: Matth. xix, 17. Talem ipſe ſe cognoscit perfectiſſime; atque etiam amat perfectiſſime, qui eſt ipſa charitas: 1 Joh. iv, 8. Hinc Joh. iii, 35, xv, 20. *Pater diligit Filium:* Alia bonitatem habent à Deo communicatam & limitatam: Joh. I, 17. 1 Cor. iv, 7. Rom. xi, 35, 36. Ea autem vult in ordine ad ſe: Prov. xvi, 4. *Omnia operatur Jehovah propter ſe ipſum:* Rom. xi, 36. *In ipſum ſunt omnia.* 1 Cor. x, 31: *Omnia ad gloriam Dei facite.* Contraria vero averſatur: Hab. I, 13. *Puriores oculis, quam ut aſpicias malum,* Pſal. v, 5, 6, 7. „Non es
„Deus tortis; qui delectetur improbitate: non eſt com-
„moraturum apud Te malum. Non conſiſtunt inſani è re-
„gione oculorum Tuorum. Odifti omnes, qui operam dant
„iniquitati, &c. xviii, 26, 27.

Atque hæc eſt ipſa Sanctitas Jehovæ: Lev. xix, 2. *San-
„cti eſtote: quia Sanctus ſum Ego,* Jehovah deus veſter: Jeſ. vi, 2. 3. 1 Sam. ii, 2: *Apoc. xv, 3, 4.* Eadem Rectitudo appellatur: itemque *Juſtitia*, acceptione univerſali. Dent. xxxi, 4: „Rupis illius opus eſt perfectum;
„omnes enim vitæ illius ſunt Juſ: Deus fortis fidelis,
„& expers iniquitatis, juſtus & rectus eſt, Pſal. xi, 7.
„Confer 1 Joh. i, 5. II, 29.

XLIV. Dum autem Deus in ſua Sufficienciâ & Omnipotenciâ cognoscit etiâ *Poſſibilia*, circa hæc quoque verſatur ipſius Voluntas; ſcil. ut *objectum præ-
jacens.* Aliis ergo relictis in abyſſo ſuæ Omnipotenciæ, & in ſtatu mære Poſſibilitatis: ſatis multa & varia, æ-
terno Voluntatis ſuæ actu conſtituit ad ſtatum Exi-
ſtentiæ in tempore promovere; idque ad *Gloriam*
ſuam.

suam. Atque hoc appellamus *Objectum terminans*, vel *terminatum*, *Voluntatis Divinae* ad extra; prout hoc summum bonum summopere est communicativum sui ad extra, tum in genere entis, tum in genere moris: *Psal. xxxiii, 5. Amat iustitiam & iudicium; Benignitate Jehovah plena est terra, clxv, 7, - 10, 17.*

In genere entis communicat Deus bonitatem suam, creaturas extra se faciendo, iisque benefaciendo realiter, per creationem & providentiam realem: atque hic praecipue occurrunt *Amor, Gratia, Misericordia, & Tolerantia.*

XLV. *Amor dei* est *Voluntas* creaturis benefaciendi, & approbandi cum complacentia, quae in iis bona sunt. Appellatur etiam *Benignitas*, vel *Beneficentia*. Spectatur autem vel *intrinsecè* in ipso Deo: & sic simplicissime semper idem est: vel *extrinsecè*, respectu effectorum in creaturis; & sic valde dissimilis & inaequalis est.

Omnes quidem creaturas Deus quodammodo amat: *Matth. v. 44, 45. Act. xiv, 16, 17. xvii, 25.* speciali tamen modo hic amor se exercit erga electos & fideles in Christo: *Joh. xvii, 21, 22. i Joh. 1, 3.* Estque vel *Benevolentiae*, vel *Complacentiae*.

Amor benevolentiae est, quo Deus electis vult benefacere, priusquam in ipsis sint ulla moraliter bona: *Joh. i, 16.* Ita deus dilexit mundum, ut *Filium illum suum unigenitum dederit; ut quisquis credat in eum, non percat, &c. Rom. v, 8. i Joh. 1, 1.* Estque tum *ordinativus*, in decreto; tum *collativus*, in executione.

Amor complacentiae est, quo Deus opus suum in electis approbat. *Hebr. xi, 6, 6.* „Priusquam transferretur, testimonium obtinuerat, quod *gratus* fuerit deo. *Joh. xiv, 21. xvi, 26, 27.*

XLVI. *Gratia* hoc ab *Amore* differt, quod in objectis meritum, propriamve operum dignitatem, excludat: *Rom. xi, 6.* „Quodsi per gratiam, non jam ex operibus:

peribus : alioquin gratia jam non est gratia. Confer Rom. iv, 5, 6. Eph. ii, 7, 8, 9. &c.

Gratia gratis dans, proprie in ipso Deo est. Sed ejus effecta in nobis recipiuntur varia : undè diserte, 1 Pet. iv, 10. *varia Dei gratia* : metonymice scil. nomen istud laxè sumtum, ad bona Naturæ etiam extendi potest : sed usus obtinuit, ut *Gratia* speciali significatû contradistinguatur à *Naturâ*. Huc pertinent primò dona salutaria in Christo ; ut fides, spes, charitas, &c. Qui vero ea accipiunt, ipsi Deo placent, sive grati & accepti sunt in Christo, & dona illa in ipsis ; unde *Gratia gratum faciens* appellatur. Eph. i, 5. „Ad laudem „gloriosæ suæ *gratiæ*, quâ nos *gratis* acceptos fecit in illo Dilecto. Sic Apostoli passim Ecclesiis *gratiam* precantur, eique *pacem* frequenter adjungunt.

Verùm *insuper* sunt *charismata* quædam ad Christum & Evangelium quoque spectantia ; sed cum salute æternâ individuum nexum non habentia : ut gratia illuminans, & generatim persuadens ; fides miraculorum, donum prophetiæ, &c. quæ quidem ex verò appellari solet *gratia gratis data* ; sed hominum ea predictum per se non facit Deo gratum & acceptum in Christo. Vide 1 Cor. xii, 1, - 11, 28, - 31 : xiii, 1, 2, 3. Huc etiam revocanda est *gratia* utcunque *illuminans* & *refrenans* in Gentilibus ; aliisque infidelibus ; ipso-rum Theologia, & qualiscunque animi probitas, &c. Vide Ioh. 1, 9. Gen. xx, 6.

XLVII. *Misericordia Dei* ; est gratia ipsius erga objecta misera, - ut iis subveniat in malo tristi. Exod. xxxiv, 6, *Iehovah misericors*. Luc. vi, 36. *Pater vester misericors est*. Eph. ii, 4. *Deus dives misericordiâ*. Psal. lxxxvi, 15. ciii, 8. Thren. iii, 22.

Hæc generali consideratione ad omnes creaturâs analogice extendi potest : 1 Tim. iv, 10. Ps. xxxvi, 7. civ. cxlvii. sed speciali ac salutari modo respicit homines electos ; qui propterea *vasa misericordiæ* appellantur &

Rom.

Rom. IX, 23. Hinc Tit. III, 4, 5. „Postquam benignitas & erga homines amor apparuit Servatoris nostri Dei, non ex operibus nostris, quæ fecerimus nos, sed ex suâ misericordiâ servavit nos, &c. Psal. CIII, 13. „Ut miseretur pater filiorum, miseretur Jehovah timentium ipsum. Confer Ioh. III, 16. Rom. III, 24, 25. Psal. XXXVI, 8.

XLVIII. *Patientia*, seu *Tolerantia*, est Misericordia erga creaturas peccatrices, quatenus iis Deus adhuc multifariam benefacit, pœnas differendo, vel æquiter temperando, quantum per Justitiam fieri potest. Rom. II, 4, 5. *An divitias - Tolerantiæ ac iræ cohibita contemnis?* &c. Hæc etiâ *Longanimitas* appellatur, propter diuturnam pœnarum dilationem; Exod. XXXIV, 6. Psal. CIII, 8. cXLV, 8.

XLIX. Succedit *Bonitas* dei communicativa sui in genere moris ad creaturas intellectuales: & hîc præcipuè occurrit *Iustitia*. Deus nimirum voluit non solum veritates cognoscendas & credendas proponere, atque sic normam *notitiæ & fidei* constituere; verum insuper Legem præscribere, quâ præciperet agenda, prohiberet fugienda; juxta quam denique ipse se gereret in remunerando, & in puniendo.

Iustitia hæc, est quasi habitus, aut constans voluntas, juris: & consideratur tum in dictis, tum in factis.

L. *Iustitia in dictis* est divina virtus, exerens sese in revelationum convenientiâ cum naturâ & decreto ipsius dei, & consequenter cum hujus executione.

Huc pertinet 1. *Veracitas*, quæ respicit convenientiam orationis cum re. Ioh. VIII, 26 „Qui me misit, verax est. Rom. III, 4. „Imò esto Deus verax. Ioh. XIV, 6. Tit. I, 2. Hebr. VI, 17, 18.

2. *Fides*, quæ respicit sinceritatem, ad præstandum id quod dictum est. Psal. CXVII, 2. *Fides* Iehovæ in sæculum. 2 Tim. II, 13. Ille fidus manet.

3. *Constantia*, quæ respicit perseverantiam propo-

ti Divini, & immutabilem executionem eorum quæ ipse prædixit. *Psal. xxxiii, 4. Omne opus ejus est constans. Mal. iiii, 6. Jac. i, 17. Num. xxiii, 19. 1 Sam. xv, 29.*

LI. In factis, generalior est consideratio Regiminis; specialior Jurisdictionis.

Regimine, omnes creaturas summâ æquitate & re-
ctitudine gubernat *ὁ αὐτοδίκαιος* : *Deut. xxxiii, 4. Omnes illius viæ sunt jus. Psal. xxxiii, 4, 5.*

Jurisdictio spectat solas creaturas intellectuales, cul-
tum rationalem Domino suo debentes. *Rom. xii, i.*

Estque vel *Legislatoria*, vel *Legis executoria*.

Illâ mandat agenda, prohibet omittenda, obedi-
entibus promittit præmia, immorigeris vero sanctionem
pœnarum comminatoriam proponit. *Iac. iv. 12. Unus
est Legislator, qui potest servare & perdere. Adde Rom.
x, 5. Deut. xvzvii, 26.*

Hæc convenienter ad illam, judicia infert, & se-
cundum opera mercedem tribuit. *Jerem. xvii, 10.*
Scrutator cordis, -- : idque ut *dem cuique secundum
vias suas, secundum fructum actionum suarum.* Adde *Rom.
ii, 6. 2 Cor. v, 10.* quæ Retributio est vel remunerato-
ria bonorum operum, vel punitoria malorum.

LII. Renumeratio bonorum operum fit secundum
promissionem gratuitam : *Psal. xviii, 24, 25, 26. Rom.
ii, 6, 7. 2 Thess. I, 5, 6, 7. 2 Tim. iv, 8.* Deus scil. ul-
tro promittendo se fecit nobis debitorem : *Jes. xlv, 19.*
1 Tim. iv, 8. nec se ipsum abnegare potest : *2 Tim. ii,
13.* Quin & *sua dona in illis coronat* ; non eorum merita
propriè dicta : *1 Cor. iv, 7. Rom. xi, 35, 36. Luc. xvii,
10.* Tenenda interim insignis differentia Fœderis Le-
galis, & Evangelici ; quæ suo loco explicabitur.

LIII. Punitio peccatorum est vel castigatoria & emen-
datoria amicorum ac filiorum Dei lapsorum : *1 Cor.
xi, 32. Dùm judicamur, à Domino erudimur, ne cum
mundo condemnemur, Hebr. xii, 5, - 11.* Vel refrœnatoria
electo-

electorum nondum vocatorum ; aut præparatoria ad eorum conversionem : *Act.* ix, 3, 4, 5, 9. Vel denique *satisfactoria* pro peccatorum demerito , quæ se exerit tum adversus reprobos ; tum exeruit in Christo , vice & loco electorum , fidelium , resipiscentium.

LIV. De *Justitia vindicativa* tenendum est contra Socinianos ; primò , quòd pœnarum exactio in Sacris non solum referatur ad severitatem , iram , indignationem , &c. sed etiam ad justitiam : aperte enim i. Deus *justus* prædicatur , & *judicia ejus justa* , ob pœnas inflictas : 2 *Chron.* xii, 5, 6. *Nehem.* ix, 33. *Psal.* xi, 6, 7. cxxix, 4, 5. *Thren.* i, 18. *Dan.* ix, 14. *Apoc.* xvi, 5, 6, 7. xix. 2 *Rom.* iiii, 5, 6. 2 *Thess.* i, 6.

2. Appellatur *vindex justitiæ* : *Psal.* ix, 5, 6. & *dies justii judicii* : *Rom.* ii, 5. Adde *Act.* xvii, 31. *Apoc.* xix. ii, 15.

3. Ad *δικαίωμα* Dei pertinet pœnas infligere , *Rom.* i. 32.

4. Justitia puniens vocatur *δίκη* : *Act.* xxviii, 4. Confer 2 *Thess.* i, 9. *Judæ.* 7. Item *Hebr.* ii, 2. *Rom.* iiii, 8, xii, 1, 4. 1 *Thess.* iv, 6. *Luc.* xxi, 22. 2 *Thess.* i, 8. *Hebr.* x, 30. 1 *Petr.* ii, 14. *Rom.* xi, 19.

Exc. Modus pœnarum refertur ad justitiam ; non ipsæ pœnæ. *Resp.* i. De ipsis pœnis satis patet ex allegatis plurimis. 2. Si Justitia requirat talem modum pœnarum , non certe permittit peccata relinqui prorsus impunita : modus enim sine re modificatâ existere non potest.

LV. *Secundò* , Justitia punitiva non est propriè effectus Voluntatis Divinæ , aut motio transiens : (quòd illi volunt :) sed est aliquid perpetuò existens in Deo , ipsique essentialiale. Nam i. est ipsa Dei sanctitas , puritas , rectitudo , amor justitiæ , & odium seu averfatio peccatorum *Exod.* xx, 5. *Deut.* xxv, 16. *Ios.* xxiv, 19. *Psal.* v, 5, 6, 7. xli, 5, 6, 7. xl. 8. *Prov.* xi, 20, xv, 9. xvi, 11, 17.

xvii, 15. Ies. i. 13, 14, 15. Zach. vii, 17. Hab. i, 13. Rom. iii, 5, 6. 2 Theß. i, 6. 1 Joh. i, 5.

2. Hinc Deus dicitur ignis consumens : Deut. iv, 24. Ies. xxxiii, 14. Hebr. xii, 29. cum Exod. xxxiv, 7. Num. xiv, 8. Psal. xxxiv, 17. Nah. i, 3.

3. Consequenter ira Dei, vel excandescencia, memoratur: *αὐθροπωπαθῶς* : Exod. xxxii, 10, 11. Num. xi, 1. xvi, 22. xxv, 3, -11. Psal. ii, 5, 12. vi, 2. Job. iii, 36. Rom. i, 18. ii, 5. 8. ix, 22. xi, 22. Eph. v, 6. Col. iii, 6. Apoc. vi, 16, 17. undè tantus terror hominum peccatorum : Ies. xxxi, ii, 14. vi, 5. Jud. xiii, 22. Confer quæ de Simplicitate & Immutabilitate Dei diximus sup. th. 16. & 20.

4. Hinc impedimentum, ne Deus peccatoribus amplius parcat, aut benefacere pergat : Gen. vi, 7. Deut. xxxii, 29, 30. Psal. lxxxii, ii, 12, 13. Ies. lix, 2. Jer. v, 25.

Obj. Atqui Deus tardus ad iram dicitur ; & modo irasci ; modo iram deponere, &c. Ergo. Resp. Ità quidem *αὐθροπωπαθῶς* de egressu & effectu pœnali. Verum indè nequaquam sequitur, quod volunt Adversarii.

LVI. Tertiò, Egressus, sive exercitium justitiæ punitivæ, posito peccato, est necessarium ; ità ut Deus peccatum impunitum relinquere non possit. Hoc probatur, 1. ex S: Scripturæ testimoniis : Exod. xxxiv, 7. Qui ullo pacto non absolvit fontem ; Gen. xviii, 25. Nunquid Iudex universæ terræ non faciet justitiam ? Jos. xxiv, 19. Deus fortis zelotes est ; non feret defectionem vestram, peccata vestra. Confer alia modo allegata : & 2 Tim. i, 13. Seipsum abnegare non potest.

2. Ex conditione Pœnarum ; quæ cùm sint malum triste, & sic non appetibiles, procedere non possunt ab indifferenti actû voluntatis Divinæ : Ezech. xvi, 11, 23, 32. Natura igitur Dei sanctissima eas exigit, quatenus sunt bonum justitiæ.

3. Ex naturâ ipsius Peccati ; quod ad pœnam Meritirationem habet : adsunt enim omnes conditiones Meriti propriè dicti, quæ hoc versiculo continentur.

Datua ; sed quæ non debes ; proportio & adsit :

Non aliter Meritum dixeris esse tuum.

Peccata enim , ut sic , non à Deo , sed ab ipso peccante procedunt : Iac. I, 13. Ipsa prorsus debita non sunt ; sed contraria obedientia debita est. Convenientissima denique proportio est , ut pro malo turpi retribuatür malum triste ; & quidem pro ratione ejus qui offensus est.

4. Illud δίκαιωμα Dei naturæ nostræ impressum est : Rom. I, 32. 11, 14, 15. Undè apud Gentiles effata illa ; Εὐχὴ Θεὸς ἐκδίκων ὅμματα.

Aspiciunt oculis Superimortalia justis.

Raro antecedentem scelestum Deservit pede pœna claudo.

Lento gradu ad vindictam sui Divina procedit ira ; tarditatemque supplicii gravitate compensat.

Item Conscientia judiciorum post hanc vitam , Theologia mythologica de Nemese , Rhadamanto , &c.

Clarius tamen hoc jus suum Deus expressit in Lege per Mosen scripta. Deut. xxvii, 26. &c.

LVII. Obj. 1. De jure suo privato homines singuli remittere possunt : multo magis ergo Deus. Resp. Nego consequentiam : Rectores publici de jure publico remittere non possunt, pro libitu , & quasi jure domini ; nec Deus de jure suo naturali & judiciali.

Obj. 2. Deus ad extra operatur liberè : Ergo. Resp. Ità tamen , ut nihil naturæ suæ repugnans facere possit : quin ex hypothesi , ad extrà operatur etià necessario.

Obj. 3. Atqui pœnas differre potest. Resp. Sed quod differtur, non aufertur.

Obj. 4. Quæ peccantur adversus præcepta juris Divini

Divini positivi , prorsus non habent necessitatem ex naturâ Dei. *Resp.* Etiam illa , ex hypothesi istius legis, repugnant obedientiæ, Deo per naturam suam debitæ ; & sic non possunt non per justitiam ipsius naturalem puniri.

LVIII. *Justitiæ distinctio* apud *Philosophos* usitata, in Deo locum non habet. Neque enim *Distributiva præmiorum* , secundum proportionem geometricam, tanquàm ex debito à parte creaturarum , ipsi convenit: neque *commutativa* , secundum proportionem arithmeticam ; quæ in privatis contractibus spectatur. Quoniam nihil boni in nobis est, vel à nobis procedere potest, quod per se vim habeat Deum nobis obligandi; tum propter sumnam ipsius ἐξοχλὼν , & potestatem in nos ; tum propter omnimodam nostri ab ipso dependentiam, & obligationem ad ipsum.

Vidimus objectum Voluntatis Divinæ, *Bonum*, tum in genere entis , tum in genere moris. *Malum* formaliter est quid privativum ; adeoque per se non cognoscibile, nec appetibile. Etiam *malum triste*, quatenus malum est: *Ezech. xviii, 23*, *An ullo pacto delector morte morientis?* Alia vero est ratio *mali tristici*, per modum *pænæ* : sic enim est bonum justitiæ ; atque eatenus appetibile ex hypothesi peccati, *Deut. xxviii, 63*. *Prov. 1, 26. xvi, 4. Ies. 1, 24.*

Malum turpe, sive *peccati*, in se prorsus non est appetibile Deo, per Naturam ipsius sanctissimam. Obicitur tamen Voluntati Divinæ, ut *permisibile & ordinabile* : quod alibi explicabitur.

LIX. Cæterum Voluntati Divinæ etiam competit *Infinitas*, *Simplicitas*, & *Independentia* :

Infinitas 1. in se : quia secundum rem est ipsa Dei essentia. 2. Respectu objectorum, tum ipsius Dei, tum aliorum à Deo. Vide sup. th. 43, 44. & 3. ratione modi volendi ; qui est absolute perfectissimus.

Consequenter non est in Deo Voluntas aliqua, aut
volitio,

volitio, imperfecta, quæ *velleitas* in Scholis appellatur. Psal. cxv, 3. „Deus noster in ipsis cœlis est; quicquid placet, facit. Prov. xix, 21. Jes. xiv, 27. xlv, 10. Rom. ix, 19. Eph. i, 11. Repugnat nimirum *tum* Dei omnipotentia, *tum* ipsius sapientia; *tum* nostræ dependentia, *tum* denique nostræ impotentia in ordine ad Deum.

Obj. 1. Deo tribuitur *expectatio uvarum*, dum proferebantur *labruscæ*: Jes. v, 4. Ergo, &c. Resp. Expectatio ista notat, quod Deus Israëlitis tempus satis longum concesserit, quo debuissent resipiscere, bona opera præstare, ipsum glorificare, &c. Sed illi meram hyprocrisin & pertinaciam produxerant.

Obj. 2. Etiam *votum* Deo adscribitur, Deut. v, 29. Ps. lxxxix, 14. Resp. Ità emphaticè & ἀνθρώπων παθῶς proponitur bonum hominibus salutare, per Dei promissionem; adeoque illis appetendum.

LX: *Simplicitas* illi etiam convenit: quia Deus unico actû vult, quicquid vult. Interim Voluntas Dei, respectu objectorum, distinguitur in *realem*, sive *decernentem* de existentia & eventû eorum, quæ fierent in genere entis: & in *moralem*, sive *disponentem* de regulis vivendi creaturarum rationalium, in genere moris.

Affinis est distinctio in *Voluntatem occultam*, & *revelatam*. Juxta Deut. xxxix, 29. Quæ occulta sunt penes Jehovah Deum nostrum sunt; at quæ revelata, nobis & filiis nostris usque in sæculum revelata sunt.

Voluntas occulta dicitur respectu eorum, quæ Deus decrevit facere, vel permittere; sed hætenus neque per eventum, neque per prophetiam, manifestavit. Consequenter ista rationem normæ non habet; nec in eâ curiosi esse debemus. Vide Luc. xiii, 23, 24. Act. i, 6, 7, 8.

Voluntas autem revelata dicitur de iis, quæ Verbo Dei exposita nos obligant ad fidem & obedientiam.

Similis etiam est distinctio in *Voluntatem beneplaciti*

& signi. Illa ipsum Dei decretum notat: sive effectivum, sive permissivum & ordinativum. *Psal. cxv, 3. Matth. xi, 25, 26. Luc. xii, 32*, Hęc verò generatim notat indicium qualecunque, quo Deus nobis aliquid significatum vult; sive ut simpliciter credatur, quo pertinent *prædictio, impletio, & rei vel facti commemoratio*: sive ut actiones nostræ ad illam normam dirigantur, quo pertinent tum *præceptum, promissio, exhortatio, invitatio, suasio*; tum *prohibitio, comminatio, dehortatio, cautio, &c.* Speciatim tamen ipsum *mandatum*: unde *Voluntas* quoque *mandati* appellatur.

LXI. Ex his non debet colligi ulla *Voluntatis Divinæ* intrinseca diversitas, nedum contrarietas ad se ipsam; aut mutatio: quæ non nisi in rebus volitis locum habent. ex. gr. 1. Quod iudicium extremum sit futurum, est *Voluntatis* revelatæ & signi; quando autem futurum sit, est *Voluntatis* occultæ & beneplaciti. 2. Deus omnes homines *obligavit* ad sanctificationem nominis sui, iustitiam in dictis & factis; &c. quod est *Voluntatis* revelatæ, signi, & mandati; decrevit tamen permittere plurima peccata contraria; hoc autem est *Voluntatis* occultæ, quamdiu non innotescit ipso eventu, vel alio indicio.

3. Deus voluit Abrahamum mandato probatorio obligare ad mactationem filii sui; quod erat *Voluntatis* revelatæ & mandati: decreverat tamen, ut mactatio illa non perageretur: scil. ut aries aliquis ejus loco offerretur, &c. quod prius erat *Voluntatis* occultæ & beneplaciti, sed postea alloquio Divino, ipsoque eventu, plene manifestatum est.

LXII. *Independentia* denique competit *Voluntati* Divinæ: quoniam Deus est absolute causa prima; & principium movens, immobile. Recte *Thomas Aquinas*; Deus vult hoc esse propter hoc, sed non propter hoc, hoc vult hoc.

Obj. 1. Deus vult finem, & media ad finem: ergo.

Resp.

Resp. Vult finem, aut causam finalem, non sibi formaliter, sed creaturis.

Obj. 2. Operatur omnia propter gloriam suam; quæ finis est: ergo. *Resp.* Non tamen volitio ipsius movetur, vel causatur proprie à gloriâ suâ: sed Deus omnia alia dirigit ad gloriam suam actu independente & simplicissimo.

Obj. 3. Salus electorum est causa prædicati Evangelii. *Resp.* Sed non volitionis Divinæ de prædicando Evangelio.

Obj. 4. Propter preces fidelium vult Deus misericordiam exerere: propter peccata vult improbos punire: &c. ergo. &c. *Resp.* Preces habent rationem medii ad effectus misericordiæ; Peccata sunt causæ demeritoriæ poenarum; quemadmodum fides, resipiscencia, &c. media salutis; sed non volitionis Divinæ.

LXIII. Male igitur à Pelagianis Voluntas Dei distinguitur in *absolutam* & *conditionatam*: eo sensû, ut volitio quædam Divina suspendatur à conditione actus humani. Itemque, in *antecedentem*, & *consequentem*: ita scil. ut Deus antecederet ad arbitrium creaturæ aliquid vellet; sed consequenter ad illud vellet ejus oppositum.

Observandi denique modi quidam *Libertatis Divinæ* circa objecta: Deus enim 1. amat seipsum ex necessitate naturæ suæ; sed interim cum summa ratione; quæ est *libertas complacentiæ*. 2. Natura Divina absolute habet se indifferenter ad attributa Sapientiæ, Potentiæ, Bonitatis, extra se exerenda: attamen exerit ea necessario, ex hypothesi Decreti sui de creatione faciendâ, &c. Estque *libertas contradictionis*, sive *exercitii*. 3. Denique Deus voluit istas potius creaturarum species producere, quam alias: & hæc est *libertas contrarietatis*, sive *specificationis*.

LXIV. Succedit nunc *Potentia*, perfectio scil. sufficienti

ficientissima, qua Deus est potens exequi ex se, quicquid Voluntati suæ est consentaneum. 1 Chron. xxix. 11, 12. „Tua est, ô Jehovah, magnitudo & potentia: in manû Tuâ vis & potentia. &c. Jes. ix, 5. Ierem, xxxii, 18. Matth. vi, 13. 2 Chron. vi, 18. Hebr. i, 3. Apoc. i, 8. iv. 8. xv, 3. Potentia igitur Dei non est passiva, perfectibilis, receptiva formæ alicujus: ista enim non est perfectio, sed imperfectio, Divinæ naturæ nequaquam conveniens. Verùm activa: id est, talis efficientia, qua Deus hoc agit, ut creaturæ tales tali tempore ac modo existant: undè oritur, relatio rationis, à parte Dei; sed realis, à parte creaturarum.

LXV. Potentia hæc Divina, verè infinita est; sive eam in se spectes: Gen. xvii, 1. xxxv, 11. Ruth. I, 20, 21. sive objecta: Luc. i, 37. sive modum operandi: Ies. xl, 26. 28. Eph. i. 19. 111, 20. Phil. 111, 21.

Obj. 1. Potentia Dei contrahitur & restringitur per ipsius Voluntatem: infinita ergò non est. Resp. Non de ipsâ Dei Potentiâ propriè istud intelligi debet, sed de ejus objectis.

Obj. 2. Intellectus Dei excedit ipsius Potentiam; nam cognoscit etiã seipsum; sed non potest seipsum producere: Potentia igitur infinita non est. Resp. Intellectus & Potentia Dei secundum rem sunt unum idemque; atque ut ille ad omnia absolutè cognoscibilia refertur; ita hæc ad omnia absolute possibilia fieri, vel produci: undè ipse Deus excluditur; quod ad perfectionem ejus pertinet.

LXVI. Eadem in se simplicissima est: unica & immutabilis. Interim pro distincta habitudine objectorum, secundum Voluntatem Dei, distingui solet in absolutam & ordinatam.

Potentia Dei absoluta est omnium absolutè possibilium; seu omnium eorum, quæ non repugnant naturæ Divinæ, nec contradictionem implicant. Matth. 111, 9c. „Dico vobis, Deum posse etiam ex lapidibus istis excitare filios

filios Abrahamo, XIX, 26. XXVI, 35. Marc. I, 27. XIV. 36. Luc. I, 37. XVIII, 27.

Cum autem dicitur aliquid absolute impossibile; id ab objecto Potentiæ excluditur, tanquam contradictorium naturæ Divinæ, vel etiâ veritati ideæ Divinæ: utpotè alter Deus; Deum mori, aut mentiri; hominem destitui animâ rationali; factum infectum reddi; &c.

De eadem tenendus hic canon; à potentiâ Dei absolutâ ad effectum non valet consequentia.

Potentia Dei ordinata, aliâs actualis, est eorum quæ Deus ut futura decrevit. De hac Rom. XI. 3. 2. Potens est Deus rursum eos inferere. 25. Nolim enim vos ignorare, fratres, mysterium hoc, &c. Adde Psal. CXV, 3. CXXXV, 6. Eph. I, 11.

Impossibile vero respectu hujus Potentiæ est, fieri ea, de quibus Deus Decreto suo constituit ut non fierent; non fieri ea, de quibus constituit ut fierent: vel etiâ aliter fieri, quàm Deus decrevit. Sic impossibile erat, Christum non nasci tali tempore & loco, non pati talia & per tales, &c: Judicium extremum incidere in annum modo præteritum 1666. &c.

Obj. 1. Non extiterunt ab æterno, imò nondum existunt objecta Potentiæ ordinatæ: ergo hæc non est actus purus. Resp. Est actus purus & ab æterno effectivus eorum, quæ decreta sunt: sic tamen ut effecta existant in tempore, ac suo ordine; sive fuerint opera naturæ, sive gratiæ: Jac. I, 17. „Omni donatio bona, & „omne integrum donum, est supernè descendens à Patre „luminum; apud quem non est transmutatio, aut conversionis obrumbatio.

Obj. 2. In objectis Potentiæ absolutæ plnima sunt, quæ nunquam existent: ergo, &c. Resp. Omnia absolute possibilis, in Dei sufficientiâ eminenter & virtualiter insunt: ac proinde etiam ista Potentia sic est actus purus.

LXVII. Potentia Dei quæ ut Independentis est, idque

facile patet, siue eam *in se*, siue *respectu obiectorum*, siue *in modo operandi spectemus*.

Unde sequitur, res esse possibiles, quia Deus eas potest producere: non autem Deum eas posse producere, quia possibiles sunt: ita ut Potentia Dei sit causa omnis possibilitatis in creaturis. Vide *Jes.* xli. 4. xlii. 6. *Apoc.* i, 8, *Rom.* xi, 36.

Quin & impossibilitatis ratio ad Deum similiter referenda est: quod facile demonstratur per æquipollentiam enunciationum, *impossibile est esse*, & *necesse est non esse*; itemque *impossibile est non esse*, & *necesse est esse*: omnis autem necessitas fundatur, vel in naturâ Dei, vel in ipsius decreto, qui seipsum abnegare non potest; 2 *Tim.* ii. 13.

LXVIII. *Potestas*, seu *Dominium Dei* sequitur, estque jus illud infinitum & independens, quo omnia alia à Deo, ipsius Dei sunt; ac proinde Deus de illis omnibus disponere potest, quicquid vult. *Psal.* cxlv, 1, *Regnum Tuum*, *Regnum est omnium sæculorum*, & *Dominium Tuum in unamquamque generationem*. 1 *Tim.* vi, 15. *Solus Princeps*, *Rex ille regum* & *Dominus dominorum*. Vide etiam *Deut.* xxxii, 4. *Job.* xxv, 2. *Psal.* lxxvi. 7. cxv. 3. *Prov.* xvi, 4. *Dan.* iv, 3, 34, 35. *Matth.* xx, 15. *Rom.* ix, 20, 21. xi, 36:

In *objectis Potestatis Divinæ* prior est consideratio *possibilium*, altera est *creaturarum actu existentium*.

Ad *possibilia* quod attinet, circa ea versatur divina Potestas, quatenus Deus ex his determinavit ad futuritionem, quæ voluit; & quidem talem, qualis eventu manifestatur: ita ut ipsa futuritio, & consequenter actualis existentia creaturarum, referenda sit ad Voluntatem Dei, ut principium imperans primò primum, ex infinitâ plenitudine Potestatis suæ *Thren.* iii. 37. *Ecquo dicente existit aliquid, si Dominus non præceperit?* Confer *Act.* ii. 23. iv. 28. Quod sic ad creaturas rationales, earumque statum æternum, etiam extendi

extendi debet. *Rom. IX, 21, 24.* „An non habet potestatem figulus, &c. Quid si verò volens ostendere iram, & notam facere potentiam suam, pertulit multâ cum iræ cohibitione vasa iræ compacta ad interitum: & ut notas faceret divitias gloriæ suæ, erga vasa misericordiæ, quæ præparavit ad gloriam? Quos etiam vocavit, &c.

LXIX. Quantum ad creaturas actu existentes; non minus etiam circa illas extendit sese divina Potestas, sive sint rationales, sive irrationales. *1 Chron. XXIX, 12. dominium habet in omnia. Dan. 11, 21. Ipse mutat tempora, ac tempestates, transfert reges, & constituit reges. Psal. XXIV, 1. L. 10. 11, 12. 15. CXV, 16. Act. XVII, 24. &c.* Pro ista potestate Deus universæ huic naturæ leges suas constituit: *Gen. I, 1. 4, 6, 9. II, 14, - VIII, 22. Job. XXXVII, 12. Psal. CIV, 5, - Prov. VI, 6, 7, 8. XXX, 24, - Jerem. VIII, 7.* Sed præter & supra eas, operatur Auctor ac Dominus naturæ & ordinis naturalis, Providentiâ suâ extraordinariâ, in miraculis. *Luc. I, 37. VII, 21. 22. Matth. VIII, 8, - 26, -.*

Creaturæ autem rationales spectari possunt, tum in genere entis; tum in genere moris. Priori modo circa eas exercet Deus suum Dominium, eas gubernando pro suo arbitrio, etiam ignorantes, providentiâ suâ reali: quod contra Pelagianisantes ex Verbo dei luculenter ostenditur, ex *Gen. L. 20. 2 Sam. XVI, 10. Ies. X, 5, 6, 7, 15. &c.* Posteriori modo, Dominium suum exerit Deus providentiâ morali, leges ferendo, faciendo, exequendo. *Gen. II, 16, 17. III, 3; 16, - 19, 22, 23, 24. VI, 2, 3, 5, 7, 9, 11, - IX, 1, &c.*

Ex eo quod Deus sit absolutè verax, & seipsum abnegare non possit, ac creaturæ concipi nequeant, nisi cum perpetuâ dependentiâ à causâ primâ, *Prov. XVI, 4. Rom. XI, 36.* sequitur, quod Deus non possit sese abdicare isto dominio. Hæc ratio etiam postulat, ut Deus creaturis rationalibus nihil alienum à naturâ suâ proponat.

Pro

Pro jure Dominii sui Deus etiam potest peccata parentum imputare filiis, eaque in his punire; quin & regum, subditis. Speciatim huc pertinet imputatio peccati Adami, ad omnes ejus posteros foederaliter in ipso censitos. *Rom. v, 12, - 19.* item nostrorum peccatorum, ad Christum. *2 Cor. v, 15, 19, 21. Gal. 111, 13.*

Pro jure Dominii sui Deus etiam potest peccata parentum imputare filiis, eaque in his punire; quin & regum, subditis. Speciatim huc pertinent imputatio peccati Adami, ad omnes ejus posteros foederaliter in ipso censitos. *Rom. v, 12, - 19.* item nostrorum peccatorum, ad Christum, *2 Cor. v, 15, 19, 21. Gal. 111. 13.*

Obj. Ezech. xviii. 4. Anima quæ peccat, morietur; & 17. Filius non portabit iniquitatem patris, &c. Ergo. *Resp.* Istic proponitur specialis conditio, ad Israëlitarum hypocrisin ac perversitatem detegendam & convincendam: quæ non debet extendi ultra propositum; nedum applicari possit ad utrumque Adamum.

LXX. Dominium illud Dei initio diximus *independens*: idque propter absolutam naturæ suæ perfectionem ac eminentiam. Consequenter Deus jus suum de se habet: *Rom. xi, 35, 36.*

Malè itaque *Remonstrantes* contendunt, omne fundamentum juris Divini in creaturam rationalem esse, 1. *Beneficium creationis.* 2. *Maleficium creaturæ peccatricis,* & 3. *contractum cum illâ initium.*

Verùm *creatio* per modum beneficii, non est fundamentum juris Divini: Deus enim jam antecederet in ipsa possibilia dominatum suum habet. Beneficium quidem ad gratitudinem obligat alterum; sed per se Dominium, aut Principatum non infert.

Peccatum similiter non fundat potestatem Dei: Princeps enim semper habet suam potestatem, etiam puniendi, licet nemo peccet: sed peccatum solummodò est causa demeritoria poenæ in tali subiecto: & conditio sine quâ non, ad justum exercitium istius potestatis.

Fado-

Federatio denique, & *contractus* cum creaturis, hoc habet, quod Deus per *συγκατάθεσιν* creaturis sese quodammodo obstringat ultro, creaturas de obligatione earum ad ipsum magis convincat, & obligationem istam ad specialia quædam applicet pro re natâ. Sed omnibus illis datur prius, Potestatem Dei formaliter inferens; infinita scil. Præstantia Naturæ potentissimæ, & sanctissimæ.

LXXI. *Obj. 1.* Pater quilibet habet potestatem in filium, quamvis doctiorem: ergo non ratione *ἐξοχῆς*, sed propter beneficium generationis. *Resp.* Imò non ob generationis beneficium; sed propter *ἐξοχὴν* paternitatis, ex ordinatione Divinâ.

Obj. 2. Unus quis in Aristocratia vel Democratia concives suos corporis & animi dotibus longè superans, non debet propterea statim Rex constitui: ergo Præstantia per se non fundat Potestatem. *Resp. 1.* Præstantia ista non est infinita: nec reliqui omnes ab isto uno dependent: ut quidem hic. 2. Interim si istuc de Rege eligendo consultatio ineatur, ille reliquis est præferendus, absque proprio respectu antecedentis beneficii, vel aliorum maleficii, vel contractus mutui.

Obj. 3. Angeli hominibus multo præstantiores sunt: neque tamen potestatem in eos habent. Ergo, &c. *Resp.* Angelorum præstantia ab ipso Deo dependet, & sic limitata est, ut illi cum hominibus unam politiam non constituent: ac proinde mirum non est, quod eorum supra homines præstantia non inferat potestatem in eos.

LXXII. Potestas Dei verè infinita, & independens, haud dubiè incommunicabilis est ad alios, eo modo quo ipsi competit. Speciatim Potestatem in statum conscientiæ internum & æternum sibi propriam ipse servavit. *Ezech. XVI 11, 4.* Omnes animæ meæ sunt. *Matth. x, 28.*

x. 28. - *Timete eum, qui potest animam & corpus conjicere in gehennam.* Jac. XIV. 12. Rom. XIV, 10, 11, 12. Sed in statû externo ac temporali, Magistratui potestatem dedit, sibi quodammodo vicariam, ab ipso dependentem, & gloriæ ipsius servientem: Rom. XII 1, 1, - 6. 1 Petr. II, 13, 14. Deut. 1, 17. 2 Chron. XIX, 17, 18.

Christus œconomicè consideratus hoc accepit, quod in humanâ naturâ euectus sit supra omnes creaturas; ac in eâ reluceat suprema ista potestas; sic tamen, ut proprium ejus subjectum quo, sit natura Divina. Vide Matth. XXVIII, 19. Psal. II, 6, - 9. LXXII, 1, 2, CX, 1, 2, 3. Joh. V, 22, 27. Ast. XVII, 31. Rom. XIV, 9.

LXXIII. Succedit *Gloria Dei*: infinita scil. illa excellentia, quâ ipse in se dignus est æstimari, ut excedens omnes omnino creaturarum perfectiones in infinitum; quapropter etiam omnes creaturæ rationales suam ad Deum omnimodam subjectionem humiliter, sincerè, & sanctè debent agnoscere; ipsique soli cultum religiosum præstare. De hac 1 Chron. XXIX, 10. - 13. *Benedictus, Jehovah, deus Israël patris nostri, à sæculo usque in sæculum. Tua est, ô Jehovah, gloria, &c.* Psal. XIX, 2. *Cæli enarrant gloriam dei fortis.* Psal. VIII, 2. XLVII, 2, 3. Jes. VI, 3. Rom. IX, 5. Apoc. IV, 9. 10, 11.

Innotescit nobis hæc Dei excellentia, tum per opera creationis, conservationis; naturæ, gratiæ, misericordiæ, justitiæ, &c. tum per doctrinam SS. Literarum; tum denique per manifestationem in conscientiis singulorum. Psal. XIX, 2. Rom. I, 19, 20, 21. Ioh. II, 11. Exprimitur autem per lucem inaccessam; 1 Tim. VI, 16. per indumentum decoris, majestatis, lucis; Psal. CIV, 1, 2. item per densam tenebrositatem; Exod. XIX, 16. XX, 21, XVI. 10. 1 Reg. VIII, 11, 12; Heb. XII, 18. Interim media illa, per quæ innotescit in nobis divina illa Excellentia, prudenter distingui debent ab istâ Excellentia; quæ sola est verum objectum formale cultûs divini.

Excellentia qualiscunque hominum, in humanâ societate, fundat honorem; quem communiter *civilem* appellamus: sed iste suam latitudinem & suos gradus habet. At vero Excellentia Dei, quia infinita est, fundat honorem sibi respondentem; quem *religiosum* vocamus: qui propterea quoque ipsi soli proprius est.

LXXIV. Probatur hoc, 1. ex primo Decalogi præcepto: *Exod. xx, 2, 3. Ego sum Iehovah Deus tuus, ne sumto tibi Dii alieni ante faciem meam.* Confer, *Gal. iv, 8. Rom. i, 21, 25. Matth. iv, 10.*

2. *Ex Jes. xlii, 8. Ego sum Iehovah: - gloriam meam alteri non dabo; nec laudem meam sculptilibus.*

3. Ne quidem Angelis, utpotè dignitate finitis, cultus ille competit. *Apoc. xix, 10. xxii, 8, 9. Col. iii, 18.*

4. Ex fiducia in solo Deo collocandâ. *Ferem. xvi, 1, 5. Psal. lxii, 10. cxviii, 8, 9. cxlvi, 3, 4. item i Chron. xvi, 12. nec non Eph. v, 5. Col. iiii, 5. Job. xxxi, 24. Phil. i, 11, 19. & i Sam. xv, 23.*

LXXV. Consequenter orthodoxa Antiquitas contra *Arianos*, *Photinianos*, & similes rectè hinc probavit veram Deitatem Filii & Spiritûs Sancti; quemadmodum & nos etiamnum contra *Socinianos* eandem veritatem asserimus.

Nec est quòd excipiant, Christum quâ Mediatorem adorandum esse; adeoque veram ipsius Deitatem ex adoratione colligi non posse: merito enim illud negamus, si particula quâ sumatur *reduplicativè*; quamvis verum sit, si sumatur *specificativè*. *Hebr. i, 6. II, 9. Phil. II. 6, - 11. Apoc. v, 12. cum Job. xvii, 5. v, 23. sicut eo sensû reverâ illam particulam sumpserunt orthodoxi Theologi, qui Christum quâ Mediatorem adorandum esse dixerunt.*

Sic etiam Pater, aut Deus absolutè, adoratur quatenus Deus est; non autem quâ creator, aut conservator, formaliter, sive *reduplicative*: licet per creationem, si-

miliaque opera soli vero Deo propria, innotescat vera Deitas; atque ita excitemur, ad eam cultu ipsi debito prosequendam. *Psal.* xix, 2, 3. *Ies.* xl, 26. *Rom.* i, 20. *Apoc.* iv, 11. *1 Petr.* iv, 19.

Obj. Alia etiam religiose colenda sunt, ob sanctitatem relativam, in ordine ad Deum: *Exod.* iiii, 5. xix, 12. *Gen.* xxviii, 16, 17. *Eccles.* v, 1. &c. Ergo. *Resp.* Non ipsis locis, quorum ibi fit mentio, reverentia erat præstanda: sed Deo speciali modo illic præfenti.

Idem dicendum de Tabernaculo, Arcâ Fœderis, Templo, &c.

LXXVI. Restat *Beatitudo*; actus consummatissimus, quo Deus omnes perfectiones absolute conceptibiles, tum essentiae, tum vitae, ejusque eminentissimæ, in se habet independentem, simplicissime, & infinite; atque hoc ipsum plenissime cognoscit, quàm maxime vult, eo fruitur perfectissime, cum acquiescentiâ. *1 Tim.* i, 11. *Evangelium Beati Dei.* vi, 15. *Beatus ille.*

Huc pertinet etiam appellatio אֵל שֵׁרֵי, *Gen.* xvii, 1.

Ac descriptio *Psal.* xvi, 10. xxxvi, 10. *Fons vitae.*

Nec non consideratio eorum, quæ *oculus non vidit, &c. quæ paravit Deus iis, à quibus ipse diligitur*; *1 Cor.* ii, 9. Istud enim est verissimum principium, ac fons omnis nostræ Beatitudinis. Confer *2 Cor.* xv, 28.

LXXVII. Ex dictis quædam colligimus pro *praxi*. 1. Quicquid entis menti nostræ occurrit præter Deum, hoc omne ad ipsum referamus, tanquam ad ens primum, & in ejus gloriam: *Ies.* xl, 26. *Rom.* xi, 36. *Act.* xvi, 25, - 28, *1 Cor.* x, 31.

2. Nomina Dei non-nisi sanctè & religiose usurpamus: *Exod.* xx, 7. *Eccl.* v, 1. xii, 1. *Mal.* iv, 2.

3. Ex Dei Primitate nostram, & omnium aliorum ab ipso dependentiam, recte æstimemus: *Rom.* xi, 36. *Act.* xvii, 28.

4. Simplicitati nobis mandatæ, serio demus operam:

1am : 1 Cor. v, 7, 8. Hebr. xli, 1. 1 Petr. II, 1, 2.

5. In Dei Immutabilitate, constanter incorruptibilitatem & gloriam quæramus: Rom. II, 7.

6. Sic Deum invisibilem requiramus puro corde, ut ipsum fide videamus, ac tandem ipso fruamur: Jesh. lv, 1, 2, 3, 6. Psal. xvi, 8, 11, 10. Matth. v, 8. Hebr. xi, 17.

7. Desideria nostra piè ad Infinitum illum, atque Æternum, excitemus, dirigamus; qui solus eâ æternum perfectissimè satiare potest: Psal. xlii, 2, 3, xxi, 1, 1, - xvi, 5, 8, 11. xxxvi, 8, - 11. 2 Cor. iv, 16, 17, 18. v. 1, -

8. Immensum, nobis semper præsentem, omnia etiâ abstrusissima intimè cognoscentium, ex animo vereamur. Hebr. iv, 11, 13. Psal. cxxxix, 1, - 2 Chron. xxiv, 22. Joh. xxi, 23.

9. Ex tenuitatis nostræ circa Dei cognitionem conscientiam humiliemur profundissimè: 1 Cor. xiii, 11, 12. Gal. iv, 8, 9. 2 Petr. I, 19.

10. In Dei Sapientiâ humiliter & piè quæramus sapientiam veram: Col. iii. 10. Jac. I, 5.

11. Sanctissimæ ipsius Voluntati nostram voluntatem subiciamus & conformemus: Matth. vi, 10. xxvi, 42. Act. xxi, 13, 14.

12. Ex Sanctitate, Amore, Gratiâ, Misericordiâ, Patientiâ, &c. nostram ad eas virtutes analogicam conformationem discamus: Levit. xix, 2. Matth. xxii, 37. v, 44, 45. vi, 12. Gal. vi, 1. Jac. v, 19, 20.

13. Omnipotenti ejus manui nos quàm humillimè submittamus; simulque impotentiam nostram agnoscences, omnem adversus hostes nostros spirituales corroboracionem in ipso quæramus: 1 Petr. v, 6. 2 Cor. xii, 9. Joh. x. 28, 29. Rom. viii, 28.

14. Supremæ Potestati Omnipotentis Dei conscientias nostras omnino, & quidem soli, subiciamus: Rom. xiv, 9, - Jerem. x, 7. Apoc. xv. 4.

15. Ipsi gloriam suam deferamus sincerè ac promptè: Psal. ciii, 1, 2. Luc. I, 46, 47, 74, 75. Matth. vi, 9, 13. Rom. xi, 36. 1 Cor. x, 31.


16. In Deo Beatissimo omnem nostram beatitudinem unicè quæramus: Psal. xxxiii, 12. lxxiii, 25, 26. 1 Joh. I, 3, 4.

C A P U T V.

De Personis Divinis.

Existentia. Perseitas. Suppositum. 1. Subsistentia, ὑπόστασις, abstractè: concretè. Persona. 2. Essentia Divina quomodò prædicetur de Personis. Tres Personæ sunt in unâ Essentia. Et Persona istæ in se invicem. Personæ Divinæ descriptio. Terminus ἑγὼ καὶ θεὸς: & alii hic usitati. Numerus. 3. Probatur Personarum pluralitas. 4. Trinitas; ex V. T. collatis locis N. T. 5. Ex testimoniis N. T. 6. Probantur singulæ Personæ. Pater. Ejus Personalitas. 7. Vera Deitas. 8. Distinctio à Filio, & Sp. S. 9. An rectè dicatur, Fons & principium totius Deitatis? 10. Filius. Ejus Personalitas. 11. Deitas, probatur ex Nominibus. 12. Operibus. 14. Cultû. 15. Proprietates distinctivæ. 16. De voce Spiritûs. Spiritûs Sancti Personalitas. 17. Deitas, ex Nominibus. 18. Attributis. 19. Operibus. 20. Cultû. 21. Distinctio à Patre & Filio. 22. Trium Personarum identitas essentialis. τὸ ὁμοούσιον. Paritas & Similitudo. Filius & Spir. S. etiã αὐτόθεος. ἐπε-

Ἐκχῆσις. 23. Rejicitur *Atheismus*. *Arianismus*, *Socinianismus*. *Sabellianismus*. 24. Discrimen inter *Generationem*, & *Spirationem*. Illa non rectè explicatur per actum *Intellectûs*; & hæc per actum *Voluntatis*. 25. *Relationes reales*. *Processiones*. *Notiones*. *Proprietates personales*. *Actûs notionales*. *Potentia notionales*. *Relationes rationis*. *Origo Filii*, & *Spiritus Sancti*. 26. Quomodo *Persona Divina* differat ab *Essentia*, 27. Quomodo *Persona* distinguantur à se invicem. 28. *Objectiones* solvuntur. 29. Dogma hoc fundamentale est, & ad salutem creditû necessarium. c. Remonstr. Obj. solv. 30. *Usûs prælici*. 31.

I.  Equitur, ut *Essentiam Dei* consideremus relate in suis *Personis*.

Existencia in genere est *Actualitas Entis*: primò quidem *Substantiæ*; cui *Perseitas* competit: sed analogice etiam *Accidentis*; cujus esse est *inesse*.

Interim *Substantiæ secundæ* existunt in *primis*; sicut & aliæ *partes* in suo *toto*. Quæ autem incommunicabiliter, complete, & ultimate per se existunt, strictiore sensû *subsistere* dicuntur; & absolute *supposita* vocantur, Græcis ὑποστάμενα. Animam verò separatam, aliamve partem seorsum existentem, *Suppositum partiale* dicimus.

II. *Subsistentia*, Græce ὑπόστασις aliàs rem quamlibet sub aliâ stantem, & eam quodammodo sustentantem, notat: sed specialius interdum *abstractè* usurpatur, ut designet modum entitativum, quo natura substantialis ultimo, complete, & incommunicabiliter ter-

minatur in existendo : qui modus etiã *suppositalitas* appellatur ; sed specialissime in intellectualibus *personalitas*. Concretè autem significat naturam substantialem tali modo subsistendi terminatam.

Suppositum intellectuale *persona* appellatur ; Græce *πρόσωπον* : quæ nonnullis à *personando* dicta videtur : sed verba valent usû. Interim non displicet allusio , quasi *per se una* ; aut *per se sola*. Describitur plenius , *Substantia prima, intelligens , incommunicabilis , non pars alterius, nec ab alio sustentata*.

III. *Essentia Dei* unica est. Vide sup. cap. 4. th. 19. sed *communis* tribus Personis, ut & *Attributa* ejus.

Consequenter *Essentia* non *prædicatur* de Personis , ut *Species* de suis Individuis : una enim eademque *Essentia* singularissima , existit in tribus Personis concrete.

Recte etiam dicimus , *tres Personas* esse in unâ istâ *Essentiâ* ; quatenus in communione ejusdem numero *Essentiæ* conveniunt. Imò etiam , *Personas* istas esse *in se invicem* ; quatenus communis *Essentia* in singulis Personis existit. Vide Joh. x, 38. xiv, 11. xvii, 21.

Persona Divina est ipsa *Essentia Divina* peculiari modo subsistendi à coessentialibus distincta.

Estque terminus ille *ἐγγραφον*. Hebr. 1, 3. de Filio ; *Character personæ* (*τῆς ὑποστάσεως*) illius ; scil. Patris. Confer 1 Joh. v, 7. „ *Tres sunt , qui testificantur in Cælo , pater , Sermo & Spiritus Sanctus*. Unicæ istius *Essentiæ* Tres sunt *Personæ* testificantes. Unde *Triada*, vel *Trinitatem* rectè appellamus ; non *Triplicitatem*.

Numerus autem ille est tantum *Denominatio Personarum* plurium verè distinctarum.

Aliæ voces in hoc mysterio etiam usurpari solitæ , utpotè , *πρόσωπον ὑπαγέξεως, ὁμοῶς, ἐμμελὶς* —

genis, &c. secundum rem Scripturariæ sunt: quod observandum contra *Antitrinitarios*; & *Pontificios*, ad Traditiones non scriptas hîc confugientes.

IV. In Mysterio hoc probamus primò pluralitatem personarum, per testimonia sacra V. T. Gen. 1, 1, 2. „in principio creavit Deus (אֱלֹהִים בְּרֵאשִׁית) cœlum & terram. — & Spiritus Dei incubat superficiiei aquarum. Et vers. 26, 27. „Postea dixit Deus Faciamus hominem ad imaginem nostram. 111, 22. Dixit Jehovah Deus. Ecce homo, estne sicut unus ex nobis? xi, 7. „Agedum descendamus, & confundamus ibi sermonem eorum. xix, 24. „Jehovah demisit, pluviam sulphuris, & ignis, à Iehova Psal. xlv: 8, „Unxit Te, ô Deus, Deus Tuus, oleo gaudii præ consortibus Tuis. Confer Hebr. 1. 8, 9, Iterum Psal. cx. 1, „Dixit Jehovah Domino meo; Sede ad dexteram meam, cum Matth. xxii, 42, 43. 44. Item Prov. xxx, 4. „Quod est nomen Hujus, & quod nomen Filii ipsius? Jes. xlviii, 16. „Nunc enim Dominus Iehovi mittit Me, & Spiritus ejus. His adde Dan. ix, 17. cum Psal. lxxx, 15, 16. & Hof. 1. 7.

V. Secundò adstruimus nominatim Trinitatem, & quidem hæc vice ex locis quibusdam V. T. collatis potissimum cum locis N. T. utpotè Psal. xxxiii, 6. „Verbo Jehovah cœli facti sunt: & Spiritu oris ejus, totus exercitus eorum, cum Joh. 1, 1: 3, 10. „In principio erat Sermo ille, & Sermo ille erat apud Deum, eratque ille Sermo Deus. — Omnia per Hunc facta sunt, & absque Eo factum est nihil quod factum sit. — Et mundus per Eum factus est: sed mundus Eum non agnovit. Nec non Hebr. I, 10. Ad Filium: Et Tu in initio Dominus, terram fundasti; & opéra manuum Tuarum sunt cœli. Ies vi, 1, 3, 8, 9. „Tum vidi Iehovam insidentem folio celso. De Seraphim autem, Inclamans alter ad alterum dicebat; Sanctus, Sanctus, Sanctus est Jehovah Tzebaoth. — Deinde audiivi vocem Domi-

ni, dicentis : Quem missurus sum , & quis iturus est
 nobis? Cui dixi ; En ego : mitte me , Tum dixit ;
 ut dicas populo isti : *Audite indefinenter , at ne intel-*
ligatis , &c. cum *Ioh. xii, 36. - 41.* Hæc locutus est
 Iesus : - Propterea non poterant credere , quia iterum
 dixit *Esaias ; Excæcavit oculos eorum , &c.* Hæc dixit
 Esaias , quando vidit gloriam Ejus , & locutus est de
 Eo. Nec non *Act. xxviii, 25, 26.* Benè sanè *Spiri-*
tus Sanctus locutus est per Esaiam Prophetam patribus
 nostris, dicens ; *Vade ad populum istum , & dic ; Au-*
diētis , & non intelligētis ; Ità scil. *τῆς ἀγίου* illud ad
 tres Personas pertinet. Confer trinam Jehovæ men-
 tionem in solenni benedictione ; *Num. vi, 24, 25, 26.*
 Iterum *Ies. lxi, 1.* *Spiritus Domini Jehova est super Me,*
 ad Evangelizandum mansuetis , &c. cum *Luc. iv,*
17, - 22. Tunc datus est Ei (Christo) liber *Esaiæ*
 Prophetæ : cumque explicuisset librum , invenit lo-
 cum, in quo scriptum erat, *Spiritus Domini super Me,*
 propterea quod *unxit me , &c.* Cœpit autem eis dice-
 re ; Certè hodiè *impleta est hæc Scriptura* audientibus
 vobis &c. Ergo Filius Christus loquebatur de Jeho-
 vâ Patre, & Spiritu Ejus.

Similiter *Jes. lxi, 7, - 11.* „Benignitates Jehovæ
 commemorabo : Nam dixit : Utique populus Meus
 sunt : - *Angelus faciei ejus servavit eos : - Nam ipsis*
rebellantibus , & dolore afficientibus Spiritum san-
ctitatis ejus , &c. Confer etiam *2 Sam. xxiii, 2.*
Hag. 2, 5, 6.

VI. Tertiò, clariora interim sunt testimonia N. T.
 utpotè *Matth. iii, 16, 17.* „Baptizatus Iesus - vidit
 „*Spiritum Dei* descendentem quasi columbam ; - &
 ecce, vox adfuit è cælo - Hic est Filius ille Meus , &c.
xxviii, 19, - „Baptizantes eos in nomen Patris, & Fi-
 lii, & Spiritus Sancti. *2 Cor. xiii, 13.* „Gratia Domini
 „*Iesu Christi, charitas Dei , & communicatio Spiritus*
Sancti

„*Sancti* sit cum omnibus vobis. 1 Joh. v, 17. Tres sunt qui
 „testificantur in cœlo; *Pater, Sermo, & Spiritus Sanctus*.
 His adde Joh, xiv, 16, 17. xv. 26. Luc. i. 35. Rom. i.
 b. - 4. viii, 11, Gal. iv, 4, 6.

VII. Quartò denique consideranda veniunt illa S S.
 Literarum testimonia, quæ singulas Personas Divinas,
 Patrem, Filium, & Spiritum Sanctum diserte tra-
 dunt, & distinctam earum personalitatem, ac veram
 Deitatem planè adstruunt.

Patrem hîc appellamus respectû Filii æterni, &
 εὐλογεῖ: Hebr. 1, 5. cum Psal. II, 7. & 2 Sam. vii, 14.
 Nam cui dixit unquàm *Angelorum*; *Filius Meus es Tu*:
 „Ego hodiè genui Te; Ac rursùm; Ego ero Ei Pa-
 ter, & Ipse erit Mihi Filius.

Quantum ad ipsius Personalitatem: expresse Hebr.
 1, 3. De Filio; quòd sit *character Personæ illius*: scil. Pa-
 tris. Ipsi etiam competit vita, intellectus, voluntas,
 dominium, gloria, operationes, paternitas: Joh. v, 26.
Pater habet vitam in Seipso. 17. *Pater Meus* usque ad-
 hûc operatur. Matth. xi, 25, 26, 27. „*Gloriam Tibi*
 „tribuo *Pater, Domine cœli & terræ*; quod hæc occul-
 „taveris à sapientibus & intelligentibus: & retexeris ea
 „infantibus. Etiam *Pater*, quia *ita placuit Tibi*. Omnia
 „*Mihi tradita sunt à Patre Meo*: & nemo novit *Filium*,
 „nisi *Pater*, &c. Vide etiam Joh. xvii, 1.

VIII. Deitas autem ejus evincitur, 1. Nomi-
 nis Divinis: Joh. i, 1, 16. Ità *Deus* dilexit mundum,
 ut *Filium suum unigenitum miserit*, &c. Adde viii,
 54. xvii, 1, 3.

2. Attributis: Apoc. i, 4. de Patre; ὁ ὢν, ὁ ἦν
 καὶ ὁ ἐρχόμενος: undè satis patet *Æternitas & Im-*
mutabilitas. Joh. v, 26. *Habet vitam in Seipso*. Quæ
 est *Independentia*, Matth. xi, 25. *Pater, Domine cœli*
& terræ. Quod est *Dominium* verè supremum.

3. Operibus Divinis: Act. iv, 24, - 27. *Domine*,

Tu

Tu es ille Deus, qui fecisti coelum & terram, mare & omnia
 ,,quæ in iis sunt. - Congregati sunt in hac civitate verè
 ,,adversus sanctum Filium Tuum Jesum, quem unxisti,
 ,,Herodes, &c. Ut facerent quæcunque manus Tua
 ,,& consilium Tuum prius prædestinavit ut fierent. Nunc
 ,,igitur, Domine, dispice in minas eorum; & da Servis
 ,,Tuis, ut cum omni libertate loquantur sermonem Tuum,
 ,,Manu Tuâ à Te extensâ ad sanandum, signisque & pro-
 ,,digiis editis per nomen sancti Filii tui Jesû.

4. Denique ex Cultû & Honore religioso: Phil. 2,
 11. - ad Gloriam Dei Patris. Matth. XVIII, 19. Bapti-
 zantes eos in nomen Patris; -. Confer Matth. XI, 25, -.
 Joh. XVII, 1, -. Act. IV, 24 -.

IX. *Distinctio Patris à Filio & Spiritû Sancto est*
in Notionibus, seu Proprietatibus quibusdam chara-
cteristicis; quales sunt 1. *Aseitas personalis*: Pater
 prorsus non habet originem ab alio; sed per se sub-
 sistentiam suam & vitam habet in Se ipso: cum ipse Filio
 dederit vitam habere in Se ipso; Joh. v, 26. Ἀγέννητον
 Veteres dixerunt: Scholastici Innascibilitatem vocant;
 sed & Inspirabilitatem rectè addidissent.

2. *Generatio activa*; quæ est actus peculiaris primæ
 Personæ, per quem ipsa est principium secundæ.
 Unde illa Pater, secunda autem Filius dicitur. At-
 que adeò Filius verè est ὁμοούσιος ᾧ αὐτῷ θεός; ejus-
 dem numero Essentiæ, ac veræ Deitatis: Vide Hebr.
 1, 3. Joh. v, 26. Psal. 2, 7. cum Hebr. 1, 5, v, 5. Act.
 XII, 33.

3. *Spiratio activa cum Filio*; quæ est actus notiona-
 lis; per quem Pater cum Filio est principium tertiæ
 Personæ; quæ indè Spiritus Sanctus appellatur. Joh.
 xv, 26. Advocatus ille, quem Ego mittam vobis à Pa-
 tre: Spiritus ille veritatis, qui à Patre emanat.

4. *Primitas ordinis personalis in subsistendo*: Pater
 enim prior est Filio, & Spiritû Sancto; cum istarum
 Personarum principium sit.

5. *Primitus ordinis personalis in operando*, Pater enim operatur à se ; Filius à Patre ; & Spiritus Sanctus ab utroque. Vide Eph. 1. 11, 15. Joh. 1. 11, 16, 17. Gal. 4. 6. Joh. xv. 26. Hebr. I. 2. Psal. xxxi. 11, 6. 1 Cor. 2, 10.

X. *Queritur*, an Pater rectè dicatur fons & principium totius Deitatis ; *Resp.* Plures Theologi orthodoxi sic quidem loquuntur sano sensu ; attamen modus iste loquendi est *ακρόλογος*, non accuratus: Deitas enim est natura Divina, cujus absolutè nullum est principium, nullus fons. Præterea, si Pater esset principium totius Deitatis, suæ quoque Essentiæ principium foret : quod absurdum. Sed prima Persona est principium ejus, quod Persona secunda & tertia habeant eandem quoque veram Deitatem. Atque hoc benè tenendum contra *Vorslium* & *Episcopium*.

XI. *Filius* Hebr. 1, 3. dicitur *character personæ* Patris ; sed & ipse persona : competit enim ipsi existentia : Joh. vii. 58. 1 Tim. i. 16. vita ; Joh. v. 26. intellectus, voluntas, & variæ operationes ; quæ non possunt nisi personæ competere : Matth. xi, 27. „ Neque „ Patrem quisquam novit, nisi Filius, & cuicumque voluerit Filius retegere.

Obj. Prov. vii. Sapiencia appellatur : ergò. *Resp.* Sed ea hypostatica intelligenda est necessariò : idcirco dicitur *amare amatores suos, uncta ante sæculum, edita ante abyssos, &c.* vers. 17, 23, 24. 25.

XII. Probatur porro ejus vera Deitas, primo Nominibus Divinis : tum attributive, tum subjectivè. Joh. 1, 1. *Erat Sermo ille Deus.* cum 14. *Et Sermo ille factus est caro.* 1 Tim. i. 16. *Deus conspicuus factus est in carne.* Act. xx, 28. „ Ad pascendam Ecclesiam Dei, quam suo „ ille proprio sanguine acquisivit. Phil. II, 6. „ Cum esset in forma Dei, non duxit rapinam esse parem cum Deo. Imò etià additis illustribus epithetis, Jes. ix, 5. „ Puer natus est nobis, Filius datus est nobis : Vocabitur nomen ejus *Admirabilis, Consiliarius, Deus fortis.* Pat

miliaque opera soli vero Deo propria, innotescat vera Deitas; atque ita excitemur, ad eam cultû ipsi debito prosequendam. *Psal.* xix, 2, 3. *Ies.* xl, 26. *Rom.* i, 20. *Apoc.* iv, 11. *1 Petr.* iv, 19.

Obj. Alia etiam religiose colenda sunt, ob sanctitatem relativam, in ordine ad Deum: *Exod.* iiii, 5. xix, 12. *Gen.* xxviii, 16, 17. *Eccles.* v, 1. &c. Ergo. *Resp.* Non ipsis locis, quorum ibi fit mentio, reverentia erat præstanda: sed Deo speciali modo illic præfenti.

Idem dicendum de Tabernaculo, Arcâ Fœderis, Templo, &c.

LXXVI. Restat *Beatitudo*; æctus consummatissimus, quo Deus omnes perfectiones absolute conceptibiles, tum essentiae, tum vitæ, ejusque eminentissimæ, in se habet independenter, simplicissime, & infinite; atque hoc ipsum plenissime cognoscit, quàm maxime vult, eo fruitur perfectissime, cum acquiescentiâ. *1 Tim.* i, 11. *Euangelium Beati Dei.* vi, 15. *Beatus ille.*

Huc pertinet etiam appellatio *עֵלְיוֹן*, *Gen.* xvii, 1.

Ac descriptio *Psal.* xvi, 10. xxxvi, 10. *Fons vitæ.*

Nec non consideratio eorum, quæ *oculus non vidit, &c. quæ paravit Deus iis*, à quibus ipse diligitur; *1 Cor.* ii, 9. Istud enim est verissimum principium, ac fons omnis nostræ Beatitudinis. Confer *2 Cor.* xv, 28.

LXXVII. Ex dictis quædam colligimus pro *praxi*. 1. Quicquid entis menti nostræ occurrit præter Deum, hoc omne ad ipsum referamus, tanquam ad ens primum, & in ejus gloriam: *Ies.* xl, 26. *Rom.* xi, 36. *Act.* xvii, 25, - 28, *1 Cor.* x, 31.

2. Nomina Dei non-nisi sanctè & religiose usurpamus: *Exod.* xx, 7. *Ecccl.* v, 1. xii, 1. *Mal.* iv. 2.

3. Ex Dei Primitate nostram, & omnium aliorum ab ipso dependentiam, recte æstimemus: *Rom.* xi, 36. *Act.* xvii, 28.

4. Simplicitati nobis mandatæ, serio demus operam:

ram : 1 Cor. v, 7, 8. Hebr. xi, 1. 1 Petr. II, 1, 2.

5. In Dei Immutabilitate, constanter incorruptibilitatem & gloriam quæramus: Rom. II, 7.

6. Sic Deum invisibilem requiramus puro corde, ut ipsum fide videamus, ac tandem ipso fruamur : Jes. lv, 1, 2, 3, 6. Psal. xvi, 8, 11, 10. Matth. v, 8. Hebr. xi, 17.

7. Desideria nostra piè ad Infinitum illum, atque Æternum, excitemus, dirigamus; qui solus eâ æternum perfectissimè satiare potest : Psal. xli, 2, 3, xxii, 1, - xvi, 5, 8, 11. xxxvi, 8, - 11. 2 Cor. iv, 16, 17, 18. v. 1, -

8. Immensum, nobis semper præsentem, omnia etiã abstrusissima intinè cognoscentium, ex animo vereamur. Hebr. iv, 11, 13. Psal. cxxxix, 1, - 2 Chron. xxiv, 22. Joh. xxi, 23.

9. Extenuitatis nostræ circa Dei cognitionem conscientiam humiliemur profundissimè : 1 Cor. xiii, 11, 12. Gal. iv, 8, 9. 2 Petr. I, 19.

10. In Dei Sapientiã humiliter & piè quæramus sapientiam veram : Col. iii. 10. Jac. I, 5.

11. Sanctissimæ ipsius Voluntati nostram voluntatem subiciamus & conformemus: Matth. vi, 10. xxvi, 42. Act. xxi, 13, 14.

12. Ex Sanctitate, Amore, Gratiã, Misericordiã, Patientiã, &c. nostram ad eas virtutes analogicam conformationem discamus : Levit. xix, 2. Matth. xxi, 37. v, 44, 45. vi, 12. Gal. vi, 1. Jac. v, 19, 20.

13. Omnipotenti ejus manui nos quàm humillime submittamus; simulque impotentiam nostram agnoscetes, omnem adversus hostes nostros spirituales corroboracionem in ipso quæramus : 1 Petr. v, 6. 2 Cor. xii, 9. Joh. x. 28, 29. Rom. viii, 28.

14. Supremæ Potestati Omnipotentis Dei conscientias nostras omnino, & quidem soli, subiciamus : Rom. xiv, 9, - Jerem. x, 7. Apoc. xv. 4.

15. Ipsi gloriam suam deferamus sincerè ac promptè: *Psal.* ciii, 1, 2. *Luc.* I, 46, 47, 74, 75. *Matth.* vi, 9, 13. *Rom.* xi, 36. *1 Cor.* x, 31.

16. In Deo Beatissimo omnem nostram beatitudinem unicè quæramus: *Psal.* xxxiii, 12. lxxiii, 25, 26. *1 Joh.* I, 3, 4.


C A P I T V.

De Personis Divinis.

Existentia. *Perseitas*. *Suppositum*. 1. *Subsistentia*, *ὑπόστασις*, abstractè: concretè. *Persona*. 2. *Essentia* Divina quomodò prædicetur de *Personis*. *Tres Personæ* sunt in unâ *Essentia*. Et *Persona* istæ in se invicem. *Personæ* Divinae descriptio. *Terminus* *ἔγχεα*: & alii hic usitati. *Numerus*. 3. Probatur *Personarum pluralitas*. 4. *Trinitas*; ex V. T. collatis locis N. T. 5. Ex testimoniis N. T. 6. Probantur singula *Personæ*. *Pater*. Ejus *Personalitas*. 7. *Vera Deitas*. 8. *Distinctio à Filio*, & *Sp. S.* 9. An rectè dicatur, *Fons* & principium totius *Deitatis*? 10. *Filius*. Ejus *Personalitas*. 11. *Deitas*, probatur ex *Nominibus*. 12. *Operibus*. 14. *Cultû*. 15. *Proprietates distinctivæ*. 16. De voce *Spiritus*. *Spiritus Sancti Personalitas*. 17. *Deitas*, ex *Nominibus*. 18. *Attributis*. 19. *Operibus*. 20. *Cultû*. 21. *Distinctio à Patre & Filio*. 22. *Trium Personarum identitas essentialis*. *τὸ ὁμοῦσιον*. *Paritas* & *Similitudo*. *Filius* & *Spir.* S. etiâ *αὐτόθεος*. ἐπε-

Ἐκχώρησις. 23. Rejicitur *Atheismus*. *Arianismus*, *Socinianismus*. *Sabellianismus*. 24. Discrimen inter *Generationem*, & *Spirationem*. Illa non rectè explicatur per actum *Intellectûs*; & hæc per actum *Voluntatis*. 25. *Relationes reales*. *Processiones*. *Notiones*. *Proprietates personales*. *Actûs notionales*. *Potentia notionales*. *Relationes rationis*. *Origo Filii*, & *Spiritûs Sancti*. 26. Quomodo *Persona Divina* differat ab *Essentia*, 27. Quomodo *Persona* distinguantur à se invicem. 28. *Objectiones* solvuntur. 29. Dogma hoc *fundamentale* est, & ad salutem creditû *necessarium*. c. *Remonstr.* *Obj. solv.* 30. *Usûs præctici*. 31.

I. Equitur, ut *Essentiam Dei* consideremus relate in suis *Personis*.



Existencia in genere est *Actualitas Entis*: primò quidem *Substantiæ*; cui *Perseitas* competit: sed analogice etiam

Accidentis; cujus esse est *in esse*.

Interim *Substantiæ secundæ* existunt in *primis*; sicut & aliæ partes in suo toto. Quæ autem incommunicabiliter, complete, & ultimate per se existunt, strictiore sensû *subsistere* dicuntur; & absolute *supposita* vocantur, Græcis ὑποστάμενα. Animam verò separatam, aliamve partem seorsùm existentem, *Suppositum partiale* dicimus.

II. *Subsistentia*, Græce ὑπόστασις aliàs rem quamlibet sub aliâ stantem, & eam quodammodo sustentantem, notat: sed specialius interdum *abstractè* usurpatur, ut designet modum entitativum, quo natura substantialis ultimo, complete, & incommunicabiliter ter-

minatur in existendo : qui modus etiã *suppositalitas* appellatur ; sed specialissime in intellectualibus *personalitas*. Concretè autem significat naturam substantialem tali modo subsistendi terminatam.

Suppositum intellectuale *persona* appellatur ; Græce *πρόσωπον* : quæ nonnullis à *personando* dicta videtur : sed verba valent usũ. Interim non displicet allusio , quasi *per se una* ; aut *per se sola*. Describitur plenius , *Substantia prima, intelligens, incommunicabilis, non pars alterius, nec ab alio sustentata*.

III. *Essentia Dei unica est*. Vide sup. cap. 4. th. 19. sed *communis* tribus Personis, ut & *Attributa* ejus.

Consequenter *Essentia non prædicatur* de Personis , ut *Species* de suis Individuis : una enim eademque *Essentia singularissima*, existit in tribus Personis concrete.

Recte etiam dicimus , *tres Personas esse in unâ istâ Essentiâ* ; quatenus in cõmunionem ejusdem numero *Essentiæ* conveniunt. Imò etiam , *Personas istas esse in se invicem* ; quatenus communis *Essentia* in singulis Personis existit. Vide Joh. x, 38. xiv, 11. xvii, 21.

Persona Divina est ipsa *Essentia Divina* peculiari modo subsistendi à coessentialibus distincta.

Estque terminus ille *ἐγγραφον*. Hebr. 1, 3. de Filio ; *Character personæ* (τῆς ὑποστάσεως) illius ; scilicet Patris. Confer 1 Joh. v, 7. „ *Tres sunt, qui testificantur in Cœlo, pater, Sermo & Spiritus Sanctus*. Unicæ istius *Essentiæ* Tres sunt *Personæ* testificantes. Undè *Triada*, vel *Trinitatem* rectè appellamus ; non *Triplicitatem*.

Numerus autem ille est tantum *Denominatio Personarum* plurium verè distinctarum.

Aliæ voces in hoc mysterio etiam usurpari solitæ , utpotè, *πρόσωπον ὑπαρξέως, ὁμοῶς, ἐμπεριχω-*

genis, &c. secundum rem Scripturariæ sunt: quod observandum contra *Antitrinitarios*; & *Pontificios*, ad Traditiones non scriptas hîc confugientes.

IV. In Mysterio hoc probamus primò pluralitatem personarum, per testimonia sacra V. T. Gen. 1, 1, 2. „in principio creavit Deus (יְהוָה אֱלֹהִים) cœlum & „terram. — & Spiritus Dei incubat superfici ei aquarum. Et vers. 26, 27. „Postea dixit Deus Faciamus hominem ad imaginem nostram. 111, 22. Dixit Jehovah Deus. Ecce homo, estne sicut unus ex nobis? xi, 7. „Agedum descendamus, & confundamus ibi sermonem eorum. xix, 24. „Jehovah demisit, pluviam sulphuris, & ignis, à Iehova Psal. xlv: 8, „Unxit Te, ô „Deus, Deus Tuus, oleo gaudii præ confortibus Tuis. Confer Hebr. 1. 8, 9, Iterum Psal. cx. 1, „Dixit Jehovah Domino meo; Sede ad dexteram meam, cum Matth. xxii, 42, 43. 44. Item Prov. xxx, 4. „Quod est nomen Hujus, & quod nomen Filii ipsius? Jes. xlviii, „16. „Nunc enim Dominus Iehovi mittit Me, & Spiritus „ejus. His adde Dan. ix, 17. cum Psal. lxxx, 15, 16. & Hof. 1. 7.

V. Secundò adstruimus nominatim Trinitatem, & quidem hâc vice ex locis quibusdam V. T. collatis potissimum cum locis N. T. utpotè Psal. xxxiii, 6. „Verbo Jehovah cœli facti sunt: & Spiritu oris ejus, totus exercitus eorum, cum Joh. 1, 1: 3, 10. „In principio erat Sermo ille, & Sermo ille erat apud Deum, „eratque ille Sermo Deus. — Omnia per Hunc facta sunt; „& absque Eo factum est nihil quod factum sit. — Et mundus per Eum factus est: sed mundus Eum non agnovit. „Nec non Hebr. I, 10. Ad Filium: Et Tu in initio „Dominus, terram fundasti; & opéra manuum Tuarum „sunt cœli. Ies vi, 1, 3, 8, 9. „Tum vidi Iehovam insidentem folio celso. De Seraphim autem. Inclamans alter ad alterum dicebat; Sanctus, Sanctus, Sanctus est „Jehovah Tzebaoth. — Deindè audiivi vocem Domi-

„*ni, dicentis : Quem missurus sum , & quis iturus est*
 „*nobis? Cui dixi ; En ego : mitte me , Tum dixit :*
 „*ut dicās populo isti : Audite indefinenter , at ne intel-*
 „*ligatis , &c. cum Ioh. xii, 36. - 41. Hæc locutus est*
 „*Iesus : - Propterea non poterant credere , quia iterum*
 „*dixit Esaias ; Excæcavit oculos eorum , &c. Hæc dixit*
 „*Esaias , quando vidit gloriam Ejus , & locutus est de*
 „*eo. Nec non Act. xxviii, 25, 26. Benè sanè Spiri-*
 „*tus Sanctus locutus est per Esaiam Prophetam patribus*
 „*nostris, dicens ; Vade ad populum istum , & dic ; Au-*
 „*diētis , & non intelligētis , Ità scil. τῆς ἀγίας illud ad*
 „*tres Personas pertinet. Confer trinam Jehovah men-*
 „*tionem in solenni benedictione ; Num. vi, 24, 25, 26.*
 „*Iterum Ies. lxi, 1. Spiritus Domini Iehova est super Me,*
 „*ad Evangelizandum mansuetis , &c. cum Luc. iv,*
 „*17, - 22. Tunc datus est Ei (Christo) liber Esaiæ*
 „*Prophetæ : cumque explicuisset librum , invenit lo-*
 „*cum, in quo scriptum erat, Spiritus Domini super Me,*
 „*propterea quod unxit me, &c. Cœpit autem eis dice-*
 „*re ; Certè hodiè impleta est hæc Scriptura audientibus*
 „*vobis &c. Ergo Filius Christus loquebatur de Jeho-*
 „*vâ Patre, & Spiritû Ejus.*

Similiter *Jes. lxi, 7, - 11. „Benignitates Jehovah*
 „*commemorabo : Nam dixit : Utique populus Meus*
 „*sunt : - Angelus faciei ejus servavit eos : - Nam ipsis*
 „*rebellantibus , & dolore afficientibus Spiritum san-*
 „*ctitatis ejus , &c. Confer etiam 2 Sam. xxiii, 2.*
Hag. 2, 5, 6.

VI. Tertiò, clariora interim sunt testimonia N. T.
 utpotè *Matth. iii, 16, 17. „Baptizatus Iesus - vidit*
 „*Spiritum Dei descendentem quasi columbam ; - &*
 „*ecce, vox adfuit è cælo - Hic est Filius ille Meus , &c.*
xxviii, 19. - „Baptizantes eos in nomen Patris, & Fi-
 „*lii, & Spiritus Sancti. 2 Cor. xiii, 13. „Gratia Domini*
 „*Iesu Christi, charitas Dei , & communicatio Spiritus*
 „*Sancti*

„*Sancti* sit cum omnibus vobis. 1 Joh. v, 17. Tres sunt qui
 „*testificantur* in cælo; *Pater*, *Sermo*, & *Spiritus Sanctus*.
 His adde Joh, xiv, 16, 17. xv. 26. Luc. i. 35. Rom. i.
 1b - 4. viii, 11, Gal. iv, 4, 6.

VII. *Quartò* denique consideranda veniunt illa S S.
 Literarum testimonia, quæ singulas Personas Divinas,
 Patrem, Filium, & Spiritum Sanctum diserte tra-
 dunt, & distinctam earum personalitatem, ac veram
 Deitatem planè adstruunt.

Patrem hîc appellamus respectû Filii æterni, &
 ἐμὸς οὐκ ἔστιν υἱός: Hebr. 1, 5. cum Psal. II, 7. & 2 Sam. vii, 14.
 Nam cui dixit unquàm *Angelorum*; *Filius Meus* es Tu:
 „Ego hodiè genui Te; Ac rursùm; Ego ero Ei Pa-
 ter, & Ipse erit Mihi Filius.

Quantum ad ipsius *Personalitatem*: expresse Hebr.
 1, 3. De Filio; quòd sit *character Personæ illius*: scil. Pa-
 tris. Ipsi etiam competit vita, intellectus, voluntas,
 dominium, gloria, operationes, paternitas: Joh. v, 26.
Pater habet vitam in Seipso. 17. *Pater Meus* usque ad-
 hûc operatur. Matth. xi, 25, 26, 27. „*Gloriam Tibi*
 „*tribuo Pater, Domine cæli & terræ*; quod hæc occul-
 „*taveris à sapientibus & intelligentibus*; & *revelaveris ea*
 „*infantibus*. Etiam *Pater*, quia ita placuit Tibi. Omnia
 „*Mihi tradita sunt à Patre Meo*; & nemo novit Filium,
 „*nisi Pater*, &c. Vide etiam Joh. xvii, 1.

VIII. *Deitas* autem ejus evincitur, 1. *Nomini-*
bus Divinis: Joh. i, 1, 16. Ità *Deus* dilexit mundum,
 ut *Filium suum unigenitum miserit*, &c. Adde vii, 1,
 54. xvii, 1, 3.

2. *Attributis*: Apoc. 1, 4. de Patre; ὁ ὢν, ὁ ἦν
 καὶ ὁ ἐρχόμενος &c.: undè satis patet *Æternitas* & *Im-*
mutabilitas. Joh. v, 26. *Habet vitam in Seipso*. Quæ
 est *Independentia*, Matth. xi, 25. *Pater, Domine cæli*
 & *terræ*. Quod est *Dominium* verè supremum.

3. *Operibus Divinis*: Act. iv, 24, - 27. *Domine*,
 Tu

*Tu es ille Deus, qui fecisti cælum & terram, mare & omnia
 quæ in iis sunt. - Congregati sunt in hac civitate verè
 adversus sanctum Filium Tuum Jesum, quem unxisti,
 Herodes, &c. Ut facerent quæcunque manus Tua
 & consilium Tuum priùs prædestinavit ut fierent. Nunc
 igitur, Domine, dispice in minas eorum; & da Servis
 Tuis, ut cum omni libertate loquantur sermonem Tuum,
 Manu Tuâ à Te extensâ ad sanandum, signisque & pro-
 digiis editis per nomen sancti Filii tui Jesu.*

4. Denique ex Cultû & Honore religioso: *Phil. 2,
 11. - ad Gloriam Dei Patris. Matth. xvii, 19. Bapti-
 zantes eos in nomen Patris; - Confer Matth. xi, 25, -.
 Joh. xvii, 1, -. Act. iv, 24 -.*

IX. *Distinctio Patris à Filio & Spiritû Sancto est
 in Notionibus, seu Proprietatibus quibusdam chara-
 cteristicis; quales sunt 1. Aseitas personalis: Pater
 prorsus non habet originem ab alio; sed per se sub-
 sistentiam suam & vitam habet in Se ipso: cum ipse Filio
 dederit vitam habere in Se ipso; Joh. v, 26. ἈΥΕΝΗΤΟΝ
 Veteres dixerunt: Scholastici Innascibilitatem vocant;
 sed & Inspirabilitatem rectè addidissent.*

2. *Generatio activa; quæ est actus peculiaris primæ
 Personæ, per quem ipsa est principium secundæ.
 Unde illa Pater, secunda autem Filius dicitur. At-
 que adeò Filius verè est ὁμοούσιος ᾧ αὐτόθεος; ejus-
 dem numero Essentiæ, ac veræ Deitatis: Vide Hebr.
 1, 3. Joh. v, 26. Psal. 2, 7. cum Hebr. 1, 5, v, 5. Act.
 xii, 33.*

3. *Spiratio activa cum Filio; quæ est actus notiona-
 lis, per quem Pater cum Filio est principium tertiæ
 Personæ; quæ indè Spiritus Sanctus appellatur. Joh.
 xv, 26. Advocatus ille, quem Ego mittam vobis à Pa-
 tre: Spiritus ille veritatis, qui à Patre emanat.*

4. *Primitas ordinis personalis in subsistendo: Pater
 enim prior est Filio, & Spiritû Sancto; cum istarum
 Personarum principium sit.*

5. *Primitus ordinis personalis in operando*, Pater enim operatur à se ; Filius à Patre ; & Spiritus Sanctus ab utroque. Vide Eph. 111, 15. Joh. 111, 16, 17. Gal. 1v, 6. Joh. xv, 26. Hebr. I, 2. Psal. xxxiii, 6. 1 Cor. 2, 10.

X. *Queritur*, an Pater rectè dicatur fons & principium totius Deitatis ; Resp. Plures Theologi orthodoxi sic quidem loquuntur sano sensu ; attamen modus iste loquendi est *ακυρόλογος*, non accuratus : Deitas enim est natura Divina, cujus absolutè nullum est principium, nullus fons. Præterea, si Pater esset principium totius Deitatis, suæ quoque Essentiæ principium foret : quod absurdum. Sed prima Persona est principium ejus, quod Persona secunda & tertia habeant eandem quoque veram Deitatem. Atque hoc benè tenendum contra *Vorstium* & *Episcopium*.

XI. *Filius* Hebr. 1, 3. dicitur *character personæ* Patris ; sed & ipse persona : competit enim ipsi existentia : Joh. viii, 58. 1 Tim. 111, 16. vita ; Joh. v, 26. intellectus, voluntas, & variæ operationes ; quæ non possunt nisi personæ competere : Matth. xi, 27. „Neque „Patrem quisquam novit, nisi Filius, & cuicunque vo- „luerit Filius reterege.

Obj. Prov. vii r. *Sapientia* appellatur : ergò. Resp. Sed ea hypostatica intelligenda est necessario : idcirco dicitur *amare amatores suos, uncta ante sæculum, edita ante abyssos, &c.* vers. 17, 23, 24. 25.

XII. Probatur porro ejus vera Deitas, primo Nominibus Divinis : tum attributive, tum subjectivè. Joh. 1, 1. *Erat Sermo ille Deus.* cum 14. *Et Sermo ille factus est caro.* 1 Tim. 111. 16. *Deus conspicuus factus est in carne.* Act. xx, 28. „Ad pascendam Ecclesiam Dei, quam suo „ille proprio sanguine acquisivit. Phil. II, 6. „Cum esset in forma Dei, non duxit rapinam esse parem cum Deo. Imò etià additis illustribus epithetis, Jes. ix, 5. „Puer natus est nobis, Filius datus est nobis : Vocabitur nomen ejus *Admirabilis, Consiliarius, Deus fortis.*

— Pat er

Pater æternitatis, Rom. ix. 5. - *supra omnes Deus benedictus in sæcula*. Tit. ii, 13. „*Expectantes adventum gloriæ magni illius Dei, ac Servatoris nostri Jesu Christi*. i Joh. v, 20. „*Et sumus in Vero illo (id est) in ejus Filio Jesu Christo. Hic est verus ille Deus, & vita illa æterna.*

Iterum Hebr. i, 4, 8, 9, 10. ex psal. xlv, 7. & cii, 26. „*Ad Filium autem: Thronus Tuus, Deus, in sæculum sæculi: - Unxit Te, ô Deus, Deus Tuus, &c.* „*Et, Tu in initio, Domine, terram fundasti, &c.* Psal. cx, 1. cum Matth. xxiii, 43. 44. Hebr. i, 13. „*Dixit Jehovah Domino meo. Sede ad dextram meam.* i Cor. 2, 8. *Dominus gloriæ.* Apoc. xix, 16. *Dominus dominantium.* Joh. xx. 28. *Domine, & Deus mi!* Quin & ipso nomine *Jehovah*: Jerem. xxiii, 5, 6. „*Excitabo Davidi Germen justum: atque hoc nomen ejus - Jehovah justitia nostra.* Num. xiv, 22, xxi. 5. 6. cum i Cor. x. 9. item Ies. vi, 1. 5. cum Ioh. xii, 40, 41.

XIII. *Secundo*, *Attributis*, utpotè 1. *Essentiali independentia*: Apoc. i, 8. xxiii. 13. *ipse Christus: Ego sum A & Ω, principium & finis, primum & ultimum.* Ies. ix. 6. *Pater æternitatis.*

2. *Infinità perfectione*: Col. i, 9. *Omnis plenitudo Deitatis habitat in ipso corporaliter.* Adde Phil. ii, 6. Ioh. xvii, 5.

3. *Æternitate*: Mich. v. i. - *Cujus exortus est indè à principio, à diebus sæculi.* Prov. viii, 22, - 30. *Jehovah possidebat me principio viæ suæ; ante opera sua, ante ullum tempus. Ante sæculum inuncta fui; ante principium, ante primordia terræ. Cum nullæ essent abyssi, edita eram: &c.* Ioh. i, 1, 2, 3. „*In principio erat Sermo ille. & Sermo ille erat apud Deum, &c.* Confer viii, 58, & xvii, 5. Item Col. i, 15, 17. Hebr. i, 10, 11, 12. i. Ioh. i. 1. Apoc. i. 8. & alibi.

4. *Omnipræsentia*: Matth. xviii, 20. *Ubi enim sunt duo, vel tres congregati in nomine Meo, illic sum in medio illorum.* xxviii, 20, *Ego sum vobiscum omnibus diebus usque*

que ad consummationem sæculi. Vide etiã Joh. 111, 13.

5. Omnipotentiã: *Apoc.* 1, 8. *Ille omnipotens.* Adde *Phil.* 111, 21. *Hebr.* 1, 3.

6. Omniscientiã: *Joh.* 221. 17. *Domine, Tu omnia nosti.* Adde 2, 24, 25. *Apoc.* 2. 23.

Obj. Tribuitur illi profectus; *Luc.* 2, 52. & rerum quarundam ignorantia, *Marc.* 1311, 32. *Resp.* Secundum humanam naturam, & intellectum ejus finitum.

XIV. *Tertio*, Operibus Divinis: de quibus generatim; *Joh.* 5. 17. 19, *Pater Meus usque adhuc operatur; & Ego operor.* - *Quæcunque enim ille facit, hæc etiam Filius pariter facit.* Consequenter XIV, 11. *propter opera credite Mihi.*

Speciatim huc pertinet 1. Creatio: *Joh.* 1. 3. *Omnia per Hunc (Sermonem) facta sunt*, -- 10. *Et mundus per Eum factus est.* Adde *Col.* 1. 16. *Hebr.* 1, 2, 10. *Psal.* 33111, 6.

2. Providentia ordinaria: *Col.* 1, 17. - *Omnia per Eum consistunt.* *Hebr.* 1, 3. *Sustinet omnia verbo illo suo potente.*

3. Miracula: ac nominatim Suscitatio mortuorum: *Joh.* 5. 21. *Sicut enim Pater suscitavit mortuos & vivificat, ita & Filius quos vult vivificat.* Illustre est exemplum suscitati Lazari: *Joh.* 11, 43, 44. ac potissimum, humanitatis suæ propriæ: *Joh.* 2, 19. 21, 17, 18. Per ipsum quoque fiet Suscitatio generalis novissimo die: *Joh.* 6, 40. *Phil.* 111, 20. 21. & judicium extremum, *Joh.* 5, 22. 27, 28, 29.

Unde etiã Apostoli in ipsius nomine ac virtute Miracula fecerunt, *Marc.* 16, 17; 20. *Act.* 111, 6.

4. Singularia in Ecclesiam beneficia; utpotè Prophetiarum inspiratio per Spiritum suum: 1 *Petr.* 1, 11. 111, 19.

Spiritus Sancti missio: *Joh.* 16, 7.

Sacramentorum institutio; *Matth.* 23111, 18, 19, 1 *Cor.* 11, 23.

Spiri-

Spiritualis vivificatio : Eph. 11, 10. Ioh. vi, 35, 47. xv, 5.

Peccatorum remissio ex propriâ auctoritate: Matth. 18, 6.

Gratiæ ac pacis donatio : Rom. 1, 7.

XV. *Quartò* denique Cultû Divino : unde generatim, Ioh. v. 23. *Ut omnes honorent Filium, prout honorant Patrem.*

Speciatim 1. de Adoratione : Hebr. 1. 6 - *Adorent Eum omnes Angeli Dei.* Phil. 11. 10, 11. 1 Cor. 1, 2. Rom. XIV. 10. 11.

2. De Fide, Spe, & Fiduciâ : Ioh. XIV, 1. *Creditis in Deum, etiam in Me credite.* Rom. xv. 12. - *Erit radix Iesse : In ipso gentes sperabunt.* 1 Cor. xv. 19. Psal. 2, 12.

3. De Baptismo in ipsius nomen : Matth. xxviii, 19. ac similiter de S. Cœnâ in ipsius commemorationem : 1 Cor. xi, 24. 25. *qui princeps salutis nostræ.* Hebr. 2. 10. cum Act. iv. 12.

XVI. Proprietates distinctivæ secundæ Personæ sunt, 1. *Generatio passiva* à Patre : Generaliori termino exortus, vel egressus ; Mich. v, 1. Specialiori autem *Generatio.* Vide sup. th. 9. §. 2. Unde prima Personâ, Πατὴρ ἰδιος ; Ioh. v, 18. secunda autem, υἱὸς ἰδίου ; Rom. v 11, 32. πρῶτότοκος Hebr. 1, 6. Col. 1, 15. & μονογενὴς ; Ioh. 1, 14. 18. III, 16. 1, 14, 9. Quæ Generatio non est physica ; sed hyperphysica, & spiritualis : undè appellatio λόγος, ἐν ἀρχῇ τῆς καὶ πατρὸς ; Ioh. 1, 1, 14. 1 Ioh. 1, 1, v, 7. & Sapientiæ atque Intelligentiæ ; Prov. viii, 1. &c. Hinc Forma Dei, & Paritas cum Deo Patre ; Phil. II, 5. Ioh. v, 18. Imago & Character Personæ illius ; 2 Cor. iv, 4. Col. 1, 15. Hebr. i. 3. quin & Unitas cum Patre ; Ioh. x, 30.

2. *Spiratio activa cum Patre* ; quâ Filius cum Patre est principium tertiæ Personæ, Spiritus Sancti. Hinc Spiritus Filii dicitur Gal. iv, 6. Spiritus Christi ; Rom.

VIII, 9. Filius enim mittit eum à Patre, *Joh.* XV, 26. ita ut accipiat de eo, quod est Filius: XVI, 14.

3. Secundus modus & ordo subsistendi: Filius enim ordine personali posterior est Patre, & prior Spiritu Sancto.

4. Secundus modus & ordo operandi: Filius enim operatur à Patre per Spiritum Sanctum: *Ioh.* XVI, 28. 13, 14. 15. XV, 26.

Consequenter Filius Mediator noster factus, & sic à Patre missus, humanitatem assumptam suâ personalitate terminat in existendo: *Joh.* III, 16. 2 *Cor.* V, 18. 19, 21. 1 *Tim.* II, 5. in eâ unctus est Spiritu Sancto: *Ies.* LXI, 1. *Psal.* XLV, 8. *Hebr.* 1. 9. & Sacerdos per ipsum sese obtulit inculpatum Deo: *Hebr.* IX, 14. per eundem à mortuis suscitatus est; *Rom.* I, 4. 1 *Pet.* III, 18. & nobis salutem impetratam applicat: *Ioh.* XVI, 8. VI, 63. III, 5, 6, 8. VII, 38, 39. 1 *Cor.* II, 10, XII, 3. - II, 2, III, 6, XIII, 13. *Rom.* VIII, 1, 2, 4, 9, 11, 13, 16. 26, 27.

XVII. Pergimus ad tertiam personam. Voces *πνεῦμα*, *Spiritus*, propriè flatum aut ventum significant: *Exod.* XV, 10. *Psal.* CXLVII, 18. *Am.* IV, 13. Metaphoricè substantiam invisibilem valdè efficacem. Sic usurpantur de materiali animâ bestiae; *Eccl.* III, 21. de immateriali hominis; *Num.* XVI, 22, *Hebr.* XII, 9. *Eccl.* XII, 7. *Luc.* XXII, 46. *Act.* VII, 59. de Angelis: *Hebr.* 1, 7. 14. *Matth.* VIII, 16. X, 1. quin & de ipso Deo *θεὸς πνεῦμα*; *Joh.* IV, 24. & de tertiâ personâ *ὁ πνευματικός*; *Matth.* XXVII, 19. 1 *Ioh.* V, 7. Metonymicè tamē de ejus effectis ac donis; *Psal.* LI, 12. *Ezech.* XXXV, 26. 27. *Gal.* V, 17. *Exod.* XXXI, 3. *Ioh.* VII, 39. *Act.* XIX, 1.

Ejus Personalitas patet, quod apparuerit aliquando visibili præsentiæ suæ extraordinariæ symbolo exhibito: ut *Matth.* I II, 16. *Act.* 2, 3. 4. Quod Philippum rapuerit, & aliò transtulerit; *Act.* VIII, 39, 40. Quod intelli-

„Nisi Spiritus Dei. Joh. XVI. 13. Spiritus ille veritatis, dux viæ vobis erit in omnem veritatem. Omnem ergo veritatem intimè novit iste Doctor.

4. Suprema potestas, ac potentia: 1 Cor. XII, 4, 6, 11. *Idem Spiritus. -- Idem est Deus, agens ea omnia in omnibus. -- Omnia hæc agit unus ille & idem Spiritus; distribuens privatim illa singulis, sicut vult,*

XX. Tercio, Operibus Divinis: cujusmodi sunt, 1. Creatio, & conservatio: Gen. 1, 2. *Spiritus Dei incubabat superfici ei aquarum. Psal. XXXIII, 6. Spiritus oris Jehovæ totus exercitus cælorum factus est. Adde Psal. CII, 30. Job. XXVI, 13. XXXIII, 4.*

2. Miraculorum patratio; atque ipsa Mortuorum resuscitatio. 1 Cor. XII, 9, 10. *Alii verò donum sanationum datur per eundem Spiritum; alii verò operatio virtutum, alii vero genera linguarum; alii verò interpretatio linguarum. Rom. VIII, 11. Sed si Spiritus ejus, qui suscitavit Iesum ex mortuis, habitat in vobis; is qui excitavit Christum ex mortuis, vivificabit etià mortalia corpora vestra, per inhabitantem ipsius Spiritum in vobis.*

3. Unctio capitis Christi; Ies. LXI, 1. ac porro Prophetarum & Apostolorum in omnem veritatem deductio; variorumque charismatum distributio: 1 Petr. I, 10, 11, 12. II, 1, 21. 2 Sam. XXIII, 2. Joh. XVI, 13. Act. II, 4, 1 Cor. XII, 4, - 11.

4. Regeneratio, sanctificatio, corroboratio, & obsecratio Christianorum: Joh. III, 5, 6. *„Nisi quis fuerit genitus ex aquâ & Spiritu, non potest introire in regnum Dei. Quod genitum est ex Spiritu, spiritus est. 2 Cor. III, 6. Spiritus vivificat. 1 Cor. VI, 11. XII, 3, 8, 9. Ezech. XXXVI, 27. Eph. III, 16. 2 Cor. IV, 13. Rom. XV, 13. 2 Tim. I, 7. Rom. XIV, 17. Eph. IV, 30.*

XXI. Quarto, Cultû religioso; qui Spiritui Sancto fatis manifestè in SS. Literis attribuitur, contrâ quàm existimant Remonstrantes: nam 1. fideles Tempia Spi-
ritus

ritus Sancti sunt : 1 Cor. 111, 16, 17. VI, 19. Ergo ad religiosum ejus cultum dicati. Et Seraphicum illud *ἁγίου*, Ies. VI, 3. ad Spiritum Sanctum quoque pertinet : Act. XXVIII, 25.

2. In ipsius nomen Baptizamur : Matth. XXVIII, 19.

3. Preces & vota ad ipsum diriguntur : 2 Cor. XIII, 13. Gratia Domini Jesu Christi, & charitas Dei, & communicatio Sp. Sancti sit cum omnibus vobis. Quoniam scilicet hic verè est communicator ac distributor bonorum spiritualium : 1 Cor. XI, 7. Item Apoc. 1, 4, 5. Gratia sit vobis - à Septem Spiritibus. Ubi Septem Spiritus dicuntur, non multiplicando subsistentias, sed respectu donorum. Unde vetus Ecclesia: Tu septiformis munere. Confer Apoc. IV, 5. V, 6. III, 1. cum Act. 11, 3. Ies. XI, 2. & 1 Cor. XII, 4.

4. Ipsi religiosè auscultandum & obtemperandum est : Psal. XCV, 7. Hodie si vocem Ejus audiveritis, &c, cum Hebr. III, 7, 8. & Ies. LXIII, 10. Eph IV, 30. Matth. XII, 31, 32.

XXII. *Distinctio* ejus à Patre & Filio proponitur distinctâ recensione in institutione Baptismi, Matth. XXVIII, 19. cum Matth. III, 16, 17. atque insuper disertâ trium appellatione, 1 Job. V, 7. Quin expressè alius dicitur, Job. XIV, 16, 17. non tamen aliud.

Proprietatis autem characteristicæ Spiritûs Sancti sunt, 1. *Spiratio passiva*, vel *Emanatio* a Patre & Filio. Hinc Spiritus S. & Spiritus Dei passim appellatur: Imò etiam Spiritus oris Jehovæ: Psal. XXXIII, 6. & Afflatus Omnipotentis: Job. XXXIII, 4. Confer symbolum, quod Christus Discipulos suos afflaverit, &c. Job, XX, 22. Porro autem Pater Eum dare dicitur, & mittere in nomine Filii; Job. XIV, 26. & per Filium; Tit. III, 6.

Sed & Filius ipsum mittere dicitur à Patre: Job. XV, 26. & absolute mittere; Job. XVI, 7. ita ut Spiritus accipiat de eo quod est Filii; vers. 15. Idcirco Spiritus Filii appel-

appellatur; Gal. IV. 6. & Spiritus Christi; Rom. VIII, 9. 1 Petr. I. 11. Non ergo solum à Patre per Filium procedit; quod Græci contra Latinos contendebant.

2. Tercius modus & ordo subsistendi: à Patre enim & Filio procedens, subsistit.

3. Consequenter tertius modus & ordo operandi: operatur enim à Patre & Filio; & modus operandi sequitur modum subsistendi.

XXIII. Ex iis, quæ modo explicata & probata sunt, evidentissimè apparet;

1. Trium Personarum, quod ad Essentiam, Identitas; ita quidem ut unica & eadem numero Essentia Divina, sit trium Personarum communis: adeoque Filius, quemadmodum & Spiritus Sanctus, sit Patri ὁμοῖσι, coessentialis: propter Essentiæ identitatem: non verò tantum ὁμοῖσι, similis essentiæ; numero interim diversæ; quod olim volebant Ariani: Vide breviter Joh. X, 30. XVII, 11, 22. 1 Cor. XII. 4, 5. 6. 1 Joh. V, 7.

2. Æqualitas, seu paritas, & similitudo Personarum, inter se, respectu attributorum ac perfectionum essentialium. Joh. V, 18, 19, 21. 23. 26. Phil. I, 6. Quæ quidem Relationes formaliter rationis sunt: sed fundamentaliter ipsa Convenientia maxime realis est; utpote essentialiter identica: Propterea Filium & Spiritum Sanctum recte dicimus ὁὐτόθεον, propter essentialem independentiam; frustra obniterentibus quibusdam Pontificiis; & Remonstrantibus.

3. Intima istarum Personarum ἐμμεχώρασις, mutua inexistentiā, & circumcessio: Joh. I, I. 18. XIV, 9: 10, 11. XV 11, 5. 10. 21.

XXIV. Fugiendus igitur 1. Tritheismus Peratarum, Philoponi; Valentini Gentilis, &c. Tres Spiritus æternos, numero distinctos, asserentium:

2. Hæreses Ariana, Samosatreniana, Photiniana, Macedoniana, &c. Statuentes, Spiritum Sanctum esse accidentalem virtutem Dei, vel effectum aliquem in nobis;

bis, aut spiritum quem creatum; Filium verò non extitisse ante nativitatem ex Maria Virgine; & sic esse Ψ . $\lambda\epsilon\nu$ $\alpha\nu\theta\epsilon\omega\pi\alpha\nu$ naturâ; qui olim erat *Photinianismus*, cui nunc consentit *Socinianismus*: vel Filium quidem extitisse ante nativitatem illam, imò ante mundum conditum: non tamen ab æterno; nec esse Patri coëssentialem; qui erat *Arianismus*. Sed & *Valent. Gentilis* Patrem *Essentiatorem*; Filium verò & Spiritum Sanctum *Essentiatos* dicebat. Valde similia habent *Conr. Vorstius*, *Sim. Episcopus*, &c.

3. *Sabellianismus*, unicam statuens ut essentiam, sic quoque Personam Divinam effectibus solum, & consequenter nominibus, distinctam. Hanc hæresin etiâ olim tenuisse commemorantur *Praxeas*, *Hermogenes*, *Noëtiani*, *Patipassiani*, &c.

XXV. *Quæritur*. 1. Quid discriminis sit inter Generationem & Spirationem? *Resp.* 1. Intercedit verum discrimen, & distinctarum personarum principiativum.

2. Generatio activa competit soli Patri; Spiratio verò activa Patri & Filio.

3. Generatio non est postrema determinatio personalis in Divinis; Spiratio autem postrema est.

Scholastici dicunt, Generationem esse actum intellectûs, Spirationem verò actum voluntatis. Patrem scilicet intelligendo seipsum, produxisse vitalem sui imaginem Filium; ac porro Patrem & Filium amando suam Essentiam, produxisse vitalem propensionem, seu inclinationem, Spiritum Sanctum. Verum 1. Conceptûs illi non sunt Scripturarii. 2. Intellectus & Voluntas, eorumque actûs, sunt tribus Personis communes; non itaque principia distinctiva Personarum.

3. Filius etiâ cognoscit se, & Patrem; atque item Spiritus Sanctus cognoscit se, & Patrem & Filium; quin & Pater cognoscit Filium, & Spiritum Sanctum. Similiter pater amat Spiritum Sanctum; atque

atque item Spiritus Sanctus amat Patrem, & Filium, & Seipsum, &c. Sic illi conceptus difficultatem huius mysterii non tollunt sed augent; & plures processiones illaturi videntur; quapropter eos Auctoribus suis relinquimus.

XXVI. *Iidem* asserunt, Personas Divinas constitui per *Relationes*, quas ideo *reales* vocant: duas recensent *Processiones*; unam per *Generationem*, alteram per *Spirationem*: & quinque *Notiones*, tanquam notas, quibus cognoscitur, unam Personam distinguere ab aliâ quod ad originem; Innascibilitatem, Paternitatem, Filiationem, *Spirationem* activam, & *Processionem* per *Spirationem*; in quibus quatuor posteriores *Relationes reales* dicunt. Amplius verò Innascibilitatem, Paternitatem, Filiationem, & *Processionem* appellant *Proprietates*; quia distinctè singulis Personis conveniunt; cùm *Spiratio* activa Patri & Filio communis sit. Sed à *Proprietatibus personalibus*, quæ Personas, ut ipsi loquuntur, constituunt in esse personæ, remonent quoque Innascibilitatem: quod tantum sit negatio relationis ad personam aliquam ordine prior. Duos etiâ nuncupant *Actus notionales*, *Generationem* & *Spirationem*: quibus respondent totidem *Potentia notionales*, *Generativa* & *Spirativa*: tres denique *Relationes rationis*, *Identitatem*, *Æqualitatem*, & *similitudinem*: quamvis nec omnia ista apud illos extra controversiam posita sint. Sed quoniam in tantis mysteriis etiâ vera & certa dicere periculosum est; nos iis contenti sumus, quæ modò evidenter ex SS. *Literis* deducta sunt. Quantum verò ad originem Filii & Spiritus Sancti attinet, secundum superiora breviter dicimus, primam Personam, eo ipso quod talis est, à se habere subsistentiam suam: eamque ab æterno hoc egisse, ut eadem numero *Essentia* sua etiâ altero modo subsisteret, per *Generationem*; à quâ activè considerata prima Persona appellatur *Pater*: Secunda verò

ab eâdem passivè spectatâ *Filius* dicitur. Ac porro Patrem & Filium, actû iterum æterno personali hoc egisse, ut eadem sua Essentia adhuc tertio modo subsisteret, scil. per *Spirationem*; undè Patrem & Filium *Spirantes* dicimus; tertiam verò Personam, *Spiritum Sanctum*. Sic pro nostro concipiendi modulo in reipsâ solidum & evidens fundamentum habemus, cui inniuntur *Relationes*,

XXVII. Quæritur 2. Quomodo Persona Divina differat ab Essentiâ? *Resp.* 1. Distinctio illa non est solum *rationis ratiocinantis*: habet enim Fundamentum in re. Essentia nimirum communis est tribus Personis; Persona verò dicit incommunicabilitatem: adeoque non reciprocantur formaliter adæquatè. Porro, Essentia determinata est ad subsistendum per Personalitatem. Essentia denique concipitur abstractè, ut præscindat à personalitatibus: Persona verò concretè, cum certo quodam modo subsistendi.

2. Nec tamen est *realis distinctio*; qualis intercedit inter rem aliam & aliam. Persona enim est ipsa Essentia cum personalitate.

Sed 3. est distinctio *rationis ratiocinatæ*: illic enim spectamus rem abstractè; hic autem cum modo subsistendi.

Hinc patet; non accuratè loqui eos, qui dicunt, Personas Divinas simul sumtas non distingui, ab Essentiâ; sed quidem sigillatim consideratas.

Item, quomodo Personæ Divinæ differant ab Attributis: Attributa enim sic cum Essentiâ identificantur, ut Personis verè communia sint: sed Personæ suis personalitatibus ita distinguuntur, ut interim Essentiam & Attributa essentialia eadem habeant distincto modo atque ordine.

XXVIII. Quæritur 3. Quomodo Personæ dicendæ sint à se invicem distingui? *Resp.* Distinctio hæc non solum *rationis* est: nam verè Pater alius est, &
Filius

Filius alius, atque iterum Spiritus Sanctus alius. Neque *realis*, eo sensu, ac si Pater esset alia res, vel aliud ens; Filius iterum aliud ens, &c. sed peculiari acceptione: quia est alia persona. Nec mirum videri debet, quod aliud exemplum simile dari non possit: Deus enim aliud ens sibi simile non habet. Recte autem dici potest *Distinctio modalis*, aut potius *personalis*.

Sic explicatum est hoc mysterium Trinitatis ex SS. Literis: non ex principiis naturalibus: his enim positive & solide veritatem istam inferentibus destituimur. Illustratio tamen qualiscunque à posteriori petitur aliquando à Boni communicativitate; ex consideratione Solis, Animæ, Iridis, Trianguli, &c.

XXIX. *Obj. 1.* Deus unicus est: ergo non tres personæ. *Resp.* Unitas Essentiæ non adversatur pluralitati Personarum.

Obj. 2. Non dantur plura infinita: atqui quælibet Persona Divina statuitur infinita. *Resp.* Quælibet Persona infinita est; sed unâ eademque numero infinitate: ac proinde non tria infinita dicimus; sed unum infinitum.

Obj. 3. Persona est persona per essentiam suam; consequenter tres Personæ inferunt tres Essentias. *Resp.* Persona non est talis per Essentiam; sed per personalitatem, sive per modum habendi istam Essentiam:

Obj. 4. Qui ante generationem non fuit, is non est verus Deus: atqui Filius, &c. *Resp.* Nec principium generationis, nec finem admittimus; sed generationem prorsus æternam statuimus.

Obj. 5. Si Pater Filium generavit, hoc fecit vel ex necessitate naturæ suæ; vel liberè: non prius; id enim à Deo; agente liberrimo, alienum est; non posterius; sic enim Filius potuit non generari, atque adeo non esse, & consequenter non est verus Deus. Similiter dici potest de Spiritatione. *Resp.* Generationis actus

personalis necessarius est, ut non potuerit non esse; itemque Spirationis: sed & liber dici potest libertate æternæ concomitantis complacentiæ.

Obj. 6. Filio non competit potentia generativa; atque adeo non omnis perfectio; quam habet Pater; cui autem deest aliqua perfectio, is non est verus Deus. Similiter de Spiritu Sancto, *Resp.* Potentia generativa singulis personis non est communis: cum ipsa non sit perfectio absoluta, vel attributum Essentiæ Divinæ; sed proprietas personalis primæ Personæ, &c.

Obj. 7. Christus negat se bonum; *Luc. XVIII, 19.* Ergo non est verus Deus. *Resp.* Non negat se bonum; sed propositâ interrogatione hoc agit, ut alterum ad rectam Bonitatis ac Deitatis suæ agnitionem adducat.

Obj. 8. Christus disertè Patrem se majorem affirmavit. *Ioh. XIV, 28.* Ergo. *Resp.* Scil. secundum humanam naturam; & œconomice, respectu muneris Mediatorii: quæ consideratio nihil præjudicat Theologicæ.

Obj. 9. Spiritus Sanctus nondum erat; *Ioh. VII, 39.* Ergo. *Resp.* Istud non debet accipi de personâ Spiritus Sancti; sed metonymicè de effusione singularium donorum post exaltationem Christi peragenda, atque isto etiã nomine appellari solitorum. Nam *cap. 1, 32.* commemoratur, Spiritum Sanctum jam descendisse in specie columbæ super Christum in baptismo ipsius, &c.

Obj. 10. Si sint duæ personæ spirantes, etiã erunt duæ spiratæ; & sic plures tribus. *Resp.* Duæ personæ spirantes propter τὸ ὁμοῦσιον unius principii rationem habent, non duorum principiorum: adeoque & Spiritus una persona rectissime statuitur.

Obj. 11. Spiritus S. mitti dicitur, donari, effandi, &c. Istud autem à vero Deo alienum est. *Resp.* Missio illa non de potestate superioris in inferiorem; sed ratione originis & ordinis Divinarum Personarum, in
sub-

subsistendo & in operando, intelligi debet. Ut & reliqua metonymicè, & respectû manifestationum & operationum, quas ista Persona tunc exerit.

Obj. 12. Spiritus interpellat pro nobis, gemitibus inenarrabilis; *Rom. vii. 26. 27.* inferior igitur est; non verus est Deus. *Resp.* Id accipiendum virtualiter eminenter; quatenus facit nos, omnesque alios fideles, genere & precari intimè, sanctè, juxta voluntatem Divinam.

Obj. 13. Solus Pater est verus Deus; *Ioh. xvii. 3.* ergo non Filius, aut Spiritus Sanctus. *Resp.* Negatur antecedens: neque id exstat in loco allegato. Verum Pater ibi dicitur *ille solus verus Deus*: ubi particula *solus* non est restrictiva subjecti, sed prædicati; ut indicetur, *verum Deum esse unum solum*. Atque ita excluduntur à verâ Deitate, omnia alia ab isto uno vero: non autem Filius, & Spiritus Sanctus, qui sunt unum cum Patre, in eâdem essentiâ singularissimâ.

Obj. 14. Essentia Divina est Pater: Filius & Spiritus Sanctus non sunt Pater: Ergo, &c. *Resp.* 1. Quia Essentia Divina non est incommunicabilis, sed communis tribus personarum, vitiosus est syllogismus: similiter ut hic; Aliquis homo est Petrus: Paulus, vel Jacobus non est Petrus: Ergo, &c. 2. Corrigenda igitur est major propositio hoc modo; Essentia Divina in primo modo & ordine subsistendi est Pater: & sic nihil efficietur contra nos.

XXX. Dogma hoc de S. S. Trinitate fundamentale esse, & ad salutem creditû necessarium, asserimus contra Remonstrantes: & probamus, 1. ex institutione Baptismi; *Matth. xxvi. 11, 18, 19, 20.* „Data est Mibi „omnis potestas in cœlo & in terrâ: profecti ergo docce „te omnes gentes, baptizantes eos in nomen Patris, & „Fili, & Spiritus Sancti. Docentes eos servare omnia, „que mandavi vobis; Et eccè, Ego vobiscum sum omnibus „diebus usque ad consummationem sæculi. Amen. Nota

tanda initio *Potestas*, quâ Christus Sacramentum istud instituit quæ citra hoc dogma rectè intelligi non potest. Tum *Præceptum* docendi & baptizandi Christianos in nomen trium personarum, tanquàm Domini nostri spiritualis, ex quo salus æterna pendet. Scil. ut eadem personæ distinctè apparuerunt in Baptismo ipsius Christi; sic earum confessio editur in Sacramento initiationis nostræ. Ac porro *Mandatum* ista deinceps observandi, sub promissione tam illustri: pro quâ Marc. XVI, 16. *Qui crediderit & baptizatus fuerit, servabitur; qui verò non crediderit, condemnabitur.*

2. Joh. XVII, 3. *Hæc est autem vita æterna, ut Te cognoscant, illum solum verum Deum, & quem misisti Jesum Christum At Pater, ut sic, sine Filio cognosci non potest. Hinc Joh. XIV, 1, 19, 10. 11. Creditis in Deum, etiam in Me credite. - Qui vidit Me, vidit Patrem - Non credis Me in Patre, & Patrem in Me esse? Et v, 23. Qui non honorat Filium, non honorat Patrem Item. Joh. II, 23. Quisquis negat Filium, nec Patrem habet: propter essentialem identitatem. Spiritus Sancti eadem est ratio. I Cor. XII, 3. „ Propterea notum vobis facio, neminem posse dicere Jesum Dominum, nisi per Spiritum Sanctum. A verâ igitur Deitate, & consequenter à vitâ æterna aberratur, ubi Filius, aut Spiritus Sanctus, ab illâ excluditur.*

3. A fine Euangelii: Joh. XX, 31. *Ut credatis Iesum esse Christum illum, Filium Dei; & ut credentes vitam habeatis per nomen ejus, cum VIII, 24. Nisi credideritis, Me (eum) esse, moriemini in peccatis vestris, & I Joh. V, 20, 21. Scimus, Filium Dei venisse. - Hic est verus ille Deus, & vita illa æterna. Filioli, cavete vobis ab idolis. Amen. Sed absque hoc dogmate fides istius veritatis haberi nequit.*

4. Absque fide hujus articuli alia præcipua Christianæ Religionis dogmata rectè teneri non possunt, utpote de Incarnatione Christi; ac porro de ipsius per-

sonâ,

sonâ, itemque de Salutis Impetratione validâ, & Applicatione efficaci.

Obj. 1. Plurimi homines pii mysterium istud captû suo non assequuntur; nec tamen propterea æternum damnandi: ergo, &c. *Resp.* Fatemur, non omnibus eundem gradum fidei explicitæ obtingere: major lux sub N. T. affulsit, quàm sub V. neque adhuc æqualem omnes mensuram accipiunt. Minimum quod sic, in salutis per Dei misericordiam consequendæ negotio, non determinamus; sed quid revelatum ac præscriptum sit, & consequenter docendum atque discendum, observamus. De veritatis credendæ necessitate loquimur; non de cognitionis gradu; neque de phrasi aliquâ, aut modo explicandi, probandi, vel defendendi. Per dictam vero necessitatem excluditur tùm blasphemia, impugnatio, rejectio; tùm neglectus totalis, aut ignorantia istius veritatis.

Obj. 2. Dogma illud non habet speciales usus practicos: hi enim omnes resultant ex consideratione Essentiæ Divinæ, quæ unica est; non verò ex personalitatibus, earumque distinctione. Ergo, &c. *Resp.* Negamus antecedens; & contrarium ostendimus.

XXXI. *Usus practici* potissimum occurrunt: 1. Pio & grato animo agnoscamus ac prædicemus admirandam Dei benignitatem, quâ sese talem etiam subsistentiis revelavit nobis familiariter: *Matth.* xi, 25, 26, 27. *Ioh.* xvii, 1, 3.

2. Mysterium istud, à corruptâ ratione tàm alienum, sit nobis fidei, spei, charitatis, adorationis, &c. objectum: trium istarum personarum testimonio nitamur firmissime: Spiritu in nobis operante, per Filium accedamus ad Patrem, &c. Sic praxis nostra distinguitur à perfidia, idololatriâ, & superstitionibus *Achristianorum* ac *Pseudochristianorum*: *Ioh.* v, 23. xiv, 1. 1 *Ioh.* 2, 23. v, 7, 9, 20, 21. *Eph.* 2, 18. 111, 12. *Matth.* xxviii, 19.

3. In operibus externis, modum & ordinem operandi internum consideremus, celebremus: *Psal. xxxii, 6. Ioh. v, 19. Hebr. I, 2. I Cor, II, 10. Speciatim vero, quis sit nobis Pater cœlestis; quis frater primogenitus, Sponsor, Servator, &c. Quis Doctor ac Ductor veritatis, Sanctificator, Consolator, &c. Rom. VIII, 15, 16, 17. Col. I, 18. Apoc. I, 5. Hebr. I, 2, 6; 8, - 12, 11, 10, - 13; 17. VII, 22. Matth. I, 21. Col. 1, 19. II, 9. Ioh. XIV, 6; 16, 17; 24, 26. Rom. VIII, 11. Ephes. IV, 30.*

4. Consideremus, ad quantam gloriam eveſta ſit caro noſtra in Chriſto; & quanta nobis per Ipſum parata: *Hebr. 2, 14, - 17. col. I, 19, 20. II, 9, 10. Ioh. I, 14. 16. XIV, 2, 3.*

5. Ex unitate trium Perſonarum grati æſtimemus unionem & communionem noſtram cum Chriſto, & in ipſo cum SS. Trinitate: *I Ioh. v, 7. Ioh, x, 29, 39. 38. XVII, 10, 11; 21, 22; 26, 27.*


6. Ad beatiffimam illam SS. Trinitatis communionem adſciti, cum aliis fidelibus unionem & communionem alacriter & promptè colamus: *I Ioh. I, 3. I Cor, XII, 11, 12, 13, &c.*

C A P U T VI.

De Decreto Dei.

Actiões Dei; immanentes; ad intra; essentielles: personales: ad extra. 1. Decretum. 2. Quid ſupponat; & quid notet. Quomodo Conſilium appelle- tur. Actus vitalis Dei. 3. Summa in eo Sapien- tia. 4. Libertas. Æternitas. Obj. ſolv. 5. Quo- modo ſit ipſe Deus. Obj. ſolv. Objectum praj- gens;

cens, & terminans. Ordo intentionis, & executionis. 6. Decretum Dei immutabile. 7. Generale, & speciale. 8. Decretum creationis. Providentia. 9. Objecta bona. Quid de malis. 10. Decretum de immobili vita humana termino, probatur. 11. Objectiones solvuntur. 12. Prædestinatio. Distinguitur ratione objectorum; & terminorum. Reprobatio etiam est prædestinatio. c. Pontif. & Luther. 13. Electio; & Reprobatio Angelorum. 14. Electio Hominum: certorum quorundam definitè. c. Socin. Remonstr. &c. 15. Absoluta, seu immutabiliter certa: & quidem ab æterno. Non ex prævisa fide. c. Remonstr. & Luther. neque meritis; c. Pontif. sed ex mero Dei beneplacito. 16. Christus, quomodo istic spectandus. Sententia Lutheranorum; atque item Remonstrantium. 17. Finis ejus. 18. Objectiones solvuntur. 19. Electionis certitudo: etiam subiectiva. 20. Objectiones solv. 21. Hominum reprobatio. Etiam certarum personarum - c. Socin. Remonstr. &c. 22. Ab æterno, & immutabiliter facta. Non ex prævisa infidelitate, &c. Sed ex Dei placito. 23. Finis ejus. 24. Objectiones solv. 25. Remonstrantium sententia. 26. Prædestinatio Angelorum, & Hominum, pariter collata. 27. Praxis. 28.

I.  Ic de Dei essentiâ & Personis. Ipso duce, ad *Actiones* Divinas procedimus.

Harum aliæ sunt *immanentes* ; aliæ *transeuntes*.

Immanentes sic in Deo manent , ut per se nihil extra ipsum constituent. Suntque vel *ad intra*, vel *ad extra*.

Priores terminantur in ipsum Deum, ratione *Essentiæ* aut *Personarum* : utpotè tùm *Essentiales* , communes tribus *Personis* ; qualis est ex. gr. actus , quo Deus seipsum cognoscit, & amat : tùm *Personales*, singulis *Personis* propriæ ; ut *Generatio*, & *Spiratio*.

Actus cognoscendi *Patris* & *Filii* mutuus , idem realiter est ; ut & amandi : sed modus & ordo distinctus.

Actiones ad extra pro termino respiciunt aliquid extra Deum ; scil. creaturas.

Volitio assumendi Humanam naturam in *Hypostasim* *Filii* determinatè , est actio *Essentialis* ; servatò tamen ordine & modo *Personarum* ; quamvis terminatio objecti, Humanæ istius naturæ , referenda sit ad *hypostasim* *Filii* distinctè.

II, Actio *Immanens ad extra* est *Decretum* ; ipsum formaliter in Deo manens , sed objecta alià Deo respiciens. *Jes. XIV, 27. Jehovah inivit Consilium, XLVI, 10. Consilium Meum stabit. Dan. IV, 24. Decretum Altissimi hoc. Eph. I, 11. Gen. XI, 32. Act. 2, 23, IV. 28. XVII, 26, 31.* Est autem actus *Mentis Divinæ* , ab æternò apud se liberrimè & sapientissimè constituentis , quid , & quomodo , in tempore esset futurum , ad *Gloriam* ipsius.

III. *Decretum* præsupponit in Deo notitiam possibilem ; notatque ordinationem quorundam ad certam futuritionem , & quidem ad *Gloriam* ipsius. *Prov. XVI, 4. Omnia operatur Jehovah propter Seipsum. Rom.*

XI. 36.

XI, 36. In ipsum sunt omnia. Eph. 1, 6, Ad laudem gloriosæ suæ gratiæ. Rom. IX, 22, 23, 24.

Consilium aliquoties vocatur; ut patet ex præallegatis. Verum ab hoc conceptu removenda est omnis ignorantia, addubitatio, & successivus mentis progressus. Nam Omnia sunt nuda & intimè patentia oculis Ejus, Heb. IV, 13. Apud quem non est transmutatio, vel conversionis obumbratio, Iac. 1, 17.

Concipitur ergò actus vitalis Dei, spectantis Sese primariò; & in Potentiâ suâ, Possibilia; deque iis se-
ligentis, disponentis, & ordinantis quæ voluit, actû perfectissimo & simplicissimo, quamvis objecta distincta sint.

IV. Sapiencia hîc summa est, omnia ad finem ultimum aptissimè ordinans: subordinatosque fines, & media, quam optimè disponens: Rom. VI 11, 28, 29, 30. Quos præscivit, prædestinavit; - quos prædestinavit, eos vocavit; quos vocavit, justificavit; quos justificavit, glorificavit. X, 13, 17. Quomodo invocabunt, in quem non crediderint? quomodo credent, de quo non audierint? & quomodo audient, absque prædicante? quomodo prædicabunt, nisi missi fuerint? - Ergò Fides ex auditu est; auditus autem per Verbum Dei. Vide etiam Eph. 1, 3, 6. Hos. 2, 21, 22. Rom. XI, 33, 34. Psal. xciv, 9, 10.

V. Libertas etiã patet tum ex Independentiâ, supremâque Potentiâ simul & Potestate; undè nulla violentia, aut coactio externa Deo accidere potest: Rom. IX, 19. Voluntati ejus quis obstitit? Tum ex summâ perfectione Intellectûs & Voluntatis ipsius; quapropter omnia decernit cum summâ ratione, adeoque etiã complacentiâ, necessitati naturali intrinsecè oppositâ: ista celebratur, Matth. XI, 26. Pater, quia ita Tibi placuit. Rom. XI, 34. Quis Ei fuit à consilio? Adde Psal. cxv, 3. Ies. XLVI, 10, Cæcus impetus, & potentia obediencialis, Intellectui summo & perfectissimo minime conveniunt. Sed ut Natura, sic Libertas Dei,
Crea-

Creaturarum omnium Libertatem infinitam ἐξ ὧν superat. Ies. x. 15. *Angloriabitur securis contra cædentem ipsam? an se magnificabit serra contra agitorem suum?* Rom. ix. 21. *An non habet potestatem Figulus in lutum, &c.?*

V. *Æternitas* probatur, 1. generatim, ex Act. xv. 18. *Nota sunt Deo ab (omni) ævo omnia opera sua, cum Eph. I. 11, Agit omnia ex Consilio Voluntatis suæ.*

2. Specialius: 1. Cor. 2, 7. *Præfinierat ante sæcula.* Eph. 1, 4. *Elegit nos ante iactum mundi fundamentum.* 2. Tim. 1, 9. *ante tempora sæculorum.*

3. Ex Immutabilitate; quæ asserta est sup. cap. 4. th. 20. *Si enim Deus extisset aliquando sine Decreto, postea Decretum in sese formasset; ea foret satis insignis mutatio.*

4. Ex ipsius *Æternitate*; de quâ cap. 4. th. 26. *Deus enim non exitit tempore infinito sine Decreto suo: cæteroquin nunc quidem Decretum haberet. Nec tempore finito: hoc enim æternitati non convenit.*

Obj. *Omne æternum est necessarium: Deorum vero liberum est, non necessarium: Ergo. Resp. Æternitas Decreti Divini infert solummodo necessitatem ex hypothesis. Interim quatenus Deus cum summâ ratione & complacentiâ ab æterno Decretum fecit, & sic constituit de possibilibus, cum absolutè alia & aliter constituere potuisset; agnoscendum etiam, Decretum istud esse liberrimum, & necessariò tale.*

VI. *Actus Decreti Divini subjective & principative* omnino Simplex est, & sic ipse Deus, contra *Vorstium*. Quamvis *objective & terminative* spectet plurima alia à Deo.

Obj. 1. *Deus unus est; Decreta vero multa: ergo hæc non ipse Deus. Resp. Actus ille vitalis in se etiam unicus est: sed decreta multa derominamus ab objectis.*

Obj. 2. *Deus est ens necessarium; Decretum vero liberum;*

liberum: ergo, &c. *Resp.* Deus quidem est Ens maxime necessarium in existendo; sed & liberrimum in operando extra se. Similiter Decreti existentia necessaria est in Ente sapientissimo; quamvis terminatio ejus talis, respectu objectorum, liberrima.

Distinguendum interim *objectum præjacens*, & *terminans*. *Objectum præjacens* sunt ipsa Possibilia, sic vel aliter determinabilia, & per summam Dei potestatem ac Sapientiam ad statum qualemcumque determinanda. *Objectum terminans*, aut potius *terminatum*, sunt Futura, & consequenter Præsentia, vel etiam Præterita: statum enim istiusmodi habent, quia Deus ita decrevit.

Deus etiam decernendo ordinem constituit in rebus decretis: qui est vel *intentionis*, vel *executionis*. Ordo *intentionis* ad Decretum magis propriè pertinet: prout Deus sapientissimè ad fines ordinavit sua media. Ordo *executionis* succedit in complemento.

Huc pertinet Canon; *Quod primum est in intentione, est postremum in executione; & contra*: nam in intentione finis est causa mediorum; media sunt propter finem: sed in executione, finis est ipsum effectum, quod per media obtinetur. Confer sup. cap. 4. th. 62.

VII. *Immutabile* etiam est Dei Decretum; & consequenter efficax, per ipsius Omnipotentiam. Sic conjunguntur *Manus & Consilium Dei*, Act. iv, 24. Ita Jes. xiv, 27. *Consilium Jehovæ quis irritum faciat? & manum Ejus quis avertat?* Prov. xix, 21. *Consilium Jehovæ stabit*. Vide etiam Jes. LV, 10, 11, Consequenter, omne Decretum in se est absolutum, respectu actus Divini; independentis: nullum conditionatum; nisi sic objectivè denominetur.

VIII. Extendit se Decretum ad omnia alia à Deo: Eph. I, 11. Vide sup. th. 5. Thren. iii, 37, 38. *Ecquo dicente existit aliquid, quod Dominus non præceperit? Ex ore Excelsi, an non prodit malum quodque, & bonum?* Rom.

xi, 36. Estque pro nostro concipiendi modo, vel *generale*: ubi spectatur universa omnium objectorum amplitudo: vel *speciale*, quod iterum suos gradus amplitudinis habet; ut Creationis, Providentiæ, de Terminis vitæ humanæ, Prædestinationis, &c. sed postremum istud καὶ ἐξοχλὼν *speciale* appellatur.

IX. *Decretum Creationis* est, quo Deus ab æterno constituit, creaturas ex nihilo producere, in tempore; ad gloriam suam. *Apoc.* iv, 11. *per Voluntatem Tuam sunt, & creata sunt.* *Act.* xv, 18. *Eph.* i, 11.

Decretum Providentiæ est, quo Deus ab æterno constituit, Creaturas conservare, iis cooperari, easque gubernare, ad gloriam Suam. Distinguitur hoc in *Effectivum* quo Deus proposuit omnia bona futura verâ efficientiâ operari; à quo omnis donatio bona, & omne integrum donum descendit, *Fac.* i, 17. *Quicquid placet facit.* *Psal.* cxv, 3. & in *Permissivum*, quo proposuit mala in causis secundis non impedire. *Act.* 2, 23, 24. *Destinito consilio & præcognitione Dei deditum, &c.* Similiter ferè iv, 27, 28. Item *Psal.* lxxxix, 17. *Dimisi eos ambulaturos, &c.* *Act.* xiv, 16. 17. *Sivit omnes gentes suis ipsarum viis incedere.* cum *Gen.* xx, 6. *Cohibui te, ne peccares in Me: idcirco non sivi te attingere eam.*

X. *Futura* sunt propriè & per se *Bona*, *Mala* non nisi ratione subjecti boni sunt, aut fiunt; in quo tantum alterius boni privationem significant: quam supplere Deo non placet; cum etiâ, si voluisset, nihil conferre potuisset. Imò verò, ó Homo; tu quis es qui ex adverso responsas Deo? nûm dicet figmentum fictori; cur me tale fecisti? annon habet potestatem figulus, &c. *Rom.* ix, 20, 21.

A Decreto permissivo recte quidem procedit illatio Logica; ut à non-actiōe causæ primæ, ad non-positionem effectûs. Errant autem gravissimè Adversarii, Deum hinc peccati auctorem statui calumniandos. Verè interm Deum decrevit in genere Entis bona facere,

facere, mala autem physicè permittere ; consequenter etiam hæc necessario futura sunt. *Matth.* xviii, 7. *Necesse est, ut eveniant offendicula.* xxvi, 24. *Filius hominis abit, sicut scriptum est de eo, &c.* *Luc.* xxiv, 26. *Nonne hæc oportuit Christum pati ? &c.* 2 *Theß.* ii, 13. *Apoc.* i, 1.

XI. *Decretum de immobili vitæ humanæ termino est, quo Deus constituit ab æterno, quamdiù quisque hominum determinatè victurus esset in hoc mundo. Quod probatur contra Socinianos, Anabaptistas, & Remonstrantes : 1. expressis S. Scripturæ testimoniis. Job.* xiv, 1, 2, 5. „Homo natus muliere, brevis ætate, „- . Quandoquidem præcisi sunt dies ejus ; numerus ejus penes Te est : determinationem ejus fecisti : quas non transgrediatur. *Psal.* xxxix, 5, 6. - *Palmares disposuisti dies meos.* cxxxix, 16. *In libro Tuo hæc omnia scripta sunt, „(ex quibus) diebus formabantur, cū nondum ullum „eorum (extaret.)* *Act.* xvii, 25, 26. *Definitis præstitutis temporibus, & positis terminis habitationis eorum.* *Eccl.* iii, 1, 2. *Cuique sua tempestas. - Tempus pariendi & tempus moriendi. Vide etiam Job.* viii, 20. *Jes.* xxxviii, 5.

2. Ex eo, quòd Deus sit Arbiter vitæ & necis : dicens, *Psal.* xc, 3. *Revertimini filii hominum.* 1 *Sam.* ii, 6. *Jehovah morte afficit, & in vitam restituit.* cum *Eph.* i, 11. *Act.* xv, 18.

3. A minori: *Matth.* x, 29, 30, 31. *Nonne duo passeruli assario veniunt : & unus ex iis non cadet in terram sine Patre vestro ? Vestri verò etiam capilli capitis omnes numerati sunt. Ne igitur Timeate : vos multis passerculis præstatis.*

4. Quia plurima alia ; etiā maxima ac gravissima, ab hominum vitā dependent ; quorum alioqui non esset certa futuritio. Confer sup. cap: 4. th. 36, 37.

XII. *Obj: 1.* Per istiusmodi Decretum tollitur omnīs creaturarū libertas & contingentia. *Resp.* Imò
M 2 Deus

Deus decrevit satis multa, quæ naturâ suâ essent libera, vel *contingentia*; quamvis eadem necessario futura necessitate externâ.

Obj. 2. Evertitur omnium mediorum necessitas, alimentorum, medicamentorum, precum, &c. *Resp.* Nego: Deus enim decrevit & ordinavit conditiones, ac media necessaria, ad tales fines. *Act. xxvii, 31. Nisi isti in navi manserint, vos servari non potestis. Hebr. xi, 6. Absque fide impossibile est Deo placere.*

Obj. 3. *Exod. xx, 12. & alibi*, piis longævitæ promittitur; contra verò *Psal. lv, 24.* improbi dicuntur non perventuri ad medium dierum: ergo non præstitutus est iis terminus immobilis. Apertè etiam dicuntur Ezechiaë additi anni quindecim; *Jes. xxxviii, 5. Resp. 1.* Piis promittitur beata longitudo dierum; *Psal. xxiii, 6.* hic quodammodo inchoanda: sed in cœlesti hæreditate consummanda; cujus Canaan typus fuit: non tamen in hoc sæculo producenda ultra terminum à Deo definitum. 2. Impii autem ad medium dierum non sunt perventuri; scil. quos naturaliter, habitâ ratione valetudinis ac roboris, supervivere potuissent. 3. Ezechiaë denique post morbum istum tot anni adjecti sunt; non termino universæ illius vitæ prius Divinitus præfinito.

XIII. *Prædestinatio* est Decretum Dei de Creaturarum rationalium statû æterno; ad manifestandam Potentiæ, Sapientiæ, Gratiæ, & Justitiæ suæ Gloriam.

Ea ratione *objectorum* vel est *Angelorum*, vel *Hominum*.

Ratione *terminorum* vel est *Electio*, vel *Reprobatio*. *Jes. xli, 9. Elegi te, & non reprobavi. Rom. ix, 13. Iacobum dilexi, & Esavum odio habui. 1 Thess. v, 9. Non constituit nos ad iram, sed ad salutem obtinendam.*

Non rectè contendunt Pontificii & Lutherani, Damnandorum præscientiam solum esse; non Prædestinatio-

nationem: cum 1. etiã illa Decretum permissivum & ordinativum præsupponat. Et 2. Spiritus Sanctus Prædestinationem disertè in isto negotio appellet: *Act. iv, 28. Ut facerent, quæcunque manus Tua & Consilium Tuum prius definierat* (δεωλεσε) *ut fierent.* Atque 3. Phrases æquipollentes occurrant: utpotè *Judæ, 4. Præscripti ad damnationem. 1 Thess. v, 9. Et 4. Præscientia, aut Præcognitio, de Electione etiam usurpetur; Rom. viii, 29. xi, 2.*

XIV. *Electio Angelorum* quorundam patet, ex *1 Tim. v, 21.*, *Obtestor in conspectu Electorum Angelorum.* Undè etiã aliorum *Reprobatio* facilè colligitur. Et *Judæ, 6. Deus Angelos-judicio magni illius diei vinculis æternis sub caligine servavit. Matth. xxv, 41. In ignem æternum paratum Diabolo & Angelis ejus.* Ad di potest argumentum à minori, ut sup. th. ii, §. 3.

Electio Angelorum, est Prædestinatio, quã Deus ab æterno definitè constituit, quosdam Angelos, ubi in tempore boni & sancti essent creati, per Gratiã suã conservare & confirmare in statu isto; ad ipsorum Salutem, & Gloriam Potentiæ, Sapientiæ, & Gratiæ suæ.

Reprobatio verò est Prædestinatio, quã similiter definitè constituit aliorum lapsum permittere, in eo ipsos relinquere & gubernare, ac propter peccata æternum condemnare; ad Gloriam Potentiæ, Sapientiæ, & Justitiæ suæ.

Interim pro supremã suã potestate Deus talem futuri-tionem constituit atque ordinavit. Lapsus verò non est causa *Reprobationis*, volitionis istius Divinæ; quæ est independens: sed tantùm est causa demeritoria talium poenarum,

XV. *Electio Hominum*, est Prædestinatio, quã Deus ab æterno constituit de Hominibus, ubi in tempore ad Imaginem Suam essent conditi, sed labiles; ac deinceps, Ipso permittente, in Adamo pariter lapsi; quos-

tanda initio *Potestas*, quâ Christus Sacramentum istud instituit quæ citra hoc dogma rectè intelligi non potest. Tùm *Præceptum* docendi & baptizandi Christianos in nomen trium personarum, tanquàm Domini nostri spiritualis, ex quo salus æterna pendet. Scil. ut eædem personæ distinctè apparuerunt in Baptismo ipsius Christi; sic earum confessio editur in Sacramento initiationis nostræ. Ac porro *Mandatum* ista deinceps observandi, sub promissione tam illustri: pro quâ Marc. XVI, 16. *Qui crediderit & baptizatus fuerit, servabitur; qui verò non crediderit, condemnabitur.*

2. Joh. XVII, 3. *Hæc est autem vita æterna, ut Te cognoscant, illum solum verum Deum, & quem misisti Jesum Christum.* At Pater, ut sic, sine Filio cognosci non potest. Hinc Joh. XIV, 1, 19, 10. 11. *Creditis in Deum, etiam in Me credite. - Qui vidit Me, vidit Patrem - Non credis Me in Patre, & Patrem in Me esse? Et v, 23. Qui non honorat Filium, non honorat Patrem.* Item. Joh. 11, 23. *Quisquis negat Filium, nec Patrem habet: propter essentialem identitatem.* Spiritus Sancti eadem est ratio. 1 Cor. XII, 3. „Propterea notum vobis facio, neminem posse dicere *Jesum Dominum*, nisi per *Spiritum Sanctum*. A verâ igitur Deitate, & consequenter à vitâ æterna aberratur, ubi Filius, aut Spiritus Sanctus, ab illâ excluditur.

3. A fine Euangelii: Joh. XX, 31. *Ut credatis Iesum esse Christum illum, Filium Dei; & ut credentes vitam habeatis per nomen ejus, cum VII, 24. Nisi credideritis, Me (eum) esse, moriemini in peccatis vestris, & I Joh. V, 20, 21. Scimus, Filium Dei venisse. - Hic est verus ille Deus, & vita illa æterna. Filioli, cavete vobis ab idolis. Amen.* Sed absque hoc dogmate fides istius veritatis haberi nequit.

4. Absque fide hujus articuli alia præcipua Christianæ Religionis dogmata rectè teneri non possunt, utpote de Incarnatione Christi; ac porro de ipsius per-

sonâ,

sona, itemque de Salutis Impetratione validâ, & Applicatione efficaci.

Obj. 1. Plurimi homines pii mysterium istud captû suo non assequuntur; nec tamen propterea æternum damnandi: ergo, &c. *Resp.* Fatemur, non omnibus eundem gradum fidei explicitæ obtingere: major lux sub N. T. affulsit, quàm sub V. neque adhuc æqualem omnes mensuram accipiunt. Minimum quod sic, in salutis per Dei misericordiam consequendæ negotio, non determinamus; sed quid revelatum ac præscriptum sit, & consequenter docendum atque discendum, observamus. De veritatis credendæ necessitate loquimur; non de cognitionis gradu; neque de phrasi aliquâ, aut modo explicandi, probandi, vel defendendi. Per dictam vero necessitatem excluditur tùm blasphemia, impugnatio, rejectio; tùm neglectus totalis, aut ignorantia istius veritatis.

Obj. 2. Dogma illud non habet speciales usus practicos; hi enim omnes resultant ex consideratione Essentiæ Divinæ, quæ unica est; non verò ex personalitatibus, earumque distinctione. Ergo, &c. *Resp.* Negamus antecedens; & contrarium ostendimus.

XXXI. *Usus practici* potissimum occurrunt: 1. Pio & grato animo agnoscamus ac prædicemus admirandam Dei benignitatem, quâ sese talem etiam subsistentis revelavit nobis familiariter: *Matth.* xi, 25, 26, 27. *Ioh.* xvii, 1, 3.

2. Mysterium istud, à corruptâ ratione tàm alienum, sit nobis fidei, spei, charitatis, adorationis, &c. objectum: trium istarum personarum testimonio nitamur firmissime: Spiritu in nobis operante, per Filium accedamus ad Patrem, &c. Sic praxis nostra distinguitur à perfidia, idololatriâ, & superstitionibus *Achristianorum* ac *Pseudochristianorum*: *Ioh.* v, 23. xiv, 1. 1 *Ioh.* 2, 23. v, 7, 9, 20, 21. *Eph.* 2, 18. 111, 12. *Matth.* xxviii, 19.

3. In operibus externis, modum & ordinem operandi internum consideremus, celebremus: *Psal.* xxxiii, 6. *Ioh.* v, 19. *Hebr.* I, 2. *I Cor.* ii, 10. Speciatim vero, quis sit nobis Pater cœlestis; quis frater primogenitus, Sponsor, Servator, &c. Quis Doctor ac Ductor veritatis, Sanctificator, Consolator, &c. *Rom.* viii, 15, 16, 17. *Col.* i, 18. *Apoc.* I, 5. *Hebr.* i, 2, 6; 8, - 12, 11, 10, - 13; 17. vii, 22. *Matth.* i, 21. *Col.* i, 19. 11, 9. *Ioh.* xiv, 6; 16, 17; 24, 26. *Rom.* viii, 11. *Ephes.* iv, 30.

4. Consideremus, ad quantam gloriam evecta sit caro nostra in Christo; & quanta nobis per Ipsum parata: *Hebr.* 2, 14, - 17. *col.* i, 19, 20. II, 9, 10. *Ioh.* i, 14. 16. xiv, 2, 3.

5. Ex unitate trium Personarum grati æstimemus unionem & communionem nostram cum Christo, & in ipso cum SS. Trinitate: *I Ioh.* v, 7. *Ioh.* x, 29, 39. 38. xvii, 10, 11; 21, 22; 26, 27.


6. Ad beatissimam illam SS. Trinitatis communionem adsciti, cum aliis fidelibus unionem & communionem alacriter & promptè colamus: *I Ioh.* i, 3. *I Cor.* xii, 11, 12, 13, &c.

C A P U T VI.

De Decreto Dei.

Actiões Dei; immanentes; ad intra; essentielles: personales: ad extra. 1. *Decretum.* 2. *Quid supponat; & quid notet.* *Quomodo Consilium appellatur.* *Actus vitalis Dei.* 3. *Summa in eo Sapientia.* 4. *Libertas. Æternitas.* *Obj. solv.* 5. *Quomodo sit ipse Deus.* *Obj. solv.* *Objectum prajacens;*

cens, & terminans. Ordo intentionis, & executionis. 6. Decretum Dei immutabile. 7. Generale, & speciale. 8. Decretum creationis. Providentia. 9. Objecta bona. Quid de malis. 10. Decretum de immobili vita humana termino, probatur. 11. Objectiones solvuntur. 12. Prædestinatio. Distinguitur ratione objectorum; & terminorum. Reprobatio etiam est prædestinatio. c. Pontif. & Luther. 13. Electio; & Reprobatio Angelorum. 14. Electio Hominum: certorum quorundam definitè. c. Socin. Remonstr. &c. 15. Absoluta, seu immutabiliter certa: & quidem ab æterno. Non ex prævisâ fide. c. Remonstr. & Luther. neque meritis; c. Pontif. sed ex mero Dei beneplacito. 16. Christus, quomodo istic spectandus. Sententia Lutheranorum; atque item Remonstrantium. 17. Finis ejus. 18. Objectiones solvuntur. 19. Electionis certitudo: etiam subjectiva. 20. Objectiones solv. 21. Hominum reprobatio. Etiam certarum personarum - c. Socin. Remonstr. &c. 22. Ab æterno, & immutabiliter facta. Non ex prævisâ infidelitate, &c. Sed ex Dei placito. 23. Finis ejus. 24. Objectiones solv. 25. Remonstrantium sententia. 26. Prædestinatio Angelorum, & Hominum, pariter collata. 27. Praxis. 28.

I.  *Ic de Dei essentiâ & Personis. Ipso duces ad Actiones Divinas procedimus.*

Harum aliæ sunt *immanentes* ; aliæ *transeuntes*.

Immanentes sic in Deo manent , ut per se nihil extra ipsum constituent. Suntque vel *ad intra*, vel *ad extra*.

Priores terminantur in ipsum Deum, ratione *Essentiae* aut *Personarum* : utpotè tùm *Essentiales*, communes tribus *Personis* ; qualis est ex. gr. actus , quo Deus seipsum cognoscit, & amat : tùm *Personales*, singulis *Personis* propriæ ; ut *Generatio*, & *Spiratio*.

Actus cognoscendi *Patris* & *Filii* mutuus , idem realiter est ; ut & amandi : sed *modus* & *ordo* distinctus.

Actiones *ad extra* pro termino respiciunt aliquid extra Deum ; scil. creaturas.

Volitio assumendi *Humanam naturam* in *Hypostasim Filii* determinatè , est actio *Essentialis* ; servatò tamen ordine & modo *Personarum* ; quamvis terminatio objecti, *Humanæ istius naturæ* , referenda sit ad *hypostasim Filii* distinctè.

II, Actio *Immanens ad extra* est *Decretum* ; ipsum formaliter in Deo manens , sed objecta alià Deo respiciens. *Jes. XIV, 27. Jehovah inivit Consilium, XLVI, 10. Consilium Meum stabit. Dan. IV, 24. Decretum Altissimi hoc. Eph. I, 11. Gen. XI, 32. Act. 2, 23, IV. 28. XVII, 26, 31. Est autem actus Mentis Divinæ , ab æternò apud se liberrimè & sapientissimè constituentis , quid , & quomodò , in tempore esset futurum ; ad Gloriam ipsius.*

III. *Decretum* præsupponit in Deo notitiam possibilem ; notatque ordinationem quorundam ad certam futuritionem , & quidem ad Gloriam ipsius. *Prov. XVI, 4. Omnia operatur Jehovah propter Seipsum. Rom.*

XI. 36.

XI, 36. *In ipsum sunt omnia.* Eph. 1, 6, *Ad laudem glorioſæ ſuæ gratiæ.* Rom. IX, 22, 23, 24.

Conſilium aliquoties vocatur ; ut patet ex præalle-
gatis. Verùm ab hoc conceptũ removenda eſt omnis
ignorantia, addubitatio, & ſucceſſivus mentis pro-
greſſus. Nam *Omnia ſunt nuda & intimè patentia oculis*
Ejus, Heb. IV, 13. *Apud quem non eſt tranſmutatio, vel*
conversionis obumbratio, Iac. 1, 17.

Concipitur ergò actus vitalis Dei, ſpectantis Seſe
primariò ; & in Potentiâ ſuâ, Poſſibilia ; deque iis ſe-
ligentis, diſponentis, & ordinantis quæ voluit, actũ
perfectiſſimo & ſimpliciſſimo, quamvis objecta di-
ſtincta ſint.

IV. *Sapientia* hîc ſumma eſt, omnia ad finem ulti-
mum aptiſſimè ordinans : ſubordinatoſque fines, &
media, quam optimè diſponens: Rom. VI II, 28, 29, 30.
Quos præſcivit, prædeſtinavit ; - quos prædeſtinavit, eos vo-
cavit ; quos vocavit, juſtificavit ; quos juſtificavit, glorifica-
vit. x, 13, 17. *Quomodo invocabunt, in quem non credide-*
rint ? quomodo credent, de quo non audierint ? & quomodo
audient, abſque prædicante ? quomodo prædicabunt, niſi miſ-
ſi fuerint ? - Ergò Fides ex auditu eſt ; auditus autem per
Verbum Dei. Vide etiam Eph. 1, 3, -6. Hoſ. 2, 21, 22.
Rom, XI, 33, 34. *Pſal.* xciv, 9, 10.

V. *Libertas* etiã patet tum ex Independentiâ, ſu-
premâque Potentiâ ſimul & Poſtate ; undè nulla
violentia, aut coactio externa Deo accidere poſteſt :
Rom. IX, 19. *Voluntati ejus quis obſtitit ? Tum ex ſummâ*
perfectione Intellectũs & Voluntatis ipſius ; quapro-
pter omnia decernit cum ſummâ ratione, adeoque
etiã complacentiâ, neceſſitati naturali intrinſecè
oppoſitâ : iſta celebratur, Matth. XI, 26. *Pater, quia ita*
Tibi placuit. Rom, XI, 34. *Quis Ei fuit à conſilio ? Adde*
Pſal. cxv, 3. *Ieſ.* XLVI, 10, *Cœcus impetus, & potentia*
obedientialis, Intellectui ſummo & perfectiſſimo mi-
nimè conveniunt. Sed ut *Natura*, ſic *Libertas Dei*,
Crea-

Creaturarum omnium Libertatem infinita ἐξοχῇ superat. Ies. xlii. 5. *An gloriabitur securis contra cædentem ipsam? an se magnificabit serra contra agitorem suum?* Rom. ix. 21. *An non habet potestatem Figulus in lutum, &c.?*

V. *Æternitas* probatur, 1. generatim, ex Act. xv. 18. *Nota sunt Deo ab (omni) ævo omnia opera sua, cum Eph. I. 11, Agit omnia ex Consilio Voluntatis suæ.*

2. Specialius: 1. Cor. 2, 7. *Præfinierat ante sæcula.* Eph. 1, 4. *Elegit nos ante jactum mundi fundamentum.* 2. Tim. 1, 9. *ante tempora sæculorum.*

3. Ex Immutabilitate; quæ asserta est sup. cap. 4. th. 20. *Si enim Deus extisset aliquando sine Decreto, postea Decretum in sese formasset; ea foret satis insignis mutatio.*

4. Ex ipsius *Æternitate*; de quâ cap. 4. th. 26. *Deus enim non exitit tempore infinito sine Decreto suo: cæteroquin nunc quidem Decretum haberet. Nec tempore finito: hoc enim æternitati non convenit.*

Obj. Omne æternum est necessarium: Decrerum vero liberum est, non necessarium: Ergo. Resp. *Æternitas* Decreti Divini infert solummodo necessitatem ex hypòthesi. Interim quatenus Deus cum summâ ratione & complacentiâ ab æterno Decretum fecit, & sic constituit de possibilibus, cum absolute alia & aliter constituere potuisset; agnoscendum etiâ, Decretum istud esse liberrimum, & necessario tale.

VI. Actus Decreti Divini *subjectivè & principativè* omnino Simplex est, & sic ipse Deus, contra Vorstium. Quamvis *objectivè & terminativè* spectet plurima alia à Deo.

Obj. 1. Deus unus est; Decreta verò multa: ergo hæc non ipse Deus. Resp. Actus ille vitalis in se etiâ unicus est: sed decreta multa denominamus ab objectis.

Obj. 2. Deus est ens necessarium; Decretum verò liberum;

liberum : ergo, &c. *Resp.* Deus quidem est Ens maximè necessarium in existendo ; sed & liberrimum in operando extra se. Similiter Decreti existentia necessaria est in Entè sapientissimo ; quamvis terminatio ejus talis , respectu objectorum, liberrima.

Distinguendum interim *objectum præjacens*, & *terminans*. *Objectum præjacens* sunt ipsa Possibilia , sic vel aliter determinabilia , & per summam Dei potestatem ac Sapientiam ad statum qualemcunque determinanda. *Objectum terminans* , aut potiùs *terminatum* , sunt Futura, & consequenter Præsentia, vel etiàm Præterita : statum enim istiusmodi habent , quia Deus ita decrevit.

Deus etiàm decernendo *ordinem* constituit in rebus decretis : qui est vel *intentionis*, vel *executionis*. *Ordo intentionis* ad Decretum magis propriè pertinet : prout Deus sapientissimè ad fines ordinavit suà media. *Ordo executionis* succedit in complemento.

Huc pertinet Canon ; *Quod primum est in intentione, est postremum in executione* ; & contra : nam in intentione finis est causa mediòrum ; media sunt propter finem : sed in executione , finis est ipsum effectum, quod per media obtinetur. Confer sup. cap. 4. th. 62.

VII. *Immutabile* etiàm est Dei Decretum ; & consequenter efficax , per ipsius Omnipotentiam. Sic conjunguntur *Manus & Consilium Dei*, Act. IV, 24. Ita Jës. XIV, 27. *Consilium Jehovæ quis irritum faciat ? & manum Ejus quis avertat ?* Prov. XIX, 21. *Consilium Jehovæ stabit.* Vide etiàm Jës. LV, 10, 11, Consequenter, omne Decretum in se est absolutum, respectu actûs Divini, independentis : nullum conditionatum, nisi sic objectivè denominetur.

VIII. Extendit se Decretum ad omnia alia à Deo : Eph. I, 11. Vide sup. th. 3. Thren. III, 37, 38. *Ecquo dicente existit aliquid, quod Dominus non præceperit ? Ex ore Excelsi, an non prodit malum quodque, & bonum ?* Rom.

xi, 36. Estque pro nostro concipiendi modo, vel *generale*: ubi spectatur universa omnium objectorum amplitudo: vel *speciale*, quod iterum suos gradus amplitudinis habet; ut Creationis, Providentiæ, de Terminò vitæ humanæ, Prædestinationis, &c. sed postremum istud καὶ ἐξ ὧν *speciale* appellatur.

IX. *Decretum Creationis* est, quo Deus ab æterno constituit, creaturas ex nihilo producere, in tempore; ad gloriam suam. Apoc. iv, 11. *per Voluntatem Tuam sunt, & creata sunt.* Act. xv, 18. Eph. i, 11.

Decretum Providentiæ est, quo Deus ab æterno constituit, Creaturas conservare, iis cooperari, easque gubernare, ad gloriam Suam. Distinguitur hoc in *Effectivum* quo Deus proposuit omnia bona futura verâ efficientiâ operari; à quo omnis donatio bona, & omne integrum donum descendit, Jac. i, 17. *Quicquid placet facit.* Psal. cxv, 3. & in *Permissivum*, quo proposuit mala in causis secundis non impedire. Act. 2, 23, 24. *Destinito consilio & præcognitione Dei deditum*, &c. Similiter ferè iv, 27, 28. Item Psal. lxxxix, 17. *Dimisi eos ambulaturos, &c.* Act. xiv, 16. 17. *Sivit omnes gentes suis ipsarum viis incedere.* cum Gen. xx, 6. *Cohibui te, ne peccares in Me: idcirco non sivi te attingere eam.*

X. *Futura* sunt propriè & per se *Bona*, *Mala* non nisi ratione subjecti boni sunt, aut fiunt; in quo tantum alterius boni privationem significant: quam supplere Deo non placet; cum etiâ, si voluisset, nihil conferre potuisset. Imò verò, ô Homo; tu quis es qui ex adverso responsas Deo? nûm dicet figmentum fictori; cur me tale fecisti? annon habet potestatem figulus, &c. Rom. ix, 20, 21.

A Decreto permissivo recte quidem procedit illatio Logica; ut à non-actiōe causæ primæ, ad non-positionem effectûs. Errant autem gravissimè Adversarii, Deum hinc peccati auctorem statui calumniandos. Verè interim Deus decrevit in genere Entis bona facere,

facere, mala autem physicè permitttere; consequenter etiam hæc necessariò futura sunt. *Matth. xviii, 7.* Necessè est, ut eveniant offendicula. *xxvi, 24.* Filius hominis abit, sicut scriptum est de eo, &c. *Luc. xxiv, 26.* Nonne hæc oportuit Christum pati? &c. *2 Theß. ii, 13.* *Apoc. i, 1.*

XI. *Decretum de immobili vitæ humanæ termino* est, quo Deus constituit ab æterno, quamdiù quisque hominum determinatè victurus esset in hoc mundo: Quod probatur contra Socinianos, Anabaptistas, & Remonstrantes: 1. expressis S. Scripturæ testimoniis. *Joh. xiv, 1, 2, 5.* „Homo natus muliere, brevis ætate, „- Quandoquidem præcisi sunt dies ejus; numerus ejus penes Te est: determinationem ejus fecisti: quas non transgrediatur: *Psal. xxxix, 5, 6.* - *Palmares disposuisti dies meos. cxxxix, 16.* In libro Tuo hæc omnia scripta sunt, „(ex quibus) diebus formabantur, cùm nondum ullum „eorum (extaret.) *Act. xvii, 25, 26.* Definitis præstis „tutis temporibus, & positis terminis habitationis eorum. *Eccl. iii, 1, 2.* Cuique sua tempestas. - Tempus parienti & tempus moriendi. Vide etiam *Joh. viii, 20.* *Jes. xxxviii, 5.*

2. Ex eo, quòd Deus sit Arbiter vitæ & necis: dicens, *Psal. xc, 3.* Revertimini filii hominum. *i Sam. ii, 6.* Jehovah morte afficit, & in vitam restituit. cum *Eph. i, 11.* *Act. xv, 18.*

3. A minori: *Matth. x, 29, 30, 31.* Nonne duo passeruli assario veniunt: & unus ex iis non cadet in terram sine Patre vestro? Vestri verò etiam capilli capitis omnes numerati sunt. Ne igitur Timeate: vos multis passerculis præstatis.

4. Quia plurima alia; etiam maxima ac gravissima, ab hominum vitâ dependent; quorum alioqui non esset certa futuritio. Confer sup. cap: 4. th. 36, 37.

XII. *Obj. i.* Per istiusmodi Decretum tollitur omnis creaturarum libertas & contingentia. *Resp.* Imò Deus

Deus decrevit satis multa, quæ naturâ suâ essent libera, vel *contingentia*; quamvis eadem necessario futura necessitate extēnâ.

Obj. 2. Evertitur omnium mediorum necessitas, alimentorum, medicamentorum, precum, &c. *Resp.* Nego: Deus enim decrevit & ordinavit conditiones, ac media necessaria, ad tales fines. *Act. xxvii, 31. Nisi isti in navi manserint, vos servari non potestis. Hebr. xi, 6. Absque fide impossibile est Deo placere.*

Obj. 3. *Exod. xx, 12.* & alibi, piis longævitas promittitur; contra verò *Psal. lv, 24.* improbi dicuntur non perventuri ad medium dierum: ergo non præstitutus est iis terminus immobilis. Apertè etiam dicuntur Ezechiaë additi anni quindecim; *Jes. xxxviii, 5.* *Resp. 1.* Piis promittitur beata longitudo dierum; *Psal. xxiii, 6.* hic quodammodo inchoanda: sed in cœlesti hæreditate consummanda; cujus Canaan typus fuit: non tamen in hoc sæculo producenda ultra terminum à Deo definitum. 2. Impii autem ad medium dierum non sunt perventuri; scil. quos naturaliter, habitâ ratione valetudinis ac roboris, supervivere potuissent. 3. Ezechiaë denique post morbum istum tot anni adjecti sunt; non termino universæ illius vitæ prius Divinitus præfinito.

XIII. *Prædestinatio* est Decretum Dei de Creaturarum rationalium statû æterno; ad manifestandam Potentiæ, Sapientiæ, Gratiæ, & Justitiæ suæ Gloriam.

Ea ratione *objectorum* vel est *Angelorum*, vel *Hominum*.

Ratione *terminorum* vel est *Electio*, vel *Reprobatio*. *Jes. xli, 9. Elegi te, & non reprobavi. Rom. ix, 13. Iacobum dilexi, & Esavum odio habui. 1 Thess. v, 9. Non constituit nos ad iram, sed ad salutem obtinendam.*

Non rectè contendunt Pontificii & Lutherani, Damnandorum præscientiam solum esse; non Prædestinationo-

nationem : cum 1. etiã illa Decretum permissivum & ordinativum præsupponat. Et 2. Spiritus Sanctus Prædestinationem disertè in isto negotio appellet : *Act. iv, 28. Ut facerent, quaecunque manus Tua & Consilium Tuum prius definierat* *δεωξατο*) ut fierent. Atque 3. Phrases æquipollentes occurrant : utpotè *Judæ, 4. Præscripti ad damnationem. 1 Thess. v, 9.* Et 4. Præscientia, aut Præcognitio, de Electione etiam usurpetur ; *Rom. viii, 29. xi, 2.*

XIV. *Electio Angelorum* quorundam patet, ex *1 Tim. v, 21.* „Obtestor - in conspectu - *Electorum Angelorum.* Undè etiam aliorum *Reprobatio* facilè colligitur. Et *Judæ, 6. Deus Angelos - judicio magni illius diei vinculis æternis sub caligine servavit. Matth. xxv, 41. In ignem æternum paratum Diabolo & Angelis ejus.* Ad di potest argumentum à minori, ut sup. th. i i, §. 3.

Electio Angelorum, est Prædestinatio, quã Deus ab æterno definitè constituit, quosdam Angelos, ubi in tempore boni & sancti essent creati, per Gratiã suã conservare & confirmare in statu isto ; ad ipsorum Salutem, & Gloriam Potentiæ, Sapientiæ, & Gratiæ suæ.

Reprobatio verò est Prædestinatio, quã similiter definitè constituit aliorum lapsum permittere, in eo ipsos relinquere & gubernare, ac propter peccata æternum condemnare ; ad Gloriam Potentiæ, Sapientiæ, & Justitiæ suæ.

Interim pro supremã suã potestate Deus talem futurationem constituit atque ordinavit. Lapsus verò non est causa *Reprobationis*, volitionis istius Divinæ ; quæ est independens : sed tantum est causa demeritoria talium poenarum,

XV. *Electio Hominum*, est Prædestinatio, quã Deus ab æterno constituit de Hominibus, ubi in tempore ad Imaginem Suam essent conditi, sed labiles ; ac demeriti, Ipso permittente, in Adamo pariter lapsi ;

quosdam definitè, in Christo, per fidem ac resipiscen-
tiam æternum salvare; ad gloriam Potentiæ, Sapien-
tiæ, & Misericordiæ suæ. Actus hic Dei, ut apparet,
non est segregatio ad munus aliquod, sive Politicum,
sive Ecclesiasticum; quemadmodum 1 Sam. x, 24. *Vi-*
detis - ne quem elegerit Jehovah. Ioh. vi, 70. *Nonne Ego*
vos duodecim elegi: Nec populi assumptio ad externam
foederis gratiosi communionem; de quâ Deut. iv, 37.
Dilexit maiores tuos, elegitque semen eorum. Sed certo-
rum hominum ordinatio, ad salutem per fidem in
Christum consequendam; Non omnium in univer-
sum; nec multitudinis vagæ. Hoc primò contra Soci-
nianos, Remonstrantes, aliosque, probatur.

1. Ex disertis Christi verbis: Joh. xii, 18. *Non de*
omnibus loquor; scio quos elegerim Luc. x, 20. *Gaudete*
potius, quod Nomina vestra scripta sint in cælo. Matth.
xx, 26. xxii, 14. *Multi vocati, pauci Electi.* xxiv, 24.
xxv, 34.

2. Ex dictis Apostolicis: Rom. viii, 29, 30. *Quos*
præscivit, etiam prædestinavit conformandos imagini Filii
Sui: - *Quos verò prædestinavit, eos etiam vocavit, &c.*
ix, 12, 13, 15, 16, 18, 21, 23. 2 Tim. 2, 19. *Novit Do-*
minus Suos. Similia sunt Eph. i, 3, - 6. & 1 Cor. iv, 7.
Quis Te ab aliis discernit? &c.

3. Ex Voluntatis, Decreti, ac Præscientiæ Divi-
næ actû purissimo.

XVI. Secundò asserimus, Electionem esse absolu-
tam, atque immutabiliter certam; & talem fuisse ab
æterno: Non demùm fieri absolutam in momento
mortis eorum, qui fideles perseveraverint. Vide sup.
th. 5.

Tertiò statuimus, Electionem illam factam non esse
ex præviâ fide; contra Remonstrantes, & Lutheranos:
neque ex meritis prævisis; contra Pontificios: sed ex
mero placito Gratiæ Divinæ.

Hoc patet, 1. Ex disertis testimoniis S; Scripturæ:
Rom.

Rom. IX, 11, 12. *Nondum enim natis pueris, &c. Non ex operibus, sed ex Vocante.* 16, 18, 20, XI, 5, 6. 2 Tim. I. 9. *Non ex operibus; sed ex Suo præstituto.* Unde Christus, Matth. XI, 26, 27. *Gloriam tibi tribuo Pater, quòd hæc occulta deris sapientibus & intelligentibus; & ea detexeris infantibus. Etiam Pater; quia sic placitum est Tibi.* Luc. XII, 32.

2. Electio est ad fidem, sanctitatem, perseverantiam. Eph. I, 4. *Elegit - , ut simus Sancti & inculpati.* Act. XIII, 48. *Crediderunt, quotquot erant ordinati ad vitam æternam.* Ita Christus, Ioh. XV, 16. *Elegi, & constitui vos; ut fructum adferatis.* Rom. VI, 11, 29, 30. XI, 35, 36. 1 Cor. IV, 7. 2 Tim. 2, 19. Psal. C, 3. Deut. VII, 6, 9. Joh. VI, 37. *Sublatâ vero hâc causâ non ponitur salutaris iste effectus:* Ioh. VII, 47. *Non auditis, quia ex Deo non estis* X, 26. *Non creditis, quia non estis ex Oribus illis Meis.* 1 Ioh. II, 19. Apoc. XIII, 8.

3. Fides, vel Obedientia, non potuit prævideri futura; nisi consequenter ad Decretum Dei: unde cæteroquin ista futuritio? Nec Deus eam decrevit, nisi ut medium salutis consequendæ in Christo. Confer sup. cap. 4. th. 39, & 42.

XVII. Christus in Electione consideratur vel Theologicè; & sic etiâ est idem ipse Deus eligens: vel Oeconomicè; & sic ipse quoque ordinatus est, ut causa & basis omnis salutis Electorum, & caput Salvandorum: 1 Petr. I, 19, 20. *Agnus - præcognitus ante jacta mundi fundamenta.* Apoc. XIII, 8. *Nomina scripta in libro vitæ.* Agni mactati, indè à jacto mundi fundamento, &c. Eph. I, 4. *In ipso elegit, &c.* Hebr. 2, 10. *Principe salutis.* Joh. III, 16. *Deus - Filium illum suum unigenitum dedit, ut quisquis credit in eum - habeat vitam æternam.* Col. I, 19, 20. Jes. LIII, 10. Joh. XVII, 6, 9, X, 29; 14, 15, 16. Rom. VIII, 32. Gal. II, 16. Cant. 2 - 16.

Non autem est propriè causa meritoria ipsius Electionis; contra Lutheranos: hoc enim independen-

tiæ actûs istius Divini repugnant. Nec fundamentum pariter Electionis, si recipiatur; & reprobationis, si rejiciatur. Imò aliæ sunt causæ demeritoriaæ damnationis: quamvis Christus etiam ex accidenti objectum peccati sit. *Ioh. 111, 17, 18. Misit Deus Filium, - non ut damnet mundum; sed ut servetur mundus per Eum. - Qui verò non credit, jam condemnatus est, &c. 30. Qui credit in Filium, habet vitam æternam; qui verò non obtemperat Filio, non videbit vitam; sed ira Dei manet super eum.* Infideles carent medio liberationis; imò quoniam intelligentia carnis est inimicitia adversus Deum, (*Rom. viii, 7.*) illi contra Christum & Evangelium exerunt malitiam suam, & condemnationem aggravant.

XVIII. *Finis* est Gloria Dei: *Prov. xvi, 4. Rom. xi. 36. Eph. I, 6. Ad laudem gloriose suæ Gratiæ. 1 Petr. 2, 9. Vos Genus Electum; - ut virtutes prædicetis Illius, &c.*

Sapientissima vero est ordinatio Mediorum ad Finem. Deus nimirum in Hominibus, sibi quoque possibile, exerere volens ac manifestare Gloriam suam, per viam Gratiæ & Misericordiæ, salvâ interim etiam Justitiâ suâ; actû simplicissimo æterni Decreti sui statuit, ut crearentur Adamus & Eva, boni, sed labiles: Fœdus operum cum iis iniretur; sed & posteritate, definite istâ, in iis censitâ: lapsus permetteretur; & Legalis sententia promulgaretur: interim Mediator & sponsor Θεάνθρωπος constitueretur, cujus satisfactione ac merito tali, ex miseriâ istâ liberandi, & æternûni salvandi essent isti definite; sic vocandi, iustificandi, glorificandi.

XIX. *Obj. 1.* Deus vult omnes homines salvos fieri; *1 Tim. 2, 4.* Ergo Electio non est certarum personarum definite. *Resp.* Per omnes, distributive in genera singulorum, intelligi debet universitas electorum ex singulis nationibus, ætatibus, & conditionibus hominum: & consequenter fidelium ac resipiscen-
tium. Confer *Matth. iv, 24. Luc. xi, 42. Act. x, 12. Rom. xiv, 2.*

Obj.

Obj. 2. Dilexit *mundum*, eique salvando Filium dedit: *Joh. 111, 16*. Ergo. *Resp.* Synecdochice intelligi debet pars electa. Confer *Rom. xi, 12, 15*.

Obj. 3. Apud Deum non est *προσωποληψία*; *Act. x, 34*. Ergo nec certarum duntaxat personarum electio. *Resp.* *Προσωποληψία* de Deo negatur; quod nullam qualitatem antecederet in homine spectaverit, nedum à causa alienam, ob quam unum præ alio elegisset: *Rom. ix, 20*. & consequenter ad communionem Fœderis salutaris adscisceret. Hoc sine discrimine nunc sub N. T. obtingit hominibus cujuscunque nationis, &c. Unde nequaquam id sequitur, quod contendunt Adversarii.

Obj. 4. Aliqui prius crediderunt; postea perierunt. *1 Tim. 1. 19. 20. 2 Petr. 11, 20, 21, 22. &c.* Ergo Electio non est prorsus absoluta & immutabilis. *Resp.* Nego consequentiam. Fidem Historicam & temporariam tantum habentes perierunt; sed isti electi non fuerunt. Aliter res habet in iis, qui fide salvificâ præditi sunt.

Obj. 5. Absque fide impossibile est Deo placere. *Hebr. xi, 6*. Nemo igitur electus est, nisi ex fide prævisâ; sive, ut credens. *Resp.* Per Fidem placemus Deo; quantum ad amorem complacentiæ attinet; sed de amore benevolentiae, qui est in Electione, aliter judicandum.

Obj. 6. *Deus elegit pauperes mundi, divites fide. Jac. 2. 5.* Ergo ex fide prævisâ. *Resp.* Elegit, ut in tempore essent tales: non vero quasi antecederet tales existerent, vel etiam futuri essent. Eodem versû addit Apostolus; *& hæredes Regni*: procul dubio, non quod antecederet tales essent, sed ut tales fierent.

Obj. 7. Præcognitio antecedit Prædestinationem, *Rom. vii 1, 29.* ergo & Fides prævisâ. *Resp.* Præcognitio, *Rom. viii, 29.* ut & *xi, 2.* metonymicè ipsum Decretum electionis ad salutem notat; non verò prævisionem fidei; sed Prædestinatio, ut illi conformentur

imagini Filii, pertinet ad mediorum ordinationem : quibus iste finis obtinendus est.

Obj. 8. Electio est actus misericordiæ; *Rom.* IX, 23. supponit ergo objectum miserum : sed non rectè dicitur, objectum electionis esse hominem possibilem. *Resp.* 1. Nego antecedens. Electio est actus domini, quod Deus etià habuit in possiblem. 2. Electi dicuntur *vasa misericordiæ* : quia Deus decrevit lapsum & miseriam permittere, atque indè eos per Christum liberare : hoc autem pertinet ad objectum terminans.

Obj. 9. Numerus possiblem infinitus est : objectum Prædestinationis non est infinitum : Ergo. *Resp.* Objectum præiacens est syncategorematicè infinitum : sed Deus per Decretum præfinivit, quid, & quomodo futurum esset, quod ad objectum terminans pertinet.

Obj. 10. Orthodoxi passim dicunt, Deum elegisse certos quosdam homines, ex lapsu & communi miseriâ erigendos, &c. *Resp.* Sic rectè objectum terminans Decreti Divini, & quidem ex parte, proponitur : nam etià ipse lapsus futurus erat ex Decreto Dei : nec statui debent plura Decreta in Deo realiter distincta.

XX. Electionis certitudo spectatur, tum *objective*; de quâ sic satis constat ex sup. th. 7. & 16. tum *subjective*; prout percipitur in conscientiis fidelium. Atque ita probatur contra Socinianos, Pontificios, & Remonstrantes.

1. Ex naturâ Fidei : *Tit.* I, 1. *Fides Electorum Dei* cum *Rom.* VIII, 30. Quos prædestinavit, eos etiam vocavit. & X, 17. *Fides est ex auditu*; & auditus per Verbum Dei vocantis. Ac porro 1 *Cor.* 2, 10. Scimus, quæ Deus nobis gratificatus sit. 1 *Ioh.* 2, 27. *Ista unctio docet vos de omnibus*, &c. Ergo etiam de Electione. Confer sup. cap. 2. th. 12.

2. Ex naturâ Spei; quæ non confundit expectantem.

stantem : *Rom. v, 5.* & Fidei naturam sequitur : ista enim est *Hypostasis* eorum, quæ sperantur ; & demonstratio eorum, quæ non cernuntur : *Hebr. xi, 1.* Sic autem expectamus, & consequenter certò adipiscimur, æternam beatitudinem : *Rom. viii, 23, 24, 25.* quæ cum electione individuum nexum habet : *Matth. xx, 23. xxv, 34.*

3. Quia docemur, & admonemur explorare nos ipsos, & confirmare statum nostrum spiritualem, *i Cor. xi, 28.* *Exploret quisque seipsum. 2, xiii, 5.* Vos ipsos tentate, an in fide sitis : vos ipsos explorate, &c. *2 Petr. i, 10, 11.* Studete vocationem & electionem vestram firmam efficere. - Ità enim amplè subministrabitur vobis introitus in æternum Regnum, &c. Ex fructibus nimirum arbor cognoscitur : *Matth. xii, 33. vii, 16, 17, 18.*

4. Quia Apostoli aliorum electionem celebrârunt, & Deo pro illâ gratias egerunt. *Eph. i, 3, 4, 5.* *Benedictus esto Deus, qui elegit : - qui prædestinavit nos in adoptionem, &c. Phil. i, 6, 7.* Persuasum habens, &c. scil. extraordinariâ revelatione Divinâ. Aliàs, quisque sibi sub Deo statûs sui saltem potest esse conscius : *i Cor. 2, 11.* *quis novit ea, quæ sunt hominis ; nisi Spiritus hominis, qui in eo est ?*

XXI. Obj. 1. Ignoramus consilium Dei : nec nobis licet inspicere librum vitæ, &c. Ergò, Resp. Inspicimus & legimus librum vitæ à posteriori. *2 Tim. 2, 19.* *Abscedat ab injustitiâ, quisquis nominat nomen Christi. i, 12.* Novi cui crediderim. scil. ex libro Scripturæ, & libro conscientiæ, inter se collatis.

Obj. 2. Ista certitudo faceret homines securos & profanos : ergò non est asserenda. Resp. Finis rectè agnitus & intentus non facit hominem securum, aut profanum : quia ad illum simul media ordinata sunt, *i Joh. iii, 5.* *Qui hanc spem habet, castum se conservat.*

servat. Phil. III, 12, 13, 14. Persequor, an quoque apprehendam, &c.

Obj. 3. Sæpius commendatur metus, & tremor. Ergò. Resp. Metû & reverentiâ filiali, qualis tunc intelligitur, eertitudo illa confirmatur: Phil. II, 12, 13, cum timore ac tremore vestram salutem conficite.

Obj. 4. Multi falso putant, & jactant, se electos. Ergò. Resp. Illorum falsa imaginatio non debet præjudicare verè conversis, Spiritum fidei habentibus, sic credentibus, loquentibus, & facientibus: 2 Cor. IV, 13, Iac. 2, 12.

XXII. Hominum *Reprobatio* est *Prædestinatio*, quâ Deus ab æterno constituit de Hominibus, ubi boni, sed labiles essent creati, ac deinceps pariter lapsi, quosdam definitè in isto statû relinquere; juste, sapienter, & patienter gubernare, ac propter peccata æternùm condemnare; ad gloriam Potentiæ, Sapientiæ, & Jussitæ suæ.

Actus hic Dei etiâ *primò* respicit definite & nominatim personas quasdam; non generaliter infideles, aut impœnitentes, incerto eventû. Contra Socinianos, Remonstrantes, &c. Idque patet, 1. ex SS. Literis, non solum negative: *Ies. xli, 9. Non reprobavi te. 1 Thess. v, 9. Non constituit nos Deus ad iram. Apoc. XIII, 8. Nomina non sunt scripta in libro vitæ. Sed & positive: Iudæ, 4. Olim præscripti ad Damnationem. Rom. IX, 13. Esavum odio habui. 17, 18. „Dicit enim Scriptura Pharaoni; Ad hoc ipsum excitavi te, ut ostendam in te Potentiam Meam, &c. Quem vult, indurat. 19, - 22. „An non habet potestatem figulus in lutum, ut ex eadem massâ faciat aliud quidem vas ad decus, aliud „verò ad dedecus? Quid si verò volens ostendere iram, & notam facere potentiam suam, pertulit multâ cum iræ cohibitione vasa iræ compacta ad interitum? Confer Prov. XVI, 4.*

2. Ex ratione Voluntatis, Decreti, Præscientiæ, atque Electionis Divinæ, de quibus suis locis.

XXIII. *Secundò* asserimus, illam determinationem ab æterno, & immutabiliter factam esse. Rom. ix, 11. *Nondum enim natis pueris, &c. Iudæ 4. Jam olim præscripti.* Vide sup. th. 5.

Tertiò, Reprobatio facta est, non ex prævisâ infidelitate, impœnitentiâ, aut apostasiâ; sed ex Dei placito. Hoc probatur.

1. Ex illustri locò V. T. Prov. xvi, 4. *Omnia operatur Jehovah propter Se ipsum, etiam impium ad diem mali.*

2. Ex dictis Christi; Matth. xi, 25, 26, „Quòd hæc „occultaveris sapientibus & intellegendibus, -. Etiam „Pater, quia ita placuit Tibi. Confer, xiii, 11, - 15. Joh. xii, 37 - 40.

3. Ex dictis Apostoli - Rom. ix, 11, 12, 13. *Cùm nihil fecissent boni vel mali, &c. Non ex operibus; sed ex vocante, 17. de Pharaone; Ad hoc excitavi te, &c. 18. Quem vult, indurat. 19, - 22. Vide sup. th. 22.*

4. Ex antè probatis de Voluntate, Decreto, Scientiâ, & specialiùs de Electione Divinâ.

XXIV *Finis* est Gloria Dei; ad quam ipse sic exserit Potentiam suam, per viam Justitiæ; ut admiranda interim Sapientia, Bonitas, & Longanimitas simul illustretur. Rom. ix, 17. *Ut ostendam in te Potentiam Meam; & annuncietur Nomen Meum in totâ terrâ. 22. Volens ostendere Iram, & notam facere Potentiam Suam. xi, 33, 34. O profundas divitias tum Sapientiæ, tum Cognitionis Dei, &c. Ex Eo, & per Eum, & in Ipsum (sunt) omnia Ipsi (sit) Gloria in sæcula! Amen.*

Sapientissimè igitur & sanctissimè Deus constituit de Hominibus, ut, postquàm creati essent boni, sed labiles Fœdus initum, lapsus permissus, & sententiæ legalis proposita, ex ista miseria aliqui definitè non liberarentur; quin & prolapsus in peccata actualia permitteretur; isti tales tolerarentur, gubernarentur, &

& exercerentur multis modis, ac tandem iustè damnerentur, ad Gloriam Ipsius sic manifestandam. Hoc autem novissimo die plenariæ executioni mandabitur, juxta sententiam; *Matth. xxv, 41. Execrati, abite à Me in ignem æternum, paratum Diabolo & Angelis ejus.*

XXV. *Obj. 1.* Deus est maximè Misericors: non vult quenkumque perire; *2 Pet. iii, 9.* Ergò non datur absoluta quorundam hominum reprobatio. *Resp.* Deus non vult perire quenkumque electorum: ideo additur: *Patientè est in Nos animo.* Et summa Dei Misericordia non est extendenda ultra ipsius Voluntatem: *Rom. ix, 18. Cujus vult miseretur;* &c. A Misericordiæ effectis Justa damnatio diversa quidem est; non tamen contraria.

Obj. 2. Absoluta illa Reprobatio aliena est à justitiâ; quæ non permittit puniri, nisi peccatores. *Resp.* Reprobatio est actus absoluti Dominii: damnatio verò est actus Iustitiæ: scil. peccata sunt causæ demeritoriae damnationis, sive pœnarum; non autem Decreti, aut volitionis Divinæ.

Obj. 3. Si Reprobatio foret absoluta, tam multi homines essent necessariò damnandi; nec ullis bonis operibus exitium effugerent: hoc autem absurdum est: Ergò. *Resp.* Reprobi non possunt non damnari; quia non adhibent neque ex hypothesi, & in sensu composito, adhibere possunt, media salutis: in sensu diviso tamen, si ea adhiberent, salvarentur; & per mandatum Dei ad ea obligati sunt.

Obj. 4. Sic etià admitterenda foret Reprobatio infantium: & consequenter parentes semper deberent esse solliciti de infantibus suis; an non essent reprobi; &c. *Resp. 1.* Infantes reprobi iustè damnantur, propter reatum in Adamo; *Rom. v, 16.* & Deus Judicans justificatur semper: *Rom. ii, 4, 6. ix. 20. 21. 2.* Nihil est, quod fideles solliciti sint de liberis suis in infantia morientibus; alia de iis facta est promissio; *Gen. xvii,*

7, 10, 13, 14. *Act.* 2, 39. *Marc.* x, 14. Adolescentes verò quàm diligentissimè instruant ad pietatem : *Ephes.* vi, 4.

Obj. 5. Peccatum facit hominem reprobabilem : ergo etiam propter illud futurum, ac prævisum, facta est Reprobatio. *Resp.* Peccatum facit hominem damnabilem, aut potius reum damnationis : sed possibilis produci, etiam est ordinabilis ad existentiam talem, & talem statum æternum. Subjecto possibili possibiles affectiones conveniunt. Et qui finem decernit, etiam media ad eum ordinat, & conditiones pro re natâ.

XXVI. Male Remonstrantes quatuor Decreta subordinata statuunt : *Primum*, quo Deus decreverit Filium suum in Mediatorem & Salvatorem ponere. *Secundum*, quo resipiscentes in gratiam recipere, perseverantes per Christum salvare, impenitentes verò damnare, constituerit. *Tertium*, quo decreverit media ad salutem sufficienter & efficaciter administrare, secundum Sapientiam suam, quâ novit quid Misericordiam & Severitatem suam deceat. *Quartum* denique quo certas personas salvare, vel damnare decreverit.

Tribus prioribus perperam substernunt gratiam universalem ; *postremo*, liberum hominis arbitrium. In *primo* spectatur jus, via, & occasio cum homine peccatore denuo agendi, & conditiones salutis præscribendi. *Secundo* dicitur actus fidei ignobilis & possibilis eligi, in conditionem salutis, reputandam pro perfectâ Legis obedientiâ. *Tertio*, dicuntur quædam saltem, eaque efficacia, media necessaria administrari ; quibus homines vel statim, vel gradatim ad fidem reddantur idonei : imo etiam mediâ illa *efficaciter* dicuntur *administrari*, quod saltem ad efficiendum sint admodum valida. In *quarto* est nexus cum prioribus tantum contingens ; nam, positis illis mediis, dicuntur posse

posse fieri ut nullus salvaretur. Gratia illis resistibilis est. Breviter, talia Decreta, eoque ordine, SS. Literis non consonant: sed contra Dei Independentiam, & pro liberi Arbitrii gloriâ temere conficta sunt.

XXVII. Sed paucis inter se conferamus Prædestinationem Angelorum & Hominum! In *Electione* utrobique *finis ultimus* est Gloria Bonitatis & Gratiæ Divinæ. *Subordinatus* autem, singulorum Beatitudo æterna: *Prov.* xvi, 4. *Hebr.* xii, 22. *Phil.* iii, 20.

Media etiâ utrobique sunt creatio ac imaginem Dei, & istius rectus usus, ac praxis spiritualis.

Reprobationis finis est Gloria Iustitiæ. Divinæ in damnatis: *Matth.* xxv, 41. 2 *Petr.* ii, 4. 1 *Cor.* vi, 3.

Media, bona Origo permissio defectionis, & derelictio in istâ miseria: *Joh.* viii, 44. 2 *Petr.* ii, 4. *Juda*, 6.

Differentia est i; in Mediis: in Angelis electis enim est Sanctitas non interrupta: *Marc.* viii, 38. *Luc.* ix, 26. cum 2 *Petr.* ii, 4. *Judæ*, 6. Sed in Hominibus est Gratia per Christum Mediatorem restituta; Fides, & Resipiscentia: *Matth.* i, 21. *Joh.* iii, 18. *Act.* iv, 12. 1 *Tim.* ii, 5, 6. &c. Undè etiâ Misericordia Dei elucescit. *Rom.* ix, 15, 18, 23, xi, 32.

2. Multis hominibus reprobis prædicatio Evangelii etiâ suo modo obtingit; sed nullis Angelis: 1 *Tim.* iii, 16. *Hebr.* 2, 16.

XXVIII. *Praxis* esto: 1. Humiliter sublimitatem, & sapientiam Decreti Divini admiremur, adoremus: *Rom.* xi, 32.

2. Nunquam media à fine suo separemus: *Matth.* iv, 6, 7. *Rom.* iii, 8. x, 13, -16.

3. Vocationem & Electionem nostram piâ praxi firmam faciamus: 2 *Petr.* i, 10, *Joh.* xv, 16. 1 *Petr.* ii, 9. *Eph.* i, 4. cum *Luc.* xiii, 23, 24. *Act.* i, 7. Eum maxime reverentes ac diligentes, qui nos sic elegit: 1 *Joh.* iv, 9. *Eph.* i, 5. *Jos.* xxiv, 14, 15. *Deut.* vii, 6, 7, 8. *Pss.* lxi, 9. lxxi, 11, 23, -26.

4. To-

4. Totam Salutis nostræ methodum Deo adscribamus : *Phil.* 2, 12, 13. *Eph.* 2, 8; 9, 1 *Cor.* 1v, 7. *Pf.* cxxxviii, 8.

5. Adversus omnes tentationes animum muniamus charitate Dei, & fiducia in ipso: *Rom.* viii, 28, - 37. 1 *Joh.* iv, 18. cum *Rom.* xi, 29. 2 *Tim.* 2, 19.

6. Creaturis peccantibus culpam omnem tribuamus : *Rom.* 111, 4. - 1x, 19, 20, 21.

7. Ex consideratione Severitatis Divinæ in aliis, Gratiā nobis præstitam magis admiremur, & animo grato celebremus : *Rom.* 1x, 22, 23. xi, 32, -. xii, 1. 1 *Theß.* v, 8, 9. 2. ii, 13. 1 *Joh.* iv, 10, 11.

CAPUT VII.

DE CREATIONE.

Actiōes Dei transsunt. Productiō creativa. Eductiva. Creatio mundi. 1. Creatio actio Dei propria; etiam contra Pontif. 2. Objectiones solvuntur. 3. Creatura ne quidem ejus causa instrumentalis physica esse potest. Obj. solv. 4. Creatio activè spectata, est ipse Deus. Obj. solv. 5. Nulla Creatura ab æterno esse potuit. 6. Objectiones solv. 7. An Mundus potuerit citius, aut serius creari. 8. Quando creatus; & quo ordine. Creatio immediata: & mediata. 9. Opera primæ diei. Cælum cælorum. Ejus situs. 10. Angeli. Quando creati. Eorum existentia prob. c. Sadduceos, &c. 11. Nomina. Desinitio. 12. Substantiæ spirituales. Eorum intellectus. Quomodo futura sciant. Eorum libertas. 13. Potentia. Affectus 14. Completa per se subsistentia. Non habent.

bent corpora. Neque illis convenit generatio ; aut corruptio. 15. Locus definitivus. Motus. Ævum. 16. Numerus. Ordo. Archangelus. Classes, & chori temerè à Pontif. definiuntur. 17. Boni ; & Mali. 18. Boni. Eorum officia. An cuique Homini assignatus suus Angelus cussios. Obj. solv. Gabriel. Honor. 19. Mali Angeli. Spectra. Effecta alia noxia. Corporalis obsessio. Actiones circa animam. Beelzebub. 20. Æther : & Aer. 21. Terra : & Aquæ. Quomodo his Spiritus incubuerit. c. Socin. & Pontif. 22. Lux Non absque subjecto ; c. Pontif. 23. Consectaria contra Philos. qu. 24. Infernus. 25. Secundo die factum expansum. Meteora. Non statim adjecta specialis approbatio. 26. Tertio die segregatæ Aquæ à Terrâ. More : ejus falsedo : & motus. 27. In Terrâ partes salsæ , sulphureæ , mercurialis : Metalla , aliaque mineralia. Ignes , & Flatûs subterranei ; &c. Herba ; frutices ; arbores. Earum nutritio , & generatio. Plantanimalia : & Sponte orta. 28. Quarto die facta Luminaria : duo magna ; & stellæ reliquæ : erraticæ ; fixæ. Earum usus communis. Speciales. 29. Motus. Influentia. Vanæ prædictiones Genethliacorum. Signa extraordinaria. 30. Consectarium de Solis motû , & Terræ quiete. 31. Exc. & Obj. solvuntur. 32. Animalia : atque in iis corpus ; & Anima sensitiva. Sensûs , tum interni ; tum externi. Appetitus sensitivus. Facultas locomotiva. 33. Quinto die producta. Sexto. Amphibia. Homo. Eius

jus partes essentielles. Adamus, & Eva. Ille
 initio non bicorpor. Non Lilith. Non Pre-
 Adamita. 34. Corpus viri, undè: atque item
 Mulieris. Propagatio. Conformatio. 35. Anima à
 Deo immediatè creata. Ejus immaterialitas. Ad-
 hùc in singulis à Deo creatur immediatè. Obj.
 solv. Immortalitas. Intellectus. Voluntas. Iudicium.
 Libertas. Unio illius cum Corpore. Non modus,
 &c. 36. Imago Dei. Homo non factus ad Imagi-
 nem Angelorum; c. Pontif. nec ad Filium Dei
 incarnandum; c. Anabapt. 37. Ista Imago quid
 supponat. Formaliter consistit in spirituali sa-
 pientiâ, Justitia, & sanctitate; c. Socin. Obj.
 solv. 38. Justitia originalis. Quæstio minimè
 inepta & inutilis; c. Remonstr. Adam habuit
 potentiam credendi in Christum. 39. Rectè dici-
 tur naturalis; c. Pontif. 40. Opinio Pontif. de
 morbo morali naturæ concreato: atque item
 Remonstr. Inclinatio ad malum verè vitiosa est. 41.
 Gratia primi hominis: habitualis. 42. Quæ conse-
 cutivè ad Imaginem Dei pertinuerint. Domi-
 nium. In eo Imago Dei non consistebat forma-
 liter; c. Socin. & Remonstr. 43. Immortalitas,
 nisi homines peccassent. c. Socin. 44. Illorum
 distinct. & obj. solvuntur. 45. Creatio singu-
 lorum momentanea: sex tamen diebus distincta.
 Anni tempestas. Quies septimi diei. 46. Creatura.
 Mundus. 47. Unus. Finitus. 48. Praxis. 49.

I.



ctiones Dei transeuntes dicuntur, per quas alia entia extra Deum constituuntur. Suntque Creatio, & Providentia.

Productio rei vel est creativa, vel educitiva. Illa est ex nihilo. Sic in principio creavit Deus Cœlos & terram. Et terra erat solitudo & inanitas: Gen. 1, 1, 2. Confer Hebr. xi, 3. Quæ cernimus non sunt ex apparentibus facta. Per Generationem, & Artem, multa producuntur ex materiâ; sed hîc longè aliter factum: sc. 2 Cor. iv, 6. Deus dixit, ut è tenebris lux splenderet, & Rom. iv, 17. Vocans quæ non sunt, tanquam sint.

In hæc, forma materialis è potentiâ materiæ educitur, per causam efficientem idoneam.

Pleniùs describitur Creatio, Actio Dei transiens, qua Ipse universum mundum, & quæcunque in eo sunt, principio temporis, sex diebus, produxit ex nihilo; ad gloriam Potentiæ, Bonitatis, ac Sapientiæ Suæ demonstrandam.

II. Creatio est actio Dei propria; ità ut ex illâ vera Deitas rectè colligatur. Malè autem statuit Avicenna, Angelum supremum creâsse sibi proximum, & sic deinceps; infimum verò Angelum corpora creâsse. Similiter ferè Simoniani, Gnostici, alique, creationem Angelis, Æonibus, aliisque fictis Potestatibus tribuebant. His affines Pontificii, propter Transsubstantiationem, virtutem creativam creaturis communicabilem esse disputant.

Nostra sententia probatur:

1. Expressis locis S. Scripturæ: Psal. xix, 2, Cœli enarrant gloriam Dei, &c. Jes. xl, 26. Videte, quis creaverit ista. xlv, 24. Ego Jehovah facio omnia: extendō cœlos Solus: expando terram per Me ipsum. Rom. i, 20. Ex creatione intelligitur ac perspicitur æterna Potentia ac Divinitas. Confer Gen. i, 1. Psal. xxxiii, 6. Jes. xlv, 6, 7.

xlv, 6, 7. *Jerem. X, 11. Ioh. IX, 8.* Hinc propterea colligitur Divina ἐξουχὴ: *Apoc. IV, 11. Dignus es, Domine, qui accipias Gloriam, & honorem, & virtutem: quia Tu condidisti omnia: & per Voluntatem Tuam sunt; & creata sunt.* Quare non mirum, Pontificios: cultum religiosum creaturis etiam communicare; & sic, quantum possunt, argumenta enervare, quibus contra *Antitrinitarios, Arianos, Photinianos, &c.* Deitas Filii & Spiritus S. probatur. Vide *Hebr. I, 6, 8, - 12. 111, 3, 4.*

2. *Ratione:* Actio requirens infinitam potentiam, ab ente finito procedere nequit. Atqui talis est Creatio; propter infinitam terminorum distantiam: nulla enim proportio, vel affinitas est, inter nihilum, & inter ens verum, quod creatione producitur.

3. *Causa creans* debet esse ὑπερσία; ut essentias alias, per creationem producendas, eminenter & virtualiter contineat; & citra mutationem, vel diminutionem sui, eas ex se producere possit: hoc autem nulli creaturæ convenit: sic enim infinita esset, eminenter habens τὸ esse creaturarum.

4. Substantia non recipit magis & minus: & creatæ substantiæ in Ente, ut genere univoco, conveniunt: consequenter una aliam, in ratione essendi absolute, causare non potest.

III. *Obj. 1.* Inter rem creatam & nihilum non datur distantia infinita: major enim est distantia inter Deum & nihilum. Omnis res creata infinita est; & suâ solùm entitate distat à nihilo: distantia igitur ista finita est: & ad eam superandam non necessario requiritur Potentia activa infinita. *Resp.* Distantia terminorum actionis, ex habitudine unius ad alterum pendenda est: non autem à perfectione, vel ab amplitudine unius termini. At verò inter substantiam creatam, & nihilum, nulla prorsus est affinitas, aut proportio; æquè ac inter Deum & nihil. Idcirco rectè dicitur

distancia illa infinita : nec superari potest , nisi per Potentiam activam infinitam.

Obj. 2. Generatio etiã est mutatio à non esse ad esse simpliciter ; & tamen creaturæ possibilis : ergo etiam Creatio. *Resp.* Generatio materiam præsupponit ; atque hoc efficit , ut ea fiat individui in tali specie. Imo ipsa forma in potentiã illius latuit , ex quã educitur à causâ facultatem ita proportionatam habente. Et propter paritatem essendi , non absolute ratione essentiae ; sed tantum ratione convenientiæ specificæ , causa generans subjectum , potentiam ad similem formam habens , sic perficere & sibi assimilare potest.

Obj. 3. Deus omnipotens creaturas producere potuit quam maximè efficaces ad agendum ; ergo etiam ad creandum. *Resp.* Deus secundum voluntatem suam , per omnipotentiam , dedit creaturis esse ex nihilo ; & singulis sphaeram activitatis ipsarum : sed hanc non infinitam ; quia id contradictorium foret.

Obj. 4. Creaturæ productæ sunt per creationem ; quæ ipsa etiam creatura est : non enim est Deus. Ergo creatura per creaturam produci potest. *Resp.* Creatio activa non est creatura ; sed est ipse Deus creans , sive hoc agens sine ullâ mutatione Sui , ut creatura existat in tempore.

Obj. 5. Omnipotentia non videtur attributum Dei incommunicabiliter proprium : quia sola Independentia talis est. Sed creaturâ omnipotens saltem posset aliam creaturam producere ex nihilo. *Resp.* Imo omnipotentia est Dei proprium attributum ; infinitatem , adeoque Independentiam , involvens : & non nisi unica esse potest. Vide sup. cap. 4. th. 19. §. 2. Omnipotentiam dependentem fingere , cum Pontificiis quibusdam , est sibi contradicere.

IV. *Creatura ne quidem causa instrumentalis physica creationis esse potest : contra quàm Ariani volebant dicen-*

dicentes, τὸν λόγον creasse mundum, tanquam instrumentum Patris: nam Instrumentum physicum, à causâ principali motum, objectum attingit, eique actum aliquem imprimit, qui etiam sic virtualiter fuit in illo: sed in creatione, neque subjectum præsupponitur; neque creatura virtualiter in se habet actum absolute essendi alterius creaturæ.

Obj. 1. Creatura potest esse causa instrumentalis miraculorum. *Resp. 1.* In miraculis supponitur objectum. 2. Et causa instrumentalis ibi datur tantum moralis.

Obj. 2. Per Filium dicuntur omnia creata; *Ioh. 1, 3. 10. Resp. 1.* Per non semper instrumentum notare, patet ex *Rom. XI, 36.* 2. Filio etiam absolute tribuitur creatio: *Hebr. I, 10. Tu terram fundasti, &c. Confer III, 3, 4.* 3. Per rectè ad ordinem operandi refertur. Vide sup. cap. 5. th. 16. §. 4.

V. Creatio vel activè spectatur, vel passivè. Priori modo est ipse Deus creans; sive potentiam suam activam sic exerens, ut creatura existat in tempore, sine aliâ in Deo mutatione. *Ies. xl. 28. Nonne audivisti, Deum Creatorem non desetisci, nec defatigari? &c. Psal. CII, 27, 28. Hebr. I, 10, 11, 12. Tu, Domine, Terram fundasti, &c. Tu idem es, & anni Tui non deficient, &c. Iac. I, 17.*

Posteriori modo est ipsa creatura, quatenus actus Dei in eâ terminatur, & sic ipsa ex nihilo producitur: quia nec substantia, nec accidens, extra Deum & Creaturam datur.

Obj. 1. Si Dei actio creativa esset ipse Deus, etiam Dei actio eductiva esset ipse Deus; & consequenter eductiva esset quoque creativa: quod absurdum. Ergo, &c. *Resp.* Actio eductiva Dei, ut causæ primæ, activè spectata, formaliter tantum, quatenus talem terminum respicit, & tali modi, à Deo, & actione Creativâ distinguitur; non realiter.

Obj. 2. Si creatio activè spectata esset, ipse Deus etiam

etiam foret æterna; & consequenter creaturæ quoque æternæ forent. *Resp.* Actus Dei æternus est, cujus vi in tempore creatura existit.

Obj. 3. Electio Dei æterna est; & propterea recte dicitur Angelus, vel Homo aliquis, ab æterno electus. Similiter etiam mundus ab æterno creatus dici deberet, si creatio activa esset æterna. *Resp.* Nego consequentiam. Angelus, vel Homo aliquis, recte dicitur ab æterno electus; quia ista est actio immanens: sed aliter de actione transeunte, Creatione scil. dicendum; quæ creaturam constituit extra Deum, cum affectionibus creaturæ convenientibus.

VI. Creatio in principio temporis facta est: *Gen.* I, 1. Ante quod nihil nisi æternitas fuit. Nulla creatura ab æterno esse potuit: quare etiam ex æternitate Deitas vera solide colligitur.

Rationes sunt, 1. Æternitas, ut attributum infinitum, creaturæ, tanquam subiecto finito, non convenit.

2. Creator suam ἐξουσίαν, actûs purissimi in existendo, alteri dare nec vult; nec velle potest.

3. Conceptus Creationis æternitatem excludit: cum enim sit productio rei ex nihilo, necesse est ante illam productionem nihil istius rei extitisse; & sic eam aliquando non fuisse.

4. Ut & multiplex mundi mutatio. Præteritum enim terminatur præsentī: plures dies ab ejus initio lapsi sunt, quàm menses; & plures menses; quàm anni: sed ex hypothesi, jam lapsi forent anni infiniti; infinito autem majus non datur. Durationis partes finitæ sunt; sed ex partibus finitis, infinitum constitui non potest.

VII. *Obj.* 1. Actiones Divinæ personales, Generatio & Spiratio, terminum suum habuerunt ab æterno: Filius enim Patri coæternus est; atque item Spiritus Sanctus. Ergo creatio similiter ab æterno terminum

num suum habere potuisset. *Resp.* O' *Αἰὼς* genitus est, & Spiritus S. spiratus, ab æterno: sed aliter se habent actiones externæ; quæ ponunt alia entia præter Deum, entia finita, cum affectionibus finitis.

Obj. 2. Deus ab æterno omnipotens, etiam ab æterno potuit mundum creare; consequenter mundus potuit ab æterno creari. *Resp.* Deus certè ab æterno fuit omnipotens, atque adeo potens creare mundum: sic tamen ut mundus, & singulæ creaturæ forent finitæ, haberent affectiones finitas, etiã durationem finitam; ac proindè initium suæ existentiae; quod ab æternitate alienum est.

Obj. 3. Angeli & Homines habent æternitatem à parte posteriori: nihil ergò repugnat, quo minùs creatura aliqua eam habeat à parte priori. *Resp.* Creaturis illis æternitas à parte posteriori, & potentialis, sive syncategorematica, tantùm competit: undè non valet consequentia ad absolutam æternitatem, in quâ est infinitas categorematica, sive actualis; cujus subjectum finitum non est capax.

Obj. 4. Tempus fuit æternum, ac proindè etiã motus: hic enim mundus creatus est in tempore, sive in principio temporis: istud ergò priùs exitit. Consequenter etiã creatura similiter ab æterno existere potuit. *Resp.* Motus & tempus non fuerunt ab æterno: sed Deus æternus mundo principium dedit, prout voluit; & motum impressit, qui indè continuatur; ac porro tempus observatur, & mensuratur.

VIII. *Queritur*, an mundus potuerit citiùs, aut seriùs creari, quàm creatus est? *Resp.* Deus ante mundum conditum existit solus, ipse sibi sufficientissimus; & mundo principium dedit, à quo deinceps ejus duratio continuatur & æstimatur: Quare 1. antè principium formaliter, esse non ponitur: creando enim principium dari necesse fuit.

2. Nec per aliquod tempus actuale, vel annos re-
N 5
ipsa.

ipsâ lapses, principium mundi anticipari potuit : nullum enim tempus tunc actû fuit, nulli anni.

3. Neque ex hypothesi Decreti, potuit mundus citius, aut ferius creari.

4. Interim in sensû diviso prius esse potuit principium mundi, vel etiâ posteriorius : ut scil. plures, vel pauciores anni, à principio mundi, ad hunc præsentem annum, lapsi fuissent ; siquidem Deo ita placuisset, Ægyptii, alique, centena annorum millia modo lapsa tinxerunt ; quæquidem SS. Literis planè adversantur : interim per Dei æternitatem, & absolutam potentiam, ista non erant impossibilia. Chronologi tempora sæpius distinguunt annis *Periodi Julianæ*, ob certiorum horum rationem. Istam verò conficiunt ex *Cyclis Solis, Lunæ, & Inductionis* ; annorum scil. 28, 19, & 15. invicem ductorum : ut exurgat summa 7980. Secundum quosdam mundus conditus est anno istius *Periodi* 763. quamvis alii aliter supputent. Sed accipiamus istam hypothesein : Deus tamen, si voluisset, potuisset mundi initium constituere in annum istius *periodi* 700, vel 100, vel 1. vel aliter omnino.

IX. Constat ex SS. Literis, Mundum ante Diluvium extitisse annos 1656. & ante Nativitatem Christi in universum circiter 4000.

Qui verò longum ante mundi creationem otium reputant, ii Æternitatem, Sufficientiam, Actus ad intra, Decretum, & Efficientiam Dei non intelligunt.

Ordo operis istius ἐξαιρέτως fuit huiusmodi :

Prima dies Caelos, Terram, Lucemque creavit.

Alterâ distendit Spatium, discrimen Aquarum.

Tertiâ se cernens Undas, dat Gramina campis.

Quartâ creat Solem, Lunam, fulgentiaque Astra.

Quintâ tulit Pisces ; eadem genus omne Volucrum.

Sextâ

Sexta dedit pecudes ; post quas hominem Deus ipse ,

Condidit. Hinc operis Requies , *Lux septima* , fulsit.

Tenenda interim *distinctio Creationis in Immediatam, & Mediatam. Immediata* per se creatio est ; ex nulla omnino præjacente materiâ. Ita creati sunt Angeli, Cælum ac Terra primo die , & Animæ hominum. *Mediata* facta est ex inhabili materia , quæ tamen prius ab eodem Creatore immediate fuerat ex nihilo producta. Ità creatæ sunt Plantæ , Bestiæ , & Corpora Hominum. Sed *Generatio* Materiamabilem prærequirit.

X. Opera primi diei recensentur, *Gen. I, 1, - 5. Ubi Cælorum nomine intelligitur primò Cælum Cælorum : 1 Reg. viii, 27. h. e. supremum ; vel Tertium , aliàs Paradisus ; 2 Cor. xii, 2, 4. Vulgò Cælum empyreum ; & Beatorum. Singulari ratione dicitur Deus illic esse, vel habitare : Deut. xxvi, 15. Psal. cxv, 3. 16. Matth. vi, 9. & Thronus Ipsius : Ies. lxi, 1. Domus Patris, in quâ mansiones multæ , ubi Christus suis locum parat : Joh. xiv, 2. ubi electis Regnum paratum est à jacto mundi fundamento : Matth. xxv, 34. ubi sic est nostrum πλῆθος : Phil. iii, 20. Sicut etiam Angeli faciem Patris ibi semper vident : Matth. xviii, 10. Marc. xii, 25.*

Sitū autem existit *supra omnes cælos* , nunc nobis conspicuos : *Eph. iv, 10. Estque Civitas illa habens fundamenta, cujus artifex & conditor est Deus. Hebr. xi, 10. Ex quibus satis constat, verè creaturam esse ; non ipsum Deum : & esse substantiam extensam : atque adeò corpoream ; sed finitam ; contra Ubiquitistas.*

Singula quidem istuc spectantia , nondum plenè ac distinctè cognoscimus ; dū hīc peregrinamur , per fidem

dem ambulantes, non per aspectum: *Hebr.* xi, 9, 13. 2 *Cor.* v, 7. & nondum manifestum est factum quod erimus: 1 *Job.* ii, 2. Interim piè considerari & huc applicari potest visio Prophetica, & allegorica descriptio, *Apoc.* xxi, 10, &c.

XI. *Secundò*, metonymicè etià connotari existimamus *Angelos*, Cœli istius habitatores, & *Exercitus*: *Luc.* 2, 13. 1 *Reg.* xxi, 19. *Nehem.* ix, 6. tanquam simul à Deo creatos: *Gen.* ii, 1. *Neb.* ix, 6. *Psal.* xxxiii, 6. *Exod.* xx, 11. Undè etiam *Col.* i, 16. *Per Eum* (Filium) *Condita sunt omnia, quæ in Cœlis sunt, & quæ in terrâ, visibilia, & invisibilia, sive dominia, sive imperia, sive potestates, &c.* *Rom.* xi, 36. *Omnia sunt ex Eo, &c.* *Psal.* civ, 4. *Hebr.* i, 7. *Facit Angelos suos ventos, Ministros suos ignem flammantem.* Ubi sic exprimitur Dei Providentia circa Angelos, ut ipsa Creatio supponatur & innuatur simul.

Proprius autem de tempore primordiali colligimus, ex *Job.* xxxvi, 11, 4, - 7. *Cùm fundarem terram, &c. ci. m. canerent simul Stellæ matutinæ, & vociferati sunt omnes Filii Dei.* Non ergò seriùs creati sunt: esse enim naturâ saltem prius est, quàm agere. Sed neque ante primum diem, & principium Mosaiicum: cùm hoc fuerit omnino primum; neque ante ipsum extiterit, nisi Deus in suâ æternitate; contra *Arianos* & *Socinianos*: *Job.* xvii, 5. *Eph.* i, 4. 1 *Petr.* i, 20. *Psal.* xc, 2. *Prov.* viii, 22, -.

Obj. Atqui Moses, in describendâ historiâ creationis, non facit specialem Angelorum mentionem. *Resp.* Nihil mirum; cùm etià plures creaturarum species differtè non recensuerit; ea, quæ Ecclesiam militantem propriùs spectant, summam exponere volens. Pariùs de Angelis agitur passim in SS. Literis; quò magis intenti simus rebus nostris, & à superstitionibus caveamus accuratiùs: *Col.* ii, 18.

Fugiendus autem error *Sadducæorum*; non esse *Resurrectionem mortuorum*, neque *Angelum*, neque *Spiritum*; *Act.*

xxiii, 8. quibus affines sunt *Libertini*; Angelos nihil aliud esse existimantes, quam cogitationes hominum, si-
ve bonas, siue malas. In SS. Literis occurrunt testi-
monia satis multa: commemorantur apparitiones, & o-
perationes, tum in corporibus assumtis, tum aliae: spe-
ciatim facta circa ipsum Christum; *Matth.* iv, 1, - 11. *Luc.*
xxi, 1, 43. indicantur præmia, & pœnæ eorum. Acce-
dunt effecta per experientiam observata, quæ neque ad
Deum, neque ad causas naturales, neque ad animas se-
paratas referri possunt. Quin & ordo atque concinnitas
universi admodum probabiliter Angelorum existen-
tiam suadet.

XII. Nomina מַלְאָכִים, & ἄγγελος, ab officio
desumpta: undè etiàm Filius Dei œconomice *Angelus*
fœderis; *Mal.* i, 1. *Jehovah*; *Exod.* iii, 2, - 3. *xxiii*,
20, 21. & *facierum ejus* dicitur: *Jes.* lxii, 9. Angeli
scil. annunciant, & exequuntur; quæcunque Deus
mandat: *Psal.* ciii, 20, 21. *Exercitûs Cœlestes* dicun-
tur; propter ordinem, potentiam, & promptitudinem:
undè etiàm *Vigiles*; *Dan.* iv, 16. *Ventis* & igni flam-
manti assimilantur; ob eximium, agile, & valdè pe-
netrans robur. *Stellæ* item *matutinæ* nuncupantur; ob lu-
cem sapientiæ, sanctitatis, & gloriæ; quæ bonis Angelis
competit. Undè & *Angelorum lucis* appellatio, *2 Cor.* xi,
14. Dicuntur insuper *Filij Dei*, quoniam à Deo creati
in statû illustri, ad imaginem Ipsius. *Throni*, *Potestates*;
ob gloriam, & rerum gerendarum magnitudinem;
dum Deo ministrant. Profani Scriptores Græci passim
Δαίμονες; Latini *Genios* appellant.

Sunt autem Angeli, Substantiæ spirituales, per se
completè subsistentes, à Deo secundum imaginem
Suam, singulari quâdam perfectione, ad ministerium
Suum, conditæ.

XIII. *Substantias Spirituales* dicimus; ut naturam
in iis intellectualem, molis & extensionis corporeæ ex-
pertem, denotemus. *Hebr.* i, 14. *Ministratorii spiritûs*.

Matth.

Matth. x, 1. Impuri spiritus; viii, 16. xii, 43. Eph. vi, 12. Confer Luc. xxiv, 39. Spiritus carnem & ossa non habet. Non tamen infinita est eorum essentia; sed à Creatore limitata: nec omnino simplex; sed potentia & actus, substantia item & accidentia, in iis agnoscenda.

Intellectu multa cognoscunt. Matth. xvi, 11, 10. Intuentur faciem Patris. 2 Sam. xiv, 20. Sapiens, secundum sapientiam Angeli Dei, ut cognoscat omnia quæ sunt in terra. Confer 1 Tim. iii, 16. 1 Petr. I, 12. Non tamen omnia: ut corda hominum; 1 Reg. viii, 39. diem iudicii; Marc. xiii, 32. Confer Apoc. v, 3, 4, 5. Hinc etiam 1 Petr. I, 12. In quæ cupiunt Angeli introspicere: Adde Eph. i, 10. Cognoscunt autem per species intelligibiles: etiam dianoëticè, per discursum. Confer Marc. xvi, 6. Suscitatus est; non est hic: Ecce locum, &c.

Signis suis indicant alii aliis sua cogitata: quæ in specie non determinamus. 1 Cor. xii, 1. Lingua metaphoricè iis tribuitur.

Futura, non nisi ex revelatione, sciunt. Jes. xli, 22, 23. Indicate, quæ eventura sint, ut cognoscamus vos esse Deos, &c. 26. Neque ullus est qui indicet, &c.

Sic & Libertas dependet à Deo, etiam quod ad exercitium; & circumscripta est sphaerâ objectorum suorum.

XIV. Potentia eorum similiter magna quidem est: Psal. ciii, 20, 21. Angeli valentissimi robore. 2 Thess. I, 7. Cum Angelis potentibus. Confer Col. I, 16. 2 Reg. xix, 35. Jes. xxxvii, 36. Eph. vi, 11, 12. I. 21. Hebr. I, 14. Finita tamen; ut essentia ipsorum. Hinc Miracula quidem, sed non Miracula, facere possunt: Psal. lxxii, 18. Deus facit Mirabilia solus. cxxxvi, 4. Vide etiam Joh. v, 20, 21. Ioh. x, 13, 14. Jes. xxxvii, 17.

Affectus analogice iis tribuuntur: ut Luc. xv, 10. Apoc. xii, 12.

XV. Completâ per se subsistentiâ differunt ab Animabus rationalibus: atque adeò sine corporis adiun-

ὅτι ἐν ποσὶ ἄνω ; quâ ratione ab Hominibus distinguuntur.

Corpora igitur ne quidem tenuiora habent ; contra *Judæos*, & alios : quanquàm corpora aliquando ad tempus assumerunt : ut *Gen. XVIII.* ut & Filius Dei ibidem ; & Spiritus S. *Luc. III, 22.* Cibos interim non ob necessitatem ; sed ad singularem familiaritatem præstandam, sumserunt.

Consequenter *Generatio* iis non convenit : *Matth. XXII, 30.* In resurrectione neque uxores ducunt, nec nuptum dantur ; sed sunt ut *Angeli*, &c. Nec corruptio ; quamvis annihilari absolute possent ; istud tamen futurum non est : *Matth. XVIII, 10.* *Hebr. XII, 22, 23.* *Matth. XXV, 41.* *Iud. 6.*

XVI. Locus, laxè dictus, *definitive* ; atque ita *motus localis*, Angelis quoque competit. Sic *Luc. VIII, 30.* *Legio* erat in uno homine. Confer *II, 13.* de *Motu* : qui etiam est successivus, ob Terminorum distantiam : velocissimus tamen ; quia nulla resistentia adest. Unde venti, & ignis flammans ; *Psal. CIV, 4.* *Seraphim alati* ; *Ezech. 1, 6.* instar fulguris ; *Luc. X, 18.*

Ævum ratione durationis iis tribuitur ; initium habens, non finem ; attamen cum successione. In ævo præteritum finitum, mensurabile, & divisibile est ; futurum verò potentia & syncategorematice infinitum.

XVII. Numerus amplissimus ; finitus tamen est : *Dan. VII, 10.* *Millies mille*, & *myrias myriadum.* *Apoc. V, 7.* *Millies centena millia*, & *decies centena millia.* Adde *Psal. LXVIII, 18.* *Luc. 2, 13.* *VIII, 30.*

Quia nusquam apparet specifica Angelorum distinctio, ea temerè à Pontificiis asseritur. Numericam sufficere, ex Animabus rationalibus patet.

Bonorum ordo & concordia est sub Deo, cujus Legati sunt ; & sub Christo, qui est Caput omnis Imperii ac Potestatis ; *Col. 2, 10.* *Phil. 2, 9.*

Archangelus alibi appellatur ; & nominatim *Michael*

chaël. Vide Dan. x, 13. 21. xii, 1. Judæ, 9. Apoc. xii, 7. 1 Theff. iv, 16. Et princeps militiæ Jehovæ; Jos. v, 13, 14, 15, vi, 2. sed hic saltem Deus Filius intelligendus.

Pontificii distinctè delineant tres classes; & novem choros; seu ordines: non adeo dissimiles Kabbalistis. Sed temerè ac superstitiosè, absque Scripturâ & ratione; imò contra locum Col. 2, 18. *Nequis inferat pedem in ea, quæ non vidit, temere inflatus carnis suæ sapientia.*

Distinctio quidem aliqua datur: saltem ordinis & functionum; Col. 1, 16. Eph. 1, 21. sed quanta & qualis ea sit, nos latet.

XVIII. Interim satis evidens & necessaria est distributio in Bonos & Malos: quanquam omnes Boni creati sunt: Gen. 1, 31. Confer Matth. xix, 17. Iac. 1, 13. 1 Joh. 1, 5. Perperam Iudæi dicunt, Diabolos tales creatos esse secundo die; & propterea isti specialem approbationem non esse additam: quasi generalis non sufficeret. Sed aliquàm multi à Bonitate suâ defece-
runt: Joh. viii, 44, *Diabolus in veritate non perstitit.* Judæ, 6. *Non servârunt suam originem.* 2 Petr. 2, 4. 1 Joh. 1, 11, 8. Cum boni, sed labiles, creati essent; interim satis idonei ad perseverandum in genere causarum secundarum, sed & liberi, & sub lege constituti; antecederet bonitate nullâ privati, integritatem suam negligentes, & libertate abutentes, legi repugnantia elegerunt, & fecerunt, Deo permittente ac gubernante: *Diabolus mentiens ען תִּדְּלוּ loquitur;* Joh. viii, 44. Primum illius peccatum, quod ad speciem, non determinamus: infidelitatem & superbiam haud abiuisse, interim non dubitamus; potissimum ubi conferimus seductionem & lapsum hominum; Gen. 1, 11. Adversus Malos istos nobis lucta est: Eph. vi, 12. Joh. viii, 44. 1 Petr. v, 8. Tenenda igitur exhortatio, ibidem vers. 9. *Obstistite, firmi per fidem.* Adde Apoc. xii, 10. *Accusator fratrum,* &c. Zach. 3, 1. Matth. xvi, 23;

XIX. Boni per gratiam Dei confirmati sunt in æternum sancti & beati: *Marc. vii 1, 38. cum Angelis sanctis. Matth. xviii 1, 10. Hebr. xii 22, 23.*

Horum Officia communia ex superioribus patent: Deo scil. inservire, & quidem speciali modo circa electos; annunciare annuncianda; exequi exequenda; & Gloriam Ipsius prædicare. Apparitiones occurrunt variae: per somnium; *Gen. xxviii 1, 12. Matth. i 20. Act. xxvi 1, 23.* vel specie visibili assumptâ coram-vigilantibus. *Luc. i 11, - 26. - 2. 9, - xxiv, 4, 5, 6. Act. i 10, 11.* De obedientia in factis & Dei glorificatione, liquet ex *Pf. ciii 20, 21. Jes. vi 2, 3.* De ministerio salvandorum; *Hebr. i 14. Ps. xxxiv 8. xc, 11.*

Sed de Angelis custodibus, aut tutelaribus singulis singulorum hominum perpetuis, nihil est in S. Scripturâ; nedum singulis hominibus binos Angelos esse assignatos, bonum & malum. Imò uni aliquandò plurium, aliàs pluribus unius cura demandata legitur; *Gen. xxviii 12, xxxi 1, 1. 2. Ps. xxxiv 8. Hebr. i 14. 2 Reg. vi 16, 17. xix 36. Luc. xvi 22. Matth. xviii 10.*

Postremum hunc locum temere Pontificii in oppositam sententiam trahunt. Nec eos juvat alius *Act. xii 15.* cum i. illi, qui istuc dicebant; *Angelus ejus est;* scil. Petri, non fuerint infallibiles, imo etiam actû tunc erraverint: vere enim Petrus erat; non Angelus.

2. Nec asseruerint, esse perpetuum Petri custodem.

3. Nec à Petro ad omnes omnino homines, vel etiam quosvis fideles, valeat consequentia.

4. Atque istuc non custodia: sed imago; aut species Petri, fuerit spectata, quâ deceptam putabant ancillam.

Observanda etiam discretio piorum ab impiis, tum in judiciis particularibus, tum in universali, per Angelos faciendâ: *Ezech. ix 4. Apoc. vii 3. Marc. xiii 27. Matth. xiii 41.*

Unum Nomen, *Gabrielis*, quod fortitudinem Dei designat, reperitur, *Dan. viii 16. ix 21. Luc. i 19, 26.*

Nec plura inquirenda sunt curiose: Col. 2, 18.

Ad *Honorem* potissimum pertinet, ut excellentiam & virtutes illorum, utpote sapientiam, sanctitatem; & obsequii erga Deum promittudinem, recte æstime-
mus; & pro virili nostrâ imitemur: Matth. v, 10. ut
eos frequenter conscios & testes eorum, quæ in Ec-
clesiâ geruntur, agnoscamus; atque inde etiam magis
ad officia nostra impellamur: 1 Tim. v, 21. 1 Cor. xi, 10.
Si autem apparitio, vel conversatio aliqua eorum no-
biscum daretur (quæ ubi fuit, extraordinaria & rara
fuit,) ratione excellentiæ supra homines quidem non
tamen religiose, honorandi forent: Col. 2, 18. *Nemo
adversum vos sibi sumat rectoris partes, in submissione ani-
mi & religioso cultu Angelorum: contra Angelicos, &
Pontificios.* Confer sup. cap. 4. th. 74.

XX. *Mali Angeli*, Deo permittente, possunt Ho-
mines ratione corporis & status externi, terrere, locali-
ter movere, cruciare, obsidere, interficere. Vide
1 Sam. xxvi 11, 12. Job. 1, 11, - 19. II, 6, 7. Matth. vii 1,
28, 31, 32: xii, 22. xvii, 15, 18.

Spectra sunt Diaboli specie externâ, potissimum visi-
bili, apparentes; ut Homines ludant, fallant, terreant.
Confer Matth. xiv, 26. Luc. xxiv, 37. ubi etiam Ange-
los lucis mentiri possunt: 2 Cor. xi, 14. & Homines mor-
tuos: vel absentes: 1 Sam. xviii, 12. quomodo pluri-
mæ fraudes sub Papatû factæ, superstitiones inductæ,
&c. de Purgatorio, Missa, &c. Hominibus etiam fre-
quenter Spectra ad imitationem Diaboli mentientibus.
Negligebant enim monitum. Jes. vii 1, 19. 20. *Cum di-
xerint, Querite à Pythonibus. - Nonne populus Deum suum
requirit? pro vivis mortuos? Ad Legem & Contestationem,
&c. Confer 2 Thess. 2, 9, - 12. Huc etiam referenda
sunt oracula, murmura Diabolica, &c. inter Gentes, &c.
Cruciatus & morbos inferre possunt, partes convul-
sando, distorquendo, activa passivis applicando, &c.*

Corpo-

Corporalis Obsessio fit, per corporis occupationem, & operationem in eo, ut à Spīritū illo impuro, tanquā formā assistente, homo intūs miserè afficiatur, agitur, rapiatur. Pontificii istis malis supersticiosè opponunt suos Exorcismos; quibus Diaboli non cedunt, nisi per collusionem.

Respectū *Animæ* actiones Diabolorum tantū sunt objectivæ & morales, tentando, alliciendo, &c. Vide *Matth.* IV, 1, 3. 6, 8, 9. 1 *Chron.* XXI, 1. 1 *Sam.* XVI, 14. Item *Rom.* I, 28. *Eph.* 2, 2. 2 *Cor.* IV, 4. 2 *Thest.* II, 11.

Unus αὐτὸς ἑξοχλῶν Diabolus, Satanas, Draco, & Beelzebub appellatur, cui *Angeli* sui tribuuntur; *Matth.* XXV, 41. *Apoc.* XII, 9. XX, 2. *Matth.* IX, 34. XII, 24, 26. 27. Confer 2 *Reg.* I, 2, 3, 6, 16. & 1 *Cor.* X, 10. Deus hujus sæculi vocatur, 2 *Cor.* IV, 4. Nec amplius quicquam inquirimus, nisi quomodo nobis à profundis ejus caveamus: *Apoc.* II, 24.

XXI. Tertiò etiam significari putamus substantiam corpoream tenuem, à supremo cœlo deorsum extensam. *Æther* enim *Cœli* nomine appellatur. *Gen.* I, 15, 17. XV, 5. *Pf.* XIX, 2, 5. *Matth.* XXIV, 29. *Eph.* IV, 10. Atque item *Ær*, *Gen.* VII, 11. *Matth.* VI, 26, XXIV, 30. Unde totus *Mundus* in *Cœlos* & *Terram* passim dispescitur; nisi quod huic *Mare* interdum adjungatur: *Gen.* 2, 1, 4. XIV, 19, 22. XXIV, 3. *Exod.* XX, 11. XXXI, 17. *Deut.* III, 24. 2 *Chron.* 2, 12. *Esr.* V, 11. *Psal.* LXIX, 35. CXV, 15, 16. CXXI, 2. *Matth.* XXVIII, 18. *Act.* IV, 24, XIV, 15, XVII, 24. 1 *Cor.* VII, 6. Nec ulla ratio apparet, cur plurale ⲙⲁⲣⲉ hīc restringendum esset. Imò contra non videtur admittendum, fuisse tunc vacuum inter Cœlum supremum & hunc Globum terrestrem: cum etiam paulo post, lux fuerit producta, & hic globus eā collustratus.

XXII. Succedit *Terrā*, satis distincta à *Cœlis*; corpus crassum; opacum; grave; sed primum aquis circumfusa & permixta; unde *Abyssis*, & *Aquarum* mentio:

mentio: *Gen.* 1, 2. Illa vox profunditatem designat; hæc naturam. *Terræ*, ut est *Gen.* I, 2. initio competeat *Deformitas & inanitas*. Et *tenebræ erant in superficie Abyssi*: & *Spiritus Dei motabat super facies Aquarum*: cum scil. nondum agerent causæ secundæ: ut *Deut.* xxxii, 11. *Aquila super Pullos suos motabit se*. Quod malè à Socinianis ad *Ventum*, vel *Angelum* aliquem creatum, detorquetur: cum *Creatio* soli Deo competat.

Nec cum *Pontificiis* indè elicienda *Efficacia spiritualis aquæ* ad abluenda in Baptismo peccata hominum ex opere operato: quoniam Baptismus tantum sacramentalem, sive moralem vim habet sub N. T. non realem: sic enim corpus in spiritum agere non potest: nedùm jam ante lapsum, ipsosque homines, istiusmodi Virtus omnibus aquis communicata censeri debeat.

XXIII. Aliud adhuc opus est hujus diei: scil. vers. 3. *Dixit Deus; Esto Lux*. *Rom.* iv, 17. *Vocans, quæ non sunt, tanquam sint*. 2 *Cor.* iv, 6. *Dixit, ut è Tenebris Lux splendesceret*. *Lux* autem est Patibilis qualitas, subjectum suum sic actû perficiens, ut ipsum Radiis diffusis per se videri aptum sit, medium pellucidum illuminet, & objecta opaca reddat conspicua. Accidens illud Deus in Subjecto produxit; contra *Pontificios*: cum Accidentium esse sit inesse: idque in Hemisphærio *Ætheris*. Sic enim *divisit Deus inter Lucem ac Tenebras*: & *Lucem vocavit Diem*: *Tenebras verò Noctem*. vers. 4, 5.

XXIV. Consequenter. 1. Non fuit primò creatum *Chaos*, omnis formæ ac distinctionis essentialis expers. Neque 2. ex fortuito concursu & complexu *Atomorum* coaluit *Mundus*.

Neque 3. Initio *Materia communis* facta est, quieta & solidissima; mox in particulas diversissimas divisa; undè porro extiterit triplex *Materia*; *Subtilis, Cælestis, & Terrestris*.

Nec 4. *Terrâ* primò *Sidus* fuit; & tandem *Maculis* obducta: qualis est quorundam inanis Philosophia.

XXV. In-

XXV. *Infernum* existimamus in eodem globo tunc etiam creatum : est autem locus à supremo Cœlo remotissimus ; peccatis , ubi commissa forent , justè puniendis à Deo destinatus. *Act. I, 24.* De Judâ proditore : *Ut abiret in locum suum.* Adde *Luc. xvi, 26.* In hoc. *Carcere* nunc sunt *Spiritus* hominum impiorum : 1 *Petr. iii, 19, 20.* Confer *Psal. lxi, 11, 10.* & *Mali Angeli in tartarum detrusi, & catenis caliginis traditi :* 2 *Petr. 2. 4.* Quam amplius, & ubi definitè sit non determinamus : saltem sufficit capiendis spiritibus damnatis ; atque ut post judicium extremum sufficiat capiendis hominibus damnatis cum ipsorum corporibus , Dominus sine dubio providebit. Vide 2 *Petr. 3, 10, 11.* *Ioh. v. 29.* *Matth. 25, 41.*

XXVI. *Secundo die* conditum est *Expansum :* *Gen. I, 6, 7, 8.* *Aër* scil. in tres *Regiones* distinctus. Deus fecit, ut per calorem *Nubes* eveherentur , & constituerentur in sublimi ; in media aëris regione : *Psal. civ, 3.* *Disponit densas nubes, &c.* *Ier. x, 13.* *Iob. 22. 8.* Non supra universum Aërem ; nedùm Ætherem. Eâdem operâ *Meteorâ* facta sunt. *Psal. cxlvii, 8.* *qui obtegit Cœlos densis Nubibus, qui comparat terræ Pluviam.* 16, 17, 18. *Edit Pruinam ; dejecit Gelu ; - efflat Ventum, &c.* *Ier. x, 13.* *Fulgura cum Pluvia facit, &c.* Etiam *Iris* ; quamvis postea ratio signi accesserit : *Gen. ix, 9, - 17.*

Huic operi non statim subjicitur specialis Approbatio ; sed sequitur generalis, v. 31. Quin & eodem pertinent quæ sequuntur , v. 10. & 22. & 28. *Psal. civ, 10, - 16.* Vanæ autem sunt conjecturæ, Numerum Binarium esse infamem, & mali ominis ; in Matrimonio scil. vel Infernum & Diabolos tunc creatos esse ; quod *Kabbalistæ* volunt.

XXVII. *Tertio die* Aquæ reliquæ inferiores segregatæ sunt : ut emineret *Terra* ; ad quam *Continens*, *Insulæ*, & *Peninsulæ* pertinent : suis autem excavatis receptaculis continerentur *Mare*, *Flumina* & *Fontes* ; *Gen. I, 9, 10.* *Psal. xxiv, 2.* *Super Maria fun-*

Edavit illam (terram), & super Flumina stabilivit illam, civ; 5, -10. Fundavit terram super bases ejus, &c.

Mare, admixtis ejusmodi particulis terrestribus, salsum est. Dulcescunt autem Aqua percolatione; ut in Fontibus: vel educatione: ut in Pluviâ. Varie movetur: etiam aestu, præcipue mirabili, qui motui Lunari fere respondet.

XXVIII. *Ex Terrâ adhuc humidâ, accedentibus etiam particulis Aëreis, & Æthereis, vel Igneis, factas arbitramur partes Salsas, Sulphureas, & Mercuriales: ac porro Metalla, aliaque Mineralia; Itemque Ignes & Flatus subterraneos: unde aliquando Terræ Motus: nec non Fontium & Fluviorum aquæ calidæ, acidæ, &c.*

In superficie autem produxit Deus corpora vegetabilia; Gen. I, 11, 12, 13. Herbas, Frutices, Arbores, quæ singula per Nutritionem: species autem, per Seminalem generationem conservantur. Perfectio illa dicitur Vita vegetativa. Forma substantialis in iis est Anima vegetativa. Ad opera hujus diei referenda etiam sunt Plant-animalia: & quæ Sponte orta nuncupantur.

XXIX. *Quarto die facta sunt in expanso Ætheris Luminaria: Gen. I, 14, -19, sic dicta, quod illuminent super terram. Duo magna, Sol & Luna, ac reliquæ Stellæ: tum Erraticæ, seu Planetæ, ob motûs vicissitudines sic appellatæ; tum Fixæ, sine tali ac tantâ variatione: & quidem numero innumerabiles. Gen. xv, 5. Si poteris numerare stellas. Adde Jes. xl, 26. Jer. xxxi 11, 22.*

Ufus omnium istorum communis est, Illuminare; specialis Tempora distinguere: quod præcipue Solis & Lunæ officium est. Ille circumvolutione diurnâ Dies & Noctes efficit: Hæc vicissitudine suâ Menses & Hebdomadas fere discernit. Sol iterum motû suo per Zodiacum annum, absolvit; ejusque Tempestates, secundum Æquinoctia, & Solstitia, distinguit.

XXX. *Motus Cœli stelliferi non fit ab Angelis; sed à Creatore initio impressus, sic deinceps continuatur:*

Psal

Psal. xix, 2, - 7. Cœli enarrant gloriam Dei, &c. Sol est tanquam Sponsus prodiens è thalamo suo: letatur decursurus viam, &c. Job. ix, 7. Observanda interim Miracula, Jos. x, 13, 14. & Ies. xxxviii, 7. Pro vario hujus motû variæ sunt influentiæ; speciatim ratione tempestatum anni: sic tamen, ut effecta subjaceant Arbitrio & Providentiæ Dei: Hos. 2, 21, 22. Dictum Iehovæ; exaudiam Cœlos; & ipsi exaudient Terram; & Terra exaudiet frumentum, &c. Levit. xxvi, 19. Reddam Cœlum ut ferum; & terram, ut æs. Adde Gen. viii, 22. Psal. lxxv, 10. Jud. v, 20.

Vanæ autem sunt Astrologicæ prædictiones Gentilicorum. *Dent. xviii, 10.* Nam 1. Deo proprium est, Corda scrutari, & dirigere. 2. Imateriales operationes ad materiales causas referri non debent. 3. Non omnes effectûs naturales indè certò prædici possunt, quantò minûs liberi.

Piè & prudenter tamen de Signis extraordinariis, Cometis, & similibus, judicandum est. *Joël. 2, 29, 30. Aët. 2, 19, 20. Edam ostenta in Cœlis, &c. collatâ experientiâ omnium sæculorum, & observatione prudentum.*

XXXI. Ex Doctrinâ Spiritûs Sancti.

1. Agnoscendum est tale *Systema Mundi*, ut Terra non sit, nec unquàm fuerit, Sidus; sed cum Aquis inferioribus quàm maximè distincta sit à Cœlis & Expanso: Sol verò, & Luna, reliquæque Stellæ, dispositæ in Expanso, ad afferendum lucem super Terram, &c. *Gen. I, 1, 2; 6, - 9; 14, - 18.*

2. Globum Terræ non moveri; sed quiescere, & stabilem esse; atque istâ ratione distingui ab Aquis, Aëre, Sole, &c. *Psal. xciii, 1. Etiam firmavit orbem, ne se moveat. 3. - Elevaverunt Flumina fluctus suos. Eccl. i, 4; - 7, Generatio (una) labitur, & (altera) generatio advenit: Terra autem in sæculum stat. Oritur Sol, & occidit Sol. - Subindè circumeundo pergit ventus, & ad circuitus suos revertitur ventus. Omnia Flumina pergunt ad Mare.*

ad locum unde pergunt Flumina, illuc revertuntur in (rursus) redeant, &c.

3. Solem moveri; & quidem celeriter; ex naturali inclinatione, & admodum ordinatè: *Eccl. I, 5, 6. Oritur Sol, & occidit Sol; & ad locum suum regreditur, ubi oritur. Vadit ad Meridiem, & circuit ad Aquilonem. Psal. XIX, 6, 7. Et ipse tanquam Sponsus egrediens de thalamo suo, gaudet ut potens, ad currendum viam. Ab extremo cœlorum egressio ejus; & revolutio ejus usque ad extremo eorum.*

4. Undè etiam ad Potentiam Dei extraordinariam, atque inter Miracula refertur inhibitiō istius Motūs, siue *Statio Solis*; similiter ut *Lunæ & Stellarum*: *Jos. x. 12, 13. Job. IX, 7.*

XXXII. Exc. Phrasēs istæ accipiendæ sunt metaphorice, aut metonymice: ut in illo Poëtæ; *Provehimur portū, terræque urbesque recedunt.* Sic ut etiam *Act. XXVII, 27. Nautæ dicuntur circa medium noctis suspicati, appropinquare sibi aliquam regionem. Resp. Non agitur nunc de voculâ aliquâ, aut phrasi simplici; sed de enunciationibus integris, iisque variis, sic constanter à Spiritu Sancto adhibitis in enarratione & celebratione istorum operum Dei. 2. In exemplo Poëtico, priori membro motus navigantium propriè exprimitur: posteriori autem, quod vel exindè patet, remotior telluris & urbium distantia metonymice indicatur. 3. Similiter *appropinquare Act. XXVII, 27.* notat propinquiorem adesse; sed verum navigantium motum docet integer contextus.*

Obj. 1. Tanta Solis & Stellarum fixarum velocitas non est conceptibilis. *Resp. 1. Velocitas illa non est momentanea, sed alicujus temporis: ac proinde nequaquam repugnat omnipotentiae Dei, vel naturæ corporum istorum cœlestium.*

Obj. 2. Opposita sententia longe facilius explicari potest, atque omnia phænomena per eam expediri. *Resp. Nostri conceptus, & faciliior fortassis explicatio,*

tio; non est norma consilii atque operum Dei; cujus cognitiones & viæ non sunt ut nostræ: Ies. lv, 8.

XXXIII. Sequentibus diebus *Animalia* facta sunt. In *Irrationalium* naturâ indagandâ præter *Corpus* mirabiliter conformatum & articulatum, occurrit *Forma*. *Anima sensitiva*: unde est *Vita sensitiva*, quæ *Vegetativam* supponit; cujus tamen operationes hic nobiliores sunt.

Sensus est facultas vitalis organica, quâ animal aptum natum est objecta corporea per idoneas species percipere & cognoscere.

Ratione organorum *Sensûs* alii sunt *externi*; ut *Visus*, *Auditus*, &c. alii *interni*; ut *Phantasia*, *Memoria*, &c. Horum sedes est *Cerebrum*, ollicina *Spiritus animalium*; qui functionibus animalibus inserviunt.

Sensum sequitur *Appetitus sensitivus*; quo Animal in objectum sibi conveniens; sensû perceptum & cognitum, fertur desiderando; adversum verò fugit: ac porro *Facultas loco-motiva*; quâ Animal se totum, aut partes aliquas sui corporis, convenienter isti appetitui, de loco in locum transferre aptum natum est.

Ab hoc motû diversus est *motus succi alimentarii*; ut & *motus naturalis Cordis*.

Ita Gen. I, 20. Reptificent *Aquæ reptile Animæ viventis*. 24. Producat Terra *Animam viventem*. Adde VI, 17. VII, 21, 22, 23. Lev. XVI, 14. Item Eccles. III, 20, 21, *Spiritus jumenti descendit deorsum ad terram*. Prov. XII, 10. *Cognoscit justus Animam jumenti sui*. *Rationis* interim expertes sunt *Bestiæ*: unde Iudæ, 10. Ἀλογὰ ζῶα. Ps. XXXII, 9. *Equus & Mulus expertes intelligentiæ*. Job. 39, 19, 20. *Materialis* tamen perceptio & cognitio iis concedenda est: Ies. I, 3. *Agnoscit Bos possessorem, &c.* Jerem. VIII, 7. *Ciconia novit stata tempora sua*: *Turtur, Grus, & Hirundo observant, &c.* Prov. VI, 6, 7, 8.

XXXIV. Quinto igitur die conditæ sunt *Aves, & Pisces*: Gen. I, 20. - 23.

Sexto autem Terrestres Bestiæ; & Homines: vers. 24, 25.

Amphibia ex conditione prædominante æstimanda sunt.

Homo (Mundi hujus compendium) est Animal rationale, ad imaginem Dei conditum. Occurrunt hîc partes essentielles; Corpus sapientissimè conformatum, & Anima rationalis: atque item insignis perfectio Imaginis Divinæ. Primi Homines fuerunt Adamus & Eva: Ille Pater; hæc mater omnium viventium: Gen. I II, 20. de unâ carne, & uno osse: II, 23. Ille hujus caput: I Cor. XI, 3. I Tim. 2, 12, 13. Sic fecit Deus ex uno sanguine totum genus humanum: Act. XVII, 26. Judæorum verò fabulam de Adamo primitus bicorpore, ac Lilith priori ejus conjuge: ut & nuperum alicujus figmentum de Præ-adamitis, rejicimus.

XXXV. Quod ad Corpus; finxit Deus Hominem de Pulvere terræ: Gen. 2, 7. sic אדם ad אדמה; Homo ad Humum referendus est. Postea Corpus Fœminæ formatum vers. 21, 22. de Costâ Adami. Ab illis, Matrimonio Divinitus junctis, facta est deinceps universi Generis humani per generationem propagatio: secundum illud, Gen. I, 28. *Fertificate, augefcite, & implete terram.* De admirandâ Corporis conformatione vide etiâ Psal. CXXXIX, 14, 15, 16. sup. cap. I. th. 17. §. 2. Confer graphicam plurium partium descriptionem, Eccl. XII, 3, - 7.

XXXVI. Anima non ex materiâ; sed à Deo immediate, creata est: Gen. 2, 7. *Inspiravit in nares ejus spiraculum vitæ; & fuit Homo in Animam viventem.* Zach. XII, 1. *Format spiritum hominis in eo.* Hebr. XII, 9. *Pater Spirituum.* Eccl. XII, 7. *Spiritu redeunte ad Deum, qui dederat ipsum.*

Ex his sequitur. Animæ immaterialitas; quam conditio & operationes ejus etiâ arguunt; per reflexionem in se, & super actûs suos; adeoque conscientiam, conceptûs præcisivos, contemplationem immaterialium, etiâ ipsius Dei; nec non judicium, & rationalem

lem complacentiam. Undè etià diserte *spiritus* vocatur, *Luc. xxi. 46. Act. vii. 59. Hebr. xii. 23. 1 Pet. iii. 19.*

2. Illam immediatè à Deo creari in singulis. Locutio *Gen. xlv. 26. Animæ ex femore egressæ*, synecdochica est; & de corpore intelligenda: nam idem nomen *ψυχή* etià de cadavere usurpatur. *Levit. xix. 28: xxi. 1, 11.* Neque propterea minus rectè Homo dicitur generare Hominem: quia ad eum producendum agit, quantum per naturam potest; Corpus parando, & disponendo, ut ab Animâ informetur. Sicut interficit Hominem, qui Corpus indispositum reddit ad ulteriorem informationem, & vivificationem per *Animam*.

3. Animam naturâ incorruptibilem & immortalem esse: *Matth. x. 28. Luc. xii. 4, 5. Animam occidere non possunt*; sed Deus, Corpore occiso, *Animam* adhuc in *germenam* consicere potest. *Eccl. xii. 7. Anima redit ad Deum. 1 Petr. iii. 19. Spiritus in carcere sunt.* Adde *Phil. I. 21, 23. 2 Cor. v. 8. Luc. xxi. 46, 23. xvi. 22, 23, 24.*

4. Facultates immateriales: quæ sunt, *Intellectus*, per quem anima apta est objecta, quatenus vera sunt, non solum singularia & materialia, sed etià universalis & spiritualia, percipere, dijudicare, inferre, ordinare: estque vel *Noëticus*, terminorum & enunciationum simplicium, citra discursum; vel *Dianoëticus*, per discursum, & illationem minus noti ex magis noto: atque iterum vel *Theoreticus*, acquiescens in ipsâ veritatis contemplatione; vel *Præcticus*, ad praxin porro tendens.

Deinde *Voluntas*, quæ Intellectum ordine naturæ sequitur, appetendo objecta bona, & aversando mala, quæ talia. Huc pertinet tum simplex *complacentia*, vel *displicentia*; tum, in ordine ad operis prosecutionem, *absoluta volitio*, vel etià *aversatio*; aut saltem *velleitas*.

Ad Intellectum *Dianoëticum* pertinet *Judicium*, quo discernitur, quæ sit rei alicujus natura, quæve ejus qualitates, aut circumstantiæ. Hoc autem recte procedit, ubi vera principia assumit, atque iis conclusiones recte format;

format : & *firmum* est, non *vacillans* , quoties sibi Homo probè conscius est talis sui processus.

Voluntatis individua comès est *Libertas* , per quam Homo operatur ex deliberato consilio , & cum rationali complacentiâ ; ità quidem ut radicaliter ad Intellectum, executivè ad Voluntatem pertineat.

Judicium quidem non nisi liberè exercetur, ut neque seria veritatis contemplatio : verum indè nullo modo sequitur, *Judicium* formaliter ad Voluntatem pertinere.

5. Unio arctissima ; ut partes illæ essentiales unum per se constituent : sic enim *homo factus est in animam viventem* ; Gen. 2, 7. Anima totum corpus informat. Operationes interim organicæ rationalibus inserviunt, quæ organorum conditionem intrinsecâ suâ perfectione superant : quamvis illa ad convenientem usum organorum obligata sit, donec *terrestris hujus domûs tabernaculum dissolvatur* ; 2 Cor. v, 1. Psal. xc, 3.

6. Multò minus existimandum , Animam rationalem solum esse facultatem, aut modum corporis : cum à corpore contradistincta & separabilis sit ; & operationes ejus sublimiores conditione corporis impenetrabili , extensa, divisibili, irrationali.

XXXVII. *Imago Dei* in Homine proponitur, Gen. I, 26, 27. *צֶלֶם* ; *Imago* , nomen concretum est ; *דְמוּת* ; *Similitudo* , abstractum : & sic *Imago* quàm simillima denotatur. Confer Matth. III, 11. Job. III, 5. Interm *Imago Dei* perfectissimo modo agnoscenda est in Christo. Vide sup. c. 5. th. 16. §. 1. In nobis analogicè. Hæc autem spectatur tum idealiter, *Archetypa* ; & sic dicitur Homo *secundùm Deum conditus* ; Eph. IV, 24. tum realiter, *Ectypa* ; sic *Vir est Imago Dei*, 1 Cor. XI, 7.

Imago ista notat conformitatem Hominis ad Dei perfectionem suo modo : ad Deum enim palàm refertur ; non ad Angelos : Gen. I, 26, 27. *Faciamus Hominem ad Imaginem nostram, secundum similitudinem nostram* ;

stram. Creavit itaque Deus Hominem ad Imaginem suam ; ad Imaginem Dei. Adde v, 1; ix, 6. Jac. i, 9. In Angelis quidem etiã est Imago Dei ; ut patet ex sup. th. 12. sed illorum imaginem in hominibus temerè fingunt Judæi & Sociniani.

Perperam quoque Imaginem Dei ad formam corporis olim referebant *Anthropomorphitæ* ; & nunc practicè tales *Pontificii*.

Malè item *Anabaptistæ* ad ideam Filii Dei, ut incarnandi ; cum exemplar naturâ prius sit exemplato. Christus verò deindè post lapsum fuerit *similis hominibus factus*, Phil. 2, 7.

XXXVIII. Ista Imago Primò Animam & facultates spirituales, ut subjectum præcipuum ; sed formaliter dotes eximias designat, Sapientiam rerum Divinarum, Justitiam, & Sanctitatem. Probatur hoc contra Socinianos, 1. expressis testimoniis. Col. i, 10. In agnitionem congruentem Imagini ejus. Eph. iv, 24. Ad Justitiam & Sanctimoniam veram.

2. Ex mandatâ sæpiùs imitatione Dei : *Sancti estote ; quia Ego Sanctus sum, &c. Levit. xi, 44, 45. xix, 2. xx, 26. xxi, 6, 8. Estote perfecti, sicut Pater vester perfectus est ; Matth. v, 48. Adde Eph. v, 1.*

3. Quod omnia Dei opera fuerint valde bona ; Gen. i, 31. & Homo factus sit *rectus*, Eccl. vii, 29. Confer Gen. 2, 23, 24 ; xix, 20. & 1, 26, 28. quæ quidem præclaram Sapientiam inferunt.

Obj. 1. Protoplasti ante lapsum ignorabant, se esse nudos, ergò, &c. Resp. Non ignorabant nuditatem corporum : sed post lapsum cognoverunt se nudos esse imagine Dei ; ac proindè pudore etiã suffundebantur, & molestiam ex corporis nuditate percipiebant, quibus ante lapsum locus non erat. Gen. 2, 25. iii, 7, 8.

Obj. 2. Passi sunt se decipi per Diabolum in specie Serpentis, quod ab insigni Sapientia valdè alienum est. Resp. Tunc quidem non utebantur habitû Sapientiæ, que

naturalem ; nec proprie peccatum esse , dicunt : quo magis extollant vires liberi arbitrii.

Nos fatemur Naturam phyfice, & in genere entis, non inferre justitiam originalem : sed neque , concupiscen-
tiam ad peccatum inferre, concedimus.

In genere moris Homo bonus & rectus factus est, ex-
clusâ illâ inclinatione ad malum , Cum Lex dicat, *Non concupisces*, Exod. xx, 7. cum Rom. vii, 7. & concupi-
scentia illa repugnet perfectæ dilectioni Dei. Deut. vi,
5: Matth. xxii. 37. Consequenter Jac. I, 13, - 17. „Ne-
„mo, eum tentatur, dicat ; à Deo tentor. Nam Deus ten-
„tari malis non potest ; nec quenuquam tentat. Sed unus-
„quisque tentatur, dum à propriâ cupiditate abstrahitur &
„inescatur. - Omnis donatio bona, &c. Et I Ioh. 2, 16.
Cupiditas carnis , &c. non est ex Patre : sed ex mundo.
Imo natura Dei sanctissima requirit , ut creatura ra-
tionalis moraliter bona , ejusque naturalia moraliter
pura, creentur : & sic facta esse , Creationis historia ,
aliaque sacra testimonia, confirmant.

XLII. Gratia primi Hominis fuit gratis data: & eum
Deo gratum faciebat. Donum illud gratiæ non solum
habituale fuit: sed etiam actualis gratia accessit; habitum
illum conservans , quamdiu Deo placuit. Illud fuit
auxilium sine quo non perseveratur : hoc , auxilium quo
ipse tantisper itetit, ac bene operatus est.

XLIII. Consecutivè ad Imaginem Dei quoque per-
tinent Dominium & Immortalitas : Illud ad ornatum &
gloriam externam ; hæc ad gloriam & beatitudinem in-
ternam, & quidem totius suppositi, ejusque duratio-
nem absque fine, pertinebat , sed positis ponendis.

De Dominio agitur, Gen. i, 26, - 30. Et Dominentur, &c.
In hoc solummodo, vel formaliter , imaginem Dei per-
peram constituunt Sociniani, & Remonstrantes. I Cor. xi,
7, 8, 9. Imago singulari quodam modo, & respectu
prioritatis, tribuitur Viro. Confer I Tim. 2, 12, 13, 14.
Unde etiam consecutivum istud in ipso magis locum
habuit,

habuit. Cæteroquin *Gen. I, 26; 27. Et dominantur. - Marem & Feminam creavit eos.*

1. S. Scriptura diserte Imaginem Dei explicat de Sapientiâ, Justitiâ, & Sanctitate. Vide sup. th. 38.

2. Hæ dotes longè præstantiores sunt Dominio scorsum considerato.

3. Deus per Naturam, non per Dominium formaliter, Deus est; & nos respectû Imaginis *Naturæ Divinæ consortes* dicimur, 2 *Petr. I, 4.* Absoluta etiâ principaliter spectanda, in quibus fundatur istud respectivum, & quorum consecrarium est in terrestri hominum statû. Dominium enim Sapienciam, Justiciam, & Sanctitatem prærequirit, ut rectè geratur; imò etiâ Immortalitatem, ut perduret.

4. In Cœlesti beatitudine Imago Dei perfectissima erit: non tamen Dominium istiusmodi.

XLIV. *Immortalitas* totius Hominis nunc intelligitur: non tamen quasi absolutè ex naturâ, ejusque principiis, sequeretur: verûm ut Homo non fuerit moriturus; sed Deus eum vivum ac felicem conservaturus; si modò in obedientiâ perseverâisset. Mors pœnæ rationem habet; non naturæ consequens est.

Hoc probamus contra Pelagianos, & Socinianos: 1. Ex comminatione Fœderi in principio annexâ, *Gen. 2, 17. Quo die comederis, - moriendo moriturus es.* Ubi actum mortis corporalis excludi non debere, patet ex collatione *Gen. xxvi, 11. Exod. xxi, 15, 16, 17. Iud. xiii, 22. 1 Sam. xiv, 39. 2 Sam. xii, 14.* Ista autem comminatio infert immunitatem à morte, si Homo obedientiam consummâset.

2. Ex locis N. T. eodem spectantibus: *Rôm. v, 12. Per peccatum mors: & ita in omnes homines mors pervasit; in quo omnes peccaverunt.* Ac porro, 14. *Mors regnavit ab Adam usque ad Moysen, in eos etiam, qui non peccaverant ad similitudinem transgressionis Adami.* Sic ex morte omnibus maximè obvia, ostenditur omnes etiam peccato

peccato obnoxios fuisse. Item 1 Cor. xv, 21, 22. Per hominem (Adamum peccantem) mors. 26. ultimus hostis mors. 56. Aculeus mortis; peccatum; vis autem peccati, lex. Iterum Hebr. ix, 27, 28. Statutum est hominibus, ut semel moriantur, postea vero judicium: ita & Christus semel oblatus, ut in seipso attolleret multorum peccata. Mors, quam sequitur judicium extremum, provenit ex Statuto, quod factum est propter peccatum; quod & mortis Christi causa fuit.

3. Ex locis generalioribus: Rom. vi, 23. Stipendia peccati mors. vii 11; 19, 11. Corpus mortuum propter peccatum, &c, Adde Psal. xc, 3, - 12.

4. Ex consideratione Dei, & Bonitatis Ipsius: Ezech. xviii, 23. Non delectatur morte improbi: per se: Quamto minus morte justi? alia ergo mortis causa est; scil. sub ratione pœnæ, ut est bonum justitiæ. Imò Levit. xvi 11, 5. servantibus mandata promittitur vita; quam olim obsignavit Arbor vitæ: Gen. iii, 22.

XLV. Sociniani distinguunt inter mortem æternam, ac necessariam; & temporariam. Hanc subdividunt, in prorsus naturalem; & aliquo modo violentam. Mors æterna ac necessaria illis est pœna; ut & violenta, & vita misera generatim: aliquos enim casus excipiunt. Sed & Mors prorsus naturalis ex ipsa natura evenit, secundum illos: atque eatenus necessaria est: at vero necessariam, dixerunt esse pœnalem.

Obj. 1. Gen. i, 28. Crescite, & multiplicamini, &c. At vero Matrimonii usus mortem infert: Luc. xx. 35, 36. Resp. 1. Benedictio illa, & matrimonii institutio, non mortem inferunt; sed generis humani multiplicationem. 2, Luc. xx, 35, 36. Christus futurum sæculum, ab hoc, ut nunc est, distinguit. 3. Ex usu matrimonii & generatione liberorum, ut summum sequitur mortalitatis potentia remota; quam admittimus tunc etiam fuisse: sed non proxima; quam peccatum induxit; prius autem obstabat Divina conservatio, juxta promissionem:

Obj. 2. Primus homo cibus etià utebatur ante lapsum: *Gen. I, 29.* Sed venter ille, & alimenta destruenda sunt: *1 Cor. VI, 13.* *Resp. 1.* Alimenta erant media vitæ conservandæ: atque ex iis non sequitur, nisi potentia remota mortalitatis. *2* Juxta *1 Cor. VI, 13.* Deus in fine sæculi etià κατεργήσθαι, h. e. cessare & quiescere faciet ventrem, quatenus iste nunc cibus recipiendis & digerendis occupatur; atque item cibos, quatenus sic ventri serviunt: alia enim erit conditio Corporum glorificatorum, ubi etià aberit potentia ista remota.

Obj. 3. Corpus Adami fuit animale, & terrestre: *Gen. 2, 7.* Ergò. *Resp.* Etià inde non sequitur, nisi potentia illa remota tantum.

Obj. 4. Tùm necessaria non fuisset Arbor vitæ. *Resp.* Ea vitam æternum duraturam tantum obsignavit.

Obj. 5. Christus peccatum, ejusque vim, & poenas, sustulit: non autem sustulit mortem temporariam. Ergò, &c. *Resp.* Jàm sustulit impetratione; sed nondum plenâ applicatione. In regeneratione, peccati dominium tollitur: in justificatione, condemnatio; & sic poena strictè dicta. Sed applicatio illa consummabitur in glorificatione.

Obj. 6. Casus mortis violentæ citra peccatum dari potuissent varii; per aquas, ignes, feras, &c. *Resp.* Istiusmodi casus temerè ab Adversariis finguntur. Omnes aversura erat Providentia Dei: cum ne passerculus quidem apud ipsum in oblivione sit: *Luc. XII, 8.* *Matth. X, 29, 30.* Confer *Amos. I II, 6.*

XLVI. Ità Creationem, respectu singulorum operum momentaneam, sex diebus distinguere, atque abolvere, Deo placuit: & quidem eo ordine, ut ferè progrediretur à simplicioribus ad composita; ab imperfectioribus ad perfectiora.

Hanc *Autumno* factam esse, probabile est.

Septimo die quievit Deus à novis speciebus producendis; iis acquievit; & diem illum sanctificavit: *Gen. 2, 2, 3.*

Exod.

Exod. xx, 11. Animas autem adhuc creat, quoties Homines generantur ; atque omnia perpetuò conservat & gubernat : *Joh.* v, 17. Pater adhuc operatur.

XLVII. Singula opera, sic à Deo producta, *Creaturæ* vocantur ; *1 Tim.* iv, 4. *Hebr.* iv, 13. ut dependentia exprimat ; & omnis entitas referatur ad Eum, qui propter seipsum fecit omnia. *Prov.* xvi, 4. *Rom.* xi, 36. Atque ut Homines speciatim recordentur Creatoris sui : *Eccl.* xi, 1. *Rom.* I, 25. Omnes *Creaturæ* collectivè vocantur *Mundus* ; *Κόσμος* : q. d. Ornatus : *Rom.* I, 20. *Eph.* I, 4. Specialius autem ista vox orbem terrarum ; vel homines, eorumve partem aliquam, notat : *Matth.* iv, 8. *Ioh.* I, 10. & *Joh.* v, 19. *Joh.* I, 29. item *2 Cor.* v, 19. & *Joh.* 2, 2. *Rom.* xi, 15.

XLVIII. *Mundus* hic per aggregationem Unus est ; cujus *Forma* substantialis, vel *Anima* communis, non datur : sufficit Partium talis habitudo mutua, juxta Creatoris ordinationem.

Extra eum, similiter ut ante eum, nullam *Creaturam* admittimus : quemadmodum nec alium *Mundum*, post hunc futurum.

Idem nunc est *Mundus* ; & eadem *Creaturarum* species, quæ per sex dies creatæ.

Hujus Magnitudo finita est ; & limites suos habet : quamvis nos eos definitè assignare non possimus. *Ies.* xl, 12. Quis mensus est pugillo suo aquas ; & Cælos spithamâ expendit ; aut complexus est tridenti pulverem terræ ? &c. Partes enim finitæ sunt ; nec ullum infinitum est præter Deum : *1 Reg.* vii, 27. Cæli colorum non capiunt te. Sic absoluta Immensitas plus dicit, quàm Ubiquitas spatiorum actualium, in quibus *Creaturæ* existunt.

XLIX. *Praxis* esto : i. Ex Creatione universa ; Creatorem, ejusque Divinitatem, & æternam Potentiam, aliaque Attributa agnoscamus : *Rom.* I, 19, 20. *Psal.* civ, 24. cxlv, 9. xix, 2.

2. Coram tanto Creatore humiliemur: *Ier.* v. 21, 22.
3. In ipso speremus: *Psal.* cxlv, 5, 6. lxxiii, 25. *1 Petr.* iv, 19. *Hebr.* xii, 5.
4. Creaturis rectè & sanctè utamur: *1 Cor.* i, 21, 2i. vii, 31. *1 Tim.* iv, 3, 4, 5. *Ies.* v, 11. *Luc.* xxi, 34. xvi, 2. *Prov.* xii, 10.
5. Gratum animum Creatori in omnibus probe-
mus: *Psal.* cxvi, 12. cxxxvi, 1, 5 - 9. *1 Cor.* x, 31.
6. Virtutes Bonorum Angelorum agnoscamus, &
imitemur: *Psal.* ciii, 20. 21, 22. *Matth.* vi, 10. Ad-
versus Malos vigilemus, & oremus: *Eph.* vi, 11, - 18.
1 Petr. v, 8, 9. *Matth.* xxvi, 41. *Jac.* iv, 7.
7. Observemus undè exciderimus, & restituti-
oni Imaginis Divinæ studeamus sedulò: *Apoc.* ii, 5.
Col. iii, 10. *Eph.* iv, 22, 23, 24. *2 Cor.* iii, 18. v, 17.

C A P I T V I I I.

De Providentiâ.

Providentia. *Providentia*; actualis. 1. Probatur, c.
Atheos, & *Epicur.* *Obj. solv.* 2. *Creaturarum*
omnium dependentia, & *subjectio*. 3. *Providen-*
tia ordinaria. *Extraordinaria.* *Miracula.* 4. *Provid.*
Mediata. *Immediata.* 5. *Cur*, & *quomodò Deus*
Mediis utatur. 6. *Providentia realis.* *Quæ illi sub-*
sint. *Ejus actus.* 7. *Conservatio Specialis.* *Neces-*
saria. *Quomodò res conserventur.* *Annihilatio.*
8. *Concursus.* *Necessarius*; c. *Durandum.* 9. *Noti*
sufficit Concursus simultaneus; c. *Pelag.* *Vel so-*
lum influens in effectum. *Aut communis, indiffe-*
rens, &c. 10. *Sed agnoscendus promovens ad*
agendum, & *promovens in agendo.* *Actiones*

bona in genere entis. 11. Illa prob. c. Pontif. Anabapt. &c. 12. Objectiones solv. 13. Gubernatio. Ejus modus. 14. Objecta specialia. 15. Malorum impeditio. Quorundam permissio. 16. Hæc probatur. 17. Peccata peccatis etiã puniuntur. 18. Excœcatio, & Induratio. Negativa. Positiva. 19. Quomodò in Diabolis, & in Hominibus. Etiã electis. 20. Modus. 21. Non mera negatio; aut permissio; c. Pelag. 22. Fines istius Gubernationis. 23. Obj. solv. 24. Providentia moralis; tũ latè, tũ strictè dicta. Hujus actũs. 25. Præcepta. Cultus naturalis. Institutus. 26. Concessio, sive Permissio ethica. Regula in Adiaphoris observandæ. 27. Non malorum. 28. Revelationes, Præcepta, Prohibitiones, quomodò expressæ. 29. Concessio quomodò innotescat. 30. Variæ phrasēs. 31. Consilia. Contestationes. Vota. 32. Interim actũs reales non excluduntur. 33. Praxis. 34.

PRæscientia Dei etiã Prævidentia appellari potest: Providentia verò sæpè Decretum notat. Nos hoc loco executionem quandam spectamus; quæ discriminis causa Providentia actualis dicitur, & Creationem proximè sequitur. Ista est Actus Dei externus, quo ipse Creaturas jã existentes conservat & regit; atque in iis operatur eminentissimè; ad Gloriam suam. Gen. xxii, 8. Deus providebit.

11. Ad Deum ascendendum; eique omnes Creaturas subjectas esse, contra Atheos & Epicureos probamus:

1. Ex disertis S. Scripture testimoniis: Act, xvii, 25, 28. *Dat omnibus vitam, & halitum, & omnia.* - In ipso vivimus, & movemur, & sumus. Hebr, I, 3. *Sustinet omnia*

verbo illo suo potente. Dan. 2, 20. Mutat tempora ac tempestates; transfert & constituit reges: dat sapientiam sapientibus. Psal. xciv, 8, 9, 10. An plantator auris non audiat? aut formator oculi, an non intueatur? &c. civ, 27, 28, 29. Act. xiv, 17. Joh. v, 17. Rom. xi, 36. Eph. I, 11. Col. I, 16, 17.

2. Ex Naturâ Dei absolute primâ: undè omnis alia entitas & causalitas.

3. Ex conditione Creaturarum prorsus dependente: Matth. v, 36. vi, 27. Act. xvii, 25, 28.

4. Ex Prophetiis, Miracilis, Judiciis insolitis; itemque Operibus, quæ à Creaturis ita fiunt, ut interim captum earum excedant: Nexû item & ordinatione causarum Particularium sapientissimâ: & dictamine conscientia in Hominibus.

Obj. In mundo sunt multa imperfecta, confusa, injusta: ergò, &c. Resp. Illa rectè perpenſa perfectionem, ordinem, bonitatem, & justitiam magis commendant & adstruunt: Psal. lxxiii, 16 17. Si cogitem cognoscere hoc, laboriosum visum est in oculis meis: donec ingressus in Sanctuarium Dei, animadvertissem finem illorum.

III. Creaturæ, in quantum entia sunt, in tantum sunt dependentia à Deo sed ordinatissimè. Sic omnibus competit.

1. Potentia obedientialis, quâ subjacent dispositioni Divinae actuali, pro Ipsius arbitrio. Psal. cxv, 3. Deus, quicquid placet, facit. cxlviii, 8. Ignis, & grando; nix, & exhalatio, ventus turbineus efficiens verbum Ejus.

2. Posita est communis Lex Naturæ: certus ordo omnium & singulorum: Jes. xlv, 12. Omni exercitui cœlorum præcepta dedi. Jerem. xxxiii, 20. Fœdus meum de die, & fœdus meum de nocte. Job. xxxviii, 10. 11, 12. de mari: Dicens, Hic usque venies, & ne procedito. - An præcepisti matutino tempori? Ps. lxxiv. 16. 17.

3. Est quædam Naturæ inclinatio; & quasi appetitus, isti Legi conveniens; Ps. xix. 6. Sol lætatur, tanquam robustus

robustus decursurus viam. CIV, 19. *Sol - agnoscens occasum.*
Job. v. 7. Scintillæ prunarum in altum evolant.

4. In Bestiis datur *Instinctus naturalis*, secundum Facultates sensitivas: Prov. xxx, 24, - 28. Quatuor ista parva sunt, humilia; tamen sunt sapientia; apprimè sapientia: Formicæ, populus infirmus; quæ comparant cibum suum: Mures montani, - : Rex non est locustis - : Aranea, &c. Confer sup. cap. 7. th. 33.

5. In Hominibus, & Angelis, etià Ratio, & Libertas: sed prorsus dependenter: Act. xvi, 25, 28. Prov. xxi, 1. Psal. ciii, 20, 21.

I V. *Distinguitur Providentia primò, in Ordinariam, & Extraordinariam.*

Ordinaria secundum ordinem primitùs institutum peragitur; sive in Naturâ; ut Hos. 2, 22. *Exaudiam Cœlos; & ipsi exaudient Terram, &c.* Jer. xxxi, 35, 36. sive in statu Gratiæ; ut Rom. x, 17. *Fides est ex auditu; auditus vero per Verbum Dei.*

Extraordinaria ab ordine isto recedit: Deus enim ostendit, se, Dominum universi; isto ordine superiorem esse, Sic Israëlitas Mannâ & Coturnicibus pavit; Exod. xvi, 13, 15. Sic Corvi afferebant Eliæ panem & carnem; 1 Reg. xvii, 6. Et Pauli vocatio atque conversio extraordinaria fuit: Act. ix, 3, -. Huc pertinent *Miracula* strictè dicta: Marc: xvi, 17, 20. 1 Cor. xii, 9, 10. cum Psal. lxxii, 18, cxxxvi, 4. Act. iii, 12, 13, 16. In quibus creaturæ duntaxat causæ instrumentales morales esse possunt: à Deo precibus ea petendo, & impetrandò; eadem aliis promittendo, & futura indicando; signum denique dando circa subjectum recipiens, ad cuius præsentiam Deus effectum Miraculosum per Omnipotentiam suam, producit. Ab illis igitur longè differunt Angelorum, vel Hominum opera, quantumvis mira, seu admiranda; viribus eorum finitis facta.

Y. Distinguitur secundò in Mediatam, & Immediatam.

Providentia Mediata est, ubi Deus per Media operatur, *Immediata*, ubi absque Mediis.

Medium proprie dicitur, quod inter duo extrema fitum est: sed hoc loco intelligitur, quod à causâ principe sic adhibetur, ut effectui producendo, & sequendo, sua causalitate etiam serviat. Ita per Pluviam rigatur & foecundatur Terra: Frumento, aut Pane inde confecto, & Vino aluntur Homines: *Psal.* civ, 13, 14, 15. *Ægris* opus est Medico. *Matth.* ix, 12. Magistratus Dei Minister est, & vindex ad iram ei, qui quod malum est fecerit: *Rom.* xiii, 4. *Elisæus* per *Eliam* vocatus est: *1 Reg.* xix, 19, Vide *ibid.* vers. 5: *Ies.* 38, 21. *1 Tim.* v, 8, *Hebr.* I, 14. *Psal.* xci, 11, xxxiv, 8. *Gen.* iii, 24. xix, 13. *2 Sam.* xxiv, 16. *2 Reg.* xix, 35. *Apoc.* xvi, 1, &c.

Sed *Immediatè* Deus *Mosen* vocavit: *Exod.* iii, 6, allocutus est: *Num.* xii, 8. sustentavit: *Deut.* ix, 9, 18. Similiter *Paulus* immediate vocatus est: *Gal.* I, 1.

vi. Deus Mediis utitur, non ex indigentia; sed ex abundantia Bonitatis Suae; unde creaturis causalitatem aliquam communicare etiam placuit. Sed ad omnipotentiam Dei nullum est Mediorum discrimen: *1 Sam.* xiv, 6. Non est *Jehovæ* impedimentum, quin servet multis, aut paucis,

Hinc 1. Mediis vilissimis quandoque utitur. *1 Cor.* I, 27, 28. Quæ stulta, infirma, - ignobilia, in mundo, & pro nihilo habita, elegit Deus, &c. Confer *2 Chr.* 24. 24.

2. Media aptissima reddit aliquando inefficacia: *Hos.* iv, 10. Comedentes non saturabuntur, - *Psal.* xxxiii, 16, 17. - Mendax est Equus ad salutem, &c.

3. Contra illorum naturam operatur: *Dan.* iii, 17. Deus, - potens est eripere nos à fornace ignis accensâ. Confer vers. 22, 24. Ita respectu finis operis multa per accidens fiunt; non item respectu finis operantis. Ex. gr. Evangelium per se ad salutem spectat; per accidens est odor mortis ad mortem. *2 Cor.* 2, 14, 16. Confer *Rom.* I, 26. & vii, 12, 13. x, 4, 5.

4. Ubi

4. Ubi Mediis utitur Deus, virtus illorum ab ipso immediatè pendet: *Psal. cxxvii, 1, 2. Nisi Jehovah ædificet, frustra laborant ædificatores: nisi Jehovah custodiat civitatem: frustra sedulus sit custos, &c.* Confer *Ies. xxviii, 26. Iterùm Deut. viii, 3. Matth. 4, 4. Non solo pane vivit homo; sed omni eo, quod prodit ex ore Jehovah.* Confer *Levit. xxvi, 26. Ezech. iv, 16. Mich. vi, 14. Hag. 1, 6. & Levit. xxvi, 5. - Deut. xxviii, 3. - Hag. 2, 20. 1 Cor. iiii, 5, 6, 7. Quis est Paulus, &c. Neque is qui plantat, est aliquid; neque is qui rigat, sed Deus, qui dat crescendi vim.* Adde *Ies. x, 5, 6, 7, 15.*

5. Causæ secundæ sæpè fine suo excidunt; sed Deus nunquàm: *Prov. xix, 21. Consilium Jehovah stabit. Gen. 1, 20. Vos cogitaveratis contra me malum. Sed Deus cogitavit illud in bonum convertere, ut est dic hoc, &c. Rom. viii, 28.*

vii. Tercio distinguitur Providentia in Realem, & Moralem. Illa circa qualescunque creaturas versatur, quatenùs sunt entia prorsùs dependentia; circa entitatem talem: *Hæc circa creaturas Rationales, ut sic. Sed ad utramque revocandi sunt etiàm actûs negativi; permissionis scilicet, tum physicae, tum ethicae.*

Providentiæ reali subsunt omnes in universum Creaturæ: *Col. 1, 17. Hebr. I, 3. Eph. 1, 11. Vide sup. th. 2. Specialiùs, I. de Cœlo: Ies. xl, 26. Attollite in sublime oculos vestros, & videte quis creaverit ista; produciens numero suo exercitum ipsorum: &c. Matth. v, 45. Facit ut Sol suus oriatur, &c. Job. ix, 7. Psal. civ, 19.*

2. De Hominibus: *1 Sam. 2, 6, - 10. Jehovah morte afficit, & in vitam restituit: deprimat & tollit, &c. Psal. xxxvi, 7. xc, 3. Act. xvii, 25. Matth. x, 30. vi, 30, 34. 1 Cor. ix, 9, 10. 1 Tim. iv, 10. Jac. iv, 15.*

3. De Bestiis: *Psal. xxxvi, 7. cxlvii, 9. Dat Jumentis cibum suum: Pullis corvorum, qui crocitant. civ, 10, 11, 12; 18, 20, 21. Matth. vi, 26. Intuemini in Volucres cœli: Sed Pater ille vester cœlestis alit eas, x, 29, Job. xxxix, 1, 2; 16--19.*

4. De Plantis: Psal. civ, 14, 17. *Faciens ut germinet Fœnum ad jumentum; & Herba ad hominis usum, &c. Satiantur Arbores Jehovæ; Cedri, &c. Matth vi, 28, 29, 30. Discite, quomodo Lilia agrorum augecant, &c. Quod si Herbam agri--Deus ita circumvestit, &c.*

5. De Contingentibus: utpote de Homicidio casuali: Exod. xxi, 13. *Si quis tamen non quæsiverit: sed Deus ipse objecerit manui ejus, &c. Prov. i6. 33. In gremium conjicitur Sors; à Jehova autem est tota ratio ejus.*

6. De Liberis actionibus: Prov. xvi, 9. *Animus Hominis excogitat viam suam; sed Jehovah statuit gressum ejus. xxi, 1. Ut rivi aquarum, sic Animus Regis est in manu Jehovæ; quocunque vult, inclinatur. Ferem. x. 23. Novi, Jehovah, non esse penes Hominem viam ejus; non esse penes virum ambulantiem, vel dirigere gressum suum.*

Sic omnia huic Providentiæ subsunt; sed inæqualiter, ratione effectuum: Matth. vi, 26. *Nonne vos multo præstatis iis. 30. Quod si Herbam agri--Deus ita circumvestit; nonne vos multo magis?* 1 Tim. iv, 10. *Conservator omnium Hominum; maxime verò Fidelium. 1 Cor. ix, 9. Num Boves Deo curæ sunt?* Comparatè scil. ad Homines, & Ministros Dei.

Ad Providentiam Realem pertinent Conservatio, Concursus, & Gubernatio.

VIII. Conservatio est actus Providentiæ, quo Deus essentiam & facultates creaturarum continuat, juxta placitum suum. Est ergo *suppositi*, & *virtutum*. Neque generalis tantum; sed & *specialis*. Nehem. ix, 6. *Tu fecisti Cælos, -- & Terram: -- &c. Et tu Conservas hæc omnia.* Psal. xxxvi, 7. *Homines & Jumenta conservas. Vide etiam Apoc. iv, 11. Act. xvii, 25, 28, Col. i, 17, Hebr. i, 3. Psal. civ, 29, 30.*

Estque *necessaria*; propter omnimodam Creaturarum dependentiam, ut in fieri, sic etiam in esse; continuata enim existentia, ejusdem est conditionis cum essentia primum productâ. Ino Conservatio nihil aliud est,

est, quam continuata Creatio; ac proinde non nisi à Deo procedit: *Rom. I, 20.*

Sicut alia Creatione immediata producta sunt; alia mediata: sic etiam se habet Conservatio; quæ Creationem sequitur, sed Concursum & Gubernationem antecedit; prius enim est ipsum esse, quam agere, aut in agendo dirigi.

Conservantur autem alia eadem numero, quæ creata fuerunt; ut Angeli, Animæ rationales, Sol, Luna, &c. alia eadem specie; ut Plantæ, Bestiæ, &c. Nonnulla secundum aliquam sui partem mutationi obnoxia sunt; cæterum in statu suo persistunt; ut Elementa.

Ex superioribus satis patet, Conservationem omnino esse actum positivum: ei opponitur Annihilatio; mera negatio actus conservativi; cum huius terminus ad quem sit nihilum. Perit ergo, quod non conservatur, & quousque non conservatur amplius: *Psal. civ, 29. Aufers spiritum eorum; deficiunt, & in pulverem suum revertuntur.*

IX. *Concursum* est actus Providentiæ, quo Causæ secundæ à Primâ ad agendum excitantur, applicantur, ac promoventur efficaciter: *Phil. II, 13. Deus est, qui efficit in vobis ipsum velle, & ipsum agere. 1 Cor. IV, 7. Quid habes, quod non acceperis? Prov. XXI, 1. Act. XVII, 25, 28. Rom. XI, 35, 36. Psal. XXXII, 15. Jes. X, 5, 6, 7, 15. Jerem. X, 23.*

Non sufficit ergo cum *Durando* statuere generalem solum conservationem causarum secundarum in suo esse: perfectio enim præsentis actionis positivæ non potest esse independens.

X. Nec sufficit *Pelagianorum Concursum simultaneum* tempore & naturâ: quia sic Causa secunda independentem agere inciperet: hoc enim, undè alterum dependet, catenâ prius est: atque ita Deus non foret causa prima. Contra *Rom. XI, 35, 36. Quis prior dedit ei? - Nam omnia sunt ex eo, 1 Cor. IV, 7. Et cur non etiam*

etiã creatura sine Deo posset actionem continuare ; cum Inchoatio alicujus rei majus quid sit , quam ejusdem inchoatæ similis Continuatio ?

Nec satis est statuere *Concursum* influentem in effectum ; non verò in causam secundam : sic enim Causa secunda reverà esset independens, atque adeò prima ; quamvis effectus esset dependens.

Neque item sufficit *Concursum* communis , indifferens , indeterminatus ; & determinabilis per actionem creaturæ : quoniã ex istâ hypothesi Creatura , ut determinans , esset prior concursû sic determinato.

XI. Statuendum ergò , quòd Deus sit Causa prima, activè præmovens Causam secundam ad agendum , ac deinceps promovens in agendo : Creatura verò hoc respectû se habeat passivè ; quamvis respectû effectûs se habeat activè. Imo eadem actio est Dei & Creaturæ ; sed diverso modo atque ordine. Interim Creatura talis actionis suæ est causa formaliter efficiens : Deus verò est causa eminenter efficiens , & virtualiter transitive : Jac. I, 17.

Actiones ut sic , in genere *Entis* , omnes bonæ sunt. In Peccatis verò distinguendum est inter Actum subtratum , qui similiter metaphysice bonus est ; & inter *ἀνομιάν* , privationem bonitatis moralis debitæ inesse : cujus non est causa efficiens ; ac proinde neque concursus ad eam formaliter .

XII. *Concursum* hunc contra Pelagianizantes Pontificios, Anabaptistas, & Remonstrantes, plenius probamus :

1. Locis generalibus S. Scripturæ , præallegatis th. 9. Adde Jerem. XVII, 6. Ut argilla in manu figuli , ita vos &c. Jac. IV, 15, 16. Dicere debuistis : Si Dominus voluerit, &c. Vide etiã sup. th. 2. & 7.

2. Testimoniis magis specialibus, de operibus moraliter bonis. Vide I Cor. IV, 7. Phil. II, 13. sup. th. 9. Item Jerem. XXXI, 18. Converte me ; ut convertar , 33.

Idem

Indam Legem meam menti eorum, - . Ezech, XXXVI, 26, 27, 28. Et dabo vobis cor novum, & spiritum novum ponam in medio vestri, &c. Iohan. VI, 44. Nemo potest venire ad me nisi Pater traxerit eum. XV, 5. 1 Cor. XII, 3, 6. Phil. 1, 29. 2 Tim II, 24, 25. Hebr. XIII, 20. Jac, 1, 17, 18.

3. Ex quibusdam locis, ubi speciatim agitur de actibus moraliter malis: *Gen. xlv, 7, 8. Non vos misistis me huc: sed Deus ipse, &c. Exod. VII, 3. Ego obdurabo cor Pharaonis. 2 Theff. II, 11. Mittet enim Deus efficaciam erroris, - . 2 Sam. XII, 11. 12. XVI, 10, 11. Rom. 1, 24, 25.*

4. Rationibus ex Dependentiâ Creaturarum, & Dei Independentiâ ac primâ causalitate: nam

α. Omnis Motionis analysi debet fieri in primum Motorem immobilem.

β. Omnis Effectus, & Actus, ad Causam primam reduci debet.

γ. Deus præscit omnia secundum Consilium suum determinatum: Concursus igitur indeterminatus esse non potest.

δ. Efficientia Dei active est ipse Deus; terminative vero est simul tempore cum actione Creaturarum; prior tamen naturâ; quia Deus est causa prima.

XIII. *Obj. 1. Ezech. XVIII, 23. 32. XXXIII, 11. Deus non delectatur morte peccatoris; sed ut convertatur, & vivat: neque tamen sequitur omnino conversio: Ergo Concursus Dei non est determinans. Resp. Non delectatur morte in se; vult conversionem & vitam; Voluntate illam mandante, hanc promittente. Sed iste non est Concursus Providentiæ realis, de quo nunc agimus.*

Obj. 2. Prov. XVI, 1. Homo præparat cor. Zach. 1, 3. convertit se: ergo, &c. Resp. Sed non sine Dei operatione, per quam Ipse facit nos operari.

Obj. 3. Matth. XXI, 37. Quoties volui congregare filios tuos; - sed tu noluisti: Ergo, &c. Resp. 1. Christus exprobrat Hierosolymitanis, quod ipse quidem involue-

mi. 5. 36. 37. CVII, 23, 30.

Sic 1. singula ad certa Objecta determinantur. Vide th. 7. Item 1 Reg. XXII, 34. *Quidam jaculans arcu simplici animo, percussit Regem Israelis, &c.* Ezech. XXI, 21, 22, 23. Jon. I. 7. Act. I, 26.

2. Actiones Creaturarum suis Limitibus circumscribuntur. Job. I, 12. Deus Diabolo: *Tantummodo in ipsum ne mittito manum tuam.* II, 6. *Veruntamen vitam ejus serva.* Adde xxxviii, 10, 11.

3. In Fines suos accuratissimè diriguntur: Jes. IV, 10, 11. *Cum descendit pluvia, - non revertitur illuc; sed inebriat terram, facitque ut pariat &c.* Sic erit Verbum meum, &c. Prov. XIX, 21. *Multæ Cogitationes insunt animo cujusque: sed Consilium Jehovæ ipsum stabit.* Jes. X, 5, &c. Luc. II, 1, &c. Matth. II, 5, 6. cum Mich. V, 1. & Genes. xlix, 10.

4. Mala etiâ in Bonum convertuntur: Rom. VII, 28. *Novimus, iis qui diligunt Deum, omnia simul adjuvamento esse ad bonum.* Gen. I, 20. *Sed Deus cogitavit illud in bonum convertere.* Confer Luc. XXIV, 26. Act. IV, 10, 11, 12; 27, 28.

XV. Singula Deus convenienter naturæ suæ gubernat; sive ea necessaria fuerint, sive contingencia, sive libera.

Sic gubernantur I. Res Humanæ: Prov. XXI, 2. *Dives & pauper inter se occurrunt, efficiente hos omnes Jehovah.* x, 24. *Quod formidat Improbus, id evenit ei; quod desiderant Justi, dabit Deus.* 22. *Benedictio Jehovah datat, &c.* Adde Ps. cxxvii, 1, 2, 1 Sam. II, 6, 7, 8. Act. xvii, 25, 26.

2. Speciatim Matrimonia: Matth. XIX, 6. *Quod Deus conjunxit, &c.* Act. xvi, 28, 29. *ipsius Progenies sumus.* Illustre est exemplum Isaaci; Genes. xxiv, 14, 18, 27, &c.

3. Vita ad Terminum usque præstitutum. Vide sup. cap. 6. th. 11.

4. Bellorum exitus: Psal. xlii, 2, 7. *O Deus, auri-*
bus-

bus nostris audivimus, - Te manu Tua gentes expulisse : - Per Te Hostes cornu feriemus. &c. xlvī, 9, 10, 11. Agite, videte opera Jehovæ ! ut disponat desolationes in terra; faciens, ut cessent Bella; arcum perfringat, & truncet hastam, &c. Prov. xxi, 31. Equus aptatur ad diem prælii; sed Jehovæ est ipsa salus. Confer Exod. xv, 3, &c. ac porro historiam Bellorum Domini, & promissiones de hostibus in manus Israëuitarum tradendis, &c.

5. Periodi Imperiorum, Regnorum, & Rerum-publicarum : Dan. II, 22, Transfert Reges, & constituit Reges. v, 21, &c.

6. Minima : ut Locustæ, Pediculi, &c. Exod. viii, 17. x, 12. Deut. xxviii, 38. Joël. i, 4. Act. xii, 23. Capilli : Matth. x, 30. Herbæ; vi, 30.

7. Etiam Mala tristia : Am. i, 11, 6. An erit malum in civitate, quod Jehovah non efficiat. Threnor. iii, 37, 28, 39. Ex ore Excelsi an non prodit malum quodque, & bonum? &c. Hebr. xii, 6, 7. I Cor. xi, 32 : 2 Thess. i, 6, 8, 9.

XVI. Major difficultas est in Gubernatione Malorum turpium. Hæc Deus interdum impedit : Genes. xx, 6. Cohibui te, ne peccares in Me. 31, 7. Non permisit ei Deus, ut damno afficeret me. I Cor. x, 13. Act. xv, 11, 9, 10. Sæpe physice permittit : Psal. lxxxī, 13. Dimisi eos ambulare, ex sententiâ animi sui; dicens, Abeant cum pravis consiliis suis ! Actor. xiv, 16. Sivit omnes Gentes suis ipsarum viis incedere. Confer Matth. 8. 31, 32. Et quidem consulto, ac volens : Rom. ix, 18. Quem vult, indurat.

XVII. Defectum moralem Deus relinquit in actû illo substrato : complexum verò peccaminosum sanctissimè & sapientissimè limitat, ac dirigit in finem bonum. Hinc efficax Permissio dicitur.

Probatur autem i. de Objectionum, aliarumque circumstantiarum determinatione, ex allegatis th. 14. §. 1. Adde 2 Sam. xvi, 10, 11. Jehovah edixit, Maledic David. I Reg. 22. 20, 23, Dixit Jehovah, quis pelliciet, &c. Tum dixit; Pellicies; & prævalebis : exi, & fac ita. &c. Exod. 4. 21. 9. 12. Ps. cv, 25. Jes. 19. 14. 2. De

2. De Gradibus, vide th. 14. §. 2. Adde 1 Cor. x, 13. Deus non sinet vos tentari supra id quod potestis. Actor. II, 27. ex Psal. xvi, 10.

3. De Finium ordinatione: Jos. xi, 20. A Jeborâ fuit, quod obfirmabant cor suum; ut internecioni devoveret illas. 1 Cor. x, 13. Unâ cum tentatione præstabit exitum, ut possitis sufferre. Fac. v, 11. Beatos prædicamus eos, qui sustinent. Tolerantiam Job audistis, & finem Domini vidistis. Genes. xlv, 8. Exod. xiv, 17. 1 Reg. xii, 15. Actor. xii, 18.

XVIII. Specialiùs peccata peccatis punit Deus: quandoque in aliis: 2 Sam. xii, 11, 12. Eo quod sprevisse me, - Suscitaturus sum contra te malum è domo tuâ; &c. Jud. ix, 23, 24. Immisit Deus affectum malum inter Abimelechum & Sichemitas: - ut rediret injuria, &c. 1 Reg. xi, 26. Quandoque in ipsis: 2 Thess. II, 10, 11, 12. Propterea quod amorem veritatis non receperunt, - ideo mittet eis Deus efficaciam erroris, ut credant mendacio, &c. Rom. i, 24, - 27.

XIX. Occurrunt interim Exccratio & Induratio. Illa dicit privationem sapientiæ spiritualis, adeò ut creatura cæco impetû deinceps ruat in peccatum & exitium. Hæc verò dicit privationem flexionis & conformationis ad normam Legis Divinæ. Jes. vi, 9, 10. I, ut dicas populo isti: audite indefinenter; at ne intelligatis: & videte indefinenter, neque cognoscatis. Fac, ut pinguescat cor populi istius, &c. Rom. i, 21, 22, 28. Vani facti sunt in ratiocinationibus suis, & obtenebratum est cor, &c. Utraque considerari potest vel ut actus Dei, vel ut creaturæ. Deo autem tribuitur aliquandò solum negativè; atque ita simpliciter negatur collatio sapientiæ, & flexionis ad normam: aliquandò positivè, prout Deus gubernatione judiciâli propter antecedens demeritum creaturam rationalem punit spirituali cœcitate aut duritiâ majore & graviore, quam prius in eâ extitit. Sed quemadmodum à Deo procedit, pœnalis, est: quæ

tendus autem in Creaturis subjectivè inest, est *culpabilis*. Rom. ix, 17, 18. Dicit Scriptura Pharaoni, *Ad hoc ipsum excitavi te, ut ostendam in te potentiam meam, &c.*

XX. In Hominibus *protoplastis*, ut & in *Diabolis* primùm peccantibus, Deus isto tempore *negativè*, actualiorem usum sapientiæ & sanctimonix non excitavit. In posteris autem cœcitas & duritia tùm *habitualiter*, vel *nativa*, vel *acquisita* spectatur; tùm *actualiter*. *Nativa* pertinet ad Peccatum originale. *Acquisita* dicit *nativæ* corruptionis incrementum ratione graduum, per crebros actûs & consuetudinem peccandi. *Actualis* denique in actibus secundis cernitur.

Utraque in Electos nondum conversos etiàm cadit. Eph. II, 3. *Eramus naturâ filii iræ, ut & reliqui*. In Regenitis, totalis, & ad finem regnans, aut prævalens, non habet locum: sunt enim Lux in Domino: Eph. v, 8. & habent cor carneum: Ezech. xxxvi, 25. *Partialis* tamen, eaque sensibilis, in iis etiàm agnoscenda est: Jac. ii, 2. *In multis impingimus omnes*; 1 Cor. xii 1, 9. *Ex parte cognoscimus*. Huc pertinet querela, Jesh. lxiii, 17. *Quare sineres aberrare nos, Jehovah, à viis Tuis? torrefaciens obdurares animum nostrum à reverentiâ Tui?*

XXI. Modus Exccæcationis & Indurationis, licet occultus, semper tamen justus est.

Huc pertinet 1. Non-collatio, imò propter antecedens peccatum iusta ablatio, boni habitualis: Rom. ix, 21, 24. *Tradidit eos Deus cupiditatibus cordium ipsorum ad impuritatem*. 26, 27. *Fœdis affectibus*. 28. *In mentem omnis judicii expertem, &c.*

2. Non-impeditio, imò directio hostium spirituum, ad talia objecta: ut de Pseudo-prophetis; 1 Reg. xxi, 22, 23; & de Antichristo; 2 Thess. II, 9, 10. 11. *Cujus adventus est ex vi illâ efficaci Satanæ, cum omnî potentia, & signis ac prodigiis mendacibus*. - Ideò igitur mittet eis Deus efficaciam erroris, &c.

3. Oblatio bonorum, quibus homines suo vitio abu-

abutuntur : ut Occasionum internarum ; *Exod. 1, 9, 12. Externarum ; Genes. xxxvii, 5. Exod. v, 2. Jes. 2, 9. 2 Cor. II, 16.* Item Beneficiorum, erga alios, quibus invident ; & erga ipsos, quibus abutuntur homines corruptissimi : *Tit. 1, 15. Pollutis & incredulis nihil est mundum. Rom. II, 4, 5.* Et Pœnarum, quibus indurantur : *Jerem. v, 3. ô Iehovah, - percutis eos ; sed non dolent : consumis eos ; renuunt accipere eruditionem ; reddunt faciem suam obfirmatiorem petrâ ; renuunt concertari.*

XXII. Ex superioribus patet, non sufficere, si cum Jesuitis, aliisque Pelagianizantibus, in hoc negotio statuatur mera negatio, vel nuda permissio : nam 1. Requiritur saltem positiva providentia ad actum sub-
stratum, & in ordine ad finem.

2. Actus judicialis non nisi positivè procedit ; ob tale demeritum, tali modo.

3. Precamur non induci in tentationem : *Matth. vi, 13.* atque alibi passim occurrunt phrasæ positivum actum inferentes.

XXIII. *Fines*, ad quos actus peccaminosi diriguntur, sunt, 1. Manifestatio Tolerantiæ Divinæ : *Rom. II, 4.* & Justitiæ, tum in reprobis : *ix, 22. Quod si volens ostendere iram, & notam facere potentiam suam, &c. Prov. xvi, 4.* tum in ipso Christo : *Rom. iii, 25, 26. Ad demonstrationem justitiæ suæ, &c.*

2. Manifestatio Sapientiæ ac Misericordiæ Divinæ in Electis salvandis : *Rom. xi, 31, 32. Conclusit Deus omnes illos in inobedientiam, ut omnium illorum misereretur. O profundas divitias tum Sapientiæ, tum Cognitionis Dei ! &c. v, 20. Ubi amplificatum est peccatum, ibi superabundavit gratia.*

3. Profunda fidelium humiliatio : *Matth. ix, 13. Non veni vocatum justos ; sed peccatores ad resipiscentiam. Thren. v, 15. Væ nobis, quod peccaverimus ! 111, 40, 41. Jerem. II, 19.*

4. Multiplex fidelium probatio, victoria, & glo-

ria: Luc. XXII, 31. *Satanas appetiit vos, quos ventilare sicut triticum*: &c. Psal. XXVI, 1, 24. *Cum cadit iustus, non deicitur*, &c. 2 Cor. XII, 9. *Potentia Mea, per infirmitatem consummatur*. Phil. IV, 13. *Omnia valeo per Eum, qui me corroborat, nempe Christum*, &c. 1 Joh. V, 4. *Hæc est victoria, quæ vincit mundum, nempe fides nostra*.

XXIV. *Obj.* Ex Gubernatione istâ sequi videtur, quod Deus sit causa peccati: ergo ea non est admittenda. *Resp.* Istud nego. Qui equum vitio proprio claudicantem regit, is nequaquam est causa claudicationis.

Inst. 1. Atqui Deus statuitur actûs peccaminosos dirigere ad sua objecta, & in suos fines: ergo, &c. *Resp.* Iterum nego consequentiam. Tota Dei directio sancta est: neque quicquam agit; vel intendit, nisi bonum, & benè; & finem suum sic semper assequitur, licet creaturæ peccantes aliud & aliter sibi propositum habeant.

Inst. 2. Multæ phrasæ asperæ circa hoc negotium occurrunt in scriptis Theologorum. *Resp.* 1. Communis Ecclesiarum nostrarum confessio ex publicis earum formulis petenda est; non ex privatis scriptis quorundam Theologorum. 2. Nec facîle ex scriptis nostrorum Theologorum in hoc negotio producentur phrasæ, aut sententiæ, quarum similes, vel æquipollentes, non reperiantur in SS. Literis; aut etiã similes, vel duriores, in scriptis ipsorum Adversariorum.

XXV. *Providentia moralis* vel latè vel strictè sumitur. *Priori modo* ad eam pertinet omnis motio objectiva, & tropica, sive metaphorica, per externa signa, aliaque objecta; & sic ad *Bestias* se etiã extendit. *Posteriori modo* versatur circa *Creaturas tantum rationales*; & quidem sic, ut istæ, earumque actiones, ab illâ dependeant *in genere moris*.

Actûs huius Providentiæ vel spectant *veritates agnoscendas & credendas*, vel *officia à nobis præstanda*. *Veritates* illas respicit *Divina revelatio explicatoria*

&

& assertoria ; de quâ sup. cap. 1. th. 26 ; 32. & cap. 2. th. 2. 4 ; 8, 9.

Ad Officia præstanda pertinent primario *Præcepta*, *Promissiones*, & *Præmia* ; secundario etiam *Concessiones* : ad vitia fugienda *Prohibitiones*, *Comminationes*, & *Pœnæ*.

XXVI. *Præcepit* Deus cultum sibi convenientem, tum absolutè & immutabiliter, per naturam suam ; undè *cultus naturalis* vocatur : tum ex hyphotesi, & quodammodo mutabiliter, per liberam voluntatis suæ determinationem ; qui *cultus institutus* nuncupatur. Similiter etiam Deus prohibuit quædam necessario, & immutabiliter ; alia liberè, & mutabiliter.

XXVII. *Concessio*, sive *permissio ethica*, est rerum mediarum. *Concessio* de Rebus, *permissio* de Actionibus magis accommodatè dicitur. Circa omnes tales actus tenendæ sunt hæ Regulæ : ut fiant 1. Ex fide, & cum certâ persuasione, quod talis actus sit licitus, ac nos in eo etiam Deo grati & accepti per Christum. 2. Ex charitate, & citra aliorum scandalum, vel incommodum. 3. Sanctè, in gloriam Dei. Rom. XIV, 23. Quod ex fide non est, peccatum est. 15. Si propter escam tuam frater tuus tristitiâ afficitur, non jam secundum charitatem ambulas. Tit. 1, 15. Omnia munda mundis : pollutis autem & incredulis nihil est mundum. 1 Cor. VIII, 13. Si esca offendiculo est fratri meo, non edam carnes in æternum, ne sim offendiculo fratri meo. X, 31. Omnia ad gloriam Dei facite. Col, III, 17. Adeo ut nullus actus in individuo sit indifferens. Omnium & singulorum reddenda erit ratio : 2 Cor. V, 10. usque ad verbum otiosum. Matth. XII, 36.

XXVIII. Nullum per se malum præcipere, vel ethicè permittere, potest Deus : sed ubi physicè permissum, & à creaturâ commissum est, punit necessario. Vide sup. cap. 4. th. 56. Nec ullo modo ejus auctor esse potest : Jac. 1, 13. Deus tentari malis non potest ; nec quenkum tentat.

XXIX. *Revelationes credendorum, Præcepta agendorum, & Prohibitiones fugiendorum, Deus plenissime Verbo suo exprellit, sive διαγγέλλειν sive ἀπαγορεύειν: Matth. xv, 9. Frustra me colunt, docentes doctrinas, quæ sunt mandata hominum. Luc. x, 25, 26. In Lege quid scriptum est? quomodo legis: &c. Interim Exempla cum laude proposita, Præceptis accensenda sunt; cum vituperio autem, vel redargutione commemorata, Prohibitionibus sunt annumeranda. Quin & Præmia prudenter observanda, cumque Præceptis & Promissionibus conferenda sunt: Pœnæ autem similiter ad Prohibitiones & Comminationes referendæ. Rom. xv, 4. Nam quæ antè scripta sunt, ad nostram doctrinam antè scripta sunt. 1, 18. Patet ira Dei è cælo adversus omnem impietatem & injustitiam hominum. II, 4. Benignitatem Dei ad resipiscentiam te deducere. Vide etiã 1 Cor. x, 11. xi, 1. Jac. v, 10, 11. IV, 3, 4, 5. Hag. 1, 5, 6, II, 19, 20.*

XXX. *Concessio, licet omnis negativa censeri possit, quia istic neque Præceptio neque Prohibitio eatenus facta est; distribuitur tamen in expressam, & tacitam.*

Expressa occurrit Gen. II, 16. De fructu omnis arboris huius horri liberè comedes, &c. Levit. xi, 2, 3. Hec sunt animalia, quæ vos comedetis, &c. 9, 10. Act. x, 15. Quæ Deus purificavit, tu ne polluito. Rom. xiv, 14. Col. II, 14, 16, 17; 20, 21. Tit. 1, 15. Gal. iv, 15-17; 9, 10. Deut. XXI II, 20.

Tacita per S. Scripturæ perfectionem colligitur, ubi nec præceptio nec prohibitio facta est.

XXXI. *Interim in Concessionibus quibusdam singulares circumstantiæ inferunt obligationem agendi id quod concessum est: ut de Matrimonio. Genes. 1, 28. Fertificate, & augeſcite, & implete terram: si conferatur cum 1 Cor. vii, 7. Unusquisque proprium donum habet ex Deo, &c. & ibid. vers. 37. Nonnullæ etiã ad forum Soli tantum pertinent: ut de libello Repudii; Deut. xxiv, 1. cum Matth. xix, 7, 8.*

Ex superioribus patet, Permissiones ethicas quandoque exprimi eodem modo ac Præcepta; à quibus tamen per circumstantias, & aliorum locorum collationem, distingui debent. Quin & Permissiones solum physicae simili modo interdum exprimuntur; ut Num. XXI, 20, cum 32. Surge, abi cum iis. 1 Reg. 22, 22. Exi, & fac ita. Joh. XII, 27. Quod facis, mox facito.

XXXII. Pro *Φιλανθρωπία* suâ Deus in Præceptis etiã aliquando eorum honestatem, æquitatem, justitiam, & utilitatem proponit: undè *Consilia* appellantur; ut Apoc. III, 18. *Consilium do tibi, ut emas à me aurum igni exploratum*, &c. Psal. XVI, 7. *Benedicam Iehovæ, qui dedit consilium mihi*, &c. Hæc absurdè Pontificii accipiunt de Officiis non mandatis communiter; sed quibusdam particulariter solum propositis, ad perfectionem Euangelicam: quæ autem putant sic fieri, ea opera *supererogationis* vocant. Nos non nisi speciali modo exprimendi à Præceptis differre dicimus.

Similiter *Obtestationes*, sive *Contestationes*, adhibentur; ejusmodi expressiones Præceptorum & Prohibitionum, in quibus Deus ad pleniorẽ justitiæ & æquitatis suæ demonstrationem, ipsas Creaturas rationales, & earum conscientiam, aliasque analogicè & suo modo, testes advocat. Deuter. IV, 26. *Contestor contra vos hodiè cælum & terram*, &c. xxx, 18, 19. Psal. lxxxI, 9. *Audi popule mi, & Contestabor te*, - Jes. I, 4. v, 3, 4.

Occurrunt etiã alicubi *Vota*, sive *Orationes*; quibus Deus *ἀνθρωποπαθῶς* indicat, quàm bona sit, Hominibusque appetenda, & quantoperè ipsi Deo probetur, mandata obedientia; adhæc quomodo illi præstandæ occasiones, adminicula, & incitamenta plurima suppeditet; nec non quàm serio velit nexum obedientiæ istius cum præmio promisso. Psal. lxxxI, 14, 15. *O si populus meus auscultasset mihi*, &c. Vide etiã Deut. v, 29. Ità Christus, Luc. XIX, 41, 42. cum appropinquaret Hierosolymis, *Visa urbe, flevit su-*

per eâ, dicens ; Si vel tu nôsses hoc saltem tuo die, quæ ad pacem tuam pertinent ! Confer 2 Cor. v, 20.

XXXIII. Actûs morales à realibus accuratè distinguendi sunt : hi per illos non excluduntur ; sed ut præstetur obedientia , accedere debent. Aliàs tantùm obligatio ad officium infertur ; & voluntas mandati innotescit ; cui dùm scientes & volentes re-fragantur homines , fiunt inexcusabiles : *Ezech, II, 4, 5. Ut sciant Prophetam fuisse in medio sui. 2 Cor. II, 14, 15, 16. - His quidem odor mortis ad mortem.*

XXXIV. Ad Praxin , I. Providentiam Dei piè in omnibus contemplemur , & alios similiter excitemus : *Psal. xciv, 8, 9, 10. Jes. xl, 26. Matth. vi, 26, 30. Act. xiv, 17. xvii, 24, 28.*

2. Sub manû Omnipotentis humiliemur : *Jac. iv, 7, 10. 1 Petr. v, 6.*

3. Justissimum Dei Imperium in omnia agnoscamus, prædicemus : *Job. i, 21. Psal. cxv, 3. Dan. iv, 35.*

4. Eum toto animo revereamur , qui intimè omnibus præ est , & in omnibus operatur : *Act. xvi, 1, 25, 28. Psal. xxxiii, 15. In Prosperis gratitudinem præstemus : Psal. cvii, 8. cxvi, 12. cxlv, 10, 15, 16. Jac. i, 17. 1 Tim. vi, 17 : Amemus : Psal. cxvi, i. lv, 33. In Adversis coram Ipso patientes simus : Hebr. xii, 5, &c. Job. i, 21. 2 Sam. xv, 10, 11.*

5. Mediis nè nimium tribuamus : *Psal. cxxvii, 1, 2. 2 Chron. xv, 12. Matth. iv, 4. Neque tamen temerè negligamus : Act. xxvii, 31. Matth. iv, 7. 2 Reg. v, 13.*

6. Omnem sollicitudinem in Deum devolvamus : *Psal. lv, 23. 1 Petr. v, 7. Hebr. xiii, 5, 6. Psal. xxiii, 1. 4, 6. 1 Sam. xvii, 37. 2 Tim. iv, 17, 18. Eph. iii, 19, 20. Rom. viii, 28. Gen. L, 20, xxii, 8.*

7. Providentiam moralem , vitæ nostræ regulam , respiciamus , & observemus perpetuò : *Psal. cxix, 4, 5 ; 17, 18, 19 ; 33, 37.*

C A P U T I X.

De Fœdere Legali.

Jus. Injuria. Quis illud postulet. Quæ eorum capacia. 1. Jus Dei: tùm naturale; tùm positivum. Jus naturale respectû nostri. Institutum. Quid JCtis Jus natura. Gentium. Civile. 2. Jus creaturarum rationalium. Magistratum. Subditorum. 3. Lex. Divina. Æterna. Humana. 4. Jus & Lex non contraria. Societatis civilis initium non à mutuo metû. Norma juris non defensio vitæ & membrorum. Voluntas non absolutè subjicienda Hominibus. Non omnis Pœna propter peccantium correctionem. c. Hobb. 5. Lex Divina. Cerimonialis. Politica. 6. Moralis. Decalogus. Lex charitatis. Actus religiosi circa proximum. 7. Argumenta singulorum Præceptorum. 8. Integra Lex Moralis non est Juris ipsi Deo naturalis. 9. Attamen Juris nobis naturalis. Obj. solv. 10. Eadem fuit ante Moysen. 11. Probaturn amplius inductione, de Præceptis tab. post. 12. Similiter de Præceptis tab. pr. 13. Objectiones de Sabbatho solv. 14. Jus naturale primum. Secundarium. 15. Eadem Lex Moralis adhuc obtinet sub N. T. 16. Etiam quartum Præceptum. Obj. solv. 17. Sententiæ Pontif. Socin. Anabapt. &c. 18. Idololatria Pontif. in Angelis, refutatur. 19. Non rogandi, ut pro nobis intercedant. Obj. solv. 20. In Christo, secundum hum. nat. B. Virgine

Maria. Sanctis de mortuis: Patronis: Canonizatis.
 21. *Refutatur.* 22. *Non rogandi, ut pro nobis intercedant.* *Obj. solv.* 23. *In Pontifice Rom.* 24. *In Pane eucharistico.* 25. *In Cruce.* 26. *In Reliquiis.* 27. *In Imaginibus.* 28. *Refut. & Obj. solv.* 29. *In Rebus consecratis.* *Agnis Dei.* 30. *In Divis chimericis, &c. Sanctis non-sanctis.* 31. *Magia datur, c. Neo-Sadduc.* *Obj. solv.* 32. *Papae tui vere impingitur.* 33. *Non omnis ignorantia est inculpara.* 34. *Species ejus vitiosæ.* *Obj. solv.* 35. *An sola Heresis possit Hominem subicere aeternae damnationi.* 36. *An Heretici, ut sic, extremo supplicio afficiendi.* 37. *Odium adversus Deum.* *Obj. solv.* 38. *Falsa gratiarum actio. Salutatio Angelica, Pontif.* 39. *Non orandum pro mortuis: c. eosd.* *Obj. solv.* 40. *Orationem Dominicam posse usurpari pro formula precandi; c. Brown.* 41. *Rectè appellamus Patrem nostrum. Et rogamus, ut Veniat Regnum Ipsius. c. Muham.* 42. *Quis ὁ ἀγίος ὁ ἐπίσκοπος.* *Obj. solv.* 43. *Aliæ explicationes.* 44. *Remissio nostra in petitione quintâ, qualis; & quem respectum habeat ad Remissionem Dei.* 45. *Doxologia verè canonica: c. Pontif.* 45. *Jejunium. Non consistit in discrimine ciborum: c. eosd.* 46. *Objectiones solvuntur.* 47. *Non est per se cultus religiosus.* *Obj. solv.* 48. *Non opus poenale, & satisfactorium justitiæ Divinae. Nec debent esse ordinaria absoluta & perpetua.* *c. eosd.* *Obj. solv.* 49. *Inanis eorundem verborum repetitio.* 50. *Votum. Soli Deo pœndum.* 51.

Ejus

Ejus materia. Vota Papistica. Monastica 52. Malè Sociniani contendunt, Christum primo Præcepto addidisse mandatum generale de Precibus Deo faciendis. 53. Formulam Orationis Dominicæ. 54. & Mandatum de Ipso adorando. 55. Imagines in secundo Decalogi præcepto. Pontificiorum refutantur. 56. Objectiones solv. 57. Non usurpanda, nec asservanda in talem usum. 58. Imagines creaturarum. 59. Usus illicitus. 60. Non habendæ pro libris Laicorum. 61. Ἐξελοθησκειᾶ Pontificiorum. 62. Secundum Præceptum à Christo non auctum: c. Socin. 63. Secundum verè distinctum à primo: c. Pontif. 64. Perperam statuunt Socin. Tertio præcepto additum esse à Christo, Ne temerè juremus, &c. 65. Non omne Juramentum sub N. T. illicitum: c. Anabapt. Obj. solv. 66. Malè item Socin. Additum illi Juramentum per Christum. 67. Non jurandum per Sanctos, aliasve creaturas; c. Pontif. Obj. solv. 68. Festa propriè dicta non sunt sub N. T. observanda; nedum in honorem Sanctorum: c. eosd. Obj. solv. 69. Qui Pater & Mater in quinto Præcepto. 70. Liberis non licet vovere vitam Monasticam, invitis Parentibus: c. Pontif. Obj. solv. 71. Nec Matrimonium sic contrahere. 72. Christianus Magistratus Politico parere potest; quin & eum gerere, bonâ conscientia: c. Anabapt. 73. Objectiones solvuntur. 74. Aliquandò etiâ in judicio agere licet adversus fratrem, apud Magistratum fidelem. Obj. solv. 75. Magistratus honore ac dignitate

bus nostris audivimus, - Te manu Tua gentes expulisse: - Per Te Hostes cornuferiemus. &c. xlvi, 9, 10, 11. Agite, videte opera Jehovæ! ut disponat desolationes in terra, faciens, ut cessent Bella; arcum perfringat, & truncet hastam, &c. Prov. xxi, 31. Equus aptatur ad diem prælii; sed Jehovæ est ipsa salus. Confer Exod. xv, 3, &c. ac porro historiam Bellorum Domini, & promissiones de hostibus in manus Israëlitarum tradendis, &c.

5. Periodi Imperiorum, Regnorum, & Rerum-publicarum: Dan. II, 22, Transfert Reges, & constituit Reges. v, 21, &c.

6. Minima: ut Locustæ, Pediculi, &c. Exod. viii, 17. x, 12. Deut. xxviii, 38. Joël. i, 4. Act. xii, 23. Capilli: Matth. x, 30. Herbæ; vi, 30.

7. Etiam Mala tristitia: Am. iiii, 6. An erit malum in civitate, quod Jehovah non efficiat. Threnor. iii, 37, 28, 39. Ex ore Excelsi an non prodit malum quodque, & bonum? &c. Hebr. xii, 6, 7. I Cor. xi, 32. 2 Thess. i, 6, 8, 9.

XVI. Major difficultas est in Gubernatione Malorum turpium. Hæc Deus interdum impedit: Genes. xx, 6. Cohibui te, ne peccares in Me. 31, 7. Non permisit ei Deus, ut damno afficeret me. I Cor. x, 13. Act. xv, 11, 9, 10. Sæpe physicè permittit: Psal. lxxxii, 13. Dimisi eos ambulare, ex sententiâ animi sui; dicens, Abeant cum pravis consiliis suis! Actor. xiv, 16. Sivit omnes Gentes suis ipsarum viis incedere. Confer Matth. 8. 31, 32. Et quidem consulto, ac volens: Rom. ix, 18. Quem vult, indurat.

XVII. Defectum moralem Deus relinquit in actû illo substrato: complexum verò peccaminosum sanctissimè & sapientissimè limitat, ac dirigit in finem bonum. Hinc efficax Permissio dicitur.

Probatur autem 1. de Objectionum, aliarumque circumstantiarum determinatione, ex allegatis th. 14. §. 1. Adde 2 Sam. xvi, 10, 11. Jehovah edixit, Maledic David. I Reg. 22. 20, - 23, Dixit Jehovah, quis pelliciet, &c.? Tum dixit; Pellicies; & prævalebis: exi, & fac ita. &c. Exod. 4. 21. 9. 12. Ps. cv, 25. Jes. 19. 14. 2. De

2. De Gradibus, vide th. 14. §. 2. Adde 1 Cor. x, 13. *Deus non finet vos tentari supra id quod potestis. Actor. II, 27. ex Psal. xvi, 10.*

3. De Finium ordinatione: Jos. xi, 20. *A Jeborâ fuit, quod obfirmabant cor suum; ut internecioni devoveret illas. 1 Cor. x, 13. Unâ cum tentatione præstabit exitum, ut possitis sufferre. Fac. v, 11. Beatos prædicamus eos, qui sustinent. Tolerantiam Job audistis, & finem Domini vidistis. Genes. xlv, 8. Exod. xiv, 17. 1 Reg. xii, 15. Actor. III, 18.*

XVIII. Spécialiùs peccatâ peccatis punit Deus: quandoque in aliis: 2 Sam. xii, 11, 12 *Eo quod sprevisti me, - Suscitaturus sum contra te malum è domo tuâ; &c. Jud. ix, 23, 24. Immisit Deus affectum malum inter Abimelechum & Sichemitas: - ut rediret injuria, &c. 1 Reg. xi, 26. Quandoque in ipsis: 2 Thess. II, 10, 11, 12. Propterea quod amorem veritatis non receperunt, - ideo mittet eis Deus efficaciam erroris, ut credant mendacio, &c. Rom. i, 24, - 27.*

XIX. Occurrunt interim Excoꝛcatio & Induratio. Illa dicit privationem sapientiæ spiritualis, adeò ut creatura cæco impetû deinceps ruat in peccatum & exitium. Hæc verò dicit privationem flexionis & conformationis ad normam Legis Divinæ. Jes. vi, 9, 10. *I, ut dicas populo isti: audite indefinenter; at ne intelligatis: & videte indefinenter, neque cognoscatis. Fac, ut pinguescat cor populi istius, &c. Rom. i, 21, 22, 28. Vanifacili sunt in ratiocinationibus suis, & obtenebratum est cor, &c. Utraque considerari potest vel ut actus Dei, vel ut creaturæ. Deo autem tribuitur aliquandò solum negativè; atque ità simpliciter negatur collatio sapientiæ, & flexionis ad normam: aliquandò positivè, prout Deus gubernatione judiciâli propter antecedens demeritum creaturam rationalem punit spirituali cœcitate aut duritiâ majore & graviore, quam priùs in eâ extitit. Sed quemadmodum à Deo procedit, pœnalis, est: quæ*

tendus autem in Creaturis subjectivè inest, est *culpabilis*. Rom. IX, 17, 18. Dicit Scriptura Pharaoni, *Ad hoc ipsum excitavi te, ut ostendam in te potentiam meam, &c.*

XX. In Hominibus *protoplastis*, ut & in *Diabolis* primùm peccantibus, Deus isto tempore *negativè*, actuali usum sapientiæ & sanctimonix non excitavit. In *posteris* autem cœcitas & duritia tum *habitualiter*, vel *nativa*, vel *acquisita* spectatur; tum *actualiter*. *Nativa* pertinet ad Peccatum originale. *Acquisita* dicit *nativæ* corruptionis incrementum ratione graduum, per crebros actûs & consuetudinem peccandi. *Actualis* denique in actibus secundis cernitur.

Utraque in Electos nondum conversos etiã cedit. Eph. II, 3. *Eramus naturâ filii iræ, ut & reliqui*. In Regenitis, totalis, & ad finem regnans, aut prævalens, non habet locum: sunt enim Lux in Domino: Eph. v, 8. & habent cor carneum: Ezech. xxxvi, 26. *Partialis* tamen, eaque sensibilis, in iis etiã agnoscenda est: Jac. iii, 2. *In multis impingimus omnes*, 1 Cor. xii, 9. *Ex parte cognoscimus*. Huc pertinet querela, Jes. lxiii, 17. *Quare sineres aberrare nos, Jehovah, à viis Tuis? torrefaciens obdurares animum nostrum à reverentiâ Tui?*

XXI. Modus Excoëcationis & Indurationis, licet occultus, semper tamen justus est.

Huc pertinet 1. Non-collatio, imò propter antecedens peccatum justa ablatio, boni habitualis: Rom. v, 21, 24. *Tradidit eos Deus cupiditatibus cordium ipsorum ad impuritatem*. 26, 27. *Fœdis affectibus*. 28. *In mentem omnis judicii expertem, &c.*

2. Non-impeditio, imò directio hostium spirituum, ad talia objecta: ut de Pseudo-prophetis; 1 Reg. xxi, 22, 23. & de Antichristo; 2 Thess. II, 9, 10. 11. *Cujus adventus est ex vi illâ efficaci Satanae, cum omnî potentiâ, & signis ac prodigiis mendacibus*. - Ideò igitur mitter eis Deus efficaciam erroris, &c.

3. Oblatio bonorum, quibus homines suo vitio abu-

abutuntur: ut Occasionum internarum; *Exod. 1, 9, 12.* Externarum; *Genes. xxxvii, 5. Exod. v, 2. Jes. 2, 9. 2 Cor. II, 16.* Item Beneficiorum, erga alios; quibus invident; & erga ipsos, quibus abutuntur homines corruptissimi: *Tit. 1, 15. Pollutis & incredulis nihil est mundum. Rom. II, 4, 5.* Et Pœnarum, quibus indurantur: *Jerem. v, 3. ô Iehovah, - percutis eos; sed non dolent: consumis eos; renunt accipere eruditionem; reddunt faciem suam obfirmatorem petra; renunt concerti.*

XXII. Ex superioribus patet, non sufficere, si cum Jesuitis, aliisque Pelagianizantibus, in hoc negotio statuatur mera negatio, vel nuda permissio: nam 1. Requiritur saltem positiva providentia ad actum substatum, & in ordine ad finem.

2. Actus judicialis non nisi positivè procedit; ob tale demeritum, tali modo.

3. Precamur non induci in tentationem: *Matth. vi, 13.* atque alibi passim occurrunt phrasæ positivum actum inferentes.

XXIII. Fines, ad quos actus peccaminosi diriguntur, sunt, 1. Manifestatio Tolerantiæ Divinæ: *Rom. II, 4.* & Justitiæ, tum in reprobis: *ix, 22. Quod si volens ostendere iram, & notam facere potentiam suam, &c. Prov. xvi, 4.* tum in ipso Christo: *Rom. iii, 25, 26. Ad demonstrationem justitiæ suæ, &c.*

2. Manifestatio Sapientiæ ac Misericordiæ Divinæ in Electis salvandis: *Rom. xi, 31, 32. Conclusit Deus omnes illos in inobedientiam, ut omnium illorum miseretur. O profundas divitias tum Sapientiæ, tum Cognitionis Dei! &c. v, 20. Ubi amplificatum est peccatum, ibi superabundavit gratia.*

3. Profunda fidelium humiliatio: *Matth. ix, 13. Non veni vocatum justos: sed peccatores ad resipiscentiam. Thren. v, 16. Væ nobis, quod peccaverimus! 111, 40, 41. Jerem. II, 19.*

4. Multiplex fidelium probatio, victoria, & gloria;

ria: Luc. XXII, 31. *Satanas appetiit vos, quos ventilare sicut triticum: &c.* Psal. XXVI, 24. *Cum cadit iustus, non deicitur, &c.* 2 Cor. XI, 9. *Potentia Mea, per infirmitatem consummatur.* Phil. IV, 13. *Omnia valeo per Eum, qui me corroborat, nempe Christum, &c.* 1 Joh. V, 4. *Hæc est victoria, quæ vincit mundum, nempe fides nostra.*

XXIV. *Obj.* Ex Gubernatione istâ sequi videtur, quod Deus sit causa peccati: ergo ea non est admittenda. *Resp.* Istud nego. Qui equum vitio proprio claudicantem regit; is nequaquam est causa claudicationis.

Inst. 1. Atqui Deus statuitur actûs peccaminosos dirigere ad sua objecta, & in suos fines: ergo, &c. *Resp.* Iterum nego consequentiam. Tota Dei directio sancta est: neque quicquam agit; vel intendit, nisi bonum, & benè; & finem suum sic semper assequitur, licet creaturæ peccantes aliud & aliter sibi propositum habeant.

Inst. 2. Multæ phrasæ asperæ circa hoc negotium occurrunt in scriptis Theologorum. *Resp.* 1. Communis Ecclesiarum nostrarum confessio ex publicis earum formulis petenda est; non ex privatis scriptis quorundam Theologorum. 2. Nec facilè ex scriptis nostrorum Theologorum in hoc negotio producentur phrasæ, aut sententiæ; quarum similes, vel æquipollentes, non reperiantur in SS. Literis; aut etiâ similes, vel duriores, in scriptis ipsorum Adversariorum.

XXV. *Providentia moralis* vel latè vel strictè sumitur. *Priori modo* ad eam pertinet omnis motio objectiva, & tropica, sive metaphorica, per externa signa, aliaque objecta; & sic ad *Bestias* se etiâ extendit. *Posteriori modo* versatur circa *Creaturas tantum rationales*; & quidem sic, ut istæ, earumque actiones, ab illâ dependant *in genere moris*.

Actûs huius Providentiæ vel spectant *veritates agnoscendas & credendas*, vel *officia à nobis præstanda*. *Veritates* illas respicit *Divina revelatio explicatoria*

&

& assertoria ; de quâ sup. cap. 1. th. 26 ; 2. & cap. 2. th. 2. 4 ; 8, 9.

Ad Officia præstanda pertinent primario *Præcepta*, *Promissiones*, & *Premia* ; secundario etiã *Concessiones* : ad vitia fugienda *Prohibitiones*, *Comminationes*, & *Pœnæ*.

XXVI. *Præcepit* Deus cultum sibi convenientem, tũm absolutè & immutabiliter, per naturam suam ; undè *cultus naturalis* vocatur : tũm ex hyphotesi, & quodammodo mutabiliter, per liberam voluntatis suæ determinationem ; qui *cultus institutus* nuncupatur. Similiter etiã Deus prohibuit quædam necessario, & immutabiliter ; alia liberè, & mutabiliter.

XXVII. *Concessio*, sive *permissio ethica*, est rerum mediarum. *Concessio* de Rebus, *permissio* de Actionibus magis accommodatè dicitur. Circa omnes tales actus tenendæ sunt hæ Regulæ : ut fiant 1. Ex fide, & cum certâ persuasione, quod talis actus sit licitus, ac nos in eo etiã Deo grati & accepti per Christum. 2. Ex charitate, & citra aliorum scandalum, vel incommodum. 3. Sanctè, in gloriam Dei. Rom. XIV, 23. Quod ex fide non est, peccatum est. 15. Si propter escam tuam frater tuus tristitiã afficitur, non jam secundum charitatem ambulas. Tit. 1, 15. Omnia munda mundis : pollutis autem & incredulis nihil est mundum. 1 Cor. VIII, 13. Si esca offendiculo est fratri meo, non edam carnes in æternum, ne sim offendiculo fratri meo. X, 31. Omnia ad gloriam Dei facite. Col, III, 17. Adeo ut nullus actus in individuo sit indifferens. Omnium & singulorum reddenda erit ratio : 2 Cor. V, 10. usque ad verbum otiosum : Matth. XII, 36.

XXVIII. Nullum per se malum præcipere, vel ethicè permittere, potest Deus : sed ubi physicè permissum, & à creaturâ commissum est, punit necessario. Vide sup. cap. 4. th. 56. Nec ullo modo ejus auctor esse potest : Jac. 1, 13. Deus tentari malis non potest ; nec quinquam tentat.

XXIX. *Revelationes credendorum, Præcepta agendorum, & Prohibitiones fugiendorum, Deus plenissime Verbo suo exprellit, siue διαγγέλλειν siue ἀγορεύειν*: Matth. xv, 9. *Frustrà me colunt, docentes doctrinas, quæ sunt mandata hominum.* Luc. x, 25, 26. *In Lege quid scriptum est? quomodo legis: &c. Interim Exempla cum laude proposita, Præceptis accensenda sunt; cum vituperio autem, vel redargutione commemorata, Prohibitionibus sunt annumeranda. Quin & Præmia prudenter observanda, cumque Præceptis & Promissionibus conferenda sunt: Pœnæ autem similiter ad Prohibitiones & Comminationes referendæ.* Rom. xv, 4. *Nam quæ antè scripta sunt, ad nostram doctrinam antè scripta sunt.* 1, 18. *Patet ira Dei è cælo adversus omnem impietatem & injustitiam hominum.* II, 4. *Benignitatem Dei ad resipiscentiam te deducere.* Vide etià 1 Cor. x, 11. xi, 1. Jac. v, 10, 11. IV, 3, 4, 5. Hag. 1, 5, 6, II, 19, 20.

XXX. *Concessio, licet omnis negativa censeri possit, quia istic neque Præceptio neque Prohibitio eatendus facta est; distribuitur tamen in expressam, & tacitam.*

Expressa occurrit Gen. II, 16. De fructu omnis arboris huius horti liberè comedes, &c. Levit. xi, 2, 3. Hæc sunt animalia, quæ vos comedetis, &c. 9, 10. Act. x, 15. Quæ Deus purificavit, tu ne polluito. Rom. xiv, 14. Col. II, 14, 16, 17; 20, 21. Tit. 1, 15. Gal. iv, 1, 7; 9, 10. Deut. XXI II, 20.

Tacita per S. Scripturæ perfectionem colligitur, ubi nec præceptio nec prohibitio facta est.

XXXI. *Interim in Concessionibus quibusdam singulares circumstantiæ inferunt obligationem agendi id quod concessum est: ut de Matrimonio. Genes. 1, 28. Fertificate, & augete, & implete terram: si conferatur cum 1 Cor. vii, 7. Unusquisque proprium donum habet ex Deo, &c. & ibid. vers. 37. Nonnullæ etià ad forum Soli tantum pertinent: ut de libello Repudii; Deut. xxiv, 1, cum Matth. xix, 7, 8.*

Ex superioribus patet, Permissiones ethicas quandoque exprimi eodem modo ac Præcepta; à quibus tamen per circumstantias, & aliorum locorum collationem, distingui debent. Quin & Permissiones solum physicae simili modo interdum exprimuntur; ut Num. XXI, 1, 20, cum 32. *Surge, abi cum iis.* 1 Reg. 22, 22. *Exi, & fac ita.* Joh. XI, 27. *Quod facis, mox facito.*

XXXII. Pro *φιλανθρωπία* suā Deus in Præceptis etiā aliquando eorum honestatem, æquitatem, justitiam, & utilitatem proponit: undè *Consilia* appellantur; ut Apoc. I, 18. *Consilium do tibi, ut emas a me aurum igni exploratum, &c.* Psal. XVI, 7. *Benedicam Iehovæ, qui dedit consilium mihi, &c.* Hæc absurdè Pontificii accipiunt de Officiis non mandatis communiter; sed quibusdam particulariter solum propositis, ad perfectionem Evangelicam: quæ autem putant sic fieri, ea opera *supererogationis* vocant. Nos non nisi speciali modo exprimendi à Præceptis differre dicimus.

Similiter *Obtestationes*, sive *Contestationes*, adhibentur; ejusmodi expressiones Præceptorum & Prohibitionum, in quibus Deus ad pleniorē justitiæ & æquitatis suæ demonstrationem, ipsas Creaturas rationales, & earum conscientiam, aliasque analogicè & suo modo, testes advocat. Deuter. IV, 26. *Contestor contra vos hodiè cælum & terram, &c.* xxx, 18, 19. Psal. lxxxI, 9. *Audi popule mi, & Contestabor te, -.* Jes. I, 4. v. 3, 4.

Occurrunt etiā alicubi *Vota*, sive *Optationes*; quibus Deus *ἀνθρῳπονῶτα* indicat, quàm bona sit, Hominibusque appetenda, & quantoperè ipsi Deo probetur, mandata obedientia; adhæc quomodo illi præstandæ occasiones, adminicula, & incitamenta plurima suppeditet; nec non quàm serio velit nexum obedientiæ istius cum præmio promisso. Psal. lxxxI, 14, 15. *O si populus meus auscultasset mihi, &c.* Vide etiā Deut. v, 29. Ità Christus, Luc. XIX, 41, 42. *cum appropinquaret Hierosolymis, Visâ urbe, flevit su-*

per eâ, dicens ; Si vel tu nôsses hoc saltem tuo die, quæ ad pacem tuam pertinent ! Confer 2 Cor. v, 20.

XXXIII. Actûs morales à realibus accuratè distinguendi sunt : hi per illos non excluduntur ; sed ut præstetur obedientia , accedere debent. Aliàs tantum obligatio ad officium infertur , & voluntas mandati innotescit ; cui dum scientes & volentes refragantur homines , fiunt inexcusabiles : *Ezech. II, 4, 5. Ut sciant Prophetam fuisse in medio sui. 2 Cor. II, 14, 15, 16. - His quidem odor mortis ad mortem.*

XXXIV. Ad Praxin , 1. Providentiam Dei piè in omnibus contemplemur , & alios similiter excitemus : *Psal. xciv, 8, 9, 10. Jes. xl, 26. Matth. vi, 26, 30. Act. xiv, 17. xvii, 24, 28.*

2. Sub manû Omnipotentis humiliemur : *Jac. iv, 7, 10. 1 Petr. v, 6.*

3. Justissimum Dei Imperium in omnia agnoscamus, prædicemus : *Job. i, 21. Psal. cxv, 3. Dan. iv, 35.*

4. Eum toto animo revereamur , qui intimè omnibus præ est , & in omnibus operatur : *Act. xvi, 1, 25, 28. Psal. xxxiii, 15. In Prosperis gratitudinem præstemus : Psal. cvii, 8. cxvi, 12. cxlv, 10, 15, 16. Jac. i, 17. 1 Tim. vi, 17 : Amemus : Psal. cxvi, i. lv, 33. In Adversis coram Ipso patientes sumus : Hebr. xii, 5, &c. Job. i, 21. 2 Sam. xv, 10, 11.*

5. Mediis ne nimium tribuamus : *Psal. cxxvii, 1, 2. 2 Chron. xv, 12. Matth. iv, 4. Neque tamen temerè negligamus : Actor. xxvii. 31. Matth. iv, 7. 2 Reg. v, 13.*

6. Omnem sollicitudinem in Deum devolvamus : *Psal. lv, 23. 1 Petr. v, 7. Hebr. xiii, 5, 6, Psal. xxiii, 1. 4, 6. 1 Sam. xvii, 37. 2 Tim. iv, 17, 18. Eph. iiii, 19, 20. Rom. viiii, 28. Gen. L, 20, xxii, 8.*

7. Providentiam moralem , vitæ nostræ regulam , respiciamus , & observemus perpetuò : *Psal. cxix, 4, 5 ; 17, 18, 19 ; 33, 37.*

C A P U T I X.

De Fœdere Legali.

Jus. Injuria. Quis illud postulet. Quæ eorum capacia. 1. Jus Dei: tum naturale; tum positivum. Jus naturale respectu nostri. Institutum. Quid Jctis Jus naturæ. Gentium. Civile. 2. Jus creaturarum rationalium. Magistratum. Subditorum. 3. Lex. Divina. Æterna. Humana. 4. Jus & Lex non contraria. Societatis civilis initium non à mutuo metu. Norma juris non defensio vitæ & membrorum. Voluntas non absolutè subjicienda Hominibus. Non omnis Pœna propter peccantium correctionem. c. Hobb. 5. Lex Divina. Cerimonialis. Politica. 6. Moralis. Decalogus. Lex charitatis. Actus religiosi circa proximum. 7. Argumenta singulorum Præceptorum. 8. Integra Lex Moralis non est Juris ipsi Deo naturalis. 9. Attamen Juris nobis naturalis. Obj. solv. 10. Eadem fuit ante Moysen. 11. Probatur ampliùs inductione, de Præceptis tab. post. 12. Similiter de Præceptis tab. pr. 13. Objectiones de Sabbatho solv. 14. Jus naturale primum. Secundarium. 15. Eadem Lex Moralis adhuc obtinet sub N. T. 16. Etiam quartum Præceptum. Obj. solv. 17. Sententiæ Pontif. Socin. Anabapt. &c. 18. Idololatria Pontif. in Angelis, refutatur. 19. Non rogandi, ut pro nobis intercedant. Obj. solv. 20. In Christo, secundum hum. nat. B. Virgine

Maria. Sanctis de mortuis: Patronis: Canonizatis.
 21. *Refutatur.* 22. *Non rogandi, ut pro nobis intercedant.* *Obj. solv.* 23. *In Pontifice Rom.* 24. *In Pane eucharistico.* 25. *In Cruce.* 26. *In Reliquiis.* 27. *In Imaginibus.* 28. *Refut. & Obj. solv.* 29. *In Rebus consecratis.* *Agnis Dei.* 30. *In Divis chimericis, &c. Sanctis non-sanctis.* 31. *Magia datur, c. Neo-Sadduc.* *Obj. solv.* 32. *Papa tui vere impingitur.* 33. *Non omnis ignorantia est inculcata.* 34. *Species ejus vitiosæ.* *Obj. solv.* 35. *An sola Heresis possit Hominem subicere aeternæ damnationi.* 36. *An Heretici, ut sic, extremo supplicio afficiendi.* 37. *Odiū adversus Deum.* *Obj. solv.* 38. *Falsa gratiarum actio. Salutatio Angelica, Pontif.* 39. *Non orandum pro mortuis: c. eosd.* *Obj. solv.* 40. *Orationem Dominicam posse usurpari pro formula precandi; c. Brown.* 41. *Rectè appellamus Patrem nostrum. Et rogamus, ut Veniat Regnum Ipsius. c. Muham.* 42. *Quis ὁ ἀγρὸς ὁ ἐπισκοπῶν.* *Obj. solv.* 43. *Aliæ explicationes.* 44. *Remissio nostra in petitione quintâ, qualis; & quem respectum habeat ad Remissionem Dei.* 45. *Doxologia verè canonica: c. Pontif.* 45. *Jejunium. Non consistit in discrimine ciborum: c. eosd.* 46. *Objectiones solvuntur.* 47. *Non est per se cultus religiosus.* *Obj. solv.* 48. *Non opus pœnale, & satisfactorium justitiæ Divinæ. Nec debent esse ordinaria absoluta & perpetua. c. eosd.* *Obj. solv.* 49. *Inanis eorundem verborum repetitio.* 50. *Votum. Soli Deo reverendum.* 51.

Ejus

Ejus materia. Vota Papistica. Monastica 52. Malè Sociniani contendunt, Christum primo Præcepto addidisse mandatum generale de Precibus Deo faciendis. 53. Formulam Orationis Dominicæ. 54. & Mandatum de Ipso adorando. 55. Imagines in secundo Decalogi præcepto. Pontificiorum refutantur. 56. Objectiones solv. 57. Non usurpandæ, nec asservandæ in talem usum. 58. Imagines creaturarum. 59. Usus illicitus. 60. Non habendæ pro libris Laicorum. 61. Ἐξελοθησκειᾶ. Pontificiorum. 62. Secundum Præceptum à Christo non auctum: c. Socin. 63. Secundum verè distinctum à primo: c. Pontif. 64. Perperam statuunt Socin. Tertio præcepto additum esse à Christo, Ne temerè juremus, &c. 65. Non omne Juramentum sub N. T. illicitum: c. Anabapt. Obj. solv. 66. Malè item Socin. Additum illi Juramentum per Christum. 67. Non jurandum per Sanctos, aliave creaturas; c. Pontif. Obj. solv. 68. Festa propriè dicta non sunt sub N. T. observanda; nedum in honorem Sanctorum: c. eosd. Obj. solv. 69. Qui Pater & Mater in quinto Præcepto. 70. Liberis non licet rovere vitam Monasticam, invitis Parentibus: c. Pontif. Obj. solv. 71. Nec Matrimonium sic contrahere. 72. Christianus Magistratus Politico parere potest; quin & eum gerere, bonâ conscientia: c. Anabapt. 73. Objectiones solvuntur. 74. Aliquandò etiâ in judicio agere licet adversus fratrem, apud Magistratum fidelem. Obj. solv. 75. Magistratus honore ac dignitate
super

superior est personis Ecclesiasticis : c. Pontif. 76.
 Christus non auxit v. Præceptum : c. Socin. 77.
 Supplicium capitale non illicitum: c. Anabapt. 78.
 Nec omne Bellum. Obj. solv. 79. Nec inculcata
 Tutela. 80. Nemini Corpus suum flagellare, aut
 incidere licet, ex devotione, &c. c. Pontif. Obj.
 solv. 81. Christus non auxit sextum Prac. c. So-
 cin. 82. Gradus circa Matrimonium prohibiti,
 Lev. xvi 11. sunt morales : c. Pontif. 83. Con-
 stitutio Juris Canonici. 84. Magistratus Politicus
 rectè etià judicat de causis Matrimon. c. eosd. 85.
 Publica Matrimonii confirmatio. 86. Cælibatus
 non absolutè præferendus Matrimonio: c. Pon-
 tif. 87. Objectiones solv. 88. Non illicitum Mi-
 nistris Ecclesiasticis, & Religiosis: c. eosd. 89. Obje-
 ctiones solv. 90. Malè distinguuntur inter
 nuptias primas, & secundas, &c. Obj. solv. 91. A-
 dulterium legitima causa Divortii. Matrimonium
 quoque dirimitur per maliciosam Desertionem.
 Obj. solv. 92. Divortium vitæ Monastica causa
 illicitum: c. Pontif. 93. Atque item propter
 Excommunicationem : c. Anabapt. Obj. solv. 94.
 Repudium sub V. T. etià in conscientia illicitum.
 95. Itemque Polygamia 96. Object. solv.
 97. Christus non auxit Præceptum vii. c. Socin.
 98. Distinctio dominiorum est juris Divini : c. Cæ-
 nobitas, & Anapt. qu. Obj. solv. 99. Fœnus ini-
 quum tribus modis. 100. Objectiones solv. 101.
 Christus non auxit Præceptum viii. 102. Men-
 dacium omne illicitum. 103. Etià Officiosum.

Obj.

Obj. solv. 104. Itémque Equivocationes, & Mentales reservationes. 105. Objectiones solv. 106. Persidia: etiám circa infideles; & hereticos: c. Pontif. 107. Christus non auxit Præceptum 1x. c. Socin. 108. De Concupiscentia unicum Præceptum: c. Pontif. Obj. solv. 109. Motus primò primè ex concupiscentiâ originali, verè peccata: c. Pontif. Remonstr. &c. Obj. solv. 110. Christus non auxit Præceptum x. 111. Nec universa Legi Morali addidit mandata quædam. 112. Lex ista simpliciter est norma obedientiæ nostræ, &c. 113. Pactum, Fœdus, in SS. Literis. Fœdera Politicis qualia. 114. Fœdus primum, Legale. 115. Conditio per illud præstanda. 116. Posterì in Adamo censiti. 117. Sanctio pœnalis. 118. Liberalis promissio. 119. Arbor scientiæ boni ac mali. Obj. solv. 120. Arbor vitæ. 121. Paradisus. Commentum Pontificiorum. 122. Sabbathum. 123. Duratio istius Fœderis. Obj. solv. 124. Praxis. 125.

I. **Q**UOD alicui debetur moraliter; Jus vocari solet: cui contraria est Injuria. Spectatur interdum ratio, propter quam illud sic debetur; ita dicimus, aliquid *Jure meum*, vel *tuum* esse: aliàs intelligitur id ipsum, quod sic debetur; ita dicimus, alteri Jus suum tribuere. Verum etiàm ulterius Lex, aut Legum collectio, aut Ars boni & æqui, Jus appellatur.

Illud postulat Rector, aut Princeps, auctoritate publicâ: sed & privatus, modo sibi conveniente; Jus suum ipse æstimans, & alterum de eo monens, vel etiàm Rectoris potestatem coactivam implorans. Unde

dè ; quæ Ratione destituuntur ; Juris capacia non sunt ; ut nec Injuriæ.

A Jure dicuntur *Iustitia*, *Iustè agere*, & *Iustus* ; quibus contraria sunt *Injustitia*, *Injustè agere*, & *Injustus*.

II. *Dei ἐξουχὴ* independens est ; atque adeò etiam *Jus* in Creaturas. Vide sup. cap. 4. th. 68. & 70. Ubi autem existunt creaturæ rationales, hæ ipsi necessario debent cultum & obedientiam rationalem. Huc pertinet primò *Ius Dei naturale*, quod necessario fuit ex Sanctitate Naturæ illius eminentissimæ ; quanquam concomitante Libertate complacentiæ ; deinde etiam *Ius positivum*, quod oritur ex determinatione Arbitrii Divini, per Libertatem contradictionis, vel etiam contrarietatis.

Verum respectû nostrî *Ius naturæ* dicitur, quod Deus Imaginem sanctitatis & justitiæ suæ exprimens ; naturæ nostræ in primâ ejus constitutione impellit ; ad honestorum à turpibus discriminationem ; unde post lapsum supersunt quædam reliquiæ. Ab illo contradistinguitur *Ius institutum* ; tum ab ipso Deo, per supernaturalem duntaxat revelationem & constitutionem ; tum per Gentium, vel Reipublicæ, vel Communitatis alicujus consensum & placitum, secundum Deum.

A Jurisconsultis vero *Jus Naturæ* describitur strictius, quod Natura omnia animantia docuit ; scil. materialiter. *Ius Gentium* vero, quod naturali ratione inter homines constitutum, apud omnes peræque custoditur. *Civile* denique, quod unaquæque civitas constituit. *Jus Romanum* interim κατ' ἐξουχὴν appellari solet *Civile*.

III. *Creaturis rationalibus* omne *jus* suum duntaxat convenit dependenter à Deo, & ipsius Jure. Tenendum hoc de Hominibus Magistratum gerentibus, respectû Subditorum : Rom. XII, 1, 2, 4, 5. „ Non „ enim est *Potestas*, nisi à Deo ; & quæ sunt *Potestates*, „ sunt

„sunt à Deo ordinatæ. Itaque quisquis obsistit Potestati, Dei ordinationi obsistit. — Dei minister est; vindex ad iram ei, qui quod malum est fecerit. Quapropter necesse est subjici, non solum propter iram, sed etiam propter conscientiam. Propterea Judicium, quod per eos fertur, Dei esse dicitur; Deut. 1, 17. & pro Deo; 2 Chron. XIX, 6.

Ac porro de Subditis, eorumque jure inter se: Levit. XIX, 13, -. Ne fraudem facito proximo tuo, -: sed timebis à Deo tuo, &c. Ephes. VI, 1. Liberi, auscultate in Domino parentibus vestris: id enim est justum. Et de servis, vers. 6, 7. Non ad oculum servientes; - facientes ex animo quæ vult Deus, &c. Adde Jac. 1, 27. IV, 11, 12.

IV. Lex à legendo dicitur: quia publice legi, & sic promulgari solet. Hebraice תּוֹרָה, à יָרָה, unde etiam הוֹרָה docuit, monuit. Græce Νόμος, à νέμω, tribuo; quia exponit jus suum cuique tribuendum. Est autem Constitutio ejus qui jus imperii habet, publicè declarans, quænam proseguenda sint, tanquam honesta ac justa; & quæ fugienda, tanquam turpia ac injusta; atque ità subditos moraliter obligant; expressa ferè sanctione poenarum comminatoria adversus transgressores; ad ordinem honestè bonum in communitate servandum.

Nobis de Lege Divinâ agendum. Hujus archetypum vocatur Lex æterna: quæ est Legis rationalibus creaturis ferendæ idea in mente Divinâ: vel ipsa sanctitas naturæ Divinæ, utpotè imitabilis in vitâ creaturarum rationalium, & ex morali debito imitanda casû quo creaturæ rationales existerent. Scholastici eam latius accipiunt; ut etiam complèctatur ordinem gubernationis bestiarum, cœlorum, & totius naturæ. Sed Lex propriè dicta ad creaturas irracionales non pertinet; ut neque Jus.

Ultius ἐκτυπον in tempore creaturis rationalibus pro-

proponitur, easque moraliter obligat; siue proponatur internâ inspiratione, vel impressione in mentem; siue voce externâ; siue etiâ scripto.

Omnis autem *Lex humana*, propter dependentiam, ex Divinâ deduci debet commodè, & ad eam reduci: atque hac solùm ratione conscientias obligat: Rom. XIII, 1, 6.

V. Ità *Lex* ordinata est ad communem *Iuris* in Republicâ notitiam & observantiam. Perperam verò *Nectērici* quidam statuunt, 1. Quod *Ius* nihil aliud sit, quam *Libertas naturalis*; à Legibus non constituta, sed relicta: quodque hanc primò restringat *Lex naturalis & Divina*; residuam restringant *Leges Civiles*, ac tandem *Constitutiones* particularium Urbium & Societatum. Quod consequenter *Ius* & *Lex* sint contraria; tanquam *Libertas* & *Vinculum*. Male. Sic enim illa demum *Juris Divini* forent, de quibus ordinatione Divinâ nihil esset constitutum positive; sed quæ præterita negative: & *Juris Civilis*, quæ per *Leges Civiles* prætereundo essent relicta; non sublata, aut restricta. Imo *Jurisprudentiæ* objectum proprium ac directum forent *Legum præterita*; non ipsæ *Leges* & *Constitutiones*.

2. Quod *Societatis civilis initium* sit à mutuo metû: quia *Status naturæ* sit status belli; in quo unicuique facere liceat, quæcunque, & in quoscunque libet. Quod *Norma juris & iuste facti* sit defensio vitæ & membrorum: *Lex autem naturalis* nihil aliud sit, quam *Dictamen rectæ rationis*, circa ea quæ agenda vel omittenda sunt, ad vitæ membrorumque conservationem, quantum fieri potest diuturnam. Quod *prima & fundamentalis Lex naturæ* sit, Quærendam esse pacem, ubi haberi potest; ubi non potest, *defensionem & belli auxilia*. Consequenter *Jus in omnia* non esse retinendum: ad *Contractus & Pacta* veniendum; atque iis standum esse, ad pacem scil. conciliandam. Quod *Injuria*, ei soli fieri possit;

possit, quicum contrahimus, &c. Quod *fit illud primæum*, ad statum belli pertinens, reviviscat in moderamine legitimæ defensionis; & propterea ii, qui supplicio afficiendi sunt, vinculis constringantur, &c. Malè. *Natura enim nostra* non aliter concipienda est, quàm ut dependens à Deo, Summo, & Sanctissimo, tum realiter, tum moraliter. Neque primum principium practicum est bonum nostrum; conservatio nostri: sed à Deo, per ipsius Legem, obligati sumus ad Juris observantiam, Injuriae fugam, etiàm ante nostros contractus & pacta.

3. Quod unusquisque *Voluntatem* suam, alterius unius Hominis, vel Concilii, Voluntati rectè ita *subjiciat*; ut pro Voluntate omnium & singulorum habendum sit, quicquid de rebus ad communem Pacem necessariis unus ille voluerit. Quod illi, qui *summum* in Civitate *Imperium* adepti sunt, nullam Civibus possint facere injuriam: nec Domini Servis, aut Parentes Liberis. Quod *Mater* originaliter Liberorum Domina sit; Pater vero, vel alius quispiam, jure ab illa derivato. Quod *Subditi* non peccent, quoties mandata Principum suorum, quæ sibi injusta esse videntur, exequuntur. Quod *Subditus* non debeat sibi arrogare *cognitionem justæ & injustæ*. Quod erronea sit vox, *Regibus* non esse obtemperandum; nisi justa præceperint; cum ante imperia justum & injustum non existant: Reges autem legitimi, quæ imperant, justæ faciant imperando; quæ vetant, vetando injusta: Privati vero homines, dum *cognitionem boni & mali* ad se trahunt, cupiant esse sicut Reges: atque huc spectet, omnium Dei Præceptorum antiquissimum illud, Gen. 2, 17. *De Ligno scientiæ boni & mali ne comedas: & antiquissima Tentationum Diabolicarum, cap. 11, 5. Eritis sicut Dii, scientes bonum & malum: & prima Dei cum Homine expostulatio, vers. 11. Quis indicavit tibi;*

tibi, quod nudus esses; nisi quod ex Ligno, de quo praeceperam tibi, ne comederes, comediſti? Male. Deus enim per naturam suam independenter sanctus est, & Jus suum habet: nos vero per naturam nostram dependentem isto obligamur necessario: atque ex Dei ordinatione, tum *Magistratus*, ipsius ministri; tum *Parentes*; tum *alii* qualescunque, originaliter jus aliquod suum habent; quod quidem nulli creaturae violare licet. Hinc nullis *Hominibus obediendum* est, nisi secundum Deum: & quicquid à nobis fiet, cum *cognitione justī ac honesti*, & certā hujus conscientia plenāque persuasione, faciendum est coram Deo; quem in omnibus spectare & revereri debemus: *Act. v, 29. Rom. xiv, 5, 12, 23. I Cor. x. 31. Jac. iv. 12.*

4. Quod in *Ultione*, sive *Pœnis*, spectandum sit, non malum præteritum, sed bonum futurum: hoc est, quod *Pœnas infligere* nullo alio fine licitum sit, nisi ut ipse qui peccavit corrigatur, vel alii supplicio ejus moniti fiant meliores: quia *Ultio*, quatenus solum præteritum consideratur, nihil aliud sit præter triumphum, & gloriam animi, quæ ad nullum finem dirigitur; cum finis futura res sit; & quod ad nullum finem dirigitur, vanum sit. Male. Justitia Dei vindicativa nequaquam vane exigit pœnas æternas ob peccata præterita, in suam ipsius gloriam; non autem ad correctionem damnatorum, aliorumve in judicio extremo præmonitionem. *Prov. xvi, 4. Et Satisfactio Christi* non ad hos tantum fines referenda est; sed potissimum ad demonstrationem Justitiæ Divinæ, ut sit ipse justus, & justificans eum qui est ex fide Jesu: *Rom. iii, 25, 26.*

VI. *Lex igitur Divina* Creaturis rationalibus, & speciatim *Hominibus*, officia sua præscribit. *Mich. vi, 8.* „Indicavit tibi, ô homo, quid sit bonum: ecquid Jehovah requisivit abs te, nisi ut exerceas jus, & ames benignitatem, & modeste ambules cum Deo tuo.

Illa dispescitur in *Moralem, Cerimonialem, & Politicam Mosaicam.*

Cerimonialis complectitur constitutiones de ceremoniis typicis & cultu œconomico V. T. quæ Christum ejusque officia ac beneficia tunc præfigurârunt, & Euangelium promissionis confirmârunt; quanquam interim statum Ecclesiæ adolescentis duriuscule exercuerunt. *Gal. iv, 1, -4. Col. 2, 16, 17. Hebr. ix, 9, 10. x, 1. Dan. ix, 27.* Instituta ista *formaliter*, sub ratione talium signorum & typorum, ad Euangelium pertinent: verum actus istic *materialiter* mandati, & sic hominum conscientias obligantes, tanquam addita-menta vel ampliaciones ad secundum & quartum Decalogi præceptum pro isto tempore referri debuerunt.

Cum Deus etiam singulari ratione vellet esse Princeps Israelitarum; *Jud. viii, 23. 1. Sam. viii, 7.* cum *Exod. xix, 5, 6. Deut. vii, 6.* ipse in istâ *Θεοκρατία* singulares *Leges Politicas* tulit; constitutiones ad statum istius Reip. & ad judicia forensia spectantes, generalibus & communibus Præceptis Moralibus adjectas, & subsumtas in peculiari istâ Politia, atque in terra ei Divinitus datâ. Vide *Exod. xxi, 1, &c. Gen. xlix, 10. Eph. . ii, 12, -16.*

VII. *Lex Moralis* appellatur *καὶ ἐξ ὅλης*, quæ mandata de moribus vivendi, omnibus hominibus communiter, ex sanctissimâ Dei voluntate præscripta, complectitur: sicut *Euangelium* credenda de Christo continet. *Decalogus* vulgò dicitur; quia Deus ipse decem præceptis distinxit, & sic duabus tabulis lapideis exaravit: *Deut. iv, 13. x, 4.* Vocatur etiam *Lex charitatis*; quia finis & complementum ejus est charitas; viaculum perfectionis: *1 Tim. i, 5. Rom. xii, 8. Col. i, 11, 14.* Universa enim ejus observantiâ duplici dilectionis officio, Dei scil. & proximi, absolvitur: *Matth. xxii, 37, -40.* Verum istic *secundum magnum mandatum* simile dicitur *primo*; quia ab eodem

legislatore, & sic eâdem auctoritate, ad utramque dilectionem simili pietatis affectû præstandam, obligati sumus; atque adeo proximum nostrum propter Deum, & in ordine ad Deum diligere debemus. Sic utraque ista dilectio indissolubili vinculo nunc altera alteri cohæret: qui enim proximum non diligit, is non præstat Deo hunc debitum actum obedientiæ; neque in proximo agnoscit & æstimat imaginem Dei, quemadmodum per Legem tenetur; quod dilectioni Divinæ adversatur: 1 *Johan.* IV, 19, 20. Qui verò Deum non diligit, fieri non potest ut is proximum verè diligat propter Deum, & in ordine ad ipsum. Conscientia enim debet se Deo immediate subicere, & absolutè; ac propter mandatum Dei, atque in ipsius gloriam, proximo etiam officia Divinitus præscripta præstare. Actûs isti, ad proximum relati, civiles tantum sunt: sed quatenus interim devotâ mente mandato Dei attendimus, huic nos sincerè subjicimus, sic Deo parere satagimus, & gloriæ ipsius operam damus, iidem cultûs religiosi rationem habent: *Jac.* I, 27. *Religiosus enim cultus - hic est, invisere orphanos & viduas in afflictione ipsarum, &c*

VIII. Prior tabula complectitur actûs dilectionis & obedientiæ ipsi Deo immediatè deferendos. Sic primo præcepto cavetur, ut ipse אלהים יהוה; omnino, & quidem solus, habeatur & colatur pro uno vero Deo; sive ut ipsi soli tribuatur cultus Religionis, tantquam objecto suo proprio & adæquato. Secundo præcepto docetur, quibus mediis institutis ipsi cultus Religionis sit deferendus: non per simulachra, aut qualemcunque εἰδωλολατρείαν, sed quemadmodum ipse Deus ordinavit; per Ministerium Verbi & Sacramentorum, &c. Præcepto tertio, quali sermone de Deo & rebus Divinis, vel ad Deum, loquendum sit: non temerè, & ut irreverenter; sed adhibita semper piâ & religio-

sâ attentione ac reverentiâ. *Quarto præcepto*, quo appropriato tempore potissimum: ita scil. ut sex dies operarios perpetuo excipiat unus Sabbathicus, exercitiis religionis ac pietatis, quâ publicè, quâ privatim, omnino impendendus; omisso interim omni opere servili & ordinariæ vocationis nostræ in negotiis hujus sæculi; nisi quæ occurrant præsentis inevitabilis necessitatis, aut necessariæ charitatis: *Matth. xii, 7, 10, 11, 12. Luc. xiii, 15, 16.*

Posterior tabula præscribit officia proximo præstanda; sed propter Deum, &c. scil. cum respectu alicujus superioritatis; quid Parentibus, Magistratibus, &c. debeatur; *quinto præcepto*: tum citra istiusmodi respectum; ubi vel ipsi vitæ prospicitur, ejusque securitati; in *sexto præcepto*: vel castitati; in *septimo*: vel bonis externis; in *octavo*: vel vitæ homileticæ; in *nono*: vel denique de primis etiam mentis & affectuum motibus benè dirigendis, instruimur; quod sit *decimo præcepto*.

IX. De *Virtutibus* per singula præcepta speciatim mandatis, vitiisque prohibitis, agemus *ὁὐν Θεῶ* in *Compendio practico*: nunc generales quædam de Lege morali *quæstiones*, & *controversias* quæ cum Adversariis circa ejus præcepta intercedunt, expediemus. *Queritur autem primò*; An integra Lex moralis sit Juris Divini naturalis; atque adeò absolutè immutabilis & indispensabilis? *Resp.* Jus Divinum naturale nunc intelligitur, quod ex naturâ Dei necessario fluit: & sic contradistinguitur à Iure Divino positivo. Talis est cultus Dei naturalis; qui primo præcepto potissimum exigitur: sed cultus institutus, ad quem secundo præcepto potissimum obligati sumus, & tempus definitum, quo iste solenniter præstandus, aliaque istiusmodi, ad Ius Divinum positivum pertinent; utpotè in *posteriori tabulâ*, de quorundam hominum supe-

rioritate, dominiorum distinctione, gradibus in matrimonio observandis, &c. Negamus igitur, omnia & singula Decalogi præcepta, quæque iis comprehensa sunt, esse Iuris ipsi Deo naturalis, & sic absolutè immutabilis atque indispensabilis ipsi Deo.

X. *quæritur secundò*; An tota Lex moralis sit Juris nobis naturalis? *Resp.* Affirm. Ita scil. ut saltem implicitè & virtualiter tota contineatur in communibus illis notionibus practicis, quæ hominibus initio concreatæ fuerunt, & cum naturâ pariter propagandæ; consequenter si integra mansisset imago Dei in hominibus, illa etiam tota inde deduci, vel eò reduci, potuisset; nunc verò post lapsum ac tantam naturæ corruptionem elici saltem potest, quantum sufficit ad ἀναπολογησίαν Gentilium Lege scriptâ destitutorum: *Rom. 1, 20.* qui propterea *jus Dei agnoscere* dicuntur; *vers. 32.* & *sibi ipsis Lex*; ut qui ostendant opus Legis scriptum in cordibus suis, unâ testimonium reddente ipsorum conscientiâ; *cap. 2, 14, 15.* Atque amplius, *III, 19, 20.* „Scimus, quæcunque Lex dicit, iis qui in Lege sunt dicere; ut omnes obstruatur, & obnoxius fiat totus mundus condemnationi Dei. Propterea ex operibus Legis nulla caro iustificabitur in conspectu ejus: &c.

Obj. Atqui actualis & distincta singulorum officiorum notitia per naturam non inest singulis hominibus; neque ex ratione naturali elici potest: etiam in iis quæ ad cultum Dei naturalem pertinent, & ad benè ordinatam hominum societatem necessaria sunt; plurimi defectus passim in Gentibus deprehenduntur. *Resp.* A statu per lapsum corrupto, non valet consequentia ad statum primævum; & ad naturam, qualis initio condita fuit. Quin imò de Gentilibus, aliisque infidelibus, id minùs mirandum est; cum etiam inter eos, qui Christianam Religionem utcunque profitentur, varii errores contra Jus Divinum reperiantur; &c.

XI. *Quæritur tertio* ; An igitur eadem Lex moralis fuerit etiam ante Mosen ? *Resp.* Lex scripto expressa ab ipso Deo , duabus tabulis & decem per eas præceptis distincta , variisque commentariis , explicationibus & applicationibus Θεωρητικῶς aucta , & sic Israëlitis tradita fuit primum per Mosen. *Psal. ciii, 7. Notas fecit vias suas Mosi ; posteris Israël actiones suas. Johan. i, 17. Lex illa per Mosen data est. Galat. iii, 19. Quid igitur Lex ? transgressionum* (plenius aperiendarum , hominumque de iis convincendorum) *gratiâ adjecta est , &c.* Atque ita metonymice & synecdochice Lex in SS. Literis frequentissime usurpatur. Utpotè *Rom. v, 13. Usque ad Legem peccatum erat in mundo, &c.* non quasi Lex antea prorsus non extitisset: Peccatum enim est *Legis transgressio; ἀνομία : i Joh. iii, 4. & consequenter, ubi non est Lex , ibi nec transgressio est : Rom. ii, 13.* sed quia prius non extitit eo modo. Cum vero ipsi Gentiles , Lege scriptâ destituti , sibi sint Lex , & opus Legis in cordibus suis scriptum gerant, &c. multo magis, imo perfecte , in ipsis protoplastis adhuc integris, Iuris istius Divini ac Legis moralis cognitio extitisse censenda est.

XII. Thesin nostram inductione amplius probamus; similiter ut Apostolus Iacobus, II, 10, 11, concatenationem officiorum Lege præscriptorum asserturus , eam ostendit in istis præceptis, *Ne mœcheris , & Ne occidas :* cæterorum enim est par ratio. Et Paulus, *Rom. xii, 9.* omnia posterioris Tabulæ præcepta ad unam summam revocat similiter: *Siquidem illud , Non mœchaberis, Non occides, Non furaberis, Non falsum testimonium dices, Non concupisces, & si quod aliud est præceptum, in hoc sermone summam comprehenditur , Diliges proximum tuum sicut te ipsum.*

Istud autem α. *Non Mœchaberis , & quæ eò pertinent, protoplastis etiam præscripta & cognita fuisse,*

liquido constat ex verbis Adami de Evâ , *Genes. 2, 23, 24, Hâc demùm vice adest os ex ossibus meis, & caro ex carne meâ. --- Relicturus est vir patrem suum & matrem suam; & adhærebit uxori suæ, eruntque in carnem unam.* Et cap. 1, 27, 28. *Marem & feminam creavit eos. Deinde benedixit eis Deus, &c.* Hinc ipse Servator deducit, *Conjugium esse unius viri cum unâ muliere individuam vitæ societatem, contra Iudæorum repudia, quamquam propter duritiem cordis eorum politice permissa; Matth. xix, 3, 9.* Eodem modo facile colligitur, polygamiam, adulterium, scortationem, &c. esse illicita.

β. Exinde etiam Paulus officia maritorum erga uxores deducit, *Eph. v, 28, 29, 30.* & viri dignitatem præ muliere, *1 Tim. II, 13.* ex eo, quod *Adamus prior formatus sit; deinde Eva: scil. in auxilium ipsi commodum: Gen. II, 18, 20.* Similiter *1 Cor. xi, 7, 8, 9.* *Vir non debet operire caput: (quod esset signum subjectionis:) cùm is imago sit & gloria Dei; at mulier gloria viri est. &c.* Adde ibidem, *14, 15.* *Anne natura quidem ipsa hoc vos docet, quòd viro quidem comatum esse dedecori sit: &c.* Ex eodem illo fundamento facillimè deduci potest utriusque parentis ἐξουχὴ præ liberis. Imò ex istis verbis *Gen. II, 24.* *Relicturus est vir, &c.* clarissimè liquet liberorum primùm in vitâ cœlibe obligatio ad parentes; ac porro etiam in conjugio pro re natâ & ratâ.

γ. Ex imagine Dei in singulis hominibus spectandâ, colligitur eorum æstimatio & dilectio mutua: atque adeo præceptum illud, *Non occides: Gen. ix, 5.* Nam & proximi execratio proptereâ fugienda est: *Jac. ii, 9.* Unde non solum Cains homicidium arguitur; *Gen. iv, 10, 11, 12.* sed etiam vultus iracundus; *vers. 5, 6, 7.* atque ipse se dignum iudicavit, qui vicissim ab obvio quolibet interficeretur; *13, 14.*

8. Illud autem *Non furaberis*, colligitur ex dictis, *Genes. I, 28, 29. Implete terram, eamque subijcite: & dominamini*, &c. collato dilectionis officio. Nam multiplicatis hominibus, multiplicari, aut potius dividi, necessario debuit jus in terram & creaturas terrestres: singuli suas habere debuerunt habitationes, & sua dominia rerum subiectarum, seu occupatarum; nec unus alteri eas debuit eripere. Undè etiam *Astor. xvii, 25, 26. „Ipse dat omnibus vitam, & habitum, & omnia. Fecitque ex uno sanguine totam gentem hominum, ut habitaret super universâ superficie terræ, definitis præstitutis temporibus, & positis terminis habitationis eorum.*

9. Similiter ex imagine Dei, qui est *Deus veritatis*; *Psal. xxxi, 6. elicitur istud, Non dices falsum testimonium.* Ad illam enim pertinet *justitia & sanctimonia veritatis*: *Eph. iv, 24.* Unde Diaboli ab illa defectio sic exprimitur. *Joh. viii, 44. In veritate non perstitit.* atque item *Hominum, Rom iiii, 4. Omnis autem homo mendax.*

5. Ex eadem justitia & sanctitate vera, etiam colligi potest illud, *Non concupisces*: omnes scil. motiones voluntatis & affectuum, etiam primas, juste ac sancte regendas & habendas esse.

XIII. Prioris tabulæ similis est ratio. α. Agnoscendum enim & religiose colendum esse unum verum Deum, ad cujus imaginem conditi erant protoplasti, quique omnia fecit propter seipsum; *alienos autem Deos nequaquam habendos*, sic facile cognoverunt: *Col. iii, 10. Eph. iv, 24.*

β. Quin & sanctum illum ac zeloten, præter cultum ipsius naturalem, non alio quam à se *instituto*, colendum esse. Spiritum illum infinitum nulla imagine corporea exprimendum, nec in ea, aut per eam, suum ipsi cultum deferendum.

γ. Itemque sanctissimum sermonis, ut & omnium

quæ in ipsis ac penes ipsos erant, auctorem, sermone irreverenti aut temerario non esse dehonestandum; sed omnino pie celebrandum.

8. Nec de *Sabbathi* observantia dubitandum: N. juxta *Gen. II, 2, 3*. Cum autem perfecisset Deus die septimo opus suum, quod fecerat; quievit ipso die septimo, ab omni opere suo quod fecerat: Et benedixit Deus diei septimo, & sanctificavit ipsum; cum in eo quievisset ab omni opere suo, quod creaverat Deus, faciendo. Isto scil. tempore, atque ea occasione, cum Deus sex diebus opera creationis absolvisset, iisque finem imposuisset die septimo; ipse diei septimo benedixit singulari quodam modo, & benedicendo sacrum esse voluit, atque exercitiis Religionis sancte transigendum. Per sex dies operarios protoplasti hortum Edenis non solum custodire, sed & colere debuerunt; imo & terram subicere: *Gen. II, 15. I, 28*. Verum ab isto opere quiescendum fuit quoque die septimo; cultui Divino quiete vacandum; eoque magis ad æternam & cœlestem quietem adspirandum.

9. In quarto Decalogi præcepto, *Exod. xx, 8, 11*. eadem primævæ institutionis ratio adjungitur: Nam sex diebus perfecit Jehovah cœlum ipsum, & terram, & mare, & quicquid est in eis; quievit vero die illo septimo: idcirco benedixit Jehovah diei *Sabbathi*, & sanctificavit illum.

10. Eiusdem institutionis pristinae repetitio, vel restitutio quasi postliminio, occurrit etiam in historia mannae singulis diebus in deserto colligendæ; nisi quod sexto quoque die dupla portio esset colligenda, una pro ipso sexto, altera pro sequente septimo die, quo sancta quies agi debuit: *Exod. XVI, 4, 5; 22, 23; 25, 26*.

7. Addimus *Hebr. iv, 3, 4*. „Introimus enim in requiem nos, qui credidimus; sicut dixit; Itaque
„juravi

„juravi in ira mea , si ingressuri sint in *requiem meam* :
 „quamvis operibus à jacto mundi fundamento factis. Ita
 „enim dixit quodam in loco de septimo die ; Et requie-
 „vit Deus die septimo ab omnibus operibus suis. Istic Sab-
 bathum hebdomadale , secundum superiora , etiam
 diserte refertur ad quietem ipsius Dei , operibus à ja-
 cto mundi fundamento factis , tanquam ad suum prin-
 cipium : & ab eo distinguitur Sabbatismus terræ Ca-
 naan , ex molesta peregrinatione per desertum ; ty-
 pus beatæ quietis in cœlesti patria fidelibus obtinen-
 dæ.

XIV. Obj. 1. Omne morale pertinet ad imagi-
 nem Dei in homine ; & consequenter necessario fluit
 ex natura ipsius Dei : Sed præceptum de Sabbatho
 hebdomadali non fluit ex ea necessariò : Ergò quar-
 ti præcepti alia est ratio. Resp. Nego , quicquid mo-
 rale est , & sic ad imaginem Dei in homine pertinet ,
 necessario fluere ex natura Dei. Deus etiam quæ-
 dam libere ab ipso determinata , potuit naturæ hu-
 manæ initio præscribere ac inscribere , & ad imagi-
 nem suam referre ; atque hoc fecit. Confer sup.
 th. 9.

Obj. 2. Sabbathum est simpliciter cerimoniale , &
 signum typicum sanctificationis sub V. T. atque ita
 ordinatum ad Christum venturum , &c. Ergò non
 est morale ; nec fuit ab initio. Exod. xxxi, 13. Sab-
 batha mea servatote : nam signum est inter me & vos , per ge-
 nerationes vestras : ad cognoscendum , me Jehovah esse , qui
 sanctifico vos. Ezech. xx, 10, 11, 12. „Eduxi ipsos è terrâ
 „Egypti , & abduxi ipsos in desertum : ubi dedi ipsis
 „statuta mea , & jura mea nota feci ipsis ; quæ qui facerent
 „homo , viveret per ea. Ac etiam Sabbatha mea dedi ipsis , ut
 essent signo inter me & ipsos , ut sciretur me Jehovah fan-
 ctificare ipsos. &c. Resp. 1. Cum numero multitudinis
 Sabbatha appellantur , collectivè intelligenda sunt o-
 mnia , quibus istud nomen ex usu SS. Scripturæ con-
 venit.

venit: utpotè *Levit. xvi. 31. xxiii. 32. 39. xxv. 29*
 4. non præcise, nec etiam absolute hebdomadarium. 2. Isto hebdomadali die sacro fideles Deum sanctificabant suo modo; ipsique simul à Deo sanctificabantur; h. e. in verâ sanctimoniâ confirmabantur & promovebantur, per gratiam Divinam in Messia: hoc ipsum tunc in præsentī experiebantur; simulque, juxta promissionem Divinam, de futuro per religiosam observationem Sabbathi colligebant. Sed non omne signum statim est mera cerimonia ac typus V. T. Messiam venturum præfigurans. Certè etiam nunc fideles ac pii experiuntur, & colligunt, se per piam sui Sabbathi, sive diei Dominici observationem, confirmari ac promoveri in sanctificatione per gratiam Christi, &c. 3. Faciles etiam admittimus, observationem Sabbathi hebdomadalis sub V. Test. ex speciali quâdam ordinatione Divinâ accepisse quoque respectum & usum ceremoniatem typicum præfigurativum Christi ac beneficiorum ejus. Verùm indè non magis sequitur, Sabbathum ab initio fuisse talem typum, vel etiam sub V. T. non habuisse in se aliquid morale; quàm ex *Gen. ix. 12.* - sequitur, iridem ab initio fuisse tale signum mundi non ampliùs interituri per diluvium; vel etiam post istam ordinationem, non fuisse meteorum aliquod naturale. 4. Nec magis ex loco *Ezechielis* colligi potest, Sabbathum ante deductionem Israëlitarum in desertum prorsùs non obtinuisse, quam alia præcepta, quæ, fatentibus iis qui hîc à nobis dissentiunt, verè sunt moralia. 5. Sed deinceps *vers. 13.* atque iterum, 24. exprobrat Deus Israëlitis, quod jura sua non fecissent, statuta sua sprevis-
 sent, ac Sabbatha profanassent: & consequenter, 25. dedisset tpsis statuta non bona, & jura per quæ non viverent. Quoniàm scil. propter peccata, non pertinebant ad ipsos bona cæteroquin promissa; sed pœnæ in sanctione comminatoria expressæ. Confer *Rom. vii. 10.*

12, 13. itemque Psal. lxxx1, 12, 13. Interim, quoniam nonnulli statuta non bona, & jura per quæ non viverent; exponunt de institutis merè ceremonialibus; observa quoque, Sabbathæ ab illis clarissimè distingui.

XV. Sed neque omittenda videtur distinctio *Juris* hominibus *naturalis*, in *primævum*, & *secundarium*. *Primævum* spectat naturam à Deo primum institutam, & sic integram. Atque hoc, juxta integritatem imaginis Divinæ, procul dubio integrum extitit in protoplastis; & per ordinationem Dei etiam sic propagandum fuisset ad posteros, nisi lapsus intervenisset: ad eò quidem, ut hi eadem præcepta moralia deducturi fuissent ex congenitis νομῶνς ἐννοίαις; simulque ex piâ animi inclinatione faciles admissuri parentum suorum, aliorumve, instructiones istiusmodi explicatorias & applicatorias; quemadmodum etiam alia præcepta particularia cultûs instituti, utpote de Arbore vitæ, & Scientiæ boni ac mali, &c. atque adeo etiam de die determinato, quo Sabbathum hebdomadale fuisset observandum.

Ius naturale secundarium respicit naturam humanam per lapsum ista integritate destitutam, gravissimæque corruptione ac plurimis miseriis vitiatam. In hoc statû amissa est perfectio illa habitualis sapientiæ, etiam agendorum, tum quod ad ipsa principia, tum quod ad facilitatem conclusiones inde deducendi & agnoscendi: quæ amissio ad mortem spirituales pertinet: quamvis superstites manserint quædam reliquiæ. Imo ratione circumstantiarum multæ applicationes aliter fieri debuerunt in hoc jure secundario, quam faciendæ fuissent in primævo: ut in judiciis politicis; de fontibus scil. puniendis, etiam capitali supplicio; de Bello, Servitute, Misericordiâ, &c. Quod autem in Iure isto secundario, in statû mere naturali, sic decrat; cum virtualiter vel eminenter etiam comprehensum fuisset primævo illo, postea suppletum est
per

per Divinam revelationem, Legis moralis repetitorem, & quasi restauratorem; Ipeiatim vero prout ea ministerio Moſis facta eſt, & Iſraëlitis tradita, ac poſtmodum ſæpius repoſita & inculcata.

XVI. *Quæritur quartò*, An eadem Lex moralis adhuc obtineat ſub N. T. ? *Reſp.* Affirm. I. Quia Lex moralis omnes homines & ſemper obligat, quod ad mores vivendi.

2. Hinc Chriſtus, Matth. v, 17, 18, 19. *Ne exiſtimate, me veniſſe, ut diſſolvam Legem aut Prophetas: non veni, ut eam diſſolvam; ſed ut eam impleam*: umbris typicis veritatem ſubſtituendo; prædictiones de Meſſiâ conſummando; requiſitam ab ipſo obedientiam præſtando; & alios eorum officia verè ac plene docendo. *Amen quippè dico vobis; uſquedum præterierit cælum & terra, iſc̄r̄ta unum aut unus apex nequaquam præterierit ex Lege, uſquedum omnia facta fuerint*. Moralia præcepta minime erant abroganda, aut iis quicquam derogandum, uſque in conſummationem ſæculi. *Quiſquis igitur ſolverit unum ex mandatis hiſce minimis, & ita docuerit homines, minimus vocabitur in regnò cælorum: quiſquis autem fecerit & docuerit, iſte vocabitur magnus in regno cælorum*. Sic Legem iſtam communem ac perpetuam Servator proponit, cuius omnia & ſingula præcepta, etiam ad minimum, ſub N. T. forent obſervanda ac docenda: quemadmodum ipſe deinceps aſſerit & vindicat contra Pharifæos.

3. Conſequenter eadem Lex moralis ab Apoſtoliſ etiam propoſita eſt & inculcata ſub N. T. Iac. 2. 8, - 11, ,, *Quodſi Legem regiam præſtatis, ſecundum Scripturam, Diliges proximum tuum ut te ipſum, bene facitis: Sin vero perſonam reſpicitis, peccatum committitis; & redarguimini à Lege veluti tranſgreſſores. quiſquis enim totam Legem ſervaverit, impleverit autem in uno, damnatus eſt omnium. Nam qui dixit, Ne mœcheris, dixit etiam, Ne occidas: quodſi non fueris mœchatus*

moechatus; occideris autem, factus es transgressor Legis. Itâ loquimini, & ita facite, ut per Legem libertatis judicandi. Tota igitur Lex, cujus præcepta quædam Apostolus istic recensuit, viget etiam sub N. T. & est Christianis Lex libertatis ipsorum; unde omnis bonitas & malitia moralis æstimanda ac judicanda. Similiter Rom. xiii, 7, 8, 9 Reddite igitur omnibus quod debetis. -- Nemini quicquam debete, nisi hoc, ut alii alios diligatis: Nam qui diligit alterum Legem implevit. Siquidem illud, Non moechaberis, &c. Reliqua vide sup. th. 12. Item Ephes. vi, 1, 2, 3. Liberi, auscultate in Domino parentibus vestris: id enim est justum. Honora patrem tuum & matrem: quod est præceptum primum cum promissione, ut bene tibi sit, & sis longævus super terrâ. Sic ad Legem, cujus sunt ista præcepta, tanquam ad normam justitiae & decori, sub N. T. etiam remittimur.

4. Per inductionem. Præcepta posterioris tabulae omnia & singula repetuntur in locis N. Test. proximè allegatis. Ad priorem verò tabulam quod attinet: de primo præcepto patet, ex i Cor. viii, 4, 5, 6. Scimus idolum nihil esse in mundo; & nullum esse Deum alium, nisi unum, &c. cum Matth. xxi, 37. Diliges Dominum Deum tuum ex toto corde tuo, &c. Joh. iv, 24. Deus est spiritus: & qui adorant eum, oportet ut spiritu ac veritate adorent. i Joh. v, 21. Filioli, cavete vobis ab idolis.

De secundo item, ex Rom. i, 23. Mutârunt enim gloriam incorruptibilis Dei in efformatam imaginem corruptibilis hominis, & volucrum, & quadrupedum, & reptilium, &c. 25. Ut qui veritatem transmutarint in falsitatem, -- Cum Act. xvii, 24, 25. Cum sit cæli & terræ Dominus, in manû factis templis non habitat: nec manibus hominum colitur, --

De tertio similiter, ex Matth. v, 34, 35. Ne jurate omnino: neque per cælum; quia thronus Dei est: neque per terram; quia scabellum est pedum ejus. xii, 36. Dico vobis; Quodcunque verbum otiosum locuti fuerint homines, de-

de eo reddituros rationem in die judicii. 1 Petr. 111, 15. Dominum Deum sanctificate in cordibus vestris. Estote autem semper parati ad reddendum cuilibet petenti rationem eius spei quæ in vobis est, cum mansuetudine & timore, conscientiam bonam habentes.

XVII. Nec minus de quarto, ex Matth. xxiv, 20. *Orate, ne fiat fuga vestra hyeme; neque Sabbatho.* Ergo sub N. T. tempore excidii Hierosolymitani, & fugæ ex ista occasione, atque adeo deinceps ad consummationem sæculi, observari adhuc debuit Sabbathum eâ conscientia, ut fideles necesse habuerint, ex mandato Christi, deprecari ne fuga in ipsum incideret. Adeo molestum iis esse debet, si turbentur exercitia Religionis isto die solenniter & quiete peragenda. Attamen una cum iis, quæ ad œconomiam V. T. proprie pertinuerant, mutata quoque diei circumstantia; & pro septimo die ex ordine creationis, substituto primo. Hinc, sicut Judæica Sabbathorum observatio, pariter ac Festorum & Noviluniorum, nec non ciborum ac potuum, redarguitur Col. 2, 16, 17. & alibi; quod mox patebit: Apostoli suo exemplo primum diem septimanæ fidelibus commendarunt. Sic Act. xx, 7. „*Primo autem die hebdomadis, congregatis discipulis, ad frangendum panem, Paulus differebat cum eis, abiturus posttridiè: produxitque sermonem usque in mediam noctem.* Confer Matth. xxviii, 1. Marc. xvi, 2. Luc. xxiv, 1. Joh. xx, 1, 19. unde evidentissimum, quis appellari soleat *dies primus*, aut per Hebræismum *μία σαββάτων*. Adde Gen. 1, 5. Expressa etiam est ordinatio, 1 Cor. xvi, 1, 2. „*Porro de col-lectâ in sanctos, quemadmodum ordinavi Ecclesiis Galatiæ, ita & vos facite. Primo quoque die hebdomadis unusquisque vestrâ apud se seponat, recondens ut thesaurum, quod pro Dei benignitate licuerit. Nec dubitandum, quin alii actûs solennes, ad cultum Dei & communionem sanctorum spectantes, ad eundem*

quo-

quoque diem pariter pertinuerint : unde etiam iste *dies Dominicus* appellatur ; *Apoc.* 1, 10. analogice ut *cœna Dominica* ; *1 Cor.* x1, 20. Consequenter *observatio Dominici* in Ecclesia primitiva erat quasi tessera Christianismi. *Athanasius*, *Hóm. de Semente* : *Olim* certè *priscis istis hominibus in summo pretio Sabbatum fuit* ; *quam quidem solennitatem Dominus in diem Dominicam transfudit.* Vide etiam *Catechesin Belgicam* : quæst. 103 : *Post-Acta Synodi Nationalis Dordracenæ*, Sess. 164. atque ipsa *Acta*, Sess. 14.

Obj. 1. Præceptum de Sabbatho non est morale. *Coloss.* 11, 16, 17. *Nequis igitur vos damnet ob cibum, vel potum, aut respectu festi aut novilunii, aut Sabbatorum : Que sunt umbra rerum futurarum ; at corpus, est Christi.* Sabbata pariter cum festis, noviluniis, &c. dicuntur umbra rerum futurarum, &c. ergo fuerunt tantum ceremonialia typica : non moralia. *Resp.* Cum *Apostolus* istic *Sabbata* appellat, loquitur de Sabbathis, quæ & quatenus typica fuerunt, & sic œconomiae V. T. propria : id suo modo etiam pertinet ad Sabbathum hebdomadale, respectu peculiaris usus & *χρῆσις* sub V. T. Sed non absolute ; quasi nihil in eo esset morale, ceremoniis typicis antiquius, atque etiam posterius, & alterius conditionis. Certe *Apostolus* ibidem *cibum & potum* appellat ; nec tamen absolute omnem eorum usum intelligit ; sed distinctionem ceremonialem typicam, quæ ad œconomiam V. T. pertinet, & per libertatem N. T. abrogata est. Interim verus & necessarius eorum usus, imo etiam distinctio quædam, respectu sanitatis conservandæ aut curandæ, nequaquam istic prohibetur ; cum per Legem moralem ad ea obligati simus quemadmodum etiam ad observationem alicujus Sabbathi hebdomadalis.

Obj. 2. *Galat.* IV, 9, 10, 11. *Quomodo convertitis vos retrorsum ad infirma & egena elementa, quibus ad superiora regressi servire cultis. Dies observatis, & menset, & tempora*

ra, & annos. Metuo de vobis, ne frustrà fatigatus sim apud vos. Ergò, &c. Resp. Etiam istic solùm reprehenditur dierum, &c. observatio, quatenus pertinuit ad infirma & egena elementa mundi, ad typos & pædagogiam V. T. Sed non quælibet dierum ac temporum prudens observatio ad res opportunè agendas. Vide Eccl. III, 1, -. Prov. x, 5. xx, 4. Eph. v, 16. Quin & I Cor. XVI, 1, 2. de primo die hebdomadis, ipsis Galatis nominatim per Apostolum ordinato. Hujus ergo alia est ratio.

Obj. 3. Rom. XIV, 5, 6. Alius quidem æstimat diem præ die, alius autem peræquè æstimat quemvis diem. Unusquisque in animo suo plene certioratus esto. Qui curat diem, Domino curat: & qui non curat diem, Domino non curat. Qui edit, Domino edit, &c. Istic dierum discretio & observatio iterum conjungitur cum discretione ciborum. Ergo præcepto morali non sumus obligati ad diem aliquem Sabbathicum. Resp. Nego consequentiam; similiter ut in superioribus. Infirmi fide, & necdum satis instructi de veritate & libertate Christianâ, æstimabant & observabant aliquos dies, ut & ciborum discrimina, ex Lege cerimoniali Iudaïca, vel etiam fortasse ex superstitione Gentili. Sed probe instructi & firmi fide, aliter statuebant & faciebant. Inde autem non magis colligi debet, nullum nunc agnoscendum esse Sabbathum hebdomadale, aut diem Dominicum; quàm cibos non esse discernendos ratione diætæ.

Obj. 4. Sabbathum per Legem quondam mandatum, erat septimus dies à creatione: atqui dies Dominicus alius est: ergo Lex ista nos non obligat ad diem Dominicum. Resp. Sabbathum est dies Deo cum quiete sacer. Initio quidem iste dies incidebat in septimum à creatione: id enim tunc manifestè indicabat circumstantia temporis. Eundem quoque indicavit ratio, quæ quarto Decalogi præcepto sub-

jecta est. Generaliori tamen modo comprehensa sunt ipsa verba præcepti : *Recordare diei Sabbathi, ut sanctifices illum. Sex diebus operaberis, & facies omne opus tuum. At die septimo Sabbathum erit Jehovæ Deo tuo: non facies ullum opus, &c.* quibus verbis omnino satisficit, ubi post sex dies operarios sequitur unus sacra quiete transigendus; is enim sic quoque septimus est: videlicet nunc sub N. T. postquam scriptis Θεοπρόσωπος dies Dominicus indicatus & ordinatus est; qui non minùs post sex alios identidem recurrit. Et ad hujus observantiam in his circumstantiis non minus obligamur per quartum præceptum; quam per præceptum, *Diliges proximum tuum ut te ipsum*, obligamur ad diligendum eos homines, qui nunc existunt: aut per præceptum, *Honora patrem tuum, &c.* nunc obligatur ad honorandum vitricum, cui iste obigit, &c.

XVIII. Pontificii volunt, Christum non tantum esse Redemptorem, sed etiam Legislatorem; adeoque Legem novam dedisse; quæ quidem contineat triplicia præcepta, Moralia, Sacramentalia, & Fidei. Vide etiam sup. cap. 3. th. 34. Obj. 3.

Sociniani quoque, & Anabaptistæ, cum sequacibus Remonstrantibus, contendunt, Legem moralem à Christo esse correctam, & perfectiorem redditam, additis de novo Præceptis variis; ut post quædam indicabitur. Urgent autem imprimis illud *Matth. v.* aliquoties repetitum, ἡκούσατε ὅτι ἐρρέθη τοῖς ἀρχαίοις & ἐγὼ ἢ λέγω ὑμῖν, &c. Resp. 1. Pharisei & Scribæ passim jactabant Traditiones Seniorum suorum, quibus irrita faciebant, & transgrediebantur mandata Dei: *Matth. xv, 2, 3, 5, 9.* cum reverâ essent inania hominum commenta, & detorsiones Legis Divinæ in sensum prorsus alienum, imo etiâ decisiones contrariæ: *Matth. v, 31, 38, 43.* Illud autem ἐρρέθη τοῖς ἀρχαίοις accipi potest, tanquam dictum est ab antiquis;

majoribus scil. ac prædecessoribus Phariseorum & Scribarum, glossematum atque errorum istorum auctoribus, vel traditoribus. 2. Si omnino accipiendum esset, dictum est antiquis, sive ad antiquos; id tamen intelligi deberet, ut antiquis ejusdem sectæ hominibus istud traditum esset à suis præceptoribus: non à Deo, aut à Mose ac Prophetis, fidelibus & infallibilibus Dei ministris; sed ab hominibus seductoribus, veritatem interim & auctoritatem Divinam mentientibus.

XIX. Nunc paucis perstringemus *controversias* circa singula Decalogi præcepta occurrentes. Circa primum excutienda venit initio multiplex Idololatria *Papatus*: ut 1. in cultû Angelorum. 2. In cultû hominum. 3. In cultu rerum inanimatarum. Et 4. in cultû entium fictorum. Pontificii *Angelos* etiã religiose colendos docent, & praxi sua confirmant; maximè verò *Archangelum Michaëlem* (quem creatum statuunt), & reliquos *Angelos coram Deo assistentes*, *Principes aulae cœlestis*, *Ecclesiarum omnium præfides*, *hominum mediatores ac præpositos*, ut appellant: quorum septem nomina assignant; qui per se, aut per alios à se missos, defendant nos à septem vitiis capitalibus, ad contrarias virtutes hortentur, tentationibus obstant, occasiones peccandi removeant, &c. atque item *Angelos tutelares* singulorum. Vide sup. cap. 7. th. 19.

Opponimus autem isti Idololatriæ, 1. generalia mandata, quibus cultus religiosus soli Deo reservatur; *Jes. xlii, 8.* *Matth. iv, 10.* ex *Deuter. vi, 13.* x, 20.

2. Specialem prohibitionem, ne Angelis iste cultus deferatur, propositam per Apostolum; *Coloss. ii, 18.*

3. Aliam iterùm prolatam per Angelum, *Apoc. xix, 10.* atque iteratam, *xxii, 8, 9.*

4. Accedit ratio: Angelis non competit illa ἐξουσία, quæ fundat cultum religiosum: cùm sint entia creata & finita; quorum perfectiones finitæ & dependentes sunt. Neque iis competit omnipræsentia; ut semper

nobis

nobis adessent, atque adeò eos compellare possemus, quoties libèret: neque omniscientia; ut nos, & necessitates nostras, & preces nostras, semper cognoscerent.

1 Reg. vii 1, 39. *Tu enim nosti solus cor omnium filiorum hominum.* Matth. xviii, 10. *Dico vobis; Angelos eorum (parvulorum) in cœlis per omne tempus videre faciem Patris mei, qui in cœlis est.* Ubi spiritus sacram functionem obeuntes, ministerii causâ emittuntur quidem, propter hæredes salutis futuros; Hebr. 1, 14. sed opere peracto, revertuntur in cœlum: Luc. 2, 15.

XX. Imò ne quidem rogandi sunt, ut pro nobis intercedant apud Deum; aut preces nostras Deo offerant & gratas faciant: nam

1. Nullum mandatum, neque exemplum istiusmodi, occurrit in SS. Literis.

2. In hac vitâ, & hoc rerum statû, non habemus talem familiaritatem & conversationem cum Angelis.

3. Preces nostras Deo per Angelos offerri, quasi aliàs Deus eas ignoraret, aut negligeret; vel etiã gratas & acceptas reddi per Angelos, quasi isti aliquid conferrent ad gratiam Dei nobis conciliandam, à SS. Literis alienissimum est.

4. Intercessio Mediatoria soli Christo Θεανθρώπῳ, Mediatori Dei & hominum, propria est; ut suo loco demonstrabitur.

Obj. 1. *Gaudium est apud Angelos Dei super uno peccatore resipiscente*: Luc. xv, 10. ergò res & actiones nostras minimè ignorant: quin imò utiliter à nobis invocantur. Resp. Gaudium & congratulationem super peccatore resipiscente agnoscimus; qui est actus charitatis Angelicæ erga nos: sic Deum celebrant super tali gratiâ in nos collatâ, ubi ea ipsis innotescit. Hinc tamen prorsus non sequitur, eos preces nostras Deo offerre & gratas facere; neque nos eorum intercessionem precibus nostris, & quidem religiosis, expectare debere.

Obj. 2. Jacob Ephraïmo & Menassæ precatur benedictionem Angeli : *Gen. xlviii, 15.* Ergò. *Resp.* Sed Angeli increati. Vide sup. cap. 4 th. 10.

Obj. 3. Angeli tamen pro hominibus intercedunt : *Zach. 1, 12.* *Apoc. viii, 3.* *Resp. 1.* *Zach. 1, 12.* Angelis Jehovæ proponitur in visione prophetica, ut intercedens pro Hierosolymis & civitatibus Judæ. 2. *Apoc. viii, 3.* Angelus dicitur adstitisse altari, thuribulum aureum tenuisse, & preces omnium sanctorum obtulisse super altari aureo. Sed ista ad ipsum Christum, ejusque functionem Sacerdotalem in coelo, quoque pertinent ; non ad Angelum aliquem creatum.

Obj. 4. *Tob. xii, 15.* Raphaël dicitur unus ex septem illis Angelis , qui preces sanctorum deferunt. Ergo. *Resp.* Cum iste locus apocryphus sit, hoc ipsum quod habet, non probat : Confer *Tob. v, 15.* Angelos autem vel invocandos, vel religiosè colendos esse, non habet.

Obj. 5. David *Psal. ciii, 20.* Angelos invocat hoc modo ; *Benedicite Jehovæ Angeli ejus, fortes robore, facientes verbum ejus, ad obtemperandum voci verbi ejus.* Ergo. *Resp.* Istic David per prosopopœiam exprimit, Angelos omninò servire gloriæ Divinæ : sed non magis docet religiosam invocationem Angelorum, quam omnium creaturarum, cum subiungit, *v. 22. Benedicite Jehovæ omnia opera ejus, in omnibus locis dominationis ejus.*

XXI. Secundò committunt iidem Idolatriam in hominibus : scil. in Christo secundum humanam naturam, in Virgine Mariâ, in Sanctis demortuis, atque etiâ in Pontifice Romano.

Christum omnino adorandum & religiosè colendum, ex animo credimus, & confitemur, secundum SS. Literas : itâ scil. ut adorabilitas fundetur formaliter in Divinâ ipsius ἰσοχῆ. Humana verò natura, si præcisè consideretur, per mentem abstracta à Deitate, utut reipsâ minimè separata, agnoscere quidem debet

ἡ Δοῦλος adjunctum substantiale ἐνυπόστατον, & organon conjunctissimum ; adorabilis tamen propterea non est.

In *B. Virgine Mariâ* Idololatriam committunt multis modis : cujus non solum intercessionem petunt apud Deum ; sed ipsi potestatem supremam , imò & jus imperii in Christum tribuunt , Deum eam faciunt, sic adorant & celebrant. Huc pertinent Biblia , & Psalterium Mariæ, Hortuli, Rosaria, Sabbathum, Officium, &c.

Alios quoque *Sanctos demortuos* , colunt iidem religiosè , sive adorant ; & voce vel mente supplicantes, adeorum orationes opemque confugiunt ; memorias eorum frequentant per suos dies festos , octavas , vigiliis, encaënia ; Missas etiâ celebrant in eorum honorem, & ad obtinendam ipsorum intercessionem, addunt lectiones, hymnos, officia, litanias , processiones ; Templâ is dedicant, & altaria ; imagines erigunt, cereos accendunt, &c.

Numerus eorum, qui tales habentur , & sic coluntur ferè infinitus est : invocantur autem vel omnes simul ; vel singuli seorsum. Potissimum vero *Patroni* , *Præfati*, aut *Divi tutelares* ; quibus specialis potestas & cura personarum, rerum, locorum, vel temporum , Divinitus creditur demandata ; & Ecclesiasticè aut Papaliter sic declarata.

Eidem idololatriæ subservit *Canonizatio* ; quæ est canonica & regularis institutio ipsius Papæ , ut quis pro Sancto honoretur , ac pro eo fiat solenne officium. *Apotheosin Divorum suorum* alibi appellant. Proximus ad eam gradus est *Beatificatio* , quâ quis à Papâ solenniter declaratur beatus.

XXII. Idololatriæ hæcenus in hominibus descriptæ, opponimus 1. generale argumentum , contra religiosum cultum Angelorum quoque productum th. 19. quod Deus illum sibi soli vendicaverit.

2. Ex conditione objectorum : Eos *colere* religiosè,

qui non sunt naturâ Dii, est illorum qui verum Deum non agnoscunt : qui vero hunc agnoscunt, eundem solum sic colunt ; Gal. iv, 8. Ipse Deus Psal. L, 15. *Invoca me in die angustiae : eruam te ; & honorificabis me.* Similiter etiam Christus à Discipulis rogatus, ut ipsos precari doceret, præscripsit modum precandi, *Pater noster, &c.* Luc. xi, 1, 2. &c. Nullum vero extat indicium de Mariâ, aliisve Sanctis, religiosè colendis. Ἐξοχή quæ istum cultum fundat, iis non competit ; cum entia creata & finita sint : nec omniscientia, aut cognitio eorum quæ hic geruntur, & nobis eveniunt. Hinc respectû eorum, quæ apud viventes in hac terrâ aguntur, Eccl. ix, 5. *Mortui nesciunt quicquam.* Ità Josuæ dicebatur, 2 Reg. xxii, 20. *Eccè ego recolligam te ad patres tuos, & recolligeris in sepulchra tua in pace ; & non videbunt oculi tui universum malum, quod ego induco in locum istum.* Et Ecclesia ad Deum, Jes. lxiii, 16. *Tu enim Pater noster es ; etiamsi Abraham nesciat nos, & Israel non agnoscat nos : tu tamen Jehovah Pater noster, redemptor noster, à sæculo est nomen tuum.*

3. A pari : Nemo coli debet religiosè nisi in quem etiam credimus fide Divinâ : ut enim veritas absolute summa & infallibilis se habet ad fidem Divinam : sic etiam infinita & independens Ἐξοχή se habet ad cultum religiosum. Hinc Rom. x, 13, 14. *Quisquis enim invocaverit nomen Domini, servabitur. Quomodo igitur invocabunt eum, in quem non crediderint ? Cum fides sit ἐλπιζομένων ὑποστάσις ;* Hebr. xi, 1. Consequenter etiam ex fidè petimus à Deo, quæ credimus ipsum nobis dare velle ; id enim necessarium est, ut secundum voluntatem ipsius oremus ; 1 Joh. v, 14. atque ita postulemus cum fide, nihil ambigentes ; Jac. i, 6. neque adoremus, quod nescimus ; Joh. iv, 22.

4. A iudicio & voluntate ipsorum Sanctorum : Qui verè Sancti sunt, nolunt sibi cultum religiosum deferri

deferri. Cùm *Actor. x, 25.* Cornelius occurrens Petro, & accidens ad ejus pedes, adoraret ipsum; Petrus erexit illum, dicens; Surge: & ego ipse homo sum. Similiter *xiv. 11,-- 15.* cùm Lyfrenses viso miraculo, quod per Paulum & Barnabam erat factum, tauros vittatos adducerent, atque illis sacrificare vellent; illi, diruptis palliis suis, insilierunt in turbam, clamantes ac dicentes; Viri, cur ista facitis? Nos quoque sumus homines, eisdem quibus vos affectionibus obnoxii; annunciantes ut à vanis istis rebus convertatis vos ad Deum illum vivum, qui fecit cælum, & terram, & mare, & omnia quæ in eis sunt. Eodem modo, ut Angelus, *Apoc. xix, 10. & xxii, 8, 9.*

Ex antiquis Ecclesiæ Doctõribus multa in eandem sententiam faciliè produci possunt; nominatim ex Hilario, Augustino, Epiphanio, &c.

XXIII. Sed neque precibus sollicitandi sunt Beati, ut suis orationibus pro nobis intercedant apud Deum, aut Christum. Obstant rationes in negotio Angelorum productæ, th. 20.

Obj. 1. At sancti cœlites intercedunt pro nobis; *2 Maccab. xv, 11, 12.* Ergo. Resp. Istic describitur insomnium Judæ Maccabæi, quod vidisset Oniam Pontificem defunctum intercedentem pro populo Judaico; atque ex eo audivisset, idem quoque facere Prophetam Jeremiam: sed præterquam quod locus sit apocryphus, & somnium narret; non dicit, eos pro singulis Judæis, & singulorum necessitatibus esse precatos; multo minùs, fideles id ipsum ab illis petiisse suis precibus. Et quid si Maccabæus somniasset, Jeremiam & Oniam adhuc vixisse, vel iterum vixisse, (quod somniantibus de mortuis non est insolens,) atque ita eos precatos fuisse pro populo, quem admodum soliti fuerant viventes, & tunc faciebant etiam omnes pii?

Obj. 2. *Apocal. v, 8.* quatuor animalia & viginti quatuor seniores prociderunt coram. Agno, cum citharis

& phialis aureis, quæ erant preces sanctorum. Ergo. *Resp.* 1. Visio illa intelligi potest de Ecclesiâ catholicâ, quæ sic preces suas coram Christo fundit, ac per ipsum offert Patri. 2. Si omninò intelligenda esset Ecclesiæ pars triumphans, istorum sanctorum orationes non tamen evincerentur fuisse intercessiones, nedùm peculiare, & quidem aliorum precibus expetitæ.

Obj. 3. *Genes. xlviii, 16.* prædixit Jacob nomen suum vocandum super filios Josephi: hi ergò post mortem erant illum invocaturi. *Resp.* Committitur *שם קבורה*. Melius *Cajetanus* ad locum: „ est „ ea phrasis Hebræis peculiaris; ut dicant, *vocari nomen alicujus super aliquem*, pro vocari aliquem alicujus nomine: ut constat *Isai. iv. & Dan. ix.*

Obj. 4. *Job. v, 1.* Convertere ad aliquem sanctorum. Mandatur ergò eorum invocatio. *Resp.* In Hebræo est, *Ad quem sanctorum vertes te?* ubi nec de mortuis agitur, nec de religiosa invocatione; sed docetur, nullum à sanctis auxilium obtineri posse adversus Deum. Confer *Ezech. xiv, 14, 20.*

Obj. 5. *Luc. xvi, 27, 28.* damnatus epulo legitur intercessisse pro fratribus suis; multò magis id faciunt beati cœlites. Ergò. *Resp.* Ex isto textu non magis colligi debet, Abrahamum à divite illo mortuo reipsa invocatum fuisse pro fratribus adhuc viventibus; quam divitem illum mortuum sublati oculis vidisse Abrahamum, & Lazarum in hujus sinu cubuisse; vel Lazarum potuisse digitum immittere in aquam, & sic refrigerare linguam illius: quæ quidem à naturâ animarum separatarum alienissima sunt. Neque item sequitur; si anima divitis nuper mortui, retinuit memoriam fratrum suorum, quos in hac vita reliquerat; Sanctos igitur habere notitiam omnium, quæ post mortem ipsorum apud viventes geruntur. Tenendus parabolæ scopus, quod divites propter opum suarum abusum damnati, nullo deinde levamine poti-

tiri possint; atque hoc argumento homines ab isto abusu debeant absterreri, & observare media ordinaria ad promovendam resipiscenciam instituta atque concessa.

Obj. 6. Angelus salutavit beatam virginem; *Luc. 1, 28.* & sancta Elisabetha; *vers. 42.* *Resp.* Ista saluatio & gratulatio, continent tum apprecationem alicujus boni à Deo ad ipsam, convenienter isti rerum statui; tum denunciationem & prædicationem bonorum, quæ ei à gratiâ Divinâ obtigerant, ac porro eventura erant. Quo etiam nomine ipsa se beatam prædicandam humilis agnoscit; *vers. 48.* Sed minimè sequitur, eam propterea religiosè invocandam esse; nedum tali formulâ.

Obj. 7. *Luc. XIX, 17, 19.* Famuli fideles à Rege suo dicuntur præficiendi aliquot civitatibus; ergo sancti coelites sciunt & curant ea quæ hic aguntur; & consequenter rectè invocantur. *Resp.* In ista parabola sic denotatur gloria iis tribuenda, qui donis à Christo acceptis rectè fuerint usi; quemadmodum alibi cœlestis beatitudo proponitur sub allegoriâ nuptiarum, aut convivii, &c. *Matth. XXI, 2, &c. VII, 11.* Sed Regnum ipsius Christi non est de hoc mundo, *Johan. XVIII, 36.* consequenter neque ministris suis pro mercede distribuit regna, provincias, urbes, &c. hujus mundi.

XXIV. Quantum ad *Pontificem Romanum*, in eo idololatriam quoque satis crassam & apertam committunt, cum eum non tantum Vice-Deum salutant, sed etiam in terris Deum; atque insuper ei tribuunt Divinam majestatem, omnipotentiam, potestatem dispensandi de jure, & supra jus, contra Apostolum, contra Vetus Testamentum, &c. Quid mirum ergo Papam, ubi electus est, super altari constitui; Imperatores & Reges ejus pedes deosculari; utrumque gladium ei assignari, &c. Quæ quiden indicasse, est refutasse, juxta *2 Thes. II, 4.*

XXV. Succedit idololatria in *Rebus inanimatis*: hæc autem

autem sunt Panis eucharistiæ, Crux, Reliquiæ, Imagines, & Res aliæ consecratæ.

In *Pane eucharistiæ* est ἀρτολατρεία: scil. ex falsâ hypothesi Transsubstantiationis; dum verè & propriè ipsum Christum reputant id, quod ostentat Sacerdos, panem adorant, & cultum latriæ (ut loquuntur) ei exhibent.

Verum 1. Christus sacramentum Cœnæ instituens, ejus adorationem nullo modo præcepit.

2. Apostoli neque doctrinâ, neque praxi suâ, talem adorationem probârunt.

3. Quod externè in illo sacramento conspicitur, & percipitur, non est verè ac propriè ipse Christus; sed panis & vinum usurpantur ip ipsius recordationem, & ad obsignandam communionem corporis ac sanguinis ejus: sic ibi adoratur, quod falso Deus putatur.

4. Ipsi etiam Adversarii Transsubstantiationem suspendunt ex Sacerdotis conficientis intentione: spectatores vero nunquam certi esse possunt de ejus intentione: consequenter ne propria quidem fide Papisticâ certi esse possunt, illum esse Christum verè ac propriè; atque ita adorant quod nesciunt: *Joh. 1v, 22.*

XXVI. In *Crucē* est σταυρολατρεία. Illo autem nomine nunc non solum intelligitur ipsum illud singulare lignum, in quo Christus pependit; sed etiam Crux ex qualicunque materiâ ad illius similitudinem facta, aut quomodocunque repræsentata. *Thomas parte 3. qu. 25. art. 4.* „Illi exhibemus latriæ cultum, „in quo ponimus spem salutis: sed in *Crucē Christi* ponimus spem salutis: cantat enim Ecclesia; O *Crux* ave, „spes unica, Hoc passionis tempore; Auge piis justitiam, „Reisque dona veniam. Ergo *Crux Christi* est adoranda „adoratione latriæ. - Si vero loquamur de effigie *Crucis Christi* in quâcunque aliâ materiâ, puta lapidis, vel ligni, argenti, & auri; sic veneramur *Crucē* tantum ut „*Imaginem Christi*, quam veneramur adoratione latriæ.

Sic

Sic etiam varia effecta supernaturalia ei tribuunt ; ut quod mirificè augeat devotionem ; excitet spem & fiduciam obtinendæ remissionis peccatorum , itemque charitatem ergà Deum , & recordationem omnis virtutis , &c.

Opponimus. 1. Crassissimam esse idololatriam ; cùm cultus religiosus deferatur rei inanimatæ , ne quidem civilis honoris capaci.

2. Nullum planè præceptum , aut exemplum , talis cultus occurrere in SS. Literis.

3. Culpani alias forent Apostoli , quòd non statim ipsam Crucem , in quâ pependerat Christus , asservaverint , fidelibus istud *σέβασμα* commendaverint , &c.

4. Per respectum ad Christum Crux potius in detestatione haberi deberet ; cum ipsi Christo fuerit instrumentum & symbolum execrationis : *Gal. 111, 13.*

Et Crux in passione Christi ne quidem fuit instrumentum activum , sed tantùm passivum : cum active quodammodo se habuerint clavi , lancea , flagella , &c. magis autem milites crucifigentes , aut manûs eorum : potius ergo pictæ & fictæ manûs omnium militum adorari deberent ; magis autem vivæ , imò omnium hominum , & omnes homines.

Obj. 1. Crux Christi in SS. Literis tantoperè celebratur : de eâ gloriabantur Apostoli ; sed ejus hostes erant hæretici & seductores : *1 Cor. 2, 2. Phil. 111, 18. Resp.* Crux istic metonymicè mortem Christi maledictam significat , quam ipse pro nobis subiit , nos ab execratione liberaturus : ut *1 Cor. 2, 2. Phil. 111, 18.* Alibi etiam crux nobis ferenda , metaphorice significat passiones , quæ nobis immittuntur , & quibus nos utcunque materialiter conformamur Christo in suis passionibus : ut *Matth. xvi, 24. Rom. viii, 17.*

Obj. 2. Similitudo , repræsentatio , & respectus ad crucem ; in quâ Christus pependit , & commemoratio passionum ipsius , efficit ut signum Crucis sit religiose colen-

colendum. *Resp.* Ista non possunt fundare cultum religiosum aliorum entium ab uno vero Deo ; & magis inveniuntur in aliis ; quæ tamen ne quidem Pontificii sic colunt.

Obj. 3. Crux præfigurata fuit sub V. T. *Exod.* xii, 22. *Ezech.* ix, 4. *Gen.* xlviii, 14. Ergo, &c. *Resp.* Sanguis agni Paschalis illitus postibus domuum Israëlitarum, *Exod.* xii, 22. & adhibita signatura (Thau) *Ezech.* ix, 4. cum *Ap.* vii, 4. xiv, 1, nequidem fuerunt signa crucis. Quod vero Jacob manibus decussatis benedixerit filiis Josephi, *Gen.* xlviii, 14. factum est specialiter de causâ, quæ ex textu patet ; sine tali mysterio.

Obj. 4. Multa miracula per signum Crucis facta sunt. Ergo. *Resp.* Miracula, quæ jactantur ad stabiliendam istam idololatriam, accenseri debent signis ac prodigiis mendacibus ; de quibus, 2 *Thess.* 2, 9.

XXVII. *Gentiles* olim jactarunt & ostentarunt Reliquias quasdam ; Jovis ; Dianæ, &c. Sic etiam commemorantur alibi *Reliquiæ Sanctorum V. Test.* Sed *Reliquiæ N. T.* jactantur & ostentantur ferè infinitæ ; utpotè ipsius *Christi* ; respectu infantiae, vitæ adultæ, passionis, & exaltationis. Itemque *Reliquiæ Mariæ, Apostolorum, Martyrum*, aliorumque *Sanctorum*. Scilicet quemadmodum olim Scribæ & Pharisei sepulchra Prophetarum ædificabant, & monumenta justorum ornabant ; dum puritatem doctrinæ deseruerant, atque omnia conspurcabant hypocrisi & legis transgressionem ; *Matth.* xxi, 28, 29. similiter Pontificii, dum salutarem veritatem corruperunt, & in SS. Literas, præstantissimas Prophetarum atque Apostolorum Reliquias, multis modis injurii sunt, indicatas modo Reliquias adorant, & religiose colunt, per habitudinem scilicet ad eos, quorum Reliquiæ sunt, sive latruncum, sive dulia.

Nos breviter opponimus hæc *Argumenta* :

- i. Nullum in SS. literis extat præceptum, vel
exem-

exemplum, talis cultûs : atque adeo est ἰδωλοθρησκεία ; Col. 2, 23.

2. Reliquiæ non sunt Deus ; imo ne quidem res animatæ : nequaquam ergo religiose colendæ ; sed valde absurda est ista idololatria.

3. Reliquiarum illarum nulla est certitudo Divina ; & plurimarum ne quidem humana : ergo ex fide Divinâ cultus ille prorsus non procedit : Rom. x, 14, xiv, 23. Joh. iv, 22.

4. Deus ipse corpus Mosis abscondidit ; ne Israëlitæ eo ad idololatriam abuterentur : Deut. xxxiv, 6. Et Paulus disertè, 2 Cor. v, 16. *Nos posthac neminem novimus secundum carnem : quod si etiam novimus Christum secundum carnem, nunc tamen non amplius novimus.* Ea igitur, quæ ad Corpus Christi pertinuissent, vel etiam ad Sanctos qualescunque, nequaquam religiose asseruari & coli debent.

Obj. 1. Moses ossa Josephi ex Ægypto transtulit. Ergo. Resp. Sepelienda scil. in terrâ promissionis : Exod. xiii, 19. quod ad rationem typicam istius terræ, & ad excitandam aliorum fidem, pertinuit ; non ad religiosum cultum istorum ossium.

Obj. 2. Tactis ossibus Elisæi, mortuus quidam revocatus est in vitam ; 2 Reg. xiii, 21. Resp. Non tamen propterea religiose illa coluerunt Israëlitæ ; neque sic colere debuerunt.

Obj. 3. Josias reverenter habuit ossa Prophetæ ; 2 Reg. xxiii, 16, 17, 18. Resp. Ossa veri Prophetæ noluit cum ignominia & maledictione comburi, ut fiebat ossibus idololatrarum. Sed nihil de eorum cultû religioso.

Obj. 4. Mulier sanguinis profluvio laborans, tactâ Christi fimbriâ fuit sanata, &c. Ergo. Resp. Virtus illa ab ipso Christo processit : Luc. viii, 44, 46. Similiter sudaria & semicinctia Pauli deferrebantur ad ægros, tunc ista methodo miraculosè sanandos : Act. xix, 12.

XXIX, 12. Quemadmodum eodem fine ægri ad umbram Petri delati sunt: **v, 15.** Verum indè non magis colligi debet religiosus cultus illius fimbriæ, istorum sudariorum ac semicinctorum, quam hujus umbræ.

Obj. 5. Cadavera Sanctorum contumeliis affici neutiquam debent; sed honestè haberi. **Resp.** Verum etiam hinc cultus eorum religiosus minimè sequitur.

XXVIII. *Imagines* religiosas Pontificii habent, & faciunt, quam plurimas; Dei, etiam S.S. Trinitatis, Christi, nominatim Crucifixi, Mariæ, aliorum Sanctorum, itemque Angelorum: imò religiose etiam colunt. Sic enim *Thomas Aquinas* Summæ parte 3. qu. 25. art. 3. „Dicendum est, quod Imagini Christi, in „quantum est res quædam, puta lignum sculptum, vel „pictum, nulla reverentia exhibetur: quia reveren- „tia non nisi rationali naturæ debetur. Relinquitur „ergo, quòd exhibeatur ei reverentia solum in quan- „tum est Imago: & sic sequitur, quod eadem reveren- „tia exhibeatur Imagini Christi, & ipsi Christo, cum ergo „Christus adoretur adoratione latriæ; consequens „est, quod ejus imago sit adoratione latriæ adoranda. --- „Nos autem adoramus adoratione latriæ Imaginem Chri- „sti, qui est verus Deus: non propter ipsam Imaginem; „sed propter rem, cujus imago est.

Bellarminus paulò aliter, lib. 2. de Imaginibus cap. 21. „Sit igitur hæc prima sententia, sive propositio: *Ima- „gines Christi & Sanctorum venerandæ sunt, non solum per „accidens & improprie; sed etiam per se & proprie; ita ut „ipsæ terminent venerationem, ut in se considerantur, & „non solum ut vicem gerunt exemplaris. Probatur primo, „quia Concilium VII. act. 7. definivit, Imagines Christi „esse venerandas; sed non latriæ: vult igitur esse veneran- „das per se, & proprie, aliquo cultû. - Concilium ibidem „definit, Imagines venerandas eo modo quo venera- „mur Evangelia & sacra vasa; atqui ista honorantur per se „& proprie. - Quarto, In ipsa Imagine verè inest ali-*

„quid sacrum, nimirum similitudo ad rem sacram, &
 „ipsa dedicatio sive consecratio Divino cultui : ergo
 „ipsa in se, non solum ut prototypi vicem gerunt, honore
 „digna sunt. Deinde cap. 23. „Quod imago possit coli
 „improprie eo cultui, quo ipsum exemplar, probatur : nam
 „aliquando Imago accipitur pro ipso exemplari ; &
 „ea, quæ fierent circa ipsum exemplar, si adesset præ-
 „sens, fiunt circa imaginem ; mente tamen defixâ in
 „exemplari, - Quod autem possit Imago adorari adora-
 „tione ipsius exemplaris, proprie quidem, sed per accidens,
 „probatur : &c. Atque iterum cap. 25. „Cultus qui
 „per se, & proprie debetur Imaginibus, est cultus quidam
 „imperfectus, qui analogice & reductively pertinet ad speciem
 „eius cultus, qui debetur exemplari. - Probatur : sicut se
 „habet Imago ad suum exemplar, ita se habet cultus
 „Imaginis ad cultum exemplaris : &c. .

XXIX. Opponimus isti cultui duo priora Argumenta
 th. 37. adversus Λειψάνολατρείαν producta.

Addimus 3. Angeli & Homines, quamvis à Deo
 ad imaginem ipsius conditi, non sunt tamen religiose
 colendi ; multò minùs imagines qualescunque ab ho-
 minibus factæ.

4. Imo severè passim prohibetur & perstringitur
 omnis omnino cultus simulachrorum, tum in V. tum
 in N. Test. Levit. XXVI, 1. Non facietis vobis ido-
 la & sculptilè ; & statuam non erigetis vobis ; neque lapidem
 pictum ponetis in terrâ vestrâ, ut incurvetis vos ei : ego enim
 Jehovah Deus vester. Deut. iv. 16, 26, 27, 28 v. 8, 9. Item
 Rom. I, 23, 25. Mutarunt gloriam incorruptibilis Dei in si-
 mulachrum imaginis corruptibilis hominis ; --- Ut qui veri-
 tatem transmutarint in falsitatem ; & venerati sint & colu-
 erint res conditas ὡς τὸν κτίσαντα, præter Creatorem.
 Absolutè igitur illicita est simulachrorum veneratio :
 neque causam istam juvant distinctiones & extinctio-
 nes, per accidens, improprie, analogice, reductively, nisi for-
 tē, ut Pontificii dicantur saltem idololatræ per acci-
 dens,

dens, improprie, analogicè, & reductive.

Obj. 1. Arca fœderis sub V. T. adorabatur; & imagines Cherubim: Ergo. *Resp.* Arca non debuit adorari; sed Deus tantum, cujus singularem quandam præsentiam illa symbolice significabat. Similiter nec imagines Cherubim adorari debuerunt.

Obj. 2. Item Serpens æneus; tanquam insignis typus Christi: Ergo. *Resp.* Iste etiã non debuit adorari: imò cum ad religiosum ejus cultum prolaberentur Israëlitaë, rectè eum confregit & è medio sustulit Ezechias; 2 Reg. xviii, 4.

Obj. 3. Rex adoratur civiliter; & purpura, aliave insignia, propter Regem: Ergo. *Resp.* Qui Regem adorat civiliter, non adorat propterea quæcunque Regis sunt; utpotè eq̃tum, vestem, umbram: sed & imagines ab hominibus factæ, quæ tales, nullam veram relationem ad Deum habent.

Obj. 4. Psal. xcix, 5. præcipitur veneratio scabelli pedum Dei. *Resp.* Non scabelli; sed ipsius Dei: sic autem monentur homines, se incurvare quasi ad scabellum pedum ipsius. Malè Vulgatus: *Adorate scabellum pedum ejus.*

Obj. 5. Ex reverentiâ majestatis Divinæ, cujus thronus est cœlum, nec falso, nec temerè jurandum est per cœlum: ergo cultus relativus debetur cœlo. *Resp.* Negò consequentiam. Nequaquam inde sequitur, cœlum, vel ullam aliam creaturam, religiose colendam esse.

XXX. Pergo ad *Res Consecratas*. Consecrare, est rem aliquam destinare & applicare ad peculiarem usum sacrum. Sic ergò mutatur status rei: accidit ei sanctitas relativa; & specialis quidam respectus ad Deum, ejusque cultum. Pontificii Benedictionem consecratoriam peragunt certis quibusdam formulis & ritibus, ex potestate scil. atque auctoritate Ecclesiæ. Ejus terminum etiam vocant *Sacramentale*. Hoc vero, secundum ipsos, disponit ad Sacramenta, & ad gratiam:

tiam ; non autem ex opere operato eam confert. Porro tribuunt illi virtutem spirituales , ad remittenda peccata venialia , ad avertendas insidias & insultus Diaboli , ad homines in virtute confirmandos , ad morbos sanandos ; ac tandem , ut rerum spiritualium sit signum mysticum.

In isto genere excellunt *Agni Dei*, *Christus* allegorice *Agnus*, & *Agnus Dei*, appellatur : ut *Iob. I, 29*; *36. 1. Petr. I, 19. Apoc. v, 6, 8, 12, 13, vi, 1, 16, &c.* tum propter qualemcunque similitudinem ; tum propter veritatem sub V. T. præfiguratam *Agno Paschali*, *Agni jugis sacrificii*, &c. Hinc gliscente superstitione pingi & fingi cœperunt *imagines Agnorum*, tanquam signa commemorativa Christi. Postea vero perventum est ad *Agnos cercos* ; qui pro amuletis etiam usurpati : accessit deinde eorum consecutio & consecratio per Papam Romanum.

Argumenta contra idololatriam in rebus consecratis , ex superioribus nullo negotio desumi possunt à quolibet.

Adversarii verò , duabus potissimum hypòthesibus nituntur : 1. Quod sanctitas relativa , & virtus aliqua spiritualis , fundet cultum religiosum. 2. quod consecratio ab hominibus excogitata , citrà Dei Verbum , etiam inferat sanctitatem relativam & virtutem spirituales. Sed falsæ sunt istæ hypotheses. Ad Antiquitatem frustra provocant ; cujus consensum hic non habent. Effecta quidem admiranda Rerum quarundam consecratarum jactant & deprædicant ; sed non probant : neque enim admittendum , sic facta esse : nec ea , quæ forte facta sunt , facta esse à Deo , tanquam approbante & confirmante ista Sacramentalia ; & non potius fraude Diabolicâ , aut à Deo homines probante , vel iusto judicio , in istiusmodi errores tradente , five in iis indurante. Vide *Matth. xxiv, 24. vii, 22, 23. Deut. xlii, 1, 2, 3. 2 Thess. 2, 9, 10, 11.*

XXXI. Superest *quartum caput* Idololatriæ Papi-ricæ in cultû *Entium fictorum*: Divorum scil. chimæricorum ; qui nunquam fuerunt in rerum naturâ ; aut quos fuisse nullâ saltem fide historicâ , ne quidem vulgari humanâ constat : vel etiâ nullo modo constat, eos fuisse sanctos ; sed potius fuisse inimicos & persecutores salutaris veritatis ac veræ sanctitatis, aut hæreticos, aut phantasticè superstitiosos.

In primis occurrit fabula *Ursulae* cum suo femineo comitatu *undecies mille Virginum*;cujus res gestæ conjiciuntur in annum Christi *ccxxxviii*. Sed isti mythologiæ rectè *opponitur*; 1. Quod Scriptores & Historici istius temporis, imo & sequentium aliquot sæculorum, qualescunque , nihil tale commemorent.

2. *Insufficiëntia Testium* : sunt enim aliqui notoriè mendaces; neque ab ipsis Adversariis admittuntur. Ita *Legendam auream* ipsorum nonnulli *ferream* appellant; ejusque Auctorem, *plumbei cordis & ferrei oris*, &c. Qui primi indefinitè talis cujusdam rei gestæ meminerunt, valde remoti fuerunt ab illo tempore ; longius autem qui mythologiam descripserunt ; neque inter se consentiunt, nec sibi ipsis fidunt.

3. *Testimonia, judicia, & argumenta contraria*, quorundam Adversariorum.

4. Quod historia nullo modo cum tempore conciliari possit ; neque cum circumstantiis locorum, regionum, &c. unde etiam alii aliam deinde chronologiam & topographiam commenti sunt ; neque cum descriptione rerum, personarum, factorum, &c.

Ejusdem farinae est fabula *Trium Regum*, eorumque cultus in Papatû ; atque item *Catharinae, Christophori, Georgii, Longini, Martialis, Petronellæ, Veronicæ, Margaretae, Hippolyti, Septem dormientium*, &c.

Affinis existit invocatio Rerum quarundam inanimatarum ; ac si ratione, sanctitate, beatitudine, & facultate hominibus succurrendi, gauderent; utpote A-

ve sanctum Chrisma; Sancte sudari, ora pro nobis; Sanctissima Dei mappa, ora pro nobis, &c.

Adde Sanctos non-sanctos; sed hæreticos; aut idololatrias, aut improbos, aut fatuos, &c. itemque Exsanctos; ex Sanctorum catalogo, in quo prius comparuerunt, & honorati fuerunt, postea expunctos.

Multis igitur modis Pontificii serviunt iis, qui non sunt naturâ Dii; Gal. IV, 8. colunt res conditas, præter Creatorem, qui est benedictus in sæcula; Rom. I, 25. & idola, quæ nihil sunt in mundo; I Cor. VIII, 4. Neque quicquam eos juvat distinctio inter λατρείαν, & δαλείαν; quasi illa soli Deo esset propria; hæc creaturis foret communis: quibus aliquando addunt ὑπερδαλείαν, B. Virgini Mariæ tribuendam, vel etiam humanæ naturæ Christi, &c. Ista enim distinctio neque ex SS. Literis, neque ex probatis auctoribus, confirmari potest: sed ad palliandam multiplicem ipsorum idololatriam temere excogitata & assumpta est. Alium usum verbi λατρεύω vide in Versione Græcâ, Deut. XXVIII, 48. & Levit. XXII, 7. nec non verbi δαλεύω, Gal. IV, 8. &c.

XXXII. Quoniam Neo-Sadducæi, Libertini aut Semi-Libertini quidam, omnem Magiam aliquando negare audent: omniaque ejus effecta, vel ad causas naturales, vel ad agendi celeritatem, vel ad deliria melancholica, &c. referre conantur; hæc argumenta illis opponimus:

1. S. Scriptura peccatis gravissimis accenset Magiam; severe eam prohibet, ac puniendam decernit: Exod. XXI, 18. Levit. XIX, 31. XX, 27. Deut. XVIII, 10, 11, 12, 1. Sam. XV, 23. XXVIII, 9. 2 Reg. XXIII, 24. 2 Chron. XXIII, 6. Jesh. VIII, 19. XLVII, 9, 12, 13. Jerem. XXVII, 9. Mich. V, 11. Aët. XIII, 6, 10. Gal. V, 19, 20. Apoc. XXI, 8. quod certe non faceret, si nulla talis in rerum naturâ daretur.

2. Commemorat exempla Magorum; Exod. VII, 11, &c. VIII, 7, 18. Num. XXI, 5, &c. XXIII, 23.

1 San

1 Sam. XXVIII, 7, &c. 1 Chron. x, 13, 14. Dan. II, 2. Aft. viii, 9. &c. xiii, 6, &c. xvi, 16. xix, 13.

3. Consequenter etiam utitur variis modis loquendi, & sententiis, quibus ista veritas subternitur: Psal. LVIII, 5. Eccl. x, 11, Jer. viii, 17. Gal. iiii, 7.

4. Accedit multiplex experientia, quæ neque ad causas naturales, neque ad ipsum Deum, aut ad Angelos bonos, referri potest: unde relinquitur, eam ad artem hanc nefariam ac Diabolicam referri debere. Huc pertinet consensus multorum Conciliorum, Patrum, Theologorum, Jureconsultorum, Medicorum, Philosophorum, Historicorum, &c.

Obj. 1. Multa dicta & confecta sunt de Magis, quæ tamen probata nunquam fuerunt, neque probari potuerunt; multa ad causas naturales revocari possunt, vel ad deliria melancholica, aut delusiones Satanae, &c. Resp. Id nullo modo probat, nullam unquam in rerum naturâ extitisse, vel etiamnum existere, veram Magiam.

Obj. 2. Impossibile videtur pactum aliquod Magicum iniri cum Diabolo. Resp. Neg. satis enim patet, Diabolum liberaliter multa posse promittere; (vide Matth. iv, 9. Gen. iii, 5.) atque etiam nonnulla præstare, Deo permittente: consequenter neque absurdum est, ut hominibus assensum illi præbentibus pactum ejusmodi contrahatur.

XXXIII. *Queritur*, An Papatui verè impingi possit Magia? Resp. Aff. Nam 1. publicâ auctoritate & lege istuc exercetur ac traditur saltem Māgia indirecta: quod apparet ex arte exorcisticâ, variisque verborum formulis, cerimoniis, ac sacramentalibus; dùm iis efficaciz tribuitur, quam tamen nec per naturam habent, neque per supernaturalem Dei promissionem aut constitutionem.

2. Multa istuc acta & scripta sunt Magica, sine publicâ censurâ & coërcitione.

XXXIV.

XXXIV. *Quæritur* etiam, an omnis ignorantia sit inculcata? Neg. non solum de ignorantia pravæ dispositionis, sed & privativâ eorum, quæ Deus ad benè beatèque vivendum revelavit: atque hoc contra Pontificios probamus:

1. A Sapientiæ & scientiæ encomiis & commendatione, ignorantia vituperio ac reprehensione, passim obviis. Deut. xxxii, 28, 29. *Gens periciens consiliis sunt; - Si sapientes essent, intelligerent novissimum suum.* 1 Reg. ix, 29, - 34. *Dedit autem Deus sapientiam Salomoni, & intelligentiam multam valdè, &c.* Prov. 8, 1, - 11. *Nonne Sapiencia clamat, - Intelligite simplices astutiam; & stolidi, intelligite corde, &c.* Col. iii. 16. *Sermo Christi inhabitet in vobis copiosè cum omni sapientiâ.* Eph. v, 15, 16, 17. *Videte igitur, quomodo accuratè ambuletis; non ut insipientes, sed ut sapientes: &c.*

2. A præstantiâ cognitionis rerum Divinarum; ubi objecta sunt nobilissima, omnique studio & contemplatione dignissima; ipse Deus Opt. Max. & ea quæ ad Deum, ad ipsius gloriam, nostramque æternam beatitudinem pertinent.

3. A necessitate; cum nec fides; nec pietas, neque salus, absque eâ possint consistere: quin & ipsa Divina revelatio hominem statim obliget ad agnitionem & contemplationem istarum veritatum, quas eo fine Deus revelavit. Rom. x, 13, 14. *Quisquis igitur invoverit nomen Domini, servabitur. Quomodo igitur invocabunt eum, in quem non crediderint? quomodo autem credent ei, de quo non audierint -* 1 Ioh. v, 10. *Qui non credit Deo, mendacem eum fecit; quia non credidit testimonio, quod testificatus est Deus de Filio suo.*

4. A conditione subjectorum: omnes enim homines naturâ scire desiderant: qui certè appetitus à primâ hominis ad imaginem Dei creatione reliquus est; Imò per animam rationalem homines sumus: ratiocinari ergò, atque ita cognitionem variarum rerum, in-

primis ad salutem Divinitus revelatarum, quærere, hominis naturæ maximè consentaneum; hanc verò negligere, ei adversum est, & maximè damnosum. *Act. xvii, 27, 28. Ut quærerent Dominum, si fortè palpando eum invenirent: &c. 1 Cor. i, 21, - placuit Deo per stultitiam prædicationis servare credentes.*

XXXV. Speciatim verò malum turpe, sive peccatum, censeretur ignorantia veritatum à Deo revelatarum, & ad salutem consequendam necessariorum: in iis scilicet qui eas audiverunt: *1 Joh. v, 10.* ac porro omnis ignorantia, tum juris, tum facti, in iis, quæ omnes homines communiter ad honestè ac piè vivendum, & peculiariter singuli pro ratione statûs sui Oeconomici, Politici, Ecclesiastici, Scholastici, &c. scire tenentur. *Psal. lxxxii, 5. Nihil nòrunt, nec intelligunt, in tenebris ambulant: nutant omnia fundamenta terræ.* Et manifesta est ratio à necessitate mediæ ad finem. Maxime autem peccaminosa est istiusmodi ignorantia contraria, tum etià affectata, ex malitiâ, vel ex supina negligentia. *Ioh. xii, 19. Hæc autem est condemnatio, quod lux venit in mundum: sed dilexerunt homines potius tenebras, quam lucem: quia sunt eorum mala opera.* Imo neque prorsus excusari potest talium veritatum ignorantia invincibilis, quæ partem facit peccati originalis inhærentis: quoniam ea vincibilis tamen, & voluntaria, est in causâ. Quæ vincibilis est causæ proximæ, nec tamen affectata, excusat quidem in tantum (ut loquuntur), non vero in totum.

Hinc *1. 1 Tim. i, 13. Prius eram blasphemus, & persecutor, & injuriis alios afficiens; sed misericordia sum donatus. Nam ignorans id faciebam, fidei expers. Vere igitur in iis etià peccavit. Et Christus aperte, Luc. xii, 47, 48. Qui non novit, & fecit digna plagis, cædetur plagis paucis. Porro cuicumque multum datum fuerit, multum repetetur ab eo: &c.*

2. Specialius de ignorantia Gentilium, qui Luce

Luange,

Euangelicâ, imo & instructione Verbi, erant destituti; *Act. XIV, 15, 16. Ut à vanis istis rebus convertatis vos ad Deum illum vivum; qui fecit cœlum, &c. Quique præteritis ætatibus fuit omnes Gentes suis ipsarum viis incedere. Rom. I, 21, - 25. Vani facti sunt in ratiocinationibus suis, & obtenebratum est desipiens cor eorum. Quamobrem etiam tradidit eos Deus cupiditatibus cordium ipsorum, &c. Eph. IV, 17, 18, 19. Ne vos amplius ambuletis, sicut reliquæ Gentes ambulant, in vanitate mentis suæ: Tenebris obscuratam mentem habentes, &c. 1 Thes. IV, 5. Non in morbo cupiditatis: sicut Gentes, quæ non noverunt Deum.*

3. Similiter de seductis: *Matth. XV, 14. Quod si cæcus cæco dux viæ fuerit, ambo in foveam cadent. 2 Thess. 2, 10, 11, 12. Propterea quod amorem veritatis non receperunt; ut salvi fiant. Ideo igitur mittet illis Deus efficaciam erroris, ut ipsi credant mendacio; ut damnentur omnes, qui non crediderint veritati. Adde 2 Petr 2, 1, 2. Judæ, 10, 13.*

4. Propterea cognitionis studium tam serio in SS. Literis urgeri solet, *Phil. I, 9, 10. Hoc oro; ut charitas vestra adhuc magis ac magis exundet in cognitione & omni sensu: Ut exploretis quæ discrepant, &c. 2 Petr. I, 5, 6, 9. Ad hoc ipsum vero vos omni præterea collato studio, adjecte fidei vestræ virtutem, virtuti vero notitiam; &c.*

Obj. 1. *Joh. IX, 41. Si cæci essetis, non haberetis peccatum: ergo ignorantia excusat à peccato. Resp. Dictum istud Christi non debet absolutè intelligi, quasi nullum prorsus habituri fuissent peccatum: sed comparatè de tali ac tanto peccato. Similiter accipiendum est illud, Joh. XV, 24. Si opera non fecissem inter eos, quæ nemo alius fecit, peccatum non haberent.*

Obj. 2. Cognitionis, eique opposita ignorantia, pertinet ad intellectum: ac proinde non habet rationem bonitatis, vel malitiæ moralis; quia omne peccatum debet esse liberum; libertas vero est voluntatis, &c. *Resp. Libertas quidem formaliter est voluntatis; sed & intellectus non existit sine voluntate; imo, qui co-*

gnitioni studet, libere ei studet; qui eam stulte contemnit, aut negligit supine, libere eam contemnit, vel negligit. Ita ignorantiae etiam competit malitia moralis.

XXXVI. *Quer.* An sola *hæresis*, absque aliis peccatis contra charitatem Dei & proximi, possit hominem subicere æternæ damnationi? *Resp.* Cum nemo fidelis in hac vitâ prorsus immunis esse possit ab omnibus peccatis, contra charitatem Dei & proximi; multo minùs, putandum est, hæreticum aliquem perfectè sanctum esse, exceptâ solâ hæresi mentali. Interim ipsa hæresis per se etiam verè peccatum est; atque adeò commune peccati stipendium quoque demeretur: quod contra *Remonstrantes*, observandum.

Hinc 1. inter opera carnis, quæ hominem ab hæreditate Regni Dei excludunt, enumerantur hæreses; *Gal. v. 19, 20, 21.*

2. Diserte *hæreses exitiales* appellantur, 2 *Petr. II, 1.* & *exitia* tribuuntur hæreticis; non solum seducentibus, sed etiam seductis, v. 2. Minimè vere prior *Petri* sententia accipienda est discretive, quasi hæreses exitiales ab aliis hæresibus salutaribus distingueret; non magis quam 1 *Petr. IV, 3. nefarii simulachrorum cultus* ab aliis licitis simulachrorum cultibus discernuntur.

3. Aperte damnatio illis denunciatur, 1 *Tim. I, 19, 20.* 2 *Tim. II, 17, 18, 20.* *Rom. III, 8.*

4. Cum ignorantia veri Dei hominem justæ damnationi Divinæ subiciat; 2 *Thess. I, 8.* & cæcus cæcum ducem sequens, pariter cadat in foveam; *Matth. xv, 14.* quomodo hæresis censebitur innoxia; quæ ipsi fidei, sapientiæ salutaris, cultui Divino, & novæ creaturæ tam directe adversatur?

XXXVII. *Quer.* An hæretici, ut sic, extremo supplicio per Magistratum afficiendi sint? *Resp.* Neg. Quia non subest in simplici hæresi causa sufficiens in ordine ad Politiam, cur talis ac tanta pœna illis infligenda

genda esset : non magis quam in animi profanitate ,
superbiâ , odio , avaritiâ , &c. Atque hoc , ut contra
Pontificios , eorumque inquisitionem , & sanguinaria
edicta , vivicomburia , &c. asserimus : sic eâdem ope-
râ Remonstrantes , Libertinos , & similes refellimus ; qui
nostræ Theologiæ hæreticidum impingunt , Fatemur
interim , si ad hæresin accedant blasphemiae contra
Deum , seductiones aliorum ad idololatriam vel erro-
res exitiales , tranquillitatis publicæ turbatio insignis ,
nec per mitiora coërceri potuerint , Magistratum Po-
liticum tandem etiam ad capitale supplicium progredi
posse : tanquam gloriæ Divinæ vindicem , & utrius-
que tabulae Legis custodem : Deut. xvii , 19. xiii , 5.
Rom. xiii , 4. i Tim. ii , 2.

Obj. Matth. xiii , 29 , 30. *Ne colligendo zizania ,
eradicetis simul cum eis triticum. Sinite utraque simul cre-
scere usque ad messem ; &c.* Resp. Fatemur ante diem
extremi iudicii non posse omnia omnino scandala ex
Ecclesia instituta tolli per separationem & ejectionem :
hoc tamen non obstat , quô minùs Ecclesiastica
disciplina in scandalis satis manifestis exerceatur , sine
periculo eradicandi tritici. Similiter etiam Magi-
stratus Politicus , ut alios facinorosos certe punire po-
test ; sic tales quoque pro re nata : neque magis quam
illis , patrocinator sententia illa parabolica hæreticis
blasphemis , seductoribus , & turbatoribus.

XXXVIII. Odium adversus Deum sæpe memora-
tur in SS. Literis : utpote Exod. xx , 5 , in tertiam &
quartam generationem eorum qui oderunt me. Num. x ,
35. Dispergantur inimici tui ; & fugiant odio habentes te , a
facie tuâ ! Joh. xv , 18 , 24 , 25. Rom. i , 30. Dei osiores , cum
viii , 7. Quoniam quod sapit caro , inimicitia est adversus
Deum : Legi enim Dei non subicitur : nam ne potest qui-
dem. Et juxta postremum illum textum , aliosque paral-
lelos recte Catechesis nostra , qu. 5. Naturâ propensus
sum

sum ad odium Dei & proximi Idque observandum contra Libertinos & Remonstrantes.

Obj. Deus non potest odio haberi ab homine; cum sit, ipsum summum bonum. *Resp.* Isto argumento probatur quidem, Deum non debere odio haberi; sed debere amari: non verò Deum non posse odio haberi. Impii certe Deum non considerant, ut summum bonum, vel saltem non ut ipsis summum bonum: sed ut adversarium istarum voluptatum, aliorumque peccatorum, quibus ipsi unice delectantur; & ut justum iudicem, ipsis malum, dum pro malis turpibus iis retribuit mala tristitia: de quo *Psal. xviii, 27.* *Cum mundo mundus eris, & cum perverso perverse agis.* Adde *v, 5, 6, 7.* Dum verò sic Deus obversatur menti & conscientiae ipsorum: nihil mirum est illos Deo adversari, cum odisse, horrescere, blasphemare.

XXXIX. *Falsa gratiarum actio est, quæ pro gratiarum actione habetur, vel obtruditur: neque est tamen: utpote apud Pontificios Salutatio Angelica, de quâ Job. Chapeaville in Elucidatione Catechismi Romani, part. 4. qu. 6. concl. 3. „Inter omnes gratiarum „actiones facile primum locum tenet Angelica salutatio, „Luc. 1. Ave Maria gratiâ plena, Dominus tecum, benedi- „dicte tu in mulieribus. Illis enim verbis, secundum com- „munem Patrum expositionem, Deum summis & „habendis laudibus, & gratiis agendis celebramus, „quod Sanctissimam Virginem omni cœlestium do- „norum munere cumulavit; ipsique Virgini singula- „rem illam gratulamur felicitatem. &c. Sed 1. cum ipsi salutationem recte appellent, sicut etiam diserte appellatur Luc. 1, 29. & quidem sit salutatio Angeli ad Mariam; falso & absurde habetur pro gratiarum actione erga Deum. Salutatio enim est exoptatio salutis ad hominem; atq; adeo species quædam precationis, qua salutem & prosperitatem à Deo precamur homini, quem salutamus.*

2. In eâ non dirigitur sermo ad Deum, quod fieri deberet in gratiarum actione erga Deum: sed ad ipsam Mariam.

3. Maria in cœlis modo triumphans, tali prosperitatis appreciatione prorsus non eget, imo ea in ipsam injuria est.

4. Qualiscunque illa Mariæ invocatio est idololatrica. Vide sup. th. 21, 22.

XL. Non *orandum* pro mortuis: piæ enim defuncti, beati cœlites, intercessione nostra non egent: neque in tali statu sunt, ut sic vel mala ab ipsis averti, vel bona iis per nos impetrari possint, aut debeant: unde nec exemplum ullum talis intercessionis comparet in SS. Literis: contra Pontificios.

Obj. 2 Maccab. xii, 44, 46. Nisi enim eos, qui ceciderant, resurrecturos Iudas speraret, superfluum videretur & vanum, orare pro mortuis. - Sancta ergo & salubris est cogitatio pro defunctis orare, ut à peccatis solvantur. Resp. 1. Apocryphus est iste locus, ac prorsus invalidus probare aliquid ad fidem moresque vivendi pertinens. 2. Conceptæ fuerunt preces, & oblata sacrificia, secundum istam œconomiam; ne ira Dei ulterius exardesceret, pluresve anathematis causa consumeret. Confer Deut. xxi, 7, 8. cum vii, 25, 26. & Jos. vii, 11, 12. Neque enim pro mortuis ulla fuerunt instituta sacrificia. 3. Auctor istius libri ad defunctos retulit, errore judicii; dum scripsit non ut oportuit, sed ut potuit, rerum sacrarum non satis peritus, vinumque affuso liquore noxio vitians. Vide 2 Maccab. xv, 39, 40.

XLI. Errant Brownistæ, dum contendunt: orationem Dominicam regulam solum esse, à Christo nobis eo fine traditam, ut indicet, quæ, & quo ordine, petenda à Deo sint; non ut pro precatione ipsa usurpetur, vel precationis sit formula. Sed minimè ista pugnant, regulam esse & exemplar ad quod precationes nostræ faciendæ sint; ut oremus quemadmodum oportet;

oportet ; atque interim esse etiam precationem. Errant nihilominus & Pontificii , in alterum extremum abeuntes , atque omnibus ferè occasionibus adhibentes eandem illam formulam : aut aliquoties eam per sphaerulas suas precatorias ; cum salutatione Angelicâ , superstitiose annumerantes. Quemadmodum neque putandum est , non constare aliam precationem sine illâ : vel omnibus precationibus illam necessario adjugendam. Aliam esse mentem Servatoris , ex ipsis , ut & Apostolorum , aliorumque sanctorum praxi , quoties eorum precationes commemorantur , manifestissimum est.

XLII. In exordio Precationis Dominicæ Patrem appellantes ; & quidem nostrum , Deum sic invocamus , ut paternam ejus bonitatem simul confiteamur. Muhammedani istam Dei appellationem nimis superbam ; & blasphemiae affinem , reputant perperam : at verò sic 1. precatio nostra plurimum distat à precibus quilibetque infidelium , qui verum illum Deum vel prorsus ignorant , vel saltem ut Patrem suum in Filio & Spiritu S. invocare non possunt : Gal. iv, 7, 8, 9.

2. Filialis amor ac reverentia in animis nostris excitatur : Mal. i. 6. 1 Pet. i, 17.

3. Fiducia accenditur , etiam de precatione exaudienda : Rom. viii, 15, 16, 17, 26, 27. Matth. vii, 11.

Malè iidem culpant petitionem secundam ; Veniat Regnum tuum ! quia Deus ubique sit , suâque providentiâ nunc & semper omnia gubernet : istud enim hîc præsupponimus : sed pro salutari ædificatione nostri , & Ecclesiæ universæ , atque in cœlestem & consummatam beatitudinem ac gloriam translatione , supplicamus.

XLIII. Quarta petitione pro hac temporali vitâ , ejusque incolumitate & conservatione , ac rebus ei necessariis , precamur quoque : nam & ipsi huic vitæ suam constat pretium , Eccl. ix, 4. Cuicumque consociato cum

omnibus

omnibus viventibus, est spes: nam canis vivus est melior leone mortuo. Propterea sedulo debet observari: Eph. 5, 16. Redimentes opportunitatem, quoniam dies mali sunt. Hoc tempus in futuram æternitatem influit; & prout benè malève transactum fuerit, talis erit hominis in æternitate conditio. Hic vita vel acquiritur, vel amittitur. Eccl. XI, 3. 2 Cor. V, 10. Rom. 2, 4, 5, 6. Gal. VI, 10. 1 Pet. 1, 17. Nunc tempus est, quo Deum animo simul & corpore, cum Ecclesiâ militante, & ad hujus ædificationem, sic glorificare debemus & possumus, quemadmodum nobis incumbit. In morte ista eo fine ac modo fieri non possunt. Ps. VI, 6. Quoniam non est in morte memoria Tui: in sepulchro quis confitebitur Tibi? Confer xxx, 10. lxxxviii, 12. cxv, 17. Ies. xxxviii, 18. Unde etiam Ps. cxviii, 17. Non moriar; sed vivam: & narrabo opera Fæh. Paulus quidem statum spirituum consummatorum spectans, mortem sibi pro lucro reputavit, & cum Christo esse desideravit, quod hoc sibi foret melius; Phil. 1, 21, 23. verum considerans, quid in hac vitâ, apud Ecclesiam militantem agere Posset, subjecit vers. 24, 25. Sed permanere in carne, magis necessarium est propter vos. Et hoc confisus, novi me mansurum esse, & permansurum cum vobis omnibus, ad vestrum profectum & gaudium fidei. Ideo Deus quoque promissiones hujus vitæ piis fecit: 1 Tim. IV, 8. Eph. VI, 2, 3. Rom. IV, 13. Exod. XX, 12. Levit. XXVI, 4, - 11. Deut. XXVIII, 13, - 14. Et similis est precatio Aguris. Prov. 30, 8. Paupertatem & divitias ne dederis mihi: ale me cibo qui convenit mihi. Itemque votum Jacobi, Gen. XXVIII, 20, 21. Si fuerit Deus mecum; - dederitque mihi panem ad vescendum, & vestimentum ad induendum; Reversus quoque fuero in pace ad domum patris mei; erit Jehovah mihi in Deum.

Obj. I. Neccsaria ad hanc vitam & ejus vires petere, est βατολογία & πολυλογία illa Gentilium, quam Christus damnavit; Matth. VI, 7. Resp. Neg. Istud enim peccatum

peccatum non est in re, quæ petitur, sed in modo orandi: dùm precationis valor constituitur in prolixitate, & frequenti atque inani ejusdem sermonis repetitione. Confer 1 Reg. xvi 11, 82. *Jes.* 1, 15,

Obj. 2. Christus eodem capite *vers.* 25, prohibuit, ne solliciti simus animæ, id est vitæ nostræ, quid manducemus; & corpori nostro, quid induamus; tum etiã de crastino, *vers.* 34. Ergo. *Resp.* Non tamen omnem vitæ curam prohibuit; quæ alibi disertè præcipitur; ut *Eph.* iv, 28. v, 29. 2 *Thess.* 111, 8, - 12. 1 *Tim.* v, 8. sed sollicitudinem nimis anxiam, cum desidentia erga Deum, & dispendio rerum spiritualium, conjunctam,

Obj. 3. Promisit item *vers.* 33. quærentibus primo regnum Dei & justitiam ejus, ista omnia esse adjicienda: Ergo. *Resp.* Non tamen promisit adjicienda, sine omni nostro labore, curâ, oratione: nedùm prohibuerit quærere & precari temporalem necessitatem, post ea quæ spectant ad regnum Dei & justitiam ejus.

Obj. 4. Precibus nostris ea petimus, quæ in nostra potestate non sunt: Ergo non rectè alimenta. *Resp.* Ubi nos laboramus nostro modo, benedictione Divina prorsus indigemus, ut rem faciamus; atque istam benedictionem rectè precamur: *Psal.* cxxvii, 1, 2. *Si Jehovah non ædificet domum, frustra laborant ædificantes eam: Si Jehovah non custodiat civitatem, frustra vigilat custos. Frustrâ vobis est maturantibus surgere, tardantibus sedere, edentibus panem dolorum, &c.* Nihil igitur ex arte nobis dabimus, nisi Deus artem, & victum ad artem dederit: imo & ex victû virium conservationem ac restaurationem à Deo dari necesse est. Pro omnibus istis acceptis Deo agenda sunt gratæ. *Deut.* viii, 10. *Rom.* xiv, 6. 1 *Tim.* iv, 3, 4. atque adeo pro accipientis preces quoque dicendæ.

XLI V. Eorum, qui aliter interpretantur; alii de pane Eucharistico exponunt; alii panem Verbi Divini, vel ipsum Christum, intelligunt. Sed Eucharistia

tunc nondùm nota, aut instituta fuit; panem verò prorsus ignotum petere, Christus nequaquam docuit. Obscurius quoque fuisset, si panem Verbi Divini, vel seipsum intellectum voluisset Christus τὸν ἄρτον ἡμῶν τὸν ἐπίσσιον appellando; nec ulla voce addita, undè ista metaphora posset intelligi: inrò & restrictio σήμερον, *Matth. vi. 11.* ei adversatur. Rectius Discipuli, cum de pāne spirituali, ipso Christo, ageretur, *Joh. vi. 34.* Domine, da nobis semper panem istum!

Non nemo τὸν ἐπίσσιον venturum interpretatur, ac si esset τὸν ἐπὶέντα; quī scil. ultimo tempore venturus est, in die judicii: ut intelligatur ipse Christus, panis noster, qui tunc venturus est, ut cum eo & in eo resurgamus, virtute corporis ipsius, quod hic in Eucharistiā sumimus: sed ista tunc fuerunt obscuriora, quam ut sic Discipulis proponi debuerint, neque pro tam brevi formulā satis distincta à petitione, *Veniat regnum tuum!* Et quid tum sibi vult restrictio σήμερον, vel καθ' ἡμέραν?

Neque istam expositionem probat, quod dicitur Evangelium à *Matthæo* scriptum Hebraicè, non Græcè; ejus authenticum exemplar servatum fuisse apud Nazaræos & Ebionitas; atque in eo *Hieronymum* legisse, כֶּן כֶּן: istæ enim hypotheses à vero alienæ sunt; nec evincunt id quod intenditur.

XLV. Remissio, quæ nobis tribuitur petitione quintâ, iracundiæ & vindictæ privatæ adversatur; non autem justitiæ punitivæ publicæ. Respectus verò, quem nostra remissio habet ad Divinam, r. non dicit utriusque paritatem; sed qualemcunque similitudinem analogicam: omnis enim actio Divina infinite perfectior est actione nostra: & remissio Dei est remissio propriè dicta, & quidem Rectoris absolutè supremi, quæ non fit nisi intercedente satisfactione; nostra verò est impropriè dicta, privatorum utcunque læsorum, quæ satisfactionem minimè requirit.

2. Remissio nostra non est causa antecedens procatactica remissionis Divinæ; sed effectus ex ea consequens: fides enim salvifica statim in nobis ponit justificationem; atque in eâ Divinam remissionem erga nos terminatam; deinde charitatem erga Deum & proximum imperat; ex hac resultat nostra remissio erga proximum nostrum. *Luc. VII, 47, 48, 50. Dico tibi, remissa esse multa illa peccata ipsius; nam dilexit multum: cui autem paulum remittitur, paululum diligit. Dixit autem ei, Remissa sunt tibi peccata. - Fides tua te servavit. Col. III, 13. Sufferentes alii alios, & condonantes vobis mutuo, si quis adversus aliquem habuerit querelam: sicut & Christus condonavit vobis, ita & vos. Sic nostra remissio erga proximum, sequitur remissionem Christi erga nos; & conformatur utcumque ad istud exemplar gratiæ ac misericordiæ nobis factæ. Non est igitur, quod Muhammedani istam petitionem carpant, tanquam injuriâ Divinæ Majestati; cui nos regulam aliquam ex facto nostro vellemus præscribere.*

3. Justificatio, & sic remissio peccatorum nostrorum, simul & semel peragitur, cum primum credere incipimus fide salvificâ; sed ejus applicatio perceptibilis & consolatoria super peccatis identidem commissis, atque adeo ejus sensus in conscientia nostra, quoties praxin fidei ac resipiscentiæ super peccatis illis iteramus, atque ita Deum precamur, iteratur sæpissimè; simulque fit executio quædam istius sententiæ, quatenus actû etiam liberamur ab afflictionibus, quæ istorum peccatorum causâ nobis vel immitti cœperunt, vel immittendæ alioqui fuissent. Ista sententiæ judicialis modò latæ applicatio ad sensum conscientiæ nostræ, ejusdemquæ executio liberatoria à quibusdam afflictionibus, sequitur quidem actum charitatis & remissionis nostræ erga proximum: sed actus ille noster nullo modo est antecedens causa procatactica justificationis, aut remissionis Divinæ erga nos: cujus

non

non est alia istiusmodi causa; nisi iustitia Christi pro nobis præstita, quæ satisfactionem & meritum ipsius complectitur; fides verò instrumenti rationem habet ad accipiendam unionem & communionem cum Christo, qui nobis factus est iustitia à Deo. Imo nec ulla alia opera nostra verè bona, quocunque modo præcedunt justificationem ac remissionem Divinam ergà nos; cum fide posteriora sint, & successivè fiant; justificatione verò; utpotè actus judicialis, relativam dumtaxat mutationem nostri inferens, in momento peragatur. Malè igitur; post Pontificios & Socinianos, etiam Remonstrantes, ex hac petitione, aliisque similibus locis, colligunt, bona opera ad justificationem consequendam necessaria esse, necessitate si non efficientiæ, saltem præsentiae: imò istiusmodi locutiones, *Nisi remiseritis hominibus offensas ipsorum, Pater etiam vester non remittet vobis offensas vestras*, volunt, manifestam conditionem in se continere, quæ conditio, ut causa sine quâ non, efficientiam aliquam necessario in conceptu suo involvat. Fatemur quidem, juxta *Matth. vi, 15, xviii, 35*, alicujus non-remittere, tanquam peccatum omissionis, causam esse cur ipse puniatur sine remissione; sed non contra sequitur, nostrum remittere esse antecedentem causam justificationis nostræ coram Deo.

XLV. Dôxologia, *Quia tuum est regnum, & potentia & gloria in sæcula*, exstat *Matth. vi, 13*. in exemplaribus Græcis vetustissimis & probatissimis; atque in Versionibus Syriacâ, Persicâ, Æthiopicâ: & consentanea est similibus dôxologiis, *Apoc. iv, 11, v, 12, 13. 14*. Nec rejicienda est, aut omittenda, 1. quod eam non habeat Vulgata vers. Latina: quæ nihil derogat editioni authenticæ.

Neque 2. quod Lucas eam non expresse- rit: sæpius enim accidit, ut quod in uno Scriptore sacro prætermis- sum, vel admodum breviter propositum est, id ex alio debeat suppleri;

Neque, auctoritas Ecclesiæ Romanæ urgeri debet adversus editionem authenticam; & Ecclesiam Græcam quæ istam sequitur.

XLVI. Precibus aliquando adjungitur *Jejunium*; spontanea ac pia abstinencia à cibo & potu, ad tempus suscepta, ut ista ratione indignitatem nostram humiles coram Deo declaremus, lascivientem carnem magis subigamus, & ad preces aliaque religionis exercitia melius comparemur, Vide 1 Sam. VII, 6: 2, 111, 35. XII, 16. Joël. 2, 15. Jon, 111, 7. Matth. VI, 16, 17, 18. Luc. 2, 37. Act. XII, 3. XIV, 23. 1 Cor. VII, 5. 1X, 25. 26, 27. Sed perperam à Pontificiis constituitur in discrimine ciborum; quod vere superstitiosum est, & SS. Literis contrarium. 1 Cor. X, 25, 26. *Quicquid in macello venditur, edit: nihil discriminantes propter conscientiam. Domini enim est terra & plenitudo ejus.* Col. 2, 16, 17. *Ne quis igitur vos damnet ob cibum, vel potum, &c.* 20.-23. *Quid, ut viventes in mundo, placitis adstringimini: Ne esitatis, neq; tetigeris? Quæ omnia sunt comparata ipso usu ad corruptionem.* 1 Tim. IV, 3, 4, 5. apostatis, ac deceptoribus, qui doctrinas Dæmoniorum sectantur, tribuitur, quod jubeant abstinere à cibis, quos Deus condidit, ad participandum cum gratiarum actione, fidelibus, & iis qui norunt veritatem. Nam quicquid condidit Deus, bonum est; nec quicquam rejiciendum est, si cū gratiarum actione sumatur. Sanctificatur enim per verbum Dei, & preces. Vide etiam Rom. XIV. 3, 4, 6, 14, 17, 20. Tit. 1, 15. Matth. XV, 11.

Ex quibus colligi possunt ista argumenta. 1. Discrimen ciborum, quod sub V. T. obtinuit per ipsius Dei Legem ceremonialem, jam sub N. T. est abrogatum; atque adeo libertati Christianæ contrarium. Multo minus arbitratū humano nunc aliud discrimen ei surrogandum est.

2. Deus omnium ciborum, quos condidit, fidelibus suis jam sub N. T. liberum usum ordinavit; sed cum sanctificatione & gratiarum actione conjunctum. Con-

traria igitur prohibitio huic Divinæ ordinationi, & sanctificationi, adversatur.

3. Quæ idolis erant immolata, si in macello venderentur, liberâ conscientia potuerunt comedi, propter illam ordinationem Dei, qui est omnium Dominus. Multo minus circa quolibet carnes conscientia debent gravari, aut ligari.

4. Contraria sententia nititur tantum placitis hominum, gratiam Novi Testamenti ignorantium, vel ei adversantium; ipso usu comparata est ad corruptionem, inanem duntaxat speciem sapientiæ & humilitatis habet; est apostatarum, ac deceptorum, qui doctrinas dæmoniorum sectantur, & hypocritarum falso loquorum, quorum conscientia cauterio resecta est: ac proinde ea non debet tolerari in Ecclesiâ Christianâ.

XLVII. *Obj.* In V. T. piè observata fuit distinctio ciborum, & sic jejunatum, à Daniele & sociis ejus, Eliſæo & filiis Prophetarum, itemque à Rechabitis. *Ergo. Resp. 1.* Daniel & socii ejus, *cap. 1, 8, 12. &c.* non distinxerunt cibos ex humano placito, multo minus in ista distinctione jejunium constituerunt: sed piè decreverunt non pollui cibis de mensa regis Ethnici alatis, secundum Legem ceremonialem, quæ tunc obtinuit.

2. Idem Daniel, ubi visionibus Propheticis esset intentus, & speciatim visionis cujusdam de rebus gravibus, & ad Ecclesiam Dei quoque spectantibus, intelligentiam quæreretur, de se testatur, *x, 2, 3. Lugebam tribus hebdomadibus dierum. Panem desideriorum non comedi; nec caro, nec vinum, introierunt in os meum: nec ungendo unctus sum, donec complerentur tres hebdomades dierum.* Sic quia humiliatio illa diuturnior fuit, quam ut perfecto jejunio transigi potuisset naturaliter, insigni frugalitate & sobrietate fuit traducta; abſtinentia à pane desiderabili, carne, vino, & unguento: longè aliter, quam apud Pontificios agi solet; ubi panis præstantissimus, pi-

scēs delicatissimi, cum oleo quantivis pretii, aliisque bellariis, & ferculis opiparis, comeduntur tempore jejunii, quod vocant; in refectiōem scilicet: neque istud per liquidum, etiam vinum generosissimum, solvi putatur. Daniel certē non minus à pane desiderabili, & à vino, abstinuit; quam à carne: neque inter aquatiliū carnes, & carnes volatiliū atque terrestrium animalium, discrevisse putandus est; quasi illarum eius minūs obstaret jejuniū, quam harum. Vide *Levit. xi, 8, 11. 1 Cor. xv, 39.*

3. *Elisæus*, 2 *Reg. iv, 38, 39.* filios prophetarum ramis sylvestribus & amaris pavit; non jejunii aut religionis, sed penuriæ causā.

4. *Rechabites* ab usu vini perpetuo abstinerunt, imo nec vites plantarunt, neque tementem fecerunt, neque domos ædificarunt. *Jerem. xxxv, 6, - 10.* non religionis gratiā; sed ut præcepto patris sui parerent, qui singularem frugalitatem eis mandavit. Sic ergo ab usu vini abstinerunt; sed nihil de eorum abstinence à carnibus, aut opinione jejunii in tali distinctione ciborum.

Obj. 2. Simile est exemplum Johannis Baptistæ; *Matth. 3, 4.* Et Paulus abstinentiam à quibuscumque cibis docuit, *Rom. 14, 21. 1 Cor. 8, 12, 13.* itemque Synodus Hierosolymitana, *Act. 15, 2, 20, 21, 28, 29. Resp. 1. Joh. Baptista* locustis & melle agresti victitavit; *Matth. 3, 4.* quod in extraordinario illo præcone poenitentiae, altero Eliæ & Messiae prodromo, singularis quidem frugalitatis fuit; sed nihil inde confici potest pro lege Ecclesiasticæ esum carniū prohibente, pisces interim præstantissimos, aliaque bellaria delicata & pretiosa permittente, & quidem opinione jejunii.

2. Paulus, *Rom. xiv, 21.* ratione charitatis perinde abstinendum docet ab omnibus, quibus proximus esset offendendus; ac similiter *1 Cor. vii, 12, 13.* quod prorsus ad jejuniū non pertinet.

3. In Synodo Apostolorum & Seniorum Ecclesiæ Hierosolymitanæ, decretum, ut ex Gentilismo conversi abstinerent etiam à suffocato & sanguine; quod eorum esus recens ex Judaïsimo conversos valde offenderet; Act. xv, 2, 20, 21, 28, 29. ac proindè istud decretum fuit temporarium, usquedum libertas Christiana satis esset promulgata & confirmata. Sed nec indè colligi potest quicquam pro distinctione ciborum, quæ sub Papatu obtinet, etiam sine ullâ ratione scandalii, & in qua jejunium istuc constitui solet.

XLVIII. Interim jejunium humiliationis signum est, & quoddam adminiculum. Joel. II, 12. *Convertimini ad me, toto corde vestro, & in injunio, & fletu, & planctu.* Sed pro cultu Divino, aut ejus parte per se, absurdè habetur à Pontificiis; cum ejus reverâ eadem sit ratio, quæ fletus ac planctus. Id confirmatur his rationibus: 1. Est exercitatio corporalis; atque adeo per se adiaphora, seu mediæ conditionis: disertè enim Apostolus, 1 Tim. iv, 8. *Exercitatio corporalis ad paucam utilis est: quia videl. ad cultum spirituales ordinari, atque ita per accidens prodesse potest suo modo; cum ipsa pietas ad omnia sit utilis, ut quæ promissionem habeat vitæ præsentis ac futuræ.* Atque iterum de istiusmodi rebus, Col II, 23. *Quæ rationem quidem habent sapientiæ, in eo quod corpori non parcant: nec tamen ullius sunt pretii: cum ad ea spectent, quibus farcitur caro: ad cibum scil. & ad potum.* Nec non 1 Cor. vii, 1, 8. *Esca nos non commendat Deo: &c. Confer vii, 13. Esca ventri destinata sunt, & venter escis: Deus autem & hunc & has adolebit.*

2. Alia omnino est conditio status nostri spiritualis, ac proindè & cultus: Rom. xiv, 17, 18. *Non enim est regnum Dei esca & potus; sed justitia, & pax, & gaudium per Spiritum Sanctum.* His autem subservire debent instrumenta nostra corporalia: xii, 1, 2. *Adhortor igitur vos, ut si statis corpora vestra hostiam vivam, sanctam, pla-*

centem Deo; rationalem illum cultum vestrum. - Transformate vos per renovationem mentis vestrae, ad hoc ut probetis quæ sit voluntas Dei, bona illa, placens, ac perfecta. Quod ergo per se rationale non est, & sic voluntati Divinae conformatum; ac sanctum, id per se cultus Divinus esse non potest. Hoc exigit natura Dei: Joh. iv, 24. Deus est spiritus: & qui adorant eum: oportet ut spiritu ac veritate adorent. Quemadmodum etiam imago Dei propriè consistit in dotibus spiritualibus: Col. iii, 10, Eph. iv, 24.

3. Ipsi Hypocritæ frequenter jejunant: atque eorum jejunia seriò perstringuntur: quod autem hypocritis commune est, & in iis reprehenditur, id per se non est cultus Divinus. Sic Jes. lviii, 4, 5. *Eccè ad litem & contentionem jejunatis; & ut percutiatis pugno impiè. Ne jejunetis posthac, sicut hodiè; &c. Zach. 7, 5. Cum jejunastis & planxistis in quinto mense & septimo, idque jam septuaginta annis, nunquid jejunium jejunastis propter Me? Ipse hypocrita ille Pharisæus, Luc. 18, 12. jejuno bis hebdomale. Et Salvator, id genus homines spectans; Matth. vi, 16. Cum autem jejunatis, ne estote ut hypocritæ, tetrico vultu, &c.*

4. Propterea etiam Salvator discipulos suos jejunia omittentes, cum litem iis moverent discipuli Johannis, defendit; & rebus lætis ista non convenire, docuit; Matth. 9, 15, 16, 17. *Num possunt filii thalami lugere, quamdiu cum eis est sponsus? Aderunt autem dies, cum tolletur ab eis sponsus, & tunc jejunabunt. Nullus autem indit panniculum novum in vestimentum vetus, &c. Non igitur omni tempori, sed tempori luctus tantum, convenit jejunium: alias omitti rectè potest. Unde manifestum est, non esse per se cultum Dei; sed effectum & signum luctûs, qui etiam ipse per se cultus Dei non est.*

Obj. Joël. II, 15. *Sanctificate jejunium.* Ergò. Resp. Nego consequentiam: Similiter enim præcipitur verbis

sibus proximè sequentibus, congregatio populi egressus sponsi de cubili suo & sponsæ de thalamo suo, ploratus sacerdotum, &c. quæ tamen per se cultum Dei non constituunt; sed ejus adjuncta & adminicula sunt; atque hoc nomine præcipiuntur.

XLIX. Verùm absurditatem istam superat alia eorundem Pontificiorum absurditas, quâ statuunt, jejunia, & alia quædam istiusmodi, esse opera pœnalia satisfactoria pro peccatis, in ordine ad justitiam Dei punitivam; atque insuper meritoria apud Deum. Sed de hæc alibi.

Nec libertati Christianæ, & rationi jejuniorum ab ipso Christo expositæ *Matth. ix, 15, 16, 17.* conveniunt jejunia ordinaria absoluta & perpetua; ac potissimum si ea sint valdè frequentia. Male igitur in Papismo, & quidem Papistice observanda, urgentur jejunia feriæ sextæ, vel etiam quartæ; nec non quatuor temporum, in primâ scil. hebdomadâ Quadragesimæ, in hebdomadâ Pentecostes, in tertiâ hebdomadâ Septembris, atque iterum in tertiâ hebdomadâ Decembris; itemque jejunium Quadragesimale, prætenâ etiam institutione Apostolicâ, sed falso, præter & contra SS. Literas, ac veram antiquitatem Ecclesiasticam.

Objiciunt 1. Exempla Moïsis, Eliæ, & ipsius Christi, pro jejunio suo Quadragesimali. Resp. Sed ista omnino dissimilia sunt, cum ille bis, hi semel tot dies jejunaverint, speciali de causâ, & quidem miraculose, absque ullo cibo: Pontificii vero suum Quadragesimale quotannis iterent, & ciborum discriminatione celebrent.

Obj. 2. Dies purim, de quibus *Esth. ix, 17.* & seqq. fuerunt istius conditionis. Ergo. *Resp.* Illi dies non fuerunt jejunii, sed festivitatis, in memoriam tantæ liberationis per supplicationem & jejunium Divinitus acceptæ: & quidem instituti sub V. T. à reginâ Estherâ, & Mordechæo, ad illustrem quoque digni-

tatem evecto ; ex auctoritate politica, juxta officium gratitudinis erga Deum, & commemorationis beneficiorum ejus: si non Spiritu prophetico ; atque ita ab universo populo libenter recepti. Consequenter ex illis non possunt colligi jejunia ordinaria & perpetua, sub N. T. lege Ecclesiastica, aut à Papâ Romano, omnibus gentibus obtrudenda, vel obtrusa.

Obj. 3. Jejunia quædam à Judæis celebrata fuerunt sub captivitate Babylonicâ. Ergo. *Resp.* sed illi dies deinde, sublata ista causâ, fuerunt conversi in festivos, edicente ipso Deo, *Zach. viii: 19.* Unde nullo pacto colligi possunt statâ jejunia in perpetuum observanda, & quidem sub N. T.

Obj. 4. Christus prædixit, & docuit habenda ejusmodi jejunia; *Matth. ix. 15.* Ergo. *Resp.* Istic prædicatur quidem fore, ut Christiani urgente necessitate jejunent: sed nihil inde sequitur pro ordinariis & perpetuis jejniis, & quidem Papisticè servandis.

L. Vitiatur etiam precatio per inanem eorundem verborum repetitionem; quasi ea, propter iterationem istiusmodi ac prolixitatem, futura esset efficacior, Deoque grata, & exaudienda. Per istam *βαλτολογία* καὶ πολυλογία non posse gratiam impetrari, 1. satis declaravit Deus sub V. T. *Jes. i, 15.*

2. Et Christus in N. T. *Matth. vi, 7.*

3. Tales homines faciunt se similes Gentilibus, verâ Dei cognitione ac fide destitutis: *Matth. vi, 7, 8.*

4. Accedit ratio: frustra scil. adhibentur frequentes illæ repetitiones, & diuturni clamores sine mente; quia Deus satis novit quibus egeamus, & paratus est necessaria dare omnibus serio petentibus secundum voluntatem ipsius; *Matth. vi, 8. Joh. xvi: 26, 27. i Joh. v, 14, 15.*

Rejicienda igitur Pontificiorum Rosaria, aut Sphæculæ precatoriae, per quas ad numerum recitantur orationes, atque inde major earum præsumitur effica-

cia. Itemque boātū Monachorum in templis ; cum quibus conferendi clamores Baalitarum, 1 Reg. xviii, 26, 27, 28.

LI. Sequitur *Votum*, Religiosa pollicitatio rei alicujus Deo gratae, in ejus gloriam præstandæ ; vel etiam rei ingratae, similiter omittendæ.

Hunc actum religionis soli Deo deferendum, satis evidenter docent SS. Literæ : Ps. lxxvi, 12. *Vovete, & reddite Jehovæ Deo vestro.* Vide etiam Num. xxx, 2, 3, Deut. xxi, 23. Psal. l, 14, cxvi, 14. Ies. xix, 21.

2. Accedunt exempla Sanctorum ; utpotè Jacobi, Gen. xxviii, 20, 21, 22.

3. Quia in voto inest religiosa invocatio, quæ soli Deo debetur.

4. Quia vovendum est ei soli, à quo omnia bona nos oportet expectare, cui pro beneficiis acceptis debemus gratias agere, cui intimè animum nostrum cognoscit, de quo omnibus nostris judicare potest ; ut cuique ad rem ipsam attendenti satis manifestum est ; hæc autem omnia soli Deo conveniunt.

LII. Vota fieri debent de faciendis iis, quæ Deo placent ; aut omittendis, quæ displicent. Deo autem placere intelliguntur, tum quæ ipse præcepit in specie ; tum etiam talis usus rerum alias indifferentium, qualis ratione circumstantiarum ad gloriam Dei, nostramque & aliorum ædificationem salutarem, conducit. Vide Gen. xxviii, 2, 22. Quis sub V. T. deberet esse votum Natiæatus, ipse Deus expressit Num. vi, 21. De aliis item votis, quid, & quomodo sibi placeret, exposuit Levit. xxvii, 2, -14. atque alibi : imò & specialia nonnulla, quæ displicerent, indicavit, Levit. xxii, 23. Deut. xxi, 18. Quænammodum vero in universo cultu Divino improbanda est *εθολοθησκεια*, sic etiam in Votis. Vide Deut. xii, 8. Ies. xxi, 13. Matth. xv, 9. Col. 2, 23.

Hujusmodi sunt *Vota Peregrinæ* de suscipiendâ peregrina.

grinatione religionis ergò, de processione sacrâ, &c. & speciatim *Monastica*, & perpetuo cœlibatû, spontaneâ paupertate, & cœcâ obedientiâ ergâ superiores suos ac regulas *Monasticas*. Sed 1. S. Scriptura vitam illam *Monasticam* nec mandat, nec docet.

2. Opinionem de Satisfactionibus ac Meritis propriis, & Perfectione etiam superogatoriâ, qui *Monachorum* *Papalium* scopus est, *Euangelium* refellit validissime; dum in solo Christo iustitiam quærendam, ac fide apprehendendam, proponit.

3. Neque Consilia Divina à Præceptis differunt realiter. Vide sup. cap. 8. th. 32.

4. In specie : a. Paupertatem nusquam ut bonum morale, pluribus vero locis malum triste, proponit S. Pagina : *Prov.* VI, II. xxx. 8, 9. *Act.* xx, 35. 2 *Cor.* VIII, 9. Hoc autem nemo sibi ultrò debet arcescere, sed Divinitus immissum patienter ac sapienter ferre : 2 *Cor.* XI, 26, 27. *Phil.* IV. 11, 12. Confer *Math.* XIX, 20, &c.

β. Cœlibatum non nisi donum continentiae habentibus, ac pro ratione temporum, & respectû necessitatis, commendat : 1 *Cor.* VII, 7, 9, 26, 28, 32, 37. *Luc.* 23, 28, 29. *Hebr.* 13, 4. 1 *Tim.* 4, 1, 2, 3, III, 2, 4, 5.

γ. Et probationem eorum, quæ per homines præcipiuntur, ac de iis iudicium decretionis, requirit, Deoque semper magis obediendum, quàm hominibus, inculcat : 1 *Thess.* V, 21. 1 *Ioh.* IV, 1. 1 *Cor.* X, 15. *Act.* IV, 19, V. 29.

LIII. *Sociniani* existimant, Christum in N. T. auxisse decem illa præcepta, ac perfectiora reddidisse : speciatim autem primo adiecisse, 1. præceptum generale, de precibus Deo faciendis : 2. formulam orationis Dominicæ ; & 3. præceptum de adorando etiam Christo.

Verum primo sub V. T. fuit eadem obligatio ad preces Deo faciendas super omni necessitate, juxta
volun-

voluntatem ipsius tunc quoque revelatam : sic enim

1. Ipse Deus, *Pf. L, 15. Invocante in die angustiae: eruam te; & honorificabis me. xci, 15. Invocabit me; & exaudiam eum, &c. Adde, xcv, 6. Jesh. LV, 6. Imò etiam, Deut. vi, 13. Jehovah Deum tuum timebis, & ipsum coles; quam sententiam Servator exprellit hoc modo, Matth. iv, 10. Dominum Deum tuum adorabis, & illum solum coles,*

2. Universa doctrina de sacrificiis Deo offerendis, hanc veritatem innuit etià satis apertè : quis enim dubitat, preces sacrificiis adjungi debuisse, atque istas suffitū sacro propterea fuisse adumbratas? Vide *Iob xlii, 8, 9, 10. Psal. cxli, 2. Confer Luc. I, 10. Act. iii, 1.*

3. Accedit praxis fidelium; utpotè *Danielis*, etiam contra gravissimam Regis prohibitionem; *vi, 11, 12.* Adeo ut istius exercitii omissio habita fuerit pro notâ summæ impietatis; *Psal. xiv, 4,*

4. Imo etiam Gentiles hoc officium agnoverunt utcunque, & alii idololatræ, ac superstitiosi; qui preces quoque usurpârunt, secundum conscientiam voluntatis Divinæ: quanto autem magis hoc de populo Dei, & fœderatis fidelibus, agnoscendum est?

LIV. *Secundo*, Fôrmula orationis Dominicæ non constituit novum aliquod præceptum; sed est medium à Christo propositum, quo nos in praxi precum (quam à nobis postulat primum Decalogi præceptum) juveremur ac dirigeremur.

2. Singulæ etiam particulæ istius orationis satis aperte fuerunt comprehensæ ac propositæ scriptis V. T. Exordium quidem in locis, *Ies. lxii, 16. Tu enim Pater noster es, &c. Mal. I, 6. Quod si Pater ego sum, ubi est honor mei? Ies. lxvi, 1. Sic dixit Jehovah, Cælum est solum meum, &c.*

Petitio prima similiter, *Psal. viii, 2. Jehovah Domine noster, quam grande est nomen tuum in universa terrâ: qui posuisti gloriam tuam super cælos! Adde, cxv, 1.*

Secuti-

Secunda; Psal. II, 6. Ego constitui Regem meum super Tzionem montem sanctum meum. Adde, lxxi, 1. 7. 11, 20. lxxiv, 2.

Tertia; Psal. cxlii, 10. Doce me facere voluntatem Tuam; quia Tu es Deus meus: Spiritus Tuus bonus deducet me in terram rectam. xxv, 4, 5.

Quarta; Prov. xxx, 8. Ale me cibo qui convenit mihi, Gen. xxviii, 20, 21.

Quinta; Psal. xxv, 11. Propter nomen tuum Iehovah, parce iniquitati meae: quoniam multa est. 11, 3, 4.

Sexta item; Ps. xix, 14. Etiam à superbis prohibe servum Tuum, ne dominantur mihi: tunc perfectus ero, & mundus ero à praevaricatione magnâ. cxix, 36, 37.

Actandem Conclusio; 1 Chron. xxix, 11. Tibi, ô Iehovah, est magnificentia, & potentia, & gloria, & decus: cuncta enim, quae in coelo sunt & in terrâ; tua sunt. Tuum est, ô Iehovah regnum, & exaltatio super omnes qui sunt in caput. Psal. xli, 14. Benedictus Iehovah Deus Israelis saeculo, & usque in saeculum. Amen & Amen.

LV. Neque tertio illud de adorando Christo censeretur debet per ipsum primo Decalogi præcepto adjunctum sub N. T. cum 1. ipse sit idem aeternus & verus Deus cum Patre ac Spiritu Sancto, eademque religione semper colendus.

2. Propterea etiam scriptum est, Psal. 2, 12. Osculamini Filium, ne forte irascatur. - Beati omnes qui sperant in eo. Et xcvii, 7. Incurvate vos Ei, omnes Dii, cum Heb. 1, 6. Parsum autem, quum inducit Primogenitum in orbem terrarum, dicit; Et adorent Eum omnes Angeli Dei. Sic adorationem Filii ex illo V. T. loco allegavit Apostolus. Adde Gen. xlviii, 16.

3. In N. T. perscringitur idololatria Gentilium tali argumento. Rom. 1, 25. quod venerati sint & coluerint res conditas, præterito Creatore, qui est benedictus in saecula. Ac similiter, Gal. iv, 8. In ô tum quidem ignorantes Deum,

Deum, serviebatis iis, qui naturâ non sunt Dii. At si tunc obtinisset sententia Socinistica, quam proclive fuisset Gentilibus regerere; Quid in eo absurdi; cum etiam vos Christiani veneremini & colatis Christum, ex novo quodam ipsius præcepto, qui tamen res condita est, non Deus naturâ, nec olim adoratus, aut adorari jussus?

LVI. Imagines in secundo Decalogi præcepto spectantur ut media, quibus homines sibi Deum externè conantur repræsentare, & mentem in ipsum dirigere.

Quæritur autem, An liceat in talem usum conficere imagines ipsius Dei; & porro confectas ejusmodi imagines sic retinere & usurpare? Nos negativam tenemus adversus Pontificios, quorum contraria est sententia ac praxis; dùm variis modis Deum, & S. Trinitatem pingunt, & fingunt; potissimum verò Deum Patrem in formâ hominis senis, triplici coronâ, ac deinceps reliquo Papali amictû vestiti; Filium in forma viri juvenis; aut agni vexilliferi; Spiritum Sanctum verò in formâ columbæ.

Opponimus hæc Argumenta; 1. Ista imaginum & simulachrorum ipsius Dei ac personarum Divinarum formatio prorsus adversatur naturæ Divinæ spirituali, simplicissimæ, & infinitæ; in quâ non est visibilitas, nec lineamenta, eorumve ductus ac terminatio, aut extensio ulla, nec ulli limites; adeo ut prorsus sit ineffigibilis. Consequenter per istiusmodi imagines non verè repræsentatur verus Deus; sed falsum & fallax Deitatis signum absurdè exhibetur. Hinc Jerem. x, 14, 15. Mendacium est conflatile ejus; - Vanitas sunt, &c. Hab. 2, 18. Conflatile, & quod docet mendacium

2. Reprehenditur istiusmodi simulachrorum effectio, tanquam absurda, & in Deum injuria: Jes. xl, 18. Cui igitur assimilabitis Deum? Et quam similitudinem ponetis ei? Et de ipsis Gentilibus; Rom. I, 22, 23, 25. Cum se dictitent sapientes, stulti facti sunt. Mutarunt enim gloriam

gloriam incorruptibilis Dei in simulachrum imaginis corruptibilis hominis, & volucrum & quadrupedum &c.

3. Prohibetur severissimè, ipsis verbis secundi præcepti, *Exod. xx, 4, 5. Deut. v, 8, 9. Non facies tibi sculptile, neque ullam similitudinem eorum quæ sunt in cælo sursum, &c. Itemque Deut. iv, 15, 16. Cavete ergo diligenter animabus vestris: Ne fortè corrumpatis vias vestras, & faciatis vobis sculptile, aut imaginem ullius simulachri, &c. 23. 24. Cavete vobis, ne forte obliviscamini pacti Jehovæ Dei vestri, & faciatis vobis sculptile, aut imaginem cujuscunque rei; - Nam Jehovah Deus tuus ignis consumens est, Deus zelotes.*

LVII. *Obj. 1. Homo à Deo conditus est ad ipsius imaginem: ergò rectè conficitur imago Dei ad similitudinem hominis. Resp. Nego consequentiam: nam 1. imago ista propriè constitit in dotibus ac perfectionibus spiritualibus; - quæ imagine corporeâ exprimi non possunt. 2. Retorqueo argumentum: cum enim tot homines existant in mundo, ac tot hominum imagines, jam frustra impenduntur tanti labores & sumptus conficiendis peculiaribus imaginibus Dei.*

Obj. 2. Deus aliquoties visibili aliquo signo se conspicuum præbuit: ergo. Resp. Deus quidem interdum aliquo symbolo præsentiam suam extraordinariam, respectu extraordinariæ alicujus operationis ac revelationis, demonstravit: utpotè in rubo ardente, specie columbæ, &c. non vero essentiam suam tali imagine repræsentavit, aut repræsentandam docuit: sed contrarium ipse docuit, Deut. iv, 15, 16 & alibi.

Obj. 3. Virtutes & vitia, aliaque istiusmodi, quin & Angeli, imagine exhiberi possunt: ergo. Resp. Imo eorum operationes solum signo hieroglyphico utcunque repræsentantur; verum ipsæ essentiæ sic non exprimiuntur. Quicquid autem in Deo est, per ipsius simplicitatem est ipse Deus: atque id, quo Deus est, & à creaturis distinctus, tale est, ut nullo simulachro possit exprimi.

Obj. 4.

Obj. 4. In meditationibus de Deo, & orationibus ad ipsum, Deum nobis repræsentamus imagine mentali: ergo. *Resp.* Non est necessum, imo nec licitum, Deum concipi ut corporeum, vel aliter finitum; atq; ita simulachrum aliquod Dei in mente nostrâ confici: is enim non foret verus conceptus veri Dei; sed conceptus aliqujus creaturæ, loco veri Dei; atque adeo conceptus idololatricus. Neque tamen omnino nihil concipimus, qui foret conceptus atheisticus. Sed formamus de Deo conceptus plures inadæquatos; quemadmodum apprehensivè, non comprehensivè, ipsum cognoscimus. Sic ergo concipimus veram substantiam spirituales, suâ perfectione omnes creaturas prorsus & infinitè transcendentem.

LVIII. Sed neque confectæ ejusmodi imagines sic usurpari debent, nec asservari in talem usum: ita enim 1. continuatur atque augetur peccatum in prima earum confectioe inchoatum.

2. Istâ usurpatione peccatur formaliter adversus *ἰμφοτικώτατα* hujus Præcepti verba; *Non inveniatis eis, neque coles ea*; *Exod. xx, 5.*

3. In detestationem idololatriæ, Deus instrumenta ejus propria destrui mandavit aliquoties: inter alia *Deut. vii, 25, 26.*

Atque ita 4. cum laude refertur de Rege Hizkiah, *2 Reg. xviii, 4.* Ipse sustulit excelsa, & contrivit statuas, & succidit lucum; confregitque serpentem æreum, quem fecerat Mose; quia usque ad dies illos filii Israël suffiebant ei; & vocavit eum *Nehustan.*

LIX. Ad Imagines creaturarum quod attinet non omnem earum formationem aut confectioem omnino illicitam vel prohibitam dicimus: nec absolutè vetitas artes *εἰκαστικὰς*; quibus rerum corporearum externa spectabilis forma exprimitur & repræsentatur, vel operationes & effecta quædam aliarum etiam rerum symbolice adumbrantur: Deus enim quosdam istis

quoque artibus instruxisse dicitur, *Exod. xxxi, 2, -6. xxxv, 30, -35*. Atque in Tabernaculo, ac deinde etiam in Templo, ex præscripto ipsius Dei confectæ fuerunt quædam imagines Cherubinorum, palmarum, florum, &c. Sed illicitas & prohibitæ dicimus imagines creaturarum, eo fine & modo, ut in iis, aut per eas, ipsum cultûs religiosi objectum utcunque repræsentaretur, & sic ad eas cultus religiosus præstaretur. Hoc autem patet, 1. ex verbis præcepti; *Non facies tibi sculptile, neque ullam similitudinem, &c. Non incurvabis te eis, neque coles ea; Exod. xx, 4, 5*.

2. Simile est interdictum, *Deut. iv, 16, 17, 18*. *Ne forte corrumpatis vias vestras, &c.*

Atque iterum 3. *Levit. xxvi, 1*. *Non facietis vobis idola, & sculptile; & statuam non erigetis vobis; neque lapidem pictum ponetis in terrâ vestra; ut incurvetis vos ei: Ego enim Iehovah Deus vester.*

Obj. Imagines Cherubinorum, aliæque, fuerunt in Tabernaculo, & in Templo V. T. Ergo. *Resp.* Illæ imagines ipsum objectum cultus religiosi nullo modo repræsentârunt; neque in iis & per eas Deo, aut sanctis quibusdam creaturis, cultus religiosus deferri debuit; imo nec secundum Dei præscriptum potuit. Sed pro ratione cultus istius œconomici, pluriumque institutorum ceremonialium, per eas symbolicè aliquid adumbratum fuit, ad Angelorum functiones, & ad maiestatis ac gloriæ Divinæ indicium qualecunque, spectans: quod ipsum etiam in N. T. locum habere non debet, ubi cultum oportet esse magis spiritualem, sublatis omnibus istiusmodi typis ac symbolis.

LX. Prorsus igitur illicitus censi debet talis imaginum usus, ut quis se coram iis prosterneret, eas amplexaretur, deoscularetur, &c. quamvis eâ mente ut non in ipsis, sed in earum exemplari vel archetypo, universus cultus religiosus terminaretur. Obstant enim 1. posteriora illa verba secundi præcepti, *Non incurvabis te eis, neque coles ea; Exod. xx, 5*. 2. Quo-

2. Quoniam earum confectio in istum usum prohibita est; (ut modo probatum;) multo magis ipse talis earum usus censeretur debet prohibitus.

3. Deus omnem cultus religiosi communicationem ad aliud quaecunque objectum, præter se, districtè prohibuit; utpotè nolens gloriam suam alteri dari zelotes, & ignis consumens, *Jes. xlii, 8. xlviii, 11. Exod. xx, 5, Deut. v, 9-14, 24.*

4. Magis etiam nunc sub N. T. talis usus adversatur cultui spiritali, qualem sub hac œconomia esse oportet.

Exc. Ex hominum fœcundia oritur necessitas devotionis per ejusmodi adminicula excitandæ & promovendæ. *Resp.* Sed nos non decet arbitrari proprio adminicula istiusmodi fingere; nedum à Deo diserte prohibita: quin & ipse Deus objecta & adminicula satis multa ac varia nobis suppeditavit, quæ occasionem præbent majestatem ipsius meditandi & prædicandi, quæque nos ad ipsius cultum & honorem debent incitare: minus autem veniendum ad ea, quæ ulterioris etiam idololatriæ proclivem occasionem præbere possunt & solent.

Multo etiam magis censeretur debet illicita confectio & usus imaginum in ordine ad falsa numina, aut qualiacunque objecta cultus religiosi præter unum verum Deum; quatenus videlicet istæ imagines adminicula forent, aut symbola, talis cultus idololatriæ: quoniam enim omnis ejusmodi cultus illicitus est, adminicula ad ipsum proprie ordinata non possunt esse licita. Et quemadmodum ipse ille cultus primò Decalogi præcepto adversatur; sic talis imaginum confectio & usus ad illum cultum; secundo præcepto repugnat. Hoc autem ad imagines humanæ naturæ Christi, & Sanctorum, in Papatu quoque applicatum volumus.

LXI. Sed neque imagines Christi, & Sanctorum, in templis aut oratoriis Christianorum haberi debent

dum, quod Christus secundum præceptum auxerit addito mandato de cavendis idolis, eorumque locis, ut & idolothytis. Nam 1. de idolis fugiendis satis aperta & emphatica est prohibitio. Exod. xxi. 11, 13. *In omnibus, quæ dixi vobis, cauti eritis. Neque nomen Deorum aliorum memorabitis: non audietur in ore tuo.* Imò & ratio huic secundo præcepto adjecta; Ego enim Iehovah Deus tuus, zelotes, &c. Atque item exemplum, Psal. xvi. 4. Nec non promissio. Hos. 2, 17.

Similiter etiã 2. de instrumentis & locis cultui idolorum appropriatis; ut ea confringantur, vel etiam diruantur, ad tollendam occasionem seductionis, & in detestationem idololatriæ: Deut. vii. 25, 26. xii. 2, 3. Confer factum Patriarchæ Jacobi & familiarium ejus. Gen. xxxv. 2, 4. Atque item exemplum Regis Hiskijah, 2 Reg. xviii. 4.

Quantum verò attinet 3. ad Idolothyta, quatenus subesset conscientia idoli, aut participatio aliqua idololatriæ, sic ea etiã sub V. T. fuisse prohibita & illicita, satis patet ex historiã, Num. xxv. 1, 2, 3. *Cœpit populus fornicari cum filiabus Moab. Et vasaverunt populum ad sacrificia Deorum suorum: comeditque populus.* Unde etiã Apostolus argumentum petit, 1 Cor. x. 7, 8. *Ne igitur idololatriæ fiat is, sicut quidam eorum.* &c. Adde exemplum Davidis, Psal. xvi. 4.

Obj. In N. T. dicitur, 1 Joh. v. 21. *Filioli, cavete ab idolis.* itemque 1 Cor. x. 14. *Dilecti mei, fugite ab idololatria.* Et idolothyta, quamvis in se non illicita manducari, prohibentur tamen 1 Cor. vii. 11, & x. Resp. Scil. quando & quatenus in iis foret participatio aliqua idololatriæ, aut metus seductionis ad eam. Verum ista non sunt nova præcepta; sed antiqua, sub N. T. repetita, & ad præsentis occasionis applicata.

Inst. Novo Test. proprium est, quod dicitur 1 Cor. 8, 10, 11. *Etenim si quis viderit te, illâ cognitione præditi, in idoleio accumbere, nonne conscientia ipsius qui infirmus*

firmus est, instruetur ad edendum ea quæ sunt idolis mandata? Et tuâ istâ cognitione frater ille infirmus, propter quem Christus est mortuus, peribit? Resp. Ista ratio à dilectione proximo debitâ, atque itâ ex posteriore Legis tabulâ, desumpta est, sed novum additamentum ad secundum Decalogi præceptum nullo modo constituit; aut probat: ut neque mortis Christi mentio in præterito tempore.

LXIV. Sed & contra *Pantificios* tenendum, *Secundum* illud præceptum à primo verè distinctum esse: cum in primo prohibeantur falsa objecta terminantia cultus religiosi; & vel objecti agnitio & cultus conveniens præcipiatur: in *secundo* vero prohibeantur modi, ac media, absurdè ab hominibus excogitata, confecta, & adhibita ad cultum Dei; simulque præcipiatur modus Deum colendi ab ipso institutus. Consequenter, *secundum* istud præceptum nullo modo omitterendum est, tanquam supervacaneum: quod frequenter faciunt Adversarii, ad occultandam enormem illam idololatriæ suæ speciem: neque pro appendicè solum, aut declaratione *primi præcepti*, habendum.

XLV. *Sociniani* *tertio præcepto* duo per Christum pro N. T. adjecta statuunt; 1. ne leviter vel temere juremus. 2. quod etiam per nomen ipsius Christi jurare liceat. Sed quantum attinet ad prius; 1. Adversarii prorsus non possunt probare, sub V. T. juramenta temeraria, quâvis de causâ, & in vitâ quotidianâ, fuisse licita: neque enim id colligi potest ex reprehensione & correctione Christi, *Matth. v. 33. - 37.* quæ solum adversus praxin & perversa glossmata Phariseorum & Scribarum institutæ sunt.

2. Diserte in *tertio præcepto* prohibetur omnis usurpationis nominis Divini vana aut temeraria: at certe juramentum temerarium, est temeraria nominis Divini usurpationis.

3. *Scopus præcepti* procul dubio est, prohibere

tatem evecto ; ex auctoritate politica, juxta officium gratitudinis erga Deum, & commemorationis beneficiorum ejus: si non Spiritu prophetico ; atque ita ab universo populo libenter recepti. Consequenter ex illis non possunt colligi jejunia ordinaria & perpetua, sub N. T. lege Ecclesiastica, aut à Papâ Romano, omnibus gentibus obtrudenda, vel obtrusa.

Obj. 3. Jejunia quædam à Judæis celebrata fuerunt sub captivitate Babylonicâ. Ergo. *Resp.* sed illi dies deinde, sublata ista causâ, fuerunt conversi in festivos, edicente ipso Deo, *Zach. viii: 19.* Unde nullo pacto colligi possunt statâ jejunia in perpetuum observanda, & quidem sub N. T.

Obj. 4. Christus prædixit, & docuit habenda ejusmodi jejunia; *Matth. ix. 15.* Ergo. *Resp.* Istic prædicatur quidem fore, ut Christiani urgente necessitate jejuniarent: sed nihil inde sequitur pro ordinariis & perpetuis jejuniis, & quidem Papisticè servandis.

L. Vitiatur etiam precatio per inanem eorundem verborum repetitionem; quasi ea, propter iterationem istiusmodi ac prolixitatem, futura esset efficacior, Deoque grata, & exaudienda. Per istam *βασιτολογίαν καὶ πολυλογίαν* non posse gratiam impetrari, 1. satis declaravit Deus sub V. T. *Jes. i, 15.*

2. Et Christus in N. T. *Matth. vi, 7.*

3. Tales homines faciunt se similes Gentilibus, verâ Dei cognitione ac fide destitutis: *Matth. vi, 7, 8.*

4. Accedit ratio: frustra scil. adhibentur frequentes illæ repetitiones, & diuturni clamores sine mente; quia Deus satis novit quibus egeamus, & paratus est necessaria dare omnibus serio petentibus secundum voluntatem ipsius; *Matth. vi, 8. Joh. xvi: 26, 27. 1 Joh. v, 14, 15.*

Rejicienda igitur Pontificiorum Rosaria, aut Sphærulæ precatoriae, per quas ad numerum recitantur orationes, atque inde major earum præsumitur effica-

cia. Itemque boâtû Monachorum in templis ; cum quibus conferendi clamores Baalitarum, 1 Reg. xviii, 26, 27, 28.

LI. Sequitur *Votum*, Religiosa pollicitatio rei alicujus Deo gratæ, in ejus gloriam præstandæ ; vel etiã rei ingratae, similiter omittendæ.

Hunc actum religionis soli Deo deferendum, satis evidenter docent SS. Literæ : Ps. lxxvi, 12. *Vovete, & reddite Jehovah Deo vestro.* Vide etiam Num. xxx, 2, 3, Deut. xxiii, 21, 23. Psal. l, 14, cxvi, 14. Ies. xix, 21.

2. Accedunt exempla Sanctorum ; utpotè Jacobi, Gen. xxviii, 20, 21, 22.

3. Quia in voto inest religiosa invocatio, quæ soli Deo debetur.

4. Quia vovendum est ei soli, à quo omnia bona nos oportet expectare, cui pro beneficiis acceptis debemus gratias agere, cui intimè animum nostrum cognoscit, de tunc omnibus nostris judicare potest ; ut cuique ad rem ipsam attendenti satis manifestum est ; hæc autem omnia soli Deo conveniunt.

LII. Vota fieri debent de faciendis iis, quæ Deo placent ; aut omittendis, quæ displicent. Deo autem placere intelliguntur, tum quæ ipse præcepit in specie ; tum etiã talis usus rerum aliàs indifferentium, qualis ratione circumstantiarum ad gloriam Dei, nostramque & aliorum ædificationem salutarem, conducit. Vide Gen. xxviii, 2, 22. Quæ sub V. T. deberet esse votum Naziræatus, ipse Deus expressit Num. vi, 1, 21. De aliis item votis, quid, & quomodo sibi placeret, exposuit Levit. xxvii, 2, 14. atque alibi : imò & specialia nonnulla, quæ displicerent, indicavit, Levit. xxii, 23. Deut. xxi, 11, 18. Quæ in admodum verò in universo cultu Divino improbanda est *εθολοθησκεια*, sic etiã in Votis. Vide Deut. xu, 8. Ies. xxix, 13. Matth. xv, 9. Col. 2, 23.

Hujusmodi sunt *Vota Populicæ* de suscipiendâ peregrina-

grina.

grinatione religionis ergò, de processione sacrâ, &c. & speciatim *Monastica*, & perpetuo cœlibatû, spontaneâ paupertate, & cœcâ obedientiâ ergâ superiores suos ac regulas *Monasticas*. Sed 1. S. Scriptura vitam illam *Monasticam* nec mandat, nec docet.

2. Opinionem de Satisfactionibus ac Meritis propriis, & Perfectione etiam superogatoriâ, qui *Monachorum* Papalium scopus est, Euangelium refellit validissime; dum in solo Christo iustitiam quærendam, ac fide apprehendendam, proponit.

3. Neque Consilia Divina à Præceptis differunt realiter. Vide sup. cap. 8. th. 32.

4. In specie: a. Paupertatem nusquam ut bonum morale, pluribus vero locis malum triste, proponit S. Pagina: *Prov.* VI, II. xxx. 8, 9. *Act.* xx, 35. 2 *Cor.* VIII, 9. Hoc autem nemo sibi ultrò debet arcessere, sed Divinitus immissum patienter ac sapienter ferre: 2 *Cor.* XI, 26, 27. *Phil.* IV. 11, 12. Confer *Math.* XIX, 20, &c.

β. Cœlibatum non nisi donum continentiae habentibus, ac pro ratione temporum, & respectû necessitatis, commendat: 1 *Cor.* VII, 7, 9, 26, 28, 32, 37. *Luc.* 23, 28, 29. *Hebr.* 13, 4. 1 *Tim.* 4, 1, 2, 3, III, 2, 4, 5.

γ. Et probationem eorum, quæ per homines præcipiuntur, ac de iis iudicium decretionis, requirit, Deoque semper magis obediendum, quàm hominibus, inculcat: 1 *Thess.* V, 21. 1 *Ioh.* IV, 1. 1 *Cor.* X, 15. *Act.* IV, 19, V. 29.

LIII. *Sociniani* existimant, Christum in N. T. auxisse decem illa præcepta, ac perfectiora reddidisse: speciatim autem primo adjecisse, 1. præceptum generale, de precibus Deo faciendis: 2. formulam orationis Dominicæ; & 3. præceptum de adorando etiam Christo.

Verum primo sub V. T. fuit eadem obligatio ad preces Deo faciendas super omni necessitate, juxta
volun-

voluntatem ipsius tunc quoque revelatam : sic enim

1. Ipse Deus, *Pf. L, 15. Invocante in die angustiae: eruam te; & honorificabis me. xci, 15. Invocabit me; & exaudiam eum, &c. Adde, xcv, 6. Jes. LV, 6. Imò etiam, Deut. vi, 13. Jehovah Deum tuum timebis, & ipsum coles; quam sententiam Servator expressit hoc modo, Matth. iv, 10. Dominum Deum tuum adorabis, & illum solum coles.*

2. Universa doctrina de sacrificiis Deo offerendis, hanc veritatem innuit etià satis apertè : quis enim dubitat, preces sacrificiis adjungi debuisse, atque istas suffitū sacro propterea fuisse adumbratas? Vide *Iob xlii, 8, 9, 10. Psal. cxli, 2. Confer Luc. I, 10. Act. iii, 1.*

3. Accedit praxis fidelium; utpotè *Danielis*, etiam contra gravissimam Regis prohibitionem; *vi, 11, 12.* Adeo ut istius exercitii omissio habita fuerit pro notā summæ impietatis; *Psal. xiv, 4.*

4. Imò etiam Gentiles hoc officium agnoverunt utcumque, & alii idololatrarum, ac superstitiosi; qui preces quoque usurpârunt, secundum conscientiam voluntatis Divinæ: quanto autem magis hoc de populo Dei, & fœderatis fidelibus, agnoscendum est?

LIV. *Secundo*, Formula orationis Dominicæ non constituit novum aliquod præceptum, sed est medium à Christo propositum, quo nos in praxi precum (quam à nobis postulat primum Decalogi præceptum) juveremur ac dirigeremur.

2. Singulæ etiam particulæ istius orationis satis aperte fuerunt comprehensæ ac propositæ scriptis V. T. Exordium quidem in locis, *Ies. lxii, 16. Tu enim Pater noster es, &c. Mal. I, 6. Quod si Pater ego sum, ubi est honor mei? Ies. lxvi, 1. Sic dixit Jehovah, Cælum est solium meum, &c.*

Petitio prima similiter, *Psal. viii, 2. Jehovah Domine noster, quam grande est nomen tuum in universa terrâ: qui posuisti gloriam tuam super cælos! Adde, cxv, 1.*

Secun-

Secunda; Psal. II, 6. Ego constitui Regem meum super Tzionem montem sanctum meum. Adde, lxxii, 1. 7. 11, 20. lxxiv, 2.

Tertia; Psal. cxliii, 10. Doce me facere voluntatem Tuam; quia Tu es Deus meus: Spiritus Tuus bonus deducit me in terrâ rectâ. xxv, 4, 5.

Quarta; Prov. xxx, 8. Ale me cibo qui convenit mihi, Gen. xxviii, 20, 21.

Quinta; Psal. xxv, 11. Propter nomen tuum Jehovab, parce iniquitati meæ: quoniam multa est. 11, 3, 4.

Sexta item; Ps. xix, 14. Etiam à superbis prohibe servum Tuum, ne dominantur mihi: tunc perfectus ero, & mundus ero à prævaricatione magnâ. cxix, 36, 37.

Actandem Conclusio; 1 Chron. xxix, 11. Tibi, ô Jehovab, est magnificentia, & potentia, & gloria, & decus: cuncta enim, quæ in celo sunt & in terrâ; tua sunt. Tuum est, ô Jehovab regnum, & exaltatio super omnes qui sunt in caput. Psal. xli, 14. Benedictus Jehovab Deus Israëlis sæculo, & usque in sæculum. Amen & Amen.

LV. Neque tertio illud de adorando Christo censerî debet per ipsum primo Decalogi præcepto adjunctum sub N. T. cum 1. ipse sit idem æternus & verus Deus cum Patre ac Spiritu Sancto, eâdemque religione semper colendus.

2. Propterea etiam scriptum est, Psal. 2, 12. Osculamini Filium, ne forte irascatur. - Beati omnes qui sperant in eo. Et xcvii, 7. Incurvate vos Ei, omnes Dii, cum Heb. 1, 6. Persum autem, quum inducit Primogenitum in orbem terrarum, dicit; Et adorent Eum omnes Angeli Dei. Sic adorationem Filii ex illo V. T. loco allegavit Apostolus. Adde Gen. xlvii, 16.

3. In N. T. perfiringitur idololatria Gentilium tali argumento. Rom. 1, 25, quod venerati sint & coluerint res conditas, præterito Creatore, qui est benedictus in sæcula. Ac similiter, Gal. iv, 8. In o tum quidem ignorantes Deum,

Deum, serviebatis iis, qui naturâ non sunt Dii. At si tunc obtinuisset sententia Socinistica. quam proclive fuisset Gentilibus regerere; Quid in eo absurdi; cum etiam vos Christiani veneremini & colatis Christum, ex novo quodam ipsius præcepto, qui tamen res condita est, non Deus naturâ, nec olim adoratus, aut adorari iussus?

LVI. *Imagines in secundo Decalogi præcepto spectantur ut media, quibus homines sibi Deum externè conantur repræsentare, & mentem in ipsum dirigere.*

Quæritur autem, An liceat in talem usum conficere imagines ipsius Dei; & porro confectas ejusmodi imagines sic retinere & usurpare? Nos negativam tenemus adversus Pontificios, quorum contraria est sententia ac praxis; dùm variis modis Deum, & S. Trinitatem pingunt, & fingunt; potissimum verò Deum Patrem in formâ hominis senis, triplici coronâ, ac deinceps reliquo Papali amictû vestiti; Filium in forma viri juvenis, aut agni vexilliferi; Spiritum Sanctum verò in formâ columbæ.

Opponimus hæc Argumenta; 1. Ista imaginum & simulachrorum ipsius Dei ac personarum Divinarum formatio prorsus adversatur naturæ Divinæ spirituali, simplicissimæ, & infinitæ; in quâ non est visibilitas, nec lineamenta, eorumve ductus ac terminatio, aut extensio ulla, nec ulli limites; adeo ut prorsus sit ineffigibilis. Consequenter per istiusmodi imagines non verè repræsentatur verus Deus; sed falsum & fallax Deitatis signum absurdè exhibetur. Hinc Jerem. x, 14, 15. Mendacium est conflatile ejus; Vanitas sunt, &c. Hab. 2, 18. Conflatile, & quod docet mendacium

2. Reprehenditur istiusmodi simulachrorum effictio, tanquam absurda, & in Deum injuria: Jes. xl, 18. Cui igitur assimilabitis Deum? Et quam similitudinem ponetis ei? Et de ipsis Gentilibus; Rom. I, 22, 23, 25. Cum se dixerint sapientes, stulti facti sunt. Mutarunt enim gloriam

gloriam incorruptibilis Dei in simulachrum imaginis corruptibilis hominis, & volucrum & quadrupedum &c.

3. Prohibetur severissimè, ipsis verbis secundi præcepti, Exod. xx, 4, 5. Deut. v, 8, 9. Non facies tibi sculptile, neque ullam similitudinem eorum quæ sunt in cælo sursum, &c. Itemque Deut. iv, 15, 16. Cavete ergò diligenter animabus vestris: Ne forte corrumpatis vias vestras, & faciatis vobis sculptile, aut imaginem ullius simulachri, &c. 23.

24. Cavete vobis, ne forte obliviscamini pacti Jehovæ Dei vestri, & faciatis vobis sculptile, aut imaginem cujuscunque rei; - Nam Jehovah Deus tuus ignis consumens est, Deus zelotes.

LVII. Obj. 1. Homo à Deo conditus est ad ipsius imaginem: ergò rectè conficitur imago Dei ad similitudinem hominis. Resp. Nego consequentiam: nam 1. imago ista propriè constitit in dotibus ac perfectionibus spiritualibus; - quæ imagine corporeâ exprimi non possunt. 2. Retorqueo argumentum: cum enim tot homines existant in mundo, ac tot hominum imagines, jam frustra impenduntur tanti labores & sumptus conficiendis peculiaribus imaginibus Dei.

Obj. 2. Deus aliquoties visibili aliquo signo se conspicendum præbuit: ergo. Resp. Deus quidem interdum aliquo symbolo præsentiam suam extraordinariam, respectu extraordinariæ alicujus operationis ac revelationis, demonstravit: utpotè in rubo ardente, specie columbæ, &c. non vero essentiam suam tali imagine repræsentavit, aut repræsentandam docuit: sed contrarium ipse docuit, Deut. iv, 15, 16 & alibi.

Obj. 3. Virtutes & vitia, aliaque istiusmodi, quin & Angeli, imagine exhiberi possunt: ergo. Resp. Imo eorum operationes solum signo hieroglyphico utcunque repræsentantur; verum ipsæ essentiæ sic non exprimiuntur. Quicquid autem in Deo est, per ipsius simplicitatem est ipse Deus: atque id, quo Deus est, & à creaturis distinctus, tale est, ut nullo simulachro possit exprimi.

Obj. 4.

Obj. 4. In meditationibus de Deo, & orationibus ad ipsum, Deum nobis repræsentamus imagine mentali: ergo. *Resp.* Non est necessum, imo nec licitum, Deum concipi ut corporeum, vel aliter finitum; atq; ita simulachrum aliquod Dei in mente nostrâ confici: is enim non foret verus conceptus veri Dei; sed conceptus aliqujus creaturæ, loco veri Dei; atque adeo conceptus idololatricus. Neque tamen omnino nihil concipimus, qui foret conceptus atheisticus. Sed formamus de Deo conceptus plures inadæquatos; quemadmodum apprehensivè, non comprehensivè, ipsum cognoscimus. Sic ergo concipimus veram substantiam spiritualement, suâ perfectione omnes creaturas prorsus & infinitè transcendentem.

LVIII. Sed neque confectæ ejusmodi imagines sic usurpari debent, nec asservari in talem usum: ita enim
1. continuatur atque augetur peccatum in prima earum confectioe inchoatum.

2. Istâ usurpatione peccatur formaliter adversus *ἐμφατικῶταλα* hujus Præcepti verba; *Non incurvabis te eis, neque coles ea*; *Exod. xx, 5.*

3. In detestationem idololatriæ, Deus instrumenta ejus propria destrui mandavit aliquoties: inter alia *Deut. vii, 25, 26.*

Atque ita 4. cum laude refertur de Rege Hizkiah, 2 *Reg. xviii, 4.* Ipse sustulit excelsa, & contrivit statuas, & succidit lucum: confregitque serpentem æreum, quem fecerat Mose; quia usque ad dies illos filii Israël suffiebant ei: & vocavit eum *Nehustan.*

LIX. Ad Imagines creaturarum quod attinet non omnem earum formationem aut confectionem omnino illicitam vel prohibitam dicimus: nec absolutè vetitas artes *ἐκασινὰς*; quibus rerum corporearum externa spectabilis forma exprimitur & repræsentatur, vel operationes & effecta quædam aliarum etiam rerum symbolice adumbrantur: Deus enim quosdam istis

quoque artibus instruxisse dicitur, *Exod. xxxi, 2, -6. xxxv, 30, -35.* Atque in Tabernaculo, ac deindè etiam in Templo, ex præscripto ipsius Dei confectæ fuerunt quædam imagines Cherubinorum, palmarum, florum, &c. Sed illicitas & prohibitæ dicimus imagines creaturarum, eo fine & modo, ut in iis, aut per eas, ipsum cultûs religiosi objectum utcunque repræsentaretur, & sic ad eas cultus religiosus præstaretur. Hoc autem patet, 1. ex verbis præcepti; *Non facies tibi sculptile, neque ullam similitudinem, &c. Non incurvabis te eis, neque coles ea; Exod. xx, 4, 5.*

2. Simile est interdictum, *Deut. iv, 16, 17, 18.* Ne forte corrumpatis vias vestras, &c.

Atque iterum 3. *Levit. xxvi, 1.* Non facietis vobis idola, & sculptile, & statuas non erigetis vobis; neque lapidem pictum ponetis in terrâ vestra, ut incurvetis vos ei: Ego enim Iehovah Deus vester.

Obj. Imagines Cherubinorum, aliæque, fuerunt in Tabernaculo, & in Templo V. T. Ergo. *Resp.* Illæ imagines ipsum objectum cultus religiosi nullo modo repræsentârunt; neque in iis & per eas Deo, aut sanctis quibusdam creaturis, cultus religiosus deferri debuit; imo nec secundum Dei præscriptum potuit. Sed pro ratione cultus istius æconomici, pluriumque institutorum ceremonialium, per eas symbolicè aliquid adumbratum fuit, ad Angelorum functiones, & ad maiestatis ac gloriæ Divinæ indicium qualecunque, spectans: quod ipsum etiam in N. T. locum habere non debet, ubi cultum oportet esse magis spiritualem, sublati omnibus istiusmodi typis ac symbolis.

LX. Prorsus igitur illicitus censi debet talis imaginum usus, ut quis se coram iis prosterneret, eas amplexaretur, deoscularetur, &c. quamvis eâ mente ut non in ipsis, sed in earum exemplari vel archetypo, universus cultus religiosus terminaretur. Obstant enim 1. posteriora illa verba secundi præcepti, *Non incurvabis te eis, neque coles ea; Exod. xx, 5.* 2. Quo-

2. Quoniam earum confectio in istum usum prohibita est; (ut modo probatum;) multo magis ipse talis earum usus censeri debet prohibitus.

3. Deus omnem cultus religiosi communicationem ad aliud quaecunque objectum, præter se, districtè prohibuit; utpotè nolens gloriam suam alteri dari zelotes, & ignis consumens, *Jes. xlii, 8. xlviii, 11. Exod. xx, 5, Deut. v, 9-1v, 24.*

4. Magis etiam nunc sub N. T. talis usus adversatur cultui spiritali, qualem sub hac œconomia esse oportet.

Exc. Ex hominum fœcundia oritur necessitas devotionis per ejusmodi adminicula excitandæ & promovendæ, *Resp.* Sed nos non decet arbitrato proprio adminicula istiusmodi fingere; nedum à Deo diserte prohibita: quin & ipse Deus objecta & adminicula satis multa ac varia nobis suppeditavit, quæ occasionem præbent majestatem ipsius meditandi & prædicandi, quæque nos ad ipsius cultum & honorem debent incitare: minus autem veniendum ad ea, quæ ulterioris etiam idololatriæ proclivem occasionem præbere possunt & solent.

Multo etiam magis censeri debet illicita confectio & usus imaginum in ordine ad falsa numina, aut qualiacunque objecta cultus religiosi præter unum verum Deum; quatenus videlicet istæ imagines adminicula forent, aut symbola, talis cultus idololatrici: quoniam enim omnis ejusmodi cultus illicitus est, adminicula ad ipsum proprie ordinata non possunt esse licita. Et quemadmodum ipse ille cultus primò Decalogi præcepto adversatur, sic talis imaginum confectio & usus ad illum cultum; secundo præcepto repugnat: Hoc autem ad imagines humanæ naturæ Christi; & Sanctorum, in Papatu quoque applicatum volumus.

LXI. Sed neque imagines Christi; & Sanctorum; in templis aut oratoriis Christianorum haberi debent

pro libris Laïcorum, quos vocant *Pontificii*: Deus enim 1. non ista media ad eorum instructionem ordinavit, sed Verbi sui lectionem & prædicationem, cum annexâ Sacramentorum administratione: *Ies. viii, 19, 20. Luc. xvi, 29. 2 Petr. i, 19. Matth. xxviii, 19, 20. 1 Cor. xi, 24, 25, 26. Rom. x, 8, 17. 1 Cor. 2, 1, 2. 2, v, 19. Gal. iii, 1, 2.*

2: Nec idonea sunt, ignorantes docere veritatem Divinam ac salutarem: *Psal. cxv, 4, 5. Simulacra eorum sunt argentum & aurum, opus manuum hominum. Os est eis; & non loquuntur.* Solo autem aspectû quis discernet Christum pictum, vel fictum, à Cajapha, aut Pilato? Petrum, à Judâ? &c.

3. Pontificiorum imagines, mendacia, vanitatem & superstitiones docere aut confirmare magis apta sunt. *Ierem. x, 8, 14. Hab. 2, 18. Zach. x, 2.* Facile ista apparent in Mariâ instar reginæ vestibibus pretiosissimis ac diademate amictâ & exornatâ, in Petro externis clavibus instructo, in Paulo gladium gerente, &c. Ac potissimum in Divis chimæricis.

4. Gravissimum est periculum, ne homines ab usû historico ulterius procedant, ac tandem ad idololatriam prolabantur; ut in Papatu factum.

Propterea ne quidem approbamus usum historicum, & ornatum templorum per imagines, quem *Lutherani* prætendunt, & cujus gratiâ imagines conservari volunt: cum ornatus etiâ talis simplicitati & spiritualitati œconomiae N. T. non conveniat; atque adeo Christiani in Ecclesia primitivâ eum nec habuerint, nec quæsierint.

LXII. Succedit *ἑθελοθρησκεία* in ordine ad Deum; cultus scil. voluntarius, quem homo arbitratû proprio constituit, vel assumit & præstat, absque ipsius Dei mandato aut placito. De illa satis diserte, 1. *Col. 2, 21. 23. Quæ omnia sunt comparata ipso usu ad corruptionem, præscripta ex præceptis & doctrinis hominum: Quæ ratio-*

nem quidem habent sapientiæ in cultu voluntario, & submissione animi, & in eo quod corpori non parcant, nec tamen ullius sunt pretii, cum ad ea spectent quibus farcitur caro. Deut. 22, 8. Non facietis juxta omnia quæ nos facimus hîc hodiè singuli quicquid rectû est in oculis suis. Confer 1 Sam. 13, 13. & 15, 15, 22. Sic Matth. 15, 9. ex Jes. 29, 13. Frustra Me colunt, docentes doctrinas quæ sunt præcepta hominû.

2. Contra vero postulat Deus, ut sua præcepta quam accuratissimè observentur, omisiss moribus, & patrum institutis, & qualicunque hominum arbitrio proprio. Ezech. xx, 18, 19. In præceptis patrum vestrorum ne incedatis, & judicia eorum ne custodiatis. - Ego Jehovah Deus vester: in præceptis Meis ambulate, & judicia Mea custodite, & facite ea. Lev. 18, 3, 4. Deut. 12, 32. Prov. 30. 6.

3. Ipsius Dei ὡς προσχῆ, nostræque ab eo dependentiæ, ac debitæ subjectioni, consentaneum omnino est, ut ipse præscribat, quem & qualem sibi cultum à nobis præstari velit.

4. Mens hominis, ubi deserit normam à Deo præscriptam, vel eâ destituitur, malè judicat de officio suo, & non potest non exorbitare. Prov. 14, 12, xv, 25. Est via recta coram viro, & novissimum ejus Viæ mortis. Joh. 16. 2. Imo veniet tempus, cum quisquis trucidabit vos, putabit se cultum præstare Deo.

Hoc igitur nomine rejicienda sunt plurima, quæ apud Pontificios, aliosque superstitiosos, magnam sanctitatis & devotionis laudem habere solent, & traditionum, vel institutorum Ecclesiasticorum, nomine commendari. Cujusmodi sunt vita monastica, horæ canonicæ, litanie, peregrinationes & processiones religiosæ, flagellationes spontaneæ, nudipedalia, discrimina ciborum, templorum dedicationes & sumptuosa ornamenta, &c. quibus omnibus rectè applicantur, ista Ies. 1, 12. Quis quæ sivit hoc de manu vestra? Ierem, xix, 5. Quod non præcepi, nec locutus sum, nec ascendit super cor Meum.

LXIII. Cum Socinianis hic etiam non est putan-

dum, quod Christus secundum præceptum auxerit addito mandato de cavendis idolis, eorumque locis, ut & idolothytis. Nam 1. de idolis fugiendis satis aperta & emphatica est prohibitio. Exod. xxi. 1, 3. *In omnibus, que dixi vobis, cauti eritis. Neque nomen Deorum aliorum memorabitis: non audietur in ore tuo.* Imò & ratio huic secundo præcepto adjecta; Ego enim Iehovah Deus tuus, zelotes, &c. Atque item exemplum, Psal. xvi. 4. Nec non promissio. Hos. 2, 17.

Similiter etiã 2. de instrumentis & locis cultui idolorum appropriatis; ut ea confringantur, vel etiã diruantur, ad tollendam occasionem seductionis, & in detestationem idololatriæ: Deut. vii, 25, 26. xii, 2, 3. Confer factum Patriarche Jacobi & familiarium ejus. Gen. xxxv, 2, 4. Atque item exemplum Regis Hiskiah, 2 Reg. xviii, 4.

Quantum verò attinet 3. ad Idolothyta, quatenus subesset conscientia idoli, aut participatio aliqua idololatriæ, sic ea etiã sub V. T. fuisse prohibita & illicita, satis patet ex historiã, Num. xxv, 1, 2, 3. *Cœpit populus fornicari cum filiabus Moab. Et vocaverunt populum ad sacrificia Deorum suorum: comeditque populus.* Unde etiã Apostolus argumentum petit, 1 Cor. x, 7, 8. *Ne igitur idololatriæ fiat is, sicut quidam eorum, &c.* Adde exemplum Davidis, Psal. xvi, 4.

Obj. In N. T. dicitur, 1 Joh. v, 21. *Filioli, cavete ab idolis.* itemque 1 Cor. x, 14. *Dilecti mei, fugite ab idololatria.* Et idolothyta, quamvis in se non illicita manducari, prohibentur tamen 1 Cor. viii, & x. Resp. Scilicet quando & quatenus in iis foret participatio aliqua idololatriæ, aut metus seductionis ad eam. Verum ista non sunt nova præcepta; sed antiqua, sub N. T. repetita, & ad præsentes occasiones applicata.

Inst. Novo Test. proprium est, quod dicitur 1 Cor. 8, 10, 11. *Etenim si quis viderit te, illã cognitione prædicationem, in idoleio accumbere, nonne conscientia ipsius, qui infirmus*

firmus est, instruetur ad edendum ea quæ sunt idolis mactata? Et tuâ istâ cognitione frater ille infirmus, propter quem Christus est mortuus, peribit? Resp. Ista ratio à dilectione proximo debitâ, atque itâ ex posteriore Legis tabulâ, desumpta est, sed novum additamentum ad secundum Decalogi præceptum nullo modo constituit; aut probat: ut neque mortis Christi mentio in præterito tempore.

LXIV. Sed & contra *Pantificios* tenendum, *Secundum* illud præceptum à primo verè distinctum esse: cum in primo prohibeantur falsa objecta terminantia cultus religiosi; & vel objecti agnitio & cultus conveniens præcipiatur: in *secundo* vero prohibeantur modi, ac media, absurdè ab hominibus excogitata, confecta, & adhibita ad cultum Dei; simulque præcipiatur modus Deum colendi ab ipso institutus. Consequenter, *secundum* istud præceptum nullo modo omitterendum est, tanquam supervacaneum: quod frequenter faciunt Adversarii, ad occultandam enormem illam idololatriæ suæ speciem: neque pro appendicè solum, aut declaratione *primi* præcepti, habendum.

XLV. *Sociniani* *tertio* præcepto duo per Christum pro N. T. adjecta statuunt; 1. ne leviter vel temere juremus. 2. quod etiam per nomen ipsius Christi jurare liceat. Sed quantum attinet ad prius; 1. Adversarii prorsus non possunt probare, sub V. T. juramenta temeraria, quâvis de causâ, & in vitâ quotidianâ, fuisse licita: neque enim id colligi potest ex reprehensione & correctione Christi, *Matth. v. 33, - 37.* quæ solum adversus praxin & perversa glossæmata Phariseorum & Scribarum institutæ sunt.

2. Diserte in *tertio* præcepto prohibetur omnis usurpatio nominis Divini vana aut temeraria: at certe juramentum temerarium, est temeraria nominis Divini usurpatio.

3. *Scopus* præcepti procul dubio est, prohibere

omnem profanationem nominis Divini; sed ea manifeste inest in juramento temerario.

4. Rationes, cur *Sociniani* existimant juramenta temeraria nunc sub N. T. esse prohibita & illicita, tales sunt, ut non debeant Novo Test. peculiares censi; sed & Veteri communes: nimirum ut nomen Dei in suminâ semper veneratione sit, & ne per malam ac levem jurandi consuetudinem homines ad perjuriam prolabantur.

LXVI. Affinis est error *Anabaptistarum*, qui omnem juramenti usum sub N. T. illicitum & prohibitum putant, cum sub V. T. fuerit permissus & licitus. Nos autem hæc *Argumenta* opponimus; 1. Juramentum, ubi rectè usurpatur, in causâ verâ, & satis gravi, cum sincerâ & humili reverentia Dei, ad ipsius gloriam, ac proximorum nostrorum bonum, moralis cultus pars est: atque ita ab ipso Deo præscribitur, Deut. vi, 13. *Jehovam Deum tuum timebis, & ipsum coles: ac per nomen ejus jurabis.* Similiter x, 20. Confer Matth. iv, 10. Iterum Jer. iv, 2. *Et jurabis, vivit Jehovah, in veritate, in judicio, & in justitiâ: & benedicent sese in eo Gentes, & in eo gloriabuntur.* Istâ ratione ipsi Gentiles ad reverentiam & cultum veri Dei debuerunt adduci; cujus rei complementum pertinet ad N. T. Specialis casus expressus est Exod. xxi, 10, 11. Adde exempla Abrahami, Gen, xxi, 23, 24, 31. Isaaci, xxvi, 31. Jacobi, xxxi, 53. Davidis, 1 Sam. xx, 17, 42. Primariorum Sacerdotum, Levitarum, universi Israël, præeunte Ezrâ; Ezr. x, 5.

2. In V. T. extant illustres prophetiæ de juramentis sub N. T. faciendis, & ad religionem ejus spectaturis; Ies. xlv, 23. *Per Me juravi, egressum est de ore Meo in justitia verbum, & non revertetur; quod Mihi curvabitur omne genu, per Me jurabit omnis lingua.* Item cap. xix, 18. lxxv, 16.

3. Usus legitimi juramenti docetur etiam in N. T.

Hebr.

Hebr. VI, 16, 17. Homines quidem per eum jurant qui sit major ; atque iisdem omnis controversiæ finis est iusjurandum ad confirmationem adhibitum. Quâ in re Deus volens ex abundanti hæredibus promissionis ostendere immutabilitatem consilii sui, fidejussit iurejurando.

Accedunt 4. irrefragabilia quædam exempla N. T. 2 Cor. I, 23. Ego vero testem Deum invoco in meam animam. Similiter fere Rom. I, 9. IX, I. 2 Cor. XI, 31. Gal. I, 20. Phil. I 8. I Thess. II, 5. Adde exemplum Angeli, qui Apoc. X, 5, 6. sustulit manum suam ad cælum : Et juravit per Eum qui vivit in sæcula sæculorum, qui creavit cælum & ea quæ sunt in eo, &c. Ex quibus omnibus luce meridiana clarius est, usum aliquem juramenti licitum & utilem, imo etiam pro ratione circumstantiarum necessarium, esse in N. T.

Obj Matth. V, 34, 37. & Jac. V, 12. Resp. illa accipi debent de juramentis temerariis ; & speciatim istiusmodi, qualia Pharisei & Scribæ sine scrupulo adhiberi posse existimabant ; utpote per cælum, per terram, per Hierosolimam, per caput suum, & id genus alia. Hunc eorum errorem Christus quoque detegit, & refutat Matth. XXIII, 16, 22. Tales propterea formulæ recensentur ; at non Per Deum, Vivit Iehovah, aut similes. Atque ita verbum jurandi de juramento temerè, vel aliter, malè adhibito, usurpatur Eccl. IX, 2. *Eventus unus est iusto & impio: sicut bonus, sic qui peccat: & is qui jurat, est sicut is qui juramentum timet.* In communi & familiari conversatione igitur à juramentis abstinendum ; nec facilè ultra simplicem affirmationem vel negationem progrediendum: Verum ubi rei gravitas, hominum negligentia, vel alia necessitas, quid amplius postulat, ulterius etiam licite procedi, docet exemplum ipsius Christi, qui toties usurpavit, vel etiam ingeminavit, particulam Amen : & à Pontifice adjuratus per Deum viventem, respondere non dubitavit, Matth. XXVI, 63, 64. & alia plurima à nobis allegata.

LXVII. Ad alterum hujus præcepti augmentum quod attinet, non minus etiam hic errant *Socinistæ*: nam 1. Christus, aut Filius Dei, sub V. T. quoque agnoscendus fuit pro vero Deo; atque adeo per ipsum tunc pariter jurare licuit: imo, cum per *Jehovam* juratum est, hic minime fuit exclusus.

2. Adoratio Christi non est Novo Test. propria, nec à Veteri excludenda; sed ejus species est juramentum.

3. Speciatim *Jes. xlv, 23*, *Per me juravi*, &c. quod *Israëlitæ* in isto negotio fecerunt sub V. T. idem *Gentiles*, per N. T. quoque vocandi, facturi erant similiter. Sed ad Christum, aut Filium Dei, applicandum esse istum locum, patet per ejus collationem cum *Phil. II, 10, 11*. *Ut ad nomen Jesu omne genua flectat*, &c. Per ipsum igitur sub V. T. etiam licitum fuit jurare.

4. addimus ad hominem; quoniam frequenter verba formaliter expressa à nobis postulant *Adversarii*; minus recte, convenienter suæ propriæ methodo, dicere possunt, tertium præceptum hoc à Christo esse auctum, quod sub N. T. etiam per ipsius nomen jurare liceat; cum non ostendant id ipsum in N. T. sic formaliter expressum.

LXVIII. Sed *Pontificii* existimant, licitè etiam jurari posse per Sanctos, aliasque creaturas: prorsus *idololatricè*: cum & hanc cultus religiosi speciem sibi soli reservatam voluerit verus Deus; *Deut. vi, 13, 14*.

Jehovam Deum tuum timebis, & ipsum coles, ac per nomen ejus jurabis. Similiter *x, 20*. Quæ Christus allegat hoc modo, *Matth. iv, 10*. *Dominum Deum tuum adorabis, & illum solum coles*. Ipsi ergo soli proprius est ille cultus, cujus species est juramentum. Vide iterum *Ies. xlv, 23*. Propterea tam ægre fert Deus, si per alios juretur: *Jerem. v, 7*. *Am. viii, 14*. *Tzephan. i, 8*.

2. Hoc indicant ipsæ formulæ, *Vivis Jehovab; In-*

voco Deum testem in animam meam, &c. Jerem. IV, 2. 2 Cor. I, 23, &c.

3. Solus Deus est omniscius, ac proinde solus idoneus qui invocetur super animam & conscientiam nostram: I Reg. VII, 39. Tu enim nosti solus cor omnium filiorum hominum. Jerem. XVII, 9, 10. Fraudulentum est cor præ omnibus rebus, & perversum, quis cognoscet illud? Ego Jehovah scrutans cor, probans renes, &c.

4. Soli etiam Deo convenit suprema potestas judiciaria, ut possit pœnas spirituales & æternas infligere: consequenter in juramentis ad ipsum solum est provocandum. Deut. XXXII, 35. Mea est ultio, & retributio. Matth. X, 28. Metuite potius eum, qui potest & animam & corpus perdere in gehennâ.

Obj. 1. Per creaturas rectè juratum est, Cant. II, 7. III. 5. Adjuro vos, filie Jerusalemi, per capreas, vel cervas agri: Alibi, per vitam Pharaonis, per animam alicujus hominis, &c. Ergo, Resp. 1. Verba illa in Cantica possunt etiam hoc modo transferri; Adjuro vos, filie Jerusalemi, quæ estis apud capreas, vel cervas agri. Vel possunt sic accipi; Filie Jerusalemi, per Deum vos adjuro, ut estis affectæ erga capreas, vel cervas agri, ita hujus amoris habete rationem. 2. Alicubi potest intelligi comparatio aliqua, vel illustratio rei per aliquod simile: ut si quis diceret; quam vere nunc dies est, aut nos vivimus, &c. atque ita accipi possunt ista, Gen. xlii, 51. Vivit Pater. I Sam. I, 26. Vivit anima tua, Domine mi. 3. In dictis & factis Josephi, Hannæ, & similium, agnoscenda quidem est necessario authenticitas historiæ; sed non item normæ. 4. Possunt etiam inter jurandum assignari quædam, in quibus puniri velimus, si pejeremus, aut nobis bene fieri cupiamus, si vere juremus, atque ita rectè commemorari potest anima nostra; ut 2 Cor. I, 23. Sed nequaquam licet jurare per animam, hoc est jurando animam invocare.

Obj. 2.

Obj. 2. Qui jurat per cœlum, per terram, per Hierosolymam, &c. obligatur ad faciendum quod juravit: sic validum est illud juramentum; & consequenter licitum. *Resp.* Nego consequentiam: quamvis enim homo sic pejerare minimè debeat, & coram Deo reus constituatur, propter respectum istarum creaturarum, atque ipsius juramenti qualiscunque ad Deum: inde nullo modo sequitur, tales jurandi modos esse licitos, aut legitimos. Vide *Matth. XXIII, 20, 21, 22.*

LXIX. *Quartum præceptum* esse morale & perpetuum; non ceremoniale duntaxat, & per Christum sub N. T. abrogatum, ut volunt *Sociniani*, patet ex dictis *th. 13. §. d. & th. 17.* Sed in N. T. non esse *Festa* proprie dicta; sive dies anniversarios, ratione mysterii, ex religiosâ devotione, ob conscientiam propriam, necessario observandos, nedum in honorem Angelorum, vel hominum Sanctorum, probamus contra *Pontificios*, 1. quia ista observatio prorsus caret institutione Divinâ; quâ tamen omnis religio niti debet; *Col. II, 23. & Matth. xv, 9. ex Jes. xxix, 13.*

2. Caret exemplo Apostolorum, Ecclesiæ Apostolicæ, & antiquitatis primævæ, ut patet ex SS. Literis, ac porro ex historiis, aliisque scriptis Ecclesiasticis.

3. Repugnat Verbo Dei; ac nominatim locis, *Rom. xiv, 5, 6. Gal. iv, 10, 11. Col. 2, 16. 17.* Nec citra Verbum Dei oportet nos quicquam excipere, nisi judicari velimus decipere.

4. Magna est ista symbolizatio cum superstitionibus Gentilium, & cum typicis observationibus Israëlitarum: quæ per N. T. abrogatæ sunt, atque hujus liberationis omnino adversantur. *Gal. v, 1. In libertate igitur, quâ Christus nos liberavit, perstate; & ne regredientes implicamini servitutis jugo.*

Illis vero speciatim, quæ honori Angelorum, vel ho.

hominum Sanctorum, dicata sunt, applicari possunt argumenta ista idololatriæ superiùs opposita. Quemadmodum etiam *Sabbathum Mariæ*, & *Jubilæa* eadem methodo refutari facillè possunt; nisi quod hæc insuper involvant Indulgentiarum Papalium absurditates absurdissimas. *Martinalia*, *Regalia*; aliaque Festa pinguis, comestationibus, computationibus, jocis, & voluptatibus carnalibus celebrari solita, sua similiter specialia mala habent.

Obj. 1. Diem Dominicum hebdomatim observant omnes Christiani ex traditione vel constitutione Ecclesiasticâ. *Ergô. Resp.* Negô antecedens; quantum enim attinet ad tempus hebdomadarium, sic quantum Decalogi præceptum nos obligat; specialius autem istum diem, talemque ejus appellationem, ex Scripturâ N. T. deducimus; non verò ex aliâ traditione, vel institutione solum Ecclesiasticâ.

Obj. 2. Dies supplicationis: atque item Eucharistici habentur etiam per suas occasiones. *Ergô. Resp.* Ista praxis in genere Verbo Dei nititur, applicatio verò ad certos dies, ex prudenti causarum & circumstantiarum observatione instituitur pro re natâ; & quidem ex Dei præscripto.

Obj. 3. Quotannis etiam in Ecclesiis Reformatis observari solent Dies nativitatis, & resurrectionis Christi, ac missionis Spiritus Sancti, cum sequentibus proximis, vel etiam Dies circumcisionis, & ascensionis. *Resp.* At non ratione mysterii; neque ob conscientiam propriam: sed ratione ordinis, & scandali turbarumque evitandarum gratia; quamvis istæ historiæ, tum in doctrinâ catechetica, tum aliis occasionibus variis, tractari etiâ possint & soleant.

LXX. In quinto præcepto Patris & Matris nomine primò quidem intelligendi sunt parentes proprie dicti: *Prov. XXI 11, 22.* Sed porro quotquot, ex ordinatione Divinâ in quocunque statu, *Q*uoniam *E*conomico *P*oliti-

Politico, Ecclesiastico, aliis præfæcti sunt: Parentum enim in liberos prima est insignis præfectura, maximèque naturalis. Hinc *Patrum* appellatio, aliæque similes, talibus quoque communicantur; *Rom.* ix, 5. *Joh.* vii, 39. *Exod.* iii, 15. *Num.* ii, 34. Item *Ruth.* i, 1. *Esth.* ii, 7. *Gen.* iii, 10. Imò & 2 *Reg.* v, 13. Ista ad statum Oeconomicum pertinent: similia occurrunt in Politico; 1 *Sam.* xxiv, 12. *Jud.* v, 7. Et in Ecclesiastico; 2 *Reg.* ii, 12. 1 *Cor.* iv, 15. *Philem.* 10. Tam latè igitur hic ista appellatio accipi debet; ut officia inferiorum omnium erga suos superiores, & vicissim superiorum erga suos inferiores, hùc propriè pertineant.

LXXI. *Quæritur* 1. An liceat Liberis vitam Monasticam vovere; aut suscipere; invitis Parentibus? *Resp.* Neg; contra *Pontificios*, qui hoc licitum putant; modo Parentes Liberorum auxilio carere possint; & Liberi ad annos pubertatis pervenerint; utpotè mares ad annum ætatis decimum quartum, feminae verò ad duodecimum. Sed 1. istud adversatur reverentiæ, obedientiæ, & fidei; Parentibus, per hoc præceptum debitæ. Confer *Eph.* vi, 1, 2. *Col.* iii, 20. Imò, quamvis nunc forte videantur Parentes indigere posse Liberorum auxilio: evenire potest facilè; ut brevi eo maximè egeant.

2. Si Liberi sub V. T. vota; Deo cæteroquin grata & accepta, concepissent, Parentes ea vel rata habere; vel irrita facere potuerunt: at sine Parentum consensu non fuerunt valida. *Num.* xxx, 5, 6.

3. Christus disertè reprehendit morem istum Pharisæis usitatum, quo Liberi se aut sua Deo sacra faciebant, atque ita Parentum auxilio subtrahabant; *Matth.* xv, 5, 6. *Marc.* vii, 11, 12, 13.

4. Accedit ratio: nemo potest absolute Deo vovere, quod suum non est: ac Liberi non sunt sui ipsorum; sed Parentum possessio; *Psal.* cxxvii, 3. Confer sup. th. 32.

Obj. 14

Obj. 1. Deut. xxxi 11, 9. Qui dicit patri suo & matri suæ, Non vidi eum; & fratres suos non cognovit: nam custodierunt eloquium Tuum, & pactum Tuum servaverunt. Istos Levitas imitantur, qui sic vitam Monasticam ingrediuntur: Ergo. Resp. Levitæ singulari præcepto Dei obligati erant ad occidendum, sine discrimine, aut respectu personarum, quosvis sibi obvios, qui sese polluissent impuro Moabiticarum commercio; *Num. xxv, 5, 7, 8.* Sed de vitâ Monasticâ nulum extat præceptum Dei.

Obj. 2. Matth. x, 37. oportet nos Christum diligere supra parentes. & Act. iv, 19. v, 29. Deo magis obedire, quam ullis hominibus. Ergo. Resp. Sed cum Deus Verbo suo vitam Monasticam omnino non instituerit, aut commendaverit; illis votis non ostenditur dilectio Christi, neque obedientia Dei: imò potius ista dilectio & obedientia postulat, ut Parentibus præstetur suus honor; atque adeo vota illa omittantur, rejiciantur, & redarguantur.

LXXII. Queritur 2. An liceat Liberis contrahere matrimonium Parentibus insciis, aut invitis? *Resp.* Neg. similiter; & sententiam probamus primo iisdem argumentis proxime adductis: nam 1. honor & obedientia Parentibus, per ordinationem & legem Dei debita, omnino requirit, ut ne tantam rem aggre-
diantur Liberi, ipsis insciis, vel invitis.

2. Si Parentes vota Liberorum, Deo factas, poterunt irrita reddere, multo magis contractus cum homine ineundus ad illorum arbitrium referri debet.

3. Si Liberi non debuerunt se, aut suæ, Parentibus subducere, ut Deo sacra facerent: multo minus ut conjugii adhæreant, Parentibus insciis, aut invitis.

4. Quia sunt Parentum possessio, non licet iis sese Parentibus, citra ipsorum consensum, subducere; istaque familiâ relicta, ad aliam transire; aut novam
eri-

erigere, quod fit in matrimonio : *Gen. II, 24.*

Accedunt aliæ rationes, utpotè 1. quod passim SS. Literæ parentibus tribuant dare filias suas nuptum, & accipere filiis suis uxores. *Exod. xxxiv, 16. Deut. vii, 3, 1 Cor. vii, 37, 38.* Imo etiam si fortè virgo à quo juvene esset seducta & vitiata, atque ita res non integra; liberum tamen fuit patri illius in politia Israeliticâ eam isti non dare uxorem : *Exod. 22, 16, 17.*

2. Consentiunt exempla, non solum Hagaræ, circa filium Ismaëlem, *Gen. xxi, 21.* sed & Abrahami, circa Isaacum; *xxiv, 3,* - & Bethuelis circa filiam Rebeccam, *vers. 50, 51.* Judæ circa filium suum primogenitum; *xxxviii, 6.* Calebi, circa filiam; *Jud. I, 12.* Simsonis, qui parentum suorum consensum requisivit; *xiv, 1, 2.*

3. Per matrimonium filii, parentes ejus acquirunt nrum, quæ fit quasi filia ipsorum; parentes verò filiæ, acquirunt generum, qui fit quasi filius ipsorum: sed ista acquisitio consensum ipsorum omnino requirit.

Obj. 1. Matrimonium est Sacramentum; ac proindè consensus parentum non est de ejus necessitate. *Resp.* Nos istam hypothefin secundum SS. Literas rejicimus.

Obj. 2. Consonat exemplum Esavi; *Gen. xxvi, 34, 35.* *Resp.* Indè factum quidem apparet, cui convenit αὐθεντία hystoriæ, non vero jus, & αὐθεντία normæ.

LXXIII. Tenendum verò contra *Anabaptistas*, quod non solum Christianus Magistratui Politico subesse ac parere; sed etiam eum gerere, possit bonâ conscientia. Nam *Rom. xii, 1, - 7.* Apostolus supereminentem potestatem, non Dei permissionem vocat; sed ordinationem, & ministros Dei in bonum, & ad laudem eorum qui rectè agunt. Neque loquitur de Magistratibus infidelibus tantum, aut quate-

nus tales erant : sed communiter de isto munere, & officiis eò pertinentibus. Confer *Deut.* I, 17. *2 Chron.* 19, 6. Sic etià juxta *1 Tim.* II, 1, 2, 3. Deum rogare debent fideles pro Regibus & Magistratibus, non solum ut convertantur qui infideles sunt, neque ut potestatem illam suam deponant; sed ut sub eorum regimine tranquillam & quietam vitam degant subditi, cum omni pietate ac honestate. Quod autem tali modo, ac tali fine, Deum precamur, id bonæ conscientiæ non adversatur. Juxta *Tit.* 3, 1. imperia & potestates pertinent ad defensionem ac promotionem omnium bonorum operum : talis est ista Dei constitutio. Et juxta *1 Petr.* II, 13, - 16. parendum est illi ordinationi propter Dominum, qui eam constituit. Apostolus interim *humanam ordinationem* vocat, tum quod specialis forma regiminis, & applicatio ad singulares personas, per homines ordinetur ac perficiatur; tum quod occupentur propriè iis, quæ ad vitam & conversationem hominum in hoc mundo pertinent.

2. In V. T. non solum occurrunt multa exempla Regum, Principum, Judicum, piorum & laudatorum; sed etià prædictiones de talibus sub N. T. futuris : ut *Ies.* 44, 23. *Ix.* 3, 10. cum *Apoc.* 21, 24. In conversione igitur ad Christum, non debent deponere suam potestatem & gloriam; sed in bonum & ad ædificationem Ecclesiæ eam conferre.

3. In ipso N. T. occurrunt exempla fidelium ac piorum Magistratum, qui non deposuerunt istam suam potestatem; sed sancte eâ usi sunt. Sic *Luc.* 23, 50, 51. commemoratur *quidam nomine Joseph, Senator, vir bonus ac justus.* *Ioh.* 4, 46, - 53. *regius quidam;* qui credidit ipse, ac domus ejus tota. *Act.* 10, 1, 2. *Cornelius, centurio, - pius ac timens Deum, cum totâ domo sua;* &c. *xiii.* 12. *Sergius Paulus Proprætor ad fidem conversus.* Sed nihil omnino in omnibus illis,

quod vel dignitatem ac potestatem suam Politicam deposuerint, vel deponere debuerint.

LXXIV. *Obj. 1.* Christus solus Ecclesiæ suæ Caput & Rex est: Ergo. *Resp.* Sed Caput & Rex spiritualis: *Joh. 18, 36.* Hoc autem Regnum Christi nequaquam tollit potestatem & regimen Politicum; quod exercent Reges, Principes, & Magistratus, in hominem exteriorem, & quidem in iis quæ ad tranquillitatem Reip. pertinent.

Obj. 2. *Matth. 20, 25, 26.* Scitis, Principes gentium in eas dominari; & Magnates auctoritate uti in eas: Verum non ita erit inter vos, &c. *Resp.* Discipulis Christi merum ministerium, & quidem planè alterius ordinis, erat demandatum; idcirco alienissimos eos esse oportebat à cogitationibus illis, & affectatione dominii ac gloriæ mundanæ. Confer *1 Petr. 5, 3.* Neque ut Dominantes cleris; sed ut qui sitis exemplaria gregis. Verum à ministris Ecclesiasticis, sive extraordinariis, sive ordinariis, non valet consequentia ad Magistratus Politicos. Hi etiam vocantur *Ministri Dei*, *Rom. 13, 4.* qui est *Rex Regum & Dominus Dominorum*; *1 Tim. 6, 15.* sed ita ut potestas supereminens, & jus gladii, iisdem tribuatur, tum ad ultionem facinorosorum, tum ad laudem bene agentium; *Rom. 13, 1, 3, 4.* *1 Petr. 2, 13, 14.* quâ potestate etiam uti possunt, ac debent, Ecclesiæ bono; *Jes. 49, 23.*

Obj. 3. In Ecclesiâ, juxta Christi institutionem obtinet quoque potestates & usus Clavium, seu discipline Ecclesiasticæ; *Matth. 16, 19.* XVIII, 17, 18. *1 Cor. 5, 2, 5, 7, 9, 11, 12, 13.* Ergo. *Resp.* Potestas illa ministerialis est, ad ordinem Ecclesiasticum pertinens; totaque ad statum hominis spiritualem & æternum ordinata: ac proinde nequaquam tollit potestatem & usum Gladii, qui ad ordinem Politicum, & statum hominis externum ac temporalem propriè pertinet.

LXXV. Nec prorsus illicitum censeri debet, si quis fratrem suum in jus vocet apud Magistratum, & judi-

judicio adversus eum experiatur; ubi scil. causa satis gravis est, neque aliter ea expediri potest, & ratio scandali abest. Hunc enim in finem ab ipso Deo ordinata est potestas Politica, ut tranquillam & quietam vitam degamus, cum omni pietate & honestate; *1 Tim. 2, 2.* ad defensionem ac laudem bene agentium; *Rom. 13, 3, 4.* *1 Petr. 2, 14.* & ut judicetur inter virum ac fratrem ejus; *Deut. 1, 16.*

Obj. 1. Matth. 5, 40. Ei qui velit tecum contendere, ac tunicam tuam capere, dimitte etiam pallium. Ergò. *Resp.* Id propriè pertinet ad homines litium amantes, & contentionum sectatores; ex iracundiâ, aut vindictæ studio; ut aliis damnum inferant: docetque, potius perferendam esse injuriam novam, quam ut malum malo rependamus.

Obj. 2. 1 Cor. 6, 1. Sustinet aliquis vestrûm, negotium habens adversus alterum, judicio experiri sub injustis, ac non sub sanctis? *Resp.* Apostolus istuc non absolutè omnem juris processum interdicit; sed adversus fratres, & quidem apud judices infideles & injustos: quod in istis Ecclesiæ Christianæ primordiis valde scandalosum erat. Idcirco vult, ut lites suas potius committant Arbitris, etiâ minimis, aut vilissimis, in Ecclesiâ: *vers. 4, 5.*

LXXVI. Contra Pontificios etiâ tenendum; Magistratum Politicum honore & dignitate non esse inferiorem, sed superiorem, personis Ecclesiasticis: quoniam 1. Magistratui Politico competit potestas supereminens, & quidem talis à Deo ordinata; *Rom. 13, 1.* unde quoque Imperia & Potestates appellantur, quibus obtemperandum; etiam propter conscientiam: *Tit. 3, 1.* *Rom. 13, 5.*

2. Eorum est Dominari, & Auctoritate uti in subditos: *Matth. 20, 25.*

3. Tribuitur iis jus Gladii, & Potestas coactiva, ad ultionem facinorosorum, quibus propterea terrores sunt; & ad laudem bene agentium; *Rom. 13, 3, 4.* *1 Petr. 2, 14.*

4. Contra vero personis Ecclesiasticis merum ministerium, & ministerialis dispensatio mysteriorum Dei ac Christi, tribuitur: 1 Cor. 3, 5, 9. IV, 1. 2, III, 6, 8, 9. IV, 1, 5, v, 19, 20; Iisque dominatio diserte prohibita est; *Matth. 20, 26. 1 Petr. 5, 3.*

Obj. Atqui personis Ecclesiasticis demandatæ sunt Claves Regni coelorum; & peccatorum remissio: sic versantur circa nobilius objectum; *Matt. 16, 19. xviii, 18. Joh. 20, 23. 2 Cor. 4, 1.* iisque tribuuntur arma militiæ, Divinitus valida, &c. *2 Cor. 10, 4, 5, 6. Resp. 1.* Ista omnia iis non architectonicè, sed solum ministerialiter conveniunt; Claves Regni coelorum ipsi Christo competunt principaliter; *Apoc. 1, 18, III, 7.* 2. Fatemur quidem, bona spiritualia, coelestia, æterna, nobiliora esse corporalibus, terrenis, & temporalibus: inde tamen non sequitur, quod volunt Adversarii. Æqua enim institui debet comparatio; ut Dominus spiritualis, coelestis, æternus, ipse Christus, comparètur cum Dominis corporalibus, terrenis, & temporalibus, Magistratibus Politicis, iisque præferatur. Sed non sequitur, Ministros Ecclesiasticos, idcirco honore ac dignitate superiores esse Magistratu Politico. Mathesis quidem ratione objecti dignior est Mercaturâ: verum non quis puer Mathesi utcumque dans operam, aut famulus Mathematico fortassis inserviens, ejusque instrumenta portans, idcirco dignior est quovis Mercatore.

LXXVII. Rejiciendus nunc etiã error *Socinianorum*; qui existimant, Christum hoc *quintum Decalogi præceptum*, pro N. T. perfectius redditurum, addidisse ei officia Magistratuum & Subditorum, Virorum & Uxorum, Dominorum & Servorum. Ista enim officia non solum locis Novi, sed etiã V. T. passim comprobantur. Atque in V. T. Patrum appellatio aliis etiã Superioribus tribuitur satis diserte; ut ostensum th. 70. Specialius verò Superiores debere se suis Inferioribus æquos probare, ad instar Patrum, patet

ex Deut. 17, 15, 20. *E medio fratrum tuorum constitues super te Regem: - Ne elevetur cor ejus supra fratres ipsius. Joh. 29, 16. Pater eram pauperibus; & causam; quam non noveram, investigabam.* Ita Joseph, Gen. xiv, 8. *Deus posuit me in patrem ipsi Parboni, & in dominum universæ familiæ ejus.* Addi possunt generalia præcepta de dilectione proximi, in V. T. satis obvia. Ex quibus inter se, & cum hoc præcepto collatis satis liquet, etiam sub V. T. officia illa præscripta fuisse.

LXXVIII, *Sexto præcepto non adversatur supplicium capitale, quod per justam legitimi Magistratus sententiam, homicidis, aliisque facinorosis irrogatur: ista enim nequaquam est vis injusta: sed actus iustitiæ, constitutioni Divinæ consentaneus, quod contra Anabaptistas defendimus.* Deus enim 1. sanctionem ejusmodi poenalem statim à diluvio disertè legitur expressisse; Gen. 9, 6. atque iterum in lege Mosaicâ, Levit. 24, 17. Num. 35, 16, -. 30, -. Deut. 19, 12, 13. De aliis item facinoribus similia multa occurrunt in V. T. Sed & in N. T. illa reperuntur & comprobantur; Matt. 26, 52. *Quicumque acceperint gladium, gladio peribunt. Apoc. 13, 10. Siquis gladio occiderit, oportet eum gladio occidi.* Ita hætenus stabilitur lex ista talionis.

2. Deus Magistratum etiam sub N. T. ministrum suum esse voluit, gladio armatum, ad ultionem facinorosorum, & ad laudem ac defensionem recte agentium, Rom. 13. 4. I Petr. 2, 14.

3. Neque aliter subditi tranquillam & quietam vitam degere possent, cum omni pietate & honestate; in quem tamen finem Magistratus à Deo ordinati sunt; I Tim. 2, 2.

LXXIX. Imo & bellum aliquod licitum statuimus, contra eosdem; si videl. justa & satis gravi de causâ suscipiatur; & quidem à Magistratû legitimo, aut superiori potestate; atque insuper juste geratur, parcendo quoad ejus fieri potest innoxiiis. *Probat*

locis sæpius allegatis. *Rom.* 13, 4, 6. *1 Petr.* 2, 14, *1 Tim.* 2, 1, 2. In bello enim Magistratus gladio utitur adversus societatem facinorosorum, qui non aliter puniri possunt; neque aliter adversus eorum violentiam publica tranquillitas defendi & conservari potest.

2. Clarius etiam *Apoc.* 13, 10. *Siquis in captivitatem agit, in captivitatem abit.* quæ potissimum bellica ratio est.

3. Johannes Baptista à militibus interrogatus, *Luc.* 3, 14. *Et nos quid faciemus?* respondit; *Neminem concutite, neque dolo opprimite; & contenti estote stipendiis vestris.* sed ipsam militiam minimè prohibuit.

4. Accedunt exempla piorum militum, ac militiæ ducum: centurionis alicujus; *Matth.* 8, 5, 8, 10. atque item alterius, Cornelii nomine, *Act.* 10, 1, 2. qui tamen in sui conversione istud vitæ genus non deseruerunt, nec deferere jussi sunt. Et Paulus Apostolus comitatu ac defensione militum usus est, *Act.* 23, 13. Quemadmodum etiam fides bellicorum heroum celebratur, & ad imitationem proponitur; *Hebr.* xi, 32, 33, 34.

Obj. 1. Davidi, bellicoso Principi, qui multum sanguinis fuderat, non fuit sub V. T. permessa Templi ædificatio; *1 Chron.* 28, 3. Ergo. *Resp.* Templum istud pertinuit ad cultum ceremonialem, quo Christus, ejusque officia ac beneficia præfigurabantur; ac speciatim pax spiritualis cum Deo per Christum procuranda: idcirco Deus non à Principe illo bellicoso, sed à filio ejus Salomone, Principe pacifico, ac singulari typo Christi, istud Templum voluit ædificari; quo plura typica conspirarent melius.

Obj. 2. De pace N. T. illustres exstant prophetiæ; *Ies.* 2, 4. xi, 6, -. *Resp.* Istæ propriè spectant ad pacem spirituales cum Deo & in conscientis fidelium; *Rom.* 5, 1. *Eph.* 2, 14, -17. *Phil.* 4, 7. *Col.* 1, 20. Quantum vero ad externam pacem attinet, Christus satis discretè, *Matt.* 10, 34. *Ne existimate, me venisse immittere pacem*

cem in terram: non veni immisſurus pacem, ſed gladium. Dùm ergò infideles hoſtiliter ſeſe opponunt Euangelio & fidelibus, vel aliter injuſti juſtitix & juſtis, Magiſtra-tùs Chriſtiani durâ illâ neceſſitate ad acti licitè poſſunt, imò etiã debent, ſuos ſubditos, veritatem, & juſti-tiam, defendere eã poteſtate ac potentiã, quam in il-lum finem iis dedit Deus.

LXXX. Similiter quoque aſſerimus inculpatam tu-telam; ſi quis adverſus latronem, aliumve aggreſſo-rem violentum & infeſtum, urgenti neceſſitati pareat, ac vitam ſuam tueatur; etiã ſi fortè contingeret la-tronem vel aggreſſorem illum pertinacem interim vul-nerari, vel etiã occidi. Quiſque enim lege naturali obligatus eſt ad vitã ſuã conſervationem ac deſenſio-nem adverſus qualemcunque vim privatam & injuſtam.

I. Eph. 5, 29. *Nullus unquam ſuam ipſius carnem odio habuit: imò nutrit ac fovet eam; ſicut & Dominus Eccleſiam.* Nemini licet ſuam vitam odiſſe, aut ſua ſe vitã privare, aut conſentire volenti privare; ſed quiſque tenetur impedire injuſtam cædem ſui, ne incidat in cri-men *ἀντιφρονίας* participatæ.

2. Matth. 22, 39. *Diliges proximum tuum, ut te ipſum,* Quemadmodum verò non licet nobis permittere cæ-dem proximi, ſi impedire poſſimus; ita neque noſtram ipſorum.

Adde 3. caſum huiusmodi expreſſum de fure noctur-no, Exod. 22, 2. *Si in effoſſione inventus fuerit fur, & per-cuſſus fuerit, mortuusque fuerit: non erit perculſor mor-ti obnoxius.* Quia nimirum per noctem non poteſt ſatis diſcerni, quid agat, quidque intendat effoſſor, nec fa-cilè aliundè auxilium peti. Si autem interdum in loco ſolitario, vel aliter incommodo, idem, vel gravius pe-riculum aliquem urgeat, talis deſenſio ſui nequaquam illicita eſt cenſenda.

Obj. Matt. 5, 39. *Ne obſiſtite improbo: ſed qui te cædet in dexteram tuam maxillam, obverte ei & alteram, & Rom. 12.*

17. *Nemini malum pro malo vicissim reddentes.* 19. *Non ipsi vosmet ipsos ulciscetes.* Ergò. Resp. Istis sententiis quidem prohibetur privata vindicta, & particularis retributio mali pro malo: non tamen 1. processus iudicii à Magistratû legitimo institutus; quem Deus tali potestate & auctoritate armavit; inò & mandato obligavit, ad defensionem bonorum, & ultionem facinorosorum. Neque 2. necessaria sui defensio, adversus infestum aggressorem: si verò contingat eum interim vulnerari, vel etià ex vulneribus mori; hoc ipse suæ violentiæ ac pertinaciæ imputet; non inculpatæ tutelæ, quam oppressus, urgente necessitate & jure naturali, adhibet.

LXXXI. Sed neque licet homini corpus suum, sive ex superstitione, sive qualicunque animi ægritudine, incidere, vulnerare, flagellare, &c. Nam 1. ista adversantur dilectioni, quam quisque per legem naturæ debet suæ propriæ carni: *Eph. 5, 29.*

2. Satis expressus est locus, atque isti legi consentaneus, *Levit. 21, 5. In carne sua non incident ullam incisuram.*

3. Est quædam symbolizatio cum idololatriis & superstitionis: sic enim extat de Sacerdotibus Baaliticis, *1 Reg. 18, 28. Incidebant se, juxta morem suum, cultris & lanceolis, donec perfunderent se sanguine.* Similes quoque sunt mores Gentilium in quibusdam partibus Indiæ.

4. Superstitiosam istiusmodi sævitiam Paulus etià perstringit. *Col. II, 23. Quæ rationem quidem habent sapientiæ incultû voluntario, & submissione animi, & in eo quod corpori non parcant; nec tamen ullius sunt pretii.*

Hoc igitur nomine rejiciendæ sunt Pontificiorum flagellationes spontanæ, à Monachis, aliisque poenitentibus, adhiberi solitæ; ac multum commendatæ, tanquam insigniter satisfactoriæ: sed contra rationes modò indicatas, sine ullâ ratione verè Theologicâ, sine ullo exemplo in S S. Literis laudato, vel approbato.

Obj.

Obj. 1. Christus flagellatus est; *Matth. xxvii, 26.* Atque item Apostoli; *Actor. 5, 40.* Paulus cum Silâ; *xvi, 23.* Vide etiâ *2 Cor. xi, 24, 25.* *Resp.* Ab hostibus id passi sunt; sed nemo eorum sibi ipsi tales cruciatûs intulit.

Obj. 2. Carnis crucifixio commendatur; *Gal. 5, 24.* *Resp.* Sed per carnem tunc intelligi debet verus homo seu corruptio naturæ; quæ virtute crucifixionis ac mortis Christi pro nobis, subigi & mortificari debet quotidie à quolibet regenito & sanctificato, ut novus homo capiat incrementum.

Obj. 3. *1 Cor. 9, 27.* *Contundendo corpus meum, & in servitutem redigo.* *Resp.* Corpus scil. peccati; ne illud pergeret adeò adversari spiritui, eumque impedire: quò quidem pertinuit abstinencia ab ejusmodi alimentis, deliciis, aliisque commoditatibus, quibus temperamentum posset inclinari ad quædam peccata; nec non jejunia, orationes, exercitia virtutum contrariarum; ut hæ redderentur magis familiares & faciles: non verò sævitia in propriam substantiam.

Obj. 4. Medici aliquandò membrum aliquod extirpandum censent, vel urendum, ad conservationem reliqui corporis: Ergò. *Resp.* Rectè sic censent, urgente necessitate satis gravi: sed spontanea sui flagellatio, nec ad corporis, nec ad animæ conservationem utilis est, nedùm necessaria: imò contrà propriæ satisfactionis opinio gratiæ Evangelicæ quam maximè adversatur; & sic summoperè noxia est.

LXXXII. Errant *Sociniani*, dùm contendunt, sextum præceptum sub N. T. auctum esse mandato charitatis erga inimicos; & prohibitione iræ, atque convitiatorum in proximum, nec non vindictæ. Quod enim ad dilectionem inimicorum attinet, ea sub V. T. quoque mandata fuit; *Prov. 25, 21, 22.* *Exod. 23, 4, 5.* Quin & Paulus *Rom. 12, 20.* allegato priori illo testimonio, eam probavit.

Quantum verò ad *iram*, (temerariam scil. vel immoderatam,) *convitium*, (similiter malignum,) & *vindictam* (privatam,) ea charitati proximo debita, & sub V. T. mandata, adversantur satis apertè: & disertè prohibentur, *Lev. 19, 17, 18. Ne odio habeas fratrem tuum in corde tuo: - neque impinges illi crimen. Non ulcisceris te; neque reservabis odium contra filios populi tui; sed diliges proximum tuum, sicut te ipsum.* De ira etià, *Eccl. 7, 9. Ne festines in spiritu tuo ad irascendum: quia ira in sinu stultorum requiescit.* Adde *Prov. 14, 29.*

LXXXIII. Circa septimum præceptum non est cum Pontificiis putandum, gradus in matrimonio prohibitos, *Lev. 18, 6, - 18, 24, 25. xx, 11, 12, 14, 17, 19, - 23.* pertinuisse solum ad leges forenses Mosaicas, vel ad ceremoniales; quò liberior & fructuosior Papæ Romano asseratur potestas de illis constituendi ac dispensandi. Nam Gentiles iisdem quoque fuerunt obligati; & ob earum transgressionem terra dicitur evomuisse suos incolas; *Levit. 18, 24, - xx, 22.* Undè Paulus ad Gentium consensum provocat in istiusmodi casu, *I Cor. 5, 1.*

Obj. 1. Filii τῶν πρωτογάμων germanas sorores suas duxerunt. Ergò. Resp. 1. Id procul dubio factum est ex speciali dispensatione Divinà, quæ istas personas à Legis obligatione exempt, Lege interim manente, & posteros omninò obligante: sive ex speciali constitutione, ut Legis obligatio & vigor in eorum posteris demùm sumeret initium.

Obj. 2. Abraham de Sarâ, Gen. 20, 12. Verè soror mea est, filia patris mei; veruntamen non est filia matris meæ, & fuit mihi in uxorem. Resp. Indè tamen non omninò constat, eam Terachi Patris Abrahami filiam naturalem fuisse: cum sic etià appellari potuerit illius ex fratre neptis, vel aliter consanguinea, filia loco habitata; & minimè certum sit, eandem fuisse Saram, quæ Jisca, *Gen. xi, 29.* Si tamen filia illius naturalis fuisset, conce-

concedimus, Abrahamum, citra dispensationem Divinam, eam neque uxorem ducere, neque deinceps in Matrimonio retinere potuisse licitè.

Obj. 3. Onan à patre Judà jussus est uxorem ducere Thamaram viduam fratris sui prædefuncti, *Gen.* 38, 8. Cui factò convenit Lex, *Deut.* 25, 6. Vide etià *Matth.* 22, 24, 25, 26. *Resp.* Verùm ista in affinitate exceptio ab ipso Legislatore, Generis humani & Legis illius Domino, fieri potuit, & facta est, per absolutissimam ipsius potestatem; Exceptione Regulam non tollente, sed in reliquis confirmante.

LXXXIV. Sed *Jure Canonico veteri* Nuptiæ in lineâ transversali fuerunt prohibitæ usque ad gradum septimum; *novo* autem ad quartum inclusivè. Neque solum illo Jure approbata & confirmatâ est Consanguinitas civilis, sed introducta quoque *Cognatio spiritualis*, ex Baptismo & Confirmatione. Atque ità *Jure Decretalium* ista Cognatio contrahitur, 1. inter baptizatum & susceptorem de baptismo. 2. Inter eundem baptizatum, & suscipientis filios; ejusque uxorem, quam ante istam susceptionem cognovit carnaliter. Atque item 3. Inter susipientem, & baptizati patrem ac matrem. Imò etià 4. quæ de suscipiente dicta sunt, eadem ad baptizantem quoque transferuntur. Ac similiter in Confirmatione. Atque illa Cognatio non solum dicitur impedire Matrimonium contrahendum, sed etià contractum dirimere. Verùm postea *Concilium Tridentinum* Cognationem istam quodammodò restrinxit; statuitque, ut unustantum vir, aut una mulier, vel ad summum unus & una, baptizatum suscipiant; inter quos ad baptizatum ipsum, & utrumque ejus parentem, nec non inter baptizantem & baptizatum & hujus utrumque parentem, tantum ea contrahatur: atque item, ne confirmantem & confirmatum, ejus patrem & matrem, ac tenentem, egrediatur. Sed perperam *ἅπας ὁ ἑκκλησιαστής*. Quin imò omnes verè fideles
in

in Christo mysticè uniti sunt, ut membra ejusdem corporis, ut fratres & sorores, &c. undè tamen Matrimonium non impeditur, sed sanctificatur: 1 Cor. 7, 39.

LXXXV. Pontificii plurimum tribuunt *Juri suo Canonico*: verùm in nostra Ecclesiâ, imò & Republicâ, nullum illud, quatenus tale est, auctoritatem habet. Sed ex Verbo Dei & Jure Divino quæstiones Matrimoniales decidendæ sunt in ordine ad interiorem statum conscientiæ, forum poli, ipsamque communionem Ecclesiasticam: ubi Antecessoribus Ecclesiasticis sua potestas antecessoria ministerialis verè competit. Interim Magistratus Politicus ex *Jure Civili & Municipali*, & secundùm Verbum Dei, judicare etiã potest ac debet, non solùm de Matrimonii accidentalibus, dote putà arrhis, & similibus; verùm insuper de ipsis substantialibus, in ordine ad statum Politicum, qui externus est & temporalis: Politia enim constituitur ex Familiis, quæ sine Matrimonio non consistunt. Perperam verò dicti Adversarii omnem de Matrimonio & causis Matrimonialibus cognitionem soli foro Ecclesiastico competere statuunt; ex falsâ hypothesi, quòd Matrimonium sit Sacramentum; contrarium nos *ὁυὲ* *Θεῷ* probabimus suo loco.

LXXXVI. Publica quidem Matrimonii *confirmatio* Politica est, & Lege positivâ humanâ rectè introducta: tùm quia Reip. interest, ut legitime contrahantur Matrimonia; atque ut publicè constet, quis cujus maritus sit, & quæ cujus uxor, ad evitanda adulteria, aliaque istiusmodi peccata: tùm quia ad Magistratum Politicum pertinet ea curare, quæ ad statum externum & Politicum propriè spectant. Sed Ecclesiæ quoque interest, ut circa rem tantam observentur quæ Deus in Verbo suo præscripsit; ut cognoscat, per quos & quomodò propagetur Ecclesia, quantum attinet ad eos qui in communionem foederis gratiæ nascuntur; atque ut pro illis preces publicè concipiantur, & benedictio

dictio iis juxta voluntatem Dei impertiatur. Ità hæc rectè fieri defendimus contra *Brownistas*: interim distinctio facienda est inter ejusmodi Ecclesiæ membra; quorum fides ac pietas satis est explorata; & inter alios homines, de quorum fide & pietate non constat.

LXXXVII. *Pontificii* Virginitatem ac Vitam cœlibem extollunt mirum in modum, & Matrimonio longè præferunt. Nos in utroque statû suarum commoda, tum etiã incommoda, agnoscimus; & pro conditione personarum ac temporum, vel hunc, vel illum, potiùs amplectendum dicimus: non verò absolutè Virginitati ac Cœlibatui primas esse tribuendas. Nam I. Deus in primâ rerum creatione, hominumque integritate, non modò marem & feminam fecit eos, conjugio junxit, istiq; statui vitæ benedixit; *Gen. I, 27, 28. II, 21, 24.* sed disertè etiã in Adami Cœlibatû imperfectio quædam notatur; *II, 20. At homini non invenit adjutorium, quod esset coram eo.* & minor bonitas, quàm foret in Conjugio: *18. Dixerat Jehovah Deus; Non bonum est, hominem esse solum; propterea faciam ei adjutorium, quod sit coram eo.* Post lapsum non minor, sed potiùs major, est necessitas istius adjutorii: *Eccl. 4, 9, -12. Meliores sunt duo quam unicus; quia est eis merces melior ex labore suo. Quia si ceciderint, unus eriget socium suum: vs ergo illi uni, &c.*

2. Christus secundum carnem ex Virgine natus est; sed Viro desponsatâ, imò in ejus domum jam assumptâ; ne contemnerentur Nuptiæ: *Matth. I, 18, 21, 25. Luc. I, 27. II, 5.* Nuptiis in Canâ Galilææ celebratis ipse cum matre ac discipulis suis quoque interfuit, easque primo suo miraculo condecoravit; *Joh. 2, 1, 2, 11.*

3. Est medium à Deo ordinatum, non modò ad Generis humani, & Rerum publ. verum etiã ad ipsius Ecclesiæ propagationem, conservationem, & incrementum. Hinc *Eva*, Adamo nupta, utpotè vera mater omnium viventium, nomen accepit; *Gen. 3, 20.*

Atque

Atque ita *Mal. I, 15. Quid fecit unicus ille? Quasi sivit semen Dei. Et ipse Deus ad Abrahamum, Gen. 12, 2. Faciam te ingentem magnam; & benedicam tibi, ac magnificabo nomen tuum; & eris benedictio. Adde 15, 4, 5. xvii, 4, -12.*

4. Accedit specialis utilitas, imò necessitas, ex præscripto Divino, in illis qui donum continentie non habent: neque enim omnibus istud obtingit; nec de eo precibus & jeuniis impetrando omnibus promissio est facta; non certè illis, quibus aliter datum est à Deo, & per quorum Nuptias ipsi Genus humanum, vel etià Ecclesiam, propagare placitum: *1 Cor. 7, 7. Undè etià Apostolus, de Viduis agens, 1 Tim. 5, 14. Velim igitur juniores nubere, liberos gignere, domum administrare, nullam occasionem dare adversario ad convitiandum.*

Neque adeò mirandum, si rejecto illo incontinentie remedio, impurum Coelibatum amplexa, omnia passim fœdis libidinibus conspurcârît meretrix Babylonica, concubinatû, scortationibus, adulteriis, non contenta. Certè quod olim ad Romanos scripsit Apostolus, idem in vitiosorem eorum progeniem applicatur meritò, *1, 26, 27. Propterea tradidit eos Deus fœdis affectibus: masculi, relicto naturali usu femine, exarserunt sua libidine alius in alium. &c.*

LXXXVIII. *Obj. 1. Sub V. T. immundities contrahebatur etià ex maritali & legitimo concubitû; Levit. xv, 16, 18. Hinc Deus Legem suam promulgaturus coram universis Israëlitis, mandavit, ne ad uxores suas accederent; Exod. xix, 15. Similiter etià Sacerdos Achimelech, panem sacrum daturus Davidi & viris qui unà cum eo aderant, inquisivit, nùm à mulieribus sibi cavissent; 1 Sam. xxi, 4. Resp. Cerimonialis tantùm fuit ista immunditia: verùm ex eâ minimè sequitur, statum Conjugii, ejusque usum, per se moraliter impurum esse, vel illicitum; non magis quàm ex animalibus sub V. T. immundis colligi debet, quòd eorum*

eorum efus aut contrectatio etiam sub N. T. fit illicita & moraliter impura.

Obj. 2 *Ief. LVI, 3, 4, 5.* Insignis promissio facta est Euthuchis: ergo. *Resp.* Istic tum alienigenis, tum Eunuchis, qui sub V. T. per Legem ceremonialem arcebantur à sacris, promittitur fore, ut per fidem sub N. T. admittantur ad eandem communionem, & privilegia eadem cum reliquis: sic amplitudo hujus gratiæ exprimitur synecdochicè.

Obj. 3. *Rom. 8, 8.* *Qui in carne sunt, Deo placere non possunt:* tales autem sunt conjugati: ergò. *Resp.* Imò in carne esse dicuntur, qui Spiritum regenerantem & sanctificantem non habentes, corruptæ suæ naturæ obsequuntur. Hòc patet ex contextu, & locis parallelis. Sed pessimè illud transfertur & applicatur ad Conjugium; quod Apostolus disertè asseruit *honorabile inter quosvis, & cubile impollutum; Hebr. 13, 4.*

Obj. 4. Virginitatem & Coelibatum commendatidem Apostolus, ut quantum fieri posset ita viverent Corinthii; *vii, 1, 7, 8, 26, 38, 40.* Ergò. *Resp.* Notamen absolutè, omnes, & semper; sed qui ita donum haberent: *vers. 2, 7, 17, 37.* & quidem propter instantem necessitatem; *vers. 26.* & afflictionem in carne, cujus eos immunes esse optabat; *vers. 28.* Pauciora quidem Coelibes circa cultum Dei impedimenta habere, Conjugatos majorem sollicitudinem de rebus hujus vitæ, indicat, *vers. 32, 33, 34.* id tamen accipi debet non prorsùs absolutè & universaliter; sed positis ponendis, remotis removendis, atque in isto rerum statu ut plurimum: laqueum propterea non iniecit; *vers. 35.*

Obj. 5. *Apoc. 14, 4.* celebrantur aliquàm multa millia eorum, *qui cum mulieribus non sunt inquinati, quòd sint virgines.* Ergo *Resp.* Ita scilicet meretrici Babylo-nicæ prorsùs dissimiles sunt, qui sedulo sibi cavent ab idololatriâ & omni aliâ impuritate spirituali, atque ad-eò sive extra Conjugium, sive in eo, castitati & puritati etiam

etiã dant operam : si autem contigerit, eos aliquandò pollui vitiis contrariis, abluunt se sanguine Agnis per fidem & resipiscentiam sinceram.

LXXXIX. Sed neque putandum est, cum iisdem *Adversariis*, Matrimonium saltem Ministris Ecclesiasticis & Religiosis esse illicitum; aut ab iis exigendum votum Coelibatûs. Nam 1. ad ipsos etiã pertinent generales rationes, de honestate, utilitate, imò & necessitate Conjugii pro ratione circumstantiarum. *Gen. II, 18. Non est bonum, hominem esse solum, &c. Eccl. 4, 9. Meliores sunt duo, quam unicus, &c. Hebr. 13. 4. Honorabile est inter quosvis Conjugium, & cubile impollutum. Qui Ecclesiasticos & Religiosos excipiunt, dùm exceptionem suam non probant, nec probare possunt, censendi sunt decipere.*

2. Consonant exempla Patriarcharum, Prophetarum, & Prophetissarum; nec non Nasiræorum, Levitarum, Sacerdotum; ipsiusque adeò Sacerdotis summi, sub V. T. ubi de Conjugii prohibitione ne hilum; sed leges & præcepta variã pro eo. Ac porro in N. T. *Matth. 8, 14. Christus dicitur socrum Petri febricitantem miraculosè sanasse. Uxorem igitur habuit Petrus. Insignis etiã est locus I Cor. 9, 5. Annon licet nobis sororem uxorem circumducere, ut & reliquis Apostolis, & fratribus Domini, & Cepha? Reliqui igitur Apostoli, & fratres Domini, & nominatim Cephas sive Petrus, uxorem quique suam circumduxerunt; eoque magis oneri fuerunt Ecclesiis; quod Paulus & Barnabas non item fecerunt, ut Ecclesiis parcerent.*

3. Disertè etiam de Ministris N. T. *Tit. 1, 5, 6. Constituas oppidatim Presbyteros, sicut ego tibi ordinavi. Si quis est inculpabilis, unius uxoris vir, liberos habens fideles, qui non sint obnoxii crimini luxus, aut subjici nescii. Similiter I Tim. III, 2, 4, 5. Oportet igitur Episcopum irreprehensibilem esse, unius uxoris virum, -- Qui suæ domui bene præsit, qui liberos habeat subditos, cum omni honestate. Nam si quis*
proprie

proprie domui præesse nescit, quomodo Ecclesiam Dei curabit? Qui unius uxoris vir est, domui suæ benè præest, & liberos habet subditos, ac porro virtutibus & donis ibi commemoratis est instructus, is idoneus est qui eligatur in Episcopum.

4. Apostolus 1 Tim. 4, 1, 2, 3. diserte prædixit fore, ut posterioribus temporibus desciscerent quidam à fide, attenti spiritibus deceptoribus ac doctrinis Dæmoniorum; Prohibentium contrahere Matrimonium, &c. Unde liquet, prohibitionem Matrimonii & Esculentorum sub N. T. non esse doctrinam Dei, Apostolorum, fidorumque Doctorum; sed deceptorum, hypocritarum, imò & Dæmoniorum. Quod accipiendum de prohibitionem tùm Matrimonii; tùm etiàm Alimentorum, quæ & quatenus Deus concessit ad usum rectum & pium; undè nullo saltem modo excipi debet Matrimonium Ministrorum Ecclesiasticorum, cujus concessionem & usum ipse Apostolus, eodem Spiritu, quo hanc defectionem prædixit, etiàm docuit præcedenti cap. III.

X C. Obj. 1. Salvator noster ex Virgine natus est: atque ipse coelebs vixit. Ergò Resp. Natus est ex Virgine; sed Viro desponsatâ, & in familiam ejus assumptâ: nec ipse contraxit Matrimonium secundum carnem; quia non venerat Genus humanum carnali generatione propagaturus; sed per sui ipsius oblationem sibi semen spirituale acquisiturus: 7es. LIII, 10.

Obj. 2. Paulus quoque coelebs vixit; 1 Cor. 7, 7, 8. Resp. Esto. Verùm & ipse scripsit, 7. Sed unusquisque proprium donum habet ex Deo, aliis quidem itâ, aliis autem itâ. Qui igitur donum ex Deo habent non ad Cœlibatum, sed ad Conjugium iis Conjugio nequaquam est interdicens, Et 9. Quod si se non continent, Matrimonium contrahant: nam melius est matrimonium contrahere, quam uri. Qui igitur in conscientia turbantur eâ causâ, & in exercitiis suis piis impediuntur, remedium

Z

à Deo

à Deo ordinatum & monstratum adhibere omnino permittendi sunt. Vide ibid. 26, 35, 37.

Obj. 3. Idem Apostolus monuit *vers. 5. Ne fraudate alter alterum, nisi siquid ex consensu ad tempus quoddam, ut vacetis jejuniis & precibus.* At Sacerdotes quotidie debent rei sacræ operam dare. Ergò. *Resp.* Apostolus non de qualicunque re sacra loquitur; sed de extraordinariis exercitiis supplicationis ejusmodi, ubi precibus & jejuniis vacatur pariter. Interim ista de causa non semper, nec nimis diù, ab usu Matrimonii abstinendum esse, docet verbis proxime sequentibus; *Et rursum simul convenite, ne tentet vos Satanas, propter incontinentiam vestram.* Imo ipse Conjugii usus Verbo & precibus etià sanctificatur: *1 Tim. 4, 3, 5. Tit. I, 15. Hebr. 13, 4.* nedùm cum omnibus exercitiis pietatis, qua publicis, quàm privatis, sit *ἀσώτως &c.*

Obj. 4. Tit. I, 7, 8. Oportet Episcopum inculpabilem esse, temperantem, justum, pium, continentem & 1 Tim. 5, 22. Te ipsum purum conserva. Ergò. *Resp.* Apostolus illo contextu ad Titum Matrimonium nequaquam prohibuit, vel exclusit; imo inclusit, tanquam legitimum medium continentia: ideo enim proxime præmisit, *vers. 6. Siquis est inculpabilis, unius uxoris vir, liberos habens fideles, &c.* Similiter altero ad Timotheum, voluit ut ipse ne quidem peccatis alienis communicaret, quemadmodum præcessit proxime: non autem ut exilimare deberet Matrimonium puritati adversum esse, saltem in Episcopo, qui ejusdem epistolæ *cap. III, 2.* ab eodem Apostolo edoctus erat; *Oportet igitur Episcopum irreprehensibilem esse, unius uxoris virum, &c.*

Obj. 5. Aliqui Patres valde laudârunt & commendârunt Virginitatem & Cœlibatum; maxime in Ministris Ecclesiasticis: *Hieronymus* adversus Jovinianum, &c. *Resp.* Sed negamus ab initio fuisse sic. *Clemens Alexandrinus* Stromatum lib III. serio talibus obfistit: atque idem egerunt alii. Memorabilis est sententia

Ænæ Sylvi, seu Papæ *Plii II.* quam commemorat *Platina* in ejus vita; *Sacerdotibus magna ratione sublatis Nuptias, majori restituendas videri.*

XCI. Perperam quoque distinguunt iidem *Adversarii* inter primas Nuptias, & inter secundas post obitum prioris conjugis; quasi hæc minus essent bonæ; & personam omnino redderent inhabilem ad ordinem Ecclesiasticum. Hic autem à Romanensibus non adeo discrepant *Græci*; qui mortuâ priore conjuge, non permittunt Ministrum Ecclesiasticum transire ad secundas Nuptias; aut si quis extra S. Ministerium constitutus secundas Nuptias contraxerit, eum, tanquam *διζαμὸν*, à Ministerio arcēt. Malè. Nam i. quæ rationes suadent Nuptias primas, mortuâ conjuge suadere etiâ possunt secundas, vel tertias; utpotè, *Non bonum est, hominem esse solum, &c.* Item, *Propter scortationes suam quisque uxorem habeto, & proprium quæque virum habeto; &c.*

2. Paulus disertè non minùs de viduis, quam de cœlibus, *I Cor. 7, 8, 9.* *Quod si se non continent: Matrimonium contrahant.* Atque iterum. *39. Uxor alligata est lege quamdiu vivit vir ipsius: quod si obdormiverit vir ipsius, libera est ad cui velit nubendum; tantum in Domino.* Et de mulieribus viduis, *I Tim. V, 14. Velim igitur juniores nubere, &c.*

3. Christus casum sibi propositum de muliere septem maritis ex ordine nuptâ, *Matth. 22, 25, 26.* minime improbavit; quasi posteriores nuptiæ fuissent illicitæ, vel minus bonæ.

4. Manifesta est ratio; quia persona mortua non ampliùs habet partem in hac vitâ; neque consequenter impedire potest, quò minùs qui fuit ejus maritus, aut quæ uxor, transeat ad altera vota.

Obj. In Episcopo, vel etiâ Diacono eligendo, requiritur *Tit. 1, 6. I Tim. 3, 2, 12.* ut sit *unius uxoris vir*: ergò. *Resp.* Scil. non *διζαμὸς*, aut *πολύζαμὸς* si-

multaneus ; qui pariter haberet consuetudinem cum uxoribus pluribus ; vel unâ , aut pluribus malè repudiatis aliam duxisset, ex vitioso more tum Judæorum tum etiâ Gentilium ; à quo non statim omnes, Ecclesiæ Christianæ nomen dantes, erant immunes ; quique tolerari potuit aliquantisper, per prima illa initia, in Christianis novitiis : at quo minus istud malum permaneret, & defenderetur in Ecclesiâ, saltem tales à S. Ministerio debuerunt arceri. Aliter res habet in digamiâ successiva : cujus enim prior conjux diem suum obiit, is desit illi obstrictus esse conjugali vinculo, alteram vero ducens uxorem, non duarum uxorum, sed unius vir iterum evadit. Similiter de viduâ ad Ecclesiæ ministerium allegenda, cautum est *1 Tim. 5, 9.* ut fuerit *unius viri uxor.*

XCII. Sed nulli homini solvere Matrimonii vinculum licet ; *Matth. 19, 6.* Solutum tamen, vel non fuisse contractum, ex Verbo Dei declarare licet, quibus facultatem illam tum in Politia, tum in Ecclesiâ ipse dedit, qui non est incompositi statûs auctor, sed pacis, atque omnia decenter & ordine fieri vult ; *1 Cor. 14, 33. 40.* Talem igitur casum unum expressit Christus, *Matth. 5, 32.* *Quisquis dimiserit uxorem suam, extra rationem scortationis, facit ut ea mœchetur.* Et *19, 9.* *Quicumque dimiserit uxorem suam, nisi ob scortationem, & aliam duxerit, mœchatur : & qui dimissam duxerit, mœchatur.* Ubi exceptio causæ fornicationis, sive adulterii, ostendit, virum, qui dimittit uxorem adulteram, & aliam ducit, non peccare. Totalis dimissio intelligitur ; non partialis, quoad thorum tantum : de illâ enim erat sermo, & diserrè exprimitur, de aliâ in prioris locum ducendâ. Nisi ista fiant adulterii causâ, mœchatur vir sic dimittens & ducens ; quia prius vinculum non est solutum : quin & mulier conditionem repudii facile accipiens, atque alteri nubens, similiter adulterium committit ; nec non alter ille qui sic dimissam ducit.

Alterum casum Matrimonii dirimendi expressit Apostolus, 1 Cor. 7, 12, 13, 15. *Si quis frater uxorem habet infidelem, quæ libens consentiat ad habitandum cum eo, ne eam dimittito: Et uxor, quæ habet virum infidelem, qui libens consentiat ad habitandum cum eâ, ne eum dimittito. At si infidelis sese separet, separatus esto: non est servituti subiectus frater, aut soror, in hujusmodi rebus.* Scilicet in malitiosâ illa desertione pars deserens, similiter ut adulterium committens, reipsâ rumpit vinculum mutuum, ac definit esse una caro cum alterâ: ac proinde hæc definit etiâ obligari. Confer 1 Tim. 5, 9. *Quod si quis suis, & maxime domesticis, non providet, fidem abnegavit, & est infideli deterior.* Consequenter ubi constat de adulterio, aut de malitiosâ desertione, Magistratus Politicus Politicè potest declarare, partem innocentem jam esse ab illo vinculo liberatam, ac proinde habilem ad contrahendum alterum Matrimonium. Quemadmodum Theologi ex Verbo Dei etiam declarare possunt, istam à priore vinculo libertatem, ac de novo contrahendi facultatem, in conscientia coram Deo esse licitam & validam.

Obj. Matth. 19, 6. Quod Deus conjunxit, homo ne separato: Ergò. Resp. Inde solum sequitur, peccasse eos, qui adulterio, aut malitiosâ desertione, separationem fecerunt; non vero, peccare eos, qui illam factam esse deinceps pronunciant.

X CIII. Sed nequaquam admittimus alias Matrimonii prorsus dirimendi causas. Inò verò negamus, contra Pontificios, Divortium Religionis gratia, h. e. vitæ Monasticæ ergo, faciendum esse; tum in Matrimonio consummato, quamvis forte communis consensus isto tempore adsit; tum etiam in Matrimonio ratò, quamvis non consummato. Et quidem 1. ob generalem Christi sententiam, Matth. 19, 6. *Non amplius sunt duo, sed una caro: quod ergo Deus conjunxit, homo ne separato.*

2. Specialius cavit Apostolus, 1 Cor. 7, 5. *Ne fraudate alter alterum; nisi si quid ex consensu ad tempus quoddam, ut vacetis jejuniis & precibus; & rursus simul convenite, ne tentet vos Satanas propter incontinentiam vestram.* Unde satis manifestum est, quod non liceat Matrimonium ratum prorsus abrumpere Religionis causa: nunc enim, eo ipso quod Matrimonium ratum est, *uxor proprium corpus non amplius habet in potestate; sed vir: similiter autem & vir, proprium corpus non habet in potestate; sed uxor: 1 Cor. 7, 4.* Atque item, quod personæ, quarum Matrimonium est consummatum, ne quidem consensu mutuo id prorsus debeant abrumpere; cum ob rationem adjectam, usum solummodo intermittere iis liceat ad quoddam tempus.

3. Non licet Liberis, arbitrari proprio, se, aut sua, Parentibus suis subtrahere, Religionis etiam Divinitus institutæ causæ, ad quam illi speciale istiusmodi mandatum non habent: *Matth. 15, 5, 6.* Multo minus id licet alteri Conjugum, ubi Matrimonium modo ratum est, quamvis non consummatum.

4. Vita Monastica prorsus superstitiosa est, & ab hominibus male introducta, sub Religionis prætextu. Eò magis igitur hîc quadrat illud Christi, *Matth. 15, 6. Irritum fecistis præceptum Dei per traditionem vestram.*

XCIV. Similiter contra *Anabaptistas* quosdam asserimus, non alias legitimi Divortii causas esse admittendas; & specialius Divortium propter Excommunicationem alterius partis non esse licitum: nam i. tale Divortium in SS. Literis nusquam docetur, aut approbatur.

2. Matrimonium ad statum naturæ pertinet, atque ex eo ad statum gratiæ & in Ecclesiam tractum est: Excommunicatio vero pertinet ad Ecclesiam institutam. Gratia autem naturam perficit quidem, sed minimè destruit: ac proinde non destruit statum, qui jam ante lapsum obtinuit; sed sanctificat eum quoad fieri potest: 1 Cor. 7, 14.

3. Ex-

3. Excommunicatus haberi quidem debet *ut Ethnicus & Publicanus*; *Matth.* 18, 17. sed non deteriore loco: at vero cum Ethnico, vel publicano, quia talis est, non licet Divortium facere: *1 Cor.* 7, 12, 13.

Obj. Apostolus prohibet, ne fideles cum excommunicatis habeant commercium, ne commisceantur, nec unà edant quidem; *1 Cor.* 5, 9. 11. *2 Theß.* III, 15. Ergò. *Resp.* Omnis non necessaria familiaritas prohibetur, in ordine ad Ecclesiasticam societatem, & ad communicationem in peccatis, ob quæ illi sunt excommunicati, & de quibus istâ ratione ad pudorem debent adduci. Confer *Tit.* III, 10, 11. *2 Joh.* 10, 11. Verùm sic non laxantur vincula Politica, aut OEconomica, quibus alii aliis obstricti sunt.

XCV. Ex loco *Deut.* 24, 1, - 4. patet, inter Israelitas usitatum fuisse *Repudium*, & Politicè permissum, aut toleratum, ad evitanda graviora mala in Politia; atque adeo non punitum, nec prohibitum statuto Politico: non fuit tamen Ethice permissum, aut in conscientia coram Deo licitum. Probatur hoc 1. ex assertionem Christi, *Matth.* 5, 13, 32. *Dictum est autem; Quisquis dimiserit uxorem suam, det ei libellum abscissionis. Ego vero dico vobis, Quisquis dimiserit uxorem suam, extra rationem scortationis, facit ut ea mœchetur.* &c. Eadem sententia repetitur, 19, 9. Atqui Christus non fuit novus Legislator; sed eadem Lex moralis indè ab initio fuit communis norma morum vivendi; quam Christus propterea à corruptelis Pharæorum, aliorumque similium, repurgavit, suæque integritati restituit.

2. Ex probatione Christi, per argumenta à prima institutione Matrimonii desumpta, cum ipsi quæstio à Phariseis esset proposita, 19, 3, - 6. *Licetne homini dimittere uxorem suam quavis ex causa? Ille respondens dixit eis; Non legistis, (Gen. I, 27,) Opificem ab initio fecisse masculum & feminam? Et dixisse; (II, 24.) Propterea relin-*

relinquet homo patrem & matrem, & agglutinabitur uxori suæ, & qui duo fuerant, erunt una caro. Itaque non amplius sunt duo, sed una caro. Quod ergo Deus conjunxit, homine separato.

3. Ex defensione istius sententiæ, tum adversus Phariseorum objectionem; tum etiã adversus difficultatem ab ipsis Discipulis motam; Matth. 19, 7, 8. *Dicunt ei (Pharisæi); Cur ergo Moses præcepit dare libellum discessionis, & eam dimittere? Dicit eis; Quoniam Moses pro duritia cordis vestri permisit vobis dimittere uxores vestras: cæterum à principio non fuit ita. Porro autem Io, 11. Dicunt ei Discipuli ejus; Si tale est negotium hominis cum uxore, non ex pedit uxorem ducere. Ipse vero dixit eis; Non omnes sunt capaces hujus sermonis, sed ii quibus datum est. Scilicet; ab hac nubendi necessitate non possunt esse omnes liberi, nisi quibus datum est Divinitus. Confer 1 Cor. 7, 7.*

4. In eandem sententiam optime etiã accipitur locus Mal. II, 14, 15, 16. *Quoniam Jehova testis est inter te, & inter uxorem adolescentiæ tuæ, in quam tu prævaricaris; cum ipsa sit socia tua, & uxor fœderis tui. Et an non unum fecit; (Adamum scil. ex cujus costa formavit Evam; eamque sic illi conjunxit, ut isti duo essent in carnem unam.) dum residuum spiritus erat ei? (Ita ut plures feminas ab initio creare potuisset, & Adamo conjungere; nisi duorum tantum individua societas in Matrimonio ipsi placuisset) Et quid unus iste? Quæsitv it semen Dei. (Prolem legitimam, secundum ipsius Dei ordinationem & benedictionem.) Idcirco cavete in spiritum vestro, & ne prævaricemini. Sic Deus populum ab isto peccato dehortatur.*

XCVI. Polygamia hîc intelligitur, cum quis maritus plures uxores habet simul. Ea 1. adversatur primæ institutioni Matrimonii; Gen. II, 23, 24. ubi Eva ex costa Adami formata, ei Connubio juncta est; atque edictum, ut etiã deinceps maritus & uxor essent

essent in carnem unam. Istòc Christus provocat, *Matth.* 19, 5. *Qui duo fuerant, erunt una caro.* Atque item Paulus, *Eph.* 5, 31. non solùm reperivit eadem: sed & similitudinem transtulit ad Ecclesiæ unionem cum Christo; & cuique marito officia sua circa uxorem suam indè deduxit, *vers.* 33, 34,

2. Idem Paulus etiàm disertè, *I Cor.* 7, 2. *Propter scortationes, suam quisque uxorem habeto, & proprium quæque virum habeto.* Et *vers.* 4. *Uxor proprium corpus non habet in potestate, sed vir: similiter autem & vir proprium corpus non habet in potestate, sed uxor.*

3. In Episcopo etiàm, vel Presbytero eligendo, prærequiritur conditio, ut sit *irreprehensibilis*, sive *inculpabilis*, *unius uxoris vir*; *I Tim.* 3, 2. *Tit.* 1, 6. Atque item, ut *Diaconi sint unius uxoris mariti*; *I Tim.* III, 12. Quin, & de viduâ in Ecclesiæ ministerium allegendâ, cautum est, *I Tim.* v, 9. *ut fuerit unius viri uxor.* Undè omninò sequitur, polygamum simultaneum non esse irreprehensibilem, aut inculpabilem.

4. Imò & vestigium aliquod istius Juris naturalis comparet in quibusdam Bestiis; utpotè in Avibus illis, quantum solarum usum admisit Deus olim in Sacrificiis; Columbibus & Turturibus: similiter etiàm in Oloribus, &c.

XCVII. Polygamia adhuc obtinet, & licita putatur, apud *Muhammedanos*, & *Gentiles*: eadem fuit sententiæ quorundam fanaticorum; utpotè *Bernardini Ochini*, *Davidis Georgii*, &c.

Obj. 1. Viro jure Divino concessa est potestas præ uxore. Ergò. *Resp.* Sic tamen ut hæc sit ejus socia: *Mal.* II, 14. Ubi quis autem plures uxores ducit, tùm hæc deprimuntur nimium: tùm ille multis se difficultatibus implicat, quibus ejus potestas vel prorsus infringitur, vel in tyrannidem degenerat.

Obj. 2. Ad majorem Generis humani propagationem videtur illa conducere. Ergò. *Resp.* Verùm

non est quærenda qualiscunque propagatio; sed secundum ipsius Dei duntaxat ordinationem; *Τὸ γένος ἐσμέν*, *Act. 17, 28.*

Obj. 3. Polygamia suam vetustatem habet; & nititur exemplis plurimorum Patriarcharum. *Ergò. Resp. Sed ab initio non fuit ita; Matth. 19, 8.* & alia quædam peccata, utpotè Mendacium atque Homicidium, antiquiora sunt; *Job. 8, 44.* neque tamen propterea desierunt esse peccata. Lamech, Adami per Kainum trinepos, primus legitur duas uxores duxisse, *Genes. 4, 19, 23.* Jacobum, Davidem, Salomonem, aliosque Polygamiâ peccasse dicimus; quia contra primævam & sanctam Matrimonii institutionem, & ordinem quærendi seminis Dei, egerunt; neque quicquam constat de dispensatione circa istam Legem in illis à Deo factâ.

Inst. Non subjicitur illis narrationibus reprehensio, vel improbatio, aut poenitentia. *Resp.* Improbatio satis colligitur ex primævâ Matrimonii institutione, & aliorum praxi meliori. Neque mirandum, si specialis ejusmodi poenitentia non commemoretur, cum & plurima alia facta silentio involvantur. Loti ebrietas, & incestus cum utraque suâ filia, commemoratur similiter, non expressâ ibidem reprehensione, vel improbatione, aut speciali illius poenitentia de istis peccatis, *Gen. 19, 30, =.*

Obj. 4. *2 Sam. 12, 7, 8, 9.* Sic ait *Jehovah Deus Israël,* Ego unxi te, ut esses Rex super Israël: - Dedi que tibi domum domini tui, & uxores domini tui in sinum tuum: &c. *Ergò. Resp.* Sic beneficia in ipsum collata, eaque varia, recenset Deus: quibus ille ad majorem gratitudinem, atque obedientiam Deo præstandam, permoveri debuisset: etiâ bonum aliquod jucundum, quod ille per providentiam Dei realem, accedente permissione quâdam physicâ, & tolerantia quasi politicâ acceperat, in uxoribus quoque Saulis: scil. cum haberet

ret uxores adeò multas, tantò magis abstinere debuit ab uxore, quæ Urijæ erat unica, ab adulterio sic qualificato, quin & cœde ei additâ. Sed ipsius *πολυγαμίας* permissio ethica indè colligi non debet: non magis quàm adulterii & incestus ex illis, quæ sequuntur vers. 12. *Tu fecisti absconditè; ego faciam hoc coram toto Israele, & coram Sole.*

XCVIII. *Sociniani* perperam existimant, Christum & Apostolos, huic præcepto addidisse pro N. T. 1. quòd Concupiscentia alienæ uxoris etiàm sit adulterium: 2. quòd Polygamia, ac Divortium extra casum adulterii, sint illicita; & 3. quòd omnis Scortatio, impuritas, turpilookium, gestus & contrectationes libidinosæ, sint prohibita.

Ad primum enim quod attinet; Concupiscentia alienæ uxoris adulterio accensenda est: quoniam 1. Præcepto huic spirituali, qualis est tota Lex, etiàm adversatur; tanquàm adulterium cordis.

2. Propterea Salomon id seriò prohibuit; *Prov.* 6, 25. *Jeremias* reprehendit; v, 8. & *Job* tam sedulò vitavit; xxxi, 1.

3. Accensetur malis fructibus ebrietatis: *Prov.* 23, 33.

4. Decimo Decalogi præcepto disertè prohibetur concupiscentia uxoris alienæ, quæ deliberationem præcedit: quæ verò suscipitur deliberato consilio, & sic intentionem talis objecti magis formatam & specialem complectitur; magis etiàm censi debet peccatum, & ad hoc præceptum referri.

Quantum ad secundum; Polygamiam simultaneam, & Divortium extra casum adulterii, adversari primævæ institutioni Matrimonii, atque adeò peccatis hoc præcepto prohibitis accenseri debere; non autem haberi pro nova quadam Christi prohibitionem; patet ex sup. th. 95. & 96.

Quod ad tertium, peccata tùm oris, tùm operis, quæ

quæ tanquam adminicula subserviunt peccatis aliis, huic præcepto magis directè & apertè adversantibus, tam in V. quàm in N. T. solent redargui. Vide *Prov.* 6, 23, 24. *vii*, 5, - 27. *Eccl.* 7, 5, 6, 7. *Job.* 31, 1. *Psal.* 119, 37. *Prov.* 5, 20. *vii*, 10, 11, 12. *Ies.* 3, 16. - *Ezech.* 16, 49. *Prov.* 23, 29, - 35. *Ies.* 5, 11, - 14. *Hos.* 4, 11. *Am.* 4, 4, - 7. Quid quòd etiàm sub V, T. impudicitia cordis fuerit prohibita; quantò magis igitur ista oris, & operis?

XCIX. In *Octavo* præcepto supponitur *distinctio dominiorum*, de quâ vide sup. th. 12. §. 2. Adde, naturæ consentaneum esse, ut liberi Matrimonium ineuntes, distinctas familias constituent; atque adeò distincta etiàm habeant, vel acquirant media, quæ ad familiæ sustentationem necessaria sunt. *Gen.* II, 24.

Absurdè igitur *fures* aliqui disputare interdùm presumunt, omnia debere esse communia. Nec meliùs *Monachicæ* *cœnobitæ*; atque item *Anabaptistæ* quidam.

Nam 1. ostensum est, distincta rerum dominia in *Jure naturæ* fundata esse.

2. Nisi distincta forent: rerum dominia, nullus esset locus furtis, nullus justitiæ commutativæ.

3. Non posset liberalitas exerceri; nec specialius eleëmofynæ erogari de nostro.

4. Periret etiàm istud officium, quòd Parentes debeant filiis thesauros congerere; *2 Cor.* XII, 14.

Objicitur 1. exemplum Ecclesiæ primitivæ; *Act.* II. 44. IV, 32. *Resp.* 1. ex facto particulari fidelium istius temporis & loci, non sequitur jus universale, quod omnes semper debeant servare. 2. Neque illo ipso tempore omnes tenebantur privata rerum suarum dominia absolutè deponere: sed potuissent ea sibi servare: *Act.* 5, 4. Verùm liberè ac liberaliter fideles tunc plurima contulerunt ad sustentationem pauperum, & in alios usûs Ecclesiasticos, prout persuadebat necessitas. 3. Imò etiàm mox ex illis, quæ ad

ad pedes Apostolorum fuerunt deposita, factæ sunt distributiones in usûs pauperum; atque ita distinctæ possessiones istarum portionum. *cap. IV, 34, 35. Nul-
lus erat egenus inter eos: - distribuebatur autem singulis prout
cuique opus erat.* 4. Deinceps verò ex communi praxi
aliarum Ecclesiarum, ex usû collectarum & eleemo-
synarum, ex furtorum prohibitione, &c. patet, non
fuisse illic omnium bonorum communionem; sed di-
stincta rerum dominia.

Objicitur 2. Communio sanctorum. *Resp.* Ea po-
tissimùm consistit in pari fidelium unione mysticâ cum
Christo, tanquàm membrorum in unum corpus, sub
isto capite; undè fluunt qualiacunque charitatis offi-
cia pro re natâ ergâ se invicem exercenda; non autem
absoluta illa communio bonorum temporalium.

C. Prohibetur interim etiâ *Fœnus*; iniquum scil.
lucrum ex pecuniâ mutuo datâ. Non quidem omnem
usuram rejicimus; h. e. quicquid ultra sortem reci-
pitur; sed immoderatam. Aliquam enim usuram
Deus permisit populo suo: *Deut. 23, 20. Extraneo fœ-
nerabis.* Hoc nimirum æquum est, ut dùm alter meâ
pecuniâ quæstum facit, ego partem aliquam istius quæ-
stus recipiam: similiter ut si alteri agrum meum con-
ferendum cedam, æquum est ut pro agro partem ali-
quam segetis, aut aliud quid æquivalens, recipiam.
Confer *2 Cor. 8, 13, 14. & Matth. 7, 12.*

Iniquum verò fœnus censetur *trifariam*:

1. Respectu *objectorum*; non debet accipi à depau-
peratis, vel attenuatis; qui non ad quæstum facien-
dum, sed necessitatis sublevandæ gratiâ, pecuniâ si-
bi mutuo dari petunt. Hic charitas postulat, ut gra-
tis detur mutuo. *Exod. 22, 25. Levit. 25, 35, 36, 37.*
Deut. 15, 11. xxiii, 19, 20. Similiter *Luc. 6, 35, 36.*
Vide etiâ *Nehem. 5, 3, - 13.*

2. Respectu *quantitatis*; usura quæ accipietur lici-
tè, non debet modum excedere; sed aptam pro-
portio-

portionem servare cum lucro, quod ex pecuniâ, accedente alterius industriâ, percipi solet. Ubi spectandus communis mutuantium consensus, experientia, & consuetudo. Si ergo communi usû receptum sit, ut ex centum mutuo sumtis solvantur quatuor, aut tria & semis, pro usurâ annuâ; nimium accipere censendus est, qui duodecim, quindecim, viginti, vel amplius accipit; ubi scil. de sorte & usura pariter, non magis periclitatur quàm alii. Hoc palàm adversatur æquabilitati, 2 Cor. 8, 13, 14. & legi charitatis, Levit. 19, 18. Matth. 22, 39. Rom. 13, 9. Matth. 7, 12. Luc. 6, 31. 1 Cor. 13, 5. Phil. 4, 5. Vide etiàm, Psal. 15, 5, Prov. 28, 8. Jerem. 15, 10. Ezech. 22, 12. Luc. 19, 8.

Similiter etiàm 3. respectu *pignorum*; omninò postulat charitas & æquitas, ne in securitatem sortis, vel etiàm usuræ; accipiantur & retineantur vestimenta, vel instrumenta, necessaria, ut quis opéra vocationis suæ obeat, Ecclesiam adeat, alibi honestè sese exhibeat, exercitia pietatis observet, adversus incommoda nocturna se tueatur, &c. Exod. xxii, 26, 27. Deut. xxiv, 6, 12, 13, 17. Ezech. xviii, 7, 12. xxxii, 15.

CI. Hæ conditiones observari debent; & secundum eas iudicium instituendum est de *Judeis feneratoribus*, aliisque *trapezitis*.

Objicitur 1. Diuturna tolerantia, permissio, vel etiàm approbatio superioris Potestatis. *Resp.* Ea neminem liberat in foro conscientiae & poli. Quibusvis hominibus superior est Deus, qui secundum suam ipsius Legem judicat.

Obj. 2. Mercatores, majus lucrum percipiunt: nec tamen culpantur. Ergò. *Resp.* 1. Illud perpetuum non est. 2. Nec similem de mercibus accipiendis aut de pretio sibi solvendo, securitatem semper habent mercatores; sed plurima pericula eos experiri necesse est.

3. Quia

3. Quin & ipsis ratio habenda est, ne lucrum excedat æquitatem; neque in venditione peccent adversus charitatem & misericordiam pauperibus debitam.

Obj. 3. Necessitas postulat. *Ergò. Resp.* 1. Non sunt facienda mala, ut eveniat bonum. 2. Quomodo aliter subveniri possit hominibus cujuscunque conditionis mutuum petentibus, varia alibi exhibita sunt consilia.

CII. Sed & contra *Socinianos* hîc notamus, Prohibitionem avaritiæ, atque item luxus in alimentis & vestitû, non esse à Christo primum profectam sub N. T. atque ita Legem eâ auctam ac perfectiorem redditam.

Ad *avaritiam* enim quod attinet, 1. David eam deprecatur, tanquam malam, & Legi Divinæ adversam; *Psal.* 119, 36, 37.

2. Idem alios ab eâ dehortatur; *Psal.* 62, 11. Salomon comminatione etiâ absterret; *Prov.* 15, 27. & Deus reprehendit per *Ezechielem*; xxxiii, 31.

3. *Job* protestatur, quod ab eâ sibi caverit; xxxi, 16, - 20, 24, 25.

4. Quin imò *Exod.* XX, 17. decimo Decalogi præcepto prohibita est concupiscentia omnium eorum, quæ sunt proximi nostri, etiâ in motibus primò primis: quantò magis igitur illicita, ac prohibita fuisse, censenda est avaritia?

Similiter *de luxû in alimentis* patet, ex poenâ lapidationis, quæ decreta fuit in filios prodigos & contumaces; *Deut.* 21, 20, 21. Et xxix, 19. grandis statuitur iniquitas ejus, qui *adderet ebriam sitiënti*. Graves etiâ dehortationes, & comminationes adversus istum luxum extant, *Prov.* 23, 20, 21, 29, --. *Jes.* 5, 11, 12, 22. *Ezech.* 16, 49. *Am.* 6, 4, 5, 6.

Atque item *in vestibus*; *Jes.* 3, 16, -. *Zephan.* I, 8.

CIII. Quantum ad *nonum Præceptum*: adversus

mendacia tenendæ 1. disertæ eorum prohibitiones, & præcepta veracitatis: *Levit.* 19, 11. *Zach.* 8, 16. *Eph.* 4, 25. *Jac.* 5, 12.

2. Mendacium est proprium opus Diaboli, ac filiorum ejus: *Johan.* VIII, 44. *Jes.* XXVIII, 15. *Tit.* 1, 12.

3. Sicut Deus, est Deus veritatis, & verax: *Psal.* XXXI, 6. *Rom.* III, 4. mentiri nescius; *Tit.* 1, 2. nec dolus fuit in ore Christi; *Jes.* 53, 9. 1 *Petr.* 2, 22. ita Deus veritatem vult in renibus; *Psal.* 51, 8. & suos regenerat in veritatem: *Ephes.* 4, 20, - 25. *Col.* 3, 9. 10. *Psal.* XXXII, 1, 2. *Jes.* LXIII, 8.

4. Accedit odium Dei; quod adversus hoc peccatum nominatim aliquoties denunciatur: *Psal.* 5, 7. *Prov.* 6, 16, 19. XII, 22. XIX, 9. *Apoc.* XXI, 8. XXII, 15.

CIV. Nequaquam verò excipimus *mendacia officiosa*, quibus quis sibi ipsi, vel etiã aliis prospicit, ad ignominiam vel damnum evitandum; aut bonum utile vel jucundum consequendum. Nam 1. argumenta modò producta, generalia sunt; & hæc etiã redarguunt.

2. Non sunt facienda mala ut eveniat bonum: *Rom.* III, 8. atque ab omni specie mali abstinendum est: 1 *Thess.* 5, 22.

3. Nullum mendacium est ex veritate: 1 *Johan.* II, 21.

4. Causam Dei mendaciis agere non licet; ergò nec hominum: *Job.* XIII, 7.

Obj. 1. Remedium istud aliquandò necessarium est, ut quis hostium manûs effugiat, violentiam hominis furiosi avertat, &c. Ergò. *Resp.* Imò quibusvis aliis modis, veritati & juri consentaneis, id prudenter tentandum est: sin minûs, quidvis patiaturo homo potius, quàm mendacio suo Dei inclementiam adversum se concitet, & apud alios hoc sibi conciliet, ut deinceps ne quidem vera dicenti fides habeatur.

Obj.

Obj. 2. Exempla quædam in SS. Literis occurrunt, *Gen. xviii, 15. xvii, 19. Jos. ii, 5, 6. Matth. xxvi, 72.* *Resp.* Ista non probant jus; sed αὐθεντικῶν historiarum solum habent: adeoque ipsa mendacia approbata censi non debent.

Obj. 3. Speciatim de obstetricibus mulierum Hebræarum, *Exod. I, 19, 20.* *Resp. 1.* Si mentitæ fuerint, peccarunt eatenus: neque ista fuit causa benedictionis Divinæ, quam perceperunt; sed beneficentia in Israelitas. *2.* Interim certum non videtur, eas esse mentitas: quod enim dixerunt, foeminas Hebræas fortiores fuisse Aegyptiis, satis est verosimile; tum ex Divinâ in ipsas benedictione; tum ex laboribus ac molestiis, quibus erant assuetæ. Itemque, quod dixerunt, peperisse Hebræas ante obstetricum adventum, non videtur; in plærisquæ saltem, a vero alienum; maxime si obstetrices eas de mandato Regis fecerint prius certiores; atque istiusmodi consilium dederint.

CV. Eadem est ratio *equivocationum & mentalium reservationum*, quod potissimum contra Iesuitas tenendum.

Equivocationes dicuntur locutiones ambiguae, quibus, dum aliò prorsus sensu usurpantur, quam alter existimat, dolus committitur, atque ita peccatur contra sinceritatem & charitatem; ad imitationem scil. patris mendaciorum ac fraudum.

Mentales verò *reservations* intelliguntur, ubi orationis pars tantum aliqua foras profertur, altera verò in mente reservatur, quæ ad illius integritatem & veritatem omninò requiritur: ut si quis quod hodiè vel heri fecit, dicat *se non fecisse*; atque in mente reservet, *abhinc annum; aut sæculum*; vel, *eo fine ut alteri hoc narret &c.*

Sed etiam in his 1. ipsa enunciatio falsa est, & animo dicentis minimè consentanea: quod autem in mente reservatur, non est λόγος προφορικός; atque ad-

è nec pars enunciationis, per quam suppleri posset defectus veritatis ethicæ.

2. Reprehenduntur ac prohibentur occultæ istiusmodi fraudes; & pii eas à se removent: *Psal. XII*,

3. *Jerem. IX*, 8. *I Petr. II*, 1. *2 Cor. IV*, 2.

3. Commendatur sinceritas, a quâ istæ artes prorsus alienæ sunt: *Iac. V*, 12. *Iob. I*, 48.

4. Istæ artes adversantur charitati: nemo enim secum ita agi velit, in rebus ad ipsum pertinentibus.

CVI. Obj. 1. Non omnis veritas omnibus, & semper, & planè dicenda est: ergò. *Resp.* Concedimus antecedens: videndum enim quid necessitas, vel utilitas respectû gloriæ Divinæ aut respectû proximî nostri, poscat, vel etiâ prohibeat. Sed verum saltem esse oportet illud, quod dicitur: hoc autem istic non fit.

Obj. 2. Abraham, *Gen. XXI*, 2. dixit de Sarâ uxore suâ; *Soror mea est.* Ergo. *Resp.* Verba ista in se vera fuerunt, quemadmodum ipse explicuit, *vers. 12.* Fraudem interim commisit Abraham; dum veritatem necessariam celavit; *vers. 11.* Debuisset enim uxorem potius profiteri, quam ejus pudicitiam in periculum tam evidens adducere.

Simile est exemplum Isaaci, *Gen. XXVI*, 7. -

Obj. 3. *Ioh XI*, 11. Christus Lazari mortem somnum appellavit. Ergo. *Resp.* Metaphoricè: ac potissimum eam mortem, undè ille tam brevi esset excitandus. Dum vero discipuli istam veritatem non capiebant, exposuit eam apertè, *vers. 14. 15.*

Aliud exemplum ferè simile est *Matth. IX*, 24, 25.

Obj. 4. Christus *Marc. XIII*, 32. dixit, se ignorare diem judicii. *Resp.* Id planè accipiendum est de ipso secundum humanam naturâ, & intellectum humanum.

Obj. 5. Paulus *Act. XXIII*, 5. dixit, se nescivisse istum esse Pontificem maximum. *Resp.* Id ab ipso verè ac sincere dictum existimamus; dum in illo Judæorum confessu omnia admodum confuse agebantur.

Obj.

Obj. 6. Idem, vers. 5, clamavit in confessu; Viri fratres. ego Phariseus sum, filius Pharisei: de spe & resurrectione mortuorum ego in iudicium vocor. Resp. Vere erat Pharisei filius; atque ipse deinceps in Pharisaismo educatus & institutus; imo etiam adhuc in iis quæ inter Phariseos & Sadduceos solebant controverti, Phariseorum sententiam tenebat; ac nominatim de resurrectione mortuorum, insigni illo capite Religionis. Interim minime negavit, se Christianum esse, vel Apostolum quanquam isto tempore id non dixit: sed & perrecturus, atque istud confessurus fuisse videtur; nisi per seditionem fuisset impeditus, vers. 7. Confer xxiv, 14-15. 16. xxvi, 4, -- 23 & 1 Cor. xv, 3, 4, 12, -

CVII. Perfidia huc etiam referenda est; fraus, qua quis dictis aut promissis non stat. Psal. xv, 4. beatus prædicatur, qui cum juravit in malum, h. e. in detrimentum suum, non mutat. Nec admittenda est exceptio in fide data infidelibus, vel hæreticis; propter argumenta generalia superius producta.

Addi possunt specialia; 1. A reprehensione perfidiæ filiorum Jacobi in Sichemitas: Gen. xxxiv. 25, - 30. xlix, 5. 6, 7.

2. Ab exemplo, cum quadam commendatione memorato, fœderis a Josua & primoribus Israelitarum imprudenter pacti cum Gibeonitis, attamen religiose servati. Ios. ix, 15, - 21. x x, - 14.

3. A poenis Sauli & populo ejus immixtis, quod fœdus istud violasset: 2 Sam. xxi, 1, 2.

4. Ab improbatione perfidiæ Zedekijæ in Nebucadnezarem; 2 Chron. xxxvi, 13.

Contraria erat sententia & praxis Concilii Constantiensis; quod Imperatores & Principes possent ac deberent rescindere saluum conductum hæreticis, aut de hæresi suspectis, datum; ubi ita visum esset Judici Ecclesiastico. Quod ipsum satis aperte agnovit Concilium Tridentinum, Sess. 2.

Quod autem dicitur in negotio *Iohannis Hussii*, & *Hieronymi Pragensis*, salvum conductum ab Imperatore Sigismundo datum quidem fuisse Politicè; sed Concilium, tanquàm Judicem competentem & superiorem, aliter censuisse; id Antichristo, & filio perditionis dignum quidem est; sed minimè consentaneum SS. Literis.

CVIII. Tenendum & hîc contra *Socinianos*, Christum & Apostolos non primùm sub N. T. prohibuisse Mendacium temerarium, Simulationes ac Dissimulationes, itémque Detractiones, & Condemnationes temerarias. Nam I. omne *mendacium* in universum, atque adeò etiàm *temerarium*, non verò hoc solum, probavimus illicitum esse, & semper fuisse, productis quoque testimoniis ex V. T. & rationibus ad ipsum etiàm pertinentibus.

2. De *simulationibus*, ac *dissimulationibus*, quatenùs in iis falsitas aliqua asseritur, aut veritas necessaria celatur, idem manifestum est: nec non de *detractionibus*, & *condemnationibus temerariis*. Admodùm diserta sunt inter alia, quæ extant *Levit. xix. 15. 16. Psal. xv. 1. 2. 3. ci. 2. 4. -7.*

CIX. Succedit tandem *decimum Decalogi præceptum*. *Exod. xx. 17. Deut. v. 21.* Confer *Rom. vii. 7. & xii. 9.* Ex quibus inter se collatis statim colligimus, hoc reverà unicum præceptum esse, non duo distincta; contrà quàm velint *Pontificii*, quos hîc temerè sequuntur *Lutherani*; ut suppleant numerum denarium, postquàm in gratiam imaginum suarum *secundum præceptum* negârunt esse distinctum à primo.

Nam I. Paulus manifestè indicat, distincto quodam præcepto prohiberi qualemcunque inordinatam concupiscentiam; dum breviter dixit, *Non concupisces.*

2. Prohibetur generatim concupiscentia omnium eorum, quæ sunt proximi nostri, ut pariter in *Exodo* & in *Deuteronomio* apparet; ubi species quædam recensentur,

sentur, & reliquæ omnes istius generis palàm indicantur porro: ac proinde non debent hic ita spectari specialia objecta, ut pro eorum distinctione præcepta quoque distinguerentur; sic enim non duo tantum, sed multo plura, forent statuenda.

3. In *Exodo* prius recensetur domus proximi, deinde ejus uxor, &c. in *Deuteronomio* contra prius uxor proximi, deinde ejus domus, & reliqua quæ sunt ipsius. Utrum igitur dicendum potius *nonum*; utrum *decimum præceptum*? *Adversarij* hic ordinem in *Deuteronomio* expressum sequi malunt: verum sic in *Exodo*, ubi ipsius Dei oraculum describitur, post octo priora præcepta, proposita fuisset pars aliqua *decimi præcepti*, deinde *nonum præceptum*, ac deinceps reliqua ad supplementum *decimi præcepti* necessaria; quod a Legislatore sapientissimo, qui idem est Deus ordinis, alienum censi debet. Sed minus mirandum, si Moysis in sua repetitione, quæ extat *Deut. v.* accurate servato ordine ac distinctione singulorum præceptorum, in hoc vel isto speciali præcepto ordinem verborum non nihil immutaverit, vel etiam objecta specialia aliquanto plenius expresserit; rei magis intentus, quam verbis: sicut etiam factum in *quarto præcepto*, &c.

4. Omnia ista ad concupiscentiam spectantia unico tantum versu comprehenduntur; etiam in Bibliis interlinearibus Antverpiæ editis, &c. cum tamen alia præcepta, quantumvis brevia, utpote sextum, septimum, & octavum, singula distinctis versibus sint comprehensa.

Obj. 1. Distincta est concupiscentia uxoris proximi, sub ratione boni jucundi; a concupiscentia servi, bovis, &c. sub ratione boni utilis: Ergo. *Resp.* Nego consequentiam: quia 1. si conditio objectorum, modusque specialis in ea tendendi, spectetur, jam peccata ista præceptis superioribus prohibita sunt. 2. Et

quid si quis uxorem alterius concupisceret sub ratione boni utilis; vel ancillam, aut agrum, &c. sub ratione boni iucundi?

Obj. 2. Ante prohibitionem sculptilium non præcedit nota **D**; quæ in *Deuteronomio* statim sequitur post verba, *ne concupiscas uxorem proximitui*, *Resp.* Ista nota **D**, aut **H**, non est authentica: sed a descriptoribus curiose, & sæpe sine iudicio addita, ad indicandum, quomodo ista periodus, aut istud colon, in priori exemplo, unde facta erat descriptio, cohæserit cum antecedentibus; eademne linea, an distincta.

CX. Motus primo primi, ex habituali peccato inhabitante proficiscentes, hoc præcepto proprie prohibentur: quos consequenter vere peccata esse asserimus, contra *Pentificios*, *Remonstrantes*, aliosque *Perfektistas*.

Hoc distincte probamus, 1 ex diserto Apostoli testimonio, *Rom. vii. 7.* Talis autem cupiditas, sive concupiscentia, istic prohibetur, qualem pro peccato non reputant quotquot Legem illam sanctam & spirituales non recte didicerunt; atque adeo etiam ipse Paulus non reputavit, ante actualem conversionem suam. At vero deliberatum consilium de peccato patrando, & durantem complacentiam in peccato mente concepto, vere peccata esse, non possunt ignorare quotquot vel Legem naturæ utcunque meditantur: unde necessum est, priorem & subtiliorem quandam concupiscentiam istic intelligi.

2. Ex definitione peccati, 1 *Ioban. iii, 4.* ἡ ἀμαρτία ἐστὶν ἡ ἀνομία. Sed prima illa concupiscentia actualis discrepat a Lege, & fit contra eam. Lex enim spiritualis est; *Rom. vii, 14* & obedientiam postulat ex toto corde, integris viribus, omni cogitatione; *Matth. xxi, 37.* *Luc. x, 27.*

3. Procedit ex malo principio: *Matth. xv, 19.* *Gal. v, 17.* 1 *Iob. ii, 16.* Atqui non potest arbor mala fructus

Etus bonos edere: *Matth. vii, 18.*

4. Ab effectis: ipsa enim hominem seducit, & peccatum ulterius producit: *Iac. I, 14, 15.*

Sed etiam hic statuendum, primæ istius concupiscentiæ actualis principium prohiberi eadem opera; ipsum scil. *peccatum originale inhærens*, & *qualemcunque vitiositatem habitualement*: eorumque reliquias in ipsis regenitis.

Obj. 1. In his non præcedit deliberatum consilium; atque adeo non sunt voluntaria. *Ergo. Resp.* Nego consequentiam: quia peccatum originale inhærens, est moralis quædam vitiositas, Legi Divinæ adversa, voluntaria in causa; imo etiam in nobis, voluntate quadam consequente. Vitiositates autem aliæ habituales acquisitæ, insuper voluntariæ sunt voluntate antecedente & concomitante. Actualis denique concupiscentia inordinata, etiam voluntaria est voluntate quadam concomitante.

Obj. 2. Regeniti concupiscentiæ resistunt frequenter, & actum ejus reprimunt. *Ergo. Resp.* Hoc faciunt per gratiam Spiritus: iidem tamen, dum imperfecta est vita spiritualis, in se habent istum actum; eumque suum esse, & quidem *ἀνομων*, non possunt non agnoscere.

Obj. 3. Sunt tantum veteris hominis. *Ergo. Resp.* In regenitis recte distinguitur novus homo a reliquiis veteris hominis: attamen istæ reliquiæ sunt ejusdem personæ: *Rom. vii, 17, 20, 23, 25. Iac. I, 14.*

CXI. Circa hoc præceptum errant quoque Sociniani: statuentes, quod Christus ei sub N. T. adjecerit, Animum non esse oblectandum concupiscentia rei alienæ, neque fovendam ejus cogitationem. Ista enim, & plura, jam sub V. T. hoc ipso decimo præcepto fuisse prohibita, patet ex superioribus. Et Paulus ex eo colligit diserte, *Rom. vii, 7. Conser Psal. cxxxi, 2.*

CXII. *Æquè absurdè statuunt. iidem*, Christum præter universam istam Legem, tulisse insuper alia quædam præcepta moralia; nimirum de sui Abnegatione, de Tolerantia crucis, & Imitatione ipsius Christi.

Quod enim *primò* attinet ad Abnegationem sui; præceptum satis antiquum esse patet, 1. si respiciamus Abrahamum, *Gen. xii. 1.*

2. Eandem exigit ipsa Lex, *Deut. vi, 5.* Sic enim abneganda fuit omnis cupiditas, cogitatio, inclinatio, dilectioni & obedientiæ Dei adversa.

3. Ex Prophetis etiam facile est colligere illud officium: utpotè *Ierem. III, 17. IV, 3, 4. VII, 23, 24.*

4. Illustria exempla quoque occurrunt, *Psal. cxxxi, 1, 2. Job. xxxi, 1.*

Sècundo, de Tolerantia crucis, sive afflictionum, castigationum, & probationum Dei, demonstratur facile; 1. ex *Prov. III. 11, 12.* Huc respicit Apostolus, *Hebr. xii, 1, 5, 6.*

2. Præclara etiam sunt, 1 *Sam. III, 18.* Itemque *Job. I, 21. II, 10. Thren. III. 27, 39. Mich. vii, 8, 9. Psal. cxxix, 1, 2.*

3. Consimilia indicantur in N. T. ubi hæc praxis confirmatur exemplis ex V. T. depromtis: *Hebr. xi, 25, 26. 35, - 38. xii, 1. Jac. 5, 10, 11.*

Tertiò, de Imitatione Christi satis etiam patet ex mandatis, ubi Deus sanctitatem suam sub V. T. imitandam præcepit: utpotè *Levit. xix, 2.* si nimirum conferantur ea, quæ de Christi Θεωρῶντες obedientia, humilitate, cæterisque virtutibus, jam olim fuerunt prædicta; *Dan. ix, 24. Psal. xl, 7, 8, 9. Ies. liii, 6, 7. Zach. ix, 9.* In istis enim sita est Imitatio Christi: *Matth. xi, 29. Phil. II, 5, - 8. 1 Petr. II. 20, 21.*

Quin & virtutes singulæ, quas nos in Christo observare atque imitari oportet, in V. T. fuerunt etiam propositæ ac mandatæ.

CXIII. Cæterum Lex illa *vel simpliciter secundum se spectatur: vel prout est instrumentum primi Fœderis. Priore modo saltem est norma obedientiæ: specificè præscribens debitum dependentiæ nostræ moralis ad Divinam ὑπακοήν, & jus absoluti illius Domini: unde fuit obligatio nostri ad præstanda officia mandata, & fugienda vitia contraria. Sed hactenus Deus nullo modo obligatus est Homini, ad gratitudinem ei referendam, vel remunerationem faciendam pro obsequio & cultu sibi præstito. Job. xxxv, 7. Si justus es, quid das Ei; aut quid de manu tua accepit? Psal. xvi, 2. Bonum meum non pervenit ad Te. Rom. xi, 35. Quis prior dedit Ei, & reddetur ipsi? Luc. xvii, 9, 10. Num gratiam habet servo illi, quia fecit quæ ipsi edicta fuerant? Non puto. Ita & vos, cum feceritis omnia, quæ edicta sunt vobis, dicite: Servi inutiles sumus: nam quod debuimus facere, fecimus. Naturaliter tamen actus humanus, si qua morali malitia laboret, eo ipso convenientem pœnam demeretur; per justitiam Dei vindicativam. Vide sup. cap. 4. th. 56.*

CXIV. Vox Hebræa בְּרִית *pactum, conventionem, & fœdus* notat: Græci διαθήκην appellant; q. d. *dispositionem*. Laxiore significatu quodlibet firmum statutum, etiam de rebus inanimatis, sic nuncupatur. Jerem. xxxiii, 20, 25. *Fœdus meum de die, & fœdus meum de nocte.* Occurrit etiam generale fœdus, quod Deus non solum cum hominibus pepigit, sed ad bestias quoque extendit, & iride obsignavit; de mundo non perdendo per diluvium; Gen. ix, 9, - 16.

Fœdera autem Politicis sunt Conventiones publicæ, quæ fiunt jussu summæ potestatis, & in quibus populus iræ Divinæ obstringi solet, si minus stetur dictis. Per ea interdum idem constituitur, quod est Juris naturæ: utpote inter hostes a bello discedentes; vel etiam inter eos, qui nihil ante contraxerunt; ne scil. alii alios lædant, &c. Interdum Juri naturæ aliquid adjicitur.

Suntque vel *Fœdera æqualia*, συνθήκαι; quæ utrimque se habent eodem modo. Vel *inæqualia*, σπονδαί; ut si pars potentior auxilia promittat, nec restipuletur; sive majora promittat: aut respectu partis minus dignæ ac potentis (προσάγμαλα, ἐπιάγμαλα;) ubi aliquando fit imperii translatio, vel saltem immunitio, vel onera quædam imponuntur.

Fœdera item sunt vel *amicitiæ*, vel *reconciliationis*: in his supponitur offensa; in illis non item.

CXV. *Fœdus primum*, de quo nunc agendum, alias *Legale* appellatur, vel *Operum*; interdum etiam *Naturæ*: estque inæquale, & amicitiæ inæqualis. Describitur autem plenius; Quod Deus cum Adamo, ac pariter cum universo Genere humano, quod in eo tanquam capite censitum fuit, ita pepigit; ut ipsum Jus naturæ, Lege comprehensum, firmaverit, tum sanctione pœnali adversus transgressores, tum liberali promissione erga eos qui perfectam obedientiam forent consummaturo; ad demonstrandam per omnia secula gloriam potestatis, gratiæ, & justitiæ suæ. Considerabimus autem deinceps 1. specialem ejus *Modum*. 2. *Confirmationem*, 3. *Signa*, & 4. *Durationem*. Ad *Modum* illum pertinet, tum *Conditio præstanda*, quam Deus stipulatus est; tum *Ordo generis humani*, quem Deus pro suo jure constituit.

CXVI. *Conditio præstanda*, erat perfecta totius Legis observantia; omnium scil. & singulorum præceptorum, quovis loco ac tempore, singulis actibus humanis, ad extremum virium. Deut. vi. 5. Matth. xxii, 37, 38: *Diliges Dominum Deum tuum ex toto corde tuo*, &c. Deut. xxvii, 26. Gal. III, 10. *Execrabilis est, quisquis non manserit in omnibus, quæ scripta sunt in libro Legis, ut faciat ea*. Jac. II, 10. *Quisquis enim totam Legem servaverit, impegerit autem in uno, damnas factus est omnium*. Scil. propter omnimodam Hominum à Deo dependentiam; Act. xvii, 25, - 28.

Rom,

Rom. XI, 36. & Legis Divinæ spiritualitatem ac sanctitatem; Rom. VII, 12, 14.

Ista autem conditio, juxta *verborum formulam* in rigore suo acceptam, præstari debuit a quovis Homine. in propria persona. *Levit. XVIII, 5. Ezech. XX, 11. Rom. X, 5. Gal. III, 12. Qui præstiterit ea, vivet per illa* sine ulla mentione Sponsoris, aut Servatoris.

CXVII. Quantum attinet ad *Ordinem Generis humani*: Adamus primus & universalis pater fuit omnium Hominum: sicut Eva eorum mater: *Gen. III, 20. Confer Act. XVII, 26. Sed & ipse Adamus principium quoque Mulieris, & caput ejus: Gen. II, 21, 22, 23. Eph. V, 23. Sic omnes Posterii virtualiter fuerunt in Adamo, tanquam causa prima istius Generis: quæ est Consideratio physica. Verum ad istam accessit alia Constitutio politica & fœderalis, ut omnes Posterii in Adamo censerentur: atque adeo Adamus vel eorum bono esset perseveraturus in statu integritatis, cursumque obedientiæ consummaturus, ad justitiam & gloriam æternam: vel etiam eorum malo esset lapsurus, eidemque secum calamitati & exitio eos simul involuturus.*

Similiter *Hebr. VI, 9, 10. Levi in lumbis Abrahami proavi sui existens virtualiter, in eodem quoque decimas censebatur dedisse Melchizedeko. Certe prohibitio Arboris scientiæ boni & mali, Adamo facta, Gen. II, 17. ad Evam extenditur, III, 3. Et ad Posterios quoque pertinuit eadem obligatio realis (non personalis): hinc Protoplasti, ubi peccassent, Paradiso exclusi, & ab aditu atque usu Arboris vitæ remoti fuerunt una cum Posteris suis; terra item maledictioni subjecta fuit, multæque calamitates immisæ, Posterorum quoque incommodo: statutum similiter omnibus semel mori; atque in universum omne figmentum cogitationum cordis humani evasit malum inde à pueritia, &c. Gen. III, 22, 23, 24. 16, - 19.*

Hebr. ix, 27. Gen. vi, 5. viii, 21. Clarissimè etiam Apostolus, 1 Cor. xv, 22. *In Adamo omnes moriuntur.* „Rom. v, 12, 14, - 19. *Per unum hominem peccatum in mundum introit, ac per peccatum mors: & ita in omnes homines mors pervasit, in quo omnes peccarunt.* „--- qui (Adamus) est typus illius (Christi) qui erat „futurus. --- Per unam offensam (reatus venit) in omnes „homines ad condemnationem, &c. Confer sup. cap. 4. th. 69.

CXVIII. Ad Confirmationem pertinet primo Sanctio pœnalis, sive Comminatio poenarum adversus peccata, si ea committerentur. Ubi non solum Deus clarè expressit, quid Justitia sua vindicativa postularet: sed ipsi quoque Homines hanc Fœderis conditionem amplectentes, & cum libertate complacentiæ subeuntes, ex sua etiam parte se obstrinxerunt Deo per istum contractum, ad quem sic Deus per *συγκατάθεσις* processit. Undè magis justificantur Dei iudicia adversus peccatores, quando iis facit secundum verba fœderis, Jerem. xi, 18.

Sanctio illa breviter expressa est Gen. II, 17. „De „fructu Arboris scientiæ boni & mali ne comedas: „nam quo die comederis de eo, moriendo morieris. Confer Rom. vi, 23. „Stipendia peccati mors: donum „autem Dei est *vita æterna* in Christo Jesu Domino nostro. Et v, 14, 18. „Regnavit mors ab Adamo usque „ad Moysen, - in omnes homines ad condemnationem. Item Eph. 2. 1, 3. *Mortui inoffensis & peccatis: -- natura filii iræ.* Ex quibus patet, intelligendam esse omnem mortem miseram, non solum corporalem & temporalem, sed quoque spiritualem & æternam.

Paulo aliter repetita est eadem Comminatio Deut. 27. 26. Gal. 3. 10. *Execrabilis est, quisquis non manserit in omnibus, &c.* Confer Gen. 3. 18, 19. „Male „distra ceto terra propter te: cum dolore comedito pro- „ventum ejus omnibus diebus vitæ tuæ: eaque spinam „

„& carduum proferro tibi. -- In sudore vultus tui vescitor cibo, donec revertaris in humum, &c. Itemque Levit. 26. 14. -- Deut. 28. 15. -- ex quibus constat de Maledictione hujus sæculi, initiis dolorum deinceps consummandorum. Adde Matth. 25. 41. *Execrati, abite à Me in ignem æternum, qui paratus est Diabolo & Angelis ejus, quod est æternum istius Execrationis complementum.*

GXIX. Deinde ad Confirmationem istius Fœderis quoque pertinet *Liberalis promissio*. Deus enim, ex superabundanti sua bonitate ac φιλανθρωπία, gratis ac sine remuneratione quæri & coli non voluit: Jes. 45. 19. Hebr. x1. 6. Atque ita se ultro Homini- bus obligavit: & quodammodo iis debitorem fecit, ubi consummatus esset cursus obedientiæ. Sic autem *Vitam* illis promisit: ut non solum immunes essent futuri ab omni morte; verum etiam deinceps transfe- iendi in gloriosam beatitudinem cœlestem, & proxi- miorem communionem ipsius Dei. Vide Psal. 16. 12. Ita enim *Moses describit justitiam quæ est ex Lege, quod qui præstiterit ea, vivet per illa*: Rom. 10. 5. Gal. 3. 12. Levit. 18. 5. Ezech. 20. 11. Ubi quidem reipia eadem Vita intelligenda est, quam postmodum nobis Christus acquisivit. Vide Rom. 10. 4. viij. 4. Unde etiam ipse Juveni interroganti, *Quid faciam, ut Vitam æternam possideam?* mandata Legis proposuit primum, Matth. 19. 16, 17. ac statim *Cælum, Regnum cælorum, vel Regnum Dei*, appellavit, Vitam illam æternam ex- plicans; vers. 21. 23. Luc. 18. 24.

Haftenus pietas Promissionem habet præsentis ac fu- turæ Vitæ: 1 Tim. 4. 18. omnis generis beneficiorum in hoc sæculo: Exod. 20. 12. Levit. 26. 3, - 13. Deut. 28. 1, - 14. & beatitudinis ac gloriæ æternæ in altero sæcu- lo: Rom. x1. 7. Observandum interim, in gratiosa ejusmodi repetitione post lapsum, bona fere proponi convenienter præsentis Hominis conditioni; atque ita

ut

ut jus illud, respectu omnium salvandorum, nunc fundetur in Christo.

CXX. Sequuntur *Signa Fœderis illius*. Hic autem initio se offert *Arbor scientiæ boni ac mali*: Gen. 11. 9. cujus esu Deus Homini interdixerat; vers. 17. ut scilicet isto symbolo Hominis obedientia probaretur; eademque opera confirmaretur, si is obedientiam præstaret & consummaret, certa bonorum affluentia, & malorum immunitas; sin secus, bonorum amissio, & malorum indubitata successio. Sic enim signative accipienda est ista Arboris illius appellatio.

Obj. 1. Ista Arbor videtur habuisse naturalem facultatem acuendi ingenium, & faciendi sensus magis promptos atque expeditos ad suas operationes: ac proinde ejus usu vere acquiri potuisset sapientia, aut scientia perfectior. *Resp.* Tale quidem erat seductoris & homicidæ Diaboli mendacium; Gen. 3. 5. cui male fidem adhibuit Mulier peccare incipiens; vers. 6. Sed nulla causa materialis per se producere potest effectum immaterialem. Spiritibus autem animalibus perpetuò & satis aptè restaurandis suppetebant procul dubio alia satis multa; quibus tamen ista appellatio non tribuitur.

Obj. 2. Si signum fuit ista Arbor, signum fuit mortis & miseriæ. *Resp.* Imo non minus erat *Arbor Scientiæ boni*, quam *mali*; prout obedientia præstanda esset, vel non esset: quemadmodum jam explicatum est, & conditioni Hominis sub isto Fœdere conveniebat.

Obj. 3. Sacramenta percipi debent ab Homínibus Fœderatis: at ista Arbor percipi non debuit. *Resp.* Fructus ejus edi quidem non debuit: attamen Arbor conspici, ejusque ordinatio symbolica agnosci potuit & debuit; non minus quam in Iride, Gen. 9. 12, 13, 14. Ac porro in aliis Sacramentis, non ejusdem modi est perceptio: 1 Cor. 10. 1, 2, 3.

CXXI. Deindè illustris erat *Arbor vitæ*, in medio Paradisi, *Gen. 2. 9.* præclarum vitæ ac gloriæ æternæ sacramentum; sed juxta promissionem & conditionem istius Fœderis. Hinc porro *cap. 3. 22.* Homo ex ea comedens, dicitur victurus in sæculum: quoniam ejus esus ex ordinatione Divina, obsignabat, & sic certo inferebat, vitam æternam; verum Homines per lapsum re signatâ destituti, usu signi necessario prohiberi debuerunt.

Obj. Vocatur potius *Arbor vitæ*, quod haberet virtutem physicam vitæ in æternum producendæ; atque adeo esset remedium contra omnes morbos, omnem corruptionem, & ipsam senectutem, &c. *Resp. 1.* Morbi & corruptiones maximam habent diversitatem: omnis autem medicatio fieri debet per contraria: consequenter ea per unam arborem, aut ejus fructus, fieri non potuit naturaliter. 2. Et quid tum de ruina ædium, incendio, vi aquarum, &c. quæ pericula alibi producant Adversarii? 3. Neque istiusmodi remedium erat necessarium: cum omnia alimenta essent satis salubria; ipsique Homines ea sapientia præditi, ut singulis fuissent recte usuri; nec etiam alia incommoda mortifera eventura, Deo omnia benigne & potenter disponente, juxta promissionem suam, ad Hominum immortalitatem & gloriam æternam; si modo in primæva integritate, suoque officio, perstitissent.

Inst. Apoc. 22. 2. „In medio foro ejus (Hierosolymæ), & ex utraque parte fluminis erat *Arbor Vitæ* ferrens fructus duodecim, per menses singulos edens fructum suum; & *folia sua ad sanitatem Gentium.* Ergo etiam in Paradiso terrestri *Arbor vitæ* erat ad sanitatem. *Resp.* Sic per visionem & figurationem Propheticam delineatur perpetua virtus vivifica & beatifica Servatoris nostri; qui nunc sub Fœdere Evangelico vere nobis impetravit, atque etiam applicat realiter, id ipsum quod sub Fœdere Legali olim significabat *Arbor illa vitæ.*

CXXII. Affinis est consideratio ipsius *Paradisi*, Horti amœnissimi cum quatuor suis fluviiis, in orientali parte Hedenis; quæ est in Babylonia, parte Mesopotamiæ, &c. *Gen.* II, 8, -. Iste enim singulari sua amœnitate, ac potissimum contenta Arbore vitæ, ipsum Cœlum tertium, sive beatorum, & gaudium æternum, quoque significavit. Unde Cœlum istud *Paradisi* nomine diserte appellatur, 2 *Cor.* XII, 2, 4. *Luc.* XXIII, 43. *Apoc.* II. 7.

Sed post peccatum Deus Homines Paradiso expulit, redituque prohibuit, appositis Cherubinis, cum flamma gladii sese vibrantis: *Gen.* III, 23, 24. Hodie autem ille superstes non est; & maxime vero simile, quod per Diluvium sit corruptus.

Vanissimum vero est Pontificiorum commentum, ex detorsione loci *Apoc.* XI, 3, &c. de Paradiso adhuc superstite, & Enocho atque Elia in eum translatis, ibique permansuris usque ad congressum suum cum Antichristo; a quo sint occidendi, postea tamen virtute Divina resuscitandi, & in Cœlum assumendi.

CXXIII. Sed neque omittenda videtur observatio *Sabbathi*; de cujus primæva institutione diximus sup. rh. 13. ut illa beatam requiem a cursu obedientiæ fideliter consummato in Cœlis agendâ, sabbatismum perpetuum ac gloriosissimum, utcunque etiâ adumbraverit, & studium ejus promoverit. *Heb.* 4, 3, 4., *Introimus enim in requiem nos qui credimus*, sicut dixit, (Psa. 95, 11.) Itaque juravi in ira mea, si ingressuri sint in requiem meam: licet operibus a factis mundi fundamento factis. Ita enim dixit quodam in loco de septimo die, (*Gen.* 2, 2.) *Et quievit Deus die septimo* ab omnibus operibus suis, &c. 9, 10., Itaque reliquus est aliquis sabbatismus populo Dei. Nam qui ingressus est in requiem ipsius, quievit & ipse ab operibus suis; quemadmodum a suis Deus. Ita signo illo primævo illustratur beata requies & gloria, quam Deus isto Fœdere Protoplastis promiserat.

CXXIV.

CXXIV. Superest ejus *Duratio*. Hæc autem mundo, & hominibus in eo viventibus, cœva est: quin & Judicium, quod ejus executio, erit æternum: *Hebr. vi, 2. Marc. iii, 29. Aliter* tamen se habet in Homi- nibus, qui sibi prorsus relinquuntur, extra salutarem Christi communionem; *aliter* in vere Christianis. *Priores* omnino manent sub isto Fœdere, ac per ipsum condemnantur: sic ira Dei manet ἐπὶ τῆς ἀπειθείας, *Joh. ii, 36.* & eos occupat ad finem usque: 1 *Thess. i, 16.* Hactenus ergo Fœdus legale non est abrogatum; neque quicquam ei derogatum.

In *posterioribus* non fit stricta istius Fœderis executio, juxta verborum formulam: sic enim illi, propter peccata sua, servari non possent: at vero per Christi satisfactionem a reatu redempti sunt, & ab execratione liberati; ejusdemque obedientia universum jus Legis pro iis impletum. *Rom. vi, 11, 1, -4. Gal. iii, 13.* Scil. Fœdus istud explicatum est a Deo clementissimo κατ' ἐπιείκειαν: & consequenter loco nostro admissa solutio ἀντὶ λύτης, a Redemptore dignissimo nobisque conjunctissimo; ac porro ab eodem impleta omnis justitia, qua nos justī constitueremur, per gratiosam Dei imputationem; 2 *Cor. v. 15, 17, 18, 19, 21. Matth. 3. 15. Rom. 5. 19. iv. 5. 6. cum 19. 18. Philem.* Ita quidem, „ ut sit *Ipse Justus, & Justificans eum* „ *qui est ex Fide Jesu.* Siquidem Deus unus est, qui „ justificabit Circumcisionem ex Fide, & Præputium „ per Fidem. Legem igitur *inutilem reddimus* per Fidem? *Absit.* Imo *Legem stabilimus*: *Rom. 3. 26, 30. 31.*

Obj. 1. Matth. 11, 13. Omnes Prophetæ, & ipsa Lex, usque ad Johannem prophetarunt. Ergo Lex & Fœdus Legale non durant post Johannem Baptistam. *Resp.* Non agitur istic propriè de Lege morali, aut Fœdere Legali; sed de œconomia Prophetica, & Cerimoniali typica, V. T. Christum venturum prænunciantem atque adumbrantem; cui finem imposuit Johan-

nes Baptista, Christum præsentem demonstrans : *Joh. 1, 19, 36.*

Obj. 2. Rom. 6, 14. Non estis sub Lege: sed sub Gratia. Resp. Fideles sunt sub Fœdere gratiæ; ac per ipsum liberati: non a Legis usu normali; sed ab ejus condemnatione, & rigore Fœderali.

Obj. 3. Hebr. 8, 10, --. ex Jerem. 31, 31, --. Quamobrem hoc est pactum, --. Dum novum dicit, antiquavit prius, &c. Resp. Proponuntur istic bona Evangelica, quæ quidem clariora & uberiora sunt sub N. T. Per hanc autem œconomiam antiquata est prior V. T. sub qua durior erat pædagogia, & rigidior inculcatio Fœderis Legalis. Unde tamen non sequitur, Fœdus Legale abrogatum esse absolutè.

Obj. 4. 1 Tim. 1, 9, 10. Legem justo non esse positam; sed sceleratis, --. Resp. Iterum in ratione Fœderis, sanctio pœnalis spectatur synecdochice: ea autem non premit justos; etiam in Christo Evangelice. Attamen quia Christus pro iis jus Legis complevit, non debet colligi absoluta abrogatio.

CXXV. Pro *Praxi*; 1. Ex consideratione Legis, ac Fœderis Legalis, ad fontem & archetypum ascendamus: Sanctitatem Jehovæ meditemur, admiremur, imitemur: *Levit. 19. 2. 3.*

2. Normam illam rectissimam sequamur rota vita, omnibus actionibus; nihil excipientes, nihil divellentes: *Psal. 19. 9. - 13. 119, 2, 4, &c. Matth. v, 17, 20, 48. Jac. 2. 4, 8, 10, 12. Gal. 6. 16.*

3. Sic justam Legis Sanctionem contemplemur, ut Liberationem nostri per vicariam Christi Satisfactionem, juxta Evangelium, pie admiremur: 2. *Cor. v, 14, 15.*

4. Scientes terrorem illum Domini, alios doceamus fugere a futura ira, eosque ad fidem adducamus, juxta vocationem nostram: 2 *Cor. 5, 11. Matth. 3. 7.*

5. Dum

5. Dum jus Legis pro nobis a Christo impletum est; Rom. 8. 4, atque hæc nobis facta est Lex libertatis, Iac. 1. 25. 2, 12. excitet nos amplissima ac saluberrima promissio, ad novam obedientiam & alacrem gratitudinem; Hebr. 11, 6. 12. 18, -24.

C A P U T X.

De Peccato.

Cognitio nostri. Malum. Peccatum. 1. Contra Legem Divinam proprie. 2. Non positivum, aut substantiale; nec mere negativum: sed privativum. Subjectum quod, & quo. 3. Ejus non causa efficiens; sed deficiens. Non omne peccatum est voluntarium, antecedente judicio ac deliberatione. 4. Non habet finem per se ac proprie dictum. 5. Macula. 6. Reatus, tum potentialis, tum actualis. 7. Pontificii male distinguunt Reatum culpæ, & pœna. Obj. solv. 8. Conscientia condemnans, & spiritus servitutis. 9. Utilitas distinctionis inter Maculam, & Reatum. 10. Pœna. Quomodo ad Bestias etiam referatur. 11. Castigatio. Probatio. Martyrium. 12. Pœna damni, & sensus. 13. Peccatum vel omissionis, vel commissionis. 14. Habituale, vel Actuale. 15. Angelorum, vel Hominum. 16. In Hominibus peccatum primum. Ejus causæ principales deficientes. Libere. 17. Causa procatartica. Serpens. Methodus 18. Consummatum. Inchoatum. 19. Deus illius non causa efficiens; nec privative deficiens. Permisit tamen; &

CXII. *Æquè absurdè statuunt iidem*, Christum præter universam istam Legem, tulisse insuper alia quædam præcepta moralia; nimirum de sui Abnegatione, de Tolerantia crucis, & Imitatione ipsius Christi.

Quod enim *primò* attinet ad Abnegationem sui; præceptum satis antiquum esse patet, 1. si respiciamus Abrahamum, *Gen. xii. 1.*

2. Eandem exigit ipsa Lex, *Deut. vi, 5.* Sic enim abneganda fuit omnis cupiditas, cogitatio, inclinatio, dilectioni & obedientiæ Dei adversa.

3. Ex Prophetis etiam facilè est colligere illud officium: utpotè *Ierem. III, 17. IV, 3, 4. VII, 23, 24.*

4. Illustria exempla quoque occurrunt, *Psal. cxxxi, 1, 2. Job. xxxi, 1.*

Sècundo, de Tolerantia crucis, sive afflictionum, castigationum, & probationum Dei, demonstratur facilè; 1. ex *Prov. III. 11, 12.* Huc respicit Apostolus, *Hebr. xii, 1, 5, 6.*

2. Præclara etiam sunt, 1 *Sam. III, 18.* Itemque *Job. I, 21. II, 10. Thren. III. 27, 39. Mich. vii, 8, 9. Psal. cxxix, 1, 2.*

3. Consimilia indicantur in N. T. ubi hæc praxis confirmatur exemplis ex V. T. depromptis: *Hebr. xi, 25, 26. 35, - 38. xii, 1. Jac. 5, 10, 11.*

Tertio, de Imitatione Christi satis etiam patet ex mandatis, ubi Deus sanctitatem suam sub V. T. imitandam præcepit: utpotè *Levit. xix, 2.* si nimirum conferantur ea, quæ de Christi Θεων ὁμοιωσι obedientia, humilitate, cæterisque virtutibus, jam olim fuerunt prædicta; *Dan. ix, 24. Psal. xl, 7, 8, 9. Jes. liii, 6, 7. Zach. ix, 9.* In istis enim sita est Imitatio Christi: *Matth. xi, 29. Phil. II, 5, - 8. 1 Petr. II. 20, 21.*

Quin & virtutes singulæ, quas nos in Christo observare atque imitari oportet, in V. T. fuerunt etiam propositæ ac mandatæ.

CXIII.

CXIII. Cæterum Lex illa *vel simpliciter secundum se spectatur*: *vel* prout est instrumentum primi Fœderis. Priore modo saltem est norma obedientiæ: specificè præscribens debitum dependentiæ nostræ moralis ad Divinam *ὑπακοήν*, & jus absoluti illius Domini: unde fuit obligatio nostri ad præstanda officia mandata, & fugienda vitia contraria. Sed hactenus Deus nullo modo obligatus est Homini, ad gratitudinem ei referendam, vel remunerationem faciendam pro obsequio & cultu sibi præstito. Job. xxxv, 7. Si justus es, quid das Ei; aut quid de manu tua accepit? Psal. xvi, 2. Bonum meum non pervenit ad Te. Rom. xi, 35. Quis prior dedit Ei, & reddetur ipsi? Luc. xvii, 9, 10. Num gratiam habet servo illi, quia fecit quæ ipsi edita fuerant? Non puto. Ita & vos, cum feceritis omnia, quæ edita sunt vobis, dicite: Servi inutiles sumus: nam quod debuimus facere, fecimus. Naturaliter tamen actus humanus, si qua morali malitia laboret, eo ipso convenientem pœnam demeretur; per justitiam Dei vindicativam. Vide sup. cap. 4. th. 56.

CXIV. Vox Hebræa *ברית* pactum, conventionem, & fœdus notat: Græci *διαθήκην* appellant; q. d. dispositionem. Laxiore significatu quodlibet firmum statutum, etiam de rebus inanimatis, sic nuncupatur. Jerem. xxxiii, 20, 25. Fœdus meum de die, & fœdus meum de nocte. Occurrit etiam generale fœdus, quod Deus non solum cum hominibus pepigit, sed ad bestias quoque extendit, & iride obsignavit; de mundo non perdendo per diluvium; Gen. ix, 9, - 16.

Fœdera autem Politicis sunt Conventiones publicæ, quæ fiunt jussu summæ potestatis, & in quibus populus iræ Divinæ obstringi solet, si minus stetur dictis. Per ea interdum idem constituitur, quod est Juris naturæ: utpote inter hostes a bello discedentes; vel etiam inter eos, qui nihil ante contraxerunt; ne scilicet alii alios lædant, &c. Interdum Juri naturæ aliquid adjicitur.

Suntque vel *Fœdera æqualia*, συνθήκη; quæ utrimque se habent eodem modo. Vel *inæqualia*, σπονδαί; ut si pars potentior auxilia promittat, nec restipuletur; siue majora promittat: aut respectu partis minus dignæ ac potentis (προςάγµαλα, ἐπὶ ἀγµαλα;) ubi aliquando fit imperii translatio, vel saltem imminutio, vel onera quædam imponuntur.

Fœdera item sunt vel *amicitiæ*, vel *reconciliationis*: in *his* supponitur offensa; in *illis* non item.

CXV. *Fœdus primum*, de quo nunc agendum, alias *Legale* appellatur, vel *Operum*; interdum etiam *Naturæ*: estque inæquale, & amicitix inæqualis. Describitur autem plenius; Quod Deus cum Adamo, ac pariter cum universo Genere humano, quod in eo tanquam capite censitum fuit, ita pepigit; ut ipsum Jus naturæ, Lege comprehensum, firmaverit, tum sanctione poenali adversus transgressores, tum liberali promissione erga eos qui perfectam obedientiam forent consummaturi; ad demonstrandam per omnia secula gloriam potestatis, gratiæ, & justitiæ suæ. Considerabimus autem deinceps 1. specialem ejus *Modum*. 2. *Confirmationem*, 3. *Signa*, & 4. *Durationem*. Ad *Modum* illum pertinet, tum *Conditio præstanda*, quam Deus stipulatus est; tum *Ordo generis humani*, quem Deus pro suo jure constituit.

CXVI. *Conditio præstanda*, erat perfecta totius Legis observantia; omnium scil. & singulorum præceptorum, quovis loco ac tempore, singulis actibus humanis, ad extremum virium. Deut. vi. 5. Matth. xxii, 37, 38: *Diliges Dominum Deum tuum ex toto corde tuo, &c.* Deut. xxvii, 26. Gal. III, 10. *Execrabilis est, quisquis non manserit in omnibus, quæ scripta sunt in libro Legis, ut faciat ea.* Jac. II, 10. *Quisquis enim totam Legem servaverit, impleverit autem in uno, damnas factus est omnium.* Scil. propter omnimodam Hominum à Deo dependentiam; Act. xvii, 25, - 28.

Rom,

Rom. XI, 36. & Legis Divinæ spiritualitatem ac sanctitatem; Rom. VII, 12, 14.

Ista autem conditio, juxta *verborum formulam* in rigore suo acceptam, præstari debuit a quovis Homine. in propria persona. *Levit. XVII, 5. Ezech. XX, 11. Rom. X, 5. Gal. III, 12. Qui præstiterit ea, vivet per illa* sine ulla mentione Sponsoris, aut Servatoris.

CXVII. Quantum attinet ad *Ordinem Generis humani*: Adamus primus & universalis pater fuit omnium Hominum: sicut Eva eorum mater: *Gen. III, 20. Confer Act. XVII, 26.* Sed & ipse Adamus principium quoque Mulieris, & caput ejus: *Gen. II, 21, 22, 23. Eph. V, 23.* Sic omnes Posteriores virtualiter fuerunt in Adamo, tanquam causa prima istius Generis: quæ est *Consideratio physica*. Verum ad istam accessit alia *Constitutio politica & fœderalis*, ut omnes Posteriores in Adamo censerentur: atque adeo Adamus vel eorum bono esset perseveraturus in statu integritatis, cursumque obedientiæ consummaturus, ad justitiam & gloriam æternam; vel etiam eorum malo esset lapsurus, eidemque secum calamitati & exitio eos simul involuturus.

Similiter *Hebr. VI, 9, 10.* Levi in lumbis Abrahami proavi sui existens virtualiter, in eodem quoque decimas censebatur dedisse Melchizedeko. Certe prohibitio Arboris scientiæ boni & mali, Adamo facta, *Gen. II, 17.* ad Evam extenditur, *III, 3.* Et ad Posteriores quoque pertinuit eadem obligatio realis (non personalis): hinc Protoplasti, ubi peccassent, Paradiso exclusi, & ab aditu atque usu Arboris vitæ remoti fuerunt una cum Posteris suis; terra item maledictioni subjecta fuit, multæque calamitates immixtæ, Posterorum quoque incommodo: statutum similiter omnibus semel mori; atque in universum omne figmentum cogitationum cordis humani evasis malum inde à pueritia, &c. *Gen. III, 22, 23, 24. 16, - 19.*

Hebr.

Hebr. ix, 27. Gen. vi, 5. viii, 21. Clarissimè etiam Apostolus, i Cor. xv, 22. *In Adamo omnes moriuntur.* „Rom. v, 12, 14, - 19. *Per unum hominem peccatum in mundum introiit, ac per peccatum mors: & ita in omnes homines mors pervasit, in quo omnes peccarunt.* „--- *qui (Adamus) est typus illius (Christi) qui erat futurus.* --- *Per unam offensam (reatus venit) in omnes homines ad condemnationem, &c.* Confer sup. cap. 4. rh. 69.

CXVIII. Ad Confirmationem pertinet primo *Sanctio pœnalis*, sive *Comminatio* pœnarum adversus peccata, si ea committerentur. Ubi non solum Deus clarè expressit, quid *Justitia* sua vindicativa postulat: sed ipsi quoque *Homines* hanc *Fœderis* conditionem amplectentes, & cum libertate complacentiæ subeuntes, ex sua etiam parte se obstrinxerunt Deo per istum contractum, ad quem sic Deus per *συγκατάθεσις* processit. Undè magis justificantur Dei iudicia adversus peccatores, quando iis facit *secundum verba fœderis*, Jerem. xi, 18.

Sanctio illa breviter expressa est Gen. II, 17. „De „fructu Arboris scientiæ boni & mali ne comedas: „nam quo die comederis de eo, *moriendo morieris.* Confer Rom. vi, 23. „*Stipendia peccati mors: donum autem Dei est vita æterna in Christo Jesu Domino nostro.* Et v, 14, 18. „*Regnavit mors ab Adamo usque ad Moysen, - in omnes homines ad condemnationem.* Item Eph. 2. 1, 3. *Mortui inoffensis & peccatis: -- natura filii iræ.* Ex quibus patet, intelligendam esse omnem mortem miseram, non solum corporalem & temporalem, sed quoque spirituales & æternam.

Paulo aliter repetita est eadem *Comminatio* Deut. 27. 26. Gal. 3. 10. *Execrabilis est, quisquis non manserit in omnibus, &c.* Confer Gen. 3. 18, 19. „*Male-* „*dicta esto terra propter te: cum dolore comedito pro-* „*ventum ejus omnibus diebus vite tue: eaque spinam* „&

„& carduum profetto tibi. -- In sudore vultus tui vescitor cibo, donec revertaris in humum, &c. Itemque Levit. 26. 14. -- Deut. 28. 15. -- ex quibus constat de Maledictione hujus sæculi, initiis dolorum deinceps consummandorum. Adde Matth. 25. 41. *Execrati, abite à Me in ignem æternum, qui paratus est Diabolo & Angelis ejus, quod est æternum istius Execrationis complementum.*

CXIX. Deinde ad Confirmationem istius Fœderis quoque pertinet *Liberalis promissio*. Deus enim, ex superabundanti sua bonitate ac *φιλανθρωπία*, gratis ac sine remuneratione quæri & coli non voluit: Jes. 45. 19. Hebr. x1. 6. Atque ita se ultro Homini- bus obligavit: & quodammodo iis debitorem fecit, ubi consummatus esset cursus obedientiæ. Sic autem *Vitam* illis promisit: ut non solum immunes essent futuri ab omni morte; verum etiam deinceps transfe- rendi in gloriosam beatitudinem cœlestem, & proxi- miorem communionem ipsius Dei. Vide Psal. 16. 12. Ita enim *Moses describit justitiam quæ est ex Lege, quod qui præstiterit ea, vivet per illa*: Rom. 10. 5. Gal. 3. 12. Levit. 18. 5. Ezech. 20. 11. Ubi quidem reipia eadem Vita intelligenda est, quam postmodum nobis Christus acquisivit. Vide Rom. 10. 4. viij. 4. Unde etiam ipse Juveni interroganti, *Quid faciam, ut Vitam æternam possideam?* mandata Legis proposuit primum, Matth. 19. 16, 17. ac statim *Cælum, Regnum cælorum, vel Regnum Dei*, appellavit, Vitam illam æternam ex- plicans; vers. 21. 23. Luc. 18. 24.

Haftenus pietas Promissionem habet præsentis ac fu- turæ Vitæ: 1 Tim. 4. 18. omnis generis beneficiorum in hoc sæculo: Exod. 20. 12. Levit. 26. 3, - 13. Deut. 28. 1, - 14. & beatitudinis ac gloriæ æternæ in altero sæcu- lo: Rom. x1. 7. Observandum interim, in gratiosa ejusmodi repetitione post lapsum, bona fere proponi convenienter præsentis Hominis conditioni: atque ita

ut jus illud , respectu omnium salvandorum, nunc fundetur in Christo.

CXX. Sequuntur *Signa Fœderis illius*. Hic autem initio se offert *Arbor scientiæ boni ac mali* : *Gen. 11. 9.* cujus esu Deus Homini interdixerat ; *vers. 17.* ut scil. isto symbolo Hominis obedientia probaretur ; eademque opera confirmaretur , si is obedientiam præstaret & consummaret , certa bonorum affluentia , & malorum immunitas ; sin secus , bonorum amissio, & malorum indubitata successio. Sic enim signative accipienda est ista Arboris illius appellatio.

Obj. 1. Ista Arbor videtur habuisse naturalem facultatem acuendi ingenium , & faciendi sensus magis promptos atque expeditos ad suas operationes : ac proinde ejus usu vere acquiri potuisset sapientia , aut scientia perfectior. *Resp.* Tale quidem erat seductoris & homicidæ Diaboli mendacium ; *Gen. 3. 5.* cui male fidem adhibuit Mulier peccare incipiens ; *vers. 6.* Sed nulla causa materialis per se producere potest effectum immaterialem. Spiritibus autem animalibus perpetuò & satis aptè restaurandis suppetebant procul dubio alia satis multa ; quibus tamen ista appellatio non tribuitur.

Obj. 2. Si signum fuit ista Arbor , signum fuit mortis & miseriæ. *Resp.* Imo non minus erat *Arbor Scientiæ boni* , quam *mali* ; prout obedientia præstanda esset , vel non esset : quemadmodum jam explicatum est , & conditioni Hominis sub isto Fœdere conveniebat.

Obj. 3. Sacramenta percipi debent ab Homínibus Fœderatis : at ista Arbor percipi non debuit. *Resp.* Fructus ejus edi quidem non debuit : attamen Arbor conspici , ejusque ordinatio symbolica agnosci potuit & debuit ; non minus quam in Iride , *Gen. 9. 12, 13, 14.* Ac porro in aliis Sacramentis , non ejusdem modi est perceptio : *1 Cor. 10. 1, 2, 3.*

CXXI. Deindè illustris erat *Arbor vitæ*, in medio Paradisi, *Gen. 2. 9.* præclarum vitæ ac gloriæ æternæ sacramentum; sed juxta promissionem & conditionem istius Fœderis. Hinc porro *cap. 3. 22.* Homo ex ea comedens, dicitur victurus in sæculum: quoniam ejus esus ex ordinatione Divina, obsignabat, & sic certo inferebat, vitam æternam; verum Homines per lapsum re signatâ destituti, usu signi necessario prohiberi debuerunt.

Obj. Vocatur potius *Arbor vitæ*, quod haberet virtutem physicam vitæ in æternum producendæ; atque adeo esset remedium contra omnes morbos, omnem corruptionem, & ipsam senectutem, &c. *Resp. 1.* Morbi & corruptiones maximam habent diversitatem: omnis autem medicatio fieri debet per contraria: consequenter ea per unam arborem, aut ejus fructus, fieri non potuit naturaliter. 2. Et quid tum de ruina ædium, incendio, vi aquarum, &c. quæ pericula alibi produciunt Adversarii? 3. Neque istiusmodi remedium erat necessarium: cum omnia alimenta essent satis salubria; ipsique Homines ea sapientia præditi, ut singulis fuissent recte usuri; nec etiam alia incommoda mortifera eventura, Deo omnia benigne & potenter disponente, juxta promissionem suam, ad Hominum immortalitatem & gloriam æternam; si modo in primæva integritate, suoque officio, perstitissent.

Inst. *Apoc. 22, 2.* „In medio foro ejus (Hierosolymæ), & ex utraque parte fluminis erat *Arbor Vita* ferrens fructus duodecim, per menses singulos edens fructum suum; & *folia sua ad sanitatem Gentium.* Ergo etiam in Paradiso terrestri *Arbor vitæ* erat ad sanitatem. *Resp.* Sic per visionem & figurationem Propheticam delineatur perpetua virtus vivifica & beatifica Servatoris nostri; qui nunc sub Fœdere Evangelico vere nobis impetravit, atque etiam applicat realiter, id ipsum quod sub Fœdere Legali olim significabat *Arbor illa vitæ.*

CXXII. Affinis est consideratio ipsius *Paradisi*, Horti amœnissimi cum quatuor suis fluviiis, in orientali parte Hedenis; quæ est in Babylonia, parte Mesopotamiæ, &c. *Gen.* 11, 8, -. Ille enim singulari sua amœnitate, ac potissimum contenta Arbore vitæ, ipsum Cœlum tertium, sive beatorum, & gaudium æternum, quoque significavit. Unde Cœlum istud *Paradisi* nomine diserte appellatur, 2 *Cor.* 11, 2, 4. *Luc.* 22, 11, 43. *Apoc.* 11, 7.

Sed post peccatum Deus Homines *Paradiso* expulit, redituque prohibuit, appositis Cherubinis, cum flamma gladii sese vibrantis: *Gen.* 3, 23, 24. Hodie autem ille superstes non est; & maxime vero simile, quod per Diluvium sit corruptus.

Vanissimum vero est *Pontificiorum* commentum, ex detorsione loci *Apoc.* 11, 3, &c. de *Paradiso* adhuc superstite, & Enocho atque Elia in eum translatis, ibique permansuris usque ad congressum suum cum Antichristo; a quo sint occidendi, postea tamen virtute Divina resuscitandi, & in Cœlum assumendi.

CXXIII. Sed neque omitrenda videtur observatio *Sabbathi*; de cujus primæva institutione diximus sup. rh. 13. ut illa beatam requiem a cursu obedientiæ fideliter consummato in Coelis agendâ, sabbatismum perpetuum ac gloriosissimum, utcunque etiâ adumbraverit, & studium ejus promoverit. *Heb.* 4, 3, 4., *Introimus*, enim *in requiem nos qui credimus*, sicut dixit, *Psa.* 95, 11. Ita que juravi in ira mea, si ingressuri sint in requiem meam: licet operibus a *facto mundi fundamento*, *factis*. Ita enim dixit quodam in loco de septimo die, *Gen.* 2, 2.) *Et quievit Deus die septimo* ab omnibus operibus suis, &c. 9, 10., *Itaque reliquus est aliquis sabbatismus populo Dei*. Nam qui ingressus est in requiem ipsius, *requievit & ipse ab operibus suis*; quemadmodum, *dum a suis Deus*. Ita signo illo primævo illustratur beata requies & gloria, quam Deus isto *Fœdere* *Protoplastis* promisserat.

CXXIV.

CXXIV. Superest ejus *Duratio*. Hæc autem mundo, & hominibus in eo viventibus, coæva est: quin & Judicium, quod ejus executio, erit æternum: *Hebr. vi, 2. Marc. III, 29. Aliter* tamen se habet in Homi-
nibus, qui sibi prorsus relinquuntur, extra salutarem Christi communionem; *aliter* in vere Christianis. *Priores* omnino manent sub isto Fœdere, ac per ipsum condemnantur: sic ira Dei manet *ἐπὶ τῆς ἀπειθείας*, *Joh. III, 36.* & eos occupat ad finem usque: 1 *Thess. I, 16.* Hactenus ergo Fœdus legale non est abrogatum; neque quicquam ei derogatum.

In *posterioribus* non fit stricta istius Fœderis executio, juxta verborum formulam: sic enim illi, propter peccata sua, servari non possent: at vero per Christi satisfactionem a reatu redempti sunt, & ab execratione liberati; ejusdemque obedientia universum jus Legis pro iis impletum. *Rom. VI II, 1, -4. Gal. III, 13.* Scil. Fœdus istud explicatum est a Deo clementissimo *κατ' ἐπιεικειαν*: & consequenter loco nostro admissa solutio *ἀντὶ λύτης*, a Redemptore dignissimo nobisque conjunctissimo; ac porro ab eodem impleta omnis justitia, qua nos justî constitueremur, per gratiosam Dei imputationem; 2 *Cor. v. 15, 17, 18, 19, 21. Matth. 3. 15. Rom. 5. 19. iv. 5. 6. cum 19. 18. Philem.* Ita quidem, „ ut sit *Ipse Justus*, & *Justificans eum*, „ *qui est ex Fide Jesu.* Siquidem Deus unus est, qui „ justificabit Circumcisionem ex Fide, & Præputium „ per Fidem. *Legem igitur inutilem reddimus per Fidem* ? *Ab sit.* Imo *Legem stabilimus*: *Rom. 3. 26, 30, 31.*

Obj. 1. Matth. II, 13. Omnes Prophetæ, & ipsa Lex, usque ad Johannem prophetarunt. Ergo Lex & Fœdus Legale non durant post Johannem Baptistam. *Resp.* Non agitur istic propriè de Lège morali, aut Fœdere Legali; sed de œconomia Prophetica, & Cerimoniali typica, V. T. Christum venturum prænunciante atque adumbrante; cui finem imposuit Johan-

5. Dum jus Legis pro nobis a Christo impletum est; *Rom.* 8. 4, atque hæc nobis facta est Lex libertatis, *Iac.* 1. 25. 2, 12. excitet nos amplissima ac saluberrima promissio, ad novam obedientiam & alacrem gratitudinem; *Hebr.* 11, 6. 12. 18, -24.


C A P U T X.

De Peccato.

Cognitio nostri. Malum. Peccatum. 1. Contra Legem Divinam proprie. 2. Non positivum. aut substantiale; nec mere negativum: sed privativum. Subjectum quod, & quo. 3. Ejus non causa efficiens; sed deficiens. Non omne peccatum est voluntarium, antecedente judicio ac deliberatione. 4. Non habet finem per se ac proprie dictum. 5. Macula. 6. Reatus, tum potentialis, tum actualis. 7. Pontificii male distinguunt Reatum culpæ, & pœna. Obj. solv. 8. Conscientia condemnans, & spiritus servitutis. 9. Utilitas distinctionis inter Maculam, & Reatum. 10. Pœna. Quomodo ad Bestias etiam referatur. 11. Castigatio. Probatio. Martyrium. 12. Pœna damni, & sensus. 13. Peccatum vel omissionis, vel commissionis. 14. Habituale, vel Actuale. 15. Angelorum, vel Hominum. 16. In Hominibus peccatum primum. Ejus causa principales deficientes. Libere. 17. Causa procatactica. Serpens. Methodus 18. Consummatum. Inchoatum. 19. Deus illius non causa efficiens; nec privative deficiens. Permisit tamen; &

ordinavit in finem bonum. *Quæstiones solv.* 20. Libere peccarunt Protoplasti; & tamen aliquo respectu *necessario.* 21. *Tentationes* interim variæ 22. *Gravitas* istius peccati. 23. *Effecta.* 24. *Peccatum originale.* 25. *Imputatum:* c. Pelag. Socin. &c. 26. *Posteri.* Excipitur Christus. 27. *Effectus.* Obj. solv. 28. *Peccatum originale inharens.* 29. Probatur, c. Socin. Anabapt. &c. 30. Non excipienda *Virgo Maria.* Obj. solv. 31. *Modus propagationis* 32. *Effecta.* Obj. solv. 33. *De Libertate:* & de *Servo arbitrio;* c. Pontif. Socin. &c. 34. *Objectiones* solv. 35. Quod de ista *corruptione* relinquitur in *regentis*, &c. vere peccati rationem habet. 36. *Paulus Rom. 7. 15, --.* loquitur de *se regento.* 37. *Peccata actualia.* Eorum *causa.* 38. *Peccatum per se.* Per *accidens.* Circa *Deum directe.* Circa *proximum.* 39. *Peccata interna.* *Externa.* *Spiritualia.* *Carnalia.* Extra proprium corpus. In proprium corpus. 40. *Ex ignorantia.* *Infirmitate.* *Malitia.* 41. *Conscientiam vastantia.* *Clamantia.* 42. *Male Pontificii* dividunt in *Mortalia,* & *Venitalia.* Obj. solv. 43. *Remissibilia.* *Peccatum in Spiritum Sanctum.* 44. *Quæ istud constituent.* *Judicium* de eo difficillimum. Pontificii male statuunt plures ejus *species.* 45. *Peccata manifesta.* *Occulta.* 46. Aliis *graviora* unde. 47. *Iteratio.* *Recidiva.* 48. *Consuetudo* peccandi. *Peccatum regnans.* An cadat in *regentis.* *Peccatum tentans.* In *deliciis.* *Odio habitum* 49. *Fructus.* *Mors spiritualis;* in genere *damni.* In genere *sensus.* *Moderatio interna.* *Externa.* 50. *Mortis corporalis inchoatio interna;* in genere *damni.* *Sensus.* *Externa;*

terna; &c. Moderatio. 51. Mortis corporalis Consummatio. De Corpore. De Anima 52. Mortis spiritualis consummatio. 53. Praxis. 54.

I.  Tilissima & valde necessaria est Cognitio nostri ipsorum: I Cor. 11, 28. 2, xij. 5. Triplex autem Status cognoscendus est pro hoc sæculo; *Natura Instituta, Destituta, & Restituta*; sive *Integritatis, Lapsus, & Gratiæ*: atque item pro futuro, *Status, vel Gloriæ, vel Cruciatuum eternorum*. De *Natura instituta*, ejusque *Integritate*, diximus sup. cap. 7. th. 34, 45. nunc tractationem de *Fœdere Legali* commodissime excipit dissertatio de *Peccato, seu Lapsu, & Natura destituta*,

Malum generatim est privatio boni. Peccatum vero est malum morale: aut plenius, Aberratio, vel Exorbitatio Creaturæ rationalis a Lege sibi lata. Hebraïce חטאת h. e. aberratio: ut Iud. 20. 16. Fundamittens lapidem ad capillum, & non peccare faciebat; sive non sinebat aberrare. Confer Deut. 5. 32, 33. Phil. 3. 12, 14. Gal. 6, 16. Græce ἀμαρτία: describitur autem, quod sit ἀνομία, I Iob. 3. 4. Alias παράβασις, παράπωμα, & παρακονή appellatur: Rom. 5. 14, 19.

2. Legem hic omnino spectari, manifestum est. Rom. 4. 15. *Ubi non est Lex ibi nec est Transgressio. 5, 13. Peccatum non reputatur, non existente Lege. 3. 20. Per Legem est cognitio Peccati. adde 7. 7.*

Unus autem in Theologia proprie occurrit *Legislator, qui potest servare & perdere: Iac. 4. 12. atque ipsius Lex: Psal. 51. 6. Tibi Tibi soli peccaveram. Cum vero Pontifex Romanus sibi arrogat jus sancienti aliquid sub peccato mortali, ac faciendi de non peccato peccatum, & contra; manifeste præ se fert, se esse Deum;*

atque adeo se Antichristum demonstrat : 2 *Theff.* 2. 4.

Hominibus quidem fit injuria : verum tunc peccatur proprie circa ipsos , & contra Deum ac Legem ipsius. Interim qui supereminentem Potestatem habent , Leges etiam ferre & Statuta condere possunt ; quibus obtemperandum propter conscientiam , & propter Dominum : *Rom.* 8. 15. 5. *Petr.* 2. 32, 17. Istorum transgressio , peccatum quoque est , & reatum inducit , per se ac directe in foro soli : indirecte etiam ac mediate , per Divinam ordinationem , in foro poli.

Quæ autem ab Ecclesia , per Antecessores , ordinis & communis ædificationis gratia constituuntur , prudenti deductione ex Verbo Dei , & applicatione ad præsentis circumstantias , sic serio observari debent : *Hebr.* 8. 17. 1 *Cor.* 14. 32 , 40. *Matth.* 18. 17. Attamen Dominatio iis non competit : 1 *Petr.* 5. 3. *Matth.* 20. 25, 26. cum 23. 8, 9, 10. sed Ministerium : 1 *Cor.* 4. 1. 2, 5, 18, 19, 30. Consequenter non habent potestatem Leges ferendi ; neque contra ipsos proprie peccatur : sed circa ipsos , eorumque defectiones & applicationes recte factas , contra Deum : *Luc.* 10. 16. Excessus igitur cavendus , contra *Pontificios* ; atque item defectus , contra *Libertinos* & homines ἀτάκτους.

3. Sic patet , Peccatum formaliter non esse quid *positivum* ; nedum *substantiale* ; alteri Principio , Deo alicui malo , adscribendum : quemadmodum olim delirabant *Manichæi*. Nec mere *negativum* : sic enim nihil foret ; & qui minime operarentur , imo minime existerent , maxime peccarent. Sed esse aliquid *privativum* ; ut in subjecto capaci absit bonitas moralis debita inesse , seu necessaria conformitas cum Lege.

Subiectum quod sunt Creaturæ quædam rationales ; tum Angeli , tum Homines. *Subiectum* quo sunt eorum Facul-

Facultates naturales; itemque *Habitus*, *Affectus*, & *Actiones*; quatenus singula suo modo recedunt a norma sibi præscripta.

IV. Peccati formaliter nulla est *Causa efficiens* directa & proprie dicta: nedum Deo sanctissimo talis efficientia tribuenda sit. *Iac. 1. 13. Nemo, cum tentatur, dicat, A Deo tentor: nam Deus tentari malis non potest; nec quenquam tentat.* Sed creatura rationalis peccans, est ejus *Causa deficiens*; quatenus aberrat à norma & perfectione sibi præscripta.

Neque tamen cum *Pontificiis*, & *Socinianis*, eorumque sequacibus, asserendum. Nullum dari peccatum propriè dictum, quod non sit voluntarium, antecedente judicio ac deliberatione, & formali actu voluntatis: aliter enim res habet, 1. in peccato originali; de quo inferius. Itemque 2. in lapsibus per subitam occupationem & inadvertentiam: *Gal. 6, 1. Nec non 3. in ipsa addubitatione ac deliberatione de peccato aliquo committendo; & in ordinatis motibus primo primis voluntatis atque affectuum, contra Legem Dei, cum acquiescentia & complacentia qualicumque, saltem interpretativa aut virtuali, & concomitante.*

V. Cum sit exorbitatio a recta norma, & vero scopo, *Finem* per se ac propriè dictum etiam non habet: sicut enim omnis *Finis* intenditur sub ratione boni; ita *Medium* appetitur & assumitur propter *Finem*, ut conducibile ad ipsum: quod Peccato formaliter, tanquam privativo, non convenit. Peccantes quidem sibi *Finem* aliquem proponunt; bonum apparens jucundum, vel utile; sed misere decipiuntur. *Rom. 3. 8. Non sunt facienda mala, ut eveniat bonum.* Qui Apostolos interimebant, putantes se cultum præstare Deo, *Ioh. 16. 2. intentione sua excedebant.* *Prov. 10. 28. Expectatio improborum perit* Deus tamen peccata creaturarum sic gubernat, iisque

abutitur, ut per accidens serviant Gloriæ suæ, & Electorum salutem.

VI. Ad *Effecta* & *Adjuncta* quod attinet; occurrunt primo *Macula*, & *Reatus*; ac porro *Pœna*.

Macula est spiritualis deformitas ac turpitudine in peccatore qua tali, pulchritudini Imaginis Divinæ contraria. *Matth.* 15. 19, 20. *Ex corde egrediuntur cogitationes malæ, &c. Hæc sunt quæ polluant hominem.* *Tit.* 1. 15. *Pollutis & incredulis nihil est mundum; sed polluta est eorum & mens, & conscientia.* *Apoc.* 21. 11. *Qui sordidus est, sordescat adhuc* *Psal.* 14. 3. *Simul putidi facti sunt* *Ies.* 6. 5. *Vir pollutus labiis sum, &c.* *lxiv.* 6. *Sumus ut immundus nos omnes, &c.* Adde *Iob.* 15. 14. *Prov.* 20. 9. & confer *Psal.* 14. 12, 14. 1 *Petr.* 3. 4, 5.

Hinc peccans honore privatur, & in contemptum adducitur coram Deo, omnibusque sanctis. 1 *Sam.* 2. 30. *Contemptores mei leves fient.* *Ies.* 6. 6. *Sicut panniculus abjectissimus, &c.* *Rom.* 3. 23. *Peccaverunt, ac deficiuntur gloria Dei.* *Hos.* 4. 7. *Gloriam eorum ignominia commutabo.* Adde *Pro.* 3. 35. *Ierem.* 11. 25. *Dan.* 11. 2.

Accedit averfatio & abominatio ipsius Dei, maxime in peccatis gravioribus. *Prov.* 3. 32. *Abominationis est Jehovæ præfractus.* 6. 16, 17. *Sex ista odit Jehovah; imo septem abominationi sunt animæ ejus: oculi elati, &c.* Confer *Ies.* 1. 15. *Hab.* 1. 13. *Psal.* 5. 5, 6.

Item pudor intus; h. e. metus ex propriæ turpitudinis conscientia: *Ierem.* 3. 24, 25. *Pudendum istud consumpsit laborem patrum nostrorum, - Iacemus in pudore nostro, &c.* *Dan.* 9. 7. *Nobis pudor faciei.* *Rom.* 6. 21. *De quibus nunc erubescitis.* Et fuga quandoque foris; conatus quanquam irritus, effugiendi præsentiam Dei, qui istam turpitudinem tantopere averfatur. Exemplum est in *Protoplastis*, *Gen.* 3. 7. Adde *Proverb.* 28. 1. *Fugiunt improbi, nemine persequente.* Confer *Ies.* 2. 14. xxxiii. 14. *Hos.* 10. 8. *Luce* 23. 30. *Apocal.* 6. 16. ix. 6.

VII. *Reatus est obligatio peccatoris ad poenam luendam, juxta Legis sanctionem. Rom. 5. 16. Reatus est ex una offensa ad condemnationem. 3, 19. Ut obnoxius fiat totus mundus condemnationi Dei. Levit. 5. 2, 6. Immundus est, & reus. -- Et adducet reatum suum Iehovæ. ubi metonymice hostia intelligitur. A reatu peccata etiam appellantur debita; Matth. 6. 12. cum Luc. 11. 4. & peccatores dicuntur esse sub peccato; Rom. 3. 9. vel in peccatis suis; 1 Cor. 15, 17.*

Spectatur autem reatus, tum in actu primo, sive potentialis; tum in actu secundo, sive actualis. Priori modo in se & absolute consideratur peccati demeritum ex justitia Divina; ut sit dignum puniri. Sic Rom. 1. 32. appellatur *fus Dei*, ut Legis transgressores *digni sint morte*. Posteriore modo consideratur actualis obligatio ad poenam, propter demeritum illud re ipsa infligendam; ut peccatum sit actu puniendum. Ita Rom. 1, 18. *Patet ira Dei à cælo adversus omnem impietatem & injustitiam hominum, ut qui veritatem injuste detineant. 2, 1, 2. Inexcusabilis es, o homo, quisquis alium damnas. -- Scimus, judicium Dei esse secundum veritatem adversus eos qui talia agunt.*

Reatus in actu primo inseparabilis est a peccato, propter hujus repugnantiam adversus Sanctitatem & Justitiam Dei. Vide sup. cap. 4. th. 54, 55, 56. sed in actu secundo separari potest respectu ipsius peccatoris, per interveniens remedium satis validum: sicut fidelibus propter Satisfactionem Christi peccata ipsorum remittuntur; neque ulla est iis condemnatio, nec justa amplius eorum criminatio. Eph. 1, 7. Col. 1, 14. 2 Cor. 5, 19, 21. Rom 8, 1, 33. 34.

VIII. Absurde Pontificii distinguunt inter *reatum culpæ*, & *pænæ*: ita quidem ut contendant, remissa culpa retineri frequenter poenam; atque ista ratione locum facere conentur suis satisfactionibus in ordine ad Justitiam Divinam, pro pœnis temporalibus, tum in

hac vita, tum post eam in Purgatorio. Sed Reatus est vinculum, inter culpam & poenam intercedens, sive obligatio ex culpa ad poenam. Per Remissionem vero tollitur ista obligatio: ubi autem ea sublata est respectu culpæ, ex quo principio processerat; non potest remanere respectu poenæ, tanquam termini. Relata sunt simul natura: uno eorum sublato, etiam necessario tollitur alterum, quatenus tale est. Ubi sublatum est vinculum conjugale respectu mariti, non potest manere respectu uxoris, &c. Rom. 7. 1, 2, 3.

Obj. 2 Sam. 7. 13, 14. Davidi remissum fuit peccatum suum, & sic sublatus reatus culpæ: filiulus ipse tamen erat morte mulctandus, quod ille inimicos Dei blasphemare fecisset; retentus igitur fuit reatus poenæ istius temporalis. *Resp.* Ista Davidi fuit castigatio paterna; eo magis necessaria, ut tolleretur offendiculum, neque fideles putarentur talia peccata prorsus impune committere: sed non fuit poena stricte dicta, & ad iustitiam Dei vindicativam satisfactoria: ac proinde nec retentus fuit reatus poenæ.

IX. Reatum frequenter sequitur *Conscientia condemnans*, & horrorem atque cruciatum inducens: Rom. 2. 15. *Cogitationibus sese mutuo accusantibus.* Ies. 47. 20, 21. *Improbi, ut mare propulsum.* -- Ita nulla est pax, inquit Deus meus, improbis. Huc pertinet spiritus servitutis; Rom. 8. 15. unde peccatores metu mortis per omnem vitam damnati sunt servitutis; Hebr. 2. 15 & Diaboli horrescunt; Jac. 2, 19. Confer Iob. 3. 20. Ier. 2. 19.

X. Utillissima est ista *Maculæ & Reatus distinctio*; 1. ut recte intelligantur varix phrasæ S. Scripturæ: priori enim respectu *sordes, vulnera, sanguis*, &c. aliquoties commemorantur; posteriori, *debita, offensa, crimina*, &c.

2. Ut recte distinguatur *Iustificatio a Sanctificatione*: illa enim Reatum proprie spectat: hæc Maculam: atque item *Iustitia imputata*, ab inhaerente; quarum
illa

illa ad materiam Justificationis pertinet; hæc Sanctificationis effectus est: contra Pontificios, Socinianos, &c.

3. Quo melius percipiatur, sublato Reatu actuali per Justificationem, remanere tamen utcumque Maculam in hac vita, etiam in baptizatis.

XI. *Reatus* ex Peccato fluit directe & immediate; *Pœna*, dispositive, & mediante Reatu. Est autem *Pœna*, Malum triste a Rectore inflictum propter demeritum peccati. 2 *Theff.* 1, 6, -. *Iustum est apud Deum, vicissim reddere iis, qui affligunt vos, afflictionem: infligent ultionem iis, qui Deum nesciunt; - qui pœnam pendant ignis æterni. Iudæ, 7. Ignis æterni pœnam sustinebis.*

Materiale pœnæ est Afflictio, seu Mali tristis perpetuo in Creatura rationali: *Formale* autem est Respectus ad culpam; sive *Ordinatio* ad luendum pro demerito peccati, secundum dictamen Justitiæ. Hæc enim est Pœna proprie & stricte dicta. Sic Diaboli, & Homines reprobī, puniuntur in æternum; ac similiter Christus punitus est, ut Sponsor, loco & vice electorum suorum.

Bestiæ, aliæque creaturæ irrationales, ut juris, ita peccati, & pœnæ, per se capaces non sunt. Pœnæ tamen utcumque subiiciuntur; 1. cum homines propter sua peccata, ubi illis frequenter abutuntur, in istis suis possessionibus, & rebus ad ipsorum utilitatem, commoditatem, vel oblectationem ordinatis, puniuntur: *Gen.* 3. 17, 18. *Rom.* 8. 20, 21. 2. Si bestiæ etiam materialiter faciant, quod in hominibus enorme crimen foret, Deus in detestationem talis facti, bestias quoque simili malo tristi aliquando voluit affici; *Gen.* 9. 5. *Exod.* 21. 28, 29. *Levit.* 20. 15. 16.

XII. *Laxe & improprie pœna* quoque appellatur, malum triste, quod quidem peccati causâ perfertur: non tamen in compendium culpæ; sed ad emendationem & salutem eorum, qui sic exercentur. Talis est 1. *Castigatio*,

stigatio, *παιδεία*; Paterna correctio; qua a peccatis retrahimur, & ad Deum atque officia nostra salutariter compellimur. 1 Cor. 11. 32. Dum judicamur, a Domino erudimur, ne cum mundo condemnemur. Hebr. 12. 5, 11. Oblitiscitis adhortationis, quæ vobis tanquam filiis loquitur, Fili mi, ne parvi facito Castigationem Domini; neque animo frangitor, cum ab Eo argueris: Quem enim diligit Dominus, castigat, &c. ad commodum nostrum, ut participes simus sanctimonie ipsius. - Postea fructum tranquillum justitiæ reddit iis, qui per eam fuerint exercitati.

2. Affinis est *Probatio*, *δοκιμασία*; qua exploratur & manifestatur, quid sit de statu hominis spirituali, ejusque virtutibus; quid de fide, charitate, obedientia, constantia, &c. quo majus incrementum capiant filii Dei, & ad gloriam promoveantur. Sic explorati, magis innōtescunt sibi ipsis, aliisque fidelibus, imo etiam Angelis: 1 Cor. 4. 9. Deus autem explorare dicitur, quatenus media ordinat & dirigit in istum finem. Gen. 22. 1 Deus tentavit Abraham. 12. Nunc cognovi, quod timens Dei es; quod non peperceris filio tuo, unico tuo, propter Me. Rom. 5. 3, 4, 5. Etiam gloriamur de afflictionibus, scientes quod afflictio tolerantiam efficiat; tolerantia vero experientiam; Experientia autem spem: porro spes non pudefacit. - 1 ac. 1, 2, 3, 4 Summo gaudioducite, fratres mei, quoties in tentationes varias incideritis: illud scientes, explorationem fidei vestræ efficere tolerantiam. &c. Vide etiam 5. 10, 11. Similiter 1 Petr. 1: 6, 7. Ut exploratio fidei vestræ multo pretiosior exploratione auri, quod perit, & tamen per ignem exploratur, inveniatur vobis esse laudi, & honori, & gloria, cum revelabitur Iesus Christus.

3. Accedit *Martyrium*, (Testimonium); quod est doctrinæ Evangelicæ confirmatio, per fortem & constantem afflictionum, cruciatuum, ipsiusque mortis violentæ, pro ea tolerantiam. Ipse Christus fidus ille Testis

Testis appellatur, *Apoc.* I. 5. Qui etiam Apostolis suis dixit, *Act.* I. 8, *Eritis mihi Testes*, - *Et Math.* 5. 10, 11, 12. *Beati, quos persequuntur homines iustitiæ causa*: -. *Apoc.* 2, 13. *Antipas Martyr ille meus fidelis occisus est*, -. Vide etiam 11. 3, -. *Col.* I. 24, 25. *Phil.* I. 12, 13, 14, Sed specialius usu Ecclesiastico *Martyres* appellantur, qui pro confirmatione Euangelii mortem oppetunt; reliqui vero, qui damna, carceres, cruciatus, exilia pro eadem veritate sustinent, *Confessores* dicuntur.

Fieri autem potest, ut *Castigatio* simul sit *Probatoria*: vel etiam aliquando *Martyrii* rationem habeat: quamvis alio respectu. Vide *Hebr.* 12. 2, - 11. *1 Petr.* 4. 12.

XIII. *Pæna* proprie dicta est tum *damni*, tum *sensus*.

Pæna damni est privatio salutaris & glorioſæ communionis cum Deo, juxta ipsius sententiam. *Gen.* 4, 14. *En, expellis me hodie -- ut a facie Tua abscondam me* *Matth.* 7. 23. *Discedite a Me*, -, 25. 41. *Execrati, abite a Me.* 2 *Thess.* I. 9. *expulsi a facie Domini, & gloria virium Ipsius.*

Pæna sensus notat cruciatus positivos, quales impiis non solum immittuntur in hac vita, sed & post eam durabunt absque fine. *Matth.* 25. 41. *Abite a Me, in ignem æternum.* *Marc.* 9. 46. *Ubi vermis eorum non moritur, & ignis non extinguitur.* *Apoc.* 14. 11. *Fumus tormenti ipsorum ascendet in sæcula sæculorum: nec habebunt requiem die, nec nocte.*

XIV. *Peccatum* dividitur multifariam: primo enim vel est *commissionis*, vel *omissionis*. *Peccatum commissionis* adversatur præcepto negativo, dum agitur, quod prohibitum est. Hic actus substratus metaphysice bonus est in genere entis: sed per repugnantiam adversus Legem Dei, caret bonitate morali.

Peccatum omissionis adversatur præcepto affirmativo, dum non agitur quod mandatum est. Hic facultas, aut habitus, cessat ab exercitio, quo occupari debe-

ret juxta præscriptum : adeoque vel nihil agitur , h.e. nullum opus notabile ; vel aliud agitur , quod istis circumstantiis non convenit.

Omissio autem vel est *totalis*, sive totius officii mandati ; vel *partialis* , sive modi alicujus , aliūve adjuncti necessarij.

XV. *Secundo* peccatum est vel *habituale* , vel *actuale*.

Habituale notat difformitatem moralem , in subjecto suo , analogice p̄r modum actus primi : unde ipsum subjectum vitiatur ac deturpatur , & quæcunque ab eo procedunt Rom. 8, 7, 1. *Quod sapit caro , inimicitia est adversus Deum Legi enim Dei non subjicitur : nam ne potest quidem. Ergo qui in carne sunt , Deo placere non possunt. Tit. I, 15. Pollutis & incredulis nihil est mundum ; sed polluta est eorum & mens , & conscientia. Matth. 7, 18. Non potest arbor mala fructus bonos ferre.*

Actuale vero est actus secundus , sive actio , difformitate tali laborans : sive cogitatum , dictum , aut factum contra Legem Dei. Matth. 15, 19, 20. „ Ex „ corde egrediuntur cogitationes malæ , cædes , adulteria , „ scortationes , furta , falsa testimonia , maledicta.

XVI. *Tertio* peccatum est vel *Angelorum* , vel *Humanum*.

De malis Angelis , eorumque lapsu diximus sup. cap. 7. th. 18. Sed post primam illam apostasiam , secuta sunt , & perpetuo sequuntur , plura peccata : exinde enim omnes eorum actiones , vel universali ἀνομία laborant ; vel saltem in principio , fine , & modo agendi deficiunt. Confer Matth. 7, 18. Tit. 1. 15. Omnes certe & singuli illi 1. libere defecerunt totaliter. 2. Nec Mediatorem habent , per quem restituantur. Vide Hebr. 11, 14, 16, 17. 3. Consequenter etiam libere in apostasia sua ipsi perseverant absque fine , & sine ulla resipiscentia. 4. Et justo Dei judicio relinquuntur ac servantur æternæ condemnationi. 2 Petr. 11, 4. Deus Angelis ,

Angelis, qui peccaverunt, non pepercit; sed in tartarum detrusos catenis caliginis tradidit, damnationi servatos. Similia sunt Judæ. 6 Et Matth. 25. 41. in ignem æternum, qui paratus est Diabolo & Angelis ejus.

XVII. De peccatis Hominum agendum uberius. Occurrit ibi Peccatum primum, & alia a primo orta.

Primum est ipsa primorum Hominum a primæva integritate defectio, per transgressionem præcepti Divini de non gustando fructu Arboris scientiæ boni & mali. *Gen. 3, 1, -7.*

Causæ principales efficientes, vel potius deficientes, fuerunt ipsi Homines protoplasti: sed Eva prior, quæ etiam Adamum seduxit: Gen. 3. 6. 2 Cor. 11, 3. Hinc 1 Tim. 11, 14. Adamus non fuit seductus (scil. prior, & tali modo per serpentem;) sed Mulier seducta, causa transgressionis fuit. Alibi tamen Adamus in hoc negotio potissimum commemoratur, tanquam Caput posteritatis politice ac fœderaliter in ipso comprehensæ & confixæ: Rom. 5, 12, 14, 15, 16, 18, 19. 1 Cor. 15, 21, 22.

Libere autem sic defecerunt Protoplasti; seque inclinarunt ad illud, quod Deus prohibuerat. Eccl. 7, 29. Solummodo vide! hoc inveni, Deum ipsum fecisse hominem rectum; ipsos autem quærereratiocinia plurima.

XVIII. *Causa Procatartica* ad peccandum pelliciens fuit Diabolus; Tentator ille; *Matth. 4, 3. Pater mendacii, & Homicida a principio; Job. 8. 44. Idem rufus Draco, & antiquus Serpens appellatur metaphorice & metonymice. Apoc. 12. 3, 4, 9. 20. 2. tum propter similitudinem versutix, quæ Serpenti naturalis est; tum κατὰ μνῆμιν, quod ille Serpentem ingressus, sub tali specie ac forma deceperit Evam; tum denique ob convenientiam inimicitix, quæ ex illo tempore fuit inter Serpentes & Homines: Gen. 3. 1. 4. 5. 15.*

Dolum ergo texit Diabolus, animali callido & versuto ad eum abusus; Non quidem ignorarunt Protoplasti, Serpentem esse ἄλογον ζῶον: verum Diabolus rei novi-

novitate, ac doli methodo callidissima, illos detinuit, cepit, decepit.

Tentator primum Dubitationem injicere conatus est, de sensu prohibitionis Divinæ; ambigue quærens, *Gen. 3. 1. Etiamne edixisse Deum, ne comedatis ex omni fructu arborum hujus horti?* Cum vero Mulier distincte reposuisset Divinam concessionem, prohibitionem, & sanctionem; *vers. 2, 3. ille in sanctionem aperte incurrit; Non utique moriemini; vers. 4. & ad falsam prohibitionis causam confugit: Novit enim Deus, quo die comederitis ex eo, aperturos se oculos vestros; & vos fore sicut Deos, scientes boni ac mali: vers. 5. Sic ille malum triste, Præcepti transgressoribus certo eventurum, negavit; & bonum insigne, quod Deus invidet, promisit impudentissime. Hac κυβεία τῆς πανουργίας, καὶ μεθοδεία τῆς πλάνης, vera primum in dubium trahendo; ac deinceps ea tanquam falsa rejiciendo & contraria substituendo, seduxit initio Evam; ac per eam deinceps Adamum: illa enim, ubi accepisset de fructu isto, & comedisset, etiam comedendum dedit Viro suo secum, qui comedit; vers. 6. Mulierem vero a verbis processisse ad verbera, & sic Maritum compulisse ad peccati societatem, inane Judæorum commentum est.*

XIX. Ita peccatum istud consummatum quidem fuit actuali comestione illius fructus; sed prius inchoatum fuit intus. Ubi Protoplasti audivissent quæ a Tentatore proponebantur, statim ea exigere debuissent ad Verbum ipsius Dei, cui fides habenda est sine ulla dubitatione; atque sic illa, tanquam falsa & fallacia, rejicere debuissent cum indignatione. Confer *Matth. 4 3. - 10.* Nunc initium peccati fuisse videtur non-observatio veracitatis Divinæ in istis circumstantiis, atque adeo dubitatio; deinde perversum judicium de isto fructu, sapientia, beatitudine, atque ipso Deo; & inordinatus appetitus majoris excellentiæ & conformatis cum Deo; ac porro propositum exequendi; quod

quod exceperit ipsa consummatio.

Justitia originalis in Protoplastis habitualiter fuit integra, quin & actualiter, ratione circumstantiarum, usquedum peccatum illud inchoaretur: sed in primo peccandi momento privative absuit illius exercitium, sive actus secundus tunc necessarius. Sic Homo non usus est habitu suo, quo uti potuisset ac debuisset; ipse causa formaliter efficiens libera actionum suarum, & libere deficiens respectu istius *ἀνομιᾶς*: Verum culpabilis ista omissio statim induxit deformitatem spirituales; sic extincta & amissa est habitualis illa bonitas.

XX. Deus nequaquam fuit lapsus illius *causa efficiens*: tum quia ipse sanctissimus: Jac. 1. 13. tum quia peccati, tanquam formaliter privativi, nulla est causa efficiens proprie dicta. Nec fuit *privative deficiens*: quia non tenetur operari omne bonum, ubique & semper, ad extremum virium suarum; est enim agens liberissimum. Sufficit, ipsum quæcunque operatur operari sanctè, & convenienter ad gloriam suam, juxta decreta voluntatis suæ.

Permisit tamen peccatum formaliter; quatenus non impedivit, quo minus homo in ista operatione deficeret moraliter. Sic autem non-egit, atque adeo fuit non-auctor. Interim in actu substrato *cooperatus est* Deus, ut Causa prima, eminentissime & sanctissime; cujus cogitationis & viæ a nostris plurimum discrepant: Les. 55. 8, 9. *Ordinavit* denique complexum illud in finem bonum, juxta consilium suum sanctissimum & sapientissimum; qui *omnia facit propter seipsum, etiam improbum in diem mali*: Prov. 16. 4. atque *omnes conclusit in inobedientiam, ut omnium illorum misereretur*: Rom. xi. 32. Confer sup. cap. 8. th. 16, 17: 23, 24.

Qu. 1. Num Deus antecedenter Homini subtraxerit gratiam habituales? Neg. Nusquam id pater:

neque consentaneum est bonitati Divinæ. Sed Homo jam peccans non utebatur gratia sua habituali: atque adeo Deus, qui dederat Homini *posse quod vellet*, sive *auxilium sine quo non* potuisset perseverare, non dedit illi actu *velle quod posset*, sive *auxilium quo* re ipsa perseveraret; seu non excitavit actum secundum eo modo & gradu, ut Homo superaret istam tentationem. Neque tamen Homini concreata fuit aliqua inclinatio ad malum. Vide sup. cap. 7, th. 41.

Qu. 2. An fieri potuerit, ut Homo gratia habituali uteretur, eam in actum secundum deduceret, & sic de facto recte operaretur, sine prævio & excitante concursu Dei? Neg. Id enim tum primitati Divinæ, tum dependentiæ humanæ, prorsus adversatur. Vide sup. cap. 8, th. 11, 12. Unde tamen non sequitur, Hominem obligatum fuisse ad impossibile: habitualiter enim præditus fuit potentia obediendi Deo, & perseverandi in sua integritate; quanquam dependenter a Causa prima, ut convenit Causæ secundæ. Interim non data actuali illa excitatione ad obedientiam & perseverantiam, hætenus saltem Homo potuit & debuit non tendere vitiose in oppositum. Imo posita etiam prædeterminatione & excitatione Dei ad actum illum substratum; ista Dei efficientia infert quidem efficientiam Creaturæ; & negatio aliqua ex parte Dei, infert quoque in Creatura absentiam ejus quod negatum, sive non datum est: verum ea non est vitiosa, seu peccaminosa; nisi quatenus ipsa Creatura rationalis formaliter deficit in genere moris, a norma sibi præscripta, & quidem libere.

XXI. Libere igitur peccarunt Protoplasti; nimirum intrinseca libertate causæ, spontaneitatis, & complacentiæ, etiam cum jam laberentur: quin imo libertate contradictionis, & contrarietatis, si respectus habeatur ad conditionem ipsorum antecedentem, & in sensu diviso. Si vero lapsus ille referatur ad

Decre-

Decretum Dei, Scientiam visionis, & Providentiam actualem, recte dicitur evenisse *necessario*; necessitate scil. extrinseca, consequentiæ, ex hypothese, immutabilitatis, infallibilitatis, & in sensu composito; non autem intrinseca necessitate causæ, consequentis, absoluta, &c. ut unumquodque, dum est, eo ipso quod est, necessario est; quod jam fit, quantumvis libere, eo ipso quod fit, necessario fit. Quod observandum contra *Jesuitas, Socinianos, Anabaptistas, Remonstrantes, & Lutheranos.*

XXII. Distinguendæ interim *Tentationes* respectu Evæ: 1. Diaboli ad ipsam; seductoria, & vitiosa. 2. Dei ad Evam; probatoria, & sancta. 3. Evæ ad Deum; exploratoria veracitatis & constantiæ Divinæ, mala, 4. Evæ ad seipsam; excitatoria & seductoria sui ad peccatum porro committendum.

Itemque respectu Adami: 1. Evæ ad ipsum; seductoria. 2. Dei ad ipsum; probatoria. 3. Adami ad Deum; exploratoria. 4. Adami ad seipsum; seductoria.

Simili fere ratione in singulis Hominum peccatis tentationes istiusmodi conjungi solent.

XXIII. *gravitas* hujus peccati non ex pretio fructus prohibiti æstimanda est; neque solum intemperantia, aut qualiscunque superbia, putanda. Sed respicienda 1. Majestas Dei infinita; cujus Lex transgrediendo violata est. Hinc Rom. 5. 14, -19. *transgressio, offensa, & contumacia* appellatur.

2. Facilitas abstinendi ab illo fructu, cum alii suppetere abunde: Gen. 2. 16, 17. 111. 2, 3.

3. Ratio symbolica istius arboris; in qua Deus speciatim Hominum obedientiam probare voluit.

4. Insignis Hominum conditio, in ista sua integritate.

5. Ratio Foederis, respectu Posterorum.

6. Præceptorum Dei, atque adeo obedientia, &

peccatorum plurimorum concatenatio : nam in lapsu isto fuit congeries incredulitatis, ingratitude, contumaciæ erga Deum, curiositatis, ambitionis, contumeliationis rei alienæ, assensus falso testimonio præbiti, defectionis ad hostem Dei, crudelitatis erga se ipsos, & immanis *aisogylas* erga posteros suos.

Hinc non male peccatum istud dicitur *gravissimum* tum *intensive*, spectando gradum malitiæ in ejus consummatione; tum *extensive*, spectando singula quæ in eo involvuntur, etiam effecta turpia ac tristitia.

Quin imo licet Eva peccaverit prior, peccatum Adami tamen insignem gravitatem habet? tum per ejus eminentiam præ Muliere; tum quod Caput universi Generis humani constitutus esset.

XXIV. *Effecta* occurrunt primo in ipsis *Protoplastis*: & quidem *communiter*; 1. Amissio justitiæ originalis; eique contraria Deformitas: peccando enim ista fuit abjecta; hæc vero contracta; efficienter, respectu ipsorum Protoplastorum; & meritorie, respectu Justitiæ Divinæ, unde Mors ista spiritualis immissa.

Obj. Uno actu non excutitur habitus. *Resp.* Neg. cum etiam uno actu tota sanitas, ipsaque vita naturalis auferri possit; nec primum peccatum fuerit actus simplex, sed ex plurimis compositus.

Huc pertinet ineptitudo ad omne bonum spirituale salutare; & inclinatio ad mala opposita; Gen. 6. 5. VIII. 21. Job. 8. 34. Rom. 8. 7.

2. Reatus coram Deo: Rom. 3. 19: v. 12, 16.

3. Terror conscientix; molestus sensus nuditatis cum pudore; & talis vestium necessitas: Gen. 3. 7, 8, 21.

4. Ejectio ex Paradiso: Gen. 3. 22, 23, 24.

5. Omnis generis ærumnæ & calamitates in hac vita: Job. 7. 1.

6. Inimicitia Serpentis, ipsiusque Diaboli: Gen. 3. 15. Eph. 6. 11, 12.

7. Mors

7. Mors temporalis, atque æterna; nisi interveniret redemptio Christi: Gen. 2. 17. iij. 19. Deut. 27. 26. Gen. 3. 15.

Adamo specialia fuerunt, singularis molestia & difficultas in rebus suis agendis; in labore manuum lassitudo, &c. cardui & ipinæ in agris colendis; &c. Gen. 3. 17, 18, 19.

Eve, dura & molesta ad Virum subjectio; & multiplex in prolis gestatione, partu, atque educatione difficultas: Gen. 3. 16.

Serpenti etiam suo modo imposita est quædam poena, in detestationem facti; ut scil. per ventrem serperet, ac terram lamberet, vel ederet, cum molestia & contemptu, atque ut Hominum inimicitiam experiretur: Gen. 3. 14, 15.

Quin & *universa Creatura* Mundi aspectabilis, subiecta est vanitati, maledictioni, & servituti corruptionis: Gen. 3. 14, 17, 18. Eccl. 1. 2. Rom. 8. 20, 21, 22.

Quæ autem de Protoplastis recensuimus, eadem ad *posterios* quoque iusto Dei iudicio extensa & propagata sunt: Rom. 8. 7. 1 Cor. 2. 14. Eph. 2. 3, 5. Rom. 3. 19. ij. 14, 15. Job. 7. 1. xiv. 1, 2. 1 Petr. 5. 8. Rom. 5. 12. 1 Tim. 2. 12, &c.

XXV. Succedunt *Peccata a primo orta*; tum *Originale*, tum *Actualia*.

Originale est Culpa ex primo illo lapsu universam Generis humani naturam, prout ea in Adamo fuit censita, ream faciens, atque inficiens miserrime. Rom. 5. 12. *Per unum Hominem Peccatum in Mundum introiit, ac per Peccatum Mors: & ita in omnes Homines Mors pervasit, in quo omnes peccarunt.* Eph. 2, 3. *Eramus* natura filii iræ, ut etiam reliqui. Istud autem spectatur tum *Imputatum*; tum *Inhærens*.

XXVI. *Imputatum* est Fructus ille primi peccati, quo ipsum, juxta constitutionem Foederis Legalis,

æstimatur naturale; ita quidem ut universam illam naturam eidem cum Protoplastis reatui involvat. *Probat*ur hoc contra *Pelagianos*, *Socinianos*, aliosque eorum sequaces, 1. expressis quibusdam testimoniis: *Eph.* 2, 3. *Ubi filii iræ* intelligendi passive; h.e. obnoxii iræ Divinæ. Tales autem omnes homines sunt *natura*; scil. nunc vitiatâ; & quidem per eum qui universam naturam repræsentavit. *1 Cor.* 15. 21, 22. *Per Hominem mors.* - *In Adamo omnes moriuntur.* *Rom.* 5. 12. *Per unum Hominem* &c. Uno illo peccante omnes peccarunt; atque ita mors in omnes pervasit. 14. *Regnavit autem Mors ab Adamo usque ad Moysen, in eos etiam qui non peccaverunt ad similitudinem transgressionis Adami, qui est typus illius qui erat futurus.* Eidem reatui implicantur, qui non peccarunt similiter ut Adamus in persona propria; sed tantum peccarunt in Capite illo: quemadmodum fideles justificantur in Christo, cujus ille typus factus est 15. 19. *Illius unius offensa multi mortui sunt.* - *Reatus quidem ex una offensa ad condemnationem.* - *Per unam offensam Mors regnavit per unum.* - *Per contumaciam unius hominis peccatores constituti sunt multi.* Ex una igitur offensa, & contumacia unius hominis, est reatus multorum ad condemnationem, &c.

2. Ab effectu; Morte parvulorum, ante ulla ipsorum peccata actualia. Mors enim hominis omnino pœnæ rationem habet. Vide sup. cap. 7. th. 44. Ergo in infantibus, sine peccato suo actuali morientibus, agnosci debet aliud; scil. originale impuratum.

3. A consequente remotiori; necessitate redemptionis per Christum. *Matth.* 18. 11. *Venit enim Filius hominis. ut servet quod perierat.* 19. 12. *Iis qui valent non est opus Medico; sed iis qui male se habent.* *Act.* 4. 12. *Nec est in alio quoquam salus,* &c. Vide etiam *Job.* 14. 6. *Marc.* 16. 16. *Job.* 3. 36. *2 Cor.* 5. 15, 19, 21. *Ubi Infantes salvandi quoque includuntur.* *Marc.* 10. 14, 16. *Sinite Puerulos venire ad Me, & ne prohibete eos: ta-*
lium

lium enim est Regnum Dei. - Et cum accepisset eos in ulnas, impositis in eos manibus, benedixit eis. Act. xi, 38, 39. Baptizetur unusquisque vestrum in nomen Jesu Christi, in remissionem peccatorum: - Vobis enim facta est promissio, & liberis vestris, &c. Confer Gen. 17, 7, 10, 12. Ergo etiam Infantes per naturam ex lapsu corruptam perierant.

4. A consequente propinquiori; vitiositate omnibus nunc per naturam inhærente: quoniam enim Deus justo suo judicio *omnes conclusit in inobedientiam; Rom. xj. 32.* (quod mox plenius explicabitur & confirmabitur,) inde etiam manifestum evadit peccatum illud Posteris imputari, atque in iis sic puniri.

XXVII. Intelligendi autem omnes *Posterī*, qui ab Adamo geniti sunt, ac porro descenderunt, juxta ordinem sub isto Fœdere institutum, cum benedictione illa, *Fœtificate, & augeſcite; & implete terram; Gen. I. 28.* quique sic in ipso censiti fuerunt.

Solus igitur Christus excipitur; Mediator & Sponsor Novi Fœderis: adeoque non censitus in Adamo fœderaliter: a quo contradistinguitur, ut quadante-nus typo; *Rom. 5. 14. I Cor. 15. 21, 22, 45, 47, 48, 49.* Quanquam respectu humanæ naturæ utcunque virtualiter physice in illo fuit; juxta genealogiam, *Luc. 3. 23. 38.* Sed qui venit servare quod perierat; *Matth. 18. 11.* non erat venturus, si Adamus in sua integritate perſtitisset; neque juxta ordinem tunc constitutum. Unde postmodum non naturali illo modo, ex Viro & Muliere; sed supernaturali Spiritus Sancti operatione conceptus est in Virgine, &c. Vide *Gen. 3. 15. Jes. 7. 14. Matth. 1. 18, 20. Luc. 1. 34, 35.*

XXVIII. *Effectus proximus* peccati istius imputati, est Reatus omnium Adamitarum, h. e. in ipso fœderaliter censitorum. *Rom. 5. 16.* Unde consequuntur *effectus remotiores*: omnis generis calamitates, cruciatus, & miseriæ; sive simpliciter tristes, sive etiam tur-

pes: tum in hac vita, tum post eam in æternum. Ista enim pariter *Mortis* nomine comprehenduntur; *Gen.* 2, 17. Confer *Rom.* 5. 12, 14. Quare etiam *Condemnatio* diserte appellatur, *Rom.* 5. 16, 18.

Obj. 1. Servator parvulis tribuit *Regnum Cælorum*; *Marc.* 10. 14. Idem *Sandti* dicuntur; *1 Cor.* 7. 14. Ergo. *Resp.* Non ratione naturæ; sed gratiæ, in Christo.

Obj. 2. Christus *Joh.* 9. 2, 3. negat, parentes illius cœci peccatis suis hoc esse in specie demeritos ut iste cœcus nasceretur. Ergo. *Resp.* Inde nequaquam sequitur, peccatum Adami non imputari Posteris in ipso censitis.

Obj. 3. *Jac.* 4. 11. Deus pepercit illis parvulorum millibus. Ergo. *Resp.* Non tamen absolute adversatur Divinæ justitiæ, vel etiam misericordiæ, peccata Parentum Liberis imputare; atque hos idcirco simul punire: ut factum in Diluvio, & alibi.

Obj. 4. Adamo peccante, nos non extitimus; ergo nec una peccavimus, aut in peccatum illud consensimus. &c. *Resp.* Extitimus virtualiter in Adamo, & foederaliter in ipso comprehensi atque censiti sumus: unde illud peccatum non est a nobis alienum.

XXIX. *Peccatum originale inherens*, est habitualis congenita vitiositas, ex primo illo peccato orta, per quam natura nostra prorsus inepta est ad omne bonum spirituale salutare, & proclivis ad mala opposita.

Non autem est ipsa *Homini*s substantia; qui *Flaccii Illyrici* erat error: nam 1. Substantia Deum auctorem habet.

Atque adeo 2. bonitatem suam in genere entis.

3. Filius Dei ejusdem speciei substantiam assumpsit hypostatice; sed absque omni peccato.

4. In regeneratione, sanctificatione, & glorificatione, non mutantur homines substantialiter; sed qualitatibus solum: interim ab ista vitiositate liberantur.

Obj. Sæpius in SS. Literis appellatur *Caro*, *Corpus peccati*,

peccati, Membra terrena, Homo vetus, &c. Ergo Resp. Ista per metonymiam subjecti pro adjuncto dicuntur: & moralem universæ naturæ nostræ corruptionem indicant.

Neque tamen putanda est mera negatio, seu carentia justitiæ originalis: quæ etiam bruto, aut lapidi, tribui potest: sed est vera ejus privatio, & quidem in subjecto activo rationali. Hinc ergo facultates, habitus, & affectus, quoties in actum deducuntur, vel feruntur in objecta mala, & sic male; vel in objecta bona, sed male. Unde *Peccatum peccans, Lex membrorum & peccati, &c.* appellatur, Rom. 7. 13, 17, 20, 23, 26. Jac. 1. 14.

XXX. Probatur nunc ista vitiositas, adversus Socinianos, Anabaptistas, & Remonstrantes; 1. Locis quibusdam diserte & communiter universam illam corruptionem nativam docentibus: Job. 14. 4. *Quis edat mundum ex immundo? ne unus quidem.* Job. 3. 6. *Quod genitum est ex carne, caro est.* Ita quidem ut dum talis manet, a Regno Dei excludatur. Gen. 6. 5. *Omne figmentum cogitationum cordis hominum tantummodo malum est omni tempore.* 8. 24. *Figmentum cordis hominis est malum a pueritia ipsius.* Omnis igitur, etiam prima, operatio mentis humanæ, in statu hoc naturali, mala est moraliter. Psal. 51, 7. *En, in iniquitate formatus sum; & in peccato fovit me mater mea.* Adde Gen. 5. 3. Jes. 48. 8. LVIII. 4. Ezech. 16. 3, -6. Jerem. 17. 9.

2. Pressius explicatur ista corruptio, respectu facultatum, habituum, affectuum, & actionum. Rom. 8. 7. *Quod sapit cara, inimicitia est adversus Deum. Legi enim Dei non subicitur: nam ne potest quidem.* Sic autem caro est, quicquid ex carne natum. I Cor. 2, 14. *Animalis homo non est capax eorum quæ sunt Spiritus Dei; sunt enim ei stultitia. nec potest ea cognoscere: quia spiritualiter dyjudicantur.* Animalis autem est, qui supernaturali gratia Spiritus Sancti destituitur. Confer

vers. 15. & Judæ, 19. Iterum Eph. 2. 1, 2, 3. Cum essetis mortui in lapsibus & peccatis; in quibus olim ambulastis, ut est vita mundi hujus. Erasmusque natura, ut etiam reliqui. 1v. 17, 18. Sicut reliquæ Gentes ambulant, in vanitate mentis suæ; Tenebris obscuratam mentem habentes, & alienati a vita Dei, propter ignorantiam quæ est in ipsis, per obdurationem cordis ipsorum. Adde 5. 8. Tit. 3. 3. I. 15. Rom. 6. 19.

3. Ex necessitate regenerationis & sanctificationis. Job. 3. 5. Nisi quis genitus sit iterum, non potest videre Regnum Dei. Nisi quis fuerit genitus ex aqua & Spiritu, non potest introire in Regnum Dei. Per naturam igitur caremus vita spirituali. Eph. 4. 22, 23, 24. Edocti deponere, quod ad pristinam conversationem attinet, veterem illum hominem, qui de seductricibus cupiditatibus sese corrumpit: Renovari vero spiritum mentis; Et induere novum illum hominem, qui secundum Deum conditus est ad justitiam & sanctimoniam veram. Vetus homo propter corruptionem exuendus est; novus, ad imaginem conditoris Dei, induendus necessario. II. 5. Etiam nos, cum in offensis mortui essemus, una vivificavit. Per naturam ergo spiritualiter inortui sumus: propterea vivificatione opus est. Adde 2 Cor. 5. 17, 18. Ezech. 36. 26. Huc olim pertinebat Circumcisionis necessitas, quæ Cordis circumcisionem signabat: Gen. 17. 10, 14. cum Deut. 10. 16. xxx. 6. Ierem. 4. 4. & nunc Baptismi, spirituales immunditiam necessario expurgandam indicantis: Col. 2. 11, 12. Act. 2. 38, 39. xxi. 16.

4. Ex Reliquiis istius corruptionis in regenitis & sanctificatis. Phil. 3. 12. Non quod jam metam apprehenderim, aut jam sim consummatus. Jac. 3. 2. In multis enim impingimus omnes. 1 Job. 1. 8, 9, 10. Si dixerimus, nos peccatum non habere, nos ipsos fallimus, & veritas in nobis non est. &c. Gal. 5. 17. Nam Caro concupiscit adversus Spiritum; Spiritus autem adversus Carnem: hæc vero inter se opposita sunt, ut non quæcun-

que

que volueritis, eadem faciatis. Diserta est in hanc rem querela Apostoli, Rom. 7. 14. -. *Ego carnalis sum, venditus ut subjicerer peccato.* (Ratione istarum reliquiarum) *Quodenim perpetro, (peccans,) non agnosco, (non approbo, qua modo regeneritus).* *Non enim quod volo, (voluntate regenerita.) hoc ago; sed quod odi; hoc facio.* 17. *Nunc itaque non amplius ego id perpetro; (ille ego, qui nunc sum; novus homo;) sed peccatum, quod in me habitat, id perpetrat, &c.* Unde facile patet, qualis, & quanta, sit corruptio in homine naturali.

XXXI. Quomodo ad omnes *Adami* posteros extendatur ista corruptio, atque interim *Christi* alia sit ratio, satis innotescit ex dictis th. 27.

Mariam Virginem non item excipimus, neque immaculatam conceptionem ei tribuimus, cum *Pontificiis*. Quemadmodum ea neque peccatorum actualium fuit expers; juxta generalia effata, 1 Reg. 8. 46. Prov. 20. 9. Eccles. 7. 20. Jac. 3. 2. 1 Joh. 1. 8, 10. communem precationem; Matth. 6. 12. & Christi reprehensionem ad eam; Luc. 2. 49. Ioh. 2. 4. Unde etiam ipsa Servatore indiguit; Luc. 1. 47. Ioh. 14. 6. Act. 4. 12.

Obj. 1. Christus ex Maria non potuit nasci sine labe hæreditaria, nisi & ipsa ejus fuerit immunis. Resp. Neg. 1. Alia enim Christi est ratio; qui in Adamo labente non fuit censitus. 2. Eadem consequentia ab ista labe eximi possent parentes Virginis Mariæ, ac porro illorum parentes, & majores, usque ad ipsum Adamum.

Obj. 2. Psal. 19. 5. *In Sole posuit tabernaculum suum:* ergo B. Virgo est prorsus immaculata. Resp. Vulgatus Interpres vitiose sic reddidit istum textum; ubi non agitur de B. Virgine, neque Christi in ea conceptione: sed celebratur, quomodo Deus Soli in regione coelesti assignaverit suum spatium, quasi ad lineas decurrendum.

Obj. 3. Cant. 1. 15. *Ecce, tu pulchra es, amica mea!*
Ergo

Ergo, &c. *Resp.* Istud de Ecclesia mystica dicitur, & respectu gratiæ; non de Maria, & respectu naturæ.

XXXII. Spiritualis iste morbus hæreditarius propagatur media generatione naturali: analogice ut fit in corporalibus morbis hæreditariis. A Patribus carnis nostræ, (*Hebr.* 12. 9.) cum quibus Matres, ut causas socias, una comprehendimus, (*Psal.* 51. 7.) procedit tale corpus organicum, multiplici intemperie laborans: hinc proficiscuntur affectus inordinati; & mores animi inclinantur. Animæ quidem à Deo creantur, sed nunc absque iustitia originali. Producitur substantia spiritualis, cum suis facultatibus naturalibus, & quibusdam habitibus, exiguis Imaginis Divinæ reliquiis: sed non cum habituali ista integritate, quæ initio fuit in Protoplastis. Hactenus Deus se habet negative: sed subjectum ita productum habet se privative. Verum insuper actus positivus judicialis ex parte Dei agnoscendus est, quo ipse istam privationem in subjecto operativo ordinat in pœnam primi peccati; quod Posteris imputari, imo Posteris in Adamo etiam commisisse, probatum est superius. Hinc jam Facultates infirmæ, & ad spiritualia salutaria naturaliter ineptæ: Habitus imperfecti, & vitiati: Intellectus spirituali stultitia laborat; Voluntas, profanitate, & rebellionem adversus Deum, ac Legem Ipsius: Affectus, omnino inordinati: Corporis membra sunt organa iniustitiæ ad serviendum peccato: Actiones omnes peccaminosæ, &c. *Joh.* 15. 5. *Rom.* 5. 6. viij. 3, 7. *I Cor.* 2. 14. *Eph.* 4. 18. ij. 1, 2, 3. *Tit.* 3. 3. *Rom.* 6. 13, 16, 17. *Matth.* 7. 17, 18. *Joh.* 3. 6. *Joh.* 14. 4. *Tit.* i. 15. Qui enim rationaliter operari aptus natus & proclivis est, nec potest bene, necessario operatur male moraliter.

XXXIII. Ista ratione 1. universum Genus humanum in se vilissimum est coram Deo, prorsus contentendum & abominandum: *Ecccl.* 1. 2. *Psal.* 62. 9. Cxlv. 3, 4. *Tit.* 3. 3. *Eph.* 2. 3.

2. Miser-

2. Miserrimæ servituti mancipatum : *Job.* 8. 34. *Rom.* 6. 16, 17, 20, 21. *vij.* 14, 23, 26.

3. Inde omnis generis peccata actualia : *Matth.* 7. 17, 18. *Jac.* 1. 14, 15.

4. Ac pro rata crescit reatus : *Rom.* 3. 4, 5, 19. *v.* 20, 21, 23.

5. Conscientia prorsus mala est : *Tit.* 1. 15. *Jes.* 57. 21.

Obj. 1. Sanguis infantium dicitur innoxius; *Psal.* 106. 38. Nulla igitur vitiositas iis inhæret. *Resp.* Istud dicitur; quia nullum adhuc peccatum actuale commiserunt; nedum quo meriti essent, ab hominibus violenta istiusmodi morte mulctari.

Obj. 2. Destituuntur usu rationis; consequenter non sunt subjecta capacia alicujus peccati. *Resp.* Non quidem peccati actualis; sed tamen originalis, ut imputari, ira quoque inhærentis.

Obj. 3. Aliqui fuerunt sanctificati, vel etiam Spiritu Sancto repleti, inde ab utero materno; ut *Jeremias*, *Johannes Baptista*, &c. Ergo. *Resp.* Quæ à gratia supernaturali procedunt, à natura distingui debent: neque illa negant, aut statim tollunt, omnem naturæ corruptionem.

Obj. 4. Multi parentes sunt fideles & sancti: per eos ergo saltem non propagatur peccatum originale. *Resp.* 1. Generatio destinata est ad propagandam per se naturam; non gratiam. 2. Ad propagationem illam interveniunt quidem parentes proxime; sed potissimum spectandus est *Adamus*, in quo corrupta est universa natura.

XXXIV. Homini subjective inest sua *Libertas*; sed subordinata Libertati Divinæ, & dependens à summa Providentiâ; ut ostensum est suis locis. Nunc ex superioribus etiam deducimus contra *Pontificios*, *Sacrianos*, *Anabaptistas*, & *Remonstrantes*, facultatem illam in homine irrogenito, per nativam corruptionem,

nem, *impeditam* esse, quo minus se possit exerere ad bona spiritualia salutaria: atque adeo hominis naturalis *arbitrium*, in ordine ad ista objecta appetenda & prosequenda, *non esse liberum*; ut quidem est ad objecta naturalia, aut civilia, & moraliter mala; sed esse *servum* corruptioni & malitiæ.

Demonstratur hoc 1. disertis testimoniis: *Iob. 8. 34, 36. Quisquis operam dat peccato, servus est peccati, - Itaque si vos Filius in libertatem vindicavit, vere liberi eritis.* Tantisper homo naturalis est servus peccati. *Rom. 6. 6, 7, 16, 17, 19. Veterem illum nostrum hominem cum Eo crucifixum esse, - ne nos amplius serviamus peccato: - An nescitis, quod cui sistitis vos servos ad obediendum, ejus servi estis, cui auscultatis? - Fuistis quidem servi peccati. - Exhibuistis membra vestra serva impuritatis & iniquitati, ad patranda iniquitatem.* 2 *Petr. 2. 19. Cum ipsi servi sint corruptelæ: siquidem à quo quis superatus est, huic etiam in servitutem est additus.* Confer 2 *Tim. 2. 25, 26.*

2. Ex Morte spirituali; & necessitate vivificationis, &c. Naturaliter mortuus nullas actiones vitales potest producere; nec spiritualiter mortuus, actiones spirituales salutares. *Eph. 2. 1, 2. Cum essetis mortui in lapsibus & peccatis: In quibus olim ambulastis; ut est vita hujus mundi, - 5. Etiam nos, cum in offensis mortui essemus, una vivificavit cum Christo.* *IV. 18. Tenebris obscuratam mentem habentes, & alienati à vita Dei, &c.* *Matth. 8. 22. Mortui (spiritualiter) sepeliant mortuos suos (corporaliter).* Hinc opera eorum mortua dicuntur: *Hebr. 6. 1. ix. 14. Sed in Christo est vita: Iob. 1. 5. xiv. 6.*

3. Expresse inculcatur omnimoda nostra impotentia, respectu bonorum spiritualium salutarium. *Iob. 15. 5. Seorsim à me nihil potestis facere.* 2 *Cor. 3. 5. Non quod idonei sumus per nos ipsos ad cogitandum quicquam, velut ex nobis ipsis: &c. Matth. 7. 18. Non potest*

test arbor mala fructus bonos ferre. Rom. 5. 6. Cum nullis adhuc viribus essemus. &c. Adde cap. 8. 3, 7. 1 Cor. 2. 14. Deut. 29. 4.

4. Et manifesta est contraria dispositio, inclinatio, & occupatio: Tit. 1. 15. Pollutis & incredulis nihil est mundum: sed polluta est eorum & mens, & conscientia. 1 Cor. 2. 14. Animalis homo, &c. sunt enim ei stultitia. Quia scil. subjective in ipsius mente inest spiritualis stultitia. Rom. 8. 7. Quod sapit caro, inimicitia est adversus Deum. xiv. 23. Quicquid ex fide non est, peccatum est. Eph. 4. 22. Vetus ille homo de seductricibus cupiditatibus sese corrumpit. Adde Gen. 6. 5. viij. 21. Ierem. 13. 23.

XXXV. Obj. 1. Philosophi, alique inter Gentiles sapientia & virtute conspicui, plurima præclare fecerunt; Socrates, Aristides, Cato Major, Seneca, &c. Ergo. Resp. 1. Sed iidem ambitionis, aliorumque vitiorum, mancipia fuerunt. 2. Quæ absolute, secundum specificationem operum, censeri possent bona; subjective tamen fuerunt spiritualiter mala, ratione principii, finis, & modi agendi; atque adeo splendida peccata.

Obj. 2. 1 Cor. 7. 37. Nec adigitur necessitate, sed in potestate habet propriam voluntatem, &c. Ergo. Resp. A Libertate in actionibus ad naturam, & ad vitam civilem spectantibus, utpote de matrimonio contrahendo, aut secus, &c. non valet consequentia ad Libertatem in spiritualibus salutaribus.

Obj. 3. Matth. 23. 37. Quoties volui aggregare liberos tuos. -- & nolulistis. Qui autem possunt nolle, iidem quoque possunt velle. Resp. Homines corruptissimi stulte possunt contemnere & repudiare bona spiritualia: quæ est eorum amentia, & inimicitia adversus Deum: sed propterea non possunt in isto suo statu eadem bona spiritualia recte æstimare, eligere, & prosequi.

Obj.

Obj. 4. Deut. 30. 19. Vitam & mortem proposui, benedictionem & maledictionem: deligat ergo vitam, &c. Æquè igitur possunt eligere vitam & benedictionem. Resp. 1. Ex Præceptis, Promissionibus, Comminationibus, &c. rectè colligitur obligatio ad officium; non autem facultas ad præstandum istud officium in statu naturali corrupto. 2. In universa Israelitarum multitudine aliqui saltem fuerunt regeneriti & sanctificati, qui per istam gratiam potuerunt etiam deinceps eligere vitam. Fieri quoque potuit, ut nonnulli audita illa exhortatione & obtestatione, quæ erat instrumentum morale, accedente intus hyperphysica operatione Spiritus Sancti, reipsa converterentur; & sic spiritali facultate eligendi vitam ac benedictionem instruerentur: dum reliqui sic magis ad officium obligabantur: & de peccatis suis convincebantur.

XXXVI. Sicut in Iustificatione fideles absolvuntur & liberantur à reatu, omnique poena stricte dicta; quanquam in hac vita adhuc remanent castigationes, explorationes, &c. ita quoque in Regeneratione & Sanctificatione extinguitur vetus homo; non quidem ut statim prorsus esse desinat; sed ut saltem non dominetur, atque indies magis subigatur, & destruatur, donec cum fine hujus vitæ omnino aboleatur. Vide *Rom. 6. 6. Col. 3. 5, 6, 7. 2 Cor. 4. 16. Hebr. 4. 9, 10.*

Quod autem de naturali corruptione reliquum est in regeneritis, justificatis, baptizatis, &c. vere etiam peccati rationem habet. Hoc contra Pontificios, aliosque. *asserimus, 1. expressis quibusdam testimoniis: Rom. 7. 13. Peccatum admodum peccans. 17. 20. Peccatum, quod in me habitat: 21. Mihi malum adjacet. 23. Lex peccati, quæ est in membris meis. Hebr. 12. 1. Peccatum, ad nos circumcingendos proclive. Scil. peccatum illud habituale est causa peccatorum actualium.*

2. Plane adversatur integritati Imaginis Divinæ, perfectioni nostræ morali: Eph. 4. 22, 23, 24. Col. 3. 7, 8, 10, 12.

3. Mani-

3. Manifesta est diffinitas à Lege Dei : Gal. 5. 16, 17. *Quod concupiscit Caro, ne perficite. Nam Caro concupiscit adversus Spiritum.* Jac. 1. 14, 15. *Unusquisque tentatur, dum à propria cupiditate abstrahitur & inescatur, &c.*

4. De ea dolent & conqueruntur fideles : Rom. 7. 24. *Ærumnosus ego homo ! quis me eripiet ex isto corpore mortis ?* cum 8. 10. *Corpus quidem mortuum est propter peccatum.* Vide etiam sup. cap. 9. th. 110.

XXXVII. Nec dubitandum, quin Paulus Rom. 7. 14; -. loquatur de se ipso, ut jam tum vere regenerito : nam 1. diserte loquitur de se ipso, & quidem in præsentì tempore ; *vers. 14, 15, 16. &c.*

2. Prædicat Legem mentis suæ, & Hominem interiorem, secundum quem delectabatur Lege Dei ; *vers. 15, 16, 22, 23, 26.*

3. Serio & anxie conqueritur de peccato, quod in ipso erat reliquum ; & oderat illud ; *vers. 14, 15, 17, 21, 23, 24.*

4. Certus erat de redemptione per Christum ; atque isto nomine gratias agebat Deo ; *vers. 25.*

Exc. Irreginitus etiam meliora videre & probare potest. *Resp.* Potest naturali conscientia cognoscere & approbare ea, quæ civiliter bona sunt ; non autem spiritualiter : neque iis delectatur.

Obj. Loquitur de homine carnali, vendito ut subjiceretur peccato : atqui talis non est regeneritus. *Resp.* Sic appellat non absolute ; sed a reliquiis carnis. Confer 1 Cor. 3. 1, 3. cum 1, 2. Idem interim secundum hominem interiorem, novus ille Paulus, vere serviebat non peccato, sed Legi Divinæ ; eaque delectabatur : sic peccatum non faciebat, nec volebat ; sed odio habebat.

XXXVIII. Ex originali illa vitiositate oriuntur deinceps *peccata actualia* ; ut actiones ex habitu ; & fructus mali ex arbore mala : Matth. 7. 17, 18. *¶* Jac. 1. 15. Unde *peccatum peccans* appellatur ; Rom. 7. 13.

Accedunt horum alix etiam passim *causæ internæ* : utpote, 1. pravi habitus acquisiti; si homines sint edocti male facere, &c. *Jerem.* 13. 23.

2. Ignorantia facti, vel etiam juris: 1 *Tim.* 1. 13. 1 *Cor.* 2. 8. *Act.* 3. 17. *Psal.* 147. 20. cum *Act.* 14. 16.

3. Infidelitas: *Rom.* 14. 23. *Tit.* 1. 15.

4. Vacuitas reverentiæ Dei; *Gen.* 20. 11. *Psal.* 14, 20. 21.

5. Mentis cœcitas, & cordis durities: *Eph.* IV, 17, 18.

6. Carnis infirmitas: *Matth.* 26, 41.

7. Inordinata concupiscentia: *Jac.* 1, 15.

8. Subiectio ad serviendum peccato: *Rom.* 6. 16. 1 *Reg.* 21, 25.

9. Alia peccata, propter cognationem, affinitatem, vel dispositionem: 1 *Tim.* 6. 10. 1 *Job.* 2. 16. *Ezech.* 16. 49.

Atque item *externæ*: 1. Diabolus, tenator & seductor: *Job.* 8. 44. *Matt.* 4. 3. 2 *Cor.* 2. 11. XI, 3. 1 *Petr.* 5. 8. *Eph.* 6. 11, 12. *Apoc.* 2. 24.

2. Mundus corruptus: 1 *Job.* 5. 19. Quò pertinent hominum mundanorum consilia prava, doctrinæ falsæ ac fallaces, invitationes, & persuasiones malæ, tentationes tum ad dextram, tum ad sinistram: *Prov.* 1. 10, 15. *Matth.* 7. 15, 16. *Apoc.* 2. 14. 1 *Cor.* 15. 33. *Dan.* 3. 6. *Act.* 26. 11.

3. Res prosperæ, quibus plurimi per abusum luxuriant: *Ezech.* 16, 49. *Psal.* 62. 11. *Rom.* 2. 4. *Prov.* 30. 8, 9.

4. Ex accidenti etiam ipsa Lex Divina: *Rom.* 7. 9, 10, 11.

XXXIX. Peccata isto *dispeſcuntur* multifariam. Ratione *materiæ*, aliud est *peccatum per se*; aliud *per accidens*. *Peccatum per se* dicitur, ubi ipsa talis actio obiective prohibita est Lege Divina: ut idololatria, furtum, mendacium, &c.

Per

Per accidens, ubi ipsa actio mandata est, vel saltem ethice permessa; sed vitiatur ex conditione efficientis, finis, modi, aliarumve circumstantiarum: ut actus liberalitatis, justitiæ, temperantiæ, fortitudinis, &c. in Socrate, Aristide, Scipione, Alexandro M. &c. Tit. 1. 15. Rom. 14. 23; 18, 19, 20. Matth. 6. 1. Vitiositatem illam vere Deus improbat; attamen opus, utcunque bonum, ab homine infideli factum, pro admirabili sua tolerantia, & gratia, temporalibus adhuc beneficiis quandoque compensat. Ezech. 29. 19, 20. 1 Reg. 21. 27, 28, 29.

Ratione *objectorum*, vel peccatur circa ipsum Deum directe; vel circa proximum. 1 Sam 2. 25. *Si peccaverit ullus in alterum, judicabit eum Magistratus: sed si in Jehovah ullus peccat, quis oret illum?* Luc. 15. 18, 21. *Pecavi in cælum, & in tuo conspectu.* Tenenda hic distributio Decalogi in duas Tabulas: unde porro subdivisiones institui possunt, secundum singula Præcepta.

XL. Ratione *subjectorum*, peccata alia sunt *internas* cordis, vel animi; quæ ipso intellectu, voluntate, aut affectibus intus patrantur. Psal. 14. 1. *Stultus dicit in corde suo; Non est Deus.* Matth. 15. 19. *Ex corde egrediuntur cogitationes malæ.* v. 28. *Quicumque irascitur fratri suo temere*, -. Huc autem potissimum pertinent primo addubitatio, & prima quæque inclinatio ad approbanda, appetenda, amplectenda, patrandam, quæ Lege prohibita sunt: tum morosa in objectis illis apprehensio delectatio: ac porro deliberatum consilium de iis patrandis.

Alia vero sunt *externa*; & foras exeruntur, tum ore, tum opere. Rom. 3. 13, 14. *Linguis suis ad dolum abusi sunt*, &c. Matth. v. 22. *Quicumque dixerit fratri suo, Raca; -. Qui quis autem dixerit, Fatue, &c.* Adde 12. 36. Item Rom. 6. 19. *Exhibuistis membra vestra serva impuritatis & iniquitatis, ad patranda iniquitatem.* Adde III, 15, 16.

Iterum alia dicuntur *spiritualia* ; quæ sic ipsâ mente committuntur, ut eam propriè & proximè contaminent, & Diaboli imaginem ei per se imprimant: ut blasphemia, hæresis, superbia, invidia, mendacium, &c.

Alia *carnalia* ; quæ voluptates corporeas, ac porro exteriorem corporis conditionem & habitum proxime spectant ; atque ita corpus etiam polluunt, & hominem belluis quodammodo assimilant : ut ebrietas, fornicatio, homicidium, rapina, &c. Vide Rom. I, 21, 24. ubi ostenditur, quomodo Deus peccata spiritualia carnalibus puniverit.

Affinis est distributio, secundum quam plurima peccata committuntur *extra proprium corpus*, ratione obiecti terminantis : ut falsum testimonium, furtum, &c. alia *proprium corpus* ; polluendo, vel etiam debilitando illud insigniter : ut scortatio, ebrietas, &c. 1 Cor. 6, 18. *Fugite scortationem : omne peccatum* (ut plurimum) *quod fecerit homo, extra corpus est : sed qui scortatur, in proprium corpus peccat.*

XLI. Ratione *principiorum* ; alia *ex ignorantia* procedunt : homo scil. ignorat se isto opere peccare ; omissurus potius, si hoc scivisset. Ista autem est Ignorantia practica, Juris particularis, & Puræ negationis ; aut facti. Act. 3, 17. *Fratres, scio vos per ignorantiam ista fecisse.* 1 Cor. 2, 8. *Si cognovissent, nequaquam Dominum gloria crucifixissent.* 1 Tim. 1, 13. *Misericordia sum donatus. Nam ignorans (id) faciebam.*

Alia *ex infirmitate* ; ubi peccator succumbit tentationi vires suas superanti, quanquam sciens habitualiter, & absolutè : scil. priusquam iudicio comparato statuerit, quid sibi in istis circumstantiis juxta voluntatem Dei agendum sit, subitariâ tentatione occupatur & labitur ; vel etiam diuturnâ graviore, dum iudicium practicum interim falsis rationibus, vel affectibus obnubilatur. Gal. 6. 1. *Fratres, etiam si præoccupatus fuerit homo in aliqua offensa ; considerans* (unusquisque)

temet

temet ipsum, ne & tu tenteris. Hebr. 5.2. de Pontifice;
Quod & ipse, circumdatus sit infirmitate. Vide etiam
12.1. Num. 15. 27, 28.

Alia denique *ex malitia*; ubi peccans, animo per-
verso eligit, & audacter prosequitur malum morale,
quamvis sic cognitum; dum hic & nunc ipsum apprehendit ut bonum jucundum, vel utile, vel gloriosum.
Ita in his inest deliberatum consilium & audax rebel-
lio contra sanctissimam Dei Legem; atque adeo actu-
alis ignorantia Juris, etiam universalis, & Ignorantia
affectata, ac prava dispositionis. Num. 15. 30, 31. *Ani-
ma, quæ fecerit manu excelsa, (vel elata,) Iehovam pro-
bris afficit: atque excidetur anima illa e medio populi sui.
Quia verbum Iehovæ sprevit, & præceptum ejus irritum
fecit, &c.*

Priora duo genera in regenitos & sanctificatos cadunt
non item tertium; nisi secundum similitudinem aliquã,
ubi gratia actuali aliquamdiu destituuntur, & caro in iis
tantisper prævalet: sed irrogenitis hoc proprium est.

XLII. *Ratione effectorum*, quædam peccata præ aliis dicuntur *vastare conscientiam*; h. e. insigni sua enor-
mitate ac malitia illam deturbare ob officio indicandi,
dirigendi, retrahendi, accusandi condemnandi, juxta
judicium ipsius Dei. Sic 1 Tim. 1. 19. aliqui dicuntur,
bonâ conscientia repulsa, naufragium fidei fecisse. Et 4.
2. quorundam *conscientia cauterio resecta*, ut sensum ami-
serit. Hos. 4. 11. *Scottatio, vinumque, & mustum, intercipit
mentem.* Rom. 1, 21, 24, 26, 28. *Vani facti sunt in ratiocina-
tionibus suis; & obtenebratum est cor eorum intelligentia
carens. Tradidit eos Deus in mentem omnis judicii exper-
tem.*

Item quædam præ aliis appellantur *clamantia*;
quod graviores poenam, eamque exemplarem, &
præsentem postulent. Gen. 4, 10, 11. *Ecce vocem sangui-
nis fratris tui, me ab ipsa humo inclamantiū.* Nunc ita-
que tu maledictus esto, &c. 18, 20, 21. *Clamor Sodome &*

Gomorra cum multus sit, & peccatum istorum cum grave sit valde: Descendam nunc. &c. Confer xv, 16. Iterum Exod. 22. 22, 23, 24. Nullam viduam, aut orphanum, affligitote. Si qua afflictione afflixeris eam; (Nam si tantillum clamet ad me, utiq; exauditus sum clamorem ejus) Tum accensa ira mea occidam vos gladio, &c. Jac. 5. 4. Ecce merces operariorum, qui messuerunt regiones vestras, per vos interversa, clamat: & vociferationes eorum qui messuerunt, in aures Domini Sabaoth introierunt. Confer Rom. 2. 4.

XLIII. Pontificii male distinguunt inter peccata mortalia, & venialia. Mortalia dicunt fieri contra Legem Dei; & mortem seu condemnationem æternam demereri. Venialia vero dicunt fieri præter Legem, & per se ac sua natura non mortem, sed veniam mereri; interveniente scil. expiatione, aut satisfactione hominum, sive in hac vita, sive in Purgatorio.

Nos sic venialia nulla agnoscimus: 1. quia S. Scriptura nusquam docet istam distinctionem; neque ullam remissionem, nisi quæ sit fidelibus, per gratiam, in Christo. Eph. 1. 7, In quo habemus redemptionem, per sanguinem Ipsi; remissionem offensarum, prout est dives Ipsi gratia 1 Ioh. 1. 7. Sanguis Iesu Christi Filii ejus purificat nos ab omni peccato.

2. S. Scriptura prorsus aliter loquitur de peccatis; & quidem in universum: Rom. 6. 23. Matth. 5. 19. Gal. 3. 10. Iac. 2. 10.

3. Omne peccatum adversatur Legi Divinæ; quæ est unica vitæ nostræ & morum regula: 1 Ioh. 3. 4. cum Psal. 19. 8. Matth. 22, 37, 38, 39. & Deut. 27, 26.

4. Omne peccatum, quia tale, adversatur infinitæ & sanctissimæ Majestati Divinæ, eamque offendit: consequenter inducit reatum isti offensæ convenientem, poenarum æternarum.

Obj. 1. Iac. 1. 15. Peccatum, ubi consummatum est, gignit mortem: ergo non omne est mortale. Resp. I-

stic

hic loci indicatur communis methodus, & progressus à concupiscentia originali, ad actualem volaticam, ad delectationem morosam, ad consilium deliberatum, ad media destinata, ad consummationem, ad mortem. Verum sic nequaquam omnia, quæ consummationem antecedunt, liberantur a reatu mortis. Neque ipsi Pontificii id ausint asserere.

Obj. 2. Matth. 5, 22. Quædam peccata dicuntur inducere reatum gehennæ; alia solum reatum iudicii, aut confessus. Ergo. *Resp.* Istic allegorice, similitudine desumpta a variis Judæorum iudiciis & suppliciis, docetur inæqualitas peccatorum, atque ipsius reatus, ratione graduum: sic tamen ut omnis reatus in foro poli æternus sit, & maneat, nisi interveniat gratia Evangelica.

Obj. 3. Diserte appellatur *peccatum ad mortem*; 1 *Job. 5. 16, 17.* Ergo. *Resp.* Sed illud est prorsus irremissibile: unde nec aliis permittitur orare pro iis, qui istud commiserunt; ut mox explicabitur. Sed Pontificii aliter loquuntur de suo mortali.

XLIV. *Remissibilia* tamen sunt, & de facto remittuntur, quælibet peccata omnium eorum, qui sincere resipiscunt, & Christum Servatorem vera fide amplectuntur. *Act. 10, 43.* Huic omnes Prophetæ testimonium dant, remissionem peccatorum accepturum per nomen Ejus quem vis, qui crediderit in Eum. *Rom. 8. 1.* Nulla igitur nunc est condemnatio iis, qui sunt in Christo Jesu &c. Una vero peccati species ab aliis discernitur, tanquam *irremissibilis*: *Matth. 12. 31, 32.* „Quod, „vis peccatum & blasphemia remittetur hominibus: „blasphemia vero in Spiritum Sanctum non remittetur „hominibus. Et quisquis locutus fuerit adversus Filium „hominis, remittetur ei: quisquis autem fuerit locutus „adversus Spiritum Sanctum, non remittetur ei, neque „in hoc sæculo, neque in futuro. pro quo *Marc. 3. 29.* Non habet remissionem in æternum; sed tenetur æterno iudicio.

Item *Hebr. 6. 4, 5, 6.* „*Fieri non potest*, ut qui semel
 „*fuerint illuminati*, gustaverintque bonum Dei Ver-
 „*bum*, ac virtutes futuri sæculi; *Si prolabantur, denud*
 „*renoveantur ad resipiscentiam*; ut qui rursus cruci-
 „*figant sibi Filium Dei*, & ignominia exponant. x,
 „*26, -29.* „*Si ultro peccaverimus post acceptam cogni-*
 „*tionem veritatis*, non adhuc pro peccatis reliqua est
 „*hostia*: Sed horrenda quædam expectatio iudicii,
 „*&c.* Quanto (putatis) acerbiorē supplicio dignus
 „*censebitur*, qui *Filium Dei conculaverit*, & *sanguini-*
 „*nem Fœderis*, per quem fuerat sanctificatus. *profa-*
 „*num duxerit*, & *Spiritum gratiæ contumeliâ affecerit*?
 „*Ac tandem i Job. 5. 16.* „*Si quis viderit fratrem suum*
 „*peccare peccato*, quod non est ad mortem, petet,
 „*& dabit ei vitam*: peccantibus dico non ad mortem.
 „*Est peccatum ad mortem*: non pro illo dico ut roget.

XLV. *Peccatum illud in Spiritum Sanctum*, ut patet
 ex allegatis, *præsupponit* non solum qualemcunque
 auditionem & admissionem veritatis Euangelicæ; sed
 internam illuminationem & persuasionem per Spiritum
 Sanctum, quod ista doctrina sit verè salutaris.
Formaliter autem consistit non in veritatis istius sic ag-
 nitæ qualicunque desertione, vel abnegatione; sed
 malitiosa ejus rejectione, odio, & blasphemia. *Con-*
sequenter etiam infert finalem impœnitentiam, & im-
 possibilem renovationem eorum, qui sic peccaverint;
 atque adeo certam eorum condemnationem; scil.
 juxta istiusmodi decretum, talem Dei ac Christi in
 opere redemptionis intentionem, & talem voluntatis
 Divinæ revelationem.

Citra extraordinariam revelationem, ac tale do-
 num discretionis, difficillimum est *judicium*, quod
 hic vel ille commisisset istud peccatum; quia absolute
 non scimus interiora animi ejus.

Pontificii plures illius peccati *species* statuunt per-
 peram; utpote desperationem de gratia Dei, jacta-
 tionem

tionem gratiæ sine bonis operibus, invidiam de donis gratiæ in alios collatis, pertinaciam, &c. atque adeo peccatum illud etiam remitti posse; sed ægrè admodum: contra doctrinam ex SS. Literis modo propositam.

XLVI. Ratione *adjunctorum*, dicuntur peccata *manifesta*; quæ sic committuntur, ut multi sint eorum conscii. *Jes. 3. 9. Peccatum suum sicut Sodom enunciant; non celant. Gal. 5, 19. Manifesta sunt opera carnis: quæ sunt adulterium, scortatio, &c.*

Alia vero sunt *occulta*; quæ clam patrantur, ut præter peccantem nulli, aut saltem paucissimi eorum sint conscii: imo etiam frequenter ipse peccator ea ignorat, per inadvertentiam, vel per oblivionem. *2 Sam 12. 12. Tufecisti clam. Eph. 5. 12. Quæ occulte sunt ab iis, turpe est vel dicere. Psal. 19. 13. Errores quis intelligat? ab occultis absolve me!*

XLVII. Ratione *graduum* peccata alia aliis *graviora* sunt. *Ezech. 5. 6. „Mutavit jura Mea in improbitatem plus, quam Gentes ipsæ; & statuta Mea plus, quam regiones quæ circumstant eam. viij. 15. Adhuc „visurus es abominationes majores istis. Job. 19. 11. „Qui Me tradidit tibi, majus peccatum habet.*

Oritur autem ista differentia 1. ab objecto: nam cæteris paribus, gravius est peccatum, quod directe committitur adversus Deum, quam quod contra homines; lædere Principem, quam plebejum; parentem, quam peregrinum, vel ignotum, &c. *Vide Exod. 22. 28. Mal. 1, 6. Levit. 18. 7. &c.*

2. A conditione peccantis, & gratiâ ei præstitâ: *Hos. 4. 14. Si scortaris tu Israël, ne reatum obeat Jebudab. Luc. 12. 47. 48. Ille servus, qui novit voluntatem Domini sui, &c. Job. 15. 22. Hebr. 10. 26.*

3. A genere & natura rei: *Matth. 5. 22. Quicumque irascitur fratri suo temere, --: quicumque vero dixerit fratri suo, Raca, &c.*

4. A principio, & modo agendi; ex ignorantia, infirmitate, vel etiam malitia. Vide sup. th. 41.

5. Ab intensiōe vel remissione actus: Prov. 1, 16. *Pedibus suis ad malum concurrunt; & festinant ad effundendum sanguinem.* Phil. 3, 6.

6. A circumstantiis loci, temporis, & personarum præsentium: Jes. 26, 10. *In terra æquissima inique agit.* 1 Cor XI, 10, 22.

Nullum interim peccatum absolute leve putandum est; propter repugnantiam adversus infinitam & sanctissimam Dei Majestatem, ac Legem Ipsius.

XLVIII. Admodum fertile est malum peccati; Matth. 7, 17. Gen. 6, 5, viij. 21. Psal. 19, 13. Unde etiam fit, ut peccantes in idem specie peccatum prolabantur sæpius. Petrus ter abnegavit Dominum; Matth. 26, 70, 72, 74, 75. Et Abraham denuo uxorem suam; Gen. 12, 13, 18, 19. xx. 2, 5, 13. Ubi autem hoc contingit, postquam de priori suo actu admoniti sunt peccantes, & resipuerunt, *recidiva spiritualis* appellatur; quæ gravior est, & maximopere vitanda. Tristissimus vero est eorum casus, qui se rursus totos peccatis prioribus mancipant. Prov. 26, 11. *Ut canis redit ad vomitum suum, ita stolidus iterat stultitiam suam.* 2 Petr. 2, 21, 22. *Melius enim fuisset eis, non cognovisse viam justitiæ, &c.* Judæ, 12. *Arbores bis emortuæ.*

XLIX. Iterando peccata, acquiritur consuetudo & habitus quidam peccandi: Jerem. 13, 23. Unde originalis corruptio incrementum capit; nisi per gratiam supprimatur, mortificetur, &c.

Hinc peccatum habituale dispescitur in *regnans*, & *non regnans*. Rom. 6, 12, 13, 14, 16. „*Ne regnato igitur*
„*peccatum in mortali vestro corpore; ut auscultetis*
„*ei in cupiditatibus corporis.* -- *Peccatum enim vobis*
„*non dominabitur: non enim estis sub Lege, sed sub*
Gratia, &c.

Peccatum igitur absolute regnans est, cui peccator omnino servit; dum extra Christi communionem, & Spiritus sanctificantis gratiam constitutus, per eam non emancipatus est. Job. 8. 36. Si vos Filii in libertatem vindicarit, vere liberi eritis. 2Cor. 3. 17. Dominus vero Spiritus ille est: tibi autem Spiritus ille Domini, illic libertas. Confer Rom. 14. 9. 1 Job. 2. 27. Job. 14. 26. xvj. 13. Rom. 8. 13, 14.

Fieri tamen potest, & contingit sæpe, ut regeniti ac sanctificati tentationibus aliquando & aliquamdiu succumbant; atque ita prælio inferiores sint, peccatum vero prævaleat, Spiritu se tunc non exerente; quamvis tandem bello plus quam victores futuri, per virtutem Christi. Huc pertinet deprecatio Psal. 19. 14. *A contumaciis subtrahere servum Tuum, ne dominentur in me: tunc integer & insons ero a defectione magna. Confer Matth. 6. 13. xxvj. 41. Spiritus enim in ipsis manens, eos erigit rursus & stabilit; hostem vero sternit. 1 Job. 3. 9. Quisquis natus est ex Deo, peccato non dat operam; quoniam semen Ipsius in eo manet: nec potest peccare, eo quod ex Deo natus est. Adde v, 18. Rom. 16, 20.*

Aliter se habet *peccatum tentans* quidem, sed non *prævalens*; ubi tentatus per gratiam actuale superior evadit, etiam in isto conflictu: quod in regenitis & sanctificatis passim est obvium.

Peccato regnanti affine est, quod vocatur *peccatum in deliciis*; ad quod peccator per corruptionem suam, aut reliquias ejus validiores, præ cæteris inclinatur, ita ut ægre ab eo divellatur, illud passim excusare conetur, nec facile admittat ejus reprehensionem. Prov. 9. 17. *Aquæ furtivæ suaves sunt, &c. xx. 17. Suavis est cibus falsitatis, -.* Confer exemplum Herodis, Marc. 6. 17. -.

Contrarium est *peccatum odio habitum*. Am. 5. 15. *Odio habet malum, -.* Psal. 119. 104, 128. *Odi omnem semitam falsitatis.*

L. Sequuntur *Fruſtus peccatorum actualium*. Primò autem *Mors ſpiritualis* per ea continuatur, & incrementum capit. In genere *damni* huc pertinet ulterior deformatio *Imaginis Divinæ*; dum ejus reliquiæ amplius corrumpuntur, & *conſcientia* vaſtatur. Eph. iv, 18, 19. „*Abalienati à vita Dei*, propter ignorantiam quæ eſt in ipsis, per *obdurationem cordis ipſorum*: qui poſteaquam dedoluerunt, ſeſe dediderunt *laſcivie*, ad certatim patranda*m* *impuritatem omnem*. 22. De *ſeducatricibus cupiditatibus* ſeſe corrumpit. Adde *Judæ*, 12. *Ierem.* 13, 23.

In genere *ſenſus* eſt continuatio & aggravatio *Servitutis ſpiritualis*, ſive ſubjectionis ad poteſtatem hoſtium ſpiritualium: 1. *Diaboli*, qui efficaciter operatur in peccatoribus ſibi relictis. 2 Petr. 2. 19. *A quo quis ſuperatus eſt, huic etiam in ſervitutem eſt additus.* 2 Cor. iv, 4. *In quibus Deus hujus ſæculi excæcavit mentes*, &c. Eph. 2, 2. „*Ut eſt vita mundi hujus*, ſecundum principem cui eſt poteſtas aëris, & ſpiritus, nunc agentis in hominibus contumacibus. Confer *Ioh.* 12, 31. xvj. 11. *Aſt.* 26, 18. 2 Tim. 2, 26. *Hebr.* 2, 14.

2. Similiter ſe habet *Servitus mundi*; ſubjectio ad quælibet irritamenta malorum, quibus mundus abundat. 1 Ioh. 5. 19. *Mundum totum in illo improbo jacere.* iv, 5. *E mundo ſunt; ideo mundana loquuntur.* Adde ij. 15, 16. *Phil.* 3. 19.

Itemque 3. *Servitus peccati habitualis* multum adaucti & confirmati per exempla, irritamenta; & conſuetudinem vitioſam. *Rom.* 6, 16, -. *Ierem.* 13. 23.

Accedit *Terror conſcientiæ*, cum *Deſperatione* conjunctus; ex incremento reatus, & poenarum graviffimarum certò imminentium in æternum, ſi peccatores ſibi relinquantur. *Heb.* 2. 15. *Metu mortis per omnem vitam damnates ſervitutis.* Adde x. 31. *Prov.* 28. 1. *Ieſ.* 33. 14.

Occurrit interim admiranda *Dei benignitas* ac

φιλανθρωπία erga electos; in Christo: Eph. 1, 7. Col. 1. 14. 1 Job. 1, 7. Rom. 8. 1. Job. 3. 16. v. 24. Quin & circa alios adhibetur quædam *Moderatio*; primò *interna*, in nonnullis Imaginis Divinæ reliquiis, quamvis non salutaribus: quò pertinent Principia quædam tum theoretica, tum practica; Synteresis & Conscientia naturalis; Inclination ad quædam civiliter bona, & Aversatio atrociorum quorundam criminum: Rom. 1. 19, 20, 32: ij. 14, 15. 1 Cor. 5. 1, &c. Accedit in quibusdam Gratia cohibens, refrenans, illuminans, &c. Deinde etiam *externa*, in mediis Politicis; Ecclesiasticis, Scholasticis, OEconomicis; quibus multi a variis peccatis retrahuntur, &c.

LI. Mortem spiritualement comitatur *corporalis*. Ad hujus *inchoationem internam, in genere damni*, pertinet ulterior sanitatis, roboris, ac vivacitatis amissio: Job. 14. 1, 2. *Homo natus muliere, brevis atate, satur commotione*, &c. Plal. 90. 5, 6, 8, 10. lv. 24. 1 Cor. xi. 30.

In genere *sensûs*, accedunt fatigationes, dolores, cruciatûs, morborum molestiæ, & species quandoque novæ: Job. 16. 1. Deut. 28. 21, 22, 27, 28, 35.

Ad *inchoationem externam, in genere damni*, Amissio bonorum externorum, quæ tum sustentandæ, tum cohonestandæ vitæ serviebant: utpote 1. Paupertas, sive inopia victûs, vestitûs, possessionum: Prov. 6. 11. Deut. 28. 16, 17, 18, 48.

2. Amissio dominii in creaturas inferiores; unde nunc sæpè damna inferuntur, quin & vulnera; cædes, &c.

3. Privatio gloriæ, & misera vilitas: 1 Sam. 2. 30. Rom. 3. 23.

In genere *sensûs*, occurrunt calamitates & adversa innumera, cruciatûs ac dolores inducentia, opprobria, &c. Deut. 28. 25, 26, 37, 38. Levit. 26. 21, 22. Joel. 1, 4. Psal. 29. 5, 7, 10. Confer 1 Reg. 13. 24. 2, ij. 23, 24. xviij. 24.

Ve-

Verum etiam hic intervenit *Moderatio* : *intus* enim conceditur aliquod vitæ spatium ; & multiplex demonstratio benignitatis ac longanimitatis Divinæ, hominem ad officia suæ revocantis : *Gen.* 6. 3. *Rom.* 2. 4. Et simul *externe* conceduntur quæ ad vitam tantisper conservandam necessaria sunt ; alimenta, medicamenta, &c. *Act.* 14. 17. xvij. 25, 26. Nec non reliquæ quædam veteris dominii : *Gen.* 9. 2.

Sed ista omnia illustriora sunt, & salutaria, in fidelibus : *Tit.* 1. 15. *Rom.* 14. 14. *Act.* 15. 9. *Rom.* 8. 17. 1 *Cor.* 3. 21, 22, 23. *Hos.* 2. 17.

LII. Sic fuerunt Initia dolorum, & Mors inchoata. *Mors corporalis consummatur* actuali separatione Animæ a Corpore. *Eccl.* 12. 7. *Redeunte ipso pulvere in terram*, &c. *Hebr.* 9. 27. *Sicut illud statutum est hominibus, ut semel Moriantur, postea vero Iudicium.* Hinc tamen prorsus eximendi sunt fideles, qui novissimo die erunt superstites : 1 *Cor.* 11. 51. 1 *Thess.* 4. 16, 17.

Corpus porro resolvitur in suas partes, & elementa ; intercedente fere in istum finem humatione ; alibi etiam combustionem. Abjici sine sepultura, ut cadaver canibus, avibus, & feris laniandum relinquitur ; vel etiam publico ludibrio, nausæ, & averfationi objiciatur, specialem habet ignominiam : *Deut.* 28. 26. *Psal.* 79. 2, 3. *Ierem.* 22. 19. xxxvj. 30.

Anima vero statim à separatione sistitur coram Deo iudice : *Eccl.* 12. 7. eique sua mansio, suus status assignatur : qui est condemnationis & cruciatuum in omnibus infidelibus : *Act.* 1. 25. 1 *Petr.* 3, 19, 20. *Judæ*, 7. *Luc.* 16. 23, -26, 28. Fidelium enim propter redemptionem Christi alia omnino est conditio : *Job.* 5. 24. x, 27, 28. 2 *Cor.* 5. 1, 2, 6, 8. *Phil.* 1. 21, 23. *Luc.* 16. 22, 25. xxiii. 43.

LIII. *Mortis spiritualis*, atque *universæ maledictionis*

extrema consummatio fiet die novissimo, in universali illo judicio: ubi infideles & improbi suscitabuntur ad opprobria & contemptum æternum; mox condemnati conjicientur in gehennam, ad supplicia & cruciatus æternos, absque ullo fine, aut remissione: *Dan.* 12. 2. *Joh.* 5. 28, 29. *Matth.* 10. 28. xxv. 31, 32, 33, 41, 46. *Jude* 14, 15. *Apoc.* 14. 11. xx, 10, 13. xxj, 8. *Marc.* 9. 44, 46, 48.

Fidelium vero & piorum, juxta Euangelium, status æternus erit beatissimus ac gloriosissimus. Vide hæc paucis indicata sup. cap. 1. th. 41. pluribus *ὁὐν Θεῶν* explicanda & confirmanda cap. 19.

LIV. Quod ad *Praxin*, 1. Hoc agamus sedulo, ut sint nobis sensus exercitati ad discretionem boni & mali: *Hebr.* 5. 14. *1 Cor.* 14. 20. *Matth.* 10. 16.

2. Legi Divinæ in eum finem serio ac perpetuo studeamus: *Psal.* 1. 2. cxix. 99, -105. *Deut.* 4. 6.

3. Super peccatis nostris, & vilitate, quam ea inducunt, humiliemur: de turpitudine erubescamus: ex reatu nos ipsos judicemus: *Psal.* 51. 5, 6, 7. *Jes.* 64. 6. *1 Cor.* xi. 31. *Jerem.* 2. 19.

4. Justitiam Dei in omnibus suis judiciis agnoscamus, & prædicemus: *Psal.* 51. 6. *Rom.* 3. 4. *2 Sam.* 3. 18.

5. Ad Christum Servatorem omni desiderio anhelemus; summa ope contendamus; ejusque communionem per fidem quæramus: *Matth.* 1. 21. v. 6. xi. 28. *Rom.* 7. 24. *Phil.* 3. 8, 9.

6. Castigationes patienter feramus, & ad emendationem nostri applicemus: *Mich.* 7. 9. *Psal.* 119. 71. *1 Cor.* xi. 32. *Hebr.* 12. 11. *Rom.* 8. 28.

7. Conscientiam sæpissime & accuratissime exploremus; sensus & inclinationes observemus, &c. *Thren.* 3. 40. *Zephan.* 2. 1. *1 Cor.* xi. 28. 2, xij, 5. *Matth.* 15. 19, 20. *Psal.* 131. 1. *Iob.* 31. 1.

8. Vigilemus speciatim adversus peccata, quæ solebant

lebant esse familiaria, vel in deliciis; caveamus à peccato regnante, contra conscientiam, recidivâ spiritali, &c. *Prov. 4. 23. Jerem. 17, 9. 1 Petr. 5. 8.*

9. Imbecillitatem nostram spectemus; viribus propriis ne confidamus; prudentiam sanctorum & robur spirituale in Christo per fidem quæramus, ab Eo expectemus: *Matth. 26. 41. Jac. 3, 1, 2. iv. 6. 2 Cor. 3, 5. Thren. 5. 21. 1 Thess. 5. 23. 24.*

10. Ex gravitate ac multitudine peccatorum & poenarum, à quibus per Christum liberamur, rectè æstimemus beneficium redemptionis; eoque magis ad amorem Dei & Christi, & animum gratum perpetuo præstandum, nos devinctos agnoscamus: *Luc. 1, 74, 75. vij, 47, 50. Rom. 6. 1, 5. 2 Cor. 5. 14, 15.*

11. Magis etiam aliorum peccantium commiseratione tangamur, &c. *Luc. 22, 32. 2 Cor. 5. 11. Jac. 5. 19, 20. cum Hebr. 2, 18. iv. 15.*


C A P U T XI.

De Fœdere Evangelico.

Fœdus Evangelicum definitur. Partium inæqualitas. Fœdus reconciliationis. 1. Quid Deus in hoc negotio egerit. 2. Quid Christus Mediator. 3. Quid Populus fœderatus agat. 4. Partes hujus conventionis. *Finis supremus. Subordinatus. Medium proximum.* 5. Communio ejus interna, electorum propria; c. Pontif. Socin. &c. Externa reprobus quibusdam obtingit. 6. Participes istius Fœderis variè. 7. Quomodo Fœdus æternum. Ejus initium. 8. Evangelium. 9. Promissionis. Impletionis. Realiter idem. 10. Acceptiones variæ Evangelii.

gelii. 11. Fœderis Euangelici comparatio cum Le-
 gali. 12. Male Pontif. statuunt Consilia Euange-
 lica. &c. Usus Legis circa Fœdus Euangelicum.
 13. Testamentum. Unum reipfa: prout una Hæ-
 reditas. 14. Ex morte ejusdem Testatoris. 15.
 Eadem doctrina Testamentaria sub V. T. quæ sub
 N. 16. Eadem fides justificans. 17. Sententiæ
 Socin. &c. Nec non Pontif. Obj. solv. 18. OEco-
 nomie V. T. duæ periodi illustriores. 19. Prima
 Euangelii prædicatio. Vocatio, Justificatio, &c.
 20. Instituta cerimonialia. Sacrificia. Sacramenta.
 21. Quæ tempore Abrahami accesserint. 22. Alte-
 ra periodus. Ejus Signa extraordinaria. Ordinaria.
 23. Ministri extraord. Ordin. 24. Sacerdotes. Eo-
 rum consecratio. 25. Summus. Ejus ornatus. Un-
 ctio. 26. Summus Israelitarum Senatus. Nasiræi.
 Mundi. 27. Sacrificium. Expiatorium. Euchari-
 sticum. Eorum consecratio. 28. Suffitus sacer. Oleum
 sacrum. Aqua expiationis. 29. Lucerna sacræ. Tu-
 ba argentea. Cibi sacri. 30. Novalia. Primitiæ. De-
 cime. Vota. 31. Tabernaculum. Ejus partes conti-
 nentes. 32. Velum. Sanctum Sanctorum. Arca fœde-
 ris. Cherubim. Thuribulum aureum. Sanctum. Altare
 suffitus. Lychnuchus. 33. Atrium. Altare holocau-
 storum. Labrum æneum. 34. Templum. profanatum.
 Combustum. restauratum. iterum profanatum. repur-
 gatum. renovatum. penitus eversum. 35. Tempora
 sacra. Dies. Sabbathum. Neomeniæ. 36. Festum
 Paschatis. Pentecostes. Tabernaculorum. 37. Festum
 Tubarum. Dies expiationis. 38. Annus Sabbathicus.
 Jubileus. Status Israelitarum Politicus. 39. OEco-
 nomia

nomia N. T. ab illa distinguitur *differentia temporis*. 40. *Claritate. Libertate*. 41. *Quantitate intensiva; & extensiva*. 42. *Adventus Messiae* jam dudum præterit; c. *Judeos*. 43. *Objectiones solv.* 44. *Vocatio Gentium*. 45. *Permutatio in OEconomiam magis spiritualem & gloriosam*, abrogato veteri cultu typico. 46. *Objectiones solv.* 47. *Praxis*. 48.

I.  Uccedit *Restitutio Generis electi*, juxta *Fœdus Evangelicum*, seu *Gratiæ*, & *Fidei*: quod est *Gratiosa dispositio Dei* erga homines electos, per peccatum in miseria constitutos; ut isti ex *Satisfactione & Merito Mediatoris Christi*, remissionem peccatorum, justitiam, salutem, atque omnia ad hanc necessaria, gratis consequantur per fidem: ipsi autem *Evangelio credant*, resipiscant, & gratitudinem ac novam obedientiam Deo consequenter præstent, ad laudem gloriosæ ejus misericordiæ.

Maxime hic conspicua est *Partium contrahentium Inæqualitas*, Deique ad Homines *συγκατάθεσις*; & quod hoc sit *Fœdus Reconciliationis*: 2 Cor. 5. 19. *Deus erat in Christo mundum reconcilians Sibi*, -. Col. 1. 20. *Ut per Eum reconciliaret omnia Sibi*, &c.

II. *Deus* in hoc negotio 1. *Mediatorem ipse proposuit*: Joh. 3. 16. *Ita enim Deus dilexit mundum, ut Filium suum illum unigenitum dederit*, &c. Rom. 3. 25. Gal. iv. 4.

2. *Iustitiam, salutem, atque omnia ad hanc necessaria, ipsius satisfactione, & merito fundata, offert & confert gratis per fidem*: 1 Cor. 1. 30. *Estis in Christo Jesu, qui factus est nobis sapientia à Deo, justitia & sanctificatio, & redemptio*. Joh. 1. 16. Eph. 2. 8. 2 Petr. 1. 3, 4.

3. *Stipulatur autem ab electis praxin fidei & resipiscentiæ*: Marc. 1. 15. *Resipiscite, & credite Evangelio*. Itemque *gratitudinis*: Col. 3. 17. *Quicquid feceritis*

ceritis-id facite gratias agentes Deo. Ac novæ obedientiæ: Gen. 17. 1. - Indefinenter ambula coram Me, & esto integer. Rom. 6. 13. Sistite vos Deo ut ex mortuis vivos, &c.

III. *Christus Mediator & Sponsor hujus Fœderis:*

1. *Vadimonium suscepit: Ies. 53. 10. Exposuit se ipse sacrificium pro reatu. Ipse de se, Hebr. x. 7. (ex Psal. 40. 8, 9.) Ecce adsum, ut faciam Deus voluntatem Tuam.*

2. *Agendo & patiando, omnia ad justitiam & salutem necessaria plenissime consummavit: Hebr. x. 10. Qua voluntate sanctificati sumus, per oblationem corporis Iesu Christi semel factam.*

3. *Eademque, tum revelat & offert moraliter: Ies. 61. 1, 2. cum Luc. 4. 18. Ut euangelizem pauperibus misit Me: -ut prædicem captivis dimissionem: tum applicat & confert efficaciter; Ioh. x. 27, 28. Oves illæ Meæ vocem Meam audiunt, & sequuntur Me. Et Ego vitam æternam do eis: neque rapiet eas; quisquam enim manu Meâ.*

IV. *Populus vero fœderatus I. Promissiones illas Divinas certo credit: Act. 13. 48. Crediderunt quotquot erant ordinati ad vitam æternam. Rom. 1. 17, iv, 23, 24.*

2. *Constanter sperat: Rom. 8. 23. Apud nos ipsos suspiramus, adoptionem expectantes, -25. Per tolerantiam expectamus.*

3. *Et novæ obedientiæ, ac gratitudini, serio dat operam: Psal. 110. 3. Populi tui oblationes voluntariæ futuræ sunt. Unde Paulus, in sui conversione; Act. 9. 6. Domine, quid me vis facere? & Rom. 7. 22. Delector lege Dei, quod ad interiorem hominem, &c. Adde Act. 2. 37. Phil. 3. 14. 2 Cor. 13. 13.*

V. *Partes igitur hujus Conventionis sunt, hinc Deus reconciliari volens hominibus electis, imo eos sibi reconcilians in Christo; inde Homines electi, qui reconciliationem accipiunt: Mediator autem intercedit Christus: 2 Cor. 5. 19. Rom. 5. 11. 1 Tim. 2. 5, 6.*

Finis supremus est Dei gloria: Prov. 16. 4. Subor-
E c 2
dina-

dinatus, Hominum pax, & salus: *Eph.* 1. 13, 14, 15. *Medium proximum*, Unio & communio cum Christo per fidem. *Eph.* 3. 17. cui inservit Vocatio: 1 *Iob.* 1. 3. *Rom.* 8. 30. quæ Christi redemptionem præsupponit: *Eph.* 1. 7. &c.

VI. Cæterum hujus Fœderis *communio* vel *interne* spectatur & mystice; vel *externe* tantum. Prior consideratio ad electos restringitur, contra quàm existimant *Pontif. Socin. Anabapt. Remonstr.* & alii. Posterior quibusdam reprobis etiam obtingit.

Prius assertionis nostræ membrum *probamus*:

1. Ex conditione beneficiorum ad internam communionem istius Fœderis pertinentium; quæ individuum cum salute nexum habent, & electorum salvandorum propria sunt. Nam quos præscivit, etiam prædestinavit, conformandos imagini Filii sui; quos vero prædestinavit, eos etiam vocavit: & quos vocavit, eos etiam justificavit: quos autem justificavit, eos etiam glorificavit. *Rom.* 8. 29, 30. Sic fides est electorum Dei; *Tit.* 1. 1. non vero omnium; 2 *Thess.* 3. 2. Et credidisse dicuntur, quotquot ad vitam æternam erant ordinati; *Act.* 13. 48.

2. Ex consideratione Christi Mediatoris; qui suos efficaciter salvaturus, iisque vitam æternam certo daturus est: *Iob.* 6. 39. x. 27, 30. *Rom.* 5. 9, 10, 11. 1 *Petr.* 1, 5.

3. Ex æterna & immutabili electione certarum definitè personarum ad communionem beneficiorum vere salutarium, atque ipsam beatitudinem consequendam. Vide sup. cap. 6. th. 15. Deus autem singula exequitur *juxta consilium voluntatis suæ*, *Eph.* 1, 11.

4. Ex eventu: Nam qui non salvantur etiam non pertinuerunt ad internam communionem Fœderis Evangelici, de quibus tenendum illud, 1 *Iob.* 2. 19. *Si fuissent ex nobis, mansissent utique nobiscum.*

Posterius patet, Ex conditione Ecclesiæ externæ institutæ; multitudinis videl. coeuntis ad communes aliquos actus externos, Prædicationem Euangelii, Administrationem Sacramentorum, &c. Huc pertinet similitudo Aræ, cujus triticum à paleis repurgandum dicitur, *Matth. 3. 12.* Agri variis partibus varie confiti; *xiiij. 3. &c.* Speciatim hic notandi *περόσυναργοι*; *ibid. vers. 21.* Filii regni foras ejiciendi; *viiij. 12.* Palmites in Christo fructum non ferentes: *Job. xv. 2.* quales fuere Judas Iscariotes; *Matth. x. 1, 4.* Simon Magus; *Act. x. 13.* & similes, de quibus vide *2 Petr. 2. 22.* atque hoc sensu, *Multi vocati, pauci vero electi* dicuntur, *Matth. 20. 16. xxij. 14.*

VII. Secundum distinctionem datam, sunt qui utroque modo habent communionem Fœderis Evangelici; scil. qui in Ecclesia instituta viventes, fide salvifica præditi sunt: alii neutro modo, ut infideles in Gentilismo, Muhammedismo, aut Judaismo: alii interne, non externe; ut Catechumeni vere fideles, à Gentilismo, &c. conversi, sed in communionem Ecclesiæ alicujus institutæ nondum recepti: alii externe, non interne; de quibus th. præced.

VIII. Quia Fœdus Evangelicum ab æterno in salutem electorum est præordinatum; ut patet, tum ex generali consideratione Decreti; *Ies. 46. 10. Eph. 1. 2. Act. 15. 18.* tum ex ipsa speciali prædestinatione Christi, & Christianorum; *Eph. 1. 4.* quæ salus in æternum quoque duratura est; *Psal. 16. 11. xlvij. 15. Job. 3. 16, 36. v. 24. xvij. 3.* recte dicitur *Fœdus æternum*; *Gen. 17. 7. Ierem. 32. 40.* sed cum inter Deum & homines electos in miseria sua constitutos hoc Fœdus formaliter intercedat &, initium ejus collocandum est post lapsum, in prima Euangelii promulgatione. *Gen. 3. 15.*

IX. Dispensationi ejus servit *Euangelium*; quasi dicas. *Bonum nuncium*; ab *εὖ bene*, & *ἀγγέλλω nuncio*;

sic *Luc. 2. 10. Ecce, euangelizō vobis gaudium magnum,* -- *Jes. 52. 7. Ixj. 1, 2, 3. Marc. 16. 15, 16. & alibi,* Est autem *Euangelium*, Doctrina à Deo profecta, & per Christum, ejusque Ministros, multifariam promulgata, de remissione peccatorum, justitia, & vitâ æternâ per fidem ipsius consequendâ, ad salutem electorum, & gloriosæ Dei misericordiæ demonstrationem.

X. Estque tñm *Euangelium promissionis*; de Christo in carne exhibendo; quale obtinuit sub œconomiâ V. T. vel *Impletionis*; de Christo in carne exhibito; quale spectandum est sub œconomiâ N. Hinc *1 Petr. 1. 10. Prophetæ de venturâ in vos gratiâ prophetârunt. 12. Quibus revelatum est, eos non sibi, sed nobis ea administrare, quæ nunc annunciata sunt vobis, &c. Similiter Paulus prædicavit Euangelium Dei, quod antè promiserat per Prophetas, - De Filio Suo: Rom. 1. 1, 2, 3.*

Et hactenus quidem, in modo dispensationis Evangelicæ, accidentalis aliqua distinctio agnoscenda est; sed ipsum tamen *Euangelium* essentialiter unum idemque est: nam *Jesus Christus heri & hodiè idem est, & in sæcula: Hebr. 13. 8. undè & æternum appellatur, Apoc. 15. 6. Quod non est aliud; Gal. 1. 7, 8, 9. Adde Joh. 14. 6. Act. 4. 12. x. 43. 1 Cor. 3. 11. x. 1, - 4.*

XI. Sic *Euangelium*, ubi propriè & stricte sumitur, salutaria in Christo annunciat: undè *Euangelium pacis; Eph. 6. 15. & salutis, dicitur; I. 13. Aliquando latius accipitur; prout fideles in praxi sua dirigit, adhibita etiâ lege per modum indicis & normæ: 1 Cor. 11. 28, 31. Phil. 1. 27. Jac. 1. 25. ij. 12. Aliquando denique latissime, prout ipsa sanctio Fœderis Legalis nonnunquam reperitur, suisque objectis ex voluntate Dei applicatur: Rom. 2. 16.*

XII. Fœdus Evangelicum cum Legali convenit in quibusdam generalibus: utpote, 1. respectu Auctoris Dei, Et quidem 2. Contrahentis cum Hominibus. 3.

Ita

Ita ut horum Obedientia utrobique sit necessaria. 4. Vita æterna Promissa; & 5. Finis, Dei gloria.

Sed in specialibus plurimum ab eo discrepat: & quidem potissimum ipsa *Summa & Conditione*; quæ in Fœdere Legali erat istas *Fac hoc, & vives; sin minus, maledictus esto.* *Levit. 18. 5. Ezech. 20. 11. Rom. x. 5. Deut. 23. 26. Gal. 3. 10.* Sed in Fœdere Evangelico hæc; *Qui credit in Filium, accipit remissionem peccatorum, & vitam æternam: Act. x. 43. Joh. 3. 36.* Magis istud apparet, considerato

1. *Genere & Modo communionis*: Illud enim est quasi Fœdus amicitia; quod Deus immediatè iniit cum Adamo, ejusque posteris. Hoc vero est Fœdus reconciliationis; quod pepigit Deus cum electis in Christo ipsorum Mediatore & Sponsore: *2 Cor. 5. 18, 19. 1 Tim. 2. 5. Hebr. 7. 22.*

2. *Respectu utriusque partis, & principii*: Illud enim pro imperio suo, & sapienti consilio, Deus iniit cum Homine integro: Hoc vero ex merâ Dei misericordia processit erga Hominem perditum, & in peccatis suis planè mortuum: *Rom. 5. 6, 8, 10. viij. 3.*

3. *Objectorum latitudine*: Illud ad omnes extenditur: *Rom. 3. 19.* Hoc propriè & internè ad electos restringitur. Vide sup. th. 6.

4. *Promissorum amplitudine*: Illud Vitam tantum pollicetur: Hoc ipsam Justitiam, atque omnia ad Salutem necessaria: *Rom. 1. 16, 17. 2 Petr. 1. 3.*

5. *Fundamento*: quod illic fuit propria hominis facultas; hic Jesus Christus, ejusque satisfactio, & meritum, morte consummata: quapropter & hoc Testamentum dicitur; illud non item; *Hebr. 9. 15, 18.*

6. *Effectis*: Illud docet quid justum sit; Hoc ipsam justitiam in Christo monstrat, & confert per fidem. *1 Cor. 3. 6, 9. Jerem. 31. 33, 34. Rom. 8. 3, 4.*

7. *Tempore*: Illud ante lapsum est initum: Hoc post eum. *Gen. 2. 17. iij. 15.*

8. *Cognitione* : Illud per naturam innotescit ; Rom. 1. 19, 20, 31. 1j. 14, 15. Hoc non supernaturali revelatione : 1 Cor. 2. 7, - 10. Eph. 3. 9, 10.

9. *Duratione* : Illud antiquatum est in electis efficaciter vocatis & justificatis ; Hebr. 8. 8. 13. Hoc vero perpetuum est ; Gen. 16. 7. Rom. xi. 29.

XIII. Male Pontificii Evangelium cum Lege confundunt, statuentes *Consilia* quædam *Euangelica* ; atque item *Sociniani*, cum sequacibus, contendentes, Legem Moralem per Christum sub N. T. auctam esse & perfectiorem redditam. Vide sup. cap. 8. th. 32. & cap. 9. th. 18. Interim tenendum, quod Legi post lapsum, circa Fœdus Evangelicum, usus sui ministeriales etiam convenient : docet enim,

1. Quam perfecta, atque omnibus numeris absoluta requiratur justitia ; hanc autem Evangelium in Christo monstrat. Rom. 3. 25, 28, 31. viij. 4, x. 4.

2. Hominem facultatibus istis destitutum inopiæ & injustitiæ suæ convincit : Evangelium vero Christum revelat, & hominem miseriæ suæ sibi conscium ad ipsum invitat ; & sic illa quasi Pædagogus est ad Christum : Gal. 3. 24. Job. 16. 9, 10.

3. Explicat modum gratitudinis ac novæ obedientiæ Deo præstandæ ; ad quam invitamur beneficiis Evangelio revelatis, sic in nos collatis ; sublato tamen rigore fœderali, & maledictionis aculeo, per gratiam Domini Jesu : Rom. 6. 11. vij. 22. xij. 1. xij. 8. -. Jac. 1. 25. 1j. 8, 12.

XIV. *Testamenti* appellatio de Fœdere Evangelico recte etiam usurpatur ; juxta locum Hebr. 9. 15, - 22. quin & voces מִצְוָה & διαθήκη isto significatu etiam occurrunt. Confer Exod. 24. 8. cum Hebr. 9. 20. & Gal.

Gal. 3. 15. Consequenter Christus etiam Testator dicitur, quod Fœdus istud morte ipsius confirmatum sit: quemadmodum autem unus est Testator, & una ipsius Mors: sic unum re ipsa Testamentum: quod tamen ratione duplicis dispensationis in V. & N. T. dispesci solet.

Unum duntaxat re ipsa Testamentum esse, probamus primo: Quia una eademque Salus est. sive Hæreditas; cujus fideles tum V. tum N. T. facti sunt, & fiunt participes: quod patet, 1. ex promissione Divina Abrahamo proposita, *Gen. 15. 1.* *Ego clypeus sum tibi, merces tua ampla valde.* xvij. 7. *Ut sit Fœdus perpetuum. Me esse tibi Deum, & semini tuo post te.* Consequenter ad Moysen, *Exod. 3. 6.* *Ego sum Deus patris tui, Deus Abrahami, Deus Isaaci, Deus Jacobi.* quod conferendum cum *Psal. 33. 12.* *Beata gens illa, cujus Jehovah Deus est,* --. Inde autem vitam æternam, & beatam resurrectionem, collegit Servator, *Matth. 22. 31, 32.* qui ipse iterum *Matth. 8. 11.* *Dico vobis, multos ab oriente & occidente venturos; & accubituros cum Abrahamo, Isaaco, & Iacobo, in Regno cælorum.* Sic ad ejusdem Regni cœlestis hæreditatem, cum Patriarchis & fidelibus V. T. perveniunt; qui ex Gentilismo convertuntur sub N. juxta idem illud Fœdus perpetuum.

2. *Hebr. xi. 5.* *Per fidem Enoch fuit translatus: -- testimonium obtinuerat, quod fuerit gratus Deo: & 6. -- Nam qui accedit ad Deum, hunc credere oportet esse Deum, & præmia largiri iis, qui ipsum requirunt.* Sic illo etiam tempore credebant fideles gratiosam Dei communionem, & præmii largitionem juxta Fœdus gratiæ. Similiter de Abrahamo, *vers. 9. 10.* ac porro de reliquis. *vers. 13. 16.* *Secundum fidem mortui sunt isti omnes, &c.* Adde *vers. 26. & 35. & xij. 22, 23.* *Hierusalem cœlestis, spiritus justorum consummatorum.*

3. Illustris est prophetia, Dan. 12. 2. Tandem multi ex dormientibus in pulverulenta terra, expergiscentur; hi ad vitam aeternam, &c. Arque adeo Paulus, Act. 26. 6, 7. --- Ob spem promissionis factæ patribus nostris à Deo, ad quam promissionem duodecim tribus nostræ--sperant se deventuras, &c.

4. Et eximia moribundi Patriarchæ confessio. Gen. 49. 18. *Salutem tuam exspecto, Jehovah.* Atque item Jobi, 19. 25, -27. *Equidem ego novi, Redemptorem meum vivere, &c.* Adde Psal. 16. 5, 8, -11. xxxvj, 9, 10. lxxij. 23, 26. Quin & Num. 23. 10.

XV. *Secundo*, Quia Salus etiam fidelium V. T. pendebat à Morte ejusdem Testatoris, sive Satisfactione & Merito Christi. Unde 1. Hebr. 9. 15. quod ejus mors quoque intercessit ad redemptionem earum transgressionum; quæ fuerant sub priore pacto. Vide etiam 22, 23. Et 25, -. Neque ut sæpe offerat se ipsum, -alioquin oportuisset Ipsum sæpe passum fuisse à jacto mundi fundamento, &c. Statim igitur à jacto mundi fundamento exeruit se virtus mortis Christi; qui unica sui oblatione consummavit in perpetuum eos, qui sanctificantur, x. 14.

2. Rom. 3. 25, 26. *Quem præstituit Deus, ut esset placamentum per fidem in sanguine. Ipsius; -propter dissimulationem peccatorum quæ anteceperunt, Deo illa tolerant. Ad demonstrationem justitiæ suæ præsentis tempore: ut sit ipse justus, & justificans eum qui est ex fide Jesu.* Scil. ante Christi adventum fuit dissimulatio & tolerantia quædam peccatorum, quasi per inducias: sic illis temporibus Deus poenas pro peccatis fidelium V. T. justitiæ suæ satisfactorias, non exegit: sed earum exactionem distulit usque in tempus N. T. ubi Christus sanguine suo intercessit, & placationem sic peregit, ut justitia Dei sufficienter demonstrata sit, atque ita Deus justus declaratus; quod non remittat peccata, nisi virtute satisfactionis, à Christo suo
tem-

tempore præstitæ. *Lex enim cassa non est reddita; sed stabilita;* vers. 31.

3. *Act. 15. 11.* Per gratiam Domini Jesu Christi, credimus NOS servatum iri, quemadmodum & ILLOS. Ubi per NOS, intelligendos esse non tantum Apostolos, sed etiam fideles N. T. per ILLOS autem, Patres & fideles V. T. ex versu præcedenti satis manifestum est. Quæstio enim instituta erat de Discipulis ex Gentilismo conversis: & palam asseritur, jugum Legis portari non potuisse, neque sic salutem acquiri. Idem ergo est modus salutis consequendæ per gratiam Domini Jesu Christi, tum sub V. tum sub N. T.

4. Huc denique referri debet universalitas illa mortis Christi: quod *pro omnibus mortem gustarit;* *Hebr. 2. 9.* ubi tota electorum & salvandorum universitas intelligi debet. *Omnes* dicuntur peccasse, & justificari per redemptionem Christi; *Rom. 3. 23, 24.* ut hoc sit necessarium medium justificationis à peccatis. Per unum Christum, & ipsius obedientiam, *justitia venit in omnes*, (qui nempe justificantur, & ad Fœdus gratiæ pertinent;) quemadmodum per unum Adamum, ejusque transgressionem, *condemnatio venit in omnes*, (qui rei constituuntur, & ad Fœdus operum pertinebant): *Rom. 5. 11, 12, 15, 17, 18, 19.* *1 Cor. 15. 22.* quin imo *Joh. 14. 6.* *Nemo venit ad Patrem, nisi per Christum.* *Act. 4. 12.* *Neque aliud nomen sub cælo datum est inter homines, per quod quis possit salvari.* Similiter *Apoc. 5. 8, 9.* dicitur Christus redemisse nos Deo per sanguinem suum, *ex omni tribu, & lingua, & populo, & natione.* Adde *Apoc. 13. 8.* *1 Petr. 1. 19, 20.* Quæ quidem omnia talia sunt, ut fideles V. T. omnino complectantur.

XVI. *Tertio*, Quia eadem doctrina Testamentaria de Christo, ejusque justitia, etiam sub V. T. fuit proposita: ejusque adventus in carnem, & reliqua istuc pertinentia, plurimis prophetiis fuerunt prædicta,

dicta, variisque typis præfigurata: ut patet.

1. In ipsa historia Evangelica: sic enim Servator noster, *Luc. 24. 27. Exorsus a Mose et Prophetis, interpretabatur in omnibus Scripturis, quæ de Se Scripta erant.* Atque iterum *vers. 44, 45, 46.* unde frequens loquendi formula, *Hoc autem factum est, ut implerentur Scripturæ Prophetarum. Matth. 26. 56. & alibi passim. Confer Iob. 1. 46. v. 39, 46.*

2. In Actis Apostolorum: utpote de Passionibus Christi; *Act. 3. 18. Deus autem, quæ pronuntiaverat per os omnium Prophetarum suorum, Christum suum perpeffurum, ita implevit.* Atque amplius, *vers. 21, 25. cum Deut. 18. 15, 18, 19. Moses etenim ad Patres dixit; Prophetam suscitabit vobis Dominus Deus vester ex fratribus vestris, sicut me, &c. Sed et omnes Prophetæ à Samuele, et deinceps - prænuñciarunt dies istos.* Adde *Act. x. 43. xij. 32, 33.*

3. In Epistolis: sic *Rom. 1. 1, - 3. Evangelium Dei, (quod ante promiserat, per Prophetas suos, in Scripturis sanctis.) De Filio suo, &c. Similiter iij. 21, 22. Iustitia Dei manifesta facta est, comprobata testimonio Legis, ac Prophetarum: iustitia inquam Dei per fidem Iesu Christi in omnes, et super omnes, qui credunt.* Nempe eadem doctrina de justificatione, idem justificandi modus, tum sub V. T. per Prophetas, tum sub N. per Apostolos & Evangelistas exhibitus est. His adde *Gal. 3. 8, 9. cum Gen. 12, 3. xvij. 18. xxij, 18. ac porro Gal. 4. 21. et seqq. ubi explicatur, quomodo Fœdus Evangelicum adumbratum fuerit in Isaaco, filio Abrahami, ex Sara ad libertatem & hæreditatem nato.* Ità *Col. 2. 16, 17. cerimoniale discrimen cibi & potus, itemque respectus Novilunii, Fæstorum, & Sabbathorum, dicitur fuisse. Umbra rerum futurarum; Corpus vero Christi.* Per Umbram igitur ad Corporis agnitionem, & fidem adduci debuerunt Fœderati istius temporis. Illustria etiam hujus veritatis testimonia
extant

extant in Epist. ad Hebr. ubi cap. 1. 1. *Multis modis, multisque vicibus, olim Deus locutus dicitur Patribus in Prophetis.* Et iij, 5. *Moses fidus in tota domo Dei, ut famulus, ad testificanda quæ posterant dicenda.* Adhæc viij, 5. de Sacerdotibus V. T. diserte asseritur, quod *exemplariet umbræ deservierint rerum cælestium.* Confer x, 5, - 10. cum Psal. 40. 7, 8, 9. & rursus 15, 16, 17. cum Ierem. 31, 31, - 34. Adde 1 Petr. 1. 9, - 12, 20. ij. 6; 22, 24. cum Ies. 28. 16. liij. 4, 9. &c.

4. Adjungi possunt insigniora quædam loca V. T. utpote Gen. 3. 15. de Semine mulieris contrituro caput serpentis. XLIX. 10. de adventû ipsius Schilo. Num. 24. 17. de Stella ex Jacobo oritura, Sceptro ex Israëlè prodituro. & Dan. 9. 24. De adventu Messia, de iniquitatibus expiandis, & æterna justitia afferenda; & similia passim obvia. Item Hag. 2. 8, 9. Mal. 3. 1. iv, 2.

XVII. Quarto, Quia eadem fides justificans obtinuit sub V. T. quæ nunc obtinet sub N. Hoc autem 1. ex superioribus facile deducitur: si enim eadem salus per eundem Servatorem, juxta idem Evangelium; consequenter eadem fides: unde & ista una dicitur, Eph. 4. 5. Confer Rom. x. 10, -.

2. Accedunt exempla fidelium V. T. iis qui sub N. vivunt, ad imitationem proposita: nominatim Abrahami, & Davidis. De Abrahamo quidem Rom. 4. 3. *Credidit Abraham Deo, et imputatum est ei ad justitiam.* Ac deinde vers. 23, 24. *Non scriptum est autem propter eum solum, quod, hoc imputatum fuerit ei. Sed etiam propter nos, quibus futurum est ut imputetur; iis nimirum qui credunt, &c.* Similiter Gal. 3. 7. *Nostis eos, qui ex fide sunt, esse filios Abrahami. & 9. Itaque qui ex fide sunt, benedicuntur cum fidei illo Abrahamo: sic passim ejusdem fidei ad justitiam imputatio, atque eadem ex fide benedictio, & Abrahamo, & reliquis fidelibus N. T. diserte assignatur. ;*

De Davide autem Act. 2. 30. 31. Cum sciret fore, ut ex fructu lumbi ipsius, quod ad carnem attinet, Christum illum suscitaret, quem collocaret super ejus throno, Præsciens locutus est de resurrectione Christi-. Atque item Matth. 22. 43, 44. -- Quomodo ergo David per Spiritum vocat eum Dominum, dicens (Psal. cx. 1.) Dixit Dominus Domino meo, &c. Sic ille per Spiritum præscivit, & credidit, futuram Christi ex familia sua nativitatem; mortem, resurrectionem, & dominium: imo Dominum suum dixit per Spiritum: à quo consequenter salutem & gloriam expectavit. Vide amplius Rom. 4. 6, 7, 8. cum Psal. 32. 2. & 2 Cor. 4. 13, 14. cum Psal. 116. 10.

3. Item exempla aliorum, non tantum Prophetarum: 1 Petr. 1. 11. 12. sed fidelium quorumcunque: Matth. 13. 17. ut Abelis, Enochi, Noachi, & similibus; de quibus fuse admodum, Hebr. xi. Pari ratione de Israelitis in deserto, testatur Apostolus 1 Cor. x. 3, 4. Omnes eandem escam spiritualem edisse, & omnes eundem potum spiritualem bibisse: bibebant enim ex sequente spiritali petra; petra vero illa erat Christus. Sic igitur, qui inter eos vere fideles fuerunt, eandem nobiscum spiritualem gratiam sacramentaliter obsignatam; fide perceperunt; & Messiam suo tempore venturum certo crediderunt: quod in reliquiis ipsorum circa adventum Christi, sæculo tam corrupto, manifestum est; nominatim in Simeone, qui expectabat consolationem Israel; Luc. 2. 25. In Anna Prophetissa; quæ palam agnoscebat Dominum: & loquebatur de eo omnibus, qui redemptionem expectabant Hierosolymis; vers. 38. In Josepho Arimathæo; qui & ipse expectabat regnum Dei; Luc. 23. 51. In Samaritana; Job. 4. 25. ejusque popularibus; vers. 29. &c.

4. Consequenter Gentiles, qui olim fuerant absque Christo, ab alienati à civili statu Israelis, & extranei quod ad pactorum promissiones attinet; - Eph. 2. 12. nunc
in

in ejusdem Ecclesiæ Catholicæ communionem adoptati, atque *unum facti sunt*, soluto intergerini parietis *septo*; vers. 14. Vide etiam 16, 19, -. Rom. x1. 17, -. Gal. 6. 16. iv, 26. Hebr. 12. 22, 23.

XVIII. *Sociniani*, quibus hac in parte valde affines sunt *Anabapt. & Remonstr.* promissiones spirituales ac salutares, earumque agnitionem & fidem à V. T. prorsus remonent; & non nisi bona corporalia & temporalia fidelibus istius œconomix proposita fuisse, existimant. Sed & *Pontif.* triplicem quandoque salutis viam recensent; 1. Legem naturæ, 2. Legem Mo-
sis. & 3. Evangelium, sive Gratiā. *Iidem* viam Cœ-
li sub V. T. clausam fuisse volunt; nec quenquam in-
gressum, ante mortem Christi. Sed perperam; ut
probatum.

Obj. 1. Lex per Moſen data eſt: non gratia, quæ
per Christum demum facta. Ergo. *Joh. 1. 17. Resp.*
Lex quidem sub V. T. rigide fuit inculcata: sed cum
Moralis obtinuit etiam Cerimonialis, quæ Christum
adumbravit, & docuit convenienter isti œconomix.
Sic per istam dispensationem, parcius quidem & ob-
scurius promissiones Evangelicæ fuerunt propositæ:
cum in N. T. *Gratia & Veritas per Christum præstita*
ſit: *Gratia*, opposita ad Fœdus Legale; *Veritas*, ad
umbras futurorum bonorum. Sed idem tamen re ip-
sa fuit Fœdus Evangelicum; atque eadem beneficia
salutaria jam tum secundum rem obtinuerunt.

Obj. 2. Lex & Prophetæ uſque ad Johannem: postea
Regnum cœlorum annunciari cœpit: *Matth. 11. 12,*
13. Resp. Tantis per obtinuit pædagogia Legis, cum
typis & prophetiis de Christo venturo: sed Johannes
eum præsentem demonstravit. Ac deinceps obtinuit
Evangelium impletionis.

Obj. 3. Nobis primum annunciata eſt iſta ſalus,
&c. Evangelium prius non prædicatum: *Hebr. ij.*
3. Eph. 3. 8, 9. 2 Tim. 1. 10. 1 Petr. 1. 11, 12. Resp.
Iſta

Ista etiam accipienda sunt de Euangelio impletionis, oppositæ ad Euangelium promissionis; & de uberiori illius gratiâ.

Obj. 4. Sub V. T. priore tabernaculo adhuc consistente, via ad ipsum coeleste Sacrarium nondum facta fuit manifesta; eo quod sacrificium ipsius Christi nondum fuerit peractum *Hebr. 9. 8.* Ergo. *Resp.* Ingressi tamen sunt fideles in Cœlum, per anticipationem, virtute ipsius Christi: cujus satisfactio & meritum per immutabilem decreti Divini certitudinem, valorem suum jam tum habuit in esse cognito; licet actu non præcesserit ipsum esse reale: quemadmodum in pactis bonæ fidei, similia passim obvia sunt.

XIX. In œconomia V. T. duæ potissimum illustriores *periodi* spectandæ veniunt: quarum *prior* est ab Adamo ad Mosen, *posterior* à Mose ad Christum. In universum œconomia ista fuit quasi infantilis, ac proinde quodammodo servilis; licet revera fideles etiam tunc liberi fuerint & hæredes: *Gal. 4. 1, 2, 3.* paulatim tamen adolevit, quasi infante ad annos pubertatis & sui juris accedente propius.

Initio quidem obtinuit *Ministerium extraordinarium*, per Patriarchas; quos Sp. Sanctus extraordinariè afflavit, ac de fide & cultu Divino *πολυμερῶς καὶ πολυτρόπως* instruxit: *Hebr. 1. 1.* cum *Num. 12. 6.*

Ordinarium vero, ex illorum directione per ipsos Patres familias, & Primogenitos; qui sacra potissimum administrabant, dum fere erant Ecclesiæ domesticæ.

XX. Prima interim *Euangelii prædicatio* facta est ab ipso Deo, statim post lapsum in Paradiso; *Gen. 3. 15, Semen mulieris conteret caput serpentis.* Confer *Apoc. 12. 7. Rom. 16. 20. Matth. 3. 7. 1 Joh. 3. 8. Hebr. 2. 14. Gal. 4. 4.* Consequenter coeptum est invocari nomen Domini, fidelibus ad istiusmodi exercitia frequentius collectis *Gen. 4. 26.* atque distinctio facta inter filios Dei,

Dei, & filios hominum, vj; 2. Sic exercita tunc fuit *Vocatio*, atque obtenta *Iustificatio*, *Adoptio*, *Sanctificatio*; & expectata *Glorificatio*: quam insigniter confirmavit Enoch post exemplarem fidei, ac pietatis demonstrationem, in cœlum translatio: *Gen. 5. 22, 24. Hebr. xi. 5.* Ac deinde etiam Arcæ structura, & Noachi cum familia per eam conservatio à diluvio; *Hebr. xi, 7. 1 Petr. 3. 20, 21.*

XXI. Quædam etiam *instituta Cerimonialia* jam tunc obtinuerunt: scil. *Distinctio animalium* mundorum & immundorum; *Gen. 7. 1.* quæ tum Sacrificiis inservit, tum etiam Sanctificationem adumbravit.

Ius primogenituræ, cui annexa Sacrorum cura; *Gen. 4. 7. xxv. 31, 34. xxvij, 36.* cum *Exod. 4. 22. 23.*

Item *Decimæ* Deo dicatæ; *Gen. 14. 20.* cum *Hebr. 7. 4, 5.*

Atque ipsum quoque *Sacerdotium*, aliquamdiu ante Leviticum. Sic *Gen. 14. 18.* commemoratur *Melchizedek*. Rex Schalemi, sacerdos Deo forti excelso: unde ordo Melchizedeki. *Psal. 110. 4.*

Sacrificia etiam recensentur: utpote *Caini* de frugibus terræ; & *Abelis*, de primogenitis, & eximiis pecudum suarum: *Gen. 4. 3, 4, 5. Hebr. xi. 4.* Atque item *Noachi* statim post diluvium; qui *Gen. 8. 20. exstructo* Iehovæ altari, ex omnibus pecudibus & volucribus mundis *holocausta* obtulit; & odoratus est *Iehovah* odorem illum gratum. Quod conferendum cum *Eph. 5. 2. Christus dilexit nos, & tradidit semet ipsum pro nobis, oblationem ac victimam Deo, in odorem bonæ fragrantie.* Similiter *Abrahamus* in peregrinationibus suis *Altaria* passim exstruxit; *Gen. 12. 7, 8. xij, 14, 18.* Memorabile autem præ cæteris fuit Sacrificium filii ejus unici *Isaaci*, Divinitus mandatum ab ipso inchoatum, sed ariete vicario consummatum, *xxij 1, 14.* Deinde *Isaacus* quoque Altare legitur exstruxisse; *xxvj, 25.* quemadmodum & *Jac. 32, 20.* Atque

Job in terra *Hutzi*, qui filios suos post eorum convivia sanctificavit, ac pro numero eorum Holocausta obtulit; *Job*. 1. 5. Et postea ipse Deus ad *Eliphazum Themaniten*. cap. 42. 7, 8. *Accensa est ira mea in te; & in duos amicos tuos-Quamobrem nunc sumite vobis septem juvencos, septemque arietes, & adite servum meum Jobum; ut offerendum curetis holocaustum pro vobis; & servus meus Job oret pro vobis, -ut non afficiam vos poena flagitii, &c.* Sic Deus offensus, sed idem placabilis, placari voluit sacrificio precibus comitato; atque hoc medium satisfactionis & reconciliationis typicæ, intercedere ad eorum liberationem à poenâ.

Sacramenta hujus *Fœderis* ordinaria ab initio non comparent. De *Arca Noachi*, & conservatione per eam à diluvio, dictum *th.* 20. Ipsa interim *Sacrificia*, quatenus communionem cum *Altari* inferebant, ipsique offerentes pariter coram *Domino* convivium sacrum celebrabant, aliquid sacramentale involvebant: *1 Cor.* x. 18. *Exod.* 18. 12. Sic enim communionem gratiosi istius *Fœderis* obsignabant.

XXII. *Tempore* autem *Abrahami* insigniora quædam accesserunt: specialis scil. ipsius *Abrahami Vocatio*; *Gen.* 12. 1, 2, 3, 7. *Fœderis Evangelici renovatio*; xv. 1, 5, &c. *Promissio terræ Canaan*; quæ cœlestis patriæ typus fuit; xvij, 8. atque item *Seminis benedicti*; *vers.* 18. 19, 21. addito insuper *Sacramento Circumcisionis*; *vers.* 10; -14.

Deinde *Electio* in personis *Isaaci* & *Jacobi*, dilectis præ *Ismaële* & *Esavo*, fuit repræsentata: *Rom.* 9. 11, 12, 13. *Salutis impetratio & applicatio*, in *Benedictione Abrahami* per *Melchizedekum* Sacerdotem & Regem; *Gen.* 14. 18, 19, 30. *Hebr.* 7. 1, -10. & promissione *Seminis benedicti*, atque item terræ *Canaan*, aliquoties iteratâ. *Justificatio* per expressum Dei testimonium; *Gen.* 15. 6. *Rom.* 4. 3, 16. 11, 12. *Adoptio* per distinctionem *Filiorum* promissionis ex matre libera:

bera : & Hæreditatis assignationem ad eos ; *Gal.* 4. 22, 26, 28, 30, 31. *Sanctificatio* etiam per Circumcisionem ; *Deut.* 30. 6. *Col.* 2, 11. Ac denique *Glorificatio* per Benedictiones ac Promissiones terræ Canaan ; *Hebr.* 11. 9, 10, 13. - 22.

XXIII. *Altera periodus*, à Mose ad Christum, conditionibus hujus Fœderis scripto consignatis, cultu magis ordinato, novisque tum extraordinariis, tum ordinariis additamentis, multo fuit illustrior.

Extraordinarie quidem *Salutis impetratio & applicatio* adumbrata fuit per Liberationem Israelitarum ex Ægypto, factam ministerio Moſis, qui hac potissimum in parte typus Christi fuit : *Act.* 7. 35, 36. *Hebr.* 3. 2, - 6, xi, 28. ac porro per Introductionem in terram Canaan, duce Josua, altero Christi typo : *Hebr.* 4. 8, xi, 16. tum etiam per Transitum maris rubri, quo salvi iter ingressi sunt Canaan versus, hostibus ipsorum extinctis : *1 Cor.* 10, 2. itemque per Nubem, qua adversus externas injurias tegebantur, lucemque & refectionem ac directionem habebant, tum interdiu, tum noctu : *1 Cor.* x, 1. *Exod.* 13, 21. *Psal.* 105, 39. nec non per Manna coelitus datum, & Aquam ex rupe, quæ sacramentaliter fuit Christus, in perpetuum nutrimentum : *1 Cor.* x. 3, 4. *Ioh.* 6. 32, 33. ac denique per æneum Serpentem, ejus aspectu, à serpentibus ignitis lethaliter vulnerati & infecti, curabantur ; *Joh.* 3. 14. viij, 28. xij, 32, 33.

Ordinarie per Sacerdotes, & eminentiore quodammodo per Pontificem maximum, Sacrificia expiatoria, & Altaria, aliaque instrumenta, in istum usum destinata : *Hebr.* 5. 1. x. - 13. - xij, 8, 9, 10. *Justificatio* specialius per Sacrificia ad remissionem peccatorum ordinata, variasque ablutiones, & sacramentum Paschatis : *Hebr.* 9, 13, 14, 22, 23. *1 Cor.* 5. 7. *Adoptio* per Primogenitos Deo sacros : *Exod.* 13. 11, - 16. *Rom.* xj, 16. *Sanctificatio* per instituta illa, quæ munditiem spe-

Etabant: *Hebr.* 9. 13, 14. *Glorificatio* denique, per Hæreditatem terræ Canaan; & specialia quædam Symbola gratiosæ præsentia Divinæ, Tabernaculum videl. (cui postea Templum successit, atque inprimis Sanctum sanctorum: *Hebr.* xi. 13, 14, 16. ix. 2, 3, 9, 11, 12. *I Reg.* 8. 21, 29, 30, 42, 43.)

XXIV. Sed propius in ista periodo spectemus, 1. *Personas*, 2. *Res & agenda*, 3. *Loca*, 4. *Tempora*.

Personæ occurrunt, tum Sacrorum administræ, tum aliter Sacræ & Mundæ.

Ministri extraordinarii erant *Prophetæ*, viri ex quacunque tribu promiscuè à Deo excitati, ad cultum ipsius instituendum, eundemve collapsum restaurandum, ad explicanda arcana, prædicenda futura, & nominatim de Messia, ejusque adventu, officiis, beneficiis, &c. ac proinde Christum summum illum Prophetam quodammodò præfigurantes: *Deut.* 18. 15, - 19. *Act.* 3. 22, 23, 24. x. 43. *I Petr.* 1. 10, 11, 12: 2. I. 19, 20, 21.

Munus autem Propheticum, cum extraordinarium esset, ipsum quoque Sacerdotium eminenter in se comprehendebat: *Levit.* 7. 15, -. *I Reg.* 18. 31, -.

Ordinarii erant *Sacerdotes*, ac suo etiam modo reliqui *Levitæ*; quorum illi perpetua successionis linea ex Aharonis familia desumpti, ad Sacerdotium in Tabernaculo, ac deinde in Templo obeundum applicati: *Exod.* 28. 1. xxix. 44. *Num.* 18. 1, 7. xxv. 13. populo docendo, sacrificiis offerendis, benedictioni, aliisque agendis sacris, ordinarie operam dabant. *Mal.* 2. 7. *Num.* 6. 22, -. Et sic Christum Sacerdotem verè consummatissimum, omnis benedictionis auctorem, eundemque Doctorem summum, præfigurabant: *Hebr.* 7. 11, -; 23, 24, 25. iiij. 1. *Eph.* 1. 3.

Hi, primogenitorum loco adhibiti, Sacerdotibus præsto erant: *Num.* 3. 9, 12, 13. viij. 13, - 19. xvij. 6. Tabernaculumque cum ejus instrumentis custodiebant ac deportabant: *iv.* 3, 5, - 15. &c.

XXV. Sacerdotes autem esse debuerunt personæ ab omni corporis vitio prorsus immunes, & ad functionem istiusmodi habiles. *Levit.* 21. 17, 24.

Consecratio eorum fiebat coram tota Ecclesia: *Levit.* 8. 3. adhibita Lotione: *Exod.* 29, 4. Amictu sacro Tunica sc. cum Baltheo, Tiara, & Femoralibus: *Exod.* 28. 4, 40; 42, 43. xxix. 8, 9. Sacrificiis specialibus, cum applicatione sanguinis ex ariete ad auriculam infimam, & pollices dextros: *Exod.* 29. 15; 20; 24, 25. Accedebat conspersio ex oleo sacro, & sanguine de altari, in ipsos, & vestes ipsorum: 21. *Levit.* 8. 30. Iisdem assignati erant *Cibi sancti*: *Levit.* 22, 2, 3, 10, 11, atque insuper mandata specialis abstinentia, mundities & gravitas: xxi, 1, 9. Ut videl. absolutissima Christi perfectio & sanctitas, nec non salutis per eum impetratio & applicatio, adumbraretur: *Hebr.* 7. 26, 27, &c.

XXVI. In Sacerdotibus unus erat Summus, ab Aharone successionis vicissitudine descendens, cui peculiaris cultus, & observatio anniversaria in Sancto Sanctorum competeat; unde & illustrior Christi typus fuit. *Levit.* 16, 2. &c. xxi. 12. *Hebr.* 7. 23, ix. 6. 7. &c.

Notandus etiam peculiaris ejus Ornatus: quo dignitatem Christi eminentissimam præfigurabat. Primarium ejus ornamentum fuit *Amiculum*, & *Pectorale*, cum nominibus duodécim tribuum in gemmis; *Exod.* 28. 2, -. Ita Christus coram Patre Ecclesiam repræsentat. In hoc latebant *Urim & Thummim*. *vers.* 39. ex quibus responsa dabantur; & quæ Christum designabant, Verbum & Interpretem Patris.

Caput illius exornabat *Cidaris*, cum Lamina aurea: *vers.* 36. 37. 38. Summam Christi dignitatem designans.

Unctio ejus peculiaris quoque fuit; oleum scil. tum in Tabernaculum, & quæ in eo erant, tum in caput

summi Sacerdotis, effundebatur: *Levit.* 8. 10, 11, 12. Sic plenitudo Spiritus, sanctitatis, omniumque donorum in Christo, Ecclesiam perfundit, & perficit: *Psal.* 2. 6. xlv, 8. cxxxii, 2, 3. *Joh.* 1. 16. *Col.* 2. 3, 9, 10.

Specialis etiam in illo requirebatur mundities & gravitas: *Levit.* 21. 10. - 15. &c.

XXVII. Affinis erat *Summus Israelitarum Senator*, ex Sacerdotibus Leviticis, constituto etiam supremo Iudice in ista *Θεοκρατία*, ad arduas lites & controversias dirimendas: *Deut.* 17. 8, - 12. Confer 2 *Chron.* 19. 8, -. Sic Christus Regale habet Sacerdotium: *Zach.* 6. 11, &c. xij, 7, - 10.

Personae aliter *Sacrae* erant *Nasiræi*, qui se peculiari voto ad tempus segregabant, & sanctificabant Deo, juxta ipsius institutum: *Num.* 6. 2, & seqq. Consequenter typi erant singularis sanctimoniae Christi. Extraordinarium exemplum nativi *Nasiræi* occurrit in *Simione*; *Iud.* 13. 5. cui non absimile viderur, quod exstat de *Iohanne Baptista*: *Luc.* 1, 15.

Occurrunt denique *Mundi*, immunes a qualicunque cerimoniali immunditia: eaque vel communis, qua quis immundus erat usque ad vesperam; tunc autem lotis vestibus purgabatur: *Levit.* xj. 24, 25. &c. vel speciali; quæ quidem gravior inducebatur ex contactu cadaveris humani, ossium, aut sepulchrorum: *Num.* 19. 16. itemque ex gonorrhæa: *Levit.* 15. & partu recens edito: *cap.* 12. Sed gravissima, oriebatur ex Lepra: *cap.* xiiij. xiv. De modis purgationum vide ibid. Hac interim ratione omnis nostra spiritualis immundities, in Christo unice expianda, & remedium nativæ nostræ corruptionis in ipso solo quærendum, significabatur: *Tit.* 2. 12, 14. *Psal.* 51, 7.

XXVIII Sequuntur *Res & agenda sacra*: in quibus spectandum primo *Sacrificium*, quod erat *Res sacra* ab offerente adducta, & a Sacerdote, ritu sacro super altari Deo oblata.)

Eratque vel *Expiatorium*, vel *Eucharisticum*.

Expiatorium ad carnalem peccatorum expiationem in foro illo civili erat ordinatum: *Hebr.* 9. 13. *Levit.* v. 5, 13. Atque interim remissionem peccatorum in foro poli adumbrabat: *Hebr.* 9. 14, 15, 23. Eratque vel pro omnibus peccatis; ut *Holocaustum*, quod totius victimæ combustionem peragebatur: *Levit.* 1, 3, - 13. vj, 9, 10, 11. vel pro certis tantum: iisque rursum vel ex errore, vel ex infirmitate commissis: iv, v, vj. Sic Christus pro omnibus & singulis electorum peccatis, tum maximis, tum minoribus, se obtulit: *Hebr.* 9. 14. x, 5, 10, 14. *Jes.* 53. 11, 12.

Eucharisticum, ad gratitudinem coram Deo in Christo testificandam, ordinatum erat: ubi Christus, ejusque satisfactio & meritum eâdem operâ præfigurari debuit: *Exod.* 24. 5. *Levit.* 3. 1, &c. Sic interim nos ipsos, & omnia nostra, grato animo ipsi Deo debemus offerre: *Hos.* 14. 3. *Hebr.* 13. 15.

Illud autem peragebatur, aut solis Muneribus; aut adhibitis etiam Animalibus: quorum prius *Libatio* dicebatur; ubi cibus, potus, sal, thus, oleum, &c. offerebantur: posterius iterum aut *Pinguedinis* tantum victimarum incensione; & *Hostiæ pacificorum* appellabatur: aut Animalium quoque mactatione, cum Libatione, expediebatur; & *Sacrificium laudis* dicebatur.

Consecrationi Sacrificiorum in universum, præter ipsum Altare, de quo *Exod.* 29. 37. *Matth.* 23. 19. serviebant quoque Ignis, & Sal: *Marc.* 9. 49. *Levit.* 11. 13. Ignis Spiritum Sanctum adumbravit: *Matth.* 3. 11. *Act.* 2. 3. per quem Christus se ipsum obtulit inculpatum Deo: *Hebr.* 9. 14. ac simul passiones iræ Divinæ, quas Mediator pro nobis tulit: *Marc.* 9. 43, 44. *Jes.* 53. 4, 5, 10. Omnis etiam oblatio Sale Fœderis debuit saliri, ad significandum Fœdus Dei salutare & perpetuum: in quo fideles confirmari & cor-

roborati, pacem Dei omnibus aliis rebus anteponunt, certoque conservantur ex omnibus periculis & difficultatibus: *Marc. 9. 47, 49, 50.*

XXIX. Secundo, *Suffitus Sacer*; de cuius confectione vide *Exod. 30. 34, 35.* Ejus erat, ut Sacerdos ex eo contunderet minutatim, poneret super Thymiaterium, & adoleret suffitum unoquoque mane ac vespere coram Iehova: *vers. 46:* Addita lege, ne quis similem suffitum in usum privatum sibi pararet, è populo cæteroquin excindendus: *vers. 37, 38.* Sic Intercessio Christi; & fervidæ fidelium preces in ipsius nomine, adumbrabantur: *Psal. 141. 2. Apoc. 5. 8.* a quibus procul abesse debet profanitas: *Eccles. 5. 1. Psal. 50. 15, 16.*

Tertio *Oleum Sacrum*, cuius usus erat ad Tabernaculum integrum, cum vasis, & instrumentis suis omnibus, ipsoque ejus atrio, omnes item personas in illo ministrantes, earumque vestes, ungendas & consecrandas, *Exod. 30. 25, -30:* addita simili lege ut in Suffitu, & pari sanctione comminatoria: *vers. 31, 32, 33.* Hoc pacto figurabantur præstantissima Sp. Sancti dona, quibus Christus in humana sua natura, & singuli fideles, atque omnia ad ipsos pertinentia, Deo sanctificantur in honorem: *Hebr. 1, 9. 1 Job. 2. 20, 27.* simulque docebatur, Sanctum canibus non dandum: *Matth. 7. 6.*

Quarto, *Aqua expiationis* erat, qua separati ex immunditia purgabantur carnaliter. *Num. 19. 9.* Ita sanguis Christi nos purgat ab omni peccato: *1 Job. 1, 7.* atque omni immunditia spiritali, *Zach. 13. 1.*

XXX. Quinto, *Lucernæ Sacræ* septem erant in Candelabro aureo, instruendæ quovis mane oleo olivarum extuso puro; & accendendæ singulis vespersis, ut per noctem essent luminaria in atrio conventus *Exod. 25. 31, 37. xxvij, 20, 21. Levit. 24. 2, 3, 4.*
Sic

Sic illuminatio per Verbum & Spiritum figurabatur :
2 Petr. 1. 19, 21. Eph. 5. 8

Sexto, *Tubæ* erant dux *argenteæ*, opere continen-
te factæ, ut Sacerdotes earum clangore cœtum con-
vocarent, lætitiâ celebrarent, vel etiam profectio-
nem castrorum imperarent. Num. 10. 2. Sic clan-
gor Verbi Spiritu comitati, ejusque virtus in colli-
genda Ecclesia, lætis annunciandis, peccatis argu-
endis, & fidelibus ad spiritualem pugnam incitandis,
adumbrabatur: Jes. 58. 1. Eph. 6. 11, -18. Psal. 89.
16.

Septimo, *Cibi sacri* ex præscripto ipsius Dei Sacer-
dotibus fuere destinati; sanctissimi quidem maribus
eorum solis comedendi permittebantur in atrio con-
ventus; alii etiam familiis eorum. Sanctissimæ erant
reliquiæ ex Sacrificiis pro peccato, quorum sanguis
non portabatur in Sanctuarium, atque ex muneribus
eorum. Levit. 7. 6, 7, 9, 10, vj. 16, -18, 25, 26.
viii. 31, 32. similiter illis dati erant Panes propo-
sitionis. xxiii. 5, 9. Hac ratione figurabatur vir-
tus Christi conservatrix & nutrix vitæ spiritualis in e-
lectis. Prov. 9. 2, 5. Psal. 23. 1, 5. Ioh. 6. 33, 35,
48, 50, 51.

XXXI. Succedunt quædam secundario in rebus
sacris spectanda; ut pote primo *Novalia*: nam cu-
jusque arboris ab Israelitis plantatæ in Canaan, fru-
ctus esculenti, postquam tribus annis habiti essent
præputiati, in cibum non assumendi, quarto anno
separabantur, ut essent res sanctæ laudationum Jeho-
væ; & quinto demum anno ab Israelitis percipie-
bantur: Levit 19. 23, - 25. Hoc pacto significatum
fuit, omnia alimenta nobis quidem per peccatum im-
munda; sed per fidem in Christum, precibus & gra-
tiarum actionibus, sanctificari: Tit. 1, 15. 1 Tim 4.
4, 5. Rom. 14. 6. 1 Cor. 10. 31.

Secundo *Primitiæ*, quæ erant primi proventus,

tum rerum, tum personarum, Deo sacri: *Exod.* 13. 2, 13. xxij. 29, 30. *Num.* 15. 20, 21. Sic optima quæque Deo, ejusque cultui, sunt consecranda: *Ies.* 66. 20, 21. *I Cor.* 6. 19, 20. Interim Christus omnium creaturarum primogenitus, in quo nos etiam sanctificamur, fuit adumbratus: *Col.* 1. 15. *Hebr.* 1. 2. ij. 10, 11.

Tertio, *Decimæ* quoque possessionum ac proveniunt Deo, ejusque cultui, offerebantur, in sustentationem Levitarum, pauperum, &c. *Gen.* 14. 20. *Levit.* 27. 30. *Deut.* 26. 12, &c. Sic ex omnibus, quæ nobis suppetunt, in similes usus pios erogandum pro re nata, quantum necessitas postulat, & facultates nostræ ferunt: *Gal.* 6. 6, 9. *Jac.* 2. 13, 15. 16. *Hebr.* 13. 16.

Quarto denique *Vota*, quibus Deo liberi ad cultum suum promittebantur & dicabantur personæ, vel res: *Levit.* 27. 2, & seqq. Exemplum personæ Deo dicatæ, vide *1 Sam.* 1. 11, 22. &c. Sed frequenter in votis *redemptio* habebat locum, suspensa tamen ab æstimatione Sacerdotis: *Levit.* 27. 25. Sed חרם, quod speciali modo ex personis, aut rebus quibuscunque, Deo devotum erat, usibus humanis sic eximebatur, ut vendi aut redimi non posset: *Num.* 21. 2, 3. *Jos.* 6. 17, 18. *1 Sam.* 15. 3. Sic in usus Ecclesiasticos, aliosque pios, liberaliter conferendum est ex iis, quæ largitus est Deus: *1 Cor.* 9. 7, 11, 13, 14. xvj. 2. *Gal.* 6. 6, 10. *Hebr.* 13. 16. Nec quæ sic donata sunt, injuste vel fraudulenter aliorum interverti debent: *Matth.* 22. 21. *Rom.* 2. 22. *Act.* 5. 1, 11.

XXXII. Agendum porro de *Locis sacris*. De his generatim vide *Exod.* 20. 24. *Levit.* 17. 2, 9. *Deut.* 12. 5. xiv. 23. Speciâtim vero jussu Dei, ad peragendum cultum sacrum, destinatum fuit primo *Tabernaculum*, ac deinde *Templum*.

Taber-

Tabernaculum, pro ratione peregrinantium in deserto, mobile quidem & terrestre Sanctuarium fuit; sed tum conditionem peregrinantis in hisce terris Ecclesiæ; tum immobile, & coeleste illud Sanctuarium præfiguravit: *Exod.* 25. 8, . *Hebr.* 9. 1, &c.

Duæ vero partes continentes in eo potissimum spectandæ: *Tegumentum* videl. & *Tabulatum*. *Tegumentum* externum erat, & quidem triplex; sed ordinatum ad interna regenda & protegenda: *Exod.* 26. 14. xxvij. 9. Sic Deus Ecclesiam suam, & singula ejus membra, protegit perpetuo: *Ies* 4. 5, 6. *Psal.* 27. 5.

Tabulatum constabat Asseribus & Transtillis, cum suis Stylobatis & Annulis: *Exod.* 26. 15, . Artificiosa Tabernaculi coagmentatio Ecclesiam figurabat, per commissuras & compages suas congruenter unitam cum Christo capite suo per Spiritum intus agente: *Eph.* 4. 12, 13, 15. 16. iij. 16.

XXXIII. *Tabernaculum* bipertitum erat, in *Sanctum Sanctorum*, & *Sanctum*, intercedente *Velò*: *Exod.* 26. 33. *Hebr.* 9. 2, 3.

Velum opere artificiosissimo confectum, & Cherubinibus erat refertum; atque ex quatuor columnis ligneis, sed auro obductis, suspensum: *Exod.* 26. 31, 33. Sic Christus, cui inserviunt exercitus Angelici, majestatem suam vere Divinam humana carne quasi operiens, ad Deum & Cœlum viam nobis paravit: *Hebr.* 10. 19, 22. cum *Ies.* 6. 2, 3. *Ioh.* 1. 52. *Hebr.* 1. 6, 14.

Sanctum Sanctorum erat intra *Velum*, quo summus Sacerdos semel quotannis ingrediebatur *Exod.* 26. 33, 34. *Hebr.* 9. 3, 7. Hoc ipsum Cœlum figurabat, in quod Christus nostro bono semel ingressus est: *vers.* 11, 12 & 24, 25. Erat autem in eo *Arca fœderis*, cui intus impositæ erant *Tabulæ legis*: *Exod.* 25. 16. *Hebr.* 9. 4. immisso superne *Operculo propitiatorio*: *Exod.* 25. 17. Sic Christus maledictionem Legis à fidelibus avertit, & jus Legis pro iis ipse adimplevit: *Rom.* 3. 25. viij. 13.

4. In extremitatibus Operculi erant duo *Cherubim*: *Exod.* 25 18, 20. è quorum medio Deus Mosen alloquebatur: *vers.* 22. *Num.* 7. 89. Sic Deus in Christo, & per ipsum, suos docet ac regit: *Psal* 80. 2. xcix, 1.

Eodem pertinebat *Thuribulum aureum*, inserviens suffitui istic faciendo ad Propitiatorium: *Hebr.* 9. 4. *Levit.* 16. 12, 13. Sic intercessio Christi in coelis, & nostræ preces in ejus nomine, figurabantur: *Apoc.* 8. 3, 5. Ad Arcam porro collocata fuit *Urna aurea*, mannam in se occultam habens; atque insuper *virga Aaronis*, quæ germinaverat: *Hebr.* 9. 4. *Exod* 16. 33, 34. Sic Christus suos spiritualiter & efficaciter alit ac regit: *Apoc* 2. 17. *Col.* 3. 1, 2, 3. 1 *Cor.* 10. 3.

Sanctum erat ante *Velum*; ubi Sacerdotes ordinarie sacra peragebant: *Hebr.* 9. 2. Hoc Christi humanitatem adumbrabat; ac porro Ecclesiam mysticam; *vers.* 11, -. Erat in eo *Altare suffitus*, e lignis Sittim, ex cujus angulis prominebant cornua auro puro obducta; *Exod* 30. 1, 2, 3. in quibus semel quotannis facienda erat expiatio, per sanguinem sacrificii pro peccato in die solennis expiationis: *vers.* 10. Sic Christus gloriosissime pro nobis comparet coram Patre, atque intercedit, virtutem sanguinis atque oblationis suæ repræsentans: *Hebr.* 9. 24, &c. x, 14. Atque item *Mensa* è lignis Sittim, auro etiam obducta; cum vasis aureis, & duodecim scutulis, &c. quibus imponebantur *Panes propositionis*. *Exod.* 25. 23, 29, 30. Actandem *Lych-nuchus aureus*: *vers.* 31, 37. Sic docebatur, Christum, suis cibum & lucem esse, ad vitam æternam: *Psal.* 23. 1, &c.

XXXIV. Erat insuper *Atrium*, ipsum Tabernaculum ambiens; atque omnibus patens: *Exod.* 27. 9, &c. Sic notabatur externæ & visibilis Ecclesiæ conditio: *Psal.* 55. 15. *Apoc.* 11. 1, 2. In eo stabat ante portam Tabernaculi *Altare holocaustorum*, e lignis Sittim confectum, sed ære circumquaque obductum: *Exod.*

27. 1, 2. Sic Christi humanitas per Deitatem sustentata est, & digna effecta ad peragendam nostri cum Deo reconciliationem: *Hebr.* 5. 8, 9. & sic ipse prædicatur in Ecclesia visibili: *Tit.* 2. 11, 12. Ac porro *Labrum æneum*; purgandis Sacerdotibus, Tabernaculum administrandum ingressuris, destinatum: *Exod.* 30. 18, -21. Sic non nisi sanguine & Spiritu Christi a peccatis abluti, ad Deum recte appropinquare possumus: *Hebr.* 10. 22. 1 *Joh.* 1. 6, 7.

XXXV. Succedit *Templum*; in quod ipsum Tabernaculum, post varias de loco in locum transportationis, cum Arca, tandem fuit illatum: 1 *Reg.* 8. 4 2 *Chron.* 5. 5. Templum illud a Salomone Rege pacifico, Hierosolymis in monte Moria, ubi fuerat arca Ornanis Jebusæi, fuit exstructum: 2 *Chron.* 36. 14. 1, xxj, 22, 26, -28. xxij, 1. De hujus figura & fabrica, atque instrumentis, vide 1 *Reg.* vi. & vij. 2 *Chron.* iij. & iv. Hoc interim tenendum, quod Templum illud, & loci stabilitate, & ornatuum amplitudine, longe magnificentius fuerit Tabernaculo. Sic spirituale Ecclesiæ incrementum, plenitudo item & stabilitas, ac denique præstantia bonorum spiritualium in Christo, propius fuit adumbrata.

Veruntamen ad imperfectionem istius œconomix demonstrandam, Templum illud aliquoties expilatum; 1 *Reg.* 14. 25. 2 *Chron.* 24. 7. & profanatum; 2 *Chron.* 33. 4, 5, 7. tandem a Chaldæis eversum; *Ezr.* 5. 12. & igne combustum est; 2 *Reg.* 25. 9. Post reditum tamen à captivitate Babylonica, Templum ex mandato Cyri denuo ædificatum; 2 *Chron.* 36. 22, 23. *Ezr.* 1. 2, iij, 2, -. Sed structura ejus per malevolos primum impedita; iv. sub Dario & Artaxerxe deinceps continuata; vj. 1, 6, -15. tandem fuit consummata; *ibid.* Sic nimirum Ecclesia per Evangelium erat restauranda: *Zach.* 6. 12, 13.

Stante Templo secundo Christus opus redemptionis

nis nostræ peragere debuit: *Hag.* 2. 8, -10. Sed posteaquam illud ab Antiocho Epiphane profanatum: *Dan.* 8, 11, &c. xj, 31. a Juda Maccabæo repurgatum: i *Macc.* 4. 43, - ab Herode Magno splendide restauratum fuit; tandem, juxta prophetiam *Dan.* 9. 26. & ipsius Christi prædictionem, *Matth.* 23. 38. xxiv, 2. à Tito Vespasiano penitus eversum est absque ulla spe restorationis. Sic umbra cessavit, exhibito corpore: *Iob.* 1. 17. *Col.* 2. 17. *Hebr.* 10. 1, 2.

XXXVI. Superfunt *Tempora sacra*, cultui œconomico V. T. specialiter dicata: horum quædam recurrebant quotannis, five aliquoties, five semel: quædam non nisi plurium annorum lapsu.

Aliquoties quotannis recurrebant primò *Dies*: Singulis enim diebus sua statuta erant sacra: Juge scilicet sacrificium agni anniculi in holocaustum, cum munere suo, tum mane tum iterum vesperi offerendum; iisdemque temporibus suffitus in Thymiaterio faciens: *Num.* 28. 2, -8. xxix, 38, -42. xxx, 7, 8, 26. Sic jugis noster cultus Deo præstandus & acceptus est in Christo: *Rom.* 12. 1.

Secundo *Sabbathum* sub V. T. hebdomadatim sancta quiete erat transigendum, & quidem ipso die a creatione septimo, duplicato tunc jugi sacrificio: *Num.* 28. 9, 10. Ita quò magis cultui Divino vacamus, eo debemus reconciliationem Christi meditari ardentius.

Terrio *Kalendæ*, seu *Neomeniæ*; quæ erant principia Mensium, cum denuo conspiceretur Luna post sui cum Sole conjunctionem. De speciali cultu tunc præscripto, vide *Num.* 28. 11, -15. Sic omnes menses & tempestates, per Christum nobis sanctificantur.

XXXVII. Semel quotannis recurrebant *Festa*: eaque vel magis, vel minus solennia; atque item *solennis dies expiationis*. Festa magis solennia erant, primò *Festum Paschatis*; quod celebrandum erat mense primo

mo anni sacri, qui nostro Martio potissimum responderet: atque huc pertinuit esus Agni paschalis, & Panum azymorum, atque item Dies Convocationis. Agnus paschalis die decimo quarto, qui erat plenilunii, inter duas vespervas debuit jugulari; integer ad ignem assari; à personis mundis cum azymis & amaris herbis comedi; reliquiis, si quæ superessent in matutinum sequens, igne combustis: *Exod. 12. 2, -6, 8, 9. 10, 46. Num. 9. 1, -5.* Sic commemorabatur egressus ex Ægypto; & fides eadem opera dirigebatur in Christum, Agnum inculpatum: 1 *Petr. 1, 19.* tollentem peccata mundi: *Iob. 1. 29.* cujus morteredempti è servitute spirituali in coelestem hæreditatem traducimur. Panes azymi, quibus per septem dies vescendum fuit, remoto ipso primo die omni è domibus fermento, *Exod. 12. 15.* indicabant, ab omni perversæ doctrinæ & iniquitatis fermento abstinendum accurate: 1 *Cor. 5. 6, -8.* Per dies autem Convocationis, qui erant primus, & septimus, sive ultimus Paschatis, quibus nullum opus, præter ciborum præparationem, permissum fuit: *Exod. 12. 16.* indigitabatur omnimoda, per initium & finem, totius vitæ nostræ Deo consecratio: 1 *Cor. 5. 7.*

Secundo *Festum septimanarum*; de quo *Levit. 23. 10, -14.* Scilicet die decimo sexto mensis primi afferendus erat ad Sacerdotem manipulus primitiarum, agitandus coram Jehovâ. Sic messis ceremonialiter sanctificata, nostri spiritualement sanctificationem per Christum figurabat. Exinde septem numerandæ erant septimanae; postridie vero erat *Pentecoste*: tunc novum munus adferri debuit Iehovæ in agitationem; de quo copiose *ibid. vers. 15, -21.* Sic videl. cum lætitiâ spirituali celebrare debuerunt memoriam liberationis ex Ægypto; simulque spiritualement liberationem per Christum fide contemplari. *Deut. 16. 10, 11, 12. Hebr. x1. 28, 29. 1. Cor. x. 1, -4.*

Ter-

Tertio ; *Festum Tabernaculorum* celebrandum erat die decimo quinto mensis septimi : ac deinceps : agitata tunc erat lætitia coram Iehova , per septem dies continuos ; & commemorandum, quomodo Israëlita Ægyptum egressi habitassent in tabernaculis: *Levit.* 23. 34, 36; 40, 43. *Nehem* 8. 15, 19. De sacrificiis & muneribus hujus Festi vide *Num.* 29. 12, & *seqq.* Sic Christus, ejusque vita humilis, *σκήνωσις ἐν ἡμῖν*, mors & redemptio, cum gaudio spirituali indefinenter commemoranda : *Zach.* 14. 16, &c. *Ioh.* 1. 14.

.XXXVIII. Minus solenne erat *Festum Tubarum* ; primo die mensis septimi, tubarum clangore, quiete, & sancta convocatione transigendum: *Levit.* 23. 24, 25. De sacrificiis hujus Festi vide *Num.* 29. 2, 6. Sic autem continua spiritualis lætitia, & gratiarum actio, sub Evangelio resonare debent : *Ies.* 35. 1, 2, 10, *Phil.* 4. 4 & *Thessal.* 5. 16.

Superest *Solennis dies expiationis*. Decimo scil. die mensis septimi, animæ stato & quieto jejunio erant affligendæ: *Levit.* 16, 29. 31. *Num.* 29. 7. oblati sacrificiis, ut in octavo Festi tabernaculorum; & ordinato peculiari cultu ad sanctuarium, tentorium conventus, altare, Sacerdotes, totumque populum, per Pontificem expiandos : *Levit* 16. 32, 34. Sic omnes fideles per Christum expiati sunt, omnisque eorum sanctificatio ex ipso proficiscitur : *Hebr.* 9. 14. & *Ioh.* 2. 2. *Tit.* 1. 15

.XXXIX. Plurium annorum lapsu recurrebant *Annus Sabbathicus*, & *Jubilæus*. Ille erat septimus quisque; indè ab introitu in terram Canaan, quo terra quievit, & omnis ejus cultus fuit intermissus : *Levit* 25. 4, 7. Sic quies cœlestis per Christum adumbrabatur : *Hebr.* 4, 6, 11. *Col.* 3. 1, 2.

Hic erat annus quisque quinquagesimus, quo omnibus Tubarum clangore libertas promulgari, singuli ad hæreditates & familias suas reverti, & servi populares

lares manumitti consueverant: *Levit.* 25. 8, 16; 27. 28. &c. Sic plena libertas per Christum parata, hæreditas cœlestis per eundem vindicata, & Euangelio promulgata, figurabatur: *Ies.* 61. 1, - 4. *Luc.* 4. 17, - 21.

Sed neque prætereundum, quod ipse *status Israelitarum politicus*, à Deo peculiaribus quibusdam legibus speciatim ordinatus ac munitus, spirituales & beatum Ecclesiæ statum, in communione Christi, figurarit: *Eph.* 2. 12, 13, 14; 19, - 22. *Hebr.* 12, 22, - 24. *I Petr.* 2. 9, 10.

XL. Sic satis de œconomia V. T. Succedit œconomia N. T. quæ ejusdem essentialiter Fœderis ac Testamenti esse cum Veteri, probavimus nuper. Notandum interim *discrimen aliquod accidentale*, tum ratione temporis, tum respectu qualitatis & quantitatis:

Ratione temporis: quia sub V. T. Messias credebatur exhibendus; unde vota fidelium, *Utinam lacerans cœlos descenderes!* *Ies.* 64. 1. *O si quis daret te fratrem esse mihi, sugentem ubera matris meæ!* *Cant.* 8. 1. & similia; virtute fidei & infallibili promissionum Divinarum certitudine interim sustentata: *Ies.* 9. 5. At sub N. T. prædicatur Messias exhibitus. Confer Historias Evangelicas.

XLI. *Ratione qualitatis*, Claritas sub N. T. longe major est, quam sub V. Tunc enim obtinuit *umbra*; nunc sub N. *ipsum corpus*: *Col.* 2. 17. & *expressa forma rerum*: *Hebr.* 10. 1. Illic fideles *promissa eminus* tantum fuere *conspicati*; hic *adepti*: *Hebr.* x1. 13. atque adeo in universum doctrina Evangelica sub N. T. & Verbo clarius explanatur, & signis expressius confirmatur in ordine ad intellectum nostrum; quàm olim sub V. *2 Cor.* 3. 11. - 13.

Libertas nunc etiam major est: primo enim sub V. T. Fœdus Legale rigide identidem fuit inculcatum; nec consolationibus Evangelicis tam clare ac suaviter

ter temperatum ; ac proinde populus quadam servitutis specie detinebatur. At sub N. T. ipsum Evangelium clarius prædicatur ; gratiarum sanctificationis, tum adoptionis major est, atque adeo major libertas. Hebr. 8. 8, - 10. &c. Jerem. 31. 31, &c. Gal. 3. 24, 26. Deinde sub V. T. obtinuit *jugum* istud Legis Cerimonialis, onerosum & grave. Sed totum hoc in N. T. omnino sublatum est. unde Paulus, Gal. 5. 1, 2, 3. *In libertate igitur, qua Christus nos liberavit, perstate, & ne regredientes implicamini servitutis iugo*, &c. Vide etiam Añ. 15. 10.

XLII. *Ratione quantitatis*, primo *intensive* sub N. T. dona gratiæ sunt insigniora ; & efficacior ordinarie per Spiritum est applicatio, quam sub V. Unde illa oppositio *Literæ, & Spiritus ; ministerii condemnationis ac mortis, & justitiæ ac vitæ*, quatenus tunc Spiritus se parcius exerebat ad justitiam & vitam : 2 Cor. 3. 6, - 9 ; 18.

Deinde *extensive*, respectu locorum & gentium, de qua restrictione sub V. T. Psal. 147. 19, 20. *Indicat verba sua Iacobo, statuta & jura sua Israeli. Non fecit ita ulligenti, &c.* Confer Eph. 2. 13. *Vos qui olim eratis longinqui, propinquifacti estis.* - Adde Gal. 3. 28. Iob. 4. 21, 23. Nec non respectu temporis ; quatenus œconomia V. T. juxta prophetiam Dan. 9. 24, 27. abolenda, & novum pactum veteri erat successurum : ita ut verus pactum per novum istud prorsus sit antiquatum : Hebr. 8. 7. & seqq. œconomia vero N. T. ad consummationem sæculi duratura : Matth. 28. 19, 20. Quapropter & hæc postrema tempora dicuntur : Añ. 2. 17. 1 Tim. 4. 1. 1 Iob. 2. 18. cum post hac non alia doctrina, non alia œconomia, expectari debeat.

XLIII. Atque ita asserimus contra Judæos ; 1. Messiam dudum venisse ; & quæ in terris erant peragenda omnia consummasse. 2. Gentiles ad salutarem ejus communionem etiam vocatos. & 3. Œconomiam

miam V. T. carnalem & umbraticam, hac œconomia N. T. magis spirituali & gloriosa esse permutatam.

Primo Adventum Messiae jamdudum præterisse, probamus; 1. Ex statu Judæorum politico: Sic Gen. 49. 10. *Non recedet Sceptrum à Iuda, nec Legislator de medio pedum ejus usque dum venerit Schiloh; & ipsi obedientia populorum.* Vaticinium illud de Messia exponendum, ex ipso verborum contextu cuilibet obvium est; atque adeo cum Tempus adventui Messiae destinatum præcise assignetur, omnisque potestas, tum Regum, tum Ducalis, & Legislatoria penens tribum Judæ manfura dicatur, donec veniret Messias, Rex ille spiritualis, cui omnes populi in fide essent parituri; jam autem omnis potestas a gente Judaica dudum sit sublata; ipsum Messiam dudum venisse, necessum est. Adde Prophetias, 2 Sam. 7. 15, 16. Psal. 89. 4, 5, 30, 36, 37. Ier. 33. 17, 20, 21, 22. 2 Reg. 8. 19. Ies. 9. 5, 6.

2 Ex statu Judæorum Ecclesiastico: Hag. 2. 7, 10. *- Adhuc pusillum illud est; & commoturus sum cælos, & omnes gentes, ut veniant ad desiderium omnium gentium: implebo hanc domum gloria. - Meum est argentum, & meum est aurum. - Major futura est gloria domus hujus posterioris quam illius prioris: - nam in loco hoc dabo pacem, &c.* Agitur ibi de Templo posteriore, cui præ priore, & quidem brevi major gloria promittitur; non quæ consisteret in auro, argento, &c. sed in pace; eaque non corporali, quæ durante Templo secundo non fuit valde insignis; sed spirituali: quo sensu ipse Messias appellatur, *Princeps pacis*; Ies. 9. 6. qui proinde venturus debuit intelligi stante adhuc Templo secundo. Cum autem Templum illud secundum sit eversum, consequens est & ipsum Messiam dudum venisse.

Similiter Mal. 3. 1. *Ecce, Ego missurus sum Angelum meum, qui expediat viam ante me: & repente veniet in Templum suum Dominus, quem vos quæritis; & Angelus fœderis, quo vos delectamini. Ecce venturus est!* atque

iterum iv. 5. *Ecce Ego missurus sum vobis Eliam Prophetam, antequam veniat dies Iehovæ maximus & reverendus.* Scil. mittendus erat Messias, Dominus cujus erat Templum, Angelus ille foederis, cujus præcursor Elias; atque ille confestim expectabatur, brevi mittendus ad Templum. Sic illum quasi advenientem demonstravit postremus Propheta; cujus finem, Evangelii sui principium fecit *Marcus, i. i, 2.*

3. Ex illustri vaticinio, *Dan. 9. 24, - 27,* ubi uterque status, & utriusque excisio, diserte proponitur; ac simul definitum tempus exprimitur, quo venire debuit Messias. Sic autem habet textus; *Septimane septuaginta decise sunt super populum tuum, & super civitatem sanctam tuam, ad cohibendum defectionem, & ad obsignandum peccata, & ad expiandum iniquitatem & ad adducendum justitiam perpetuam, & ad obsignandum visionem ac prophetam, & ad unguendum Sanctum sanctorum.* Igitur cognoscito, & intelligito, ab enunciatione verbi de reducendo populo, & de edificandis Hierosolymis, usque ad Messiam antecessorem, fore septimanas septem; deinde septimanas sexaginta duas. - Post septimanas autem illas sexaginta duas excidetur Messias; sed non propter se. - Corroborabit vero multis Fædus septimana una: dimidio autem septimane abolebit sacrificium, & munus, &c. De Messia agi, palam est ex aperta ejus designatione, *vers. 24. & 26.* quin imo talia de eo commemorantur, *vers. 24.* quæ non possunt nisi Messiae competere. Et quidem illa omnia evenire debuerunt intra 70. hebdomadas à restauratione populi & urbis tunc facienda, ad ultimam utriusque excisionem. Hebdomadas autem annorum hoc loco intelligendas esse, (de quibus etiam *Levit. 25. 8.*) plus quam manifestum est: unde consequenter summa conficitur annorum 490. Cum vero tempus illud, & multa insuper sæcula dudum præterierint, rursus colligimus, Messiam quoque dudum venisse.

Addi-

Addimus propter affinitatem : *Dan. 2. 44, 45. In diebus Regum istorum, suscitabit Deus cœli Regnum, quod in sæcula non destruetur; & Regnum ipsum populo alieno non relinquetur: comminuet, & consummabit omnia illa regna; ipsum autem persistet in sæcula. Quandoquidem vidisti è monte exscindi Lapidem, qui non est in ullis manibus, &c.* Messia regnum hic necessario intelligendum est : nullum enim aliud tam perpetuum & constans datur; nec alii, illud de Lapide, sine manibus exciso, potest applicari. Confer *Ies. 28. 16. Psal. 118. 21, 22.* Illud autem suscitandum dicitur in diebus Regum istorum, *Ægypti sc. & Asiæ minoris; Seleucidarum & Lagidarum.* Confer *Dan. xj. 4. ij. 41, 42, 43. viij. 21. 22, 23.* Cum vero priora illa regna non solum a Romanis devicta & occupata sint, sed & ipsum illud Romanum imperium dudum occiderit; consequens est, & ipsum Messiam dudum venisse.

4. Ex quibusdam circumstantiis, ut quod nasci debuerit Bethlehemæ, in oppido Iudæ: *Mich. 5. 1, 2. ex femine Abrahami, Isaaci, & Iacobi; Gen. 22. 18. tribu autem Iudæ; 49. 8, 10. & quidem ex familia Davidis; Ies. xi. 1. &c. 2 Sam. 7. 22. Psal. 132, 10, 11. cuius nomine Messias frequenter insignitur; Ierem. 30. 9. Hos. 3. 5. & alibi.* Sed cum oppidum illud jam pridem fuerit desolatum ac dirutum; & tota gentis Iudaicæ politia prorsus eversa, personis omnino dispersis, & distinctionibus tribuum ac familiarum penitus sublatis, evidens est Messiam jam venisse; & frustra venturum à Iudæis expectari.

His addi possunt nonnulla ad hominem ex propriis Iudæorum sententiis, & opinionibus de Adventu Messia.

XLIV. *Obj. 1.* Elias nondum venit, qui Messia viam parare debuit: *Mal. 4. 5. Resp.* Elias dudum venit: non quidem Thisbites ille; sed alter, ejus spiritum & virtute; Johannes Baptista; *Luc. 1. 17. cum Matth. xi. 14. xviij. 12.*

Obj. 2. Hactenus mons Tzionis non est exaltatus; nec obtigit illa pax, de qua Ies. 2. 2, 3, 4. *Resp.* Locus ille allegorice de illustri Ecclesiæ statu sub N. T. accipiendus est; cuius gloria potissimum consisteret in vocatione Gentium, pace spiritali, & mysticâ sanctorum communione

Obj. 3. Zach. 6. 12, 15. Templum à Messîâ exstruendum dicitur; quod non factum. Ergo. *Resp.* Imo Templum spirituale, ex Judæis & Gentibus collectum est, & porro colligitur: 1 Petr. 2. 4. 5.

XLV. Vocationem Gentium prædixit Moses: Gen. 49. 10. istic enim adventui Schilonis adiungitur obedientia populorum. Et jam ante, ix. 27. *Alliciet Deus Iaphetum, ut habitet in tentorijs Schemi.* Iterum Deut. 32. 21. *Ad zelotypiam commovebo eos, per eum qui non est populus; per gentem stultam provocabo eos.* 43. *Cantate Gentes, & Populus ejus! Confer Rom. 10. 19. xv. 10.*

2. Probatur ea ex Psalmis; ij. 8, - *Donabo gentes in possessionem tuam, & fines terræ jus possessionis tuæ.* lxxij. 8, - 11. *Dominabitur à mari uno ad alterum, & à flumine quaqua sunt fines terræ. Coram eo honorem exhibentes incurvabunt se barbari. - Omnes gentes servient ei.* Adde xxij. 28. lxvij. 3, - 6. &c.

3. Ex Prophetis; Ies. 2. 2, 3, 4. *Erit ergo ultimis temporibus, ubi constitutus fuerit mons domus Iehovæ in vertice aliorum montium; - ut confluant ad eum omnes gentes, - dicentes; Venite, ut ascendamus in montem Iehovæ; ut doceat nos de viis suis, &c.* xj. 10: *Erit etiam tempore illo, ut ad eum qui è radice Isai stabit in signum populorum, gentes consulturæ veniant, &c.* Vide insuper Ierem. 7. 19, - 21. Dan. 7. 13, 14. Hos. 1. 10, - 12. Joel. 2. 28. Confer Rom. 4. 11, 12. 21. Complementum illustre habemus in orbe Christiano, si consideretur, qui olim obtinuit; Gentilismus. Hinc de Ministris Euangelii, Rom. 10. 18. *in omnem terram exivit sonus eorum, & ad ultima*

ma orbis terrarum verba eorum : juxta mandatum Servatoris, Matth. 28. 19. Ite, & docete omnes gentes, &c. Confer Col. 1. 28. Rom. 4. 9, -12, 16, & seqq.

Obj. Nondum omnes Gentiles conversi sunt ; & multi à Christo defecerunt ad Muhammedismum, aliasque hæreses, errores, & schismata. *Resp :* Sufficit, si multi ex iis olim fuerint conversi, aut hodie etiamnum convertantur ; atque ita illi adducantur, & conserventur efficaciter, qui ex Dei proposito ad istam gratiæ communionem vere pertinent.

XLVI. *Tertio*, Permutationem œconomix V. T. in Oeconomiam N. magis spiritualem & gloriosam, si-ve abrogationem cultus cerimonialis typici V. T. & exhibitionem ipsius corporis in N. quod utique eminentiorem œconomix nostræ statum haud obscure indigitat, asserimus ; 1. Ex diserta prophetia, *Dan. 9. 24, -27.* ubi cum morte Messix conjungitur consequens urbis Hierosolymitanæ excidium ; atque adeo actualis abrogatio sacrificiorum legalium, reliquique cultus cerimonialis ; cujus illa erat metropolis.

2. Ex imperfecta ratione typica. Typis enim non potest competere ipsa virtus & efficacia rerum signatarum : ac proinde in iis non est subsistendum. Hinc ipse Christus ad Patrem suum, *Psal. 40. 7, -9. Sacrificio & munere non es delectatus ; holocaustum & oblationem pro peccato non expetivisti. Tum dixi ; Ecce, venio-facere voluntatem tuam, Deus mi !* Sic per sacrificia, & cultum cerimoniale, qui obtinuit sub V. T. salutis nostræ negotium confici non potuit ; sed veritas in Christo debuit compleri, & exhibitio corpore sub N. T. umbram oportuit cessare. Confer *Exod. 25. 40.* cum *Hebr. 8. 5.*

3. Ex restrictione Legis cerimonialis ; ad unum populum, certam terram, & definitam metropolim : ita *Circumcisio* restringitur ad *Abrahamum* ; ejusque posteror, per *ætates*, vel *generationes suas* ; & quidem addi-

†a promissione de inhabitanda *terra Canaan*: *Gen* 17. 7, 8. 9. Idem quoque de Sacerdotio dicitur, *Levit.* 7. 36. Confer xxiv. 3. *Deut.* 4. 5, 14. vj. 1. xj. 31, 32. & alia. Cum igitur populus iste non posset amplius constituere distinctam politiam, & gentes etiam remotissimæ ad eandem religionis & gratiæ salutaris societatem essent adducendæ: quod sub N. T. factum; omnes certe in unam urbem, ad unum Templum, aliquoties convenire quotannis non potuerunt: atque adeo necessum est, ut cultus isti tantum populo, loco, & tempori peculiaris, cessarit.

4. Ex conditione Novi Foederis; *Jer.* 31. 31. &c. cum *Hebr.* 8. 7, &c. ubi vero *Novum* promittitur, idque magis spirituale, antiquatio & abrogatio prioris indicatur. Sceptum & Legistator istius œconomix tolli debuerunt: *Gen.* 49. 10. Messias, maximus Propheta, audiri debuit: *Deut.* 18. 15. *Psal.* 2. 7, 10. Idem Sacerdos esse debuit, ordinis diversi ab Aharonico: *Psal.* 110. 4. Per eundem assumendi Sacerdotes & Levitæ ex quacunque gente; ad Sacrificia alia spiritualia; *Ies.* 66. 20, 21. Confer *Zach.* 14. 20, 21. *Mal.* 1. 11. *Ies.* 19. 18, 19. *Ierem.* 3. 19. xvj. 14. Atque ita factum re ipsa: Abrogatum est sacerdotium Leviticum, & simul tota Lex cerimonialis: *Hebr.* 7. 12, 18, 19, 24. viij. 7, &c. ix. 9. x. 1, 9, 10, 18. *Act.* 15. 1, 5, 10. *Gal.* 2. 18. *1v.* 5. v. 1. 5. *Col.* 2. 14. Nominatim loca & tempora cerimonialiter sacra; *Iob.* 4. 21, 23. *Rom.* 14. 5, 6. *Gal.* 4. 10, 11. *Col.* 2. 16, 17. Discrimen nationum, & ciborum; *Act.* 10, 13, 15, *Rom.* 14. 2, 14. 17. Atque item Circumcisio; *Gal.* 2. 3, 4. v. 3, 4.

Idem dicendum de Lege Forensi Mosaica, quatenus ea isti populo in ista terra fuit præscripta, imo ipsius Legis cerimonialis quodammodo pars fuit & vinculum. Sic ergo Sceptum, & Legistator, & Politia post adventum Messix tolli, alia vero conditio perfectior & spiritualior succedere, debuit.

XLVII. *Obj.* 1. Lex Dei perfecta; *Psal.* 19. 8. cui nihil addendum, vel demendum: *Deut.* 4. 2. xij. 32. Ergo nec Cerimonialis, aut Politica, debuit abrogari. *Resp.* Toti S. Scripturæ perfectio sua competit integraliter, & singulis ejus partibus analogice partialiter: sed inde non sequitur, quod singula contenta omnes & singulos, ubique & semper, obligent ad observantiam. Lex enim cerimonialis & forensis, obligarunt solum ad terminum sui complementi; Moralis in perpetuum.

Obj. 2. Lex cerimonialis aliquoties dicitur observari debuisse לעולל, *Resp.* Vox illa non semper absolutam æternitatem notat; sed aliquando durationem tantum ad terminum quem communem in isto rerum genere: *Exod.* 21. 6. 1 *Sam.* 1. 22. *Psal.* 61. 5. *Ies.* 32. 14. *Jerem.* 5. 22. *Mal.* 3. 4. Unde frequenter adjungi solet limitatio. *Ad generationes istius populi.*

Obj. 3. Ipse Jesus professus est, se non venisse ut Legem solveret, sed ut eam impleret; *Matth.* 5. 17. *Resp.* Recte: implevit Legem, tum Cerimonialem, cujus veritas & complementum in ipso fuit, tum Moralem, universam ejus obedientiam consummando, à corruptelis humanis eam vindicando, & ut perpetuam vitæ normam puritati suæ restituendo.

XLVIII. Pro *Praxi*; 1. Summam ipsius Dei & Mediatoris nostri *Φιλανθρωπίαν*, in hoc Fœdere gratiæ demonstratam pie agnoscamus: 1 *Iob.* 4. 9, 10. 2 *Cor.* 5. 14, 15. 1 *Petr.* 2. 9.

2. Internæ hujus Fœderis communioni serio studeamus: 1 *Iob.* 1. 3.

3. Evangelium, quo Fœdus istud annunciat, praximi semper faciamus: *Rom.* 1. 16. x, 8, 17. 1 *Cor.* 2, 2.

4. Felicitatem hujus Oeconomix, tum claritate, tum libertate, tum etiam amplitudine sua, præ veteri apprimè commendabilem, prudenter æstimemus: 2 *Cor.* 3. 18. *Gal.* 5. 1, 13.

5. In hac majori gratiæ intensione, quæ nunc obtinet, ejusdemque ampliori extensione, non tantum de propria nostra salute, sed & aliorum conversione, sedulo laboremus: 2 Petr. 1. 5, -8. Phil. 2. 12. 1 Thess. 5. 11. Hebr. x. 24.

C A P. XII.

De Christo Mediatore.

ἡ ἁγία Χριστός. *Unctio ista. Christiani. 1. Jesus. Minoritarum Jesus typicus. Iesuitæ. Istud nomen non prosequendum cultu adorationis. Object. solv. Neque ipsum chartæ inscriptum, haberi debet pro remedio adversus pestem, &c. Nazarenus. 2. Descriptio Jesu Christi Mediatoris. 3. Debit esse Deus & Homo. 4. Duæ naturæ sæpius conjunctim proponuntur in SS. Literis. Natura Divina. 5. Natura humana veritas. 6. Ortus causa efficiens prima. 7. Principium ex quo; c. Anabapt. 8. Objectiones solv. 9. Sententia Socini. Corporis conformatio. 10. Maria Virgo. solv. Non vovit perpetuam virginitatem; c. Pontif. 11. Duarum naturarum unio hypostatica. 12. Unitas personæ. 13. Sententiæ Nestorianorum. Eutychianorum. Monotheletarum. 14. Objectiones solv. 15. Nulla mutatio Deitatis. Patripassiani. Non mutatio personæ τὸ Λόγος. In Humanitate Gratia unionis personalis. Charismata. 16. Sanctitas. & impeccabilitas. Obj. solv. 17. Sapientia. Potentia. 18. In personâ, Gratia muneris Mediatorii. Communicatio idiomatum in esse reali, in modo prædicandi. 19. Sententia Lutheranorum. Obj. solv. 20. Omnipræsentia non competit humanæ naturæ. Obj. solv. 21. Nec Omniscientia. aut Virtus vivificandi*

candi. Potestas remittendi peccata. Majestas, & Gloria Divina. 22. Communio apotelesmatum. 23. Officium Christi. Mediator. Etiam apud Deum pro hominibus; reconciliationem vere peragens. 24. Objectiones solv. 25. Mediator secundum utramque naturam; c. Pontif. Socin. &c. 26. Non Angelorum. Obj. solv. 27. Factus statim post lapsum. 28. Unus; c. Pontif. 29. Sponsor noster. Obj. solv. 30. Redemptor. 31. Exc. & Obj. solv. 32. Salvator, verus; perfectus; unicus. Obj. solv. 33. Unctus. Propheta. Sacerdos. Rex. Plenissimè opitulatur necessitatibus nostris. Ordo istorum munerum. 34. Munus Propheticum. 35. Ejus perfectio. Fidelitas. Efficacia. Modi. 36. Munus Sacerdotale verum ac proprie dictum; c. Socin. Obj. solv. 37. Ejus typi. 38. Summus Sacerdos V. T. Melchizedek. 39. Oblatio Christi. 40. Unica; in cruce: c. Socin. Obj. solv. 41. Sententia Pontif. Crux non altare proprie. 42. Oblationis effectus. Non obtulit etiam pro seipso; c. Socin. 43. Intercessio. Hæc Christo propria. 44. Munus Regium. spirituale. Pluribus modis universale; sed cum discrimine 45. Ejus actus. 46. Istud Regnum Christo proprium. 47. Status Christi incarnandi. Incarnati. Humiliationis. 48. Nativitas. Non facta clauso utero c. Pontif. & Luther. Obj. solv. 49. Vita privata. Paupertas. Humilitas. Subjectio ad Legem Dei. Circumcisio. Presentatio coram Domino. 50. Vita publica. Ejus initiatio. Non raptus in cælum: c. Socin. Obj. solv. 51. Peractio. Paupertas. Non Mendicitas: c. Pontif. Conclusio. 52. Mors. Actus. 53. Inchoatio mortis spiri-

spiritualis. Moderatio. Inchoatio mortis corporalis. Mitigatio. 54. Consummatio mortis spiritualis. Descensus ad inferos. Christus vere passus in anima rationali: c. Pontif. 55. Consummatio mortis corporalis. Sepultura. 56. Non descendit proprie ad limbum infernalem; c. Pontif. Obj. solv. 57. Fines humiliationis istius. 58. Status Exaltationis. 59. Resurrectio. Ejus actus duplex. Prædicta. Facta virtute Divina: etiam ipsius Christi. Fines ejus. Quomodo comprobata. 60. Ascensio in Cælum. Subjectum. Termini. Modus. Tempus. Prædicta. Causa efficiens. Fines. 61. Ratio ordinis. Testes. 62. Non omnipræsentia Christi secundum humanam naturam; c. Luther. nec multipræsentia; c. Pontif. Obj. solv. 63. Sessio ad dextram Dei. 64. Causa ejus efficiens. Fines. 65. Male Lutherani inde colligunt ubiquitatem Christi secundum humanam naturam. Et Socin. Christum per eam factum esse Filium Dei, &c. 66. Jesus Christus est verus Messias: c. Jud. Obj. solv. 67. Praxis. 68.

I. **M**ediator Fœderis Evangelici Hebraice frequenter מְשִׁיחַ appellatur; h. e. Unctus: à rad. מָשַׁח, utpote peculiari quadam ratione præconfortibus suis unctus; Psal. 45. 8. & à Patre suo, ad negotium salutis nobis impetrandæ & applicandæ unice designatus. Act. 4. 12. Cæteroquin nomen illud laxiore significatu aliis etiam commune est: ut 1 Sam. 24. 7. 2, 1, 21. Psal. 105. 15. In N. T. Μεσσίας dicitur; quod Græcè redditur nomine idem significante, Χριστός, à verbo χρίω, Ungō; Job. 1. 42. IV, 25.

De

De Unctione illa vide specialius *Jes. 61. 1. Psal. 2. 6. Act. 4. 27.* quæ cum in omnia & singula ejusdem Corporis mystici membra à Capite quodammodo dimanet, juxta locum *1 Joh. 2. 27* Unctio, quam vos accepistis ab Eo, manet in vobis, &c. nihil mirum ab ista unione, & spiritualis chrisinatis communione cum Christo, fideles denominari *Christianos*; qui titulus Antiochiæ primum usurpatus: *Act. xi. 26.* & deinceps alibi quoque frequentatus; *xxvj, 28. 1 Petr. 4. 15, 16.* ad nos tandem pari ratione traductus est.

II. Nomen proprium, ab ipso Deo per Angelum ei impositum, est *Ἰησοῦς*, *Jesus*, à rad. *יָשַׁע* quod in *Hiph. יְשַׁעַת*, *Salvum fecit, Liberavit.* Atque hinc *Matth. 1. 21. Vocabis nomen ejus Jesum: Ipse enim liberabit populum suum ex peccatis ipsius.* Sic *Jesus* idem valet, quod *Servator*.

Ac proindè non nisi blasphemè inter Pontificios, Minoritæ, Franciscum suum *Jesum typicum* appellant; quemadmodum & Loyolitæ sectam suam vocant *Societatem Jesu*, & *Jesuitas*: plures enim *Servatores*, aut *Servatoris socios*, Scriptura prorsus ignorat; quin imò *Servator de se, Jes. 63. 3. Torcular calcavi solus; nam ex populis nullus vir mecum. & vers. 5. Quum intuerer, nullum esse adiutorem, &c.*

Perperam eidem Nomini tribuitur singularis quædam sanctitas; cujus gratia ipsum auditum perceptum, identidem cultu adorationis esset prosequendum: cultus ille non nisi personæ debetur; Nomen autem signis accensendum est. Neque istud nomen dicendum magis sanctum, quam *יְהוָה*, aliavè similia.

Obj. Phil. 2. 10. Ut in nomine Jesu omne genu se flectat, &c. Resp. Id metonymicè de personâ intelligendum; ut *Act. 4. 12.*

Nec minus absurde nomen *Jesu* chartæ incriptum, vel insuper additis nominibus *Marie* & *Anna*, ex collo suspenditur, aut valvis affligitur, &c. tanquam pro-

prophylacticon adversus pestem, aliave mala, &c.

Nomini Iesu frequenter additur agnomen *Nazareni*: *Marc.* x. 47. *Luc.* 18. 37. & alibi: de cuius origine vide *Matth.* 2. 21, -23. cum *Ies.* xi. 1.

III. *Iesus Christus Mediator* est secunda *Essentia Divina Persona*, quæ *Naturam* vere humanam ex substantia *Virginis Mariæ*, quantum ad *Corpus* attinet, in plenitudine temporis assumpsit, eamque sibi univit hypostatice; ad opus redemptionis & salutis nostræ peragendum. *Job.* 1. 14. *Sermo ille factus est caro.* 1 *Tim.* iiij. 16. *Deus conspicuus factus est in carne.* *Gal.* 4. 4, 5. *Postquam venit plenum tempus, emisit Deus Filium suum, factum ex muliere, factum Legi Subjectum; ut eos, qui Legi subjecti erant, redimeret.*

IV. *Mediator noster omnino Θεάνθρωπος* esse debuit, h. e. *Deus & Homo* in una *Persona*; ut esset verus ille *לְמַנְיָא*, *Ies.* 7. 14. & utriusque naturæ, tum *Divinæ*, tum *humanæ* particeps, quæ apud *Deum & Homines* erant peragenda, vere expediret. *Hebr.* 5. 1. 1 *Tim.* 2. 5, 6.

Homo ut esset, requirebat ipsa *Dei Justitia*; quæ peccatum punire noluit, nisi in ea natura quæ peccasset: *Gen.* 2. 17. *Redemptor* igitur, & *Vindex* noster futurus, nobis conjunctissimus, & quidem per omnia similis, fieri debuit: *Hebr.* 2. 14. 17. excepto tamen peccato: *iv.* 15. Nam cum ipse peccator ne quidem pro se possit satisfacere; *Psal.* 130. 3. nedum pro aliis; *xlix.* 8. consequens est, ut *Vas*, & *Sponsor* noster factus; & ipsemet *Legi* subjectus, sanctus esset ac justus: *Hebr.* 7. 26, 27. ut nos ab execratione *Legis* redimeret: *Gal.* 3. 13. atque omnem obedientiam *Legi* debitam, ad jota & apicem unum, præstaret: *Matth.* 5. 17. iiij. 15. Sic ille pro peccatis pati debuit, justus pro injustis, &c. 1 *Petr.* 3. 18. *Rom.* 5. 19. viij. 3, 4. 2 *Cor.* 5. 21. Hinc *Filius Dei* non *Angelos* assumpsit, sed semen *Abrahæ*: *Hebr.* 2. 16. ut & *Is* qui sanctificat, & qui sanctificantur, ex uno sint omnes: *vers.* 11,

Deus

Deus ut esset, requirebat, rum salutis Impetratio, rum ejusdem Applicatio. *Impetratio* quidem: Nam infiniti valoris satisfactio pro reatu præstanda. Sacerdotem, Sacrificium, & Intercessionem immensæ dignitatis ac meriti postulabat: neque enim aliter infinitæ Majestatis offensa poterat expiari, quam ejus sanguine, qui esset infinitus: *Act. 20. 28.* non aliter ira Patris placari, quàm ejus reconciliatione, qui esset Filius dilectissimus: *Rom. 5. 10.* non aliter potestas Satanae & mortis aboleri, quàm ab eo, qui omnibus Diabolis potentior, mortis potestatem & imperium vere haberet: *Hebr. 2. 15.* cum *Apoc. 1. 18.*

Atque item *Applicatio*: Nam & illa potentiam requirebat infinitam; cum non alius nos efficaciter ad imaginem Dei potuerit restaurare, nisi qui esset imago Dei invisibilis: *Col. 1. 15.* non alius nos Dei filios facere, nisi qui esset Filius Dei naturalis: *Hebr. 1. 3.* non alius justitiam nobis donare, nisi qui esset Jehovah justitia nostra: *Jerem. 23. 6.* non alius Spiritum conferre, nisi is à quo Ille procedit: *Job. 15. 26.* nec alius vitam æternam nobis dare, nisi qui esset ipsa vita: *Iob. 14. 6.*

V. Hinc etiam duæ istæ Naturæ toties conjunctim proponuntur: ut *Jes. 9. 5.* - *Puer natus est nobis, Filius datus est nobis; - cujus nomen - Deus fortis robustissimus, Pater æternitatis, &c.* *Mich. 5. 1.* *Tu, Bethlehem Ephratae, - ex te Mihi prodibit, futurus dominator in Israele; cujus exortus inde à principio, à diebus sæculi sunt.* *Joh. 1. 14.* *Sermo ille factus est Caro; & spectavimus gloriam ejus gloriam ut Unigeniti à Patre.* *Rom. 1. 3, 4.* *De Filio suo factus ex semine Davidis secundum carnem; declarato Filio Dei potenter, - ix. 5.* - *Ex quibus est Christus, quod ad carnem attinet; qui est supra omnes Deus benedictus in sæcula.* Adde *Act. 20. 28.* *1 Tim. 3. 16.* *Tit. 2. 13, 14.* *Hebr. 1. 3. ix. 14.* *1 Petr. 3. 18.*

Sed

Sed distincte considerandæ veniunt *Due illæ naturæ*, & earum *Unio hypostatica*. Prior *natura* est *Divina*, re ipsa quidem communis tribus Personis; at hic spectanda prout subsistit secundâ personalitate, τῷ Λόγῳ. De ea autem egimus, quantum satis est; *cap. 5. th. 11, 16*. Altera est *Natura humana*; cujus tum *veritatem*, tum *ortum* exponemus.

VI. *Veritatem* Scriptura docet; *Hominem* appellando; *Job. 8. 40. Rom. 5. 15. 1 Tim. 2. 5. Item Virum; Act. 17. 31. Jes. 53. 3. & Filium hominis; Matth. 8. 20. ix. 6. & passim*. Unde etiam *alter Adamus* dicitur; *1 Cor. 15. 45. Quin imo partes Hominis essentielles, Animam & Corpus, cum suis Affectionibus*, ei tribuendo. —

Anima ipsi tribuitur, *Jes. 53. 10, 11. Matth. 26; 38. ejusque facultates, Intellectus; Luc. 2. 51. Marc. 13, 32. & voluntas; Matth. 26, 39. Ac porro Affectus, ut Gaudium; Luc. x, 21. Tristitia; Matth. 26, 38. Luc. 19, 41. Metus; Hebr. 5, 7. Ira; Marc. 3. 5. & cæteræ infirmitates istiusmodi miserabiles (non culpabiles), quas ipsemet in vita humili subinde expertus est; Hebr. 4. 14. Consequentem Animam humana de Christo non est neganda; nec ipsa Deitas cum *Apollinaristis* loco animæ substituenda.*

Corpus ei quoque adscribitur; *Hebr. x, 5, 10. 1 Petr. 2. 24. & in institutione Coenæ; Luc. 22, 19. & Caro; Job. 6. 51. Atque etiam proprietates Corporis: ut sunt Localitas, Visibilitas, Finitudo; Luc. 2, 7. Marc. 16, 6. Palpabilitas; Luc. 24, 39. & similes aliæ. Nec non infirmitates Corporis: Videl. Somnus; Matth. 8. 24. Fames; 4, 2. Fatigatio & Sitis; Job. 4. 6, 7. Rejiciendus igitur Marcionitarum & Manichæorum error, qui veritatem Corporis Christi negarunt; & ejus carnem, passionis omnis expertem, dixerunt.*

VII. Ad *Ortum* humanæ istius naturæ quod attinet;

net; ejus *Causa efficiens prima* est Deus triunus: Act. 13. 32. - *Deus excitavit Israeli Servatorem Iesum*. Confer Gal. 4. 4. Hebr. x, 5. Item Phil. 2. 7. Ipse sese *inaniavit forma servi accepta*, &c. Et Luc. 1, 35, -- *Spiritus Sanctus superveniet in te*, -- Matth. 1. 20. Salvo interim cuique Personæ suo ordine operandi, & Filio terminatione istius humanitatis per suam hypostasin. Proxime tamen efficientia ista tribuenda est Sp. Sancto; qui portionem aliquam ex substantia Virginis, ad generationem apta, separavit; & eminentissimâ suâ virtute supplens defectum Viri, Corpusculum humanum inde formavit, animam rationalem ei increavit, eodemque hoc momento totum illud humanæ naturæ efficienter univit cum Persona & Λόγῳ, & à prima sua origine sanctificavit.

VIII. *Principium ex quo unicum*, & simul *Causa efficiens secunda* sui ordinis, fuit foecunda substantia Virginis Mariæ. Hæc erat ex tribu Judæ, Hebr. 7. 14. Matth. 1. 1, 2, - 15. Luc. 3. 23, - 38. Istud autem contra *Valentinianos*, *Apollinaristas*, eorumque sequaces *Anabaptistas*, probe observandum: qui contendunt, Servatorem non ex ipsa substantia Virginis Mariæ carnem assumpsisse; sed eam coelitus adduxisse ex substantia ipsius Dei, vel Sp. S. modo aliquo inexplicabili factam, aut originis incertæ; sic in uterum Virginis immissam & suo tempore in lucem editam. Nos catholicam veritatem asserimus:

1. Quia diserte appellatur *Semen mulieris*; Gen. 3, 15. cum Hebr. 2. 14. *Semen Abrahami*: 22, 18. cum Gal. 3. 16. ex *Semine Davidis*: Rom. 1. 3. Act. 13. 33. Nec est quod Adversarii excipiant, foeminas semen non habere; cum & Scriptura, Hebr. xi, 11. Levit. 12. 2. & natura, contrarium doceant.

2. Ex phrasibus æquipollentibus; ut quod dicatur *Fructus ventris Mariæ*; Luc. 1. 42. *Fructus lumborum Davidis*; Act. 2. 30. juxta promissionem 2 Sam. 7. 12.

1 Chron. 17. 11. Atque huc spectant termini *Generationis*, *Conceptionis*, *Impregnationis*, *Partus*, & similes; *Matth.* 1, 16, 18, 20, 23. & alibi

3. Ex appellatione *Filii*: sic κατ' ἐξοχήν vocatur *Filius hominis* sup. th. 6. specialius autem *Filius Mariæ*. *Marc.* 6. 3. & *Maria* vicissim, *Mater Jesu*; *Matth.* 1. 18. *Luc.* 1. 43. *Joh.* 19, 25.

4. Ex Genealogiis, *Matth.* 1. 1, 15. *Luc.* 3, 23, quarum verus finis est, ortum humanæ naturæ Christi demonstrare.

IX. *Obj.* 1. Servator noster dicitur *Conceptus ex Spir. S.* Ergo. *Resp.* Præpositio *Ex* non semper notat causam materiale; sed quandoque efficientem: *Rom.* xi. 36. 1 *Cor.* 1, 30. ut & hoc loco.

Obj. 2. *Joh.* 6. 33; 51. *Panis ille Dei is est, qui de cælo descendit, & dat vitam mundo, -- Ego sum panis ille verus, qui de cælo descendi. Panis autem, quem ego dabo, caro mea est: Ergo caro localiter è cælo descendit.* Similia sunt *Eph.* 4. 9, 10. *Joh.* 3, 13. *Resp.* *Ista. Joh.* 6. 33, 51. dicuntur quod persona Θεωγενῶς e cælo descenderit Θεωγενῶς, & in carne manifestata sit; ad vitam spiritualem electis suis impetrandam, eamque instar mannæ cœlestis efficienter conservandam.

2. Sic etiam de Persona Θεωγενῶς intelligi debet *Descensus ille in infimas partes terræ*, unde postmodum *ascendit longe supra omnes cælos*, *Eph.* 4. 9, 10, Atque item 3. locus *Joh.* 3, 13. nisi quod *Ascensus* istic metaphorice ad mentem, seu ad intellectum, referendus sit; quo *Filius* non terrena solum, sed & cœlestia intime novit.

Obj. 1. 1 *Cor.* 15, 47. *Primus homo e terra pulvereus: secundus homo, ipse Dominus è cælo, &c.* *Resp.* Et ibi de Persona agitur, beatæ resurrectionis principio; eiusque gloriosa virtus & potestas cœlestis denotatur secundum communicationem idiomatum.

Obj. 4. *Joh.* 3. 6. *Quod genitum est ex carne, caro est,* scil.

peccaminosa. Consequenter Christus, si ex substantia Mariæ carnem suam accepisset, eidem corruptioni foret obnoxius. Sed hoc absurdum est. Ergo. *Resp.* Participatio illa corruptionis ad Christum extendi non debet. Vide sup. cap. 10. th. 27.

X. Affinis est sententia *Socini*, admittentis quidem Christum hominem ex ipsa Dei substantia non esse genitum; imo ex substantia Matris non minus accepisse, quàm alii ex suis matribus accipiant: sed insuper comminiscens, virtutem Dei in utero Virginis substantiam aliquam creatam immisisse, aut ibi creasse; ex qua Christus, juncto eo quod ex Virginis substantia accepit, verus Homo generatus sit. Adeo quidem ut Christus qua Homo, non Matrem tantum habuerit, nempe Virginem Mariam; sed Patrem quoque, videl. Deum. At vero cum conceptus iste non sit Scripturarius, sed absurde confictus operosa refutatione non indiget: neque enim Deum patrem Christi, qua hominis, proprie dicendum, vel ex eo planum est, quod pater ita dici soleat à generatione activa, per quam alia persona ejusdem naturæ generatur. Sed humanitas Christi, natura à Deo diversissima est.

De Corpore Christi multi contemunt, illud prorsus unico momento paratum & conformatum fuisse, quamvis postea successive perductum ad perfectam quantitatem. 1. Quia virtus agentis fuerit infinita. 2. nec Filius Dei assumeret aliquod imperfectum & inanimatum. 3. & Corpus Christi fuerit assumptum mediante anima.

Verum rationes istæ non evincunt, nullas præparationes ac dispositiones in substantia illa præcessisse: nam 1. ex infinita virtute agentis, recte quidem colligitur, quid potuerit; non quid voluerit, Deus. 2. Ipsa generatio formaliter facta est in momento: ex materia satis præparata formatum est corpusculum humanum, eodemque momento anima rationalis

creata, & ei indita; simulque humana ista natura sustentata ac terminata hypostasi ἢ Λόγῃ; atque adeo Filius Dei non assumpsit aliquid imperfectum, aut inanimatum, sed animatum eodem illo momento, ac perfectum essentialiter & integraliter in genere & pro conditione humanæ naturæ jam nunc genitæ. 3. Quemadmodum ergo justum Gestationis tempus post Conformationem subsequutum est, ita non video, cur negandum sit, justum etiam tempus præcessisse, quo materia genitalis foveretur, ac præpararetur, ad justam foetus conformationem.

XI. *Virgo* autem concepit, ac deinceps peperit; juxta prophetiam, *Jes. 7. 14.* cujus complementum indicatur *Matth. 1. 18.*, *Luc. 1. 27, 31, 34, 35.* Sic illa ante partum, atque etiam in partu, *Virgo* fuit: nec verisimile est, vas illud a Sp. Sancto semel imprægnatum, ab homine postea fuisse cognitum carnaliter.

Obj. 1. Matth. 1. 18. Priusquam ipsi convenissent, &c. *Resp.* Illud *Convenire*, non de usu matrimonii; sed de cohabitatione, aut Virginis in domum deductione, commodè potest intelligi. Vide *vers. 20. 24.*

Obj. 2. vers. 25. Neque cognovit eam *Josephus*, quousque peperisset *Filium illum suum primogenitum*: Ergo postea cognovit eam. *Resp.* Particulæ non quousque, & similes, dum quid negant factum ante certum terminum, non necessario statim inferunt post illum terminum id factum, vel futurum. Confer *2 Sam. 6. 23. Matth. 28, 20.*

Obj. 3. Christus appellatur *Primogenitus Filius Mariæ*. Ergo. *Resp.* Sic appellatur, quia Mater neminem peperit ante ipsum; non quasi plures post ipsum peperisset. Vide Legem de redimendis primogenitis; *Num. 18. 15, 16.* Scil. *primogenitus* idem est, qui adaperiens matricem; *Exod. 13. 2. Num. 8. 16. Luc. 2, 23.*

Obj. 4. Fratres & Sorores Domini *Jesu* appellantur.

tur. *Matth. 13, 55, 56.* Ergò. *Resp.* Voces istæ Cognatos & Agnatos subinde notant: ut *Gen. 13. 8.* & alibi. Nisi forte Josephus fuerit viduus, & isti ejus liberi ex priore conjugio; atque adeo fratres Domini Iesu affinitate.

Pontificii in gratiam sui Monachatus contendunt, B. Virginem ante istam annunciationem fecisse votum perpetuæ virginitatis; eo quod dixerit, *Luc. 1, 34. Virum non cognovi.* *Resp.* Absurde: eadem enim non potuit virginitatem Deo, & nuptias simul Iosepho promittere: cum nupta non habeat proprium corpus in potestate; *1 Cor. 7. 4.*

XII. Succedit duarum Naturarum Unio *hypostatica*: ubi primo spectanda *Actio uniendi*, sive ipsa *unio*, quæ est actio Dei, per quam effectum est, ut ista humana natura, cum natura Divina (prout hæc in secunda Persona subsistit) eadem illa hypostasi sustentaretur, ac ultimate terminaretur in existendo. Ea efficienter quidem SS. Trinitati communis est; terminative vero soli Personæ secundæ adscribenda.

Porro autem actionis istius effectus formalis est Unio, sive *Status unitatis hypostaticæ*, in quo deinceps permanferunt dux istæ Naturæ. Atque ista Unio vere est personalis. Hinc *Ioh. 1. 14. Sermo ille factus est caro.* Scil. per talem unionem: similiter fere ut *Gen. 2. 7. Finxit Iehovah Deus hominem de pulvere terræ, sufflavitque in nares ejus spiraculum vitæ: sic factus est homo in animam viventem.* Et *Col. 2. 9. Inhabitat in eo omnis plenitudo Deitatis corporaliter*; sic in ista humanitate, & in isto corpore, tanquam adjuncto substantiali *ἐννωσάτω*, existit, & sese exserit perfectissima Deitatis sufficientia. Confer *1 Tim. 3. 16.*

XIII. Exprimitur etiam istud mysterium per Corporis adaptationem; *Hebr. x. 5.* & cum peculiari respectu ad Filium; per *Assumptionem*, vel *Acceptionem*: *Phil. 2. 6, 7, 8. Hebr. 2. 16.* qui tamen non *Hominem*

assumfit, aut *Personam humanam*; sed Naturam humanam tantum, propria personalitate destitutam: verum ὁ Λόγος sua hypostasi terminat eam ultimè in existendo, ut una solum Persona sit.

Atq; hinc 1. diferte unus *Mediator* dicitur, 1 *Tim.* 2. 5. non duo: & 1 *Cor.* 1, 13. *Christus divisus* esse negatur.

2 Illi Personæ ab isto assumptionis momento, duæ distinctæ Naturæ in SS. Literis passim assignantur; Divina & humana.

Itemque 3. Attributa, tum Divina, tum humana.

Nec non 4. Opera duum generum; adeoque duo principia ἐνεργητικά: imo etiam passiones humanae, & principium tale παθητικὸν; à Natura Divina manifestissime distinctum.

XIV. *Nestoriani* olim, ut duas in Christo Naturas, sic duas quoque Personas, statuebant; Unionem vero nullam agnoscebant, nisi σχελικὴν, relativam. Sed contra hos orthodoxa Antiquitas veritatem solide asseruit; Unionem scil. inter duas distinctas Christi Naturas, esse vere ἁσιώδη, *substantialem*. Atque ita factam esse unam eandemque substantiam primam intelligentem, &c. Et quidem Ἀδιαίρετως, *indivise*, ut Persona non dividatur, nec in ea alius & alius agnoscatur: atque item Ἀχωρίτως, *inseparabiliter*: ut humana ista Natura separari ab hypostasi τοῦ Λόγου non potuerit a primo Unionis hypostaticæ momento, nec separata unquam extiterit, ne quidem in tri-duo mortis.

Eutychiani, in alterum extremum ruentes, putarunt, post incarnationem, unam solum in Christo fuisse Naturam: sive per conversionem humanitatis in Divinitatem; sive duabus Naturis in unam Naturam per confusionem, aut commixtionem, coeuntibus

bus. Sed contra istos eadem orthodoxa Antiquitas asseruit, in una Christi Persona esse vere aliud & aliud: & quidem Ἀτρέπτως, sine conversione; ut enim in Deitatem nulla cadit conversio, sic ea ex conversione alterius naturæ fieri minime potest. Et Ἀσυγχύτως, sine confusione, tum Naturarum, tum proprietatum utriusque Naturæ; cum nec Deitas ullo modo mutabilis sit, nec humanitas Attributorum Divinorum capax, ut subiectum quo; neque Deitas proprietatum humanarum: nec Attributa Divina realiter differant a Natura Divina. Unde veteres admodum concinne; Nequaquam distinctione Naturarum sublata propter Unionem: sed potius servata cujusque Naturæ proprietate; & in unam Personam, atque unam subsistentiam, concurrente. Huc etiam pertinet Distichon:

*Sum quod eram; nec eram quod sum: nunc dicor
utrumque:*

Ignoras, nisi me stirpe ab utraque tenes.

Eutychianis affines erant Monotheletæ, qui unicam duntaxat in Christo voluntatem agnoscebant. Hoc autem absurdum esse, vel ex eo liquet, quod duæ distinctæ Naturæ intellectuales, duas quoque distinctas voluntates inferant.

xv. Obj. 1. Ubi existit utraque pars essentialis ad Hominem constituendum necessaria, ibi etiam existit Persona humana: atqui hic præter Personam ὁ Λόγος: existit utraque illa pars essentialis: ergo. Resp. Partes essentialēs in homine non faciunt formaliter Personam: sed Modus existendi completè, incommunicabiliter, & sic ultimatè: at vero Humanitas Christi ultimam terminationem per se non habet, sed in Persona ὁ Λόγος.

Obj. 2. Illud imperfectionem argueret in Humanitate Christi. Ergo. Resp. Neg. Cum ea habeat quæcunque ad perfectionem humanæ naturæ requirun-

tur; & modus perfectior satis compenſet abſentiam imperfectioris.

Obj. 3. Talis duarum ſubſtantiarum unio, ſine earum confuſione, fieri non poteſt. *Ergo. Reſp. Neg.* Quemadmodum enim in Homine, in eadem natura ſingulari, Anima & Corpus diſtincte ſuam eſſentiam, & proprietates habent: ſic in Chriſto utraque Natura ſuam habet eſſentiam, & ſua attributa: non obſtante unione personali. Et Deitatis perſonalitas ſuſtentat, atque ultimate terminat in exiſtendo, Naturam iſtam humanam ſuis proprietatibus præditam.

Obj. 4. Chriſtus Nicodemo dicebat, *Filium hominis eſſe in cælo: Joh. 3. 13. & Paulus Act. 20; 28. Deum acquiſiſſiſſe Eccleſiam proprio ſuo ſanguine:* ita quæ ſunt unius naturæ, tribuuntur alteri. &c. *Reſp. Negamus ſequelam.* Conſideratio perſonæ in concreto, non debet confundi, cum alterutrius naturæ conſideratione in abſtracto.

XVI. Deitati nulla hinc accidit mutatio; ſed relatio rationis acceſſit ſolum ab illa efficientia ad extra. Nec putandum cum *Patris paſſianis*, quod Pater, aut Sp. S. eadem opera ſit incarnatus, paſſus, mortuus, &c. in ſua humanitate; cum humanitas in hypotaſin Filii tantum ſit aſſumta. Quin imo nec ipſi Perſonæ & Λόγος mutatio accidit, etiamſi per hanc hypotaſin formaliter in exiſtendo terminata ſit Humana Chriſti natura.

Humanitati verò accidit, primo, Modus ille exiſtendi in iſtâ hypotaſi, quem vulgo *Gratiæ unionis perſonalis* vocant; ac deinde ſingularia quædam *Charisma*, ſeu Gratiæ habituales; quibus humana Chriſti natura præ cæteris creaturis inſigniter fuit locupletata: *Joh. III, 34. Non enim Huic admetitur Deus Spiritum.* ſcil. ſimili meſſura, quali reliquis hominibus admetitur. Adde *Pſal. 45. 8. Jeſ. xi. 1. xlii. 1. Joh. 1, 14.*

Act. 10.

Act. 10. 38. Col. 1. 9. 1J. 3, 9. Inprimis igitur hic spectanda eius Sanctitas, Sapientia, & Potentia.

XVII. Quod ad *Sanctitatem* attinet; hanc ipsa unctio Sp. S. à primo conformationis momento humanæ Christi naturæ præstitit: & quidem ita, ut ipsa non tantum immunis fuerit à peccato originali, sed planè impeccabilis, adeo ut ne quidem actu peccare potuerit. Propterea 1. ex istâ Spiritûs Sancti operatione *Sanctum illud* vocatur; *Luc. 1. 35.*

2. Spiritus S. electos salvandos regenerat & sanctificat, ut observent præcepta Dei; *Ezech. 36. 26.* atque efficit in iis ipsum velle, & ipsum agere, pro gratuita suâ benevolentia; *Phil. 2. 13.* Multo magis igitur idem Spiritus debuit esse efficax in Naturâ *ἐννοεῖται* illi Personæ, cujus est iste Spiritus.

3. *Talis omnino nos decebat Pontifex, sanctus, ab omni malo remotus, sine labe, &c. Hebr. 7. 26, 27.* Id postulabat, tum justitia Divina: nam Jus Dei pro nobis impleri non poterat à peccatore: tum veritas Divina, juxta æternum Decretum, & Prædictiones ac Typos V. T.

Obj. 1. Formalis effectus personalitatis est, naturam ultimè tantum terminare in existendo; non verò eam impeccabilè præstare. *Resp.* Hoc loco non est spectanda qualiscunque personalitas; sed personalitas Personæ essentialiter sanctissimæ. Nunc autem in Naturâ tam arctè τῷ Λόγῳ unita, necesse fuit τὸν Λόγον per Spiritum sanctificationis, simul operari convenienter suæ sanctitati.

Obj. 2. Vita Personæ istius Divinæ non statim fecit Humanitatem illam immortalem: ergò nec ejus Sanctitas fecit impeccabilem. *Resp.* Negamus consequentiam: Deus enim non avertatur, vel odit, mortem peccatoris, aut Sponsoris pro peccatoribus, quatenus ea est bonum justitiæ; sed eam postulat, & approbat: *Prov. 1. 26. Deut. 28. 63. Ies. 53. 10. Hebr. 10. 7, 9, 10.*

Peccatum vero nequaquam postulat vel approbat; sed averfatur & odit: *Pfal.* 45. 8. v. 5, 6, 7.

Obj. 3. Per istam impeccabilitatem tolleretur libertas arbitrii in humanâ Christi Naturâ. *Resp.* Neg. Imo stabilitur: cum peccabilitas meram imperfectionem dicat; & majoris longe sit perfectionis, bonum morale sanctitati Divinæ prorsus conforme, constanter vellemus quam posse illud repudiare.

XVIII. Quantum ad *Sapientiam* Christi, secundum humanam ipsius Naturam; illa apprimè insignis est; non tamen infinita: cum subjectum ejus quo, sit finitum; adeoque progressu temporis incrementum ceperit; *Luc.* 2. 52. quin imo quædam ignoraverit; *Marc.* 11. 13. xiiij. 32. ignorantia videl. puræ negationis.

Exc. Christus tunc ignorabat diem extremi judicii, ut Doctor; quia nondum debuit, aut voluit, eum Discipulis indicare. *Resp.* Simili modo etiam Pater dicendus fuisset eum ignorare.

Obj. Omnes thesauri sapientiæ & scientiæ in eo absconditi dicuntur, *Col.* 2. 3. *Resp.* Illud de Personâ in conerero est accipiendum; non de Natura humanâ in abstracto.

Potentia Christo quâ Homini etiâ insignis competit, sed finita. Ac proindè Virtus physica principalis ad patranda Miracula ei secundum humanam Naturam non est adscribenda; Ipse enim in eorum patratiōe preces adhibuit; *Ioh.* xi. 41, 42. Humanitas igitur istic se habuit, ut instrumentum morale.

XIX. Succedit in Personâ *Gratia muneris Mediatoris*; quod scil. Christus secundum utramque Naturam sit Mediator; & sic etiam ut Homo, gratus & acceptus Deo: *Ies.* 42. 1. *Matth.* 3. 17. actalis ab hominibus agnoscendus, & sic recipiendus: *xvij.* 5. *Act.* 3. 22. ex *Deut.* 18. 15.

Speſtanda porro *Communicatio idiomatum*, tum in eſſe reali, tum in modo prædicandi. *Communicatio idiomatum*

matum in esse reali, nihil aliud est, quam concursus, aut conjunctio Attributorum & Proprietatum utriusque Naturæ, in eadem Personâ; quæ necessario sequitur hypostaticam Unionem duarum istarum Naturarum. *Communicatio vero idiomatum in modo prædicandi*, sequitur modum essendi.

De Personâ igitur non solum rectè prædicantur, 1. quæ ei secundum utramque Naturam communiter conveniunt: Ex. gr. Jesus Christus est Mediator, &c.

Verum insuper 2. Attributa & Proprietates alterutrius Naturæ: Ex. gr. Christus est æternus, immortalis, &c. itemque, Christus in tempore natus est, mortuus est, &c.

Quin imo 3. de Personâ ab alterutra Natura, sed in concreto, denominatâ, rectè prædicantur enunciata, & proprietates alteri naturæ convenientes: Ex. gr. Deus, (Filio ὁ ὡς ἀτικῶς intellecto,) aut Filius Dei, natus est ex Maria Virgine, &c. Vide *Act.* 20. 28. Iste homo, aut Filius hominis, cum apud Nicodemum esset in terra, simul erat in cœlo, &c. *Iob.* 3. 13. Hæc omnia vere dicuntur. Alibi tamen Spiritus S. plenius & distinctius loquitur; ut *Rom.* 1. 3, 4. *1x.* 5. *Act.* 2. 30. *1 Petr.* 3. 18, 19.

XX. Perperam ergo *Lutherani Nestorianismum* nobis impingunt; quasi non realem, sed solummodo verba-lem, Communicationem idiomatum statueremus: ipsi vero, dum quorundam Attributorum realem communicationem requirunt, aut transfusionem de Natura Divina in humanam, nominatim *Omni præsentie*, *Omniscientie*, *Omnipotentie*, *Virtutis vivificandæ*, *Pec- cata remittendæ*, atque adeo *Majestatis Divinæ*, ab indirecto saltem *Eutychyano* excusari non possunt, & in Dei Simpliciter injurii sunt; per quam Attributa Divina nec à se invicem, nec ab essentiâ Divina, realiter differunt; adeo ut cui unum Attributum convenit,

nit, ei omnia convenient, atque ipsa Essentia.

Obj. 1. In Homine vita Animæ communiatur Corpori: ergo Attributa Divina possunt etiam communicari humanæ Naturæ in Christo. *Resp.* Animæ vita spiritualis Corpori non communicatur: Corpus enim non intelligit, aut vult; sed Anima, aut Homo secundum animam. Interim Corpus vivum denominatur, quatenus Anima informatum est, sic ab ea movetur, eique in operationibus suis servit quantum potest.

Obj. 2. Ferro candenti communicatur intensus ille calor, & lux; quæ cæteroquin Ignis proprietates sunt. *Resp.* Ista est *συνδύασις*: nam particulæ Igneæ insinuantur se poris Ferri; sic Ferrum permeant; atque ipsæ in Ferro calent & lucent; non vero ipsum Ferrum.

Obj. 3. *Col. 2. 9.* *Plenitudo Deitatis* habitat in Christo *corporaliter*: ergo in corpore Christi insunt attributa Divina. *Resp. 1.* *Corporaliter* synecdochicè idem est quod *personaliter*. 2. In humana Christi natura, & in corpore ejus, existit etiam natura Divina, & consequenter attributa Divina; sed non adæquate; neque sic, ut humana natura, vel corpus ejus, esset subiectum quo attributorum Divinorum.

XXI. *Omnipræsentia* humanæ Christi naturæ non competit, ex *Unione hypostatica*:

1. Quia Unio hypostatica jam cum ipsa foetus conformatione in utero Virginis facta est, ac proinde, si ea *Omnipræsentiam* humanæ naturæ inferret, hæc utero Virginis non fuisset conclusa, ex utero non vere prodiiisset, fasciis involvi, in præsepi deponi, circumcidi, &c. non potuisset: contra *Luc. 2. 5, -7. 12, 16, 21.*

2. Christus secundum humanitatem suam uno loco tantum, non pluribus simul, fuit præsens, durante statu humiliationis: *Joh. XI. 15. Gaudeo, Me illic non fu-*

fuisse; *sed eamus ad eum!* Lazarum scil. defunctum. Et *vers.* 32. Maria soror Lazari; *Domine, si fuisses hic, non esset mortuus frater meus.* Adde *Luc.* 2. 22. *Matth.* 2. 14, 20, 22, 23. *Luc.* 2. 42. *Marc.* 6. 45, . *Joh.* 6. 17, . &c.

3. Similiter à Resurrectione ex mortuis. Diserte Angelus, *Marc.* 16. 6. *Non est hic: Ecce locus, ubi posuerant Eum.* Adde *Luc.* 24. 39, 40. *Act.* 1. 3.

4. Neque aliter factum per Ascensionem in cœlum: de qua ipse, *Joh.* 16. 5. *Nunc abeo ad Eum, qui misit Me.* 7. *Confert vobis, ut Ego abeam, &c.* atque iterum *vers.* 28. *Prodi a Patre, & veni in mundum: iterum relinquo mundum, & proficiscor ad Patrem.* Et 17. 11 *Non sum amplius in mundo.* & sic porro. Confer *Luc.* 24. 51. *Act.* 1. 9, 11. iiij, 21. 1 *Cor.* xi. 26. Atque huc pertinet valida Pauli consequentia ad instructionem fidei; *Hebr.* 8. 4. *Nam si esset in terra, ne Sacerdos quidem esset.* Adde *Matth.* 24. 26. Et ad exhortationem: *Col.* 3. 1, 2. *Si resurrexistis cum Christo, superna quærite, ubi Christus est ad dextram Dei sedens. Superna satagite, non terrestria.* Adde 2 *Cor.* 5. 6, 8. *Phil.* 1. 23.

Obj. 1. *Eph.* 4. 10. & 1, 23. Christus dicitur *omnia in omnibus adimplere.* Ergo est ubique præsens, & quidem secundum humanam naturam. *Resp.* Implet omnia; non quidem omnia spatia, corporali sua præsentia; sed totam Ecclesiam, donis & benedictionibus: quatenus videl, in omnibus & singulis electis perficit, quæcunque ad vitam & pietatem pertinent. Implet etiam omnia, quæ de Ipso per Prophetas prædicta sunt.

Obj. 2. *Matth.* 18. 20. & xxviii, 20. Christus fidelibus promisit suam præsentiam. Ergo. *Resp.* Istic agitur de speciali modo præsentiæ, secundum Deitatem; & singulari manifestatione gloriosæ pariter ac gratiosæ suæ Majestatis, per charismata, & benedictiones

ctiones spirituales: non autem de præsentia corporali.

Obj. 3. Si natura humana Christi non esset adæquatè præsens Divinæ, inde sequeretur naturarum à se invicem divulsio. *Resp.* Neg. cum humanitas personaritate & Λόγῳ ultimate terminetur, ubi existit: Divinitatis vero ut alia natura, sic alia quoque sit existentia & præsentia.

XXII. *Omniscientiam* quoque humanæ Christi naturæ non esse communicatam, ut hæc esset subiectum ejus quo, ex iis apertum est, quæ diximus th. 18.

Idem de *omnipotentiâ* dicendum: 1. quia subiectum finitum est.

2. Quia in humanitate Christi manifesta satis fuit potentia obediæntialis passiva.

3. Quia isto respectu Christo tribuuntur deprecationes & supplicationes, cum clamore valido & lachrymis, apud Eum qui poterat ipsum servare, &c. *Hebr.* 5. 7.

Obj. Attamen Christo homini tribuitur potentia summa, infinita: *Phil.* 3. 21. *Hebr.* 2. 8. *1 Cor.* 15. 27. *Act.* 10. 38. *Resp.* Ista de Persona dicuntur in concreto.

De cæteris, utpote *Virtute vivificandi*; de qua *1 Cor.* 15. 21. atque item de *extremo Judicio*: quod Filio hominis œconomice demandatum est; *Matth.* 16. 27. *Joh.* 5. 27. *Act.* 17. 31. idem judicium esto: quemadmodum & de *Potestate remittendi peccata*, quæ absolute summa Christo tantum competit, quatenus Deus est: *Luc.* 5. 20, 24. & supremus omnium Dominus ac Rector: *Jac.* 4. 12.

- De *Majestate & Gloriâ*, vide sup. cap. 4. th. 75.

XXIII. Succedit *Communio Apotelesmatum*. *Apotelesma* hoc loco est opus aliquod Christi Mediatoris, ad officii sui functionem pertinens. *Communio* autem

ea est, ut opera ista procedant à personâ Θεανθρώπῳ, secundum utramque naturam; Divina in illis conferente quod suum est, & humana quod suum est: unde ista opera Θεανδρικὰ appellantur. Ο' ενεργῶν igitur unus est Christus Mediator, producens tale ἀποτέλεσμα. Τὸ ενεργητικὸν, sive principium activum quo, geminum est; Natura Divina & humana. Η' ἐνέργεια, operatio, similiter gemina est; ut principium quo Τὸ ἐνέργημα denique, seu ἀποτέλεσμα unumquodque, Personæ tribuendum est: hujusmodi sunt, Redemptio, Vivificatio, Miraculorum patratio, Ecclesiæ gubernatio, Judiciî administratio, &c. In his agit utraque natura quod suum est, cum alterius communione; Verbo scil. operante quod Verbi est, & Carne exequente quod carnis est.

XXIV. Hactenus de *Persona Christi*. Spectandum nunc ejus *Officium*, quo Ipse defungitur œconomice ad salutem hominum electorum, & in Dei gloriam. Hoc autem exprimitur potissimum istis titulis; *Mediator, Sponsor, Redemptor, Salvator, Unctus*.

Christus est *Mediator Dei & Hominum*: 1 Tim. 2. 5. qui ut Persona, sic officio, *medius* intercedit: non tantum ut *Interpres Dei*, quo Deus ad foedera cum hominibus pangenda utatur; & per quem populus, de voluntate Divina sufficienter instructus, ad Deum accedat: quod est Socini commentum. Sed alterius plane, & sublimioris conditionis; apud Deum pro Hominibus, & apud Homines nomine Dei, vere peragens omnia ad pacem & salutem illis valide impetrandam, atque efficaciter applicandam, necessaria. Hinc 1. Apostolus μεσίτευμα istud explicans, 1 Tim. 2. 6. dicit; *Se ipsum dedit redemptionis pretium (ὁντίλυτρον) pro omnibus.*

2. Hebr. 9. 15. *Ob id novi patti Mediator est, ut*
morte

morte ad redemptionem transgressionum intercedente, qui vocati erant, promissam æternam hereditatem acciperent.

3. Similiter, xij. 24. Novi pacti Mediatori Jesu tribuitur sanguis aspersiois, meliora loquens quam loquatur Abel.

Et 4. viij, 16. Tanto præstantior functio Sacerdotalis, quanto præstantioris pacti Mediator est, &c. Ergo Christi Mediatio functionem Sacerdotalem involvit peccatorum expiatoriam, nostrique cum Deo reconciliatoriam per mortem Ipsius, & sanguinis effusionem. Vide amplius Rom. 5. 10. 2 Cor. 5. 19, 21. Col. 1. 19, -22. Eph. 2. 11, -17.

XXV. Obj. 1. Principes internuncios suos ad fœdera cum rebellibus pangenda non mittunt, nisi jam vere sint placati. Ergo etiam Deus per Mediatorem non erat placandus. Resp. 1. Negamus, Christum duntaxat esse Internuncium. 2. Etiam Principes placari volentes, conditiones fœderis & pacis rebellibus solent præscribere; quemadmodum in hoc negotio Deus Mediatorem constituit; cujus Sacrificio Ipse placari, & cujus intercessione nos in Ipsius gratiam reduci, voluit: Rom. 3. 25, 26. Confer Job. 42. 7, 8, 9.

Obj. 2. Moses dicitur Mediator, cum internuncius solum esset; Gal. 3. 19. cum Deut. 5. 5. & Act. 7. 57. 58. Resp. 1. In veritate plus esse, quam in typo, nihil mirum. 2. Moses non tantum nomine Dei internuncium egit apud populum; sed pro populo apud Deum intercessit quoque: Exod. 32. 30. &c. Deut. 1x. 18, 19. & oblatis sacrificiis altare conspersit eorum sanguine, ac porro etiam populum: Exod. 24. 5, -7.

Obj. 3. Christus aliquoties dicitur nos Deo reconciliasse, non vero Deum nobis. Ergo. Resp. Cum omnis reconciliatio sit reciproca, utrumque recte dicitur, & alterum ex altero sequitur. Vide Matth. 5. 24. Interim ei reconciliatio activa potiori jure competit, qui

qui hoc maxime egit, ut amicitia restauraretur.

XXVI. Mediator autem est Christus secundum utramque naturam; non secundum Divinam tantum: quod contendebat *Osiander*: nec secundum humanam duntaxat; quod volebat *Stancarus*; & communiter *Pontif.* atque item *Sociniani*: isti, ut propriis suis satisfactionibus & meritis velificentur; hi, quia non nisi humanam in Christo naturam agnoscunt. Sed 1. proponitur nobis Mediator, ut Θεάνθρωπος, & Ἰαννῆς: *Matth.* 1. 21. - 23. ex *Ies.* 7. 14. Quæ appellatio utramque naturam conjunctim respicit. Confer *Hos.* 1. 7. *Jer.* 23. 6. & *Heb.* x. 5. ex *Ps.* 40. 7. 8. Neutra igitur temere excludenda est.

2. In morte propter peccata nostra; & in resurrectione ad justificationem nostram. *Rom.* 4. 24. exeruit se utraque natura. *Joh.* x. 17, 18. Ego depono animam meam, ut eam rursus assumam. Nemo tollit eam à me; sed Ego depono eam per Me ipsum: Auctoritatem habeo deponendi eam, & auctoritatem habeo rursus eam assumendi. Hoc præceptum accepi à Patre meo. Cum Christus sibi præceptum à Patre datum commemorat, manifestè loquitur, ut Mediator & Sponsor: ubi Auctoritatem animæ deponendæ, ejusque rursus assumendæ, dicit, Deitatem indicat; sic tamen ut effectus formalis fuerit in Humanitate. Similiter 1 *Petr.* 3. 18. Christus semel pro peccatis passus fuit, justus pro injustis, ut nos ad Deum adduceret: morte quidem affectus carne, vivificatus autem Spiritu. Confer *Rom.* 1. 1, 4.

3. Virtus oblationis ac redemptionis Christi & animarum nostrarum purificatio, ad operationem Divinam cum humana conjunctam refertur, *Hebr.* 9. 13, 14. Nam si sanguis taurorum & hircorum, &c. quanto magis sanguis Christi, qui per Spiritum æternum se ipsum obtulit inculpatum Deo, emundabit conscientiam vestram à mortuis operibus, ad colendum Deum vivum? 1 *Joh.* 1. 7. *Act.* 20. 28.

4. Atque ita requirunt reliqua ἀποτελέσματα, quæ sunt opera Θεανδρικὰ; unio nostri cum Deo, Vita spiritualis, &c. *Job. 17. 21, 23. Ut omnes unum sint, sicut Tu Pater in Me, & Ego in Te; ut & ipsi in Nobis unum sint, Et Ego gloriam, quam dedisti Mihi, dedi eis; ut sint unum, sicut & nos unum sumus. Ego in eis, & Tu in Me; ut sint consummati in unum. Gal. 2. 20. Vivit in me Christus, &c. Adde 1 Cor. 1. 30. 2. v, 17. Eph. 3. 17, 18. Hebr. 2. 11. 1 Joh. 4. 9.*

Obj. 1 Tim. 2. 5. Mediator dicitur, Homo Jesus Christus: Ergo secundum humanam naturam. Resp. Sed non solam. Similiter ut Act. xx. 28. Deus dicitur Ecclesiam acquisivisse suo proprio sanguine: sed non exclusa, imo inclusa, humana natura.

XXVII. Christus Mediator est Hominum electorum; non Angelorum.

1. Quia Christi μεσίτευμα est redemptorium & reconciliatorium; quod in Angelos non quadrat: cum lapsorum non sit restitutio; & reliquorum conservatio tantum & confirmatio in suo statu.

2. Christus est Mediator Novi foederis; quod melioribus promissis sancitum est: *Hebr. 12. 34. viij. 16. neque ad Angelos pertinet.*

3. Ut Mediator esset, personâ medius esse debuit inter partes, & utriusque naturæ particeps: at vero *Christus Angelos non assumpsit: Hebr. 2. 16.*

4. Munus Mediatorium diserte restringitur ad Homines: *1 Tim. 2. 5. Mundum: 2 Cor. 5. 19. Populum suum: Matth. 1. 21. atque hinc ipse Angelus tam emphatice ad Pastores; Luc. 2. 10. 11. Evangelizo vobis gaudium magnum:--nempe natum esse vobis hodie Servatorem, &c.*

Obj. 1. Col. 1. 20. Ut per Eum reconciliaret omnia Sibi, tum quæ in terra: tum quæ in cælis: Ergo & Angeli per Christum reconciliati sunt, &c. Resp. Per ea quæ in cælis, intelligi possunt fideles jam tum de-
functi;

functi; quorum Animæ erant in coelis. Aut si qui ipsos Angelos malit intelligere, sensus esse poterit, homines electos Deo per Christum reconciliatos, eadem opera cum Angelis Dei amicis quodammodo reconciliari: quemadmodum *Hebr. 12. 22, 23.*

Obj. 2. Col. 2. 10. Christus dicitur *Caput omnis imperii & potestatis.* Ergo etiam Angelorum. Consequenter eorum quoque Mediator est. *Resp.* Christus gloria & potestate supra omnes creaturas longè erectus est; quæ proinde alacriter & promte ipsi debent inservire; etiam Angeli. Verum inde non sequitur, Ipsum esse Mediatorem Angelorum.

XXVIII. Mediator ille ab æterno quidem præordinatus fuit decreto Dei, ad munus Mediatorum: unde *præcognitus* dicitur *ante jacta mundi fundamenta*; *1 Petr. 1. 20.* & *nos in Ipso electi ante jactum mundi fundamentum*; *Eph. 1. 4.* Attamen actû demum coepit esse Mediator statim post lapsum Adam; ubi Ipse etiam talis declaratus est in prima Euangelii promulgatione; *Gen. 3. 15.* Et tunc demum existebant partes, inter quas Mediatorem intervenire necesse erat; Homines miseri, & Deus per eorum inobedientiam offensus, sed per Mediatorem illum electis reconciliari volens.

Consequenter 1. ὁ Δόγος peccata electorum jam tum susceperat expianda Sacrificio sui corporis, suo tempore adaptandi. Vide pactum illud. *Jes. 53. 10.* *Si posuerit pro reatu, &c.* Et de Sacerdotio; *Psal. 110. 4. xl. 7, 8, 9.* cum *Hebr. x. 5, 7, 10.* Item *Zach. 1. 8. 10, 11, 12.* Et *Dan. 11. 17.* *Psal. 80. 15, 16, 18.*

2 Variis modis revelavit ea, quæ ad salutem consequendam requirebantur: *1 Petr. 1. 11. iiij. 19.* *Gen. 18. 1, 2, 9, 10, 13, 14, 17, 21, 33. xxij. 1, 2, 11, 12. 15, 18.* cum *Job. 8. 56, 58.* &c.

3. Ecclesiam collegit, gubernavit, servavit: *Gen. 48. 16.* *Exod. 23. 20, 23.* *Jes. 63. 9.* cum *1 Cor. x. 4.*

9. *Psal.* 2. 6. *Hos.* 1. 7.

4. Fideles cum ipso spiritualement unionem & communionem habuerunt : *I Cor.* x. 4, 9. Sic iustificati & salvati sunt : *Gen.* 15. 6. xxij, 17, 18. xlix, 10, 18. *Act.* x, 43. xv, 11. &c.

Obj. Christus est Mediator secundum utramque naturam ; ac proinde non fuit Mediator ante incarnationem. *Resp.* Hoc solum sequitur, quod incarnatio suo tempore necessario fieri debuerit ; cum sine ea non potuerint peragi omnes actus muneris Mediatorii.

XXIX. Unus autem agnoscendus est Mediator ; non plures : ut *I.* diserte exponitur, *I Tim.* 2. 5. Similiter, *Act.* 4. 12. *Neque aliud nomen sub cælo datum est, per quod nos oporteat salvari.* & *I Cor.* 3. 11. *Nemo aliud fundamentum ponere potest,* &c.

2. Nulla talis persona datur præter Christum, qualis ad μεσίτευμα requiritur.

3. Nec alii competunt actiones, ad reconciliationem nostri cum Deo necessaria.

4. Fides in Ipsum solum, est unicum medium salutis percipiendæ : *Job.* 3. 16, 18, 36. *Marc.* 16. 15, 16.

Pontificii perperam plures saltem Mediatores intercessionis statuunt : quod speciatim alibi refutabitur.

XXX. Titulo Sponsoris Dominus Jesus indicatur, se ipsum pro nobis obligasse, ad peragenda & sustinenda omnia, quæ ad nostri liberationem, & salutem pertinebant. Ita *1. ἡτῶς Hebr.* 7. 22. *Tantum melioris pacti Sponsor factus est Jesus.* &c. Pacti nimirum, quo ipse spondit, se pro nobis impleturum condiciones impetrandæ remissionis peccatorum, & vitæ æternæ. Prius Sacerdotem dixerat Apostolus ; iste autem constituitur pro Hominibus in iis, quæ apud Deum agenda ; *Hebr.* v. 1. Confer Sponsonem Pauli pro Onesimo ; *Philem.* 18, 19. Itemq ; loca *Heb.* x. 7, 10. *Pf.* xl. 8. 9. lxi. 5.

2. Clarè etiam indicatur Christi substitutio in locum nostrum, tanquam Sponsoris : sicut enim dicitur

Pro

Pro nobis passus & mortuus, ipse innocens & justus. *Hebr. 2. 9. Ut Pro omnibus mortem gustaret. Job. x1. 50. Moreretur pro populo. 2 Cor. 5. 15. Unus pro omnibus, ac si illi omnes essent mortui. Adde Luc. 22. 19. 20. 1 Cor. 11. 24; 25. Rom. 5. 7. 8. 1 Tim. 2. 6. Tit 2. 14. 1 Petr. 2. 21. iij. 18. iv, 1. Neque solum in hoc negotio usurpatur præpositio ὑπὲρ; sed etiam ἀντὶ, quæ surrogationem aperte notat: ut Matth. 20. 28. Marc. x. 45. Ut det animam suam redemptionis pretium pro multis; ἀντὶ πολλῶν. Similiter quoque traditus dicitur propter peccata nostra. Rom. 4. 25. tanquam causam demeritoriam istarum perpeffionum, ex hypothesi sponffionis.*

3. Eodem respectu dicitur peccata nostra tulisse in corpore suo. 1 Petr. 2. 24. & ipse justus multos iustificare quorum iniquitates bajulaverit; Jes. 53. 11. Quin etiam incurrisse in eum pœna omnium nostrum; ibid. vers. 6.

4. Apostolus emphaticè, Gal. 3. 13. Christus nos redemit ab execratione Legis, dum pro nobis factus est execratio. Et 2 Cor. 5. 21. Fecit Deus ut qui peccatum non novit, pro nobis Peccatum esset, (h. e. ut pœnas peccatis nostris debitas feret;) ut nos efficeremur Justitia Dei in eo. Confer Rom. 4. 3, 5. 9, -11; 22, -25. & v, 19.

Obj. In debitis pecuniariis Sponsores admittuntur; cum brevis manus fictione, pecunia unius censi possit fieri alterius: sed in pœnis corporalibus, utpotè propria persona perferendis, hoc locum non habet. Resp. Personæ quidem peccatrices juxta rem Fœderis Legalis erant in obligatione: sed facta ejus interpretatione κατ' ἐπιείκειαν, substitutio Sponsoris admissa est; qui pœnas essentialiter easdem tulit, quas nos eramus promeriti, & durationis æternitatem infinita dignitate sua compensavit.

XXXI. *Redemptor*, alias *Vindex*, Hebraice *לִשְׁלֹא*, Græce *λυτρωτής*, & *ὁ ρυόμενός*, dicitur. Sub V. T. specialiter *לִשְׁלֹא* appellari consueverat, qui jus redimendæ hæreditatis, & seminis suscitandi propinquo suo sine liberis defuncto habebat; juxta *Levit.* 25. 25, 26. Exemplum insigne occurrit *Ruth.* 2. 20. iij, 9, 12. iv, 1, 3, 6, 8, 14. Sic Christus, propinquus & frater noster, causam nostram, cum annexo ejus onere, in se recepit; & persoluto liberationis pretio, quod per justitiam Dei debebatur, è captivitate & miseria spirituali nos redemit, atque in libertatem vindicavit. De hoc in V. T. *Job.* xix. 25. *Ego novi Redemptorem meum vivere.* *Ies.* 59. 20. *Veniet ad Tzion Redemptor.*

2. Clarius in N. T. *Rom.* 3. 24. *Justificantur gratis, ejus gratiâ, per Redemptionem factam in Christo Jesu.* *Eph.* 1. 7. *In quo habemus Redemptionem, per sanguinem ipsius,* quod repetitur *Col.* 1. 14. Adde *Tit.* 2. 14. *Hebr.* 9. 12. *1 Petr.* 1. 18, 19. In tribus locis prioribus est vox *ἀπολύτρωσις*, quam *Socinus* definit, Liberationem captivi e manu detinentis pretio detinenti dato. Sed per se patet, captivitatem spirituales hic spectandam: (vide *Ies.* 52. 2. *Eph.* 4. 8. *2 Tim.* 2. 26.) & talis pretii dationem qualis in pœnis obtinet. Unde in locis allegatis expresse adjicitur *sanguis Christi*; itemque *1 Petr.* 1. 18, 19. appellatio *Agni*, & quidem opposite ad *aurum*, *argentum*, &c. quibus alias inter homines Redemptio nonnunquam peragitur. His adde emphaticam *ἀντὶ λύτρεως* expressionem. *1 Tim.* 2. 5, 6. Confer *Matth.* 20. 28. *Marc.* x. 45; cum *Psal.* 49. 8, 9.

3. Alia constructione *Hebr.* 9. 15. dicitur *Mors Christi intercessisse ad Redemptionem transgressionum.* Ita scil. notatur compensatio criminum, sive satisfactio pro iis.

4. Huc etiam pertinent phrasæ æquipollentes; *1 Cor.* 6. 20. vij, 23. *Empti estis pretio.* *Act.* 20. 28. *Deus Eccle-*

Ecclesiam proprio suo sanguine acquisivit. Adde Gal. 4. 4. 5. iij, 13. Ioh. 6. 51.

XXXII. *Exc. Verbum Redimendi frequentissimè sumitur pro qualicunque liberatione. Resp. Impropria istius vocis significatio non adeo frequens est, quam quidem opinantur Adversarii: nam multis in locis, ut Exod. 15. 13. Deut. 7. 8. aliisque, ubi de liberatione Israelitarum ex Ægypto per Mosen agitur, (quæ redemptionis nostræ per Christum typus erat (adhibitum fuit, atque adeo recte consideratur λύτρον, redemptioni isti typicæ conveniens; Agnorum scil. Paschalium: Cum cæteroquin cædendi etiam fuissent ipsorum primogeniti; quibus deinde surrogari sunt Levitæ, & reliqui siclis æstimati ac redempti: Exod. 12. 12, 13; 22, 23, 27. xij, 2. xxx, 12, 13. Num. 3. 47. viij, 14, 19. Atque hinc Moses redemptionis istius typicæ minister, typice etiam λυτρωτής appellatur; Act. 7. 35. In aliis locis quàm plurimis ipsius Christi Redemptio innuitur.*

Obj. 1. Dicimur à Diabolo captivi facti; 2 Tim. 2. 26. & metu mortis damnates servitutis, cuius ille habebat imperium; Hebr. 2. 14, 15. consequenter λύτρον non Deo, sed Diabolo fuisset persolvendum. Resp. Homo peccando obligatus erat, & Deo, & Diabolo: nam quantum ad culpam, Deum offenderat, & Diabolo se subdiderat, ei consentiens: quantum vero ad pœnam, Deo principaliter obligatus erat, ut Iudici; Diabolo tantum ut tortori: quapropter per respectum ad Deum iustitia postulabat, ut Homo sic redimeretur; non autem per respectum ad Diabolum.

Obj. 2. Christus totius Dei fuit, aut (ex vestra sententia) ipse Deus summus; nihil igitur potuit Deo summo tradere & persolvere. &c. Resp. In debito pœnali non requiritur realis traditio & acceptio: sufficit pœnas ferri, & æstimari, in ordine ad iustitiam punitivam; sicut etiam fit in damnatis.

Obj. 3. Apoc. 5. 9. xiv. 4. & alibi, dicimur Deo emt per sanguinem Christi. At vero pretium non debetur nec persolvitur ei, cui res emta acquiritur. Ergo. Resp. Ante hanc ἀπολύτρωσιν Dominio ac Iudicio Dei procul dubio eramus subiecti: sed liberati sumus ab ipsius ira & iustitia vindicativa, per Christi ἀντίλυτρον, in ordine ad istam iustitiam. Summus autem finis est, ut ex illa miseria redempti, Deo serviamus liberali sanctitate ac iustitia in gloriam Ipsius: *Luc. 1. 74, 75. Rom. 6, 13, 16, 19, 22, 23. Hebr. 9. 14.*

XXXIII. *Salvatore* sonat nomen proprium Iesu: de quo sup. th. 2. Hic autem est Salvator *verus*, *perfectus*, & *unicus*. Verum dicimus, opposite ad typos *V. T.* quorum *veritas per ipsum præstita est: Ioh. 1. 17.* & nominatim ad Iesum illum alias *Iosnam*, filium Nun, qui Israëlitas salvos introduxit in terram Canaan; *Hebr. 4. 8. cum Deut. 31. 23. Ios. 1. 2, 6.* Itemque ad alterum, filium Iozedek, Sacerdotem maximum, quo in sacris Antecessore facta est restitutio ex captivitate Babylonica; *Ezr. 3. 1, 2. Zach. 3. 1, 4, 5.*

Perfectum; ratione termini à quo, omnis miseriæ spiritualis; & termini ad quem, omnimodæ salutis, tum impetratæ, tum applicatæ: *Hebr. 7. 25. Servare perfecte potest eos, qui per ipsum accedunt ad Deum. Col. 2. 9, 10. In eo inhabitat omnis plenitudo Deitatis corporaliter: Et estis in eo completi. 2 Petr. 1. 3. Prout Divina vis ipsius omnia nobis donavit, quæ ad vitam & pietatem pertinent. Adde Hebr. x. 24. Rom. 8. 1. Ioh. 1. 16. 1 Ioh. 1. 7.*

Unicum, ob rationes allegatas sup. th. 29. Perperam ergo Pontificii salutem suam, tum in propriis, tum in aliorum hominum satisfactionibus ac meritis quærunt; quasi non foret in nostro Iesu omnis plenitudo. *Gal. 5. 4. Inanes facti estis, separati à Christo, quicunque per legem justificamini; & a gratia excidistis. Adde Ies. 55. 2. Jerem. 2. 13.*

Obj. I.

Obj. 1 Tim. 4. 16. *Intentus esto tibi ipsi, & doctrina; & permane in istis: id enim si feceris, & te ipsum servabis, & eos qui te audierint.* Ergo etiam alii servant, &c. *Res.* Non salutem impetrando, nec principaliter applicando: sed per gratiam Dei in Christo, viam ingrediendo, & aliis monstrando, quâ itur ad possessionem ac fruitionem salutis: *Eph.* 2. 8, 9. *2 Cor.* 5. 19, 20. 1. 11. 5.

XXXIV. Superest titulus *Uncti*; undè agnomè *Christi*: sup. th 1. *Unctio* ceremonialis sub V. T. ad triplex officium legitur adhibita; *Propheticû*; *Reg.* 19. 16. *Sacerdotale*; *Exod* 30. 30. *Lev.* 8. 12. & *Regium*; *1 Sam.* 10, 1. xvj. 13. *1 Reg.* 19. 15. 16. Sic Divina illorum ordinatio ad ista officia, & simul specialis pro re nata donorum collatio, quasi peculiari sacramento fuit obsignata.

Christus autem conjunctim est *Propheta*: *Deut.* 18. 15. *Prophetam è medio tui, è fratribus tuis, sicut ego sum, suscitabit tibi Jehovah Deus tuus: ei auscultate.* quod Christo applicatur, *Act.* 3. 22. Item *Ies.* 61. 1, 2. *Spiritus Domini Iehovi est super me, eo quod Unxit Jehovah me, ad euangelizandum mansuetis: ad proclamandum captivis libertatem, &c.* Confer *Luc.* 4. 16, 21.

Sacerdos; *Psal.* 110. 4. *Iuravit Jehovah; Tu es Sacerdos in sæculum secundum ordinem Melchizedeki, cum Hebr.* 7. 15, 17; 24. 26. Similiter *Zach.* 6. 12. 13. *Sic ait Jehovah; Ecce virum, cuius nomen est GERME: Eritque Sacerdos in solio suo, &c.*

Rex: *Pf.* 2. 6. *Ego inungens Regem meum, præfeci Tzioni.* *Zach.* 9. 9. *Exulta, Filia Tzionis! -- ecce Rex tuus adveniet tibi, justus, & salute præditus.* *Apoc.* 17. 14. *Agnus vincet eos, quoniam Rex Regum est.*

Sic ergo *Christus* necessitati nostræ opitulatur plenissime: Ignorantiæ, docendo, ut *Propheta*; Reatui, expiando, & iustitiam impetrando, ut *Sacerdos*; reliquis malis tristibus, ab iis nos eripiendo, & salutem conferendo, ut *Rex*: *1 Cor.* 1. 30. Ordine naturæ primum est *Munus Sacerdotale*, quo salus nobis impetra-

tur: succedit Propheticum, quo hæc impetrata annuntiatur, & moraliter revelatur: sequitur Regium, quo eadem applicatur reali efficacia. De Prophetico tamen tractari solet primo loco, quia ipsum ante alia à nobis percipitur, & nos in reliquorum notitiam ducit.

XXXV. *Munus* ergo Christi *Propheticum* est, quo ipse sapientiâ rerum Divinarum instructissimus, eandem fideliter & efficaciter docet, præcipuè populum suum, ad ejus salutem, & Dei gloriam. Hinc κατ' ἐξοχήν *Doctor* appellatur; Matth. 23. 8, 10. & *Apostolus* professionis nostræ; Hebr. 3. 1. Nec mirum, cum ipse sit ὁ Λόγος; Job. 1. 1, 14. & *Sapientia* hypostatica; Prov. 8. 1. & seqq. Consequenter Prophetia aliter omnino competit Christo, quam ullis aliis Prophetis: scil. non tantum per modum actus secundi transeuntis; sed per modum habitûs semper in ipso manentis: non ex principio externo, sed interno Sp. S. qui ipse est Spiritus Filii; Gal. 4. 6. Unde arcana Dei ad instructionem populi docere potuit, quoties & quantum ipse voluit. Job. 3. 12, 13. Si terrena dixero vobis, & non creditis, quomodo si dixero vobis cœlestia, credetis? Nul-
lus enim ascendit in cœlum, nisi qui descendit à cœlo; nempe Filius hominis qui est in cœlo. 34. Is demum quem misit Deus, verba Dei loquitur; non enim huic admetitur Deus Spiritum. Sic ille Summus fuit Propheta: reliqui tantum subordinati; & ab ipso, ac ipsius Spiritu, acceperunt revelationes, quando & quantum ipsi placuit: Jerem. 42. 7, 11. 1 Petr. 1. 10, 11, 12.

XXXVI. Docuit autem omnia ad salutem necessaria, sive fidem spectes, sive mores vivendi: Evangelium ut ipse implevit, sic impletum primus prædicavit. Hebr. 2. 3. Quomodo nos effugiemus, si tantam neglexerimus salutem; quæ cum primum enarrari cœpit per ipsum Dominum, &c. speciatim vero prophetias ac typos V. T. in seipso compleri clare demonstravit: & Legē morālē a corruptelis Phariseorū probe vindicatā, unice observandam docuit,

Ipse

Ipse in hoc munere summam præstitit *fidelitatem*. *Fidelis* dicitur, *Hebr.* 3. 2. *Viam Dei in veritate docuit*, farentibus adversariis; *Matth.* 22. 16. Hinc tam pathetice. xxiiij. 37. *Quoties volui congregare liberos tuos, ut gallina congregat pullos suos!* Adjunxit quoque *efficaciam* tum *moralem*, docendo solide, prudenter, familiariter, cum gratiâ & auctoritate: *Matth.* 7. 29. *Iob.* 7. 45, 46. Itemque doctrinam suam multis miraculis confirmando; *Matth.* 4. 23, 24. xj. 4, 5. *Iob.* 5. 19, 20, 21, 36, x, 37, 38. tum insuper *realem*; intellectum subjective illuminando ad veritatem agnoscendam; & voluntatem flectendo, ad obsequium: potissimum per veram regenerationem & sanctificationem, ad fidem salvificam & sanctimoniam minime simulatam; *Act.* 5. 31. xvj. 14. *Luc.* 17. 5. *Eph.* 1, 17, 18.

Cæterum doctrinam suam tum *immediate* proposuit; non intercedere creaturæ alicujus opera: quemadmodum sub V. T. Patriarchis & Prophetis ipse nonnunquam apparuit, & mysteria salutis revelavit; *Gen.* 18, 22. cum *Iob.* 8. 56. atq; iterum in diebus carnis suæ Discipulos suos, aliosq; familiariter docuit: *Matth.* 4. 17, 18; 23. v, 1, -, *Luc.* 4. 15, - 22. tum *mediate*, per Ministros, sive extraordinarios, sive ordinarios: *Eph.* 4, 11, 12. rarius per Angelos: *Apoc.* 1. 1. *Luc.* 2. 8, - 14 *Hebr.* 22. 2. Interna autem realiter efficax operatio fidei & resipiscentiæ ab ipso Christo per Spiritum suum, procedit semper immediate; quanquam ad externam & moralem operationem, causæ istæ instrumentales mediæ accedunt: *I Cor.* 3. 5, 6, 7, 9. xij. 3, - 11.

XXXVII. Munus Christi *Sacerdotale*, ordinatum est ad peccata nostra expianda; & favorem complacentiæ Divinæ nobis conciliandum. Huc pertinet generalis Descriptio, *Hebr.* 5, 1. *Omnis Pontifex ex hominibus assumptus pro hominibus constituitur in iis quæ apud Deum agenda sunt, ut offerat dona & victimas pro peccatis.* Confer sup. th. 34. ubi modo probavimus,
Chri-

Christum Sacerdotem esse. Sed nunc contra Socinianos asserimus amplius, Christum esse *verum sacerdotem*: atque hoc ipsius officium vere distinctum, ut à Prophetico, sic à Regio. Nam

1. In Christo est veritas omnium eorum, quæ Lege Cerimoniali præfigurabantur: *Iob. 1, 17. Col. 2, 17. Hebr. 10, 1.* Ergo verum Sacerdotium, & veri actus Sacerdotalis in ipso agnosci debent, ex Sacerdotio, & actibus Sacerdotalibus typicis V. T.

2. *Hebr. 5, 1* describitur verus ac proprie dictus Pontifex: atque ista descriptio mox Christo applicatur, *vers. 5 - 9.* Similiter fere, *viii. 3. Omnis Pontifex ad offerenda dona & victimas constituitur: Unde necesse fuit, Hunc quoque habere quod offerret.*

3. Christus est Sacerdos secundum ordinem, non Aharonis, sed Melchizedekis; & quidem talis cum iuramento constitutus: *Hebr. 7, 21.* Ergo verus & proprie dictus. Fideles enim sub N. T. qui metaphoricè Sacerdotes appellantur, nulli ordini accensentur. Et siquidem non ipsa veritas, sed similitudo solum spectaretur, certe. Christus similitudinem satis insignem habet cum Sacerdotibus Aharonicis.

4. Apostolus *Hebr. 7. & seqq.* ex instituto probat, Christum in ratione Sacerdotii longe præstantiorem esse Sacerdotibus Legalibus. Sed metaphoricus Sacerdos non potest esse perfectior verò Sacerdote in ratione ipsius Sacerdotii; cum ista veritate destituatur.

Obj. 1. Hebr. 3, 1. duo solum officia Christi commemorantur; Propheticum & Sacerdotale: Ergo Sacerdotale non est reipsa distinctum à Regio. *Resp.* Nego consequentiam: nam & Regium ei tribuitur, tum alibi, tum *Hebr. 1, 2, 8, 13.* & actus muneris Regii plane differunt ab actibus muneris Sacerdotalis.

Obj. 2. Sacerdotio substernitur, quod Christus sit Filius Dei; idem alibi Regno substernitur: Ergo. *Resp.* Iterum nulla est consequentia: eadem illa excellentia

præ-

præquirebatur in utroque isto officio; imo etiam in Prophetico ejus munere, ad salutarem effectum.

XXXVIII. Typi autem respectu istius officii fuerunt, non solum Summus Sacerdos V. T. ex ordine Levitico; & specialiter extra eum ordinem Melchizedek: sed etiam Sacerdotes reliqui. Confer sup. cap. 2. th. 24, 25, 26. Hos enim non esse hic omittendos, quemadmodum & reliqua sacra expiatoria præter anniversaria & statuta illa, quæ pro toto populo fiebant, contra Socinianos etiam probamus:

1. Quia Hebr. 9. 13. omnis omnino carnalis per victimas purificatio, quæ in conscientia non poterat consummare cultorem cum spirituali purgatione Christi confertur; cujus sanguis nos purgat ab omni peccato. Neque enim Apostolus in specie tantum agit de sanguine victimarum in anniversario expiationis sacrificio; quem sanguinem *hircorum & vitulorum* appellat, vers. 12. sed in genere de omnibus victimis & purgationibus V. T. recensendo sanguinem *taurorum*, & *hircorum*, & *cinerem juvencæ*, vers. 13. Vide quæ sequuntur vers. 21. &c.

2. Quia Hebr. 10. 1. Lex ceremonialis in universum dicitur *obtinuisse umbram futurorum bonorum*. & vers. 5, 6, 8. nominantur, *Sacrificium, Oblatio, Holocaustum, & Hostia pro peccato*; quæ certe latius patent anniversariis istis & statis sacris: quod autem de iis negatur, id *unicæ oblationi corporis Christi* tribuitur vers. 10. Ac deinceps vers. 11. Apostolus de *omni Sacerdote* universim loquitur, qui *quotidie* (N. B) *adstat, sacram functionem obiens, & easdem offerens hostias quæ nunquam possint auferre peccata*: Christum vero asserit, una pro peccatis in perpetuum oblata victima, consedissee ad dextram Dei, vers. 12.

3. Quia similiter Col. 2, 17. omnia & singula Legis ceremonialis instituta, dicuntur *umbra rerum futurarum; corpus autem Christi*: Itemque Job. 1, 17. Lex per *Mosendam data; gratia autem & veritas per Iesum Christum facta*.

facta. Consequenter in omnibus istis ratio typi agnoscenda est; nec sola sacrificia summi Sacerdotis statuta & anniversaria pro typis admittenda.

4. Agni Paschales, potissimum in prima institutione, vim aliquam typice expiatoriam habuerunt; *Exod.* 12. 13, 22, 23, 27. cujus memoria quotannis recolebatur: atque interim Christus præfigurabatur; *1 Cor.* 5. 7. *Iob.* 19. 36. Ergo non subsistendum in solis illis sacrificiis anniversariis summi Sacerdotis, & statis illis quæ reputant *Sociniani.*

XXXIX. Interim haud gravate concedimus, illustrioris typi rationem fuisse in Summo Sacerdote: maxime autem in *Melchizedeko.* 1. Quia ipsum hujus nomen notat *Regem justitiæ*: Christus vero justus, nos sua justitia constituit justos: *Jes.* 53. 11. *Ierem.* 23. 6. *1 Cor.* 1. 30. 2. v. 21.

2. Quia ipse erat *Rex Salem*, h. e. *Pacis.* At Christus vere est *Princeps pacis*; *Jes.* 9. 5. & *pax nostra Eph.* 2. 14.

3. Quia simul erat *Rex hominum*, & *Dei Sacerdos.* Idem de Christo dicendum, juxta *th.* 34.

4. Quia Abrahamo benedixit, & decimas ab eo accepit, atque adeo ab ipso Levi in lumbis ejus. Hoc enim quoque pertinuit ad eminentiam Christi præfigurandam: *Hebr.* 7. 4, 5, 6, 8, 9, 10.

5. Quia nec ejus genealogia, nec ætas, usquam commemoratur: nam & Christi generatio, præsertim Divina est ineffabilis; atque item æterna duratio.

6. Quia denique nullos, vel Antecessores, vel Successores, in Sacerdotio habuit: sic enim & Christus unicus est Sacerdos, peccata nostra verè expians, & conscientias mundans, quoad statum internum & æternum; quod nulli vel ante, vel post eum competit; *Hebr.* 13. 8. cum *10,* 2, 3, 4, 10, 11, 12. vij. 23, 24.

XL. *Actus Sacerdotales* potissimum sunt Oblatio & Inter-

Intercessio. *Oblatio* est Actus Christi Sacerdotalis, quo se ipsum sanctissimum, nobisque conjunctissimum, suscepto in se omni nostro reatu, semel in cruce per Sp. Sanctum Deo obtulit; ad faciendam peccatorum nostrorum expiationem, & impetrandam remissionem iniquitatum æternam. Hinc Eph. 5. 2. *Christus tradidit semet ipsum pro nobis oblationem ac victimam Deo, in odorem bonæ fragantiæ.* Hebr. 9. 14. *Quanto magis sanguis Christi, qui per Spiritum æternum se ipsum obtulit inculpatum Deo, emundabit conscientiam vestram à mortuis operibus ad colendum Deum vivum?*

Christus autem idem Sacerdos fuit secundum utramque naturam conjunctim: Hebr. 5. 6, 7. cum Psal. 110. 4. *Sacrificium*; secundum humanam tantum: unde speciatim Corpus exprimitur, Hebr. x. 5. 10. 1 Petr. 2. 24. Col. 1. 21, 22. Sanguis, Col. 1. 20. Hebr. 9. 12. xij, 12. & Anima Ies. 53. 10. Matth. xx. 28. Ac denique *Altare*, secundum Divinam naturam proprie; cum ab eâ processerit sanctificatio & valor Sacrificii; Hebr. 9. 14. xij, 10, 12, 15. cum Matth. 23. 19. & Job. 17. 19.

XLI. *Unica* duntaxat est *oblatio* Christi, quam ipse peregit in *Cruce*: unde 1. Hebr. 9. 11, 12. *Christus per proprium sanguinem ingressus est semel in sacrarium æternam redemptionem nactus.* Vide porro vers. 15, 18; 22, 23.

2. Iterum vers. 25, 28. *Neque ut sæpe offerat semet ipsum: - sed nunc semel, - ad peccatum per immolationem sui ipsius in medio tollendum, factus est manifestus. - Christus semel oblatus, &c.*

3. Similiter x. 10. *- Sanctificati sumus per oblationem corporis Jesu Christi semel factam.*

Deinde 4. vers. 12. *Una pro peccatis oblata in perpetuum victima, consedit ad dextram Dei, & vers. 14. Unica enim oblatione consummavit in perpetuum eos qui sanctificantur.*

Sociniani contra negant, Christum in terris vere Sacerdotem fuisse, ibique Sacrificium obtulisse : sed passionem & mortem ejus putant fuisse conditionem tantum præcedaneam, ad functionem Sacerdotalem in Coelis demum peragendam.

Obj. 1. Hebr. 7. 26. Pontifex noster *sublimior cælis* evadere debuit : cum alioquin, *Si esset in terra, ne Sacerdos quidem esset* ; viij. 4. Ergo, &c. *Resp.* Nihil inde colligitur ; nisi quod Christus, ut functiones suas Sacerdotales plenè obiret, cœleste sacrarium, ad peragendam Intercessionem, debuerit ingredi. Nam si post oblatum sacrificium semper in terris mansisset, ibique omnem functionem sacerdotalem absolvisset ; Sacerdotium ipsius, nec Levitico præstantius fuisset, nec efficacius.

Obj. 2. Hebr. 7. 16. Pontifex dicitur factus *secundum vim indissolubilis vitæ*. Ergo Pontifex non fuit, quamdiu mortalis. *Resp.* Apostolus minime negat Christum fuisse Pontificem, priusquam actu haberet humanam vitam indissolubilem ; sed docet solum eam ad absolvendas functiones aliquando fuisse necessariam, *vers. 25.* Interim Christus vim indissolubilis vitæ habuit secundum Deitatem, etiam cum mortalis esset, & moreretur, secundum humanitatem ; qua virtute postmodum humana ipsius natura facta est immortalis : *Joh. 2, 19. x, 18. Hebr. 9. 14. 1 Petr. 3. 18. Rom. 1, 4.*

Obj. 3. Hebr. 5. 9. 10. Cum perfectus esset redditus, dicitur, factus obedientibus sibi omnibus causa salutis æternæ : appellatus à Deo Sacerdos secundum ordinem Melchizedeki. Ergo ante illam consummationem non fuit Sacerdos. *Resp.* Illud dicitur respectu applicationis gloriosæ, quam in Coelis peragit modo glorioso ; licet etiam prius salutem promiserit & contulerit plurimis : *Matth. 9. 2, 6. Joh. 6. 33. Luc. 23. 43.* Hoc respectu Intercessionis perpetuæ : *Hebr. 7. 25.* Quemadmodum ergo prius etiam fuit Mediator,

tor; Redemptor, Salvator; sic quoque Sacerdos.

XLII. Sed & Pontificis oblationem Christi adhuc quotidianam statuunt in Missa, per Sacerdotes suos, pro peccatis, ut loquuntur; tum viventium, tum mortuorum in commentitio suo Purgatorio laborantium. Verum de abominando illo & Antichristiano sacro alibi ex professo.

Crux in oblatione Christi non fuit proprie Altare: cum istud victimam sanctificet: *Matth. 23. 19.* Sed merum duntaxat maledictionis symbolum fuit: scriptum est enim: *Execrabilis est quisquis pendet in ligno: Gal. 3. 13. Deut. 21. 23.*

XLIII. Proprius oblationis Christi effectus est, vera peccatorum expiatio, & remissionis impetratio: *Eph. 1: 7. Col. 1. 14. Rom. 3. 24, 25.* quam ipse pro omnibus & singulis electis impetravit sufficienter, & applicat efficaciter: *Hebr. x, 14. Rom. 8. 34.*

Nec audiendus hâc in parte *Socinus*, contendens ex locis *Hebr. v, 3. & vij. 26, 27.* Christum non minus, quam legalem Pontificem, quemadmodum pro populo, ita etiam pro semet ipso, pro peccatis obtulisse: nam posterius istud membrum Christo non est applicandum; qui cum esset sanctissimus, necesse non habuit pro peccatis propriis victimas offerre. *Hebr. 7. 26.* Nec est quod Adversarius ad infirmitatem carnis confugiat; hoc est, ad mortalitatem & patibilitatem in Christo: illa enim à peccatis diversissima est: *iv, 15.* Et quæ, sodes super propria mortalitate & patibilitate in cœlis fieri potuit oblatio; cum Christus, ex *Socini* sententia, post resurrectionem demum, in cœlis Sacerdos factus, immortalis jam tum & impatibilis fuerit?

XLIV. Sequitur *Intercessio*, Actus Christi Sacerdotalis, quo æternam oblationis suæ virtutem, suamque de promovenda salute nostra voluntatem, convenienter nunc statui suo glorioso, in cœlis repræsentat coram Patre. Hinc *Hebr. 9. 12. ingressus* dicitur

coeleste sacrarium, per proprium sanguinem, eternam redemptionem nactus: atque ita vers. 24. comparere coram facie Dei pro nobis. Sic Advocatum habemus apud Patrem; 1 Joh. 2. 2. qui pro nobis interpellat; Rom. 8. 34. & quidem ita, ut Pater eum exaudiat; Ioh. x1. 42. nos ipse diligit; xvj, 27. & nondum clamantibus respondeat; Ies. 65. 24. Imo etiam Christus per Spiritum suum in cordibus fidelium interpellat gemitibus inenarrabilibus. Rom. 8. 26. Precesque nostras, & gratiarum actiones, quæ in ipsius nomine fiunt, Deo acceptas facit: Apoc. 8. 3. 4. Ioh. 14. 13, 14. xvj, 23. Confer Eph. 3, 12. Hebr. 4, 16.

Intercessio ista Mediatoria, soli Christo propria est; non Angelis, aut Sanctis demortuis communis: Nam 1. solus Christus est Pontifex noster, habetque hoc officium ἀπαράλλογος: Hebr. v. 5, 6. vij. 4, 6, 7, 11, 16, 17, 21, 22, 24. &c.

2. Cujus est ipse oblatio, ejus quoque est oblationis repræsentatio, Hebr. 9. 12, 24. Rom. 8, 34. 1. Ioh. 2. 1. 2.

3. Nec ullus est, qui immediate pro nobis ad Deum accedat, præter eum qui est ἱκετης Ioh. 14. 6. Eph. 3. 12.

4. Reliqui omnes, quos Pontificii Intercessores volunt, singulares nostras necessitates ignorant: Ies. 63. 16. Ioh. 14. 21. 2 Reg. 22. 20. Confer sup. cap. 9. th. 23

XL V. Munus Christi Regium est, quo ipse omnia cum auctoritate gubernat ac dispensat, ad salutem electorum. Sic ipse Rex appellatur, Psal. 2. 6. Pastor; Ioh. x. 11, 14: Magnus pastor; Hebr. 13. 20. Princeps Pastorum; 1 Petr. 5. 4. & Caput Ecclesiæ; Eph. 1. 22 V. 23. Col. 1. 18. Prout autem duplex est ipsius Christi consideratio, ita potestas Regia ei competit, tum Theologice, qua Deo præcise; tum Oeconomice, qua Mediatori. Sed posterior consideratio hujus loci est propria.

Re-

Regnum hoc Christi terrenum non est; sed spirituale: *neque enim venit Filius hominis, ut sibi ministretur, sed ut ministret; Matth. 20. 28.* quapropter ipse tam emphatice; *Regnum meum non est ex hoc mundo: Joh. 18. 36.* Confer *Joh. 6. 15. Luc. 17. 20, 21.* Item *Zach. 9. 9. Jes. 53. 2, 3.*

Estque universale, tum respectu omnium sæculorum: unde *æternum* dicitur, & *statutum in sæcula: Dan. 2. 44. cujus non erit finis: Luc. 1. 33.* tum etiam respectu subjectorum: *Psal. 2. 8. Donabo gentes in possessionem tuam, & fines terræ jus possessionis tuæ. Dan. 7. 14. Huic datus est dominatus, gloriaque & regnum; ut omnes populi, nationes; & linguæ ei serviant.* At tamen sub aliquo discrimine; *alii enim Christo subjiciuntur fideliter, & ex animo; de quibus Psal. 110. 3. Populi tui oblationes voluntariæ, &c.* Hos autem Ipse quadam participatione facit *Reges*, qui regnabunt in terra inchoate, quod vocatur *Regnum gratiæ*; & in cœlis perfecte, quod est *Regnum gloriæ: Apoc. 5. 10. iij. 21. Alii non nisi inviti, & tanquam rebelles, contrariò animo prorsus affecti, Regem istum; ut Judicem severum, extimescunt; qui interim eorum ministerio, ad electos suos varie exercendos, subinde solet uti; sed tandem, ut hostes subjugatos, juste puniet.* De quibus vide *Matth. 7. 21, 22, 23. viij. 12. 2 Petr. 2. 1.* Atque istud *Regnum Potentiæ* dicitur.

XLVI. Actus ejus sunt potissimum, 1. Ecclesiæ collectio: sic Christus *oves ipse adducit: Joh. x. 16.*

2. Collectæ conservatio: *Virtutis Dei præsidio custodiuntur; 1 Petr. I. 5.*

3. Gubernatio per Verbum & Spiritum: *Docet suos facere placita ipsius, & Spiritu suo bono deducit; Psal. 143. 10.*

4. Defensio: *Non peribunt in æternum, neque rapiet eos quisquam e manu ipsius; Joh. 10. 28.*

5. Glorificatio: *Reposita est iplis justitiæ corona,*

quam reddet ipsis Dominus in illo die; 2 Tim. 4. 8.

6. Hostium gloriosa subiectio: Nam oportet eum regnare, usque quo omnes inimicos subjecerit pedibus ejus; 1 Cor. 15. 25.

Eorumque 7 justa punitio: Siquidem justum est apud Deum, vicissim reddere iis, qui affligunt vos, afflictionem in revelatione Domini Jesu de caelo, &c. 2 Thess. I. 6. 7.

XLVII. Consequenter soli Christo proprium est hoc Regnum: Nam 1. Ipsi, ut Mediatori, ista ἐξουχῆ passim attribuitur: ut ostensum.

2. Substernitur ei Divina Filiatio: Psal. 2. 6, - 8. Hebr. 1. 1, - 9.

3. Actus ejus tales sunt, ut à merâ creatûra proficisci non possint.

4. Ipse dicitur Caput; Eph. 1. 22. v. 23 Fundamentum unicum: 1 Cor; 3. 11. & Sponsus Ecclesiæ; Joh. 3. 29. quæ ut Casta Virgo uni tantum sistenda Viro, scil. Christo; 2 Cor. x1, 2. Sic omnia unitatem spirant.

Unum igitur in hoc Regno spirituali Monarcham, & unum Dominum piè confitemur, juxta Eph. 4. 5. cujus Principatui subordinatum est in Ecclesiis Ministeriû: Eph. 4. 11. 1 Cor. 4. 1, 2. Sed Dominus disertè, Luc. 22. 25, 26. Reges gentium dominantur eis; -. Vos autem non ita estote. Confer Matth. 23. 8, - 12. Sic ruit jam sua sponte, Antichristianum istud Pontificiorum commentum, quo Petrum fingunt fuisse Principem Apostolorum, & Vicarium Christi: nam præterquàm quod inepta sit à Petro ad Pontificem consequentia; ad ipsam Petri confessionem, & sincerum de muneris sui functione testimonium, eos ablegamus; qui 1 Petr. v, 1, 2, 3. Presbyteros, qui inter vos sunt, precor ego, una Presbyter, -- Pascite Dei gregem -- non ut dominantes Cleris, sed ut qui sitis exemplaria gregis. Confer Gal. 2. 6. - 9; 11, -. 2 Cor. x1. 5. &c.

XLVIII. Hactenus de Officiis Christi. Nunc de va-

rio ejus *Statu* dispiciendum: alius enim fuit status ipsius *Incarnandi*; de quo sup. alius *Incarnati*. Atque hic iterum vel *Humiliationis* est, vel *Exaltationis*. *Status humiliationis* est, in quo Mediator noster Θεάνθρωπος & realiter Legi fuit subiectus, ad peragenda & sustinenda in humanitate sua omnia, quæ per justitiam Dei ad nostri redemptionem & salutem æternâ pertinebant. De hoc, *Phil. 2. 7, 8 ipse sese inaniavit forma servi accepta, & habitu inventus ut homo, ipse sese submisit, factus obediens usque ad mortem, &c.* Atque iterum, *Gal. 4. 4, 5. Emisit Deus Filium suum, factum ex muliere, factum Legi subiectum; ut eos, qui Legi subiecti erant, redimeret.* Interim spectandæ veniunt in hoc statu ejus *Vita & Mors*, ac rursus, *Vitæ Initium & Progressus*. Ad *Initium* pertinent *Conceptio, & Conformatio*; de quibus sup. th. 7.-13. & *Nativitas*.

XLIX. *Nativitas Christi* est, Ipsius secundum humanam naturam, ex utero Virginis Mariæ iusto tempore in lucem facta editio. *Luc. 2. 6, 7.* Circa modum hujus, non assentimur *Pontificiis, & Ubiquitariis*, qui contendunt, Mariam peperisse clauso utero, & sine dolore: Nam 1. & ipsa dies purgationis suæ habuit, quibus impletis infans Hierosolymam adductus est, Domino sistendus juxta Legem, *Exod. 13. 2. Luc. 2. 22, 23. Omnis masculus primogenitus* (Græce, *aperiens uterum*), *sanctus Domino erit, &c.* Sic *apertio uteri* planè asseritur, sine qua verus partus existere non potuisset; cum dimensionum penetratio contradictoria sit: nec miraculosum ex utero exitum Scriptura doceat. Istam vero solutionem post lapsum *dolor* comitatur; juxta *Gen. 3. 16.* Nec de Maria secus est statuendum; quæ & ipsa peccatrix fuit, & aliis quoque doloribus obnoxia: *Luc. 2. 35.*

Obj. 1. Cant. 4, 12. Hortus clausus, fons obsignatus, &c. Ergo. *Resp.* Locus ille non de Virgine Maria, sed allegorice de Ecclesia intelligendus est; quæ optima

fide se castam conservat Christo, & fructus suos ac proventus integros.

Obj. 2. Ies. 66. 7, 8. Cum nondum parturiet pepererit: eum nondum invadet dolor eam, jam posuerit marem. Ergo. Resp. Istud quoque de mirifice gignendis in Vocatione Gentium Ecclesiæ liberis accipiendum est. Ideo sequitur: *An efficeretur, ut pariat terra die uno? an gignetur gens vice una? quod parturit, simulque parit Tzion filios suos.*

Obj. 3. Sic Maria non mansisset virgo in partu: Ergo. Resp. Ista uteri apertio non magis, quam expurgatio menstrua, adversatur virginitati: hæc enim proprie consistit in negatione commercii virilis.

I. In progressu spectanda primum *Vita privata*; ubi statim apparuit insignis *Paupertas*, & *Humilitas*: unde 2 Cor. 8. 9. *Nostis beneficentiam Domini nostri Iesu Christi, Eum propter vos pauperem esse factum &c.* Ita mox à nativitate fasciis involutus, & in præsepi reclinatus est, eo quod non esset ipsis locus in diversorio: *Luc. 2. 7. & ingrediens mundum, dixit; Ecce adsum - ut faciam, Deus, voluntatem tuam: Hebr. x. 5, 7.* Sic inchoavit statim humilem subjectionem suam ad Legem Dei; eamque tum *Moralem*, tum *Cerimonialem* & *Politicam* *Mosaicam*; cum non solum esset creatura rationalis, & civis mundi; sed *Filius Abrahami*, *Israelita*, & *minister circumcisionis* factus. Sic ergo speciatim *Parentibus* & *Magistratibus*, adeoque & *Legibus Politicis humanis*, ac nominatim *Imperatoriiis*, in tali tunc *Politia*, fuit subiectus. Vide *Luc. 2. 51. Matth. 17. 24. - 27.* Interim eximendi sunt casus, ubi Ipse operationibus *Divinis*, aut formaliter *Mediatoriis* occupabatur: *Job. 2. 4, 5. xix, 26. Luc. 2. 48, 49.* Sed & peculiariter obligavit eum *Divina constitutio*, & propria *Ipsi*us *sponsio*, ad ea præstanda ac perferenda, quæ satisfactionis ac meriti nomine pro electis debebantur: *Ies. 53. 10. 11, 12. Matth. 20. 28. Job. x. 18. Phil. 2. 6. 7, 8. Gal. 4. 4. 5. Rom. 5. 18. 19. vii. 3, 4. x, 4.* In

In ipsa infantia respectu Legis ceremonialis valde conspicua est *Circumcisio*; *Luc. 2. 21.* cum *Gen. 17. 7, 10, -14. Levit. 12. 3.* Ubi 1. materialiter, Ipsum etiam oportuit subire actum illum obedientiæ. Vide *Matth. 3. 15.* 2. Formaliter, obsignatio promissionis foederalis optime conveniebat Sponsori & Capiti electorum suorum; ut in se, qua homo, eam quoque crederet certissime. 3. Quin imo peccatorum remissio (scil. populi sui) per satisfactionem ipsius impetranda, & vita æterna ipsius merito acquirenda, rectissime sic ipsi obsignata fuit: sicut æquum est Sponsorem dum pro debitore numerare incipit, apocham accipere. 4. Idem dicimus de gratia sanctificationis, quatenus ea à capite ad membra redundat. Similiter tenendum, de aliis *Sacramentis*, quibus Ipse insuper usus est.

Vide etiam de *Præsentatione coram Domino*; *Luc. 2. 22, 23, 24.* juxta Legem, *Levit. 12. 2, 4, 6, 8. Exod. 13. 2. Num. 8. 16.*

LI. *Vita* porro *publica* fuit, qua ipse palam se Messiam esse manifestavit. Hujus *Initiatio* facta est aliquanto post, quam *Johannes Baptista*, Ipsius prodromus. (*Mal. 3. 1. iv, 5, 6. Luc. 1. 5, -80.*) ministerium suum publice inchoasset: à quo Christus annos circiter 30 natus, in Jordane baptizatus est. Spiciatim istic notandum ipsius Johannis de Christo testimonium; imo & Cœli, Christo orante, apertio; itemque vox Patris coelitus missa, ac de Filio testificans; & Spir. Sancti super eum descensus in specie columbæ: *Joh. 1. 26, 36. Luc. 3. 21, -23. Matth. 3. 11, -17. Marc. 1. 7, -11.* atque adeo solennis ejus introductio ad munus suum publice obeundum. Subsecuta est ejus per Spiritum *deductio in desertum. jejunium 40. dierum*, & multiplex *Diaboli tentatio*: *Matth. 4. Luc. 4. & Marc. 1.*

Rejicimus autem commentum *Socinianorum*, qui Christum per hoc tempus in Cœlum raptum, & à Pa-

tre suo voluntatem ipsius, & omnia quæ ad muneris sui functionem pertinebant, edoctum volunt: neque enim Sp. Sanctus nos tale quid docet; & nostrum non est sapere, supra id quod scriptum est: 1 Cor. 4. 6.

Obj. 1. Job. 3. 13. *Resp.* Vide sup. th. 9.

Obj. 2. Atqui Paulus in Cœlum raptus fuit: 2 Cor. 12. 2, 3, 4. quanto magis ergo de Christo id statuentum? *Resp.* De Paulo quidem incertum est, utrum in corpore, an extra corpus, fuerit raptus. Sed ab ipso ad Christum non valet consequentia: hic enim necesse non habuit doceri à principio Personæ suo extrinseco.

Obj. 3. Moses per 40. dies ac noctes fuit in monte Horeb cum Deo: Deut. 9. 9, 11. Ergo. *Resp.* Esto. At non fuit in Cœlum raptus: & alia est ratio Moïsis, ut famuli; alia Christi, ut Filii Dei: Hebr. 3. 5, 6. Job. 1. 18.

LII. *Peractio* vitæ publicæ complectitur potissimum Euangelii prædicationem, & Miraculorum patratiorem; quæ in Historiis Euangelicis copiose recensentur.

Adjuncta quoque fuit *Paupertas*: Matth. 8. 20. sed absque mendicitate, & voto singulari; aut tali ratione exempli, cujus imitatio in nobis esset satisfactoria, & meritoria: quod tenendum contra mendicantes *Pontificiorum* ordines, eorumque vota spontaneæ paupertatis.

Obj. Luc. 8. 2, 3. Ergo. *Resp.* Verum ista proprie non fuit eleemosyna sed retributio qualiscunque pro institutione spirituali, aliisque beneficiis ab ipso acceptis. Vide Matth. x. 10. 1 Cor. 9. 4, - 14. Gal. 6. 6.

Conclusio vitæ Christi fuit ejus præparatio ad Mortem; quæ consistebat partim in hujus mediatione: Job. 13. 31, & seqq. partim in Discipulorum de ea instructione & consolatione; xiv, xv, xvj. partim in singulari quadam præcatione; xvij.

LIII. Sequitur *Mors* ; Extremus humiliationis actus, quo Christus pro peccatis electorum subiit pœnas quàm maxime horribiles, ad satisfaciendum iustitiæ Divinæ, & gloriam ejus declarandam. *Actum* dicimus ; non meram *passionem* : propterea quod Ipse, tanquàm Sponsor noster, volens & ex consilio eam subiit. Unde ipse de se, *Joh. x. 11. Bonus pastor animam suam deponit pro ovibus.* & 18. *Nemo tollit eam à me, sed ego depono eam per me ipsum.* Talis autem & tanta fuit ista pœna, ut gravitate sua in isto subjecto patiente, universam illam miseriam æquarit, quam omnia & singula electorum peccata demerebantur : ac proinde eadem genera, membra, & gradus in eâ possunt observari, quæ in pœnis aliorum.

LIV. *Inchoatio igitur Mortis spiritualis* in genere *damni*, fuit, Amissio istius gaudii spiritualis in humanâ Christi natura, quod alias ex fruitione Dei & summæ gratiæ perceperat, atque etiamnum percipere potuisset. In genere *sensus*, fuit iræ Divinæ degustatio, & subjectio quædam temporaria ad potestatem tenebrarum : unde orta deprecatio seria ; sed tamen cum insigni submissione ad voluntatem Patris : *Luc. 22. 42, quam excepit Sudor sanguineus : vers. 44.* adhibita interim *moderatione*, tum *internâ*, per aliqualem remissionem pressuræ in animâ ; tum *externâ*, per corroborationem alloquii Angelici : *vers. 43.*

Inchoatio mortis corporalis interna, fuit Debilitatio, quæ suppositâ corporis mortalitate per vim externam inferebatur.

Externa, & quidem in genere *damni*, quod ex Discipulis suis à Juda fuerit proditus : *Matth. 26. 47, 50.* à Petro ter abnegatus. 69-74. a reliquis desertus : *vers. 56.* a populo reprobatus & pessimo sicario posthabitus ; *xxvij. 20, 25.* vestibus suis denuddatus, 28, 35. ac tandem necessario potû destitutus : *Joh. 19. 28, 29.*

In genere *sensus*, fuit Apprehensio probrosa, tanquam latronis: *Marc.* 14. 46, -48. Judicia iniquissima, tum Ecclesiastica; *Job.* 18. 13, 14, 19, -24. tum Politica; *Matth.* 27. 11, -26. multiplex irrisio, contumelia, percussio; 26, 31. *Luc.* 22. 63, 65. Atque ipsa tandem Crucifixio & quidem nudato corpore, inter duos latrones: ad quam accessit potatio aceri felle & myrrha mixti, blasphemiarum frequentes, & sarcastica tituli inscriptio: *Luc.* 23. 33. *Matth.* 27. 31, 33, -49.

Verum & hic *mitigatio* quædam fuit; utpote Majestatis Divinæ manifestatio in militibus voce sua prostratis: *Job.* 18. 6. Innocentiæ testificatio ab ipso Pilato aliquoties facta; *xix.* 4, 6. nec non à Iudâ proditore; *Matth.* 27. 3, -5. denique & auxilium Simonis Cyrenæi in cruce ferendâ, & frequentis turbæ compassio: *Luc.* 23. 26, 27.

LV. *Consummatio mortis spiritualis* in genere *damni*, fuit, Derelictio illa Patris, & omnis consolationis ac lætitiæ spiritualis ad tempus destitutio; unde suprema illa, & pathetica moribundi exclamatio. *Deus mi! Deus mi! Quare dereliquisti me!* *Matth.* 27. 46.

In genere *sensus* fuit, Maledictio, & extrema iudicii Divini perpeßio, adversus electorum peccata. Hinc *pro nobis* dicitur *factus execratio*, cuius symbolum fuit suspensio in cruce; *ut nos ab execratione redimeret;* *Gal.* 3. 13. & *pro nobis peccatum factus*, *ut nos efficeremur justitia Dei in eo;* 2 *Cor.* 5. 21. Atque ita circumdederunt eum dolores mortis, & angores inferni obvenērunt ei: *Psal.* 18. 16. qui est Descensus ejus ad inferos; prout Catechesis nostra in Symbolo Apostol. rectè explicat *μεταφορικῶς*. Verum interim est, quod istud Symbolum nec ab ipsis Apostolis ita sit compositum: nec illa verba, *Descendit ad inferos*, ab initio ei fuerint inserta. Sed insuper satis commodè ea accipiuntur de passionibus Christi in anima, ante mor-

mortem; quamvis morti & sepulturæ sint subiecta: videtur enim rerum potius, quàm temporum, ordo servatus; adeò ut externa, & ad oculum magis conspicua, præmittantur; interna vero & spiritualia postmodum subsequantur.

Sic igitur Christus vere pro nobis in anima passus est: neque solum in sensualitate; aut parte, vel facultate illius inferiore; ut *Pontificii* loquuntur; sed etiam in ipsa rationalitate, seu facultate superiore. Addimus nunc specialius *Jes. 53. 10, 11. Propter laborem animæ suæ, &c. & Matth. 26. 38. Undiquaque tristis est anima mea usque ad mortem.* Imo quemadmodum Deo cultum rationalem debemus, in spiritu & veritate præstandum tota anima; *Rom. 12, 1. Iob. 4. 24. Matth. 22. 37.* sic ejus omissio, & praxis contraria, poenas demeretur proportionatas, in spiritu & facultate rationali etiam perferendas. Eas autem Sponsor in se receperat. Idque tenendum in primis contra *Pontif.* qui animæ Christi quoad rationalitatem attribuunt visionem beatificam ab ipsa statim conformatione: sed perperam: unio quidem hypostatica hoc præstitit, ut humana Christi natura, principium & habitum charismatum semper in se retineret; sed actus tamen secundus, & sensus gaudii spiritualis, pro tempore suspensus est: scil. *Radios subtraxit Divinitas, ut pateretur humanitas.*

LVI. *Consummatio mortis corporalis*, fuit, Ipsa separatio Animæ à Corpore, salvâ interim utriusque unionem cum Personâ & Λόγῳ. *Iob. 19. 30. Cum accepisset Iesus acetum, dixit; Consummatum est; & inclinato capite tradidit spiritum.* Vera autem fuit ista Mors; non simulata, vel ficta: & quidem ipsius Christi; non alterius cuiuspiam Christo substitui.

Mortem respectu Corporis excepit *Sepultura*, a Iosepho Arimathæo, spectabili ac divite Senatore Hierosolymitano, procurata; adjuvante etiam Nicodem:

mo: secundum prophetiam Ies. 53. 9. *Et dedit cum impiis sepulturam ejus; & cum divite in mortibus ejus.* Sed explorata prius à Pilato Mortis veritate; & adhibita per milites non ossium fractione, (uti in latronibus factum. Vide Exod. 12. 46. Num. 9. 12.) sed lateris perfossione; secundum Zach. 12. 10. Consequenter juxta typum Ionæ, per tria *ῥήματα*, quæ tamen synecdochicè accipienda, exiit in corde terræ: Matth. 12. 40. Ion. 1. 17. Horæ fuerunt in universum circiter 40. unde nata primum videtur Quadragesima, ejusque Iejunium; tempus scil. quo Sponsus fuit ablati; Matth. 9. 15.

LVII. Interim fingendus non est cum Pontificiis localis Christi descensus ad limbum infernalem; ut animas fidelium V. T. in eo tantisper detentas, liberaret; ac secum in coelum adduceret. Neque etiam statuendus, cum Lutheranis, similis ferè ad inferos descensus, ad triumphandum istic de Diabolo, Morte, &c. Sed quemadmodum communiter in morte hominis, *pulvere revertente in terram, spiritus revertitur ad Deum; Eccles. 12. 7.* sic etiam spiritus Christi, quem ipse per modum depositi in manus Patris sui jam ante commendarat. Luc. 23. 46. ipso crucifixionis suæ die in coelum receptus est. Unde ipse mortivicius ad latronem resipiscentem; *Hodie mecum eris in Paradiso; Luc. 23. 43.* quod conferendum cum 2 Cor. 12. 2, 4.

Obj. 1. Matth. 12. 40. memoratur existentia Christi in Corde terræ: quod Infernum damnatorum, aut ejus Limbum, notat. Resp. Imo sic denotatur Sepultura; non localis descensus ad Infernum damnatorum, vel Limbum aliquem infernalem. Cor metaphoricè interiora notat, & medium quodammodo; non autem præcise centrum, aut id quod centro proximum est. Vide Exod. 15. 8. Deut. 4. 11. 2 Sam. 18. 14. Et Animæ separatæ nulla istic mentio.

Obj. 2.

Obj. 2. Añ. 2. 27. ad Christum applicatur illud Psal. 16. 10. Non derelinques animam meam apud inferos. Resp. ^{וְאֵל} synecdochice Personam notat; & porro interdum Corpus vitæ expers: ut *Levit. 19. 28. xxj. 1.* ^{הַנֶּפֶשׁ} vero non definite locum damnatorum: sed statum & conditionem mortuorum, quæ talium, in loco qualicunque; & frequenter *Sepulchrum*; juxta *Gen. 37. 35. Num. 16. 30. 33. &c.*

Obj. 3. Rom. x. 7. ex Deut. 30. 12, 13. Quis descendet in abyssum? hoc est, Christum ex mortuis reducere? Ergo Christus fuit localiter in abyſſo, sive inferno, *Resp.* Imo, juxta Apostolum, doctrina Evangelica copiose satis inter Christianos erat exhibita; ut necesse non fuerit, ad eam penitus investigandam, vel cœlum quasi conscendere, vel in abyssum descendere, acsi Christus vel ex summis, vel ex imis eum in finem foret revocandus. Sed nihil de inferno damnatorum, aut Christi ad eum descensu locali.

Obj. 4. 1 Petr. 3. 18, 19. Christus per Spiritum profectus, dicitur prædicasse spiritibus qui sunt in carcere. Resp. Ibi non agitur de anima Christi separata; sed de Spiritu ipsius qui in Prophetis fuit; *1 Petr. 1. 11.* Neque de spiritibus fidelium V. T.; nedum tanquam in limbo existentibus: sed de iis, qui in diebus Noachi fuerunt immorigeri, quantumvis ejus præconio ad resipiscentiam vocati.

LVIII. Sic de *Statu Humiliationis*; cujus *Fines* fuerunt.

1. Ut Christus humiliter consummando omnem justitiam, nos justos constitueret, & vita æterna dignos: *Rom. 5. 19. Apoc. 3. 4.*

2. Ut mortem maledictam subeundo, nos à morte & maledictione liberaret: *2 Cor. 5. 15. Gal. 3. 13.*

3. Ut in ipsius tentationibus, deserrionibus, &c. adversus istiusmodi mala remedium haberemus validissimum, & victoriam certissimam: *Hebr. 2. 17. 18. Joh. 16. 33.*

4. Ut

4. Ut virtute crucifixionis, mortis, & sepulturæ Christi, vetus noster homo magis ac magis crucifigeretur, mortificaretur, & sepeliretur: *Rom. 6. 2, -8. Col. 3. 3, 5. Gal. 5. 24.*

LIX. Succedit *Status Exaltationis*, in quo Christus secundum humanam naturam, singularem præ cæteris creaturis potestatem & gloriam accepit, ita quidem ut gloria Deitatis in illa simul declaretur, modo illustrissimo.

De hoc *Phil. 2. 8. - Deus ipsum in summam extulit sublimitatem; ac donavit ei nomen quod est supra omne nomen, &c. & Hebr. 2. 9. Iesum illum cernimus honore & gloria coronatum. Adde 12. 2. Apoc. 1. 18. Tres autem sunt gradus Exaltationis, extremæ Humiliationi in Morte, Sepultura, & Descensu ad inferos, respondentes; Resurrectio ex mortuis, Ascensio in cœlum, & Sessio ad dextram Patris.*

LX. *Resurrectio* est primus gradus Exaltationis, quo Christus e statu & loco mortuorum ad vitam gloriosam evectus est. Vide *Marc. 16. 9. Cum autem resurrexisset Iesus mane, &c. Rom. 4. 24, 25. 1 Cor. 15. 3, -5.*

Atque huc pertinet primo actus internus; ipsa scil. gloriosa Christi *revivificatio*, secundum humanam naturam, quæ involvit, 1. Animæ reductionem ad Corpus. 2. Corporis transmutationem ad incorruptibilitatem & gloriam. 3. Utriusque unionem redintegratam & inseparabilem. *Rom. 6. 4, 9, 10. 1 Cor. 15. 20; 42, 43; 53. Secundo etiam actus externus; videl. Exitus è sepulchro, ad manifestationem vitæ illius restitutæ. Marc. 16. 6.*

Hæc prædicta fuit, *Psal. 16. 10. cx. 7. Is. 53. 10. & Hof. 6. 2. Accessit typus Ionæ Prophetæ; Ion. 17. 11, 10. cum Matth. 12. 40.*

Facta autem est virtute Divina, quæ Christo cum Patre & Spir. S. pariter competit: quapropter hæc actio

actio & Patri adscribitur, *Eph.* 1. 19. 20. & ipse Filio, *Ioh.* 2. 19, 21. x, 17, 18. & Spir. Sancto, *1 Petr.* 3. 18. *Rom.* 1. 4.

Fines ejus erant, 1. Ut se Filium Dei justificatum, *1 Tim.* 3. 16. & alios justificantem, declararet: *Rom.* 4. 25. *1 Cor.* 15. 17.

2. Ut victoriam plenissimam de morte partam ob-
signaret: *1 Cor.* 15. 57.

3. Ut reliquas officii sui partes in vitâ gloriosâ ad-
impleret: *Rom.* 8. 34. *Hebr.* 7. 16, 17. *Apoc.* 1,
17. 18.

4. Ut resurrectionis nostræ, tum spiritualis, tum
corporalis, hypostasis, exemplar, & initiatio foret:
Rom. 6. 4, 5. *Eph.* 2. 5, 6. *1 Cor.* 15. 20, 21, 22, 23;
49. *Phil.* 3. 20. 21.

Hanc factam comprobarunt Angeli; *Matth.* 28.
2, 3. & seqq. Ipse Christus per 40. dies, tum appari-
tionibus & signis variis; *Act.* 1. 3. tum etiam probatio-
nibus Scripturariis; *Luc.* 24. 25, - 27 & Homines;
potissimum 500. illi fratres; *1 Cor.* 15. 6. Mulieres;
Matth. 28. 8, 10, 11. Petrus; *Luc.* 24. 34. Discipuli
Emauntici; 35. Atque ipsi denique Apostoli, qui
juxta munus sibi demandatum, per totum terrarum
orbem huic veritati testimonium præbuerunt: *Marc.*
16. 20. *Act.* 1. 8, 11; 32.

LXI. *Ascensio in cælum* est secundus gradus exalta-
tionis, quo Christus secundum humanam naturam, de
terra in Cœlum supremum evectus est localiter & vi-
sibiliter, ; ubi existit Ecclesiæ bono, donec revertatur
ad extremum & universale judicium. *Marc.* 16. 19.
*Dominus, postquam locutus esset eis, sursum receptus
est in Cælum.*

Subjectum mobile fuit ipse Christus secundum hu-
manam naturam: eadem igitur Anima, & idem Cor-
pus, in resurrectione unita, hîc spectari debent. Nec
statuendum cum *Socin.* Christum hoc deposuisse, &
aliud

aliud essentiâ spirituale assumpsisse : nam neque Scriptura id docet ; neque citra evidentem contradictionem Corpus essentiâ spirituale , fingi potest.

Terminus a quo fuit Mons Oliveti , prope Bethaniam : *Luc.* 24. 50, 51. *Terminus ad quem*, Coelum supremum, sive Coelum beatorum : *Eph.* 4. 10. *Hebr.* 7, 26.

Quod ad *Modum* attinet , Ascensio illa facta est localiter, terram deferendo , & per media sursum tendendo ; ac simul visibiliter, Discipulis motum istum visu suo aliquamdiu observantibus : *Act.* 1. 9, - 11.

Quantum ad *Tempus* , facta est postquam Christus 40. dies Resurrectionis suæ veritatem sufficienter asseruisset , & Discipulos suos de variis adhuc instruxisset.

Prædicta ea fuit *Psal.* 68. 19. cum *Eph.* 4. 8, - 11. & præfigurata , Summo Sacerdote , quotannis Sanctum Sanctorum ingrediente , quod Coeli erat exemplar. *Levit.* 16. 12, - 17. cum *Hebr.* 9. 7, 24.

Causa efficiens eadem fuit , quæ Resurrectionis ; Virtus scil. Divina : atque hinc respectu Patris Assumptio dicitur ; sed respectu filii, Ascensio : *Act.* 1. 11. Accedente suo modo Corporis glorificati conditione ; *1 Cor.* 15. 44, 46, 49.

Fines fuerunt , 1. Ut humanam suam naturam jam vere glorificatam in vero gloriæ domicilio collocaret ; se Dominum cœlestem demonstraret : deque hostibus suis triumpharet gloriosissime : *Eph.* 1. 20, 21. *1 Cor.* 15. 47, - 49. *Eph.* 4. 8.

2. Ut ea quæ in coelis ad salutem electorum erant peragenda, Intercessione sua expediret ; & Spiritum interim , cum variis donorum distributionibus , ad suos mitteret : *Hebr.* 9. 24. *Joh.* 14. 2, 3. xvj, 7.

3. Ut suorum nomine possessionem Regni cœlestis adiret ; atque adeo & nos Ascensionis nostræ in Coelum , argumentum haberemus certissimum : *Eph.* 2. 6. *1 Cor.* 15. 49. *Joh.* 17. 24. *Apoc.* 3. 21.

4. Ut in Cœlestium meditatione essemus perpetui,
& ad

& ad superna semper attentis : *Col. 3. 1. Phil. 3. 20.*

LXII. Ordinis ratione Christus recte dicitur primus in Cœlum ascendisse : *Hebr. 9. 8. Hoc declarante Sp. Sancto nondum factam fuisse manifestam ad Sacrarium viam , priore Tabernaculo adhuc consistente. Quamdiu igitur duravit prius Tabernaculum , via ad Sacrarium , quod Cœlum adumbrabat , non fuit manifesta : obstabat enim Velum intermedium. Hoc autem ruptum fuit in morte Christi : Matth. 27. 51. Et sic ipse moriens apertionem Cœli impetravit ipso actu. Animæ quidem fidelium V. T. prius tempore ascenderant : Col. 1. 20. cum Hebr. 12. 23. imo etiam Enoch & Elias anima & corpore conjunctis : Gen. 5. 24. Hebr. xi. 5. 2 Reg. 2. 11. sed id factum prævia virtute impetrationis Christi.*

Testes hujus Ascensionis fuere Apostoli : *Act. 1. 2, 3, 4, 6, 9, 10. atque item duo Angeli , qui eam confirmarunt : 10. 11.*

LXIII. Ex superioribus sequitur , Christum secundum humanam naturam nunc tantum in Cœlo esse ; non ubique ; ut existimant *Lutherani* : nec in Cœlo , atque insuper in multis distinctis terræ locis simul ; ut volunt *Pontificii*. Sed plenius orthodoxam sententiam adstruimus ;

1. Ex iis S. Scripturæ locis, quæ ipsum terram prorsus deseruisse confirmant : sic ipse de se , *Joh. 16. 28. Relinquo mundum ; & proficiscor ad Patrem. xvi), 11. Non sum amplius in mundo , &c. Matth. 26. 11. Pauperes semper habebitis vobiscum ; Me vero non semper habebitis.*

2. Ex iis, quæ Cœlum supremum, oppositè ad Terram, pro loco continente ipsi attribuunt : ut *Mar. 16. 19. -Sursum receptus est in Cœlum. Act. 3. 21. Quem oportet quidem Cœli capiant , ad tempora restitutionis omnium. Item Act. 1. 11. Luc. 24. 51.*

3. Ex iis, quæ reditum ipsius è Cœlo in nubes, ad

extremum judicium, localiter, & visibiliter futurum, docent: sic *Act. 1. 11. Ita veniet, quemadmodum spectastis eum proficiscentem in Cælum. Matth. 24. 30. Videbunt Filium hominis venientem in nubibus cæli. &c. xxv, 31, 32. Cum autem venerit Filius Homi-* nis; - *tunc sedebit in throno gloriæ suæ, & cogentur corameo omnes gentes, &c.*

4. Ex ipsius Christi & Apostolorum instructionibus adversus hæreses & superstitiones; atque item hortationibus, ad studium sanctimonix, & praxin fidei ac spei. Hinc *Matth. 24. 26. Si dixerint vobis, Ecce in deserto est, ne egredimini: Ecce in conclavibus, ne credite. Hebr. 8. 4. Si esset in terra, ne Sacerdos quidem esset. Col. 3. 1. Si resurrexistis cum Christo, superna quærite, ubi Christus est ad dextram Dei sedens. 2 Cor. 5. 6, 8. Phil. 1. 23.*

5. Adde veritatem & unitatem humanæ naturæ in Christo; atque adeo Corporis impenetrabilitatem, extensionem, localitatem, & similes ejus affectiones; quas ut non destruxit Unio hypostatica, sic neque Glorificatio. Vide sup. th. 21.

Obj. Stephanus post Ascensionem vidit Christum; *Act. 7. 55, 56. & Paulus, ix. 3, 4, 5; 17. xvij, 9. xxij. 11. & Johannes: Apoc. 1. 10, 12, 13. Ergo. Resp.* Visiones illæ ecstasticæ, aut aliter extraordinariæ, ne quidem pro illo tempore localem Christi secundum humanam naturam in terris præsentiam inferunt; nedum perpetuam, sed invisibilem: cum Christus duntaxat in eorum phantasia & intellectu, intentionaliter; aut aliter symbolicè, fuerit repræsentatus.

LXIV. *Sessio ad Dextram Dei* est tertius & summus gradus Exaltationis, quo Christus Mediator à Deo evectus est ad supremam in Cœlo potestatem & gloriam, supra omnes Creaturas. *Marc. 14. 62. Videbitis Filium hominis sedentem ad dextram potentie Dei. Rom. 8. 35. Eph. 1. 20, -23. Hebr. 8. 1. xi), 2. juxta proph-*

phetiam *Psal.* 110. 1, 2. Est autem modus loquendi improprius, à Regibus, aliisque personis illustribus, desumptus; qui aliquos interdum honoris causa ad dextram suam collocant, & sic reliquis præferunt. Vide *Psal.* 45. 10. *1 Reg.* 2. 19. *Matth.* 20. 21. Sic denotatur summum & inaccessum gloriæ fastigium, ad quod Resurrectio, & Ascensio, viæ instar fuerunt: quapropter & nos Resurrectionis quidem atque Ascensionis reddimur participes; sed non propriè Sessionis ad Dextram Patris. *Hebr.* 1. 13. *Cui Angelorum dixit unquam; Sede ad dextram meam, &c.*

LXV. *Causa* hujus efficiens eadem est, quæ in gradibus Exaltationis prioribus.

Fines autem, 1. Ut caput nostrum tam gloriose exaltatum, nos etiam ad sui unionem & communionem adduceret; suumque Spiritum membris suis gloriose communicaret. *Act.* 2. 33. *Itaque dextrâ Dei sursum sublatus, & promissum Sp. Sanctum adeptus à Patre, effudit quod vos nunc cernitis & auditis.* Confer *Matth.* 28. 18, 19. *Rom.* 12. 5, 6. *Eph.* 2. 22. 23.

2. Ut suos gloriose conservaret, ac defenderet, & cœlestis tandem gloriæ secum participes faceret. *Matth.* 28. 20. *Ego vobiscum sum omnibus diebus usque ad consummationem sæculi.* *Apoc.* 3. 21. *Qui vicerit, tribuam ei, ut sedeat mecum in throno meo: ut & ego vici, & sedeo cum Patre meo, in throno ejus.*

Sic ergo Mediator noster Θεάνθρωπος, tanquam Rex Ecclesiæ, Regiam suam potestatem illustri modo nunc exerit: 1 *Cor.* 15. 25. atque hinc præfens ejus functio Sacerdotalis omnino Regia est; Intercessio videl. gloriosissima & efficacissima ad salutem electorum, & vindictam hostium: *Apoc.* 8. 3, 5. Imo & Prophetia ejus Regia est, per potentem Sp. Sancti cum prædicatione Ministrorum cooperationem: 1 *Thess.* 1. 5. *Marc.* 16. 20.

LXVI. Frustra interim *Lutherani* ex hac Sessione Christi ad Dextram Dei, ubiquitatem ejus secundum humanam ipsius naturam colligunt: nam distinguendum est inter Dextram Dei, & Sessionem ad Dextram Dei. Atque adeo ob specialem hujus phrasios significationem nequaquam sequitur, Christum secundum humanam naturam præsentem adesse, ubicunque illud est, quod improprie nonnunquam Dextra Dei appellatur: non magis quam urbs aliqua ad mare, aut flumen, sita, dicenda est adæquate existere, ubi illud mare, aut flumen, existit.

Tenendum etiam contra *Socinianos*, eorumque sequaces *Remonstrantes*, hanc Sessionem ad Dextram Dei, non esse veram ac propriam causam, cur Christus appelletur *Filius Dei*; quemadmodum neque Nativitatem ex Virgine, Patrationem miraculorum, vel Resurrectionem ex mortuis: sed solam æternam ineffabilem generationem, qua est Filius Dei proprius, unigenitus. &c. quæ per actus jam proxime recensitos multifariam quidem fuit declarata, & sic præsupposita; sed non fundata, vel formaliter posita.

Concedimus interim Christo secundum humanam naturam eminentiori quadam ratione ea competere; vel similia iis, ob quæ fideles appellantur filii Dei: verum in subjecto, ubi significatio propria locum habet, ea omnino agnoscenda est; nec ad rationes metaphoricæ significationis, quales in subjectis metaphorice sic dictis attendi solent, confugiendum.

LXVII. Superest ut contra *Judeos* concludamus, Jesum Christum, in quem Christiani credimus, esse verum Messiam, olim sub V. T. promissum & expectatum: supposito enim Messiam jam pridem venisse, quod probatum dedimus, cap. 11. th. 43. inquirendum omnino, quis ille sit; & pro Messia agnoscendus haud dubie, cui omnia ista *κρίτηρια* conveniunt. Tale igitur formamus *Argumentum*: Cui competunt omnia

de Messia olim prædicta & præfigurata, & quidem soli, is pro vero Messia agnosci & recipi debet : Sed Iesu Christo, in quem Christiani credimus, ista omnia competunt, & quidem soli. Ergo. *Majer* manifestissimæ veritatis est, postquam antè asseruimus, Messiam dudum venisse. *Minor* etiam in superioribus probata est per partes : tum quoad Personam, ejusque ortum secundum humanam naturam, vitam, ejusque adjuncta, & mortem, atque exaltationem; tum quoad officia & beneficia : nisi quod de Salutis impetratione & applicatione pluribus etiam agendum sit deinceps.

Obj. 1. Nomen Messia appellandum fuit משיח; non Iesus : Ies. 7. 14. *Resp.* Scil. quemadmodum *Admirabilis, Consiliarius, Deus fortis*, &c. 9. 5. itemque *Jehovah Iustitia nostra*; Jerem. 23. 6. Sic igitur elogia & tituli exprimuntur : non ipsum nomen proprium ; quod ei in Circumcisione fuisset imponendum, & inter Homines communiter usurpandum.

Obj. 2. Nec Iesu Christo conveniunt ista. Ies. 7. 15, 16. de Esu butyri & lactis, deque Terra interim liberandâ. Ergo. *Resp.* Prius facit duntaxat ad denotandam humanam Christi naturam, & communem educationis puerilis sortem ; tantillo autem temporis spatio, quantulum inter infantis nativitatem, ac primam discretionis notitiam, intercedere solet, liberatio terræ futura Achazo promittitur. Vide similia de filio Prophetæ, cap. viij, 3, 4.

Obj. 3. Christus dixit se Filium Dei, Regnum mundanum non erexit, humilis vixit, a primoribus populi rejectus fuit, mortem maledictam sustinuit, &c. Ergo. *Resp.* Ista nequaquam urgenda sunt contra hoc fidei & salutis nostræ mysterium : sed agnoscenda potius, tanquam vera & necessaria Messia requisita ; ut ex præmissis jam satis manifestum est.

LXVIII. Pro *Praxi*; 1. Hunc unicum Mediatorem Θεάνθρωπον vera fide agnoscamus: *Joh.* 3. 16. xvij, 3. In sanguine ipsius reconciliationem & pacem quaeramus: *Rom.* 5. 10, 11. *Eph.* 2. 13, 14, &c. In illo Sponsore nostro ἀντιψύχω confidamus: *Hebr.* 7. 22. 2 *Cor.* 5. 21. In illo Redemptore liberationem credamus: *Joh.* 19. 25. *Eph.* 1. 7. In illo Salvatore perfecto unice acquiescamus: *Hebr.* 7. 24, 25. *Act.* 4. 12.

2. Tantum illum Prophetam audiamus: *Deuteron.* 18. 18, 19. cum *Act.* 3. 22. In ipsius Sacerdotali oblatione, nostri à peccatis purificationem constituamus: *Hebr.* 9. 13, 14. 1 *Joh.* 1. 7. & in ejusdem jugi Intercessione, de favore complacentiæ Divinæ plenè persuasi, precibus nostris frequenter in ejus nomine ad Deum accedamus: 1 *Joh.* 2. 1. 2. *Hebr.* 4. 16. Regi nostro spirituali libentes nos subjiciamus: *Psal.* 2. 6, 10, - 12, cx, 3. & viventes in Regno Gratiae, ad Regnum Gloriæ contendamus: *Apoc.* 3. 21. 2 *Tim.* 4. 6, - 8.

3. Vitam ejus sanctissimam sedulo imitemur: 1 *Joh.* 3. 3. *Eph.* 4. 26, 21, 24. Quoad Intellectum, Voluntatem, & Affectus, ei quam proxime conformemur: *Col.* 2. 3. *Matth.* 26. 39. *Psal.* 40. 9. In perpeffionibus hujus mundi, tolerantiam; *Hebr.* 12. 1, 2. In tentationibus Diaboli, vigilantiam; 1 *Petr.* 5. 8, 9. & in omnibus adversis, constantiam adhibeamus: 1 *Petr.* 2. 19, - 24. donec ex hac miseriarum valle liberati, in coelestis Gloriæ domicilium elevemur: *Rom.* 8. 17, - 19.

CAP. XIII.

De Salutis Impetratione.

Salus. Ejus impetratio. 1. Satisfacere. Obligatio. Solutio. Remissio. Novatio. Delegatio. Acceptilatio. Dispensatio. 2. In hoc negotio non acceptilatio. Nec solutio rei per expressam Legis formulam debita, &c. Sed remissio propter antecedentem Satisfactionem. 3. Causa efficiens prima. quasi proëgumena. procatactica. 4. Deus hic non proprie spectandus, ut pars offensa: neque ut Dominus absolutus. Sed ut Rector. 5. Est actus Jurisdictionis. 6. Non Legis abrogatio: nec derogatio. Sed interpretatio καὶ ἐνείκελον. 7. Causa efficiens altera. Proëgumena. Materia. Forma. Fines. 8. Sententia Socin. & Remonstr. qu. Orthodoxa probatur. 9. Objectiones solv. 10. Meritum. Causa efficiens prima. Altera formaliter exequens. Materia. Forma. Finis. Probatur. 11. Sententia Socin. Obj. solv. 12. Christus nobis etiam meritus est fidem & regenerationem: c. Remonstr. 13. Intercessio Christi. Finis cui, non Angeli: nec omnes & singuli homines, c. Pontif. Remonstr. &c. 14. Objectiones solv. 15. Sententia Adversariorum. 16. Christus etiam sibi gloriam cœlestem meritus est. 17. Sententia Scholast. Obj. solv. 18. Et pro se quoque precatus. 19. Rejiciuntur Satisfactiones & merita alia. Thesaurus Ecclesie, &c. c. Pontif. 20. Refutantur. 21. Objectiones solv. 22. Praxis. 23.

I.



Gendum nunc ex ordine instituto de Beneficiis Christi Mediatoris distincte, Salutis Impetratione, & ejusdem impetratæ Applicatione. Salus ista completur Immunitatem à malis culpæ ac poenæ, & Fruitionem bonorum justitiæ ac gloriæ. *Salutis impetratio* est, ejus acquisitio, Iustitiæ & Constitutioni ipsius Dei consentanea. In qua spectanda primum *Satisfactio* & *Meritum*; ac deinde *Intercessio*.

II. *Satisfacere*, cui respondet τὸ ἱκανὸν ποιεῖν, Marc. 15. 15. sonat Præstare quod satis est, & desiderium alicujus implere: ut si in compensationem culpæ fiat, quod jus Dei postulat, adhibita interim insigni ἑπαιξία. Ex *Culpa* nimirum oritur *Obligatio* ad *Pœnam*; quemadmodum ex *Credito*, ad *Solutionem* convenientem. Talis autem *obligatio* vel antecedente solutione tollitur, vel citra solutionem. *Solutio alia* ipso facto liberat debitorem; ut si solvatur id ipsum, quod erat in obligatione: *alia* non item; ut si solvatur aliud, quam id quod erat in obligatione: quo casu necessum est, ut intercedat aliqua *Remissio*; & talis solutio, si admittatur, speciali nomine *Satisfactio* dicitur. Hujusmodi liberatio aliquando fit substitutione novæ obligationis; atque ea est *Novatio*: vel novi debitoris; quæ est *Delegatio*: aliquando etiam omnimodâ obligationis peremptione; quæ circa debitum solennibus quibusdam verbis peracta, *Acceptilatio*, solutio imaginaria; circa poenam, communi nomine *Gratia*, *Venia*, *Indulgentia*, *Abolitio* appellatur. Cum solutio recusabilis admittitur in materiâ poenæ, fit quædam *Legis Relaxatio*. Cum Legislator mentem suam in Lege, vel ejus Sanctione, minus plenè expressam, declarat; & τὸ ἀντιβόδιον, quod alias urgendum videbatur, explicando mitigat; obtinet *Interpretatio καὶ ἑπαιξία*. Cum vero Legis manentis obligatio circa quasdam personas aut res tollitur, ea est

Dis-

Dispensatio, sed respectu Debitoris est *Remissio*.

III. In hoc nostro negotio non est *Acceptilatio*, 1. quia solum acceptilatur ea res, quæ cæterioquin accipi posset: at Poenam non accipit Rector. 2. Christus non præstitit solutionem imaginariam; sed verum & æquivalens λύτρον persolvit.

Neque etiam *Solutio ipsius rei per expressam Legis formulam debitæ*: nec *Novatio*, aut *Delegatio*: sed est *Remissio* propter antecedentem *Satisfactionem* Christi, tanquam causam liberationis nostræ impetratoriam: Sic enim disertè, Eph. 1. 7. *In quo habemus redemptionem per sanguinem ipsius, remissionem lapsuum, ex divite ipsius gratia. Rom. 3. 24, 25. Ut qui iustificentur gratis, ejus gratiâ, per redemptionem factam in Jesu Christo; quem præstituit Deus placamentum per fidem in sanguine ipsius, ad demonstrationem justitiæ suæ, &c.*

IV. Hujus nostræ liberationis *Causa efficiens prima* est ipse Deus: *Jes. 53. 10. Job. 3. 16. 2 Cor. 5. 18, 19, 21. Ubi occurrit Causa quasi proëgumena*, Ipsius rum Misericordia, rum Justitia: *Psal. 85. 11. Misericordiæ, quasi Procataretica* obversatur nostra Miseria; unde nos Deus misericors liberatos voluit convenienti quodam modo: *Rom. 9. 32. Justitiæ, nostra Peccata; quatenus hæc reatum inducunt: propterea illa Satisfactionem postulavit, priusquam nos liberaremur. Atque adeo hic omnino agnoscenda est causa quædam antecedens legitima, sive juridica, præter Dei & Christi voluntatem: unde Christus traditus dicitur propter peccata nostra. Rom. 4. 25. minime autem mortuus ὡς ἐάν; Gal. 2. 21.*

V. Deus interim hic considerandus est, non simpliciter ut *Pars offensa*; quia parti offensæ per se non competit jus puniendi: cum punire sit actus τὸ πᾶν ἐξ ὁχλῆς. Neque etiam simpliciter, ut *Dominus absolutus*: hic enim, qua talis, de suo facere potest quod vult; Deus autem peccata prorsus impunita dimittere non potest. Vide sup. Cap. 4. th. 56. L 1 5 Sed

Sed considerandus proprie ut *Rektor* ; qui Juris custos & vindex est, & quasi τὸ δίκαιον ἐμψυχον : cujus est poenas infligere ; vel etiam à poenis liberare, quem punire posset pro rigore. Poena enim in coactione ultimum est ; coactio autem non competit, nisi Superiori. Unde vindicta privata tam serio prohibetur ; *Matth. 5. 39. Rom. 12. 19-xij, 4.*

VI. Consequenter actus Dei in hoc negotio est *Actus Jurisdictionis* ; ad quam pertinet juris normam præscribendi, sanciendi, atque item causas ad eam cognoscendi, judicandi, & exequendi potestas. Si actus iste consideretur citra specialem respectum ad sanctionem, recte dicitur *Punitio unius ad impunitatem alius procurandam* : aut si ipsa quoque sanctio spectetur, est *via ad temperamentum aliquod ejusdem Legis* ; ita quidem, ut *Lege manente, & vigorem suum obtinente*, nos tamen a condemnatione immunes evadamus : *Rom. 8. 1. quod posito peccato, fieri non potuisset in stricta Legis executione.*

VII. Neque tamen facta est *Legis abrogatio* ; cum infideles ejus sanctioni etiamnum inaneant obnoxii : *Ioh. 3. 36. 1 Thess. 2. 16.* Nec Legi quicquam derogatum est : nam *usquedum præterierit cælum & terra iuncta unum, aut unus apex, nequaquam præterierit ex Lege* ; *Matth. 5. 18.* Nec facta est *Dispensatio* ; cum obligatio nostra ad poenam non fuerit impliciter sublata ; sed in Sponsorem translata. Verum facta est *Interpretatio καὶ ἀπεικείαν*, qua Sponsor dignissimus, nobisque conjunctissimus, admissus est loco nostro ; ejusque satisfactio æquivalens, pro poenis nostris.

VIII. *Causa efficiens altera* est Christus Mediator, qua talis ; & quidem volens : *Jes. 53. 7, 10, 12. Psal. 40. 7, 8. cum Hebr. x. 5, 10. Proëgumena* ei respondens est, tum summa Christi aptitudo ad peragendam sic nostri liberationem. Vide sup. cap. 12. th. 5. 6. tum summa ipsius *Φιλανθρωπία* : *Joh. 15. 13. Gal. 2. 20.*
Quasi

Quasi *materiam* constituunt voluntariæ perpeſſiones malorum triftium, quæ Chriſtus Θεάνθρωπος & per univerſam ſuam vitam humilem animâ & corpore pro nobis ſuſtinuit.

Formæ vicem præſtat ratio pœnæ pro nobis vicariæ, ex reſpectu perpeſſionum illarum ad noſtrum demeritum; & quidem validæ, ad λύτρον pro nobis præſtandum, ex dignitate Perſonæ Θεανθρώπου, & tali ipſius Dei conſtitutione.

Finis propinquus eſt, noſtra immunitas à miſeria; h. e. tum a reatu: Rom. 5. 9. 1 Theſſ. 1. 10. tum etiã a turpitudine & ſervitute ipſius peccati: Rom. 6. 4, 6. 11, 18. Tit. 2. 14.

Finis ſummus eſt demonſtratio glorioſæ Miſericordiæ: Eph. 1. 6, -8. & Juſtitie Divinæ; Rom. 3. 25, 26.

IX. *Sociniani* veram Chriſti Satisfactionem pro peccatis noſtris prorsus negant: Ipſe Socinus de Chriſto Servatore part. 1. cap. 1. dicit -, Ieſum Chriſtum „ ideo Servatorem eſſe, quia ſalutis æternæ viam nobis „ annuntiaverit, confirmaverit; & in ſuâ ipſius perſona, cum vitæ exemplo, tum ex mortuis reſurgendo, manifeſtè oſtenderit; vitamque æternam nobis „ ei fidem habentibus ipſe daturus ſit. *Divinæ* autem „ *Juſtitie* per quam peccatores damnari mereremur, „ pro peccatis noſtris, neque illum ſatiſfeciffe; neque ut ſatiſfaceret, opus fuiſſe. Similiter idem alibi, ac paſſim *Sociniani*; ſed nec multo aliter *Steph. Curcellæus* in Diſſertatione de Vocibus Trinitatis, &c. §. 30. aliique ſequaces.

Nos orthodoxam veritatem breviter confirmamus; Chriſtum videl. Mediatorem & Sponſorem Θεάνθρωπον, pœnas pro nobis vicarias ſuſtinendo, demeritum peccatorum noſtrorum, in ordine ad Juſtitiam Dei, ſufficienter compenſaſſe: atque ita nobis immunitatem a miſeria vere impetraſſe. Illud autem probamus quatuor potiſſimum *Argumentorum claffibus*, de-

desumtis a totidem titulis; videl. *Sponsor, Redemptor, Sacerdos, Mediator.*

1. Ex titulo *Sponsoris* in hunc modum argumentamur: Qui ipse innocens & justus, tanquam Sponsor, obligatus pro nobis in iis, quæ apud Deum agenda erant; pro nobis & loco nostro, pro peccatis nostris & propter ea, sic execrationi ex Lege Divina pro nobis subjectus; mortem violentam, ignominiosam, & maledictam, atque adeo pœnas peccatorum nostrorum, tulit; & quidem æquivalentes, per dignitatem Personæ, iis pœnis, quas ipsi alias ferre debuissimus; Is vere pro nobis satisfecit: Sed Christus, &c. *Major* certissima est; cum nihil amplius ad veram Satisfactionem requiri possit. *Minor* autem patet ex cap. 12. th. 30.

2. Ex titulo *Redemptoris*: Qui ipse insons & sanctus tanquam Redemptor noster, soluto pro nobis Redemptionis pretio, & ad culpam nostram redimendam; sic pretioso sanguine suo pro nobis fuso; nos ab Execratione Legis Divinæ redemit; atque in populum sibi peculiarem nos acquisivit & liberavit; Is vere pro nobis Satisfecit: Sed Christus, &c. *Major* similiter certissima est, per sufficientem enumerationem eorum, quæ ad satisfactionem requiruntur. *Minor* vero probata est dicto cap. 12. th. 31.

3. Ex *Oblatione Sacerdotali*: Qui omnino sanctus, tanquam verus Sacerdos, ipse corpus suum cruenta oblatione, accedente Divina ipsius virtute, pro nobis obtulit in cruce; sic remissionem nobis impetravit; ac purificationem, in ordine ad conscientiam & cœlestia, pro nobis peregit; peccata nostra expiavit; nos in conscientia, quoad impetrationem, consummavit; Deum suo sanguine nobis placavit; & Gratiâ Ipsius ista ratione nobis conciliavit; Is vere pro nobis satisfecit; Sed Christus &c. *Major* itidem evidentissimæ veritatis est: *Minor* autem jam asserta, ibid. th. 37, -.

4. Ex titulo *Mediatoris* denique: Qui cum esset sanctissi-

etissimus, dignissimus, & nobis conjunctissimus, tanquam Mediator ἡμεῖς, seipso pro nobis in ἀντί-
αὐτοῦ dato, ita ut morte sua redemptionem transgres-
sionum nostrarum perageret; sui sanguinis fusione
& aspersione pacifica inimicitiam peremit; ac Deo
nos reconciliavit; Is vere pro nobis satisfecit: Sed
Christus, &c. *Major* item certissima est. *Minor* autem
probata ibid th. 24.

X. *Obj.* I. Satisfactio Christi pro peccatis nostris in-
justissima foret: sic enim fontibus sponte dimissis,
Deus infontem punivisset eorum loco. Ergo. *Resp.* I-
mo ea neque ex parte materiæ, neque ex parte formæ,
injusta censi debet. Non ex parte materiæ: Chri-
stus enim afflictiones malorum tristium omnino per-
tulit, Deo sic disponente, & Christo consentiente: u-
bi nulla profus injuria; fatentibus id ipsum Adversa-
riis. Non ex parte formæ, sive ratione poenalitatis ex
reatu peccatorum nostrorum; quem Sponsor volens
in se recepit; & supremus Dominus volenti imputa-
vit; atque adeo idem Rector ab eo exegit: nam pu-
niri aliquem ob peccata aliena, ipsis nocentibus dimis-
sis, non est simpliciter injustum; nec absolute contra
naturam poenæ. Vide *Thren.* 5. 7. *2 Sam.* 24. 17.

Obj. 2. Deus voluit, & potuit, peccata nobis con-
donare sine vera pro iis satisfactione; sic enim poenas,
intercedente solum poenitentia, aliquoties remisit.
Resp. Neg. antecedens. Ad probationem ejus quod
attinet, Deus quidem interveniente aliqua poeniten-
tia poenas nonnunquam distulit, aut mitigavit; sed
non prorsus abstulit nisi fidelibus & resipiscentibus,
propter satisfactionem Christi.

Obj. 3. Verbum ἀφέναι excludit omnem satisfac-
tionem. Ergo. *Resp.* Neg. sed contrarium est ἡμεῖς
ἡμεῖς: hinc Rei infontis in judicio facta absolutio, ἀφε-
σις etiam appellari potest; quanto magis nocentium
ob satisfactionem Sponsoris, ab ipso Rectore dati.

Obj.

Obj. 4. Parabola *Matth. 18.* omnem satisfactionem excludit. Ergo. *Resp.* Ista parabola ultra scopum suum non est extendenda; utpote quæ similitudine, a debito pecuniario sumpta, benignitatem commendat, & omnem in proximum sævitiam & privatam vindictæ cupiditatem prohibet: non autem excluditur omnis exactio pœnæ, cæteroquin nec ipsi fontes a Iudice forent plectendi. Ac proinde ut diversa est ratio debiti pecuniarii respectu Juris privati, a debito pœnali respectu juris publici; sic etiam aliter se habet remissio. Deus igitur remittit convenienter naturæ suæ sanctissimæ & justitiæ rectorali; nos vero convenienter conditioni nostræ privatæ.

Obj. 5. Saltem vox *χαρις* & *δα* in hoc negotio usurpara, *Col. 2. 13. iij. 13.* omnem satisfactionem excludit. *Resp.* Ea solum notat beneficium indebitum: tale autem est remissio respectu nostri; *Tit. 3. 3.* quamvis non item ratione Christi; cujus sanguine emti & redempti dicimur. *1 Petr. 1, 19.* unde Deus nobis dicitur *χαρις* & *δα* ἐν Χριστῷ, *Eph. 4. 32.*

Obj. 6. Christus patiendū exemplum nobis reliquit: *1 Petr. 2. 24. Phil. 2, 5, -8.* Ergo pro nobis non satisfecit: satisfactionem talem enim imitari nec possumus, nec debemus. *Resp.* Reliquit exemplum imitandum materialiter, sed non formaliter.

XI. Succedit *Meritum*; Actus Christi Mediatoris, quo ipse consummata universa Legis obedientia, & sic præstita conditione, quam ea requirebat, jus vitæ æternæ, atque omnia bona salutaria, electis suis dignè acquisivit.

Causa ejus efficiens prima fuit ipse Deus.

Altera formaliter exequens fuit Christus.

Materia fuit universa Christi justitia, sanctitas, & obedientia.

Formæ vicem præstitit dignitas istius obedientiæ, ad acquirendum, secundum Legis promissionem & pactum;

ctum, jus vitæ æternæ, cum omnibus bonis salutari-
bus.

Finis vero, ut ne Lex fieret irrita; & nos ea salva
jus illud salutare adipisceremur.

Hæc autem sequentibus *Argumentorum classibus* il-
lustrantur & confirmantur; quibus instruendis servient
tituli, *Lex, Alter Adamus, & Justitia.*

Primo igitur argumentamur ex consideratione ipsius
Legis; quæ promissionem habuit annexam, *Qui fecerit*
ea, vivet in iis: *Levit.* 18. 5. *Rom.* 10: 5. Christus au-
tem ea pro nobis fecit: *Rom.* 3. 30, 31. viij. 2, 3, 4.
x, 3, 8. *Matth.* 5. 17. Ergo & vitam nobis per ea ac-
quisivit.

2. Ex consideratione *Adami*: quemadmodum e-
nim primo Adamo, tanquam capiti fœderali, compe-
tit demeritum reatus ad condemnationem & mortem
suorum; sic etiam secundo Adamo, tanquam iterum
capiti fœderali electorum salvandorum, competit me-
ritum justitiæ ad justificationem & vitam suorum. Lu-
culenter utrumque vide, *Rom.* 5. 14, 18, 19. 21. *1 Cor.*
15. 21, 22; 45.

3. Ex ipsa *Justitia*, & *Justificatione* nostri in Chri-
sto; quæ, ut bonum positivum, ipsum jus vitæ æternæ,
involvit; ita meritum omnino infert: *Matth.* 3. 15.
cum *Gal.* 4. 4. *Phil.* 2. 8. *Hebr.* 10. 9, 10. Hinc ipse ap-
pellatur *Jehovah justitia nostra*; *Jerem.* 23. 6. & co-
gnitione sui multos dicitur *justificaturus ipse justus*; *Jes.*
53. 11. atque item *factus nobis a Deo justitia*; *1 Cor.* 1. 30.
Adde *2 Cor.* 5. 21. *Phil.* 3. 8, 9.

XII. Contraria est *Socini* sententia, qui lib. 3. c. 5.
de Christo Servatore contendit Christum nobis nihil
„omnino vel meruisse, vel mereri potuisse: nam inquit
„ille, si velitis, eum ut Hominem id præstitisse, falsum
„id esse ex eo deprehenditur, quod homo ne sibi qui-
„dem ipsi quicquam mereri possit, nedum ut aliis me-
„reatur: si ut Deum, istud plane ridiculum est, cum
„Deus

„Deus mereri prorsus nequeat; sed donet ac largiatur, & meritis, si quæ sunt, digna præmia rependat, &c.

Obj. 1. Christus, tanquam creatura rationalis, omnem obedientiam pro seipso præstare debuit: nihil ergo per eam pro aliis mereri potuit. *Resp.* Christus Θεάνθρωπος & non solum pro se, ut Homine; sed etiam pro suis, obedientiam præstitit: quemadmodum quis negotium aliquod pro se expedire potest; & simul, tanquam procurator, aliorum nomine. Et cum poena inobedientiæ Adami ad posteros quoque pertingat; quid mirum, si merces ex dignitate operum Θεάνθρωπων ad ipsos etiam electos pari ratione deriveretur?

Obj. 2. Opus unius non potest fieri alterius. Ergo nec Christus quicquam nobis potuit mereri. *Resp.* Opus unius formaliter non potest fieri alterius; sed quidem virtualiter: sic enim potest quis sibi, & propinquis suis, etiam post se venturis, præmium mereri.

Obj. 3. Christus, ex vestra sententia, per passionibus suis satisfacit pro omnibus suorum peccatis, non solum commissionis, sed etiam omissionis: ergo vi istius satisfactionis censentur etiam fideles nihil boni omisisse, atque adeo omne bonum præstitisse: consequenter isto Merito nihil erat opus. *Resp.* Propter satisfactionem quidem censentur nihil boni omisisse, quatenus ista omissio inferebat reatum; pro quo sic satisfactum est. Sed propterea non statim censentur omne bonum præstitisse positivè. Huc pertinebat absolutissima illa omnis justitiæ consummatio pro nobis etiam præstita.

XIII. *Remonstrantes* in Apol. sua negant, Christum nobis meritum esse fidem & regenerationem. Nos oppositum probamus:

1. Christus se dedit, & sanctificavit, pro suis; ut & ipsi sanctificarentur in veritate: *Joh. 17. 19. Eph. 5.*

25, 26.

2. Deus

2. Deus nobis per Spir. S. in Christo, & propter Christum, dat regenerationem & fidem: *Act. 5. 31. xj. 18. cum Eph. 1. 3, 4. Phil. 1. 29. 1 Petr. 1, 2, 3; 2, 1. 1, 3, 4.*

3. Regeneratio & fides nobis conferuntur juxta promissionem Novi Fœderis: *Jerem. 31, 33, 34. Ezech. 36. 25, -27. cum Hebr. 8. 8, -12. x, 16, &c. Jam vero sanguis Christi fusus, est sanguis Novi Fœderis, in quo istud ratum & confirmatum est: Matth. 26. 28. Hebr. 9. 15. - 18. Qui nos purgat ab omni peccato; 1 Joh. 1. 7.*

4. Gratia ista nobis obsignatur Sacramentis, tanquam sigillis istius Fœderis; Baptismus enim est Sacramentum initionis nostræ in Christum, ad communionem mortis ac resurrectionis ipsius; atque adeo ablutionis peccatorum, regenerationis, & resipiscentiæ: *Rom. 6. 3. 6. 1. Cor. 12. 13. Act. 22. 16. Marc. 1. 4. Tit. 3. 5. S. Coena vero est Sacramentum nutritionis spiritualis, incrementi, & corroborationis, in ista communione & gratia ex morte Christi: 1 Cor. 10. 4, 16. xj, 20, 23, -25. 12. 13.*

Obj. Fidem & Resipiscentiam Deus à nobis postulat; & quidem sub comminatione mortis æternæ: ergo ista non sunt beneficia nobis per meritum Christi acquisita. *Resp.* Officia quidem nobis præscribuntur moraliter; sed per naturæ nostræ corruptionem & indignitatem, necesse est etiam realiter conferri beneficia, gratiam habitualement & actualement, quibus præstemus officia; & quidem ex merito Christi.

XIV. De *Intercessione Christi* pro nobis, jam diximus cap. 12. th. 44. Sed hujus solum loci est, quod Christus æternum Satisfactionis ac Meriti sui valorem, simulque propensam Voluntatem suam, ut salus isto pacto nobis parta, actu applicetur, coram Patre jugiter repræsentet; & sic applicationem promoveat.

Satis de Salutis impetratione secundum *partes*: Videndum nunc de *sine cui*. Impetrationem istam ad *Angelos* non esse extendendam; neque Christum eo-

rum Mediatorem dicendum, probavimus sup. cap. 12. th. 27. Addimus nunc contrà Pontif. Anabapt. Remonstrantes, & alios quoscunque gratiæ universalis patronos, non omnibus & singulis Hominibus salutem impetratam; sed certis duntaxat personis: idque confirmamus,

Primo à Restrictionibus in hoc negotio passim usurpari solitis. Istæ autem in SS. Literis fiunt, 1. ad *Multos*: *Matth.* 26. 28. *Rom.* 5. 19. *Ies.* 53. 11, 12. *Matth.* 20. 28. *Hebr.* 9. 28.

2. Ad *Vocatos*: *Hebr.* 9. 15. Ad *Fideles*: *Joh.* 3. 16. *Act.* 10. 43. *Rom.* 3. 22, 25, 26. x. 4. cum 2 *Thess.* 3. 2. *Tit.* 1, 1. Ad *Sanctificatos*: *Hebr.* 10. 14. *Joh.* 17. 19, 20, 21.

3. Ad *Ecclesiam*: *Act.* 20. 28. *Eph.* 5. 25, 27. ad *Filios Dei*: *Joh.* xi. 51. 52. ad *Oves Christi*: *Joh.* 10. 14, 16, 26, 28. ad *Populum suum*: *Matth.* 1. 21.

4. Ad eos, qui *Christo à Patre fuerunt dati*: *Ioh.* 17. 2, 4. 6, 9; 11, 15, 17; 24. Et ad eos, quos *Deus & Christus dilexit summopere*: *Ioh.* 15. 13. 1 *Ioh.* 3. 16. *Rom.* 5. 8, 9.

5. *Excluso etiam mundo reliquo*: *Ioh.* 17. 9. Ac proinde Salutis impetratio ad omnes in universum non extenditur.

Secundo à Consequentibus, quæ individuo nexu sequuntur Salutis impetrationem. Talis est 1. *Non Damnatio*; sive Immunitas a damnatione: *Rom.* 8. 34. *Quis est qui condemnet? Christus* is est *qui mortuus est*: -- *qui etiam interpellat pro nobis.* Ideo nemo electos Dei potest condemnare, quia Christus pro iis mortuus est, atque etiam pro iis interpellat: quia vero omnes infideles damnantur, omnino sequitur, Christum pro ipsis nec mortuum esse, nec interpellare. Imo si condemnarentur aliqui, pro quibus Christus esset mortuus, sequeretur Deum eadem peccata his punire; quod a iustitia Dei alienissimum est. Adde, quod per istam

fen-

sententiam Christus pro iis etiam statuatur mortuus, qui cum ipse moreretur, jam erant damnati; quod certe absurdissimum est.

2. *Salvatio*: Rom. 5. 10. *Nam si, cum inimici essemus, Deo reconciliati fuimus, per mortem Filii ejus multo magis reconciliati servabimur per vitam ipsius.* Sic omnes, pro quibus Christus mortuus est, & quos ipse Deo reconciliavit, certissime etiam servantur, per ipsius vitam: At vero non omnes & singuli, non infideles servantur per vitam Christi: ergo pro omnibus & singulis, etiam infidelibus, Christus non est mortuus; nec eos Deo reconciliavit. Confer Job. 3. 36.

3. *Vocatio* similiter non omnibus & singulis, nullo excepto, semper obtingit; teste experientia; atque etiam S. Script. rum sub V. T. Psal. 147. 19, 20. Act. 14. 16. tum sub N. T. xvj. 6, 7. Qui autem non vult sermonem reconciliationis omnibus & singulis annunciari, is etiam in morte sua omnium & singulorum salutem non intendit. Ratio consequentiæ est, *Quia fides est ex auditu, & auditus per Verbum Dei*; Rom. x. 8, 14, 17. tanquam ordinarium medium applicandæ reconciliationis. Qui autem non vult medium, ad finem omnino & manifeste necessarium; is neq; finem vult, sive intendit.

4. De *Liberatione à servitute peccati, de Regeneratione, & similibus*, idem dicendum: nam & ista certo obtingunt omnibus, quibus impetrata sunt; minimè vero obtingunt omnibus & singulis hominibus, nullo excepto: non igitur omnibus & singulis ea Christus impetravit; neque consequenter remissionem peccatorum, & vitam æternam; ob indissolubilem nexum beneficiorum salutarium inter se.

Tertio, Similiter ex *Electione* colligimus, non omnibus & singulis salutem impetratam esse; idque ex iis S. Scripturæ locis, quæ certos quosdam homines, non verò omnes & singulos, ad vitam æternam, & media isthuc spectantia, æterno Dei consilio destinatos do-

cent. Vide sup. cap. 6. th. 15. Unde omnino sequitur, Dei intentionem, cum Christum in mortem traderet, non fuisse, omnes & singulos per eam sibi reconciliare, & sic eos æternum salvare: sed illos solum, quos ad salutem, & media salutis, elegit; ac Christum consequenter eos solos accepisse salvandos; iisque solis, non aliis, salutem impetrasse.

Quarto, Idem denique deducimus ex consideratione *Novi Fœderis*: nam cum ad ejus internam & mysticam communionem non omnes & singuli pertineant; sed soli electi, vocati, fideles: Vide sup. cap. 11. th. 6. Et cum Deus illos solos vere ac salutariter in communionem istius Fœderis adsciscat, & ipse etiam Christus Mediator ac Sponsor hujus Fœderis non alium scopum sibi propositum habeat: evidens est, hanc tantum fuisse Dei & Christi in Salutis impetratione intentionem; nequaquam vero ad omnes & singulos æqualiter eam extendendam.

XV. *Obj. 1. Deus Mundum ita dilexisse dicitur, ut dederit Filium suum unigenitum, &c. Et ipse Christus, tollere peccata Mundi, &c. Ioh. 3. 16. j. 29. 1, 11, 1, 2. Resp.* In appellatione *Mundi* hoc notandum, quod ea frequenter accipiat synecdochice: & quidem sic, ut nonnunquam spectetur excellentia dignitatis; atque adeo sola universitas fidelium & electorum denotetur: uti fit in locis allegatis, atque insuper *Rom. xi. 12. 2. Cor. 5. 19.* nonnunquam vero excellentia multitudinis, seu numeri; ut sola universitas infidelium & reproborum designetur: quemadmodum *2 Petr. 2. 5. Ioh. 17. 9.*

Obj. 2. Similiter *omnium* aliquando fit mentio: *1 Tim. 2. 6. Hebr. 2. 9. Rom. 5. 18. &c. Ergo. Resp.* Distributive scil. in genera singulorum; non in singula generum. Confer *Mat. 4. 23. xij. 32. Rom. 14. 2. & Apoc. 5. 9.*

Obj. 3. 2 Petr. 2. 1. Futuri dicuntur falsi Doctores, qui subintroducerent hæreses exitiales; etiam Dominum, qui

qui illos mercatus est, abnegantes. Ergo Christus etiam redemit eos, qui dampnantur. *Resp.* Intelligenda est illorum acquisitio, & obligatio ad ministerium Christi, per dona quædam ac beneficia in ipsos collata; at tamen non salutaria: sed nihil de ipsorum acquisitione per sanguinem Christi ad salutem.

Obj. 4. Sic etiam de peccantibus in Spiritum S. dicitur, quod *rursum crucifigant sibi Filium Dei, & ignominia exponant: Hebr. vj 6.* *Resp.* Christus semel pro electis suis crucifixus est, & ignominia expositus: tales vero, quantum in ipsis est, Christum denuo sibi crucifigunt, & hostibus veritatis ludibrio exponunt; idque suo ipsorum exitio: nequaquam vero ad salutem suam, quam Christus nunquam intendit.

Obj. 5. Iterum, x. 28. agitur de eo, qui *Filium Dei conculcarit, & sanguinem fœderis, per quem fuerat sanctificatus, profanum duxerit; & Spiritum gratiæ contumelia affecerit.* *Resp.* Ille scil. Filium Dei, quantum in se est, conculcat; & profanum ducit sanguinem illum fœderis, per quem ipse Christus fuerat sanctificatus: *Joh. 17. 19.* vel ipsum Fœdus sanctificatum, h. e. sancte confirmatum: vel etiam ille, de quo isthic sermo est, sanctificatus fuit, verum non salutariter; sed externe tantum, quatenus ad externam Ecclesiæ communionem vocatus, suo modo accessit quoque; scil. tanquam suslota, ad volutabrum cœni deinde revertens. Sic etiam contumelia afficit Spiritum gratiæ, auctorem illum gratiæ salutaris in aliis; sed & donorum quorundam gratiæ, non tamen salutarium, in ipso.

Obj. 6. Etiam asserit *Catechesis*, quæst. 37. Christum iram Dei adversus peccatum universi generis humani sustinuisse. Ergo. *Resp.* Sed non dicit, Christum sustinuisse iram Dei pro universo genere humano; ea intentione, ut omnes & singulos, nullo excepto, redimeret: aliter omnino intentionem & finem Christi exprimit in sequentibus; & ad Nos, h. e. ad Fideles, restringit.

XVI. *Adversarii* in varias se vertunt formas : fuerunt enim qui universalem redemptionem urgerent ; quasi restitutionem omnium & singulorum in eum statum unde in Adamo fuerant prolapsi ; adeoque homines propter impoenitentiam & infidelitatem suam deinceps tantum damnandos , tanquam propter relapsum. *Alii* contendunt, Deum & Christum à suâ parte salutem omnium & singulorum hominum intendisse & procurasse sufficienter ; quamvis non efficaciter : cum applicatio solis fidelibus & respicientibus obtingat ; reliqui vero reddantur inexcusabiles. *Remonstrantes* alicubi urgent , Christum pro omnibus & singulis mortuum esse , & sic remissionem impetrasse , eâ tamen lege , ut nemo, nisi fidelis , ista remissione peccatorum actu fruatur. *Alibi*, Christum id impetrasse , ut Deus posset & vellet nobis bene facere, eâ conditione , qua ipsi consultum videretur ; eamque impetrationem quamvis nemini applicatam , vel intercedente omnium incredulitate irritam , firmam tamen, & ex naturâ suâ certam, esse posse. *Veletiam*, Christum satisfactione suâ Patri acquisivisse jus Novum Fœdus ineundi cum hominibus , sub quacunque conditione , tam operum, quam fidei ; Patrem vero prætulisse conditionem fidei , sic tamen ut ejus impletio pendeat a libero hominis arbitrio. Sed quam absurde hæc omnia conficta sint, ex iis quæ jam diximus, plus quam manifestum est.

XVII. *Queritur*, an ipse Christus sibi etiam salutem impetrarit ? *Resp.* Quantum ad oblationem Christi pro se, illam sup. cap. 12. th. 43. contra *Socinum* negavimus. De *Merito* tamen , & *Precibus* , aliter dicendum. Nam ,

1. Christus ex speciali pacto Legi se subjecit , & condiciones ad vitam & gloriam æternam requisitas omnino implevit. Hinc *Phil.* 2. 8, 9. *Habitu inventus ut homo , ipse se submisit, factus obediens usque ad-*
mor-

mortem, mortem autem crucis; quapropter (dicitur) etiam Deus ipsum in summam extulit sublimitatem; ac largitus est ei nomen, quod est supra omne nomen. Et Hebr. 12. 2, Intuentes in fidei Duce[m] & consummator[em] Iesum, qui pro (ἀντι) sibi proposito gaudio toleravit crucem, ignominia[m] contempta[m]. Particulæ illæ dicitur & ἀντι commutationem præmii gloriosi pro obedientia notant; nec deest ulla conditio ad Meritum requisita.

2. Ipse Christus etiam *justificatus est Spiritu: 1 Tim. 3. 16. cum implevisset omnem justitiam: Matth. 3. 15. & jus legis: Rom. 8. 4. ne ipsa fieret irrita: iij, 31.* Sibi ergo meritus est justificari, & vitam ac gloriam æternam sibi adjudicari.

3. Lex dicebat; *Qui fecerit ista, vivet per ea: Levit. 18. 5.* Hanc Christus non venit solvere, sed implere: *Matth. 5. 17.* Consequenter etiam vivit per eam. Ubi Meritum secundum Legem conspicuum est.

4. Christus ex plenitudine & perfectione justitiæ suæ nobis quoque factus est *justitia: Joh. 1. 16. 1 Cor. 1. 30.* Ipse igitur antecedenter, juxta ordinem naturæ, habuit illam justitiam; & ex Capite communicatur ea membris ipsius.

XVIII. Cum Scholasticis tamen non dicimus, Christum etiam incarnandum fuisse, & sibi vitam ac gloriam æternam meriturum, etiamsi Adamus non fuisset lapsus: nam Christus nobis natus est; *Ies. 9. 5. & nobis Salvator datus: Matth. 1. 21. & factus sub Legem; ut eos, qui Legi subiecti erant, redimeret: Gal. 4. 4, 5.* Eo ipso autem quod factus est homo, & legi subiectus, quæ irrita fieri non debuit, ipse etiam ut homo obedientiam præstare debuit, quam Lex requirebat, & sub cuius conditione ea vitam promittebat.

Obj. 1. Christus pro nobis omnem obedientiam præstare debuit; atque adeo præstitit: Ergo non pro se; neque sic sibi aliquid est meritis. Resp. Per infinitam

Personæ dignitatem sufficiebat ipsius iustitia sibi, & nobis conjunctim, acquirendæ vitæ æternæ.

Obj. 2. Unio hypostatica necessario ponebat statim beatitudinem & gloriam completam in humana Christi natura. *Resp.* Hoc negamus : sed posuit aptitudinem tantum ejus impetrandæ ; sicut postea sibi & suis vere impetravit.

XIX. De Precibus Christi in vita humili quibus sui corroborationem petiit, & liberationem, secundum humanam naturam, constat ex *Hebr. 5, 7. In diebus carnis suæ, deprecationibus & supplicationibus oblatiis, cum clamore valido & lachrymis, apud eum, qui poterat ipsum servare à morte, & ex auditis precibus liberatus est ex metu.* Adde *Ioh. 17. 1, 2, 4, 5. xij. 27. Marc. 14, 35, 36, 39.*

XX. Satisfactioni & Merito Christi quam maxime contrariantur *Satisfactiones & Merita*, quæ finguntur, *aliorum hominum*: Christus enim ut vere ac plene, sic etiam solus, salutem suis impetravit; quod tenendum contra *Infideles*; imo & contra *Pontificios*, qui *Satisfactiones* pro poenis temporalibus statuunt, tum *Proprias*, tum *Alienas*. *Proprias* intelligunt poenas, a Deo immixtas, siue post hanc vitam in Purgatorio, siue in hac vita: itemque opera poenalia, vel per Sacerdotem in confessione imposita, quæ est Satisfactio sacramentalis; vel sponte suscepta, ut sunt *Preces, jejunia, eleemosynæ*, &c. *Alienæ* Satisfactiones iis sunt, cum alii pro aliis satisfaciunt, per opera poenalia sponte ab iis suscepta, vel ita saltem ut ad alios redundet utilitas, ab iis, qui plus quam satis esset, præstiterunt. Atque huc pertinet *Thesaurus Ecclesiæ*, ex supere rogationibus Christi & Sanctorum; cujus dispensatorem agit Papa in suis *Indulgentiis*: Accedunt *Missæ* pro vivis & mortuis; itemque *Suffragia* pro defunctis. Istæ *satisfactiones*, secundum ipsos, spectant iustitiam & iudicium ipsius Dei: alia vero est ratio *satisfactionis Canonice*, qua satisfi-

tisfit Ecclesiæ in foro soli. Idem similiter statuunt *Merita* hominum, tum *propria*, ad Vitam æternam, per bona opera secundum Legem Dei facta: vel etiam ad *Aureolam*, sive Coronulam in vita æterna, per opera plus quam perfectæ, Lege Dei non præscripta, sed facta juxta Consilia Evangelica. Vide sup. cap. 8. th. 32. tum etiam *Aliena*, aliorum videl. hominum pro aliis, nominatim per *opera supererogationis*.

XXI. Sed nos errores istos refutamus.

1. Ex consideratione ipsius *Christi*, cujus Satisfactio & Meritum sunt perfectissima; atque ipse unicus populi sui Salvator. Vide sup. cap. 12. th. 23.

2. Ex consideratione *aliorum hominum*; quorum talis ac tantus est reatus, ut ne quidem pro se ipsis satisfacere possint; nedum vitam & beatitudinem mereri, aut, pro aliis ista præstare: nam *nemo est qui non peccet*; 1 Reg. 8. 46. *qui sit justus in terra, & faciat bonum*; Eccles. 7. 20. & omnes quotidie necesse habemus *remissionem debitorum nostrorum precari*; Matth. 6. 12. Adde Job. 14. 4. Prov. 20. 9. Jes. 54. 6. Jac. 3. 2. Rom. 3. 19, 20, 28.

3. Ex consideratione *rei*: poenas enim per Legem debebamus non temporales solum, sed æternas; & ad acquirendum jus vitæ æternæ, justitia omnibus numeris absoluta opus erat. At vero Foedus Evangelicum non commutat reatum æternum temporali; nec justitiam imperfectam substituit perfectæ: sed totam hanc in Christo monstrat. Vide sup. th. 9. & 11. Breviter, si Legem spectes, occurrit Apostolus, Hebr. 10. 30. *Horrendum est incidere in manus Dei vivi*. Atque ipse Christus, Matth. 5. 26. *Amen dico tibi, nequaquam exibis illinc, usquedum reddideris ultimum quadrantem*. Adde Jes. 33. 14. Psal. 49. 8, 9. Si Evangelium, acclamat Sospitator; *Qui sermonem meum audit, & credit ei qui misit me, habet vitam æternam*, &c. Johan. 5. 24. & Baptista; Johan. 1. 16. *Ex plenitudine ipsius omnes*

accepimus, & gratiam pro gratia. Confer Col. 2. 9, 10. Rom. 8. 1, 4. 1 *Joh.* 1. 7, 10.

4. Ex absurdis consequentibus: Nam si per Legem est iustitia, igitur Christus frustra mortuus est; Gal. 2, 21. Et inanes facti dicuntur, separati à Christo, quicumque per Legem iustificantur; & à gratia excidisse, &c. v. 4, 5. Rom. x. 3, 4, xj. 6. iv, 2, - 5; 14, 15, 16. & alibi.

XXII. *Obj.* 1. In hac vitâ fideles multa patiuntur; quin & ipsa mors eorum temporalis pœna est. Ergo. *Resp.* Istæ perpeffiones, ipsaque mors temporalis, castigationis, probationis, vel etiam aliquando martyrii rationem habent; non autem pœnæ stricte dictæ, vel satisfactionis. Vide sup. cap. 10. th. 12.

Obj. 2. Deus rependit fidelibus secundum bona opera. Ergo. *Resp.* Non autem propter ea, tanquam causas meritorias.

Obj. 3. Beatitudo nonnunquam merces appellatur. *Resp.* Gratuita videlicet, seclusis meritis propriis: Rom. 4. 4.

Obj. 4. Sic nostra bona opera inutilia censebuntur: quod absurdum. *Resp.* Neg. cum eorum praxis habeat rationem fructus consequentis, & gratitudinis; simulque sit conditio requisita ad actualem cœlestis beatitudinis fruitionem, cuius jus nobis acquisivit Christus: *Matth.* 7. 17, 18. *Joh.* 15. 2, 5. *Eph.* 2. 10. *Hebr.* 12. 14.


XXIII. Pro *Praxi*; Salutem plenissimam, à Christo nobis impetratam, agnoscamus; & in ipso reconciliationem ac pacem, vitam æternam ac beatam, multamque fiduciam apud Deum apprehendamus: *Hebr.* 2. 3, 10. Rom. 5. 1, 2, 10, 18. *Eph.* 3. 12.

2. Admirandæ huic charitati pie respondeamus: 2 *Cor.* 5. 14, 15, 19, 20, 21. & alios quoque ad fidem permoveamus: *ibid.* 11. ut pariter in interiori homine, & praxi vitæ spiritualis, proficiamus: Rom. 7. 22. *Phil.* 3. 14.

C A P. XIV.

De Vocatione , & Regeneratione.

Salutis applicatio. 1. In hac vitâ. Actus ejus
varii. 2. Vocatio. 3. Ad unionem cum Christo: 4.
Et S. S. Trinitate. 5. Actio gemina. Efficientia Ver-
bi: & Spiritus S. 6. Operatio realis hyperphysica
probatur. c. Pontif. Socin. Remonstr &c. Obj. solv.
7. Ministerium Legis. Evangelii. Actus noster Vo-
cationi respondens. 8. Consectaria. 9. Vocatio
ista non universalis, Obj. solv. 10. Regeneratio.
Vita spiritualis. 11. Electi adhuc irregenerati. 12.
Regenerati quoad actum primum. 13. Conversi & san-
ctificati quoad actum secundum 14. Casus 15. Mor-
tificatio veteris hominis, & Vivificatio novi. 16. Ho-
mo in primo momento habet se merè passive. Verbi
usus. 17. Deinceps etiam activè. Conversio 18.
Consectaria c. Pontif. & Remonstr. 19. Praxis. 20.

I.  Ergimus ad *Salutis applicationem*; per
quam Christus hoc agit, ut electi & re-
dempti sui actu fiant participes omnium
pastorum beneficiorum salutarium.
Beneficia ista nobis a Deo communi-
cantur: a quo omnis donatio bona, & omne integrum-
donum, est descendens; Iac. 1. 17. Sed convenienter or-
dini Divinarum Personarum Applicatio ista interdum
Patri tribuitur, tanquam personæ primæ in ordine
operandi; Epb. 1. 3. interdum Spir. Sancto, tan-
quam

cum vite. Quoniam membra sumus Corporis Ecclesiæ; Eph. 5. 30. cujus Caput est Christus; Col. 1. 18. Atque hinc ipse, Job. 15. 5. Ego sum vitis, vos palmites; is qui manet in me, & in quo ego maneo, hic fert fructum multum; nam seorsum à me nihil potestis facere. Et Ecclesiæ; Dilectus meus, meus est; & ego illius; Cant. 2. 16. Ex ista autem unione cum Christo, resultat pariter communio omnium bonorum spiritualium in ipso: Eph. 5. 23. 1 Cor. 1. 30. Col. 2. 9, 10. Joh. 1. 16.

V. Mediante vero unione & communione Christi Mediatoris, accipimus quoque unionem cum S. S. Trinitate; & consequenter communionem beneficentiæ Divinæ, ut reddamur consortes Divinæ naturæ, omniumque benedictionum spiritualium & coelestium: simulque electi & redempti fruuntur quoque unione & communione inter se mutua, tanquam membra ejusdem corporis mystici. Sic 1 Joh. 1. 3. Ut & vos communionem habeatis nobiscum, & communio nostra sit cum Patre, & Filio ejus Jesu Christo. Et ipse Christus, Job. 17. 21. Ut omnes unum sint. sicut tu Pater in me, & ego in te, ut & ipsi in nobis unum sint. Atque iterum versu 23. Adde Eph. 4. 3, 6. 1 Cor. 12. 13, &c.

VI. Actio interim gemina occurrit externa, & interna: illa Verbo foris perficitur: hæc Spiritu intus. Verbum tum viva voce proponitur: sic audiendum: tum scripto: sic legendum est. De illo sic Divinitus ordinato, vide Rom. x. 8. 14, 15, 17. Et mandatum ipsius Christi. Marc. 16. 15, 16. Atque item Dei per Moysen, Deut. xi. 19. De hoc Θεοπνεύματος exarato, Job. 5. 39. Rom. 15. 4. 2 Tim. 3. 16, 17. & alibi. Efficientia autem Verbi sic propositi non nisi moralis est: atq; hætenus Vocatio est Actio moralis. Cæterum cum actione illa externa in vocatione efficaci conjungitur actio interna Sp. Sancti, quæ est realis hyperphysica; non solum hoc agens, ut Verbum foris propositum sensu communi percipiatur, ejusq; veritas moraliter duntaxat intellectui repræsen-

retur ac suadeatur: sed insuper ut homo de se ineptus, & spiritualiter mortuus, vivificetur; atque ita aptus fiat, ut possit Vocationem vitaliter spiritualiter percipere, & vocanti auscultare: quin imo velit percipere & auscultare; adeoque actu percipiat, auscultet, & credat. Sic Deus in hoc negotio ostendit, se eum esse, qui *vivificat mortuos*, & *vocat ea quæ non sunt tanquam sint*; Rom. 4. 17. & qui splendet in cordibus nostris, ad præbendum nobis lucem notitiæ, &c. 2 Cor. 4. 6. Adde 1. Thess. 1. 5. Rom. 1. 16.

VII. Veritatem istam de interna reali hyperphysica operatione Sp. Sancti in Vocatione efficaci, contra Pontificios, Socinianos, Remonstrantes, aliosque Pelagianizantes, pressius probamus:

1. Quia ista efficientia in SS. Litteris diserte proponitur ut necessaria, quæ accedat ad illam externam & moralem: 1 Cor. 3. 5. *Quis igitur est Paulus? quis autem Apollos? nisi Ministri, per quos credidistis*, &c. vers. 7. *Itaque neque is qui plantat est aliquid, neque is qui rigat; sed Deus qui dat crescendi vim*. Similiter 2 Tim 2. 24, 26. Job. 6. 63; 45. Exemplum illustre est in Gentilibus, Act. 10. 44. & in Lydia; xvj. 14. Atque hinc preces Pauli pro aliorum conversione; Eph. 1. 17. 18. *Deus det vobis spiritum sapientiæ, -- illuminatis oculis mentis vestræ, ad sciendum quæ sit spes illa vocationis ipsius*, &c.

2. Non sufficit objectiva solum Evangelii propositio, & suasio duntaxat moralis; propter humanæ naturæ corruptionem & ineptitudinem ad bona spiritualia salutaria. Vide sup. c. 10. th. 29, 30, 34. Consequenter necessaria est efficacia illa realis hyperphysica, ad auferendam corruptionem, restituendam aptitudinem, & actu in nobis producendam fidem ac resipiscentiam.

3. Quia varix phrasæ passim usurpantur, efficaciam istam satis emphatice exprimentes: nominatim, Apprehensio Christi activa; Phil. 3. 12. Tractio; Job. 6. 44. Cordis mutatio, & Legis Divinx inscriptio; Ezech.

Ezech. 36. 25, 26, 27. *Jerem.* 31. 33. Conversio; *Thren.* 5. 21. Circumcisio cordis ab ipso Deo facta, aut facienda; *Deut.* 30. 6. Nova Creatio; *Eph.* 2, 10. *Pf.* 51. 12. Regeneratio; *Joh.* 3. 3, 5, -8. Resuscitatio ex morte spirituali *Eph.* 2. 5, 6.

4. Ex ratione consequentiæ: Quia non crediderunt & resipuerunt carnales Israelitæ, eo quod iis non obtigerit gratia illa realiter efficax: unde *Deut.* 29. 5. *Sed non dederat vobis Jehovah mentem ad cognoscendum, & oculos ad videndum, &c.*

Obj. 1. Efficientia moralis aliquoties proponitur, ut necessaria ad hominis conversionem. Ergo. *Resp.* A positione unius, ad negationem alterius, non valet consequentia.

Obj. 2. Passim occurrunt doctrinæ, præcepta, promissa, &c. Ergo ipsi homines suis viribus se possunt convertere, & credere. *Resp.* Ex illis recte colliguntur officia hominum, quibus ista proponuntur; non vero propria eorum facultas citra gratiam Dei realiter efficacem: quemadmodum pari ratione, ex reprehensionibus, querelis, &c. innotescunt peccata hominum, officia sua libere negligentium; non eorum aptitudo per se ad bona spiritualia salutaria.

VIII. Attamen præcedere solet ministerium Legis, ad agnoscendum reatum, & gratiæ Euangelicæ necessitatem: *Matth.* 9. 12, 13. *Rom.* 3. 20. sequente deinceps Euangelio; & iustitiam ac reliqua bona salutaria, in Christo, monstrante: *Matth.* xj. 28. *Rom.* 1. 16, 17.

Vocationem istam deinde sequitur actus noster, quo ad vocantem Christum Mediatorem accedimus, & per ipsum ad Deum; sic ab ipso apprehensi, apprehendimus ipsum vicissim: *Joh.* vi, 45. *Phil.* 1. 1, 12.

IX. Ex dictis patet, 1. Vocationem istam ad unionem & communionem Christi, distinguendam esse à Vocatione ad munus, vel functionem aliquam insignem:

gnem : cum illa omnium fidelium sit communis; hæc quorundam peculiaris, sive electorum, sive etiam reproborum:

Atque item 2. à Vocatione duntaxat externa; vel etiam illuminante solum & persuadente, aut refrænante & cohibente, ac simul excitante ad quandam pietatis speciem; vel etiam conferente dona quædam extraordinaria, non salutaria. Sic enim *Multi sunt vocati, pauci vero electi: Matth. 20. 16; xxi, 14*

Nec non 3. Vocationem efficacem & verè salutarem, non esse ejusdem speciei cum externa solum; vel illuminante, persuadente, refrænante, &c. Quæ enim efficax, & salutaris est, à Christo, quâ Mediatore, in electis suis efficacia spiritali vivificante peragitur: altera non item; sed a Christo tantum procedit, ut Domino, omnium potestatem habente, & pro beneplacito suo, dona quædam, sine vera vita spiritali, quibusdam largiente.

4. Gratiam Dei & Christi in Vocatione electorum non esse resistibilem, nec effectum ejus a libero hominis arbitrio suspensum; sed obstacula omnia remove-re, difficultates superare, prorsus pertendere, atque effectum salutarem certo sortiri: dum facit homines non solum posse; verum etiam velle, & incipere, imo insuper pergere ac perseverare; contra *Remonstr.*

X. Sed neque *universalis* est ista Vocatio: cum nec ipsa electio, cujus illa primum in executione medium est; nec ipsa fides, quæ formalis hujus Vocationis effectus est; nec ipsa denique Vocatio externa, plane sit universalis. Quod contra eosdem probè observandum, qui gratiam universalem sufficientem ad conversionem & salutem tam strenue propugnant; Deumque a sua parte paratum contendunt, sermonem reconciliationis omnibus & singulis proponere, quamvis re ipsa non proponat, propterea quod multi se eo indignos præstent.

Obj. 1. Atqui diserta omnium fit mentio; *Marc. 16. 15. 1 Tim. 2. 4. Tit. 2. 11. Resp.* Istic locutionem synecdochicam, de generibus singulorum; non de singulis generum, agnoscendam; satis obvium est.

Obj. 2. In Gentilibus; aliisque qui pereunt, multa præclara dona atque opera reperiuntur. Ergò. *Resp.* Quæ alicubi de donis naturæ post lapsum, vel etiã de beneficiis quibusdam non salutaribus, occurrunt; hæc cum iis quæ sunt gratiæ supernaturalis & salvificæ, confundi non debent.

XI. *Regeneratio* est Actio realis hyperphysica; quæ homini in Adamo spiritualiter mortuo, attamen electo & per Christum redempto, Vita spiritualis de novo inditur, ad ipsius salutem; & gloriøsæ Dei misericordiæ demonstratiõnem.

Vita dupliciter spectari solet, *tum* in actû primo, ut est ratio formalis viventis, quæ talis; *tum* in actû secundo, prout actiones ex isto principio reipsâ procedunt. *Priori modo* vita spiritualis inditur per Regenerationem; & sic est facultas supernaturalis menti indita, per Spiritum Christi, ad producendâs actiones spirituales salutares. *Posteriore modo* ipsæ actiones vitales ex isto principio eliciuntur & imperantur.

XII. Interim respectû *diversorum subjectorum* varia quoque de vitâ spirituali, & operationibus Dei circa ista subjecta; possunt observari. Sic autem *occurrunt*; 1. Electi adhuc irregeniti; 2. Regeniti quoad actum primum; 3. Conversi & Sanctificati quoad actum secundum.

Electi adhuc irregeniti sunt potissimùm Electi nati & educati ab infidelibus; extra communionem Ecclesiæ & Fœderis Evangelici; quorum vita spiritualis per Christum impetrata, virtualiter est in Christo, & suo tempore ac ordine juxta Decretum Dei in ipsis producenda; quamvis eâ formaliter hætenùs sint destituti. Quapropter Deus hoc agit, ut illi non mor-

riantur citrà regenerationem & conversionem; quin imò frequenter per gratiam reprimentem & coërcentem hoc efficit, ut ne in graviora flagitia contra communem honestatem proruant; aut si contingat eos Euangelio priùs vocari, curat omninò ut non peccent in Spir. Sanctum: sed suo tempore ac ordine regenerentur & vocentur salutariter. Vide *Eph.* 2. 1, 2, 3, 12. *IV.* 17--20. *I Cor.* 6. 9--11. *Gal.* 4. 8, 9. *Joh.* 10. 16.

XIII. *Regeniti quoad actum primum* sunt Electi & redempti in quibus jam est Spiritus Christi, tanquam principium vitæ spiritualis; quamvis ab ipsis nondum procedant operationes vitales spirituales: quales sunt Infantes electi & redempti, atque ex utroque parente, vel alterutro saltem fidei, nati in communione Fœderis Euangelici. Hùc faciunt loca *Gen.* 17. 7, 11, 12. *Pf.* 22. 10, 11. *Act.* 2. 38, 39. *I Cor.* 7. 14. *Marc.* 10. 14. Exempla, in quibus adjuncta quidem fuerunt extraordinaria, sic tamen ut ipsum ordinarium interim involvatur, vide in *Jeremiâ* I. 5. *Johanne Baptista*, *Luc.* I. 15. *Simfone*, *Jud.* 13. 7. & in *Paulo*, *Gal.* I. 15, 16. *Fidem habituales* multi appellant: Alii *Spiritum*, *Semen*, vel *Radicem fidei*. Nonnulli *Gratiam*, vel *Regenerationem baptismalem*. Alia est ratio eorum infantium, qui reprobatii sunt; quemadmodum & adultorum: licet tales etiàm Sacramentorum & externæ communionis Ecclesiasticæ fiant participes; atque judicio charitatis pro electis habeantur, quatenus non apparent indicia contraria.

In istis sic regenitis interim agnoscendum est Peccatum originale, tum impuratum, quoad reatum in actû primo; tum inhærens, quia destituuntur integritate imaginis Divinæ, & vitiositatem naturæ corruptæ habent, quamvis hæc per supervenientem gratiam vitæ spiritualis certò deinceps destruenda sit.

XIV. Sequuntur tandem *Conversi & Sanctificati*
quoad

quoad actum secundum. Infantes electi, & in foedere nati, vel in ejusdem communione educantur à fidelibus; vel extrà ejus communionem ab infidelibus ac profanis, & cum iis vivunt aliquamdiù. In prioribus dum inest intrinsecum vitæ spiritualis principium, accedente pariter exemplo fidei ac pietatis, atque item diligenti instructione de credendis & faciendis, in ipsâ sæpè pueritiâ eliciuntur & excitantur actûs quidam fidei & sanctitatis, licet initio incompleti; paulatim verò illi proficiunt, & vitam spiritualem plenius exerunt. Hùc spectant præcepta ista, *Deut. 6. 6, 7. xl. 29. Prov. 22. 6. Eph. 6. 4.* Exempla sunt in familiâ Abrahami, *Gen. 18. 19.* & in educatione Timothei, *2 Tim. I. 5. iij. 14, 15.* Qui autem ab infidelibus & profanis educantur, & adminiculis istis externis ad tempus destituuntur, tardiùs etiàm & seriùs promoveri solent ad actûs secundos vitæ spiritualis: donec tandem Deus speciali quâdam efficaciâ Sp. Sancti eos moveat & excitet, adhibito foris Verbi sui ministerio. Exemplum tale obvium est in *Paulo*, qui in Judaïsimo educatus, & dogmata sectæ Pharisæicæ edoctus, Christum in membris suis aliquamdiù persequabatur; donec ipsius Christi voce coelitus demissâ prostratus, ad Ananiam de veritate salutari instruendus mitteretur. *Act. 7. 58. ix. 1. & seqq.* Similiter & in *Augustino*, qui matre fidei, patre autem infidei natus, & in educatione puerili variè agitatatus, tandem per Ambrosium de veritate Christianæ religionis instructus, & ad communionem Ecclesiæ adductus est.

XV. Fieri tamen potest, ut Electi in Foedere nati, & à fidelibus educati, diù in tenuibus quibusdam initiis subsistant, & ad quandam vitæ laxitatem, vel formalem subindè hypocrisin prolapsi, seriùs ad actuale & constans vitæ spiritualis exercitium promoveantur: in quibus valde conspicua solet esse mutatio; quemad-

modum & in iis, qui ab infantiâ suâ regeniti; sed ab infidelibus aut profanis educati sunt. Maximè verò in illis adultis, ubi in intrinsecum istiusmodi principium non præexistit; sed qui simul & semel vocantur, regenerantur; & convertuntur in actû secundo. Vide quæ facta sunt in Israëlitis, die Pentecostes, *Act.* 2. 37, 41. In Paulo, *Act.* 9. 4, -- 9. & in Commentariense, *xvj.* 25, -- 34. Adde *I Cor.* 14. 24, 25.

XVI. In Regeneratione fit *Mortificatio veteris hominis, & Vivificatio novi*: prout scil. destruitur peccatum inhærens ex Adamo; eâdemque operâ producitur vita veræ sapientiæ, justitiæ, & sanctitatis, ex Christo. De utrâque vide *Col.* 3. 3, 9, 10. & *Eph.* 4. 21, -- 24. utrobique interim distinguere debet inter actum primum & secundum. *Actû primo Mortificationis* verus homo lethaliter vulneratur: *Actibus secundis* vires ejus magis magisque franguntur. Sicut *actû primo Vivificationis* inditur principium vitale: *actibus secundis* ipsæ operationes vitales ulteriùs exeruntur, & indies promoventur; donec tandem vita spiritualis complementum suum accipiat; quod in hoc sæculo non obtrinetur perfectè.

XVII. Sic igitur *in primo momento* habet se homo merè passivè; quod ex ejus conditione, & phrasibus in hac materiâ usurpari solitis, ac *th.* 7. §. 3. allegatis, manifestum est. Atque adeò ante Regenerationem suam non potest salutariter audire Verbum Dei; totali enim impotentiâ laborat ad bona spiritualia salutaria. *Rom.* 8. 7. *I Cor.* 2. 14. Consequenter nullæ dispositiones præparatoriæ ad primam regenerationem in ipso fingendæ; non magis quàm in quolibet mortuo ad vitam. Sic ante primam fidei ingenerationem in ipso supponi non debet, nec à parte ipsius prærequiritur pia quædam docilitas; aut animi probitas: *Pollutis enim & incredulis nihil est mundum, &c.* *Tit.* 1. 15. Et sicubi fortè de quibusdam tale quid prædicari videatur,

Cap. XIV. *De Vocatione & Regeneratione.* 365

videatur, ut de Eunuchò, *Act.* 8. 27. &c. & Cornelio, x. 22, 24, &c. dicendum, quòd illi non fuerint irrogeniti: sed jam ante per Regenerationem & Sanctificationem eò usque producti, cum essent Judæi Profelyti, licet postea demum explicatam & applicatam de Jesu Christo instructionem acceperint.

Regeneratio *per Verbum* fieri dicitur, *1ac.* I. 18. *1 Petr.* I. 23. sed potissimum tunc intelligendum est Verbum internum, cum externum habeat tantum rationem causæ instrumentalis moralis in adultis, qui ejus capaces sunt.

XVIII. Mortificatio igitur veteris hominis, & Vivificatio novi, in momento & actû primo sunt operationes solius Dei: sed deinceps in actibus secundis etiã nostræ partes effectivæ sunt; quamvis dependenter à gratiâ Dei salutiter in Christo. Sic sedulò agimus, ut verus homo magis ac magis mortificetur; novus autem jugiter incrementum capiat: quò pertinent adhortationes, *Gal.* 5. 24, 25. *Rom.* 6. 11, -- 14. *2 Cor.* 4. 16. Cum interim alii minùs, alii magis in hac praxi proficiant, pro diversitate graduum; de quibus alibi ex professo erit agendum.

Similiter de *Conversione* dicendum; quòd scil. primus ejus actus efficienter Deo, passivè nobis attribui debeat: sic *Deo nos convertente, nos convertimur*: *Jerem.* 31. 18. Cæterum ex principio jam indito, sed dependenter à gratiâ Dei, nos ipsos quoque convertimus ad Deum, & in viis ipsius piè ac sincerè ambulamus.

XIX. Ex superioribus tandem colligimus contrà *Pontif. & Remonstr.*

1. Vocationem salutarem à non salutari differre ipsâ intrinsecâ operatione vocantis, & effectû formali proximo; non verò tantum adjuncto usû arbitrii humani, aut consequente fructû salutari.

2. Illuminationem salutarem distinguendam esse

ab illuminatione qualicunque generali non salutari.

3. Veram Pœnitentiam & Contritionem salutarem similiter differre ab attritione qualicunque, & tristitiâ secundum mundum, ex apprehensione iræ Divinæ, vel metû infamiæ.

XX. Pro *Praxi*: 1. Vocationem nostram, ut & Electionem, firmam efficere studeamus: 2 *Petr.* I. 20.

2. Quanta gratia nobis sit facta, quod Christus nos prior dilexerit, & efficaciam salutarem in nobis exercere cœperit, sedulo attendamus: *Joh.* 15. 16. 1 *Joh.* 4. 10.


3. Vitam spiritualem magis ac magis exeramus: *Phil.* 3. 12, 16, &c.

C A P. XV.

De Justificatione, Reconciliatione, & Adoptione.

Justificatio. Actus judicialis. 1. Probatur. 2. Sententia Pontif. Obj. solv. 3. Judicium Dei. Justitia universalis, personæ: non causa tantum. Articuli istius sententiæ. 4. Causa efficiens prima. Procatartica impetratoria. Causa efficiens altera. Finis. 5. Justitia Christi. Imputatio. 6. Objectiones solv. 7. Justitia propria rejicitur. Fidei usus organicus: c. Pontif. Socin. &c. 8. Sententia vera probatur. 9. Exceptiones solv. 10. Sententia Pontif. de Satisfactionibus humanis. 11. Objectiones solv. 12. Sententia eorum de Meritis humanis; quantum ad vocem. Obj. solv. 13. De re, obj. sol. 14. ac porro, *ib.* 15, 16, 17. De usu meritorum, secundum eosd.

Cap. XV. De *Justificatione, Reconcil. & Adopt.* 567
eosd. 18. *Sententia Socin.* 19. *Remonstr.* 20. ac
 porrò, *th.* 21, 22. *Aliæ objectiones solv.* 23. *Error*
Osiandri. Obj. solv. 24. *Distinctiones quædam.* 25.
Justificatio sub V. T. 27. *Infantium electorum rege-*
nitorum. 28. *Peccata quodammodò remissa, pri-*
usquàm commissa. 29. *Justificamur unico actû, eo-*
que immutabili: c. Pontif. & Remonstr. 30. *Quo-*
modò post hanc vitam aliqua peccatorum remissio,
 31. *Reconciliatio. Actus gratosus. Termini. Qui-*
bus modis facta. 32. *Pax. Cum Deo. Ejus fructus.* 33.
Amicitia. Cum Deo. 34. *Adoptio. Filiatio.* 35. *For-*
maliter fit in tempore. Causa efficiens prima. Media.
Quomodò virtualiter facta. Ejus testificatio. Con-
summata applicatio. Privilegia. 36. *Libertas Chri-*
stiana. primaria, etiàm sub V. T. 37. *Secundaria,*
pro N. T. Obj. solv. Libertas conscientiæ à statutis
humanis. Non tamen à Legibus civilibus. De Adia-
phoris. Scandalum. datum. acceptum. sumtum. Non
data carni occasio. Non permittenda quibusvis li-
bertas prophetandi: c. Socin. Remonstr. & c. Filialis
animi fiducia apud Patrem cœlestem. 38. *Specialis*
conformatio cum Christo. Concio primogenitorum.
Propheta. Sacerdotes. Reges. 39. *Hæreditas.* 40.
Excellentia præ humanâ adoptione. 41. *Præ-*
xis. 42.

I.  *Uccedit Justificatio: Rom. 8. 30. Quos*
Vocavit, eos etiam Justificavit. Est au-
tem Judicialis & gratosus Dei actus,
quo homo peccator, sed redemptus &
credens, à reatu absolvitur, simul-

que vita æterna ei adjudicatur, juxta Evangelium; propter Justitiam Christi ipsi imputatam, & fide ab eo receptam.

Actum judiciale dicimus; quia judicando statûs nostri mutationem relativam infert: non *physicum*, aut *hyperphysicum*; quasi realem qualitatum mutationem in nobis formaliter produceret. Sic enim Hebraicum **הַצְדִּיק**, & Græcum Δικαίων, vel Δικαιοσύνη, quæ per Latinum verbum *Justificare* reddi solent, passim in SS. Literis usurpantur. Atque ista significatio forensis in hac materiâ omninò retinenda est.

II. Huc pertinet 1. Inductio locorum V. T. utpotè Deut. 25. 1. Si fuerit controversia inter aliquos, ideoque accesserint ad Judicium, ut Judices sententiam de eis ferant, tùm Justum pronunciaturi sunt; sive Justificaturi, **וְהַצְדִּיקוּ**) eum qui justus est: & Improbaturi sunt (sive Condemnaturi, **וְהִרְשִׁיעוּ**) eum qui Improbus est.

Prov. 17. 15. Qui absolvit (sive Justificat, **מִצְדִּיק**) Improbum, & qui Condemnat. (sive Improbatur, **מִרְשִׁיעַ**).

Justum, abominationi Jehovæ sunt æquè ambo. Adde Jes. 5. 22. 23. 2 Sam. 15. 4. Et confer Ezech. 16. 51, 52. Psal. 143. 2.

2. Similis inductio locorum N. T. Rom. 8. 33, 34. Quis intentabit crimina adversus electos Dei? Deus is est qui Justificat. (ὁ δικαιοῦν.) Quis est qui Condemnet? Christus is est qui mortuus est, &c. v. 16. Reatus quidem est ex unâ offensâ (Adami) ad Condemnationem: (ἐὺς κατὰ ἑμᾶς.) Quod autem gratificatur Deus, est ex multis offensis ad Justificationem, (ἐὺς δικαιοῦμα.) Vide etiâ vers. 18. & cap. XI. 12. 13. Matth. 12. 37. Luc. 7. 29. 35. XVI. 15. In omnibus istis locis, ex subjectâ materiâ, atque evidenti oppositione Justificationis

& Con-

& Condemnationis manifesta est forensis significatio æstimandi ac judicandi; non verò actionis realis physicae, aut hyperphysicae.

3. Diligenter observanda est accuratissima hujus negotii tractatio, Rom. 3. 19, -- 28. Iv. 2, -- 8. & Gal. 2. 16. ubi clarissime agitur de reatu, per quem omnes sunt obnoxii condemnationi; atque interim Justificatio fit ex fide, & ex gratiâ, per redemptionem Christi, &c. ut peccata non imputentur, sed remittantur; & Justitia imputetur sine operibus, &c. ubi eadem forensis significatio necessario intelligenda est; non autem realis mutatio, & justitiæ inhærentis infusio.

4. Ipsi Adversarii in Justificatione agnoscunt contineri Remissionem peccatorum; quæ certè actio forensis & judicialis est.

III. Pontificii aliter vocem accipiunt; & consequenter etiam in re significatâ errant gravissimè; quod patebit in progressu. Becanus in Manuali, lib. I. cap. 15. §. 1. „Justificatio nihil aliud est quàm mutatio, quâ quis ex impio, seu peccatore, fit justus; sicut sanatio est mutatio, quâ quis ex ægroto fit sanus. &c. Sed perperam.

Obj. 1. Res. 53. II. Cognitione sui Justificabit justus servus meus multos, &c. istic forensis illa significatio non habet locum: sed realis mutatio, ad quam cognitio hominem disponit, intelligenda est. Resp. Imò Christus, ut Deus, & ut Judex, justos pronunciat fideles; pro quibus ipse, ut Sponsor, satisfecit, & salutem æternam meritis est. Sic rectè istic retinetur significatio forensis, seu judicialis.

Obj. 2. Dan. 12. 3. Erudientes splendebunt, --: & justificantes multos, ut stellæ, &c. Istic forensis significatio non obtinet; sed realis, &c. Resp. Qui Evangelium prædicant, suoque ministerio alios ad fidem adducunt, quâ Christum ejusque justitiam amplectantur; deinceps etiam, quos credere deprehendunt,

dunt, ministerialiter declarant justos coram Deo. Vide 2 Cor. 5. 19, 20. *Joh.* 20. 23.

Obj. 3. *Apoc.* 22. 11. *Qui justus est, justificetur adhuc, &c.* *Resp.* Qui coram Deo justus est, dum praxin fidei continuat, subindè renovat, & pietati operam dat; in conscientia sua magis percipit, ac dijudicat, se ab ipso Deo justificatum esse, & ab aliis hominibus talis agnoscitur.

Obj. 4. *Jac.* 2. 21. *Abrahamus pater ille noster, nonne ex operibus justificatus est, &c.* *Resp.* Sic ex operibus bonis, tanquam fructibus veræ fidei quâ coram Deo justus sumus, justus agnoscimur, & judicamur, in propria nostrâ conscientia; ac porro etiâ ab aliis, judicio discretionis.

Obj. 5. Similia composita realem mutationem significant; ut *Magnificare, Sanctificare, Glorificare, &c.* Ergò. *Resp.* 1. Verba valent usû: sed alium usum verbi *Justificare*, nos jam probavimus. 2. Verba *Magnificare & Sanctificare* etiâ in significatione æstimandi, declarandi, & celebrandi occurrunt: ut potè *Luc.* 1. 46. *Magnificat anima mea Dominum.* *Matth.* 6. 9. *Sanctificetur nomen tuum, &c.* Quemadmodum 3. & simplex verbum *Facio* eadem significatione quandoque usurpatur; ut cum dicimus, *Magni facio, Flocci facio, &c.*

IV. Facile apparet, nunc *Judicium ipsius Dei* propriè spectari; non humanum qualecunque, nisi consequenter: atque item *universalem justitiam personæ*, ut ea absolutè justa censeatur coram tribunali Divino; non verò *justitiam causæ tantum*, prout quis in particulari solum casu vel facto insons aut justus est. Vide *Psal.* 7. 4; 5, 9. de Davide respectu Saulis. & *cy I.* 31. de facto Pinchasi.

Ista autem sententia gratiosa duos quasi articulos complectitur: prior est Absolutio ab omni nostro reatu, ob plenissimam Christi pro nobis Satisfactionem;

Rom.

Cap. XV. De *Justificatione, Reconcil. & Adopt.* 571

Rom. 8. 33, 34. *Quis intentabit crimina adversus electos Dei? &c.* Sive Remissio peccatorum, h. e. reatus quoad actum secundum plena extinctio: Rom. 4. 6, 7, 8. „Sicut etiam David declarat beatum eum hominem, cui Deus imputat Justitiam absque operibus: dicens Beati, quorum Remissæ sunt iniquitates, & quorum Obiecta sunt peccata: Beatus vir, cui non imputabit Dominus peccatum. Confer cap. 3. 24, 25, 26. Eph. I. 7.

Alter est Adjudicatio vitæ æternæ, ob Christi Meritum pro nobis etiam consummatum: Rom. v. 17, 18, 19. „Multo magis ii, qui exundantiam illam gratiæ & doni Justitiæ recipiunt, in vitam regnabunt per unum Jesum Christum. -- Per unam Justificationem (beneficium redundavit) in omnes homines ad Justificationem vitæ. -- Ità per unius Obedientiam Justitiam constituentur multi. 21. „Ut, quemadmodum regnaverat peccatum ad Mortem; ità etiam gratia regnaret per Justitiam ad Vitam æternam, per Iesum Christum Dominum nostrum.

V. *Causa efficiens prima* est Deus absolutè: Rom. 8. 33. Deus is est, qui Justificat. III. 30. 2 Cor. 5. 19. Ies. 43. 25. Mich. 7. 18, 19. Confer Psal. 51. 6. Jac. 4. 12. Ei respondet proëgumena, ipsius Gratia: Rom. 3. 24. Ut qui Justificentur gratis, ejus Gratiâ. Eph. I. 7.

Procatartica impetratoria est Christus Sponsor ac Redemptor noster: Rom. 3. 24, 25. Per Redemptionem factam in Iesu Christo; Quem præstituit Deus Placamentum per fidem in Sanguine ipsius, &c. Eph. I. 7.

Causa efficiens altera est idem Christus, ut cui œconomicè traditum est omne Judicium: Ioh. 5. 22, 27. Istam potestatem Christus etiam in terrâ sibi competuisse, probavit miraculosâ paralytici sanatione; Matth. 9. 2, -- 7.

Finis verò est demonstratio Gratia, & simul Justitiæ.

tia Divina: Eph. I. 6, 7. *Ad laudem gloriosæ suæ Gratiæ, &c.* Rom. 3. 26. *Ad demonstrationem Iustitiæ suæ præsentis tempore; ut sit ipse Iustus, & Iustificans eum qui est ex fide Iesû.*

VI. In causâ procatartica propius hîc spectari debet Iustitia Christi, quæ est formaliter impetratoria Iustificationis nostræ; atque ita nobis imputatur: undè multi eam Iustificationis nostræ materiam appellant. Hanc verò eâ amplitudine sumimus, ut passivam & activam pariter complectatur: sive omnem illam, quam Christus tum patiendo poenas nobis debitas, tum agendo omnia ipsi mandata, pro nobis consummavit; h. e. Satisfactionem & Meritum ipsius, pro nobis præstita. Phil. 3. 8, 9. *Ut Christum lucrifaciam: & comperiar in eo, non habens meam Iustitiam quæ est ex Lege; sed eam quæ est per fidem Christi, Iustitiam ex Deo per fidem.* Confer 2 Cor. 5. 19, 21. Rom. 3. 30, 31. VIII. 3, 4, 5, 19. & sup. cap. 13. th. 9. & 11.

Iustitiam illam Christi dicimus nobis imputari, λογίζεσθαι, vel ἐμλογεῖσθαι; h. e. cum præstita sit à Sponsore nobis conjunctissimo, censerî pro nostrâ, & in rationes nostras referri. Confer Philem. 18, 19. Vide sup. cap. 12. th. 30. Ac proindè Imputatio non debet exponi per Acceptilationem; quod velint Remonstrantes. Vide sup. cap. 13. th. 3. Disertè autem Apostolus, Rom. 4. 3. ex Gen. 15. 6. *Credidit Abrahamus Deo, & Imputatum est ei ad Iustitiam.* Scil. prout fides organicè iustitiam Christi recipit & amplectitur. Vide porrò vers. 5, 6, 9, 10, 11. Atque iterùm 22, -- 25. „ Quapropter etiàm hoc Imputatum est ei ad Iustitiam. Non scriptum est autem propter eum solum, „ quòd hoc Imputatum fuerat ei: sed etiàm propter „ nos, quibus futurum est ut Imputetur; Iis (nimirum) „ qui credunt in eum, qui suscitavit Iesum Dominum „ nostrum à mortuis, Traditum (morti) propter offen- „ sas nostras, & suscitatum ad nostri Iustificationem.

Ubi

Ubi objectum fidei, ejusque valor & habitudo ad nostri Justificationem clarè proponitur.

Æquipollentia etià alibi occurrunt: ut *Rom. 5. 19.*
 „ Sicut per contumaciam unius hominis, peccatores
 „ constituti sunt multi; ità per unius Obedientiam Iusti
 „ constituentur multi. *2 Cor. 5. 21.* „ Fecit enim ut
 „ qui non novit peccatum, pro nobis peccatum esset;
 „ ut nos efficeremur Iustitia Dei in eo. Utrobique satis
 „ manifesta est Imputatio. Atque hinc Christus dicitur,
Ierem. 23. 6. Jehovah Iustitia nostra. Et *1 Cor. 1. 30.* nobis factus à Deo Iustitia. Scil. per Imputationem.

VII. *Obj. 1.* Deus secundùm veritatem judicat; ac proindè non judicat justum, nisi qui justitiam propriam & inhærentem habet, &c. *Resp.* Etià secundùm veritatem Deus judicat, hominem; credentem justum esse non quidem in se, sed in Christo; & justitià non inhærente, sed imputatâ.

Obj. 2. Nemo eruditus censi potest; propter eruditionem alienam; aut probus, ob probitatem alienam. Ergò. *Resp.* Attamen propter personam benè meritam potest præmium etià conferri in personas illi propinquas; secundùm efficientiam virtualiter transitivam.

Obj. 3. Regeniti & sanctificati habent vitam spirituales, & justitiam, & sanctimoniam sibi inhærentem. Ergò. *Resp.* Indè tamen non sequitur, istam vitam, justitiam, &c. esse formalem effectum justificationis: neque etià, esse ejus causam impetratoriam.

VIII. Imò Iustitia propria, ex operibus Legis, disertè rejicitur, tanquàm ἀνόμιον & cum vero modo Justificationis Evangelicæ. *Rom. 3. 9. 10.* „ Antè
 „ criminati sumus, & Judæos, & Græcos, omnes
 „ esse sub peccato. Sicut scriptum est; (*Psal. 14. 3. lxxxiii. 3.*) Non est justus; ne unus quidem, &c. Ac porro

porrò, 19. --, „ Scimus autem, quæcunque Lex
 „ dicit, iis qui in Lege sunt dicere; ut omne os obstrua-
 „ tur, & obnoxius fiat totus mundus condemnationi Dei.
 „ Propterea ex operibus Legis nulla caro justificabitur in
 „ conspectu ejus: per Legem enim est cognitio peccati.
 „ Nunc verò absque Lege Iustitia Dei manifesta facta
 „ est. &c.

Sed Fides passim requiritur ad hanc Iustificationem.
 Rom. I. 16, 17. de Evangelio; Potentia est Dei ad salu-
 tem cuius credenti, --. Iustitia enim Dei per illud reve-
 latur ex fide ad fidem. &c. III. 22. Iustitia Dei per
 fidem Iesu Christi, in omnes & super omnes qui credunt; --.
 Vide etiã 25, 30. &c. Intelligenda verò est Fides
 Evangelica, specialis, salvifica, & justificans. Vide
 sup. cap. 2. th. 10, 11, 12. Eaque non absolutè spectan-
 da, ut est actus noster, ad quem (positis ponendis)
 etiã Lege obligamur; quasi specialis ista obedientia
 gratiose æstimaretur pro universâ: neque ut est prin-
 cipium novæ obedientiæ, ac radix bonorum ope-
 rum: contra Pontificios, Socinianos, & Remonstran-
 tes, atque Anabaptistas quosdam. Verum considerari
 debet organicè, ut est medium instrumentale ad unio-
 nem nostrî cum Christo, & communionem benefi-
 ciorum; ac nominatim iustitiæ ipsius. Joh. I. 12. Quot-
 quot Eum exceperunt, -- qui credunt in nomen Ejus. He-
 br. XI. 13. Secundum fidem mortui sunt isti omnes, -- post-
 quam (promissa) ipsis fuissent persuasa, & ea am-
 plexi fuissent. Confer ibid. vers. 1. Joh. 6. 35, 56, 57.
 Eph. 3. 17.: Gal. 2. 20.

IX. Pleniùs autem probamus sententiam orthodo-
 xam; I. ex disertis SS. Literarum testimoniis. Ne-
 gatur enim apertissimè Justificatio ex operibus pro-
 priis: Rom. 3. 20. Ex operibus Legis nulla caro justifica-
 bitur in conspectu Ejus. Gal. 2. 16. Non justificabitur ex
 operibus ulla caro. III. II. Nullum autem per Legem
 justificari apud Deum, manifestum est.

Asserti-

Asseſſitur contrà juſtificatione ex juſtitiâ Chriſti pro nobis præſtitâ, & nobis imputatâ; adeoque reſpectu noſtri gratuita, & per fidem: Ierem. 23. 6. *Nomen Ejus, Iehovah juſtitia noſtra.* Adde Rom. 5. 18, 19. I Cor. I. 30. II. 5, 21. Iterum Rom. 4. 22, --25. de Abrahamo; *Quapropter etiã hoc imputatum eſt ei ad juſtitiam.* Non ſcriptum eſt autem propter eum ſolum, quod hoc imputatum fuerat ei: Sed etiã propter nos, quibus futurum eſt ut imputetur, iis nimirum qui credunt, &c. III. 22. *Iuſtitia Dei per fidem Ieſu Chriſti, in omnes qui credunt.* Adde, 24, 25, 26. v. I. Ieſ. 53. 11. Item Luc. 5. 20. VII. 48, 50. Ioh. 3. 14, 15, 16, 18, 36. v. 24. Marc. 16. 15, 16. Act. 10. 43.

Et conjunctim; Rom. 3. 28. *Colligimus igitur fide juſtificari hominem, abſque operibus Legis.* IV. 5. *Ei, qui non operatur, ſed credit in eum qui juſtificat impium, imputatur fides ſua ad juſtitiam.* Adde Gal. 2. 16. Eph. 2. 8, 9. Phil. 3. 8, 9. Tit. 3. 5. Act. 13. 38, 39.

2. Ex conſideratione Fœderis Euangelici, ejuſque discrimine à Legali: Rom. 4. 3, --6. *Quid enim Scriptura dicit? Credidit autem Abrahamus Deo, & imputatum eſt ei ad juſtitiam* (juxta promiſſionem Fœderis Euangelici.) *Atque ei, qui operatur, merces non imputatur ex gratiâ; ſed ex debito; (juxta Fœdus Legale:)* *Ei verò qui non operatur, ſed credit in eum qui juſtificat impium, imputatur Fides ſua ad juſtitiam.* *Sicut etiã David declarat beatum eum hominem, cui Deus imputat juſtitiam abſque operibus: &c. (ſecundum Fœdus Euangelicum.)* Porro autem de Abrahamo verſ. 11. *Et ſignum accepit Circumciſionis ſigillum juſtitie fidei receptæ in præputio; ut eſſet pater omnium credentium in præputio, imputatâ etiã ipsis juſtitiâ.* & verſ. 16. *Propterea ex Fide eſt hæreditas, ut ſit per gratiam; ut firma ſit promiſſio toti ſemini: id eſt, non ſolum ei quod eſt ex Lege; verum etiã ei, quod eſt ex Fide Abrahami, qui eſt pater omnium noſtrorum.* Ideò neceſſum eſt, ex
fide

fide, & per gratiam obtineri iustitiam atque hæreditatem; ut promissio Fœderis Evangelici sit firma, & ad totum semen pertineat: hoc enim complectitur etiã electos Gentiles: qui tamen Legem non ita acceperunt, ut Israëlita post Abrahamum, sicut nec ipse Abrahamus eam ita habuit; nedùm tunc cùm justificaretur. Vide etiã Gal. 3. 5, 6, 7; II, --. II. 21. v. 4, 5. Et confer Rom. 10. 3--.

3. Ex consideratione eorum qui justificandi sunt; & operum ipsorum in ordine ad Legem: Rom. 3. 9, 10. *Nam antè criminati sumus, &c. 19, 20. Scimus autem quacunque Lex dicit, &c. 23; 24. Omnes enim peccaverunt, ac deficiuntur gloriâ Dei. Ut qui justificentur gratis, &c. IV. 5, --8. Ei, qui non operatur, sed credit in Eum qui justificat impium; imputatur fides suâ ad iustitiam. Sicut etiã David declarat beatum, &c. Adde Gal. 3. 19; 22. Itẽque confessiones & supplicationes fidelium, Psal. 19. 13. cxxx. 3, 4. cxlii. 1. 2. Prov. 20. 9. Eccl. 7. 20. I Reg. 8. 46. Matth. 6. 12. Iac. 3. 2. I Ioh. I. 8, 9, 10. Et confer Iac. 2. 10.*

4. Omnis propria dignitas, atque in nobis ipsis gloriatio, à justificatione Evangelicâ prorsus removeri debet. Rom. 3. 27, 28. *Ubi igitur Gloriatio? Exclusa est. Per quam legem? operum? Non: sed per legem fidei. Colligimus igitur, &c. IV. 2, 3. 4. Nam si Abrahamus ex operibus justificatus fuit, habet quod gloriatur: at non apud Deum. Quid enim Scriptura dicit? Credidit autem Abrahamus Deo, &c. Eph. 2. 9, 10. Non ex operibus, ut ne quis gloriatur. Nam ipsius sumus opus, conditi in Christo Iesu, --. I Cor. I. 29, 30, 31: Ut ne gloriatur ulla caro in Ejus conspectû. Nam ex Ipso vos estis in Christo Iesu, --. Addi possunt testimonia antiquorum Ecclesiæ Doctorum. Imò etiã sub denfioribus tenebris Papatûs, hominibus ad mortem præparandis adhibitæ fuerunt Quæstiones nonnullæ, quæ Anselmo tribuuntur: earum postrema erat; „Credis*

„te non posse, nisi per mortem Christi salvari? Re-
 „spondet infirmus: Etiam. Tùm illi dicitur: Age,
 „ergò dùm superest in te anima, in hac solâ morte
 „fiduciam tuam constitue; in nullâ aliâ re fiduciam ha-
 „be! &c. Quin & ipse Bellarminus, post multa ali-
 ter disputata, de Justificat. lib. 5. cap. 7. proposit.
 3. *Propter incertitudinem propriæ justitiæ, & periculum*
inanis gloriæ, tutissimum est, fiduciam totam in solâ
Dei misericordiâ, & benignitate reponere.

X. Exc. 1. Cùm Paulus negat, hominem ex Le-
 ge justificari, de Lege Cerimoniali loquitur. Resp.
 Imò Moralem respicit potissimùm, quæ Gentilibus
 etiàm naturaliter fuit cognita; Rom. 2. 12, 14, 15. per
 quam Judæi & Græci pariter sub peccato sunt; III. 9.
 & totus mundus condemnationi obnoxius; 19. per
 quam est cognitio peccati; 20. quæ gloriationem
 inferret, siquidem homo per eam justificaretur; 27.
 quæ iram efficit; IV. 15. & dicit; *Qui præstiteritea,*
vivet per illa; x. 5. Gal. 3: 12. nec non; Execrabi-
lis est, quisquis non manserit in omnibus, &c. Gal.
3. 10. Ista sanè Legi Morali omninò conveniunt;
 cui interim adjecta fuerunt Præcepta Cerimonia-
 lia, pro populo. V. Test. usque ad tempora corre-
 ctionis.

Exc. 2. Apostolus illa solùm opera à Justificatio-
 ne exclusit, quæ fidem antecedunt. Resp. 1. Exclu-
 sit omnia opera in universum, sine tali limitatione:
 fidei verò Justificationem adscripsit, quatenus ea pro-
 missionem Evangelicam respicit & amplectitur; at-
 que ità ab operibus contradistinguitur; Rom. 3. 20,
 28. IV. 16. Gal. 3. 17, 18, 21. Adeò quidem, ut
 per veram fidem statim obtineatur justificatio: sed
 bona opera postmodum ex fide, tanquàm principio,
 sequantur; Rom. 4. 10, 11. Eph. 2. 8, 9, 10. R. 2. Ge-
 nerales etiàm sunt rationes ab Apostolo productæ,
 quòd ex Lege sit cognitio peccati; quòd totus mun-

duſ per eam ſit condemnationi & execrationi obnoxius; quòd ſic excludi debeat gloriatio; quòd alioquin Chriſtus redderetur inanis, & homines gratiâ exciderent, &c. *Rom.* 3. 19, 20, 27. *1v.* 2. *Eph.* 2. 9. *Gal.* 3. 10, 11, 12. v. 4. *R.* 3. Si Apoſtolus omnino probare ſolùm voluiſſet, hominem non juſtificari ex operibus fidem antecedentibus, nihil opus fuiſſet tam operoſâ demonſtratione, ſed breviter indicare potuiſſet, ante fidem nulla opera eſſe verè bona: quemadmodum *Rom.* 14. 23. *Hebr.* xi. 6. *Tit.* i. 15.

Exc. 3. Fides, de quâ Paulus loquitur, charitatem & bona opera includit. *Reſp.* Fatemur, illam eſſe principium charitatis & bonorum operum; ſed negamus, eam ſic à Paulo conſiderari: hic enim nimis diſertè Fidem à Bonis operibus contradiftinguit; & quod de Fide affirmat, id de operibus in univerſum negat.

XI Pontificii ſtatuunt, Remiſſionem poenæ temporalis apud Deum impetrari per Satisfactiones humanas. Confer ſup. cap. 13. th. 20. *Satisfactio* autem, juxta *Bellarminum* lib. 4. de Poenitentia, cap. 1. eſt actio, quâ is, qui alterum læſit, tantum facit, quantum ſatis eſt ad injuriam compenſandam. Eaque præſtatur ad æqualitatem imperfectam, intercedente aliquâ acceptatione aut donatione: non pro culpâ, & in ordine ad amicitiam; ſed ut luat poena, eaque temporalis, in ordine ad juſtitiam. *Reſp.* 1. Chriſtus pro ſuis abſolutam ſatisfactionem præſtitit; eamque Deus admixit, & fidelibus imputat: ergo neque ſatisfactionem ad æqualitatem imperfectam ab iis exigit Juſtitia Divina. 2. Abſurda eſt diſtinctio inter reatum culpæ & poenæ: conſequenter à quo non exigitur ſatisfactio pro culpâ, ab illo neque exigi poteſt reſpectu poenæ. 3. Chriſtus totalem remiſſionem fidelibus ſuis impetravit,

ut

ut nulla nunc sit iis condemnatio; *Rom.* 8. 1. ut habeant vitam æternam, nec veniant in condemnationem &c. *Joh.* 5. 24. Ergò illis non retinetur pœna luenda, ne quidem temporalis, in ordine ad Justitiam vindicativam.

Idem ille *contendit* cap. 3. Pœnas temporales hujus vitæ interdum non posse redimi; sed necessariò perpetiendas esse; & talem inprimis esse pœnam mortis: alias aliquandò redimi posse, ac pro iis satisfieri, pœnas & flagella à Deo immissa patienter ferendo, opera laboriosa sponte assumendo, multam Sacerdotum arbitrio injunctam subeundo &c. *Resp.* 1. Quia Christus nobis impetravit plenam remissionem peccatorum, ista remissio nobis applicari debet certo quodam modo & ordine; ubi praxis fidei ac resipiscentiæ locum suum habet: sed jam nulla opera nostra formaliter pœnalia & satisfactoria ad consequendam remissionem exigì possunt, aut statui debent. Impetrare enim quod omninò impetratum est, nihil aliud est quàm actum agere, & à Justitia alienum. 2. Mortem quidem in hoc rerum statû nemo potest avertere: fideles tamen eam minimè subeunt ut pœnam strictè dictam. Vide sup. cap. 7. th. 45. §. 5. R. 3. Humilem ac piam afflictionum Divinitus immissarum tolerantiam, veram de peccatis pœnitentiam, vitæ emendationem, preces pro accipiendâ remissione, opera misericordiæ ac beneficentiæ erga alias: &c. commemorat & commendat S. Scriptura; sed minimè docet, ea esse satisfactoria.

XII. *Obj.* 1. *Claves* Sacerdotibus datæ sunt non tantum ad *solvendum*, ut pœnitentes à culpâ absolvant, & peccata *remittant*, quoad culpam & pœnam æternam; sed etiàm ad *ligandum*, ut possint ac debeant eosdem ad cætera pœnitentiæ opera alligare, & sic peccata *retineant* quoad pœnam tem-

poralem. Ità Deus Ministris suis mandavit, ut peccantes post Baptismum non sine multâ injunctâ ad indulgentiam Divinam per januam reconciliationis admitterentur. *Resp.* Diversæ sunt actiones *solvendi* & *ligandi* pro diversâ conditione subjectorum: *Matth.* 16. 19. XVIII. 18. cum *Joh.* 20. 23. *Si quorum remiseritis peccata, remittuntur eis; si quorum retinueritis, retenta sunt.* Consequenter Ministri Evangelici (non Sacerdotes propriè dicti) ex præscripto Christi *solvunt* fideles & resipiscentes, h. e. ministerialiter iis peccata *remittunt*; infideles verò & impenitentes *ligant*, h. e. eorum peccata *retinent*; ità ut maneat ipsorum reatus, quamdiù illi tales sunt. Sed nihil istic, vel alibi in S. S. Literis, de poenitentibus alligandis ad opera quædam pœnalia & satisfactoria; nihil de multâ injungendâ hominibus post Baptismum peccantibus, sine quâ illi ad indulgentiam Divinam non admitterentur: verùm satis multa & diserta de gratuitâ justificatione, ejusque per Ministros annunciatione, citra imputationem offensarum; *Rom.* 3: 24. *2 Cor.* 5. 19, 20.

Obj. 2. *Misericordia* & *Justitia* Divina passim conjunctæ prædicantur; siquidem rationi maximè consentaneum est, ut Deus ex *misericordiâ* sic peccata condonet, ut etiàm *justitiæ*, quoad ejus fieri potest, satisfieri velit. Par erat ut nos ipsi, qui Deum offenderamus, eidem nostro labore satisfaceremus, postquam per Christi gratiam idonei effecti sumus ad expiandam pœnam temporalem. *Resp.* 1. Conjunctæ prædicantur *Misericordia* & *Justitia* Dei: ità videl. ut *Misericordia* in nobis demonstretur; *Justitiæ* verò per Christum satisfactum sit; non per nos ei satisfiat: *Rom.* 3. 24, 25, 26. *Eph.* 1. 7. *Col.* 1. 14. *2 Cor.* 5. 18, 19, 21. R. 2. Gratia Christi non facit nos idoneos ad satisfaciendum *Justitiæ* Divinæ, & sic expiandam pœnam temporalem: sed quoniam
Ipse

Ipse pro nobis plenè satisfecit, nos à satisfaciendi onere liberavit: 2 Cor. 5. 15. *Ut qui hoc statuerimus, si unus pro omnibus mortuus fuit, nempe istos omnes fuisse mortuos. &c.*

Obj. 3. Pœnitentia, quia medicamentum est animæ vulneratæ ac ægrotantis, id planè exigit, ut qui curatur, medicinales unctiones, incisiones, phar-maca amara, aliaque id genus multa sustineat. Ergò. *Resp.* Imò medicamentum ordinatur ad sanitatem egro restituendam, non ad compendium Justitiæ. Sic pœnitentia ad animæ sanitatem, per vitæ emendationem & sanctificationem referenda est. &c.

Obj. 4. 1 Cor. 9. 27. *Contundo corpus meum, &c.* *Resp.* Ad subigendam carnem corruptam, & promovendam sanctificationem; non verò ad satisfactionem. Confer sup. cap. 9. th. 81. obj. 3.

XIII. Pro *Meritis humanis*, & sic acquirendo jure beatitudinis æternæ, acriter etiàm digladiantur *Pontificii*. *Bellarminus* lib. 5. de *Justificat.* cap. 1. probaturus, opera justorum rectè vocari merita, producit 1. loca expressa (ut ipse quidem existimat.) *Eccles. Sir. 16. 13. & Hebr. 13. 16.* *Resp. 1.* *Meritum* propriè ac stricte dictum est opus indebitum ad acquirendam mercedem propter istius valorem debitam. Istud autem in nullâ creaturâ locum habet respectû Dei; propter omnimodam dependentiam ab Ipso, & obligationem ad Ipsum. Sed *Meritum modificatum, laxè & impropriè dictum*, est opus debitum, cui tamen gratioſâ promissione merces constituta est, aut præmium: vel opus indebitum, cui merces constituta est supra ejus valorem; at verò supposito tali pacto, & præstito tali opere, propter pactum omninò debetur merces præstituta. Sic Deus in Fœdere Legali adjectâ promissione obligaverat se quidem Creaturis: (Vide sup. cap. 9. th. 119.) sed nunc

in homine lapso opera verè bona non præcedunt justificationem; verùm sequuntur justificationem; atque adeò jus vitæ æternæ, quod ex Christi merito credenti adjudicatur in justificatione, antecedit bona opera; non autem per ea, ut causam procatarteticam meritoriam, impetratur. Imò nec ea tam perfecta sunt, ut juxta promissionem Fœderis Legalis vitam æternam mereri possint. Ad promissionem verò Evangelicam quod attinet, hæc jus vitæ æternæ nequaquam suspendit à nostris meritis, sed in Christi merito constituit, & per fidem solummodò accipi docet. Aliàs etià *latissimè & impropriissimè mereri* apud Patres idem valet, quod *consequi, accipere, vel obtinere*. Juxta illud, de peccato Adami; *O felix culpa; quæ talem meruit habere Redemptorem!* Qui usus in illis excusari quidem potest, ut evitetur *λογμαχία*; tutius tamen ab eo abstinetur, ne verbum istud ab hominibus incautis accipiatur significatione primâ propriâ, aut saltem secundâ minùs impropriâ; quod in Papatû factum. 2. Locus Eccl. Sir. 16. 15. apocryphus est. Ac porrò Vulg. Versio quidem habet; *secundùm meritum operum suorum*; sed Græcustextus; *κατὰ τὰ ἔργα αὐτῶν*; *secundùm opera sua*; citra ullam meriti mentionem. 3. Hebr. 13. 16. Vulg. Versio admodùm vitiosè habet; *Talibus enim hostiis promeretur Deus*; cùm in Græco sit, *εὐαγαγεῖται ὁ Θεός*; *delectatur Deus*; aut *benè placet sibi*.

Obj. 2. Dignitas indicatur, 2 Thess. 1. 5. Apoc. 3. 4. xvi. 16. quæ Meritum infert. Resp. 1. 2 Thess. 1. 5. dicit Apostolus; *Ut Digni habeamini Regno Dei*. Et Christus, Apoc. 3. 4. *Ambulabunt mecum albi; Digni enim sunt*. Ubi Dignitas simpliciter notat convenientiam qualitatis; non æqualitatem quantitatis, aut valoris; neque antecedentem causam juris in eam rem, de quâ agitur. Quemadmodùm Eph.

4. 1. Ut ambuletis *ὡς τῆς κλήσεως*; sicut convenit vocationi, quā vocati estis. Jam tūm vocati erant & convenienter isti suæ vocationi vivere debebant; non autem istā suā ambulatione meritori erant vocationem. Vide etiā *Phil. 1. 27. Col. 1. 10. 1 Thess. 2. 12. Matth. 3. 8.* Deindē fideles *digni habentur Regno Dei*, &c. non propriā dignitate operum suorum; sed gratiōsā Dei dignatione in Christo. Confer *1 Thess. 2. 11, 12.* Et *digni sunt ambulare cum Christo albat*; postquā laverunt stolas suas, ac dealbaverunt in sanguine Agni illius; *Apoc. 7. 14. R. 2. Apoc. 16. 6.* dicitur; Quoniam sanguinem sanctorum & prophetarum effuderunt, & sanguinem eis dedisti ad bibendum; *Digni enim sunt.* Ubi pro subiectā materiā istud nomen aliter accipiendum est: de peccato enim agitur, ejusque justā poenā, secundū justitiā punitivā; undē non procedit consequentia ad bona opera, & quidem sub Foedere Evangelico.

Object. 3. Merces etiā appellatur, *Genes. 15. 1. 2 Chron. 15. 7. Prov. 31. 18. Sap. 5. 16. Eccles. Sir. 18. 22. Is. 40. 10. Matth. 5. 12. 1 Cor. 3. 14. Apoc. 22. 12.* Ergō, *Resp. 1.* Merces in SS. Literis etiā appellatur bonum utile aut jucundum, quod retribuitur pro aliquo opere, citra ejus dignitatem, aut rationem meriti: ut *Ezech. 29. 18, 19, 20.* *Nebucadretzar Rex Babylonie exegit à copiis suis servitutem magnā contra Tyrum: merces autem non est ipsi, neque copiis ejus de Tyro, --.* Idcirco sic ait Dominus *Jehovi*; *Eccē ego trado Nebucadretzari Regi Babylonie terram Ægypti; -- undē sit merces copiis ipsius. -- Quia operati sunt mihi, dictum Domini Jehovi.* Certē infideles illi nihil mereri potuerunt apud Deum. *R. 2. Gen. 15. 1.* dixit Deus Abrahamo; *Ego clypeus sum tibi, merces tua ampla valdē.* Sic vera ac perfecta beatitudo illi promittitur: sed jus istius mercedis non fundatur in operibus Abrahami, eorumve dignitate: imō

imputata ei fuit ex gratiâ, non ex debito; ut Paulus distinctè docet. *Rom. 4. 3, 4, 5. R. 3.* Similiter accipiendâ sunt loca *2 Chron. 15. 7. Prov. XI. 18. Matth. 5. 12. 1 Cor. 3. 14. & Apocryphus locus Sap. 5. 16. R. 4.* Sed *Apoc. 22. 12. Merces* tûm ad pœnastûm ad beatitudinem referri debet; sed diverso modo ac fundamento. Et *Jes. 40. 10.* retributio pœnalis indicatur; cujus aliâ est ratio. 5. In Apocrypho autem *Ecclef. Sir. 18. 22, 23. Vulg. Interpres* quidem habet; *Merces Dei manet in æternum.* Sed in Græco textû ista verba non exstant: atque etiâ de pœnis istic agitur.

XIV. Deindè Bellarm. cap. 3. contendit, *opera justorum verè esse meritoria vitæ æternæ*: & allegat *Matth. 5: 12: 10. xx: 8.* atque urget; Mercedem dari operibus, non soli promissioni. Et in Scripturis vitam æternam non minus sæpè, fortassè etiâ sæpiùs, dici *mercedem*, quàm *hæreditatem*, &c. Deum autem voluisse, ut Filii sui, qui usum rationis habent, propriis laboribus & meritis illam acquirant; ut duplici titulo iis vita æterna deberetur, titulo scil. hæreditatis, & jure mercedis: quoniâ magis honorificum est, habere aliquid ex merito quàm ex solâ donatione, &c. Quemadmodum in ipso Christo etiâ factum. Præterea meritis operum reddi gradum aliquem gloriæ sempiternæ, ad quem non pertingant qui solo titulo hæreditatis gaudent. *Resp. I. de loco Matth. 5. 12. modò diximus. Ibid. vers. 10. ait Servator, Beati, quos persequuntur homines justitiæ causâ: quoniâ ipsorum est Regnum cælorum.* Ista erit eorum merces; sed ex gratiâ. *Cap. 20. 8. in parabolâ dicitur; Voca operarios, & redde eis mercedem, exorsus ab ultimis usque ad primos.* Personis scil. datur retributio, ad opera, secundum promissionem: non tamen propter opera, eorumve dignitatem; sed propter justitiâ Christi. Opus quodam-

dammodò nostrum intercessit; sed ex gratiâ Dei: sic præstita est conditio, non ad acquirendum jus beatitudinis; sed ad obtinendam fruitionem beatitudinis, cujus jus nobis acquisitum est merito Christi.

2. Non est igitur *Mercēs* propriè dicta respectu operum nostrorum. *Hæreditas* verò frequenter appellatur: eaque in Adoptione fundatur: *Rom.* 8. 17. & in Testamento; *Heb.* 9. 15, 16, 17. R. 3. Filii Dei, usum rationis habentes, propriis laboribus non acquirunt jus vitæ æternæ; sed ad fruitionem ejus sic progrediuntur: *Eph.* 2. 8, 9, 10. R. 4. Non spectandum est hîc, quid hominibus esset magis honorificum; undè ipsis nasceretur gloriatio: sed quid gloriæ Divinæ, & SS. Literis sit maximè consentaneum: *Rom.* 3. 27. IV. 2. Mirandum verò, Monachos Romanenses hominum donationibus usque adeò inhiare, vel etiâ ex mendicato vivere, ubi mercedem promereri possent; merita verò jactare, ubi meram gratiam agnoscere & sperare deberent. 5. Christus, ut persona Divina, ab æterno fuit Filius Dei, per æternam generationem: sic autem nihil sibi acquisivit. Sed humanæ naturæ alia est ratio, & sic specialis de Ipso constitutio; ut eatenus gloriam & beatitudinem etiâ sibi mereretur, juxta pactum Legale. Sed à Christo ad nos non valet consequentia. 6. Gradûs distinctos gloriæ cœlestis admittimus; & quidem convenienter gradibus gratiæ in hoc sæculo: sed jus istud in merito Christi tantum fundatur.

XV. *Secundo* ille argumentatur ex locis, ubi habetur; præmium cœleste dari hominibus secundum mensuram & proportionem operum ac laboris; ut non solius promissionis habeatur ratio, vel liberalitatis; aut indulgentiæ Dei; sed etiâ dignitatis, & efficacîæ ipsorum operum: *Psal.* 61. 13. *Matth.* 16. 27. *Luc.* 6. 38. *Rom.* 2. 5. 6. 7. *1 Cor.* 3. 8. *Gal.*

6. 7, 8. *Apoc.* 22. 12. Atque urget, omnes consentire, malis hominibus secundum mala ipsorum opera reddendam esse mortem æternam: &c. *Resp.* 1. In locis illis indicatur convenientia retributionis cum operibus; præmii cum bonis, & pœnarum cum malis. In pœnis quidem subesse rationem demeriti propriè dicti, aliundè constat. Vide sup. c. 4. th. 56. §. 3. Sed aliter se rem habere in præmio, patet item ex superioribus. Neque istud discrimen omninò latuit *Bellarminum*, lib. cit. cap. 17. Quin & præpositionem secundum, aliquandò usurpari de re nullo modo meritoria, sed quæ solùm est *conditio quadam requisita*, agnoscit idem lib. 1. cap. 21. R. 2. Sic ergò vita æterna redditur fidelibus & piis adultis, secundum opera, quæ sunt fructus & signa fidei, per quam illi organicè ex Christo acceperunt jus vitæ æternæ; sed eadem quoque sunt conditiones requisitæ ad percipiendam ejus fruitionem, ut via regni, non causa regnandi; & quidem sic, ut interim quoque servetur proportio inter gratiam & gloriam.

Tertium argumentum sumit ex locis, quæ ità vitam æternam reddi testantur operibus bonis, ut ipsam rationem, cur detur vita æterna, in operibus ponant: *Matth.* 25. 34, 35. *Apoc.* 7. 14, 15. Ubi particule *Enim*, *Quia*, *Idco*, sunt omnes causales. *Stipendium peccati mors*, &c. *Rom.* 6. 23. Et bona opera dicuntur salutem ipsam efficere, 2 *Cor.* 4. 17. *Gal.* 6. 8. *Phil.* 2. 12. &c. *Resp.* 1. In locis *Matth.* 26. 34, 35. *Apoc.* 7. 14, 15. agnoscimus ordinem & rationem consequentiæ à bonis operibus ad fruitionem gloriæ cœlestis, juxta Dei decretum, & promissionem gratiosam; sed rationem meriti non agnoscimus. 2. Apostolus quidem disertè, *Rom.* 6. 23. *Stipendium peccati mors*: sed aliter omninò de vitâ æternâ; *Donum autem Dei est vita æterna in Christo Jesu Domino*

Domino nostro. 3. 2 *Cor.* 4. 17. *Gal.* 6. 8. *Phil.* 2. 12. per afflictiones piè toleratas, praxin sanctimonix, & reverentiam Domini, dicitur salus nostra confici; quatenus ista sunt media Divinitus ordinata, & adhiberi solita, ad promovendam salutem nostram, & vitæ æternæ fruitionem; sed absque ratione meriti.

XVI. *Quartò*, argumentatur ex testimoniis, ubi præmium bonis operibus ex justitiâ dicitur esse reddendum: 2 *Thess.* I. 4. -- 7. 2 *Tim.* 4. 7. 8. *Hebr.* 6. 10. *Jac.* I. 22. *Apoc.* 2. 10. *Prov.* 19. 17. 1 *Cor.* 9. 24. 2 *Tim.* I. 12. *Resp.* I. Imò bonis operibus fidelium redditur præmium ex justitiâ; quatenus istam præmii redditionem antecedit jus, quod Christus iis acquisivit, ipsi autem fide acceperunt: hinc præstitâ conditione, quæ ad obtinendum reipsâ præmium, five ad actualem ejus fruitionem, fuit proposita, Deus per justitiam & veracitatem suam, non potest non iis tribuere istud præmium.

Quintò, ex illis, quæ docent vitam æternam promissam esse operibus bonis: *Matth.* 19. 17, 29. 1 *Tim.* 4. 8. *Jac.* I. 12. At promissio facta cum conditione operis, non solum debitam facit rem promissam; sed etiâ facit, ut qui opus impleverit, meruisse rem promissam, eamque ut mercedem jure suo exigere posse, dicatur. *Resp.* I. *Matth.* 19. 17. Christus dixit juveni Phariseo; *Si vis ad vitam ingredi, serva mandata*; Foedus Legale illi reperens; undè is suam impotentiam agnoscere debuit, ac porrò ad Christum & gratiam Evangelicam confugere. Sed nequaquam dixit fore, ut homines illo pacto consequerentur vitam æternam. 2. Quantum attinet ad reliqua; qui benè promisit, promissis stare debet ratione fidelitatis, quæ in justitiâ universali continetur; non tamen semper ratione justitiæ particularis: neque promissio hoc efficit necessariò, ut qui adjectam conditionem præstit-

terit,

terit, rem promissam, tanquàm mercedem ex debito, jure suo exigere posse dicatur. Quid si enim pauperi promiserim, me ei daturum eleēmosynam, ubi me domi meæ compellaverit; certè propter istam promissionem non desinet esse eleēmosyna, neque fiet actus justitiæ particularis, aut retributio mercedis ex debito.

XVII. *Sextò* ex illis, ubi fit mentio Dignitatis: nam Dignum esse præmio idem valet, quod Mereri præmium. Sic *Luc. 10. 7. Dignus est operarius mercede suâ.* Huc ergò pertinent loca, *Sap. 3. 5. 2 Thess. I. 5. Luc. 20. 35. Apoc. 3. 5.* Neque obstat illud *Rom. 8. 18. Non sunt condignæ passiones hujus temporis ad futuram gloriam.* Loquitur enim Apostolus de substantiâ ipsorum operum; non de proportionem absolutâ: hæc autem datur, propter caritatis dignitatem, undè opera procedunt. *Resp. 1.* Dignum esse præmio interdum idem valet, quod Mereri mercedem: scil. cùm merces rectè proportionata refertur ad opus aliàs indebitum. Huc pertinet illud *Luc. 10. 7. Dignus est operarius mercede suâ:* homo videl. respectû alterius hominis: at non respectû Dei. 2. Vide quæ de Dignitate dicta sunt sup. th. 13. obj. 2. Neque subsistit *Bellarmini* exceptio ad locum *Rom. 8. 18.* dùm proportionem operum ad vitam æternam arcessit à dignitatē charitatis: nam ipsa Charitas in hac vitâ imperfecta est; quemadmodum ex parte cognoscimus; *1 Cor. 13. 9. & in multis impingimus omnes; 7ac. 3. 2.*

Septimò denique ex illis, ubi dicitur Deus judex justus, & non acceptor personarum: *Rom. 2. 11. Gal. 2. 6. 1 Petr. I. 17. Act. 10. 34.* At acceptio personarum est vitium contrarium justitiæ distributivæ; cùm videl. judex dat præmium sine meritis, aut majus præmium minoribus meritis, vel contrà. *Resp.* Deus reverà fidelibus tribuit præmium cœlestis gloriæ propter sufficientissimū Christi meritum, illis impu-

imputatum; quod justitiæ distributiæ satis convenit. Alioquin respectu nostri ipsorum, liberalitas, gratia, & misericordia celebrari solent.

XVIII. Deinceps cap. 5. Ille contendit; merita hominum non requiri propter insufficientiam meritorum Christi; sed propter maximam eorum efficaciam: meruisse enim Christi opera apud Deum, non solum ut salutem consequeremur; sed etiam ut ea per merita propria consequeremur: sive non solum salutem æternam nobis meruisse, sed etiam virtutem merendi. *Resp.* 1. Si meritorum Christi non est insufficientia, sed maxima eorum efficacia, propter quam consequimur salutem æternam; certè Christi merita sunt causa totalis meritoria salutis nostræ æternæ, non partialis tantum; & consequenter nostra bona opera non sunt formaliter ejus meritoria. 2. Si Christus nobis præter salutem æternam, etiam meritus esset virtutem merendi salutem æternam, sane meritus esset nobis virtutem actum agendi, &c.

XIX. *Sociniani* Satisfactionem ac Meritum Christi pro nobis præstita omninò negantes, verum Justificationis nostræ fundamentum prorsus subvertunt. Fidem quidem appellant, per quam servemur; sed eam describunt, quòd sit in bonis operibus, quæ nobis Deus per Christum præscripsit, ambulare, &c. *Resp.* Fides ab operibus clarissimè & frequentissimè contradistinguitur: per illam justificari dicimur, quatenus sic justitiam Euangelio propositam agnoscimus & recipimus; per hæc nos justificari posse, disertè negatur.

Ostorodus alibi: Dico, non esse verum, quòd cum omnia fecerimus, quæ nobis mandata sunt, nihil tamen omninò mereamur: quoniam Christus, ejusque Apostoli, omnibus illis, qui præcepta ejus observant, vitam æternam isto nomine promiserunt. *Resp.* At minimè sic promiserunt, ut jus vitæ æternæ in nostris

stris illis actibus, tanquàm in iustitiâ propriâ, fundetur; ac proindè de nostro apud Deum *merito* nihil est præsumendum.

Idem iterùm: Luc. 17. 10. non dicitur, quid Deus de obedientiâ nostrâ judicet: sed tantùm quid nos de eâ judicare debeamus; scil. ut semper nos ipsos humiliemus, &c. Si enim Deus nos servos inutiles judicaret, in æternum essemus perituri: quoniàm Dominus suo die inutilem servum vinciturus, atque in extremas tenebras abjecturus est, ubi fletus erit & stridor dentium; *Matth. 25. 30.* *Resp. 1.* Judicium Dei de nobis & operibus nostris procul dubio verum est: & nostrum judicium, ut verum sit, judicio Divino debet esse conforme. Quoniàm verò nos de nobis ipsis judicare debemus, quòd simus servi inutiles in nobis ipsis, qui Deo nihil conferre possimus, & quibus Deus prorsus non egeat; similiter etiàm ipse Deus de nobis judicat, qui non nisi secundùm rerum veritatem judicat. 2. Alio autem sensu servus inutilis dicitur *Matth. 25, 30.* qui prorsus non dedit operam, ut suâ obedientiâ & sanctimoniâ gloriæ Divinæ illustrandæ, aut proximorum ædificationi, suæque salutis promovendæ, inserviret; ac proindè foras eiciendus est in tenebras extremas: non verò qui suæ in sese impotentiae & indignitatis sibi conscius, Evangelio tamen credit; & fide justificatus, utilem gloriæ Divinæ illustrandæ, ac proximorum ædificationi, suæque salutis (quantum ad fruitionem) promovendæ, utilem operam navat serió.

XX. *Remonstrantes* etiàm statuunt in Apol. cap. 10. Quòd per Fidem in negotio Justificationis intelligendus sit actus fidei, quatenus includit in se totam obedientiam hominis Christiani, lege fidei, i. e. Evangelio præscriptam. Atque hanc controversiam, si rectè perpendatur, nil nisi Logicam aut Grammaticam litem esse. Quotquot enim sunt Ecclesiarum
Refor-

Reformatarum Confessiones, eas omnes consentientibus calculis agnoscere. Fidem vivam, non mortuam; fidem quæ conjuncta sibi habet bona opera; imò quæ sine operibus nec est, nec esse potest, esse fidem illam veram justificantem, &c. Meram verò Logicam pugnam esse, si disputetur, Utrùm fides quæ est viva, an fides quæ est viva, requiratur ad justificationem? --. De respectu statuere, non esse nostrum; sed Judicis. --. Si dicatur, Fidem requiri ad justificationem, quatenus vel quæ est viva fides, necessitatem bonorum operum & pietatis Christianæ fortius adstringi. Neque particulam illam Quatenus efficientiam aliquam meritoriam tribuere fidei, ad consequendum remissionem peccatorum. Neque aliquam efficientiam (dummodò excludatur meritoria propriè dicta) fidei tributam in ordine ad justificationem, quicquam reale aut magni momenti addere ad voces necessariæ præsentis. *Resp.* 1. Fidem hîc non esse spectandam, quatenus includit in se totam obedientiam hominis Christiani, &c. satis patet ex superioribus. 2. *Remonstrantes* contrarium statuentes, Evangelium, & doctrinam fidei, in novam Legem operum pervertunt; atque ex eâ hominem coram Deo justificari volunt. Sic non quæritur de termino aliquo Logico, vel Grammatico: sed de re gravissimâ controvertitur. 3. Fides, quæ Christum amplectimur cum omnibus suis beneficiis, ac speciatim prout nobis à Deo factus est justitia, necessario viva est, non mortua; est principium & radix bonorum operum, sic virtualiter ea in se continens; nec fieri potest, ut consequenter ea non producat. Justificat autem organicè, quatenus Christum apprehendit, ut nobis factum à Deo justitiam; non verò formaliter quatenus viva est, & bona opera producit. 4. De usu & respectu fidei ex SS. Literis statuere, omninò eorum est, qui veritatem rectè æstimare volunt,

lunt,

lunt, & quid Salvatori suo debeant. 5. Si dicatur, Fidem requiri ad justificationem, quatenus viva est, necessitas bonorum operum non adstruitur fortius, quam si dicatur, ad justificationem necessario requiri fidem quæ viva est; & Christum factum nobis à Deo justitiam; sic tamen ut ipsa bona opera in adultis etiã sint requisita necessaria, ad accipiendam fruitionem vitæ æternæ: sed per illam Adversariorum assertionem erigitur justitia propria, homo inflatur temerè & à Christo abducitur. 6. Cùm dicitur, Fidem justificare quatenus viva est, seu totam obedientiam hominis Christiani in se includit, apertè opera prærequiruntur, ut antecedens causa ad justificationem hominis coram Deo; & quidem impetratoria istius juris, ac meritoria saltem laxè dicta: quod quàm alienum sit à Fœdere Evangelico, & SS. Litterarum doctrinâ de Justificatione hominis coram Deo, patet ex superioribus.

XXI. *Instant iidem; Verissimum esse, quòd homo non ex fide tantum, sed ex operibus etiã justificetur: cùm totidem verbis id pronunciet Jacobus, 2.24. Nec istum locum intelligendum esse de declaratione justificationis: cùm nemo adeò vëcors fuerit isto sæculo, qui cum Apostolo contendere voluerit, an homo justificetur, i. e. declaretur justus, ex fide tantum; quia fides, quatenus fiducia est, distincta ab operibus pietatis, non est nisi in corde hominis. Addunt; Ne de operibus quidem ipsis constare posse, an bona sint; quia bona esse non possunt, nisi ex fide fiant: ex fide autem fieri, non modò non posse declarari alteri, sed ne illi ipsi quidem id constare posse qui ea facit; quia ipsi credamus, fieri posse ut reprobis opera eadem omnia faciat quæ electus, & sibi persuadeat se electum esse tali persuasionem, quàm à persuasionem electorum nullo certo signo, nullo characteristico indicio possimus distinguere. Vide Calvinum Institut.*

lib.

lib. 3. c. 2. §. 2. Resp. I. Cùm *Jacobus* ait, II. 24. *Videtis igitur, quod ex operibus justificetur homo, & non ex fide tantum*, non loquitur à priori & formaliter de justificatione hominis coram Deo; sed à posteriori eam considerat, quod ad declarationem & perceptionem, tùm in ipso justificato, tùm etiã in aliis pro re natâ. Docet nimirùm, ad hoc, ut quis judicetur, vel agnoscatur justus esse coram Deo, non sufficere fidem qualemcunque, aut professionem oralem; sed requiri fidem vivam, quæ suis actibus vitalibus, etiã imperatis, se manifestam faciat. Vide *vers. 1: 14, 17, 18, 19, 20.* & confer *Gen. 15. 6. xxii. 1, 2, 3, 9, 10, 12, 16, 17, 18. R. 2.* Multi Apostolorum sæculo, ac deinceps, adeò vācor-des fuerunt, ut ex fide solùm historicā fiduciam salutis conciperent; atque ex communione externā in Ecclesia institutā, ac professione Evangelii, voluerint justī reputari. Ipsa quidem fides in corde est: verùm illi per eam, cùm salvifica non esset, deceperunt se ipsos, & externā professione orali alios in similem de ipsis opinionem adducere voluerunt. Hanc temeritatem ac deceptionem refutat Apostolus. 3. Opera non sunt verè ac spiritualiter bona, nisi ex fide salvificā procedant: *Rom. 14. 23. Tit. I. 15. Hebr. 2. 6.* Atquē istius principii actuosi fidelis sibi conscius est: & ubi opera respondent professioni, aliis etiã argumentum præbet pro judicio charitatis sufficiens. 4. *Calvinus* loco cit. nihil istiusmodi dicit, quale ab Apologistâ objicitur; sed §. 10. & 11. de fide historicā ac temporariā differit: ubi inter alia; „*Quamvis* „*magna sit similitudo & affinitas inter Dei electos, &* „*qui fide caducā ad tempus donantur: vigere tamen* „*in solis electis fiduciam illam quam celebrat Paulus, ut* „*pleno ore clament, Abba, Pater.* Ergò, ut *solos* „*electos* semine incorruptibili Deus in perpetuum re- „*generat, ut nunquā dispereat semē vitæ eorum*

„ cordibus insitum: ità solidè in illis obsignat adoptio-
 „ nis suæ gratiam , ut stabilis ac rata sit. Sed hoc
 „ minimè obstat , quin illa inferior Spiritûs operatio
 „ cursum suum habeat etiàm in reprobis. Interea
 „ docentur fideles sollicitè & humiliter seipsos excu-
 „ tere , ne pro fidei certitudine obrepat carnis secu-
 „ ritas. Adde , quòd *reprobi* nunquàm sensum gra-
 „ tiæ , nisi confusum , percipiunt ; ut umbram po-
 „ tiùs apprehendant , quàm solidum corpus.

XXII. *Subjiciunt* ; Si quis ea , quæ à *Socino* dicun-
 tur , in hâc materiâ , sine gratiâ , sine odio , expendat ,
 eum velit nolit , cogi tandem confiteri , illum in sub-
 stantiâ rei cum Reformatis consentire , manente so-
 lùm hoc discrimine (causam semper *παρασκευα-
 σμένη* excipe , ut quæ ad hanc materiam non pertineat.)
 quòd obedientiam fidei formam vocet , cùm Refor-
 matæ Ecclesiæ eam vocent effectum , fructum , fœ-
 tum , sine quo fides esse non possit. Quantulum (ait
 Apologista) hoc est ? Quis vel *cicum interduit* ? &c.
Resp. 1. Cùm *Socinus* , abnegatâ Christi justitiâ , quæ
 ipsius pro nobis Satisfactionem ac Meritum comple-
 ctitur , fidem quatenùs viva est , & obedientiam tan-
 quàm istius formam , illi substituit , atque hominem
 coram Deo justificare contendit , toto cœlo distat ab
 Ecclesiis Reformatis. Quid autem sit de *Remonstran-
 tibus* , vide ampliùs apud *Curcellæum* , in Dissertatio-
 ne 4. R. 2. Causa *παρασκευασμένη* , Christi Satis-
 factio & Meritum , nobis imputata , & fide appreh-
 ensa , non minùs pertinent ad hanc de Justificatione
 materiam , quam fundamentum ad ædificium. Apo-
 stolus emphaticè , 1. Cor. 15. 17. *Quod si Christus non
 est suscitatus , inanis est fides vestra ; adhuc estis in pec-
 catis vestris.* Similiter inanis est fides , & nulla ju-
 stificatio Evangelica , si Christus pro peccatis nostris
 non satisfecit , nec suâ justitiâ vitam æternam nobis
 acqui-

acquisivit. R. 3. Si obedientia statuatur forma fidei, & sic qualiscunque justitia propria substituatur unicæ verissimæ ac perfectissimæ justitiæ Christi, id maximum & gravissimum est à veritate Evangelicâ divor-
tium. Quòd *Remonstrantibus* hoc tantulum non sit, ut vel *ciccum interdum*, ea est calamitas fundi ipso-
rum. Rom. 10. 3. R. 4. Qui Evangelio rectè auscul-
tant, facilè intelligunt, Christum perfectissimum
Servatorem fide apprehendi, atque ità unionem &
communione cum ipso obtineri: apprehendi au-
tem prout nobis à Deo factus est justitia, ad nostrî
justificationem; ac porro ut auctorem sanctificatio-
nis, ad præstandam sanctè gratitudinem ac novam
obedientiam, quæ justificationem sequitur.

XXIII. Sunt & aliæ quædam *Objectiones*: utpotè,
1. Rom. 2. 13. *Qui Legem præstant, justificabuntur*,
&c. *Resp.* Sic aliquoties repetitur Fœdus Legale, &
conditio per ipsum ad Justificationem requisita: non
quòd sic homines in hoc rerum statû justificari pos-
sint; sed ut impotentiam atque reatum suum indè
agnoscant, & Evangelicæ doctrinæ de Christo ejus-
que justitiâ, auscultent.

*Obj. 2. Matth. 12. 37. Ex sermonibus tuis justifica-
beris.* &c. *Resp.* Intelligenda ibi est justificationis de-
claratio; sive judicium consequens, quòd quis co-
ram Deo justus sit. Per sermones enim aliis inno-
tescere solet, quid intus sit in animo. Confer
vers. 35.

*Obj. 3. Passim exigitur praxis resipiscentiæ, ac no-
væ obedientiæ, ad remissionem peccatorum: Ergò,*
&c. *Resp.* Tunc respicitur sensus istius gratiæ in con-
scientiâ nostrâ; vel etiâ actualis liberatio à malis
pœnalibus, aut ipsa fruitio vitæ æternæ: atque indi-
catur conditio quædam ad sensum & fruitionem istam
prærequisita; in quâ tamen ipsum jus impunitatis ac
beatitudinis non fundatur.

XXIV. Rejiciendus nunc etià est error *Osiandri*; Justitiam Dei essentialem in Justificatione nobis imputari. Hùc autem pertinent *rationes*; 1. Justitia Christi, ut Mediatoris ac Sponsoris nostri, quæ Satisfactionem ac Meritum ipsius complectitur, nobis imputatur; ut sup. probatum: ea verò non est justitia Dei essentialis, & sic tribus Personis communis.

2. Justitia Dei essentialis increata est & infinita; atque adeò homini absolutè impossibilis: consequenter eam Deus ab homine postulare non potest; nec homini imputare.

3. Justitia quæ nobis imputatur, æstimatur tanquam satisfactoria & meritoria apud justitiam remunerativam Deo essentialem; ac proindè ab eà diversa est.

4. Lex ab hominibus requirebat obedientiam formaliter humanam, & pro peccatis hominum pœnas formaliter humanas: illam Christus præstitit, has pertulit, quâ homo; licet Deitate conferente dignitatem ac valorem infinitum. Ista ergò justitia Christi nobis imputatur, non Dei essentialis.

Obj. 1. Rom. 10. 3. vocatur Justitia Dei: & 2 Cor. 5. 21. nos dicimur effici Justitia Dei in Christo. Ergò. Resp. Non quòd subjectivè & formaliter Justitia ipsius Dei sit; sed efficienter; quatenus illa Justitia nobis à Deo procurata est, per istum Mediatorem ac Sponsorem; & sic opus ac donum Dei est. Hinc dicitur *Justitia ex Deo per fidem, Phil. 3. 9. & Christus nobis à Deo factus justitia; 1. Cor. 1. 30.*

Obj. 2. 2 Petr. 1. 4. dicuntur nobis maxima ac pretiosa promissa donata, ut per hæc efficeremur Divinæ consortes naturæ. Ergò. Resp. Non quòd essentialis Dei justitia nobis formaliter imputetur, aut subjectivè nobis communicetur; sed secundum similitudinem analogicam, per imaginem Dei in nobis restitutam, juxta gratiam Evangelicam.

Obj. 3.

Obj. 3. Deus ad Justificationem creaturæ rationalis non acceptat justitiam aliam, nisi suam essentialem. Ergò. *Resp.* Imò hîc tantùm acceptat, sive admittit, Justitiam creatam, tùm habitualement, tùm actualem; quæ valeat apud Justitiam suam essentialem; & sic ab eâ diversa sit.

XXV. Quò certius aliæ etiàm difficultates expediuntur, distinguenda est *actualis justificatio à decreto justificationis*; similiter ut actualis creatio à decreto creationis, & actualis providentia à decreto providentiæ, &c. Vide *Eph. I. 7, -- II.* Ac porrò justificatio actualis vel *active* spectatur, seu *efficienter*; vel *passive*, seu *terminative*. *Justificatio activa* nihil aliud est, quàm Deus justificans: *Rom. 8. 33.* sive ipse Deus in relatione ad electos vocatos credentes, ut qui ab Ipso judicialiter transferantur in statum justitiæ. Sed *justificatio passiva* nihil aliud est, quàm status justitiæ in homine electo vocato credente, cum respectu ad Deum sic judicantem.

Porrò etiàm *Justificatio* distinguenda est ab ejus *promissione*, vel *indicio qualicunque*: *Gal. I. 8.* *Prævidens Scriptura*, Deum ex fide justificaturum Gentes, ante euangelizavit Abrahamæ, *Benedicentur* (inquiens) *in te omnes Gentes.*

Ac tandem spectatur *justificatio* vel *formaliter*, vel *virtualiter*, vel *consequenter*. *Formaliter* peragitur justificatio, cum homo electus, efficaciter vocatus, & sic apprehensus à Christo, vicissim fide apprehendit Christum; atque ità mutuam illam unionem & communionem Christi ac beneficiorum ipsius accipit. *Rom. 8. 30.* *Quos vocavit, eos etiàm justificavit. III. 28.* Colligimus igitur fide justificari hominem, &c. *Virtualiter* peracta est nostrî justificatio potissimum, cum Christus, consummatâ salutis nostræ impetratione, ipse fuit justificatus, & nos in Ipso tanquam Capite nostro; *I Tim. 3. 16. 2 Cor. 5. 19. Col. I. 19, 20.*

Imò & quodammodo, sed remotiùs, cùm Filius Dei statim post lapsum factus est Mediator ac Sponsor electorum, & actualis ista relatio initium sumsit: *Gen.* 3. 15. *xxii.* 18. *Ies.* 53. 10, 11. Proximè autem in primo momento regenerationis & conversionis: nam in actû secundo, ubi producitur fides actualis, & sic homo credere incipit, justificatur formaliter.

Consequenter denique justificari dicimur, cùm coram Deo iusti esse deprehendimur ac declaramur, tùm in propriâ conscientia per actum fidei reflexum; tùm etiã apud alios, iudicio charitatis ex fructibus fidei justificantis formato.

XXVII. *Queritur* ergò, 1. An Justificatio obtinuerit sub V. T. ? *Resp.* Electi vocati credentes etiã formaliter fuerunt justificati, per fidem suam, promissioni Evangelicæ habitam, juxta illam œconomiam. Sic enim justitiam Christi, verbo promissionis in antecessum sibi propositam, atque in plenitudine temporis certissimè præstandam, receperunt. Atque ita fideles istius temporis etiã verè habuerunt plenam ἀφεσις, remissionem omnium peccatorum suorum; ac jus vitæ æternæ: licet respectû Sponsoris, qui solutionem præstiturus erat statò tempore, fuerit παράσις, transmissio & dilatio. *Psal.* 32. 1, 2. 11. 3, 4, 9, 11. *ciii.* 3, 10, 12. *cxxx.* 3, 4.

Obj. *Hebr.* 10. 18. *Ubi est horum* (peccatorum) *remissio*, non est ampliùs oblatio pro peccato: Atqui sub V. T. adhuc requirebatur oblatio pro peccato: Ergò tunc non erat remissio peccatorum. *Resp.* Ex collatione versuum 10, 12, 14, 19, 20. manifestissimum est, Apostolum illic speciatim loqui de remissione prorsus absolutâ, ubi Sponsor satisfactionem plenissimam ipso actû præstitit, & Sacerdos oblationem spiritualiter atque in æternum expiatoriam consummavit. Nos autem, juxta alia loca S. Scripturæ,
diximus.

diximus de remissione ipsorum fidelium V. T. ex virtute oblationis Christi tunc adhuc consummandæ: quæ non excludebat, sed requirebat, oblationem Christi futuram; & oblationes insuper Legales, tanquam ejus typos.

XXVIII. *Quer. 2.* An infantibus electis regenitis etiã comperat Justificatio? *Resp.* Illi etiã habent Spiritum fidei, principium ac semen fidei actualis; & passivè apprehensi sunt à Christo, ad inchoatam unionem & communionem ipsius, ac beneficiorum ejus, atque hæc gratia illis obsignatur Baptismo; sicut olim factum est Circumcisione, sigillo justitiæ fidei; *Rom. 4. 11. Act. 2. 38, 39. xx. 16.*

Obj. Non sunt capaces fidei actualis: Ergò. *Resp.* Attamen habent principium: undè etiã activè apprehensuri & recepturi sunt Christum, ejusque justitiam, si tantisper maneant superstites. Sin minùs, quod jam virtualiter habent in Christo, ad quod passivè apprehensi sunt, de facto illis applicabitur; & ipsi activè recipient in alterâ vitâ: *Talium enim est Regnum Dei; Marc. 10. 14.*

XXIX. *Quer. 3.* An peccata dici possint nobis remissa priùs, quàm sint commissa; & priùs, quàm actû resipiscamus, atque in Christum credamus? *Resp.* Imò virtualiter in Christo: sed non formaliter.

Obj. 1. Non entium non sunt affectiones. Nulla igitur remissio peccatorum nondùm commissorum. *Resp.* Neg. conseq. Erant enim omninò committenda, juxta decretum Dei permissivum; & præscita per scientiam visionis; & Christo imputata, &c.

Obj. 2. Non est quòd peccata tanto operè fugiamus, si ea jam antè sint remissa, &c. *Resp.* Neg. conseq. Quia nihilò minor est eorum turpitudine, & repugnantia adversus Sanctitatem Dei, & Imaginem Dei in nobis, &c.

XXX. *Quer. 4.* An unìco actû, eoque immutabili,

bili, justificemur? *Resp.* Imo formaliter: Si enim 1. Christum spectemus; Ipse omninò consummavit, quæcunque ad Justitiam pertinent. Si 2. Vocacionem salutarem; hâc totus Christus nobis proponitur, cum omnibus suis beneficiis salutaribus, qui nos ad totalem secum unionem & communionem apprehendit. Si 3. Fidem; hâc Ipsum sic totaliter apprehendimus vicissim; & speciatim, quatenus nobis factus est justitia perfecta; undè nobis pleno jure competit impunitas ac vita æterna. Si 4. ipsam Justificationem formaliter; hâc nobis adjudicatur tota isthæc salus. Undè patet, *unico actû individuo* formaliter peragi Justificationem cujusque credentis; non autem successivè.

Eundem actum dicimus quoque *immutabilem*: quia 1. Decretum Electionis, 2. Fœdus gratiæ, 3. Vocatio efficax, & 4. reliqua beneficia Christi salutaria, immutabilia sunt καὶ ἀμεταμέλητα, Rom. xi. 29. Adde speciatim insignem locum Rom. 8. 33, 34. *Quis intentabit crimina adversus electos Dei? Deus est qui justificat. Quis est qui condemnat? &c.* Atque ista observanda contra Pontificios, Remonstrantes, aliosque.

Pontificii non solùm negant, Justificationem unico actû perfici; sed eam quoque *distinguunt* in primam & secundam. *Primam* vocant, quâ quis ex injusto fit justus, per merita de congruo. *Secundam*, quâ quis ex justo fit justior, per merita de condigno. Quæ omnia in superioribus satis refutata sunt.

Quomodò autem quotidie adhuc petamus remissionem peccatorum, vide cap. 9. th. 45. §. 3.

XXXI. *Quar.* 5. An post hanc vitam obtineatur aliqua remissio peccatorum? *Resp.* Non formaliter, neque peccatorum hic non remissorum, quòd patet ex modo probatis. Interim sicut sententia justificatoria per renovatam praxin fidei ac resipiscentiæ denud.

Cap. XV. De *Justificatione, Reconcil. & Adopt.* 601

nudò applicatur & percipitur cum consolatione in hac vitâ; ità in die extremi iudicii ejusdem sententiæ fiet solennis promulgatio, & simul plenissima executio. Hinc 2 Tim. I. 18. de Onesiphoro; *Det ei Dominus, ut inveniat misericordiam apud Dominum in die illo!* & Matth. 25. 34. —. Tunc dicet Rex his, qui à dextrâ suâ erunt; *Venite, benedicti Patris mei; possidete Regnum, paratum vobis à jactis fundamentis mundi: Esurivi enim, & dedistis mihi quo vescerer.* &c.

XXXII. Justificationi coheret Reconciliatio; quæ nunc spectatur in applicatione. Estque Actus gratioſus relativus, quo peccator redemptus & credens, dum justificatur, simul etiã traducitur ex statũ inimicitia & iræ, ad statum pacis & amicitia cum Deo. *1. Tes. 32. 17. Opus justitiæ erit pax, & opus justitiæ tranquillitas & securitas usque in seculum.* Rom. 5. 1, 2. *Justificati igitur ex fide, pacem habemus erga Deum per Dominum nostrum Iesum Christum: Per quem etiam fide habuimus aditum in gratiam hanc, &c. 9. Justificati igitur Ejus sanguine, servabimur nunc multò magis per Eum ab irâ. 11. -- per quem nunc Reconciliationem affecti sumus. 1. Cor. 2. 23. Credidit Abraham Deo, & imputatum est ei ad justitiam, & amicus Dei vocatus est.*

Actum gratioſum dicimus; quia ex speciali gratiâ ac misericordiâ Dei erga electos procedit. Relativum verò; quia status nostri mutationem relativam infert formaliter.

Terminus à quo, est status inimicitia & iræ: *Eph. 2. 3. Rom. 8. 7. 1. Tes. 59. 2. lxiii. 10. Ad quem, est status pacis & amicitia cum Deo in Christo: Col. 1. 21.*

Christus, verè Mediator reconciliationis: *עֲמִיתָא*; *1. Tes. 7. 14. Vir socius Dei; Zach. 13. 7. eam nobis impetravit.* Vide sup. cap. 12. th. 24.

Quatenus autem Ipse oblatione sui peccata nostra expiavit, in Ipso reconciliati sumus *virtualiter*. Sed in hunc statum *formaliter* traducimur, cum credentes istius etiam beneficii reddimur actû participes. *Consequenter* autem declaratur ista nostri in hunc statum traductio, atque exercetur amicitia, sanctâ voluntatis nostræ conformatione ad sanctissimam voluntatem Dei nostri. *Joh. 15. 14, 15. Vos Amici mei eritis, si feceritis quaecunque Ego præcipio vobis: &c. Psal. 85. 9.*

XXXIII. Pax describi solet, Ordinata animorum concordia. Ejus vel nomen amabile est. Undè & Hebræi in salutationibus eam aliis precari solent. Hic autem agitur de Pace cum ipso Deo, potentissimo, beatissimo, beneficentissimo, fidelissimo: quæ certè Pax optima rerum, Quas homini novisse datum est. *Phil. 4. 7. Pax Dei, quæ superat omnem intellectum, præsidio erit cordibus vestris, &c. Confer Joh. 14. 27.*

Ab eâ dependet 1. Pax conscientie: quia conscientia in homine locum Dei quodammodò tenet; *Rom. 2. 14. Confer Rom. 5. 2. XIV. 17. Eph. 3. 12. I Joh. 5. 14.*

2. Ex hac promanat Pax cum rationalibus creaturis Deo morigeris; ac speciatim cum Angelis: *Hebr. 12. 22. I. 14.*

3. Mala, quæ aliundè inferri possent, vel avertuntur, vel mirabiliter in bonum convertuntur: *Prov. 16. 7. Cum placuerint Jehovah viæ viri, etiam inimicos ejus pacatos reddet. Psal 118. 6. I Cor. 10. 13. Rom. 8. 28. Novimus, quod eos qui diligunt Deum omnia simul adjuvant in bonum.*

4. Accedit omnium bonorum affluentia: *Psal. 72. 7. Florebit in diebus Ejus justus; & multitudo pacis, donec non sit luna. IV. 7, 8, 9. XVI. 5. 6. XXXVI. 3, — 6, 11. &c.*

XXXIV. Amicitia verò communiter est Mutua quo-

Cap. XV. De *Justificatione, Reconcil. & Adopt.* 60;
quorundam, efficax, & aperta benevolentia. Hæc
autem Amicitia inter Deum optimum, maximum,
beatissimum, ac beneficentissimum; & inter fideles,
quos Ipse pro singulari sua *φιλανθρωπία* ad istum
statum beatissimum evehit. Quò autem magis inæ-
qualis est hæc amicitia, quò miserior antecedens no-
stra conditio, quò beatior status ad quem evehi-
mur; eò magis admiranda est hæc Dei nostri miseri-
cordia.

Abraham, pater fidelium, *amicus Dei vocatus est*;
Fac. 2. 23. Deus autem illi promiserat, *Gen. 17. 7.*
Ut sim tibi in Deum, & semini tuo post te. Quòd vi-
del. exerturus esset suam Deitatem, adeoque infini-
tam potentiam, sapientiam, beatitudinem, & glo-
riam, circa ipsum, & semen ipsius, in bonum eo-
rum; ad cujus seminis societatem, ac felicitatis com-
munionem, nos etià adsciti sumus. Hùc quadrat
illud, *Psal. 33. 12.* *Beata gens, cujus Jehovah est*
Deus, &c. Confer *Gen. 15. 1.* *Psal. 23. 1,--.* & si-
milia. Nostrum igitur est, vicissim Deo nostro san-
ctissimâ dilectione adhærere, voluntati ipsius con-
formari, ac gloriæ ipsius promovendæ per omnia
operam dare: *Psal. 73. 23.* *Gen. 17. 1.* *Rom. 12. 1, 2.*
1 Cor. 10. 31.

XXXV. Succedit *Adoptio*; Actus graciosus relati-
vus & œconomicus, quo fideles justificati ac recon-
ciliati assumuntur & evehuuntur in dignitatem filio-
rum Dei. *Gal. 4. 5.* *Ut eos, qui Legi erant obnoxii,*
redimeret; ut Adoptionem filiorum reciperemus. *III. 26.*
Omnes enim Filii Dei estis, per fidem, in Christo Jesu.
Joh. 1. 12. *Quotquot Eum acceperunt, dedit eis hanc*
dignitatem, ut Filii Dei fierent, nempe iis qui credunt
in nomen Ejus..

Actum graciosum dicimus, juxta *1 Joh. 3. 1.* *Videte,*
qualem charitatem dedit nobis Pater, nempe ut Filii
Dei vocemur. Sed *relativum*; quia formaliter infert

relati-

atius.

atius.

relativam statûs nostrî mutationem. *O Economicum* verò; quia ad familiam Dei spectat, statumque filialem pro formali termino habet. *Eph.* 2. 19. *Concives sanctorum, ac domestici Dei.* 111. 15. *Ex quo tota familia in cœlis & in terrâ nominatur.*

Hæc autem *Filiatio* non est *propria & naturalis*, ex generatione; qualis competit unigenito & proprio Filio Dei Patris: *Joh.* I. 14. 111. 16. *Rom.* 8. 32. *Psal.* 2. 7. *Hebr.* I. 3, 5. Nec *impropria generalis*, ex gratiâ creationis ad imaginem Dei; sicut Adam Filius Dei appellatur, *Luc.* 3. 38. ad quam in electis Angelis accedit specialis gratia conservationis & confirmationis: sic isti Filii Dei vocantur. *Joh.* I. 6, II. 1. Neque *communis* hominum reproborum cum electis, ex gratiâ eminentiæ Politicæ: undè Magistratus Filii Dei nuncupantur, *Psal.* 82. 6. vel externæ communionis in Fœdere Evangelico: quales etiâ Filii Dei, & Filii Regni appellantur, *Gen.* 6. 2. *Matth.* 8. 12. Sed *gratiæ specialis ac salutaris*, qualem descripsimus.

XXXVI. *Adoptio* peragitur formaliter *in tempore*; sed juxta decretum, quòd de eâ fuit ab æterno. *Eph.* I. 5. *Prædestinavit nos, quos adoptaret in filios*, --. Undè etiâ electi nondùm vocati, Filii Dei denominantur *καὶ υἱοθετοῦντες*, *Joh.* XI. 52.

Causa ejus efficiens prima, est Deus; & secundùm specialem appropriationem, Pater; ex ineffabili gratiâ & misericordiâ: *Eph.* I. 5. I. *Joh.* 3. 1.

Causa media est Christus, quâ Mediator; qui interim est Filius ille proprius & primogenitus: *Rom.* 8. 32. *Hebr.* I. 6. atque ut Filius domui suæ præest: *Hebr.* 3. 6. Et juxta II. 10, -- 13. *Princeps salutis, multos Filios in gloriam adducens*, -- non erubescit Fratres ipsos vocare, &c.

In Christo autem, cùm Ipse Mediator constitutus est, ac porrò cùm reconciliationem nostrâ actû impetravit,

Cap. XV. De *Justificatione, Reconcil. & Adopt.* 605

travit, *virtualiter* facta est Adoptio: sed nos eam *formaliter* demùm consequimur per fidem nostram, unà cum Justificatione & Reconciliatione applicatâ: *Gal.* 4. 4, 5, 6. *III.* 26. *Joh.* I. 12.

Eam sequitur *specialis testificatio Spiritûs*: *Rom.* 8. 15, 16. *Accepistis Spiritum adoptionis; per quem clamamus, Abba, Pater: Qui ipse Spiritus testatur unâ cum spiritû nostro, quod simus filii Dei.* *Gal.* 4. 5, 6. Nec tamen propterea cum Socinianis; eorumque sequacibus, putandum est, quòd fides præcedat omnem Spiritû Sancti in nobis operationem: ipsa enim prima regeneratio & conversio ab Eo etiàm procedit.

Consummata verò applicatio bonorum ex hâc gratiâ resultantium, seu plena filiorum adoptivorum in possessionem missio, fiet novissimo die, in beatâ resurrectione: undè etiàm hæc metonymicè Adoptionis nomine venit: *Rom.* 8. 23, 24. *Adoptionem expectantes*, id est, *redemptionem corporis nostri.* Nam spe *servati sumus.*

Interim *privilegia* statim adsunt insignia: Libertas Christiana, Filialis animi fiducia apud Patrem nostrum cœlestem, Conformatio specialis cum Christo, ac tandem Hæreditas.

XXXVII. Primò occurrit *Libertas Christiana*: *2 Cor.* 3. 17. *Ubi Spiritus ille Domini, illic Libertas.* *Gal.* 4. 26. *Illa quæ sursum est Hierusalem, libera est, quæ est mater omnium nostrum.* Estque tum primaria, tum secundaria.

Primaria est immunitas à servitute spirituali, ac miserâ subjectione ad peccatum, mortem, & potestatem Diaboli. Respectû peccati, patet ex *Joh.* 8: 34, 35, 36. *Omnis, qui committit peccatum, servus est peccati.* -- Si ergò vos *Filius in libertatem vindicârit*, verè liberi eritis. *Rom.* 6. 14, 17, 18. Respectû mortis; *Joh.* 5. 24. *Qui sermonem meum audit, & credit Ei qui misit me, habet vitam æternam; & in*

condemnationem non veniet ; sed transiit à morte in vitam. Rom. 5. 17. VIII. 1. I Cor. 15. 22, 23, 53, --57. Respectu Diaboli ; Hebr. 2. 14, 15. Ut per mortem aboleret eum , qui mortis habebat imperium , hoc est Diabolum : Et liberos redderet quotquot metu mortis , per omnem vitam obnoxii erant servituti. Rom. 16. 20. Deus pacis conteret Satanam sub pedes vestros citò.

Atque ista , quod ad rem ipsam , sub V. T. quoque obtinuit : quoniam regeneratio , justificatio , sanctificatio , & glorificatio inchoata , tunc etiam locum habuerunt. Graduum tamen differentia admittenda est ; cum hæredes tunc quasi infantes essent : *Gal. 4. 1.*

XXXVIII. *Secundaria est immunitas à pædagogia Legis: ubi insigne est discrimen Vet. ac N. T. Gal. 3. 23, 24, 25. Antequàm venisset fides (Euangelii impleti) , sub Legis præsidio tenebamur conclusi, --. Itaque Lex pædagogus noster fuit in Christum respiciens, --. At postquàm venit fides , non amplius sub pædago sumus. IV. 1, --4. Interim à Lege morali , quantum ad usum normalem , non sumus immunes : sic enim ipsa est Lex libertatis ; Jac. I. 25. II. 12. & perpetua regula obedientiæ Patri nostro coelesti præstandæ ; Matth. 5. 16, --20. undè Paulus disertè , I Cor. 9. 21. Cum non sim exlex Deo ; sed in Lege in Christo. Verùm in consideratione Fæderali occurrit Condemnatio , per ejus Sanctionem : undè fideles per Christum liberati sunt ; quod ad Libertatem primariam pertinet. Occurrit etiam rigida istius Fæderis inculcatio , & frequens ejus repetitio , pro pædagogia V. T. Accessit Lex Cerimonialis ; quæ materialiter istud jugum fecit gravius : atque item Forensis Mosaïca. At verò sub N. T. instructiones & consolationes Euangelicæ admodum clarè & copiosè subministrantur : Lex Cerimonialis abrogata est ; itemque Forensis Mosaïca , quatenus ad istam Politiam spectabat in specie. Vide sup. cap. XI. th. 41. & 46.*

Hæc

Cap.XV. De Justificatione, Reconcil. & Adopt. 607

Hæc autem Libertas nunc omninò agnosci atque observari debet ; postquàm Lex illa non solùm in morte Christi mortua, sed etiàm deinceps sepulta, ac mortifera facta est. Col. 2. 14. *Deletum, quod adversum nos erat, rituum chirographum, quod erat nobis subcontrarium, Ipse cruci affixum è medio sustulit. Gal. 5. 1, 2, 3. In Libertate igitur, quâ Christus nos liberavit, perstate ; & ne regredientes, implicamini Servitutis jugo. Eccè, ego Paulus dico vobis, si circumcidami, Christum nihil vobis profuturum. Testor enim rursùm omni homini qui circumciditur, eum esse debitorem totius Legis servandæ. Adde Gal. 4. 9, 10, 11. Col. 2. 16, 17.*

Obj. 1. At Paulus ipse Timotheum circumcidit ; Aët. 16. 3. Resp. Id fecit, priusquàm Libertas ista satis esset promulgata & confirmata inter Judæos ; & Lex cerimonialis honestè sepulta : non ex religione ac necessitate istius cultûs ; sed ad evitandum scandalum, quod Judæi infirmi cæteroquin erant sumturi ex societate illius incircumcisi in ministerio Evangelii. Sic Apostolus se Judæis factum dicit, ut Judæum ; ut eos Christo lucrifaceret ; 1 Cor. 9. 20, 22. Vide etiàm Aët. 21. 20. Sed cùm satis promulgata & confirmata esset illa Libertas ; Titum minimè circumcidit ; Gal. 2. 3, 4, 5.

XXXVIII. Cùm Deus libertatem nobis fecerit ab istis statutis suis propriis ; multò minùs voluit conscientias nostras premi jugo *statutorum humanorum, aut qualiumcunque superstitionum. Col. 2. 8. Videte, ne quis sit, qui vos deprædetur per Philosophiam & inanem seductionem, secundùm traditionem hominum, secundùm elementa mundi, & non secundùm Christum. 20,--23. „ Itaque si mortui cum Christo, liberi estis „ ab elementis mundi, quid ut viventes in mundo, „ ritibus oneramini ; Ne ederis, neque gustâris, neque „ attigeris ? Quæ omnia ipso usû corrumpuntur, præ-*
„ scripta

„scripta ex præceptis & doctrinis hominum: Quæ rationem quidem habent sapientiæ in cultû voluntario & submissione animi, & in eo quòd corpori non parcant; nec tamen ullius sunt pretii, cùm ad ea spectent quibus farcitur caro. I Cor. 7. 23. Pretio emti estis; ne estote servi hominum.

Alia tamen est ratio *Legum ac Statutorum Politicorum*, quæ à Principe, vel Magistratû, deducuntur ex Lege Divinâ Morali, & æquitate naturali, ad commune bonum societatis civilis; contra *Anabaptistas*. Vide sup. cap. 9. th. 3. & 73.

Similiter in *rebus adiaphoris & licitis* tenendæ sunt Regulæ, ab ipso Deo circa eas præscriptæ. Vide sup. cap. 8. th. 27. Vitandum ergò est *Scandalum*, hoc est, ejusmodi factum, quo alius in viâ veritatis, quæ est secundum pietatem, offenditur atque impeditur. Rom. 14. 13. Hic potius adhibete iudicium, ut ne fratri proponatis quippiam ad quod impingat, vel offendat. Adde Matth. 18. 6,--9. Hic verò interdum utrimque peccatur; ubi scandalum datum & acceptum concurrunt. *Scandalum datum*, est peccatum dantis; quo ipse alteri præbet causam offensionis, sive actû aliquo absolutè & semper malo; sive aliàs licitò quidem, sed istis circumstantiis non conveniente, propter libertatis abusum. *Acceptum*, est peccatum accipientis; quo is offenditur ex facto alterius. Fieri tamen potest, ut quis alteri causam offensionis obijciat, nec tamen is offendatur: ubi solius dantis peccatum est. Aliquando etiàm per accidens propriæ malitiæ contingit, ut quis offendatur bono opere, & benè facto; vel etiàm passione alterius: quod, discriminis causâ, *scandalum sumtum* aliqui vocant. Sic Christus I Petr. 2. 7. dicitur, *Lapis ad quem impingitur, & petra offendiculi.* & Luc. 2. 34. *positus casui & resurrectioni multorum in Israël, & in signum cui contradicatur.* Confer Matth. 13. 57. xv. 12. xxxvi. 31.

Hic

Cap. XV. De *Justificatione, Reconcil. & Adopt.* 609

Hic peccatum solummodò est in sumente. Ei affine est *scandalum proprium*; ubi quis peccato habituali proprio, vel etià cupiditate, aut pravâ rationatione actuali, sibi ipsi existit causa ampliùs peccandi. *Matth.* 18: 8, 9. *Si verò manus tua, aut pes tuus, facit ut tu offendas, &c.* cum *1ac.* 1, 14, 15.

XXXVII. Sedulò autem cavendum, ne perperam arripiatur *Libertas*, ut *data carni occasio*, aut *malitiæ velamen*: *Gal.* 5. 13. *1 Petr.* 2. 16. ne profanitas, iniquitas, luxus, impuritas, stultiloquium, &c. accenseantur adiaphoris & licitis; aut culicum nomine, missis scil. camelis, deglutiantur. Vide *Matth.* 5. 19. XII, 36. XXIII. 23, 24. *Eph.* 5. 2, 3, 4, 15, 16, 17. *1 Thess.* 5. 22. *Judæ*, 23.

Similiter, circa *confessionem fidei*, attendendum est contra *Libertinos, Socinianos, Remonstrantes, &c.* ne prætextu libertatis prophetandi, hæreses & errores noxii spargantur; atque ita puritas fidei vitietur, unitas Ecclesiæ scindatur, & tranquillitas publica turbetur: *Tit.* 1, 7, — 11. III, 8, 9, 10. *Gal.* 1. 7, 8, 9. 2 *Joh.* 10. 11. *Apoc.* 2. 2, 6.

XXXVIII. Accedit *Filialis animi fiducia apud Patrem nostrum cœlestem*: postquàm enim per Spiritum adoptionis cognovimus, nos verè in istam dignitatem assumptos & evectos esse à Patre cœlesti, animo humili quidem & reverenti coram Ipso comparemus jugiter; sic tamen ut solidam fiduciam interim habeamus in tantà Ipsius gratiâ & salute per Christum, tum in orationibus ad Ipsum, tum etià in universâ vitâ nostra. *Eph.* 3. 12: *In Quo habemus loquendi libertatem, & aditum cum fiduciâ, per fidem Ipsius.* *Hebr.* 4. 16. *1 Joh.* 5. 14. *Matth.* 7. 11. *Rom.* 8. 38, 39. *Psal.* 2. 11. *Phil.* 2. 12. Quin & ipsæ castigationes, paternum Dei erga nos affectum declarant luculenter: *Hebr.* 12. 6, 7, 8. *Rom.* 5. 3. &c.

XXXIX. *Specialis conformatio cum Christo* ea est, ut

transformemur ad proximam quandam similitudinem cum isto Fratre nostro primogenito, quemadmodum arctissimè cum Ipso uniti sumus. Rom. 8. 29. Nam quos præscivit, etiam prædestinavit conformandos imaginì Filii sui; ut Is sit primogenitus inter multos fratres. Gal. 4. 19. Filioli mei, quos iterùm parturio, usquequò formetur Christus in vobis. Unde Ecclesia mysticè etiam Christus appellatur, propter intimam & arctissimam unionem cum isto Capite suo; 1 Cor. 12. 12. Act. 9. 4, 5. Matt. xxv. 35, 36, 40. & Concio Primogenitorum qui conscripti sunt in cælis; Hebr. 12. 23. Quin imò propter unctionis participationem de quâ sup. cap. 12. th. 1. & 34. Christiani suo modo etiam facti sunt Prophetæ, Sacerdotes, & Reges.

Prophetæ quidem, respectû cognitionis mysteriorum Dei, quæ aliis quoque charitativâ instructione ad mutuam ædificationem proponere & explicare possunt ac debent. Act. 2. 17, 18. ex Joel. 2. 28, 29. Erit ultimis diebus; (dicit Deus:) effundam ex Spiritû meo inquamvis carnem: & Prophetabunt filii vestri, & filie vestre, &c.

Sacerdotes, quatenûs Deo sanctificati, ad Ipsum familiariter accedunt; & spiritualia sacrificia gratitudinis erga Deum, ac beneficentiæ erga proximum suum, offerunt. Apoc. I. 6. Fecit nos Reges & Sacerdotes Deo & Patri suo. 1 Petr. 2. 5. Sacerdotium sanctum, ad offerendum spirituales hostias, acceptas Deo per Iesum Christum. 9. Regale sacerdotium, - ut virtutes prædicetis Illius, -. Rem. 12. 1. Ut sistatis corpora vestra hostiam vivam, sanctam, placentem Deo, rationalem illum cultum vestrum. Hebr. 13. 16. Beneficentiæ verò & communicationis ne obliviscimini: talibus enim victimis delectatur Deus.

Reges denique, quatenûs Christi participes, & spiritualer nobilitati, Ipsius virtute hostes spirituales facile subjiunt, ac de iis triumphant; adhæc domini-

Cap. XV. De Justificatione, Reconcil. & Adopt. 611

um spirituale in res alias obtinent, & cum Christo in thronum ipsius evehendi sunt. *Apoc. I. 6. I Petr. II. 9. Item Act. 17. 11. Fuerunt isti generosiores, &c. Rom. 16. 20, Joh. 16. 33. Rom. 8. 37. In his omnibus amplius quàm victores sumus, per Eum qui dilexit nos. I Cor. III. 21, 22. 23. Omnia namque vestra sunt, - Apoc. III. 21, 22. Qui vicerit, tribuam ei ut sedeat mecum in throno meo; ut & Ego vici, & sedeo cum Patre meo in throno Ejus.*

XL. *Hæreditas tandem gloriosissima est ac beatissima. Rom. 8. 17. Quòd si Filii, etiàm Hæredes: Hæredes quidem Dei, Cohæredes autem Christi. Gal. 4. 1. Hæres Dominus omnium. I Cor. 3. 21, 22, 23. Sic modò restitutum habemus dominium spirituale quarumvis rerum: undè etiàm fluit, omnium ad hanc vitam sustentandam & piè condecorandam spectantium, usus purus coram Domino: Tit. I. 15. Omnia munda mundis. Rom. 14: 14. I Cor. 10. 25, 26. Quin & Angeli ministerio pro iis funguntur: Hebr. I. 14.*

In altero autem sæculo, coelesti beatitudine & gloriâ æternâ fruemur, etiàm hæreditatis titulo; qui quidem adjicitur titulo juris, ex justificatione: *Rom. 8. 17. I Joh. 3. 2. Dilecti, nunc filii Dei sumus: - scimus autem fore, ut cum Ipse factus fuerit manifestus, similes ei simus: quoniam videbimus Eum sicuti est.*

XLI. Ista igitur Adoptio est longè eminentissima ac saluberrima; captum mundi prorsus exsuperans: *I Joh. 3. 1. Videte, qualem charitatem dedit nobis Pater: nempè ut Filii Dei vocemur: propterea mundus non novit nos; quia non novit Eum.*

Plurimum verò differt ab Adoptione, quæ apud homines aliquandò peragitur. Humana enim Adoptio 1. fieri ferè solet ob defectum, vel indigentiam, filii naturalis. Hic autem Filius naturalis ab æterno præexistebat: attamen Pater coelestis ex ab-

undantiâ bonitatis suæ fideles adoptat; Filii que naturalis similitudinem quandam, & conjunctionem cum eo mysticam, adoptivis communicat.

2. Illa in denominatione, & rerum externarum communicatione, consistit. Hæc non fit sine actione intrinsecâ, & novæ vitæ productione.

3. Illa solet esse personæ extraneæ, non nisi ex adoptione jus habentis ad hæreditatem. Hi verò adoptivi jam antè per justificationem ex merito Christi jus sibi adjudicatum habent; ad quod sublimior iste titulus accedit.

4. Juxta illam filius patri in hæreditate succedit. Hic adoptivi participes fiunt hæreditatis assignatæ, ipso Patre & Filio primogenito in æternum manentibus.

XLII. Pro *Praxi*; 1. Fidei nostræ veritatem per fructus suos sedulò exploremus, ut de Justificatione etiâ certi simus: 2 *Cor.* 13. 5. *1ac.* II. 18. Ac pro isto beneficio animum gratum præstemus jugiter: quò magis refellatur Adversariorum calumnia, doctrinam nostram esse pietati inimicam: *Psal.* 103. 1, 4, 10, 11, 12. cxvi. 12. cxxx. 4. *Luc.* 7. 47. 1 *Petr.* 3. 1, 2.

2. Pacem cum Deo nostro sic colamus, ut ne iterum ad stultitiam convertamur: *Psal.* lxxxv. 9. ac propterea deferamus amicitiam hujus mundi: 1 *Joh.* II. 15. 16. cum 1 *Reg.* 15. 19.

3. Patrem nostrum cœlestem filiali reverentiâ sanctè colamus ac diligamus: *Mal.* I. 6. 1 *Joh.* 3. 2, 3. IV. 19. *Deut.* 32. 6. Et fiduciam in Ipso habeamus constanter; etiâ in mediis afflictionibus: *Eph.* 3. 12. *Hebr.* 3. 14. IV. 16. *Matth.* 7. 11. *Heb.* 12. 6, 7, 8.

4. Liberati per Redemptorem Jesum, ne revertamur ad turpissimam servitutem peccati, sub gravissimam tyrannidem Diaboli: in libertate istâ stemus; neque ulli creaturæ conscientias nostras subjiciamus:


Cap. XV. De *Justificatione, Reconcil. & Adopt.* 61;
 ciamus: *Gal.* 5. 1, 2. *Joh.* 8. 34, 35, 36. *Rom.* 2. 14,
 17, 18. xvi. 20. *1 Petr.* 5. 8, 9. *Hebr.* 12. 16. *Imagi-*
ni Christi magis conformemur indies: Rom. 8. 29.
1 Cor. xi. 1. *Gal.* 5. 19. *Matth.* 16. 24. xi. 29. *In-*
structioni mutuæ operam demus: 1 Theß. 5. 11. *Col.*
 3. 16. *Hebr.* 3, 13. *1 Petr.* 11. 9. Nos ipsos, & nostra,
 hostiam gratam Deo offeramus: *Rom.* 12. 1. *1 Petr.*
 2. 5. *Hebr.* 13. 16. Fortiter adversus hostes spiritua-
 les depugnemus, ad thronum Regni cœlestis adspiran-
 tes: *Eph.* 6. 10, - 18. *1 Petr.* 5. 8, 9. *Apoc.* 3. 21, 22.
 5. Hæreditatem illam beatissimam certò spere-
 mus; atque ità omnes hujus vitæ labores & calami-
 tates solemur: *Rom.* 8. 17, - 25, 28. *1 Joh.* III. 1, 2.

C A P. XVI.

De Sanctificatione.

Sanctificatio. Sanctitas varia. 1. Actio realis. Effi-
 cientia Dei: Christi: Spiritûs S. Verbi; & Sa-
 cramentorum. 2. Subjecta. 3. Termini. Idea. 4.
 Non consistit in solâ actuum emendatione: c. Socin.
 &c. 5. Ex habitibus actûs secundi. Praxis fidei &
 relapscentiæ. 6. Errores Pontif. de Pœnitentiâ, tan-
 quàm speciali actû justitiæ: & Sacramento. 7. De
 ejus materiâ & formâ. 8. Confessio. 9. Auricularis,
 Pontif. refut. 10. Objectiones solv. 11. Bona opera.
 Ex fide. 12. In gloriam Dei. 13. Secundum Legem
 ipsius. 14. Non sufficit opinio cultûs Divini. Nec
 ἐλεοθησικεῖα, &c. 15. Illorum utilitas. Necessitas,
 16. Perfectio varia. 17. Perfectio graduum non in
 Qq 3 hâc

hâc vitâ : c. Pontif. Socin. &c. 18. *Objectiones* solv. 19. *Praxis*. 20.

I.  Equitur ex ordine *Sanctificatio*; Actio realis, quâ redempti vocati & iustificati deinceps à turpitudine peccati transformantur ad puritatem imaginis Dei, & ad gloriam ipsius.

Nomen *Sanctus* à verbo *sancio* deducitur; & in creaturis rationalibus vitiorum expertem notat. Affines sunt *Iustitia* & *Sanctitas*: undè *Luc. I. 74, 75. Serviamus Ipsi cum sanctitate & iustitiâ. Iustitia* tamen propriè dici videtur respectû juris; aut legis, quæ juris est norma: *Sanctitas* verò respectû ipsius Dei, & similitudinis cum ipso. *Levit. XI. 44, 45. Estote sancti, quia sanctus sum. Confer 19. 2. xx. 7, 8, 26. I Petr. I. 16.*

Sanctitas in universum vel est *essentialis & independens*; Dei. *I Sam. II. 2. Is. 40. 25. Apoc. 15. 3, 4. vel accidentalis & dependens*; creaturarum. Hæc rursus; vel *in rebus inanimatis*; relativâ ad Deum, ejusque cultum, *Exod. III. 5. XII. 16. xv. 13. XXVIII. 2, 4. XXIX. 6, 29, 31, 33. xxx. 25, 31, 32. xxxi. 10, 14, 15. &c. vel illustrior, in creaturis rationalibus*, quæ tùm *personæ*, tùm *actionis*, notans conformitatem cum voluntate Dei.

Personæ sanctitas, respectû ortûs, vel est *originalis*; vel *adventitia*.

Originalis ex creatione in Angelis & Hominibus fuit; utpotè ad imaginem Dei conditis: *Matth. 25. 31. Dan. 4. 13. Ex conceptione, in Christo: Luc. I. 35.*

Adventitia homini lapso accidit tùm in hac tùm in futurâ vitâ. In hac vitâ *irregénitis* obtingit relativâ quædam sanctitas externa, vel etiâ in termâ non salutaris. Sed *regénitorum* sanctitas est tùm externa per imputa-

putationem ; tùm interna salutaris , ex mysticâ unionem & communione cum Christo per Sp. S. 1 Cor. 6.

II. *Sanctificati estis in nomine Domini Jesu, & per Spiritum Dei nostri.* Eph. 5, 25, 26. Sed post hanc vitam erit perfectissima sanctitas glorificatorum : Eph. 5, 27.

1 Cor. 13, 10.

II. Sanctificationis *genus* constituimus *actionem realem* : quia terminus ad quem reali efficientiâ produci debet. Sic Deo tribuitur hæc actio : 1 Theff. 5, 23. *Deus pacis sanctificet vos totos.* Job. 17, 17. Ezech. 36, 25, 26, 27.

Christo Mediatori hîc sunt sue partes, tùm impetratoriæ, tùm applicatorię : 1 Cor. I. 30. 2, v, 17. Eph. 5, 25, 26.

Sed Sp. Sancto , juxta ordinem Divinarum Personarum , proximè hæc actio tribuitur : 2 Theff. II, 13. *Per sanctificationem Spiritus.* Tit. 3, 5. *Renovationem Spiritus Sancti.*

Verbi autem & Sacramentorum efficacia hîc moralis est : Job. 17, 17. *Sanctifica eos Tuâ veritate : sermo ille Tuus veritas est.* Rom. 6, 4. *Consepulta Christo per baptismum.* 1 Cor. 12, 13.

III. *Subjecta* sunt redempti, vocati, & justificati. Præcedit enim Redemptio ; quâ Christus eos acquisivit : Vocatio ; quâ ipsi ad unionem cum Christo traducuntur : atque adedò Regeneratio ; quâ vita spiritualis iis inditur : imò & Justificatio ; quæ positâ vitâ spirituali , & fide salvificâ , non potest non poni. Tales actionem hanc recipiunt. Ipsi interim , ut spiritualiter viventes , hîc etiâ efficientiam quandam exserunt , qualis causis secundis convenit. Rom. 12, 1, 2. *Adhortor igitur vos , fratres , per miserationes Dei , ut sistatis corpora vestra hostiam vivam , sanctam , placentem Deo. - Transformate vos per renovationem mentis , ut probetis quæ sit voluntas Dei , &c.* Eph. 4, 22, 23, 24. Phil. II, 12, 13.

Totus autem homo beatam hanc transmutationem subit, mente, voluntate, affectibus : quin imò corpus, & singula ejus membra, usurpantur ad sanctimoniam: *Rom. 6, 12, 13. XIV, 7, 8. I Thess. 4, 3, 4, 5. I Cor. 6, 20. I Thess. 5, 23.*

IV. *Terminus à quo* est turpitudine peccati : *Terminus ad quem* est puritas imaginis Dei, & conformatio ad gloriam ipsius : *Ezech. 36, 25, 26, 27. Eph. 4, 22, 23, 24. Rom. 12, 1, 2. Col. III, 9, 10. Cum exuti illo veteri homine, sitis induti novo &c. Hebr. 9, 14. I Cor. 10, 31. Rom. 6, 22.*

Idea igitur in hoc negotio nobis imitanda est Sanctitas Jehovæ; *Lev. XI, 44. XIX, 2. XX, 7, 8, 26. Matt. 5, 48. Eph. 5, 1. Et Christi exemplum in vitâ suâ humili ; I Petr. 2, 21, 22. Matth. XI, 29. Phil. 2, 5, 6, 7, 8. Et suo modo exempla aliorum per ejus gratiam sanctificatorum; I Cor. XI, 1. Hebr. 12, 1. 13, 7.*

V. Sanctificatio non consistit in solâ actuum emendatione; quod volunt Sociniani, alique Pelagianizantes : sed, quemadmodum per Regenerationem inditæ fuerunt novæ facultates, ita per Sanctificationem conferuntur novi habitûs spirituales, virtutes Theologicæ, quæ indies perficiuntur, & ad actûs secundos excitantur.

Probatur ista veritas, I. ex promissionibus novi Foederis : *Jerem. 31, 33, 34. Dabo Legem meam in medio eorum : & in corde eorum describam eam, &c. Ezech. 36, 27. Et Spiritum meum dabo in medio vestrû; efficiamque; ut in præceptis meis ambuletis, &c.*

2. Illustria sunt exempla; *2 Tim. I, 5, 6, 7.* „ Memoria repetens eam, quæ in te est, minimè simulatam „ fidem; quæ habitavit prius in aviâ tuâ Loide, & in „ matre tuâ Euniciâ; persuasus sum autem, quòd in te „ quoque. Quam ob causam in memoriam revoco ti- „ bi, ut exsuscites donum Dei, quod in te est, per imposi- „ tionem

tionem manuum mearum. Non enim *dedit nobis Deus spiritum* formidinis; sed *roboris, & charitatis, & sanitatis animi*. Similiter cum jam Petrus esset à Satanâ ventilandus, instar tritici, dixit Christus; *Lucæ 22, 32. Ego deprecatus sum pro te, ne deficiat fides tua*, Mansit igitur in ipso, nec defecit iste habitus, etiã in gravissimâ tentatione & lapsu; ubi actuum secundorum satis notabilis fuit defectus.

3. Habituales virtutes disertè recensentur, 2 Petr. I, 4.-8. Gal. 5, 22. 1 Cor. 13, 8. 13.

4. Hebr. 5, 14. appellantur expressè *Adulti, qui propter habitum sensûs habent exercitatos, ad discretionem boni & mali*. Confer Phil. I, 6, 9.

VI. Ex istis habitibus educuntur actûs secundi; omnis generis exercitia pietatis, & bona opera. *Matth. 5, 16. Itã splendeat lux vestra coram hominibus, ut videant vestra bona opera*. 1 Tim. 4, 7. Tit. II, 14. Phil. 4, 8.

In hoc genere valde illustris est quotidiana praxis Fidei & Resipiscentiæ. 2 Thess. I, 3. *Fides vestra vehementer augefcit; & abundat mutua Charitas*. 2 Cor. 4, 16. Col. I, 9, 10, 11. Quantum ad Fidem attinet, eã speciatim promissiones Euangelicas ad præsentem nostram conditionem applicamus, ut continuetur in nobis subjectiva certitudo nostrę Justificationis; & simul corroboremur in vitâ spirituali ac praxi pietatis: Gal. 2, 20. Confer sup. cap. 2.º th. 21. Quod vero ad praxin Resipiscentiæ, ad singulas actiones sedulò attendimus, ut per gratiam Dei perficiatur in nobis tùm mortificatio veteris, tùm vivificatio novi hominis: Rom. 6, 4. Phil. 4, 8, 9.

VII. Pontificii Pœnitentiæ externam in foro Ecclesię, cum internâ in foro conscientię confundentes, ex ea faciunt *specialem virtutem*; ex præconcepto Satisfactionis errore, in ordine ad Justitiam Dei: sed ab

internâ istâ plurimum differt externa demonstratio pœnitentiæ coram Ecclesiâ; ut resipiscentibus ministerialiter denunciatur remissio peccatorum suorum, & abstenti ad communionem denuò admittantur.

Nec specialis virtus esse potest; cùm ejus natura generalior sit, quàm ut certam virtutis speciem constituat: de singulis enim virtutibus omisiss, & vitiis commissis, pœnitentia agi potest ac debet.

Sed & *Sacramentum* reputant non minùs absurdè: 1. quia ei non insunt Sacramenti requisita.

2. Quia Virtus & Sacramentum toto genere differunt.

3. Ipse Baptismus est Sacramentum resipiscentiæ, sive pœnitentiæ: *Act. 19, 4. Marc. 1, 4. Matth. 3, 11. Rom. 6, 4.*

VIII. Neque minùs errant in definiendâ *materiâ* & *formâ* hujus imaginarii Sacramenti. Illam communiter constituunt in contritione cordis, confessione oris, & satisfactione operis.

Sed cùm materia Sacramenti debeat esse res exterasensibilis, ad eam saltem, ut pars, trahi non debet *contritio cordis*; utpotè soli Deo nota. Et ipse *Beccanus*: *Omnes fatentur, contritionem non esse necessariam in Sacramento pœnitentiæ; quia ibi sufficit attritio.* Confer etiâ quod exstat de pœnitentiâ Judæ, *Matth. 27, 3, 4, 5.*

Satisfactio præstat post Absolutionem; consequenter non potest esse pars materiæ: forma enim præsupponit materiam.

IX. *Confessio alia* quidem est Divinæ laudis & veritatis; de quâ, *Rom. 10, 10. Ore fit confessio ad salutem. Alia* nostræ fraudis & iniquitatis; undè *1 Job. 1, 9. Si confiteamur peccata nostra, fidelis est, & justus, ut remittat nobis peccata nostra. Psal. 32, 5. Prov. 28, 13.*

Hęc necessariò fieri debet ipsi Deo ; cui tanquàm Legislatore & Judici absolutè summo , soli in statum nostrum internum & æternum potestatem habenti , peccavimus : atque adeò sincerè , & particulatim , ex intimo turpitudinis & reatus nostri sensu ea faciendà est. *Psal. 51, 5, 6. Prævaricationes meas ego agnosco ; & peccatum meum coram me est semper. Tibi, Tibi soli peccavi. 32, 5. Dan. 9, 3. - 7. Luc. 15, 21. 18, 13.*

Sed & coram Ecclesiâ , vel ejus Antecessoribus , fieri debet confessio peccatorum (non tamen particularis) ab adultis , qui in Ecclesiæ communionem recipi cupiunt. Sic *Matth. 3, 6.* qui ad Johannem exhibant, *baptizabantur ab eo, confitentes peccata sua.* Adde *Act. 19, 17, 18.*

Similiter etiàm publici & scandalosi peccatores , à sacrâ communione abstenti , ad publicam peccatorum suorum confessionem rectè adiguntur , priusquam à censuris Ecclesiasticis absolvantur ; ut istâ ratione tollatur scandalum Ecclesiæ datum : *1 Tim. 5, 20. Eos, qui peccant, in conspectu omnium argue ; ut & reliqui metuant.* Necessarium quoque est , ut qui injuriam aliis fecerunt privatim , hoc ipsum iis privatim confiteantur : *1 Jac. 5, 16. Confitemini alii aliis offensas. Matt. 5, 23, 24. cum 6, 14. xviii: 21, 22. Luc. 17, 3, 4.* Imò etiàm ad spiritualem instructionem & consolationem perutile est , ut , qui scrupulosam , vel dubitantem , vel aliter infirmam habet conscientiam , adeat aliquem spectatæ fidei ac pietatis , atque inprimis Ecclesiæ Pastorem , & ab eo solidam instructionem ex Verbo Dei petat : *Mal. 2, 7. Labia enim Sacerdotis custodiunt scientiam ; & Legem requirunt ex ore ejus. &c. Gal. 6, 1. Rom. 14, 1.*

X. Sed ab hac Confessione SS. Literis consentaneâ plurimum recessit Pontificiorum Confessio auricularis , quæ fit in aurem Sacerdotis ab omnibus & singulis adultis

dultis baptizatis, saltem semel in anno, de omnibus peccatis mortalibus, cum omnibus eorum circumstantiis, ut ab ipso remissionem accipiant; additâ gravi conditione, ut quæ quis peccata mortalia illum celaverit sciens, eorum remissionem consequi non possit.

Sed 1. Christus ministerium remissionis quidem mandavit Ministris Euangelii: sed ab auriculari illâ Confessione eam minimè suspendit; de quâ ne ^{2^o} quidem in SS. Literis. *Requiritur autem in Dispensatoribus, ut quisque fidus reperiatur: 1 Cor. 4, 2.*

2. Talis illa sperata remissionis consecutio impossibilis est: cum nemo omnium, & singulorum peccatorum suorum, cum suis circumstantiis, possit recordari, & sic ea confiteri, ut eorum remissionem accipiat. *Psal. 19. 13. Delicta sua quis intelligit?*

3. Plurima & gravissima sunt ejus incommoda: necessario enim tenentur homines solliciti, an satis exactè conscientiam suam examinaverint, & apud Sacerdotem exoneraverint; an peccata mortalia à venialibus rectè distinxerint, &c. Sæpè etiâ homines per examina Confessariorum docentur peccata prius ignota, & ad ea incitantur: tyrannis & avaritia Sacerdotum fovetur, &c.

4. Absurdè ea statuitur pars Pœnitentiæ; cum hæc ad animum pertineat; & illa hujus effectus sit, & signum consequens.

XI. *Obj. 1.* Christus Ministris Euangelii dedit potestatem ligandi & solvendi: *Matth. 16, 19, XVIII: 18. Job. 20, 23. Resp.* Non tamen solvendi, aut remittendi, pro ipsorum arbitrio; aut postulatâ prius tali Confessione.

Obj. 2. Occurrunt exempla, *Matth. III, 6. Act. 19, 17, 18.* Ergò. *Resp.* Non commemoratur istic 1. confessio particularis omnium & singulorum peccatorum cum suis circumstantiis. 2. Non auricularis. 3. Neque

Neque à baptizatis ; (quibus Pænitentia dicitur altera tabula post naufragium) sed à catechumenis baptizandis facta.

Obj. 3. Christus hominem à leprâ sanatum misit ad Sacerdotem , ut se ei ostenderet : *Matth. 8, 4.* Ergò spiritualis lepra est Sacerdotibus ostendenda ; sive peccata per Confessionem exponenda. *Resp.* Misit hominem sanatum , ut pro eo fieret secundum Legem Cerimonialem ; *Levit. 14.* quæ tunc nondum erat abrogata : non autem misit ut à Sacerdote sanaretur ; neque ut post auricularem confessionem absolveretur.

Obj. 4. Mandatum exstat *Jac. 5, 16.* *Confitemini alii aliis offensas , &c.* *Resp.* Rectè Cardinalis Cajetanus ad locum ; *Nec est sermo de Confessione Sacramentali* : ut patet ex eo , quod dicit ; *Confitemini invicem.* Sacramentalis enim Confessio non fit invicem ; sed Sacerdotibus tantum : Sed de Confessione , quâ mutuò fatemur nos peccatores , ut oretur pro nobis ; & de Confessione hinc & inde erratorum , pro mutuâ placatione & reconciliatione.

XII. Pergimus ad considerationem *bonorum operum* ab hominibus sanctificatis in hac vitâ præstandorum. *Describuntur* autem ; *Actûs humani* , ex fide procedentes , atque in Dei gloriam , juxta præscriptum Legis ipsius præstiti. *Actus humani* opponuntur naturalibus illis , qui rationi non subjacent ; ut si quis suâ gravitate cadat deorsum ; quòd cibi in ventriculo coquantur , &c. nam *cultus* noster debet esse *rationalis* : *Rom. 12, 1.*

Tres verò *conditiones* potissimum requiruntur , ut opera nostra sint verè bona : una ex parte principii ; altera ex parte finis ; tertia ex parte normæ. *Prima* , ex parte principii , est , ut ex verâ fide salvificâ procedant : *Rom. 14, 23.* *Quicquid ex fide non est , peccatum est.* *Hebr. x1, 6.* *Fieri non potest , ut absque fide quisquam*

quam Deo gratus sit. 1 Tim. 1, 5. Tit. 1, 15. Omnis enim aptitudo ad spiritualiter benè operandum, ex gratiâ Dei in Christo per fidem accipi debet: Eph. 3, 17. Hebr. 9, 14. Att. 15, 9. Gal. II, 20. Job. 15, 3, 5. 1 Cor. I, 30. II, 16. Rom. 12, 2. Eph. 5, 15, 16. I, 6. Rom. 14, 17, 18, 22, 23.

Propter defectum hujus conditionis opera infidelium, quamvis fortè materialiter Legi Divine conformia, non sunt tamen opera verè & spiritualiter bona.

XIII. Altera conditio, quæ finem respicit, hæc est; ut opera fiant in gloriam Dei, ut in finem primarium atque ultimum: 1 Cor. 10, 31. *Quicquid facitis, omnia in Dei gloriam facite.* Phil. 1, 10, 11. Col. 3, 17. 1 Tim. 4, 3, 4, 5. Item Matth. 5, 16. 1 Petr. 2, 12; 9. 1 Cor. 6, 19, 20. Rom. 14, 7, 8, 9.

Huic interim fini primario & ultimo subordinatur, tum salus nostra: Jes. 45, 19. *Non dixi semini Jacob; In vanum querite me.* Psal. 19, 12. 1 Sam. 2, 30. 1 Tim. 4, 8. Rom. 2, 7. Hebr. XI, 26. XII, 2. Tum aliorum ædificatio: Col. 3, 16. *Docendo & commonefaciendo vos mutuo psalmis, hymnis, & canticis spiritualibus.* 1 Thess. 5, 11. Jac. 5, 19, 20. 1 Petr. 3, 1, 2. Matth. 5, 16.

XIV. Tertia denique conditio ad normam spectat; nimirum ut opera nostra fiant secundum Legem Dei. Sic enim 1. disertè præcipitur, Deut. 4, 1, 2. *Nunc ergo, Israël, audi statuta & judicia, quæ Ego doceo vos, ut faciatis, ut vivatis: - Non addetis ad verbum, quod Ego præcipio vobis: neque diminuetis quicquam ex eo.* v, 32, 33. XI, 32. XII, 32, Levit. 18, 5. Ezech. 18, 9. xx, 18, 19. Matth. 5, 19. Jac. II, 10.

2. Suprema & independens Dei Opt. Max. *ἐξοχή* & gloria, ac nostra moralis dependentia ab ipso, & subjectio ad ejus cultum atque obsequium, omnia postulant, ut norma obedientiæ & cultus ab ipso nobis præscribatur.

3. For-

3. Formalis ratio peccati, seu mali moralis, consistit in difformitate à Lege Divinâ: 1 *Joh.* 3. 4. undè etiâ per Legem cognoscitur; *Rom.* 3, 20. VII, 7. Ergò bonitas moralis consistit in conformitate cum normâ Divinitus præscriptâ in Lege.

4. Secundum istam normam de operibus hominum, seu bonis, seu malis, judicat, & judicabit ipse Deus: *Iac.* 4. 12. II. 12. *Rom.* 2, 14, 15, 16.

Secundum istam igitur normam agenda sunt, quæ istic præcepta; & fugienda, quæ prohibita: circa ea verò quæ Deus reliquit adiaphora in thesi, in hypothesis nihilominus observandæ sunt regulæ pro illâ praxi præscriptæ. Vide sup. cap. 8. th. 27.

XV. Consequenter bonis operibus accenseri non debent, quæ istâ normâ posthabitâ, fiunt ex qualicunque opinione cultûs Divini, aut intentione gloriæ Divinæ: *Joh.* 16. 2. *Veniet tempus, cum quisquis trucidabit vos, putabit se cultum præstare Deo.* *Col.* II. 23. vel ab aliis hominibus excogitata & mandata sunt: *Matth.* 15. 9. ex *Ies.* 29. 13. *Dixit Deus, frustrâ Me colunt, docentes doctrinas, quæ sunt mandata hominum.* *Col.* II. 20, 21, 22.

Plurimum verò distat cultus ille voluntarius, ἑθελήσκεια, à cultû spontaneo, qui libenti animo præstatur juxta præscriptum Dei: *Psal.* 110. 3. *Populus tuus spontaneus, &c.*

Ubi verò mandata hominum Divinis adversantur, prorsus Deo obediendum est potius, quam hominibus: *Act.* 4, 19. v, 29.

Neque in Adiaphoris à moribus & consuetudinibus arcessienda est bonitas moralis; sed à regulis Divinis: *Rom.* XII. 2. *Ne vos configurate saeculo isti: - ut probeatis quæ sit voluntas Dei, bona illa, placens, ac perfecta.*

XVI. In Adjunctis bonorum operum, videndum primo de eorum utilitate ac necessitate; & porro de perfectione, vel imperfectione.

Utilitas amplissima est: I Tim. 4. 8. Pietas ad omnia utilis est, ut quæ promissionem habeat vitæ præsentis, ac futuræ. Phil. II, 12. I Tim. II, 14.

Imò etià *necessitas* (in adultis) agnoscenda est, tùm *præcepti*; undè infertur nostrum officium & obsequium debitum: tùm quoque *medii*; ut sine hoc ad possessionem ac fruitionem cœlestis beatitudinis perveniri non possit. *Hebr. 12: 14. Pacem sectamini cum omnibus, & sanctimoniam, sine quâ nemo videbit Dominum. Matth. III. 10. Jam verò etiam securis ad radicem arborum posita est: omnis igitur arbor, non ferens fructum bonum, exciditur; & in ignem abjicitur. I Cor. 6: 9, 10. Eph. 5: 5. Apoc. 21: 27.*

Magis hoc patet, i. ex consideratione Christi: qui non minùs Sanctificationem nobis impetravit, quàm Justificationem, &c. *I Cor. I. 30. VI. 11. Luc. I. 74, 75. Rom. 6: 2, -. Ephes. 5: 25, 26, 27. Tit. 2: 13, 14. Hebr. 9: 13, 14. Imò & Justificatio necessariò secùm trahit Sanctificationem. Vide sup. cap. 2. th. 23. §. 4.*

2. Respectû Dei; Patri nostro sanctissimo ac beneficentissimo, tanquàm filii genuini, obsequium & animum gratum probare debemus in omnibus; Ei-que conformari in Ipsius gloriam. *Deut. 8: 10, 11. xxxii: 5, 6, 7. Jes. I: 2, 16, 17. Mal. I: 6. I Cor. 6: 19, 20.*

3. Respectû nostrî ipsorum; Quòd fidem verè salvificam habeamus, & sic in statum gratiæ translati simus, ex istis fructibus colligimus: *Matth. 12. 33: Iac. II: 17. Eàdem operâ de nostrâ vocatione, ipsâque aded electione, certi reddimur: 2 Petr. I: 10. Atque in futurum sic damnationem effugimus: Matth. 3: 7, 8, 10. & æternam beatitudinem ac gloriam consequimur: Phil. II: 12. III: 14. I Cor. 9: 24. Hebr. 12. 1, 2. 2 Tim. 1: 7, 8.*

4. Respectû proximi nostri; istâ ratione anniten-
dum

dum est, ut eum Christo lucrificamus; & nostro exemplo ad pietatem, ac sanctimoniam, studiumque Salutis æternæ, adducamus: *Matth. 5. 16. 1 Petr. 3. 1, 2. 1 Thess. 5, 11.*

XVII. *Perfectio* triplex hoc loco spectari potest: 1. *Perfectio sinceritatis*; quâ idem pietatis studium, quod foris ostenditur verbis & gestibus, intus existit in animo; absque partitione cordis: prout simulators dicuntur loqui *labio blanditiarum in corde & corde*, *Psal. 12. 3.* Hæc perfectio requiritur *Deut. 6, 5. Diliges Jehovah Deum tuum toto corde tuo, & totâ animâ tuâ.* Confer *Job. 1, 1. Psal. 139, 23, 24. 1 Reg. 15, 8.* Contraria est hypocrisis: *Jes. 29, 13. Ezech. 33, 31.*

2. *Perfectio partium*; quâ omnia & singula officia, Divinitus nobis præscripta, sine exceptione observantur; sicut Præcepta Legis certum nexum inter se habent: *Jac. II, 10.* De hæc pro more gentis suæ falsò gloriabatur juvenis Phariseus. *Matth. 19, 20. Omnia hæc observavi à juventute meâ.* Verius de Zachariâ & Elizabethâ, *Luc. 1, 6. Incedentes in omnibus præceptis & constitutionibus Domini inculpate.* Vide similiter de Josiâ, expressâ etiâ perfectione sinceritatis, *2 Reg. xxiii. 25.* De Asâ verò indicatur quidem perfectio sinceritatis, sed cum quâdam exceptione circa perfectionem partium, *2 Chr. 15, 17.*

3. *Perfectio graduum*; ut obedientia Deo præstetur non tantum sincerè; & secundum omnes partes; verum insuper ad extremum virium, prout omnes nostrę vires à morali providentiâ Dei omninò dependent moraliter, quemadmodum à creatione & providentiâ reali realiter. *Marc. xii, 30. Luc. x. 27. ex Deut. 6, 5. Diliges Dominum Deum tuum ex toto corde tuo & ex totâ animâ tuâ, & totis viribus tuis, & ex totâ cogitatione tuâ.* Nihil igitur in corde & animâ esse debet isti obedientiæ ac dilectioni adversum.

Cap. XVII. De *Conservatione, & Corroborat.* 631

aquarum, quæ fructum suum dat in tempore: & folium ejus non decidit. Similis est locus *Jerem.* 17, 8. Ergo prosperitas spiritualis non interrupta, piis ubique & semper obtingit. *Resp.* Illud intelligendum est secundum quid: ut spiritualis vigor, & fertilitas, ac prosperitas detur; & maneat vita spiritualis, nec deficiat totaliter, nedum finaliter; sed perficiatur in diem Jesu Christi, *Phil.* 1, 6. dum verè fideles principium illud, quo sustentantur, non obstantibus eorum lapsibus, & decremento aliquo, tamen per hanc Dei & Christi gratiam, firmum retinent ad finem usque; *Hebr.* III, 14.

IV. *Causa efficiens ac perficiens est tum Deus, tum Christus Mediator.* Deus non solum potest, sed etiam vult, vere fideles in isto statu ad æternam salutem conservare. Ipsum posse, manifestissimum est ex absolutâ omnipotentiâ. Sed & velle; constat, tum ex electione; tum ex specialibus promissionibus. De *Electione* illustria sunt testimonia. *Joh.* 6, 39, 40. „Hæc est voluntas ejus, qui misit Me, Patris: ut ex eo omni, quod Mihi dederit, non perdam; quicquam; sed suscitent illud in ultimo isto die, &c. *Eph.* 1, 4, 5. „Elegit nos in Ipso ante jactum mundi, fundamentum, ut simus sancti & inculpati, &c. *Matth.* 24, 24. „Excitabuntur pseudo-Christi ac pseudo-prophetæ: adeo ut seducant (si fieri possit) etiam electos: Ista *παραποίησης, ἡ διωαὶς*, si fieri possit, indicat immunitatem electorum à seductione. Confer. *Apoc.* 13, 8. Adde *Rom.* 8, 28, - 31. *2 Thess.* 2: 13, 14.

V. Certitudinem eandem Deus *promissionibus* variis revelavit, tum in V. tum in N. T.

In V. T. illustres promissiones extant in *Psalms*: 37, 24. Cum ceciderit (justus) non prosternetur; quia *Jehovah* sustentat manum ejus. *CXXII.* 6, 9. *CXXV.* 1, 2, 3. Qui confidunt in *Jehová*, sunt ut mons *Tzijon*, qui

tis adversis, & variis casibus hujus vitæ, dixerat prius Apostolus: istis autem verbis docet, quo robore interim substiterit, deque victoriâ obtinendâ certus fuerit: non verò, quod perfectionem graduum modò consecutus esset.

XX. Pro *Praxi*; 1. Exploremus seriò nos ipsos, an realem animi mutationem, virtutes illas spirituales, in nobis experiamur: 2 *Cor.* 13, 5. 1, XI, 28. *Zeph.* II, 1. *Psal.* 139, 23, 24.

2. Ex istis habitibus exercitia virtutum producamus; contraria verò vitia aversemur & fugiamus: 1 *Tim.* 4, 7. *Phil.* 4, 8.

3. Ex fide salvificâ rectè operari assueamus: *Act.* 15, 9. *Gal.* II, 20. 1 *Tim.* I, 5. *Tit.* I, 15. *Rom.* 14, 23. *Hebr.* XI, 6. Gloriam DEI semper intendamus: 1 *Cor.* 10, 31. *Col.* 3, 17. *Phil.* I, 10, 11. *Matth.* 5, 16. Et normam Legis Divinæ sedulò ac libenter in omnibus sequamur: *Deut.* 4, 1, 2. v. 32, 33. XI, 32. XII, 32. *Rom.* 7, 22.

4. Insignem utilitatem ac necessitatem bonorum operum ritè expendamus: 1 *Tim.* 4, 8. *Phil.* 2, 12. *Hebr.* XII, 14.


5. In universâ sanctitatis & obedientiæ praxi sinceritatem præstemus coram Deo sanctissimo atque omniscio: *Gen.* 17, 1. *Psal.* 26, 11. cxxxix, 23, 24. 1 *Cor.* 5, 8. *Phil.* I, 10. 2 *Petr.* 3, 1.

6. Imperfectionis ac tenuitatis nostræ nobis confecti, eò magis defectus supplere, & quotidie proficere; annitamus sedulò: 2 *Cor.* 4, 16. *Phil.* 3, 12.
- 15.

C A P. XVII.

De Conservatione, & Corroboratione.

Conservatio. 1. Qualis actio. Ejus effectus. 2. Perseverantia quæ. 3. Causa efficiens, & perficiens. Decretum. 4. Promissiones de eâ. 5. Impetratio. 6. Applicatio realis. 7. Institutio per Verbum, & Sacramenta. 8. Castigatio. 9. Studium ipsorum sanctificatorum. 10. Fines. 11. Vera sententia asseritur, c. Pontif. Socin. Remonstr. &c. 12. Objectiones solv. 13. Ac porro aliæ. 14. Corroboratio. Qualis actio. Termini. 15. Infirmitates variæ. Robur, & incrementa. 16. Causa efficiens principalis. Media. 17. Fines. 18. Praxis. 19.

I.  Equitur *Conservatio*, ad Fœdus gratiæ, & salutis per Christum impetratæ applicationem, speciatim pertinens. Hæc describitur; Actus Dei & Christi gratioſus atque efficax, quo omnes & singuli verè fideles, justificati, ac sanctificati, quantumvis in se debiles, in isto suo statû potenter continuantur; adeò quidem ut jam ex eo totaliter & finaliter deficere non possint, sed per certam perseverantiam ad æternam gloriam sint traducendi. Rom. 5, 10. „Nam si, cum inimici essemus, reconciliati fuimus Deo per mortem Filii ejus; multo magis reconciliati *Servabimur* per vitam Ipsius. 1 Petr. I, 5. Qui potentiae Dei præsidio, *Custodimini per fidem*, ad salutem paratam revelari, tempore ultimo. 1 Theſſ. 5, 23, 24. 2: III, 3.

XVIII. Istam perfectionem graduum in hac vitâ non obtineri, probamus contra Pontificios, Socinianos, aliosque Perfectistas; 1. ex disertis quibusdam testimoniis: 1 Cor. 13, 9, 10, 11. *Ex parte cognoscimus, & ex parte prophetamus. Postquam autem advenerit quod perfectum est, &c. Cum essem infans, &c. Cognitioni multum adhuc deest; atque adeo etiam praxi, quæ cognitionem sequitur pro rata. Rom. 8, 23. Primitias Spiritûs habemus: plenam messem expectamus, postea percipiendam. Phil. 3, 12, 13. Non quod jam metam apprehenderim, aut jam sim consummatus: sed persequor, experiens an ipse quoque apprehendam, cujus etiam rei causâ apprehensus fui à Christo Jesu. Fratres, ego me ipsum non reor metam apprehendisse. Nondum ergo consecutus erat perfectionem sanctitatis pariter ac gloriæ. Adde Prov. 20, 9. Eccl. 7, 20. 1 Reg. 8, 46. Jes. 64, 6. Jac. 3, 2. 1 Joh. 1, 8, 9, 10.*

2. Ex causâ istius imperfectionis; Carne corruptâ, in regenitis & sanctificatis adhuc reliquâ, & Spiritui repugnante: Gal. V, 17. *Nam Caro concupiscit adversus Spiritum; Spiritus autem adversus Carnem: hæc autem inter se opposita sunt, ut non quacunque volueritis, eadem faciat. In iisdem subjectis sunt duo ista principia contraria. Hinc etiam Paulus de se ipso graviter conqueritur, Rom. 7, 14-. Vide sup. cap. 10. th. 37.*

3. Ex perpetuo studio proficiendi; quod in perfectis frustraneum foret; 2 Cor. 4, 16. *Propterea non segnescimus: sed etiam si externus homo noster corrumpitur, internus tamen renovatur indies. Phil. 3, 14. Unum autem ago; ea quidem, quæ à tergo sunt obliviscens, ad ea verò quæ à fronte sunt contendens, scopum versùs fero, ad palmam supernæ vocationis Dei, in Christo Jesu. Psal. 84, 8.*

4. Ex quotidiano studio remissionis peccatorum, ut eam in cordibus nostris sentiamus, etiam super peccatis & lapsibus nostris quotidianis: Matth. 6, 12.

Et.

Et remitte nobis debita nostra! Psal. 19, 13. Errores quis intelligat? ab occultis munda me! cxxx, 3. 4, cxliii, 2. Et usus Cœnæ Dominicæ identidem repeti debet, ad percipiendam in conscientiis nostris remissionis istius certitudinem: Matth. 26, 28. Hoc est sanguis meus novi Pacti, qui pro vobis effunditur in remissionem peccatorum, cum 1 Cor. xi, 26. Quotiescunque ederitis panem hunc, & poculum hoc biberitis, mortem Domini annuntiatis, usquequò venerit.

XIX. Obj. 1. Alicubi in SS. Literis perfecti & adulti celebrantur: Ergò. *Resp.* Tales comparatè dicuntur, qui sincerè omnes officiorum suorum partes complent, & gradibus insigniter profecerunt; licet non illam graduum perfectionem obtinuerint, quam Lex Dei postulat, & quam postea in cœlis habebimus. Imò eorum, qui sic laudantur, vitia & defectus etiã annotantur passim; aut aliundè colliguntur.

Obj. 2. Christus Matth. xi. 30. *jugum suum dicit esse facile, & onus leve.* Similiter 1 Job. 5, 3. *Mandata Ejus non sunt gravia.* *Resp. 1.* Christus de doctrinâ suâ istic loquitur, qualis ea nunc potissimùm obtinet sub N. T. & distinguitur à rigido & condemnante Ministerio Legis, durisque ejus repetitionibus sub V. T. Nunc solum credendum est in Christum Servatorem unicum & perfectissimum, clarissimè propositum, ad beatam Ipsius communionem: & præstanda est vicissim dilectio, gratitudo, ac nova obedientia, dùm per Divinam gratiam tutò ac suaviter ducimur ad cœlestem gloriam. **2.** Propter majorem hanc amplitudinem & claritatem gratiæ, præcepta Dei magis etiã diligimus, iisque delectamur ex animo; ut nobis non sint gravia, sed suavia.

Obj. 3. Phil. 4, 13. *Omnia valeo per Eum, cui me corrobore, nempe Christum.* Ergò. *Resp.* De mul-

Cap. XVII. De *Conservatione, & Corroborat.* 633

præclarum *in viciis*, de victis hostibus, & superatis omnibus periculis, per gratiam Dei in Christo. Adde *Eph.* 4, 30. *I Job.* 3, 9. *I Petr.* I, 23.

VI. Quod sic Decreto constitutum est, & promissionibus revelatum, hoc ipsum Deus constanter ac potenter *exequitur*. Christus nimirum hoc fine datus est nobis Salvator & Conservator. Undè, *quisquis in Ipsum credit*, dicitur *non periturus, sed habiturus vitam æternam*; *Job.* 3, 16. *Rom.* 8, 31, 32. Christus autem sanctissimâ oblatione suâ, æternam salutem certò impetravit, quibus ea destinata ac promissa erat: *Rom.* 5, 9, 10, 11. *Iustificati Ejus sanguine, servabimur multò magis per Eum ab irâ, &c.* Ecce fidam illam Conservationem, post Justificationem in Christi sanguine. Nam non solum remissionem peccatorum nobis impetravit, verum etiâ purificationem à maculâ, & liberationem à servitute spirituali. Vide *Rom.* 6, 6, - 11. *Hebr.* 9, 13, 14.

Accedit insuper jugis Christi pro nobis *intercessio*: *Rom.* 8, 35. *Quis est qui condemnet? Christus is est qui mortuus est: - qui etiâ intercedit pro nobis. Quis nos separabit à charitate Christi? Hebr.* 7, 24, 25. *Luc.* 22, 31, 32. *Job.* 17, 9, 11, 15, 17, 20. Hoc est validissimum remedium adversus totalem ac finalem apostasiam: *Job.* XI. 41, 42. *Pater, gratias ago Tibi, quòd Me audieris. Ego verò sciebam Me semper à Te audiri.*

VII. Impetrationem illam excipit efficax *applicatio*, per Ipsius virtutem omnipotentem; quâ omnia obstacula facilè superat, & obtinet quod intendit. Sic inchoatam in fidelibus sanctitatem conservat ab interitû, per Sp. Sancti efficaciam. Hæc efficacia admodum emphaticè describitur *Eph.* I, 17, - 20. Ubi eadem Divina virtus, & efficax Potentia, per quam Christus ex mortuis est suscitatus, in electis regenerandis, sanctificandis,

& conscientiam quodammodò honestè bonam, illuminatam & refranatam; eam postea repellere poterunt, & naufragium facere circa fidem; atque adeò amittere quod habuerunt: cùm fidem verè salvificam, & conscientiam spiritualiter bonam, nunquàm habuerint. 4. *Hebr.* 6, 6. conditio illa, *si prolabantur*, nihil ponit in esse. Et quæ Apostolus istic expressit, accipi possunt de fide solùm temporaria, & gratiâ Spiritûs Sancti illuminante non salutari; qualis est eorum, qui peccant in Spiritum Sanctum. 5. Juxta locum *Petri*, nonnulli institutionis Christianæ, & illuminationis cujusdam non salutaris participes facti, veritatem illam amplexi sunt, & secundùm eam facere quardam cœperunt; postea verò ad priores suas corruptiones relapsi sunt. Verum ab istis Canibus & Suibus non valet consequentia ad veras Oves Christi; de quibus instituta erat quæstio. 6. Arbores istæ apud *Judam* nunquàm fuerunt verè radicatæ in Christo; nec vixerunt in ejus communionem mysticâ: solùm speciem aliquam præbuerant, & spem aliis fecerant, in externam communionem Ecclesiæ institutæ adsciti: deindè relapsi, speciem illam amiserunt; & bis, sive omninò mortui, dicit *Ag. παρών*, deprehenso sunt.

XV. *Corroboratio* est actus efficacis gratiæ, quo sanctificati adhuc debiles, spirituali robore confirmantur; ita quidem ut crescat interior homo, fortis evadat, & ad perfectionem proficiat; in ipsorum salutem, ac Dei & Christi gloriam. 2 *Cor.* I, 21. *Qui nos confirmat (βεβαιών) in Christum, - Deus est.* Col. I. 10. *Crescentes in agnitione Dei. Omnipotentia potentes facti, secundùm gloriosum robur ipsius, &c.* 2 *Thess.* III, 3. *Fidelis est Dominus, qui stabiliet vos.*

Etiàm hæc actio *realis* est; ut patet ex termino reali, incremento novi hominis. Et quidem *efficax hyperphysica*: Divina enim hæc efficientia superat omnia obstacula.

mus, est Gloria DEI; quæ in Ejus *φιλανθρωπία*, multiformi sapientiâ, constanti fidelitate, supereminenti potentiâ, mirabiliter elucēscit. Hæc sanctificatos agnoscere & celebrare oportet: *Rom. V, 8, 9. 10. Eph. 3, 10, 11, 1, 19. 1 Theß. 5, 24. 1 Petr. 1, 19.*

Isti summo fini *subordinatur* alter, ipsorum conservatorum Beatitudo æterna. Hinc disertè Apostolus, *2 Theß. I, 9, 10. Oramus semper pro vobis, ut Deus - compleat - opus fidei potenter. Hebr. 10, 35, - 39.*

XII. Ex superioribus abundè patet, verè fideles perseverare in isto statû; nec fieri posse, ut totaliter ac finaliter deficiant. Quod tenendum contra *Pontificios, Socinianos, Anabaptistas, & Remonstrantes. Lutherani* verò statuunt, eos quidem totaliter, non tamen finaliter, posse deficere. Nec difficile est *Classēs argumentorum* ex præmissis construere: utpote 1. Ex decreto Electionis; ex cujus immutabili certitudine sequitur, quòd electi totaliter deficere non possint, nedùm finaliter. Vide sup. th. 4. & cap. 6. th. 7.

2. Ex certissimis Promissionibus, de perseverantiâ in nobis efficiendâ. Vide th. 5.

3. Ex validissimâ salutis æternæ, & mediorum istuc necessariorum, pro nobis impetratione per Christum; ejusdemque intercessione, quæ semper exauditur. Vide th. 6.

4. Ex efficaci applicatione salutis impetratæ, ac mediorum necessariorum, in ipsis redemptis. Vide th. 7. & seqq.

XIII. *Obj. 1.* Aliqui homines fidei professionem, & communionem Ecclesiæ, deserunt totaliter. Ergò. *Resp.* Isti à posteriori deprehenduntur nunquàm habuisse vivam ac salvificam fidem, aut communionem internam Ecclesiæ mysticæ; sed tantùm fidem historicam, ac temporalem, vel simulatam;

latam; & gratiam non regenerantem ad salutem, sed quadantenus illuminantem & refrēnantem; 17ob. 2, 19.

Obj. 2. Occurrunt exempla varia; ut Adami, Angelorum lapsorum, Davidis, Salomonis, Petri, Judæ Iscariotæ, Hymenæi, Demæ. &c. Ergò. *Resp. 1.* Adamus, cum laberetur primùm, non fuit sub Fœdere Euangelico; sed Legali. 2. Angeli lapsi similiter sub aliquo Fœdere operum fuerunt; quod non habuit easdem promissiones cum Euangelico. 3. David nec totaliter defecit; quod patet ex pre-catione, *Psal. LI. 13.* nec finaliter; quia resipuit. 4. Salomonis Apostasiam totalem & finalem Adversarii probare non possunt. 5. Cum in Petri ore confessio deficeret, non defecit tamen fides in corde; juxta promissionem. *Luc. 22, 32.* 6. Judas Aposto-larum quidem deseruit; non autem veram fidem salvificam, quam nunquàm habuit. 7. Hymenæus, alique similes, duntaxat temporarii fuerunt; non verè fideles. 8. Demas quidem dicitur præsens sæ-culum dilexisse, ut vitam suam periculo expone-re noluerit, & Paulum deseruerit: sed hinc nihil conficitur pro totali ac finali defectione à fide sal-vificâ. Si verò prorsus defecisset, iterum à poste-riori liqueret, ipsum nunquàm fuisse verè fidelem.

Obj. 3. Peccata, qualia David, alique, commi-serunt, digna sunt, ob quæ tales Dei gratiâ peni-tus destituantur: nec possunt simul consiliter cum verâ fide & sanctimoniâ. *Resp. 1.* Alia est ratio Fœ-deris gratiæ, per quod verè fœderatis omnia & sin-gula sua peccata non solum remittuntur; sed & vitæ spiritualis principium in iis potenter conservatur, undè ex lapsu denuò resurgunt. 2. Tam contraria, ut sunt hinc vera fides, ac vita spiritualis & sancti-monia; indè peccata, inprimis gravia; simul in eo-dem subiecto singulari esse nequeunt secundum idem,

& conservandis, etiã exeri ac demonstrari dicitur. Sic Pater etiã in hoc negotio operatur per Spiritum Sanctum. Vide insuper *Eph.* II, 1, - 5, 20, 21, 22. *1 Cor.* I, 8, 9, 10, 13. *Phil.* I, 6. *2 Thess.* 2, 15, 16, 17. *Rom.* 8, 17. *1 Petr.* I, 3, 4, 5. Eandem gratiam petebat David *Psal.* 51, 13, 4. cxliii, 10.

VIII. Potenti illi ac reali operationi Divinæ, subservit *moralis*, per institutionem, & castigationem.

Institutio fit per Verbum Dei: quod ipsum, sub potenti illâ reali hyperphysicâ operatione Spiritûs, est semen incorruptibile regenerationis nostræ, vitam illam producens, quæ manet in æternum. Unde *1 Petr.* I, 23. *Regeniti ex semine incorruptibili*; id est, *per sermonem Dei vivum, & manentem in æternum.* *Eph.* 4, 12, - 16.

Institutio sæpè dogmatica adhibetur, quæ officium perseverantiæ præscribit: additis etiã promissionibus: *Matth.* 24, 13. *Qui substiterit ad finem usque, is servabitur.* *Apoc.* II, 10, 11. *Esto fidelis, usque ad mortem, & dabo tibi coronam vitæ.* - *Qui vicerit, nequaquam lædetur à morte secundâ.* *Hebr.* 3, 14. Atque item comminationibus; *Rom.* 8, 13. *Si secundum carnem vixeritis, futurum est ut moriamini.* *Ezech.* 33, 13, 14, 15. *Gal.* 5, 19, 20, 21. Hujusmodi comminationes ostendunt, quid inspectâ fidelium infirmitate, fieri posset; ut majori studio ad gratiam Dei confugiant. Insignis adhortatio commemoratur *Act.* 14, 22. ubi de Paulo & Barnabâ; *Confirmantes animos discipulorum: hortantes, ut permanerent in fide.* Similis dehortatio à contrariâ defectione est, *Hebr.* 10, 25, 35. Accedit reprehensio; quâ aberrare incipientibus, peccati sui foeditas exponitur, ut ad veram resipiscentiam adducantur: *Tit.* I, 13. *Gal.* 3, 1, 3. *2 Cor.* 7, 9, 10, 11.

Verbo Deus *Sacramenta* voluit esse annexa; sigillorum instar; quibus gratia Dei, & communio
Foederis

Cap. XVII. De *Conservatione, & Corroborat.* 635

Fœderis æterni, obsignatur fidelibus; atque ipsorum gratitudo erga Deum, ac sanctimonia, vicissim confirmatur. Ut patet de Circumcisione; *Gen.* 17, 7. De Baptismo; *Rom.* 6, 4, 22. *Gal.* 3, 27, 29. *Tit.* 3, 5. De S. Coenâ; *1 Cor.* xi, 24, 25, 28, 29. 10, 21. Quæ autem beneficia sic ex instituto ipsius Dei & Christi fidelibus obsignantur, eadem deinceps certissimè ab iis percipiuntur.

IX. Institutioni illi adjungitur *castigatio*: Variæ enim afflictiones Divinitus immitti solent, ad carnem suppressendam. Ità sc. qui Verbo non reguntur, verberibus corriguntur. Hinc David de se ipso: *Psal.* 119, 71. *Bonum mihi est, quodd afflictus fuerim; ut discam statuta Tua.* 67. *Ies.* 26, 16. *Hos.* 2, 6. vi, 1. *1 Cor.* xi, 32. *Hebr.* 12, 10, 11. Speciatim hùc pertinet *disciplina Ecclesiastica*; quâ membra Ecclesiæ institutæ, de scandalis reprehenduntur; & si fortè contumaciùs in illis pergant, à communione tandem segregantur; ut ipsi resipiscant; & alii, illorum exemplo moniti, in officiis perseverent: *1 Cor.* V, 5, 6, 7.

X. Sub Divinâ istâ gratiâ, ipsi fideles sanctificati perseverantiæ sedulò dant operam: *1 Joh.* 3, 3, *Quisquis habet hanc spem in Eositam, purum se conservat, sicut Ipse purus est.* V, 18. *Psal.* 119. 112. *1 Tim.* 4, 7, 8. Specialiùs verò constanter sese exercent in Verbo Dei; quod efficax medium est ad perseverantiam: *Psal.* 1, 2, 3. *2 Tim.* 3, 14, - 17. Consequenter abnegant se ipsos: hoc enim initio requirit Christus: *Matth.* 16, 24. *1 Cor.* 9, 27. & sanctimonix incumbunt: *Psal.* 119, 43, 44. Imò etiàm assumunt universam armaturam spirituales, ut subsistant adversus hostes spirituales: *Eph.* 6, 13, - 18. *Rom.* 10, 13. 14. *Matth.* 26, 41. vi, 13. cum *Joh.* 16, 23. Item *1 Thess.* V, 23, 24. *2 Thess.* 2, 11, 12.

XI. *Finis* hujus conservationis *summus & ultimus;*

Cap. XVII. De *Conservatione, & Corroborat.* 641

tem infirmi sumus in nobis ipsis: *Matth.* 26, 41. *Rom.* 8, 26. *2 Cor.* XII, 6.

Similiter in *precibus* maximam apud se infirmitatem deprehendere solent sanctificati; in quâ tamen Sp. Sanctus iis mirum in modum succurrit. *Rom* VIII, 26, 27. *Quid oremus ut oportet, non novimus: sed ipse Spiritus intercedit pro nobis suspiriis ineffabilibus.* -

Sed *vita spiritualis* robur acquirit, & virtutes Theologicæ incrementa capiunt: ita illi corroborati adversus hostes subsistunt, & victoriam obtinent; atque in *precibus* potentes evadunt, Deo dante. *Psal.* 92, 13, 14, 15. *Iustus ut palma florebit: sicut cedrus in Libano multiplicabitur, &c.* *Phil.* 4, 13. *Omnia valeo per eum, qui me corroborat, nempe Christum.* Vide etiam *Ies.* 40, 29, 30, 31. *Zach.* 12, 8. *Mal.* 4, 3. *1 Thess.* I, 3. 2, 1, 3, 4. *Eph.* 4, 16. *Rom.* 8, 37. *Hebr.* XI, 37. *Iac.* 5, 16, 17.

XVII. *Causa efficiens principalis* est Deus omnipotens: *Ies.* 40, 29. *2 Thess.* 3, 2. Sed juxta specialem œconomiam, Christus *Θεός, ὁ ἰσχυρός* Mediator; idem Deus fortis, nos corroborans: *Ies.* 9, 5. *Phil.* 4, 13. Proximè autem quantum ad ordinem operandi attingit, Spiritus Sanctus: *Rom.* 8, 26.

Media sunt: 1. Adhortationes: *Ios.* I, 6, 7, 9.

2. Lectio, auditio, & meditatio Verbi Divini: *1 Petr.* 2, 2. *Hebr.* 5, 14. cum *2 Tim.* 3, 16, 17.

3. Usus Sacramentorum, quæ ob signando Fœdus gratiæ, moraliter hanc corroborationem promovent: *Rom.* 4, 11. *1 Cor.* 10, 16. cum *Iob.* 6, 55.

4. Preces ac vota: *1 Petr.* V, 10.

5. Exercitationes facultatum spiritualium, aliorumque donorum gratiæ: quò pertinet admonitio, *2 Tim.* 1, 6. & querela. *Ies.* 44, 7.

XVIII. *Finis summus* est ipsius Dei & Christi gloria; Hinc Ipsi, *1 Petr.* 5, 10, 11. gloria & robur in sæcula tribuitur. *Subordinatus*, redemptorum &

sanctificationum salus. *Psal.* 84, 8. *Ibunt de virtute ad virtutem, donec conspiciatur quisque eorum ante Deum in Tzyone.* *Phil.* 4, 14.

XIX. Pro *praxi*; 1. Ne adversus præclarum illud Dei & Christi nos conservantis beneficium profana ingratitude peccemus: *2 Cor.* 7, 1. Sed seriò expendamus, quæ poenæ mancant sanctimonix expertes: *Hebr.* XII, 14, 16. *Matth.* VII, 23. xxv, 41. & quomodo ipsi sanctificati, ubi officia sua negligunt, & in graviora peccata labuntur, sæpiùs affligantur graviter; tum animo, variis terroribus: *Psal.* 6, 4. tum corpore, morbis & cruciatibus: *Levit.* 26, 16. *Psal.* 6, 2, 3. xxxviii, 2, 3, 4. *1 Cor.* XI, 31, 32. tum denique bonis externis, per eorum jacturam: *Levit.* xxvi, 16, 17. *Hos.* 2, 8. Ista nos à defectione absterreant, & in veram sanctitatis viam redigant: *Hos.* 2, 13. VI, 1. *1 Cor.* XI, 32. *Hebr.* 12, 10, - 14.

2. Sincerum esto, ac perpetuum, sub hac Dei & Servatoris nostri gratiâ, studium Ipsi parendi ac placendi: *Rom.* 12, 1. *2 Thess.* 2, 13. Sic methodum salutis obtinendæ, Decreto Dei constitutam, Evangelio nobis revelatam, variisque Promissionibus confirmatam, observemus sedulò & constanter: *Rom.* viii, 28, -. *1 Tim.* IV, 7. - 10. *Hebr.* x, 35, 36. *Matth.* xxiv, 13.

3. Agnoscamus ordinariam illam methodum salutis applicandæ: & necessitatem atque insignem utilitatem incrementi spiritualis: *Eph.* 4, 16. *Psal.* 84, 8. *Phil.* 3, 14.


4. Exploremus nos ipsos quousque modò pervenerimus; & quæ sint nostræ vires spirituales: *Zeph.* 2, 1. *1 Cor.* XI, 28. Profectui & corroborationi studeamus sedulò: *Ios.* I, 6, 7, 9. adhibitis potissimum mediis, quæ indicata sunt sup. th. 17.

C A P. XVIII.

De Obsignatione.

Obsignatio. Qualis actus. Effectus proprius. 1. Causa efficiens principalis. Media. Signa. 2. Sacramentum. Μυστήριον. 3. Illius definitio. 4. Auctor. Institutio. Promissio. 5. Subjectum. Objectum. 6. Forma. 7. Predicationes Sacramentales. 8. Fines. 9. Efficientia realis Sacramentis non tribuenda : c. Pontif. 10. Sed obsignatio promissorum Euang. c. Anabapt. 11. Sacramenta. V. T. Ea non erant figuræ Sacramentorum N. T. c. Pontif. Obj. solv. Duo Sacramenta N. T. 12. Baptismus. Βαπτίζειν. Pluribus modis dicitur. 13. Administrandus aquâ verâ & naturali. Non consecratâ per adjurationem, &c. c. Pontif. Occasio. 14. Modus ablutionis. 15. Trina ablutio. Formula. 16. Aquæ res significata. 17. Ritus triplex. Res significata. 18. Effectus. 19. Non ex opere operato : c. Pontif. 20. Causa efficiens princeps. Ministræ. Mandatum : c. Socin. 21. Baptismus Johannis re ipsâ idem cum Baptismo Discipulorum Christi, &c. c. Pontif. Obj. solv. 22. Quinam baptizare debeant. 23. Aliqui nimis coarctant istud jus. 24. Alii nimis extendunt : speciatim Pontificii. Obj. solv. 25. Objectum. Non baptizandæ campænæ : c. Pontif. Non mortui, &c. 26. Quales adulti. 27. Etiâ infantes fidelium : c. Anabapt. 28. Objectiones solv. 29. Casus aliqui. 30. Necessitas

præcepti: c. Socin. Ob. solv. 31. Non absoluta necessitas mediũ. c. Pontif. Obj. solv. 32. Locus. Tempus. 33. Baptismus non iterandus: c. Anabapt. 34. Sententia Pontif. Obj. solv. 35. Cœna Dominica. Ejus institutio. Causa efficiens primaria. Ministra. 36. Subjectum. Panis. Non rectè Pontificii adhibent, minutias farinaceas. An utendum azymis. Poculum vini. 37. Usus poculi necessarius: c. Pontif. Obj. solv. 38. Consecratio. Non fit per verba, Hoc est corpus meum, &c. c. Pontif. 39. Fractio. Distributio panis. 40. Missæ privata. Panis in manus porrigendus. Non asservandus ad cultum: c. Pontif. 41. Ritûs circa vinum. Actiones communicantium. De Genuflexione. 42. Res significata. 43. Forma. Predicationes sacramentales. 44. Fines. 45. Comparatio Missæ; in nomine, Auctore, Ministris. 46. In materiâ. Formâ. 47. Transsubstantiatio refutatur, c. Pontif. 48. Objectiones solv. 49. Consubstantiatio refut. c. Luther. Obj. solv. 50. Sacrificium Missæ refut. c. Pontif. 51. Objectiones solv. 52. Comparatio in fine, & adjunctis. 53. Falsa Sacramenta Pontif. Confirmatio. 54. Pœnitentia. 55. Extrema unctio. 56. Ordo. 57. Matrimonium. 58. Sententia quæ Anabapt. & Remonstr. de Lotione pedum. 59. Praxis. 60.

I.  Equitur Obsignatio, de quâ 2 Cor. I, 22. Qui (Deus) etiã obsignavit nos. Eph. I, 13, IV, 30. Est autem actus gratosus moralis, quo certis quibusdam pignoribus & sigillis, in nobis confirmatur sublectiva certitudo mysticę communio-
nis

nis Chriſti & Eccleſiæ ipſius, atque adeò gratiæ ſalutaris.

Actum morale dicimus: quia per eam ſubjectiva certitudo in nobis confirmatur, per quædam pignora & ſigilla; quorū propria efficacia moralis eſt. *Gratiosum* addimus: quia ſingularis gratia ſic nobis perſuadetur, & quidem ex gratiâ ad ſalutem noſtram ordinatâ.

Effectus proprius eſt ſubjectiva certitudo myſticæ communionis Chriſti & Eccleſiæ ipſius; atque adeò gratiæ ſalutaris.

II. *Cauſa efficiens* proponitur tūc Deus Pater; tūc Chriſtus Salvator; tūc proximè reſpectū ordinis, Sp. S. 2 Cor. I. 21, 22. Deus obſignavit nos, indiditque arrhabonem Spiritūs cordibus noſtris. Gal. IV. 6. Eph. I, 13. IV, 30. Aque iſta eſt obſignatio interna.

Media quædam externa accedunt à quibus etiā denominatur obſignatio externa: ſigna ſpeciatiim à Deo ad iſtum uſum deſtinata.

Signum eſt ejuſmodi res, quæ ſenſibus primū percepta, & ad intellectū delata, huic rem aliam cognoscendam offert. Hæc autem ſunt alia naturalis; alia arbitraria. Arbitraria vel ex iſtitutione Divinâ, vel humanâ, ſignificant.

Ad noſtram conſiderationem pertinent ſigna ex iſtitutione Divina ſignificantia: quæ, ratione rerum ſignatarum, ſunt vel rememorativa rerum præteritarum; vel demonſtrativa præſentium; vel prænunciativa futurarum; vel ex his tribus composita. Similiter ratione uſus, vel inſerviunt intellectui; & ſunt ſigna notificantia: vel memoriæ; & ſunt communeſcientia: vel fidei; & ſunt obſignantia: vel illis omnibus inſerviunt ſimul. Atque huiuſmodi ſunt ſigna & ſigilla ſacra, quæ vulgò Sacramenta appellantur. Rom. IV, 11. Accepit ſignum Circumciſionis, ſigillum juſtiæ fidei receptæ in præputio. Confer Genef. 17. 7, 10, 11. Exod. 11, 11, 14.

III. *Sacramenti* vox origine Latina est; à verbo *Sacro* deducta. Notabat autem antiquitus oppignorationem pecuniæ, quæ à litigantibus fiebat in loco sacro, ea conditione, ut victor deindè pecuniam suam auferret, victus verò suam apud Pontificem relinqueret. Ira sacram quandam obligationem significabat. Specialis etiàm istius vocabuli usus erat in militiâ, de juramento, quo se milites, ad fidem & obedientiam Imperatori præstandam, obligabant. Hinc Antiqui Ecclesiæ Doctores videntur vocem illam ad militiam Christianam transtulisse.

Græcè *Μυστήριον* appellatur; à verbo *μύω*, claudio, comprimo: undè *μυσῆς*, sacris initiatus, vel eorum peritus. In N. T. iteinque in Græcâ Versione V. T. nec non in Libris apocryphis vox illa aliquoties occurrit: & quidem *generalius* de re arcana; *Tob. 12. 7. Sir. 27. 16. 2 Thess. II, 7.* vel *minus generaliter*, de re arcana aliquid significante, *Dan. 2, 18, 19, 27, 28, 29, 30, 47. Apoc. 17, 7.* aut de re arcana sacra; *Matth. 13, 11. Rom. 16, 25. 1 Cor. xv, 51. 1 Tim. 3: 16. Col. I, 26, 27. Eph. 1, 9. v, 32.* vel *specialius*, de re sacra aliquid significante; *Apoc. I, 20.*

IV. Rem ipsam hîc obviâ, & vocabulo *Sacramenti* significari solitam, *describimus*, quòd sit, Sacrum & visibile signum ac sigillum à Deo & Christo in usum Ecclesiæ militantis institutum, & prædicationi Evangelicæ annexum, ad promissa Fœderis gratiæ ampliùs declaranda atque obsignanda, & fidem ac obedientiam Ecclesiæ confirmandam.

Sacrum & visibile signum ac sigillum dicimus: quia ipsum sic in sensûs externos incurrit, & speciatim oculis conspicitur, ut rem Deo insigniter gloriosam ac nobis salutarem intellectuui offerat; eandem sc. quæ Verbo Evangelii prædicatur.

V. Hujus *Auctor* necessariò Deus est; *tum* quia est pars Religionis, & signaculum Fœderis à Deo inter

ſe & electos vocatos erecti. *Genef.* 17, 7, 9. - 14. *Exod.* 12, 2, 11, 13, 25, 26, 27. *Matth.* 3, 15. xxviii, 18, 19. 1 *Cor.* xi, 20, 23, 24, 25, x, 16. Solus enim Deus partes Religionis jure ſuo conſtituere poteſt: *Ezech.* xx, 18, 19. *Ieſ.* xxix, 13. *Matth.* xv, 9. *Iac.* iv, 12. Confer *Deut.* iv, 2, xii, 32. *Prov.* 30, 6. Et Omnis *ἡθελοςθησκεία* damnatur; *Col.* 2, 13. *Levit.* 10, 1, 2. Tūm quia ipſe ſolus beneficia promiſſa efficaciter præſtare poteſt & vult: atque adeò ſolus eorum præſtandorum certa ſigna & ſigilla poteſt inſtituere.

Inſtitutio complectitur *mandatum* erga homines, & *promiſſionem* beneficii Divini.

Hominibus mandata eſt *adminiſtratio* certo quodam modo peragenda, juxta auctoris placitum. Talem adminiſtrandi modum & finem intendere debet Miniſter: 1 *Cor.* 4, 2. *Ierem.* 48, 10. Perperam tamen *Pontificii* ſtatuunt, efficaciam & eſſentiam Sacramentorum pendere ex Miniſtri intentione. Quicquid enim fuerit de intentione Miniſtri, cū ſolus Deus *καρδιολογίας*, 1 *Reg.* 8, 39. ſi externa nobis conſpicua adminiſtratio, ſit inſtitutioni Divinæ conſentanea, fideles Sacramentum recipientes bonorum promiſſorum procul dubio redduntur participes. Hūc applicari poteſt illud Apoſtoli, *Rom.* 3, 3, 4. Quid tūm, ſi infidi fuerunt quidam? Nūm ipſorum infidelitas fidem Dei caſſam reddet? Abſit: imò eſto Deus verax; omnis autem homo mendax. Similiter 2 *Tim.* 2, 13. Confer de Miniſtris per invidiam & contentionem, ac non purè, Euangelium prædicantibus; *Phil.* I, 15, - 18.

Adminiſtrationi illi reſpondet aliorum *perceptio*; quæ ſecundū inſtitutionem quoque fieri debet: ita quidem ut ipſa ſigna, eaque integrè, percipiantur; imò & eo modo ac fine, ut requirit Divina inſtitutio.

Accedit *promiſſio* bonorum ſpiritualium ac ſalutarium,

rium, Fœdere gratiæ comprehensorum, cujus sunt ista signacula: Ità sc. Verbo, tùm institutionis, tùm promissionis, accedente ad Elementum, fit Sacramentum. Verbum institutionis Divinæ efficit signum Divinum: Verbum promissionis efficit sigillum.

Ità statim hîc obvia est quædam *mutatio*, non substantiæ, aut essentiæ signi, in rem signatam: sed relativa mutatio, quâ talis res præter naturam suam, ex Divinâ institutione, fit signum ac sigillum rerum istiusmodi spiritualium.

VI. *Subjectum & quasi materiam* constituit, tùm substantia, metonymicè *elementum* appellata, & res *terrena*, vel etiàm *species*; tùm ritus, & actiones quædam solennes, circa substantiam illam observandæ, juxta institutionem Dei.

Objectum, sive *res significata*, est communio Fœderis Divini, & quidem Euangelici. *Communio* illa vel externa considerari potest, vel interna. Quantum ad *externam*; hætenus aliqui saltem externâ fidei & pietatis professione sese à mundi impuritate segregant, & cultui Divino in Ecclesiâ institutâ obstringunt: Deut. 26, 17, 18, 19. Exod. 20, 2. Psal. 81, 9, 11, 12, 14. Matth. 13, 41. VIII, 21.

Ad *internam communionem* quod attinet; Deus verè regentis & fidelibus promittit, se ex gratiâ in Christo communicaturum iis omnia beneficia salutaria, quæ ad vitam & pietatem pertinent. Ità Circumcisio *sigillum justitiæ fidei* appellatur, Rom. 4, 11. Vide insuper Job. 1, 16, 17. 2 Petr. 1, 4. Verùm etiàm Deus vicissim fidem & obedientiam sinceram stipulatur: Gen. 17, 1, 2. Ego Deus omnisufficiens; Ambula coram me, & esto perfectus. Poramque pactum meum, &c. Marc. 16, 16. Qui crediderit, & baptizatus fuerit, -. 1 Petr. 3, 21.

VII. *Quasi forma* Sacramenti consistit in speciali quâdam relatione talis signi ad talem rem signatam; ad

ad visibilem fignificationem & obfignationem Fœderis gratiæ, & communionis etiã internæ myfticæ ac verè falutaris in ifto Fœdere, pro verè fidelibus. Hæc *unio sacramentalis* quibufdam dicitur; quia inter duos terminos intercedit, eosque mutuo refpectu quafi unit. Verùm res fignata nobifcum potiùs unitur: *Job. 6, 56, 57. Qui edit Meam carnem, & bibit Meum fanguinem, in Me manet, & Ego in eo. &c. 1 Cor. 12, 13. Gal. 2, 20. Eph. 3, 17.* Atque ifta rei fignatæ nobifcum unio, fignis illis indicatur & confirmatur.

Unio illa Sacramentalis eft *relativa*, partim pofita in quãdam fimilitudine figni & rei fignatæ: partim in certitudine rei obfignatæ, percipiendæ in legitimo figni ufû, fecundum promiffionem institutioni annexam. Sic autem fignum & res fignata fimul percipiuntur in ufû legitimo; ut patet de Circumcifione, *Gen. 17, 7, 11.* De Pafchate, *Exod. 12, 13.* De Baptifmo, *Marc. 16, 16. Gal. III, 27. Rom. 6, 4.* Et de S. Coenâ, *1 Cor. X, 16.*

Neque tamen fimiliter, eodemque inftrumento, percipiuntur fignum & res fignata: fed fignum foris vifibiliter per Miniftrum offertur, & à fidelibus corporaliter accipitur; res verò fignata ab ipfo Domino intùs confertur; & à nobis fpiritualiter per fidem recipitur: *Matth. 3, 11. Col. 2, 11, 12. 1 Petr. 3, 21.*

VIII. In iftâ, quam diximus, relatione, & unionem Sacramentali, fundantur *Prædicationes Sacramentales*; quibus nomina & attributa figni & rei fignatæ inter fe permutantur. Hæc metonymia in aliis fignis quoque ufurpatur: fic *Gen. 41, 26, 27.* feptem vaccæ dicuntur feptem anni, cum annorum effent figna. Adde *Dan. 4, 20, 21. VII, 17, 23, 24. Matth. 13, 37, 38, 39. Apoc. 17, 9, 12.*

Nihil mirum igitur, fi in Sacramentis quoque iftiufmodi

usmodi locutiones metonymicæ usurpentur. Ità Circumcisio vocatur pactum, cùm esset signum pacti, *Gen.* 17, 13, 11. *Rom.* 4, 11. Similiter de Paschate, *Exod.* 12, 11, 12, 13, 27. Atque item in cæteris Sacramentis, quod est rerum signatarum tribuitur signis; contrà: *I Cor.* 10, 4. *Act.* xxii, 16, *Tit.* 3, 5. *Luc.* xxii, 19, *I Cor.* xi, 24, 25, 26. x, 16.

IX. *Finis* cuius *proximus* est significatio & obsignatio mysteriorum Fœderis gratiæ. Huc pertinent, *tum* bona nobis à Deo promissa; *tum* fidei & obedientiæ nostræ confirmatio. Ex quibus significatio, oblivionem gratiæ; obsignatio verò, diffidentiam atque inobedientiam in nobis corrigit.

Remotus, est Fœderatorum salus, dùm per ea media moraliter fides & obedientia nostra excitantur & foventur. Hactenùs Sacramenta rectè dicuntur *efficacia instrumenta gratiæ*. Quia ramen salutem non præstant immediatè & per se, dicimus, *eorum privationem non damnare, sed contemptum*.

Summus, est gratiæ Dei in Christo gloria; dùm illa his symbolis significatur & obsignatur: quo respectu etiàm metaphoricè *Sacrificia eucharistica* appellantur. Confer *Hebr.* 13, 15, 16. *Rom.* 12, 1.

Finis cui sunt omnes Deo Fœderati in Ecclesiâ vîsibili ac militante: sed cum hoc discrimine, quòd verè fideles Sacramenta recipiant, ut sigilla justitiæ fidei ipsis imputatæ: *Gen.* 17, 1, 7. *Rom.* 4, 11. *Marc.* 16, 16. *Act.* 2, 38. viii, 37. *I Cor.* xi, 28. Cæteri non item; quoniam fide justificante carent; sed hypotheticè tantùm, si resipiscerent, & verè in Christum crederent. Vide *Matth.* 3, 7, 8. *Act.* 8, 13, 21, 22. Confer *Ies.* 66, 3. *Hag.* 2, 12, - 15. *Rom.* 2, 25, 28. *I Cor.* xi, 20, 27, 29, 30.

X. Ex superioribus patet, in excessu peccare Pontificios; dùm Sacramentis realem efficientiam tribuunt: & eorum magis proprium dicunt sanctificare,

re, quàm ſignificare: nam 1. Signa diſertè appellantur; *Gen. 17, 11. Exod. 12, 13. Rom. 4, 11.* Hactenùs autem eadem eſt ratio Sacramentorum V. & N. Teſt.

2. Realis efficientia iis derogatur; quatenùs externè per Miniſtros conferuntur. *Matth. 3, 11. 1 Petr. 3, 21. 1 Cor. 3, 6, 7.*

3. Sacramenta, cum ſint corporea, non poſſunt reali efficientiâ, directè, & per ſe, agere in animam, ſubſtantiam immaterialem; ibique ſic effectùs ſpirituales producere.

4. Realis iſta efficientia ad aliam cauſam refertur ſatis apertè; ad Chriſtum ſcil. & Sp. S. qui realiter nobis applicat bona ſalutaria. *Matth. 3, 11. Is qui ponè me venit, validior me eſt; -- Ipſe vos baptizabit Spiritù Sanctò & igne. 1 Cor. 6, 11. Sed abluti eſtis, ſed ſanctificati eſtis, ſed juſtificati eſtis, in nomine Domini Jeſu, & per Spiritum Dei noſtri. Joh. 6, 63. Spiritus eſt id quod vivificat.*

XI. In defectù verò peccant *Anabaptiſtæ*; qualem-cunque ſignificationem gratiæ Divinæ, & mutuam fidelium conteſſerationem quidem agnoſcentes; non autem obſignationem promiſſorum Fœderis Evangelici: cum tamen, 1. Deus Circumciſionem inſtituens, diſertè appellaverit Pactum inter ſe & Abrahamum ac poſteritatem ejus; & Fœdus perpetuum, ut futurus eſſet Deus ipſorum; atque item Signum talis Pacti, *Gen. 17, 7, 9, 10, 11.* ſicut & Paulus diſertè Sigillum juſtitiæ fidei appellavit, *Rom. 4, 11.*

2. Similiter Agnus Paſchalis obſignavit liberationem, ac potiſſimum ſpiritualem: *Exod. 12, 11, 12, 13.* cum *1 Cor. 5, 7. Joh. 1, 29. xix, 33, 36.* Adde *Joh. 19, 33, 36.* cum *Exod. 12, 46. Num. 9, 12.*

3. In Sacramento extraordinario, patres eandem eſcam ſpiritualem comederunt, & eundem potum ſpiritualem biberunt: *1 Cor. 10, 4.* ſcil. obſignativè.

4. Ubi

4. Ubi de Sacramentis Novi Testamenti agitur, effectus spiritualis & salutaris iis metonymicè tribuitur, aut cum iis conjungitur; *Marc.* 16, 16. *Act.* 2, 38, 39. *xxii*, 16. *Rom.* 6, 4. *I Cor.* 12, 13. *Gal.* 3, 27. *Eph.* 5, 26. *Tit.* 3, 5. Undè ista obsignatio, & certitudinis subjectivæ in fidelibus confirmatio, iterum patescit.

XII. De *Sacramentis Fæderi Legali* ante lapsum adjectis diximus sup. cap. 9, th. 120-. *Fæderi gratiæ sub Evangelio promissionis & V. T.* annexa etiam fuerunt Sacramenta, tum ordinaria, tum extraordinaria. Ordinaria autem erant vel initiationis, ut *Circumcisio*; vel corroborationis, ut *Agnus Paschalis*. Vide sup. cap. 2, th. 21, 22, 23.

Perperam dicunt *Pontificii*, Sacramenta V. T. differre à Sacramentis N. T. ut Typos à suis Prototypis, & Sacramenta V. T. fuisse figuras Sacramentorum N. T. Nam 1. fuit eadem gratia salutaris sub V. T. quæ est sub Novo; & consequenter, eadem bona salutaria Sacramentis illis obsignata fuerunt fidelibus istius temporis. Vide sup. cap. 2. th. 15, -18.

2. Etiam in Sacramentis fuit eadem promissio Fæderis perpetui, & communionis cum Deo: *Gen.* 17, 7, 9. cum *Act.* 2, 38, 39.

3. Idem fuit effectus illorum Sacramentorum pro illis fidelibus, qui est nostrorum pro nobis. Sic Abrahamus diserte dicitur accepisse signum Circumcisionis; sigillum iustitiæ fidei, in præputio ipsi imputatæ; *Rom.* 6, 11. Quod non debet putari solius Abrahami privilegium; cum ad semen ipsius idem quoque Fœdus perpetuum, eademque promissio, evidenter extendatur ibidem *vers.* 11, 12. Quin & ipsi *Pontificii* quandoque Circumcisionem appellant remedium adversus peccatum originale, &c.

4. Propterea etiam nostra Sacramenta transferuntur ad fideles V. T.; quod illi eandem rem significatam

tam habuerint ſub aliis ſymbolis, 1 Cor. 10, 1, -4. Et viciffim Sacramenta V. T. transferuntur ad fideles N. T. quatenùs ſub aliis ſymbolis eandem rem ſpiritualẽ percipiunt; Col. II, 11, 12, 13. 1 Cor. 5, 7, 8.

Obj. 1. Circumciſio nihil eſſe dicitur, 1 Cor. 7, 19. & in Chriſto nihil valere, Gal. 6, 15. Ergò. *Reſp.* Iſtĩc manifeſtè agitur de ejus obſervantiã citra fidem, & ſub N. T. poſtquàm Lex cerimonialem, unãcum Sacramentis V. T. abrogata fuit,

Obj. 2. Lex ceremonialis ſolùm complectebatur umbras & typos rerum futurarum: Iob. I, 17. Col. II, 17. Hebr. 10, 1. 1 Petr. 3, 21. Ergò. *Reſp.* Corpus ſic adumbratum fuit Chriſtus, in carnem venturus, & fundamentalem conditionem ſalutis reipſã præſtiturus. Verùm iſta non fuerunt ſigna noſtrorum ſignorum, ſive Sacramentorum: quanquàm hæc ſunt ſigna analogicè reſpondentia Sacramentis V. T.

XII. Duo autem ſunt Sacramenta N. T. Baptiſmus, & Cœna Dominica: quę duo conjunctim proponuntur, 1 Cor. 12, 13, „Etenim per unum Spiritum nos omnes in unum corpus baptizati ſumus, „& Judæi, & Græci, & ſervi & liberi: & omnes „poti ſumus in unum Spiritum. x, 1, -4. Atque alibi „iſta duo clarè & diſtinctè commemorantur; non „autem plura.

XIII. Baptiſmus eſt prius N. T. Sacramentum, quo, juxta Verbum institutionis & promiſſionis Divinæ, per externam corporis ablutionem aquã factam, inſitio in communionem Chriſti atque Eccleſiæ ipſius, & ſpiritualis ablutio peccatorum per Chriſti ſanguinem ac Spiritum, fidelibus ſignificatur atque obſignatur.

Βάπτειν, & βαπτίζειν, undè βαπτίζω deducitur, notant mergere & tingere: quæ quia ad lotionem, vel ablutionem adhiberi ſolent, βαπτίζειν metonymicè etiã ſignificat lavare, vel abluere. Ità Luc.

xi, 38. Phariseus admirabatur Christum non *ablutum* fuisse (ὁ ἦ & πρῶτον ἰβαπτίσθη) ante prandium. Confer *Marc.* 7, 2, 4. atque in Apocryphis, de *Judithâ*, 12, 7.

Hinc 1. magis propriè appellatur Baptismus aquæ, aut fluminis; juxta institutionem, *Matth.* 28, 19. III, 11.

Ac porrò 2. impropriè, Baptismus Flaminis, aut Sp. Sancti; de quo Johannes. *Matth.* III, 11. *Baptizabit vos Sp. Sancto & igne.* *Act.* I, 5. Nam Spiritus Sanctus, ut animam ab inhærente peccato abluat, donisque spiritualibus imbuat, aquæ instar in eam effunditur: juxta *Ies.* xlii, 3. *Joël.* II, 28. *Act.* II, 17. *Zach.* xii, 10,

Atque item 3. Baptismus sanguinis, sive martyrii, & afflictionum in negotio Christi: *Luc.* xii, 50. *Baptismo oportet me baptizari:* &c. *Matth.* 20, 22, 23. Confer *Psal.* 69, 1, 15, 16. xviii, 17, xxxii, 6.

Nonnulli addunt 4. Baptismum lachrymarum, sive pœnitentiæ. Vide *Luc.* 7, 38.

XIV. *Ablutio* ista aquâ verâ ac naturali peragi debet: sic administravit Johannes Christi præcursor, juxta mandatum ipsi factum: *Joh.* I, 33. *Qui misit me, ut baptizarem aquâ.* Adde *Matth.* 3, 5, 6; II, 13, 16. *Joh.* 3, 23. Atque ita Baptismum administrandum docuerunt Apostoli ac Discipuli: *Act.* 8, 36. Ubi cum Philippus & Eunuchus pariter in aquam descendissent, Eunuchus in eâ à Philippo baptizatus est. Adde *Act.* 10, 47. *Eph.* v, 26. Nequaquam igitur aqua rejicienda est, cum antiquis quibusdam hereticis; sive ex vilitatis opinione; sive prætextu verborum *Matth.* 3, 11. *Ipsē vos baptizabit Spiritū Sancto & igne.* Obstat institutio istius signi.

Sed & aquam illam vulgarem fuisse, constat ex allegatis; non consecratam adjuratione, signatione crucis, aut ejus immixtione, & olei infusione: hæc enim
utut

ut antiquitatem aliquam habent, non tamen Divinitus sunt instituta, neque ab Apostolis ac Discipulis Christi usurpata. Quod contra Pontificios observandum.

Occasio, cur hoc elementum fuerit mandatum, statim est obvia: aptitudo ad externam corporis ablu- tionem, quæ aquâ peragitur, & quidem mundâ; insignem ἀναλογία habens cum internâ ablutione animæ, quæ sanguine & Spiritû Christi peragitur. Hebr. 10, 22, 23. *Adspersione purgatis cordibus à conscientia malâ: & abluto corpore aquâ purâ.* Non ergo hîc utendum aquâ lutosâ, arenâ, lacte, &c.

XV. *Ablutio per aquam, vel immersione ejus qui baptizandus venit peragi potest; vel infusione, aut asper- sione, aquæ in ipsum.* De immersione satis clara sunt quædam loca; utpotè Matth. 3, 6. *Baptizabantur ab eo in Jordane.* 16. *Baptizatus Iesus, ascendit ex aquâ.* Joh. 3, 23. Similiter Act. 8, 38. *Descenderunt ambo in aquam, Philippus & Eunuchus,* Confer Rom. 6, 3, 4; 5.

Non ramen putandum est, immersionem ad Baptismi essentiam omninò requiri; cùm neque *adspersio*, aut *perfusio*, suis rationibus destituatur: hoc sc. modo vera lotio, sive ablutio, peragitur quoque; atque ita verus etiam est Baptismus. Confer sup. th. 13. Et Scriptura rem significatam *adspersionis* voce etiam exprimit, Hebr. 10, 22. *Adspersione purgatis cordibus à conscientia malâ.* XII, 24. *Accessistis ad sanguinem adspersionis,* - 1 Petr. I, 2. *Ad sanctificationem Spiritûs, per obedientiam & adspersionem sanguinis Iesû Christi.* Confer. Ies. 52, 15. *Sic asperget gentes multas.* Ezech. 36, 25. *Spargam super vos aquam mundam; & mundabimini.* Zach. 13, 1. In quibus locis, licet ad ce- rimoniales adspersiones V. T. videatur spectari; ip- sa tamen res significata emphaticè sic exprimitur; atque in hoc modo ablu- tionis conservatur ἀναλογία
necessa-

necessaria, ac proinde etiã hætenus Baptismi essentia.

XVI. Primis jam ab excessu Apostolorum sæculis, in usũ fuisse deprehenditur *trina immersio*, pro numero trium Personarum Essentiæ Divinæ; *Matth.* 28, 19. Alibi tamen, utpotè in Hispaniã jam circa annum Inc. *semel* duntaxat mergebant, ad significandam unam Deitatem, atque unam Christi mortem.

Sed neque certa *verborum formula*, quã inter baptizandum necessario uti debeamus, præscripta est: Christus contentus fuit præcipere, ut Apostoli profecti docerent omnes gentes, baptizantes eos in nomine, vel in nomen Patris, & Filii, & Sp. Sancti; hoc est, eos isto Sacramento per ablutionem initiantes, aut consecrantes, in religionem Dei Patris, & Filii, & Sp. Sancti; ut illius arbitrio viverent, & salutem ab eo expectarent. Non autem præcepit hanc verborum formulam sic necessario pronunciandam; *Ego te baptizo in nomine Patris, &c.* Confer *Act.* II, 38. *VIII*, 16. *xix*, 4. de Baptismo in nomine Domini Jesu Christi. Id verò cavendum necessario, ne quo pacto S. Trinitatis confessio aboleatur.

XVII. *Elementum aquæ* in isto usũ aquam mysticam significat; sanguinem ac Spiritum Christi: ut enim naturalis aqua, corporis à sordibus mundandi facultatem & usum habet; ita sanguis ac Spiritus Christi, ablundæ animæ à spirituali impuritate peccatorum: *I Joh.* I, 7. *Hebr.* 9, 14. *Apoc.* I, 5. *I Cor.* 6, 11. *Ezech.* 36, 25, 27. Confer *Psal.* 51, 4, 9. Peccata sc. sunt maculæ, sordes, & immunditia spiritualis. Ista autem macula annexum habet reatum. Mundatio verò, sive ablutio, ratione reatus, fit per Justificationem; ratione ipsius maculæ, per Regenerationem & Sanctificationem: quæ beneficia Christus nobis impetravit, sanguine suo pro nobis fuso in oblationem verè expiatoriam. Atque istam virtutem perpetuam redem-

redemptis efficaciter applicat per Spiritum ſuum.

XVIII. Ad Elementum accedit triplex *Ritus*; Immerſio in aquam, aut aſperſio vel perfuſio aquæ, per quam fit ablutio; 2. Mora aliqua ſub aquâ; & 3. emerſio, aut aquæ diffluſus, vel abſterſio.

In his conjunctim ſpectatis in eſt *primò*, quantum attinet ad præterita, commemoratio paſſionis, mortis, & ſepulturæ Chriſti, atque item reſurrectionis ipſius: *Rom. 4. 25.*

Secundò, quod ad bona præſentia attinet, immerſio in aquam demonſtrat & obſignat, quemadmodum & adſperſio vel perfuſio aquæ, conjunctionem & unionem myſticam cum Chriſto, ut capite; & cum Eccleſiâ, ut corpore ipſius: *I Cor. 12, 13. Per unum Spiritum nos omnes in unum corpus baptizati ſumus. Gal. 3, 27, 28.*

Si verò magis diſtinctè conſideremus, quomodò aquam ſubeamus, ac deindè iterum ex eâ prodeamus, demonſtratur & obſignatur peccati ac veteris noſtri hominis mors ac ſepultura cum Chriſto; quòdque vivificati, novi, juſti, ac mundi, ipſius virtute reddamur: *Rom. 6, 3, -6. Coll. II, 11, 12, 13.*

Ablutio quæ interim peragitur, clariùs designat gratiam juſtificantem, & ſimul renovantem ac ſanctificantem: *Act. 2, 38, 39. Baptizetur unusquisque veſtrum in nomen Jeſu Chriſti, in remiſſionem peccatorum: & accipietis donum Spiritus Sancti. Vobis enim facta eſt promiſſio, &c. xxII, 16. Surgens baptizator, & abluitor à peccatis tuis. Eph. 5, 25, 26. Tit. III, 5. Hebr. 9, 14. x, 22, 23. xII, 24. I Petr. 1, 2. I Joh. 1, 7. Apoc. I, 7.*

Porrò, quia mundi ex aquâ prodimus, Juſtitiâ Chriſti & luce Sp. Sancti, ut veſte ſplendidâ, circumfuſi; hinc in Baptiſmo *Chriſtum induere*, dicimur, *Gal. 3, 26, 27. Confer Jeſ. 61, 10. Zach. 3, 4, 5. Itemque Eph. II, 22, 23, 24. I Joh. I, 7.*

Tertio, quod ad beneficia futura; sicut ex aquâ salvî prodimus, simul symbolicè nobis significatur & ob-signatur liberatio & translatio nostrî ex hujus mundi calamitatibus in coelestem gloriam: *Marc. 16, 16. Qui crediderit & baptizatus fuerit, servabitur. 1 Petr. 3, 20, 21. & specialius resurrectio ad vitam æternam: Rom. 6, 5. Nam sicut cum eo (Christo) plantati coaluimus assimilatione mortis ejus, nimirum etiam resurrectionis assimilatione coalescemus 8, 11. 1 Cor. 15, 22.*

Quarto nobis ob oculos ponitur geminum officium;
1. Veteris hominis mortificatio, & studium sanctimonix: *Rom. 6, 3, 4, 6. Col. 3, 3, - 5.* 2. Quia in unum corpus, & in communionem ejusdem Spiritûs, sumus baptizati, necessum est nos sub uno capite Christo, & per unum eundemque Spiritum, concordēs vivere in charitate: *1 Cor. 12, 13, 14, 15. Per unum Spiritum nos omnes in unum corpus baptizati sumus, &c. Eph. 4, 3, 4, 5.*

XIX. *Effectus* Baptismi potissimum est receptio in Fœdus gratiæ, & quidem in Ecclesiâ institutâ, secundum œconomiam N. T.; sic tamen ut ipsa communio mystica in legitimâ Sacramenti receptione simul significetur & obfignetur. *1 Cor. 12, 13.* Quemadmodum Circumcisio pactum Dei, & signum ejus appellatur, *Gen. 17, 10, 11.* ita nunc de Baptismo tenendum, qui in illius locum successit: indè nos spirituali Circumcisione dicimur circumcisi per Baptismum; *Col. 2, 10, 11.* Confer *1 Joh. 5, 8.* Itâ Baptismus testificatur communionem Fœderis gratiæ.

Ista Fœderis communio 1. ponit gratiam Regenerationis: undè Lavacrum regenerationis appellatur, *Tit. 3, 5.*

2. Præstat gratiam Justificationis peccatorum Remissionem, & jus vitæ æternæ: *Marc. 16, 16. Act. 2, 38.*

3. Hinc fluit actualis nostrî Renovatio; ac sanctificatio.

ficatio. Sic *Tit.* 3, 5. conjunguntur Lavacrum regenerationis, & Renovatio Sp. Sancti. Adde *Act.* 2, 38.

4. Comprehenditur etiã Adoptio in filios, atque adeò jus hæreditatis cœlestis: *Gal.* 3, 26, 27. *Rom.* 8, 17,

XX. Non tamen realis, aut formalis, istorum beneficiorum efficientia ipsi externo huic Sacramento convenit; sed Sp. Sancto, qui quod sanguine Christi nobis partum est, applicat efficaciter, atque eadem ista bona hoc Sacramento significantur & obſignantur.

In excessu igitur hîc peccant Pontificii, qui Baptismo tribuunt realem efficientiam ex opere operato; atque ita aquam supra naturam ad talem effectum elevari existimant. His opponimus:

1. Sacramenta communiter sunt signa & sigilla; unde similiter de efficientiâ Baptismi judicandum est.

2. Aqua Baptismi non potest gratiam spiritualem per se producere realiter; cum sit materialis, & finitæ virtutis. Vide sup. th. 10.

3. Gratia spiritualis ad rectè ordinatum hujus Sacramenti usum præsupponitur: atque ita statuendum saltem judicio charitatis. Sic de Baptismo disertè, *Marc.* 16, 16. *Qui crediderit, & baptizatus fuerit, &c.* Fides ergò natura prior est. *Act.* 2, 39. ad liberos fidelium, etiã ante ipsorum Baptismum, extenditur promissio. Vide porro *vers.* 41, VIII, 37, 38. x, 36; 45, 47. Confer *Rom.* 4, 10, 11. cum *Col.* 2, 11, 12. itemque *I Cor.* 7, 14. Quin & latro poenitens, *Luc.* 23, 42, 43. sine Baptismo salvatus est.

4. Contrà verò, ad Baptismum externum non semper sequitur remissio peccatorum, & gratia salutis: ut patet exemplo Simonis Magi; *Act.* 8, 13, 21.

XXI. Sacramenti hujus Causa efficiens princeps absolute est ipse Deus; *non* *circumſcripta* verò Christus

Mediator. *Ministra* primùm fuit Johannes Christi ~~αρεσπομης~~; hinc *Baptista* dictus: deindè Apostoli, aliique ad docendum & baptizandum missi. Sic de Johanne illo extat, *Joh. 1, 33.* quòd ipse dixerit: *Qui misit me ut baptizarem aquà, &c.* Confer *Luc. 3, 2, 3. VII, 30. Matth. 21, 25.* Itemque *III, 5, 6, 13, - 17. Luc. 3, 21 22.* Christus autem jam ascensurus in Cœlum, *Matth. 28, 18, 19, 20. accedens ad Apostolos locutus est eis, dicens: Data est mihi omnis auctoritas in cœlo & in terrâ. Profecti ergo discipulos facite omnes gentes, baptizantes eos in nomen Patris, & Filii, & Spiritûs Sancti.*

Rejiciendus igitur est error *Socinianorum*, quòd ex scriptis Apostolorum & Evangelistarum demonstrari non possit, vel Johannem, vel Apostolos, à Deo, aut Christo, in mandatis accepisse ut baptizarent: quibus ex parte saltem præiverunt *Pontificii*, contendentes, Baptismum Johannis sic appellari, non quòd Johannes Minister tantùm ejus fuerit, sed etiàm Auctor: imò insuper, si ritum & effectum spectemus, Baptismum illum nihil habuisse, nisi humanum.

XXII. Nos contrà *asserimus*, 1. Baptismum Discipulorum Christi & Johannis convenire causâ efficiente principali, Deo. Idem planè de Johannis Baptismo probatum est modò; nec dubitari potest de Baptismo Discipulorum Christi: Deus autem Pater locutus est per Filium; *Hebr. 1, 1.* eique non ex mensurâ dedit Spiritum; *Joh. 3, 34.*

Obj. Atqui vocatur aliquoties *Baptismus Johannis*: Ergò. *Resp.* Ità tunc denominatur à Ministro: similiter ut Paulus dicit, *Rom. II, 16. Ex meo Euangelio.*

Asserimus 2. utrumque Baptismum convenire materiali; elemento aquæ. Vide sup. th. 14.

Atque etiam 3. formali relatione scil. ad rem significatam & obsignatam: uterque enim respexit remissionem & fidem, tanquàm conditionem; & re-

missionem

miſſionem peccatorum, tanquàm fructum. Sic de Baptiſmo Johannis, *Marc. 1, 4. & Luc. 3, 3. Venit-prædicans baptiſmum reſipiſcentiæ, ad remiſſionem peccatorum.* Similiter *Act. 19, 4. Confer Luc. 1, 76, 77.* Atque Item de Baptiſmo Chriſti, *Act. II, 38. XXI, 16.*

Obj. 1. Baptiſmus Johannis vocatur *Baptiſmus pœnitentiæ*, aut *reſipiſcentiæ*: Ergò ſolùm genuit pœnitentiam; atque ità diſpoſuit ad Baptiſmum Chriſti. *Reſp.* Imò prærequirebatur reſipiſcentia, & ſic adminiſtrabatur *in remiſſionem peccatorum*; præmiſſâ etiàm doctrinâ fidei in Chriſtum: *Marc. I, 4. Matth. III, 1, 2, 3, 6, 7. Luc. III, 3, 7, 8. Act. 19, 4.*

Obj. 2. Johannes ſe aquâ baptizare dixit; Chriſtum verò baptizaturum Spiritû & igne, *Matth. 3, 11. Reſp.* Vox Baptiſmi iſtic ſumitur diverſimodè: in priori enim membro agitur de ipſo Baptiſmo aquæ; in poſteriori de Baptiſmo Spiritûs Sancti. Prius membrum ad externum morale miniſterium pertinet; poſterius ad internam rem ſignatam

Interim differt Baptiſmus Johannis à Baptiſmo Apoſtolorum, 1. ratione temporis: nam Johannes fuit Chriſti *πρόδρομος*, præiens ante faciem Domini, ut pararet ejus viam: *Luc. 1, 76. Marc. 1, 2, 3, 4. Matth. 3, 11. cum Job. 1, 29.* Sic in Johanne fuit finis veteris diſpenſationis, & aliquod initium novæ. 2. Ratione auctoris; Baptiſmus Johannis à Deo quidem fuit inſtitutus: non tamen à Chriſto Mediatore, ut in carne manifeſtato. Sed hoc modo à Chriſto mandatus eſt Baptiſmus Diſcipulorum. 3. Ratione adjunctorum; cum Baptiſmo Apoſtolorum uberior menſura Spiritûs conjuncta fuit: ſæpè etiàm communicatio chariſmatum extraordinariorum: *Act. 19, 3, 4.*

XXIII. Quantum ad *Baptiſmum Diſcipulorum Chriſti*; Chriſtus Mediator iu carne manifeſtatus, ac munus ſuum jam palàm obiens, diſcipulis ſuis Baptiſmum

administrandum præcepit ante extremam passionem suam, cum eos solum misit ad perditas oves domûs Israël: *Matth.* 10, 5, 6, 7. cum *Joh.* 3, 26. IV, 1, 2. Deindè verò post resurrectionem, jam in cœlum ascensurus, doctrinam Evangelii, ut & Baptismum, ad omnes gentes extendit: *Matth.* 28, 19, 20.

Christus autem Baptismi administrationem non solum Apostolis mandavit; sed & omnibus ordinariis Verbi Divini Ministris, per quos Apostolorum Ministerium quantum ad rem ipsam, continuatur: sic enim in Sacramenti hujus institutione, ejus administratio disertè conjungitur cum Verbi prædicatione *Quod autem Deus conjunxit, homo ne separet: Matth.* 19, 6.

Hinc 2. de iisdem Ministris, I *Cor.* 4, 1. *Sic de nobis reputet homo, ut de Ministris Christi, & Dispensatoribus Mysteriorum Dei.* Istis autem Mysteriis Sacramenta quoque sunt accensenda. Confer *Rom.* 10, 15.

3. Sigillo Principis nemo uti debet, ad aliquid ipsius auctoritate obsignandum, & confirmandum, nisi hoc ei mandatum fuerit. At hic nullis aliis istiusmodi mandatum datum est.

4. Accedunt exempla in SS. Literis commemorata. De Johanne Baptista dictum est satis. Similiter de Apostolis & Discipulis Christi; *Joh.* 3, 26. IV, 1, 2. *Actor.* II, 38, 41. VIII, 26, 29, 38. IX, 10, 11, 17, 18. XXII, 16, XVI, 14, 15, 32, 33. I *Cor.* I, 14, 16.

XXIV. Jus istud nimis coarctant, qui in baptizaturis requirunt, 1. vocationem legitimam; 2. doctrinam rectam; & 3. vitam puram.

Quod enim ad primam conditionem attinet; Ministerium quidem legitimè vocatum esse oportet, respectu conscientie ipsius: si tamen quid secus initio fuerit factum, atque interim ille Ecclesiâ acquiescente Ministerio fungatur, & aliquos baptizet, hi pro legitimè baptizatis haberi etiàm debent.

Quod

Quod ad *ſecundam*; ubi eſſentialia fidei Chriſtianæ, atque ipſius Baptiſmi, ſervantur, non eſt Baptiſmus pro nullo habendus.

Quantum denique ad *tertiam*; Miniſter procul dubio pietati ac ſanctimoniæ debet operam dare: 1 *Tim.* III. 2. *Tit.* I, 7. At ſi peccata ipſius clandestina ſint, aut Miniſter diſciplinâ Eccleſiaſticâ necdum coërcitus & prohibitus, tenendum eſt iſtud vulgatum;

Vim Sacramenti non mutat vita Miniſtri.

Sic rebaptizari non oportuit eos, qui à Judâ proditore, unâ cum aliis Diſcipulis Chriſti functionem ſacram obeunte, fuiſſent baptizati. *Quid tûm enim, ſi inſidi fuerunt quidam; nim ipſorum inſidelitas fidem Dei caſſam reddet?* *Rom.* 3, 3. Confer *Matth.* 23, 2, 3. *Phil.* I, 16, 18.

XXV. Alii nimis *extendunt* jus baptizandi, dùm illud Laïcis, etiâ fæminis, vel pueris ludentibus, aut inſidelibus, & non baptizatis, quoque tribuunt,

Contra iſtos *aſſerimus primò*, nullum laïcis, nedum mulieribus, jus eſſe baptizandi: cùm ejus rei nullum mandatum, nullum exemplum, extet in Sacris Literis. Hùc accedit, quòd etiâ fæminis interdictum ſit palàm in Eccleſiâ loqui; 1 *Cor.* 14, 34, 35. 1 *Tim.* II, 11, 12. Et quòd *Pontificii*, hîc à nobis diſſentientes, Sacramentum Eucharistiæ nequaquàm concedant Laïcis adminiſtrandum: atqui idem eſt utriuſque Sacramenti Auctor, & iidem utriuſque Miniſtri inſtituti,

Obj. 1. Zippora, Moſis uxor, filium ſuum circumciſiſſe legitur, *Exod.* 4, 25. *Reſp.* 1. Factum iſtud aliis etiâ adjunctis, utpotè convitiis & obmurmuratione, vitiatum, non probat jus. Quid, quòd præſente marito, primario Dei Prophetâ, id agere fuerit auſa? Certè, per Adverſarios nulla mulier præſumeret baptizare ſub Episcopii oculis. 2. Circumciſio inſtituta fuit tempore Abrahami, antequàm ordinaria rerum ſacrarum adminiſtratio ita eſſet circumſcripta & limitata, ut ſa-

Etum postea sub V. T. atque etiam sub N.

Obj. 2. Petrus *Actor.* 10, 48. iussit eos, qui in domo Cornelii Spiritum Sanctum acceperant, baptizari. Ergò. *Resp.* Non dicitur, id factum per fideles Laicos. Nos potius factum intelligimus, si non per ipsum Petrum, saltem per Evangelistam, aut alium aliquem Verbi Ministrum.

Afferimus secundò, sacra ludum nequaquam fieri oportere; & Baptismum sic datum differre à vero, quantum histrio à rege quem repræsentat.

Atque item *tertiò*, neutiquam pro vero Baptismo habendum esse, qui à Muhammedano aliquo, similive infideli, esset collatus: cum talis homo hætenus non sit idoneus Baptismum accipere, nedum aliis eum conferre.

XXVI. Nunc de *objecto* videamus! Requiritur, ut saltem sit homo, & quidem vivens, cui conferetur Baptismus. Hoc exigit,

1. Institutio Christi; *Matth.* 18, 19.

2. Praxis Johannis Baptistæ, & Discipulorum Christi.

3. Finis Baptismi; obsignatio gratiæ regenerantis & justificantis.

4. Analogia aliorum Sacramentorum, tum V. tum N. Test.

Rejicimus igitur primò Baptismum campanarum; quem Pontificii solent adhibere, nomina hominum iis indentes, adscitis etiam testibus.

Rejicimus deinde Baptismum mortuorum; ad quem referimus Baptismum viventium loco ac vice mortuorum: cum Sacramentum istud mortuis prodesse non possit. *Eccl.* XI, 3.

Id tamen fecisse leguntur antiqui nonnulli hæretici. Nec desunt qui existiment, Apostolum spectasse istum morem. *1 Cor.* 15, 29. *Quid facient βαπτίζοντες ὡς τὸ νεκρῶν*, &c. Loci istius variæ quidem

dem adferuntur explicationes. Mihi verò præ cæteris placent iſtæ, quarum una Baptiſmum ſanguinis & perſecutionum, ſuper ſtatû mortuorum, eorumque reſurrectione, intelligit. Vide ſeqq. verſſ. 30, 31, 32. cum *Act.* 23, 6. xxiv, 21. xxviii, 20. Altera accipit ipſum Baptiſmum fluminis, ſive aquæ: quatenûs, tanquàm mortui cum Chriſto, aquam ſubimus. *Rom.* 6, 3. *Conſepulti igitur Ei ſumus per Baptiſmum in mortem.*

XXVII. *Baptizandi* autem tùm adulti, tùm infantes fœderati. Sed *adultos* priùs in Religione Chriſtiana inſtitui, & fidem ac reſipiſcentiam profiteri oportet. Hoc patet, 1. ex ſolenni illâ inſtitutione Baptiſmi, *Matth.* 28, 19. *Marc.* 16, 15.

2. Ex adjunctâ promiſſione, & oppoſitâ comminatione, *Marc.* 16, 16.

3. Ex praxi Johannis Baptiſtæ, & Apoſtolorum; *Matth.* III. 1, 2. &c. *Act.* II. 38, 41. &c.

Propterea 4. *Hebr.* 6, 2. fundamento Reſipiſcentiæ ab operibus mortuis, & Fidei in Deum, adjicitur Baptiſmatum doctrina.

Nullum interim diſcrimen faciendum eſt gentis, nationis, ſexûs, aut qualiſcunque conditionis externæ: *Gal.* III. 27, 28.

XXVIII. Ad *infantes* quod attinet; eos qui parentibus fidelibus, aut ſaltem alterutro fidei, nati ſunt, etiàm baptizandos eſſe, aſſerimus contra *Anabaptiſtas*.

Argumentamur autem 1. à Fœdere gratiæ, ejuſque promiſſis. Sic enim *Actor.* II. 38, 39. Petrus ad Judæos corde compunctos, & ſalutare conſilium rogantes: *Reſipiſcite, & baptizetur unusquiſque veſtrûm in nomen Jeſu Chriſti, in remiſſionem peccatorum: & accipietis donum Spiritus Sancti. Vobis enim facta eſt promiſſio, & liberis veſtris, & omnibus longè poſt futuris, quoscuque videlicet advocaverit Dominus Deus noſter.*

Quibus facta est promissio Fœderis gratiæ, illi sub N. T. debent baptizari in remissionem peccatorum. Hæc enim est illatio Apostoli. Porro autem subsumit; Istis Judæis corde compunctis, unâ cum liberis ipsorum, factam esse promissionem, &c. Unde pro conclusione sequitur; illos baptizandos fuisse, unâ cum liberis ipsorum. Quod autem *infantes* debeant intelligi eodem Fœdere comprehensi, patet ex verbis Fœderis, Gen. XVII, 7, 11, 12. ubi institutum, ut infantes masculi octavo die propterea circumciderentur.

2. Ex solenni institutione Baptismi pro Sacramento initiationis, in locum Circumcisionis. Sic enim extat *Matth. XXVIII, 19, 20. Profecti ergo discipulos facite (μαθητεύσατε) omnes gentes; baptizantes eos in nomen Patris, & Filii, & Spiritus Sancti. Docentes eos observare omnia quæ præcepi vobis.* Christus tria mandavit; ex universis gentibus sibi discipulos quasi in scholam colligi; hos baptismo initiari; & doceri observationem omnium quæ ipse præcepit. Ab istâ initiatione per Baptismum infantes Fœderati minimè excluduntur; imò verò in eâ includuntur; ut patet ex constitutione illâ *Genes. XVII. 7, 11, 12.* ubi de Circumcisione, Sacramento initiationis. Quod verò Baptismus Circumcisioni successerit; & res eadem, quæ olim Circumcisione significata fuit, nunc nobis Baptismo significetur, clarius etiâ patet, ex *Col. II. 2, 12, 13.* ubi Apostolus Legis ceremonialis, & speciatim Circumcisionis pro N. T. abrogationem eò probat; quod fideles N. T. rem Circumcisione olim significatam, haberent sibi modò significatam Baptismo. Gratia enim sub N. T. non est coarctata; sed latius extensa, quàm fuit sub V. T. *Gal. III. 28.*

3. A gratiâ Spiritûs Sancti. Qui enim Spiritûs Sancti sunt participes, hos quoque baptizari oportet;

ter; docente Petro, *Act.* 10, 47. *Nūm quis aquam prohibere poteſt, quō minis baptizentur iſti, qui Spiritum Sanctum acceperunt, ſic ut & nos?* At verò Infantes Fidelium ſunt quoque participes Spiritus Sancti: ſic enim *Sancti* dicuntur, *1 Cor.* VII. 14. Quòd autem hæc ſanctimonia etià ſalutaris ſit, liquet ex ſententià ipſius Chriſti, *Matth.* XIX. 14. *Marc.* X. 14. *Luc.* XVIII. 16. *Sinite puerulos venire ad me; & ne prohibete eos: talium enim eſt regnum Dei.* Qui jus cœleſtis beatitudinis habent, iidem ex naturali miſerià liberati ſunt; Spiritum Chriſti habent, & per eum regeneriti ſunt: *Rom.* VIII. 8, 9. *Ioh.* III. 3, 5.

4. A communione cum Chriſto, & Eccleſià ipſius; in quā etià includitur ſpiritualis ablutio, res Baptiſmo ſignificata: cū autem illā infantibus fidelium quoque conveniat, jam ſignum ipſum, & per iſtud inſitio in communionem Chriſti atque Eccleſiæ, non debet iis negari. Antecedens de infantibus fidelium patet, *Iſa.* II. 16. *Congregate populum, ſanctificate congregationem, coadunate ſenes, congregate parvulos & ſugentes ubera.* *Ezech.* XVI. 20. *Tuliſti inſuper filios tuos, & filias tuas, quos generāſti Mihi, &c.* Adde *Deut.* XXIX. 10, 11. *Gal.* II. 15. *1 Cor.* VII. 14. Ità palàm infantes Eccleſiæ, & communioni gratiæ in eā, accenſentur. Hanc verò communionem, & in eā purificationem, obſignat nunc Baptiſmus: undè *Actor.* II. 41. *Quilibenter receperunt ſermonem ejus, baptizati ſunt; & additi ſunt Eccleſiæ die illo animæ quaſi ter mille.* Confer *Rom.* VI. 3, 4. *1 Cor.* XII. 13. *Gal.* III. 27. *Eph.* V. 25, 26. Ad Eccleſiam igitur, omneſque communionis iſtius verè participes, pertinet etià Baptiſmus, lavacrum aquæ, quo Verbum promiſſionis obſignando ſingulis applicatur. Confer etià exemplum extraordinarii illius Baptiſmi ſub V. T. *1 Cor.* 10. 1, 2.

XXIX. *Obj.* 1. Nuſquàm extat in SS. Literis, quòd

quòd Apostoli Infantes baptizârunt. Ergò *Resp.* Καὶ λέξιν id quidem non extat; ut neque extat, eos fœminas ad Sacram Cœnam admisisse. Quemadmodum tamen de posteriori non dubitant Adversarii, sic neque de priori nos dubitare oportet. Vide *imèrim* exempla familiarum baptizatarum, sine restrictione ad adultos; *Act.* 16, 15, 33. *I Cor.* 1, 16.

Obj. 2. In hominibus ad Ecclesiam institutam adsciscendis, eique per Baptismum initiandis, præcedit institutio, & ipsorum fides: *Matth.* 28. 19, *Marc.* 16, 16. *Resp.* Istud de adultis intelligendum est: sed eâdem operâ quoque μαθητεύοντες, discipuli fiunt, atque in familiam & scholam Christi introducuntur, & adsciscuntur, eorum infantes.

Obj. 3. Eâdem ratione forent infantes etiâ admittendi ad Cœnam Dominicam: quod absurdum. Ergò. *Resp.* Cum res Baptismo significata ad infantes quoque pertineat, atque hi Baptismi capaces sint, ab eo prohiberi non debent: aliter res habet in sacrâ Cœnâ, Sacramento nutritionis; ad cuius participationem prærequiritur etiâ debita sui exploratio; *I Cor.* XI, 28. cuius infantes non sunt capaces.

Obj. 4. Si Baptismus successisset in locum Circumcisionis, nihil opus fuisset circumcisos adhuc baptizari. Absurdum verò est consequens. Ergò. *Resp.* Quamvis Baptismus Circumcisioni successerit in N. Test.; tamen qui fuerant in infantia circumcisi, deindè etiâ ineunte N. Testamento baptizati sunt, ut ipsorum transitus in istam œconomiam, isto Sacramento obsignaretur.

Obj. 5. Infantes nondum intelligunt usum & efficaciam Baptismi; sic Pædobaptismus ferè similis est Baptismo campanarum, apud Pontificios. *Resp.* Longè dispar est ratio: nam res significata ad infantes fœderatos etiâ verè pertinet; minimè verò ad
campanarum

campanas. Et Infantes, ubi adoleverint, gratiam Baptiſmō ſibi ſignificatam & obſignatam ipſi intelligent. Confer *Joh.* 13, 7. cum *Pſal.* 22, 10, 11. Neque omittendum, quòd parentes eò magis admonentur atque incitentur ad liberos iſtos piè educandos: *Deut.* 6, 7, 20. *Eph.* 6, 4. 2 *Tim.* 3, 15. Quid, quòd iſtud argumentum æquè olim contra Circumſionem infantium urgeri potuiſſet, ut nunc contra eorum Baptiſmum?

XXX. Quæ ſic aſſerta atque deſenſa ſunt; non ſtatim referri debent ad *fætūs nondùm natos*, aut *ex parte tantùm natos*: cum tales ſeparatim per ſe ad Eccleſiam inſtitutam referri nondùm poſſint.

Partūs autem *monſtroſi*, ſuperioribus ſaltem partibus, ac potiffimùm capite, rationis domicilio, humanam naturam retinentes, non debent à Baptiſmo prohiberi.

Quemadmodum neque *ſpurii*, parentibus, fide ac reſipiſcentiâ non omninò deſtitutis, nati. Locus *Deut.* xxiii. 2. reſtringendus eſt ad Politiam Iſraëliticam: neque ſic accipiendus, quaſi ſpurii, aliiſque iſtè commemorati, ab omni gratiâ ſalutari, ejuſque obſignatione per Sacramenta, fuiſſent excluſi.

Ad *Infidelium libros* quod attinet; cùm Baptiſmus ſit ſignum Fœderis inter Deum, & inter nos ac ſemen noſtrum, undè infideles alieni ſunt; ſequitur, tales liberos non eſſe ad Baptiſmum admittendos, niſi parentum alteruter ſaltem ad fidem convertatur; 1 *Cor.* 7. 14.

Similiter neque baptizandi ſunt *liberi hæreticorum apertorum*, à fundamento fidei Chriſtianæ verè aberrantium: aliter tamen ſtatuendum de illis, qui fundamentum ſervant, licet erroribus aliis implicentur.

Quantum verò ad *excommunicatos*, ſi ſaltem alteruter parentum reſipiſcat, & Eccleſiæ reconciliari ſeriò ſtudeat, liberi à Baptiſmo excludendi non ſunt.

Si quis *infantes expositos* sustulerit, & non subsit probabilis metus, ne sint parentibus Judæis, vel Muhammedanis, aut aliter prorsus infidelibus nati, parentum *ἀσπρῖα* videbitur compensanda pietate & *σπρῖ* communis matris Ecclesiæ, atque eorum qui infantes expositos ex commiseratione tollunt.

Qui verò parentibus quidem non Christianis nati sunt, sed jure belli, emtionis, donationis, similive aliquâ ratione, in potestatem Christianorum venerunt: tutius videtur, si prius doceantur Religionem Christianam, deindè autem editâ ejus confessione baptizentur.

XXXI. Nunc de *Baptismi necessitate* videamus! Nos non solàm *necessitatem expedientiæ* asserimus; respectû insignium ejus utilitatum atque effectuum: sed & *necessitatem præcepti Divini*; ut sine gravi culpâ negligi non possit. Rejicimus igitur contrarium errorem *Socinianorum*, contendentium, aquæ Baptisum non habere præceptum Christi, aut saltem non perpetuum & universale.

Argumentamur autem 1. Ex ipsâ Baptismi institutione; *Joh. I, 33. Matth. 28, 18, 19, 20. Marc. 16, 15, 16.*

2. Ex praxi Johannis Baptistæ, & Discipulorum Christi secundum istud mandatum: *Matth. III, 11, 13, 15, 16. Joh. III, 26. IV, 1, 2. Act. II, 38, 39, 41. VIII, 38. x. 47, 48. XVI, 15, 33. I Cor. I, 14, 16. Eph. 4, 5, 6. Hebr. 6, 1, 2.*

3. Ex utilitate, non solùm pro Ecclesiâ Christianâ subinitiis N. T. primùm instituendâ; sed etiâ deinceps: *Rom. VI, 3, 4. I Cor. XII, 13. Gal. III, 27. Col. II, 11, 12. Eph. 5, 25, 26. Item Marc. I, 4. Act. II, 38. xxII, 16. Tit. III, 5.*

4. Propterea qui Baptisum Johannis olim rejecerunt in primis istis initiis dicuntur consilium Dei adversus seipso rejecisse, *Luc. VII, 30. Quantô magis istud dicendum, post solennem præcepti istius iterationem,*

tionem, & ampliorem extensionem, additis etiã promiſſionibus præſtantiffimis?

Exc. Matt. 28, 19. Marc. 16, 16. agitur de doctrinã & initiatione, ſine ablutione, per aquam. *Reſp.* 1. Imò propria vocabulorum ſignificatio non eſt temerè deſerenda. 2. Praxis Apoſtolorum eam confirmat. 3. Vox *Baptiſmi* doctrinam & institutionem ſine ablutione in SS. Literis non ſignificat. 4. Etiã iſtic doctrina ſatis diſertè adjungitur Baptiſmo, tanquam res aliqua diſtincta.

Obj. 1. Verus Chriſtianiſmus, ac vita ſpiritualis, in homine interiori propriè conſiſtit. Ergò nihil opus eſt Baptiſmo aquæ. *Reſp.* Neg. conſequ. cùm vita ſpiritualis actibus externis ſe quoque exerat ac demonſtret; & adminiculis externis etiã producat, foveatur, promoveatur, Verbo ſc. & Sacramentis: undè ipſi *Sociniani* uſum Cœnæ Dominicæ aliquo modo agnoſcunt & retinent.

Obj. 2. Johannes dixit *Matth. III, 11.* Chriſtum baptizaturum Spiritû & igne. Ergò *Reſp.* Hoc dixit de Baptiſmo interno, quem Chriſtus confert: ſed non dixit, quòd Chriſtus eſſet abrogaturus Baptiſmum aquæ

Obj. 3. Paulus negat, ſe miſſum fuiſſe ad baptizandum: *1 Cor. I, 17.* Ergò. *Reſp.* Apoſtolus non loquitur abſolutè, ſed comparatè: quòd eſſet potiùs & principalius miſſus ad euangelizandum, quàm ad baptizandum: Conſer *Hof. 6, 6. Joh. 6, 27.* Nam etiã ipſe aliquos baptizavit; *verſ. 16.*

XXXII. Non tamen agnoſcimus *abſolutam neceſſitatem medi* in Baptiſmo, acſi qualifcunque ejus privatio hominem neceſſariò damnaret. Nam 1. Gratia ſalutaris per Baptiſmum non confertur; ſed ad eum præſupponitur, & per eum obſignatur. In quibus vera fides eſt cum reſipiſcentiã, ſi adulti fuerint; aut Spiritus fidei ac reſipiſcentiæ, ſi ſunt infantes; atque
adeò

adeò Baptismus interior, & spiritualis ablutio peccatorum, per Christi sanguinem ac Spiritum; illi, secundum Evangelium, non possunt ab æternâ salute excludi. Sed in quibusdam, citra Baptismum morientibus, ista bona insunt. Ergò, &c.

2. Deus etiâ est Deus feminis nostri: *Gen. 17, 7.* ad liberos quoque pertinet ista promissio: *Ab. 2, 39.* Confer *1 Cor. 7, 14. Matth. 19, 14.* Ergò gratia salutaris confertur etiâ citra Baptismum.

3. Mares ante octavum diem, & sic citra Circumcisionem, morientes sub V. T. aliiq; in quibus gravi de causâ aliquandiu omissum fuit istud Sacramentum; *Jos. 5, 5.* atque item femine; non tamen idcirco excluderentur à salute æternâ. Ac porrò latro poenitens sine Baptismo salvatus est. Alii contrâ nonnulli, quamvis baptizati, gratiæ tamen salutaris fuerunt expertes. Ergò, &c.

4. Pro confirmatione Baptismi dixit Christus, *Marc. 16, 16. Qui crediderit, & baptizatus fuerit, salvabitur:* subjungit etiâ; *Qui verò non crediderit, condemnabitur:* minimè verò; *Qui non fuerit baptizatus, quamvis crediderit, aut Fœdere gratiæ fuerit comprehensus, tamen condemnabitur.*

Pontificii potissimùm obijciunt locum *Joh. III. 5. Amen amen dico tibi, nisi quis fuerit regenitus ex aquâ & spiritu, non potest introire in regnum Dei.* Ubi Aquam de Baptismo externo intelligunt, regenerationem per hunc produci contendunt, & sic salutem æternam ab eo suspendunt. *Resp.* Regeneratio per Baptismum externum non producitur; sed ob signatur. Spiritui Sancto ista efficacia competit: qui vivificat; *Joh. 6, 63. 2 Cor. 3, 6.* Atque idem Spiritus per Aquam etiâ rectè intelligi potest. Vide *Jes. 44, 3. Ezech. 36, 25, 26, 27. Joel. II, 28, 29. Iob. 4, 14. VII, 38, 39.* & confer *Matth. 3, 11.* Verùm ampliùs, quemadmodum Spiritus Sanctus & aqua exterioris Baptismi, ubi con-

conjunguntur, non ſunt tamen cauſæ partiales, neque ejusdem ordinis & efficacix; ſic neque ſunt ejusdem neceſſitatis.

Obj. 2. In poſteris Abrahami, qui non erant circumciſi, exterminari debuerunt ex populo ſuo. Ergò. *Reſp.* Iſtud ad contemptum propriè pertinet: ideò; nec ante octavum diem maſculi circumcidebantur, & prorsùs eximebantur feminæ: & propter morbos, aliave incommoda, differri potuit Circumciſio.

Nunc *caſus* occurrit, utrùm potiùs carendum ſit Baptiſmo; an ille petendus & accipiendus à Miniſtro hæretico? *Reſp.* Si accipi poſſit à Miniſtro orthodoxo, iſte Baptiſmus procul dubio præferendus eſt: ſi verò non ſit ſpes ejus obtinendi; & Miniſter præcipua eſſentialia fidei Chriſtianæ, ac Baptiſmi, adhuc ſervet integra, neque ſit periculum ſcandali, aut neceſſitas participationis in illà hæreſi; accipiendus videtur.

XXXIII. *Locus* Baptiſmi adminiſtrandi ordinariè debet eſſe, ubi pro coetù fidelium Euangelium prædicatur: quoniàm

1. Sacramenta ſunt Verbi prædicati ſigilla.
2. Ibi magis reverenter, & minùs perfunctoriè, fiet adminiſtratio.
3. Sic plures erunt teſtes Baptiſmi, quibusetiàm memoria ſui Baptiſmi refriticabitur; & quorum intereſt; quinàm adſciſcantur in eandem ſecùm communionem.
4. Et plurium preces pro quolibet baptizando ſociabuntur. Aliter tamen fieri poteſt propter perſecutiones, aliave incommoda.

Quod ad *tempus* attinet; tùm adulti, tùm etiàm infantes fœderati, baptizandi ſunt quam primùm id fieri commodè poteſt; *Act.* II, 41, VIII, 38. *xvi*, 14, 15; 33, *xxii*, 16. Certum tempus, quod neceſſariò expectandum eſſet, non determinavit Deus, aut Chriſtus.

XXXIV. Ad temporis considerationem referri etiam potest quæstio, *quoties aliquis sit baptizandus?* Nos, unumquemque fœderatum semel baptizandum, asserimus; non verò iterandum esse Baptismum, contra *Anabaptistas*; qui indè nomen acceperunt. Sic enim I. Apostolus disertè, *Eph. 4, 4, 5, 6. Unum est corpus, & unus Spiritus: sicut & vocati estis in unam spem vocationis vestræ: unus Dominus, una fides, unum baptisma, unus Deus & Pater omnium, qui est super omnes, & in omnibus vobis.* Unicum est corpus Ecclesiæ Catholicæ, unicus Dominus & Salvator Christus, unicus Deus & Pater omnium fidelium, unica in singulis fides salvifica, unica spes salutis; ac similiter unicus Baptismus singulorum. Aliter de Coenâ Dominicâ: licet enim unus Panis appelletur, *I Cor. 10, 17.* minimè tamen unica cujusquæ fidelis communicatio indicatur: sed clarissimè, *I Cor. XI, 25, 26. Hoc facite, quotiescunque biberitis, ad mei commemorationem. Quotiescunque enim ederitis panem hunc, &c.*

2. Unica est principalis res significata, nostrî regenerationis, insitio in Christum atque Ecclesiam mysticam, justificatio: beneficia illa semel accepta, eadem perpetuò durant. *I Ioh. 3, 19. Quisquis natus est ex Deo, peccato non dat operam; quoniam semen ipsius in eo manet.* Adde *II, 19. I Petr. I, 3, 4, 5. Rom. 8, 1, 33, 34.* Aliter iterum res habet in Coenâ Dominicâ: successivè enim, & sæpiùs iteratis vicibus, peragitur nutritio & corroboratio spiritualis; cuius ista est Sacramentum.

3. Baptismus nobis dicta beneficia non solum obsignat pro præsentis & præteriti tempore, sed etiam pro futuro: undè idem Baptismus quidem sæpiùs in memoriam revocandus est; non verò iterandus: *Act. 2, 38, 39. Resipiscite, & baptizetur unusquisque vestrum in nomine Jesu Christi, in remissionem peccatorum: & accipietis donum Spiritus Sancti. Vobis enim*

facta

facta est promissio, & liberis vestris, Ad remissionem peccatorum in universum, & expectationem donorum Sp. Sancti, pertinuit unicus Baptismus. Gal. III, 27. Nam quicumque in Christum baptizati fuistis, Christo fuistis induti. Ad unicum præteritum Baptismum provocat Apostolus, ejusque memoriam illis renovat ad vitam deinceps rectè instituendam. Similiter Rom. 6, 3, 4, 10, 11. Confer Joh. 13, 10.

4. Circumcisio cuique sub V. T. non nisi semel administrabatur, & sic participatio Fœderis obsignabatur; *Gen. 17, 7, 10, 11. In eundem usum pro N. T. successit Baptismus; Col. II, 11, 12. Ac proindè nec iste iterari debet.*

XXXV. Pontificii comminiscuntur *Characterm indelebilem*; signum quoddam spirituale perpetuum; imprimi animæ per Baptismum; itemque per Confirmationem, & per Ordinem; cujus ergo ista iterari non debeant. Sed talem Characterem S. Scriptura nescit.

Neque etià solidè probatur superior assertio ex *Hebr. 6, 4. quasi Illuminatio* istic esset Baptismus.

Obj. 1. Evidens Anabaptismi exemplum occurrit, Act. 19, 1. &c. Ergò. Resp. Istic vers. 1, 2, 3. agitur de duodecim Discipulis Ephesiis, qui se Johannis Baptismo baptizatos esse confitebantur; sed Spiritum Sanctum non accepisse, nec de Spiritu Sancto quicquam audivisse. Sequitur de illis, vers. 4, 5. Dixit autem Paulus, Johannes quidem baptizavit Baptismo resipiscentiæ, dicens populo, ut in eum qui venturus erat post ipsum crederent, hoc est, in Christum Jesum. Qui verò illum, nempe Johannem, audiverunt; baptizati sunt in nomen Domini Jesu. Negamus Anabaptismum ex illo loco rectè colligi: ista enim verba, Qui verò illum audiverunt, &c. sunt Pauli verba de Johanne: non verò Lucæ historiographi de Paulo. Postea Lucas distinctè; Et cum imposuisset eis manus Paulus, venit

Spiritus Sanctus in eos: & loquebantur linguis, & prophetabant.

Obj. 2. Fieri potest, ut baptizati prolabantur in hæreses, aut alia peccatagravissima; & postea denuò convertantur: illi igitur rebaptizandi sunt. *Resp.* Serio quidem monendi, reprehendendi, & ad renovatam praxin resipiscentiæ excitandi; non tamen iterum baptizandi: sicut hominem gravissimo morbo correptum, non opus est denuò nasci; sed curari per medicamenta idonea, ut sanitati, restituatur.

XXXVI. Alterum Novi Testamenti Sacramentum est *Cæna Dominica*: I Cor. XI, 20, 23, - 26. Ea describitur: Sacramentum spiritualis nutritionis & corroborationis, à Christo institutum; fidelibus adultis usû Panis & Poculi identidem significans & obsignans communionem Corporis & Sanguinis Christi, tanquàm cibi & potûs pro interiori homine, ad vitam æternam.

Institutio extat Matth. xxvi, 26, - 29. Marc. 14, 22, - 25. Luc. 22, 19, 20. undè ea repetitur, I Cor. XI, 23, - 26. *Ego enim accepi à Domino, quod & tradidi vobis, &c.*

Causa igitur *efficiens primaria* istius Sacramenti est Christus Θεάνθρωπος, Novi Fœderis Mediator, Dominus ac Salvator noster. Hinc *Cæna Dominica* nuncupatur, I Cor. 10, 21 cum 16, 17. XI, 20, 23.

Secundaria, sive *ministra*, est Minister Euangelii, Ecclesiæ Antecessor; cui ista administratio pro conditione Sacramentorum, & ordine Ecclesiastico N. T., Divinitus mandata est: I Cor. 4, 1.

XXXVII. *Subiectam* & *quasi materiam* constituit Substantia gemina cum adjunctis Ritibus. *Substantia* illa est tum Panis, tum Vinum.

Prius ergò symbolum est *Panis*; & quidem vulgaris cibarius; quali Christus procul dubio usus est: quique ἀναλογία habet cum re significatâ, corpore

pore Chriſti, animæ noſtræ cibo ad vitam æternam.

Non rectè igitur à *Pontificiis* adhibentur *Minutiæ farinaceæ*, quæ plurimùm differunt à Pane uſuali.

Chriſtum Pane azymo uſum eſſe, fatemur; ob Legem cerimonialem de Paſchate; quæ abrogata eſt.

Obj. 1 Cor. 5, 7, 8. prohibetur fermentum, & præcipiuntur panes inſermentati. *Reſp.* Fermentum malitiæ & nequitie prohibetur; præcipiuntur autem panes inſermentati ſinceritatis & veritatis: ut eſt in textû. Sed nihil de Pane azymo in S. Cœnâ.

Alterum Symbolum eſt *Poculum vini*: Chriſtus enim diſertè *ζύνημα τῆ ἀμπέλης* appellavit, *Matth.* 26, 29. *Luc.* 22, 18. Neque Vinum aquâ dilui debet; quod cenſent *Pontificiis* neceſſarium eſſe, ſaltem neceſſitate præcepti Eccleſiaſtici. Verùm non certò conſtat, Chriſtum iſtud vinum aquâ temperaſſe; nedùm præceperit talem mixtionem, ut partem huius Sacramenti, vel aliter neceſſariam.

XXXVIII. Uſum *Poculi* in S. Cœnâ neceſſarium ſtatuímus, tanquàm partem integram & principalem: nam 1. quos, Chriſtus manducare jufferat, eoſdem omnes juſſit bibere; dicens, *Bibite ex eo omnes*; *Matth.* 26, 27. *Marc.* 14, 23. De Apoſtoliſ ibi ſermonem eſſe, fatemur: ſic tamen, ut Chriſtus Sacramentum adminiſtraverit; illi Eccleſiam communicantem repræſentaverint.

2. Paulus integram Eccleſiam Corinthiacam, cujus partem longè maximam conſtituebant Laici, quos vocant, ab Idololatriâ dehortatur; ratione deſumtâ ab uſû iſtius Poculi; 1 Cor. 10. 14, 15, 16, 21. & Sacramenti iſtius institutionem & uſum legitimum accuratè iſdem deſcribens, Poculum non minùs commemorat, nec minùs latè extendit, quàm Panem; XI, 23, - 29.

3. Accedit ratio à communione Sanctorum deſumta; quæ poſtulat, ut omnes fideles, eorundem

beneficiorum salutarium, atque adeò etià Sacramentorum, sint participes. De hac communione, *Eph. 4, 4, 5, 6. Galat. 3, 26, 27, 28. Quin respectu Cœnæ Dominicæ. 1 Cor. 10, 17. & specialius respectu Poculi, XII, 13. Per unum Spiritum nos omnes in unum corpus baptizati sumus: - & omnes poti sumus in unum Spiritum.*

4. Accedit & hoc, quòd cùm Domino alituram nostram spirituales specie Convivii significare placuerit, ejus quoque plenitudinem cibo & potu distinctè exhibitis figurare visum fuerit: Pane scil. & Vino. Vide *Psal. CIV, 14, 15.*

Atque istam plenitudinem agnovit & observavit dudum ipsa etià Ecclesia Romana. P. *Gelasius* apud *Gratianum* de *Consecrat. Dist. 2.* „Comperimus, „quòd quidam, *sumta tantummodò corporis sacri portione, à calice sacrati cruoris abstineant:* quod procul dubio, quoniàm *nescio quâ superstitione docentur adstringi, aut integra Sacramenta percipiant, aut ab integris arceantur.* Quia *divisio unius ejusdemque mysterii sine grandi sacrilegio non potest provenire.* Tandem verò A. D. *cio cccc xv.* in Concilio *Constantiensi Sess. 13.* contrarium audacissimâ temeritate decretum est.

Obj. 1. Aliquoties Panis, ejusque fractio, solùm commemoratur; ut *Luc. 24, 30.* & alibi. Ergò. *Resp.* Ubi hoc Sacramentum locutione illâ intelligi debet, synecdochicè Poculum comprehenditur, secundùm ejus institutionem, & praxin Apostolorum ac primitivæ Ecclesiæ, alibi satis clarè ac plenè expressam. Aliàs, ut potissimùm *Luc. 24, 30.* convivium humanæ familiaritatis intelligendum est. Interim confer *Genes. 43, 16, 25, 31, 32, 34.*

Obj. 2. Accedunt varia incommoda: periculum enim est, ne calix sanguinis Domini interim effundatur, &c. nonnulli sunt abstemii, &c. *Resp.* Præterquam

quàm quòd prius illud falſâ tranſſubſtantiationis hypotheſi nitatur; non ſolùm perperam vetus Eccleſia, quæ hoc Sacramentum ſub utrâque ſpecie diſpenſavit, imprudentiæ accuſatur; ſed etiàm ipſi Chriſto, qui ita inſtituit, ignorantia obijcitur, per blaſphemiam. Et facilè aliter iſtis difficultatibus obviàm iri poteſt.

Obj. 3. Nihil opus eſt uſu Calicis: unâ enim cum Corpore Chriſti accipitur ipſius Sanguis, per concomitantiam. *Reſp. 1.* Sic falſò ſupponitur μετεſία, 2. Chriſtus Calicem diſtinctè inſtituit, 3. Eoque Sanguinem ſuum, non ut in vaſis concludum, ſed ut effuſum pro nobis, ſignificavit. 4. Idem urgeri poſſet de Sacerdotibus conficientibus, ut vocant.

Diſtinctè verò in hoc Sacramento adhibendum eſt Poculum, ut & Panis. Ità requirit inſtitutio, & exemplum Chriſti; doctrina, & praxis Apoſtolorum; atque uſus Eccleſiæ primitivæ. Idem ſuadet analogia alituræ naturalis, quæ cibo & potu diſtinctis peragitur. Non rectè igitur darentur *buccæ intinctæ*, aut *panis vino intritus*.

XXXIX. Inter *Ritus* adjunctos Pani & Poculo, communis eſt eorum acceptorum *Sanctificatio*; quæ *Ἐλογία*, benedictio, appellatur, *Matth. 26, 26. Marc. 14, 22. 1 Cor. 10, 16. & Ἐχαριſία*, gratiarum actio, *Luc. 22, 19. 1 Cor. xi, 24.* Sicut in aliis alimentis etiàm commemoratur *Ἐλογία*; *Matth. 14, 19. & Ἐχαριſία*; *1 Tim. 4, 3, 4.* Hoc autem loco ſpecialis Sanctificatio intelligenda eſt, ad uſum Sacramentalem.

Pontificii Conſecrationem appellare ſolent: intelliguntque arcanorum verborum ſuper Pane & Vino, recitationem, à Sacerdote faciendam, quâ natura eorum realiter & ſubſtancialiter tranſmutetur in verum ac propriè dictum Corpus & Sanguinem Chriſti.

Sed 1. malè Consecrationem illam peragi existimant, non aliis quàm istis verbis, *Hoc est Corpus meum; & Hic est Sanguis meus*: cum potius antecedentem Dei invocationem, ipsamque Christi institutionem, quam repetunt & sequuntur fideles ipsius Ministri, ista Sanctificatio fiat. Sic *Matth. 26, 26, 27, 28.* præcessit *ἁλογία & ἁχαισία*, pro quâ illi Consecrationem appellare gestiunt: postea dixit Christus; *Hoc est Corpus meum, & Hic est Sanguis meus, &c.*

2. Malè consequenter ista verba admurmurant Pani & Vino: cùm Christus palàm Discipulos compellaverit; iisque explicuerit, quid daret, & quo fine.

3. Gravissimo item errore sic statuunt fieri veram transsubstantiationem: quæ post quædam ex professo refutabitur.

Communis etiam est altera *subsequens Benedictio*; Hymnus sc. quo celebratur Dei benignitas, & gratiæ pro tali illâ communione aguntur: *Matth. 26, 30. Marc. 16, 26.*

XL. Ad Panem speciatim pertinent duæ Administrantis actiones; *Fractio, & Distributio ad manducandum.* Sic enim prævit Christus Convivator, & primus S. Coenæ Minister; *Matth. xxvi, 26. Marc. xiv, 22. Luc. xxii, 19. I Cor. xi, 24.* Hinc à priori, Coena synecdochicè *Fractio panis* appellatur, *Act. 2, 42.* Sic autem figuratur laceratio corporis Christi, ac dolores passionis ipsius, ipsaque adeò separatio animæ à corpore; & mutua fidelium in Christo communio: *I Cor. x, 16.* Interim iste ritus non est censendus primarius aut essentiæ Sacramenti constitutivus: sed secundarius, ad modum administrationis, justamque ejus integritatem, pertinens.

XLI. Quod ad *Distributionem*: Evangelistæ, & Paulus, satis disertè commemorant, Christum Discipulis suis dedisse fractum panem, iisque dixisse: *Accipite, comedite: &c. Matth. 26, 26. Marc. 14, 22. Luc.*

Luc. xxii, 19. I Cor. xi, 23, 24, 26. Iſti institutioni conſentanea fuit praxis Eccleſiæ Apoſtolicæ, *I Cor. 10, 17.*

Graviter verò peccant *Pontificii*; qui in *privatis* ſuis *Miſſis*, ut vocant, non diſtribuunt Panem; ſed Sacerdos eum manducat ſolus.

Ad *Modum diſtributionis* quod attinet; in hitoriâ Euangelicâ, & commemoratione Paulinâ, nulla eſt ratio dubitandi, quin Chriſtus Diſcipulis Panem *in manus* præbuerit, non autem *ori* ingeſſerit: nihil enim extat, unde oriri poſſit ſuſpicio, Chriſtum hîc à communi & uſitatâ cibum adultis porrigendi ratione diſceſſiſſe: nec aliter commode fieri potuit, per veterum diſcumbendi morem. Atque ita diutiſſime obtinuit in Eccleſiâ, ut panis manibus acciperetur. Glifcente tamen ſuperſtitione aliter factum apud *Pontificios*: Euchariftia enim Laïcis à Sacerdote *in os* ingeritur.

Diſtributioni iſti ad manducandum, plane etiam adverſatur honorifica *hoſtiæ adſervatio in pyxide*; ut deinde circumgeſtetur, & oſtentetur ad *ἀπολαύειν*.

XLII. Ad *Vinum* pertinet ritus Adminiſtrantis, ut is ipſum Poculo infuſum ſingulis Communicantibus *bibendum præbeat*. Sic enim Chriſtus *Matth. 26. 27, 28. Accepit poculo, ac gratiis actis, dedit iis, dicens; Bibite ex eo omnes, &c.* Atque inde hoc Sacramentum ſynecdochice *Potatio* appellatur, *I Cor. 12, 13. Omnes poti ſumus in unum Spiritum.*

Sequuntur *Actiones Communicantium*; ut nimirum Diſcipulorum exemplo, *acceptum illum Panem edant, & de Poculo omnes bibant; Matth. 26, 26, - 29. Marc. 14, 22, - 25. I Cor. xi, 24, - 26.*

De *Genuflexione*, ſimilive aliquo geſtû adorantium, quo ſacra ſymbola excipienda forent, nihil habet in-

stitutio Dominica; nec Apostolorum, aut Ecclesiæ primitivæ, praxis.

XLIII. *Res significata* hujus Sacramenti, est communionis Christi, & gratiæ N. T. continuatio, atque incrementum, ad perficiendam vitam spiritua-lem. *Panis & Vinum* significant & obsignant Christi carnem ac sanguinem, verum spiritualem animarum nostrarum alimentum; cibum & potum, ad vitam æternam in nobis perficiendam. Hinc de isto Pane, *Matth. 26, 26. Hoc est corpus meum.* & de Vino, *vers. 28. Hoc est sanguis meus, &c.* Confer de re significatâ, *Joh. 6, 48. 55, - 58.*

Porro autem Panis accepti & sanctificati *fractio* significat corporis Christi pro nobis contritionem, clavis ac lanceâ factam: *Jes. 53, 5. Joh. 19, 34. xx, 25, 27.* ipsamque adeò mortem: *I Cor. XI, 26.* Eiusdem *distributio* designat illius communicationem necessariam ad vitam æternam, quæ per Sp. Sanctum peragitur efficaciter: *Luc. xxII, 19, I Cor. XI, 24. cum XII, 13.*

In Communicantibus verò *corporalis esus panis* significat esum mysticum unius ejusdemque veri corporis Christi, ad æternam vitam justitiæ ac gloriæ, atque adeò veram sanctorum cum Christo & inter se communionem: *I Cor. x, 16, 17. Panis, quem frangimus nonne communio corporis Christi est? quoniam unus est panis, unum corpus nos illi multi sumus: nam omnes ex uno illo pane participamus.* Confer de re significatâ, *Joh. 6, 35, 47, 48.*

Similiter *Vini in Poculum effusi communicatio* significat spiritualement communicationem sanguinis Christi, ad remissionem peccatorum impetrandam, ac Novum Testamentum sanciendum, pro nobis effusi; *Matth. xxVI, 28. Luc. xxII, 20.*

Potus verò & communio vini, ore corporis assumpti, proprius denotat & obsignat internam spiri-
tuale

tualem sanguinis Christi perceptionem & communionem, quæ à Spiritû Sancto perficitur; & fide verâ, tanquàm ore animæ, accipitur: ac porrò veram & mutuam istiusmodi sanctorum communionem: 1 Cor. 10, 16, XII, 13,

X L I V. *Forma* igitur Cœnæ Dominicæ, pro naturâ Sacramentorum, consistit in Divinâ, per Verbum Christi, ordinatione Panis & Vini, usûsque eorum, ad visibilem significationem & obfignationem communionis invisibilis mysticæ cum Christo, in gratiâ Fœderis Euangelici, continuandæ ac perficiendæ.

Atque indè emergunt *Prædicationes Sacramentales*: utpote 1. 1 Cor. XI, 24. *Hoc meum est corpus, quod pro vobis frangitur.* Id est, Hæc res, Panis iste acceptus, sanctificatus, & fractus, est signum ac monumentum Corporis Christi similiter frangendi; vel nunc fracti.

2. Ibidem vers. 25. *Hoc Poculum est Novum illud pactum, per meum Sanguinem.* Id est, hoc Vinum, Poculo isto contentum, est signum ac monumentum Novi Fœderis gratiæ, per Sanguinem Christi obfignati. Confer porrò vers. 25, & 26.

3. Matth. 26, 28. *Hoc est Sanguis meus, Novi pæcti, qui pro multis effunditur in remissionem peccatorum.* Id est, Hujus Poculi contentum, fructus vitis, est signum commemorativum Sanguinis mei, quo novum illud Fœdus sancitur, &c. Confer 1 Cor. XI. 25, 26.

4. 1 Cor. 10, 16. *Poculum benedictionis, cui benedicimus, nome communio Sanguinis Christi est?* &c. Hoc est, signum ac sigillum mysticæ istius communionis. Similis prædicatio est ibid. vers. 3, 4.

In istis autem prædicationibus Sacramentalibus, tropus non propriè existit in copulâ verbali est; sed potius in attributo: per copulam enim termini connectuntur, & temporis circumstantia simul exprimitur.

tur. Verùm *in attributo* ipsa res significata ponitur pro signo istius rei.

XLV. *Finis cuius* est, I. ut inter cœnandum Christi solenniter recordemur; & fides in Ipsum, pro nobis mortuum, & ad iustitiam ac salutem nobis communicatum, suscitetur & confirmetur, *Luc. 22, 19. I Cor. XI, 24, 25.*

2. Ut beneficia N. Test. continuentur, & promoveantur: talis enim promissio appositæ est usui Panis; *Luc. 22, 19. I Cor. XI, 24, x, 16. & Vini; Matth. 26, 28. I Cor. x, 16. XII, 13.*

3. Ut excitemur ad Servatorem nostrum debitâ gratitudine colendum & celebrandum: *I Cor. XI, 26.*

4. Ut extimulemur ad mutua dilectionis & communionis studium: *I Cor. 10, 17. Serio autem fugiamus dissidia, & contemptum fratrum: XI, 18, 20, 22,*

Finis verò cui est Cœtus baptizatorum adultorum, fidem ac resipiscentiam ore & opere profitentium.

I. Cœtus requiritur; exemplo primæ S. Cœnæ: *I Cor. XI, 20. x, 16, 17.*

2. Et quidem baptizatorum; prius enim est nasci, quàm pasci; adeoque & Sacramentum regenerationis, quàm spiritualis nutritionis: *Matth. 28, 19. Tit. 3, 5. Hebr. 6, 2, cum Exod. 12, 48.*

3. Eorumque adultorum: isti enim soli sunt habiles ad officia in hoc Sacramento necessaria: *I Cor. XI, 24, 29.*

4. Denique talium, qui fidem ac resipiscentiam ore & opere profiteantur. Hoc Pastores videre debent sedulò: *I Cor. 10, 21, XI, 20, 27, 28. Sed & sincera debet esse illa professio: Joh. 6, 27, 29. Rom. 10, 10, Gal. 5, 6. Aliàs incurritur crimen Corporis ac Sanguinis Christi violati: I Cor. XI, 29. Fideles castigationibus fiunt obnoxii; 30, 31, 32. Hypocritæ autem æternæ damnationi; Matth. 24. 51. Marc. 16, 16. Rom. 8, 13.*

XLVI. Cœ-

XLVI. Cœnæ Dominicæ omninò adverſatur *Miſſa Papiſtica*. *Illi*us appellatio & ſignificatio ſacra eſt. Vide ſup. th. 36. *Hanc Bellarminus*, à *Miſſione*, ſeu Dimiſſione populi, dictam exiſtimat. Alii originem Hebraicam quærunt in voce **קִדְּשׁ**, quos ipſe *Bellarminus* rationibus non contemnendis refutat.

Ad rem ipſam quod; *Aucto*r Cœnæ Dominicæ eſt Dominus Chriſtus. *Miſſæ* verò *Pontificiæ* non eſt unus aucto; ſed plurimi, ac diverſorum temporum, ſervi infidi, collatis ſuperſtitionum ſymbolis, centonem illum tandem confecèrunt. Dudùm enim agitatum fuit myſterium iniquitatis.

Adminiſtri autem Cœnæ Dominicæ, ſunt Miniſtri Euangelii. Sed *Miſſæ* Myſtę jaçantur Sacerdotes propriè ad ſacrificandum oleo ſpecialiter conſecrato inuncti. At *nemo ſibi ipſi ſumit honorem Sacerdotii*: ſed *qui vocatur à Deo, ſicut & Aharon*. Ubi verò agitur de Sacerdotio N. T. diſertè docetur, abrogatum eſſe Sacerdotium Aharonicum, tanquàm imperfectum, umbraticum, typicum; cùm Chriſtus ſit Sacerdos ſecundum ordinem Melchizedeki: ac proindè, 1. ſine Patre, ſine Matre, ſine genere, nec initium dierum habens, nec vitæ finem; atque in æternum manens, ex vi indiſſolubilis vitæ, ut Sacerdotium ipſius ad alios non tranſeat; *Hebr. 7, 3, 15, 16, 24.*

2. Sanctus, innocens, impollutus, ſegregatus à peccatoribus: *verſ. 26.*

3. Sponſor melioris Fœderis: *verſ. 22.* ſive Mediator N. T. cujus mors intercederet ad redemptionem tranſgreſſionum: ix, 15. Et Teſtator ſuâ morte ratum faciens iſtud Teſtamentum: 16, 17.

4. Major iis, quibus Ipſe benedicit; & quos, vel quæ, ſanctificat; atque adeò victimâ humanitatis ſuæ: vii, 7. II, 11. x, 10. *Joh. 17, 19*

5. Ipſe Sacerdos & Sacrificium: qui ſeipſum obtulit

lit per Spiritum S. semel sufficientissimè : *Hebr.* 7, 27, 28. IX, 14. x, 10, 12, 14. Quæ omnia soli Christo omninò propria sunt. Alios Sacerdotes N. T. prorsùs ignorat S. Scriptura. Cùm enim quilibet fideles dicuntur Sacerdotes; ut *1 Petr.* II, 9. *Apoc.* I, 6. v, 10. id metaphoricè accipiendum; & quidem sic, respectu Sacrificiorum eucharisticorum; *Rom.* 12, 1. *Hebr.* 13, 16.

XLVII. *Materiam S. Cœnæ* constituunt verus Panis & Vinum, cum Ritibus à Domino institutis. In *Missâ* verò sunt Nebulæ nummulariæ, mera veri & ordinarii Panis simulachra; & Vinum aquâ superstitionè dilutum. Sed hoc nequidem in *Missâ publicâ* distribuitur Communicantibus: in *privatâ* nulla prorsùs Communicantibus fit distributio: in *siccâ* ipse etiâ Sacerdos siccus est. Sic manifestum inest sacrilegium. In vestibus porrò, gestibus, actionibus aliis, multiplex relucet superstitio: *Matth.* 15, 9, 13.

Forma S. Cœnæ consistit in communionis sacrificii corporis & sanguinis Christi Divinâ significatione & obsignatione; per Panem sanctificatum, fractum, distributum, & à Communicantibus comesum; Vinumque effusum, sanctificatum, distributum, & à Communicantibus bibitum. Sic Panis & Vini vera substantia conservatur; sed in spiritualem usum convertitur: verum ac propriè dictum corpus & sanguis Christi ex illis non conficitur; sed pro communi Sacramentorum naturâ & conditione significatur atque obsignatur. In *Missâ* verò statuitur *primò* transsubstantiatio Panis ac Vini in verum ac propriè dictum corpus ac sanguinem Christi; ità ut substantia Panis ac vini omninò intereat, & accidentia eorum solâ sine ullo subiecto supersint: Christi autem verum & propriè dictum corpus ac sanguis ex Pane & Vino fiant; ex Pane sc. corpus, & sanguis per concomitantiam, &c. at-

&c. atque ifta corporis & fanguinis Chrifti fubftantia iftic fola extet, fine fuis accidentibus & proprietatibus; quamvis eas nihilominus retineat. *Demdè* etiàm ftatuitur vera Corporis Chrifti oblatio per Sacerdotem Mifficum, fuper altari, ad impetrandam remiffionem peccatorum pro vivis & pro mortuis; five verum ac propriè dictum Sacrificium expiatorium.

XLVIII. *Transfubftantiatio* ifta refutatur *primò*, ex institutione Cœnæ Dominicæ: nam 1. Chriftus iftic verum Panem accepit, fânctificavit, fregit, distribuit, & edi juffit; Vinum fimiliter fufum fânctificavit, distribuit, & bibi juffit. Verum *Panem* ac *Vinum* non folum in initio, fed etiàm in progressu & in confummatione iftius adminiftrationis, appellat S. Textus: & difertè *Fructum vitis* dixit Chriftus, cùm biberetur; & Paulus, *Panem & Vinum*, etiàm cùm à Communicantibus ille editur, hoc bibitur; *Matth.* 26, 26, 27, 29. *Marc.* 14, 22, 23, 25. *1 Cor.* x1, 23, -28. Talis ergò fubftantia Panis ac Vini debet agnofci; non prorsus alia fub iftis accidentibus

2. Chriftus integer, corpore hætenùs illæfo, fanguine fuis vafis contento, unà cum Difcipulis fuis accubuit, Sacramentum hoc instituit, atque ipfe adminiftravit. Subftantia igitur Corporis & Sanguinis Chrifti vera ac propriè dicta, realiter diftingui debet ab externis vifibilibus fymbolis, quæ ipfe Difcipulis fuis adminiftravit.

3. Sic Panem fânctificatum & fractum præbens, dixit; *Hoc Meum eft Corpus, quod pro vobis frangitur*: *1 Cor.* x1. 24. Metonymicè. Illæfus enim accumbear. Neque nunc Corpus gloriofum vere frangitur. Similiter de Poculo: *Hoc eft Sanguis meus Novi pãcti, qui pro multis effunditur in remiffionem peccatorum*; *Matth.* 26, 28. Sed Paulus hoc modo refert, *1 Cor.* x1, 25. *Hoc Poculum eft Novum iftud pãctum per Meum Sanguinem.*

nem. & 1 Cor. 10, 16. Poculum benedictionis, cui benedicimus, nonne communio Sanguinis Christi est? Panis, quem frangimus, nonne communio Corporis Christi est? Neque Christus istis verbis indicavit, quid per ea fieret de Pane & Poculo; sed quid jam tunc esset: cum veritas rei prior sit veritate enunciationis.

4. Paulus de usu Panis; *Hoc facite ad Mei commemorationem.* Atque iterum de Poculo; *Hoc facite, quotiescunque biberitis, ad Mei commemorationem. Quotiescunque enim ederitis Panem hunc, & Poculum hoc biberitis, mortem Domini annunciate, usque quod venerit: 1 Cor. XI, 24, 25, 26.* Quibus verbis aperte indicatur, in hoc Sacramento esse commemorationem Christi, & annunciationem mortis ipsius, usquedum ipse veniat ad extremum & universale iudicium; sed Christum istuc non adesse presentem corporaliter.

Secundo, ex natura Sacramentorum; in quibus 1. Signa oportet esse distincta à rebus significatis.

2. Debet servari analogia cum altero N. T. Sacramento; in quo utique non fit transubstantiatio. Interim vide *Tit. 3, 5. Act. II, 38. xxII, 16. cum 1 Joh. I, 7. 1 Cor. 6, 11.*

Quin 3. etiam cum Sacramentis V. T. *Gen. 17, 10. 11. Exod. 12, 11, 12, 13. Rom. 4, 11.*

Imò 4. cum ejusdem Sacramentis extraordinariis, quorum respectu Israelitæ dicuntur eandem nobiscum escam spiritualement edisse, & eundem potum spiritualement bibisse; *1 Cor. 10, 3, 4.* Cum tamen Christus tunc necdum fuerit incarnatus.

Tertio, ex aliis Articulis fidei; & quidem 1. ex veritate & unitate humanæ Christi naturæ: unde sequitur ejus extensio, visibilitas, palpabilitas, & presentia in uno tantum loco simul. Vide *Marc. 16, 6. Luc. 24. 5, 6; 38. 39, 40.*

2. Ex ortu humanæ istius naturæ; quæ non est ex Pane & Vino, vi verborum à Sacerdote pronunciatorum;

rum; ſed ex patribus, & Iſraëlitis, ex Judâ, ex lumbis & ſemine Davidis, atque ex B. Virgine Mariâ, per ſupernaturalem Spiritûs Sancti operationem in eâ: *Rom.* 9, 5. *Hebr.* 7, 14. *Act.* 2, 30. *Rom.* 1, 3. *Luc.* I, 42; 45. *Matth.* I, 18. 20. Confer *Matth.* III, 9. *Joh.* II, 9. *Exod.* 7, 10.

3. Ex exaltatione, aſcenſione, & ſeſſione Chriſti ad dextram Patris in cœlo; unde demùm noviffimo die, corporaliter, localiter, & viſibiliter, reverſurus eſt ad univerſale judicium: *Joh.* 16. 28. XIV, 2, 3. *Matth.* 26, 11. XXIV, 23, 26, 27. *Act.* I, 11. III, 21. *Col.* 3, 1, 2. *Hebr.* 8, 4. Quod ergò nunc in terrâ exiſtit, id non eſt verum ac propriè dictum corpus Chriſti.

4. Ex communione noſtrâ cum Chriſto, quæ myſtica eſt & ſpiritualis; non propriè corporalis *Eph.* III, 17. *Inhabitet Chriſtus per fidem in cordibus veſtris*, IV, 15, 16. *I Cor.* 12, 12, 13. *Gal.* II, 20. *Col.* III, 3. Unde etiâ vocatur eſca ſpiritualis, & potus ſpiritualis; *I Cor.* 10, 3, 4. Adde *Apoc.* 2, 17, *Joh.* 6, 35.

Quarto, ex abſurdis quibuſdam conſequentibus, omni rationi adverſis: nam 1. Accidentia Panis & Vini poſt tranſubſtantiationem ſic exiſterent ſine ſubjecto.

2. Corpus humanum verum ac propriè dictum exiſteret ſine proprietatibus ſuis.

3. Fieret mutatio in præexiſtens; atque ſicidem ſimul eſſet & non eſſet: nam corpus Chriſti ſtatuitur per tranſubſtantiationem confici; & tamen idem numero exiſtere ante tranſubſtantiationem.

4. Corpus glorioſum. quamvis ſub alienis accidentibus, poſſe non ſolùm ab hominibus peccatoribus comedi: ſed etiâ à muribus; atque in ſeceſſum ejici.

Addi poſſent multa ex antiquitate Eccleſiaſtica.

XLIX. Obj. I Agnoſcendâ eſt Tranſubſtantia-

tio, propter absolutam Dei omnipotentiam. *Resp.* 1. Frustrà provocatur ad Dei omnipotentiam, ubi non constat de ejus voluntate. 2. Deus mentiri, aut seipsum abnegare, non potest; neque consequenter facere contradictoria simul vera.

Obj. 2. Christus Panem dixit corpus, & calicem sanguinem suum. Ergò. *Resp.* Dixit per usitatissimam metonymiam sacramentalem.

Obj. 3. Christus dixit, *Hoc est corpus meum*: atque ita asseruit, id quod digitis tenetur, jam esse verum ac propriè dictum corpus suum; atque adedò factam transubstantiationem. *Resp.* Christus istud dicens, manifeste de pane locutus est: hinc Paulus; *Panis, quem frangimus*, &c. 1 Cor. 10, 16. Et *Quisquis ederit panem hunc*, &c. x1. 27. neque obstat particula neutrius generis: sic enim sæpius absolutè indicatur res illa, cujus proxime facta est mentio. Vide *Zach.* 1, 9. *IV*, 4, 5.

Obj. 4. In verbis Christi, *Luc.* 22, 20. de Poculo, τὸ πότηριον, ἡ καινὴ Διαθήκη ἐν τῷ αἵματί μου, τὸ ὑπὲρ ὑμῶν ἐκχυνόμενον, participium illud ἐκχυνόμενον casu non convenit cum nomine αἵματι; sed cum remotiore πότηριον. Effusio ergò pertinet ad calicem; quia in eo per transubstantiationem est verus ac propriè dictus sanguis Christi: quasi Servator dixisset; Hic sanguis meus, pro vobis effusus, est novum foedus, &c. *Resp.* Absurdissime istud dicitur: 1. Christus enim diserte affirmavit, contentum calicis esse fructum vitis. 2. Nec ipsi Pontificii audent asserere, Sanguinem Christi in Eucharistiâ effundi. Et 3. quomodò Christi sanguis propriè dici potest Novum Testamentum in sanguine ipsius? 4. Participium τὸ ἐκχυνόμενον referri potest ad nomen αἵματι, per enallagen casus satis obviam. Vide inter alia *Apoc.* 1, 4, 5.

Obj. 5. Qui Sacramentum istud accipiunt indigne,
rei

rei ſunt corporis & ſanguinis Domini : ergò ipſum proprie dictum Corpus & Sanguinem Domini accipiunt, & contumeliâ afficiunt. *Reſp.* Imò ipſum Corpus & Sanguinem Domini contemnunt, & contumeliâ afficiunt, in ſymbolis ab Ipſo institutis, & ſanctè uſurpari juffis.

Obj. 6. Chriſtus *Joh.* 6, 50, 56. Se & Carnem ſuam dixit eſſe vere cibum ac panem ; Sanguinem verò potum, ad vitam æternam. Ergò Panis eucharisticus tranſſubſtantiatur in verum ac proprie dictum Corpus Chriſti, &c. *Reſp.* 1. Majori ſpecie dicerent, Corpus Chriſti tranſſubſtantiari in verum ac proprie dictum Panem, &c. 2, Iſto tempore Cœna Dominica nondum erat inſtituta : ac proinde Chriſtus non potuit tunc loqui de tranſſubſtantiatione, quæ jam tunc fieret. 3. Maniſte loquitur de ſpirituale alimento, per fidem ſumendo, & vitam ſpiritualem in æternum producturo ; *verſ.* 33, 35. quod ſemper idem fuit ; *1 Cor.* 10, 3, 4. *Hebr.* 13, 8. & ſignificatur atque obſignatur Cœnâ Dominicâ poſtmodum inſtitutâ.

Obj. 7. Paulus vidit Chriſtum, *Act.* 9, 5. *XVIII.* 11. *1 Cor.* 15, 5. Ergo poteſt etiâ ſimul exiſtere in Cœlo, & in hoc Sacramento. &c. *Reſp.* 1. In iſtis locis nequaquâ dicitur, Chriſtum tunc corporaliter exiſſe in Cœlo, & ſimul in terrâ apud Paulum. 2. Intelligenda eſt viſio per ecſtaſin, aut aliam aliquam mentis elevationem ſupernaturalem ; aut in ſymbolo aliquo extraordinario, Chriſtum ſecundum humanam naturam repræſentante. Confer *2 Cor.* 12, 2, 3, 4. *Act.* 7, 55, 56.

I. Ubiquiſtæ pro Tranſſubſtantiatione (μετεſτάς) ſtatuunt Conſubſtantiationem (συνεſτάς;) ut Chriſti Corpus ſit in, cum, & ſub Pane Cœnæ Dominicæ, &c.

Hanc confutamus iſdem ferè argumentis, quibus Tranſſubſtantiationem : *primo*, ex inſtitutione Cœ-

næ Dominicæ: Quoniam 1. Christus suo Corpore mensæ accubuit, non illud propriè Discipulis in manum dedit, in, cum, & sub Pane.

2. Dixit Corpus suum frangi, & Sanguinem effundi; sed utrumque demum futurum erat: ergò Corpus fractum, & Sanguis effusus propriè Discipulis tunc non dabatur, &c.

Secundo, ex naturâ & analogiâ aliorum Sacramentorum, tum V. tum N. Test. in quibus non est istiusmodi Consubstantiatio; sed rei spiritualis obsignatio in recto usû: ut patet in Circumcisione, & Agno Paschali. Atque item in extraordinario illo Sacramento, de quo Paulus, 1 Cor. 10, 4. *Petra illa erat Christus*: non certe per *συνστάαν* Corporis aut Sanguinis Christi, in, cum & sub illa Petra, vel Aquâ: Corpus enim Christi *ἐνυπόστατον*, verum ac propriè dictum, & Sanguis ipsius, tunc nondum existebant. Similiter in Baptismo non est talis *συνστάα*, &c.

Tertiò, ex Articulis fidei: 1. ex veritate & finitudine Corporis Christi.

2. Ex locali ascensione ejus in Cœlum, & remansione illic ad extremum usque judicium.

3. Ex communione nostra mystica cum Christo.

Quarto, ex absurdis quibusdam consequentibus. Quod sic aliquod humanum Corpus esset penetrabile aliis; non haberet essentiam finitam ac circumscriptam; esset invisibile, impalpabile, &c. quibus proprietatibus Spiritus à Corpore distinguitur.

Obj. 1. Christus dixit; *Hoc est corpus meum*, &c. loquens de Corpore suo vero ac propriè dicto; quod consequenter dedit, in, cum, & sub pane. *Resp.* Christus procul dubio habuit humanam naturam veram ac propriè dictam; & Corpus tale in prædicatione dicitur de Pane: sed per metonymiam sacramentalem: unde non sequitur *συνστάα*.

Obj.

Obj. 2. Fideles vere percipiunt ipsum Christum, &c. *Resp.* Accipiunt per fidem: eaque est res significata hujus Sacramenti.

LI. In *Miffa* infuper fingitur verum Sacrificium propitiatorium, ità ut propriè dictum Corpus & Sanguis Christi sub speciebus Panis ac Vini offeratur Deo, ad impetrandam remissionem peccatorum pro viventibus & mortuis. Plenius autem *refurabitur* istud commentum, si consideremus Altare, Sacrificium, Sacrificationem, & eos pro quibus Sacrificatio dicitur peragi.

1. Ad *Altare* quod attinet; nullum externum existit, quod Christum sanctificare potuit, vel potest: Sed ipse idem Sacerdos, & Sacrificium, se per Spiritum suum Deo obtulit inculpatum: *Hebr.* 9, 14. *Joh.* 17, 19. Confer *Exod.* 27, 1, - . xxix, 37. xxxviii. 1, - . xl, 10, 29. *Levit.* 8, 11. cum *Matth.* 23, 19. Quare Apostolus *Hebr.* 13, 10. *Habemus altare, ex quo edendi non habent jus qui tabernaculo cultum præstant.* Quibus verbis aperte indicat, nunc sub N. T. non querendum Altare aliquod terrestre; sed ipsum Christum solum. Quoniam igitur nunc non datur externum aliquod Altare, secundum tabulas Novi Fœderis; absurdè fingitur adhuc verum Sacrificium propitiatorium, quotidie Deo offerendum.

2. Quod ad *Sacrificium*; hoc unicum est pro N. T. Corporis sc. Christi ad mortem transfixi, & Sanguinis effusi. *Hebr.* 9, 25, 26. *Neque ut sæpe offerat Semet ipsum: -- (Alioquin oportuisset Eum sæpe passum fuisse à jacto mundi fundamento:) sed nunc semel in consummatione sæculorum, & ad peccatum per immolationem Sui ipsius è medio tollendum, factus est conspicuus. x. 14. Unica oblatione consummavit in perpetuum eos qui sanctificantur.* Atqui verum Corpus Christi nunc non amplius obnoxium est morti, &c.

3. Quod ad *Sacrificationem*; hæc vere unica est, in

externa visibili Corporis Christi super ligno crucis transfixione, & Sanguinis effusione, ac morte ipsius, semel peracta. *Hebr.* 7, 27. *Hoc fecit semel, cum semet- ipsum obtulit.* ix, 12, 14. *Per proprium sanguinem ingressus est semel Sacrarium, aeternam redemptionem nat- us, &c.* x, 10. *Sanctificati sumus per oblationem cor- poris Jesu Christi semel factam:* Adde, 12, 14. *Rom.* 6, 9, 10. *1 Petr.* 3, 18. Item *Hebr.* x, 1, - 5, 18.

4. Quantum verò ad eos, *Pro quibus peracta est, vel perageretur, Sacrificatio;* Christus unica oblatione om- nia singulorum electorum peccata expiavit; *Hebr.* 10, 14. *1 Tim.* 2, 6. Atque hoc singulis fidelibus in recto usu Coenæ Dominicæ obsignative applicatur: *Luc.* 22, 19, 20. *1 Cor.* xi, 23, - 29, x, 16, 17.

Contra vero Missa per quam absurde dicitur offerri in remissionem peccatorum pro vivis & mortuis. Mortuos autem illi intelligunt in Purgatorio laboran- tes. Atqui remissio jam pridem perfectissime fuit impetrata; adeo ut nova adhuc impetratio, nihil aliud sit, quam impia perfectissimi Sacrificii Christi abnegatio. Simili absurditate statuunt, Missam spe- ctatoribus & absentibus quoque prodesse; alienis ab Ecclesia, convertendis servire; imò etiam rebus aliis ad homines pertinentibus.

LII. *Obj.* 1. *Gen.* 14, 18, 19. Melchizedekus, Sa- cerdos Dei altissimi, obtulit Panem & Vinum. Ita præfiguratum fuit Sacrificium Missæ. *Resp.* Imò pro- tulit, מִצִּיתָהּ; atque istis ferculis Abrahamum cum suis copiis refecit.

Obj. 2. Quædam in S. Scripturâ occurrunt de Al- tari, Suffitû, & Sacrificiis sub N. T. futuris, præter unicum Sacrificium Christi. Ergò, &c. *Resp.* Ista metaphoricè & spiritualiter sunt intelligenda de cul- tû Divino, precibus, gratiarum actionibus, eleē- mosynis, omnibusque bonis operibus: *Jes.* 19, 19, 20, 21.

20; 21. *Mal.* 1, 11. Confer *Rom.* 12, 1. *Phil.* 4, 18. *Hebr.* 13, 16.

Obj. 3. *Chriſtus dixit; Facite hoc ad Mei commemorationem; 1 Cor.* XI, 24, 25. *Facere* autem ad *Sacrificia* pertinet. *Reſp.* Imo verbum iſtud latiffime patet; & pro ſubjecta materia debet exponi: ſed à genere ad ſpeciem non valet illatio affirmativa.

Obj. 4. *Act.* 13, 1, 2. Doctores aliqui Antiocheni dicuntur fuiſſe λειτουργῶντες, hoc eſt ſacrificantes, ſive officium Miſſæ celebrantes. Ergò. *Reſp.* Verbum λειτουργεῖν generatim ſignificat *Ministrare*. Ità Angeli *Hebr.* 1, 14. appellantur λειτουργικὰ πνεύματα, *miniſtratorii ſpiritus*. Et *Rom.* 13, 6. de Principibus & Magistratibus Politicis, λειτουργοὶ Θεοῦ εἰσὶ, *Miniſtri Dei ſunt*. Atque ità dicitur, quòd Doctores Antiocheni fuerint λειτουργῶντες, *miniſtrantes Deo cum jejunio*, ſed nihil in ſpecie de Sacrificio Miſſæ.

LIII. *Cæna Dominica ſinis* eſt, fidelis ac grata recordatio Chriſti pro nobis crucifixi atque oblatis, ad ſpiritualem Ipſius ac beneficiorum ex Ipſo promanantium communionem; *1 Cor.* XI, 24, 25. dum corda habemus ſuſum elevata ad Dominum, in cœleſti gloriâ viventem, ibique manſurum donec noviffimo die revertatur ad extremum iudicium, & plenam noſtri glorificationem: *1 Cor.* XI, 26. Aliter ſe habet *Miſſa*; ubi Chriſtus ſecundum humanam naturam deorſum quæritur; ſub ſpeciebus Panis ac Vini: & ore manducari fingitur, ad percipiendam remiſſionem peccatorum, aliaque tum ſpiritualia, tum corporalia beneficia.

Sed *Adjuncta* quoque luſtrems! *Cæna Dominica* univerſam peccatorum remiſſionem, atque integram ſalutem, nobis obſignat in Chriſto ſolo, ejusque oblatione unicâ poſitam: *Luc.* 22, 19, 20. Sed *Miſſæ* farrago, Sanctorum merita, atque invocationem

Idololatricam, includit. Et Panem consecratum, pro ipso Christo, in Missa, & extra eam, adorandum proponit.

Illa administratur linguâ populo notâ: hæc verò ignorâ.

Illa administratur ritibus à Christo institutis, hæc instrumentis, vestibus, gestibus, ritibus, &c. ab hominibus confectis.

XIV. Nunc videamus de *falsis Sacramentis*! Sunt autem ea, quinque *Pontificiorum*; *Confirmatio*, *Pœnitentia*, *Unctio extrema*, *Ordinatio*, & *Matrimonium*: quæ hoc versiculo continentur;

Ordino, Conjungo, Confirmo, Pœnitet, Ungo.
Sic illi in universum *septem Sacramenta* statuunt, hoc versiculo comprehensa;

Abluo, Firmo, Cibo, Piget, Ungit, & Ordinatio, Uxor.
Confirmatio illis est Sacramentum, quod baptizatis adolescentibus, vel adultis, confertur ab Episcopo (aut saltem ejus Suffraganeo) in fronte, per sacrum chrisma, additis solennibus verbis (*Signo te signo crucis, & confirmo te oleo salutis, in nomine Patris, Filii, & Spiritus Sancti*) & inflictâ maxillæ alapa, ac data deinde *Pace*, adhibito etiam *Compatre*, potissimum circa tempus *Pentecostes*: ut sic fides corroboretur; & homini Christiano ad nomen Domini, quando-cunque opus est, intrepide profitendum, animus addatur.

Sed *opponimus* huic commento, 1. Sacramentum confirmationis & corroborationis spiritualis, est nobis ipsa *Coena Dominica*, secundum S. S. Literas. Aliud ignoramus

2. Istius Confirmationis, neque materia, neque forma, neque adjuncta, neque finis talis, comparent in S. Literis: unde concludimus, non esse verum N. T. Sacramentum.

3. Absurde Episcopus, alapam interim infligens, perso-

perſonam Diaboli, hominem ſuis colaphis exercen-
tis, ſuſtinet. Confer 2 *Cor.* 12, 7.

4. Perperam ritus iſte ab hominibus inſtitutus di-
citur characterem indelebilem animæ imprimere,
gratiam baptiſmalem perficere, &c. atque eatenus
ipſi Baptiſmo præſtare.

Obj. 1. 2 *Cor.* I, 21, 22. memoratur confirmatio
ibid. & 1 *Job.* II, 27. unctio. Ergò. *Reſp.* Iſtic ma-
niſeſtè agitur de confirmatione & unctiōe ſpiritu-
ali, per Spiritum Sanctum.

Obj. 2. Apoſtoli, *Act.* 8, 15. leguntur baptizatis
impoſuiſſe manus, &c. *Reſp.* Hæc manuum impoſi-
tio tunc iis ſignificabat ſuperventura in ipſos extraor-
dinaria Spiritus Sancti dona, adeoque nunc non am-
plius obtinet, poſtquam hæc dona ceſſârunt. Con-
fer *Actor.* 19, 6. x. 44, 48. itemque *Matth.* 7, 12.
1 *Cor.* 13, 1, 2.

L V. *Pœnitentia* hoc loco non conſideratur, ut eſt
converſio hominis à vana converſatione ad Deum ve-
rum, quâ primùm vita in melius mutatur: ea enim in
adultis Baptiſmum antecedit; neque vim Sacramen-
ti habet, juxta ipſos Adverſarios. Illi enim ſtatuunt,
hanc eſſe Sacramentum novæ Legis, à Chriſto poſt
reſurrectionem ſuam inſtitutum, iis qui poſt Bap-
tiſmum laberentur, & peccata ſua confiterentur, &c.
tanquam alteram tabulam poſt naufragium, admi-
niſtrandum à Sacerdotibus, per iſta verba; *Ego te*
absolvo in nomine Patris, &c. Licet non deſint ca-
ſus reſervari. Sed cum in tota illa actione, prout à
Pontificiis deſcribitur, nullum externum viſibile ele-
mentum detur, ad quod Verbum inſtitutionis &
promiſſionis, accederet, ut fieret Sacramentum;
neque ſignum audibile ex inſtituto Divino efficax ad
effectum ſpiritualem, (quod tamen ipſi Adverſarii in
omni Sacramento requirunt) hanc pro Sacramento
non eſſe habendam; extra dubium eſt.

Accedit, quod non conveniat inter illos de formâ hujus Sacramenti; aliis absolutionem statuentibus & formam & materiam simul; aliis formam duntaxat. Sed nihil istorum auctoritate SS. Literarum nititur.

LVI. *Sacramentum extremæ unctionis* vocant; cum homo infirmus, qui jam videtur moriturus, sed pœnitentiam agit de peccatis suis, per Sacerdotem in certis corporis membris ungitur oleo, quod Episcopus consecravit, efficaciter (ex eorum opinione) conferente remissionem reliquiarum peccati; ad mentis relevationem, atque corporis sanitatem, siquidem ita expediat, recuperandam.

Ex hâc descriptione satis apparet, 1. nullam esse talem Divinam institutionem.

2. Non esse Divinam promissionem gratiæ spiritualis justificantis & sanctificantis istis cerimoniis annexam.

3. Neque analogiam, ad spirituales istiusmodi effectum, Divinitus propositam.

4. Neque statam & perpetuam cerimoniam, Ecclesiæ catholicæ præscriptam. Atque adeo non esse Sacramentum.

Obj. 1. *Marc.* 6, 13. Apostoli dicuntur multos ægros oleo unxisse, eosque sanasse, &c. *Resp.* Istud ad donum & opus miraculosæ sanationis manifeste pertinet. Gratis autem dicunt, istam unctionem præfigurasse suam sacramentalem.

Obj. 2. *Jac.* V, 14, 15. jubentur fideles ægrotantes, Presbyteros Ecclesiæ ad se vocare; qui eos oleo ungerent in nomine Domini, addita oratione; cum spe obtinendæ sanationis, & remissionis peccatorum; &c. *Resp.* Etiam iste locus manifeste agit de miraculosâ sanatione, cujus symbolum erat talis unctio. Verum cessante isto effectû temere adhibetur symbolum. De remissione peccatorum conditionaliter loquitur Apostolus, &c. fatente etiam Card. *Cajetano* ad locum.

LVII. Suc-

LVII. Succedit *Sacramentum Ordinis*, quod vocant. In Eccleſiâ Dei *omnia decenter & ordine fieri debere*, juxta I Cor. 14, 40. in confefſo eſt. Atque adeo neminem niſi legitime vocatum, Miniſterium in ea exercere poſſe: quod cap. 20. probabitur.

Pontificii communiter ſeptem ſtatuunt *Ordines*: quatuor minores; Oſtiariorum, Lectorum (quibus Cantores fere accenſentur,) Exorcistarum, & Acoluthorum: tres autem majores; Subdiaconorum, Diaconorum, & Presbyterorum, (quibus fere Episcopos accenſent.) Vulgò unumquemque Ordinem dicunt eſſe Sacramentum, materiâ, forma, & effectu proprio diſtinctum; nec tamen eſſe plura Sacramenta. Alii tamen ſolum Presbyteratum Sacramentum eſſe contendunt, &c.

Quantum ad *materiam*; in Ordinibus majoribus Signa adhibent duplicia; impoſitionem manuum ſcil. & traditionem instrumentorum; utpote Calicis & Patinę in Presbyteratu, &c. *Formam* conſtituunt in verbis, quibus Episcopus tunc utitur: ex. gr. in ordinatione Presbyteri; *Accipe poteſtatem offerre ſacrificium Deo, miſſasque conſecrare, tam pro vivis quam pro defunctis in nomine Domini.* In ordinatione Diaconi; *Accipe poteſtatem legendi Euangelium in Eccleſia Dei,* &c. In ordinatione Acoluthi; *Accipe ceroſerarium cum cereo; & ſcias, te ad accendenda Eccleſiæ luminaria mancipatum.* &c.

Effectum vulgò geminum faciunt; quòd iſtud Sacramentum gratiam conferat, & characterem in anima ordinati imprimat, in majoribus ſaltem Ordinibus. Verum iſta omnia humanę conſtitutionis ſunt, & errorum plena,

Obj. I Tim. 4, 14. & 2, I, 6. commemoratur gratia à Timotheo accepta, per manuum impoſitionem. Ergò. *Reſp.* 1. Iſtic non agitur de gratiâ juſtificante & ſanctificante, quę Sacramentis propriè obſignatur. 2. Idem ritus olim etiâ adhibitus fuit in qualicun-

licunque collatione extraordinariorum donorum Spiritûs Sancti. Sic nullo modo inde probatur Sacramentum.

L VIII. De *Matrimonio Pontificii* recentiores statuunt, illud esse Sacramentum verè ac propriè dictum

Nos breviter *opponimus*; 1. non esse à Deo, aut Christo, institutum, ut Sacramentale signum; aut sigillum gratiæ justificantis ac sanctificantis.

2. Nec promissione de gratiâ illâ, in ejus usû exhibendâ, munitum.

3. Nihil esse in Christianorum matrimoniis, quo fidelium matrimonia sub V. T. caruerint; cum tamen *Pontificii* fere contendant, illud Novi T. duntaxat Sacramentum esse.

4. Neque certam aliquam formam pro ejus administratione Divinitus esse præscriptam. Unde ipsi Adversarii multum dissentiunt de assignandâ materiâ & formâ istius Sacramenti: alii enim materiam constituunt in verbis consensum exprimentibus: alii in ipso consensû; alii in personis, aut corporibus contrahentium; alii in ritibus quibusdam visibilibus, qui Ecclesiastica benedictione adhibentur: formam vero, vel in verbis contrahentium, quibus consensum declarant; vel in verbis à Sacerdote prolatis, &c.

Obj. 1. *Ephes.* 5, 32. diserte vocatur Sacramentum. Ergo. *Resp.* Istic *Mysterium*, pro quo Vulgata Versio habet *Sacramentum*, non ad Matrimonium ipsum; sed ad Spiritualem Christicum Ecclesiâ unionem, refertur: quod etiâ *Cajetanus* agnovit.

Obj. 2. *1 Tim.* 2, 14. *Servabitur tamen liberos gignendo, si manserint in fide, & charitate, ac sanctimonîâ, cum moderatione.* Ex istâ promissione salutis sequitur, Matrimonium esse Sacramentum. *Resp.* Apostolus ibi consolatur feminas adversus molestias in liberorum procreatione: itâ salutem iis promittit, si virtutibus ibi assignatis serio & constanter operam dederint;

rint: ſed nullo modo dixit, ipſum Matrimonium iſtius ſalutis ſignum & ſigillum eſſe; atque adeò Sacramentum.

LIX. Sed & *Anabaptiſtæ* quidam duobus veris Sacramentis accenſent *Lotionem pedum*: quam etiã inter *Remonſtrantes* adoptavit *Adolphus Venator*. Hanc autem potiffimùm probare conantur, ex *Joh.* 13, 4, 16. Verum Chriſtus ibi Sacramentum non inſtituit: ſed lavando pedes Diſcipulorum ſuorum, iſto exemplo ad quælibet officia charitatis ſibi invicem humiliter præſtanda, eos extimulare voluit; atque iſtâ occaſione de ſpirituali ablutione ac puritate etiã diſſeruit.

LX. Pro *Praxi*; 1. Exploremus nos ipſos, an Spiritum obſignantem verè habeamus: 2 *Cor.* 13, 5. cum 1, 21, 22. Eum ne extinguamus, quantum in nobis eſt: neque dolore afficiamus: 1 *Theſſ.* 5, 19. *Eph.* 4, 30.

2. Qui baptizati ſumus, ſpeciatiim verò in infantia, admirandam iſtam gratiam fœderalem, ſic nobis applicatam & obſignatam, piã animi oblectatione agnoſcamus, & meditemur identidem: *Aſ.* 8, 39. II. 39. *Pſal.* 20, 10, 11. Jugitur expendamus inſitionem noſtri in Chriſto, ad juſtificationis certitudinem ſubjectivam, & ſanctificationis incrementum quotidianum: *Rom.* 6, 3, 6. atque item inſitionem in corpore Eccleſiæ, ad mutuam parilem communionem bonorum ſalutarium, & praxin charitis non ſimulatæ: *Gal.* 3, 26, 29. *Rom.* 12, 3, 10. 1 *Cor.* 12, 12, 27. *Eph.* 4, 1, 7, 13, 16,

3. Ad uſum Cœnæ Dominicæ, quoties occaſio datur, debitè nos exploremus, præparemus, accedamus, cum pio deſiderio: 1 *Cor.* 11, 28, 29. *Luc.* 22, 15. cum fame ac ſiti juſtitix Chriſti, & reliqui alimenti ſpirituſalis: *Matth.* 5, 6. *Apoc.* 22, 17. cum *Joh.* 6, 27, 33, 35, 48, 50, 51, 53, 58.

4. Iſtam Corporis & Sanguinis Chriſti communionem

nionem rite æstimemus ac meditemur: 1 Cor. 10, 16. XI, 24, 25, 26. In eâ agnoscamus peccatorum remissionem, & totius N. T. ratificationem: Matth. 26: 26, 27, 28. 1 Cor. XI, 24, 25, 26. Hebr. 9, 15, - 28. Sic in praxi vitæ spiritualis, ac verâ sanctimoniâ, corroboramur: Job. 6, 33, -. 1 Cor. 10, 3, - 12, XI, 20, - 34. Hebr. 9, 13, 14. & ad mutuam charitatem excitamur: 1 Cor. 10, 17, XII, 13, - 27.


5. Quæ veris Sacramentis falsò & superstiosè adjecta sunt, tanquàm characterem Bestiæ, refugiamus: Deut. 4, 2. v, 32. XII, 32. Gal. 1, 8, 9. III, 15. Apoc. 13, 16, 17.

C A P. X I X.

De Glorificatione.

GLorificatio, Actio realis. Termini. 1. Christi in eâ efficientia: & nexus cum aliis beneficiis, 2. Inchoatio ejus in hâc vitâ. 3. Bona ejus. 4. Alii fructûs. 5. Expectatio. Contrarium. 6. Consummatio. Mors fidelium. 7. Probatur beata existentia cum Christo. 8. De animabus impiorum. 9. Purgatorium Pontif. refut. 10. Objectiones solv. 11. Limbus Patrum refut. c. eosd. 12. Atque item Limbus infantium. 13. Glorificatio integrarum personarum. Gloriosa resuscitatio. Subjecta. Causa efficiens. 14. Duo actus. Prob. 15. Eorundem numero corporum: c. Socin. 16. Objectiones solv. 17. Transmutatio fidelium superstitum. 18. Resuscitatio improborum, etiâ in iisdem corporibus. 19. Judicium extremum. Actus Christi Regis. Patres fidelium. 20. Judicandi Angeli; &

& Homines. 21. *Sententia justificatoria.* 22. *Condemnatoria.* 23. *Tempus. Prædictiones. Locus.* 24. *Executio æterna in improbis.* 25. *Gradus pœnarum. Causa efficiens. Societas. Locus.* 26. *Objectiones solv.* 27. *Executio in fidelibus. Beatitudo qualis.* 28. *Societas. Locus. Duratio.* 29. *Quæ abfutura. Quæ adfutura. Gradus gloriæ.* 30. *Mundus non annihilandus. Obj. solv.* 31. *Praxis.* 32.

I.  Uccedit, *Glorificatio*; actio realis, quâ homines redempti & justificati ex conditione miserâ & vili reipsâ transferuntur in statum gloriosum ac verè felicem. *Rom. VIII, 30. Quos justificavit, eos etiam glorificavit.*

Actionem realem dicimus; quia realem transmutationem in istis hominibus efficit.

Terminus à quo, est conditio misera, vilis, & ignominiosa; per turpitudinem peccatorum. *Rom. 3, 23, Omnes peccaverunt, ac deficiuntur gloriâ Dei. Hos. 4, 7. Gloriam eorum ignominiam commutabo. Psal. 14, 3. Ies. 64, 6. Jerem. 3, 24, 25.*

Terminus ad quem, est status felix, bonorum (præcipuè spiritualium ac coelestium) copiâ affluens, & maxime gloriosus: *Psal. 33, 12. Beata gens, cujus Iehovah est Deus; populus, quem elegit hereditatem sibi. xxxvi, 8, 9, 10. Eph. 1, 3. 2 Cor. 3, 18. 1 Petr. 1, 8.*

II. Hanc salutem nobis impetravit, atque etiam nunc in humanâ quoque naturâ exaltatus *æd' òiugvov* efficaciter applicat, Christus: *Matth. 20, 28, Filius hominis - dedit animam suam redemptionis pretium pro multis. 1 Tim. 2, 5, 6. Eph. 1, 5, - 8, 12. 1 Petr. 1, 18, 19.* Ista autem gloria, licet in Justificatione nobis

bis adjudicetur ; tamen per hanc actionem in nos confertur realiter : unde hæc metonymice quoque *Redemptio* appellatur , *Rom.* 8, 21, 23. *Eph.* 4, 30. Ad hanc etiam vocati sumus : 2 *Petr.* 1, 3. *Vocavit nos ad gloriam ac virtutem.* Quodque per Regenerationem primum in nobis productum est ; per Sanctificationem verò , Conservationem , & Corroborationem continuatur & perficitur ; & per Ob signationem ad subjectivam certitudinem magis applicatur ; idem , quatenus decorem , felicitatem , & gloriam in se continet , ad præsentem hanc actionem quoque pertinet.

III. Spectanda est Glorificatio , *tum* ut inchoata in hac vitâ ; *tum* ut perfecta post hanc vitam.

In hac vitâ consistit in restauratâ imagine Dei , & inchoatâ conformitate Christi ; quæ utique gloriosa est. Hinc 1 *Cor.* XI, 7. conjunguntur *Imago* & *Gloria*. Confer *Rom.* 3, 23. Hæc est præsens quædam beatitudo , & vita æternum duratura. Vide *Rom.* 4, 5. *Matth.* 5, 3, - 11. *Joh.* 3, 36. XVII, 3. Confer *Eph.* 4, 18. 1 *Joh.* 3, 15.

In hac vita gloriosâ inest viva apprehensio & certus sensus , amoris Dei ; ex unione & communione , quam cum Ipso habemus per Christum : 1 *Joh.* 1, 1, 3, 4. -- *Communio nostra fuit cum Patre ; & cum Filio ejus Jesu Christo.*

IV. In istâ unione & communione inest 1. maxime sublimis ac beatissima Amicitia , & Familiaritas : *Joh.* 15, 15. *Vos dixi amicos.* *Jac.* 2, 23. *Amicus Dei vocatus est.* *Eph.* 2, 19. III, 15.

2. Participatio locupletissima spiritualium donorum gratiæ : *Col.* 2, 2, 7, 10. *Ipsis charitate compactis , & omni opulentia certioratæ intelligentiæ , &c.* atque ita amplius introitus in Regnum Dei : 2 *Petr.* 1, 8, 11.

3. Beatissima experientia benevolentiæ ac beneficentiæ Divinæ : *Psal.* 31, 20. *Quam multum est Bo-*

num Tuum, quod seposuisti mentibus Te! &c. lxxv, 5. Nehem. 2. 8. Rom. 8, 28.

4. Subjectiva certitudo perseverantiæ ac salutis æternæ: Rom. 8, 38, 39. Cui adjungitur indubitata spes gloriæ cœlestis: Rom. 5, 2. & libertas in omni necessitate adeundi ad Deum cum fiduciâ: Eph. 2, 18. III, 12. Hebr. 4, 16. x, 22.

V. Ex superioribus sequuntur alii fructus præclari: utpotè *Consolatio* adversus mala tristitia: estque doloris aut metûs opprimentis relevatio, per auxilia in Christo, tum suppeditata, tum promissa: 2 Cor. 1, 3, 4, 5. *Per Christum redundat consolatio nostra.* Job. 16, 33, 1 Job. 5, 4. Rom. 8, 37. Col. 2, 2 *Ïes.* 40, 1.

Per universam vitam hominis fideles se porrò diffundunt solida Pax & Gaudium. Rom. 14, 17. *Regnum Dei est Pax & Gaudium.*

Pax ista est animi tranquillitas in Deo & Christo, ratione salutis jam inchoatæ, & postmodum consummandæ: Phil 4, 7. *Pax illa Dei, quæ superat omnem mentem, præsidio custodiet corda vestra, & cogitationes vestras, in Christo Ïesu.* Ephes. 2, 14 Confer *Ïes.* 9, 6. Job. 14, 27.

Gaudium verò est animi delectatio in unione & communione summi boni: I Job. 1, 3, 4. *Communio nostra sit cum Patre, & cum Filio ejus Iesu Christo. Et hæc scribimus vobis, ut Gaudium vestrum sit plenum.* Phil. 4, 4. *Gaudete in Domino semper.* I Petr. 1, 7, 8, Psal, 4, 7. 8. Luc. 10, 20. cum Matth. 25, 21, 23. Job. 16, 11.

VI. Ista igitur est *Glorificatio inchoata*; Primitiæ Spiritûs; Rom. 8, 23. messes plenam certissimè promittentes, atque in adversis nos subsistere & victoriam obtinere facientes: I Petr. 4, 14.

Contraria est conditio impiorum; vere turpis, impura, vilis, ignominiosa. Deo omnibusque sanctis abominabilis. Hinc adjuncta & effecta tristissima; inquietudo,

tudo, terror, desperatio, exitium denique omnium eorum qui in eo statu perseverant. *Ies.* 48, 21. *Non est pax (dicit Iehovah) impiis.* *lvii*, 20, 21. *Prov.* 28, 1. *Fugiant, tametsi nemo persequatur.* *Psal.* 73, 18, 19, 20. *Iudæ*, 13. *Rom.* 1, 28. *II*, 15. *Eph.* 4, 18, 19. *Ioh.* 8, 14. *Prov.* 1, 26, 27; 31, 32.

VII. *Post hanc vitam* consummabitur Glorificatio: liberabimur enim ab omni imperfectione in animâ & in corpore, atque omnis perfectio nobis communicabitur: *I Cor.* 13, 9, 10, 12. *Ex parte cognoscimus: — Postquam autem advenierit quod perfectum est; tunc quod est aliquatenus, abolebitur.* &c. 2: 5, 1, - 8.

Hæc autem Glorificatio spectanda est *tum* in anima separata, *tum* in personâ integra.

Mors temporaria & corporalis adhuc evenit fidelibus; non tamen ut poena stricte dicta; sed ut transitus in vitam æternam, & depositio reliquiarum peccati. Atque ita gradatim salus applicatur. Plenissima autem applicatio fiet novissimo die: *Rom.* 8, 10, 11. *I Cor.* 15, 20, 22, 23; 26. Infidelium alia est ratio, super quos ira Dei permanet: *Ioh.* 3, 36. & quos ea occupavit ad extremum usque; *I Thess.* II, 16.

VIII. Sic igitur *animæ fidelium*, à corporibus suis separatae, à reliquiis peccatorum, aliarumque miseriarum, pro suâ parte liberantur, & ad perfectionem sanctitatis ac gloriæ, cum Christo apud Deum in cœlo percipiendam, statim transeunt. Hinc 1. *Eccl.* 12, 7. *Revertitur pulvis in terram; & spiritus ad Deum, qui deducit illum.* Quod de singulis quidem morientibus accipiendum; de fidelibus autem, ut vero statui gloriæ convenit. De his specialius, *Ies.* 57, 2. *Ingredietur in pace, requiescent in cubilibus suis,* &c. *Hebr.* 12, 23. *Spiritus justorum consummatorum.* *Apoc.* 14, 13. *Beati ab hoc tempore mortui, ii qui in Domino moriuntur.* Etiam dicit Spiritus: ut requiescant à laboribus suis, &c. *Ioh.* 5, 24. *Qui credit, — habet vitam æternam;*

& in condemnationem non veniet : sed transiit à morte in vitam.

2. Huc pertinent exempla, Latronis post mortem statim in Paradisum migrantis, *Luc. 23, 43. cum vers. 46.* & 2 *Cor. 12, 3, 4*, Animarum eorum, qui *maestati fuerant propter Verbum Dei, - . Clamabant autem voce magna ; dicentes ; Usque quò , &c.* Tum datae sunt singulis stolæ albæ ; & dictum est , *ut requiescerent adhuc paululum temporis, &c.* *Apoc. 6, 9, 10, 11.* Confer *vii, 9, 10, 14.* Item *Luc. 16, 22, 25, 27 ; - 31.* de animâ Lazari ab Angelis in sinum Abrahæ transportati, &c.

3. Accedit fides solida, & certa spes, filiorum Dei. Hanc exprimit Apostolus, *Phil. I, 21, - 24. - Constrictus utrimque teneor, desiderio tendens ad dimissionem, & ut cum Christo sim.* & 2 *Cor. 5, 1, - 8.*

IX. De *animabus* verò *impiorum*, secundum SS. Literas dicendum ; quod post separationem à corporibus iusto Dei iudicio ablegentur in infernum : atque illic cruciatûs & pœnas peccatorum suorum perfe- rant, Hinc 1. ratione loci, Judas proditor dicitur *abisse in sutum locum, Act. I, 25.* Ac similiter damnatus epulo, *in locum tormenti venisse ; Luc. 16. 28.* Item- què 1 *Petr. 3, 19, 20.* memorantur *spiritus* existentes *in carcere, - qui olim non paruerunt sermoni.* Confer 2 *Petr. II, 4.*

2. Ratione verò cruciatuum & pœnarum, qua- les videl. naturæ spirituali conveniunt ; Sodoma & Gomorra, iisque finitimæ civitates, h. e. animæ illorum hominum, dicuntur *sustinere pœnam ignis æ- terni.* Et Epulo, *gravissimè cruciatus in flamma : Luc. 16, 23, 24, 25.*

3. Neque omittenda gravis præmonitio Christi, de metuendo Illo, qui *postquam interemit corpus, potesta- tem habet conjiciendi in gehennam ; Luc. 12, 4, 5.*

Obj. Eccl. III, 19, 20, 21. dicuntur *filii hominum mori,*

sicuti animal, &c. Resp. Istud intelligendum est de accidentibus externis & visibilibus, in morte hominum & bestiarum. Quod vero conditio hominum coram Deo, plurimum differat à conditione bestiarum, satis patet ex vers. 17. *Iustum & impium judicabit Deus.* ac porro, XI, 9. XII, 7, 12, 13.

X. Pontificii pro fidelibus, qui in peccatis venialibus moriuntur, statuunt locum aliquem intermedium, ubi pro culpa sua justitiæ Divinæ satisfaciant, & per poenas purgentur; donec postea ad coelestem beatitudinem admittantur. *Purgatorium* appellant; & carcerem aliquem subterraneum, inferno proximum, aut contiguum, existimant. Sed I. Scriptura tantum duo loca animarum separatarum agnoscit, unum gloriæ, alterum damnationis, atque indicat, unumquemque permanere in eo loco, in quem statim à morte transit. Eccl. XI, 3. *Si ceciderit arbor ad Austrum, sive ad Aquilonem; in quem locum ceciderit ipsa arbor, ibi erit.*

2. Christus plenissime pro peccatis electorum justitiæ Divinæ satisfecit; adeò quidem ut nulla satisfactio ab iis exigì possit. Hebr. 10, 14-18. *Unicâ oblatione Christus in perpetuum Consummavit eos qui sanctificantur.* Et quia per Christi satisfactionem extinctus est omnium peccatorum nostrorum reatus, *sanguis* ejus dicitur nos *Purificare ab Omni peccato*; I Ioh. 1, 7. Nullum ergò peccatum reliquum est, à quo purgari deberemus tali Igne purgatorio.

3. Idem patet ex naturâ Justificationis, quæ plenam remissionem omnium peccatorum complectitur; adeò ut nulla amplius pro iis satisfactio exigenda sit. Rom. IV, 6, 7, 8. *Sicut etiam David* (Psal. 32, 1, 2.) *Declarat beatum eum hominem, cui Deus imputat justitiam absque operibus*: dicens; *Beati, quibus remissæ sunt Legis transgressiones; & quorum tecta sunt peccata*, -. v, 1, 2. *Iustificati igitur ex fide, pacem habemus apud Deum*, -. 9. *Iustificati nunc Ejus sanguine,*

ne, servabimur multo magis per Eum ab ira, VIII, 1. Nulla nunc est condemnatio iis qui sunt in Christo Iesu. Ergo nec temporalis illa condemnatio in Purgatorio. 33, 34. *Quis intentabit crimina, &c.*

4. Distinctio peccatorum in mortalia & venialia, quæ Purgatorio subternitur, caret fundamento; & confutata est sup. cap. 10. th. 43.

XI. *Obj. Matth. 5, 25, 26.* Christus loquitur de carcere; unde qui in eum essent coniecti, non forent liberandi ante persolutum ultimum quadrantem: iste autem est Purgatorium: ex inferno enim nulla unquam fit liberatio. *Resp.* Sed minimè dicit, homines post hanc vitam posse ultimum istum quadrantem persolvere; & sic liberari: ad ipsum igitur infernum istud pertinet.

Obj. 2. 1 Cor. 3, 15. Ipse verò servabitur, ita tamen ut per ignem. Scilicet Purgatorium. *Resp.* Apostolus allegorice loquitur de Doctoribus, solido ac salutari fundamento Christo superstruentibus vel doctrinas veras & utiles, vel incertas & inutiles - futurum autem, ut cuiusque opus manifestum fiat, ut dies ipsum declaret, & ignis probeat ac retegat. Verum iste non est ignis purgatorius & pœnalis post hanc vitam; sed probatorius etiam in hoc sæculo; dum opus Ministerii probabitur deinceps, per ipsum Verbum Dei, Spiritu efficaciter cooperante. Confer *Ierem. 23. 29. Mal. III, 2, 3. Matth. III, 11.* Interim salvandi sunt, quamvis ægrè, qui fundamentum retinuerint. Confer *Am. 4, 11. Zach. III, 2. 1 Petr. 4, 18.*

Obj. 3. Phil. II, 10. In nomine Iesu flectentur etiam genua subterraneorum. Hoc est, in Purgatorio laborantium. *Resp.* Indicatur ibi subiectio omnium creaturarum, etiam hostium, & damnatorum, ad Christum. Confer *Gen. 41, 43. Esth. 3, 2.* Item *Psal. 72, 9, 11. 1 Cor. 15, 25, 26, 27. Iob. 5, 27, 28, 29.*

XII. Præter istud Purgatorium, duos insuper Lim-

hos infernales falsò statuunt *Pontificii*; unum *Patrum* appellant, alterum *Infantium*. *Limbum Patrum* reliquis Inferni partibus, aut receptaculis, superiorem reputant; in quo patres, sive fideles V. T. fuerint detenti, donec per Christi ad inferos descensum ex eo liberarentur.

Verùm I. S. Scriptura talem locum non agnoscit.

2. Satisfactio & Meritum Christi *ἡ ἐξέλῃσι* etiam in istius temporis fidelibus efficax fuit: *Iesus Christus heri, & hodie idem est, & in sæcula*; Hebr. 13, 8. Confer *Att.* 15, 10, 11.

3. Quia fideles illi etiam justificati sunt per fidem: atque adeo non solum ab omni damnatione immunes fuerunt; sed etiam jus habuerunt ad ipsam cœlestem beatitudinem. Sic de Abrahamo, *Iac.* II, 23. *Credit Abraham Deo; & imputatum est ei ad justitiam, & amicus Dei vocatus est.* Confer *Rom.* IV, 1, - 5, 6, - 9. VIII, 30.

4. Christus localiter ad Limbum illum infernalem non descendit. Vide sup. cap. 12. th. 57.

Obj. 1. *Zach.* 9, 11. *Emisi vinctos tuos de cisternâ, in quâ non est aqua.* Hoc autem pertinet ad istum Limbum. *Resp.* Proximè pertinet ad liberationem ex captivitate Babylonicâ; ac porro ex omni miseriâ spiritali, juxta Evangelium.

Obj. 2. *1 Sam.* 28, 11, -. *Pythonissa* produxit *Samuelem*; non ex Cœlo, sed ex Limbo. Ergò. *Resp.* Non *Samuelem*, aut ejus animam; sed *Satanam*, qui *Prophetæ* personam mentiebatur: neque enim talis vir, ut *Samuel*, in potestate *Diaboli* & hominum nefariorum fuit post mortem suam. Vide *1 Es.* 57, 2. Nec *Deus Sauli* respondere voluit per media ordinaria: *1 Sam.* 28, 11, 15. nedùm per *Prophetam mortuum*. Vide *1 Es.* 8, 19, 20. *Luc.* 16, 30, 31. cum *2 Cor.* XI, 14. *Metaphoricè* autem vocatur *Samuel*: propter imaginem, aut similitudinem.

XIII. Lim-

XIII. *Limbus Infantium* fingunt receptaculum infernale, in quo infantes sine Baptismo mortui, poenam damni tantum, vel exigui saltem sensus, ferant.

Verum 1. Scriptura nihil de isto loco tradit.

2. Si infantes verè foederati fuerint, salutem iis promisit Deus: quæ gratia ad Baptismum jam præsupponitur; non demùm per illum confertur.

XIV. Succedit *Glorificatio integrarum personarum*, ad quam pertinent Gloriosa fidelium defunctorum Resuscitatio, publica eorundem in extremo iudicio Iustificatio, & Sententiæ istius Executio æterna ac beata.

Resuscitatio illa erit actio potens & gloriosa Christi, quâ Ipse cadavera omnium & singulorum fidelium suorum, quantumvis in pulverem redacta & dispersa, in consummatione sæculi restituet, gloriâ condecorabit, & animabus suis corpora singula reduniet, ad perfectam beatitudinem.

Subiecta recipientia Resuscitationis hujus gloriosa erunt cadavera Hominum fidelium; eaque omnia & singula. *Matth.* 10, 28. *Trucidant corpus; animam autem non possunt trucidare.* *Iob.* 5, 28, 29. *Qui in monumentis sunt, audient vocem Ejus. Et prodibunt, qui bona fecerint, in resurrectionem vitæ.* Item *Luc.* xx. 36. *Filii sunt Dei, cum sint filii resurrectionis.* *Rom.* 8, 29, 30. *Nam quos præscivit, etiam prædestinavit conformandos imagini Filii sui; - quos autem justificavit, eos etiam glorificavit.*

Causa efficiens primò est Deus: *1 Sam.* II, 6. *Iehovah - vivificat:* *Rom.* 4, 17. *2 Cor.* I, 9. *1 Tim.* 4, 18. Atque ita competit hoc opus Patri, Filio, & Spiritui Sancto: *Iob.* 5, 21. *Rom.* VIII, 11. per Divinam omnipotentiam: *Ephes.* I, 19, 20. *Phil.* III, 21. καὶ ὁ ἀνέστησεν. verò istud opus tribuitur Christo Mediatori, qui istam gloriâ impetravit; sic ipse à mortuis resurrexit; & membra sua etiam suscitabit:

Ioh. XI, 26. Dixit ei Iesus; Ego sum resurrectio & vita; qui credit in Me, etiamsi mortuus fuerit, vivet. Vide etiam Ioh. 5, 26, - 29. Ephes. II, 5, 6. I Cor. 15, 20, - 23. Hanc suam virtutem demonstravit Christus in miraculosa resurrectione Lazari; Ioh. XI, 23, - 27, 40, - 44. adolescentis filii matris viduæ; Luc. 7, 11, - 15. adolescentulæ filiæ Jairi; VIII, 49, - 54. & multorum sanctorum prædefunctorum circa mortem Christi; Matth. 28, 52, 53. Confer Act. 9, 37, - 41. xx, - 9, - 12. Item I Reg. 17, 17, - 23; 2, IV, 20, 32, - 37. XIII, 20, 21.

XV. *Ad modum resurrectionis pertinent duo actus. Prior est ipsa revivificatio: & complectitur cadaverum collectionem; animarum propriarum iteratam cum illis unionem; atque ita veram illorum per has informationem; & quidem talem, ut istæ personæ integræ deinceps futuræ sint, etiam ratione istorum corporum, immortales, incorruptibiles, gloriosæ. Posterior est vivificatorum egressus in occursum Domini. Illustris est illa visio quæ Ezechielii exhibita fuit, xxxvii, 1, - 10. Ossium siccorum, quæ colligebantur, vivificabantur, &c. Confer Apoc. xx. 12, 13. Atque ipse Christus, Ioh. 5, 28, 29. Veniet hora, qua omnes, qui in monumentis sunt, audient vocem Ejus. Et prodibunt, qui bona fecerint, in resurrectionem vitæ. Adde I Cor. 15, 37, - 44. I Thess. IV. 14, 16.*

Ista autem resurrectio fiet in consummatione sæculi, in adventu Domini, &c. Magnum hoc fidei mysterium ut contra Infideles asserimus; sic aliquot Argumentorum classibus probandum est. Huc pertinent 1. evidentissima quædam effata V. T. utpotè Dan. 12, 1, 2, 3. *Multi dormientium in pulvere terræ expergiscentur; hi ad vitam æternam, &c. Adde Job. 19, 25, 26, 27. Et Psal. 16, 9, 10. quæ prophetia sic ad Christum pertinet, ut ad membra Ipsius deinceps appli-*

applicari debeat suo modo. Item *Hof. vi, 2.*

2. Ex effatis quibusdam ipsius Christi in N. T. qualia extant *Iob. 5, 28, 29.* Adde *Matth. xxII, 29, 31, 33. 34.* ubi Salvator mortuorum resurrectionem adversus Sadduceos validè asserit.

3. Ex confessionibus & doctrinis Apostolorum: *Act. xxIV, 14, 15.* Paulus de se ipso. *Ut qui credam omnibus, quæ in Lege & in Prophetis scripta sunt; ac spem habeam in Deo, fore, quam etiam ii ipsi (Pharisæi) expectant, resurrectionem mortuorum.* *1 Cor. 15, 12, -.* *1 Theß. 3, 14, 16.* *Apoc. 20, 12, 13.*

4. Ex redargutione hæreticorum, contrariam opinionem foventium & spargentium: *2 Tim. 2, 16, 17, 18.* - *Qui circa fidem aberrârunt à scopo, dicentes, resurrectionem jam esse factam, &c.*

XVI. Quòd autem ista resuscitatio futura sit eorundem numero corporum, quantum ad ipsam substantiam attinet; qualitatibus ad incorruptionem & gloriam solum mutatis, probatur specialius contra *Socinianos*: 1. quia erit vera resuscitatio corporum ex pulvere terræ, ex monumentis, ex mari; secundùm loca *Dan. xII, 2.* *Iob. 19, 25, 26, 27.* *Iob. 5, 28. 29.* *Apoc. xx, 12, 13.* atqui hæc de ipsis corporibus intelligenda sunt necessariò.

2. Accedunt alia testimonia, de ipsis corporibus nunc humilibus, & mortalibus, aut mortuis, loquentia: *Rom. 8, 11.* *1 Cor. 15, 53, 54.* *Oportet enim corruptibile istud induere incorruptibilitatem, &c.* *Phil. 3, 20, 21.*

3. Huc etiam pertinent exempla: primò quidem & potissimùm ipsius Christi, qui eodem substantiâ corpore è sepulchro prodiit. Atqui Christus est nostrum caput; & primitiæ resurgentium à mortuis, in gloriosam vitam, factus est. Hinc Angeli ad mulieres, *Luc. 24, 5, 6.* *Quid inter mortuos quæritis eum qui vivit? Non est hic; sed suscitatus est.* Quapropter

Act. xxiv. 15. Resurrectionem mortuorum; tum justorum, tum injustorum.

2. Disertè docetur quoque resuscitatio ad ignominiam, damnationem, & horrorem: *Dan. xii, 2. Ioh. 5, 29.*

3. Iudiciū extremum, quod personarum resuscitationem prærequirit, erit universale; atque adeo infideles & improbos quoque complectetur: *Rom. II, 5, 6. Thesaurizas tibi ipsi iram, in diem iræ, & patefactionis iusti iudicii Dei; qui reddet unicuique secundum opera ipsius. 2 Cor. 5, 10. 2 Thess. I, 6, 7, 8.*

4. Consequenter improbi damnati, æternas pœnas perferent, anima & corpore pariter: quod mox probabitur. Ubi iterum supponitur eorum resuscitatio.

Obi. Resuscitatio peragetur à Christo; cum quo infideles non habent communionem: ergo illi non suscitabuntur. *Resp.* Resuscitatio fidelium à Christo quidem peragetur, ut ipsorum Capite & Salvatore: *Phil. 3, 21.* Infidelium vero ab eodem, tanquam iudice, ad iudicandum ordinato: *Act. 17. 31.*

XX. *Iudiciū extremum* est Actus Regni Christi quo ille novissimo die de creaturis rationalibus, visibiliter in nubibus Coeli justam sententiam pronuntiabit; atque mox executioni mandabit; justos quidem palam iustificando, & vitam æternam gloriosam judicialiter iis decernendo; injustos autem condemnando, & æternis cruciatibus ad iudicando.

Quod sit *actus Christi*, patet ex locis, *Ioh. 5, 22 Act. 17, 31.* Quod ad Regnum *Ipsius* pertineat; *Matth. 25, 31.* -- Cum venerit Filius hominis cum gloria sua, & omnes sancti Angeli cum Eo, tunc sedebit in Throno gloriæ suæ. Et congregabuntur coram Eo omnes gentes: & separabit eos, &c. Tunc dicet Rex iis, qui ad dextram *Ipsius* erunt, &c.

Ex postremo illo loco etiam liquet, Christum ad-

futu-

futurum cum magna demonstratione Majestatis, in propria sua humana natura; per aspectabilem quandam confessum in Throno glorioso, & cum sanctis Angelis, qui ipsi adsistent. Confer *Matth.* 24, 29, 30, 31. *1 Thess.* 4, 16. 2, 1, 7, 8. *2 Petr.* 3, 10, 12. *Iudæ*, 14, 15. *Apoc.* 20, 11, 12. *Psal.* L, 1, 6. Item *Exod* 19. 16, 18, 19. *Gal.* 3, 10. *Hebr.* 12, 18, 21.

Ipsi autem *fideles* etiam judicabunt cum & sub Christo; ejus justum judicium agnoscetes, & approbantes: quod quidem ad arctissimam illorum cum Christo unionem, Regni Ejus participationem, adeoque ipsorum gloriam pertinebit; simulque ad majorem damnatorum convictionem. Hinc *Matth.* 19, 28. *Sedebitis vos etiam in thronis duodecim, judicium ferentes.* &c. 1. *1 Cor.* 6. 2. 3. *An ignoratis, Sanctos mundum judicatu- ros? 2. an ignoratis fore, ut Angelorum judices simus?*

XXI. *Judicandi autem venient, tum Angeli, tum Homines.* De Angelis patet ex loco proxime allegato. Specialius vero ad malos Angelos refertur judicium condemnatorium; *2 Petr.* 2, 4. *Deus Angelis, qui peccaverunt, non pepercit; sed in tartarum detrusos catenis caliginis tradidit, damnationi asservatos.* *Iudæ*, 6. *Angelos, qui non servarunt suam originem, sed reliquerunt suum domicilium, judiciu magni illius diei vinculis æternis sub caligine servasse.* *Matth.* 25, 4. *Dicet iis, qui ad sinistram erunt; Execrandi, abite à Me in ignem illum æternum, paratum Diabolo & Angelis ejus.*

Sed *Judicium de Hominibus* magis est nostre considerationis: quod communiter proponitur *Ecc.* III, 17. *Iustum & impium judicabit Deus.* XII, 14. *Matth.* 25, 32. *Et congregabuntur coram Eo (Christo) omnes gentes; & separabit eos ab aliis, ut pastor oves ab hædis, &c.* *Act.* 17, 31. *Rom.* 2, 6, 16. XIV, 10, 12. *2 Cor.* 5, 10. *Apoc.* 20, 12, 13.

Obj. 1. *Ioh.* 5, 24. *Qui credit, non veniet in judicium.*

tudo, terror, desperatio, exitium denique omnium eorum qui in eo statu perseverant. *Ies.* 48, 21. *Non est pax (dicit Iehovah) impiis.* *lvii*, 20, 21. *Prov.* 28, 1. *Fugiant, tamen si nemo persequatur.* *Psal.* 73, 18, 19, 20. *Iudæ*, 13. *Rom.* 1, 28. *II*, 15. *Eph.* 4, 18, 19. *Ioh.* 8, 14. *Prov.* 1, 26, 27; 31, 32.

VII. *Post hanc vitam* consummabitur Glorificatio: liberabimur enim ab omni imperfectione in animâ & in corpore, atque omnis perfectio nobis communicabitur: *I Cor.* 13, 9, 10, 12. *Ex parte cognoscimus: -- Postquam autem advenierit quod perfectum est; tunc quod est aliquatenus, abolebitur.* &c. 2: 5, 1, - 8.

Hæc autem Glorificatio spectanda est *tum* in anima separata, *tum* in personâ integra.

Mors temporaria & corporalis adhuc evenit fidelibus; non ramen ut pœna stricte dicta; sed ut transitus in vitam æternam, & depositio reliquiarum peccati. Atque ita gradatim salus applicatur. Plenissima autem applicatio fiet novissimo die: *Rom.* 8, 10, 11. *I Cor.* 15, 20, 22, 23; 26. Infidelium alia est ratio, super quos ira Dei permanet: *Ioh.* 3, 36. & quos ea occupavit ad extremum usque; *I Thess.* II, 16.

VIII. Sic igitur *animæ fidelium*, à corporibus suis separata, à reliquiis peccatorum, aliarumque miseriarum, pro suâ parte liberantur, & ad perfectionem sanctitatis ac gloriæ, cum Christo apud Deum in cœlo percipiendam, statim transeunt. Hinc 1. *Eccl.* 12, 7. *Revertitur pulvis in terram; & spiritus ad Deum, qui deum illum.* Quod de singulis quidem morientibus accipiendum; de fidelibus autem, ut vero statui gloriæ convenit. De his specialius, *Ies.* 57, 2. *Ingredietur in pace, requiescent in cubilibus suis,* &c. *Hebr.* 12, 23. *Spiritus justorum consummatorum.* *Apoc.* 14, 13. *Beati ab hoc tempore mortui, ii qui in Domino moriuntur.* Etiam dicit Spiritus: *ut requiescant à laboribus suis,* &c. *Ioh.* 5, 24. *Qui credit, habet vitam æternam;*

Et in condemnationem non veniet : sed transiit à morte in vitam.

2. Huc pertinent exempla, Latronis post mortem statim in Paradisum migrantis, *Luc. 23, 43. cum vers. 46.* & 2 *Cor. 12, 3, 4.* Animarum eorum, qui *maſtati fuerant propter Verbum Dei*, - . *Clamabant autem voce magna, dicentes ; Usque quò, &c.* Tum data sunt singulis stola alba ; & dictum est, ut *requiescerent adhuc paululum temporis, &c.* *Apoc. 6, 9, 10, 11.* Confer *vii, 9, 10, 14.* Item *Luc. 16, 22, 25, 27 ; - 31.* de animâ Lazari ab Angelis in sinum Abrahamæ transportati, &c.

3. Accedit fides solida, & certa spes, filiorum Dei. Hanc exprimit Apostolus, *Phil. I, 21, - 24.* - *Constrictus utrimque teneor, desiderio tendens ad dimissionem, & ut eum Christo sim.* & 2 *Cor. 5, 1, - 8.*

IX. De animabus verò impiorum, secundum SS. Literas dicendum, quod post separationem à corporibus justo Dei iudicio ablegentur in infernum : atque illic cruciatûs & pœnas peccatorum suorum perfe- rant, Hinc 1. ratione loci, Judas proditor dicitur *abiisse in suum locum, Act. I, 25.* Ac similiter damnatus epulo, *in locum tormenti venisse, Luc. 16. 28.* Item- que 1 *Petr. 3, 19, 20.* memorantur *spiritus* existentes *in carcere*, - *qui olim non paruerunt sermoni.* Confer 2 *Petr. II, 4.*

2. Ratione verò cruciatuum & pœnarum, quales videl. naturæ spirituali conveniant ; Sodoma & Gomorra, iisque finitimæ civitates, h. e. animæ illorum hominum, dicuntur *sustinere pœnam ignis æterni.* Et Epulo, *gravissimè cruciatus in flamma : Luc. 16, 23, 24, 25.*

3. Neque omittenda gravis præmonitio Christi, de metuendo Illo, qui *postquam interemit corpus, potestatem habet conjiciendi in gehennam ; Luc. 12, 4, 5.*

Obj. Eccl. III, 19, 20, 21. dicuntur *fili hominum mori,*

sicuti animal, &c. *Resp.* Istud intelligendum est de accidentibus externis & visibilibus, in morte hominum & bestiarum. Quod vero conditio hominum coram Deo, plurimum differat à conditione bestiarum, satis patet ex vers. 17. *Iustum & impium judicabit Deus.* ac porro, XI, 9. XII, 7, 12, 13.

X. *Pontificii* pro fidelibus, qui in peccatis venialibus moriuntur, statuunt locum aliquem intermedium, ubi pro culpa sua justitiæ Divinæ satisfaciant, & per poenas purgentur; donec postea ad cœlestem beatitudinem admittantur. *Purgatorium* appellant; & carcerem aliquem subterraneum, inferno proximum, aut contiguum, existimant. Sed I. Scriptura tantum duo loca animarum separatarum agnoscit, unum gloriæ, alterum damnationis, atque indicat, unumquemque permanere in eo loco, in quem statim à morte transit. *Eccl.* XI, 3. *Si ceciderit arbor ad Austrum, sive ad Aquilonem; in quem locum ceciderit ipsa arbor, ibi erit.*

2. Christus plenissime pro peccatis electorum justitiæ Divinæ satisfecit; adeo quidem ut nulla satisfactio ab iis exigi possit. *Hebr.* 10, 14-18. *Unicōlatione* Christus in perpetuum Consummavit eos qui sanctificantur. Et quia per Christi satisfactionem extinctus est omnium peccatorum nostrorum reatus, sanguis ejus dicitur nos Purificare ab Omni peccato; I *Ioh.* I, 7. Nullum ergo peccatum reliquum est, à quo purgari deberemus tali Igne purgatorio.

3. Idem patet ex naturâ Justificationis, quæ plenam remissionem omnium peccatorum complectitur; adeo ut nulla amplius pro iis satisfactio exigenda sit. *Rom.* IV, 6, 7, 8. *Sicut etiam David* (*Psal.* 32, 1, 2.) *Declarat beatum eum hominem, cui Deus imputat justitiam absque operibus*; dicens; *Beati, quibus remissæ sunt Legis transgressionibus; & quorum tecta sunt peccata*, -. v, 1, 2. *Iustificati igitur ex fide, pacem habemus apud Deum*, -. 9. *Iustificati nunc Ejus sanguine,*

ne, servabimur multo magis per Eum ab ira, VIII, 1. Nulla nunc est condemnatio iis qui sunt in Christo Iesu. Ergo nec temporalis illa condemnatio in Purgatorio. 33, 34. Quis intentabit crimina, &c.

4. Distinctio peccatorum in mortalia & venialia, quæ Purgatorio subternitur, caret fundamento; & confutata est sup. cap. 10. th. 43.

XI. *Obj. Matth. 5, 25, 26. Christus loquitur de carcere; unde qui in eum essent coniecti, non forent liberandi ante persolutum ultimum quadrantem: iste autem est Purgatorium: ex inferno enim nulla unquam fit liberatio. Resp. Sed minimè dicit, homines post hanc vitam posse ultimum istum quadrantem persolvere; & sic liberari: ad ipsum igitur infernum istud pertinet.*

Obj. 2. 1 Cor. 3, 15. Ipse verò servabitur, ita tamen ut per ignem. Scil. Purgatorium. Resp. Apostolus allegorice loquitur de Doctoribus, solido ac salutari fundamento Christo superstruentibus vel doctrinas veras & utiles, vel incertas & inutiles - futurum autem, ut cuiusque opus manifestum fiat, ut dies ipsum declaret, & ignis probet ac retegat. Verum iste non est ignis purgatorius & poenalis post hanc vitam; sed probatorius etiã in hoc sæculo; dum opus Ministerii probabitur deinceps, per ipsum Verbum Dei, Spiritu efficaciter cooperante. Confer Jerem. 23. 29. Mal. III, 2, 3. Matth. III, 11. Interim salvandi sunt, quamvis ægrè, qui fundamentum retinuerint. Confer Am. 4, 11. Zach. III, 2. 1 Petr. 4, 18.

Obj. 3. Phil. II, 10. In nomine Iesu flectentur etiam genua subterraneorum. Hoc est, in Purgatorio laborantium. Resp. Indicatur ibi subjectio omnium creaturarum, etiam hostium, & damnatorum, ad Christum. Confer Gen. 41, 43. Esth. 3, 2. Item Psal. 72, 9, 11. 1 Cor. 15, 25, 26, 27. Iob. 5, 27, 28, 29.

XII. Præter istud Purgatorium, duos insuper Lim-

bos infernales falsò statuunt *Pontificii*; unum *Patrum* appellant, alterum *Infantium*. *Limbum Patrum* reliquis *Inferni* partibus, aut receptaculis, superiorem reputant; in quo patres, sive fideles V. T. fuerint detenti, donec per Christi ad inferos descensum ex eo liberarentur.

Verùm 1. S. Scriptura talem locum non agnoscit.

2. Satisfactio & Meritum Christi *ἡ ἐξέλεψιν* etiam in istius temporis fidelibus efficax fuit: *Iesus Christus heri, & hodiè idem est, & in secula*; *Hebr.* 13, 8. Confer *Act.* 15, 10, 11.

3. Quia fideles illi etiam justificati sunt per fidem: atque adeo non solum ab omni damnatione immunes fuerunt; sed etiam jus habuerunt ad ipsam cœlestem beatitudinem. Sic de Abrahamo, *Iac.* II, 23. *Credidit Abraham Deo; & imputatum est ei ad iustitiam, & amicus Dei vocatus est.* Confer *Rom.* IV, 1, - 5, 6, - 9. VIII, 30.

4. Christus localiter ad Limbum illum infernalem non descendit. Vide sup. cap. 12. th. 57.

Obj. 1. *Zach.* 9, 11. *Emisi vinctos tuos de cisternâ, in quâ non est aqua.* Hoc autem pertinet ad istum Limbum. *Resp.* Proximè pertinet ad liberationem ex captivitate *Babylonicâ*; ac porrò ex omni miseriâ spiritali, juxta Evangelium.

Obj. 2. *1 Sam.* 28, 11, -. *Pythonissâ* produxit *Samuelem*; non ex Cœlo, sed ex Limbo. Ergò. *Resp.* Non *Samuelem*, aut ejus animam; sed *Satanam*, qui *Prophetæ* personam mentiebatur: neque enim talis vir, ut *Samuel*, in potestate *Diaboli* & hominum nefariorum fuit post mortem suam. Vide *Ies.* 57, 2. Nec *Deus Sauli* respondere voluit per media ordinaria: *1 Sam.* 28, 11, 15. nedùm per *Prophetam* mortuum. Vide *Ies.* 8, 19, 20. *Luc.* 16, 30, 31. cum *2 Cor.* XI, 14. Metaphoricè autem vocatur *Samuel*: propter imaginem, aut similitudinem.

XIII. Lim-

XIII. *Limbus Infantum* fingunt receptaculum infernale, in quo infantes sine Baptismo mortui, poenam damni tantum, vel exigui saltem sensus, ferant.

Verum 1. Scriptura nihil de isto loco tradit.

2. Si infantes verè foederati fuerint, salutem iis promisit Deus: quæ gratia ad Baptismum jam præsupponitur; non demum per illum confertur.

XIV. Succedit *Glorificatio integrarum personarum*, ad quam pertinent Gloriosa fidelium defunctorum Resuscitatio, publica eorundem in extremo iudicio Justificatio, & Sententiæ istius Executio æterna ac beata.

Resuscitatio illa erit actio potens & gloriosa Christi, quâ Ipse cadavera omnium & singulorum fidelium suorum, quantumvis in pulverem redacta & dispersa, in consummatione sæculi restituet, gloriâ condecorabit, & animabus suis corpora singula reduñiet, ad perfectam beatitudinem.

Subiecta recipientia Resuscitationis hujus gloriosæ erunt cadavera Hominum fidelium; eaque omnia & singula. *Matth. 10, 28. Trucidant corpus; animam autem non possunt trucidare. Iob. 5, 28, 29. Qui in monumentis sunt, audient vocem Ejus. Et prodibunt, qui bona fecerint, in resurrectionem vitæ. Item Luc. xx. 36. Filii sunt Dei, cum sint filii resurrectionis. Rom. 8, 29, 30. Nam quos præscivit, etiam prædestinavit conformandos imagini Filii sui; - quos autem justificavit, eos etiam glorificavit.*

Causa efficiens primò est Deus: *1 Sam. II, 6. Iehovah - vivificat: Rom. 4, 17. 2 Cor. I, 9. 1 Tim. 4, 18. Atque ita competit hoc opus Patri, Filio, & Spiritui Sancto: Iob. 5, 21. Rom. VIII, 11. per Divinam omnipotentiam: Ephes. I, 19, 20. Phil. III, 21. καὶ ὁ ἐνεργῶν* verò istud opus tribuitur Christo Mediatori, qui istam gloriâ impetravit; sic ipse à mortuis resurrexit; & membra sua etiam suscitabit;

Iob. XI, 26. Dixit ei Iesus; Ego sum resurrectio & vita; qui credit in Me, etiamsi mortuus fuerit, vivet. Vide etiam Iob. 5, 26, - 29. Ephes. II, 5, 6. I Cor. 15, 20, - 23. Hanc suam virtutem demonstravit Christus in miraculosa resurrectione Lazari; Iob. XI, 23, - 27, 40, - 44. adolescentis filii matris viduæ; Luc. 7, 11, - 15. adolescentulæ filia Jairi; VIII, 49, - 54. & multorum sanctorum prædefunctorum circa mortem Christi; Matth. 28, 52, 53. Confer Act. 9, 37, - 41. xx, - 9, - 12. Item I Reg. 17, 17, - 23; 2, IV, 20, 32, - 37. XIII, 20, 21.

XV. *Ad modum resurrectionis pertinent duo actus. Prior est ipsa revivificatio: & complectitur cadaverum collectionem; animarum propriarum iteratam cum illis unionem; atque ita veram illorum per has informationem; & quidem talem, ut istæ personæ integræ deinceps futuræ sint, etiam ratione istorum corporum, immortales, incorruptibiles, gloriosæ. Posterior est vivificatorum egressus in occursum Domini. Illustris est illa visio quæ Ezechieli exhibita fuit, xxxvii, 1, - 10. Ossium siccorum, quæ colligebantur, vivificabantur, &c. Confer Apoc. xx. 12, 13. Atque ipse Christus, Iob. 5, 28, 29. Veniet hora, qua omnes, qui in monumentis sunt, audient vocem Ejus. Et prodibunt, qui bona fecerint, in resurrectionem vitæ. Adde I Cor. 15, 37, - 44. I Thess. IV. 14, 16.*

Ista autem resurrectio fiet in consummatione sæculi, in adventu Domini, &c. Magnum hoc fidei mysterium ut contra Infideles asserimus; sic aliquot Argumentorum classibus probandum est. Huc pertinent 1. evidentissima quædam effata V. T. utpotè Dan. 12, 1, 2, 3. Multi dormientium in pulvere terræ expergiscuntur; hi ad vitam æternam, &c. Adde Job. 19, 25, 26, 27. Et Psal. 16, 9, 10. quæ prophetia sic ad Christum pertinet, ut ad membra Ipsius deinceps appli-

applicari debeat suo modo. Item *Hof. vi, 2.*

2. Ex effatis quibusdam ipsius Christi in N. T. qualia extant *Iob. 5, 28, 29.* Adde *Mattb. xxII, 29, 31, 33. 34.* ubi Salvator mortuorum resurrectionem adversus Sadducæos validè afferit.

3. Ex confessionibus & doctrinis Apostolorum: *Act. xxIV, 14, 15.* Paulus de se ipso. *Ut qui credam omnibus, quæ in Lege & in Prophetis scripta sunt; ac spem habeam in Deo, fore, quam etiam ii ipsi (Pharisæi) expectant, resurrectionem mortuorum.* *1 Cor. 15, 12, -.* *1 Theß. 3, 14, 16.* *Apoc. 20, 12, 13.*

4. Ex redargutione hæreticorum, contrariam opinionem foventium & spargentium: *2 Tim. 2, 16, 17, 18.* - *Qui circa fidem aberrarunt à scopo, dicentes, resurrectionem jam esse factam, &c.*

XVI. Quòd autem ista resuscitatio futura sit eorundem numero corporum, quantum ad ipsam substantiam attinet; qualitatibus ad incorruptionem & gloriam solum mutatis, probatur specialius contra Socinianos: I. quia erit vera resuscitatio corporum ex pulvere terræ, ex monumentis, ex mari; secundùm loca *Dan. xII, 2.* *Iob. 19, 25, 26, 27.* *Iob. 5, 28. 29.* *Apoc. xx, 12, 13.* atqui hæc de ipsis corporibus intelligenda sunt necessariò.

2. Accedunt alia testimonia, de ipsis corporibus nunc humilibus, & mortalibus, aut mortuis, loquentia: *Rom. 8, 11.* *1 Cor. 15, 53, 54.* *Oportet enim corruptibile istud induere incorruptibilitatem, &c.* *Phil. 3, 20, 21.*

3. Huc etiam pertinent exempla: primò quidem & potissimùm ipsius Christi, qui eodem substantiâ corpore è sepulchro prodiit. Atqui Christus est nostrum caput; & primitiæ resurgentium à mortuis, in gloriosam vitam, factus est. Hinc Angeli ad mulieres, *Luc. 24, 5, 6.* *Quid inter mortuos queritis cum qui vivit? Non est hic; sed suscitatus est.* Quapropter

etiam Christus suum corpus Discipulis palpandum dedit, ut certi essent de ejus identitate. *Vers. 39, 40. Videte manūs meas, & pedes meos: nam Ego ipse sum. Contrectate Me, & videte, &c. Joh. xx. 27.* Conferendus est locus Apostoli, *1 Cor. 15, 20, - 23, 47, 48, 49.* ubi nostram resurrectionem ex resurrectione Christi, atque utriusque similem esse modum, tū in corporis identitate, tū in qualitatibus, docemur.

Nec omittenda exempla eorum, qui jam antea fuerunt ex mortuis suscitati; & sic quodammodò typum gesserunt istius resurrectionis: *Matth. 27, 52, 53. Luc. 7, 12, 15. VIII. 54, 55. Joh. xi, 43, 44. &c.* Ergò & hanc resurrectionem eorundem numero corporum esse oportet.

4. Per infinitam Dei sapientiam ac potentiam talis resuscitatio non solum est possibilis; sed per Ipsius justitiam quoque necessarium est, ut eadem personæ, quarum partes essentielles quoque sunt corpora, retributionem accipiant pro operibus, per corpora, tanquàm instrumenta consubstantialia, factis; atque adeo in iisdem etiam corporibus. Ità *2 Thess. I, 6, 7. Justum est apud Deum, vicissim reddere iis, qui vos affligunt afflictionem: Vobis verò, qui affligimini, &c. 2 Cor. 5, 10.* Omnes enim nos comparere oportet coram tribunali Christi, ut unusquisque reportet quæ in corpore fecerit, congruenter ad id quod fecerit, sive bonum, sive malum.

XVII. *Obj. 1.* Resuscitatio ista impossibilis videtur ob cadaverum tam diu mortuorum adeo multas mutationes; ob ἀνθρωποφάγος, &c. *Resp.* Imò infinitæ Dei sapientiæ & potentiæ ea facilis est; *Matth. xxii, 29. Rom. iv, 17. Phil. iii, 21. Hebr. xi, 18.* Ipse enim non minus separanda separare, conjungenda conjungere, & mutanda mutare potest: quàm ex nihilo creaturas producere potuit.

Obj. 2. *Dan. 12, 2.* dicitur; *Multi dormientium in pulvere*

pulvere terræ, expergiscentur, &c. Si autem Multi; ergò non omnes. *Resp.* Neg. Conseq. Per Multos commodè intelligimus suscitandorum ad vitam æternam; dùm alii suscitandi sunt ad damnationem & opprobrium.

Obj. 3. I. Cor. 15, 44. dicit Apostolus, suscitandum esse corpus spirituale: ergò non idem numero. *Resp.* Spirituale appellat, non respectu ipsius substantiæ; sed qualitatum.

Obj. 4. Ibidem vers. 50. negat Apostolus, carnem & sanguinem consequi posse hæreditatem regni Dei. Ergò. *Resp.* Istic non loquitur de substantiâ; sed de imperfectionibus, tùm damnabilibus, tùm miserabilibus Confer Iob. I, 13. Iob. III, 6. Matth. 16, 17. Eph. 6, 12.

XVIII. Resuscitationi isti analoga erit Mutatio gloriosa, quæ fidelibus tunc superstitionibus continget; ut sine morte ad eandem illam gloriam, cum fidelibus à morte resuscitatis, transmutentur. Hinc I. Cor. 15, 51, 52, 53. Ecce, *Mysterium vobis dico: Non omnes quidem obdormiemus; sed omnes mutabimur: momento, &c.* I. Thess. IV, 15, 16, 17. Cujus Transmutationis specimen quoddam datum est in Enocho & Eliâ, sine morte translatis. Vide sup. cap. 12. th. 62.

Obj. Hebr. 9, 27. Statutum est hominibus, ut semel moriantur, postea vero judicium. Nulli igitur à morte erunt immunes. *Resp.* Statuti istius poenalis abolitio à Christo fidelibus impetrata, novissimo die plenè applicabitur: non igitur mirum, superstites tunc fideles sine morte ad gloriam transituros.

XIX. Improbi & infideles Resuscitationis gloriôsæ non erunt participes: sed Resuscitationem ex morte temporali, integrarum personarum, iisdem quoque corporibus; verùm cum horrore ac ignominia, & ad cruciatûs æternos, experientur. Sic I. Resuscitatio mortuorum ad injustos quoque extenditur:

Act. xxiv. 15. Resurrectionem mortuorum, tum justorum, tum injustorum.

2. Disertè docetur quoque resuscitatio ad ignominiam, damnationem, & horrorem: *Dan. xii, 2. Ioh. 5, 29.*

3. Judicium extremum, quod personarum resuscitationem prærequirit, erit universale; atque adeò infideles & improbos quoque complectetur: *Rom. II, 5, 6. Thesaurizas tibi ipsi iram, in diem iræ, & patefactionis justì judicii Dei; qui reddet unicuique secundum opera ipsius. 2 Cor. 5, 10. 2 Thess. I, 6, 7, 8.*

4. Consequenter improbi damnati, æternas pœnas perferent, anima & corpore pariter: quod mox probabitur. Ubi iterum supponitur eorum resuscitatio.

Obi. Resuscitatio peragetur à Christo; cum quo infideles non habent communionem: ergo illi non suscitabuntur. *Resp.* Resuscitatio fidelium à Christo quidem peragetur, ut ipsorum Capite & Salvatore: *Phil. 3, 21.* Infidelium vero ab eodem, tanquam iudice, ad judicandum ordinato: *Act. 17. 31.*

XX. *Judicium extremum* est Actus Regni Christi quo ille novissimo die de creaturis rationalibus, visibilibus in nubibus Cœli justam sententiam pronuntiabit; atque mox executioni mandabit; justos quidem palam justificando, & vitam æternam gloriosam judicialiter iis decernendo; injustos autem condemnando, & æternis cruciatibus ad judicando.

Quod sit *actus Christi*, patet ex locis, *Ioh. 5, 22 Act. 17, 31.* Quod ad Regnum Ipsius pertineat; *Matth. 25, 31.* -- Cum venerit Filius hominis cum gloria sua, & omnes sancti Angeli cum Eo, tunc sedebit in Throno gloriæ suæ. Et congregabuntur coram Eo omnes gentes: & separabit eos, &c. Tunc dicet Rex iis, qui ad dextram Ipsius erunt, &c.

Ex postremo illo loco etiam liquet, Christum ad-

futu-

futurum cum magna demonstratione Majestatis, in propria sua humana natura; per aspectabilem quandam confessum in Throno glorioso, & cum sanctis Angelis, qui ipsi adsistent. Confer *Matth.* 24, 29, 30, 31. *1 Thess.* 4, 16. 2, 1, 7, 8. *2 Petr.* 3, 10, 12. *Iudæ*, 14, 15. *Apoc.* 20, 11, 12. *Psal.* L, 1, 6. Item *Exod* 19. 16, 18, 19. *Gal.* 3, 10. *Hebr.* 12, 18, 21.

Ipsi autem *fideles* etiam judicabunt cum & sub Christo; ejus justum judicium agnoscentes, & approbantes: quod quidem ad arctissimam illorum cum Christo unionem, Regni Ejus participationem, adeoque ipsorum gloriam pertinebit; simulque ad majorem damnatorum convictionem. Hinc *Matth.* 19, 28. *Sedebitis vos etiam in thronis duodecim, judicium ferentes.* &c. 1. *1 Cor.* 6. 2. 3. *An ignoratis, Sanctos mundum judicatu- ros? 2. an ignoratis fore, ut Angelorum judices simus?*

XXI. *Judicandi* autem venient, tum Angeli, tum Homines. De Angelis patet ex loco proxime allegato. Specialius vero ad malos Angelos refertur judicium condemnatorium; *2 Petr.* 2, 4. *Deus Angelis, qui peccaverunt, non pepercit; sed in tartarum detrusos catenis caliginis tradidit, damnationi asservatos.* *Iudæ*, 6. *Angelos, qui non servarunt suam originem, sed reliquerunt suum domicilium, judicii magni illius diei vinculis aeternis sub caligine servasse.* *Matth.* 25, 4. *Dicet iis, qui ad sinistram erunt; Execrandi, abite à Me in ignem illum æternum, paratum Diabolo & Angelis ejus.*

Sed *Judicium de Hominibus* magis est nostre considerationis: quod communiter proponitur *Ecc.* III, 17. *Iustum & impium judicabit Deus.* XII, 14. *Matth.* 25, 32. *Et congregabuntur coram Eo (Christo) omnes gentes; & separabit eos ab aliis, ut pastor oves ab hædis, &c.* *Act.* 17, 31. *Rom.* 2, 6, 16. XIV, 10, 12. *2 Cor.* 5, 10. *Apoc.* 20, 12, 13.

Obj. 1. *Ioh.* 5, 24. *Qui credit, non veniet in judicium.*

cium. Ergo fideles non judicabuntur. *Resp.* Istic synecdochice intelligitur iudicium condemnatorium.

Obj. 2. *Psal.* 1, 5. *Non stabunt impii in iudicio; &c.* Ergo. *Resp.* H. e. non subsistent; sed causa cadent sive condemnabuntur.

XXII. *Sententia* duplex pronunciabitur; una de electis, altera de reprobis: prior erit justificatoria; posterior, condemnatoria.

Iustificatoria hominum electorum, feretur propriè juxta Euangelium: eritque nihil aliud, quam publica Justificationis Evangelicæ promulgatio. Adeoque sententia gratiosa; attamen iustitiâ Christi nixa; quemadmodum illi in hoc sæculo crediderint & speraverint, suamque fidem ac spem sincera pietate, sanctimonia, omnibusque bonis operibus demonstraverint; quod sic, remissis peccatis omnibus, habituri sint gloriam coelestem & beatitudinem æternam.

Gratiam, sive Misericordiam, dixi: nulla enim erit hominum salvandorum ex seipsis, & in seipsis, talis dignitas; sed miseria satis est manifesta, unde perfectè liberabuntur isto die. Hinc 2 *Tim.* 1, 16, 18. *Præstet misericordiam Dominus Onesiphori familia! - Det ei Dominus, ut inveniat misericordiam apud Dominum in die illo!* Confer *Rom.* 4, 6, 7, 8.

Iustitiam Christi illis imputatam commemoravi: unde, *dignitas*, quæ sæpius appellatur. Ita *Phil.* 3, 8, 14. *Ut Christum lucrifaciam; Et comperiar in eo, non habens meam iustitiam; quæ est ex Lege: sed eam, quæ est per fidem: &c.*

Virtutes eorum & bona opera, ut fructus communionis Christi, ac veræ fidei & spei; non ut causæ meritorie regnandi, sed ut viæ regni, adjiciuntur: juxta *Matth.* 25, 34, -- 40. 2 *Tim.* 1, 16, 17, 18. *Apoc.* 14, 13. Atque hæc omnia juxta decretum electionis, quo tota salutis nostræ methodus fuit definita. Unde Rex noster

ster appellabit, Regnum nobis paratum à jasso mundi fundamento; *Matth.* 25, 34. Confer *Apoc.* 20, 12.

XXIII. Sententia condemnatoria feretur in improbos Angelos & Homines,

De malis Angelis satis evidentia sunt testimonia, 2 *Petr.* II, 4. *Jude.* 6. quia scil. peccarunt contra Legem sibi præscriptam.

Similiter Homines reprobi, propter peccata sua, condemnabuntur, juxta Fœdus Legale; sive Legem scriptam acceperint; sive Legis substantiam per naturalem conscientiam, vel qualemcunque insuper instructionem habuerint: *Rom.* II, 12, 14, 15. Quicumque absque Lege (scripta) peccaverunt, absque Lege quoque peribunt: & quicumque cum Lege peccaverunt, per Legem damnabuntur. Nam cum Gentes, quæ Legem non habent, &c. Ita Lex dicitur iram operari; *Rom.* 4, 15. Et Ministerium mortis ac condemnationis appellatur; 2 *Cor.* III, 7, 9. Adde, 1 *Tim.* I, 9, 10. *Gal.* III, 10.

Formam istius damnationis indicavit Christus, ipse Judex futurus; *Matth.* 25, 41, - 45. Tunc dicet etiam iis, qui ad sinistram erunt; Execrandi, abite à Me in ignem illud æternum, &c.

XXIV. Tempus istius judicii consilio Dei definitum est; nobis vero sic minime revelatum. Hinc Ipse Christus, *Matth.* 24, 36, 37. De die autem illo, & hora, nemo scit: ne Angeli quidem cœlorum: sed Pater meus solus. Nihil ergo curiose inquirendum; nec temere determinandum de isto tempore: *Act.* I, 7.

Prædictum est tamen fore, ut profani irrisores obijciant moram finis; atque inde concludant, illum diem nunquam esse venturum. Sed iis opponi debet historia creationis, à quo principio tempora hujus mundi labuntur, & ad finem tendunt; & veritas judicii universalis per aquas diluvii: tum quod Deus in sua æternitate successionem non habens, propter se
non

non taret adventum illum; sed quod patiente sit animo erga homines, atque universam electorum multitudinem ad resipiscentiam & salutem adduci velit: 2 Petr. III, 3, - 9. Quin & Christum præmonuisse, multa iudicium hoc universale præcessura; Matth. 24, 4, --. Et Paulum noluisse, ut fideles essent in eâ opinione, quasi jam illo tempore adventus iste Domini prope adesset: sed docuisse, futuram prius insignem apostasiam, & revelandum Antichristum; 2 Thess. II, 1, -- 12. Et vaticinatum de generali quâdam Judæorum conversione & restitutione, &c. Rom. XI, 11, --. Confer 2 Cor. III, 14, 15, 16. Ac porro in Apocalypsi fata Ecclesiæ N. Test. propheticè reteggi. Semper interim observanda est salutaris illa Christi præmonitio, Matth. 24, 42. *Vigilate ergo! Nescitis enim, qua hora Dominus vester venturus sit.*

Locus autem indicatur futurus in Nubibus Cœli; Matth. 24. 30. nec determinamus specialius, vel aliter. *Joël*. III. 2, 12. commemoratur quidem iudicium omnium gentium in valle Josaphati: sed vaticinium istud conferendum cum historia, 2 Chron. 20. & sic indicari videtur, iudicium illud iuste exercendum esse, inspectante Ecclesiâ.

XXV. Ad Iudicium istud extremum mox sequetur ejus executio; justis gloriosa ac beata, improbis vero miserrima & ignominiosa: Matth. 25, 46. *Et abibunt isti in supplicium æternum; justi vero ad vitam æternam.* Unde 1. manifestum evadit improborum supplicium æternum, & absque fine; non solum in genere damni, sed etiam in genere sensûs. Apoc. 20, 10. *Et torquebuntur die ac nocte in sæcula sæculorum.*

2. Idem emphatice docetur Matth. 25, 41. *Abite à Me; in ignem illum æternum.* Marc. 9, 43, - 48. *abire in gehennam, in ignem illum inextinctum: ubi vermis eorum non interit, & ignis non extinguitur.* Similiter *Jes.*

66, 24. Vermis autem rodens, & ignis urens, cruciatus denotant; quod interim vermis non interibit, nec ignis extinguetur, eorum æternitatem & durationem absque fine significat.

3. Similis est phrasis, adjunctum æternum exprimens, *Apoc. 14, 11. Fumus tormenti ipsorum ascendet in secula seculorum: nec habebunt requiem die, nec nocte.*

4. Hoc est consentaneum peccatorum demerito: cum enim ista adversus infinitam Dei Majestatem commissa sint, eamque læserint; Justitia postulat, ut infinitis quoque poënis luantur; quæ quidem infinitas, in subjectis finitis, esse debet infinitas durationis successivæ. Hinc *Matth. 5, 26. Amen dico tibi; nequaquam exhibis illinc, usquedum reddideris ultimum quadrantem.*

XXVI. Gradus istarum poënarum non erunt in omnibus omnino damnatis æquales; sed inæquales: atque in singulis aptâ proportionem respondentem demerito peccatorum ipsorum: *Luc. 12, 47, 48. Ille autem servus, qui novit voluntatem Domini sui, &c. Qui vero non novit, &c. Adde Matth. XI, 22. 24.*

Causa efficiens principalis in genere sensûs propriè habebit locum: scil. Justitia Dei vindicativa, sic se se exerens in damnatis, ut Diaboli, & Homines reprobis in suis animabus, perferant cruciatus naturæ spirituali convenientes; ac porro etiam Homines reprobis in corporibus suis, juxta eorum conditionem.

Societas Diabolorum, & Hominum damnatorum, pariter desperantium, & Judicem suum blasphemantium, augebit istam miseriam.

Locus proprius erit Infernus. Vide sup. cap. 7. th. 25.

XXVII. *Obj. 1. Apoc. 21, 8. appellatur mors secunda: ergo non erunt perferendi cruciatus positivi æterni.*

æterni. *Resp.* Vocatur *mors secunda*, non quasi futura esset damnatorum annihilatio; aut omnimoda vitæ privatio : sed quia erit æterna abalienatio à vitâ Dei, & communionem Ipsius gratiosa ac beata, dum absque fine durabunt etiam cruciatus positivi.

Obj. 2. Similiter 2 *Thess.* 1, 9. occurrit *æternum exitium*. Ergo. *Resp.* Iterum non personarum abolitio ; sed privatio beatificæ communionis Dei, in personis pœnam sensus quoque sustinentibus.

Obj. 3. Actus peccaminosi finiti sunt : à justitia igitur alienum est, eos puniri cruciatibus æternis. *Resp.* Actus peccaminosi, ratione temporis interim labentis, finiti sunt : quia tamen adversus infinitam Dei Majestatem committuntur, inde emergit ratio demeriti infiniti

XXVIII. Sic ergo Justi videbunt quoque Executionem sententiæ condemnatoriæ, in hostibus Dei, & Christi, & suis; in qua liberatione finali, sed duratura deinceps absque fine, ipsi non poterunt non exultare, Deique circa improbos justitiam celebrare. Huc pertinet illud, *Apoc.* 16, 5, 6, 7. *Iustus es, Domine, Qui es, & quieras, & quieris, quod hæc judicaveris.* - *Digni enim sunt.* --.

Ipsi autem *ibunt in vitam æternam.* *Matth.* 25, 46. Confer *1 Cor.* 2, 9. Beatissimam tunc habituri cum Deo communionem, qui erit omnia in omnibus: *Psal.* 36, 10. *1 Cor.* 15, 28. Circa quam 1. sic exercenda nunc est fides & spes, ut interim omnis curiositas evitetur : *1 Job.* III, 2, 3. - *Nondum manifestum factum est quod erimus &c.*

2. Non est statuenda corporalis Dei visio.

Neque 3. cognitio adæquata, sive comprehensiva. Vide sup. cap. 4. th. 22. & 32.

Neque 4. constituenda est illa beatitudo (cum impuris *Muhammedanis*) in voluptatibus corporeis: erimus enim *ισαγγελοι*; *Matth.* 22, 30. cum XVIII, 10.

v, 8. 1 Cor. 13, 12. simili ergò cum Angelis beatitudine fruemur. Adde 1 Cor. 15, 44. Rom. 14, 17.

XXIX. Ad communionem illam cum Deo; per cognitionem familiarissimam, ac fruitionem beatissimam in charitate perfectissimâ, & cum Christo Θεανθρωπῶ Capite nostro gloriosissimo, accedet Societas Angelorum sanctorum, omniumque Hominum electorum, pariter glorificatorum. Vide Heb. 12, 22, 23, 24.

Locus proprius erit Cœlum supremum. Hinc Christus, Joh. 16, 2, 3. In domo Patris mei habitationes multe sunt, Proficiscor paraturus vobis locum, --. Adde xvii, 24.

Duratio erit æterna; absque fine: Matth. 25, 46. Ibunt in vitam æternam, Rom. II, 7.

XXX. Aberit omnis molestia, calamitas, defectus: Apoc. 7, 16, 17. Non esurient amplius, neque sitient amplius; nec in eos cadet Sol, neque ullus æstus: & abstersurus est Deus omnem lachrymam ab oculis eorum. xxi, 4, 5. Ex adverso aderit in tali communione & societate, in tali loco, cum plenissimâ certitudine æternitatis, gaudium perfectissimum. Matth. 25, 21, 23. Ingredere in gaudium Domini tui. Hinc David, Psal. 16, 11. Satietas lætitiarum est cum vulnere Tuo; Jucunditates sunt in dexterâ tuâ in sæculum. Huc pertinent variae locutiones metaphoricæ, de Paradiso; Luc. 23, 43. 2 Cor. 12, 2, 4. Nuptiis; Matth. 25, 1, 10. Apoc. 19, 7, 9. Regno; Matth. 5, 3: xxv, 34. Throno; xix, 20. Apoc. 3, 21. Potestate; Matth. 24, 47. Luc. 19, 17, 19.

Admittendi tamen videntur gradus aliqui in gloriâ; sicut nunc dantur gradus in gratia; & gradus erunt in poenis infernalibus. Dan. 12, 3. Intelligentes fulgebunt, ut splendor firmamenti: & justificantes multos, tanquam stellæ in sæculum & in æternum. 1 Cor. 15, 40, 41, 42. Sunt corpora cœlestia, & sunt corpora terrestria: sed alius quidem cœlestium decor, --. Alius

decor Solis, & alius decor Luna, & alius decor Stellarum: Stella enim Stellæ præstat decore. Itâ erit & resurrectio, mortuorum. Sic illi, qui in parabolâ decem talentis rectè fuerat usus, dabatur potestas decem civitatum; qui verò quinque talentis, potestas quinque civitatum: *Luc. 19, 17, 19.*

Obj. 1. Hinc fulcietur opinio de propriis meritis. *Resp. Neg.* Deus enim sua opera coronat in nobis; non nostra merita.

Obj. 2. Mercenarii, qui unam tantum horam laborarant, eandem mercedem cum cæteris acceperunt; *Matth. 20, 9, 10.* *Resp.* Scopus parabolæ est, æquè ferò ac citò vocatos & conversos salvatum iri. Sic identitas salutis proponitur; non graduum æqualitas.

XXXI. *Queritur,* Quid interim futurum sit de hac terrâ, & elementis reliquis, cœlisque visibilibus? Utrùm sint annihilanda, an verò relinquenda? *Dicendum* videtur; futurum, ut elementa magnâ ex parte cedant in corpora Hominum tùm beatorum, tùm damnatorum; prout ista resoluta fuerant in sua principia: reliqua autem mutantur in statum præstantiorem; quàm nunc habent, propter hominum peccata. Hinc totus mundus dicitur sperare & expectare liberationem sui, ex servitute corruptionis & vanitatis, cui nunc subiectus est; *Rom. 8, 19, - 22.* Atque ita erit novum cœlum, & nova terra; *2 Petr. III. 10, - 13. Apoc. 21, 1.*

Obj. 1. *Psal. 72, 7. Donec non sit Luna. CII, 27. Ipsi (Cœli) peribunt, &c. Matth. 5, 18. Usquedum præterierint Cælum & Terra.* Ergò annihilabuntur. *Resp. Neg. Conseq.* Sic enim indicatur solum finis, qui præsentī huic statui & ordini istarum creaturarum imponetur, cùm fiet insignis illa & gloriosa immutatio.

Obj. 2. Explicari non potest, qualiâ tunc ista omnia sint futura, & quem usum habitura: ergò potiùs statuenda

statuenda annihilatio. *Resp.* In genere probavimus re-
stitutionem in statum meliorem. Si quis in specie mul-
ta interroget, malumus doctam ignorantiam profite-
ri; quàm temerè quicquam determinare extra ea quæ
scripta sunt. Nunc ex parte tantùm cognoscimus:
1 *Cor.* 13, 9. & nondùm manifestum factum est quod
ipsi erimus: 1 *Job.* III, 2. Quid mirum ergò, si ista
speciatim explicare & asserere nequeamus?

XXXII. Pro *Praxi*; 1. Glorificationem in hac vi-
tâ inchoatam; & bona, quæ in eâ insunt, ritè æsti-
memus: 1 *Job.* III, 1, 1, 3, 4. *Rom.* 5, 5. *Job.* 15, 15. 2 *Pet.*
1, 8, 11. In eâ consolationem quæramus adversùs om-
nes calamitates, labores, & misérias reliquas: 2 *Cor.*
1, 3, 4, 5. 1 *Job.* 5, 4. *Rom.* 8, 37. Et exultemus gaudio
spirituali: *Job.* 16, 21. *Phil.* 4, 4. 1 *Petr.* 1, 8. 1 *Job.* 1, 4.

2. Mortalitatís nostræ nobis conscii, temporis verò
quo moriendum erit ignari, tantam interim expecta-
tionem habentes, juxta Euangelium; ritè nos prapa-
remus semper; & piâ praxi spem istam confirmemus:
Psal. 90, 12. *Eph.* 5, 16. 2 *Cor.* 5, 8, 9.

3. Sedulò operam demus communioni cum Christo,
per resurrectionem primam; quò magis corroboretur
spes resurrectionis beatæ: *Apoc.* 20, 6. XIV, 13. 1 *Job.* 3, 3.

4. Sic meditemur Judicium extremum, ut quàm
accuratissimè observemus atque instituamus singulas
actiones nostras: 2 *Cor.* 5, 10, 11. *Luc.* 21, 34, 35, 36.
Matth. 24, 42, 44, 1 *Thess.* v, 2, 6. 1 *Petr.* 4, 7: 2. III,
11. Terrorem illum Domini scientes tantò magis sa-
luti nostræ studeamus, atque alios sedulò commone-
faciamus: 2 *Cor.* 5, 11.

5. Quoniàm cognoscimus, qualis & quanta futura
sit merces nostra in Coelis, strenui simus & assidui in
officiis nostris: *Matth.* 5, 12. 1 *Cor.* 15, 58. *Phil.* 3,
12, 13, 14, 20, 21. *Tit II.* 12, 13. 1 *Job.* 3, 2, 3. *Apoc.*
20, 11, 12.


CAPUT XX. & ultimum,

De Ecclesià.

Ecclesiæ synonyma. 1. Vocabuli usus varius in SS. Literis. Sed nusquàm significat Pontificem Rom. 2. Definitio. Ecclesia mystica. 3. Hujus Caput. Non Pontifex Rom. 4. Ecclesia militans. Triumphans. Errores tùm Pontif. tùm Socin. 5. Catholica. Invisibilis. Indefectibilis. 6. Ecclesia externa instituta. Distributiones quædam. 7. Quomodò constituatur Ecclesia particularis. 8. Ministri Ecclesiastici. Patriarchæ. Propheta. Ordinarii V. T. 9. Ministri N. T. Apostoli. 10. Propheta. 11. Exercitia prophetica. Revelationes extraordinariæ. 12. Euangelista. 13. Ordinarii. Pastores. 14. Vocatio. Ejus necessitas, c. Enthuf. Libert. &c. Obj. solv. 15. Electio. 16. Examen. 17. Approbatio. 18. Publica confirmatio. 19. Potestas vocandi & mittendi Pastores, tùm principalis, tùm ministerialis. 20. Praxis Ecclesiarum nostrarum. Jus Patronatûs. 21. Primorum Reformatorum vocatio legitima, &c. Dilemma Pontif. solv. 22. Necessitas muneris Pastoralis; c. Enthuf. &c. 23. Objectiones solv. 24. Pastorum equalitas; c. Pontif. aliosque Hierarch. Obj. solv. 25. Petrus non superior reliquis Apostolis. Obj. solv. 26. Stipendium, c. Anabapt. Obj. solv. 27. Doctores. 28. Seniores gubernantes. Obj. solv. 29. Diaconi. 30. Opitulationes. 31. Reliqua multitudo fidelium. Malè distinguunt Pontif. in Clericos, & Laicos. 32. Itemque in Religiosos, & Sacula-

Saculares, Religio quid illis. Refut. Obj. solv. 33. Functiones domatim obeundæ, 34. Publica S. Scripturæ prælectio. 35. Psalmodia Ecclesiastica. 36. Preces Eccles. In iis Ministrum præire oportet clarâ voce; c. Anabap. & quidem linguâ communiter notâ; c. Pontif. 37. Non conveniunt illis Antiphona; & Responsoria, c. eosd. Neque sufficiunt certæ quædam formulæ. 38. Conciones. Earum necessitas; c. Libert. 39. Textus. 40. Inventio. 41. Explicatio. Documentum. Usus. 42. Dispositio. 43. Exornatio. Actio. 44. Catechizatio: eaque varia. 45. Benedictio. Eleëmofynarum collectio. 46. Administratio Sacramentorum. Excommunicatio. Reconciliatio. 47. Publica Ministrorum confirmatio. Jejunium publicum. Dies eucharisticus. Matrimonii Confirmatio. Exercitia Academica. 48. Presbyterium. Præses. Scriba. 49. Negotia istic tractanda. Disciplina Eccles. Ejus necessitas. Obj. solv. 50. Partes Antecessorum Eccles. in eâ; c. Brown. 51. Excommunicatio major. Minor. Simplex abstentio. 52. Nemo excommunicandus sine præviâ admonitione; aut jam resipiscens: c. Anapt. 53. Ea non extinguit obligationem naturalem; &c. Anathema. Excommunicatio illegitima. 54. Error Novat. Pœnitentes iterum admittendi. Reconciliatio apud Catholicos olim tarda. Occasio Indulgentiarum. Pœnitentes non satisfaciunt justitiæ Divinæ. 55. Electio Ministrorum. Dimissio Pastorum; & aliorum membrorum Ecclesiæ, &c. Conventus Diaconorum. 56. Unio & correspondentia plurium Ecclesiarum partic. 57. Classis. 58. Synodus Provincialis.

cialis. Nationalis. Oecumenica. 59. Qui ad Synodum mittuntur, manent *adstricti Verbo Dei*; & consequenter suæ Ecclesiæ, atque Confessioni; c. *Remonstr.* Et juxta Verbum Dei rectè dicunt: *Hoc firmiter & constanter credendum est.* Sic etiàm obligantur *Adversarii.* 60. *Adjuncta Eccl. partic. Potestas ministerialis.* 61. *Visibilitas.* Ecclesia nostrâ ante *Luthe- rum.* 62. *Ecclesiæ partic. defectibilitas.* etiàm *Romana.* Obj. solv. 63. *Nota.* 64. Earum *investigatio* non inutilis; c. *Socin. & Libert.* 65. *Sententia Pontif.* 66. *Contraria. Persecutiones.* 67. *Seductio- nes.* 68. *Antichristus.* Magnus ille. 69. *Est Papa Ro- manus.* Ἀπεινῶ. *Efficacia Satana.* *Defectiones.* *Occasio patefactionis.* 70. *Hypocrisis.* *Scelerosus ille.* ἀνυψούμεν. Extollens sese supra Deum, &c. 71. *Illecebræ doctrinarum fallacium.* *Signa men- dacia.* *Exempla vitæ impura.* *Crudelitas tyrannica.* *Effectus in aliis.* *Eventus ipsius.* 72. *Sententia Pontificiorum de Antichristo.* *Ecclesia Romana verè Antichristiana,* & *Babylôn Apocalyptica.* *Deserenda.* 73. *Apostasia Muhammedica.* *Hæretici: & errantes alii.* 74. *Praxis.* 75.

I.  Ic fuerunt actûs, per quos applicatur salus: sequitur ut videamus de *objecto*, circa quod isti actûs versantur. Comuni nomine *Ecclesia* appellatur; Græcè Ἐκκλησία, à verbo Ἐκκαλέω, *evoco*: est que Coetus hominum evocatus & convocatus; utpotè præconis voce. Similiter *Concio* dicitur, à *conciendo*. Hebraicè קהל, à verbo קהל, *con-*
grega-

gregavit; vel $\eta\gamma\gamma$ à $\gamma\gamma$, indixit, &c. Græci Interpretes utramque vocem transtulerunt $\Sigmaυναγωγὴν$; sed & priorem aliquandò Ἐκκλησίαν . Postea usus invaluit, ut Judæorum congregatio, atque item ejus locus, appellaretur *Synagoga*; Christianis autem servaretur nomen *Ecclesiæ*. Vide tamen *Hebr.* 10, 25, *1ac.* 2, 2.

II *Ecclesia* autem in SS. Literis quandoque sumitur generatim pro quolibet hominum coetû; etiã tumultuantium & malignantium: ut *Act.* 19, 31. *Alii aliud clamabant; erat enim Ἐκκλησία conturbata.* *Psal.* 26, 5. in *Versione Græcâ*, & *Vulgatâ Latinâ*: *Odivi Ecclesiam malignantium.* Verùm ista significatio generalitate suâ excedit limites considerationis nostræ. *Specialitè* autem vel sic usurpatur, ut magis spectetur status interior; de corpore scil. mystico, ad æternam salutem electo, quod Christus summo- perè dilexit, & constanter in communione suâ conservat: *Eph.* 5, 25, 26. *Christus dilexit Ecclesiam, &c.* *Hebr.* 12, 22, 23. *Matth.* 26, 18. Vel etiam ut magis respiciatur status exterior,

Sic autem vel *universaliter* notat religiosam societatem eorum, qui ex universo genere humano per Verbi prædicationem collecti, eandem fidem salutarem profitentur: *1 Tim.* 3, 15. *Ut noris, quomodo oporteat in domo Dei versari, quæ est Ecclesia Dei vivi.* Vel sumitur *particulariter*, prout talis societas existit in urbe, vico, similive loco particulari: *1 Cor.* I, 2. *Ecclesiæ Dei, quæ est Corinthi.* *1 Thess.* I, 1. Imò etiam *1 Cor.* 16, 19. *Salutant vos in Domino multum Aquila & Priscilla; cum Ecclesia, quæ est domi ipsorum:* ubi intelligenda videtur societas fidelium, tùm in eadem domo habitantium, tùm istuc ad exercitia sacra unà convenire solitorum. Similiter *Rom.* 16, 5. *Col.* 4, 15. Tales autem coetûs distincti in aliquâ provinciâ, aut

majori orbis tractû, pluraliter *Ecclesiæ* appellari solent; I Cor. 16, 1. *Ordinavi Ecclesias Galatiæ.* 19. *Salutant vos Ecclesiæ Asiæ.*

Verùm quandoque occurrit acceptio synecdochica; ut *Multitudo fidelium pascendorum*, à Pastoribus suis contradistincta, appelletur *Ecclesia*; quæ est pars major: sic Paulus Presbyteris *Ecclesiæ Ephesinæ* dixit, *Act. 20, 28. Spiritus ille Sanctus vos constituit Episcopos, ad pascendam Ecclesiam Dei*, -. Interdùm contrà magis spectatur *Collegium ipsorum Pascantium*; ubi est pars ratione ordinis potior: ità Christus de Disciplina Ecclesiasticâ agens, *Matth. 18, 17. Quodsi neglexerit eos* (testes à primo redarguente assumptos) *audire; dic Ecclesiæ.* Vulgò *Ecclesia representativa* appellatur; quòd Collegium illud in exercendo Regimine toti multitudini Ecclesiasticæ præeat, eamque quodammodò representet. Paulus *Προβυτέριον* vocat, I *Tim. 4, 14.*

Hactenùs ergò semper significat in Scripturâ multitudinem; nunquàm verò unum quemcunque hominem; utpotè *Pontificem Romanum*: quod velint ejus sectatores. Hoc autem eò absurdius est, quòd ipsi cogantur fateri, fieri posse, ut ille ad Ecclesiam non pertineat; si videl. non fuerit baptizatus; vel propter Simoniam, aut hæresin occultam, ipso facto sit excommunicatus.

Ecclesia metonymicè etiam aliquandò notat Locum, ubi Conventus sacri solent haberi: sed in SS, Literis id non fit manifestè. Cùm enim dicitur, I Cor. XI, 18, 22. *Cùm convenitis in Ecclesiâ*, -. *Aut Ecclesiam Dei contemnitis?* intelligitur potius ipse Coetus fidelium.

III. Ad rem significatam quod attinet; *Ecclesia* est Coetus hominum, ad communionem Foederis salutaris cum Deo in Christo vocatorum, & assumptorum. Cætum & Vocationem indicat ipsum nomen:

Com-

Communione Fœderis salutaris cum Deo in Christo, & Assumptionem in eam, indicat passim S. Scriptura. Ad Homines restringimus; quoniam Fœdus salutare in Christo intercedit inter Deum & Homines: ad Angelos istud non pertinet. Confer sup. 12. th. 27.

Quoniam verò *Ecclesia à Vocatione nomen accepit, & per eam constituitur; ex hac potissimum cognosci debet. Primario igitur spectanda venit Ecclesia mystica: Cœtus hominum electorum, qui per vocationem efficacem ac verè salutarem adducti sunt ad interiorem, sive mysticam, unionem & communionem cum Capite suo Christo.*

IV. Ità *Caput* hujus est Christus, qui ut per Spiritum suum ista membra spiritualiter vivificat; sic porro eam movet, gubernat, & perficit ad veram æternamque beatitudinem. *Eph. 1, 22, 23. Pater constituit Eum Caput super omnia Ecclesiæ: Quæ est corpus ipsius, & complementum ejus, qui omnia complet in omnibus, IV, 15, 16. v, 23. Col. 1, 18. II, 9, 10, 19.*

Neque tamen Christus putandus est propriè *Pars Ecclesiæ*: cum omnis Pars propriè dicta ab aliis Partibus perficiatur in Toto, & Totum majus ac perfectius sit quâlibet suâ Parte; Christus autem à suis membris nullam accipiat perfectionem, ipse in Se perfectionem infinitam habens.

Pontificii suum Pontificem statuunt Caput Ecclesiæ veræ Catholicæ. Verùm I. S. Scriptura docet Christum esse Caput Ecclesiæ; atque hanc dignitatem ipsi peculiariter tributam: ut modò probatum est. Solus Ergò Christus talis agnoscendus est: plura Capita ejusdem Corporis, hoc monstrosum faciunt.

2. Huc etiam pertinent alię phrasæ, quibus eadem res, & eadem unitas, diserte exprimitur. Nempe quod Christus sit *unus Dominus*: *Eph. 4, 5. Unus Doctor principalis*: *Matth. 23, 8, 11. cum Ephes. 4, 11. Unus Sponsus, & Vir Ecclesiæ*: *2 Cor. XI, 2. U-*
nicum

nicum Fundamentum hujus Spiritualis ædificii : 1 Cor. 3, 11. *Unus Mediator Dei & Hominum* : 1 Tim. II. 5, 6. in quo *solo salus* : Act. 4, 12. cum Eph. 5. 23. 3. Christus ita dicitur Rex Ecclesiæ, ut ista ἐξουχὴ illi soli tribuatur ; imo etiam Divina ipsius Filiatio isti dignitati subternatur : Psal. II, 6, 7, 8, 12. Hebr. 1, 1, - 9. Joh. 5, 20, 23, 26, 27, 28. Phil. II, 6, - 11.

4. Actus isti interni spirituales, & efficaces, qui à Christo ut Capite Ecclesiæ procedunt, atque ex ipso in membris suis mysticis exeruntur, tales sunt ut à mera aliqua creatura proficisci minimè possint ; sed Personam Θεάνθρωπον requirant, ut per Spiritum Sanctum possit in iis vivere, eos movere, &c.

V. Per veram fidem Evangelicam & salvificam, singula membra accipiunt hanc salutarem cum Christo Capite suo unionem & communionem ; eademque opera accipiunt unionem & communionem inter se mutuam, tanquam Membra unius Corporis mystici.

Sic autem, ratione status distincti, *Partes* ejus sunt Ecclesia militans, & Ecclesia triumphans.

Ecclesia militans in hoc sæculo, in Regno gratiæ, in vertute Christi, sub ipsius vexillo militiam gerit adversus hostes spirituales, ac per fidem victoriā potitur : 1 Tim. 6, 12. *Decerta præclarum illud certamen fidei*. 2: IV, 7, 8. Rom. 8, 37. *In his omnibus amplius quam victores sumus*. Militat ergo contra Diabolum. Ephes. 6, 12. *Est nobis lucta -- adversus -- tenebrarum hujus sæculi Principes, adversus spirituales malignitates in sublimi*. 1 Petr. 5, 8, 9. *Diabolus - quærit quem devoret*. Adversus Mundum : Joh. 14, 19. XVI, 33. 1 Joh. 5, 4. *Fides nostra est victoria, quæ vincit mundum*, Et adversus Carnem : Nam Caro concupiscit adversus Spiritum, &c. Gal 5, 17. Col. 3, 5. 1 Cor. 9, 26, 27.

Ecclesia triumphans est, quæ bello illo ad gloriosum finem

finem virtute Christi perducto, cum ipso in Coelis beatum atque æternum triumphum agit; prius secundum animas separatas, deinde secundum integras personas. *Hebr. 12, 22, 23. Accessistis ad -- concionem primogenitorum, qui conscripti sunt in Coelis, -- & Spiritus justorum consummatorum. Apoc 6. 9, 11. VII, 9, 14.*

In defectu hic peccant *Sociniani*; dum hinc ad extremum usque iudicium nullam Ecclesiam actu triumphantem agnoscunt: in excessu vero *Pontificii*; qui insuper Ecclesiam aliquam laborantem in Purgatorio fingunt.

Atque ita omnes vere fideles, dum sunt in hoc sæculo, ad Ecclesiam militantem; hinc autem translati, iidem ad triumphantem pertinent.

VI. Ecclesia mystica recte dicitur *catholica, invisibilis, & indefectibilis.*

Catholica; quia omnes vere fideles, omnium locorum, omniumque temporum, sua amplitudine complectitur.

Invisibilis; quia mystica unio & communio vere fidelium cum Christo, atque inter se mutuo, oculis omnino conspici non potest.

Indefectibilis; quia fieri non potest, ut numero vere fidelium quicquam decedat. Huc pertinet illustre testimonium Christi, *Joh. 10, 14, 15, 16. Ego sum Pastor ille bonus; & agnosco meas (oves.) - Habeo alias etiam oves, quæ non sunt ex hac caula: eas Me quoque oportet adducere: - fietque unus Grex, & unus Pastor.* Ac porro, *26, 30. 2 Tim. 2, 19. 1 Petr. 2, 9.*

VII. Altera consideratio est Ecclesiæ secundum formam externam institutam, in suis Conventibus; ubi Verbum prædicatur, Sacramenta administrantur, Disciplina exercetur, aliaque similia peraguntur: sic tamen ut actus isti externi, tanquam signa & media, referantur ad statum interiorem; eumque promoveant.

Citra

Citra istum respectum & usum media illa externa non constituunt Ecclesiam, aut Membra ejus; nisi æquivoce. *Hof. 1, 9. Vos non eritis populus meus; &c. II, 2. Rom. 2, 25, 28, 29. Quod si transgressor Legis fueris, Circumcisio tua facta est Præputium. Non enim qui est in propatulo (Judæus,) Judæus est. 1 Job. 2. 19. Non erant ex nobis.*

Sic autem ratione temporis atque œconomix statim occurrit *distributio* in Ecclesiam V. Test. & Ecclesiam N. Test.

Atque hæc porro considerari potest per sua Sæcula; priora, media, posteriora: *deinde*, secundum Plagas mundi; aut secundum Nationes, Regna, Provincias, Urbes, Vicos: atque adeo vel magis, vel minus *universaliter*; sive etiam *particulariter*. Potissimum vero spectari debent, ubi externam formam institutam consideramus, singulæ Particulares Ecclesiæ, secundum Urbes, Vicos, vel etiam Coetus, distinctæ.

VIII. *Ecclesia autem externa particularis instituta* sic constituitur per Fidelium confoederationem & conjunctionem mutuam, ad communes actus religiosos, Verbi prædicandi, Sacramentorum administrandorum, Disciplinæ exercendæ, &c. præeuntibus Antecessoribus. Hinc *Act. 13. 1, 2. Erant autem Antiochiæ, in Ecclesiâ quæ illic erat, quidam Prophetæ & Doctores, &c. Illis autem sacram suam functionem obeuntibus. Vide porro, XIV, 21, 22, 23. XV, 2, 3, 4, 6. XX, 17. 28. 1 Cor. 4, 17. XI, 16, 18, 20, 22. xv, 1, 2. Phil. 1, 1. Tit. 1, 5. Apoc. 1, 20. Distincte autem in Ecclesia instituta spectabimus deinceps Partes, Functiones obeundas, Adjuncta, & Contraria.*

IX. *Partes Ecclesiæ institutæ sunt Ministri Ecclesiastici, & reliqua multitudo fidelium; qui pariter constituunt Exteriorem Politiam Ecclesiasticam.*

Ministri Ecclesiastici dicuntur; Personæ, quibus ex ordi-

ordinatione Christi, singularis aliqua functio demandata est, ad communem ædificationem. Hi considerari possunt *vel V. vel N. T.* atque utrique in *extraordinarios*, & *ordinarios*, dispescuntur.

Extraordinarii vocatione & donis extraordinariis dignoscuntur. Tales sub V. T. fuerunt *Patriarchæ*, & *Prophætæ*.

Patriarchæ appropriato usû dicuntur ejusmodi Patres familiarum, iidemque Ministri extraordinarii, qui ante exaratas SS. Literas, & ante Sacerdotium Leviticum, Ecclesiam in suis familiis & in sua posteritate instituerunt, conservarunt, & propagarunt, tum ante, tum post Diluvium. Quantum ad *nomen* attinet, Jacobus *Act.* 7, 8. dicitur genuisse *duodecim illos Patriarchas*. Quantum ad *rem*, statim à lapsu Deus Adamo & Evæ Evangelium promissionis ipse revelavit; *Gen.* 3, 15. Nec dubitandum; quin modum sacrificandi porro docuerit: unde potissimum celebratur sacrificium Abelis per fidem oblatum, *Gen.* 4, 4. *Hebr.* XI, 4. Vide etiam *Gen.* 4, 26. Item V, 22, 24. cum *Hebr.* XI, 5. & *Judæ*, 14, 15. Porro autem tum ante, tum post diluvium, *Patriarchæ* fuerunt plures; de quibus per totam Genesin legere est.

Prophætæ V. T. dicuntur, qui citra respectum ad familiam ac posteritatem propriam, tamen ut Ministri extraordinarii, cum SS. Literæ exarari coeptæ sunt, & cultus œconomicus V. T. magis in ordinem redactus, ac deinceps, mysteria Divina Θεοπνεύματος revelarunt; vel etiam futura prædixerunt, ac potissimum de Messîâ venturo, ejusque vita, passionibus, gloriâ, officiis, & beneficiis: *Act.* 3, 21, - 24. De quibus locutus est Deus à sæculo, per os omnium sanctorum suorum Prophetarum. x, 43. Huic (Christo) etiam omnes *Prophætæ* testimonium dant. *Hebr.* I, 1. I *Petr.* I, 10, 11, 12.

Horum aliqui Spiritui Sancto servierunt, tanquam amanu-

amanuenses, in conscribendis SS. Literis. Tales fuerunt Moses, David, Salomon, &c. item Jesaias, &c. 2 Petr. 1, 19, 20, 21. 2 Tim. 3, 16. Alii valde etiam illustres fuerunt, variisque miraculis clari; neque tamen constat, libros aliquos sacros ab iis esse conscriptos: utpote Elias & Elisæus: 1 Reg. 17, - 2, XIII.

Prophetis accensendæ sunt *Prophetissæ*; quales Debora; Jud. 4, Et Hulda; 1 Reg. 22, 14.

Ordinarii Ministri V. T. Primo quidem sub ductu Patriarcharum fuerunt *Patres* singularum familiarum fidelium, eorumque *Filii primogeniti*; deinde vero, juxta præscriptum Legis ceremonialis, sed & à Prophetis, ubi exorbitarent, ad lineas revocandi, *Sacerdotes & Levitæ*.

X. Ministri N. T. proponuntur, Eph. 4, 11. 12. & Rom. 12, 6, 7, 8.

In his *extraordinarii* sunt Apostoli, Prophetæ, & Evangelistæ.

Apostoli fuerunt *Ministri extraordinarii*, à Christo vocati & missi, ad Ecclesias in universum plantandas, propagandas, & reformandas. Tales initiò, dùm Christus vixit humilis, fuerunt duodecim; ab ipso immediatè vocati, atque insignibus donis ad istam functionem instructi. Vide Matth. 4, 18, - 22. IX, 9. Item x, 1. *Tunc advocatis duodecim Discipulis suis, dedit iis auctoritatem adversus spiritus impuros, ut ejicerent eos; & sanarent quemvis morbum.* Porro duodecim Apostolorum nomina, &c. Hos duodecim misit Jesus, & addidit eis mandata. Luc. 6, 13. In Judæ proditoris locum, qui unus illorum fuerat, postea suffectus est *Matthias*: Act. 1, 21. 26. Accessit deindè Paulus: IX, 1, 6, 15, 16. Gal. 1, 1. Atque etiam Barnabas; ut nonnulli colligunt ex Act. 13, 2, 3. ac porro XIV, 14. ubi pariter appellantur *Apostoli Barnabas & Paulus*. Vide etiam vers. 12. & xv. 35. -.

Sed officium illud universale, atque in docendo infallibile, ut constituendæ primùm œconomix N. T. serviit; sic post eam, per istas personas, constitutam desit.

XI. *Prophetæ* nunc intelliguntur extraordinarii Ministri N. T. singulari quodam dono, & revelatione Divinâ, arcana explanantes, & futura quandoque prænunciantes. Exempla occurrunt, *Act.* xi, 27, 28. *Descenderunt Hierosolymis Prophetæ Antiochiam, inter quos Agabus, de quò etiâ, xx*i, 10, 11. *Addex* iii, 1.

Prophetis annumerandæ *Prophetissæ*; quemadmodum Philippo Euangelistæ dicuntur fuisse *quatuor filie virgines prophetantes, Act.* xx, 8, 9. Confer *II*, 16, 17, 18.

Dùm verò Prophetæ & Doctores; pariter sua dona, ad mutuam, & communem Ecclesiæ ædificationem, conferebant; hinc enata sunt insignia quædam *exercitia*: quorum extat, *Act.* 13, 1, 2. *Erant Antiochiæ, in Ecclesiâ quæ illic erat, quidam Prophetæ & Doctores.* -- *Illis autem sacram functionem obeuntibus: &c.* Verùm etiâ alii, donis extraordinariis non instructi, illis sese adjunxerunt; expectantes, si fortè Deo etiâ talia in ipsos conferre placeret: vel hoc agentes, ut saltem per istiusmodi media, ordinariâ Sp. Sancti gratiâ cooperante, proficerent in mysteriis fidei; deque iis ad mutuam ædificationem dissererent. Hinc *I Cor.* 14, 1. *Affectate spiritualia, maxime verò ut prophetis.* Vide porrò, 3, 4, 24, 25, 26, 29, 30, 32, 35. *x*i, 5.

XII. Præclara fuerunt ista *exercitia* sub ductû Prophetarum extraordinariorum & Doctorum; magnæque utilitatis ad profectum in cognitione veritatis, quæ secundum pietatem est. Hinc etiâ *I Thess.* v, 19, 20, 21. *Spiritum ne extinguite: Prophetias ne pro nihilo habete: omnia explorate: quod bonum fuerit, retinete.*

Istiusmodi Collegia etiâ instituta fuerunt in Eccle-

fiis à Papismo reformatis, sub ductâ ordinariorum Pastorum ac Doctorum.

At si quid *Extraordinariæ revelationis* vel jactetur, vel deprehendi videatur, cavendum sedulò, ne quod opus Dei temeritate nostrâ contemnatur, aut blasphemetur: interim etiâ seriò cogitandum est de versutiâ antiqui illius serpentis, Diaboli, sese in Angelum lucis transfigurantis. Observandæ igitur *cautiones* dux. Prior est Deut. 18, 20. *Quando loquetur Propheta in nomine Jehovæ, & non extiterit verbum ejus; per superbiam locutus est illud Propheta ille: ne metuas ab illo.* Confer Num. 23, 19. *Jes.* 46, 9, 10. Nisi scil. conditio aliqua fuerit vel expressa, vel intellecta. Vide *Jerem.* 18, 7, - 10. & confer *Jen.* III, 4. Altera est, Deut 13, 1, 2, 3. *Cum surrexerit in medio tui Propheta, & dederit tibi signum vel portentum; veneritque, quod locutus est tibi, dicendo: Eamus post Deos alienos, quos non nosti. Non obedies verbis Prophetae illius; quia Jehovah Deus vester tentat vos.* Confer Gal. 1, 8, 9. *1 Joh.* 4, 1, 2, 3. Rom. 12, 8. 2 Tim. II, 13. *Jac.* I, 17.

XIII. *Evangelistæ* sunt etiam extraordinarii Ministri N. T. Apostolis adjuncti auxiliares in ministerio Evangelico; qui ab iis assumebantur comites, alicubi post eorum discessum relinquebantur, vel etiam alio mittebantur ad Ecclesias particulares; ut constituerent necessaria ad spiritualem ædificationem. Isti diserte etiam appellantur *Eph.* 4, 11.

Tales fuerunt Philippus Evangelista; *Act.* 21, 8. *qui unus erat ex illis septem:* scil. primus ordinatis Diaconis; *vi.* 5. *Timotheus;* ad quem 2, IV, 5. *Opus perage Evangelistæ.* Aliique plures, ut Titus, Marcus, Lucas, Silas; &c.

Alio significatû Scriptores historiæ Evangelicæ *Evangelistæ* communiter appellantur; cum tamen *Matthæus* & *Johannes* Apostoli fuerint; sed Marcus & Lucas

Lucas in Evangelistarum ordine subſtiterint.

XIV. Sequuntur *Ordinarii*; qui, juxta ordinem nomine Dei & Chriſti per extraordinarios conſtitutum, ad functionem Eccleſiaſticaſ eliguntur & vocantur, atque alii aliis ſuccedunt, uſque ad conſummationem ſæculi & Eccleſiarum inſtitutarum. Tales in Conſtitutionibus Eccleſiarum noſtrarum recte recensentur *Paſtores*, *Doctores*, *Seniores gubernantes*, & *Diaconi*.

In N. T. ipſe Chriſtus κατ' ἐξοχήν Paſtor vocatur: *Joh. 10, 11, 14, 16.* *1 Petr. 11, 25.* qui Magnus Paſtor: *Hebr. 13, 10.* & Princeps Paſtorum; *1 Petr. 5, 4.* Sed de Miniſtris, & quidem ordinariis, eadem vox uſurpatur, *Eph. 4, 11.* iisque mandatum eſt, *pāſcere Eccleſiam Dei*; *Aët. 20, 28.* *Pāſcere gregem Dei, qui penes ipſos eſt*; *1 Petr. 5, 2.* Confer *Joh. 21, 15, 16, 17.* cum *1 Petr. 5, 1.* Sed *Aët. 20, 17, 28.* *Presbyteri*, & *Episcopi* appellantur. Confer *1 Tim. 5, 17.* Et *Hebr. 13, 17, 24.* *Ductores*, *excubantes pro animabus populi, tanquam rationem reddituri.* *1 Theſſ. 5, 12.* *Laborantes, qui præſunt in Domino, & admovent.*

Pāſcunt igitur ſermone & doctrinâ: quod eſt *lac ſincerus*; *1 Petr. 11, 2.* & ſimul *cibus ſolidus*; *Hebr. 5, 12, 13, 14.* Unde Episcopum oportet eſſe διδάσκειν: *1 Tim. 111, 2.* Doctrinæ adjungitur Baptiſmus, Sacramentum initiationis: ſic enim Chriſtus iſta conjunxit; *Matth. 28, 19.* Confer *Eph. 5, 26.* Ac porro Coena Dominica, Sacramentum nutritionis ſpiritualis; in cujus diſpenſatione ſatis etiam manifeſta eſt paſtio: *1 Cor. XI, 24, 25.* cum *IV, 1.* Diſciplina Eccleſiaſtica huc quoque pertinet; atque adeo Claves Regni cœlorum, ſive Potestas ligandi & ſolvendi; quam Chriſtus in Eccleſiâ extare voluit: *Matth. 16, 19.* *xviii, 17, 18.* Itemque Orationes publicæ: *Aët. 11. 42, vi, 4.* Ex quibus conficitur *Deſcriptio*; Paſtores ſunt Miniſtri

ordinarii N. T. quibus in Ecclesia ministerium Verbi annunciandi, Orationem habendarum, Sacramentorum administrandorum, & Disciplinæ una cum Collegis suis pariter gubernantibus exercendæ, mandatum est. Nunc agamus de eorum *Vocatione, Necessitate, Aequalitate, & Stipendio.*

XV. *Vocatio* hîc *ordinaria* intelligitur: ea est Actio Ecclesiæ, vel Antecessorum ejus, qua nomine Christi, & juxta præscriptum Ipsius, talis persona eligitur & applicatur ad tale Ministerium.

Afferimus autem contra *Enthusiastas, Libertinos*, eorumque sequaces, *Vocationem* ad Ministerium Pastorale esse necessariam; non vero licitum esse cuivis idoneo, aut se idoneum putanti, sponte sua id capessere. Sententiam probamus istis Argumentis: 1. Necessitas illa satis diserte exprimitur in SS. Literis: utpote Rom. 10. 14, 15. *Quomodo invocabunt eum, in quem non crediderint? quomodo autem credent ei, de quo non audierint? quomodo autem audient absque prædicante? Quomodo autem prædicabunt, nisi missi fuerint?* Missio igitur, quæ non differt realiter à *Vocatione*, necessaria est, ut quis prædicet Verbum; ex cujus auditu erit fides salutaris, ac fidelis invocatio. Similiter Hebr. 5, 4, 5. *Neque sibi quisquam sumit hunc honorem; Sed qui vocatur à Deo, sicut & Aharon.* Quæ propositio generalis est, licet ab Apostolo specialius applicetur. Munus autem Pastorale vere honorificum est; quapropter nemo illud ipse sibi sumere debet. Vide 1 Tim. 3, 1. cum 7. & 10. Item v, 17. cum 22.

2. Reprehenduntur qui sine *vocatione*, aut *missione*, munus istiusmodi capessunt; Jerem. 23, 31. *Non misi Prophetas illos; & ipsi currebant: non sum locutus ad eos; & ipsi prophetabant.* Sic diserte redarguitur ille actus docendi, absque *missione* ad eum. Ut autem se habet *vocatio* extraordinaria ad functionem extraordinaria-

dinariam; sic vocatio ordinaria ad functionem ordinariam.

3. Accedunt exempla & praxis perpetua; non solum in V. T. sed etiam in N. Johannes Baptista à Deo missus fuisse dicitur, *Joh. 1, 6, 33*. Apostoli à Christo, *Matth. 10, 1-5*. Septuaginta Discipuli etiam à Christo, *Luc. 10, 1*. Quæ quidem vocationes fuerunt immediatæ. Aliæ deinceps fuerunt mediatæ: ut saltem ex parte vocatio Matthiæ Apostoli; *Act. 1, 21, -26*. Atque amplius sic constituti sunt Presbyteri variarum Ecclesiarum; *xiv, 23. xx, 28. Tit. 1, 5*.

4. Accedit ratio; quod sint Legati Dei & Christi *2 Cor. 5, 19, 20*. Atqui Legatorum est a Principe mitti. Confer *1, iv, 1, 2*. cum *1 Petr. 4, 10, 11. Matth. 28. 19, 20. Ephes. 4, 11, 12, 13. 1 Cor. III, 10, -13*. Eidem ergo Domino ministrant, & in eundem finem, ordinarii; ut ministrarunt extraordinarii.

Obj. 1. 1 Tim. III, 1. Si quis Episcopatum desiderat, præclarum opus desiderat. Ergo etiam licet personæ habili illud munus capeßere. *Resp.* Non tamen licet absque vocatione legitimâ.

Obj. 2. 1 Thess. 5, 11. Adhortamini alii alios; & edificate singuli singulos; sicut & facitis. Singulis ergo licet alios docere & adhortari; atque adeo Pastoris munere fungi. *Resp.* Ex privato officio charitatis singuli singulos rectè ædificant: sed hinc nihil adversus sententiam nostram conficitur.

Obj. 3. Act. 8, 4, 5. agitur de fidelibus præter Apostolos, ex persecutione dispersis; qui dicuntur Euangelizasse sermonem Dei: ac nominatim Philippus in urbe Samariæ prædicasse Christum. Ergo. *Resp.* Philippus Euangelista fuit; *Act. 21, 8*. Nec dubitandum videtur, quin in istâ multitudine fuerint plures Euangelistæ, & Doctores. Reliqui verò etiam ex privato charitatis officio privatim alios instituere

& exhortari potuerunt. Sed hinc non sequitur, ad ordinarium Pastoris officium non requiri vocationem, aut missionem.

Obj. 4. 1 Cor. 14, 3, -. loquitur Apostolus satis prolixè de libertate prophetandi singulis permittendâ. Ergò. *Resp.* Apostolus loquitur de variis donis in communem Ecclesiæ ædificationem conferendis, ac potissimum de dono prophetiæ; ubi etiâ alii pio discendi ac proficiendi studio exercitia sua adjungebant; quamvis extraordinariam revelationem non habentes. Verùm de istis adhuc præcipit Apostolus *vers. 40.* *Omnia decenter & ordine fiant.* Nedùm cuicunque homini, quantumvis idoneo, vel idoneum sese reputanti, liceat suâ sponte, sine vocatione, capeßere Munus antecessorium administrandi Verbum, & Sacramenta, & Claves regni cœlorum.

XVI. Ad legitimam Vocationem pertinent *Electio, Examen, Approbatio, & publica Confirmatio.*

Electio est personæ unius (si una tantum desideretur) ex pluribus discretio, & designatio, ad hoc munus, si omnia se in eâ & circa eam rectè habeant, deinceps ritè obeundum. Prius tamen, etiâ cum unustantum Minister requiritur, plures quandoque *nominantur*, & in considerationem veniunt; postea unus *eligitur* per suffragia. Huc analogicè pertinet illud, *Actor. 1, 15, -- 26.* ubi cum Petrus, in mediâ multitudine fidelium exposuisset Judæ proditoris locum necessariò supplendum; duos nominarunt, Josephum & Matthiam; ac porrò decisionem à Deo petierunt. Respondit autem Deus per sortem; atque ita locus ille suppletus est, omnibus pariter consentientibus. Similiter septem Diaconi, *cap. 6, 2, -- 5.* ab Ecclesiâ fuerunt electi. Propius autem huc spectat, quod de *χειροτονία*, suffragiis protensâ manû datis, in eligendis Presbyteris, occurrit, *cap. XIV, 23.*

XVII. *Examen* est accurata observatio Personæ hætenus

hactenus electæ; & exploratio, nùm ea verè idonea sit ad istud Ministerium. 1 Tim. 5, 22. *Manus citò ne cui imponito: neque communicato peccatis alienis. Confer. III. 10. Hi etiam explorentur prius, &c.*

Examen autem institui debet non solum ratione doctrinæ, & facultatis dicendi accommodatè ad spirituales ædificationem; verum etiam ratione vitæ universæ. Hinc 2 Tim. 3, 17. *Ut perfectus sit homo Dei, ad omne opus bonum perfectè instructus. Tit. 1, 9, 10, 11. Oportet Episcopum esse tenacem fidei illius secundum doctrinam sermonis; ut possit & auditores exhortari doctrinâ illâ sanâ, & contradicentes convincere. Adde 1 Tim. 3, 2, 6. Specialius de vitâ: vers. 2, 3. Oportet eum esse Irreprehensibilem, non vinosum, non percussorem, non turpem quæstum facientem, alienum à pugnis, alienum à pecuniæ amore. Tit. 1, 7. Pietate verò, modestiâ, omnibusque reliquis virtutibus ornatum: 1 Tim. 3, 2, 4, 5, 7. Unius uxoris virum, vigilantem, temperantem, compositum, hospitalem, æquum, &c. Tit. 1, 6, 7 8.*

Atque ità in Ecclesiis nostris receptum est, ut Theologiæ Studiosi, ad S. Ministerium adspirantes, examinentur prius *præparatoriè*. Hinc, ut Ecclesiis innotescant magis, ad specimina publica admittuntur. Postquàm verò ad Ministerium electi sunt, iterum instituitur examen; quod *peremptorium* appellatur.

XVIII. *Approbatio* est, eorum, ad quos negotium istud pertinet, post examen sufficiens, iudicium & consensus, ut talis persona deinceps ad Ministerium istud admittatur. Sic Act. 1, 26. de Matthiâ; *Communibus calculis allectus est cum undecim Apostolis.* Huc etiam pertinet illud de electis sex Diaconis, vi, 6. *Quos statuerunt in conspectu Apostolorum;* approbandos scil. atque porro ordinandos. Finis nimirum Examinis est, ut idonei approbentur; inepti reprobentur, aut relinquuntur. In plerisque Ecclesiis Bel-

gicis accedit specialis Approbatio Magistratus Religionem Reformatam profitentis; atque item Classis, ad quam Ecclesia ista pertinet.

XIX. *Publica Confirmatio* est solennis admissio & introductio Pastoris electi, explorati, & approbati, ad Ministerium ritè obeundum.

Antiquitùs hìc etiàm usurpata fuit *Impositio manuum*: quo ritù tales personæ Deo veluti consecrabantur ad istud Ministerium, cum precibus ac benedictionibus. Confer *Levit. 1, 4. Genes. 48, 17, 18.* Ità de septem primis Diaconis, *Act. 6, 6. Adhibitis precibus, imposuerunt eis manûs. XII, 3.* de Prophetis & Doctoribus Antiochenis, cùm Spiritus Sanctus iis mandasset, ut sibi Barnabam & Paulum ad opus singularis Ministerii separarent; Cùm jejunassent, & orassent, & imposuissent eis manûs, dimiserunt eos. Iterùm *I Tim. IV, 14. Ne negligito donum, quod in te est; quod datum est tibi per prophetiam, cum impositione manuum ordinis Seniorum.* Et *v, 22. Manûs cito ne cui imposito.*

Istiusmodi ordinatio & confirmatio apud nos peragitur, adhibitâ publicâ χειροθεσίᾳ, in iis qui primum Ministerio Verbi consecrantur. In conventû Classis verò peragitur circa eos, qui mittuntur ad Ecclesias sub cruce latentes, aut valdè remoras; apud quas ordinatio non ità commodè posset peragi. Sed absque illo ritù fit confirmatio eorum, qui priùs etiàm alibi munere Pastoralis functi sunt, atque ità ordinati fuerunt.

XX. *Potestas vocandi & mittendi Pastores* spectari potest vel principalis, vel ministerialis. Principalis competit Deo absolutè; aut Patri, tanquam primo ordine subsistendi & operandi. Hinc Christus Discipulis suis, *Matth. 9, 38. Deprecamini Dominum messis, ut emittat operarios in messem suam.* Confer *I Cor. 1, 2: v, 20. Matth. XI. 25. Κατ' ὀνόματι* verò compe-

competit Christo Θεανδρώπῳ, qui tanquàm Rex Ecclesiæ Ministros instituit, sibi quæ tanquàm supremo Prophetæ subordinat; juxta illud *Ephes. IV, 11. Christus dedit alios Apostolos, -- alios Pastores & Doctores.* Adde *Job. 20, 21. Matth. 28, 18, 19.* Secundùm aliam appropriationem tribuitur Spiritui Sancto, per quem Filius operatur, & docet intùs efficaciter. Sic enim *Actor. 13, 2. Dixit Spiritus Sanctus; Separate mihi Barnabam & Saulum ad opus, ad quod eos ad-vocaui.* Adde *xx, 28.*

Ministerialis autem, quæ in Vocatione mediata locum habet, competit Ecclesiæ; præcuntibus tamen Antecessoribus, quos modò habet; juxta voluntatem Dei & Christi: haud secùs ac quælibet Respublica libera potestatem habet constituendi Rectores, qui præsent reliquæ multitudini; aut per Rectores, qui modò existunt, data occasione supplet defectum aliorum. Sic Apostoli ad multitudinem fidelium retulerunt de supplendo loco vacante, post interitum Iscariotæ, *Act. 1, 14, 15.* & Matthias communibus calculis dicitur allectus cum undecim Apostolis; *vers. 26.* Similiter ad multitudinem retulerunt de eligendis Diaconis; *vi, 2, 3.* Prophetæ autem & Doctores Antiocheni Barnabæ & Paulo manûs imposuerunt; *xi, 1, 2, 3.* Timotheo in memoriam revocatur impositio manuum Presbyterii; *1 Tim. 4, 14.* Iterùm Paulus & Barnabas, Lystram, & Iconium, & Antiochiam reversi, ad confirmandos fidelium animos, dicuntur per suffragia illis creâsse, per singulas Ecclesias, Presbyteros; *Actor. 14, 23.* Adde *Tit. 1, 5. 1 Tim. 5; 22.*

XXI. Atque ità in Ecclesiis nostris, juxta receptas Constitutiones, Electio Pastoris peragitur à Presbyterio, collegio Antecessorum Ecclesiasticorum: ubi verò Presbyterium nondùm est constitutum, peragitur à Classe, ad quam Ecclesia ista pertinet: quem-

admodum etiã ad Ecclesias sub cruce sic laborantes; ut ipsæ sibi Pastores vocare commodè non possint, aut ad Ecclesias de novo plantandas, vel colligendas, mittuntur Pastores à Synodo, aut Classe aliquà propinquâ.

Quoniã autem *Magistratûs* in his Provinciis ferè Religionem Reformatam profitentur, observandum venit, ad Magistratum quã talem pertinere, quinam sint cives in suã civitate, vel territorio; ac potissimùm, quinam illic publico munere fungantur: dùm verò, & quatenùs iidem fideles sunt, & Ecclesiarum nutritii, eorundem consensus etiã requiritur speciatim. Atque huc pertinet *Correspondentia*, quam vocant.

Alicubi *jus* quoddam *Patronatûs* obtinet etiamnùm. Sub Papatû istud duplex fuit: unum *Clericale*, quod erat penes Clericos; alterum *Laicale*, quod penes Laicos, (ut isti appellant) ex ipsorum usurpatione, vel etiã ex concessione Episcopi, ob insigne aliquod beneficium in Ecclesiam collatum: sic autem *Patronum faciunt dos, edificatio, fundum*. *Clericale* per Reformationem abrogatum est: *Laicale* verò cum tolli hætenùs omninò non potuerit, etiã toleratur; sed conditionibus quibusdam limitatum. Vide Synodi Nationalis Dordracenæ Sessionem 157.

XXII. Videndum nunc de *Legitimâ Vocatione Pastorum in Ecclesiis Reformatis*. Hic autem initio occurrunt, qui *primi Reformatores* appellantur; ut Lutherus, Zuinglius, &c. iique habuerunt Vocationem legitimam, juxta ordinem tunc in Ecclesiã Romanã receptum; non quidem ἀνεγκλητον; talem interim, ut accedente Ecclesiæ cujusque particularis, ubi illi Ministerium obierunt, consensû & approbatione, essentialia censi debeant integra.

Vocati enim fuerunt, i. ad Euangelium fideliter prædicandum: dùm autem hoc fecerunt magis fideliter,

liter, quàm illi à quibus fuerant ordinati, aut missi; sic in usu & exercitio magis legitimum fecerunt suum Ministerium; sed nequaquàm jure eo excidisse putandi sunt.

2. Cùm illi diù ante Concilium Tridentinum fuerint ordinati ac missi, non fuerunt in suâ ordinatione ac missione obnoxii illius Decretis, aut prohibiti docere adversùs ejus Canones.

3. Qualiacunque Decreta & Statuta Ecclesiastica nihil valent adversùs Verbum Dei.

Qui verò deindè *secuti sunt in Ecclesiis Reformatis*, legitimam Vocationem habuerunt, & habent, per Antecessores Ecclesiasticos, adstipulante Grege Ecclesiastico, juxta Verbum Dei.

Ex his facilè solvitur *Dilemma Pontificiorum*; Primi Reformatores vel habuerunt Vocationem legitimam, vel non habuerunt: si non habuerunt, non licuit iis Ecclesiam reformare, tanquàm destitutis omni jure ac potestate ad eam rem: si verò habuerunt Vocationem legitimam, ergò Ecclesia Romana, in cujus communione Vocationem acceperunt, habet potestatem legitimè vocandi; consequenter est vera Ecclesia, non corrupta, aut Reformatione egens. *Respondemus* enim, eos habuisse Vocationem essentialiter legitimam; atque hactenùs valuisse Vocationem in Ecclesiâ Romanâ factam; non minùs quàm Baptismum in eâ administratum etiam nùm agnoscimus. Verùm indè nequaquàm sequitur, Ecclesiam Romanam esse incorruptam; sicut de ejus corruptione plurimi, etiàm diù ante Lutherum, meritò fuerant conquesti. Homo æger, atque ex morbo periculosissimo morti propinquus, hactenùs tamen homo est, & actiones quasdam humanas edere potest; verùm indè minimè sequitur, nihil opus illi esse curatione.

XXIII. Sequitur *Necessitas muneris Pastoralis* ad Ecclesiæ militantis collectionem, conservationem, & propa-

propagationem. Ea autem probatur contra *Enthusiastas*, *Libertinos*, & varios ἀτάκτως, 1. ex disertâ ordinatione Divinâ: *Matth.* 28, 19, 20. *Profecti* ergo *docete omnes gentes*, *baptizantes eos*, ---. Et ecce, *Ego vobiscum sum omnibus diebus*, usque ad consummationem seculi. Sic Ministerium in Apostolis inchoatum, per eorum Successores continuari debuit usque ad finem mundi. Adde *Joh.* 20, 21. *2 Cor.* 5, 18, 19, 20. Sic *Ephes.* 4, 11, 12. non minùs Pastorum & Doctorum, quàm Apostolorum, Prophetarum, & Evangelistarum constitutio, seu ordinatio ad opus Ministerii, & ad ædificationem Ecclesiæ, tribuitur Christo. Quemadmodum Spiritui Sancto etiàm tribuitur constitutio Episcoporum, sive Presbyterorum: *Actor.* 20, 17, 28. Talis consequenter fuit Praxis Ecclesiæ Apostolicæ & primitivæ: *Tit.* 1, 5. *Actor.* 14, 23. xv, 2. *Phil.* 1, 1. *1 Tim.* 4, 14. *Apoc.* 1, 20. cum *Mal.* 11, 7.

2. Ex consideratione finium: *Dan.* 12, 3. *Iustificantes multos*, &c. *Joh.* 20, 23. *Si quorum remiseritis peccata* (ministerialiter remissionem denunciando, postquam homines ad fidem & resipiscentiam fuerint adducti) *remittuntur eis*, - *Eph.* 4, 11, 12, 13. *Is igitur dedit alios quidem Apostolos*; - *alios autem Pastores & Doctores*: *ad concinnationem integram sanctorum*, *ad opus ministerii*, *ad ædificationem corporis Christi*: *Donec deveniamus nos omnes in unitatem fidei*, &c.. Adde *1 Tim.* 4, 16. *Rom.* 10, 13, 14, 15. Huc pertinent consequentia miseranda & noxia, ubi deest Ministerium: *Prov.* 29, 18. *Am.* 8, 11, 12. *Tristis querela*; *Psal.* 47, 9. & Christi commiseratio ac monitum; *Matth.* 9, 36, 37, 38.

3. Ex requisitis & conditionibus Ministrorum eligendorum; ac porro ex eorum officiis, tam accurate descriptis: *1 Tim.* 3, 1, - 13. *Siquis Episcopatum desiderat*, *præclarum opus desiderat*. Oportet igitur Episcopum

pum irreprehensibilem esse, unius uxoris virum, vigilantem, &c. Tit 1, 6, 9. 2 Tim. II, 2. Item Act. 20, 28. Attendite igitur animum ad vos ipsos, & totum gregem, in quo vos Spiritus ille Sanctus constituit Episcopos, ad pascendam Ecclesiam Dei, quam suo illo proprio sanguine acquisivit. Col. 3, 17. 1 Cor 4, 2. 1 Tim. 3, 15. IV, 11, - 16. 2. II, 24, 25. III, 17. IV, 2. Tit. II, 1, -. 1 Petr. 5, 1, - 4.

4. Ex mandatis, quomodo singuli Ministros debent recipere, non rejicere, aut contemnere; sed audire, & in honore habere; &c. Matth. 10, 40, 41. Qui recipit vos, Me recipit: -. Luc. 10, 16. 1 Cor. 4, 1. Sic de nobis reputet homo, ut de Ministris Christi, & Dispensatoribus mysteriorum Dei. 1 Thess. 5, 12, 13. Rogamus autem vos, fratres, ut agnoscatis eos qui laborant inter vos, qui præsunt vobis in Domino, & admonent vos: 1 Tim. 5, 17. Hebr. 13, 17.

XXIV. Obj. 1. Deus Ezech. 34, 11, - 24. promissit, se in Christo quæsiturum & pasciturum oves suas. Sic Is. 54, 13. Joh. 6, 45. Erunt omnes docti à Deo. Confer Joh. 8, 47. x, 11. Nihil igitur opus est Ministris & Ministerio Ecclesiastico. Resp. Male sic separantur conjuncta; Causæ secundæ à prima, ministræ & instrumentales à principali. Paulus plantat, Apolos rigat; sed Deus dat crescendi vim: 1 Cor. 3, 6. Confer Act. 16, 14. Matth. 28, 19, 20.

Obj. 2. Christus Spiritum promissit, qui suos in omnem veritatem esset ducturus, Joh. 16, 13. cum Rom. 8, 9, 14. 1 Joh. II, 27. Resp. Sed non secluso medio Ministerii. Diserte Joh. 16, 27. Spiritus testabitur de Me. Sed & vos testabimini.

Obj. 3. Christus est unus Mediator: 1 Tim. II, 5. & uno opus est: Luc. 10, 42. Ergo. Resp. Non tamen tolli debent media, quibus ad Christum, & studium salutis æternæ, ex Ipsius ordinatione, adducamur.

Obj.

Obj. 4. Fides est aliquid internum & spirituale; ut & Regnum Dei: *Luc.* 17, 20, 21. Apostoli erant Ministri Spiritus: *2 Cor.* 3, 6. Ergo. *Resp.* Non tamen sequitur, fidem ordinarie produci sine ministerio prædicantium: *Rom.* 10, 14. & Ministri Spiritus discerni debent ab ipso Spiritu.

Obj. 5. Abrahamus immediate ab ipso Deo fuit vocatus. Itemque Paulus non ab hominibus, neque per homines vocatus, &c. Ergo. *Resp.* 1. A factis quibusdam extraordinariis, ad ordinaria, non valet consequentia. 2. Abrahamus etiam familiam & posteritatem suam docere debuit: *Gen.* 18, 19. Et Paulus per Ananiam instructus & baptizatus est: *Actor.* 9, 10, 19. &c.

XXV. Succedit *Pastorum æqualitas*: ut omnes & singuli Pastores Ecclesiastici eandem, sive æqualem, potestatem ministerialem habeant; juxta ordinem in Verbo Dei præscriptum. *Pontificii* magnam in æqualitatem statuunt: *Episcopos* enim *Presbyteris* dicunt majores, aut superiores, potestate ordinis, & jurisdictionis; h. e. ut illi, non hi, possint aliis conferre Sacramentum ordinis (quod vocant); & ut jurisdictionem spirituales habeant. Quin imò *Archiepiscopos*, & *Primates*, & supra omnes *Pontificem Romanum*, agnoscunt iidem. Sed & alii *Hierarchici* similem fere inæqualitatem statuunt.

Verum 1. in SS. Literis Episcoporum & Presbyterorum appellationes inter se permutantur: sic enim qui *Act.* 20, 17. *Presbyteri* vocantur, iidem *Episcopi* appellantur, *vers.* 28. Sic *Tit.* 1, 5, 6, 7. *1 Petr.* 5, 1, 2.

2. Alibi in unâ Ecclesia particulari plures dicuntur fuisse Episcopi; cum tamen una urbs, quantumvis magna, plures simul Episcopos Hierarchicos non capiat. Sic autem Apostolus, *Phil.* 1, 1. *Omnibus sanctis in Christo Jesu, qui sunt Philippis, una cum Episcopis & Diacono-*

Diaconis. Hoc igitur de Presbyteris intelligendum est necessario.

3. Presbyteris tribuuntur eadem officia, quæ Episcopis. Episcopis tribuitur præclarum opus; docere, & Ecclesiam Dei curare: 1 Tim. III, 1, 2, 3. Similiter etiam Presbyteris: v, 17. Adde Tit. I, 7. cum 1 Petr. 5, 2, 4. & Act. 20, 17, 28. Speciatim *Χειροθεσία* diserte ad Presbyterium refertur: 1 Tim. 4, 14.

4. Dominationem vero, & superiorem potestatem spiritualement, quam sibi præ Presbyteris arrogat Episcopi Hierarchici, Christus aperte prohibuit: Matth. 20, 25, 26. Scitis, Principes Gentium in eas dominari. Verum non ita erit inter vos. xxiii, 8, -11. Unus vester Doctor; omnes autem vos fratres estis. - Qui maximus est vestrum, sit minister vester. 1 Petr. 5, 3. Non ut dominantes cleris; sed ut qui sitis exemplaria gregis.

Obj. 1. 1 Tim. 5, 19. Adversus Presbyterum accusationem ne recipito, nisi sub duobus aut tribus testibus: Ergo Timotheus, tanquam Episcopus, habuit jurisdictionem supra Presbyteros, &c. Resp. Inde tamen non sequitur, Timotheum, tanquam Episcopum, potestatem de Presbyteris judicandi habuisse, ut superiorem de inferioribus: nam alii æquales de hoc vel illo, cætera æquali, delato, & testimoniis aliorum gravato, judicandi potestatem quoque habent: 1 Cor. 14, 29, 32.

Obj. 2. Ibidem vers. 22. extat hæc admonitio; Ne cui cito manus imponito. Episcopus ergo Presbyteris superior est potestate ordinis. Resp. Cum istud etiam ad Seniorum ordinem pertineat; 1 Tim. 4, 14. nihil probat.

Obj. 3. Apoc. I, 20. appellantur *Angeli septem Ecclesiarum in Asia*. Consequenter, II, 1. *Angelo Ephesinæ Ecclesiæ scribe*, &c. Ex singulari ista appellatione patet, singulis istis Ecclesiis singulos Episcopos præfuisse.

se. *Resp.* Negamus, Angelum istic notare Episcopum unum cujusque Dioecesis, potestate jurisdictionis, aut dominatione aliquâ, cæteris præstantem. Intelligimus vero synecdochen numeri singularis pro plurali; qualis etiam occurrit *Mal. II, 7. Labia Sacerdotis custodiunt scientiam*, &c. cum tamen multi numero essent Sacerdotes. Confer *Act. 20, 28.* de pluribus Episcopis Ecclesiæ Ephesinæ.

XXVI. Quæ contra Episcopos Hierarchicos produximus, eadem quoque ad similes alias Dignitates superiores Ecclesiasticas applicanda sunt: speciatim vero adversus Pontificem Romanum hæc valent; qui omnes alios Antecessores Ecclesiæ sibi habere subordinatos dicitur à suis assentatoribus, tanquam Caput visibile Ecclesiæ catholicæ, Monarcha Ecclesiasticus, Christi in terris Vicarius, &c. Frustra autem hi provocant ad Petrum. Ille enim 1. reliquis Apostolis æqualis fuit; non vero iis superior, aut major. Hinc Paulus *1 Cor. 3, 21, 22, 23.* *Et Paulus, & Apollos, & Cephas, -- omnia vestra sunt; vos autem Christi.* Ita hi omnes Christo pariter subordinantur. Vide etiam *ibid. vers 5. & 1, 12.* Atque iterum *2, x1, 5.* *Puto enim me nihilo inferiorem fuisse summis Apostolis.*

2. Similiter *Gal. II, 7, 8, 9.* dicit Apostolus, sibi Evangelium Preputii, ac Petro Circumcisionis, creditum fuisse; & se à Jacobo, Cepha, (i. e. Petro,) & Johanne pro socio agnitum. Ac porro *vers. 11.* se Petro Antiochiæ in os restitisse, quod esset redarguendus.

3. Hoc ipsum etiam inde patet, quod Apostolis inter se de primatu certantibus, Christus litem non terminaverit, dicens; se illum Petro jam dedisse, vel decrevisse: sed contra; *Inter vos non erit sic: Matth. 20, 26. Luc. 22, 26.* Confer *Matth. 23, 6, 12.*

4. Consequenter Petrus, ut alios Presbyteros precatus est, ne dominarentur Cleris; ita se *συμπεροβύτερον*

Βύττων appellavit, &c. nihil superioritatis sibi arrogans; I, v, I, 3,

Obj. 1. Atqui Christus dixit Petro, *Matth.* 16, 18, 19. *Tu es Petrus; & super hanc petram, &c.* Atque iterum; *Tibi dabo claves Regni Cælorum.* Ergò. *Resp.* 1. Petra illa, super quam ædificanda dicitur Ecclesia, non erat Petrus; sed ipse Christus: I *Cor.* 3, 11. x, 4: 2. Ministerialis illa potestas clavium, & remittendi peccata, Petro quidem promissa & data fuit; sed non soli: *Matth.* 18, 18. *Joh.* 20, 21. 22, 23.

Obj. 2. Petrus diserte *primus* appellatur; *Matth.* 10, 2, *Resp.* Istud fit ratione ordinis, quo Discipulus & Apostolus factus est: IV, 18, 19. unde nequaquam sequitur superior potestas.

Obj. 3. Ille sæpius nomine omnium verba fecit, &c. *Resp.* Nulla iterum consequentia ad primatum, aut suprematum. Neque porro à Petro ad Papam: quod in superioribus quoque observandum.

Obj. 4. Idem postulat ratio ordinis atque unitatis. *Resp.* Ordo potest conservari per ea, quæ ipse Christus instituit; atque etiam unitas.

XXVII. Nunc de *Stipendio Pastorum* agendum; potissimum propter *Anabaptistas*, qui Pastores nostros isto nomine criminari solent. *Stipendii* nomine intelligimus hoc loco media honestæ sustentationis, quæ Ministris in Verbo laborantibus, & curæ animarum omnino vacantibus, ab Ecclesiâ, aut ejus nutriciis, grato animo præbentur. Quod autem istiusmodi *Stipendium* præbere Ecclesiam deceat; idque accipere Ministris liceat, probamus;

1. Ex diserta ipsius Christi sententia, Ministris Evangelii, tanquam operariis, debentur sua alimenta; *Matth.* 10, 10.

2. Paulus ex professo, & satis prolixè, hoc ipsum astruit, I *Cor.* 9, 4, -14. tum ex communi æquitate, tum ex jure Divinitus instituto.

3. Consequenter hoc ipsum Ecclesiis mandatur : *Gal. 4, 6. Communicet autem, qui instituitur in sermone, cum eo qui se instituit, omnia bona. 1 Tim. 5, 17, 18.*

4. Deus sub V. T. Sacerdotibus & Levitis, ordinariis Ecclesię Ministris, de honestā sustentatione prospexit : *Levit. 27, 30. Num. 15, 20, 21. Deut. 26, 2, - xviii, 1, - 8. Levit. 6, 16, 17, 18. vii, 6, - 10, 14, 31, 34. viii, 31. xxiv, 5, - 9. Num. 35, 2, - 7. Jos. 21, 3, - .* Unde analogice colligimus, nunc etiam Ministris N. T. prospiciendum esse ; quoniam in ipsā re subest eadem ratio æquitatis.

Obj. 1. Ezech. 34, 2, 3. reprehenduntur Pastores se ipsos pascentes. Hoc autem faciunt, qui stipendium accipiunt. *Resp.* Jure merito istic reprehenduntur carnales illi Pastores, qui propriis suis commodis duntaxat intentis, gregem suę fidei commissum negligebant. Inde autem minime sequitur, Pastoribus fidis, munus suum sedulò obeuntibus, non deberi honestam sustentationem.

Obj. 2. Matth. 10, 7. 8. Gratis accepistis, gratis date. Ergo, &c. *Resp.* Christus ibi prohibet, ne bona spiritualia, & dona gratiæ, pretio æstimentur ; & quasi vendantur. Sed perperam indè colligitur, Ministris, nullam deberi honestam sustentationem. Contrarium deinceps ibidem docuit ipse Servator.

Obj. 3. Paulus noluit à quibusdam Ecclesiis stipendium accipere ; sed potius labore manuum suarum sibi victum quæsit : Act. 20, 34, 35. 1 Thess. II, 9. Ergo *Resp.* Non, quasi non habuerit jus percipiendi stipendium, sive media honestæ sustentationis ; sed ut calumniatoribus, qui ipsum quæstus gratiā Evangelium annunciare vociferabantur, os occluderet ; atque ita scandalum averteret, & infirmis quibusdam succurreret ; ut patet ex locis allegatis. Contra verò docet, se illud jus habuisse ; *1 Cor. 9. 4, 5, 6, 12. &c.* Et causas explicat, cur à quibusdam Ecclesiis

siis noluerit quicquam accipere; cùm tamen ab aliis etiã acciperet; *vers.* 12, 15. 2: x1, 7, 8, 9, 12.

Obj. 4. Est species Simonia: Ergò. *Resp.* Non subest ratio Simonia; dùm ipsa bona spiritualia non æstimantur pretio; neque fidus Pastor spe lucri, & quæstus ad functionem sui muneris inducitur. Verùm interim Ecclesia obligatur ad gratitudinem in Pastore sustentando demonstrandam, & Pastori jus est stipendium consequenter accipere.

Inst. Vel acciperet stipendium pro labore in Evangelio; vel pro vacatione suã ab aliã quãcunque arte: prius videtur Simoniacum: posterius etiã absurdum; sic enim omnibus otiosis deberetur stipendium pro suã vacatione. *Resp.* Fidi Pastores minimè sunt otiosi; & cùm ipsi alia sustentationis media omittant, Ecclesiæ ædificationi prorsus invigilantes, æquum est illis hanc gratitudinem præstari.

XXVIII. Succedunt *Doctores*, quos Apostolus distinctè ac distinctè etiã appellat, *Ephes.* 4, 11. 1 *Cor.* 12, 28, 29. Et sunt Ministri ordinarii, in veritate fidei Christianæ, ex SS. Literis, accuratè explicandâ, inculcandâ, confirmandâ, & contra Adversarios defendendâ, laborantes. Huc pertinent *Catechistæ*, qui circa rudiores occupantur: alii autem versantur in instructione eorum, qui ad Ministerium Verbi aspirant; & dicuntur *Professores Theologiæ*. Hi in Scholis & Academiis Christianis, SS. Literas methodicè interpretantur; Theologiam systematicè tradunt; Controversias accuratè tractant; Casus conscientia explicant, &c.

Quoniã verò plurima requiruntur in istis Doctoribus, qui futuros Pastores informant ac præparant; hinc qui ad conditionem illam existimantur idonei, rectè prius ab aliis Doctoribus examinantur; ac deinceps isto honoris titulo solenniter ornantur: quemadmodum in aliis Facultatibus etiã fieri solet.

Istius promotionis Academicæ finis nequaquam est, ut promoti illi Doctores titulo suo superbiant; sed ut publico isto testimonio constet, eos esse idoneos qui Theologiam ita doceant, ut indicatum est modò.

Obj. Matth. xxiii, 10. Ne vocamini Doctores: unus enim vester est Doctor, nempè Christus. Ergò. Resp. Verùm textum ritè consideranti patet, non istum titulum absolutè prohiberi; sed fastum illi apud Phariseos adjunctum. Similiter enim dicitur vers. 9. Et Patrem vestrum ne quenquam vocate in terrâ: unus enim est Pater vester qui in cœlis est. Confer Act. 13, 1. I Cor. 12, 28, 29. Eph. 4, 11. I Tim. II, 7.

XXIX. Seniores gubernantes sunt etiã viri pietate, prudentia, & gravitate in Ecclesia conspicui, qui in ejus regiminè, fideique & morum censura, Pastoribus adjunguntur. Itã Apostolus in Ministeriis Ecclesiasticis gubernationes quoque recenset, I Cor. 12, 28. Confer Rom. 12, 8. I Thess. 5, 12. Hebr. 13, 17. Evidentissimè verò distinctio horum Seniorum à Pastoribus patet ex loco I Tim. 5, 17. *Qui benè præsumt Presbyteri, duplici honorè digni habentur: maxime qui laborant in sermone & doctrinâ.* Omnium ergò Presbyterorum, sive Seniorum, est benè præesse; sed aliquorum etiã laborare in sermone & doctrinâ.

Atque adeò Scripturaria & Apostolica est distinctio inter Pastores, sive Presbyteros gubernantes & docentes simul; & inter Seniores, sive Presbyteros gubernantes tantùm. Nec contentim appellandi sunt *Seniores Laici*; quòd eligantur ex multitudine fidelium qui per Pastores docentur: Christus enim Disciplinam Ecclesiasticam tribuit Ecclesiæ; Matth. 18, 17. nihil mirum igitur, si potestas hæc ministerialis, quæ radicaliter est penes Ecclesiam, exercenda committatur etiam quibusdam ex fidelium multitudine electis, qui simul cum Pastoribus Ecclesiam repræ-

sen-

sentent, eique præeant; ut omnia decenter fiant & ordine.

Exc. 1. Qui benè præsum Presbyteri, sunt Episcopi Hierarchici. *Resp.* Absurdè istud dicitur; cum illis Presbyteris non obscurè præferantur; & magis duplici honore digni pronuncientur alii, in Sermone & Doctrinâ laborantes.

Exc. 2. Qui Laborant, &c. h. e. qui valdè seduli sunt, ac sese fatigant isto opere; illi maximè digni sunt duplici honore. *Resp.* Imò qui in re tantâ, iplis etiam demandatâ, non sunt seduli, &c. nequaquam dici possunt benè præesse: nec duplici honore digni: quin contrâ eos ferit comminatio. *Jerem. 48. 10.*

Obj. Ex usû SS. Literarum Presbyteri iidem sunt qui Episcopi; & Episcopum oportet esse διδάκην: *1 Tim. 3, 2.* Nulli ergò Seniores debent esse gubernantes tantum, & non etiam docentes. *Resp. 1.* Apostolus, dum istam conditionem requirit, speciatim respicit Episcopos, sive Presbyteros illos, quibus in cumberet munus docendi. *2.* Seniores tantum gubernantes etiam debent apti esse ad docendum, quantum sufficit ad instructionem, exhortationem, correctionem, consolationem, &c. pro re natâ.

XXX. *Diaconi* sunt viri pii, prudentes, ac fidi, quibus committitur collectio, conservatio, & dispensatio bonorum temporalium, quæ ad sustentationem pauperum in Ecclesiâ, & ad alios usûs Ecclesiasticos, conferuntur; atque in istis rebus Ecclesiæ ministrant. Hoc ministerium primitus penes Apostolos quoque fuit: *Act. 4, 34, - 37. v, 1, 2.* Postea verò, cum Apostoli isti curæ non sufficerent, aliis ea necessariò mandari debuit. Hinc *Act. 6, 1, - 5.* septem viri, idoneo testimonio ornati, pii, & pleni Spiritû Sancto, in istam partem Ministerii eligebantur. Consequen-

quenter Paulus, ubi varia dona Spiritûs Sancti, & distincta officia Ecclesiastica recenset, Rom. 12, 7, 8. dicit; *Sive Ministerium*, (*Διακονίαν*) versemur in ministrando. -- Tùm is qui distribuit, cum simplicitate: tùm qui miseretur, cum hilaritate. Et 1 Tim. 3, 8, - 13. ubi requisita Diaconorum enumerat, eâdem operâ docet, Diaconatum sic fuisse primitûs ministerium distinctum, ut tamen gradatim ex eo factæ fuerint promotiones ad Presbyteratum gubernantem, vel etiâ in verbo laborantem. De Philippo Diacono nominatim vide Act. 21, 8.

XXXI. Hactenûs satis de istis Ministrorum ordinibus. Verûm Apostolus 1 Cor. 12, 28. etiâ *opitulationes* enumerat: quo quidem nomine Diaconi rectè intelliguntur; attamen non soli videntur intelligendi. Olim in Ecclesiâ Apostolicâ fuerunt etiâ *Viduae Diaconissæ*, Diaconorum in quibusdam partibus adjutrices. Sic Rom. 12, 16. *Phæbe* appellatur *Διακονῶσα*, *Ministra Ecclesiæ Cenchreensis*. Confer 1 Tim. 5, 9, 10.

Sed & *opitulationes* in nostris Ecclesiis præstant *Prælectores* & *Præcentores*, nec non *Ægrorum Visitatores*.

Huc quoque pertinent *Curatores*, *Quæstores*, & *Dispensatores bonorum Ecclesiasticorum*. Quin & suomodo *Apparitores*, *Ostiarii*, *Scopatores*, &c.

XXXII. Agendum nunc de reliquâ multitudine *Fidelium*; qui etiâ sunt Membra Ecclesiæ institutæ, & Deo in Christo insigniter chari, eodem sanguinis Christi pretio redempti, æquè pretiosam fidem fortiti, & ejusdem salutis consortes: 1 Cor. 6, 20. VII, 23. 1 Petr. I, 18, 19. 2: 1, 1. *Judæ* 3. 1 Joh. 1, 3. Rom. 8, 16, 17. XII, 1. 1 Pet. II, 9, 10. Eph. 2, 19, - 22. Atque adeò cum *Petrus*, 1: v, 3. in suâ exhortatione ad Presbyteros, scribit; *Neque ut dominantes Cleris, sed ut quisitis exemplaria gregis*, per *Cleros* itidem, ut per gregem, intelligi debet *Populus Christianus*; tanquam

quàm verè sors, hæreditas, & peculium Domini: agnoscente etiã Card. Cajetano.

Minimè igitur Scripturaria est *Pontificiorum* distinctio in *Clericos*, & *Laicos*; quasi tota fidelium multitudo, seu populus Christianus, non pertineret ad hæreditatem, seu peculium Domini; sed soli Antecessores Ecclesiastici. Vide *Deut.* 7, 6. *xiv*, 2, *xxvi*, 18.

XXXIII. Neque admittenda est eorundem distinctio in *Religiosos*, & *Saculares*; quasi pro membris Ecclesiæ institutæ agnoscendi essent Sæculares Religionem non profitentes. Verùm *Adversarii* Religionis vocem strictius sumunt, & vitam Monasticam intelligunt: atque isto sensu *Religionem* definiunt, quod sit Status hominum ad perfectionem Christianam, per paupertatis, continentię, & obedientię vota, tendentium. Verum 1. Christus & Apostoli tale vitæ genus non instituerunt; sed de Religionē aliter docuerunt; *Mat.* 1, 26, 27 & alibi.

2. Absoluta perfectio, quam *Adversarii* intelligunt, à nemine post lapsum in hac vitâ acquiri potest. Vide sup. cap. 16. th. 18.

3. Vota Monastica superstitioni promovendæ satis apta sunt; non autem isti perfectioni, cui nos operam dare oportet.

4. Imò potiùs obsunt veræ pietati ac sanctimonię. Vide sup. cap. 9. th. 52.

Obj. 1. Tempore Enoch *captum est invocari nomen Domini: Gen.* 4, 26. Ergò saltem præfiguratus Monachatus. *Resp.* Ille tamen in matrimonio vixit; sic filios & filias suscepit: *cap.* v, 9, 10. neque quicquam extat de ejus paupertate, vel cœcâ obedientiâ erga homines; aut tali voto.

Obj. 2. Enoch *ambulavit cum Deo: Gen.* v. 22. Ergò. *Resp.* Sed & iste conjugatus, liberos genuisse commemoratur ibidem. Nihil de vitâ Monasticâ.

Obj. 3. Elias in monte Carmel vitam degit valde austeram, &c. Similiter Elisæus, &c. Ergò. *Resp.* Elias & Elisæus Prophetæ fuerunt; vitamque instituerunt juxta vocationem ac functionem suam extraordinariam, & ratione temporum istorum corruptissimorum: sed mons Carmel non fuit omninò desertus, aut habitatoribus destitutus: *Ios.* 12, 22. xv, 55. *1 Sam.* 25, 2. &c. Ac porrò nihil in illis de instituto Monastico.

Obj. 4. *Nasirai*, &c. *Resp.* Nec illi fuerunt obligati ad coelibatum, &c. sed ad observationes quasdam ceremoniales, œconomix V. T. convenientes, & ab ipso Deo præscriptas; *Num.* 6, 2, -- 21.

Obj. 5. Rechabitæ, *Ierem.* 35, 2, --. &c. *Resp.* Etiàm isti non ex Religione speciali, sed ex Patris sui præscripto, singularia quædam observârunt: at nec coelibes vixerunt, nec omni possessione propriâ destituti.

Obj. 6. Johannes Baptista vestitû, victû, loco habitationis, Monachatum, aut vitam Anachoreticam, præ se tulit. Ergò. *Resp.* Iste extraordinarius Dei Minister, & Christi præcursor, frugaliter admodum vixit; sed nec de ejus voto coelibatûs, nec de spontaneâ paupertate, nec de cœcâ erga ullum hominem obedientiâ, quicquam legitur. Neque vixit in Monasterio; nec in deserto pluribus incolis destituto. Vide *Luc.* 1, 39, 40. *Ios.* 15, 61, 62.

XXXIV. Sic de Partibus Ecclesiæ institutæ: succedunt *Functiones obeundæ*; tùm *domatim*; tùm *publice*. Vide *Ast.* 20, 20. Nam non solum ipsis *Fidelibus* conveniunt varia Exercitia domi suæ peragenda, ut Fidei, Spei, Charitatis; Precum, Læctionis Verbi Divini, Psalmodiæ, Instructionis juniorum & imperitorum, &c. Sed & *Antecessoribus* domatim obeundæ sunt quædam functiones. Sic enim *Pastorum* & *Seniorum* est familiariter fideles admonere & excitare ad officia,
quâ

quâ publicè, quâ privatim observanda; reprehendere inordinatos; corroborare infirmos; reconciliare dissidentes; visitare agros, &c. *Luc. 14, 23. 2 Tim. 4, 2.* *Diaconorum* similiter est visitare eos potissimum qui eleemosynis sustentantur, aut iis indigent; ut necessitatem istorum sublevent, non solum rebus corporalibus; verum etiâ adhortationibus spiritualibus.

XXXV. Sequuntur functiones quæ pertinent tum ad Coetum publicum, tum ad alios Conventûs Ecclesiasticos. In *Publico Coetû ordinaria & perpetua* sunt Publica S. Scripturæ prælectio, Psalmodia Ecclesiastica, Preces, Concio, Catechizatio, Benedictio, & Eleëmofynarum collectio; *alia non sunt perpetua.*

Publica S. Scripturæ prælectio ab Anagnostis, seu Prælectoribus, peragi solet; ita quidem ut Textus Biblicus verè Canonicus clarè & distinctè prælegatur ex ordine, atque omnes pariter audiant, ad spiritualem ædificationem: vel etiam selecti Textûs prælegantur, in quibus potissimum continentur præcipua capita fidei Christianæ, & praxios spiritualis. Atque istâ ratione hoc quoque agitur, ut sermo Christi inhabitet in nobiscopiosè, cum omni sapientiâ: *Col. 3, 16.* Huc pertinet insignis locus, *Deut. 31, 11, 12, 13.* *Cum venerit universus Israël, ut appareat coram Jehovah Deo tuo, - leges Legem istam coram universo Israël. - Et filii eorum, qui non noverunt, audiant, & discant timere Deum vestrum, &c.* Insigne exemplum publicæ Lectionis est *Nehem. 8, 2, - 5, 8, 18.* Vide etiam *Act. 13, 27. xv, 21. 2 Cor. 3, 14, 15.* Item *Luc. 4, 16, - 19. Col. 4, 16.*

XXXVI. *Psalmodia Ecclesiastica* est Cantus Psalmorum, qui in coetû Ecclesiastico à Fidelibus pariter peragitur, ad communem eorum ædificationem, & Dei gloriam. Sic disertè *1 Cor. 14, 26.* *Quid igitur est fratres? quoties convenitis, quisque vestrum canti-*

cum habet: - omnia ad ædificationem fiant. Col. 3, 16. Docendo vos mutuo Psalmis, & hymnis, & cantionibus spiritualibus, cum gratiâ canentes in vestro corde Domino. Eph. v, 19. Confer I Chron. 6, 31, 32. Obtinuit istud exercitium antiquitus in Ecclesiâ Christiana. Consequenter etiâ in Reformatione Psalmodia repurgata fuit à superstitionibus Papisticis, &c.

Plurimum autem facit ad communem ædificationem, ut præeunte idoneo aliquo Præcentore, tota multitudo Ecclesiastica simul canat. Vide *Exod. 15, 1*. Istâ enim ratione singuli fideles in communi quasi scholâ exercentur, & excitantur ad canendum quoque privatim. *1ac. 5, 13*. Propterea etiam Psalmodia Ecclesiastica peragenda est linguâ communiter notâ; ut singuli fideles itâ spiritualiter ædificentur; *I Cor. 14, 15*.

XXXVII. Quod ad *Preces Ecclesiasticas*; *Act. 6, 4*. cum Apostoli proposuissent de Diaconis administrationi mensarum præficiendis, subjecerunt; *Nos vero in Oratione, & administratione Sermonis perdurabimus. Et I Cor. 14, 15, 16.* ubi de dono Linguarum; *Quid est igitur? orabo spiritû, sed orabo etiam intelligentiâ: -- quandoquidem si benedixeris spiritû, is qui implet locum Idiote, quomodo dicturus est Amen ad tuam gratiarum actionem? nam quid dicas nescit. Nam tu quidem bene gratias agis; sed alius non ædificatur. Vide etiam Nehem. 9, 1, -- Act. 21, 5.*

Hinc deducimus primo contra *Anabaptistas*, Ministrum in Precibus Ecclesiasticis clara voce præire debere reliquæ multitudini; quæ animo & cogitationibus, vel etiam submissa voce, eum sequatur: cæteroquin 1. non est una communis omnium oratio.

2. Reliqui non possunt ædificari per orationem Ministri.

3. Non possunt ad eam dicere *Amen*.

4. Non

4. Non possunt aliàs commode singulorum preces pariter finire.

Colligimus *secundo* contra *Pontificios*, Preces istas peragendas esse linguâ vernaculâ, & communiter notâ in coetû: sic enim 1. Apostolus diserte docet, etiâ intelligentiâ orandum esse.

2. Docet, reliquosalioqui non ædificari.

3. Nec posse dicere *Amen* ad precationem linguâ peregrinâ habitam.

4. Nec potest esse communis cultus rationalis, qui non intelligitur ab omnibus communiter. Vide 1 Cor. 14, 23.

XX XVIII. Quoniâ Preces in spiritû & veritate peragi debent, ex sincerâ & continuâ animi intentione ac devotione, quâ Ministrum præire oportet, & reliquos subsequi; inde etiam sequitur, minus recte in Precibus Ecclesiasticis adhiberi *Antiphonas*, & *Responsoria*; uti fieri solet in *Officio Romano*; ista enim magis affinia sunt Hominum inter se Dialogis, quam communibus omnium Precibus ad Deum.

Et quoniâ in Precibus illis consistit magna pars Ministerii Ecclesiastici; sequitur, isti Ministerio nequaquâ satisfieri, si solummodò certæ quædam *Formula* precum publicè prælegantur, aut memoriter recitentur: hoc enim à quolibet fieri facile potest. Et spiritualis intentio ac devotio plus requirit, respectû præsentis cujusque occasionis. *Formula* interim quædam rectè habentur, in usum incipientium & imperitorum; atque ut constet, quæ soleant ac debeant esse præcipua ingredientia Precum Ecclesiasticarum.

Perpetua autem sunt Preces, quæ à Ministro tum Concioni præmittuntur, tum eâ finitâ peraguntur. Minister etiam Catechizationes, & Sacramentorum administrationes, à Precibus inchoat; & Precibus, ubi peractæ sunt, terminat.

XXXIX. Con-

• XXXIX. *Concio* est Textus alicujus Biblici plenior explicatio & applicatio, à Ministro coram Auditoribus facta, ad spiritualem ædificationem. Huc 1. pertinent exempla, tum V. tum N. T. utpote *Nebem.* 8, 7, 8, 9. *Et Levitæ intelligere faciebant populum Legem: populus autem erat in loco suo. Et legerunt in libro ipso, in Lege Dei explanate, & apposuerunt intellectum, & intellexerunt Scripturam ipsam.* Ipse Servator in Novo Testamento, *Lus.* 4, 20, 21, 22. in Synagogâ Nazarenâ Scripturam explicuit & applicuit. Vide etiam *xxiv.* 27. Itemque de Philippo, *Act.* 8, 35. & de Paulo, *xx.* 7.

2. Speciale opus Ministerii in Verbo: Unde *Act.* 4, 4. *Nos in Oratione & administratione Sermonis perdurabimus.* *Rom.* 10, 14, 15. *Quomodo credent ei, de quo non audierint? quomodo autem audient absque Prædicante? quomodo autem prædicabunt, nisi missi fuerint? sicut scriptum est &c.* 12, 7, 8. 1 *Thess.* 5, 12, 13. 1 *Tim.* 5, 17. 2, 11. 2. *IV.* 2.

3. In istum quoque finem conscripti sunt Libri sacri: 2 *Tim.* 3, 16, 17. *Tota Scriptura Divinitus est inspirata; & utilis ad doctrinam, ad redargutionem, ad correctionem, ad disciplinam quæ est in justitia: ut perfectus sit homo Dei, ad omne opus bonum perfecte instructus.* *Rom.* 15, 4, 14, 23, 24. 1 *Cor.* 10, 11. 1 *Tim.* 4, 13, 16.

4. His consentanea est praxis Ecclesiæ antiquæ.

Concludimus ergo contra *Libertinos* quosdam, non sufficere, si ipse contextus Biblicus per Anagnosten aliquem nude prælegatur; sed Conciones insuper habendas esse.

Obj. Atqui S. Scriptura perfecta est & perspicua. Ergo, *Resp.* Ipsa in se objective talis est: attamen Deus hominum ignorantia, rarditati, & inadvertentia subveniri etiam voluit, per istiusmodi explicationes, & applicationes.

XL. Initio autem *Textus* aliquis *Biblicus prælegi* debet: exemplo ipsius Christi, *Luc. 4, 16, 22.*

Prælegendus autem est *Textus* lingua communiter nota: quod Auditorum ædificatio prorsus requirit.

Aliquando seliguntur *Textus*, qui conditioni Auditorum, ac præsentî temporî, magis convenire videntur; *aliàs* libri quidam sacri, aut capita, ex ordine tractantur, tum V. tum N. T.

Minus rectè eædem duntaxat sectiones quotannis perpetuo repetuntur; *Euangelia* scil. & *Epistolæ Dominicales*: sic enim Concionatorum ignaviæ, & Auditorum ignorantia, litatur.

Imo & *Textus prolixiores* præferendi sunt ordinariè brevioribus: hinc enim facilius multa & varia, ad communem ædificationem utilissima, elici possunt; quibus Auditores solidius instruentur.

Recte etiam ob maximam necessitatem, & amplissimam utilitatem, quotannis repetuntur *capita Doctrinæ Catechetica*: ut in Ecclesiis nostris per singulas Dominicas concionibus pomeridianis fieri solet. Sic enim Apostolus, *Phil. 3, 1. Eadem scribere vobis, me quidem haud piget; vobis autem tutum est.* Et *2 Tim. 1. 13. Expressam formam teneto sanorum sermonum, quos à me audisti, cum fide & charitate, quæ est in Christo Jesu.*

XLI. Sed nunc paucis dicamus de *Inventione, Dispositione, Exornatione, & Actione Concionatrici!*

Inventio versatur circa materiam Concionis. Ea vero, quantum ad *ῥῆσιν* attinet, petenda est primo ac potissimum ex libro S. Scripturæ; ut sit tractatio vere Scripturaria: juxta *1 Petr. 4, 11. Si quis loquitur, loquatur ut eloquia Dei.* *1 Cor. 11, 13. Confer Act. 18, 14. 2 Tim. 3, 16, 17.* Sed & *secundario* ex libro naturæ; nam & *Cæli enarrant gloriam Dei, &c. Psal. 19, 2, 3, Act. 14, 17.* Accedit *tertio* liber conscientia, & experientia spiritualis; sed juxta librum Scripturæ: sic enim

Conci-

Concionator plurimum juvabitur ac dirigetur in applicationibus feliciter faciendis: *Hebr.* 5, 2, 3. *Rom.* 7, 13, --. Atque item *quarto* liber Ecclesiæ; cujus conditionem sibi Concionator habere debet quam exploratissimam, ut norit quid maxime dici conveniat. Vide *Hebr.* 5, 11, --. *I Cor.* 3, 1, 2, 3. *Phil.* 3, 15, 16. Subsidiariam quoque operam præstabunt Conciones aliorum recte observatæ, & Scripta insignium Theologorum.

Observandum vero, quod Inventio debeat esse *varia & rara*: non semper, aut sæpe eadem; ne fastidium creëtur Auditoribus: *Matth.* 13, 52 *Omnis Scriba edoctus Regno cælorum, similis est cuiuspiam patrifamilias, qui profert è thesauro suo nova & vetera.*

XLII. *Partes constituentes* potissimum sunt Explicatio Textus, & Applicatio. In *Explicatione*, genuinus sensus ex dictionibus ac phrasibus, antecedentibus & consequentibus, nec non collatione similium, & quandoque dissimilium, clare & accommodate ad captum Auditorum proponendus est. Cavendum autem ne ea sit nimis prolixa, nec operosa; neque tamen obscura.

Applicatio fit per Documenta, & eorum Usus.

Documentum hoc loco est thesis Theologica, quæ ex Textu jam explicato vel immediate conficitur, vel per proximam & evidentem consequentiam deducitur.

Usus documenti est ejus propior & efficacior applicatio ad animos Auditorum; tum *ratione veritatis*: quo pertinet instructio, & oppositi erroris refutatio: *Rom.* 15, 4. *2 Tim.* 3, 16 *Tit.* 1, 7, 9, 10, 11. Tum *ratione boni honesti*: quo pertinent querelæ, reprehensiones, admonitiones, methodica explicatio probæ praxios, media & adminicula virtutum, remedia vitiorum, signa sinceræ praxios: *2 Tim.* 3. 16, 17. *IV.* 1, 2.

I, I, 5.

1, 1, 5. Tit. 1, 13. II, 11, 12, 13. 2 Cor. 13, 5. Tum etiam *ratione boni jucundi*: quo pertinent corroborationes in fide ac spe, & consolationes adversus quævis mala tristitia; nec non signa status illius, cui ista bona sunt propria: *Ies.* 40, 1, 2. *1 Thess.* 4, 18. *Rom.* 5, 1, - 5. *VIII*, 1, 10, 11, 14, - 18, 24, -. *2 Cor.* I, 5, 6, 7. *2 Thess.* 3, 3. *Iac.* I, 1, 3, 4. *1 Petr.* I, 3, - 9.

XLIII. Quantum ad *Dispositionem* attinet; ubi quis recte præmeditatus fuerit Textus sui Scopum, cum Explicatione & Applicationibus, non multum laborandum erit de *Exordio*. Hoc enim non absolute, nec semper necessarium est. Ubi, autem adhibebitur, sumatur à materiâ Scopo proximâ; & ad Textum perspicuè accommodetur.

Pro *Narratione*, Textus summam proponatur, ejusque Scopus perspicue indicetur.

Succedit *Distributio*; quæ non verbis, sed sensu niti debet: ac porro institui in partes quam paucissimas; neque enim facile superandus est numerus ternarius, aut quaternarius. Cavendum porro, ne *Subdivisionum* numerus nimium crescat.

Sequitur *Explicatio*: ubi genuinus sensus perspicuè proponatur; ex antecedentibus & consequentibus demonstraretur; atque item per loca parallela illustretur & confirmetur; vel etiam per exempla, tum similia, tum dissimilia.

Deinde instituitur *Applicatio* per Documenta, eorumque Usus. Potissimum vero unumquodque Documentum cum suis Usibus, subjiciendum est illi parti, aut particulæ, unde ipsum adæquate fluit.

Restat *Epilogus*; qui non debet esse operosus, vel admodum artificiosus: Concionem interim finiat adhortatione potius, aut consolatione; quam elencho, aut reprehensione.

XLIV. Quod ad *Exornationem*; cavendum Concionatori, ne Stylus hinc sit rusticus, aut nimis plebe-

jus; nec inde nimis sublimis, aut affectatus: sed gravis, & Scripturarius; attamen perspicuus.

Ad *Actionem* pertinent Vox & Gestus. *Illa* sit clara, & distincta, rebusque accommodata.

In *his*; totius *Corporis* status sit erectus. *Vultus* inserviat exprimendis affectibus. *Brachium*, præcipue dextrum, moveatur decore. *Manus* complicata precibus conveniunt: *Digit*i complicati reprehensionibus; explicati demonstrationi & numerationi inserviunt.

XLV. *Catechizatio* est familiarior quædam institutio Religionis, per explicationes ad captum Catechumenorum accommodatas, itemque per interrogationes & responsiones. *Prov.* 22, 6. *Imbue puerum juxta viam suam: etiam cum senuerit, non recedet ab eâ.* *Gal.* 6, 6. *Hebr.* 6, 1, 2, 3.

Ratione loci dispescitur *Catechizatio* in *Domesticam*; quæ in familiis peragitur à Parentibus, aliisve personis idoneis: *Scholasticam*; quæ in scholis à Præceptoribus: & *Ecclesiasticam*; quæ in Ecclesiis peragitur à Pastoribus, aliisve Catechistis. *Hæc* autem vel *publica* est, vel *quasi-publica*.

Ratione eorum qui exercentur *Catechizatio* vel est rudiorum, vel provectorum. Atque ita *Dogmaticæ Catechizationes* ad singulorum captum fiunt. Accedunt *Catechizationes elenctica*, de Controversiis; *Practica*, in quibus Praxis doctrinæ Catechetica pertractatur; atque item *Scripturaria*, ad librum aliquem S. Scripturæ.

XLVI. *Benedictio* nunc intelligitur, quâ Concionator, peractis sacris, coetum Ecclesiasticum dimittit. Vide *Num.* 6, 23, -. & confer Clausulas in Epistolis Paulinis. Istiusmodi autem *Benedictio* non solum est apprecatoria; sed etiam denunciatoria, secundum gratiosam Dei promissionem.

Supere est *Eleëmofynarum collectio* per Diaconos in cœ-

ta

tû Ecclesiastico faciendâ; ut possint illas deinceps pauperibus distribuere, atque ita necessitatem eorum sublevare. Vide *Joh.* 12, 6. *Actor.* 4, 34, 35, 37. v, 2. Sed postea ab Apostolis, consentiente fidelium multitudine, hæc provincia Diaconis demandata fuit; *Act.* 6, 2, 3. Confer *I Cor.* 16, 1, 2.

XLVII. Sequuntur *Agenda in publico cœtu Ecclesiastico*, non perpetua; attamen suis occasionibus recurrentia. Atque hæc potissimum sunt Administratio S. Baptismi, & Cœnæ Dominicæ; Excommunicatio, & Excommunicatorum reconciliatio; publica Ministrorum confirmatio; Jejunium publicum, & dies Eucharisticus; ac tandem Matrimonii confirmatio.

De *Sacramentis Baptismi*, & *Sacra Cœnæ*, eorumque Administratione, actum est sup. cap. 18.

Excommunicatio publicè etiâ peragitur, secundum formulam in Liturgiâ nostrâ expressam, quoties necessitas postulat. Ubi scil. membrum aliquod Ecclesiæ, nobiscum prius etiâ Cœnæ Dominicæ particeps, à veritate fidei Christianæ defecit ad errores fundamentales, aut à sanctimoniâ vitæ ad peccata insigniter scandalosa; nec prævias admonitiones multas ac varias audivit. Non tamen ad plenam & publicam Excommunicationem proceditur, nisi exploratâ & compertâ satis ejus pertinaciâ. Vide *Matth.* 18, 17. *I Cor.* 5, 2, 5, 13. *Tit.* 3, 10.

Si verò contingat, excommunicatum postea resipiscere, veramq; emendationem promittere ac reipsâ præstare, Ecclesia pœnitentem illum denuo admittit; juxta *2 Cor.* II, 7. Atque adeo publica ejus *Reconciliatio* etiâ celebratur.

XLVIII. *Publica Ministrorum confirmatio* est tum Pastorum, tum Seniorum gubernantium, ac Diaconorum, prius electorum: peragitur quælibet coram facie Ecclesiæ, post trinam denunciationem; ut

fic exploretur & obtineatur publicus omnium consensus.

Jejunium publicum, urgente publica aliquâ calamitate, aut insigni periculo, indicitur; & celebrari solet hâc ratione, ut ab Anagnostis prælegantur capita Biblica huic occasione convenientia, similesque Psalmi cantentur: Et à Pastore Conciones Precesque hûc quoque accommodentur; Auditores ad considerationem peccatorum, & resipiscentiam adhortando.

Dies Eucharisticus instituitur, cum insignia quædam beneficia Dei percepimus, ad publicam gratitudinem ipsi præstandam. Hoc finè præleguntur Capita Biblica praxin gratitudinis continentia, & tales Psalmi cantantur. Pastores autem eandem gratitudinis praxin tum in Concionibus serio urgent; tum in Orationibus præstant, ac porro promittunt Ecclesiæ nomine.

Publica Matrimonii Confirmatio, ubi occasio eam postulat, peragitur quoque juxta formulam in Liturgiâ Ecclesiarum nostrarum expressam.

Sunt & *Exercitia*, quæ sub ductû *Doctorum Academicorum*, in ordine ad Ecclesiam, ejusque ædificationem, haberi solent. Eaque sunt Publica, vel Privata.

Publica, sunt tum Lektionen, tum Disputationes

Privata autem sunt Collegia Dogmatica, vel Polemica, vel Practica, &c.

XLIX. Succedunt alii *Conventûs Ecclesiastici*: qui vel sunt Antecessorum cujusque Ecclesiæ particularis institutæ; vel Delegatorum à pluribus Ecclesiis particularibus. In singulis Ecclesiis particularibus institutis occurrit *Synedrium*, sive *Presbyterium*. Paulus dicit *Πρεσβυτέριον* appellat, 1 Tim. 4, 14. Collegium scil. Presbyterorum, tum simul docentium, tum solummodò gubernantium. Ad hoc, ubi Presby-

teri

teri sunt pauciores, etiâ Diaconi admittuntur. In isto autem Collegio, quia Deus non est incompositi status auctor; sed pacis; 1 Cor. 14, 33. ut omnia decenter & ordine fiant, *Præses* requiritur, qui negotia tractanda proponat; suffragia singulorum roget & colligat; atque ex votis, seu communibus, seu pluribus ac potioribus, conclusionem formet. Quæ autem sic tractata & conclusa sunt, in libro peculiari consignantur: in eum finem, ubi Pastores plures sunt, Præfidi adjungitur *Scriba*.

L. *Negotia* ad Presbyterium pertinentia, potissimum sunt; *primò* curare ut recte peragantur ea, quæ ad Cœtum publicum, communemque ædificationem, spectant; atque aded ut suis etiâ libris identidem inscribantur nomina Baptizatorum, ad Cœnæ Dominicæ communionem admissorum, & Matrimonio in Ecclesiâ junctorum.

Secundò, quæ in domesticis singulorum membrorum Ecclesiæ visitationibus vitiosa observata sunt, & per Pastores Senioresve corrigi non potuerunt, ad Presbyterium referri debent; ut decernatur, quid facto opus sit.

Tertiò, Attendendum, ut in Antecessoribus Ecclesiasticis, tum in reliquis Membris, conservetur puritas fidei, & sanctimonia vitæ.

Quartò, Ubi postulat necessitas, progrediendum est ulterius in Disciplina Ecclesiastica. Hanc 1. pro N: T. instituit Christus, dicens Petro, *Matth. 16, 19. Et tibi dabo claves Regni cœlorum: & quicquid ligaveris in terrâ, erit ligatum in cœlis; & quicquid solveris in terrâ, erit solutum in cœlis.* Ac similia reliquis Discipulis; XVIII; 15, - 18. *Joh. 20, 23.* Quæ cum semper necessaria sint ad Ecclesiæ ædificationem, certè ad Ministros ordinarios etiâ extendi debent.

2. Apostoli consequenter Ecclesiis eam tradiderunt: 1 Cor. 5, 2, 7. de homine quodam incestuoso;

Cum potestate Domini nostri Jesu Christi tradatur iste homo Satanæ, ad interitum carnis, ut spiritus salvus sit. Ac porro 9, 11, 12, 13. - Tollite hunc sceleratum è vobis. 2 Thess. 3, 14, 15. Tit. 3, 10, 11.

3. Indicantur fines, quorum gratiâ necessaria est ista Disciplina; tum ratione Fœderis Divini, ac Siggillorum ejus, ne scil. ista profanentur; tum ratione Dei, iræque ipsius, ne hæc adversus totam Ecclesiam concitetur: *Matth. 7, 6. Ne date quod sanctum est canibus. cum Psal. L. 16, 17. Impio dixit Deus; quid assumis pactum meum in os tuum? tu vero odisti disciplinam. Ac 1 Cor. 5, 6. An nescitis, paulo fermenti totam massam fermentari. XI, 30, 31. Propterea inter vos multi sunt egroti & valetudinarii; & dormiunt multi. Hæc Corinthiis propter Disciplina neglectum evenerunt.*

4. Idem analogicè colligi potest ex ceremonialibus quibusdam constitutionibus V. T. *Exod. 12, 48. Num. 9, 6, 7, 10. &c,*

Exc. Excommunicatio ab Apostolis peracta, fuit extraordinaria: ut videre est in Ananiâ & Sapphirâ subito & miraculose necatis; *Act. 5, 1, - 11. Resp.* In Apostolica Ecclesia fatemur circa Disciplinam aliquandò fuisse extraordinaria quædam adjuncta: verum res ipsa est usus perpetui; atque sic Ecclesiis mandata.

Obj. Coërcitio peccantium pertinet ad Magistratum Politicum. Ergò. *Resp.* Magistratui Politico facta tecta conservari debet sua potestas Politica, ratione statûs exterioris ac temporalis. Verum nunc de mero ministerio agimus, ordinato per institutionem Christi ad hominem interiorem, & statum ejus æternum.

LI. Ecclesiam appellavit Christus in negotio hujus Disciplina, *Matth. 18, 17.* non tamen eò sensû, quasi omnia istuc spectantiâ per omnia & singula ejus

Mem-

Membra necessariò agi deberent; quod volunt *Brownista*. Nam cum Ecclesia sit considerata ut corpus organicum, quod distincta habet membra, quibus distinctæ etiâ sunt proprietates & operationes; ideò scandala ad Ecclesiam referuntur in Presbyterio, quæ ibi per Antecessores eâ audit, reprehendit, &c.

Atque hùc spectant speciales istæ rationes: 1. Ecclesia, juxta ordinationem Christi & Apostolorum, suos habet Antecessores; quos consequenter in exercitio Disciplinæ tales etiâ sese præstare oportet. *Act. 20, 28. 1 Cor. 12, 28. 1 Thess. 5, 12. 1 Tim. 5, 17. Hebr. 13, 17.*

2. Christus Apostolis, tanquàm istiusmodi Antecessoribus, Claves Regni cœlorum mandavit; ac ministerialem potestatem peccata remittendi, vel retinendi, dedit: *Matth. 16, 19. xviii, 18. Joh. 20, 23. 1 Cor. 5, 3, 4, 5, 2, II, 10.*

3. Isto etiâ modo Apostolus reprehensionem, quæ est hujus Disciplinæ, disertè ad multos refert; *2 Cor. 2, 6.*

4. Omnia in Ecclesiâ ordine ac decenter fieri debent: *1 Cor. 14, 40.* Non omnes eandem habent facultatem, vel functionem. Antecessorum igitur est etiam hâc parte sese Antecessores præstare, &c.

LII. *Excommunicatio* adhibetur demùm, ubi quis à fidei salutaris veritate, aut à fidei observantiâ deficiens, scandalum dedit; & monitionibus ac reprehensionibus præviis corrigi non potuit.

Ea autem vel *major* est vel *minor*. Per *Majorem* fit peccatoris, cujus pertinacia & impœnitentia satis diù explorata est, separatio & exclusio à communione Ecclesiæ institutæ, & à symbolis gratiæ in eâ. Hæc simul ministerialiter est declaratoria, illum hominem, quamdiù & quatenus talis manet, à Deo & Christo exclusum esse à communione gratiæ salutaris, atque ipso Regno cœlorum. Ità Ministri non archi-

rectè realiter efficienter, nec absolutè, quæquam excludunt Regno cœlorum; sed solum ministerialiter, declarativè, & hypotheticè.

Minor Excommunicatio est, qua illi, qui scandalum jam publicè dederunt; sed resipiscentiam hætenùs non egerunt; aut de quorum resipiscentia nondum ita constat, ut per eam scandalum possit videri extinctum, ab actuali communione Coenæ Dominicæ tantisper suspenduntur; donec vel post exploratam resipiscentiam denuò admittantur; vel etiam post compertam impœnitentiam, major excommunicatio in eos stringatur.

Isti quodammodò affinis est *simplex abstentio*, qua illi de quibus scandalum aliquod publicè notum est, si propè instet administratio S. Coenæ, à communione interim abstinantur, dùm cognoscatur de ipsorum pœnitentia; vel etiam forte de circumstantiis quibusdam ipsius scandali: ne, dùm scandalum publicè notum est, pœnitentia verò hætenùs ignota, alii per eorum admissionem ad S. Synaxin offendantur.

LIII. Ex dictis sequitur, *primò*; etiam ob grave & publicum scandalum, neminem esse excommunicandum, sine prævia admonitione. Quod contra rigidos quosdam *Anabaptistas* probatur; 1. Ex institutione ipsius Christi; qui in redargutione fratris scandalosi aliquot gradus observari voluit ante Excommunicationem: *Matth.* 18, 15, 16, 17.

2. Similiter Paulus hominem hæreticum semel atque iterum monendum constituit, priusquam devitetur; *Tit.* 3, 10.

3. Ipsius Excommunicationis finis est, ut ad pudorem ac resipiscentiam adducantur peccatores: *1 Cor.* 5, 5. *2 Thess.* 3, 14. Si igitur iste finis faciliiori modo obtineri possit, satis patet, ad Excommunicationem non esse veniendum.

Attamen scandalo publico statim convenit Reprehensio publica; juxta doctrinam Pauli, 1 Tim. 5, 20, & praxin; Gal. 2, 14.

Secundò, Minimè etiàm excommunicandi sunt peccatores, post scandalum quantumvis grave, jam resipiscentiam demonstrantes: nam 1, tunc obtinetur Excommunicationis finis.

2. Ipse Deus tales non excludit Regno cœlorum: Ergò nec Ecclesia verè potest declarare, eos esse à Deo exclusos,

LIV. Neque verò putandum, per Excommunicationem extingui omnem fidelium obligationem ad excommunicatos, sive naturalem, sive œconomicam, sive civilem. Consequenter, eam non esse justam causam Divortii. Vide sup. cap. 9. th. 94.

Gravior autem istius judicii expressio fit per *Anathema*; Galat. 1. 8, 9. & per *Anathema Maran atha*: 1 Cor. 16, 22. ubi peccator, omni spe hætenùs adjunctâ, judicio Divino relinquitur.

Illegitimæ verò Excommunicationes nullam habent efficaciam: quales sunt Papales in Orthodoxos, &c.

LV. Olim *Novatiani* lapsos, quantumvis pœniterentes, non recipiebant. Rectiùs *Orthodoxi* excommunicatos, post declaratam resipiscentiam, atque hætenus extinctum scandalum, ad communionem Ecclesiæ ac symbolorum gratiæ denuò admittunt: ita enim 1, æquum est, ut cessante causâ Excommunicationis, cesset etiam ipsa Excommunicatio. 1 Cor. 5, 5. 2 Thess. 3, 14.

2. Disertè etiàm Apostolus de eodem illo incestuoso, quem excommunicandum judicaverat, 1 Cor. 5, 3.+. postquàm de ejus resipiscentiâ cognovisset; 2: 11, 6, 7, 8, *Consolemini illum; ne quo modo redundante tristitiâ absorbeatur vir hujusmodi. Quapropter, ratam faciatis in illum charitatem.*

3. Ipse Deus quosvis peccatores serió resipiscentes admittit: *Ezech.* 18, 21. Ergò.

4. Singuli fideles semper debent parati esse ad remittendas injurias; & sic imitari ipsum Deum nobis remittentem: *Matth.* VI, 14, 15. XVIII, 21. --. Ergò & Ecclesia non minùs debet remittere, ubi Deus remittit.

Apud ipsos Catholicos olim Excommunicatorum poenitentium *Reconciliatio* tardis ac difficilibus gradibus peragebatur: interdum tamen fiebat quædam *Remissio*; undè sequioribus sæculis *Papales Indulgentiæ* natæ sunt.

Observandum autem, lapsos & excommunicatos Poenitentes, suâ Poenitentiâ, ejusque demonstratione, non satisfacere justitiæ Divinæ: nullus enim merus homo ei satisfacere potest pro peccatis suis: *Matth.* 16, 26. Hoc Christus præstitit solus: ut probatum est suo loco. Sed Ecclesiæ quodammodò satisfacere, quam offenderunt; ut videl. scandalum resipiscendo extinguant.

LVI. Ad *Presbyterium* quoque pertinet *Vocatio Ministrorum*, si qui desiderentur; nec non *Dimissio* Pastoris ad aliam Ecclesiam magis laborantem vocati, cum Vitæ Ministeriique testimonio. Imò etiam quorumcunque Membrorum, aliò migrantium, *Dimissio* cum testimonio convenienti.

Quoties autem habenda est *Classis*, ad eam quoque deputandi sunt, qui nomine hujus Ecclesiæ ibi compareant.

Diaconi in Ecclesiis majoribus distinctos suos habent conventus, ubi de negotiis Diaconiae suæ agunt; eleemosynis scil. collectis, aut colligendis, deque earum distributione. Ubi verò distinctos conventus non habent, eadem in communi conventu Presbyterii etiam aguntur.

LVII. Sequuntur *Conventus plurium Ecclesiarum parti-*

particularium, juxta unionem aut confœderationem, mutui auxilii causâ institutam, ad communem ædificationem. Hujus rei insigne exemplum habemus in Ecclesiâ Apostolicâ, *Act. 15, 1-29.* ubi à delegatis Ecclesiæ Antiochenæ, Presbyteris Ecclesiæ Hierosolymitanæ, ipsisque Apostolis ibi præsentibus, gravis controversia determinata est; cui sola Antiochena, propter turbas istic excitatas non sufficiebat.

Alibi etiâ notamus vicinarum aliquot Ecclesiarum conjunctionem; & communionem sanctorum sic etiâ cum remotioribus observatam: ita *Rom. 15, 26. Libuit Ecclesiis Macedonia & Achaja pariter conferre aliquid in pauperes sanctos, qui erant Hierosolymis.* Vide etiâ *2 Cor. 8, 1, 4, 19,* itemque *1 Cor. XI, 16.*

Sic ergo istiusmodi unio & communicatio plurimâ Ecclesiarum particularium necessaria est, non quidem simpliciter ad *esse*; sed ad *benè esse* omnium & singularum. Atque ita *cumulative*, bonum bono additum facit majus bonum: non autem se habet *privative*; quasi per eam quælibet particularis desineret esse Ecclesia, suamque potestatem ipsa exercere non posset, aut deberet.

LVIII. Ecclesiarum aliquot vicinarum in mediocri tractû ejusdem ferè Provinciæ confœderatio, & communicatio, consistit in *Classe*; ut nunc appellatur. In hac comparere solent omnes Pastores istius districtûs; atque insuper Seniores singuli ab Ecclesiis istis singulis, aut saltem ab Ecclesiis majoribus, literis fidei à suis delegantibus instructi. Eidem Conventui interesse etiâ solent singuli Correspondentes, à singulis Classibus ejusdem Synodi Provincialis.

In Classe Pastor aliquis *Præses* constituitur electione, vel etiâ ex ordine. Cujus est curare, ut omnia ordine ac decenter in isto Conventû fiant; negotia tractanda proponere: suffragia colligere, & inde con-

clusionem formare. Præsidi adjungitur *Assessor*; cujus est Præsidem in dirigendo Conventû juvare: atque item *Scribâ*; cujus est acta istius Conventûs fideliter consignare.

Ad Classẽ pertinent, tũm *negotia communia* Ecclesiarum istius districtûs: tũm *negotia graviora*, super quibus Presbyteria auxilium Classis requirunt: nec non *Provocationes & querelæ* eorum, qui se Presbyterii sui judicio gravatos existimant,

LIX. Ex aliquot Delegatis omnium Classium ejusdem Provinciæ, constituitur *Synodus Provincialis*. Accedunt Correspondentes ex Synodis vicinarum Provinciarum,

In eâ constituuntur *Directores*, ut suprà.

Tractantur verò *negotia* omnium Ecclesiarum istius Provinciæ *communis*; atque etiã *graviora*, in quibus Classis aliqua auxilium Synodi petit; nec non *Provocationes & Querelæ* eorum, qui se judicio suæ Classis gravatos putant.

Similiter ex Delegatis Synodorum Provincialium ejusdem Nationis, constituitur *Synodus Nationalis*. Accedunt Correspondentes aliarum Nationum eandem fidem profitentium.

Constituuntur *Directores*, &c.

Tractantur autem hîc *Negotia* omnibus ut plurimum ejusdem Nationis Ecclesiis *communis*; tũm fidei puritatem, tũm graviores casûs conscientiæ, tũm etiã ordinem Ecclesiasticum spectantia.

Nuncupantur etiã *Concilia œcumenica*; quasi convocata & collecta ex Ecclesiis totius orbis, *πέντης ὁ οὐρανὸς ἰκινεῖται*. Sed nulla verè & propriè talia unquàm fuerunt: nisi quòd Synodûs Hierosolymitana quodammodò haberi possit œcumenica, propter Apostolos Doctores œcumenicos.

LX. Non autem putandum est cum *Remonstrantibus*, eos, qui ad Synodum mittuntur, debere, du-
rante

rante litis examine, nulli vel personæ, vel Ecclesiæ, vel Confessione esse adstrictos: nam 1. nunquam iis licet, fidem suam Verbo Dei fundatam, & juxta illud Confessione aliquâ expressam, abnegare, vel deponere.

2. Semper oportet eos Deo, Christo, & SS. Literis, quibus orthodoxæ Confessiones consentaneæ sunt, adstrictos manere.

3. Neque de Apostolis existimandum, eos in Synodo Hierosolymitanâ, priorem suam fidem ac notitiam de istis rebus deposuisse: *Act. 15, 6, -*.

4. Neque alii Judices suam scientiam Juris, Legum, Statutorum, Consuetudinum, & Sententiarum in similibus causis latarum, tenentur deponere.

Neque similiter putandum, in iis quæ controversi juris sunt, nimium sibi arrogare Synodos, si dicant; *Hoc credendum est constanter & firmiter*: cum enim suam sententiam ex Verbo Dei confirmant, hæc confirmatio omninò admitti debet propter auctoritatem Verbi Divini, quâ eâ nititur. Si aliter fiat, contra Deum peccatur, quòd ipsius testimonium in dubium vocetur: *1 Joh. 5, 10. Confer Hebr. 13, 17. 1 Thess. II, 13.*

Quin & Adversarii aliter sentientes, quotquot SS. Literas acceperunt, eâdem quoque auctoritate devinciuntur.

Obj. 1 Cor. 5, 12, 13. Extranei ab Ecclesiâ non sunt judicandi. Ergo. *Resp.* Apostolus istic de Disciplinâ Ecclesiasticâ loquitur, quæ propriè versatur circa Membra Ecclesiæ alicujus institutæ. Verùm indè nequaquam sequitur, quod Adversarii intendunt.

LXI. Transeo ad *Adjuncta*; quæ nunc potissimum occurrunt, Potestas, Visibilitas, Defectibilitas, & Notæ.

Potestas hoc loco Ministerialis intelligitur: autoritativa enim Christo Regi nostro spirituali propria est.

est. Interim Christus Potestatem hujusmodi ministerialem in Ecclesiâ ordinavit; sic tamen, ut in exercitio Antecessoribus essent suæ partes Antecessoriæ. Est autem hæc Potestas, tum clavium, tum ordinationis. Ad Potestatem clavium pertinet tum Prædicatio Evangelii, tum Disciplina Ecclesiastica. Potestas Ordinationis est jus Ministros eligendi, vocandi, & confirmandi, Ecclesiæ ejusque Antecessoribus competens. De quibus sic satis in superioribus.

LXII. Ecclesia in ratione mysticâ *invisibilis* est. Sicut & instituta, universaliter spectata. Verum particularis quæque Ecclesia, in singularibus suis membris, conventibus, & functionibus externis, quando exprocedunt, est *visibilis*: *Matth.* 5, 14, 15. Fieri tamen potest, ut Ecclesiæ particulares, ob persecutiones hostium suorum, latere cogantur: vel etiam dispergantur; atque ita hostibus suis non sint conspicuæ; imo neque fidelibus quibusdam, dum hi cum illis congregari non possunt. Quod accidit tempore Eliæ, *Rom.* x1, 2, 3, 4, 18. Confer *Joh.* 20, 19, & *Act.* 12, 12, 13, 14. Quid autem longè post, & satis diù futurum esset de Ecclesiâ N. T. clarissimè ostensum est typo Mulieris istius, amictæ Sole, &c. de quâ, *Apoc.* 12, 6. *Fugit in solitudinem, ubi habet locum paratum à Deo, ut illic alerent eam diebus mille ducentis sexaginta.*

Propterea qui puriorem Christianismum præferebantur, (qualem Deus propitius per Reformationem restituit,) prævalente Antichristianismo, latebras quærere coacti sunt in variis partibus ipsius Babylonis: qui *Waldenses* appellabantur, ac deinde etiam *Bohemi*, sæpius fuerunt oppressi, ac dispersi, &c. Magnum interim fuisse eorum numerum, satis manifestum est ex Catalogis Testium veritatis, ac Martyrologiis. Sic occurrendum Pontificiis; perpetuam Ecclesiæ visibilitatem jactantibus; & sæpe quærentibus. Ubi fuerit Ecclesia nostra ante Lutherum? Chri-

LXIII. Christus Rex æternus non potest omnino distitui subditis; *Luc. I, 33.* sed necessario impleri debet, quod promisit ipsa veritas, *Matth. 16, 18. Porta Inferorum non superabunt Ecclesiam. & xxviii, 20. Ego vobiscum sum omnibus diebus usque ad consummationem sæculi.* Verum Ecclesiâ quæque particularis est *defectibilis*: fieri enim potest, ut electi fideles & sanctificati tum moriantur tum aliò migrent; temporarii autem deficiant ad hæreses, vel infidelitatem, & profanitatem. Ità Ecclesiæ plurimæ, quæ olim fuerunt in Asiâ, Muhammedisino succubuerunt; juxta comminationem olim factam *Apoc. II, 5.* Multæ etiâ aliæ Antichristum secutæ sunt, & concesserunt Bestiæ ac Meretrici Babylonicæ; sicut prædictum, *xiii, 3, 4, 8.*

Neque *Indefectibilitatis* privilegium datum est Ecclesiæ Romanæ; nec ulla talis promissio ei speciatim facta sed comminatio superioribus similis, *Rom. xi, 17, -21. Ne effertor animo; sed metue. Nam si Deus naturalibus ramis non pepercit, vide ne tibi quoque non parcat.* Confer *2 Thess. II, 3, -7. Apoc. 17, 3, 4, 5, 9; 18.*

Obj. 1. Atqui occurrunt tam multæ & præclaræ promissiones de perpetuitate Ecclesiæ. Ergo. *Resp.* Quæ promissa sunt Ecclesiæ electorum, vel in universum dicta de Ecclesiâ institutâ, non recte restringuntur ad Ecclesiam aliquam particularem, aut specialius ad Romanam. Orbis major est Urbe.

Obj. 2. Paulus ad Romanos scripsit, *I, 18. Gratias ago Deo meo per Jesum Christum, super omnibus vobis, quod fides vestra annuntiatur in toto mundo.* Ergo gloria & perpetuitas ista pertinet ad Ecclesiam Romanam. *Resp. Neg. Conseq.* Talis quidem tunc fuit fides Romanorum; verum inde nequaquam sequitur, eam semper per omnia sæcula talem fuisse mansuram. Similia vide *2 Thess. I, 3, 4.*

Obj.

Obj. 3. Ecclesia est columna & stabilimentum veritatis: 1 Tim. 3, 15. Ergò Resp. Ecclesia Catholica in universum, & quælibet particularis quatenus verum ac sanum membrum catholicæ est, veritati superstructa est, & per eam stabilita; eandemque aliis cognoscendam exhibet ministerialiter. Verum inde non sequitur cujusq; Ecclesiæ particularis indefectibilitas; nedum Romanæ: quæ istic speciatim non consideratur; sed Ephesina in quâ Timotheus erat. De hujus autem futurâ defectione vide Act. 20, 29, 30. Apoc. II, 4, 5.

LXIV Sed *Notas* lustremus! Ex sunt certa quædam signa, quæ per se facilius cognoscuntur, & ex quibus certò cognosci potest de Ecclesiæ cujusque veritate ac puritate. Necesse autem est, *Notas* illas esse proprias veræ Ecclesiæ, & perpetuas, & cognitû faciliores; atque ita idoneas, per quas cognoscatur Ecclesia. Spectandum ergo Verbum Dei, SS. Literis expressum & comprehensum, pro uno & certo canone fidei ac morum: hinc Christus Joh. 8, 31. *Si vos manseritis in Sermone meo; vere discipuli mei eritis. 47. Qui ex Deo est, verba Dei audit. x, 4, 5. Oves eum sequuntur* (Pastorem verum); *quia norunt vocem ejus. 26, 27. xvii, 17. Eph. 2, 20. Phil. 3, 16. Gal. 6, 16. Est autem hæc convenientia in Ecclesiâ quaque institutâ particulari spectanda, in iis quæ istic illustriora occurrunt; scil. 1. in Doctrinâ quæ ab Antecessoribus proponitur, & à multitudine reliquâ recipitur; vel etiâ Confessione aliquâ editâ comprehenditur. Hinc Jes. 8, 20. Ad Legem & ad testimonium: si non dixerint secundum verbum hoc, non erit eis aurora. Matth. 28, 20. 1 Cor. 4, 1, 2, 6. 1 Petr. 4, 11. Act. 26, 22. xvii, 11.*

2. In administratione Sacramentorum; utrûm ea peragatur secundum institutionem Christi: hæc enim in recto usû singulis fidelibus sunt sigilla communio-

nis suæ, salutaris in Christo ac beneficiis ejus ; eâdemque operâ Ecclesiæ cujusque particularis signa sunt, undè etiâ innotescit vera ejus conditio, pro-ut ea externè cognosci potest. Hùc pertinent accuratæ descriptiones , *Matth.* 28, 19, 20. *I Cor.* XI, 24, 25, 26.

3. In Exercitio Disciplinæ Ecclesiasticæ, quæ ordinata est ad veritatem ac puritatem in Ecclesiâ conservandam : *Matth.* 16, 19. *xviii.* 15, -18. *I Cor.* 5, 6, 7, 11, 13, *Tit.* 3, 10.

LXV. Minimè autem inutilis, aut supervacanea, cum *Socinianis* & *Libertinis*, censeri debet Notarum istarum investigatio ; atque ex illis Ecclesiæ cognitio : nam 1. Unusquisque salutis suæ studiosus hoc agere debet, ut sese adjungat veræ Ecclesiæ ; atque in ejus communione particeps sit mediorum à Deo & Christo ordinatorum ad salutarem ædificationem ; juxta exemplum in Ecclesiâ primitivâ, *Act.* II, 41, 42. post concionem & instructionem Petri ; *Qui libenter receperunt sermonem ejus, baptizati sunt ; & additi sunt Ecclesie die illo animæ quasi ter mille. Perdurabant autem in doctrinâ Apostolorum, & communicatione, & fractione panis, & orationibus.* Vide etiâ *I Cor.* XI, XII, XIV. *Eph.* 4, 11, 12, 13. *Hebr.* 10, 25.

2. Qui aliam doctrinam adferunt, non sunt audiendi ; neque ulla communio cum illis habenda : undè *2 Joh.* 10, 11. *Si quis venit ad vos, & hanc doctrinam non adfert, ne recipite eum in domum ; nec Ave ei dicite.* *Joh.* 10, 5, 16. *Gal.* I, 8, 9. *Phil.* 3, 2. *Tit.* 3, 10. *I Joh.* 4, 1.

3. Singulorum est ædificationem & prosperitatem veræ Ecclesiæ suis precibus promovere, quantum possunt. *Psal.* LI, 20. *Benefac in voluntate tuâ Tzizoni ; ædifices muros Jerusalem !* *cxxii.* 6. *Matth.* 6, 10.

4. Gaudendum est de ejus incremento & rebus secundis ; atque isto nomine Deo agenda sunt gratiæ :

ac proinde distincte agnoscenda est vera Ecclesia per suas Notas. 1 *Thess.* I, 2, 3. 2, I, 3, 4. 2 *Job* 3, 3. *Job* 3, 4. *Luc.* 15, 4, -.

LXVI. Pontificii alias & plures Notas Ecclesie constituunt; atque inter illos *Bellarminus* quidem ad quindenarium numerum procedit. *Prima* autem nota illi est Nomen Ecclesie, Christianorum, & Catholicismi. Sed nomen tum alibi, tum in hoc negotio, non prebet certum indicium. *Apoc.* 3, 1. ad Angelum Ecclesie, quae Sardibus erat: *Novi opera tua: nempè quod dicaris vivere; sed mortuus sis.*

Secunda est Antiquitas. Verum 1. ea non est Ecclesie propria; sed ipsi Diabolo communis: *Job.* 8, 44. Neque 2. Ecclesie inseparabiliter convenit: initio enim non fuit antiqua. Et ipsa 3. difficillimè cognoscitur; plurimisque adminiculis opus habet.

Tertia est Duratio diuturna non interrupta; cui eadem opponimus.

Quarta est Amplitudo, & multitudo credentium. Verum 1. nec ista est Ecclesie propria: maxima enim est multitudo Muhammedi credentium; aliorumque errantium; *Matth.* 7, 13. *Quoniam lata est porta, &c.* *Apoc.* 13, 3. *Admirans universa terra secuta est Bestiam.* 8. Neque 2. est perpetua: *Luc.* 12, 32. *Ne metue, parve Grex iste; -.* *Matth.* 7, 14. *Angusta est porta, & stricta via, quae ducit ad vitam: & pauci sunt qui inveniant eam.*

Quinta est Successio Episcoporum. Verum. 1. Successio ejusdem Doctrinae, & quidem verae, difficulter cognoscitur. 2. Quid si foret Successio errorum; 3. Successio Sedis sola parum ad rem facit: *Matth.* 23, 2. *In cathedra Moysis sedent Scribae & Pharisei.* Adde, 13. & XVI, 6.

Sexta, Consensus Ecclesie antiquae. Sed quam antiquae? Annon etiam verae? At quomodo cognoscetur Ecclesia antiqua vera?

Septima, Unio Membrorum cum Capite Papâ, & inter se. At 1. vera Ecclesia non agnoscit Caput, nisi Christum. 2. Ista unio potius est Nota Ecclesiæ malignantium, & Antichristianæ: post pauca enim probabimus Papam esse Antichristum. 3. Unio inter se non est etiam veræ Ecclesiæ propria; sed & Regno Satanæ convenit; *Matth.* 12, 25, 26.

Octava, Sanctitas Doctrinæ. Verùm ista dignosci non potest, nisi cognitâ priùs Veritate; sine qua omnis jactata Sanctitas mera superstitio est.

Nona, Efficacia doctrinæ. Sed nec illa veræ Ecclesiæ propria est; quippè Antichristianæ etiam conveniens: 2 *Thess.* II, 9, 11. de Antichristo; *Cujus adventus est ex efficacia Satanæ, cum omni potentiâ, --*.

Decima, Sanctimonia auctorum Religionis. Sed 1. Quomodo iterùm dignoscetur ista Sanctimonia? 2. Difficillima etiam est investigatio, utrùm Religio ista hodierna sit eadem illi, quam Auctores docuisse perhibentur.

Undecima, Gloria Miraculorum. Verùm 1. Miracula etiam fieri possunt ab iis, qui fide salvificâ destituuntur. *Matth.* 7, 22, 23. *Multi dicent Mihi illo die; Domine, Domine, Nonne in nomine Tuo Dæmonia ejecimus, & per nomen Tuum multas virtutes edidimus? Tunc autem profitebor eis? Certe nunquam novi vos: abscedite à Me, qui operam datis iniquitati.* 2. Opera valde miranda, veris Miraculis effectu proximo & externâ specie simillima, fieri etiam possunt à seductoribus, & salutaris Veritatis adversariis: 2 *Thess.* 2, 9. *- Cum omni potentiâ, & signis, ac prodigiis mendacibus.* *Matth.* 24, 24. *Excitabuntur enim Pseudo-christi, & Pseudo-prophete: & edent signa magna, & miracula; aded ut seducant, si fieri possit, etiam electos.* *Apoç.* 13, 13, 14. iterùm de Antichristo; *Editque signa magna, -*. Ista scil. à Deo permittuntur, & fiunt suò modo, atque ordinantur ad explorationem hominum: *Deut* 13, 1, 2, 3. Confer

exempla Magorum Ægyptiorum; *Exod.* 7, 11, 12, 22. *viii.* 7. & Simonis Magi; *Act.* 8, 9, 10. 3. Neque Miracula sunt penes veram Ecclesiam perpetua: *I Cor.* 12, 7. *Unicuique datur declaratio Spiritus ad utilitatem.* II. - distribuens privatim illa singulis, sicut vult. cum. *xiv.* 22. *Linguae igitur sunt signum, non iis qui credunt; sed infidelibus.* *Augustinus de Civitate Dei lib.* 22. cap. 8. de iisdem; *Necessaria fuisse priusquam crederet Mundus, ad hoc ut crederet Mandus. Quisquis adhuc prodigia ut credat inquit, magnum est ipse Prodigium; qui Mundo credente non credit.*

Duodecima, Lumen Propheticum. Verum I. etiam fide salvifica destituti, & seductores, prophetare possunt: *Matth.* 7, 22. - *Nonne per nomen Tuum prophetavimus? - Deut.* 13, 1, 2, 3. *Cum surrexerit in medio tui Propheta, vel somnians somnium, &c.* Confer exemplum Bilhami apud Moabitas prophetantis; *Num.* 23, 18, - 24. *xxiv.* 3, - 9, 15, - . *Apoc.* II, 14. & *Cajaphæ* in corruptissimâ *Judæorum Ecclesiâ*; *Joh.* XI, 49, - 52. 2. Neque istud donum in verâ Ecclesiâ perpetuum est; similiter ut de Miraculis modò ostensum.

Decima tertia, Confessio Adversariorum. Sed testimonium humanum, idque inconstans, non potest huius rei certam notitiam præbere.

Decima quarta Infelix exitus persecutorum Ecclesiæ. Sed I. iste in hoc sæculo non semper est conspicuus. 2. Etiam pii & probi multa adversa hîc patiuntur; & morte, quantum ad externam speciem, satis calamitosâ afficiuntur. *Eccl.* 9, 1, 2. *Etiam amorem, etiam odium; nescit homo ex omnibus, quæ ante eos sunt. Omnia eveniunt consimiliter omnibus: &c.* *Psal.* 73. 2, - 5. *Etego; pene declinaverunt pedes mei: - quia zelari in insanos, cum pacem impiorum viderem. - Joh.* 21, 7, - 15. *Jerem.* 12, 1, 2. *Luc.* 16, 25. *I Cor.* 4, 9, - 13. *xv.* 19, 30, 31, 32. *Hebr.* XI, 35, - 38.

Dicima quinta denique illi est Felicitas temporaria defensorum Ecclesiæ. Verùm & ista 1. minimè propria est: quod satis patet ex modò allegatis. Nec 2. perpetua. *Psal* 73, 14. *Fui flagellatus omni die: & fuit increpatio mea singulis matutinis. Joh.* 16, 33. *In mundo oppressionem habebitis. Act.* 14, 22. *Oportere per multas afflictiones nos ingredi in Regnum Dei. Rom.* 8, 17, 36. *2 Tim.* 3, 12.

Istæ igitur non rectè constituuntur Notæ, seu *τρυφή* veræ Ecclesiæ. Sed neque eas sic omnes competere Ecclesiæ Romanæ, neque semper competiisse, accuratè animum advertenti facilè patet.

LXVII. Superfunt *Contraria*; in quibus nunc potissimum occurrunt Persecutiones & Seductiones.

Persecutiones etiàm minimè defuerunt sub V. T. in dè à primis Ecclesiæ incunabilis; juxta istud *Gen.* 3, 15. *Inimicitiam ponam, - & tu conteres Ei calcaneum.* Hinc Christus, *Matth.* 23, 35. *Ut veniat super vos omnis sanguis justus, effusus super terram, à sanguine Abel justi, usque ad sanguinem Zachariæ filii Barachæ, - 37. Jerusalem, Jerusalem, interemtrix Prophetarum, & lapidatrix eorum qui ad te missi sunt! Adde 1 Joh.* 3, 12. *Gal.* 4, 29. *Hebr.* x1, 35, - 38.

In N. autem T. initium factum est à Capite ac Domino nostro Jesu Christo; de cujus passionibus ac morte diximus suo loco. Vel jam ab ejus Prodro-mo Johanne Baptista, quem Herodes capite multavit; *Matth.* 16, 3, - 12. Similem conditionem Christus Apostolis ac Discipulis suis proposuit & prædixit, v, 11. 12. xvi, 24. xx, 23. Adde alia paulo superius allegata. Consequenter occurrit statim exemplum Stephani Diaconi & Protomartyris, lapidati à Judæis; *Act.* 7, 59, 60. Magna persecutio adversus Ecclesiam Hierosolymitanam memoratur, viii, 1, 2. & tale studium Sauli etiàm adversus alios fideles; ix, 1, 2. Iterùm Rex Herodes, injectis manibus, malè acce-

pit nonnullos ex Ecclesiâ: interemit autem Jacobum, fratrem Johannis, gladio; & Petrum in carcerem coniecit, qui tamen per Angelum ex eo liberatus est; XII, 1, -. Similiter *Apoc.* 2, 13. - *Antipas Martyr ille meus fidelis; qui trucidatus est apud vos, ubi Satanas habitat.* Adde, *Io.* III, 10. VI, 9, 10, 11. 2 *Cor.* XI, 23, 24, 25.

Plurima istiusmodi etiâ occurunt in Historiâ Ecclesiasticâ: ubi potissimum commemorantur *decem Persecutiones universales*, sub Imperatoribus Gentilibus institutæ. Cum verò *Constantinus Magnus* Religioni Christianæ nomen dedisset, non multò post *Ariani* persecuti sunt Orthodoxos; ac porrò *Julianus Apostata*. Ubi autem deindè Antichristus Romanus sese extulit, alii verò pro fidei puritate ei resisterunt, iterùm factæ fuerunt persecutiones variæ; adversùs Waldenses (ut appellabant) Bohemos, alios fideles in Germaniâ, Galliâ, Britannîâ, Belgio, &c. de quibus consulenda Martyrologia.

LXVIII. *Seductiones*, quibus alii à puritate fidei abducuntur fallaci persuasione Hæreticorum & Apostatarum, sedulò etiâ notandæ sunt. De his exstant Prophetiæ, *Matth.* 24, 24. *Act.* 20, 29, 30. 1 *Tim.* 4, 1, 2, 3: 2, III, 1, - 9.

Inter Hæreticos sub N. T. primus recenseri solet *Simon Magus*; de quo *Act.* 8, 9, 10, 13, 18, - 24. Sed 2 *Tim.* II, 16, 17. nominatim commemorantur *Hymeneus*, & *Philetus*; qui circa fidem aberrârunt à scopo, dicentes, Resurrectionem jàm esse factam, &c. Alii pro Observatione Legis Cerimonialis adhuc sub N. T. & pro Justificatione ex operibus contendunt; *Act.* 15, 1, 2. *Gal* 1, 6, 7. III, 1. IV, 10, 11: v, 1, - 4, 12. *Phil.* 3, 2, 3, 18, 19. *Col.* 2, 4, 8, 16, -. Diserte etiâ *Nicolaitæ* appellantur, *Apoc.* II, 6, 15. In Historiâ Ecclesiasticâ porrò inter alios recitantur *Ebion* & *Cerinthus*, veram Christi Deitatem negantes;

Marcio-

Marcionitæ, Montanistæ, Encratitæ, Sabelliani, Manichæi, Ariani & Photiniani, Pelagiani, Nestoriani, Eutychiani, Monotheletæ, &c.

LXIX. Speciatim considerandus venit *Antichristus*: quæ appellatio disertè exstat, 1 *Joh.* 2, 18, 22. 1v, 3. 2 *Joh.* 7. Ea autem, vi vocis inspectâ, notare potest vel *Christo contrarium*: sicut dicitur ἀντίχριστος, oppositio; 1 *Tim.* 6, 20. ὁ ἀντιχρίστου, ille opponens sese; 2 *Thess.* II, 4. vel *eum*, qui locum *Christi* occupat, aut *tener*: sicut dicitur Ἀντίπατος, Proconsul; *Actor.* 13, 7. item ἀντίπλοσις, ἀντινομασία, &c. Sed Ἀντιπατορ utraq; significatione reperitur; ut notet Ducem contrarium: & eum qui est loco Ducis. Sic etiâ rectissimè accipitur ὁ Ἀντίχριστος κατ' ἐξοχήν, qui se *Christo* substituit, tanquam Vicarium; atque interim *Ipsi* adversatur maximè: juxta *Apoc.* 13, 11. Vide aliam *Bestiam*, ascendentem è terrâ, habentem cornua duo similia *Agni*; sed loquebatur ut *Draco*. Verùm generatim vox illa quævis *Hæresiarcham* notat.

Magnus ille *Antichristus* secundùm SS. Literas describitur plenius, quod sit *Papa Romanus*, prout hic *Satanæ* efficaciam per multiplicem à doctrinâ *Christi* defectionem paulatim exortus est, ac tandem *Imperii Romani* ruinâ patefactus; qui sub professionis *Christi* larvâ, *Ipsi* adversarius existit, supra omnem Deum sese efferens, sibi que universalis *Ecclesiæ* & totius *Orbis* dominium arrogans; doctrinæ interim ac signorum mendaciis, vitæ impuræ exemplis, sævâque tyrannide, plurimos homines in errores, idololatriam, & exitium seducens; donec *Christi* Verbo, atque illustri adventû, tandem destruat.

LXX. *Papam* dicimus, sive *Episcopum*, aut *Antistitem Ecclesiæ Dei*: in quâ *Antichristus* non solum est; sed etiâ ei præest ac præsidet. 2 *Thess.* 2, 4. Ut

in templo Dei - *sedeat.* h. e. in Ecclesiâ: *Eph.* 2, 21. *2 Cor.* 6, 16. Confer *Apoc.* 18, 4. *perperam* verò *Pontificii* istud exponunt de Templo Hierosolymitano. Addimus *Romanum*: propria enim ejus sedes debuit esse Roma; magna illa septem montium civitas; *Apoc.* xvii, 9. quæ isto tempore regnum habebat super Reges terræ: *vers.* 18. Hic autem est ille *Λατῆνος*, conficiens numerum 666. juxta *Apoc.* xiii, 18. quemadmodum olim observavit *Irenæus*, discipulus *Polycarpi*, qui Apostolum *Johannem* audiverat. Undè etiam *Vulgata Versio Latina* ejus sectatoribus habetur authentica; & *Officium publicum Latinum* est. Atque isti *Episcopo* reliqua omnia conveniunt, quæ de *Antichristo* prædicta sunt.

Efficaciam Satanae appellamus, juxta *2 Thess.* 2, 9. Confer *Gen.* 3, 15. *Joh.* 8, 44. *Eph.* 2, 3. Hinc *Causa formationis*: *Defectio*, tum particularis, tum universalis. *Particularis defectio* jam Apostolorum ætate coepta fuit, partim per *Hæresiarchas*: 1 *Joh.* 4, 1. partim per ambitiosos quosdam Ecclesiarum *Ministros*: 2 *Joh.* 9, 10. Sic enim multi *Antichristi* extitisse dicuntur; 1 *Joh.* 2, 18. quos *Tertullianus* *Præcursores* magni illius *Antichristi* rectè appellavit; cum in iis esset *Spiritus illius*: 1 *Joh.* 4, 3. Atque ita *Mysterium iniquitatis* jam tum operabatur: 2 *Thess.* 2, 7. Neque enim *stipulae* solum superstruebantur vero fundamento: 1 *Cor.* 3, 12. sed etiam errores valde graves; utpotè contra *Veritatem personæ Christi*: 1 *Joh.* 2, 22, 23. iv, 13. 2 *Joh.* 7. & officiorum ipsius: 1 *Joh.* 2, 22. De *Justificatione hominis coram Deo ex operibus*: *Gal.* 5, 4. cultum Angelorum: *Col.* II, 18. ciborum quorundam prohibitione: 21. *ἡμελοδρῶναια*, humilitatis ostentatione, corporisque immodicâ afflictione: 22, 23. Post excessum verò Apostolorum, *Mysterium* istud magis profecit; ut prædictum, *Actor.* 20, 29, 30. *Gnostici* enim introduxerunt cultum imaginum

ginum Christi; *Colliridiani*, adorationem Virginis Mariæ; *Manichæi*, necessitatem coelibatûs Episcoporum; *Encratitæ*, prohibitionem esûs carniûm; *Cathari*, gloriationem de bonorum operum meritis; *Pelagiani*, errores circa gratiam & liberum arbitrium; alii alios.

Universalis defectio indicatur, 2 *Thess.* II, 3. Talis una fuit aperta; *Arii*, quem *Athanasius* Antichristi *ωρόδομος* dixit. Isti autem involuta fuit Ecclesia Romana, cum Episcopo suo *Liberio*. Altera fuit latens, per incuriam studii Scripturarii, imperitiâ, cœcum Religionis zelum, nec non avaritiâ & superblam: quorum specimina satis multa sunt obvia. Hinc *Victor* Ecclesias Asiaticas à communione exclusit, ob diversum diem Paschatis servatum: &c. Accesserunt fragmenta Miraculorum ad superstitiones commendandas, & fabulæ multarum Traditionum.

Opportuna interim *occasio patefactionis* supervenit: Imperii Romani ruina: 2 *Thess.* II, 6, 7, 8. cum *Apoc.* 13, 3, 11, 12. Imperator enim Byzantium migrans, Romam deseruit; & Roma vicissim Imperatoris jugum excussit. Sic autem revelatio facta est in *Bonifacio* III. anno 607. magis autem in *Stephano* II. anno 854.

LXXI. Quod ad *hypocrisin*, & *subdolam professionis Christi larvam*; Antichristus sessurus erat in templo Dei, atque ita hominès seducturus: 2 *Thess.* 2, 4, 10. Dei Spiritum simulaturus: 1 *Joh.* 4, 13. & duo cornua habiturus, Agni similia: *Apoc.* 13, 11. Confer 1 *Tim.* 4, 1; 2. de spiritibus deceptoribus, per hypocrisin falsiloquis. Sic autem Pontifex Romanus indè à *Bonifacio* III. generatim quidem S. Scripturam, & summa capita Catechesios Christianâ prætendit; sed subvertit simul: dùm sese Christi vicarium appellat, &c.

Sed & *scelerosus* est: 2 *Thess.* II, 3, 8. actalis Christi adversarius; *ἀντιχρίστου*: vers. 4. & sic *Ἀντίχρ.*

56: 1 *Joh.* II, 18. IV, 3. Magis hoc patet per effecta: dum impiè sese extollit *supra Deum*, aut quicquid *Deus* appellatur: 2 *Thess.* II, 4. Sic autem *Papa Romanus* Legibus Dei suas opponit, & præponit; graviolemque redeunturam Legum suarum constituit, quàm Divinarum: quod videre est in *Taxâ pœnitentiariâ*. Et sibi vendicat potestatem Sanctos canonizandi, cultumque religiosum iis decernendi; quod ipse *Deus* non potest: *Jes.* 42, 8. 2 *Tim.* II, 13. Quid jam mirum, si *supra homines quoscunque* sese extollat? *Apoc.* XI, 8. XVII, 1, 2, 7, 15. Sic autem *Johannes XXII.* dixit; „Summo Pontifici, in personâ B. Petri, terreni simul & „cœlestis Imperii jura esse commissa, Hinc etiàm Pontifex Tiaram cum triplici Coronâ aureâ gestat, quæ *Regnum* dicitur. Et *Bonifacius VIII.* pronunciavit, „O „mnem humanam creaturam Pontifici Romano sub „esse; idque omninò esse de necessitate salutis.

Specialius prædictum fore, ut ostentaret se *Deum* esse: 2 *Thess.* II, 4. & ab incolis terræ adoraretur: *Apoc.* 13, 3. Sic autem, rogatû *Bonifacii III.* Imperator *Phocas* sedem Romanæ & Apostolicæ Ecclesiæ pronunciavit Caput omnium Ecclesiarum. Undè porrò immane jugum Legum anathemate sancitarum promanavit: sua autem judicia, imò & flagitia, omnium hominum; etiàm Conciliorum, judiciis exemit. 57: se Potestatis Christi Vicarium; Ecclesiam verò Sponsam suam appellavit; pro arbitrio item suo peccatorum remissionem, & varios cœlestis gloriæ gradûs, dispensare præsumsit: quin & *Dei*, ac *Divine Majestatis*, appellationem admisit. Consequenter etiàm Clericos suos potestati Politicæ subtraxit: Reges verò & Principes regnis ac dominationibus ipsorum aliquandò exuit Subditos à juramento fidelitatis & ab obedientiâ absolvit; ad Pedum suorum oscula illos admisit; imò etiàm colla ipsorum suis pedibus aliquandò compressit.

LXXII. *Seductionem* ille peracturus erat *illecebris Doctrinarum fallaciarum*: idem Spiritus Antichristi opponitur Spiritui Dei; 1 *Joh.* 4, 3. ipse Pseudopropheta appellatur; *Apoc.* 16, 13. & Seductio iniquitatis ei tribuitur; 2 *Thess.* II, 10. Specialiùs hùc pertinent Leges iniquæ de Cœlibatù, & Delectu ciborum: 1 *Tim.* 4, 1, 2, 3. Sic Papa per universam passim Theologiam errores plurimos introduxit; atque etiàm illos, de quibus prædictum erat diserte.

Accedunt *Signa mendacia*, tùm falsò conficta, tùm ad mendaciorum confirmationem applicata: 2 *Thess.* II, 9. *Apoc.* 13, 13. Talia autem à Pontificiis passim jactantur & celebrantur.

Atque item *Exempla vitæ impuræ*: 2 *Thess.* II, 3, 8. *Apoc.* 17, 1, 5. XI, 8. Ità in ipsorum Scriptis Pontifices Magi, Simoniaci, impuri, scelerati, recensentur plurimi.

De *Crudelitate & coactione tyrannicâ* prædictum similiter *Apoc.* 17, 6. Complementum satis est evidens: attestatur enim frequens experientia; & sanguis fidelium, à Curia Romanæ satellitibus copiosissimè fusus, vindictam inclamavit diù; juxta *Apoc.* 6, 9. XVIII, 5. XIX, 2.

Effectus istius Seductionis est in hac vitâ plurimorum hominum error multiplex: 2 *Thess.* II, 10, 11. *Apoc.* 8, 8. atque *idololatria*: XIII, 15. & post hanc vitam *exitium*, sive iusta condemnatio omnium, qui ab illis non resipuerint: 2 *Thess.* II, 10, 11, 12.

Ipsius autem *Antichristi eventus* est ejus *Destructio*; quæ quidem inchoari debuit per *Verbum Dei*: 2 *Thess.* II, 8. ut retegerentur errores, idololatria, & tyrannis illius; multique homines, isto præconio moniti, Babilone exirent: *Apoc.* 18, 4. Reges autem & Principes excitati, eum defererent, spoliisque & injustis honoribus exuerent; XVII, 16. Quæ quidem cœpta sunt modò; rogandus autem est Dominus; ut Ipse.

propitius ac potens perficiat opus suum.

Tandem verò consummabitur ejus abolitio in illustri adventu Domini : 2 *Thess.* II, 8. undè ille in infernum conjicietur : *Apoc.* 19, 2.

LXXIII. Pontificii multa alia de Antichristo comminiscuntur temerè : futurum eum unum duntaxat hominem , religione Judæum , ex tribu Dan ; restauraturum Politiam , & cultum Judaicum , atque ipsum templum Hierosolymitanum ; regnaturum solummodo tres annos cum dimidio ; reversuros tunc Enochum & Eliam ex Paradiso , & cum illo congressuros , hinc interficiendos sed tertio die resurrecturos à morte , &c. Verum non ista ; sed planè alia , & plurima , de eo traduntur in SS. Literis.

Nos autem merito *colligimus* contra eosdem , Ecclesiam Romanam esse Antichristianam , ac veram Babylonem Apocalypticam : atque adeò majores nostros causas habuisse gravissimas ab eà excundi : idem reliquis istà captivitate adhuc detentis , & salutis suæ studiosis , agendum esse quantocyùs ; nemini verò ad ejus communionem , aut subjectionem , revertendum. Nam 1. disertum est mandatum & monitum Domini , *Apoc.* 18, 4. *Exite ex eà , popule mi ; ne participes sis peccatorum ejus , & ex plagis ejus accipiatis.* Confer *Rom.* 16, 17. 2 *Cor.* 8, 14, --.

2. Accedunt Causæ satis graves & justæ , respectu Credendorum ; ubi multiplex hæresis & apostasia : quod passim annotatum est in superioribus.

3. Similiter respectu Agendorum ; ubi multiplex idololatria , superstitio , & prava dogmata moralia eaque irreformabilia.

4. Etiam respectu Regiminis ; ubi immanissima tyrannis.

LXXIV. Sed & magna est , atque Ecclesiæ valdè contraria , & longe latèque diffusa , apostasia per *Muhammedem* instituta in Oriente , eodem fere tempore ,
quo

quo Antichristus revelatus est in Occidente. Ille autem, sublatis SS. Bibliis, impurum suum Koranum substituit; fundamenta Religionis Christianæ sustulit; & paucas veritatis reliquias plurimis ac foedissimis erroribus atque superstitionibus, partim ex Gentilismo, partim etiam ex Judaïsimo, mutuatis, corripit penitus.

Veræ Ecclesiæ vehementer etiam adversantur *Sociniani*; quique eorum sequaces, vel affines, sunt inter *Remonstrantes*, & *Anabaptistas*: ac porro *Enthusiastæ*, & *Libertini*: suo denique modo & gradu reliqui *Anabaptistæ*, *Remonstrantes*, & *Ubiquitarii*. Omnes denique homines carnales, mundani, ἀτακτοί.

LXXV. Pro *Praxi* denique; 1. Probemus nos ipsos, an verè habeamus mysticam cum Christo & Ecclesiâ ipsius communionem: 2 *Cor.* 13, 5. atque in eâ studeamus proficere: *Eph.* 4, 15, 16.

2. Sic vivamus in Ecclesiâ institutâ; omniaque spiritualis incrementi media observemus sedulo. *Act.* II, 41, 42. *Hebr.* x, 25.

3. Singuli, pro ratione vocationis, ordinis, ac donorum, conferamus quicquid in nobis est, ad communem Ecclesiæ ædificationem ac propagationem: *Rom.* 12, 4, - 11.

4. Adversus hostes nostros spirituales, omnesque seductiones & tentationes, corroboremur: atque in verâ fide, ac fideli sanctimoniâ, perseveremus: 1 *Tim.* 6, 12. *Eph.* 6, 10, - 17.

5. Sic mente feramur, omnique studio contendamus, ad Ecclesiam triumphantem, & gloriam in cœlis æternam: *Phil.* 3, 10, - 14, 28. 2 *Tim.* 4, 7, 8.

Amen; veni Domine JESU!

IN-

I N D E X

C A P I T U L U M.

Cap.		Pag.
I.	D E Natura Theologia.	I
II.	De Fide.	23
III.	De Sacra Scriptura.	43
IV.	De Deo.	97
V.	De Personis Divinis.	148
VI.	De Decreto Dei.	172
VII.	De Creatione.	193
VIII.	De Providentia.	228
IX.	De Fœdere Legali.	249
X.	De Peccato.	387
XI.	De Fœdere Euangelico.	432
XII.	De Christo Mediatore.	474
XIII.	De Salutis Impetratione.	535
XIV.	De Vocatione & Regeneratione.	555
XV.	De Justificatione, Reconciliatione & Adoptione.	566
XVI.	De Sanctificatione.	613
XVII.	De Conservatione & Corroboratione.	629
XVIII.	De Obſignatione.	643
XIX.	De Glorificatione.	702
XX.	De Ecclesia.	726

JOHAN.

JOHANNES LEUSDEN

*Dominis Studiosis, Sacro Ministerio
Dicatis, Salutem.*



Um editio secunda *Compendii Dogmatici* D. ANDREÆ ESSENI I, Collegæ Conjunctissimi, nescio quo fato, curæ meæ sit commissa, (quam curam ob pietatem in Collegam, libenter mihi imponi passus sum) incidit in mentem circa finem operis: Annon consultum esset huic Editioni addere illas disputationes, quas anno 1645. & 1646. Clariss. D. *Johannes Hoornbeek*, olim Præceptor venerandus, & postea Collega intimus in hac Academia conscripsit. Fuit intima amicitia inter utrumque Collegam; Fuit eadem intentio in gloria divina promovenda, & eundem modum eandemque Methodum observabant in tuenda causa Dei & Ecclesiæ; Eandem Theologiam profitebantur; Eandem etiam Methodum concionandi, quæ per Excellentiam diu ULTRAJECTINA vocata est, docebant, & juventuti Theologiæ dicatæ privatim & publice instillabant. Ut ergo Domini Studiosi horum duorum magnorum Virorum Theologiam Theoreticam & simul Methodum Ultrajectinam conciones formandi, utramque puram & immaculatam haberent, judicavi consultum hunc utrumque Theologum conjungere; præcipuè hoc tempore cum illa Methodus à nonnullis jam invertatur, permutetur, & pro genuina Ultra-
jectina

A L L O C U T I O


plura verba quàm ipsius Textus retinere possint. Est etiam accommodata Academiæ : nam D. Studiosi exscribentes & repetentes D D. Pastorum conciones, vix possunt aliorum conciones exscribere & repetere, nisi hac Ultrajectina methodo habitas. Propterea nostri Studiosi à multis annis semper exscripserunt eorum Pastorum conciones, qui accuratiorem Methodum Ultrajectinam observabant; etiam fatentur hodierni se aliorum conciones exscribere vix posse. Propter has & similes causas hanc Methodum secuti sunt *Voetius, Schotanus, De Matius, Hoornbekius, Essenius* aliique non sine honore nominandi, eamque etiam Juvenibus Academicis jugiter instillarunt; qui postea promoti, eâ clarâ & distinctâ Methodo, non sine magno fructu usi sunt in Ecclesiis suis. Mirati sæpe sunt multi, quomodo Academia nostra intra paucos annos ad tantum fastigium pervenerit, ut tam innumeri inde prodierint felices Pastores. Sed desinent mirari, si, præter diligentiam Professorum, etiam considerent hanc Ultrajectinam concionandi Methodum hic fuisse usitatam. Ad hanc discendam veniebant undique D. Studiosi. Si igitur hæc Methodus hinc turbaretur, & alia introduceretur, non utile esset Ecclesiæ & Academiæ nostræ, quæ utraque assueta est illi Methodo; etiam alia Methodus Auditores perplexos redderet, qui parum inde retinere possent. Utinam Deo placeret ad bonum publicum hanc Methodum in hac Academia & Ecclesia conservare! Valete.

JOHAN-



JOHANNIS HOORNBECK,
TRACTATUS
 DE
 RATIONE CONCIONANDI.

CAPUT PRIMUM.

- I.  *Concio est, actio sacra explicans Dei verbum, & applicans ad edificationem Ecclesiae, I Cor. 14, 3, 19, 26. Jesa. 21, 10. Jerem. 7, 2. Jezech. 3, 17. I Tim. 1, 5. & 6, 17.*

Concio aliquando pro cætu sumitur; at hic pro sermone ad cætum. Tertullianus utrumque egregiè, in apol. Coimus in cætum & congregationem, ut ad Deum quasi manu facta precationibus ambiamus orantes. Hæc vis Deo grata est. Oramus etiam pro Imperatoribus, pro ministris eorum, & potestatibus sæculi, pro rerum quiete, pro morâ finis. Coimus ad divinarum litterarum commemorationem, si quid præsentium temporum qualitas aut præmonere cogit, aut recognoscere &c.

II. *Actio sacra, quæ idcirco non nisi à sancto, & sanctè haberi potest. Qualis minister esse debeat, quam castigatæ, & piæ vitæ, docet compendio Apostolus in Epistolis ad Timotheum, & Titum.*

Quas tres Apostolicas epistolas ante oculos habere debet, cui est in Ecclesia Doctoris persona imposita, inquit Augustin. de Doctr. Christian. lib. 4. cap. 16. & cap. 27. Habet ut obedienter audiatur quantacunque granditate dictionis majus pondus vita dicentis. Et Gregor. M. prædicator quisque plus actibus, quam vocibus insonet, & bene vivendo vestigia sequacibus imprimat, ut potius agendo, quam loquendo, quo gradiatur, ostendat. Pastoral. part. 3. cap. 6. De vita eorum, qualis esse debeat, ex Veteris Ecclesiæ instituto, & canonibus, aliàs agimus.

Sanctus, & sanctè; I. e. I. animo ad hoc. II. modo. III. fine, sanctis. Jerem. 3. 15. Jezech. 34. Phil. 1. 15, 16, 17, 18. Egregiè, & ut solet, ardentè Hieron. ep. ad Eustoch. de virginit. Sunt alii (de mei ordinis hominibus loquor) qui ideo presbyterium & diaconatum ambiunt, ut mulieres licentius videant. Omnis his cura de vestibus, si bene oleant: si pes, laxa pelle, non folleat. Crines calamistri vestigio rotantur, digiti de annulis radiant: & ne plantas humidior via spargat, vix imprimunt summa vestigia. Tales cum videris, sponso magis existimato, quam clericos. Quidam in hoc omne studium vitamque posuerunt, ut matronarum nomina, domos moresque cognoscant. Ex quibus unum, qui hujus artis est princeps, breviter, strictimque, describam, quo facilius magistro cognito, discipulos recognoscas. Cum sole festinus exurgit, salutandi ei ordo disponitur, viarum compendia requiruntur, & pene usque ad cubilia dormientium Senex importunus ingreditur. Si pulvillum viderit, si mantile elegans, si aliquid domesticæ suppellectilis, laudat, miratur, attrectat, & se his indigere conquerens, non tam impetrat, quam extorquet, quia singulæ metuunt veredarium urbis offendere.

III. Ex S. Dei verbo. nim. solo Dei verbo, & omni Dei verbo, Luc. 16, 31. & 24, 27. Act. 20, 27. & 26, 22.

Solo,

Solo, quia solum. I. Authenticum. II. Canonicum. 2 Tim. 3, 16. 2 Petr. 1, 10. Gal. 6, 16. Jes. 8, vers. 20. Reliqua scripta incerta, fallibilia, ad normam verbi divini examinanda, & nisi cum eo conveniant, in hoc genere non recipienda.

Quar. Annon item ex Catechismo? *Resp.* non ex Catechismo, ut scripto Canonico; verum ille laudabiliter etiam explicatur, probatur, pro concione tractatur; sed ex scripturâ. Neque adeò discrepat sententia Cl. Amesii *cas. conf. lib. 4. cap. 26.* Scripturæ enim locus catechetice institutioni semper præmittitur; at parum refert, si per explicationem textus, ad Catechesin deveniam, si statim ad Catechesin (post lectum Scripturæ locum, auditam) explicandam, ejusque nihil nisi ex scripturâ probandum, ocyus accedam, cautâ semper autoritate scripturæ supra Catechesin, neque receptâ Catechesi, nisi per Scripturam confirmatâ.

Omni, adeò nihil scriptum, quod non usum suum ad fidem & pietatem abundè etiam habeat.

Quar. I. An in Ecclesiâ ejusmodi interpretatio & concio verbi divini probanda sit? *Aff.* contra Liberinos, & Enthusiastas I. ex institutione divinâ; istud enim medium Deus instituit, & sanctificavit, populum erudiendi. Matth. 28, 19. cum praxi Apostolica Rom. 1, 16. & 10, 14, 15. Ideo Deus in Ecclesiâ instituit ordinem docentium. Ephes. 4, 11, 12. Jesa. 30, 21. Jerem. 3, 15. III. Ab Exemplo, & usu Ecclesiæ perpetuo, jam à Genes. 4, 26. hucusque, & in finem mundi. Matth. 28, 19. Ephes. 4, 12. IV. à fructu ejus certo, multiplici, & copioso. Jesa. 55, 10, 11.

Quar. II. An etiam V. Testamentum hodiè concionandum? *Aff.* contra veteres Cerdonianos, Marcionitas, Manichæos, &c. *Non enim soli Manichæi legem, Prophetasque condemnant, sed & Marcionitæ, &*

alii nonnulli, quorum sectæ non ita innotuerunt populis Christianis, August. lib. 1. contra advers. legis & proph. cap. 1. Chrysost. serm. contra Anomæos: & simul multos alios hæreticos prosternere poterimus, videlicet, Marcionem, Manichæum, Valentinum. Manichæi enim, & qui factionis illorum socii Prophetas, & Patriarchas contemnunt. Hodiernos Mennonitas. Vide Doorellaer & Sylv. controvers. 8. contra Mennon. aliosque Antinomos.

Quær. III. An satis probari possit consuetudo illa (quæ plurimis in locis obtinet) pro concione certas Dominicales, juxta Postillas (ut vocant) explicandi? Resp. Neg. vide Ames. loc cit. Primus, qui hunc ordinem introduxit, fuit Carolus M. A. Dccc. III. cujus jussu Alcuinus Levita homilias Patrum cum in finem collegit, postmodum locupletatas, atque ita porrò desidiosii Clerici, ac Monachi nugaces illis solum populo exponendis inhæserunt, quasi totum Concionatorum officium, & verbum Dei illis jam contineretur, idque quidem juxta vanam festivitatum observantiam. Sixtinus Amama in orat. de Barbarie, hoc gradum fuisse recte judicat, ad barbariem illam, quæ Ecclesiam tandem tam misere defædavit. Quare ubi fieri id commodè potest, rectius mutatur, & aboletur, ut etiam ante aliquot annos Anno. 1614. per ditionem Brandeburgicam illud factum.

IV. Ad ædificationem Ecclesiæ: in doctrinâ veritatis, & in praxi pietatis, non in alterutro, sed utroque. Neque alius Concionatori scopus esse debet; non proprium bonum, sive lucri ex avaritiâ, Jezech. 34, 2, 3, 10. 1 Tim. 3, 3. Cod. de episc. & Cler. 1. omnem: purum habeant propositum, & pecunias contemnant, omnemque vitam suam ad clementissimum applicent Dominum. Ambros. Offic. lib. 3. cap. 9. Synod. Nicen. 2. cap. 4. Bernard. ep. 24. Sive honoris, ex ambitio-

ambitione. Matth. 23, 6. Chrysosthom. de sacerdotibus, lib. 5.

V. *Ita concionari nulli licet, nisi ab Ecclesiâ ad id vocato.*


In Ecclesiâ nimirum institutâ & ordinatâ.

Contra Socinianos, Catech. Racov. de Ecclesiâ, cap. 2. Smalc. c. Franz. part. 2. disp. 4. Theoph. Nicol. de Ecclesiâ & missione. Volkel. de relig. lib. 6. cap. 12. Arg. I. ex ordinatione divinâ, Hebr. 5, 4. Rom. 10. 15. II. reprehensione, & peccato illorum, qui secus agunt. Jerem. 23, 21. III. ordine Ecclesiâ, qui hoc possit. I Cor. 14. 40. & xxvii, 14. Joan. 5, 3. IV. Eadem est constans ratio omnium officiorum publicorum, ut nemo ea administret, citra peculiarem vocationem. V. Perpetuo Ecclesiâ exemplo, & praxi, tam V. quam N. T. hucusque. Synod. VI. In Trullo ca. 64. ubi Schol. Balsam. *Populum Domini docere, & divina decreta interpretari, solis antistitibus concessum est &c.*

Quær. An S. Ministerii candidatis, Proponentibus, publicas liceat habere conciones, necdum ad ministerium vocatis? Resp. Non ita habent conciones, ut Concionatores; sed quasi specimina & exercitia concionum modo, se Præparantes eo pacto ad ministerium, *βαθμὸν ἑαυτοῖς καλὸν περιποιῆναι, καὶ πολλὴν παρρησίαν ἐν πίστι τῇ ἐν Χριστῷ Ἰησοῦ* I Timoth. 3. vers. 13. arque Ecclesiâ se, suaque dona probant. Quare I. non eâ autoritate loquuntur, ideoque nec libertate, & potestate, ac Pastores, licet etiam S. devotione audiendi, quia Dei verbum proponunt, cujus dignitas ab homine non pendet. II. Nec toties illis habendæ conciones, ac si hoc eis de ordinario aliquo officio esset, quod ita non fit citra detrimentum Ecclesiâ, præjudicium necessariæ vocationis. III. Neque facîle ubivis, ut qui specimina artis

tis dant. IV. Neque omnia pastorum munia agunt, videlicet ad quæ singularis potestas requiritur, & vocatio ad ministerium istius Ecclesiæ, qualia, administratio Sacramentorum, & disciplina Ecclesiæ; quemadmodum in rep. tyronibus quidem, & Candidatis, conceditur, acta quædam, & instrumenta conscribere, non verò suâ authoritate ea signare, pronunciare, aut exequi.

CAPUT SECUNDUM.

I.  Mnis concionandi ratio duobus absolvitur, formanda concione, & habenda. Utrumque ut rectè fiat, artis sacræ est, & consistit in textu scripturæ explicando, & applicando; in quibus iterùm duo proximè inten-

dere debet Concionator, moveri, & movere, quo ipse sua concione moveatur, aliosque, qua doctrina, qua exemplo moveat: primum, rem dicit, alterum, modum; tertium, finem. Jam de priori parte, sc. concione formanda, quæ, vel communia concioni sint cum oratione in genere, vel in materia concionandi obvia cuivis, præteribimus, præcipuis modò inhæsurî.

II. In formanda concione videndum est, quid, & quomodo formes. I Cor. 2, 1. *Ego ad vos veniens, non veni καθ' ὑπεροχὴν λόγου ἢ σοφίας*, hoc de modo, *annuncians vobis testimonium Dei*, hoc rem spectat. Illud materiam dicit; hoc methodum, & stylum. Illud à Theologia habet; hoc à Logica, & Rhetorica quoque.

III. Prima cura est textus, qui pro concione tractabitur, quem ex solo & omni Dei verbo legendum esse supra monuimus. Ille est, vel arbitrarius, vel
status

status & certus, sive quem ordo Ecclesiæ, aut synedrium, aut ipsi Concionatores sibi fecerunt.

I V. In textu arbitrario, sive illum in Ecclesia, & loco proprio, vel alieno habeas (siquidem haud male à primis sæculis illud obtinuit, ut Baronius quoque notat *tom. I. Annal. ad A. 61. pag. 467.* ut qui in alium locum venirent Episcopi, ab ejus loci Episcopo ad habendam ibi concionem invitarentur) hæc observanda. I. Ut primò & potissimum consideres, quid ibi loci concionari maximè conveniat. Contingit aliquandò, ut laboret Ecclesia notabili quo malo, sive circa veritatem, sive circa pietatem, in quo sæpe ab alio instrui mavult, & peregrini alicujus concio attentius audiri solet, sæpeque efficacior est ad permovendum, quam cujus quotidie, quantumlibet non inferior, habetur. Hoc ergò Concionatori præcipuè attendendum, sed & cum prudentia, ut pro statu loci magis concionem eligat, quam ut sui rationem duntaxat habens, vel eam concionem promat, quam promptiorem habet, vel ex quâ plusculum honoris, applausus, aut commodi sibi speret. II. Ubi autem illud observari vel non potest, vel vix integrum, plerumque sumat textum magis practicum; quia passim defectus hic & in concionibus & in vita nostra observari solet, minus practicè illa institui: atque ita tutius, & majori cum fructu hic versabitur. Hæc communis querela; Abrenethij in Præf. ad Medic. animæ: *plurimi libri, & conciones replentur speculativa, & contemplativa theologia; paucissimi Theologia practica.* Vide & quæ doctè, ac patheticè hanc in rem differit Telingius, *necess. demonstrat. lib. 3. cap. 4. & lib. 4. cap. 2.* Præterea, quæ aliquando disp. *de Theologia thes. 16.* huc quoque attulimus. Jam olim Bernardus sermonem in Cant. octuagesimum ita exorsus est: *Quidam vestrum (ut comperi) minus æquo animo ferunt, quod ecce jam per aliquot*

aliquot dies dum stupori & admirationi sacramentorum inherere delectat, sermo quem ministramus, aut nullo fuerit, aut exiguo admodum moralium sale, conditus.

III. Admodum è re Ecclesiæ & Concionatoriæ esset, ad arbitrarios textus explicare integram Theologiæ praxin, quemadmodum dogmatica sic, & Catechesis tractari, etiam historica Christi solent. Inter Anglos (ut plurimi varia ad textus aliquos Practicæ capita) feliciter hoc conatus est Thomas Hooker *de vocatione & justific.*; atque inter Germanos, egit id Johannes Arnd *libris de verò Christianismo.*

V. In textu quocunque, hæc tenenda. I. Ne sumatur nimis brevis, ne ostentare velle ingenium videatur, nisi is vel copiâ suâ, vel difficultate conspicua Concionatorem ab illâ suspitione statim liberet; nihil enim æque cavendum, quam ne in limine impingamus, & semper, ne ad ostentationem, vel propriæ & vanæ gloriolæ captationem, agere videamur. Ἀπέχου τὸν μισθὸν αὐτῶν. Gregor, in fine expof. in Jobi. *tunc enim bene dicitur bonum: cum is, qui dicit, solie i, à quo accipit, per id appetit placere, quod dicit.* II. Neque etiam nimis longus sit, ne vel tempus lucrari velle, & singula, quæ non minus emphatica, atque observari quoque mererentur, tractare vel noluisse, vel non potuisse, videatur, quod vitium Postillatoribus commune est, iisque, qui non conciones ad textus, sed textus ad conciones habent, id est, aliquarum rerum, vel ut ipsi opinantur, quarumcunque locos communes quasi tenent, quas ad varios textus applicant, & repetunt, potius, quam ut ex textibus semper alia porro addiscant, doceantque; atque tales faciliè exhaustiri compertum est. III. Ne dicis causa textus legatur solùm, nihil autem minus quam ipse explicetur, ut qui ad illum & ab illo divagantur & excurrunt, alio, si non etiam quaquaversum. Quod vitium, iudicii & eruditionis

ditionis inopiam summam arguit.

VI. Textu jam electo, lustra primum, quid copotissimum contineatur, meditatione soluta, sed attenta; atque, hinc ad preces: nempe hoc precare, ut Deus habituro, illâ de re, ex verbo suo concionem, spiritus ejusdem gratiâ efficacissimè adesse velit, & animum illustrare, sanctificare; movere etiam, quo dignè & ad maximam Ecclesiæ ædificationem agas. Psalm 130: 18.

VII. Inde ad textum reverteris, quem jam iterum, sed meditatione pressiori, & ad methodum volvis, examinas, confers, atque ad singula attendis, præcipuè ordinem.

VIII. Qui hic est, ut I. Videas textus tui cohærentiam, & connexionem cum antecedentibus, ac consequentibus: & II. Partes textus in se.

IX. In cohærentiâ textus, nisi vel principium libri, seu *ᾠκισμὸς* sit, (ubi ex generali capitis vel libri divisione quoque commodè exordiris,) vel textus abruptus, quales in Proverbiis & Ecclesiaste plurimi, antecedentia deducunt animum in cognitionem sequentium, & vel convenit textus cum antecedentibus, vel ab iis differt: si convenit, vel in re, quæ tractatur: vel solum in contextu sermonis, & oratione: quomodo, quando unâ oratione, plura & varia proponuntur.

X. Et hinc exordium (aliquando etiâ hic, nisi quod quoque post reliqua, in fine sæpe componi illud solet, & potest, quemadmodum præfationes ad libros, verum quandocunq; occurrit, notandum, locus tamen formâdo exordio proprior est vel hic, vel in fine (hinc, dico, exordium construitur, videlicet, omne exordium ad concionem se habet ut vestibulum ad atrium, ducitque ad rem; ideo propriissime sumitur ab eo; quod rem tractandam præcedit: idque alterutro modo quum solum fiat, vel præcedit in naturâ rei, vel

contextu orationis, ex duobus etiam hisce capitibus petuntur optima exordia, quæ (quod in exordio ut diximus totum spectatur) ad rem commodissime & certissime ducunt: vel ex eo, quod rem tractandam præcedit, vel ex eo quod textum, ex quo hanc rem tractabis, in ordine contextus præcedit. Illud exordium Theologia indicat, hoc Logica; illud à re, hoc ab analysi petitur; vel illud ex analysi rei, hoc ex analysi sermonis. V. g. textus sit Luc. I, 45. *Et beata, quæ credidit; quia perficientur ea, quæ dicta ei sunt à Domino.* Exordium concionis petam, vel ex eo, quod fidem proximè præcedit, quale ex objecto fidei (etiam ex aliis, quæ fidem antecedunt, peti potest, sed vide ut proprius antecedit) quod Deus homini plura offert, ac proponit, quæ ab eo credi vult, sive dicta simpliciter, sive quoque promissa: vel ex eo, quod in contextu orationis, & historiæ analysi, præcedit, ut ex vers. 39. sc. quomodo post acceptum de virginali conceptione nuncium, Maria ad domum Zachariæ profecta sit; Elizabetham salutatura, à quâ visa & audita, quid huic, quid infanti quoque in utero, contigerit, narratur, v, 41. sc. *τὸ βρέφος ἐκρίπτοσε*, & mater spiritu s. repleta est. Unde tali acclamatione & concione Mariam excepit, quæ sequitur à vers. 42. I. Ad Mariam, de illâ, illiusque sobole, vers. 42. II. De se, quam ipsa demiratur, & deprædicat ob hanc ei à Matre Domini sui factam visitationem, narrans insuper, quid sibi, ac infanti ad primam salutationem contigerit, vers. 42, 44. III. Ad Mariam sermonem iterum convertens, de illâ hoc dicit, quod textu nostro continetur.

XI. Non nego, etiam aliunde, præterquam è duobus hisce capitibus exordia peti, nempe, vel à re ipsâ tractandâ, & sic Patres plerumque suas conciones vel homilias incipiunt, quale tamen, potius propo-

propositio est, quam exordium; Chrysostomus celebrem illam concionem sic exorditur. *Herodias denuò insanire, denuò commoveri, denuò saltare pergit, denuò caput Iohannis in disco accipere querit. Et illam etiam, cum de expulsiōe ipsius ageretur: Multi quidem fluctus, & undæ immanes, sed submergi non vereor: quia supra petram sto. Insaniam licet mare, petram non potest commovere: insurgant quantumlibet fluctus, navis Iesu obrui non potest. Sed quid putant? ne mortem verear, cui vivere Christus est, & mori lucrum. Ne exiliū pertimescam, qui noverim Domini esse terram & plenitudinem ejus: sed bonorum proscriptionem metuum qui sciam, quod nihil intulerim in hunc mundum, sed neque auferre quid possim. Quidquid terroris habet mundus, contemno; quicquid delectabile habet, video. Divitias non cupio, paupertatem non horresco, mortem non timeo. Elegantissima concio, quæ ita incipit, in cujus initio describendo ut me vix temperare possūm, ita à nemine non legi eam oportere, judico. Vel à circumstantiā ad rem ipsam, quæ tractabitur, non necessariò faciente, ut temporis, loci, personarum, Actor. 24, 10. vel rei antea tractatæ, alteriusve alicujus introductione, quæ tunc adferre non omninò extra oleas videatur, exordia petuntur quoque, A circumstantiā personarum, sive ejus, qui concionatur, Ambros. serm. 42. frequenter admonui vos, fratres, ut dum licet, dum tempus in spacio est, salutem vestram omnibus modis consuleretis, & in hac vitā brevi, vitam vobis prævideritis æternam. Gregorius Homil. xxii. in Evang. fractus longā molestiā stomachus, diu me charitati vestræ delectionis Evangelicæ expositione loqui prohibuit. A personis Auditorum. Chrysosth. Homil. V. T. de fide Annæ; sic exorditur; equidem arbitror multos ex his, qui heri nos destituerant, & ad iniquitatis spectacula discesserant, hodiè presentes esse: optarem autem istos, qui sint, palam nosse, ut eos à sacris vestibulis arceam,*

non

non ut perpetuo fori maneant, sed ut correcti denuo redeant.
A personâ utriusque; Chrysosth. in Psalm. 41. *Vos quidem nos nuper admirabamini, quando verba fecimus de Melchisedech, propter eorum, quæ dicta sunt prolixitatem, ego autem vos admirabar propter vestram in audiendo attentionem & sapientiam, & quod cum prolixior se obtulisset oratio, nos ad finem usque consequuti estis.* Augustinus, de verbis Dom. serm. III. *cum nobis pro officio competat dicere, vobis autem conveniat pro devotione audire.* Videtis quoque à transitione rei, quam ante tractavimus, exordium fieri; Sic plerumque Ambrosii sermones à repetitione ejus, quod superiore Dominicâ dixisset, incipiunt. *Superiore Dominica, vel etiam, hesternodie. vel, sicut ante dies prosecutisumus.* Bernardus serm. VI. in Cant. *Ut præcedenti sequens sermo cohæreat, & serm. lxxi. finis præcedentis sermonis, principium hujus.* Adde exordium Homil. Chrysosth. de Dav. & Saule. Sed accuratè tamen agendo, vel illa duo exordii capita sola, vel saltem præcipua & optima sunt; sic Apostolus ad Romanos concionaturus de justificatione, exorditur à statu peccati omnibus communi, & antecedente. Adde Ios. 24, 2. Iudic. 2, 1. A loco textui parallelo incipere, non ad eò reprehendo: sed judicetur, annon hoc spectet potius ad textus tractationem, quam ut sit exordium ad textum tractandum? V. g. textus dati exordium sit ex loco parallelo, vel Psalm. 2, 12. vel Ierem. 17, 7. aut Luc. xi, 28. quæro de exacto iudicio, annon potius illi textus & propriè spectent ad textus mei explicationem & tractationem, quam tractationis introductionem? atque item dico quando vel, à simili, vel à contrario petitur: nam iterum, vel est contrarium (& sic quoq, simile) vel rei, vel ejus, quod rem etiam antecedit: si hoc, exordium sit, quale volumus, ut si de gratiâ acturus, vel redemptione, à miseriâ incipias: vel ab infidelitate, quando


dode fide : si illud , redit quod dixi. Quintilianus Instit. Orat. lib. 4. cap. 3. *At nunc , omne quod caperint , proæmium putant , & ut quicque succurrerit , utique si aliqua sententia blandiatur , exordium.*

XII. De hisce exordiis illa observanda. I. Exordium , quod petitur ex antecedentiâ rei , præstare illi , quod ex solâ orationis sumitur analysi ; illud magis Theologicum , hoc Logicum , illud afficit magis , excitatque. Quare vitium est , semper , vel ut plurimum ex Logicâ analysi exordiri : facit enim vilescere exordia , & animos , qui in initiis erigi volunt & accendi , deprimit. Nisi quod tum hujusmodi exordia probanda , quando textus ita antecedentibus implicatus est , ut sine illis omnino non , vel etiam quid eum in re præcedat , intelligi non possit , quod sæpe etiam conjunctionis aliquâ , & relationis particulâ , in textu indicari solet ; tum quoque Tyronibus , & primùm in cipientibus , hæc exordia non concedenda solum , sed consulenda quoque sunt. II. Optimum est exordium , quod incipit ab antecedentia rei , & desinit in analysin orationis : adeo hæc non omitti debet , sed statim subsequi. III. In antecedentia rei cautè videndum , ne à quolibet rem quomodocunque antecedente inchoemus , sed quod proximè , & quo propius eomelius , ut à genere , quando de specie tibi agendum erit.

XIII. Atq; hæc de exordio , quando illud necesse ; non semper enim adhiberi , vel quoque adhibendum esse , constat , nimirum , quando vel brevis est habenda concio , vel materiæ copiâ prægravamur. Moses sine præfatione historiam creationis exponere aggreditur ; Lucas autem Evangelium , non nisi præmisso exordio. Reliquas exordii (quas Rhetores dant) leges , addere supervacaneum , legi illæ suis locis apud eos possunt , immò quando observatur quod diximus , non facile peccari potest ; si enim à proximo antecedente illud
petatur,

petatur, nec commune, nec vulgare, nec separatum erit, quæ exordii viria ponit Cicero *de Inventione lib. I.* & post eum Quintilianus *Institut. lib. IV. cap. I.* Vitandam esse prolixitatem satis omnes norunt.

CAPUT TERTIUM.

I.  *D* exordium statim fit *propositio*, tum textus, tum rei in textu contentæ, & tractandæ, & judicatur simul, quale thema sit, quod tractabimus, (simplicis ad textum vix locus est, nisi forte in concionibus Catecheticis, ut ibi thema simplex proponatur, v.g. de Deo, scriptura &c.) an sit thema dogmaticum an historicum (ad historiam hic quoque Prophetias, & Parabolas refero) an utrumque, qualia per historiam alicujus, nominatim Christi, plurima. Basiliius *serm. 3. in divit. avar. quid igitur est, quod sermo vult noster ostendere? suspensas enim tenet animas jamdudum audire cupientes, quos se vertat, dum, quod expectatur, publicare cunctatur. Matth. 4, 17. & 23, 25. &c. Videndum hic, ut propositio sit. I. perspicua. II. brevis: Luc. 7, 40. Simon, habeo, quod tibi dicam. Gen 49, 1, 2. Psalm. 34, 12. Prov. 1: 1, 2, 3. Rectè Quintilianus Orat. Institut. lib. 6. cap. ult. *divisa & simplex propositio, quoties utiliter adhiberi potest, primum esse debet aperta atque, lucida (nam quid sit turpius, quam id esse obscurum ipsum, quod in hunc solum abhibetur usum, ne sint cætera obscura) tum brevis, nec ullo supervacuo onerata verbo.**

II. Propositionem excipit textus ipsius *Analysis*. Bernard. *serm. xxxix. in Cantic. sed oportet consequentiam sicut solemus, signare verbis, & sequentia prioribus copulare, & ita demum elicere suave quippi-*
am,

am, si possumus, quod proſit moribus inſtruendis. Analyſis textum perſcrutatur, & examinat methodicè, quid primo, quid ſecundo, & quo quodlibet ordine dicatur. Videt ſubjectum & prædicatum, antecedens & conſequens: cauſam & effectum, argumentum & ejus probationem, &c. ſed hic dum generaliter, & ſumma textus capita ſecat, & diſlocata introſpicit, necdum particulatim. Diligenter hoc præſtitit in ſ. codices, at potiffimum in N. Teſt. Analyſi Piſcator. Valde ea neceſſaria ſunt, & conducunt ad animum Auditorum in textum intromittendum. **אל בית היין** Cantic. 11. 4.

III. Ex Analyſi exſurgit textus *partitio*, immo jam analyſis eſt *partitio* in actu exercito, liceat ſic dicere, & hæc in actu ſignato: ibi fit anatome textus, & diſlocatio, hic in capita diſtributio, & enumeratio, hæc illam perficit, & ut illa ad hanc tendit, ita hæc in concionem, & tractationem ex textu fælicius aggrediundam ac perficiendam. Partitionem etiam videmus à Spiritu ſancto nonnunquam obſervari, Genef. 2. 10. *Et inde ſe dividit, ferturque in quatuor capita.* Exod. 21, 11. Ierem. 2, 13. *Duo mala fecit populus* 1 Reg. 13, 11. Jeſa. 47, 9. Jeſa. 50, 1, 19. Matth. 13, 4. Joan. 16, 8. 2 Theſſ. 2, 2. Baſilius in Pſalm. 28. *Vox Domini ſuper aquas. Quæ vox? Super quas aquas?* Homil. de gratiis Deo agendis: *gaudete ſemper, inquit, ſine intermiſſione orate, in omnibus gratias agite. Quid ſibi velit hoc, gaudete, & quæ ex eo utilitas, & quomodo ſine intermiſſione orare poſſimus, quomodo in omnibus Deo gratias agere oporteat, pro viribus paulo poſt declarabimus.* Ita Chryſoſtomus in Rom. 1, 23. *primum crimen, quod Deum non invenerunt, ſecundum, quod cauſas magnas & apertas habuerunt, tertium, quod ſe ſapientes dicerent, quartum, quod non ſolum non invenerunt, ſed quod venerationem illam in Dæmonas, in ſaxa ac ligna,*
de-

deflexerunt. Leges partitionis observandæ, hæ sunt. I. Ne hic instituatur omnis textus analysis; sed tantum generalis in præcipua capita: particularior enim & ultima reservatur in explicationem singularum partium. Hic, ut benè Cicero, *genera ipsa rerum ponuntur, neque permixte cum partibus implicantur.* De invent. lib. I. v. g. Luc. I, 45. partes generales textus duæ sunt. I. *beata illa, quæ credidit.* II. *quia erit consummatio &c.* Prioris subdivisio est necessaria in subjectum, *illa quæ credidit*, & prædicatum, *beata est*; at cave dixeris, ideò textus hujus tres esse partes, nam hæc est subdivisio, & partitio partis, non textus generalis: si enim subdivisiones hic facerent æquæ partes cum generalibus, utique innumeras illas semper haberes. Ergo nec illa subdivisio hic instituenda, sed ad singulas demùm partes, ubi illæ explicantur. II. Non debet, neque potest præscribi certa numero partitio, ut bimembris illa sit, vel trimembris: neque enim partitiones, ut Methodi (in quò tamen sæpe peccatur) rebus accommodandæ, vel adferendæ sunt: sed ex rebus ipsis promendæ & sequendæ, v. g. si tibi explicandum caput Genesis, non potes non istius facere sex partes, pro sex creationis diebus: si verò versus ejus primus, partes debent esse tres. Quis creavit, quid, quando, *In principio, creavit Deus, calum & terram.* Creavit Deus, ibi iterum subdivides, in subjectum & prædicatum ut; in objecto quoque singulas illas partes distingues, terram & aquam. Vides partes dari à textu, non illi addi: deprehendi ibi, non introduci: quare non trahendus est textus ad aliquam Partitionem, sed ducendus, immo quam ipse ostendet, & offert, neque alia, arripienda est. III. Ne religio nobis sit ordinem textus invertere, & alio tractare, quam quo verba leguntur, id est, ordinem rei commutemus cum verbis, nam hæc illi inserviunt, & concio in-

stitui-

stituitur tota in tractationem rei, propter quam textus est. v. g. Gal. 3, 13. *Christus nos redemit ex maledictione legis &c.* Hoc primum quidem in textu legitur, at non est tamen prima textus pars, neque etiam secunda; sed prima est, *Christus factus pro nobis maledictio*. Secunda, quæ probatio illius est, *scriptum enim est, maledictus omnis, qui pependit ex ligno*. Tertia jam pars venit ex fructu illius, *Christus redemit nos ex maledictione legis*. Nempe præstat ordinem geneseos sequi ad textum, quam contra ductum & naturam rei: ordinem verborum, 1. facit ad commodiorem, certiore, & maxime genuinam rei intelligentiam. 2. tractationem, aliter enim non evitaveris obscuritatem, & tautologiam. IV. Hinc jam quoque illud sequitur, non semper easdem & totidem esse partes concionis ac textus, quia partes textus constituuntur juxta ejus primam & generalem analysin, concionis verò partes, juxta rei genesis. v. c. Rom. 3, 28. Concludimus ergo, *fide justificari hominem, sine operibus legis*. Rationem conclusionis omitto, cæterum duas hic partes cernis. I. *hominem justificari fide*. II. *sine operibus legis*. Hæc textus sunt; at concionis commodius tres fecero I. Quid sit hominem justificari? quod tanti momenti in se est, & ad reliqua intelligenda tam necessarium est, ut distinctam partem jure faciat. II. Quomodo per fidem dicamur justificari? III. Quomodo opera omnino rejiciantur? *sine operibus legis*. Ita quidem est, ex textu hæc, & omnes partes petuntur etiam, at non ex primæ textus Analysi, verum rei ipsius naturæ, & genesis.

I V. Ad propositionem atque partitionem, nonnunquam attentio ab Auditoribus, & *benedictio* a Deo peti iterum solet: sic & Bernard. serm. in Cantic. 67. *Adsit ipse, ut dignè ad gloriam ipsius, & nostram ipsorum salutem, sponsæ ejus possimus investigare*

sermones. Verùm nisi peculiare aliquid dicturi simus, ad quod specialiter velimus attentionem; quo loco illud seriò inculcandum: *qui aures habet ad audiendum, audiat.* Quomodo & Gen. 49, 2. Deut. 32, 1, 2. Marc. 7, 14. *audite me omnes, & intelligite.* Actor. 2, 14. Basilius in Psalm. 33. *Timor verò salutaris, qualis existat, si cupis audire, attende.* Nisi illud sit, dico, non video eam illius hoc loco esse necessitatem, ut repeti iterum debeat. Ante concionem illud fieri ut debet, ita quoque solet. Prudentius sic Psychomachiam incipit.

*Christe graves hominum semper miserate labores, &c.
Differe Rex noster, quo milite pellere culpas
Mens armata queat,*

Plinius illum Panegyricum: *Bene ac sapienter P. C. majores instituerunt, ut rerum agendarum, ita dicendi initium à precationib. caperetur.*

V. Ordo postulat, ut ad distinctam partium singularum *tractationem* concio pergat; quæ tractatio consistit. I. In partium singularum *explicatione.* II. *Documentis,* III. *Ufibus,* quæ documenta ex textu intimè applicant, atque urgent, elaborandis.

VI. *Explicatio* textus ante & ad documenta, tria complectitur. I. Pressiorem partis, ac ultimam *analysin,* & *subdivisionem.* II. *Expositionem,* tam verborum, quam rei necessariam. III. *Paraphrasin.*

VII. Primo loco venit strictissima *analysis* & *subdivisio:* qualis autem inter utramque hic concipiatur distinctio, modò dictum est: fermè quomodo Marc. 6, 38. *quot panes habetis? ite, videte:* illud *analysis* agit. Et cognoscentes, dicunt: *quinque, & duos pisces.* Hæc partitio, sive divisio. v. g. Rom. 8, 1. Duæ ibi partes, priorem hic iterum *ἀναλύω* in subjectum, *iis, qui sunt in Christo Jesu,* & prædicatum, *nulla nunc est condemnatio.* In subjecto, sunt in Christo, non in se, at extra se, & in quo; Christo. Hic iterum, Chri-

Christo, tum Jesu. Si subdivisionem institueres, bipartitio foret. I. Qui non in se, sed extra se, in alio. II. In Christo Jesu, Hujusque iterum I. Christo. II. Jesu. In prædicato, condemnatio, nulla condemnatio, nunc. Bipartitio. I. nulla condemnatio. II. etiam nunc. Hic illa observes. Non semper instituendam, ultimam & omnem textus analysin, nempe quando textus prolixior est, & non omnis tractabitur: analysi enim tractationi inservit, & non ulterius necessaria est, quam hæc requirit. II. At quando integrum textum, vel quodcunque ex textu integrè tractabis, ejus immò omnem, & ultimam debes facere analysin: nam hæc ad tractationem ex textu tam necessario se habet & prærequiritur, ac apertio Januæ ad ingressum & egressum, quod hic est, textum analyticè explicare, & per genesin documenta inde elicere, atque tractare. Adeò ad omnia pulsandum hic, videndumque quid contineatur, uti aromata frangi ac fricari solent, quo copiosus ille & divinus sacrorum verborum fragror undique observetur: & sanè tali exquisitâ & severissimâ analysi semper alia & alia ostendi nobis, ac deprehendi, summâ cum divinitatis in sacris admiratione, nemo negarit, nisi qui neglexerit. III. Non putandum, singula analysi membra, facere totidem partes: alioqui quot in textu voces, totidem & partes forent. Singula observanda & discutienda sunt: non in partes erigenda: partitio generaliora solum sectatur capita, vel membrorum classes. IV. g. in hoc prædicato *nulla nunc condemnatio*, non satis bene tres partes constituas, ubi tria tamen considero, *condemnatio, nulla condemnatio*, quod *nulla nunc* sit condemnatio: & similiter in subjecto. V. Commodissimè, & ad explorandam hauriendamque textus integram cognitionem fit, si singula analyticos membra per quæstiones eruantur & proponantur

nantur sequuntur statim explicationi, sub interrogatione, quomodo quæstiones proponi solent, videlicet, quid condemnatio? Quid nulla condemnatio? quid, nulla nunc condemnatio, & de subiecto hujus partis quid, esse in Christo? quid, & quorsum additur, Christo Jesu? hoc enim modò. 1. Animus in summam attentionem magis accenditur: Hoc enim omnis interrogatio præ simplici oratione habet, ut magis animum feriat, quomodo Rom. 8, 31, 32, 33, 34, 35. interrogationes efficacissimæ *quis contra nos? quis accusabit?* &c. 2. omnia quæ in textu diligentius & penitius eviscerantur, ac perscrutantur, nihilque facilè omittitur. Ut 1 Joan. 3, 12. *Non sicuti Cain ex malo erat, & mactavit fratrem suum. Et quamobrem mactavit eum?* 3. Veritas omnium certius eruitur, deprehenditur, tenetur. Hol. 9, 14. *Da eis Iehova, quid daturus es? da eis vulvam abortientem, & ubera flaccida.* Ps. 15, 1. Jes. 33, 15. Mich. 6, 6, 7.

VIII. Sequitur *Analytica expositio*, & duplex ea, tum verborum, tum rei. Ac verborum quidem, quæ est interpretatio. 1. Vocum, Grammatica est, quomodo Matth. 1, 23. *Immanuel quod interpretatur, Deus nobiscum.* Marc. 5, 41. & 7, 34. Matth. 26, 47. Matth. 2, 1. quid significet, *magi?* Gal. 3, 13. quid *ἐξηγόρασεν?* Phil. 2, 30. quid *μαμωνᾶς*? Augustinus de verbis Domini term. 35. Primum, quid est *mammona*? quod Hebræi dicunt *mammona*, latine divitiæ vocantur. Ut ergò latine totum dicamus, hoc ait Dominus noster Iesus Christus, *facite vobis amicos de divitiis iniquitatis.* Hoc quidam male intelligendo, rapiunt res alienas, & aliquid inde pauperibus largiuntur, & putant se facere, quod præceptum est. 2. Vel ut ratio locutionis explicetur, sive 1. constructio grammatica, ut Psal. 1, 1. **אֲשֶׁר הָאֵל** Rom. 1, 1. *Evangelium Dei.* an significet, à Deo,

de Deo, vel utrumque? Marc. 2, 22. *fidem Dei baptizari in Moſem* I Cor. 10, 2, 11. *sive figura Rhetorica*, ut quid sit, *ambulare ſecundum carnem* Rom. 8, 1. Marc. 9, 49. *igne ſalietur*, &c. Quid tropi, & ſchemata, Luc. 22, 19. *Hoc eſt Corpus meum*. verſ. 20. *Hoc poculum, eſt Novum teſtamentum in meo ſanguine*. Explicatio prior petitur ex Grammatica; hæc ex Rhetoricâ.

IX. Explicatio rei eſt, non ut ea ibi tractetur ex profeſſo, ſed obiter attingatur, neque diutius, quam textus expositio & intelligentia poſcit. Marc. 9, 10. *atque illum ſermonem in ſe retinebant, quærentes, quid illud ſit, ex mortuis reſurgere*. Hic quæritur, quid ſit amor, quid fides, ſpes, quid condemnatio, quid maledictio, quid beatum, eſſe in Chriſto? &c. non quid nominis, ſed quid rei, & patet, quam latè hujus explicationis Topica ſe diffundat, nempe ex Theologiâ, Philoſophia, Philologiâ, Hiftoriâ, Medicinâ, Jurisprudentiâ; & undiquaq; hanc peti; talia enim in ſacris occurrere, quæ eò faciant, notiſſimum eſt, & vel ex uno Alſtedii *Triumpho Biblico* ſatis apparet. V. g. quid ſit liber vitæ? quid, anathema fieri pro fratribus? quid, atque ſupra firmamentum? qualia illa ornamenta Jeſ. 3. de libro Henochi, lepra, judiciis, & multa ejusmodi? Obſervanda in explicatione Analytica hæc ſunt. 1. ne prolixior ſit, neque huic concio extra neceſſitatem immoretur, cum diſpendio reliquorum, unde contingere ſolet, ut ad neceſſaria omninò, eaque, quæ animos magis tangunt & ædificant in documentis & uſibus pertractandis, vix relictò tempore, inani poſtmodum excuſatione Concionator culpam deprecari neceſſe habeat; ſibi, nec Auditoribus ſatisfaciens. Hoc ſæpius Gregorius obſervat. In Euang. homil. 30. *lubet fratres chariſſimi Evangelicæ verba lectionis ſub brevitate tranſcurrere; ut poſt diutius liceat in contemplatione tantæ ſolemnitatis immorari*. Et homil. 38. *Tex-*

tum lectionis Euangelicæ fratres charissimi, volo, si passim, sub brevitare transcurrere, ut in fine ejus valeam ad loquendum largius vacare. Alibi: In explanatione suâ multa ad loquendum Sancti Euangelii lectio postulat, quam volo, si possum, sub brevitare perstringere, ne vos & extensa protensio, & proluxa expositio videatur onerare. II. Ne ea, quæ satis perspicua, & nota sint, diu volvantur, & quæ sita expositione protrahantur, ac implicentur potius. Illud Augustinus sollicite observat. In Psalm. 30. concione tertia: *In verbis enim ejus planioribus non est immorari necesse: ut ea nos teneant, quorum est necessitas exponendi.* sic in Psalm. 33. & concione secunda in Psal. 48. *Itaque hoc proloquor, & peto ne diuturnum sermonem in his, quæ manifesta sunt, expectetis.* Gregorius quoque Homil. in Joan 4. est inter Homilias Patrum pag. 354 *Lectio Sancti Euangelii quam modo fratres audistis, expositione non indiget. Sed ne hanc tacite præterire videamur, exhortando potius quam exponendo, in ea aliquid loquamur.* Bernardus in Psalm. qui habitat, serm. XI. *est autem versus ipsius quantum nos capimus, facilis intelligentia, ad quam forte ex vobis jam aliqui prævolarent.* Confer. Amesium *Eas. consc. lib. I. cap. 26. qu. II, III.* Ne in explicatione adferantur dubia, difficilia, obscura: quomodo enim alteri lucem attulerit, quod ipsum illustrari indiget? IV. Caveat, ne dum in applicatione, profana & exotica, etiam ex litteris, philosophia &c. licet attingere, divagetur & inhæreat illis, congerendo impotenter, quæ omitti possent, ac conveniret unde videatur lubentius profana sectari, quam sacra, vel laudem eruditionis inanem affectare. v. Neque terminos artis, & Logicos adhibeat, quando etiam citra illos commodè se queat exprimere: vel saltem non nisi addita istorum sufficienti explicatione: quo pateat, ipsum necessitate ad actum iis uti, non nisi ad commodiorem intelligentiam.

Quæ.

Quer. 1. An in analytica explicatione locus sit elencho, ad vindicationem textus, & refutationem Adversariorum? *Resp.* Est elenchus verborum, & rei, v. g. in verbis coenæ: *hoc est corpus meum*, quaestio est de transsubstantiatione, & de verbis, quomodo illa explicanda? quicquid ad explicationem verborum spectat, in explicatione analytica dicendum, elenctice etiam, nempe *est Corpus*, non significare, sit vel adest corpus; sed est sacramentum corporis, contra Pontificios, Lutheranos: at, in usu, post documentum, elenctico, disputari debet de re; & probandum, illud falsum esse, quod Adversarii ex illis verbis asseverare satagunt; & contrà, sententia orthodoxa confirmanda.

Quer. 2. An in explicatione textus dubiâ sint adferendæ aliorum interpretationes, cum suis Auctoribus? *Resp.* Si necessario vindicandus est à perversâ vel hæreticâ expositione adversariorum, illam adferendam constat, an nominandi sint Auctores, vel loca? definiemus, ubi agendum de usu doctrinæ elenctico. Cæterum, quando certa textus & vera explicatio dari facile potest, non sunt Auditores gravandi aliorum expositionibus, multo minus omnibus. Aliud scholam, aliud Ecclesiam docet. Neque sane is, qui in re certâ aliorum sententiasibi adfert, Ecclesiæ ædificationem unice intendit, sed vel tempus terere, vel quod non minus illicitum, se nomina populo ignora inaniter jactare. *Aufert mercedem suam.* Aliud est, quando incerta etiam inter Orthodoxos est interpretatio, & vix constat, quid certò sequendum; tum & eam quoque interpretationem addere licet, quæ non minus probabilis, citra vanam tamen Auctorum citationem; sed illa ratione omnes quorumcunque, vel non necessarias, aut probabiles expositiones adferre est, difficultates non velle tollere, sed augere, & Auditores (quorum plurimi, si non omnes simplici-

plicissimi) intricare. Talis sibi concionatur, 1 Cor. 14, 4. immo nec sibi. Et neque Deo, neque officio, neque Ecclesiæ satisfacit. Hæc est regula Concionatoribus perpetua, & catholica: *quod pro concione adfertur, & neque primò neque necessariò facit ad intelligentiam & ædificationem omnis Ecclesiæ, peccat.* 1 Cor. 14. Hic Concionator conscientiam suam judicem (ne de aliorum judicio dicam) constituere debet, in eo quod dicit, agitque, ut castè omnia & dignè.


X. Ultimò sequitur, & analyticam explicationem claudit loci explicati *paraphrasis*, quæ omnia iterum colligit, & complectitur, hætenus divulgata, & scorsim explicata; atque ut præcedentium summam dicit, & complementum, ita viam pandit & initium ad Documenta, simul ut sit analyseos finis, & genesin ostendat, protrudatque, sicque concionis summam habeat. In Paraphrasticâ Scripturæ explicatione commendant se Cartwrig. in Euangelia, Erasmus in N. Test. & Jansenius in Psalmos. V. c. Ex parte textus priori Rom. 8, 1. hæc exsurgit Paraphrasis: Non exigua est fidelium, eorum qui non in se, ac suo statu hærent, sed extra se spiritualiter jam Christi Jesu sunt, fælicitas: inde, quod dum in se nihil minus, quam justificari per opera sua possent, condemnari vero certissimè deberent, Christi in Christo justitiam adipiscantur, eamque suam faciant; ideoque, quum multiplex illos alias & omnis maneret condemnatio, cuncta jam evanescit, non sunt condemnandi ulterius, nunquam condemnabuntur, & vel jam extra statum sunt condemnationis. Basilius in Psalm. 61. *Nonne Deo subjecta est anima?* id ita ~~et~~ *Cur, inquit, pravorum affectuum animam facio servam: quæ à Deo & corporis & omnium ipsius sensuum dux atque princeps est creata?* In paraphrasi, hæc duo spectanda. 1. Ut ad eam eruendam & invenientiam induamus animum illius, qui id dixit, quod para-

paraphrasi volumus expositum: nempe isthoc pacto
verius & pressius dicti causam & rationem omnem
deprehensuri. II. Ut in promenda paraphrasi, om-
nium quæ textus habet, enarrationem faciamus;
animis Auditorum quasi in apertum campum intro-
mittendis, ubi singula spectent, legant, fruantur.

Quær. An hinc ad reliquas textus partes explican-
das progrediendum sit, ut sic simul omnibus primum
explicatis, demùm documenta subjungantur, &
tractentur: An verò cuilibet parti ita explicatæ: im-
mediatè statim documenta istius sint annectenda? Di-
versitas concionum hic fit manifesta, alii hoc, alii illo
modo docent: utrumvis feceris, modo rectè doceas,
πλὴν παντὶ πρόπῳ, Χριστὸς καταγγέλλεται. Ita
Patres, & plerique. Augustinus duplicem in Psal-
mos sæpe facit enarrationem: priori textum verbo-
tenus ac breviter explicans: altera quicquid explicat
etiam, sed magis docet, & ad praxin applicat.
Chrysostomus in epist. præmittit integram explica-
tionem, tum subjungit ἡθικόν *Morale*. Nobis ta-
men videtur, nisi partes textus adeò innexæ & im-
plicatæ sint, ut solvi, neque seorsim explicari, que-
ant, ubi tum res ipsa jubet, ut sequamur id, quò
ducimur, nempe pergamus ad alterius quoque partis
explicationem: hoc ubi non est, præstare unicuique
parti singulatim explicatæ connectere statim & con-
jungere sua documenta. Rationes, quare ita judi-
camus, hæ sunt. I. Quia sic manifestissimè liquet,
quomodo documenta in textu continentur, quod po-
stea non ita patet, nisi cum tautologia repetas jam
ante dicta: & multum refert, tum ut documentum
in animos operetur, tum ut concionis appareat for-
ma, id ut quam maximè liqueat, te ex textu doce-
re. Immo sæpe ea est connexio & consequentia textus
explicati cum documento, ut trahi eò concio videat-
ur, neque nisi invita aliò iterum abstrahi possit;

adeò proximè Auditoribus in paraphrasi documentum indicatur, & satis traditur, nisi quod forma desit. Hoc ex ratione concionis. II. Sic melius consulitur memoriæ, tum Concionatoris, tum Auditorum, quo filum tenes, secundum quod omnia ex se fluunt, & sequuntur. Aliter etiam quidni retineant concionem? sed præterquam de Concionatore, operosam ei fieri memoriam & difficilem, de Auditoribus certissimum id est, utut in genere multa alias recordentur, sola hac (quam docemus) methodo eos omnia retinere. Atque ita plus ædificationis hinc ad Ecclesiam.

CAPUT QUARTUM.

I.  Actenus concio in textu dissolvendo, atque explicando occupata fuit, jam docebit ex textu: hætenus analysis, jam genesis. Duo supersunt, *docere ex textu, & doctrinam intimare, applicare ad singulorum conscientiam & usum; Documenta, & Usus.*

II. Documentum dicitur, doctrina, vel observatio doctrinæ, axioma nempe Theologicum, quod in textu observatum doceri, ex eo producitur, atque porro pro concione tractatur. Quomodo Basil. in Psalm. 37. *Docet item nos hic sermo, ne mala nostra oblitescere, aut velare velimus.* Bernard. in Cantic. serm. 60. *Mirum verò, si nec ficus, nec vinea istæ aliquid habent, quod mores ædificet. Ego hunc locum arbitror esse & moralem.*

III. In documentis duo spectanda sunt. I. Documenti *formatio*. II. *Tractatio*: In priori iudicium, in altero coelestis sapientia præcipue se ostendit, & requiritur, Matth. 13, 52. *ideoque omnis scribe edo-*
sus

Etus in regnum cælorum, similis est homini æconomo, qui ex thesauro suo producit nova & vetera.

IV. In priori, formando nempe documento, hoc agit. I. Ut genuinè *eruat*ur. II. Rectè *proponatur*.

V. Documentum invenitur & eruitur, vel ex textus verbis expressis, vel ex textu per constructionem. Illud dicatur documentum magis *apertum* vel *concinnatum*; hoc *constructum*, vel *elicitum*, V. g. Matth. 4, 17. *Resipiscite &c.* Duæ textus partes sunt. I. Præceptum. II. Ratio præcepti. Documentum prioris est apertum, & textus: nisi quod explicatius proponatur & sub generali axiomate, nempe: *quod homines debeant resipiscere*. Posteriores documentum ex argumentatione Christi; *quod & quia regnum Dei appropinquat, agenda est resipiscentia*, constructum est documentum, vel instructum ex textus constructione. Hæc documentorum divisio est ex formâ, ex materiâ, alia sunt theoretica, de veritate, & fidei; alia practica, de moribus, quæ divisio sumitur ex proximâ rerum differentiâ, non ex ultimo fine, & vel usu, nam in concione omnia omninò ad praxin referuntur.

VI. Documenta formantur ex textu, at quomodo? & unde? I. Ex omni concionis parte; non ita necessario ex omni textus parte; quomodo illa aliquando distinguantur, supra diximus. V. g. in historia Evangelica sæpius occurrit, *tunc dixit Jesus*, &c. ubi duæ in textu partes, quod dixerit Jesus, & quid dixerit, ex priori (quamvis textus parte) non ideo necessariò documentum facies, sed ex sequentibus, quæ demum concionis partes instruunt, dabuntque illæ necessaria documenta. II. Documenta leguntur & fiunt ex iis quæ in textu ejusque explicatione notanda maxime, & observanda occurrunt, nihilque istorum temere omittendum. Quod si tempus non permittat ea omnia tractare, vel alio tempore id agas, vel saltem jam indices, ut constet te non neglexisse.

glexisse, quod observandum erat, & notari in documentum meretur. V. g. ex Rom. 8, 1. hæc fluunt documenta. *Non est alicui salus in se, quin debet exire ex se, & illam non in, sed extra se querere.* II. *Solum in Christo Jesu salus est, iisque, qui in illo sunt.* III. *Qui in Christo Jesu, vel Christi sunt, nullâ ratione condemnari possunt.* IV. *Qui in Christo Jesu, jam etiam ab omni condemnatione liberati sunt.* Ex illis hæc eliciuntur documenta, quæ in textu explicando maxime observabamus, & notabamus. Atqui id dicit, unde documenta formentur; jam, quomodo?

VII. In Documentis expressis haud tanta difficultas: illa enim jam in textu occurrunt, & non nisi paulo explicatius proponuntur, quasi in aciem axiomaticè. Constructa vel elicit Documenta hoc modo formantur. I. Sedulò attendatur res qualibet, quæ in textu tangitur, notatur, & exprimitur. II. Illa res extra nexum verborum trahatur, & libereatur; proponenda in thesin, & non constringenda ad textus eadem verba, sensus modò teneatur. III. formetur in axioma generale; non enim in textu sub formâ axiomatis occurrit: axioma dico, in ordine ad textus verba, quæ specialia & implexa, ideoque ut in documentum migrent, ac veritatem axiomaticam revocanda, & non nisi tali formâ proponenda sunt; generale dico, in ordine ad usus è documentis inferendos, & specialiter applicandos. V. g. 1 Pet. 4, 17. *Nam tempus est &c.* In hoc textu, subjectum de quo agitur, est iudicium Dei, & de hoc iudicio dicitur, illud *incipere*, & quod ei sit *αἰγός* quando incipiat, incipiens verò, quod tum à domo Dei incipiat. Hic ergo omnia illa & singula, quæ ita emphatica, considero, neque omittere possum, quin in axiomata à textu nihil monstrata, extendam; Ergò documentum primum sit, ex primo subjecti prædicato: *Iudicia Dei aliquando incipere,*

re. Secundum, ex secundo prædicato: *Iudicia Dei habere suum proprium tempus, καὶ πὸν quo incipiant.* Tertium, ex eo quod sequitur: *Iudicia Dei, quum incipiunt, à fidelibus primum incipere.* Quid verò sit, res textus, quæ in axioma, vel documentum diducitur, ex nexu verborum, & dictiōis schemate, ad id solvere, ex sequentibus magis patebit, ubi fit interrogatio. *Si primum à nobis, quis finis non obedientium Evangelio!* vers. seq. *si justus vix servatur,* &c. ubi primò omnium solvenda res est, & in simplicem orationem exponenda: *quis finis?* i. e. admodum gravis profecto finis divini Iudicii manet illos, qui Evangelio non obediunt, quoniam initia iudiciorum Dei tam acria sunt, quæ suos tangunt! Versus seq. in syllogismum integrè disponendus venit, ut documentum constet, ita: si justus vix servatur, impius non habet quo subsistat (etenim ejus interrogationis, *ubi apparebit?* illa simplex enuntiatio est, nullibi apparere, subsistere audebit (sed justus vix servatur.) Ergò. Similis locutio est Rom. 8, 31. & s. & alibi, atque idcirco eadem debet esse illorum quoque tractatio. Ubi, misso antecedente & consequente seorsim considerando, hoc documentum construitur. *Difficultas salvandi in piis, ut illi salventur, instruit de gravitate condemnationis in impiis.* Scio in plura, si ita velis, documenta hæc distribui quoque posse, nempe si divisim antecedens, & consequens tractare etiam velis, ut I. *In negotio salutis, instruendi veniunt homines, ex ratione status unius ad alium,* quemadmodum Luc. 24, 31. II. *Etiam justī, non nisi difficulter salvantur.* III. *Miserimus improborum status, qui nusquam queant subsistere.* Psalm. 1. Et IV. quod ex argumentatione construitur, ac solum in ejusmodi textibus aliquando satius est tractare, quia peculiarem, & omnes textus emphasin secum trahit, quare illud unicum modò pro-

proposuimus: *difficultas salvandi in piis, instruit de gravitate condemnationis in impiis.* Unde jam quoque patet quartum hoc in formandis documentis observandum, nempe quod aliquando per extensionem documenta ex textu fiunt, aliquando per contractionem, id est, vel id quod textus habet extenditur, & expanditur, ut quando ex verborum connexionem, vel relationem, veluti si ex versu statim dicto quatuor illa documenta fiant; vel contrahitur, si ex versu illo unum istud modo, & sic saepe in textibus historicis, ubi plura comprehendimus in unam observationem, vel documentum. V. Axioma aut. jam illud, quod per attentam & sanctissimam textus observat. ex verbis (quorum construct. continebatur & implicabatur) solvisti, eruisti, & in formam talem axiomaticam redegisti, sive per extensionem rei, quæ in textu; sive per ejus contract. quale illud axioma esse debeat Theol. te docet, ut conveniat. sc. cum analogiâ fidei. *Si quis loquitur, ὡς λόγια θεῶν.* I Pet. 6, 2. Rom. 12, 6.

VIII. In proponendo documento observandum, ut proponatur perspicuè, concinnè & solidè, i. e. quod sibi constet, non ambiguè, aut leviter. Deinde aliis quoque verbis repetatur, quo magis animis inhæreat; illud enim est, quod porrò tractabitur, uti Christus Marc. 10, 23, 24. Directorium cultus publici anglicarum cap. de conc. verb. *in eliciendis ex textu Documentis, potissima ejus cura esse debet primo, ut res sit vera, secundo, ut sit veritas textu contenta & fundata, quo Auditores queant dignoscere, quomodo id inde à Deo doceatur. Tertio, ut præcipuè insistat illis documentis, quæ maxime ex scopo textus fluunt, & plurimum faciunt ad edificationem Auditorum.* Et hæc de Documenti propositione, sequitur ejus tractatio, vel elaboratio, ubi tum concio est in *ἐκμῆ.*

IX. In Documenti *tractatione* tria sunt. I. Ejus *explicatio*. II. *Probatio*. III. *Amplificatio*: quibus ritè elaborandis illa consistit.

X. In *explicatione* & illustratione Documenti hoc agitur, ut quemadmodum antea textus explicatus est, ita jam res, & documentum rei: nempe, verba sunt interpretata, ut res significaretur: in analytica *explicatione* tantum rei ibi dictum, quantum ad Documentum formandum requirebatur, iam Documento posito, res explicari latius debet, ad geneticam ejus *tractationem* per *rationes*, & *usus*.

XI. *Probatio* Documenti est duplex I. ἡ ὁπ, quod ita sit veritas documenti, per locos parallelos. II. ἡ λόπ quare ita sit, per rationes ex verbo Dei diductas. In priori probatione hæc tenenda. I. Ne multi scripturæ loci adferantur, & accumulenty, sed pauci iique significantissimi, duo vel tres; ubi se tum ostendit Concionatoris judicium, si in scripturis divinis exercitatum sit, & quod Act. 18, 24. de Apollo dicitur, num *potens* sit in scripturis. Tria semper Ministro facienda, dixit Lutherus; *evolvere Biblia, orare serio, & semper discipulum manere*. Et Musculus à pio ac venerando sene sæpe se admonitum ait; *si bonus velis fieri Concionator, fac sis bonus Biblicus*. Melchior Adamus in *vitis Theol.* pag. 165. & 350. Ita succum & sanguinem scripturæ, quem imbibere jubemur omnes, ac præcipiè Concionator, hic exprimimus, atque per id est, quod Spiritus Sanctus efficaciter operatur in animos hominum, nempe per suum ipsius verbum. II. Ne illi scripturæ loci proferantur nudi, sed cum *explicatione*, & *paraphrasi*, at brevi, & quæ ad rem faciat, hocque evidenter demonstrèt locum citatum convenire intentioni, & veritatem Documenti probare. Quomodo in citandis atque urgendis S. scripturæ locis habere te debeas, docebit optimè epistola

stola ad Hebræos, sive plura aliquando loca, unum post alterum adferas, ut cap. 2, 13. & 4, 5. istius epist. sive explicanda simul sint, cap. 3, 16, 17, 18. sive applicanda. cap. 2, 9. & 4, 6. sive cum emphasi urgenda, & exprimenda, cap. 3, 15. & 4, 7. & 6, 13. & 7, 2, 3, 13. & 10, 8, 9, 15, 16. & 12, 27. ex hoc scripto optime addiscas.

Quer. An semper cum citatione loci, caput & versus exprimendus? *Resp.* Exprimitur Act. 13, 33. *quomodo etiam in secundo Psalmo scribitur.* Alias non, & ut epistolam ad Hebræos iterum consulamus, nec exprimitur quis, vel ubi dicat, cap. 2, 6. *testatus est quis alicubi* & cap. 4, 4. at cap. 4, 7. *sicuti Spiritus Sanctus loquitur*, & 10, 15. *ipse dixit*, & cap. 13, 5. & v, 6. Ergo judicamus, in locis, quæ adferuntur ad probandum Documentum & Usus, vel ad aliud quid notabile, sive in quorum emphasi situm, quodque ideo peculiariter urgemus ac notamus, commodè caput & versum indicari, & à populo inquiri. In reliquis, quæ passim citantur, non adeò id necesse esse.

Observandum hic & illud, quando locus adferatur, vel difficilis, vel admodum controversus, ut ille obiter, & breviter explicetur, vel si videatur *ἐναρπάζειν*, solvenda ea, neque enim alicubi remorandus est Auditorum animus, sed plananda omnia & apertissime explicanda, amplificanda, inculcanda.

XII. In probatione per rationes, hæc observanda I. Non semper rationes inquirendas, vel dandas esse; sunt, quorum ratio dari omnino nequit, & quorum non commodè ratio datur. Non vexandæ rationes, nisi res ipsa eò ferat, invitetque. II. Dandæ sunt rationes propriæ, non communes, evidentes & certæ rationes. In hoc, ut priori etiam, plerumque peccatur, dum rationes adferuntur non satis

tis congruæ, quæ non dextrè & immediatè illud probandum venit, quales sunt, quæ longius petuntur, & generaliores sunt, vel abstrusiores; contra, si propriæ urgeantur, neque monendum tum erit, ne justò plures adferat, nam ipsa rei ratio numerum illarum cum iis fatis dicet. III. Ne rationes nudæ adferantur, & enumerentur solum, sed explicatæ, & per scripturam probatæ, ac quovis modo amplificatæ, ut Jurisconsulti solent dicere: *crubescimus sine lege loqui*. Vel ut Hieronimus ad Nepotian: *totus sermo presbyteri scripturarum sale conspersus & conditus esse debet*. Telingius ideò *rationes scripturales* appellat, *Necessi. demonstr. lib. 4. cap. 2.* IV. Si textus ipse rationem contineat, & suppeditet, ut plurimum illam solam urgere, ac tractare convenit.

XIII. Ergò jam *Amplificatio Documenti* sequitur, quæ in eo consistit, ut omnia quæ hic adferuntur, Documenti explicatio & probatio, dignè atque aptè amplificentur, quod ex omnibus fermè argumentorum locis fieri potest, maxime autem ex dissentaneis & comparatis. Prioris exempla vide, Psal. 1, 4. Jesa. 45, 10. 2 Cor. 4, 8, 9. 1 Petr. 1, 18, 19. vel quando κατ' ἀρσιν & κατ' ἑρσιν quid asseritur. Rom. 8, 1. *non secundum carnem, sed secundum spiritum*. Joan. 3, 16. & 1, 20. Psal. 32, 5. Heb. 10, 9. *tollit prius ut alterum ponat*. & cap. 12, 18. Posterioris, nempe comparatorum exempla prope infinita sunt, huc Christi parabolæ spectant, Matth. 13. Joan. 4, 10. & 7, 17. Genes. 49. Psal. 58. 4. Jerem. 17, 2. Jacob. 2, 26. 2 Cor. 4, 8, 9. 1 Cor. 15, 4, 5, 47. Exemplar, ex quo discas, quomodo thema amplificandum sit, nullum præstantius epistola ad Hebræos, ubi iudicio adhibito illud elegantissimè deprehendes, quo modo & ex locis scripturæ, citatis cap. 1. & explicatis, cap. 7. ac 9. & argumentis à simili cap. 7. & 12, 9, 24. & 13, 12. à contra-

rio cap. 3. & 4. à minori cap. 2, 2. & cap. 10, 28. & 12, 25. à definitione, & exemplis cap. 11. restanda sit.

XIV. *Queritur.* primò: An hic quoque exemplis locus? *Resp.* prout exempla quoque demonstrant quid verum sit, ita hic etiam adferenda; verum prout dicunt, quid debeat fieri, vel omitti, ad usus pertinent. Jac. 2, 20. *Vin scire, o vane homo, quod fides absque operibus est mortua? Abraham Pater noster &c.* Hoc proprie est exemplum Documenti.

XV. *Quæ.* II. An pro concione liceat adferre profana, & dicta, vel facta Gentilium? *Resp.* Vix, & quia facile hic & graviter à Junioribus & temerariò, atque per imprudentiam peccari solet, hasce damus cautiones. I. Non licet illa adferre ad merum ornatum, vel ostentationem, & applausum populi. Hieronymus epist. ad Nepotiam: *nihil tam facile, quam vilem plebeculam & indoctam concionem, linguæ volubilitate decipere, quæ quidquid non intelligit, plus miratur.* M. Tullius, in quem pulcherrimum illud elogium est: *Demosthenes tibi præripuit, ne esses primus orator: tu illi, ne solus: in oratione pro Quinto Gallo, quid de favore vulgi, & de imperitis concionatoribus loquatur: attende, ut his fraudibus ludaris.* Loquor enim, quæ sum ipse nuper expertus. Vnus quidam Poëta nominatus &c. Nihil in Concionatore æque reprehendo, quam ostentationem sui vanam, & auræ popularis captationem, ubi illam affectat potius quam ut animas Christo capter, ac lucretur, quum autem in id propendere populus soleat, & quoque Concionatoris animus, nihil tam enixè studere debet, quam ne hoc ullo pacto videatur agere. Optimè & cordatè Chrysosth. homil. ad Antioch. 28. *Laudatis dictis, plausibus mihi non est opus, neque laudantium vocibus & tumultu. Vnum duntaxat volo, ut cum quiete & intelligentiâ audientes, quæ dicuntur, faciatis.* Hoc mihi pro

hi pro plausu, hoc mihi pro laudatione. Lutherum (& quantus ille Concionator!) dicere solitum fuisse refert Melchior Adamus, in ejus vitâ: tres caniculas concionatori in suggestum adducendas minimè esse, vid. *superbiam, avaritiam, invidiam*; illasque conciones probabat maximè, quæ *pueriliter, trivialiter, populariter, & simplicissimè* docerent. Contrà dum Ecclesia detinetur profanis, & Gentilibus inaniter allatis, ab aliis, gravioribus & sanctis abducuntur, atque perit simul concionis sacræ vis, & efficacia. II. Ne Gentilia nimium adferantur, ne illa vel præferri vel saltem conjungi cum sacris videantur, & nos plus hisce, quam sacris illis studuisse: quod in concionibus Papicolarum notari potest, illis præcipuè, quas ante reformationem habebant. Foxus in Martyrol. Anglico Vol. 1. fol. 817. narrat atque rider merito concionem Episcopi, quam habuit in condemnationem beati Martyris Johann. Hussi, supra Rom. 6, 6. & ita incipiebat: *Apparet autoritate Aristotelis libro de celo & mundo &c.* Ridiculas & profanas illorum conciones lepide & falsè perstringit ac refert Henricus Stephanus in erudito tractatu, *Apologie pour Herodote*: Ne de Erasmo dicam, cui obiter in omnibus penè scriptis illi Concionatores vapulant, nominatim in Colloquiis, & Ecclesiaste. III. At præter illud, liceat pro concione adferre Gentilium quoque dicta & facta, verum non nisi ad convictionem, id est, ut per illorum consensum, de veritate aliqua, & per illorum exemplum, de praxi nostros homines convincamus; quod vim haud exiguam tum habet. Jer. 18, 13. *idcirco sic ait Jehova, interrogate jam inter gentes, quis audierit talia: rem fedam valde fecit virgo Israelis.* & cap. 2, 10, 11. Adde Matth. 12, 27. sic Augustinus de doctrinâ Christian. lib. 2. cap. 40. docet illa à Gentilibus, tanquam injustis possessoribus repetenda

esse, sicuti Israëlita cum Ægyptiis egerunt. Nonne aspicimus quanto auro, & argento & veste suffarcinatus exierit de Ægypto Cyprianus doctor suavissimus, & martyr beatissimus, quanto Lactantius? Quanto Victorinus, Optatus, Hilarius? ut de vivis taceam, quanto innumerabiles Græci? Clementis Alexandrini Stromata jam cogites. Ita inter scriptores N. Test. Paulus Apostolus ter Gentilium dicta citavit, nempe Act. 17, 28. I Cor. 15, 25, Tit. 1, 12. non ad ornatum, ut videris, inanem, neque sæpius, sed ad convictionem & confusionem necessariam; quando enim vel de Gentili, vel cum Gentil. res nobis est, tum aptè illos in testes adduci, est extra omne dubium. Hinc & de Poëtarum versibus ac dictis in concionem adducendis, quid judicemus, facile liquet. Hieronymi illud dictum est, epist. ad Eustoch. pag. 145. *Adeo illis adulterium etiam lingua placet. Quæ enim communicatio luci ad tenebras? qui consensus Christo cum Belial? quid faceret cum Psalterio Horatius? cum Evangelis Maro? cum Apostolis Cicero? & Gregorius: in uno ore se cum laudibus Iovis Christi laudes non capiunt*, lib. 9. epist. 48. estque in jure Pontificio dict. 86. ca, cum multa. Quare audiendus relinquitur Amesius, Medull. Theol. cap. 35. §. 54, 55, 56, 57. quem vide.

XVI. Quær. III. An Theologorum, vel Pattum (quos appellamus) dicta; factaque adferre pro concione liceat? Resp. Uti in præcedenti quæstione diximus, ita hic. I. Ad ostentationem, quo animo sæpius id fieri solet, ei, qui nomini suo, non animis aliorum lumen affundere conatur, (inquit de talibus Verulamius in præf. Novi Organi) nefas est. II. Neque ad merum ornatum, quia ille quum humanus sit, obfuscatur & adulteratur vim verbi merè divinam, estque *ὑπὲρ βλῆμα* inconveniens Matth. 9, 16. III. Neque nimium illa adferenda. IV. Neque senten-

sententias ex illis communes, & nulla se emphasi commendantes: quorsum enim tum Patris alicujus nomen prætendatur, quum quivis Theologus idem dicere & melius forte possit? Unde simul patet qui & ubi hic peccent, nempe I. Qui nullâ necessitate, vel causâ quam proferre possint, quæve pateat, citant illa promiscue, quorum cum omnibus expensis, nulla ratio deprehendi potest, quam puerilis ostentatio, unde plus à junioribus, vel in scriptis Theologorum aut Patrum minus exercitatis peccari hic solet, quibus plus vanitatis, quam delectus & judicii sæpe adest. II. Si judicemus, ac si concio non constet, nisi ejusmodi citationes interlabantur, & nos vel alios non bene concionatos æstimemus, nisi exotica talia audiantur; quasi concio non ex verbi Dei efficacissimâ & vivâ tractatione, sed humanorum dictorum & hujusmodi purpuriescæ commixtione æstimari debeat, contr. I Cor. 1, 1, 17, 19. & 11, 1. &c. III. Quando majori curâ, expressione, & observatione videntur illa citari, quam loca scripturæ, & hæc non tam diligenter & pressim urgeri, ac quidem deberent, quod panè est studio ædificationem Ecclesiæ, quam spiritus per scripturæ tractationem ἐνεργεῖ, impedire, & quasi velle suspendere ac divertere. Sic nempe patet, ut hic tum peccetur, I. In puritatem, sanctitatem & efficaciam verbi divini. Psalm. 19, 8. &c. II. In articulum illum religionis, de Auctoritate Patrum non nimium efferendâ vel adorandâ, etenim quâ alias ratione putamus evenisse, ut ad tantam auctoritatem, quam Pontificii illis indulgere videntur, pedetentim Patres pervenerint, nisi potissimum illâ in concionibus doctrinis omnibus promiscuâ & crebrâ citatione? quod ideoque tam gnaviter adhuc Pontificii Concionatores observant, III. Peccant in populi attentionem & ædificationem; ignota dum &

non canonica ita citra discrimen vel iudicium jactantur, Licere tamen aliquo casu illa quoque pro concione adferre, non negaverim. Zanchius Tom. 8. orat. *de conserv. puro Dei verbo*, tres hosce casus constituit. I. Propter pervicaciam hæreticorum. II. Propter malevolorum calumnias. III. Et infirmorum fratrum imbecillitatem, quibus casibus Patrum dicta citare concedit; eosdem iisdem verbis ponit Amesius *cas. Consc. lib. 4. cap. 26*. Nos ita respondemus, ut liceat. I. Quando paradoxum aliquod, vel quod videatur paradoxum, aut arduum & graviter controversum, sive in negotio fidei, sive praxi probandum nobis venit. Ita Chrysost. serm. de *anathemate* (quod rarissimè vel nunquam forte præterea agit) in re difficiliore alium citat. *Vultis discere, qualia de hoc sanctus quidam dixerit, qui & Apostolorum temporibus martyrium meruit? Monstraturus hujus verbi gravitatem tali utebatur exemplo, &c.* Siue casus sit, qualis Basilii, calumniam ideo patientis, quod in doxologiâ dixisset: *Gloria Patri per Filium, cum Spiritu Sancto* quod dixisset *cum Spiritu Sancto* tali dico casu, optimo jure consensum Patrum adfert, ad *Amphiloch. de Spir. sanct. cap. 29*. tantum abest ut reprehendi illud debeat, vel possit. II. In disputatione contra hæreticos, nominatim contra Pontificios ubi & Patres & Pontificios contra eos adferre maximi usus est, & sic contra alios, dum id demonstrare conamur, illorum doctrinam jam olim ab Ecclesiâ condemnatam fuisse & confutatam. III. In exempla, nempe haud exigui illud fructus, & efficaciam deprehenditur, exempla & facta aliorum in casibus conscientiarum ac praxeos adferre, sive ex Patribus illa, sive ex historiâ Ecclesiasticâ infimæ, aut cujusvis ætatis, immo ex Gentilibus, & undequaque ea adducantur, quæ ad commovendum omnino multum valent. At cave exempla & facta incer-

tæ fidei adferas, ut ex Prato spirituali, Vitis Pa-
 trum &c. Aliter quando vel dubitat Concionator,
 num proferre illa liceat, vel Auditores malunt uni-
 cè sacris Canonicis intenti hære, cum minimâ
 mentis diversione, cautissimè talia adhibeat, vel po-
 tius omittat. Quando verò res postulare videtur, ut
 Patrum sententiæ etiam audiantur, præterquam quod
 ex propriâ lectione & observatione illa deceret ex-
 promere, varia ad id etiam adjumenta sunt, quæ vix
 finent diligentiam tuam in conquirendis iis frustari,
 præter Commentaria, & Tractatus Theologorum,
 qui Patrum dicta quoque adferunt, & Florilegia,
 sive Polyantheas, consule ipsos Patrum in locum,
 quem velis commentarios. Scripsit quoque Jesuita
 Antonius Dauroultius *flores exemplorum, sive Catechis-
 mum historiale*, volumen satis crassum in quarto, ni-
 si quod ut plurimum legendas & fabellas Papales con-
 gerat, præter Theat. historicum Hondorsii, ne de
 Theatro vitæ humanæ Zuingeri dicam, etiam Rei-
 nerus Bachovius in Catechesin Palatinam Patrum sen-
 tentias annotavit, quod quoque post Harmoniam
 Confessionem factum, & jam nuperrimè à Cl. For-
 beshio in *Instruct. Historico-Theol.* Ne de expositio-
 nibus Patrum conjunctis loquar, quales Catena Pa-
 trum in Jobum, Johannem, etiam Partem Psalmo-
 rum, & Jesaiam, Græc. Patrum in Pentateuchum,
 auctore Francisco Zephyro Florentino; in epist. ad
 Rom. Theoduli Coeloesyriens. qui extat in bibl. Pa-
 trum, vel de Ant. Monachi Melisses, sive loc.
 Comm. qui quoque in bibl. P. P. aut Euthymii Ziga-
 beni Panopliæ. Judicium de Patribus hic addere non
 necesse, præter id quod superiori thesi ex August. ci-
 tavimus de *Doctr. Christ. lib. 2. cap. 40.* eundem adi-
 lib. 4. cap. 21. Hieron. Tom. 1. *epist. ad Paulinum* pag.
 104. Sidon. Apollinarem *lib. 4. epist. 3.* Cassiodo-
 rum *Justit. cap. 18.* ex veteribus. Adde his Erasim.

in præf. ad Cyprianum. Et Ecclesiasticis lib. II. pag. 2. 18. ubi illorum, & Patrum quoque judicia de Patribus reperies. Confer de citandis Patrum dictis pro concione, judicium Amesii cap. cit. qu. 4. & 5. Primeroſe in præf. la trombette de Sion. Director. Anglic. parcè adferat dicta Ecclesiasticorum, aliorumve humanorum scriptorum, quantumcunque elegantia.


XVII. Quær. iv. An liceat allegorias ſectari? Reſp. I. integram concionem, vel concionis partem, facere continuatam allegoriam, vitium eſt, uti Origines ſolet, qui Homilia in Genef. 2. ubi de arcâ agit, concionum ſuarum hanc rationem exponit. Verum quoniam arca, quam deſcribere conamur, non ſolum bicamerata, ſed & tricamerata à Deo conſtrui jubetur; operam demus & nos ad hanc duplicem, quæ præceſſit, expoſitionem, ſecundum præceptum Dei etiam tertiam jungere. Prima enim, quæ præceſſit, hiſtorica eſt, veluti fundamentum quoddam in inferioribus poſita. Secunda hæc myſtica, ſuperior & excelsior fuit. Tertiam, ſi poſſimus moralem tentemus adjicere. Neque minus Bernardus in allegoriis ſæpe luxuriat, vide ejus ſententias, explicationes in Cantica, ſermonem de tribus panib. &c. ſilvâ illam umbroſam latebroſamque allegoſiarum, inquit in Cantic. ſerm. 16. Hoc ergò caveatur. II. Ne allegoriæ ſint inanes, incertæ, vel falſæ, contra certitudinem & analogiam fidei, quod peccatum facilè committunt, qui verborum luſibus & figuris ſæpe magis intenti ſunt, quam rei. III. Sobriæ verò, & certæ ac perſpicuæ alluſiones, accommodationes, metaphoriæ, ſive allegoriæ probandæ veniunt, & etiam uſurpare licet: Quemadmodum ſcripturâ quoque idem facere videmus, Gal. 4, 24. Rom. 10, 18. Confer Amesium loc. cit. qu. 7.

XVIII. Quær. v. An Concionatori hoc ſpectare & ſtudere liceat, quo delectet? Reſp. ſimpliciter ut delectetur.

delectet, atque in eo subsistat, neutiquam, 2 Tim. 4, 3, 4. Verum in docendo, vel severitatem, vel gratiam etiam pro re natâ adhibere debet, 1 Cor. 4, 21. 2 Tim. 4, 2. sed ut moveat, atque ædificet ad fidem & pietatem. In Concilio Burdigal. Anno 1582. ita constitutum: *caveant summopere Prædicatores, ne in suis concionibus fabulas, jocos, disteria, & scommata, quibus risus excitetur, intermisceant; Concionatoris enim est, non risum movere, sed lachrymas auditoribus excutere.* BoHELL, lib. 1. decret. Eccles. Gallic. pag. 40. Adde Erasim. *de rat. concion. lib. 2. pag. 224.*

XIX. *Quer. vi.* An liceat concionem vel concionis partem exscribere, & mutuari ab alio? *Resp.* Integram vel potissimam partem ab alio tacitè usurpare, arguit Concionatoris inscitiam, vel desidiam; quando verò illud abest, conceptus nonnullos aliorum elegantes suos facere, iisque uti, quia commodissimi videntur ad instruendam, movendam & ædificandam Ecclesiam, nostris quantum per Dei gratiam licet, additis, ne otio nostro plus, quam Ecclesiæ usui videamur consuluisse, non video quid ni liceat. Audiamus Chrysosthomum jam tum suo tempore conquerentem, lib. 5. de sacerdotio: *si quem forte ex Concionatoribus contigerit partem aliquam eorum, quæ ab aliis elaborata fuerint, suis ipsius concionibus intertexere, certè pluribus opprobriis obnoxium se reddit, quam qui alienas opes suffurantur, quum aliqui etiam sæpe fiat, ut concionator ne aliunde quidem mutuatus quidquam, sed ea de re tantum suspectus, instar furis alicujus in ipso furto deprehensi habeatur.*

CAPUT QUINTUM.

I.  Ost Documentum, ejusque elaborationem, & amplificationem veniunt *Ufus*, sic dicti, quia quærunt, cui usui aut bono documentum illud sit: idque ex locutione Apostolicâ 2 Tim. 3, 16. *scriptura divinitus inspirata, & ὡφέλιμος utilis ad doctrinam, ad redargutionem, ad correctionem, ad instructionem illam quæ est in justitiâ.* Hinc ratio Usuum venit, faciuntque ad penitiorem instructionem, admonitionem &c. Adde Rom. 14, 4. Potest etiam applicatio, & conclusio ad conscientiam dici: Perkinsus *applicationem* vocat, cap. 7. de univ. rat. conc. *Applicatio est, qua doctrina recte collecta pro ratione loci, temporis, personæ varie accommodatur.* Ezech. 34, 16 Amesius: *usus est axioma Theologicum ex doctrinâ deductum, utilitatem, bonitatem, vel finem ejus ostendens.* Medull. lib. 1. cap. 35. *Consecrarios usus* vocat Streso in Technol. Theol. Ita quod in Documento generaliter erat propositum, illud hic particularissimè cuilibet, & ad quosvis conscientiæ casus applicatur, hoc est, quod dicitur. 2 Tim. 2, 15. *ὁρθοτομεῖν recte secantem verbum veritatis.* 1 Tim 6, 17. *Divitibus in hoc sæculo annuncia non superbire, &c.* Patet differentia inter Documentum & Usuum, quod Documentum in genere loquatur, Usus in specie; illud, quid debeat fieri; hoc, quid tu debeas facere. V. g. quod Psal. 118, 22. dicitur: *lapis, quem edificantes repudiarunt, à Petro Act. 4, 2. applicatur: hic est lapis à vobis edificantibus, repudiatus.* Usuum applicationem, conclusionem facit & exprimit, dum ad Judæos, *vobis* inquit. Ita Hebr. 12, 5. *num obliti estis consolationis, quæ vobis, ut filiis dicit:*
fili

fili mi ne vilipende instructionem Domini &c. Jes. 61, 1, 2, 3. Act. 2, 22. Job. 5, 27. Tit. 2, 1, 2. Rectè Alsted. lib. 5. system. Theol. cap. 9: textus sit concionis radix centrum doctrine, seu loci communes sint rami: usus, doctrinarum sint fructus: applicatio usus, sit fructuum decerp-tio & fructio. Usus & applicatio Usus nobis idem sunt, ipse usus in applicatione consistit & propriè loquen-do Documentum in usu applicatur, atque ita ulterius semper proceditur, & pederentim tandem fru-ctus animæ ingeruntur. Basil. Tom. 1. serm. in verb. Mos. attende tibi: magna profecto ex hoc verbo uti-litas, non solum male habentibus, sed etiam valentibus provenit. Nam idem & hos à morbo liberat, & illos omnino perficit. Etenim quisque nostrum, qui hoc ser-mone erudiamur, unum hoc curandum habet, ex illis quæ per Evangelium nobis præcipiuntur. Nam in Ec-clesiâ, velut in magnâ domo vasa non solum aurea & argentea, sed lignea & testacea, & omnis generis artes existunt. Habet namque domus Dei, quæ Ecclesia Dei viventis est, venatores, Viatores, architectos, ædifica-tores, agricolas, pastores, athletas, milites. Omnibus his coaptatur, & quadrat hoc breve verbum, cuilibet & agendi diligentiam, & propositi studium inculcans. Breviter & accurate Streso in Technol. Theol. pag. 142. Inter Consecrarios usus & ipsam doctrinam, concionis thema, non tantum ea differentia est, quod hæc materialiter, illi tantum virtualiter in-textu continen-tur, sed & hæc: quod cum doctrinæ absque affectibus merâ theorica, procedant, usus è contra ad praxinten-dunt, doctrinæ explicant, usus applicant, doctrinæ fe-runt leges, usus exequuntur, elaboratio doctrinæ est quasi qui tormentum aut bomberdam instruit, ex qua deinde usus velut exploduntur, adeo ut inter doctrinas & usus ferè intersit, quantum inter verbera & verba, & usus sint quasi reales & actuales argumentationes.

Uti in Documentis formandis id requiritur, ut
perspi-

perspicue ostendatur quomodo illa ex textu fluant, ita in usibus idem patere debet, quomodo è Documentis deriventur: Ususque omnes sunt vel *dogmatici*, vel *practici*, (quemadmodum Documenta, nam similiter hic planè res se habet, nisi quod particularis fiat applicatio, sicuti jam dictum) illi fidem, hi mores, veritatem illi, hi pietatem & praxin spectant: Perkinsus dicit, Applicationem *Noëtica*, vel *Practicam*. *Noëtica*, quæ mentem respicit, estque vel *διδασκαλία*, vel *ἐλεγχος*. Quos ita Tertullianus in Apolog. conjungit, *Certe fidem sanctis vocibus pascimus, spem erigimus, fiduciam figimus disciplinam præceptorum nihilominus inculcationibus, ibidem etiam exhortationes, castigationes, & censura divina*. Et August. lib. de doctr. Christian. 4. cap. 4. *debet igitur divinarum script. tractator, & doctor, defensor recte fidei, ac debellator erroris, & bona docere, & mala dedocere: atque in hoc opere sermones conciliare aversos, remissos erigere, inscientibus quid agatur, quid expectare debeant, intimare.*

III. *Usus dogmatici* sunt triplices, ita commodius omnia capita, quæ hic dari possunt, completi arbitramur. I. Ad veritatis alicujus certiolem & penitiolem *instructionem*, *observationem*, vel *confirmationem*. II. *Vindicationem*. III. *Erroris Confutationem*. Vel enim veritas solum observatur & confirmatur, vel ab exceptionibus Adversariorum vindicatur, vel error, atque argumenta Adversariorum refutantur. V. g. Gal. 3. 13. hoc documentum datur: *Passione Christi maledictâ redimimur ex maledictione legis*. Hinc Usus dogmaticus. I. Ad confirmationem veritatis de satisfactione Christi, quam hinc probo & demonstro. II. Ad vindicationem, ejus ab expositionibus, quas V. g. in hunc locum dat Crellius, (cujus lectiones in hanc epistolam excepit, & edidit Schlichtingius) Nempe examinatur hic exceptio-

exceptiones contra rem textus, ut exceptiones contra phrasim in expositione analyticâ, videlicet hic redemptionis veritas vindicatur, à figurâ illa, quam Sociniani faciunt. III. Hinc jam quoque arguo & disputo contra hæresim Socinianam ipsam, & ostendo quam impia istorum sit, & execranda doctrina. Antea per ἀναστροφὴν jam per κατὰστροφὴν, uti Christus ita quoque de resurrectione disputat ad Marc. 12, 24, 26. & Actor. 15, 24. Distinctio Usus vindicatorii & refutatorii magis manifestus est in locis, quibus Adversarii ad errorem suum abutuntur; ibi enim vindicatio ut necesse, ita sufficit, nisi quoque ex loco contra illos disputatio concedatur.

IV. Observanda in usu elenctico, & disputatione concionum hæc sunt. I. Ne hæreses, vel errores antiquos, ignotos, incertos referamus, aut illa, quæ nefanda & blasphema, neque sciri populo expediat, & horrore suo offendunt magis, quam ædificant, imprudenter proferamus. Neque etiam subtilia & obscura tractentur, *ne moveamus quod auferre non possumus*, uti concinnè monet Augustinus de Doctr. Christ. lib. 4. cap. 20. qualem agendi modum meritò in suis Polyd. Virgilius, de invent. lib. 5. cap. 9. confutatio est inquit, argumentorum contrariorum dissolutio, qua nostri Theologi in suggestis sermocinando nunquam utuntur, magis ad ostentationem doctrinæ, quam ad utilitatem, & quæ addit, ibi vide. II. Ne nimiùm, vel per totam fermè concionem, & quotiescunque concionamur, neque etiam libenter disputemus, quidlibet in controversiam facilè arripientes; sed ut qui non nisi coacti ad pugnam descendunt: neque enim hoc officii nostri per se est, sed per accidens, & ut Amesius benè loquitur: *controversiarum scientiam necessariam nobis fecerunt hæretici. sed studium pietatis, ut absolutè necessarium, Deus ipse mandavit.* In parænes. post casus Consc. quem locum,

cum, ad rem hanc apprimè facientem, omninò videas volo. III. Citra privatos affectus, odium, iram, vel contentionem disputatio sanctè, pro veritate non pro gloriâ instituitur; nunquam acrius in hæreticos & errores, quam in morum vitia & peccatores invecus; videris aliqui non ita veritatis & conscientiae, aliorumque convertendorum studio, quam quidem tui vindicandi, & explendi animi causâ egisse. Vide Ames. cas. cap. cit. qu. 14. & medull. cap. cit. §. 40. Director. Anglic. cap. cit.

Quær. An hæreses cum suis Auctoribus & scriptis semper distinctè nominandæ sint? *Resp.* Nō cum suis Auctoribus, & scriptis, nisi necessitas id postulet, & illam eorum sententiam esse probari hoc pacto necesse sit: alioqui enim tantum illis, ut pro concione nominari mereantur, concedi nolim.

V. Sequuntur *usus Practici*, qui faciunt. I. Ad *informationem*, & directionem in praxi, ubi consultitur, quid agere hoc vel illo statu conveniat. Deinde, ad *admonitionem*, ut hoc agamus, & alterum caveamus: duplex ergò est, continetque *adhortationem*, & *dehortationem*, vel triplex potius, ut comprehendat quoque *reprehensionem*, quando officio in alterutro, vel utroque defumus. Tertiò ad consolationem, voce consolationis generalius sumptâ.

VI. Primò *Vsus informationis Practicæ*, vel *directionis* est axioma vel conclusio ex Documento Theologica, dicens, quid ergò in vitæ praxi nos conveniat *observare*, & *agere* vel *cavere*, atque talis usus plerumque exsurgit ex Documento Dogmatico, vel (si ita velis dicere) Theoretico, ante admonitionem, cujus fundamentum est hic usus, & ad illam via. Puta, documentum sit: *Deus est ubique præsens*, ex hoc Documento, præter usus dogmaticos, & eulenticos, fuit primum hic practicus: ergo *ubique sumus, Deum semper præsentem habere necesse est*,
est

est instructio ad praxin. Neque ille est usus admonitionis accurrate loquendo, sed is sequitur: *Ergo id agamus sedulo, ut semper ita coram Deo præsenter ambulemus.* Distincta illa sunt, illud instruit de officio, hoc excitat ad officium: neque est quod dicas, ejusmodi instructionem ad usus Dogmaticos spectare, quia judicium informant, non enim id, quod judicium informat, id eo omne ad dogmatica, ut Practicis contra distinguuntur: sed proximus finis, quo quidlibet spectat, differentiam hic facit, nempe si referatur ad informandum judicium de veritate aliquâ, an immediate de praxi. Illud discerneret Usus hunc à Dogmaticis, & simul liquet, quo distinguatur ab usu admonitionis; nam admonitionem ducit, hancque continet panè eo modo, quo de Documento diximus, Usus virtualiter & proxime in Documento contineri. Hoc enim semper hic videndum, ne saltus committatur, sed omnis progressus certò instituat per conclusiones, quæ quot occurrunt, totidem quasi gradus fiunt. Nempe *Deus est ubique præsens*, hoc documentum. *Ergo vera est doctrina, quam Ecclesia docet de divinæ essentiae omnipræsentia.* Hic usus est documenti dogmaticus ad Confirmationem. Porro, *Ergo male docent hæretici loca illa de omnipræsentia Dei non intelligenda esse de ista Dei omnipræsentia, vel hanc doctrinam calumniantur.* Usus ad vindicationem. Ulterior Conclusio, & usus ad Confutationem: *Improba ergò Hæreticorum est sententia, de omnipræsentia Dei solum secundum virtutem & imperium, exclusa essentia.* Nam &c. Usus ad praxin: *Ergo ubicunque simus, Deum præsentem habere necesse est, non aliter &c.* Conclusio inde ulterior: *Eja, ergo hoc agamus, & Deum sic semper præsentem gæstemus, intueamur, &c.* Viam ergo ad admonitionem proximam sternit Usus instructionis, quo instruimur ad praxin, ut illo admoneamur, est-
que

que usus, quem Apostolus vocat *πρὸς παιδείαν τὴν ἐν δικαιοσύνῃ*, usus *παιδευτικός*. Sic, quando Documentum est de vitio aliquo V. g. *Infidelitatem esse gravissimum peccatum*. Usus informationis practicae est. *cavendam maximè esse infidelitatem*. Ad quod sequitur tum dehortatio. Quamvis sciam, plerumque hæc confundi, vel omitti solere, ob arctam utriusque communionem, vel temporis causa: distinguere tamen patuit.

VII. *Usus Admonitionis* (voce admonitionis latius sumptâ, ut illud Apostoli quoque *πρὸς ἐπαγούσων*,) tria nobis, sicuti diximus, complectitur. I. *Adhortationem*, & hic ad virtutem, atque virtutis exercitium, homines excitantur. Hebr. 3, 13. *Verum exhortamini vosmet, donec dies vocatur, &c.* & cap. 10. 22. Ephes. 5, 17. Præter adhortationem duo hic potissimum considerata veniunt. I. *Motiva*, quibus ut stimulis adhibitis quis acrius exciteatur, & II. *Media*, quibus quis ad id pervenire studeat, & queat, ad quod adhortatur, quodque excitatus jam velit.

Motiva quæcunque adhibentur, sunt duum generum, *rationes*, & *exempla*. Rationes judiciosè hic distingui debent ab iis, quæ allatæ sunt ad probandum documentum, & uti ibi diximus in illis assignandis plerumque peccari, ita hic adhuc magis, vixque nisi sedulâ attentione, exacto judicio & usu id addiscitur, quomodo & quæ rationes utrobique adferendæ sint & distinguendæ: ideoque cavendum, junioribus potissimum, ne hic nimium liberales sint, (uti fere solent quando ad hanc methodum concionari incipiunt) in adferendis rationibus, & motivis designandis. Hoc distinctionis inter utrumque est, licet *motiva* quoque *rationes* appellemus, (quia utraque arguunt,) quod rationes Documenti ex natura rei docendæ, & in Documento tractandæ ducun-

ducuntur; motiva verò ex ratione nostri, & relatione, ac respectu quam res præstanda ad nos, quos adhortamur, proxime haber. v. c. illud est verum, vel bonum, ob rationes quas ipsa rei istius natura fundit, & dictat: Hoc vero nobis agendum, quia ita nobis id perquam necessarium est, & conducit: quare hic maximum usum habent argumenta ducta ex necessario, utili, decenti, honorifico, jucundo &c. ut mittam circumstantias temporis, Hebr. 10, 25. I Pet. 4, 3. loci, personarum, nos, & quos adhortamur, propriè tangentes. Vide Hebr. 3, 13, 14. *Verum adhortamini vosmet &c. Nam participes facti sumus Christi, nempe si initium hypostasis usque ad finem firmum tenuerimus.* Motivum ex decenti, & necessario, Phil. 4, 8. Heb. 12, 14. & 13, 13, 14, 16, 17. & 4, 14, 15, 16. Ephes. 5, 16. Deinde & *exemplorum* hic proprius locus est, ut quibus homines maxime percelli ac moveri solent. Heb. 2, & 13, 1, 2, 3. quæ exempla ex sacris, Ecclesiasticis, & Profanis etiam adferri possunt, ut maxime animos moveant, ac persuadeant. Non minor cautio in *mediis* proferendis adhiberi debet ac iudicium, nempe ut sint I. Certa, quò qui illa observet, etiam virtutem assequatur: quorsum enim alias fecerint? II. Proxima, quæ ad illam virtutem, proprium & specialem respectum habeant, ac causalitatem: ne proferas generalia illa, precari, audire Dei verbum, &c. bona quidem illa, sed non distincte media sunt nisi communia, & si semper æquè adferri possunt, nisi quando de tali agitur virtute, quam propiori quàm ratione spectant, & tangunt, tum ritè ut media convocantur. Mediorum quoque usum Christus docet Joan. 6, 21. *dixerunt autem ei, quid faciemus, ut operemur opera Dei? respondit Iesus, ac dixit illis? hoc est opus Dei, ut credatis in illum, quem ipse misit.* Adde Joan. 14, 5. Heb. 12, 15.

Mich. 6, 6, 7, 8. Psal. 15, 1, 2. &c.

Præter motiva, & media veniunt hic quoque *Modi*, qui sunt qualitates & rationes, docentes quo modo & qualiter illas virtutes observare debeamus, petunturque ex virtutis, de quâ agitur, propriis affectionibus. Heb. 13, 3. *memores sitis vinctorum*, ac quomodo? *ut quoque vincti*. Eorum, qui malè habent, ut qui ipsi quoque in corpore adhuc estis, Ephes. 5, 15. *Videte, ut accurate ambuletis non ut insipientes, sed sapientes.*

Observandum hic illud unicè venit, ut jam Concionator moveat, & *ὡς ἐξοσίαν ἔχων* Matth. 7, 29. & *ἐν ἀνιδείξει πνέματι καὶ δυνάμει* 1 Cor. 2, 4. loquatur; agat, concitetque. Nihil hic præterea attendat, nihil curet, ubi omnis concionis, & ejus quod ante dictum vis contracta, accensa, & in attentionem devota omnia, quam movere, & moveri. Isque optimè concionatus est, tum ex judicio Dei, tum Ecclesiæ; qui efficacius moverit. Huc facit I. Auditores jam crebrius interpellare, alloqui, attentionem & animos eorum iterum vellicare, pungere & erigere, cum omni instantiâ, efficaciâ, longanimitate, simul comiter & graviter *ἵνα δὴ χάριν τοῖς ἀκούσιν* Eph. 4, 29. 2 Tim. 2, 25. & 4, 2. Ita & Bucholtzerus apud Keckermannum *Rhetor. Eccles. pag. 49.* judicat, modum conquerendi, obtestandi, gemendi, exorandi, idque ex animo, & omni sensu, hic optimum esse. 2 Cor. 5, 20. *Ut Dei per nos admonentis, precamur Christi causâ.* Psal. 135, 9. *contra te ô Ægyptus* 1 Joan. 2. II. Repetere, & sæpius inculcare adhortationem. Hos. 2, 2. *Contendite cum Matre vestrâ, contendite.* Marc. 13, 33. *videte, vigilate, orate.* 35. *vigilate ergo.* 37. *quod vero vobis dico, vigilate.* Aliis, atque aliis, verbis idem proponere, & urgere, Marc.

Marc. xii, 14. Augustin. de verbis Dom. serm. 63. *Tenete quod audistis, breviter replico, & rem utilissimam quantum existimo mentibus vestris collocandam committo.* Bernardus: *nam iteratio, affectionis expressio est.* serm. 81. in Cantica.

VIII. In Usu dehortationis eodem modo proceditur, nisi quod hic dehortemur homines à vitiis, & peccatis. Eph. 5; 18. *Et ne inebriemini vino.* Hebr. 10, 35, & 3, 13. *videte fratres, ne quando in aliquo nostrum sit cor pravam infidelitatis.* Hic similiter locum habent motiva per rationes Eph. 5, 18. *vino, in quo est temulentia.* Hebr. 10, 35, 36. Et per exempla Hebr. 12, 16. *Ne quis sit scortator, aut profanus, sicuti Esau.* Verum, quod, in usu adhortationis sunt media, hic remedia dicuntur, quia de expugnando & repellendo male agitur, ut Marc. 12, 9. *quid ergo faciet Dominus vineæ?* adde Hos. 2, 5. Quo etiam faciunt cautiones, quibus sibi quis cavet ab iis, quæ in malum queant ipsum deducere. Jes. 7, 4. *cave tibi ut sis quietus, ne timeto &c.* Deut. 4, 9. *tantum cave tibi, & serva teipsum valde.* Luc. 21, 34. In cautionibus ejusmodi adhibendis diligens est, & eminet inter Concionatores Anglicos Thomas Gataker.

Quær. Uter usus in tractatione debeat præcedere, an adhortationis, an dehortationis? Resp. si documentum sit de virtute, usus adhortationis, quia ille proximus est; si de vitio, dehortationis usus, ob eandem rationem. Non quod semper & ubique uterque usus adhibendus sit, sed quando consultum videtur utrumque tractari;

IX. Usus reprehensionis est; ubi ex textu & documento textus objurgantur homines de non præstito officio, sive erga virtutem, sive contra peccatum. 2 Tim. 4, 2, 3. *Prædica verbum, insta opportunè, importune: redargue, objurga &c.* Et hic maximè usu convenit *ἀναζωπυγῆν τὸ χάρισμα τῆς ἰσχύος*; neque enim

nim accepimus spiritum timiditatis, sed potentiae, & amoris & temperantiae. cap. 1. 6. 7. Hebr. 5, 12. Matth. 3, 7. &c. & 23. Gal. 3, 1. Vel in jure Canonico est 1. dist. 45. ca. sed illud: In populum ira Dei descevit, cum Prædicator delinquentes palpat, & non corripit. & 1. dist. 86. ca. Inferiorum: Negligentia Rectorum imputantur culpa inferiorum. Reprehensio debet fieri. I. Generaliter ἀνὰ προσωποληψίας, in quoscunque peccantes, omnia vitia, vel in Regem 2 Sam. 12, 1. 1 Reg. 18, 18. & 21, 20. Ambros. lib. 5. epist. de Theodosio: Dilexi virum, qui magis arguentem, quam adulantem probaret, & orat. in Auxentium: Respondi ego quod sacerdotis est; quod imperatoris est, faciat Imperator. Prius est, ut animam mihi, quam fidem auferat. Vide de Mari episcopo Julianum increpante, Socratem histor. lib. 3. cap. 12. Et lib. 6. cap. 5. de Chrysosthomo: & alium quoque ex Primoribus aliam ob causam multa cum libertate reprehendit, propter quam multis exosus erat. Gregorius in Pastoralis par. 2. cap. 4. Sæpe namque Rectores improvidi, humanam amittere gratiam formidantes, loqui libere recta pertimescunt: & juxta veritatis vocem nequam jam gregis custodie pastorum studio, sed mercenariorum vice deserviunt: quia veniente lupo fugiunt, dum se sub silentio abscondunt. II. Reprehendi & notari debent vitia particularissimè; non quidem exponi, ut doceantur, sed castigari, ut omittantur; in generalibus hærare neutiquam sufficit, dum in specialibus se obducere homines, solent & vitia quo fuce palliant, eo excusant; atque pauciores gravia illa ac enormia peccata committere videri volunt, proptereaque se nec tangi, quando de iis in genere sermo; magis τὰ κρύπτα ἢ αἰσχύνῃς confundenda sunt, & peccatorum larvæ detegendæ, quo redargutio nostra certius & intimius pungat, moveat, corrigatque: & sanè, dum subtiliores quotidie peccandi viæ

excogitantur, & patrocina, profundiori examine & inquisitione opus hic esse quoque dubitare nemo potest: ipsam cordis arcem, peccati progressus, schematissimos, exceptiones, defensiones subtiliores quasque maxmè impetere necesse est, & curare Marc. 7, 6. *Benè de vobis hypocritis concionatus est Iesaias.* Qui tamen sibi neutiquam videbantur hypocritæ. Apoc. 2, 4. *Verum habeo contra te &c.* vers. 14. Lege & attendissime relege Ezhech. cap. 13. contra eos, qui leviter populo imponunt, dum non sincerè corripunt; atque adde, si placet gravissimam Boltoni contra tales dissertationem in *Instruct. consol. Anglice.* pag. 150. &c. Origenes in Genes. Homil. 10. *asperior fortasse vobis videar, sed non possum linire parietem lapsantem.* Tertullianus: *nullis veteribus parcor, nulli impetigini,* de Pallio. Vide & Jus Canonic. 1. dist. 46. cap. *sunt nonnulli.* Mich. 2, 2. III. Reprehensio libera sit, ex animo non timido, non pusillo, sed virili, sancto, & cœlesti, qui inferiora omnia despiciat. Ex Ambrosio id citat Hincmarus Rhemensis epist. 5. cap. 1. *Non est Imperiale, libertatem dicendi negare: neque Sacerdotale, quid sentias, non dicere.* cap. 2. *Igitur dicamus liberè Domini Sacerdotes, quæ dicuntur notabilia, & reprehensibilia de Rege nostro.* Salvianus lib. 5. de provid. *Nam aut tacent plurimi eorum, aut similes sunt tacentibus, etiamsi loquantur, & hoc multi non inconstancia, sed consilio, ut putant, atque ratione. Exertam enim veritatem proferre nolunt, quia eam aures improborum hominum sustinere non possunt: nec solum refugiunt, sed etiam odiunt & execrantur.* IV. Prudenter tamen adhibeatur. 1 Tim. 5, 1, 2. in quem locum egregiè Calvinus: *Ubi objurgationes sunt faciendæ, summa lenitas adhibenda est, ut intelligat auditor, agi de merâ ejus salute.* Nam qui acerbis increpat, videtur & odisse, & stomachum petulantius vellè effundere; præterea nihil difficilius est, quam ubi incalvimus,

modum ponere nostro fervori: jam vero ubi nos capit impatientia, sine profectu contendimus; præterquam enim quod ludibrio est nostra asperitas, etiam irritat populi animos. 2 Tim. 2, 24, 25. Hebr. 13, 22. 1 Joan. 2, 12, 13. Gregor. Pastoral. part. 2. cap. 10. Nonnulla autem vel aperte cognita, mature toleranda sunt, cum videlicet rerum minime opportunitas congruit, ut aperte corrigantur. Nam secta immature vulnera deterius infervescunt, & nisi cum tempore medicamenta conveniant, constat procul dubio quod medendi officium amittant. Et per totam tertiam partem hoc agit, ut doceat, quomodo aliter hi, aliter illi admonendi sunt: Ut enim longe ante nos, inquit in prologo, reverendæ memoriæ Gregorius Nazianzenus edocuit, non una eademque cunctis exhortatio congruit, quia non cunctis pars morum qualitas astringit. Sæpe namque aliæ officium, quæ aliis profunt. Adde Bernard. serm. 44. in Cantic. Augustinum, vel quicumque Auctor. lib. de Oribus cap. 8. Hinc & illud Zwinglii dictum, quod in concione nonnunquam usurpabat: *frommer man, Nims dich nit an.* Melch. Adamus in ejus vitâ. V. Quin & pro rei gravitate acrior sit reprehensio, atque cum sanctâ severitate hæud leviter pungens. Jes. 58, 1. 1 Tim. 5, 20. & 2 Tim. 4, 2. Marc. 8, 17. Nec dum cognoscitis, neque scitis, adhuc cor vestrum habetis obduratum? 1 Cor. 3, 1, 3. Gal. 3, 1. &c. Ne adulatio veriùs videatur quam reprehensio, vel ut inquit Nilus Abbas in Asceticis: *ne illis adulemur, qui ea complectuntur, quæ nos despicere professi sumus.* Chrysosthomus advers. Judæos orat. 5. in fine. *Ad hæc vos singulis concionibus adhortari non cesso, sive mentem adhibeatis, sive non adhibeatis, ego dicere non desinam.* Nam hanc legem nobis Deus præscripsit, ut sive audieritis, sive non audieritis, hoc ministerium impleamus. Etsi quidem audieritis ea quæ dicuntur, & quæ seq. Adde Ambros. serm. 86. n. jure Canonico 1. dist. 86. can.

86. can. 5. *Veniam à subditis non petat, qui in corripiendo modum excefferit.* Vide & Cæsarii Arelat. homil. 8. in Bibl. P. P. & Nazianzeni Orat. in Julianum.

X. *Uſus Conſolationis* eſt, quo animus adverſus mala hujus vitæ ſive ſpiritualia, ſive corporalia ex textu, vel Documento textus confirmatur, & bono contra recreatur, ac lætatur. Jeſ. 60, 1, 2. *Conſolamini, conſolamini populum meum, dicit Deus veſter.* & cap. 1. 4. *Dominus Jēhova dedit mihi linguam eruditorum, ut ſciam tempeſtive eloqui deſeſſo verbum.* Phil. 2, 1. 2 Theſſ. 5, 14. Hebr. 6, 19. Rom. 15, 4. Quā autem ratione, & modo debeamus conſolari, diximus diſp. de conſolatione.

In hoc uſu, ut quoque in uſu obſervationis praxi peculiarem locum habent *Signa*, quæ ſunt argumenta ſtatus noſtri ſpiritualis. Joann. 13, 35. *In eo cognoscent omnes quod mei diſcipuli eſtis, ſi vos mutuo diligatis;* & in epiſtolā Joannis primā eorum ratio ac uſus ſatis fit manifeſtus. I Joann. 1, 6, 7. & 2, 3. *In eo ſcimus, quod illum cognoviſcimus, ſi præcepta ejus ſervemus, verſ. 4, 5, 9. cap. 3, 7, 10. Incommaniſti ſunt filii Dei & filii Diaboli: quicumque non operatur juſtitiam, non eſt ex Deo, & qui fratrem ſuum non diligit, verſ. 14. Nos ſcimus, quod ex morte tranſivimus in vitam, quia diligimus fratres. verſ. 19. cap. 4, 2, 6, 8. 13, 20. Si quis dixerit: Deum diligo, & odit fratrem ſuum, mendax eſt: qui non amat fratrem ſuum quem vidit, quomodo poterit Deum diligere, quem non vidit? cap. 5, 2, 3. Ita continuò ex amore mutuo & obſervantiā præceptorum Dei ut certiffimis ſignis, argumentum ducens ad veritatem ſtatus noſtri ſpiritualis. Adde Marc. 13, 28, 29. Deut. 18, 21. Pſal. 15, 1, 2. &c. & Luc. 1, 18. Illud unice & graviter hic monendum eſt, ut ſummo cum judicio ac cautione ſigna adhibeantur, non facilè, non negligentè: hæud*

sanè levis illa res est, judicium ferre de alicujus statu & salute, ejusque signa adferre. Cave pecces hic, gravissimè enim in te, ac illos, quos instruis, delinqueres. Juniores hoc præcipuè moneo, qui comuni indolis vitio ad difficiliora impotentius solent æstare; ergò hanc partem omittas potius, quam non solidè & verè tractes, quæ maximè maturum judicium, ac praxin deposcit. Neque multa signa adferas, quum res tanta haud facilè multa ferat; neque semper, gravior enim res est, & sanctior, quam ut vulgò audiatur. Planè ut in Medicis, ita hic, signa vel ex rei naturâ petuntur, vel ex causis, vel ex effectis. Vide Sennertum *Instit. Medic. lib. 3. part. I. sect. I. cap. 3. de signorum fontibus*; ita & hic res se habet. V. g. fidei signa apud Practicos petuntur, vel ex naturâ fidei, vel causis fidei, quo pacto fides nobis ingeneretur, vel ex effectis; inter quæ, illa, quæ ex effectis manifestiora sunt, uti Verulamius in Novo Organo loquitur aphor. 73. *Inter signa, nullum magis certum aut nobile est, quam quod ex fructibus*. Quare hujus generis signa ut tutius, ita libentius premas, atque explices; sed vide, sint certa, ac reciproca, statum meum infallibiliter concludentia, ne sanguinis & animæ te imprudenter reum feceris.

XI. Hic Documentorum & Usuum ordo, non eò facit, ut velimus, semper & pro quaque concione illa omnia isthac ratione adferenda esse, vel ut putemus quemlibet isti methodo alligatum esse, neutiquam, sed ut in genere, quæ nobis exactissima videatur concionandi ratio, doceamus, quam quivis sequatur prout status & ædificatio Ecclesiæ suæ videbitur potissimum postulare. Sunt qui de veritate, alii & plerique de praxi magis instruendi sunt, hi exhortandi, illi consolandi, & sic præcipuè attendendum, quid status Auditorum ferat, de quo sollicitè
caver

cavet Petkins. *de rat. conc. cap. 7. & Teling. necess. demonstr. pag. 122.* Solùm caveatur, ne temerè quælibet confundamus, nihili pensitantes quo quid ordine dicatur, ubi neque conscientia tua, neque Auditoribus facis satis, vel ne divagemur extra omnem textus aut methodi rationem, ne dicatur, quod Bernardus: *at fortasse aliquis mihi dicat: bene admones, sed si ea diceres, quæ tuo proposito convenirent, serm. 13. in Cant.* Nullibi hoc, minimè autem in tam sancta actione probari potest. Vide Amef. *medull. cap. cit. §. 20. Teling. pag. 131.* Director. Anglic. (quæ tria scripta de ratione concionandi præstantissima sunt, & præ multis commendo,) *cap. de conc. verbi* inquit, *quamvis id Concionatori videatur satis molestum esse,* ut sc. Documenta ad usus referat ritè, & conscientia applicet: difficile agnoscens, ut sanè est, quando non perfunctoriè, sed dignè illud instituitur.

Quer. An in concione ars occultanda, an verò omnium oculis aperte detegenda? *Resp.* Quum potissima Ecclesiæ pars, si non omnis, simplicior sit, & illitterata, quumque quo magis omnis concio retineri potest, eo magis quoque ædificet; judicamus, quo apertius hic constet concionis cum materia & forma, eo melius, contra Oratorum regulam, *artis est celare artem,* quod non ita hic & omninò verum, ubi concio à vanitate oratoriæ longius amat discedere, & discrepare. Et sic quod Telingius pag. 131. censet.


XII. *Ad conclusionem,* aliquando *anacephalaiosis* adhibetur, sæpius non: neque etiam Rhetores semper eam necessariam arbitrantur. Pro rei pondere, ac Ecclesiæ necessitate hic agendum. Heb. 8, 1. *κεφάλαιον* dictorum, talem habemus sacerdotem summum. qui sedet in dextra throni Majestatis in cælis. Augustinus serm. inter Homil. PP. pag. 24. *Sed ut*

hæc, quæ suggestimus, sensibus vestræ charitatis tenacius inhereant, breviter quæ dicta sunt, iteramus. Et Bernard. serm. de Clemente Papa: Ergo ut breviter repetam, prima &c. Alioqui abrumperem nonnunquam cogimur, Bernard. serm. 61. super Cant. Rumpamus sermonem, nec enim potest finire modo: ne sit sine modo, si cuncta quæ adhuc ex proposito capitulo restant, uno isto velimus sermone complecti. Vel aliquod dictorum summarium adhibemus modo, & sic concludimus, ut Joan. 20, 31. Et sic Ecclesiastes cap. 12, 13.

XIII. Antiquissimus, & probatissimus ille mos est *finiendi in doxologiam*, quâ vel simpliciter Deo laus dicatur & honor, vel quoque à Deo petatur ejus gratia ad ea, quæ in concione edocti sumus. Ita plerumque finiunt epistolæ Apostolicæ. Rom. 16, 24, 25, 26, 27. 1 Cor. 16, 23. 2 Cor. 13, 13. 1 Thess. 5, 23. 2 Thess. 3, 16, Hebr. 13, 20. 1 Pet. 5, 10. Neque aliter Patrum conciones. Origines Homil. 2. in Genes. *Omnipotentis tamen Dei misericordiam deprecemur, qui nos non solum Auditores verbi sui faciat, sed & factores, & inducat super nostras quoque animas diluvium aque sue, & debeat in nobis, quæ scit esse delenda, & vivificet, quæ judicasse vivificanda, per Christum Dominum nostrum, & per Spiritum suum sanctum. Ipsi gloria in æterna sæcula sæculorum. Amen. Atque ita passim definit: cui gloria & imperium in sæcula sæculorum. Amen. Sic quoque Basilii, Augustini, qui & votum sæpius addit, quam misericordiam faciat vobis Deus, Amen, aut simile. Cætera, quæ addenda sunt, ut superficiatur sensus vester, à Domino querite. Bernardi formula est: qui est super omnia Deus benedictus in sæcula. Cæsarii Arelatensis: Qui cum Patre & Spiritu sancto vivit & regnat in sæcula sæculorum. Scilicet, ut Apostolus monet 1 Cor. 10, 31. sive quid facitis, omnia in gloriam Dei facite. Lutheri illud erat monitum,*
ut

ut tunc finiret Concionator, quando populum cerne-
ret attentissimum, quo sc. alacrior postmodum ite-
rum rediret.

Caput Sextum & Ultimum.

I.  Actenus Concionem formavimus, & uti in initio dictum, omnem concionandi rationem consistere in recte formanda concione, & habendâ, sic jam de eo agendum venit, quomodo ea, quam composuisti, ita quoque, id est, bene habeas. Duo autem maxime consideranda, quid observare Concionator debeat. I. Ante concionem. II. In concione. Addit Telingius tertium, quomodo & post concionem, quod ibi vide, *necess. demonstrat. pag. 137. & Amef. Cas. loc. cit. qu. ult.*

II. *Ante concionem*, quemadmodum de vitâ Concionatoris non necesse est iterum monere, sancta ut sit, ita nec de studiis, ut primum rite didicerit, quæ alios doceat. 1 Tim. 5, 13, 15, 16. Ambros. Offic. lib. I. cap. I. *Vnus enim verus Magister est, qui solus non didicit, quod omnes doceret. Homines autem discunt prius, quod doceant, & ab illo accipiunt, quod aliis tradant.* Ad hoc autem, quod jam unice agimus, illud magis facit ut se digne præparet Concionator ad Concionem mox habendam.

III. *Præparatio* hæc post compositam concionem, ad eam habendam, consistit in tribus. I. Ut bene imprimat memoriæ. II. Magis adhuc animæ, id est, sibi primum illa applicet, quæ alios docere studet. III. Maxime Deo commendat, id est precetur, & precibus id à Deo obtineat, ut sibi suis-
que

que dignè agat, & cum fructu, ad honorem Dei omnino & omnia.

IV. *Memorie* imprimat, sed non hoc solum, ne concionem videatur habere, ut pueri orationem, ex memoriâ magis, quam ex animo, quod est recitare, non agere; attamen & memoriâ probe teneat, quemadmodum Iudæi de Sacerdote M. referunt, qui se pridie & nocte ad diem propitiationis diligenter præparare soleret, ac perpetuâ cum studiosis super sacrificiorum negotio disputatione, & exposito ordine, quo vellet mane oblationes omniaque fieri, memoriâ sic suam exercebat, ne (quod grave piculum æstimabant,) in ipso die sacro alicubi erraret. *Animo* autem suo maturè & integrè docenda applicet, ne alios docens ipse *adonim* sit, ac feriâ & sanctâ meditatione sibi anteloquatur, quam aliis, se commoveat & tum reliquos. Rectissime Prosper Aquitanicus de vit. contemplat. lib. 1. cap. 33. *Lachrymas, quas vult à suis Auditoribus fundi, ipse primitus fundat, & sic eos compunctione sui cordis accendat.* Et Bernhardus ferm. 59. in Cant. *Exemplum sane tum in aliis multis, tum vel maxime hoc in negotio verbo efficacius est. Dabis voci tue vim virtutis, si quod suades, ipse tibi persuasisse cognoscaris.* Inter Martini Dumienensis episcopi sententias, vel in libro ejus de moribus, in bibl. Patrum, & hoc est: *Quicquid dicturus es, antequam aliis dixeris, tibi.* Ideoque illud probatis Concionatoribus semper est in more, ut habendam coram populo concionem primum sibi, suoque animo funditus applicent, ac persuadeant, atque inde ad populum agant, sic melius observaturi illud Bucholceri, Concinatorum concionari debere ex praxi suâ, & auditorum: atque hinc maxima concioni venit efficacia, & Concinatori Zelus. Gregor. *Non enim inflammare verba possunt, quæ frigido pectore proferuntur.* Adde Ames. cas.

cap. cit. qu. 13. Teling. lib. cit. p. 124. quum contra alias gravissima, & affectuosissima etiam sine debita commotione & fructu sæpe abeant, quando ex ore, non animo dicentis veniunt, & non commotum prius Doctoris animum arguunt. Hieronymus epist. ad Nepotianum egregiè: Delicatus magister est, qui pleno ventre de jejuniis disputat. Accusare avaritiam latro potest. Sacerdotis Christi os, mens, manusque concordent.

V. At verò præcipue precatur, instantissime, & omni fervore, quemadmodum ante studia, ut dicenda & componenda inspiraret ei Deus, sic jam mature, ut quam concionem ei dedit recte formare, proptero benedicat & perficiat, hocque largiatur, ut debito modo, animo & gestibus, vi ac demonstratione spiritus ita agat ad Ecclesiam, ut omnes vivissime sentiant, commoveantur, ac sanctissime obtemperent quod Deo per ministerium suum in concione placuerit exponere. Hoc precatur privatim, & publicè; nam ipse duplicem personam quum gerat, erudiendus ut sit juxta alios, illosque simul erudurus, tanto diligentius necesse habet hæc orare Deo, & impetrare. Augustin. de doctr. Christ. lib. 4. cap. 30. *sive autem apud populum vel apud quoslibet dicturus; sive quod apud populum dicendum, vel apud quoslibet dicendum, aut potuerint legendum est dictaturus, ore ut Deus sermonem bonum det in os ejus, Lutherus: bene orasse, est bene studuisse.*

VI. In Concione, ubi actio, duo consideranda. I. Actio, pronunciatio, vel sermo. II. Gestus. In concione, ut loquatur recte Marc. 7, 35. Matt. 10, 19. *ὅτι πάλαι ἔφη. De dicendi genere concionandi agit Augustinus lib. 4. doctr. Christ. ferme totum. Si eloquenter vult dicere, inquit cap. 26. agere debet, ut intelligenter, ut libenter, ut obedienter audiat Sermo ejus. I. Sit clarus, perspicuus, &*

& distinctus. Ezr. 7, 9. Hab. 2, 2. Augustin. cap. 10. *istius lib. quid enim prodest locutionis integritas, quam non sequitur intellectus audientis, &c. Qui ergo docet, vitabit omnia verba, quæ non docent.* & cap. 12, 11. *Patheticus, movens, penetrans.* Augustinus d. lib. cap. 24. *Non tamen egisse me aliquid putavi, cum eos audirem acclamantes, sed cum flentes viderem. Acclamationibus quippe se doceri & delectari: flecti autem lachrymæ indicabant.* Hieronymus ep. ad Nepot. *Docente te Ecclesiâ, non clamor populi, sed gemitus suscitetur. Lachrymæ auditorum, laudes tue sint.* Elegantissima, & vere aurea sententia. Similiter Prosper de vit. contempl. lib. 1. cap. 23. *non vocibus delectetur populi adclamantis sibi, sed fletibus, nec plausum à populo studeat expectari, sed gemitum.* Bernardus serm. 59. in Cantic. *Illius Doctoris libenter audio vocem, qui non sibi plausum, sed mihi planctum moveat. Vere turturem exhibes, si gemere doceas. Et si persuadere vis, gemendo id magis, quam declamando studeas oportebit.*

Quer. An liceat eloquenter, & oratorie dicere?
Resp. Re neglectâ, vel non ita attentâ plus verbis & verborum ornatui studere, vel ita orationis flosculos, & sententiarum elegantias sectari, ut verba faciat præ rebus eminere, & attendi, est ἐν περὶ τοῦ ἀνδρωπίνης σοφίας λόγοις; vel ἐν σοφίᾳ λόγῳ inanem reddere crucem Christi, & sermonem crucis I Cor. 2, 4, 1, 17, 18. *Viro captare flosculos turpe est,* ait Seneca epist. 33. præcipue autem Theologo, & in tali actione. Prosper lib. cit. cap. 34. *Denique alia est ratio Declamatorum, & alia debet esse Doctorum. Illi elucubrata declamationis pompam totis facundia suæ viribus concupiscunt; isti sobrio usitatoque sermone Christi gloriam quærunt, Illi rebus inanibus pretiosa verberum induunt ornamenta: isti veracibus sententiis ornant, & commendant verba simplicia.* Alioqui mascula illa, & nihil

nihil affectati vel vani habens, sed divina eloquentia, qualem in Iesaiâ, Iobo ac Paulo observare est, immo quali vel illustres mulieres induit Dei spiritus, Deborah Iudic. 5. Abigalem: 1 Sam: 25. ne de Mariâ dicam Luc. 1. cum rerum gravitate conveniens, eique subserviens, ut peculiare Spiritus S. charisma 1 Cor. 12, 10, 11. æstimanda est. Ames. *cas. cap. cit. qu.* 12. Adde Medull. *cap. cit. §.* 60. &c. Talis in Chrysosthomo, Augustino; Vide hujus lib. de doctr. Christ. 4. cap. 21. ubi de diverso loquendi genere, quo usi fuerunt Cyprianus, & Ambrosius, loquitur, Veteres ut mittam, talis in Calvino, Farello; Vireto eloquentia; nisi quod in illo præter eloquentiam ita summa eruditio emineat, ut cui primas assignes, in ambiguo sit. Beza eleganti carmine trium istorum in concionando dona ita expressit, ut si in unum daretur ea simul cadere, perfectus is Concionator esset futurus.

*Gallica mirata est Calvinum Ecclesia nuper,
Quo nemo docuit doctius,
Est quoque te nuper mirata, Farelle, tonantem;
Quo nemo tonuit fortius.
Et miratur adhuc fundentem mella Viretum;
Quo nemo fatur dulcius,
Scilicet aut tribus his servabere testibus olim,
Aut inieribis Gallia.*

VII. Vitia sermonis ut plurimum hæc sunt. I. Verbis plus attendere, quam rei; contra illud Augustini: *in ipso etiam sermone malit rebus placere, quam verbis*, lib. cit. cap. 16. II. *μωρότης* esse, vitium pæne omnibus primum incipientibus commune, si modò illis vitium dici debeat: quum pro rei naturâ, & concionis incremento sermo quoque se flectere, & augere debeat. Augustin. cap. 19, 21. III. Si vel breviores faciat periodos, vel iusto longiores. Basiliius in verba Moſis, *attende tibi: est enim ex natu-*

debeat; cui jungit Gregorium *Pastoral. part. 2. cap. 6. & lib. 26. in Iobum, cap. 1.* In quorum commentariorum, sive librorum fine ingenue ita subiungit: *Bona vero si qua divinitus accipiens dixi, meo videlicet vitio minus me dixisse profiteor. Nam ad me intrinsecus rediens, postpositis verborum foliis, postpositis sententiarum ramis, dum ipsam subtiliter, radicem meae intentionis inspicio: Deo quidem ex ea me summo-pere placere voluisse cognosco, sed eidem intentioni qua Deo placere studeo, furtim se, nescio quomodo, intentio humana laudis interferit.*

VIII. In *Gestibus* hæc observanda. I. Ut semper ac perpetuo sint graves, decori, sancti. II. Ad rem, quam tractas, convenientes; id est, quemadmodum, de voce dictum, ut non iidem semper, sed pro rei varietate alii atque alii, semper sint congrui. III. In exordio nulli vel paucissimi, paulatim aliqui, in fine omnes nempe quos adhiberi convenit. Plura de his addere supersedeo, quia facilia, & apud Rhetores, ubi de Pronunciatione agunt, copiosè explicari illa solent. Cic. *ad Herenn. lib. 3. & 4.* Et de *Oratore lib. 3.* Quintil. *Instit. Orat. lib. 10. & 11.*

IX. Haftenus de concionis qualitate quasi, jam & de quantitate aliquid addendum, sive *quamdiu* concionandum, & *quoties*. Ut nimium breves, ita quoque prolixiores conciones iuste reprehenduntur. *Brevis prædicatio, longa ruminatio, actio perpetua.* Beatus Hussus in epist. ad quendam Sacerdotem, apud Foxum in Martyrol. pag. 817. *Concionare perpetuo, sed breviter, & cum fructu, prudenter intelligens, & discretè dispensans S. Scripturas.* Tempus haud idem & constans definiri nequit, quamdiu concionandum, sed pro re nata, & Ecclesiæ usu agendum; videntumque ne nimia prolixitas tædium faciat, sed abrupimus & differamus potius, quæ concionem

ultra solitum & concessum tempus detinerent. Augustin. in Psal. 90. concione secundâ : *sicut non dubito meminisse charitatem vestram, qui hesternò die sermoni adfuiſtis, Psalmum quem caperamus exponere, ne ad terminum perveniret, angustia temporis impedit, & dilata est pars ejus in hodiernum diem. Hec qui hærri adfuiſtis, recordamini, qui non affuiſtis, agnoscite. Non minimam hic Auditorum quoque habendam rationem, significat Chrysosthomus orat. 4. adv. Judæos: Verum quoniam tantum est dicendum, quantum auditer possit capere, nec omnia simul, nec acervatim, illis in aliud tempus dispensatis, hic sermonem finiemus, exhortantes vestram charitatem, meminere eorum, quæ dicta sunt, & hæc illis, quæ prius dicta sunt, annexatis. Alioqui per horæ spatium concionari solitos Patres observamus. Basil. in Psal. 14. secundum distinctionem Latinorum, sive in reliqua, quæ super eodem Psalmo dicenda restabant, contra feneratoros, ita exorditur : *Hesternà die super Psalmo decimo-quarto sermonem apud vos habuimus, quem sub horæ spatio absolvere nequivimus, nunc autem ut certi debitores, reliqua quæ restabant, libentes exsolvaturi venimus. Bernardus serm. 14. in Cantic. sed hoc quoque alias. Nam etsi in promptu nunc essent omnia, & neque vos onerati, nec ego fatigatus essem, hora tamen finem inducit. serm. 46. Iam etiam, quid de sua consequenter charisma protestetur, bonum esset audire, sed hora non patitur. serm. 83. quantum quidem regularis hora permisit, quam nobis instituimus ad loquendum. Atque illud justum habendæ concioni tempus videtur : tantum enim unâ horâ facile dicitur, quantum totâ vitâ discitur.**

X. Silimiter neque id certo & universaliter definiri potest, quoties sit concionandum, verum officii & Ecclesiæ ratio hic leges ferunt. Singulis præcipue Dominicis concionari, ut justissimum, ita in omni Eccle-

Ecclesiâ id apud Patres observatum videmus. Ambrosii conciones ita sæpius incipiunt, ab eo, quod superiore Dominica tractasset, serm. 2, 6, 15, 24, 29, 35, 43, 47, 85. &c. Idem de illo Augustinus in Confess. fatetur lib. 6. cap. 3. *Et eum quidem in populo verbum veritatis recte tractantem, omni die Dominico audiebam.* Baron. Annal. ad Annum 375. num. 24. Atque hoc injungit can. 19. synodi 6. in Trullo, ad quem vide quoque Scholia Balsamonis pag. 380. Potissimum bis in hebdomade Antiochenis suis concionem habebat Chrysosthomus, patet ex Homil. 24. vel sec. al. cod. 25. in Joann. Pueri, singulis diebus ad scholas aguntur, ἀλλὰ δύο μόνον τὸ ἐβδομαῖον ἡμέρας καταλαμβάνει τοῖς λεγομένοις πρὸς βραχὺ τὸ ἡμέρας μέγεθρον quamvis etiam quotidie nonnquam concionatum fuisse legimus, Homil. ad Antioch. 13. *Ab eodem principio, & iisdem promissis, quibus heri & nudius tertius capi, & hodie incipiam.* De quâ homiliâ quoque Baronius late agit ad Annum 388. num. 13. Homil. 4. de pœnitentia, inquit, *quartum jam diem hunc ad pœnitentie modum gregem hunc pascimus, neque vel hodie digredi paramus,* & Homil. 9. de pœnit. Atque idem plerisque Patrum observamus, illos ferme quotidie concionatos fuisse, Ambrosius serm. 64. *quoniam hesternò die de latrone fecimus mentionem.* Basilus in Psal. 14. *Hesternâ die super Psalmo decimoquarto sermonem apud vos habuimus &c.:* immo, ut statim videbimus, quidem bis in die, Augustinus in Psal. 30. conc. secundam sic concludit: *Iam sufficiat charitati vestræ, quod restat in nomine Domini crastina die ipso adjuvante reddemus.* Conc. sec. in Psal. 33. *Qui hesternò die affuistis non dubito meministis pollicitationis nostræ.* In Psal. 34. conc. sec. *Quousque hesternò die disputatum sit, credo meminisse charitatem vestram, ex ipso loco hodie sumamus exordium.* Similiter in Psal. 50, & 68. conc.

sec. & in 90. conc. item secunda. De verbis Apostoli serm. 5. *Hesternam lectionem, de Sancti Apostol. Pauli epistola, qui sermoni adfuiſtis, audiſtis, illa lectio ſequitur, quæ hodie recitata eſt. & serm. 6. & 17. Bernardus serm. in Cantic. 80. Quidam veſtrum (ut comperi) minus æquo animo ferunt, quod ecce jam per aliquot dies dum ſtupori & adminiſtrationi ſacramentorum inherere delectat, ſermo quem miniſtramus &c. serm. 14. tenete, in quo attentos vos reddidi, ut non ſit cras neceſſe repetere. Serm. 38. quid igitur Dei ignorantia parturit? nam hinc incipiendum eſt, ſicut recordamini hic heri fuiſſe terminatum. ſerm. 68. Audite jam, quod heri diſtulimus. ſerm. 83. biduum hoc in demonſtranda verbi animæque aſſinitate expenſum eſt. ſerm. 8. in eundem Pſalmum. Quin & bis sæpe in die concionabantur, ita Baſilius, mane nempe & veſperi: Homil. 3. Hexaem, Opera diei primi &c. oratio noſtra heſterno die in medium attulit. interpretationiſque bipertito diverſæ partem alteram matutinum alimentum, alteram veſpertinam lætitiã animarum. Auditoribus obtulit, atque appoſuit. Et ut ſcias coram populo illam habitam, ſubjungit: at me non præterit, cum plures operarios artifices ex opera quotidiana ſibi victum comparantes, nos cingere, atque ſtipare, qui noſtram orationem brevem eſſe percipiunt, ne ſuis ab officiis longo tempore diſtrahantur. Homil. 8. in fine: Verum hic finis ſit huiusce noſtri convivii matutini, ne ſatietas exuperans vos ad veſpertinas ſumendas epulas voluptatesque capiendas hebetiores efficiat. Et ſic in initio 9. homil. Qualesnam eſt vobis epulæ viſæ ſunt, quas in aurora vobis mea appoſuit oratio? ſerm. 2. in divit. avar. quæ dicta ſunt hodie mane, fratres dilectiſſimi, diligens auditor facile reminisci poterit. Quæ omnia eo ſpectant, ut praxin Veterum cognoſcamus, & diligentiam illorum in concionando obſervemus, ac ſimul æmulemur. Verbum Dei uſque ad ipſam ſuam extremam ægritudinem*


impre-

impratermisse, alacriter & fortiter, sana mente, sanoque consilio in Ecclesiâ prædicat, inquit de Augustino Possidonius, in ejus vita cap. ult. Neque aliter Calvinus, qui, ut in vitâ ejus testantur Beza, ac Melchior Adamus, indefessus in concionibus, quæ nobis divinos illos in Utrumque Testamentum commentarios dederunt. Alternis hebdomadibus totis concionabatur, triduo vero docebat; singulis diebus Iovis Presbyterii cognitionem regebat, diebus Veneris in communi collatione scripturæ, quam Congregationem ipsi vocant, justam prælectionem habebat &c. quare vel morti jam proximus, Amicis, ut saltem ægrotus ab omni scribendi vel dictandi molestia ulterius vacaret, ita vir maximus respondebat: quid ergo, vultis me otiosum à Domino deprehendi? atque ita de eo Thuanus lib. 36. cum septennium integrum variis morbis ac cruciatibus conflictatus esset, nec minus propterea in munere suo assiduus, aut a continua scriptione abstineret. &c. De Ivello, eruditissimo inter Anglos Theologo, idem in vita ejus narratur; quod Amico à concionando ipsum ob corporis imbecillitatem dehortanti, sic responderit: oportet episcopum concionantem mori, ad simile Vespasiani Imp. dictum procul dubio alludens. Marc. 10, 1: quemadmodum solitus erat, iterum docebat eos.


F I N I S.



ADDITAMENTUM AUCTORIS.



UT maximum semper est Theologi studium, bene concionari: ita haud minimum studiosi negotium, artem ejus sacram probe addiscere. Nemo unquam est concionatus, qui non de ejus ratione saepe cogitarit, & fideliter rem qui aget, attendit semper, quo pacto ad maximum Ecclesiae fructum concio ejus possit institui. Eum in finem, ut cum studiosis nostris jam agamus, rectissimam ejus rationem nunc inquirere placet, & exponere. Quare commendamus non auctores modò, puta inter veteres, Chrysosthomum lib. 5. de Sacerd. August. de doctr. Christian. lib. 4. Gregor. M. in pastorali; inter recentes qui hac de re scripserunt, Erasmus, Hyperium, Keckermannum, Sobnium, (praeter Pontificios, Granatensem, August. Valerium, Stellam, Peresium, Johannem à Jesu Maria. Polydorum Virgilium) Zepperum, Bucanum, Crocium, Hummum, Joh. Gerhardum, Scultetum, Perkinsum, Weemsum, Granogerum, Amesium, Rich. Bernardum, Telingium, Alstedium, Walaeum, Stresonem, &c. Quodque praecipue indicamus, Directorium cultus publici, in Anglià hoc anno auctoritate Parlamenti editum, & erectum, cap. de praedicatione verbi: quo Theologi istius gentis, ob concionandi praxin praee omnibus celebres, observata sua simul centulerunt: sed & ipsarum concionum auditionem sedulam, atque lectionem; unde tum proprium judicium de optimâ methodo sibi colligant, ac forment studiosi; neque temere Rev. D. Streso hoc technologiâ suâ Theol. fatetur se unice intendisse, ut istam Anglorum practicam feliciter deprehenderet, atque aliis communicaret; adeo praee omnibus meritò se commendat.



COROL-

COROLLARIUM AUCTORIS,




Nnon ex usu Ecclesiæ foret, Candidatos Ministerii etiam admittere ad Conventus Ecclesiasticos, ut Auditores? Sicut in senatu Romano, olim Senatorum filiis licuit, Sueton. in Augusto cap. 38. *libris Senatorum, quò celerius R. P. assuescerent, curiæ interesse permisit.* Et apud Judæos in summo Senatu Jerosolymitano, Sanhedrin etiam Candidati sedebant. *Mischana Sanhedrin cap. 4. §. 4. וְגוֹ שְׂרָרָתָם של תַּחַם Tres discipulorum, sive Candidatorum ordines coram illis sedebant.* Quibus vel licuit aliquando interpellare, quod nos docet Moses Mikkotzi præc. aff. cvii. *גַּם תִּלְמִיד etiam discipulus sedens coram iudice, si videat innocentiam pauperis, & culpam divitis, tacere haud debet.* Aff. prout Theologi Zelandi judicabant in Synodo Dordrac. Sess. xviii.

ERRATA CORRIGENDA.

PAg. 19. lin. 12. lege arque. p. 36. l. 13. revelans.
 p. 41. l. 23. imitationem. p. 48. l. 4. post filium
adde illum Dei; & ut credentes vitam habeatis per
nomen. p. 79. l. 4. à f. ἐναντιωφάνῃ. p. 102. l. 15.
 vafro. p. 123. l. 26. citra. p. 128. l. 21. hominem. p.
 147. l. 14. cognoscentem. l. 15. revereamur. p. 164.
 l. 3. Photinianismus. p. 169. l. 5. inenarrabilibus. l. 8.
gemere. l. 22. personis. p. 179. l. 28. veneunt. p. 182.
 l. 33. prævisa. p. 194. l. 6. custos. l. 16. mare. p. 201.
 l. 3. à f. potuit. p. 215. l. 12. Gene- p. 216. l. 1. ut. l. 8.
extremo. l. 9. extremum. p. 222. l. 21. perficeret.
 p. 359. l. 3. à f. uxorem. p. 390. l. 7. 13. pro 8. p. 394.
 l. 11. 12. pro 7. l. 28. 1 Joh. p. 395. l. 11. infligens.
 p. 399. l. 19. cenſitæ. p. 409. l. 7. à f. caro. p. 418.
 l. 6. à f. iſta. p. 430. l. 18. 15. pro 11. p. 467. l. 9. de-
ſtinatum. l. 10. regia. p. 506. l. 24. Dei. p. 514. l. 18.
ipſa. p. 526. l. 3. à f. 1. 17:2. 10. p. 538. l. 26. simpli-
citer. p. 558. l. 29. Θεωπνύſως. p. 593. l. 25. xī.
pro 2. p. 704. l. 25. ſit. p. 766. l. 4. à f. honesti.





5-1

